

SVM CONSOI TOLET



H. IV. 8



Baptismus.



FRANCISCI
TOLETI
S. R. E. CARDINALIS
SUMMA
CASVVM CONSCIENTIAE
SIVE
DE INSTRUCTIONE
SACERDOTVM .LIB. VIII

Qua cum Autographo accuratè col-
lata, correctæ & in multis locis
aucta est.

Accessit hac postrema editione
TRACTATVS de SACRO
ORDINE a MARTINO
FORNARIO eiusdem Societa-
tis compositis.

COLONIA AGRIPPINA
Sumpt. Ioannis Gymnici, et
Lamberti Rasfelt.



Natrimonium.



Ordo.

Confirmatio.

Cum Privilegio S. C. Maiest. L.
M.D.C.VIII.



Eucharistia.




Penitentia.



Extr. unctio.

*P. J. Camaliten Orem, Jacobi Wyggen' imp. ut
a Concilio Geronico 2. Patre in ditione
1637. & Catholico in scriptis Augusti*





PRÆFATIO AD LECTOREM.



QVVM hæc Francisci Toleti Cardinalis de ratione officiorum summa, sacerdotum instructio, non ita pridem, valdè imperfecta, atque adeò mutila ac deprauata prodierit, reddenda ratio videtur, prudens Lector, diligenter, & quare id acciderit, & quo studio ac diligentia modò curatum sit, vt in hac editone non solum superiorum editionum errata corrigerentur; sed etiam opus ipsum imprimis augeretur & ornaretur. Etenim statuerat ipse quidem autor id opus in lucem edere; verùm non nisi accurate à se recognitum ac locupletatum. Quòd cum planè perficere, vt instituerat, præuentus morte non potuisset, ne opus quidem potuit, autore viuo, prodire. Ergo non ita multò post, quàm vitæ tantus excessit è vita typographi quidam exemplum fortè nescio quod nacti ex ijs, quæ Cardinali publicè olim docente, dum in minoribus, vt iam loquimur, esset, tum multuaria opera auditores exceperant; vtrò mandare prælo ac diuulgare non dubitârunt. Quamobrem, non modò contra quam Autor statuerat, impositum opus prodijt, & imperfectum quippe, cum in eo multa, vt infra dicitur, à Cardinali addita & perpolitâ desiderentur; vèum etiam erratis mendisque non paucis inquinatum. Nam, & in illud operatum vitio irrepererunt, & multò plura ex ipsò exemplari redundârunt: quæ Autoris autographo ita repugnant; vt sæpè diuersam sententiam, sæpè etiam illi contrariam, in qua fuit autor, complectantur. Quare, vt his incommodis, quoad eius fieri posset, subueniretur, simulque consuleretur summi viri existimationi, atque vtilitati legentium; quasitum est exemplum ipsius Toleti manu conscriptum, & ab eodem multis

P R A E F A T I O.

locis correctum ; quod est Romæ apud Patres Societatis Ies-
 us v: cum quo ab eisdem patribus vnum ex istis, quæ, ita vt di-
 ctum est, inconsulto fuerant excusa, accuratè occultum est, at-
 que vbi discreparet, emendatum. At enim alij quoque se id
 correxisse profitentur. Verùm qua tandem ratione id assecu-
 ti dicantur ? qui neque authoris autographum videre, neque
 eius consilia, sensaque animi diuinari potuerunt. Huc acce-
 dit, quod etiam si Franciscus Toletus, Vir doctissimus easdem
 quæstiones ac disputationes, quas tractare fusiùs e-
 que ornate, non planè reliquerat absolutas; curatum tamen di-
 ligenter est, vt quæ iam adiunxerat expolireque cor-
 alibi sæpè suis quæque locis infererentur, tum hæc, primo
 potissimum libro de excommunicatione, suspensione, Inter-
 dicto, depositione, & irregularitate, explicatio de Bullæ
 in Cœna Domini: quarum profectò rerum veritas, dumtaxat
 aliqua in ijs exemplaribus apparebant, quæ hanc nostram
 editionem, circumferebantur. Quare cætera exempla, quæ ad-
 huc in hominum manus peruenerunt, nulla ratione videntur
 esse cum his nostris, aut multitudine rerum, aut sinceritate le-
 ctionis, aut sententiarum maturitate conferenda; quippe, cum
 illa, vt erant olim non tam à Francisco Toletio iuniore tum
 temporis dictata, quam à non doctissimo quopiam auditore
 festinanter excepta prodierint; hæc verò vt sunt ab eodem To-
 leto iam seniore, longoque rerum multarum ac maximarum
 vsu, Romanæque præsertim curiæ prudentissimo, seque ipso
 quodammodò doctiore ac peritiore recognita, aucta, & pro-
 pemodum perpolita, ita edantur in lucem. Excipe igitur, hu-
 manissime Lector, hoc opus, ea, qua soles alacritate cætera hu-
 ius viri opera complecti. Nam etsi nō est omninò, vt diximus,
 vt alia eiusdem opera, quæ antea prodierunt, ab ipso recogni-
 tum, atque omnibus, vt dicitur, numeris absolutum; tamen, &
 rerum, quæ in eo tractantur utilitas ac necessitas, quum videli-
 cet ad sempiternam animorum salutem maximè referantur, &
 Scriptoris ipsius autoritas, doctrina, perspicuitas, grauitas; &
 adhibita in eodem opere corrigendo, illustrando, augendo cu-
 ra, atque industria est eiusmodi; vt speremus non minus tibi
 hoc opus gratum fore, quàm cætera, vtilius etiam fortasse,
 quàm cætera. Vale.



INDEX CAPITVM HVIVS OPERIS.

CAPITA LIBRI PRIMI.

1	Q	uid sit sacerdos, & quare sic dicatur.	pag. 1.
2	In	quibus differat sacerdos Euangelicus ab alijs	
	P		3
3		De gemina sacerdotis potestate, & de duplici clauē.	5
4		Quid excommunicatio sit.	7
5		De speciebus excommunicationis.	8
6		De causa efficiente excommunicationis, seu de eo, qui potest excommunicare.	9
7		De causa materiali, seu de eo, qui potest excommunicari.	13
8		De materiali causa proxima excommunicationis.	14
9		De formali causa excommunicationis.	19
10		De quibusdam qualitatibus excommunicationis, & de causa finali eiusdem.	23
11		De quibusdam communiter vocatis effectibus maioris excommunicationis.	27
12		De intelligentia predictorum, iuxta extrauagantem Martini V.	31
13		De effectibus propriis maioris excommunicationis.	33.
14		De quibusdam adnotandis in absolutione ab excommunicatione.	40
15		De eo, qui potest absolvere ab excommunicatione in mortis articulo.	43
16		De eo, qui potest absolvere ab excommunicatione extra	tra

INDEX

tra mortis articulum.

17	De minori excommunicatione.	48
18	De excommunicationibus in Bulla Cœnæ reſervatis.	54
19	De prima excommunicatione in Bulla Cœnæ.	58
20	De 2. & 3. excommunicatione in Bulla Cœnæ.	64
21	De 4. & 5. excommunicatione in Bulla Cœnæ.	66
22	De 6. excommunicatione in Bulla Cœnæ.	70
23	De 7. excommunicatione in Bulla Cœnæ.	73
24	De collatione eorum, quæ dicta ſunt in c. p. ſedenti, cum hiſ, quæ ſunt in iure communi.	78
25	De 8. 9. 10. & 11. excommunicatione in Bulla Cœnæ.	81
26	De 12. & 13. excommunicatione in Bulla Cœnæ.	84
27	De 14. & 15. excommunicatione in Bulla Cœnæ.	85
28	De 16. & 17. excommunicatione in Bulla Cœnæ.	87
29	De 18. & 19. excommunicatione in Bulla Cœnæ.	88
30	De 20. & nonnullis alijs præter excommunicationes in Bulla contentis.	91
31	Qui contrahant excommunicationem ob iniectiōē manuum in Clericos.	93
32	Qui excommunicati ob manuum violentā iniectiōē nem ab alio, quam à Romano Pontifice abſolui poſſint.	97
33	In quibus caſibus non contrahatur prædicta excom- municatio.	100
34	De nonnullorum dubiorum reſolutione.	105
35	De excommunicationibus in decretalibus, & in ſex- to reſervatis.	109
36	De excommunicationibus reſervatis in Clementinis, & in extraneis.	113
37	De excommunicationibus non reſervatis in decreto, & decretalibus.	117
38	De excommunicationibus reſervatis in ſexto.	126
39	De excommunicationibus non reſervatis in Clemen- tinis.	138
		40 De

CAPITV M.

40	De excommunicationibus non reservatis in extra- vagantibus.	144
41	De excommunicationibus in Cōcil. Trid. positis.	146
42	Quid sit suspensio, & quæ eius species.	147
43	De quibusdam regulis, quibus explicatur species su- spensionis prædictæ.	149
44	De causis suspensionis.	151
45	1. Effectibus suspensionis.	154
46	De solutione à suspensione.	158
47	De suspensione Concubinarum notorum.	161
48	De nonnullis iuris suspensionibus.	165
49	De suspensionibus Concil. Trid.	173
50	De degradatione seu depositione.	176
51	Quid, & quotuplex sit irregularitas.	183
52	De irregularitate ex defectu natalium.	188
53	De irregularitate ex defectu originis.	190
54	De irregularitate ex defectu liberationis.	193
55	De irregularitate ex defectu ætatis.	194
56	De irregularitate ex defectu fame bonæ.	197
57	De irregularitate ex defectu corporis.	200
58	De irregularitate ex defectu animæ.	207
59	De irregularitate ex defectu sacramenti.	210
60	De speciebus & modis bigamiæ.	212
61	De alijs bigamiæ speciebus.	216
62	De dispensatione irregularitatis ex bigamiæ.	220
63	De irregularitate ex delicto hæresis.	224
64	De irregularitatibus ex delicto circa baptismi sa- cramentum.	227
65	De irregularitatibus ex delicto ordinum susceptio- nem.	229
66	De irregularitatibus in ordinis ministerio.	232
67	De irregularitate ex delicto in scientia discenda, vel docenda.	240
68	De irregularitate ex criminis notorietate.	241

INDEX

69	De irregularitate ex homicidio.	241
70	De irregularitate ex mutilatione.	246
71	Quotuplex homicidium & mutilatio.	250
72	Quando ex mutilatione, vel homicidio nō inducatur irregularitas.	255
73	De irregularitate ex homicidio voluntario.	257
74	alias 79. De irregularitate homicidij ex facto.	261
75	alias 80. De irregularitate ex homicidio c. ali.	270
76	alias 81. De nonnullis alijs circa huiusmodi regulas.	277
77	alias 82. De homicidio lingua perpetrato.	284
78	alias 83. De irregularitate ex manu.	285
79	De irregularitate ex consilio.	291
80	De irregularitate ex defensione.	296
81	De alijs modis contrahendi irregularitatem homicidij.	303
82	De dispensatione irregularitatis ex homicidio.	309
83	De modis quibus quavis irregularitas tollitur.	315
84	De iurisdictione.	319
85	De peccato mortali.	320
86	Quando licet à malis ministris accipere Sacramenta.	322
87	De qualitate ordinatorum.	324

CAPITA LIBRI II.

1	D e dispositio necessaria ante celebrationē.	328
2	De dispositionibus in ipsa celebratione.	332
3	De dispositionibus post consecrationem.	337
4	Quid sit Missa.	338
5	De Missa partibus.	340
6	De valore huius Missæ, ratione sacrificij.	344
7	De ijs quibus sacrificium prodest.	345
8	De resolutione trium dubiorum.	347
9	De re-	

CAPITV M.

9	De remedijs erga ea, quæ in Missa accidunt.	349
10	Quid diuinum officium dicatur.	352
11	Quotuplex sit istud officium.	355
12	De obligatis ad diuinum officium persoluendum.	358
13	De circumstantijs circa diuinum officium obseruandis.	358
14	De causis excusantibus ab officio persoluendo.	363
15	De sit sacramentum.	365
16	De rebus, quæ in sacramento necessaria sunt.	367
17	De numero & sufficientia sacramentorum.	369
18	De materia remota & propinqua baptismi.	371
19	De materia baptismi.	373
20	De ministerio ante baptismum.	377
21	De suscipiente baptismum.	379
22	De effectibus & speciebus baptismi.	382
23	De solennitatibus baptismi.	383
24	De Confirmatione.	385
25	De Eucharistia materia.	387
26	De forma corporis & sanguinis.	389
27	De efficacia verborum formæ.	391
28	De ministro & suscipiente.	392
29	De modis suscipiendi sacramentum, & eius effectus.	394
30	De varijs nominibus huius sacramenti.	396

CAPITA LIBRI III.

1	Quid sit peccatum.	397
2	De peccatorum differentijs in communi.	399
3	De partibus essentialibus peccatorum, & effectibus.	402
4	Quid sit contritio, quid attritio.	404
5	De quibusdam dubijs circa contritionem.	407
6	Quid sit confessio.	409
7	Qualis debet esse confessio.	411

† s

8 Qui

INDEX

8	Quibus casibus confessio non integra est valida.	pag. 414
9	De alijs confessionis qualitatibus.	418
10	Quibus in casibus sit denuò facienda.	420
11	De satisfactione.	422
12	De absolutione.	426
13	De confessario.	427
14	De his, à quibus proprius Confessarius pot uere.	absol. 432
15	De scientia confessarij.	434
16	De sigillo observando à Confessario.	436
17	De examine faciendo à Confessario.	439
18	De his, quæ in confessione petenda su	442
19	De his, quæ post confessionem petenda sunt.	443
20	De pœnitente.	444
21	De effectu sacramenti.	446

CAPITA LIBRI IV.

1	Q uid sit fides, quæ eius sit materia.	447
2	De modo & necessitate fidei.	449
3	Quid sit hæresis, quare sic dicatur.	451
4	Quibus modis peccetur peccato hæresis.	454
5	De excommunicationibus aliorum circa hæreticos.	456
6	De apostasia & infidelitate.	458
7	De spe, & peccatis contra spem.	460
8	Quid sit charitas, & quàm necessaria sit.	463
9	De peccatis contra charitatem.	466
10	De amplitudine charitatis, quæ est erga proximum.	469
11	De modis, quibus proximo possumus velle malū tem- porale, & de schismate.	473
12	De primo decalogi præcepto.	474
13	De blasphemia & impietate.	476
14	De	

CAPITVM.

14	De superstitione.	479
15	De diuinatione.	482
16	De vana obseruantia, & maleficio.	485
17	Quid votum, quæ eius materia, quanta sit eius obligatio.	489
18	De votorum differentijs, & ipsorum relaxatione. pa.	94.
19	De ratione Dei.	493
20	De secundo precepto. Quod iuramentum sit, quot eius species.	500
21	An licet iurare, & quomodo.	502
22	De obligatione iuramenti.	507
23	De iuramenti dispensatione.	511
24	De tertio precepto decalogi.	512
25	De peccato non sanctificandi festa.	515

CAPITA LIBRI V.

1	D e quarto precepto decalogi. Honora parentes	517
2	De obligatione viri & vxoris.	521
3	De Episcopo.	523
4	De Episcopo post consecrationem.	526
5	De Curato.	533
6	De quinto precepto & peccato se occidendi.	536
7	De homicidio sine intentione.	546
8	De circumstantijs homicidij.	548
9	De intellectu precepti non occidendi.	552
10	De sexto precepto de simplici fornicatione.	555
11	De adulterio & stupro.	557
12	De incestu, raptu, & sacrilegio.	560
13	De peccato contra naturam.	562
14	De ijs, quæ in isto precepto simul prohibentur.	566
15	De septimo precepto. Quid sit furtum.	567
16	De speciebus furti, & quod peccatum sit furtum	569
	17 Quid	

I N D E X

17	Quid restitutio, quis restituere teneatur ratione rei malè accepta.	571
18	Quis restituere teneatur ratioe rei benè accepta.	577
19	De tertia radice, qua dicitur iniusta actio.	579
20	De restitutione iniusta acceptionis et detentionis.	582
21	De quarta radice restitutionis.	585
22	Quid sit restituendum.	588
23	Cui restitutio sit facienda.	591
24	Quantum, quomodo, quando sit restituendum.	593
25	Quo ordine, quoque loco sit restituendum.	597
26	Qua causa excusent iniquum.	599
27	De alijs duabus causis non restituendi.	602
28	De usura, quid sit.	605
29	Quotuplex sit usura, & de mentali,	606
30	De usura exteriori explicita.	610
31	De usura exteriori palliata, seu implicita.	612
32	De causis, propter quas lucrum in mutuo potest exigi.	614
33	De lucro cessante.	616
34	De alijs causis exigendi in mutuo lucrum.	618
35	Quantum debeat usurarius restituere, & ex quibus bonis	621
36	Qui obligentur restituere ratione usurae.	624
37	De accipiente ad usuram.	626
38	De monte pietatis.	628
39	De alijs montibus, qui in usu sunt in quibusdam lo- cis.	629
40	De societate officiorum.	632
41	De alijs tribus speciebus.	636
42	De censibus, quid census.	638
43	Quotuplex census.	639
44	De emptione & venditione censuum.	641
45	De necessarijs ad iustitiam contractus huius secun- dum se.	643
46	De	

C A P I T V M.

46	De iustitia emptionis censuum, vt modo sit.	645
47	De necessarijs ad huiusmodi contractum.	646
48	De quibusdā circumstātijs in censibus apposis.	649
49	De censu temporali.	651
50	Quid sit cambium, quot eius species.	652
51	De iustitia cambij ad minutum.	653
52	De iustitia cambij sicci.	655
53	De quibusdam notabilibus pro alijs cambiorum speciebus.	658
54	De cambio per literas.	659
55	De cambio reali.	662
56	De octo praecepto: Non falsum testimoniū dices.	663
	Ibidem. Iudicis iniustitia.	
57	De accusatore.	666
58	De Reo.	669
59	De Teste.	671
60	De Advocato.	674
61	De Notario.	676
62	De Procuratore.	679
63	Quid detractio, quotq; ipsius modi sint.	681
64	Quale peccatum sit detractio.	683
65	De resolutione aliquorum dubiorum.	685
66	De dubio secundo.	687
67	De audiente detractorem.	689
68	De restitutione famae.	691
69	De modis restituendi famam.	692
70	De tribus dubijs circa restitutionem famae.	693
71	De nono praecepto: Non concupisces re proximi.	694
72	Quid Gabella, & quotuplex.	696
73	De iustitia exigentis vectigalia.	697
74	De iustitia exigentis guidagia.	699
75	De iustitia soluentis gabellas.	700
76	Quid beneficium, & quotuplex.	701
77	Quis possit conferre beneficia.	703

††

78 Quo-

INDEX

78	Quomodo aliquis debeat dare beneficia alteri.	704
79	De accipiente beneficia.	706
80	An liceat plura habere beneficia simul.	ibid.
81	Quando liceat plura habere beneficia.	707
82	Quid pensio, quotuplex, in quib. à beneficio differat.	
	711	
83	Quomodo quis licetè pensionem habeat.	713
84	De Simonia, quid sit.	715
85	Quale peccatum sit Simonia.	717
86	De speciebus Simonia.	718
87	De tribus regulis ad cognoscendam simoniam.	719
88	De simonia in primo & secundo genere rerum spiritualium.	720
89	De simonia in tertio genere rerum spiritualium.	723
90	De simonia in sacerdotiorum emptione & ven.	725
91	De simonia in permutatione & locatione.	728
92	De simonia in pensionibus.	730
93	De pena simoniaci.	731

CAPITA LIBRI VI.

1	D E ieiunio: Quid sit ieiuniū, & quotuplex.	734
2	Quis finis ieiunii, & qualis modus sit.	736
3	Quando sit ieiunandum, & qualis obligatio.	740
4	Qui excusentur ab obligatione ieiunii ecclesiasti.	742
5	De obligatione ieiunii respectu aliorum.	744
6	De secundo precepto audiendi sacrum.	746
7	Que Missa, quo loco, & quanta sit audienda.	747
8	A quo, & quando, & qua obligatione sit Missa audienda.	749
9	Que causa excuset ab audiendo sacro.	ibid.
10	Quomodo audiendum sacrum, & que utilitas ex auditione.	752
11	De tertio precepto Ecclesiæ.	754
12	De quarto precepto. Quid sit Eucharistia.	757
13	Quare instituta est Eucharistia.	759
14	De	

CAPITV M.

14	De fructibus sumptionis Eucharistiae.	760
15	Qualis debeat esse suscepturus Eucharistiam.	761
16	De alijs conditionibus suscipientis Eucharistiam.	762
17	De administrante Eucharistiam.	763
18	De obligatione communionis.	767
19	De frequentia communicandi.	768
20	De cimis.	769
21	De indulgentijs. Quid sit indulgentia.	771
22	Explicatio singularum partium definitionis indulgentiae.	774
23	De modo concedendi indulgentias in communi.	777
24	De modo particularibus indulgentiarum.	779
25	Quis possit indulgentias concedere.	780
26	Indulgentia prodest mortuis in purgatorio.	781
26	Quod indulgentia profit viuis.	783
28	De causa indulgentiae seu ipsius valore.	785

CAPITA LIBRI VII.

1	Q uid sit matrimonium.	787
2	De causis matrimonij.	788
3	De impedimento erroris & conditionis.	790
4	De impedimento voti & cognationis.	793
5	De cognatione naturali seu consanguinitate.	794
6	De impedimento criminis.	796
7	De impedimento disparitatis cultus.	798
8	De vi & ordine.	800
9	De impedimento ligaminis.	801
10	De impedimento iustitiae publicae honestatis.	802
11	De impedimento affinitatis.	803
12	De impedimento impotentiae.	805
13	De impedimento conditionis & raptus.	806
14	De impedimento Interdicti & voti, sponsalium, & Catechismi.	807
15	De impedimentis criminis.	809

INDEX

16	De sponsalibus, quæ dicantur sponsalia, & quibus modis contrahantur.	810
17	De differentijs sponsalium, & matrimonij.	811
18	De peccatis, quæ in ipso matrimonio committi possunt.	814
19	De alijs tribus peccatis in matrimonio accidētibus.	816
20	De peccatis in usu matrimonij.	818
21	De alijs peccatis in usu matrimonij euentibus.	821

CAPITA TRACTATVS DE SE- prem peccatis mortalibus

1	Q uid sit peccatum mortale.	823
2	Quotuplex mortale, & quomodo differat à veniali.	825
3	Quid sit superbia.	827
4	Quot species superbie, & quale peccatum.	828
5	De remedijs contra superbiam.	829
6	De vana gloria, & quid sit.	830
7	Quale peccatum sit vana gloria.	831
8	Quid, & quale peccatum sit iactantia.	832
9	De hypocrisi quid, & quale sit peccatum.	833
10	De contentione quid, & quale sit peccatum.	834
11	De discordia, & pertinacia.	835
12	De curiositate quid, & quale sit peccatum.	836
13	De inuentione nouitatum.	837
14	Quid inobedientia, & quibus sit obediendum.	ibid.
15	In quibus est obediendum.	839
16	De obedientia religiosorum, respectu prælatorum.	843
17	De obedientia respectu legum.	844
18	Quando lex vim obligandi habeat.	846
19	Quid sit legis obligatio.	848
20	De diuinitate Doctorum erga legum obedientiam.	

CAPITV M.

21	De obedientia clericorum ad Episcopum, & filiorū ad patres.	852
22	De presumptione.	853
23	De ambitione.	854
24	De auaritia, quid sit.	855
25	Quale peccatum sint, auaritia & prodigalitas.	856
26	De defectibus Auaritia.	857
27	De Eleemosyna, quid sit.	858
28	Qui possint facere eleemosynam, & quando religio- si.	859
29	Quando maritatae possint facere eleemosynam.	860
30	Quomodo iuxta familias, & famuli possint eleemosynā facere.	861
31	Quibus sit facienda eleemosyna.	862
32	Ex quo facienda sit eleemosyna.	863
33	Quando sit obligatio faciendi eleemosynam.	864
34	De obligatione faciendi eleemosynam.	865
35	De discordia Doctorum circa preceptum eleemosy- nae.	867
36	De quodam dubio circa eleemosynas.	869
37	De alijs duobus modis erga idem.	870
38	De duobus dubijs circa preceptum eleemosynae.	872
39	Quo ordine sit eleemosyna facienda.	873
40	Quanta debeat esse eleemosyna.	875
41	De utilitate eleemosynae.	877
42	De solitudine seu inquietudine mentis, & quid sit.	878
43	Quomodo solitudo sit peccatum.	879
44	De proditione.	880
45	De quibusdam dubijs circa proditionem.	881
46	De fraude.	883
47	De fraude in emptione ratione iniusti pretij.	884
48	De regulis fraudis ratione iniusti pretij.	886
49	De fraude ratione rei venditae.	887

INDEX CAPITVM.

50	De fraude ratione modi vendendi.	891
51	De quibusdam dubijs.	893
52	De emptione cum pacto retrouendendi.	894
53	De negotiatione.	ibid.
54	De mendacio.	896
55	De Luxuria filiabus.	898
56	De Ira quid, & quotuplex sit.	900
57	Quando ira sit peccatum.	901
58	De filiabus ira.	906
59	De Gula, quid sit, & quæ eius species.	903
60	Quale peccatum sit Gula.	904
61	De Ebrietate, quale sit peccatum.	906
62	De filiabus Gula.	907
63	De Inuidia, & quid sit.	908
64	Quale peccatum sit tristitia ex timore.	909
65	De Aemulatione.	910
66	De Odio, Inuidia, & tristitia bona.	911
67	De filiabus Inuidia.	912
68	De Acedia, quid sit.	913
69	Quale peccatum sit Acedia.	914
70	De filiabus Acedia.	915



Capitula Tractatus de Sacramento ordinis.

1	D E Sacramento ordinis in genere.	pag. 1
2	De materia & forma singulorum ordinum.	6
3	De suscipientibus ordinem.	9
4	Quibus prohibitum sit ordines suscipere.	12
5	De ministro ordinis.	14
6	De affectibus ordinis.	19
7	De singulorum ordinum officijs.	22
8	De pœnis aduersus male promotos indictis.	25


Finis Iudicis Capitum.

INDEX RERVM

ET VERBORVM QVAE

IN HAC SVMMA CASVVM

conscientiae Francisci Toleti
continentur.

<p>A.  <i>Abates & Capitula ab officio & beneficio quando per annum suspendantur</i> <i>lib. 1. c. 49</i></p>	<p><i>Absolvere ab excommunicatione cur maius sit, quam absolvere simpliciter</i> <i>1. 1. c. 16</i> <i>Absolvere praesumentes a casibus reservatis in Cœna excommunicantur.</i> <i>1. 1. c. 36</i></p>
<p><i>Aborsus fœtus, antequam sit animatus, qui causa est, cur non sit irregularis</i> <i>1. 1. c. 70</i></p>	<p><i>Absolvere à reservatis quando quis possit</i> <i>1. 3. c. 8</i> <i>Absolvere multos simul interdum licet</i> <i>1. 3. c. 20</i></p>
<p><i>Abseissio membri quœnam, & quando, ac cur irregularitatē inducat</i> <i>1. 1. c. 57</i></p>	<p><i>Absolvere an possit quis non sibi subditos</i> <i>1. 3. c. 12</i> <i>Absolvere quare nemo debet cū conditione</i> <i>1. 3. c. 12</i></p>
<p><i>Absoluat an generaliter omnes excommunicatos Papa in die Iouis Cœnæ</i> <i>1. 1. c. 30</i></p>	<p><i>Absolvere absq; peccati manifestatione, sacrilegium</i> <i>1. 3. c. 6</i> <i>Absolvere ab excommunicatione in articulo mortis an semper, & quilibet simplex sacerdos possit</i> <i>1. 1. c. 15</i></p>
<p><i>Absolvens ab aliqua excommunicationum in Bulla Cœnæ contentarum, quam excommunicationem incurrat</i> <i>1. 1. c. 30</i></p>	<p><i>Absolvere excommunicationes à provincialibus, seu Synodali- bus Concilijs latas qui possint</i> <i>1. 1. c. 16</i> <i>Absolvere, & excommunicare, suos subditos extra proprium territorium an quis possit, 1. 1. cap. 16</i> <i>Absolvere excommunicatum etiam inuitum, & ignarū quando liceat</i> <i>1. 1. c. 14</i></p>
<p><i>Absolvere, qui excommunicat, an semper possit, & in quibus casibus non</i> <i>1. 1. c. 16</i></p>	<p><i>Absolui ab excommunicatione</i> <i>poss</i></p>

INDEX IN SVMMAM

- post mortē quis, & à quo pos-
sit, & quādo sepeliri. l. 1. c. 15
Absolui potest quis à reservatis,
& mitti ad superiorem, vt à
reservatis absoluaatur, vrgen-
te necessitate. l. 3. c. 13
Absolui an quis possit multoties
ab iisdem peccatis. l. 3. c. 12
Absolui excommunicatione minor
à quo possit. l. 1. c. 7
Absolutio quaecunque quando sit
nulla. l. 1. c. 14
Absolutio ab excommunicatione
quando sit nulla. ibid.
Absolutio ab excommunicatione
quenam in foro exteriori nō
prosit. ibid.
Absolutio iniusta quando sit va-
lida. ibid.
Absolutio cui prohibita est, eidē
& dispensatio. l. 1. c. 63
Absolutio etiam iniqua vi sit va-
lida, ex intentione Iudicis a-
liquādo pendet; secus in excō-
municatione. l. 1. c. 14
Absolutio excommunicationis du-
plex, & à quo, ac quomodo
fieri debeat. ibid.
Absolutio à suspensione ad quem
spectet. l. 1. c. 46
Absolutio ab excommunicatione
in mortis articulo quo pacto
detur. l. 1. c. 30
Absolutio excommunicationis,
quā dicunt ab homine, ad quē
spectet. l. 1. c. 16
Absolutio excommunicati, quia
participauit in crimine crimi-
noso ad quem spectet. ibid.
Absolutio aliquando differenda,
audita confessione. l. 3. c. 18
Absolutio ad cautelam, cuius
excommunicato concedatur.
l. 1. c. 14
Absolutio solennis ab excommu-
nicatione quot, & quā serua-
da requirat. ibid.
Absolutio quarundā excommu-
nicationum Papae; quādā ve-
rō Episcopo, aut nemini reser-
uatur. l. 1. c. 18
Absolutio ab excommunicatione
à iure quā sit valida, quae
verō nulla. l. 1. c. 14
Absolutionem committere pres-
bytero, in quibus casib. possit
Episcopus. l. 1. c. 32
Absolutionem ab excommunica-
tione alteri delegare quis pos-
sit. l. 1. c. 14
Absolutionem ab excommunica-
tione maiori in mortis articu-
lo impertiens simplex Sacer-
dos, quid cauere debeat, li. 1.
c. 15
Absolutionem ad cautelā ab ex-
communicatione petens quid
observare debeat. l. 1. c. 14
Absolutionibus pluribus, vel v-
na generali indiget pluribus
ligatus excommunicationib.
ibid.
Absolutionis actum exprimens,
verbum aliquod necessariō
requiritur. ibid.
Absolutionis ab excommunica-
tione

FRANCISCI TOLETI.

tione in mortis articulo pote- Accusator quandoq; tenetur ad
 statem quisq; habeat. l. 1. c. 15 restitutionem. ibid.
 Absolutionis ab excommunica- Acedia, quid, quotuplex, & ey-
 tione potestatem extra c. sum mon, l. de 7. p. m. c. 68
 necessitatis quinam habeant, Acedia quale peccatum, l. de 7.
 l. 1. c. 16 p. m. c. 69
 Absolutionis forma in peniten- Acedia filia sex ibid. c. 70
 tie sec. l. nento l. 3. c. 12 Actio humana nō dicitur, nisi ad
 Absolutionis ab excommunica- sit vsus rationis l. 1. c. 72
 tione nō est certa forma sciat nec Actio perfecta requiritur, vt
 excommunicationis l. 1. c. 14 quis incurrat excommunica-
 Absolutionis à suspensione forma tionem l. 5. c. 8
 l. 1. c. 46 Actio contra iustitiam obligat ad
 Absolutus in mortis articulo ab restitutionem l. 5. c. 19
 excommunicatione reservata Ad dandum ad vsurā an aliquē
 quid, vbi conualuerit, facere inducere licet l. 5. c. 37
 debeat l. 1. c. 15 Adire sedem apostolicā qui ne-
 Absolutus sacramentaliter ab ex- gligunt, quando ob laesionem
 communicatione, etiā à sim- alicuius tenentur, & possunt,
 plici sacerdote, in loco sacro quas penas incurrat l. 1. c. 32
 sepeliendus l. 1. c. 14 Administratione sacramentorum
 Abusus duo in vendendo res su- non priuat minor excommuni-
 pra iustum pretium, li. de 7. catio l. 1. c. 17
 pec. mortal. c. 50 Admonitio, antequā feratur ex-
 Abusus in officiorum societate l. communicatio, qualis requi-
 5. c. 40 ratur l. 1. c. 10
 Accipere ad vsuram, & induce- Admonitio personalis an premit-
 re ad dandum l. 5. c. 37 tendat semper, vt excommuni-
 Accipere ad vsuram, an, & quā- catio sit iusta ibid.
 do peccatum ibid. Admonitio præcedens an sit neces-
 Accusare, vel denunciare quan- saria in suspensione l. 1. c. 44
 do teneamur l. 5. c. 57 Admonitio an semper requira-
 Accusare, & denunciare disse- tur ante excommunicationē,
 runt l. 5. c. 56 l. 1. c. 9
 Accusator tenetur testibus com- Admonitiones quot requiratur,
 probare l. 5. c. 57 antequam excommunicatio
 Accusator iustitiā seruet, quæ in feratur. ibid.
 quatuor consistit ibid. Adultera aliquādo tenetur reue-

INDEX IN SVMMAM

- larc factum* l. 5. c. 11 *Affinitas spiritualis inter quos,*
Aduiteria perditum petendi deb. & an impediatur maritum. ibid.
 & si potest petere ibid. *Aliena retinere inuito domino*
Aduiterij aliquot casus ibid. non licet l. 5. c. 20
Aduiterij quid et quomplex ib. *Aliena iniuste retinens restituat*
Aduocatio quae sunt necessaria, l. & fructus l. 5. c. 22
 5. cap. 19 *Amandus proximus quantum ad*
Aduocatio an liceat in quavis cau quatuor l. 3. c. 9
sa, & quando ibid. *Amare Deum quando quis teneat*
Aduocatus pretium petat iustum tur ibid.
 & quod sit l. 5. c. 69 *Amare magis creaturam, quam*
Aduocatus non paciscatur de quo Deum, an sit mortale ibid.
ta litis ibid. *Ambitio quid* & quale peccatum,
Aduocatus peccat si sua culpa in- lib. de m. c. 23
nocens plectitur l. 5. c. 7 *Amens, & ebrius, an peccent* l. 5
Aduocatus tenetur patrocinari cap. 10
pauperibus l. 5. c. 69 *Amor beneuolentiae in charitate*
Aegrotus non valens exprime- necessarius l. 3. c. 8
re peccatum, an sit abjourn- *Amor Dei, & noster in quo dif-*
fus l. 2. c. 8 ferant ibid.
Aemulatio quid, quando virtus, *Amor sui unde,* lib. de 7. p. m. c.
quando vitium, lib. de 7. pec. 55
mori c. 65 *Amor mundi ac seculi, unde,* lib.
de quocatione vti an reo liceat de 7. p. m. c. 55
 & quando l. 5. c. 58 *Amor interior erga parentes non*
Aetas ad ordines necessaria, qua sufficit l. 5. c. 1
necessitate sit necessaria, li. 1. *Amoris quantitas duplex, inten-*
 cap. 55 *sionis, et appretiationis* l. 3. c. 9
Aetas quae requiratur ad vnum- *Anathema, & excommunicatio*
quemque ordinem ibid. maior, quomodo differant, l. 1
Aetas excusans à ieiunio, quae cap. 5
 l. 6. c. 4 *Angeli ad sunt Missae sacrificio,* l.
Affinitas quomodo contrahatur, 6. c. 10
 l. 7. c. 11 *Anima ita indiget cibo spirituali*
Affinitas in confirmatione inter sicut corpus materiali l. 6. c. 13
 quos l. 2. c. 24 *Anime defectus quinam irregu-*
Affinitas spiritualis in baptismo, laritatem inducant l. 1. c. 58
inter quos l. 2. c. 23 *Apostasia quid* l. 4. c. 6
 Aposta-

FRANCISCI TOLETI.

- Apostasia triplex* ibid. c. 75. & lib. de 7. p. m. c. 24
Apostasia in voto duplex l. 4. c. *Auaritia quale peccatum*, ibid.
 18. in clericali duplex ibid. & lib. de 7. p. m. c. 25
Apostata in fide quis, & an sub- *Auaritia filia* lib. de 7. p. m. c.
 iaceat excommunicationi, li. 26
 4. c. 6 *Audiens detractorem*, quando
Apostoli signa manuum impositio- peccet l. 5. c. 67
ne cori tñabant l. 2. c. 24 *Auersio*, & conuersio in peccato
Appellatio in excommunicatione consideranda l. 3. c. 3
ne quando admittatur, & *Aues capere an liceat*, quando,
 quando non l. 1. c. 11 & ubi l. 5. c. 20
Aqua an necessario in calice ad- *Auferens aliquid in extrema ne-*
hibenda l. 2. c. 25 *cessitate*, an teneatur restituere,
Ara ad celebra m. necessaria, re, si ad pinguiorem venerit
 & eius qualitas l. 2. c. 3 *fortunam* lib. de 7. pec. mor.
Ariolos consulescentes, excommu- cap. 36
nicati l. 1. c. 15 *Augurium*, & auspiciu quale
Arma non licita quæ intelligan- peccatum l. 4. c. 15
tur l. 1. c. 39 *Augurium*, & auspiciu quan-
Arma quenam intelligantur in- doq; licita ibid.
fidelibus deferri prohibita, l. *Augustini canon de Eucharistia*
 l. c. 23 *quotidie sumendo*. Nec laudo,
Arma, & huiusmodi infidelibus & c. l. 6. c. 19
deferentes in Bulla Cene ex- *Auricula an sit membrum*, lib. 1.
communicati qui intelligatur ca. 70
ibid. *Auxilium dare alicui aliquæ oc-*
Articulus mortis, ad effectum, cidere volenti, non licet, etiã
 ut quis possit absolui, quis cõ- metu mortis l. 1. c. 24
 seatur l. 1. c. 15 B.
Astrologia uti, in triplici casu **B** *Alsamum in Chrismati oleo*
peccat mort. l. 4. c. 15 *necessarium est*, lib. 2.
Asluta quid, l. de 7. pec. mor. c. cap. 24
 46 *Baptismi ablutio qualis esse de-*
Attritio quid, & in quo differat beat, & quoties l. 2. c. 18
 à contritione l. 3. c. 4 *Baptismi ablutio*, an in qualibet
Attritio an sufficiat ad penitentie parte corporis ibid.
sacramenti, & quando ibid. *Baptismi aqua debet tangere cor*
Auaritia quid & quod duplex l. 5 *pus, vel partem* ibid.
 Baptismi

INDEX IN SUMMAM

Baptismi effectus & species l. 2.	Baptismus tollit omnem irregu-	
cap.	laritatem ex homicidia volū	
Baptismi forma triplex, Græca,	tario quocumq;	l. 1. c. 82
Latina, & dubia l. 2. c. 19	Baptismus mali ministri, an con-	
Baptismi forma Latina in quo	ferat tantam gratiam, quan-	
differat à Græca ibid.	tam boni ministri l. 2. c. 20	
Baptismi forma mutata an impe-	Baptismus si non sit in re, vel vo	
diat sacramentum ibid.	co, nullus saluatur l. 2. c. 21	
Baptismi materia, an quælibet	Baptismus sufficit in voto, cū re	
aqua, & liquor l. 2. c. 18	haberi non potest l. 2. c. 17	
Baptismi minister est Sacerdos,	Baptismus quam irregularitatē	
in necessitate tamen, quilibet	tollat l. 1. c. 83	
homo, etiā infidelis l. 2. c. 20	Baptismus quid, & quæ in eo sint	
Baptismi vnus ministri plures	necessaria m. l. 2. c. 18	
an esse possint ibid.	Baptismus in aqua præsertim ib.	
Baptismi solennitates, quæ, &	Baptismus triplex, aquæ, sangui-	
ad quid l. 2. c. 23	nis, & flaminis l. 2. c. 22	
Baptismi forma multipliciter	Baptismus flaminis, & sanguinis	
mutatur ibid.	non imprimunt characterem,	
Baptismi ex dilatione quomodo	ibid.	
irregularitas nascatur l. 1. c. 64	Baptismus totam aufert culpam,	
Baptismi forma, & materia si	& penam l. 6. c. 21	
mul in baptizando adhibēde,	Baptismus remittit omnia pecca-	
l. 2. c.	ta, non tamen restitutionem,	
23	l. 2. c.	22
Baptismi formam variare pecca	l. 2. c.	22
tum graue ibid.	Baptismus remittit peccatū cum	
Baptismum suscipiens cum volū-	tota pena ibid.	
tate peccandi non suscipit gra	Baptizans bis quando sit irregu-	
tiam, nec est admittendus, li.	laris l. 1. c. 64	
2. cap.	21 Baptizare in aqua non benedicta	
Baptismum suscipere tenentur e-	absq; necessitate, est mortale	
tiam sanctificari in viro ma-	peccatum l. 2. c. 18	
tris l. 2. c. 20	Baptizare nō potest quis seipsum	
Baptismum quæ peccata præcesse	l. 2. c.	20
runt, non sunt confitenda, l. 3.	Baptizare potest Angelus, vel a-	
cap.	nima sancta. ibid.	
20	Baptismus est ianuus, per quā in-	
Baptismus est ianuus, per quā in-	Baptizare licet in loco inordi-	
tratur in Ecclesiam l. 1. c. 64	do ibid.	
	Bapti-	

FRANCISCI TOLETI

Baptizantur parvuli, & quare, lib. 5. c.	90
ibid.	Beneficia ecclesiastica diuisa in
Baptizari quis, quando, & quomodo possit ibid.	quatuor partes l. 5. c. 76
Baptizari possunt plures simul in necessitate. ibid.	Beneficiati iuuenes, quorum patres recipiunt redditus, officium recitare tenentur l. 2. c. 14
Baptizari potius quis potest ab infideles quam à simoniacis ib.	Beneficiato conditiones necessariae l. 5. c. 79
Baptizari quomodo deberet, si quis esset duplici capite, & corpore l. 2. c. 25	Beneficiatus quomodo, et ad quae teneatur, quando Beneficiatus habeat mores, scientiam, & aptitudinem l. 5. c. 4
Baptizatus cum non baptizata, & è contra, non contrahit va lidè matrimonium l. 7. c. 7	Beneficiatus persoluat quotidie horas Canonicas l. 5. c. 82
Beneficiari statum assumentes, & eas fouentes excommunicantur l. 1. c. 39	Beneficiati fructus amittit beneficiatus excommunicatus, non titulum, nec possessionem lib. 1. cap. 13
Beneficia ad quid instituta, lib. 5. cap. 76	Beneficij collatio facta ex communi
Beneficia conferre, resignare, praestare, differunt l. 5. c. 73	cato, ipso iure est nulla ibid. Beneficij quatuor proprietates, l. 5. c. 82
Beneficia conferre cuius sit ibid.	Beneficijs habitis qui priuatur i- pso iure l. 1. c. 82
Beneficia quomodo iustè dignis conferantur l. 5. c. 78	Beneficio, aut officio ecclesiastico peccatum mortale ibid. quotupliciter quis priuatur ib.
Beneficia conferre indigno graue peccatum mortale ibid.	Beneficiorum vnitas, & annexio, quae, & quomodo l. 5. c. 81
Beneficia plura habere, quando, & quibus liceat l. 5. c. 81	Beneficiorum pluralitatè annullat Concil. Trid. ibid.
Beneficia habere in commendam perpetuam ibid.	Beneficiorum permutatio, & locatio l. 5. c. 91
Beneficia plura vni concessa successori non conceduntur ibid.	Beneficiorum fructus locare an liceat ibid.
Beneficia plura cum dispensatione Pontificis, an licitè possint retineri. ibid.	Beneficiorum species quatuor lib. 5. cap. 76
Beneficia relinquenda, cum quis sciuerit, se simoniace, per se, vel per alium adeptum fuisse	Beneficium quid ibid. Beneficium curatum suscipiens, habet

INDEX IN SUMMAM

- beat curam animarum l. 5. c. 5 pus dispensare possit. ibid.
- Beneficium secularis habere non Bigamum fictū in quibus casibus
potest de iure l. 5. c. 76 dispensare possit Episc. ibid.
- Beneficiū differt à præbenda ibid. Bigamus, & irregularis censetur
- Beneficium conferatur digniori, maritus de adulterio uxore
l. 5. c. 78 accusans, lite tamen pendente
- Beneficium quod, quomodo, & eam cognoscens l. 1. c. 60
- per quod homicidiū amitta Bigamus an sit uxorem adulterā
tur: per quod verò nō l. 1. c. 82 cognoscens iussus ab Ecclesia,
- Bigami qui, et quot de causis sint ibid.
- irregulares l. 1. c. 59 Bigamus an sit contrahens nulli-
Bigamia similitudinaria quæ sit, ter & consummās cum vidua
l. 1. c. 61 vel corrupti l. 1. c. 61
- Bigamia, & bigamus interpreta Bigamus a , mortua priori,
tiue quando dicatur l. 1. c. 60 contrahens cum secunda, nul-
Bigamia nulla contrahitur sine lo tamen ob aliquam causam
copula l. 1. c. 61 existente 2. matrimonio, l. 1.
- Bigamia ex defectu sacramenti, cap. 61
quæ sit l. 1. c. 60 Bigamus an sit bis contrahens,
- Bigamia, siue bigamus quid, & utroq; matrimonio cōsumma
quod simplex sit l. 1. c. 59 to, sed nullo existente ibid.
- Bigamie non veræ species tres, Bigamus an sit Virgine prius de-
l. 1. c. 61 florans, & post eā eam in vxo
Bigamie veræ, & irregularita- rem ducens ac matrimonium
te inducentis quatuor species, consummans l. 1. c. 60
- & quid ad vnamquamq; re- Bigamus an sit ignoranter cogno-
quiratur, ut bigamum irregu- scens uxorem post adulteriū,
larem faciant l. 1. c. 60 ibid.
- Bigamos quoscumque ad omnes Blasphemia quid sit l. 4. c. 13
ordines, & dignitates Papæ Blasphemia quandoque veniale
dispensat; difficillimè tamen peccatum ibid.
- veros; facilius verò interpre Blasphemia triplex, & utraque
tarios l. 1. c. 62 tripliciter sit ibid.
- Bigamum, siue verū, siue inter- Blasphemia quandoq; coniuncta
pretatium, cur nec ad maio- heresi ibid.
- res, nec ad minores ordines tā Blasphemia nō solum contra Deū
susceptos, quā suscipiēdos, aut sed & contra sanctos ibid.
- etiā primam conjurā Episco- Blasphemie peccatum quomodo
dica-

FRANCISCI TOLETI.

dicatur irremissibile	ibid.	excommunicationis	l. 1. c. 30
Blasphemis penitentia quæ imposita	Bulle Cæne processus generales		
natur	ibid.	appellatæ cur, & contra quos	
Bona ecclesiastica communia ad	editæ		l. 1. c. 18
quod vsq; tempus	l. 5. c. 4	Bulle Cæne excommunicationis	
Bona ecclesiastica quomodo distribuenta	ibid.	20. tenor	l. 1. c. 30
Bona ab usurario alienata, an restitutioni maneant obnoxia	ibid.	Bulle Cæne excommunicatio in subsidium aliquod aduersus Christianos infidelibus impudentes, quomodo differat ab ijs excommunicationib. quæ contra eosdem iure continentur	l. 1. c. 24
l. 5. c. 35			
Bona opera per peccata amissa, an recuperentur per nouam gratiam	l. 5. c. 11		
Bona opera facta in peccato, an tunc valent	l. 5. c. 2	Bulle Cæne 1. excommunicatio, contra quos fulminetur	l. 1. c. 19
Bona, quibus quis per excommunicationem priuari potest, quot & quæ sint	l. 1. c. 4	Bulle Cæne excommunicatio 2. contra quos fulminetur, l. 1. cap.	20
Bona locorum sacrorum, vel pio rum usurpantes qui excommunicentur	l. 1. c. 41	Bulle Cæne 3. excommunicatio, contra quos fulminetur	ibid.
Bona, & male fidei possessoris differentia	l. 5. c. 17	Bulle Cæne 4. excommunicatio contra quos feratur	l. 1. c. 21
Bona fidei possessor, an teneatur restitutioni, & quomodo ibi.		Bulle Cæne 5. excommunicatio contra quos feratur	ibid.
Bona quibus priuetur excommunicatus	l. 1. c. 11	Bulle Cæne excommunicatio sexta, quos complectatur, lib. 1. cap.	23
Bonorum ecclesiasticorum causa qui excommunicentur	l. 1. c. 40	Bulle Cæne excommunicatio septima, quos complectatur, ibid.	
Bonum opus nullum sine charitate	l. 6. c. 2	Bulle Cæne excommunicatio 12. & 13. quos complectantur, l. 1. cap.	26
Bonum opus malo sine aggre di est mortale	l. 3. c. 19	Bulle Cæne excommunicatio 8. 9. 10. & 11. quos comprehendunt	l. 1. c. 25
Bonum opus existentis in peccato, ad quid prosit	l. 4. c. 8	Bulle Cæne excommunicatione 17. ut quis incurrat, quot	
Bonum nullum meritorium vite eterne sine charitate	l. 4. c. 8		
Bulle Cæne quid contineat præter			condi-

INDEX IN SUMMAM

conditiones sint necessarie, an sit usura	l. 5. c. 51
l. 1. c.	28 Cambium cum recambio, an sit
Bulle cene excommunicationis	usura l. 5. c. 52
decimeterie tenor l. 1. c. 26	Cambium per literas quinq; mo-
Bulle cene excommunicationum	dis sit l. 5. c. 54
decime quarte, & decime Campanam pulsans, inimicis ve-	
quinte tenores l. 1. c. 27	nientibus, quando sit irregu-
Bulle cene excommunicationu	laris l. 1. c. 80
16. & 17. tenores l. 1. c. 28	Canonici regulares siue Monachi
Bulle cene excommunicationis	qui excommunicentur l. 5. c. 39
18. & 19. tenores, & quos co	Canonice non audiendi, qui ne-
plectantur l. 1. c. 29	gant censuum venditionem,
Bullis hactenus concessis de eli-	l. 5. c. 44
gendo confessore, per Concil. Capite pleb. di an possint com-	
Trid. derogatum est l. 3. c. 13	municari l. 6. c. 16
C.	cap. Naviganti, de usur. quomo-
C adauera hominum exente-	do intelligendum lib. de 7.
rantes, qui, & quando	p. m. c. 50
excommunicentur l. 1. c. 36	Capitula subiaceant interdito l.
Calices, & vestes sacre quomo-	1. cap. 49
do vendi possint l. 1. c. 89	Carcerem frangere, et abire vin
Calicis, & patine materia lib.	Et an liceat l. 5. c. 6
2. cap.	2 Cardinalibus, quando in cōclau
Cambij pretium non augetur tem	existunt, non excommunicatis,
poris ratione l. 5. c. 55	qui eorum causa excommuni-
Cambire pecunias minus valen-	centur l. 1. c. 38
tes pro re an liceat l. 5. c. 54	Cardinalis nō semper dicitur pre
Cambium quid, & quotuplex sit	clarus l. 3. c. 13
l. 5. c.	50 Cardinalium occisor, aut percus-
Cambium aulicum an sit usura-	for ipso iure est beneficijs ha-
rium l. 5. c. 25	bitis priuatus l. 1. c. 82
Cambium ad minutum quomodo	Carmina, quibus continetur mo-
iussum l. 5. c. 51	diu detractionis l. 5. c. 63
Cambium ad incertam solutionē	Carmina, quibus includuntur cō-
l. 5. c.	54 sortes peccatorum l. 5. c. 9
Cambium ad creditum quod sit,	Carnes comedens tempore probi
& quomodo liceat ibid.	buto toties peccat l. 5. c. 3
Cambium siccum quo: duplex, &	Casibus à quib ⁹ reseruatis possint
	absol-

FRANCISCI TOLETI.

absoluere Episcopi, vel per se, Catechismus impedit matrimo-
 vel per alium l. 1. c. 41 nium contrahendū l. 7. c. 14
 Castigare clericos per alium, qui Catechumeni morientes saluātur
 & per quem possint; qui verò l. 2. c. 21. in prima parte Missæ
 non l. 1. c. 33 admittendi l. 2. c. 5. nō admit-
 Castrati utroq; testiculo non pos- tendi ad Eucharist. l. 6. c. 15
 sunt contrahere matrimoniū, Causa iusta, iniusta, dubiare l. 5.
 l. 7. c. 12 c. 60. materialis excommuni-
 Casu inuenta, an, & cui restitue- cationis quatuorplex l. 1. c. 7
 reteneantur l. 5. c. 18 Cause rationabilis expressio re-
 Casus, in quibus non contrahitur quiritur ad contrahendū ex-
 excommunicatio ob manuum communicacionem l. 1. c. 9
 in clericos iniectionem l. 1. c. 33. in quib⁹ iudic⁹ secularis in- nis l. 1. c. 6
 dicare possit ecclesiast. l. 1. c. Celebrare, vide multa in verbo
 27. aliquot de voto, an sem- Missa.
 per obliget l. 4. c. 17. aliquot Censura ablata, nullus casus re-
 de iuramento licito, & illicito seruatus l. 3. c. 14
 l. 4. c. 21. aliquot, quādo obli- Censuræ Ecclesiast. semper sunt
 gat iuramentū, vel non l. 4. propter peccatū infligitur l. 3. c. 51
 c. 22. aliquot, in quibus licet Censuræ descriptio, & declaratio
 die festo operari l. 4. c. 25. ali- l. 5. c. 42. in quo differat à lo-
 quot de homicidio licito l. 5. catione ibid. ab emphyteosi in
 c. 61. aliquot de restit. l. 5. c. in quo differat, ibi. quatuorplex
 21. aliquot de bonæ, & malæ l. 5. c. 43. perpetuus ad temp-
 fidei possess. l. 5. c. 17. aliquot redim. & irred. ibid. redime-
 de usura l. 5. c. 30. aliquot, in re nemo cogatur l. 5. c. 47. ad
 quibus lucrū exigitur in mu- tempus certū, & incertū, l. 5.
 tuo, absq; usura, l. 5. c. 32. 33. c. 43. realis dicitur, quia est
 34. aliquot de restitu. fame supra rem aliquā ibi. repora-
 per totum l. 5. c. 65. aliquot les non excedant capitale l. 5.
 in Missa, & eorum remedia l. c. 49. cum pacto retrouenden-
 2. c. 9. aliquot, in quibus tene di an sit licitus l. 5. c. 45. cum
 mur subuenire proximo, etiā apothecatione bonorū, c. per-
 cū viue, vel alterius rei peri- sone an dicitur l. 5. c. 46. cū
 cula l. 4. c. 10. reservati Epi- apothecatione vitiatum, si rei
 scopo qui l. 3. c. 14. aliquot, in pretiū excedat ibi. non exce-
 quib. sortilegiū licet l. 4. c. 15 dat fructum rei, quomodo in-

INDEX IN SVMMAM

celligatur l. 5. c. 47. anticipa Circumstantie peccatorū mutan-
 re iniustitia est, l. 5. c. 45. con- tes speciē manifestāde l. 3. c. 3
 ditiones necessarie quæ sint, excusantes quandoq; manife-
 ibi. emptor non obliget ven- stande, ibi. homicidij exprimē-
 ditorem ad redimendum, ibi. de in cōfessione l. 5. c. 8. apposi-
 emptio, & vend. an sit licita, te in bulla Martini & Calixti
 l. 5. ca. 44. fructus an liceat l. 5. c. 46. observandē in excō-
 mutare in pretium l. 5. c. 48. municatione ob peccatū prate-
 fruct^o super re certa, an sit ne- ritum ferenda l. 1. c. 9
 cessarius l. 5. c. 45. redēptio Ciuitati inimicorum iuste obfesse
 an possit fieri per partes, ibi. cibum subministrare peccatū
 stum pretium quodnam sit, ibi. mortale. lib. de 7. pec. m.
 Cessio bonorum an liberet à resti c. 31
 tutione l. 5. c. 26 Clamor ex f^ol^o dus iræ quale pec-
 Character quid sit, l. 2. c. 16. or- catum, lib. de 7. p. m. c. 58
 dinis, eisi ab excommunicato Clauē, quas Dominus Petro tra-
 recipitur, non tamen execu- didit, quæ sunt, & cur clauē
 tio l. 1. c. 13 dicantur l. 1. c. 3
 Characterib. quandoq; tacitē in- Clericale priuilegium quomplex
 uocatio fit demonū, l. 4. c. 14 sit l. 1. c. 61
 Charitas necessaria maximē ad Clerici qui suspensionē incurrant
 duo l. 4. c. 8 l. 1. c. 48. bigamiam contra-
 Charitatis definitio, & declara- hentes quā clericali priui-
 tio ibid. legium perdant l. 1. c. 61. per-
 Chiromātia quod peccatū l. 4. c. cussio leuis quib. sit licita, l.
 15. Chrisma nouū in baptismo 1. c. 33. nomine qui intelligan-
 necessariū l. 2. c. 18. an sit ne- tur l. 1. c. 31. soli irregulares
 cessarium l. 2. c. 24. nouū ne- nō sunt in causa sanguinis, &
 cessariū in Confirmatione ibi. quando, & in quibus casibus,
 Chrisma seu cōfirmationis ma- l. 1. c. 80. quæ tributa soluere
 teria, ibid. oleum singulis an- teneantur l. 1. c. 37. percussio
 nis renouetur l. 5. c. 4 ex odio an alicui liceat l. 1. c.
 Christus quonam modo sit in Eu- 33. quando, & quæ officia se-
 charistia l. 2. c. 23 cularia possint exercere l. 1.
 Cibos prohibitos ministrās tēpo- c. 37. & monachi appellatio-
 re prohibito, pec. mor. l. 6. c. 5 ne qui intelligantur l. 5. c. 8.
 Cibis sumptus, etiā si euomatur, ordinati in maiorib. tenentur
 soluit ieiunium l. 6. c. 1 recitare horas l. 2. c. 12.
 Cleri-

FRANCISCI TOLETI.

Clerici quando teneantur defer-	rimonium	l. 7. c. 6
re habitum l. 4. c. 18. non ac-	Collecte an sint licite, quomodo,	
cusentur in causa mortis corā	& quando	l. 5. c. 74
iudice seculari, nisi ad eum re-	Collectas imponentes Ecclesiasti-	
missi	cis tam super patrimonialibus	
L. 5. c. 56	quā beneficiorū bonis, quan-	
Clericis tales imponentes excō-	do excōmunicentur	l. 1. c. 29
municantur	l. 1. c. 35	
Clericos leuiter percutere, quos,	Columbas, & aues alias an lice-	
& quibus liceat l. 1. c. 33. casti-	at capere, ubi, & quando	l. 5
gare per alium, qui, & per quē	c. 20	
possint, qui verō non	ibid. Comestatio, & crapula species gu-	
Clericum alienum ordinās absq;	le	l. de 7. p. m. c. 59
licentia proprij Episcopi, quam	Commende perpetue non licent,	
penam incurrat	l. 1. c. 48	
Clericum percuti mādans, sed an	& fraudes, quæ in his sunt le-	
te percussione mādatum re-	gi	l. 5. c. 81
uocans, an, & quando in excō-	Commisarij, & Inquisitores, qui	
municationem incidat l. 1. ca.	excommunicantur	l. 1. c. 39
34. capere, seu in vincula de-	Communicandum assidue, & fre-	
trudere, an, & quando possit	quenter	l. 2. c. 29
iudex secularis, ibid. volentem	Communicans cum conscientia	
percutiens, an incidat in Cano-	peccati mortalis, etiam erro-	
nem	re, mort. pec. lib. 6. c. 16. ca-	
ibid.	reat etiam veniali culpa	l. 2.
Clericus quis possit priuari bene-	c. 28	
ficijs l. 1. c. 13. pratermittens a-	Communicare frequenter, an sit	
liquam horā ex obliuione, non	bonum	l. 6. c. 19
peccat mortaliter l. 2. c. 13. se	Communicare omnes tenentur in	
exponens percussioni an incidat	Paschate	l. 3. c. 20
in Canonem l. 1. c. 34. seipsum	Communicatio cum excommuni-	
ex ira, vel odio percutiens, an	catis etsi licita est, non tamen	
incidat in Canonem	ibid. contra	l. 1. c. 12
Celibatus perfectior matrimonio	Communicatio cum excommuni-	
& contrarium asserere here-	catis quando sit licita, quando	
ticum	verō non	l. 1. c. 11
Cognatio triplex l. 7. c. 4. spiri-	Communicatio cum excommuni-	
tualis triplex, ib. legalis habet	catis, quando, cum quibus, &	
tres gradus, ibid. naturalis quo	in quibus licita, aut illicita sit	
duplex, & quæ impediat ma-	l. 1. c. 11. & 12	

INDEX IN SVMMAM

- Communicatio cum excommuni-** Cōcubinarium, seu fornicator quā-
tato quādo sit veniale l. 1. c. 17 quomodo, & à quibus sit su-
Communia an sit danda ad mor- spensius, & an alias pœnas in-
tem damnatis l. 6. c. 16. fre- currat, quās, ac quando, l. 1.
quens an sit omnibus cōceden- ca. 47. excommunicatur, &
da l. 6. c. 19. & communiās, concubina ciuitate eiicitur, l.
vide in verbo Eucharistia. 5. cap. 10
- Communiois præceptum differt** Concubitus inordinatus quid, &
à præcepto confessionis l. 6. c. quāle peccatum l. 5. c. 13
18. vel ieiunij præceptum sol- Concupiscētia rei venere an sit
uens, an iterum teneatur l. 6. semper peccatum mortale, l.
c. 18. effectus qui sint l. 2. c. 5. cap. 14
29. præceptum, quo tempore Conditioes necessariae in quouis
obliget l. 6. c. 18 casu, l. 1. c. 47. necessariae in
non residendo l. 5. c. 4
- Comparationes in Dei amore tan-** tans faciendæ in particulari, Confessarij scientia quanta debe-
l. 4. c. 9 at esse l. 3. c. 14
- Conceptionis B. Virginis festum** Confessarijs constitutis in religio-
seruantes, vel contra, & de nibus quilibet potest confite-
eandem alterutro modo senti- ri, quolibet tempore, lib. 3. c.
tes hereticos esse, aut peccare 13
- mortaliter qui affirmant, ex-** Confessario quid considerandum
communicantur l. 1. c. 36 in penitentis iniungendis, l.
3. c. 11. quæ sint necessaria, l. 3.
c. 13. nullo modo licet peccatū
- Concilij Triden. suspensiones octo** reuelare l. 3. c. 16. quid agen-
l. 1. c. 49 dum cum aliquid est sub opi-
nione l. 3. c. 20
- Concilium generale quoscumque** Confessarius de quibus præcipue
cuiuscumq; diocesis excommuni- inquirat à maleficio, lib. 4. c.
care potest l. 1. c. 6. Trid. quid 16
- statuat circa pluralit. benefi.** Cōfessarius quomodo se gerat in
l. 5. c. 81. generale nunquā su-
spenditur, seu impediatur, l. 1.
cap. 6
- Concorator an possit pretium ac-** usurario penitente l. 5. c. 36.
cipere l. 5. c. 88 peccat mortaliter absolucndo
usurarium, ibid. mille potius
- Conuonarij, & fornicatoris dif-** mortes pati debet, quā reuela-
ferentia l. 1. c. 47. non abso-
uendi, nisi prius dimiserint cō- re confessionē l. 5. c. 66. ipse-
cubinas l. 5. c. 10 met restituere tenetur, si non
oblit.

FRANCISCI TOLETI.

obligat pœnitentem ad id l. 3. Confessio quare non sit differen-
c. 15. obligatur sigillo, quam da ibid.
nis non absoluerit pœnitentem Confessionem iterare quādo quis
per quamcumque causam l. 3. teneatur l. 3. c. 10. frequenta-
c. 16. non omnes admittat ad re quantum sit vii. e. & qua-
confessionem l. 3. c. 4. non de re l. 6. c. 11. sacramentalē an-
bet imparatos audire l. 3. c. 9 te communionem necessariam
proprius quis dicatur l. 3. c. esse negantes qui excommuni-
13. proprius an possit ab omni- centur l. 1. c. 4.
bus peccatis absolvere l. 3. c. Confessionis descriptio & decla-
14. omnino ignarus peccat au ratio, l. 3. c. 6. qualitates, l. 3.
diendo confessiones l. 3. c. 15. c. 7. & 9. sigillum quid sit, et
nō alloquatur nec ipsum pœni- ad que se extendat l. 3. c. 16.
tentem de peccatis cōfessio- præceptū quos, & quando, et
ne auditis, extra eam l. 3. c. 16 quomodo obliget l. 6. c. 11
quid petere debeat à pœniten Confirmatio necessaria, ut quis
te ante confessionem l. 3. c. 17 alia sacramenta suscipiat, it.
quid in ipsa confessione pete 2. c. 24
re debeat à pœnitente l. 3. c. Confirmationis minister, effectus
18. quid post confessionem pe- modus ibi. sacramenti forma,
tere debeat à pœnitente, l. 3. que l. 2. c. 24
c. 19. quomodo prudenter se Confitendi nullum statutum tem-
gerat ibid. pus in anno l. 3. c. 20
Confessio non integra quandoq; Confitentes crimen non virum in
valida l. 3. c. 8. ante celebra- tortura, an teneantur lib. 6.
tionem an semper sit necessa- cap. 66
ria l. 2. c. 1. quandoq; non suffi Confiteri quando quis teneatur l.
cit, ad celebrandum ibid. fa. 3. c. 5. multi simul an possint,
sta absq; contritione iteranda, l. 3. c. 20. an liceat per inter-
l. 3. c. 10. spontanea differt ab pretem, vel nutu l. 3. c. quan-
ea, que est per torturam l. 5. doq; licet in scriptis, ibi. laico
c. 56. premittenda in princi- an liceat necessariis tempore
pio Quadragesimæ l. 6. c. 2. l. 3. c. 13. quando liceat nō pro-
frequens, optimum, & vii. prio confessario ibid.
remedium; nemo tamen obli- Confiteri nolens tempore statuto
gandus ad hoc l. 3. c. 13. tories peccat mortaliter, l. 6.
Confessio facienda proprio confes- cap. 18
sario ibid. Confiteri in tortura peccatū, quod
non

INDEX IN SVMMAM

- non feci, an liceat l. 6. c. 66
- Coniugalit status cur sacerdoti-
bus Euāgelicis illicitus l. 1. c. 2
- copula in loco sacro, an, & quā
do liceat lib. 5. c. 12. copula an
impediat communionem, li. 6.
c. 16
- Coniugium. Vide matrimonium.
- Coniugum copula nullo tempore
prohibita, l. 70. c. 20. separa-
tio quando dicata ibid.
- Conscientia erronea an obliget ad
peccatum l. 3. c. 2
- Consecrationis Eucharistie for-
ma an mutata l. 2. c. 26
- Consilium, quantum ad homici-
dium, vel mutilationē, quan-
do & quam irregularitatem
inducat, quando vero nullam.
l. 1. c. 79. quantum ad irregu-
laritatem contrahendā, quo-
tuplex sit, & quomodo a man-
dato differat ibid.
- Consuetudo est optima iuris in-
terpres l. 1. c. 35
- Consulentes homicidium, vel mu-
tilationem, qui, quando, &
quam irregularitatem cōtra-
hant l. 1. c. 79
- Contentio quid, & quale pecca-
tum l. de 7. p. m. c. 9
- Conteri statim post peccatū com-
missum l. 3. c. 5
- Continentia cur in sacerdotibus
Euāgelicis requiratur, lib. 1.
c. 2
- Contractus ebrij validi non sunt
lib. de 7. p. m. c. 58
- Contractus per excommunicatū
celebrati, an, & quando eius
nomine sint validi, l. 1. c. 11.
- vigore in iudicio agere exco-
municatus non potest, durante
excommunicatione agi cōtra
ipsum potest, ibid. aperte vsu
rarij sunt inuvalidi, l. 5. c. 36.
- aliquot in societate officiorū,
l. 5. c. 40
- Contrahentium matrimonij quot
genera, & quando excommu-
nicentur l. 1. c. 39
- Contritio generalis, an sufficiat
singulis peccatis l. 3. c. 5
- Contritio quanta esse debeat, ut
peccatum deleat, ibi. quando-
que auferit penam totam, ibi.
an sufficiat ad Eucharistiam,
& quando l. 6. c. 16. & con-
fessio remittunt culpam l. 6.
c. 22. grandis multum auferit
de pena debita l. 3. c. 11
- Contritionis & attritionis differe-
ntia l. 3. c. 4
- Coniunctio, & blasphemia filie
irre l. de 7. p. m. c. 58
- Contumelia & conuiuium quid,
l. 5. c. 9
- Cōiunctio, cōiunctio, & iniurias
proferre an sit peccatum, ibid.
- Coqui an soluam ieiunium gustā-
do l. 6. c. 7
- Corporalia munda, & mappae ad
plices ad celebrandū l. 2. c. 3
- Corpore vitiatu, iam promotu
ad ordines, quorum beneficio-
rum sit capax l. 1. c. 57
- Cor

FRANCISCI TOLETI.

Corporis Christi presentia quan- laritatem inducendam in ho-
 diu duret in communicante, micidio casuali, l. 1. c. 81. ali-
 l. 2. c. 29. defectus, quod ad as 76
 ordines spectat, quid efficiat, Cultus Dei quid sit l. 1. c. 2
 & quotupliciter proveniat l. Cultus Dei in quot, & quibus re
 l. c. 57 bus consistat ibid.
 Corporis Christi sacramenti mul Curati officia aliqua, & prefer-
 tipler nomen l. 2. c. 30 tim de concione l. 6. c. 21
 Corpus Domini, sacramentum, et Curati etas, vt possit retinere
 sacrificium l. 2. c. 5 fructus rei ibid.
 Correctionis causa percutiēs cle- Curato an liceat propter pericu-
 ricum, quando excommunica lum mortis relinquere oues,
 tionem incurrat l. 1. c. 33 l. 4. c. 1
 Corrigrere alios ffrnē quando Curatus habens duo beneficia cu-
 teneamur l. 5. c. 57 rata, alterum relinquat infra
 Credentes hereticorum qui dicā sex menses, alioquin vtroque
 tur l. 1. c. 19 priuetur l. 6. c. 21
 Credentium hereticorum recep- Curatus infra annum fiat sacer-
 tates, & defensores excom dos ibid.
 municantur per Bullam Cæ- Curatus an possit habere aliud
 ne ibid. simplex beneficium ibid.
 Creditori in extrema necessitate Curatus an possit non residere, et
 existenti, an preferendi fra- quando ibid.
 tres eadem necessitate labo- Curatus an teneatur celebrare
 rantes l. 5. c. 24. & li. de 7. singulis diebus ibid.
 p. m. c. 39 Curatus sepeliat pauperes gratis
 Crimen falsum imponere, graue ibid.
 peccatum l. 5. c. 59 Curatus non potest delegare ali-
 Crimina quæ, & quando inducāt cui suam auctoritatem l. 3. c. 13
 irregularitatem l. 1. c. 68 Curia in Romana morâtes qui dī
 Crimina quæ impediāt matrimo cūtur in Bulla Cœne l. 1. c. 25
 nium contrahendum l. 7. c. 15 Curiales qui dicantur l. 1. c. 54
 Culpa, quod ad homicidiū casua- Curiositas quid, & quot modis
 le spectat, quotuplex sit, l. 1. peccatum, lib. de 7. pec. mor.
 c. 18. aliās 76 c. 21.

Culpa remissa, nō semper tota pō- D.
 na remittitur l. 6. c. 21 Dæmon an sciat futura con-
 Culpa quanta sufficiat ad irregu- tingentia l. 4. c. 15
 ††† 4 Dæ.

INDEX IN SVMMAM

- Demon an possit suscitare mor- gularitatem inducat, ac quos
 tuos, & quo modo ibid. comprehendat l.1.c.80
 Demones non habent potestatem Defensores hereticorum, qui di-
 facienti effectus per se l.4.c.14 cantur l.1.c.19
 Demones quomodo aliquid faci- Degradandus nemo est sine accu-
 ant, vel fingant / ibid. satione, licet puniendus, li.1.
 Damni emergentis gratia exige- cap. 50
 re aliquid licet, & quomodo, Degradatio quid sit ibid.
 l.5.c. 32 Degradationis species quot ibid.
 Damnum iniustum inferentes, verbalis, & actualis differen-
 ad quid teneantur l.4.c.19 tia quintuplex ibid.
 Debitor qui sua culpa non soluit, Degradatus à iudice seculari po-
 tenetur de damno l.5.c.22 test privari l.5.c.56
 Debitorem ab obligatione soluen- Dei cultus, id sit l.1. cap. 1. in
 di creditori non liberat excō- quot, & quibus rebus consti-
 municatio l.1.c.13 stat ibid.
 Debitum coniugale quādo liceat Delectatio morosa, quid, & quā-
 alteri coniugū negare l.7.c.20 do l.5.c.14
 Debitum coniugale quando non Deliberationis defectus excusat
 liceat reddere ibid. à mortali l.4.c.12
 Debitū quando teneatur vir red Delictum alterius nomine factū
 dere uxori adulteræ ibid. vt retrorahatur, quot requi-
 Decem dare pro centum an lice- rantur l.1.c.31
 at pro censu l.5.c.49 Denariorum duo sunt vsus, l.5.
 Decima quadruplex, & de ex- c.51. valor auctus, vel dimi-
 communicatione non soluen- nutus cui cedat l.5.c.34
 tium l.6.c.20 Denunciari excommunicatum
 Decime an de iure diuino, & vn quid sit l.1.c.12
 de originem ibid. Denunciati excommunicati à no-
 Decimas solvere quando quis, & minatim excommunicato dis-
 quomodo debeat ibid. crimen ibid.
 Defectus alterius an liceat mani Denunciatio excommunicationis
 festare quandoq; l.5.c.56 à quo, & quando facienda,
 Defensio in homicidio quando fa ibid.
 ciat irregularē l.1.c.80. quot Denunciatione non facta, contra-
 plex sit l.1.c.79. alias 74. quā- hentes matrimonium peccant
 rum ad homicidiū, vel mutila- mortaliter l.7.c.19
 tionē, que, quando, & quā irre Denunciator quis dicatur, lib.1.
 cap-

FRANCISCI TOLETI.

- cap. 57 Diffum: qui tacet, consentire vi-
 Depositarius vtens deposito, ad detur, in foro exteriori intel-
 quid teneatur l. 5. c. 22 giur, non interiori l. 1. c. 81
 Desperatio minus peccatū, quā Dies à media nocte ad mediam
 heresis, sed periculosius, l. 4. noctem l. 6. c. 1
 cap. 17 Diffamatum in vno loco an in a-
 Desperationis descriptio & decla- lin liceat diffamare l. 5. c. 65
 ratio, ibid. & lib. de 7. p. m. Diplomata de Confessario eligen-
 cap. 70 do derogata in Concil. Trid.
 Detractio quid sit, l. 5. c. 36. fit o- l. 3. c. 13
 fto modis, ibid. peius peccatū, Discordia quid, & quale pecca-
 quā furtum, l. 5. c. 64. quā- rum, l. de 7. p. m. c. 10
 doq; veniale peccatum ibid. Dispensare quis possit à ieiunio,
 Detractio & contumelia, in quo l. 6. c. 4
 differunt l. 5. c. 63 Dispensatio eisilem prohibita est
 Detractionis qualitas cognosci- cui absolutio l. 1. c. 63
 tur ex tribus l. 5. c. 64 Dispensatio in irregularitate ad
 Detractorem audiens non minus quem spectet l. 1. c. 52
 peccat, quā ille. l. 5. c. 67. Dispensatio tollit omnem irregu-
 non impedire, an semper sit laritatem l. 1. c. 83. in ieiunio
 peccatum mortale ibid. alia circa iactantia, alia cir-
 Deum amare quando quis tenea- ca carnes l. 5. c. 2. matrimonij
 tur l. 4. c. 9 propter affinitatē & honesta-
 Deum amare præcipue propter tē qualis debeat esse l. 7. c. 11
 premium est mortale, ibid. ne detur cōrahentibus impe-
 tentare quid, & quomodo, l. ditis qui expresse copulam ha-
 l. 4. c. 19. an semper sit mortu bēt vt dispēsetur l. 7. c. 18. ma-
 le ibid. trimonij facta, quādo duo sūt
 Deus quomodo amandus, l. 4. c. in duplici gradu, tenet, nō nar-
 9. amandus supra omnia quan- rato nisi remotiore, l. 7. c. 5.
 tum ad appretiationē, & quā in plura beneficia, non reddit
 tum ad intencionem, sed cum securos in consciētia, l. 5. c. 85
 discrimine, ibid. quomodo ad- in pensionibus, & in votis si-
 orandus l. 4. c. 12 ne causa non licita l. 5. c. 83
 Diaconus potest ministrare sacra Dispensent qui, & in quibus cum
 mentū in necessitate l. 2. c. 28 homicidis. l. 1. c. 82
 quandoque potest ministrare Dispēset quis super irregularita-
 Eucharistiam l. 5. c. 15 te ex defectu corporis l. 1. c. 57

INDEX IN SVMMAM

- Divinatio quid sit, & eius duplex genus l.4.c.15
 Ebrietas actus mali an peccata sint, l.5.c.7. & ibid.
 Diuites non subuenientes pauperibus in periculo mortis existere, Ecclesia polluitur propter quibus, an incurrant irregularitatem que l.5.c.8
 Ecclesia non semper polluitur his causis, & quando, ibi. quot, & quibus priuet bonis spiritualibus per excommunicationem, quibus verò non l.1.c.4
 Doctor defendens causam iniustam peccat mortaliter, & tenetur ad restitutionem l.5.c.60
 Ecclesie spoliatores cum effractione denunciati excommunicati ab Episcopo solus Papa absolueri potest l.1.c.16
 Domini temporales quinam, & quando persona quæ Ecclesiasticarum causa excommunicetur. l.1.c.38
 Ecclesie ista tatem quoquomodo violantes qui, & quando excommunicentur, l.1.c.30. militantis thesauri quis, unde l.5.c.51
 Domini tenentur restituere seruis fructus beneficiorum, l.5.c.26. et Principes, usurarios per mittentes, an, & quando peccent, l.5.c.37. temporales, qui Ecclesiarum effractores, earumque res rapientes quomodo excommunicentur, l.1.c.35. incēdiantur quomodo sint excommunicati, ibid. nomine que intelligamur ibid.
 Dos ab usurario accepta, an sit restitutioni obnoxia l.5.c.35
 Dubitare in fide, an sit heresis, l.4.c.4
 Ecclesiastica libertas in quibus consistat l.1.c.37
 Dubius in fide, an sit apostata, l.4.c.6
 Ecclesiasticarum personarum causa qui, & quando excommunicentur l.1.c.38
 Duellorum causa qui excommunicentur l.1.c.41
 Earundem nomine qui comprehendantur ibid.
 Duellum quando liceat, l.5.c.6
 Ecclesiastici, de bonis ab ecclesia habitis, possunt consanguineis dare nomine elemosine l. de 7.p.m.c.38
 Eorum qui spectantes, patriti & pugnantes, mortaliter peccant, excom. & priuantur sepultura l.5.c.6
 Durandi error circa matrimonium l.7.c.1
 E.
- E**brietas quid, & quale peccatum, lib. de 7.p.m.c.61
 Ecclesiasticis collectas imponentes tam super patrimonialibus, quæ beneficiorum bonis quando excommunicentur, l.1.c.29
 Eccle-

FRANCISCI TOLETI.

Ecclesiastico in foro luigantium
vel literas Apostolicas impe-
trantium causa, qui & quando
excommunicantur l. 1. c. 38
Ecclesiast. bonorum causa qui ex
communicantur, l. 1. c. 40. bo
norum Episcopi dispensatores,
& quomodo l. 4. c. 4
Ecclesiasticos indicare quibus in
casibus possit Iudex secularis,
l. 1. c. 27
Ecclesijs, aut ecclesiasticis talias
imponentes, quando excommu-
nicanentur l. 1. c. 37
Effectus minoris excommunica-
tionis quis sit, & quæ natura,
l. 1. c. 17. excommunicationis
plures l. 1. c. 11. & 13
Efficiens causa excommunicatio-
nis l. 1. c. 6
Electio passiva ad beneficiũ ex-
communicati minori excommu-
nicatione an sit valida l. 1. c. 17
Electioe passiva beneficij eccle-
siaſtici priuat minor excommu-
nicatio ibid.
Electus in Pont. à minori nume-
ro, quã duabus Cardinaliũ par-
tib. vel à sola tertia parte quã
do excommunicatur l. 1. c. 37
Eleemofyna quid, l. de 7. p. m. c.
27. quibus eroganda, ibi. c. 31.
sibi ipsi quando possit distribui,
ibid. quo ordine facienda, ibi.
c. 39. quanta debeat esse, ibid.
c. 40. abundans duplex ibid.
Eleemofynæ præceptum obligat
quoq; infideles, ibi. c. 38. præce-
ptum magis ligat Ecclesiasti-
cos, c. 36. & 38. & charitatis
diuersus ordo, ibid. c. 39. vti-
litatis ibid. c. 41
Eleemofynam qui non possint fa-
cere, ibi. c. 28. facere quib. ca-
sibus omnibus licet, ibi. facere
quandoq; peccatum, ibi. c. 40.
faciendi, quando, & quæ obli-
gatio ibid. c. 34. & 35
Eligentes indignum in Episcopa-
pato, vel aliam dignitatem
Ecclesiasticam, qui suspendan-
tur l. 1. c. 48
Emens fructus agri ante tempus
minoris, quam credito valitu-
ri essent, usura est, & tene-
tur ad restitutionem, l. de 7.
p. m. c. 50
Emere vilius infimo pretio ob an-
ticipatam solutionem, usura,
& peccatum mort. l. 5. c. 31
Emere infimo, & vendere sum-
mo pretio, an liceat ibid.
Emi, aut vendi res tanti debet,
quanti valet, cum traditur, l.
de 7. p. m. c. 50
Emphyteosis quid dicitur, l. 5. c.
42
Emptio cum pacto retrouendendi,
ut sit iusta, quæ requirantur,
l. de 7. p. m. c. 52
Energumenis non est neganda cõ-
muniõ l. 2. c. 18
Episcopatum recusare quandoq;
peccatum mortale l. 5. c. 3
Episcopatum desiderare, quando
peccatum mortale ibid.
Episco-

INDEX IN SUMMAM

- Episcopatum qui desiderat, bonū opus desiderat, quomodo explicandum* l. 5. c. 3
- Episcopi eligendi qualitates, ibi.*
- Episcopi status, & victus qualis esse debeat, l. 5. c. 4. absentia quæ incōmoda adferat, ibid.*
- & alij superiores, qui, & quā diu ab officio suspendantur, l. 1. c. 48. denominatio, l. 5. c. 3 ad quid teneantur l. 4. c. 4*
- Episcopo quando intelligatur generaliter concessa facultas dispensandi, l. 1. c. 83. qui casus reservati, l. 3. c. 14. quæ a clericis & laicis obedientia debeat, l. de 7. p. m. c. 21. reservatur absolutio excommunicati ob contractum matrimonium post solemne votum religionis l. 7. c. 4. & 8*
- Episcopus et reliqui prelati quādo, & quos possint, vel nō possint excommunicare l. 1. c. 6*
- Episcopus Italus, seu alterius nationis quomodo intelligatur, l. 1. c. 48. in quibus casibus absolutionem possit presbytero committere l. 4. c. 32*
- Episcopus quis ab exercitio pontificalium sit suspensus, l. 1. c. 49*
- excommunicatus faciens sibi Missam celebrari, an sit irregularis l. 1. c. 66. qui renunciavit Episcopatu, an, & quādo, & quos ordines possit conferre l. 1. c. 65. in casib. in quibus absolvit & absolvat, deputare potest Confessariū, qui secum in eisdē dispense, l. 1. c. 83. constitutus esse debet, ut eū vulnerantes vel capientes incurrāt excom. Bullæ Cœne, l. 1. c. 25. ordinarius, & proprius sacerdos subditū in aliena diocesi excommunicatum quando absolvere possint, l. 1. c. 16. pōt. tollere statutum contra libertatē ecclesiæ, l. 1. c. 37. solus confirmationis minister, l. 2. c. 24. non confirmat nisi sibi subditos, ibid. & pat. animam suā pro quibus suis l. 4. c. 10*
- Episcopus et pastor dicitur presbyteri, l. 5. c. 1. debito tēpore nō consecratus, tenetur restitutioni, l. 5. c. 3 ad quid teneatur post consecrationem, l. 5. c. 4. non resistens sine causa, peccat mortaliter, ibid. quando excusetur à responsidentia, ibid. admittere pauperes ad Ordines sacros tenetur, ibid. dans consanguineis officia Ecclesiastica an peccet, l. 5. c. 4 tenetur inquirere, & castigare peccata publica, ibid. irreprehensibilis, & quomodo, ibid. quomodo eleemosynas facere teneatur l. de 7. pec. mort. c. 36. solus confirmationis minister, l. 2. c. 24. sub mortali tenetur, subractis requisitis, reliqua pauperibus distribuere, ibid. an possit testari de licentia Papæ, ibid. ex religione assumptus, ad quid teneatur ibid.*
- Epis-*

FRANCISCI TOLETI.

- Episcopus veniens ad religionem l. 6. c. 12. Christi corpus, an-
an teneatur, ibi. quando tenea-
tur Episcopatu relinquare, ibi. fitur ibid.
- pro ordinum collatione nihil ac Eucharistia quare instituta, et in-
cipiat quouis preterit, etiam quos usus l. 6. c. 13
- candelas, quia periculosum est Eucharistia an sit pueris mini-
l. 5. c. 88. tempore visitationis stranda, quibus, & quando.
- nihil accipiat l. 5. c. 89 l. 6. c. 15
- Episcopus quandoq; dispensat cū Eucharistia an sit infirmis phre-
qui vouit castitatem, ut petat netici ministranda ibid.
- debitum matrimonij l. 7. c. 14 Eucharistia quale ieiunium re-
cōferens beneficia indignis, te-
netur, l. 5. c. 4. tenetur per se Eucharistie materia, quæ, et qua
concionari, ibi. curet ut cōcio lis l. 2. c. 25
- natores sint idonei, ibid. consti. Eucharistie minister solus sacer
tuens malos ministrat, peccat dos, l. 2. c. 28. minister quis
mortaliter, ibid. Italus an Vl. esse debeat, l. 6. c. 17. species
tramonianum clericum ordi-
nare possit l. 1. c. 48 verum corpus, & sanguinem
Christi continet, l. 6. c. 12. ve-
ritates, quæ credendæ, ibid.
- Eremitæ, item tertij ordinis S. Francisci, vel S. Dominici fra-
tres & sorores, an Religiosi no-
mine comprehendantur, lib. 1. species sub utraq; & sub alte-
ra totum continet Christi cor-
pus, & de hoc optimum exem-
plum, ibid. fructus & utili-
tas, l. 6. c. 14. consecrationis
forma mutata l. 2. c. 26
- Error personæ, vel sexus, an im-
pediat baptismum l. 2. c. 20
- Error contra articulos, & Eccle Eucharistiam sumendi modus qua
siam, non semper hæresis, l. 4 duplex l. 2. c. 29
- c. 3 Eucharistiam suscipientis condi-
tiones carminibus cōmentæ,
Error intolerabilis quid, & quo-
tuplex sit l. 1. c. 10 l. 6. c. 15
- Ethnicorum sacerdotes an sint sa Eucharistiam sub utraque specie
cerdotes l. 1. c. 1 ministrare l. 6. c. 17
- Euagatio mentis, l. de 7 p. m. c. Examen præmittendum ante cō-
70 fessionem l. 3. c. 17
- Euangelium quare in dextro cor-
nu altaris dicatur l. 2. c. 5
- Eucharistia quid sit, explicatur. irregularitatem l. 1. c. 70
- Exconi-

INDEX IN SVMMAM

Excommunicans ex mādato Pa- ui causa l. 5. c. 4. contra non sol-
 pe sine cause cognitione, excō- uentes non ligat, si ipsi non pos-
 municatum absoluerē nō potest sunt, l. 5. cap. 21. contra non sol-
 l. 1. c. 16. si postquam excommu- uentes, an, & quando liget, ibi.
 nicanit, incidit in excommuni- an liget eos, qui suo patri secre-
 cationem, excommunicatum à tō rapuerunt, ibid. antequam se
 se absoluerē nequit ibid. ratur, quot admonitiones neces-
Excommunicantur dantes consi- sariae, l. 1. c. 9. non solo Iudicis
 lium, ne quis inquisitoribus fa- verbo, sed & in scriptis feren-
 ueat contra hereticos, l. 4. c. 5 da, ibid. maior, & anathema
 in Bulla Cōne, pedagia, tallias, quomodo differant, l. 1. c. 5. inius-
 gabellas, & prohibita exigen- sta in foro conscientie inualida.
 tes, l. 5. c. 73. tria genera perso- l. 1. c. 14. cur, & quando infliga-
 narum l. 1. c. 36 tur, l. 1. c. 4. quādiu bonis priuet
Excommunicare qui possint, qui l. 1. c. 11. quando & quomodo, et
 verò nō, l. 1. c. 6. an liceat absq; à quibus contrahatur, & à qui-
 precedēti admonitione, l. 1. c. 9 bus non, l. 1. c. 8. quando dicatur
 & absoluerē subditos suos ex- errorē continere intolerabilem.
 tra proprium territorium auquis l. 1. c. 10. quot modis sit iniusta,
 possit l. 1. c. 16. qui possint, an ex parte excommunicantis, &
 oēs similiter possint, & quod quot ex parte excommunicati,
 sit inter eos discrimen, l. 1. c. 6 ibid. iniusta, quēnam liget, &
 seipsum nemo potest l. 1. c. 7 quomodo, ibid. fulminari nō de-
Excommunicari qui possint, & bet propter res paruas & leues.
 qui non ibid. l. 1. c. 8. lata in eum, qui clam a-
Excommunicati ob manū vio- liquid alteri surripuit similiter
 lentiam iniectionē, qui, & quā- contra occultum aliquid non re-
 do ab alio, quā à Papa absol- uelantes, aut occultas scripturas
 ui possint, l. 1. c. 32. quānam, & non producentes, quando non li-
 in quibus, & quando vitandi, get, ibid. ut contrahatur, inten-
 l. 1. c. 11. & 12. etiam ignorātis tio excōmunicantis requiritur,
 se excōmunicatum, electio ad l. 1. c. 9. minor quomodo contra-
 beneficium, aut secularem dig- hatur, l. 1. c. 17. minor alios non
 nitatem est nulla, ibid. c. 13. ob afficit, ibi. minor, quibus priuet
 participationem in crimine cri excommunicatum, ibid. Bulla
 minoso, ad quem spectet absolu Cōne non incurritur ob here-
 tio ibid. c. 16 sim interiore tantum, l. 1. c. 19
Excōmunicatio non ex quavis le- ut sit iusta, an semper admoni-
 tio

FRANCISCI TOLETI.

- tio personalis præmittenda, l. 1. c. 10. quando afficiat excommunicatum l. 1. c. 11
 Excommunicatio licet ferri non debeat absq; causæ expressione, lata tamen tenet, ibid. c. 9
 Excommunicatio à iure duplex, & quæ ibid. c. 16
 Excommunicatio quælibet, in quos cunq; lata, si effectus non sequatur, an, & quomodo contrahatur ibid. c. 8
 Excommunicatio prima Bullæ Cæne contra quos fit, inquitur, l. 1. c. 19. quid sit ibid. c. 4
 Excommunicatio à iure, & excōmunicatio ab homine, quotuplīciter differant l. 1. c. 5
 Excommunicatio simpliciter à Iudice fulminata, pro qua accipiendi sit ibid.
 Excommunicatio vniuersalis lata à iure quos liget l. 1. c. 7. quomodo dicatur minus malum, quàm peccatum veniale, quomodo verò maior, lib. 1. c. 4.
 quot modis dici possit iniusta, & nulla l. 1. c. 10
 Excommunicatio ob iniectionem manuum in clericos, vel monachos, in quibus casibus non contrahatur l. 1. c. 32
 Excommunicatio reservata quid sit, & quid non reservata; iis qui possint ab eis absoluerē, l. 1. c. 16
 Excommunicatio Bullæ Cæne in subsidium aliquod aduersus Christianos infidelibus impendētes quomodo differat ab ijs excommunicationib. quæ contra eosdem in iure continentur, l. 1. c. 24. à quibus solui possit extracausum necessitatis l. 1. c. 16
 Excommunicatio non liberat ab obligatione soluendi debitum creditori. l. 1. c. 13
 Excommunicatio quæuis solos facientes comprehendit, nisi verborum tenore aliter exprimitur, ibi. c. 8. tam à iure, quàm ab homine, quādo ignorantes liget, & quando non ibid.
 Excommunicatio à iure cōtracta in vita potest declarari post mortem l. 1. c. 7
 Excommunicatio minor à quo absoluitur, l. 1. c. 17. an semper absolui possit ab eo, qui excōmunicauit, & in quibus casibus non l. 1. c. 16
 Excommunicatio ob communicationem cum excōmunicato à Papa, ut contrahatur, quot cōcurrere debeant, ibid. c. 35. dum durat, obligatum excōmunicato liberat à vinculo fidelitatis & iuramenti, l. 1. c. 17. quomodo etiā in re leui ligare possit, l. 1. c. 8. quot, & quib. priuet bonis spiritualib. quibus verò non, l. 1. c. 4. multiplex l. 1. c. 5
 Excommunicatione durante in iudicio agere contractus vigore excōmunicatus non potest; agi contra ipsum potest l. 1. c. 11
 Excom-

INDEX IN SUMMAM

Excommunicationem incurrunt	seruata	l. i. c. 36
Undecim genera personarum.	Excōmunicationes non reserua-	
Rursus alia quinq;	l. i. c. 35	te in extranag. l. i. c. 40
Excommunicationem, ne contra	Excōmunicationes in Concil.	
batur, si et pars, ad cuius instā	Trid. reseruata	l. i. c. 41
tiam lata est, impedire possit,	Excōmunicationes Papales pro-	
non tamen, contractam tollere,	ter eas, que in Bulla Cōne con-	
l. i. c. 9	tinentur, quo ordine explican-	
Excommunicationem quā incur-	dā	l. i. c. 31
rat absolvens ab aliqua excom-	Excōmunicationes contente in	
municatione in Bulla Cōne con-	processibus generalibus, licet	
tenta	l. i. c. 30	sint ab homine, habent tamen
Excommunicationem, qui incur-	vim tōris	l. i. c. 18
rant Cardinalium in conclau	Excōmunicationes in Decreta	
existentium causis, Cardinalib.	libus & in sexto reseruata,	
eam nō incurrentibus	l. i. c. 38	l. i. c. 35
Excommunicationē Papalem qui	Excōmunicationes à provincia	
religiosi contrahant	l. i. c. 36	libus, seu Synodalibus Conci-
Excommunicationē sustinens per	lijs latus, qui absoluerē pos-	
annum, hæresis suspectus habe-	sint	l. i. c. 16
tur	l. i. c. 13	Excōmunicationes non reserua-
Excommunicationem ab Episco-	tōis Clementinis	l. i. c. 30
po latam, quādo absoluerē pos-	Excōmunicationibus pluribus li-	
sit inferior	l. i. c. 16	gatus, pluribus intelligit abso-
Excommunicationem, ut si in-	lutionibus, vel vna generali,	
sta & valida, præcedere debet	l. i. c. 14	
admonitio	l. i. c. 10	Excōmunicationibus multis si-
Excommunicationes quedam Pa-	mul pōt aliquis ligari	l. i. c. 26
pæ, quedam nemini, aut Episco-	Excōmunicationis absolutio du-	
po absoluerē reseruantur, li-	plex, & à quo, ac quomodo fa-	
l. i. c. 18	cienda	l. i. c. 14
Excommunicationes non reserua-	Excōmunicationis minoris na-	
te in Decretis, & Decretalib.	tura que sit, & quis effectus,	
l. i. c. 37	l. i. c. 17	
Excommunicationes non reserua-	Excōmunicationis modi qua-	
te in sexto	l. i. c. 36	tur
Excōmunicationes in Clementi-	Excōmunicationis ferendæ ob-	
nis, & in extranagantibus re-	peccatum præteritum aliquot	
	circum	

FRANCISCI TOLETTI.

- cumstantie conseruandæ, li. 1. c. 9
 Excommunicationis genera cau-
 sarum quor., & quæ sint, lib. 1. c. 6
 Excommunicationis effectus plu-
 res l. 1. c. 11. & 13
 Excommunicationis finis quis sit, l. 1. c. 10
 Excommunicationis circumstan-
 tias nõ obseruantes, qui, quas, & quando penas incurrant, l. 1. c. 9
 Excommunicationis relaxatio quã-
 do sit illico facienda, lib. 1. c. 14
 Excommunicationis, quãdã dicunt ab homine, absolutio ad quem spectet l. 1. c. 16
 Excommunicationis cõtrahende terminum an pars ad cuius in-
 stantiam lata est, prorogare possit l. 1. c. 9
 Excommunicationis à suspensione differentia l. 1. c. 46
 Excommunicationis maioris, & minoris discrimen l. 1. c. 5
 Excommunicationis varia diui-
 sio, seu species variae ibid.
 Excommunicationis absolutione per vim, vel metũ extorquen-
 tes, quomodo & quando exco-
 municentur l. 1. c. 33
 Excommunicato participans, quo-
 modo eandem excommunica-
 tionem contrahat l. 1. c. 13
 Excommunicatos omnes an gene-
 raliter absoluat Papa in die
- Iouis Cene l. 1. c. 36
 Excommunicatos quoscumque ab-
 manuum iniectionem absolue-
 re qui possint ibid. c. 32
 Excommunicatum subditum in a-
 lienâ diœcesi, quando absolue-
 re possint Episcopus, Ordinari⁹
 & proprius sacerdos l. 1. 16
 Excommunicatum quãdo afficiat
 excommunicatio ibid. c. 12
 Excommunicatur contrahens ma-
 trimonium post votum solen-
 ne religionis l. 7. c. 4. & 8
 Excommunicatus celebrans quis,
 & quando fiat irregularis, l. 1
 c. 66
 Excommunicatus beneficiatus, be-
 neficij fructus amittit, non ti-
 tulũ, nec possessionem l. 1. c. 13
 Excommunicatus quis ecclesiasti-
 ca sepultura priuandus ibid.
 Excommunicatus à quibus possit
 absolui extra casum necessita-
 tis ibid. c. 16
 Excommunicatus in quibus casi-
 bus ab excommunicante absol-
 ui non possit ibid.
 Excommunicatus, cũ domicilium
 haberet in vna diœcesi, ad ali-
 am se transferens, à quo absol-
 ui possit ibid.
 Excommunicatus quando etiam
 inuitus & ignarus absolui pos-
 sit l. 1. c. 14
 Excommunicatus iniuste se gere-
 re debet vt excommunicatus,
 donec absoluator ibid. c. 10
 Excommunicatus cum alijs con-
 trahens

INDEX IN SVMMAM

- trahens peccat, licet contractus *Excusantur à ieiunio permulti, l. sint validi* l. 1. c. 11 6. c. 4
Excommunicatus à delegato Pa- *Excusati à ieiunio nō excusantur*
pē, per annum manens in tali *in esu carniū* l. 6. c. 3
excommunicatione, à solo Pa- *Excusatur quis à ieiunio quatuor*
pa absoluitur l. 1. c. 35 *causis* l. 6. c. 4
Excommunicatus nullum iurisdic- *Excusatur quis ab audiendo sacro*
tionis actum exercere potest, *quinq; de causis* l. 6. c. 9
 l. 1. c. 13 *Excusatur quandoque à ieiunio*
Excommunicatus quisnam in mor *quis, & à Sacramento, licet*
tis articulo etiam possit absol- *non habeat iustam causam, sed*
uere ab excommunicatione, l. *apparentem* *ibid.*
 l. 1. c. 15 *Exigere vltra sortem in mutuo*
Excommunicatus impetrans à Pa *in pēna dicitur* l. 5. c. 33
pa literas ad beneficium, si *Extravag. calixti, & Martini*
mul absolutionem ab excom- *Papae non obstant in censibus,*
municatione, quando impe- *l. 5. c. 46*
 tret l. 1. c. 13 *F.*
Excommunicatus nominatim, & *F* *Allacia quale peccatum, l. de*
excommunicatus denunciatus *7 p. m. c. 54*
qui differant l. 1. c. 12 *Fallacia in verbis, fraud in factis,*
Excommunicatus in vna ecclesia *lib. de 7. p. m. c. 26. & 46*
vbique locorum est excommu- *Falsarij literarum Apostolicarū,*
nicaus l. 1. c. 11 *quinam incidant in excommu-*
Excommunicatus & infamis non *nicationem Bullae Cane, l. 1. c.*
faciunt fidem in iudicio, lib. 5. *22*
 c. 59 *Falsarij literar. Apost. quas pe-*
Excommunicatus non absoluitur *nas incurrant* *ibid.*
à peccatis, nisi prius ab excom *Falsi testes damnum tenent in re-*
municatione absoluitur, lib. 3. *stiuere* l. 5. c. 21
 c. 10. & 12 *Falsum dupliciter dici, l. de 7. p.*
Excommunicatus ut sit aliquis, *m. c. 54*
quia participat cum excommu *Falsum testificans propter lucrū,*
nico in crimine criminoso, an restituiere teneatur l. 5. c. 59
quot necessaria l. 1. c. 34 *Fama quid, l. de 7. p. m. c. 6*
Excommunicatus nullum ordinis *Fama, & honor in quo differant,*
actum potest exercere, lib. 1. *l. 5. c. 36*
 c. 13 *Fama restituatur coram his, co-*
 rāms

FRANCISCI TOLETI.

- ram quibus est lesa l. 5. c. 69 Fides sola non sufficit ad salutem,
 Famam auferre quid sit, & quo- l. 4. c. 24
 modo, & que l. 5. c. 63 Fides absque exteriori confessio-
 Famam restituere cum detrimen ne non sufficit l. 4. c. 2
 to propriæ famæ, an quis tene- Fides manifestanda cum vitæ pe-
 atur l. 5. c. 70 riculo ibid.
 Famam restituere cum periculo Fides duplex, explicita, & im-
 vitæ, an teneamur ibid. plicita ibid.
 Famuli quâdo possint facere elee Filijs familias quando possint face
 mosynam, l. de 7. p. m. c. 30 re elemosynam, li. de 7. pec.
 Famulos hereticorum qui dicant mor. c. 30
 tur, et quotuplex sit eorum ge Filiorum procreatio, & educatio
 nus l. 1. c. 19 concubitus causa est, lib. 5. c.
 Festus diebus quibus assibus ope- 10
 rari liceat, & quomodo, li. 4. Filij tenentur exhibere tria parē
 c. 25 tibus l. 5. c. 4
 Festum non sanctificare, ex gene- Filij impediētes parentum te-
 re suo mortale l. 4. c. 24 stamentum, peccant mortaliter,
 Festum quomodo sanctificandum, ibid.
 ibid. quando incipiendum, ibi. Filius malè tractans patrem, pec-
 Fidei materia quænam sit, lib. 4. cat mortaliter ibid.
 c. 4 Filius ingrediens religionem, re-
 Fidei articulos, & alia ignorare linquens patrem in necessitate
 est mortale. l. 4. c. 2 peccat mortaliter ibid.
 Fidei bona, vel malè possessor. Vi Filius an teneatur egredi reli-
 de bonæ fidei. gione, ob patris necessitatem.
 Fidelitatis, vel iuramenti vincu ibid.
 lo obligatum excommunicato Filius non obediens parētibz, an
 liberat excommunicatio, dum peccet mortaliter, ibid.
 durat l. 1. c. 13 Filius provocans ad iram patrem
 Fidem propriam confiteri, quando an peccet mortaliter ibid.
 quis teneatur l. 4. c. 2 Filius negans patrem propter pau-
 Fidem implicitam habere an om- peritatem, an peccet mortali-
 nes teneantur ibid. ter it. l.
 Fides quid sit, declaratur, lib. 4. Filius accusans patrem, an peccet
 c. 1 mortaliter ibid.
 Fides necessaria adultis ut bapti Filius tenetur aliquando patrem
 zentur l. 2. c. 21 accusare l. 5. c. 4

INDEX IN SVMMAM

- Filius suppositivus* quid, & quo- *Fructus beneficij* quos amittat be-
modo l. 5. c. 13 *neficiarius excommunicatus*, l.
- Filius familias* an possit ioco expo- 1. c. 13
nere aliquantam summam, l. *Funambuli* & *taurorum* ag gres-
l. 5. c. 27 sores, an peccent mortaliter,
Femina vi oppressa, non peccat, l. 5. c. 6
l. 5. c. 10 *Fur* restituat non solum rem, vel
Femina an possit excommunica- valorem, sed etiam fructus, l.
re. l. 1. c. 6 5. c. 22
- Fœtum* abortiri faciens quis nō sit *Fur* restituat rem, & damnum e-
irregularis ibid. c. 70 mergens. ibid.
- Formalis causa excommunicatio.* *Fur*, si furatur à fure, cui restitu-
nis que sit ibid. c. 9 et, lib. 5. c. 23
- Fornicari* ad evitandum mortis *Furari* an liceat aliquando, l. 5.
periculum l. 5. c. 10 cap. 15
- Fornicatio* quid, & quot eius spe- *Fura* que sibi debentur quibus
cies ibid. conditionibus liceat l. 5. c. 15
- Fornicationem* peccatum mortale *Furtum* obligat ad restitutionem
non esse asserere, est hereticum l. 5. c. 16
ibid. *Furtum* prohiberi cum possit, an
Fornicator, seu concubinaris, obliget ad restitutionem, &
quis, quomodo, & à quibus sit quomodo l. 5. c. 21
- Suspensus*, & an alias penas in *Furtum* manifestare an teneamur,
currat, quas, ac quādo l. 1. c. 47 ibid.
- Fraus* quid, lib. de 7. pec. mort. c. *Furtum* quid, & eius species, l. 5.
46 c. 15
- Fraus* ratione pretij, l. de 7. pec. *Furtum* quando sit peccatum mor-
mort. c. 47 tale, & quando non l. 5. c. 16
- Fraus* ratione rei vendite, li. de *Furtum* etiam modicum quando-
7. p. m. c. 49 que mortale ibid.
- Fraus* ratione modi vendendi, li. G.
de 7. p. m. c. 50
- Fructus rerum* in duplici differē- **G** *Abella* quid sit, & eius cau-
tia l. 5. c. 35 sa l. 5. c. 72
- Fructus* in societate officiorū quo- *Gabella* quadruplex ibid.
modo locentur l. 5. c. 40 *Gabella*, vectigal, dogma, portori-
Fructus cennum quandoq; muta *Gabella* non est de his, que in prae-
tur in pretium l. 5. c. 46 prius vsus rebus ibid.
Gabella

FRANCISCI TOLETI.

Gabella in quo differat à collecta,	plici consideratione, l. de 7. p.	
l. 5. c. 72	m. c.	68
Gabella quota debeat esse. ibid.	Gloria quid, lib. de 7. pec. mort.	
Gabella non sine necessitate imponenda	c. 6	
ibid. c. 74	Glorie appetitus ordinatus & in-	
Gabella alcauala iniusta ibid.	ordinatus, lib. de 7. pec. mort.	
Gabelle, seu tallie conditiones	ibid.	
tres	Gradus finiti valoris in Sacra-	
Gabelle debent cessare, cessante	mento ratione Sacramenti, l.	
causa	ibid.	2. c. 6
Gabelle, siue pedagia, quot modis	Gratie infusio per Sacramentum	
possint esse iniusta l. 1. c. 21	abstergit peccati maculam, l.	
Gabellas imponere cuius sit, li. 5.	3. c. 11	
c. 73	ibid.	Gratie augmentum meretur offe-
Gabellas novas imponentes, ex-	rens Sacramentum l. 2. c. 6	
communicantur in Bulla Cœ-	Gratie gradus in Sacramento est	
ne	ibid.	finiti valoris l. 2. c. 8
Gabellas exigens de his, que in	Gratiam confert Communio, qua	
propriis vsus emuntur, excom-	mortale remittitur l. 2. c. 29	
municantur in Bulla Cœnæ do-	Gratiam omnino aufert peccatum	
mini	ibid.	mortale l. 3. c. 2
Gabellas iustas non soluens, peccat	Gratiam, & remissionem pecca-	
non tamen tenetur ad pœnam,	torum confert Sacramentum,	
l. 5. c. 75	l. 2. c. 6	
Gabellas, seu pedagia à sponte sol-	Gratiam confert Baptismus, qua	
uētibus accipientes, utrū &	remittitur peccatum, nō solūm	
qui excommunicentur l. 1. c. 21	originale, sed actuale quoque	
Gabellas imponentes quouis modo	in adultis, quantum ad totam	
iniustas, an sint excommunica-	pœnam l. 2. c. 22	
ti.	ibid.	Gratiam melius est, quā pœna re-
Gabellas, seu pedagia, aut vecti-	missionem acquirere, l. 6. c. 11	
galia, qui imponere possint,	Gubernatores, & Iudices iustitiā	
ibid.	non seruantes, quando excom-	
Gabellas veteres augētes, qui ex-	communicentur l. 1. c. 37	
communicentur	ibid.	Guidagium quid, an liceat, quo-
Gabellarum exactores qui sint, et	modo, & quibus l. 5. c. 74	
qui excommunicentur ibid.	Gula quid, & eius species l. de 7.	
Gaudium boni spiritualis ex tri-	p. m. c. 59	

INDEX IN SVMMAM

Gula quale peccatum, lib. de 7. p.	reſeruetur	ibid.
m. c.	60	Heretiſis exterius tantum peccatū
Gula filia quinque, lib. de 7. pec.	à quolibet poteſt abſolui	ibid.
mort. c.	62	Heretici an, & qui intelligantur
Guſtabiliam tria genera, l. 6. c. 1	cum infidelibus, quibus arma,	
H.	& huiſmodi prohibita deſer	
H ebetudo mentis, filia gula,	re non licet	l. 1. c. 23
quando peccatum, li. de	Heretici qui dicantur	l. 1. c. 19
7. pec. mort. c. 62	Hereticorum filij an omnes ſint	
Heredes uſurariorum, tenentur	irregulares	l. 1. c. 63
ad reſtitutionem	l. 5. c. 35	Hereticorum fautores qui, l. 4.
Heredes neceſſarij, & non neceſ-	c. 4	
sarij, qui dicantur	l. 5. c. 23	Hereticorum cauſa qui, & quan-
Heretiſis tantum exterior, tantum	do excommunicentur, l. 1. c. 38	
etiam exterius excommunica	Hereticorum credentes, recepta-	
tum reddit	l. 1. c. 19	tes, fautores, deſenſores, en-
Heretiſis nomine, quantum ad irre-	rum libros legentes, imprimen-	
gularitatem ſpectat, qui com-	tes, & eoſdē deſendentes, qui	
prehendantur	l. 1. c. 63	& quando excommunicentur
Heretiſis ſuſpectus haberi quis, &	per Bullam Cene	l. 1. c. 19
quando excommunicatus poſ-	Hereticos inquiſitoribus reuelat-	
ſit	l. 1. c. 13	si quilibet tenetur l. 4. c. 5
Heretiſis interior ſicut non excom-	Hereticos pertinaces accuſare te-	
municationem, ita nec irregu-	nemur	l. 5. c. 57
laritatem inducit	l. 1. c. 63	Hereticus interius, exprimeſ ex-
Heretiſis interior tantum, non ſatis	terius aliquo ſigno, incidit in	
eſt ad excommunicationē Bal	excommunicationem l. 1. c. 19	
le Cene	l. 1. c. 19	Hereticus quis, & quando dica-
Heretiſis quid ſit, declaratur, lib.	tur	l. 4. c. 3
4. c. 3	Hermaphroditus an ſit irregula-	
Heretiſis triplex, interius, exteri-	ri cenſendus	l. 1. c. 57
us, & ſimul	l. 4. c. 4	Homicida voluntarius quis ſit, e-
Heretiſis nulla abſque pertinacia,	tianſi non lethaliter percuſſe-	
l. 4. c. 3	rit	l. 1. c. 73
Heretiſis peccatum an ſemper ſi b.	Homicida, vel mutilatores, qui	
iaceat excommunicationi, li.	non ſint irregulares	l. 1. c. 72
4. c. 4	Homicidij voluntarij nomine, quā-	
Heretiſis peccatum occultum, cui	tum ad irregularitatem, quod-	
	nam	

FRANCISCI TOLETI.

nam intelligatur l.1.c.82 fit l.1.c.79. aliàs 74
Homicidij circumstantia expri- Homicidium, vel mutilatio ex
menda l.5.c.8 consilio, quando, & quam irre
Homicidij casualis, ad ipsum de- gularitatem inducat, quando
clarandum, variae regule, & verò nullam l.1.c.79
exempla l.1.c.80. aliàs Homicidium voluntarium quod-
75 nam irregularitatem inducat,
Homicidio an teneatur, qui inno- l.1.c.73
centem diffamavit, unde mor Homicidium casuale quanta ex
ti additus est l.5.c.70 culpa inducat irregularitatem,
Homicidio causam dantes an sem l.1.c.81. aliàs 76
per peccent mortaliter, lib.5. Homicidium quoduplex, seu quo-
c.7 tupliciter fiat l.1.c.71
Homo est causa materialis remo- Homicidium ut sit iustum, quot
ta excommunicationis, lib.1. requirantur l.1.c.73
c.7 Homicidium casuale quid, &
Homicidium quodupliciter per- quando sit l.1.c.71
petretur l.1.c.82 Homicidium, vel mutilatio quom
Homicidium quid, & quoduplex do non inducat irregularitatem
l.5.c.6 l.1.c.72. & 73
Homicidium facto, consilio, pre- Homicidium casuale ex opera il-
cepto, promissione, & alio, licina subsecutum, non semper
ibid. inducit irregularitatem, l.1.
Homicidium an semper sit cum 81. aliàs 76
peccato, & quando ibid. Homicidium, aut mutilatio ex
Homicidium tribus causis excu- mandato, quos, & quando, si-
satur ibid. ne mandantes, siue mandati-
Homicidium in sui defensionem rios efficiat irregulares, &
non semper licet ibid. qua irregularitate, l.1.c.83.
Homicidium sine intentione an sit aliàs 78
peccatum l.5.c.7 Homicidium non impediens an
Homicidium casuale, vel mutila- semper peccent mortaliter, l.
tio casualis quid sit, quodupli- 5.c.7
citer committatur, quando sit Homicidium concomitantia, l.5.
peccatum, ac irregularitatem c.9
inducat, & quando non, l.1.c. Homicidium quod & quando sit,
80. aliàs 75 vel non sit peccatum, ac quando
Homicidium ex necessitate quid & quam inducat irregularitatem
++++ 4 iem.

INDEX IN SVMMAM

- tem l. 1. c. 59. aliàs 74. Horas canonicas an, & quomodo
Homicidium casuale, quando nul teneatur recitare clericus ex-
la est culpa, non inducit irre- communicatus l. 1. c. 66
gularitatem, secus de alijs ho- Horas recitare, ac pensionem sol-
mici dijs, lib. 1. cap. 81. aliàs uere, quomodo obligetur bene-
76 ficiatus excommunicatus, l. 1.
Homicidium casuale ex opera li- c. 13
cita, & presertim obligatoria Horror futuri seculi unde, li. de
non inducit irregularitatem, 7. p. m. c. 55
l. 1. c. 81. aliàs 76 Hypocrisis quid, & quale pecca-
Homicidium lingua perpetratum tum ibid. c. 9
lib. 1. c. 82. aliàs 77. & 83. a- Hypocrisis due species, ibid. cap.
liàs 78 9.
Homicidium quodnam inducat I.
irregularitatem l. 1. c. 69 Iactantia quid, & quale pecca-
Homicidium illicitum quando ir- m. l. de 7. p. m. c. 8
regularitatem inducat, & Iactantia quibus modis sit mor-
quam licitum ibid. tale l. de 7. p. m. ibid.
Homicidium quotuplex, lib. 1. c. Idolatrie definitio, & an subia-
69 ceat excommunicationi, l. 4.
Homicidium voluntarium quo- c. 14
tuplex l. 1. c. 71 Ieiunans à quibus cibis abstinere
Honor quid, l. 5. c. 36. & l. de 7. debeat, & eorum differentia,
p. m. c. 6 l. 6. c. 2
Honora patrem tuum, & matrè Ieiunanti licet ientaculum sume-
tuam, & c. l. 5. c. 1 re, & de eius quantitate, li.
Hore Canonice à quibus recitan- 6. c. 2
de l. 2. c. 14 Ieiunare quandoque quis tene-
Hore Canonice quare septem, l. tur ex diuino præcepto, lib. 6.
2. c. 11 cap. 3
Hore Canonice quando recitan- Ieiunij modus & finis l. 6. c. 2
de l. 2. c. 3 Ieiunij modus duplex, ininse-
Horarum ordo an sit sub præce- cus, & extrinsecus, lib. 6. c.
pto. l. 2. c. 12 2
Horas recitare tenentur omnes Ieiunij hora, & an sit peccatum,
beneficiati ibid. eam anticipare. ibid.
Horas recitare qui excusentur, l. Ieiunij tempus, & de eius obliga-
2. 6. 14 tione l. 6. c. 3
Ieiun-

FRANCISCI TOLETI.

- Ieiunij preceptum obligat omnes mort. c. 1
ad mortale l. 6. c. 3 Ignorantia quod duplex sit, lib. 1.
Ieiunium quid sit l. 6. c. 1 cap. 8.
Ieiunium an semper necessarium, Ignorantia facti quid sit, & quid
ve quis communicet, lib. 2. c. ignorantia iuris ibid.
28 Ignorantia quenam excuset ab
Ieiunium quale requiratur ad ce excommunicatione, que verò
lebrandum l. 6. c. 1 minime ibid.
Ieiunium spirituale quid sit, ibi Ignorare articulos fidei, & alia,
dem, est mortale l. 4. c. 2
Ieiunium in Quadragesima quare Illegitimus, & irregularis quo-
præcipiatur l. 6. c. 2 modo quis sit de verè coniuga-
Ieiunium in vigilijs quare præ- tis natus, & contra legitimus,
cipiatur ibid. nec irregularis, natus ex for-
Ieiunium factum in peccato, licet nicatione l. 1. c. 52
non sit meritorium, set ta Illegitimus omnis est irregularis
men ad multa ibid. ibid.
Ieiunium soluens, an teneatur illo Illiterati, & Neophiti irregula-
die amplius ieiunare, lib. 6. res censentur ex defectu qui-
c. 3 me, & quis dispenset cum eis-
Ieiunium non servat infirmitas, dem l. 1. c. 58
labor, paupertas, pietas, lib. 6. Immunditia filia gula, lib. de 7.
c. 4 p. m. c. 62
Ieiunium domini servare faciant Impediens ne quis cōsequatur be-
alioquin peccant lib. 2. neficiū, an teneatur, & quo-
c. 5 modo l. 5. c. 19
Ieiunium servare extra propriā Impediens aliquod bonum, an te-
ciuitatem an quis teneatur, neatur restituere, & quando.
cū in sua non teneatur, ibi- ibid.
dem, Impietatis peccatum est, imagi-
Tentaculum vespertinum in ma- nem concubare, lib. 4. cap.
tutinum commutare an liceat 13
lib. 6. c. 5 Incendiarij Ecclesiarum quomo-
Ignorantia iuris, & facti, dum- do sint excommunicati, lib. 1.
modo non crassa, excusat, lib. c. 35
5. c. 26 Incendiariorum excommunicatio
Ignorantia quomodo excuset à quando soli Papæ referretur,
peccato lib. de 7. pec. ibid.

INDEX IN SVMMAM

- Incendiaris à quocumq; excom- Indulgentia limitata cum nume-
municatus, post denunciationē ro quarentenarum, quomodo,
à solo Papa absolui potest, l. 1. l. 6. c. 24
c. 16 Indulgentia limitata cum tertiā,
Incestuosus spe coniugij dispensa- vel quarta parte peccatorum,
tionem non habeat, l. 5. c. 12. quomodo ibid.
¶ l. 7. c. 15 Indulgentia plenaria, & Iubilei
Incestus quid, & quomodo impe- in quo differant ibid.
diat matrimonium, l. 5. c. 12. Indulgentia prodest mortuis, &
¶ l. 7. c. 15 hoc negare hereticum est, l. 6
Inconsideratio vnde, l. de 7. pec. c. 26
m. c. 55 Indulgentia pro mortuis certissi-
Inconstancia vnde ibid. ma, contra Caietanum, ibi-
Indignatio quid, & quale pecca- dem.
tum, lib. de 7. p. m. c. 58. 65. Indulgentia quomodo profit mor-
¶ 66 tui, in modum suffragij, &
Inducere aliquem ad iurandum quid ibid.
falsum est mortale, lib. 4. c. Indulgentia an profit mortuis, si
21 in peccato est, qui eam sumit,
Inducere aliquem ad dandum ad ibid.
vsuram, an liceat, lib. 5. cap. Indulgentia non concedenda abs-
37 quā causa, & quā sit ista, lib.
Indulgentia non remittit pœnam 6. c. 27
eternam l. 6. c. 22 Indulgentia data confessoris, &
Indulgentia non est noua in Ec- contritis, an sit opus statim
clesia, sed antiqua, lib. 6. c. confiteri, & conteri, lib. 6. c.
22 27
Indulgentia quomodo concedi de- Indulgentia magna propter par-
beat l. 6. c. 23 uam causam an sit valida, li.
Indulgentia non solum remittit 6. c. 28
pœnam taxatam ibid. Indulgentia consecuta, an teneā-
Indulgentia tot annorum quomo- tur quis amplius satisfacere,
do intelligatur ibid. l. 6. c. 26
Indulgentia acquiritur sex mo- Indulgentia quid sit l. 6. c. 21
dis, limitata re lib. 6. cap. Indulgentia in se continet mise-
24 ricordiam, & iustitiam, l. 6.
Indulgentia plenaria omnem de- c. 22
let pœnam ibid. Indulgentia non remittit culpā,
lib.

FRANCISCI TOLETI.

- lib. 6. c. 22 mortal. c. 61
- Indulgentia à pœna, & culpa Infamans aliquē tenetur de dam-
quomodo intelligatur, lib. 6. no illato l. 5. c. 68
- c. 22 Infamantes se inuicem, an tenean-
tur reddere famam, lib. 5. c.
- Indulgentia non prodest existen-
ti in peccato ibid. 69
- Indulgentiæ remittunt penam Infamare alios, quale peccatum,
debitam in purgatorio, lib. 3. l. 5. c. 63
- c. 6 Infamare se ipsum an liceat, l. 5.
- Indulgentiam perpetuam sepius, c. 66
- eodem etiam die, consequi ali- Infamatus crimine vero iniussè,
quis potest l. 6. c. 28 an teneatur fateri, lib. 5. cap.
- Indulgentiam ad certum tempus 69
- non potest quis, nisi semel conse Infamatus dicitur quis dupliciter
qui ibid. l. 5. c. 65
- Indulgentiam conferre, cuius sit, Infamia facti quæ sit, & quæ in-
& quomodo cum discrimine, ris, ac quomodo hæc contraha-
l. 6. c. 25 tur, & quomodo, aut à quo v-
- Indulgentiam prodesse viuis, si- traque tollatur l. 1. c. 55
- de Catholica tenendum, l. 6. Infamia quotuplex sit ibid.
- c. 27 Infamia legalis quomodo contra-
- Indulgentiam nō conse- in ex- hatur, & quomodo Canonica
istens in peccato ibid. ibid.
- Indulgentiam non consequitur, Infamiam tollere, & dispensare
qui non adimplet opus im- in irregularitate ex infamia
positum, & si implet in pec- quomodo differant l. 1. c. 55
- cato, & postea confiteatur, Infamis an sit irregularis ex de-
ibid. li. 1. c. 56
- Indulgentiam consequutus, an Infantes quare baptizentur, l. 2.
- possit de obliis postea absolui c. 21
- ibid. Infantes mori ex incuria paren-
- Indulgentiarum fons, origo, & tum quotupliciter contingat,
thejaunis l. 5. c. 21 l. 1. c. 81. aliàs 76
- Indulgentias magnas pro parua Infanti primam tonsuram conse-
cassa dare, peccatum est, l. 6. rens quam penam incurrat, l.
- c. 28 l. 1. c. 48
- Inebriari ob sanitatem, an liceat Inferior non iudicet maiorum fa-
lib. 5. c. 10. & lib. de 7. pec. Ha l. 5. c. 57
- Inse-

INDEX IN SVMMAM

- Inferior cedat in Baptismo prae-
sentis superiore l.2.c.20 vel Monachum quae dicatur,
& qualis esse debeat, vt con-
Infideles petentes baptismum nō
sunt statim admittendi, l.2.c. trahatur excommunicatio, l.1
c.31
- 21 Inijcientium in Clericos manus
Infideles non excusantur in De-
calogi transgressione, lib. 4. violentas nomine, qui compre-
hendantur ibid.
c.6 Inimicis non tenemur relaxare sa-
tisfactionem l.4.c.10
- Infidelibus deferri prohibita quae
nam sint l.1.c.23 Inimicis quae, quando, & quomo-
do officia exhibenda ibid.
- Infidelis conuersus, an cum altero
coniuge remanente infideli, Inimico non sunt subtrahenda cō-
debeat cohabitare, lib.7.cap. munia beneficia ibid.
- 7 Iniuriæ satisfactio quanta, lib.5.
Infidelitas non semper est pecca-
tum c.24
- Infidelitatis descriptio, & decla-
ratio l.4.c.6 Iniuriarū verbis proferre est per
se mortale l.5.c.9
- Infidelium filij, an possint bap-
tizari inuitis parentibus, lib.2. ibid. Iniurias & offensas remittere, an
teneamur l.4.c.10
- c.21 Innocentem occidere propter bo-
num an liceat l.5.c.6
- Infirmus quadruplex liberat à Inobedi-
entia ieiunio l.6.c.4 Pontifici, excommunicationem
Bullæ Censæ incurrunt, & quo
modo isti differant à schisma-
ticis l.1.c.19
- Infirmus an satis sit adorare cor-
pus Christi l.6.c.7
- Inhabilis ad officium, etiam inha-
bilis est ad beneficium, lib.1. Inobediencia quid, lib. de 7. pec.
c.51 m.c.14
- Inhabiles ad ordines quoduplici-
ter aliquis esse possit ibid. Inquietudo, & sollicitudo mentis
lib. de 7. pec. mort. cap. 26. et
42
- Inhabilitas an omnis sit etiam ir-
regularitas ibid. Inquisitores & Commissarij, qui
excommunicentur, lib.1. cap.
39
- Inhabilitatem, deformitatem,
scandalum, & huiusmodi in-
ducencia irregularitatem, in-
dicare ad quem spectet, lib.1. Inquisitores quomodo incurrunt
excommunicationem, lib. 4.
c.57 cap.5.
- Iniectio manuum in clericum, Inquisitores qui, & quando ex-
commu-

FRANCISCI TOLETI.

- communicationem incurrant, Inuidia quale peccatum, li. de 7.
 l. 1. c. 36 p. mort. c. 66
- Intellectus habet quatuor actus, Inuidia gratie fraternae, peccatū
 l. de 7. p. m. c. 55 in spiritum sanctum, lib. de 7.
- Intentio ministri necessaria in p. m. c. 68
 quolibet sacramento, lib. 2. c. Inuidie quinque filiae, ibidem c.
 20 67
- Intentio necessario etiam in su- Ira quid, & quoduplex, ibid. c.
 scipiente sacramento, ibi- 56
 dem. Ira quando peccatum, & quale.
 Intentio excommunicantis nece- ibid. c. 57
 saria est ad contrahendam ex- Ira aliquando virtus, ibidem ca.
 communicationem l. 1. c. 9 57
- Interdictum impedit matrimonium Iracundia quid ibid. c. 56
 um contrahendum, l. 7. c. 14. Ira filiae sex ibid. c. 58
 & 18 Ira tres status ibid. c. 58
- Interficiunt, mutilant, spoliant ca Irregularem se censere in foro
 pium, aut detinent, an eodem conscientie unusquisque de-
 modo se habeant respectu ve- bet in dubio facti, lib. 1. cap.
 nientium, & recedentium à 51
 Sede Apostolica sicut se habet Irregularem censere aliquem in
 respectu morantium in a- dubio an possit index, ibi-
 l. 1. c. 25 dem.
- Interdictus, & ob interdictum Irregulares ex indebito ordinum
 quis fiat irregularis, lib. 1. c. ministerio, qui sint, & quando
 66 l. 1. c. 66
- Inuasor, seu aggressor quis cen- Irregulares ex defectu anime
 sendus, lib. 1. cap. 79. aliàs quinam censeantur, & à quo
 74 dispensentur l. 1. c. 58
- Inuenta casu cuius sint, & quotu- Irregulares ob delictum heresis,
 plicia l. 5. c. 8 qui sint l. 1. c. 63
- Inuenta casu, an & cui restituere Irregulares non sunt rec- nfirmare
 re teneamur l. 6. c. 18 ti, nec reordinati, lib. 1. cap.
 Inuentio nouitatum, quando, & 64
- quale peccatum, lib. de 7. pec. Irregulares ex delicto circa ordi-
 mort. c. 13 nes qui sint, & à quo dispensa-
 Inuidia quid, & unde dicatur, ripo sunt l. 1. c. 65
 lib. de 7. p. m. c. 63 Irregulares ob delictum circa
 baptis-

INDEX IN SVMMAM

baptismum qui sint, lib. 1. ca.	64	birionis quādo, & à quibus cōtrahatur	l. 1. c. 81
Irregulares soli non fiunt Ecclesiastici in causa sanguinis, & quando, & in quibus casibus,	l. 5. c. 80	Irregularitas quæ, & quot modis tollatur	l. 1. c. 83
Irregulares hereticorum filij qui & quando non sint, & ad quæ beneficia inhabiles, lib. 1. c. 63		Irregularitas ex homicidio voluntario, an sit de iure diuino,	l. 1. c. 82
Irregularis quādo sit bis baptizans	l. 3. c. 64	Irregularitas ex consilio, lib. 1. c. 79	
Irregularis quis, & quando fiat excommunicatus celebrans,	l. 1. c. 66	Irregularitas ex defectu fame bonæ	l. 1. c. 55
Irregularis, quando sit mandans occidi, aut mutilari aliquem: quando vero manlatarius, & qua irregularitate, li. 1. c. 83. aliàs 78		Irregularitas quid sit & eius species	l. 5. c. 24
Irregularis improprie dicitur corpore vitiatum	l. 1. c. 57	Irregularitas ex defectu etatis,	l. 1. c. 55
Irregularis celebrans num cōtra hat aliam irregularitatem, l. 1. c. 66		Irregularitas ex defectu corporis	l. 1. c. 57
Irregularitas strictè sumpta præsupponit subiectum capax ordinis	l. 1. c. 50	Irregularitas ex mutilatione, li. 1. c. 77	
Irregularitas nō est censura, quia sepe sine peccato contrahitur, lib. 1. c. 51		Irregularitas ex defectu liberationis quæ sit, & qui eam componunt	l. 1. c. 54
Irregularitas ob homicidium ex necessitate factum, l. 1. c. 79. aliàs 74		Irregularitas ex defectu originis unde proueniat	l. 1. c. 63
Irregularitas ex defensione, l. 1. c. 80		Irregularitas ex mandato, l. 1. c. 83. aliàs 78	
Irregularitas ex causa omissionis non liberationis, seu non prohibitionis		Irregularitas ex defectu natalium quos comprehendat, l. 1. c. 52	
		Irregularitas nulla est statuenda nisi quæ in iure habetur expressa	l. 1. c. 51
		Irregularitas ex homicidio, l. 1. c. 69. & 73	
		Irregularitas ex criminis notorietate	l. 1. c. 68
		Irregularitas ex defectu sacramenti	l. 1. c. 59
		Irre-	

FRANCISCI TOLETI.

Irregularitas ex homicidio casua	Iubilei nulla tollunt irregula-	
li.	l. 1. c. 80. alias 75	ritatem l. 1. c. 83
Irregularitas omnis ex bigamia	Iubilei origo, modus, tempus, &	
sine ex defectu an verò aliqua	causa	l. 5. c. 24
fit ex delicto	l. 1. c. 62 Iubileum, & huiusmodi à Ro-	
Irregularitas ex defectu, & irre-	mano Pontifice concessa, non	
gularitas ex delicto quomodo	concernunt forum exterius, l.	
differant	l. 1. c. 51	1. c. 14
Irregularitas quid & quatuorplex	Indas an communicauerit in Cæ-	
sit	ibid. na	l. 6. c. 17
Irregularitas ex defectu anime,	Index secundum allegata & pro-	
l. 1. c. 58	bata potest innocentem condē-	
Irregularitatem per homicidium	nare	l. 5. c. 6
cur incurrat baptizatus so-	Index nocentem damnans non re-	
lus, non autem infidel. lib. 1.	lo iustitie, peccat mortaliter,	
c. 82	l. 5. c. 6	
Irregularitatem ob scientias di-	Index damnans non sibi subditos,	
scendas vel docendas quinam	an peccet	ibid.
contrabant	l. 1. c. 67 Index subornatus an teneatur ad	
Irregularitatem sine sua culpa quo-	restitutionem	l. 5. c. 22
modo quis contrahat suscipi-	Index secularis peccat contra	
do ordines	l. 1. c. 65 iustitiam, iudicando cleri-	
Irregularitatem quando, aut quo-	cum præterquam in quibus-	
modo inducat corporis defe-	dam casibus, & est excommu-	
ctus	l. 1. c. 57 nicatus in Bulla Cæne, lib. 5.	
Irregularitatem ex defensione in	c. 56	
causa sanguinis, quot genera	Index indicet secundum allegata	
personarum incurrant, lib. 1.	& probata	ibid.
c. 80	Index seruet formam iuris, alio-	
Irregularitatem tollit religionis	quin peccat mort.	ibid.
ingressus	l. 1. c. 52 Index neminem conuocet sine ac-	
Irregularitatem quænam membri	cusatore	ibid.
abscissio inducat	l. 1. c. 57 Index supremus, & inferior quo-	
Irregularitatem ex hæresi cur di-	modo	ibid.
stinguere non possit Episcopus,	Index secularis Clericum cape-	
l. 1. c. 63	re, seu in vincula detrudere,	
Irregularitatis variae diuisiones,	an, & quando possit, lib. 3.	
& differentie	l. 1. c. 69	c. 34

INDEX IN SVMMAM

Index quis, & à quibus, & quan	Iuramenti liciti, & illiciti casus	
diu suspendatur	l. 1. c. 48	aliquot ibid.
Index secularis in quibus casibus Iuramenti, vel fidelitatis vincu-		
indicare possit ecclesiasticos, l.	lo obligatum excommunicato	
1. c.	27	liberat excommunicatio, dum
Indices iniuste detinentes in car-	durat	l. 1. c. 13
cere operarios, tenentur ad re-	Iuramentum quid sit, declaratur	
stitutionem	l. 5. c. 19	l. 4. c. 20
Indices, & alij officiales non pa-	Iuramentum falsum, etiam in le-	
rentes Inquisitoribus excommu-	ui materia est mortale l. 2. c.	
nicanur,	l. 4. c. 5	16. & 4. c. 24
Indices, & Gubernatores iustitiā	Iuramentum quomodo necessariū	
non seruantes quando excom-	l. 4. c. 20	
municentur	l. 1. c. 37	Iuramentum requirit veritatem,
Iudici quae sint necessaria, l. 5. c.	iustitiā, necessitatem, lib. 4.	
56	c. 24	
Iudici quaedam necessaria, vt sit	Iuramentum an liceat, & quo-	
verus & rectus	ibid.	modo ibid.
Iudici an procedere liceat in cau-	Iuramentum verum, & falsum	
sa, accusatore desistente	ibid.	vt cognoscatur ibid.
Iudicis sententiā seruare an quis	Iuramentum non seruare est mor-	
teneatur	l. 5. c. 5	le, etiam in re leuissima, lib.
Iudicis officium in condemnā-	4. c. 22	
dis reis: & de tortura l. 5. c.	Iuramentum non seruare quando	
6	que licet	ibid.
Iudicis potestas quadruplex or-	Iuramentum annullari, dispen-	
dinaria	l. 5. c. 56	furi, mutari, absolui quo-
Iudicis causa qui, & quando ex-	modo possit, & quando, lib.	
communicentur	l. 5. c. 38	4. c. 23
Iudicium humanum duplex, l. 1.	Iuramentum quibus casibus obli-	
c. 83	get, vel non	l. 4. c. 21
Iudicum conseruatorū causa qui,	Iurare an teneamur secundū men-	
& quando excommunicentur,	tem aliorum	ibid.
ibid.	Iurare in dubio est mortale, l. 4.	
Iuramenti quotuplex differentia	c. 22	
lib. 4. c. 20	Iure antiquo qui excommunicen-	
Iuramenti iustitia, & necessitas	tur	l. 1. c. 22
qualis	l. 4. c. 21	Iuri Ciuili, vel Medicine ope-
		ram

FRANCISCI TOLETTI.

- ram dantes qui & quando ex-communicentur l.1.c.37
- Jurisdictionis triplex, ordinaria, delegata, iure concessa, lib.3.ca.13
- Jurisdictionis ad sacramentorum administrationem, que, & an semper requiratur l.1.c.84
- Jurisdictionem habens potest suos suos absolvere l.3.c.19
- Jurisdictionis solum actus, non autem ordinis exercens excommunicatus, non fit irregularis, l.1.c.66
- Jurisdictionis actum Num excommunicatus, potest excommunicare, l.1.c.13
- Jurisdictionis potestas in sacerdote quid sit, & quotuplex, li.1.c.3
- Jurisdictionis actus ab excommunicato quando sit validus l.1.c.13
- Ius patronatus vendere, an sit finis l.5.c.90
- Iusti inter se participant, lib.5.c.5
- Iustitia quid l.5.c.1
- Iustitia, & observantia quomodo differant ibid.
- Iustitie ministri, & officiales, ac quicumque in causa sanguinis occasionem, & opem aliquam præbent, sum irregulares, l.1.c.80
- Iustum qui petit eo fine, ut alteri noceat, peccat mortaliter, l.5.c.57
- L. Abor an semper excuset à ieiunio, & qualis, lib.6.c.4
- Lesio quotuplex sit l.1.c.32
- Lesio levis, quomodo iudicanda, ibid.
- Letitia inepta filia gula, quale peccatum, lib. de 7. pec. mort. c.62
- Laico si conferatur sacerdotium, vel alius ex maioribus ordinibus, non præmissis minoribus, an teneat l.1.c.50
- Laicus in mortis articulo ab excommunicato communicare non potest l.1.c.15
- Latinus baptizans in forma Græcæ, verè baptizat, licet peccet l.2.c.19
- Latro ablatam rem restituat cum lucro cessante l.5.c.22
- Latus quid, lib. de 7. pec. mortal. c.6
- Laud Dei duplex l.4.c.3
- Legati de latere Pontificis excommunicatos quoscunque ob iniectionem manuum absolvere possunt l.1.c.32
- Legatorum, vel Nunciorum Pauperum causa, qui excommunicantur l.1.c.40
- Legem condens in favorem usurarii excommunicatur, lib.5.c.37
- Legitimus, nec irregularis quo pacto quis sit natus ex fornicatione l.1.c.52

+++++

Lex

INDEX IN SVMMAM

- ex quid, & eius diuifio, l. de 7. Litteras ad beneficium à Papà
pec. mort. c. 17 impetrans excommunicatus, fi-
Lex debet eſſe iuſta, quomodo, ib. mul etiam abſolutionem ab ex-
c. 18 communicatione quando impe-
Lex debet eſſe promulgata, rece- tret l. 1. c. 13
pta, & ſcita ibid. Litteras falſas impetrare qui di-
Lex quomodo obliget, ibid. c. 19. cantur l. 1. c. 22
& 20 Locorum piorum, vel ſacrorum
Lex de cenſuum pretio, an poſſit bona uſurpantes qui excom-
excedere l. 5. c. 45 nicentur l. 1. c. 41
Lex obligat etiam futuros ſubdi- Loquacitas, & multiloquium, fi-
tos l. 1. c. 5 lie gula, lib. de 7. pec. mort.
Libellos infamatorios ſcribēs, vel cap. 6
recipiens, an excommunicetur Loth an peccauerit, quando cum
l. 5. c. 64 filiabus nō iuit, lib. 5. cap.
Librorum cauſa qui excommuni- 19
centur l. 1. c. 41 Lucr. ceſſantis condemnationem
Lignamina de ferri prohibita inſi ut quis accipiat ultra ſortem
delibus in Bulla Cene quēdā l. 5. c. 32
intelligantur l. 1. c. 23 Lucr. ceſſantis ratione ultra ſor-
Littere Apoſtolice que dicantur tem quando accipere licet, li.
l. 1. c. 22 55
Litterarum Apoſtolicarum falſa Lucr. ceſſantis conditiones que-
rij quānam incidunt in excom- dam l. 4. c. vlt.
municationem Bullę Cene, Lucrum aliquod ultra ſortem an
ibid. conſtituat uſuram, lib. 5. cap.
Litterarum Apoſtolicarum falſa 28
rij, quas pēnas incurrant, Lucrum non principaliter intent-
ibid. dere, non eſt uſura, lib. 5. c.
Litteras Apoſtolicas impetran- 29
tium, vel in foro Eccleſiaſtico Lucrum in mutuo quandoque li-
litigantium cauſa, qui, & cet l. 5. c. 32
quando excommunicentur, li. Lucrum ceſſans, & damnum e-
l. c. 38 mergens, in quo differant, ibi-
Litteras Apoſtolicas falſas ha- dem
bentes, iſt tamen non vrentes, Lucrum ceſſans an poſſit exigi, cū
an & quando ſint excommuni res venditur credito, li. de 7.
cari l. 1. c. 22 pec. mort. c. 51

FRANCISCI TOLETTI.

- Ludens cum ijs, qui non sunt sui te malum est l. 6. c. 14
 inris, tenetur restituere, li. 5. Malitia quale peccatum, l. de 7.
 c. 27 p m. c. 70
- Ludo deperdita, an teneamur re- Malum ex se nulla potest condi-
 stituere ibid. tione fieri bonum, lib. 5. ca.
 44
- Ludus alearum sic prohibetur ele- 44
 ricis ac secularibus ibid. Mandans occidi, aut mutilari ali-
 quem, & mandatarius quan-
 Ludus cum magna summa vix à-
 mortali peccato excusatur, i- do sint irregulares, quādo ve-
 bidem rō non, & qua irregularitate,
 l. 1. c. 83. aliās 78
- Ludus, & fors dominium rerum l. 1. c. 83. aliās 78
 transferunt ibid. Mandatum, & consilium, quan-
 tum ad irregularitatem indu-
 Luxuria filie quæ, lib. de 7. p. m. cendam, quomodo differant, l.
 c. 55 1. c. 79
- M. Manichei damnabant nuptias, l.
 7. c. 1
- Magi frequenter h. ut pa- 4. c. 14
 stum cum demoni lib. 7. c. 1
- Magi, licet non sint excommuni- Manifestare occulta peccata pro-
 cati, eorum tamen opera v- ximi, contra ius naturæ, l. 5. c.
 27
 tentes, sunt excommunicati, Manifestare crimen occultum al-
 ibid. terius, an sit detrahere, lib. 5.
 cap. 69
- Magia quid, & an per eam demo- cap. 69
 nes compellantur ibid. Mansuetudo quid, lib. de 7. p. m.
 c. 58
- Magus quandoque excommuni- c. 58
 catus ibid. Manus violentas in Clericos ini-
 Magus examinandus an credat, cientium nomine qui compre-
 ibid. hendantur l. 1. c. 31
- Maledicere creaturis, an sit mor- Manuum iniectio in clericum vel
 tale l. 4. c. 13 Monachum quæ dicatur, &
 qualis esse debeat, ut contra-
 Maledicus. Vide detractor. hatur excommunicatio, ibi-
 dem
- Malefici, magi, & diuini differen-
 tia ibid. dem
- Malefici an teneantur ad restitui- Mare vel flumen ingredientibus vt
 tionem l. 4. c. 14 depreudentur, an excommuni-
 cationem Bullæ Cœne incurrāt
- Maleficij amatorij, ac beneficij-
 descriptio l. 4. c. 16 l. 1. c. 20
- Maleficium dissolvere eadem ar- Maria Virgo sine peccato Ori-
 ginali
 + + + + + 2

INDEX IN SVMMAM

ginali	l. 6. c. 21	post Concilium Tridentinum,
Martyrium remittit peccatum cū		ibid.
totapena	l. 2. c. 22	Matrimonio in ipso quæ peccata
Masculis solum cur sacerdotium		committantur l. 7. c. 18
concessum	l. 1. c. 1	Matrimonio contracto post solen-
Materia sensibilis in sacramento,		ne votum religionis, absolutio
l. 3. c. 6		excommunicationis referuat-
Materia leuitas excusat à morta		tur Episcopo, lib. 7. cap. 4.
li	l. 4. c. 12	& 8
Materialis causa excommunica-		Matrimonio secundo contracto,
tionis quotuplex sit, lib. 1. ca.		priore coniuge viuo, qui cre-
7		debatur mortuus, quid, lib. 7.
Matrimonia, quo minùs liberè fi-		c. 9
ant, impendentes, qui excom-		Matrimonium contractum impe-
municentur	l. 1. c. 41	dimensum dirimens Papa so-
Matrimonia clandestina nulla, l.		l. 7. c. 18
7. c. 9		Matrimonium contrahentes nulla
Matrimonij sacramento accedens		denunciatione premissa, pec-
cum mortali peccato, peccat		cant mort. l. 7. c. 19
mortaliter	l. 7. c. 19	Matrimonium cōtrahentium quot
Matrimonij in vsu quæ peccata		genera, & quando excommu-
comprehenduntur, lib. 7. cap.		centur l. 1. c. 39
20		Matrimonium esse sacramentum,
Matrimonij dispensatio propter	l. 7. c. 1	
affinitatem & honestatē qua-		Matrimonium infidelium est con-
lis debeat esse	l. 7. c. 11	tractus, non sacramentum, ibi-
Matrimonij dispensatio, quando		dem
duo sunt in duplici gradu, men-		Matrimonium quid, & quomodo
tione solum facta de remotio-		contrahatur ibid.
ri, valet	l. 7. c. 5	Matrimonium legis Naturæ, &
Matrimonij onus excusat ab vsu-		Mosaicæ non erat sacramentū,
ra	l. 5. c. 31	ibid.
Matrimonij finis triplex, lib. 7.		Matrimonium fidelium in tribus
c. 2		differt ab alijs ibid.
Matrimonij quatuor causæ, li. 7.		Matrimonium in foro poli nō est,
c. 2		nisi interfu consensu interior,
Matrimonij ad essentiam requi-	l. 7. c. 2	
runtur ministri, & duo testes		Matrimonium contractum diri-
		mitur

FRANCISCI TOLETI.

- rimitur per errorem in substā. Matrimonium impeditur per iu-
 ria persone l. 7. c. 3 stitiam publice honestatis, l.
 Matrimonium non impeditur per 7. c. 10
 errorem in sola qualitate per. Matrimonium impeditur, & an-
 sone ibid. nullatur per impotentiam co-
 Matrimonium quandoque impe- eundi, & quomodo, lib. 7. c.
 ditur per errorem conditionis 12
 ibid. Matrimonium nullum, ubi appo-
 Matrimonium contractum dirimi nitur conditio contra bonum
 tur per votum solenne religio matrimonij l. 7. c. 13
 nis l. 7. c. 4 Matrimonium nullum, quod con-
 Matrimonium contrahens post vo trahitur contra rapientem, &
 tum solenne religionis excom- raptam, toto tempore raptus,
 municatur ibid. & 8. ibid.
 Matrimonium nullum, non ba. Matrimonium contrahendum,
 ptizatus cum baptizato vel non contractum impediens,
 ē contra contrahat, lib. 7. c. 14.
 7 Matrimonium de presenti non
 Matrimonium vi, vel metu con- potest contrahere, qui cum
 tractum, nullum l. 7. c. altera sponsalia iniit, ibi-
 Matrimonium ratum, licet n dem
 consummatum impeditur Matrimonium contrahendum,
 contrahendum, & dirimit con que crimina impediat, li. 7. c.
 tractum l. 7. c. 10 15
 Matrimonium inter affines con- Medici succedentes molitiam pro-
 tractum, nullum l. 7. c. 11 pter sanitatem, peccant mor-
 Matrimonium contrahendum im taliter l. 5. c. 12
 peditum interdicto l. 7. c. 14. Medicine, vel Iure Civili ope-
 & 18 ram dantes, qui, & quan-
 Matrimonium tempore ebrietatis do excommunicentur, lib. 1. c.
 contractum, non valet, lib. de 37
 7. p. m. c. 61 Medicus, si vocatus noluit venire,
 Matrimonium ratum, quid. lib. 7 & hac causa moriatur infir-
 c. 9 mus, an incurrat irregularita-
 Matrimonium contrahens cum a tem l. 1. c. 81
 liqua per verba de presenti, Medici peccat mortaliter, si sua
 ea vivente, cū alia non potest culpa infirmum no. l. 7. c. 5.
 contrahere ibid. c. 7

INDEX IN SVMMAM

- Membrorum quatuorplex sit genus, Ministratione sacramentorum nō
 & cuiusnam mutilatio irregu priuat minor excommunicatio
 laritatem inducit l. 1. c. 70 l. 1. c. 17
- Membrorum defectus quando con Misericordia quid, lib. de 7. p. m.
 stituat irregularitatem, l. 4. c. 27
 c. 25 Missa quid, & declaratio, lib. 2.
 c. 4
- Membrum debilitans solum, non c. 4
 est irregularis l. 1. c. 70 Missa quibus, & quomodo profit,
 Membrum sibi abscindere est mor l. 4. c. 19
 tale, etiam prae textu sanctita Missa existentis in mortali, an
 tis l. 5. c. 6 profit, & quibus, lib. 4.
 Membrum quid sit, & quid mu- c. 8
 tilatio l. 1. c. 70 Missa defunctorum an profit ma-
 Mendacium in confessione an seni- gis ipsi, quāquam ruius, ibi-
 per sit mortale l. 3. c. 5 dem
- Mendacium quocumq; modo, & sine Missa pluribus an ita profit sin
 est peccatum l. 5. c. 80 tis, ac si pro vno ibid.
- Mendacium, quid, quatuorplex, & Missa quomodo, quāne reuerentia
 quale peccatum, lib. 5. ca. 54. audienda l. 6. c. 10
 & lib. de 7. pec. mortal. cap. 1. Te partes quot sint, lib. 2.
 54
- Mendicantes Fratres cuiuscumq; Missae ruius breuis declaratio,
 ordinis qui excommunicentur ibid.
 l. 1. c. 36 Missae valor ratione sacrificij,
 Mercator an teneatur querere ex ibid.
 attores gabellarum l. 5. c. 75 Missae sacrificium soli Deo debe-
 Merendi tempus non est in Purga tur l. 4. c. 12
 torio l. 6. c. 2 Missae in celebratione multi casus
 Meretrix non tenetur ad restitu- occurrentes, & remedia, l. 2.
 tionem lucri l. 5. c. 21 c. 9
- Meretur quandoque quis creden- Missae in sacrificio id fit, quod Do-
 do agnoscit haereticum, lib. 4. minus in morte fecit, lib. 2.
 c. 3 c. 4
- Merus in constantē virum cadens Missae in corpore non omnia sunt
 quis l. 7. c. 8 de iure diuino l. 2. c. 5
- Ministrans Eucharistiam, potest Missam audiens excommunicatus
 in multis delinquere, lib. 6. an fiat irregularis, lib. 1. cap.
 c. 21 66

FRANCISCI TOLETI.

Missam celebrare, non persolutis	cit	ibid.
matutinis, non est mortale, li.	Missam non audiens, quandoque	
2. c. 1	& quibus ex causis excusatur	
Missam celebrare ante auroram,	l. 6. c. 9	
grauē peccatum, nisi certo casu	Moderamen inculpate tuele in	
ibid.	homicidio quādo fit, l. 1. c. 79.	
Missam celebrare sine candela, est	alias 74	
mortale	l. 2. c. 2	Mollities quid, & an semper sit
Missam celebrare interdum licet	peccatum mortale	l. 5. c. 13
bis in die	l. 2. c. 3	Mollities difficillime emendatio-
Missam in die Natiuitatis ter ce-	nis, & eius remedium, ibi-	
lebrare, quid significet	ibid. dem	
Missam celebrare quando quis pos-	Mollities voluntaria grauissimū	
sit, non recitando	peccatum	ibid.
c. 13	Monachi, sine Canonici regulares	
Missam celebrare sine deu. mun	qui excommunicentur, lib. 1.	
diua, est mortale, lib. 2. ap.	c. 39	
21	Monachi appellatione qui intelli-	
Missam audire, ad multa prode-	gantur	l. 5. c. 8
l. 6. c. 17	Monachi nomine qui comprehen-	
Missam audire in quo consistit	et dantur	l. 1. c. 31
quomodo	c. 6	Monachus Sacerdos, per duos
Missam audire in parochia propria	mensēs vacans Iuri civili, vel	
an teneamur	l. 6. c. 7	Medicine extra Monasterium
Missam integram audire an sit de	peccat, & est excommuni-	
precepto	ibid. catus, lib. de 7. pec. mortal.	
Missam audire ab interdicto, vel	c. 12	
excommunicato an liceat, lib.	Monasterij pro ingressu aliquid	
6. c. 8	ex pacto accipientes, qui, &	
Missam audire quis, quibus die-	quando excommunicentur, li.	
bis, & quando teneatur, ibi-	l. c. 36	
dem	Monasterio prefecta, quando su-	
Missam audiens, an possit recitare	spendatur	l. 1. c. 49
horas Canonicas	l. 6. c. 6	Monialē in uxorem capiens, cū
Missam quamlibet audiens prece-	alia non potest contrahere ma-	
pto satisfacit	l. 6. c. 7	trimonium
Missam vnicam audiens die Na-	Monialē extrahens ē religione,	
tiuitatis, precepto satisfaci-	ad quid teneatur	l. 5. c. 19
	+++++	4
		Monia-

INDEX IN SVMMAM

Monialium causa qui, & quando Morosa delectatio. Vide delectatio.	
excommunicentur, & que- nam Monialium nomine com- prehendantur, lib. 1. c. 38. &	tio. Mortem pati ex sententia dam- nati communicandi, lib. 2. c.
41	28
Monialium Visitatores impediens Mortem alicuius tractari sciens, tes, qui excommunicentur, li.	si illi non reuelet, an sit irregu- laris l. 1. c. 81
1. c. 39	
Monopolium quid sit, & an liceat Mortem sibi, vel alteri optare, an	semper sit mortale, lib. 5. cap.
1. 5. c. 53	
Monopolium obligat ad restitu- tionem, lib. de 7. pec. mort. c.	9 Mortis articulus, ad effectum ut quis absolui possit, quis censetur
47	l. 1. c. 15
Mons pietatis quid sit, ad quid in- stitutum	1. 5. c. 38 Mortis p. iculo se exponere abs-
Mons pietatis non habet labem	que necessitate, peccatum est,
vsus, contra Canonistas, ibi- dem	4. c. 19 Mortuo abscondens caput, aut aliud membrum, cur non sit irregu- laris l. 1. c. 70
Mons pietatis tenetur mutare pe- tenti, & ob id licitus ibid.	
Morte pereunte, redditus pereunt	Mortuus excommunicari non po- te. b excommunicatione in vita contracta absolui potest,
1. 5. c. 39	l. 1. c. 7
Montes alij, qui sunt in vsu, an li- citi ibid.	
Montes isti non instituantur abs- que graui necessitate, ibi- dem	Mulier in defensionem castitatis potest occidere inuasorem, li. 5. c. 6
Montium istorum conditiones ne- cessarie ibid.	Mulieres delectationis ergo con- cupiscere, an peccatum morta-
Montium redditus an varientur	le l. 5. c. 14
augente culmine ibid.	Mulieres grauidæ et lactantes nõ tenentur ieiunare l. 6. c. 4
Montium redditus an possint ven- di ibid.	Mutilatio que dicatur l. 1. c. 32
Morantes in Curia Romana qui dicantur in Bulla Cene, lib. 1.	Mutilatio, aut homicidium ex mandato quot, & quando siue mandantes, siue mandatarios faciat irregulares l. 1. c. 83. a- lias 78
c. 25	
Morientes sine fide, an saluentur, 1. 4. c. 2	

FRANCISCI TOLETI.

Mutilatio cur homicidio compa-
retur l.1.c.70
Mutilatio quotuplex, lib.1.cap.
71
Mutilatio quid sit, & quid mem-
brum l.1.c.70
Mutilatio, vel homicidium quan-
do non inducat irregularita-
tem l.1.c.72
Mutilator sui, etiam occultus, sic-
ut & mutilator alterius, irre-
gularis est l.1.c.57
Mutilatores, vel homicide, qui
non sint irregula- lib.1.cap.
72
Mutuus cum pignore sit scan-
te, & usurarius est, lib.5. 10.
30
Mutuare rem, quo tempore min-
us valet, & exigere tempore, a-
plus valet, an sit usurarius
quando l.1.c.34
Mutuum quid, & quomodo à
commodato differt, lib.5.cap.
28
Mutuum differt à cambio, lib.5.
c.53
Mutuum dantes, nihil inde spe-
rantes, quomodo intelligatur
l.5.c.29

denda quotuplex, l.1.c.79.4-
lias 74
Necessitate extrema laborans, an
si quid abstulerit, teneatur re-
stituere, cum ad pinguiorem ve-
nerit fortunam, l. de 7. pec. m.
c.36
Necessitate extrema, vel gravi
laboranti, an sufficiat mutare,
vendere, vel ad cambium da-
re, &c. l. de 7. p. m. c.37
Necessitati parentum, an filij re-
neantur subuenire l.5.c.1
Necromantie peccatum mortale
grauissimum l.4.c.15
Negotiatio quando illicita, l. de
7. p. m. c.53
Neophili, & illiterati censentur
etiam irregulares ex defectu a-
nimæ, & quis possit cum eis di-
spensare l.1.c.58
Nominatim excommunicatus à
denunciato, quomodo differat,
l.1.c.12
Notarii pretium an sit lege taxa-
tum l.5.c.61
Notarij protocolum an fidei fa-
ciat l.5.c.77
Notarius habeat scientiam, fidei-
litatem, insitiam, lib.5. cap.
61

N.

Necessarium, vel superfluum
quot modis dicatur, l. de

7. p. m. c.23
Necessitas an liberet à restitutio-
ne l.5.c.27

Necessitas vite proprie defen-

Notarius in contractu fingens ea,
quæ non sunt, peccat mortaliter
ibid.

Notarius semper ad se servat Re-
gistrum ibid.

Notarius occultas contrahens pec-
cat mortaliter, & ad damnationem

+++++ 5 par-

INDEX IN SVMMAM

- partium tenetur *ibid.* *O.*
- Notarius conficiens instrumen- *O*bduratio contra misericor-
tum illicitum, peccat mortu-
liter *ibid.* *cap. 26* diam, lib. de 7. pec. mor.
- Notarius instrumentum confici- Obediendum quibus, lib. de 7. p.
ens, pallians vsuram, peccat *mort. c. 14*
mortaliter, restit. tenetur, Obediendum superiori quando, &
ibid. in quibus non, lib. de 7. p. m.
- Notarius nihil accipiat pro dimis- *c. 15*
sorijs *ibid.* Obedientia religiosorum debita
- Notarius pro literis dimissorijs *Prelatis* *ibid. c. 16*
an possit aliquid exigere, & Obedientia filiorum parentibus
quantum *l. 5. c. 88* debita *ibid. c. 21*
- Notarium quotuplex sit, lib. 1. c. Obedientia *Episcopo debita à Cle-*
68 *ricis & laicis* *ibid. c. 21*
- Notarium iuris quid sit, & quid Oblatus Domini in Cruce, differt
notarium facti *ibid.* hominis oblatione in Missa,
Notarium crimen, etiam post pe- *4. 2. c. 5*
nitentiam irregularem facit, *servantia & instituta quomodo*
ibid. differant *l. 5. c. 1*
- Notitatum inuencio, quando, & Obsequantia vana quæ, & an sit
quale peccatum, lib. de 7. pec. *mort. de* *l. 4. c. 6*
- mort. c. 13* Occasiones peccandi omnino extir-
Numismata ad quid inuenta, l. 5. *pande* *l. 5. c. 18*
- c. 50* Occidens inuasorem propter ca-
Numorum diuersus valor, an ce- *stitatem, non peccat, lib. 5.*
dat damno creditoris, lib. 5. *c. 6*
- c. 31* Occidens sacerdotem, non potest
Numorum valor duplex, Natu- *contrahere matrimonium, lib.*
ralis, & Legalis, lib. 5. *7. c. 15*
- c. 51* Occidere inimicum, se defen-
Nuntiorum, vel Legatorum Pa- *dendo, an liceat, & quando, l.*
pe causa qui excommunicen- *5. c. 6*
tur *l. 1. c. 40* Occulto in quonam crimine di-
Nuptiarum benedictio, lib. 7. ca. *spenset Episcopus, lib. 1.*
19 *c. 83*
- Nuptiarum tempus secundum Cā- *Occultum quotuplex, & quid v-*
cil. Trident. *ibid.* numquodq; sit *ibid.*
odio

FRANCISCI TOLETI.

- Odio aliquem prosequi, quomodo faciat irregulares l. 1. c. 81
 liceat l. 4. c. 11 Opera anime nō prohibemur die-
 bus festis l. 4. c. 24
 Odium Dei vnde, l. de 7. pec. m. Opera bona, aliās debita, pro sa-
 c. 55 tisfactione imponi possunt, li.
 Odium Dei omnium peccatorum 3. c. 11
 maximum, lib. de 7. p. m. ca. 3. c. 11
 55. & l. 4. c. 9 Opera bona sunt meritoria, & sa-
 tisfactoria, l. 6. c. 21
 Odium tenemur remittere, non sa-
 tisfactionem l. 4. c. 10 Opera bona alicuius, an possint
 Officiales laici talias imponentes mereri alteri gratiam, lib. 6.
 Ecclesijs, aut Ecclesiasticis, c. 21
 quando excommunicantur, l. Opera bona existentis in peccato,
 1. c. 37 an prosint mortuis in Purgato-
 rio l. 6. c. 26
 Officio, aut beneficio lesastico
 quotupliciter quis pr. ur, l. Opera externa ordinata ad rem
 1. c. 42 venerem sunt mortalia, lib. 5
 Officiorum societas non potest l. c. 14
 tra duodecim perceptorū re-
 dere l. 5. c. 4 Opera pietatis, an excusent homi-
 nem à ieiunio l. 6. c. 4
 Officiorum societas poterit ven-
 ciari alteri l. 1. Opera licita, & præsertim obliga-
 toria, etiam si scienter sit cau-
 sa homicidij, non inducit irre-
 gularitatem, li. 1. ca. 81. aliās
 Officiorum societas. Vid. in ver-
 bo, Societas. 76
 Officium mutare an liceat ordi-
 natis l. 2. c. 13 Opera illicita in homicidio casua-
 li, an semper inducat irregu-
 laritatem, & quando non,
 Officium diuinum quid, & quare
 sic dictum l. 2. c. 10 ibid.
 Officium quomodo recitandum, l.
 2. c. 13 Operari festis diebus, quomo-
 do, & quando liceat, lib. 4.
 Officium recitare qui non tenean-
 tur ibid. cap. 25
 Officium recitare tenentur benefi-
 ciati, & si totum redditum det sine fide l. 4. c. 1
 pro pensione l. 2. c. 13 Opus bonum existentis in peccato
 quid profit l. 4. c. 3
 Omen quale peccatum, lib. 4. ca. 15
 Opus operantis, & operatum in
 Missa, quid sit l. 2. c. 6
 Omissio, seu non liberatio in casu
 homicidij, an, quando, & quos Orare pro excommunicato quo-
 modo

INDEX IN SUMMAM

modo liceat l. 1. c. 11 quirant l. 1. c. 55
 Oratio in Missa semper dirigitur Ordinis character et si ab excom-
 Deo, & non Sanctis, lib. 2. municato recipitur, non tamen
 cap. 5 executio l. 1. c. 13
 Oratio externa coniuncta ad inter-Ordinis actum nullum potest ex-
 na, semper est melior quam al-ercere excommunicatus, ibi-
 zera per se l. 2. c. 10 dem
 Oratio Leonis Papae dicenda post Ordinis tam executio, quam cha-
 officium cum indulgentia, l. 2-acter, quando recipiatur ab
 cap. 13 excommunicato ibid.
 Ordinans, & ordinatus, siue prae-Ordinis potestas in sacerdote quid
 sentans, & praesentans quis, sit l. 1. c. 3
 & à quibus per triennium su-Ordinum ex indebito ministerio
 spendatur l. 1. c. 48 irregul- i qui sint, & quan-
 Ordinarius quis dicatur, lib. 1. do l. 1. c. 66
 c. 16 Ordo- latus ante legitimam e-
 Ordinari qui suspendantur, & nul-tem, an teneat l. 1. c. 55
 lo privilegio clericali gaude- to maior, minori non suscepto,
 ant l. 1. c. 49 an teneat l. 1. c. 50
 Ordinatus, & ordinans, siue prae- lo servandus in restitutione, l.
 sentatus, & praesentans ad or- 25
 dines quis, & à quibus per oscula, & amplexus, an
 triennium suspendatur, lib. 1. sint peccata mortalia, lib. 5. c.
 cap. 48 14
 Ordinatus ab excommunicato quis
 suspendatur l. 1. c. 13
 Ordinatus qualis esse, & quae ha- **P**actum cum Demone duplex
 bere debeat l. 1. c. 87 fieri potest l. 4. c. 14
 Ordines maiores suscipiens, habet Pactum de quota litis, ab Aduo-
 ratum solenne castitatis, l. 7. cato, vel Procuratore factum
 cap. 8 cum cliente, an licitum, lib.
 Ordines maiores suscipiens ante 5 c. 26
 annos discretionis, an adultus Pactum, ne per tot annos redi-
 factus teneatur continentia vo- matur census, an licitum, l. 5.
 to l. 1. c. 55 c. 48
 Ordines sacros recipientes qui su- Pactum, nisi infra certum tempus
 spendantur l. 1. c. 48 redimatur census, ut maneat
 Ordines singuli quam aetatem re- irredimibilis, an liceat ibid.
 Pactum

FRANCISCI TOLETI.

- Pactum de redimenda pensione Parcere an teneamur l. 4. c. 10
 an liceat l. 5. c. 92 Parentes filijs præferendi in ex-
 Papa non est Dominus, sed dispen- tremâ necessitate, l. de 7. pec.
 sator bonorum Ecclesiastico- mort. c. 39
 rum l. 5. c. 83 Parentibus non obedire, an sit pec-
 Papa non potest dispensare in ve- catum mortale l. 5. c. 1
 rasimonia l. 5. c. 85 Parentum necessitati an filij sub-
 Papa solus dispensat in impedi- uenire teneantur ibid.
 mento matrimonium contra- Parochum celebrantem, quem
 ctum dirimente, lib. 7. cap. nullo modo liceat audire, li. 1.
 18 c. 86
 Papa, & Conciliū generale quof- Parochus matrimonio cōiungens
 cumque, cuiuscumque diæce- alterius Parochi sponsus, quan-
 sis possunt excommunicare, l. diu suspendatur l. 1. c. 49
 1. c. 6 Parochus. Vide Curatus.
 Papa, & generale Concilium nun Participans, & cooperans, tene-
 quam suspenduntur, seu impe- tur in solidum l. 5. c. 21
 diuntur l. 4. Pascha tempus communicandi, l.
 Papa à nullo excommunicari, 3. c. 20
 test l. 1. c. 1 Pascha Christi in Missa representa-
 Papa an sine causa possit circū- tur l. 6. c. 10
 fidenciam dispensare l. 5. c. Pater, & mater qui dicantur, l.
 4 5. c. 1
 Pape electi literas impugnant Pater tenetur filium alere, ibi-
 tes, excommunicantur, lib. 1. dem
 c. 40 Pater, correctionis ergo, ad tem-
 Pape in morte obseruanda non- pus potest negare alimēta filio
 obseruantes qui, & quando ibid.
 excommunicentur, lib. 1. cap. Pater exponens filium extra ne-
 38 cessitatem, peccat mortaliter,
 Pape dispensatio tollit omnem ir- ibid.
 regularitatem ibid. Pater extrahens à religione filium,
 Pape præceptū an obliget ad pec- peccat mortaliter ibid.
 catum l. 5. c. 40 Pater arcens filium à confessione
 Pape referuantur quinque vota, & communione, peccat mor-
 l. 4. c. 16 taliter ibid.
 Pape Calixtus, & Martinus ap- Pater cogens filium, aut filiam ad
 probauerunt censuræ, l. 5. c. 44 mutationem status, peccat mor-
 taliter

INDEX IN SVMMAM

- taliter *ibid.* Peccata contra charitatem, non
Patri licet ad tempus expellere *contra iustitiam, non obli-*
filium *l. 4. c. 10* gant ad restitutionem, li. 5. c.
Patrini, vel Susceptores in Ba- 59
ptismo, vnus tantum, vel ad Peccata occulta licet quandoque
summum vnus, & vna, l. 2. c. reuelare *l. 5. c. 67*
23 Peccata contra iustitiam obli-
Patrini an quilibet esse possit, et gant ad restitutionem, li. 5. c.
huius officium *ibid.* 68
Paupertas an liberet à ieiunio, l. Peccata Prælatorum in ipsa col-
6. c. 4 latione *l. 5. c. 3*
Peccat quis contra charitatem du Peccata, que committuntur in i-
pliciter *l. 4. c. 9* pso matrimonio, lib. 7. cap.
Peccata confitendo se excusare, 10
abusus est *l. 3. c. 6* Peccata ne in ipso vsu matrimo
Peccata reſeruata, à quo, quando, ni *l. 1. c. 20*
& quomodo absoluenda, l. 3. Peccati effectus, macula, & rea-
c. 8 *l. 3. c. 3*
Peccata diſſimulare in confeſſio- peccati pena duplex, l. de 7. pec-
ne quandoq; licet *ibid.* mort. c. 1
Peccata in confeſſione audita re- gator incurrit culpam, & rea
uelare nunquam licet, lib. 3. *l. 6. c. 21*
c. 16 Peccatores publici arcendi à com-
Peccata ſolum poſt baptiſmum cõ munione *l. 2. c. 18*
miſſa, ad confeſſionem perti- Peccatores ſacramentorum mini-
nent *l. 3. c. 20* ſtri quoruplicis ſint generis,
Peccata contra charitatem que, an, & que ſacramenta vali-
l. 4. c. 9 da ſint ab ipſis miniſtrata, l. 1.
Peccata quomodo dignoſcantur, c. 85
l. 3. c. 2 Peccatoribus publicis penitentia
Peccata in triplici differentia, i- l. 6. c. 17
tem dupliciter ſe habent, l. 5. Peccatoribus occultis an ſit negã
c. 57 da communio *ibid.*
Peccata contra charitatem & iu- Peccatorum multiplex diuiſio, l.
ſtitiam *l. 5. c. 19* 3. c. 7
Peccata contra charitatem, & Peccatorum materia & forma, l.
contra iuſtitiam differant, li. 2. c. 2
5. c. 68 Peccatorũ circumſtantiæ, an ſem-
per

FRANCISCI TOLETI.

per manifestandæ	l. 3. c. 7	Peccatum veniale quomodo dici
Peccatorum numerus necessarius	possit maius malum, quam ex-	
in confessione	ibid.	communicatio l. 1. c. 4
Peccatorum circumstantiæ excu-	Peccatum mortale an & quomo-	
santes quandoque manifestan-	do impediatur Sacramentorum	
dæ	l. 3. c. 9	administrationem, lib. 1. cap.
Peccatum quid sit	l. 3. c. 1	85
Peccatum nullum nisi volunta-	Peccatum præteritum, nisi adsit	
rium	ibid. & l. 5. c. 7	contumacia, non sufficit ad ex-
Peccatum mortale, quid sit, l. 3. c.	communicationem contrahen-	
1. l. 5. c. 7. & lib. de 7. p. m.	dam	l. 1. c. 8
c. 1	Peccatum mortale est causa ma-	
Peccatum veniale quid	ibid.	terialis proxima excommuni-
Peccatum mortale duplex, l. de 7	cationis	ibid.
p. m. c. 2	Pecunia præfens magis valet quã	
Peccatum veniale quã	absens	l. 5. c. 51
mortale	2	Pecunia potest multis casibus da-
Peccatum commissionis, omni-	ri pro re spiritali, lib. 5. cap.	
nis, cordis, operis	ibi.	53
Peccatum contritum, confessum	Pecunia, præsertim aurea, ven-	
& satisfactum, materia sac-	diur, locatur ve absque vsu	
menti penitentie	l. 4	ibid.
Peccatum nullum reservatum Pa-	Pecunie duplex valor ratione	
pæ, nisi ratione censura, lib. 3.	formæ, & materie, l. 5. c. 51	
c. 14	Pecunias vendere ultra pretium	
Peccatum mortale à veniali quo-	legale an liceat	ibid.
modo differt, l. 3. c. 19. & l. de	Pecunijs pecunias commutare, &	
7. p. m. c. 2	ultra	ibid.
Peccatum est transgressio diuino-	Pedagia vetera augentes, qui ex-	
rum mandatorum	l. 4. c. 1	communicentur l. 1. c. 21
Peccatum contra naturam qua-	Pedagia, siue gabellæ quot modis	
druplex	l. 5. c. 13	possint esse iniusta, ibi-
Peccatum non confisfit nisi in vo-	dem	
luntate	l. 5. c. 84	Pedagia, seu Gabellas à sponte
Peccatum contra præceptum, de	soluētibus accipientes, vtrã	
genere suo semper est mortale	& qui excommunicentur, ibi-	
nisi vna trium causarum ex-	dem	
cuset	l. 4. c. 12	Pedagia noua imponentes, et pro-
		hibita

INDEX IN SVMMAM

- prohibita exigentes, excom- Percussio clerici ex odio an alicui
municati in Bulla Cæne, lib. 5. liceat l. 1. c. 33
c. 73 Percussio clerici, correctionis cau-
Pedagia, seu gabellas, aut vetti- sa, quando excommunicatione
galia, qui imponere possint, l. 1 pariat ibid.
c. 21 Percussio, quando inducat irregu-
Pedagiorum exactores qui sint, laritatem l. 1. c. 70. & 71
& qui excommunicentur, ibi- Percussio levis clerici quibus sit
dem fit licita l. 1. c. 33
Pedagogium quid sit ibid. Percussioni se exponens Clericus,
Pensio differt à beneficio, lib. 1. c. an incidat in Canonem, lib. 1.
76 c. 34
Pensio quid, quotuplex, & in Percussor sui citra abscessionem non
quo differat à beneficio, lib. 5. est irregularis l. 1. c. 57
c. 82 Percuter inter clericos, quos,
Pensio an possit vendi, & quan- & bus liceat l. 1. c. 33
tum l. 5. c. 82. & 92 Pe- & Clericum mandans, sed
Pensio an possit redimi ibid. ante percussorem mandatum
Pensio non danda nisi clericis, l. 5. reuocans, an, & quando in ex-
c. 82 communicationem incidat, l. 1
Pensio non potest mutari cum be- c. 34
neficio matrimonij causa, ibi- Pe- & iens seipsum Clericus ex i-
dem ra, vel odio, an incidat in Ca-
Pensionem habere licite quis pos- nonem ibid.
sit l. 5. c. 83 Percutens Clericum, non semper
Pensionem retinere etiam cum incurrit excommunicationem
dispensatione non semper licet l. 5. c. 8
ibid. Percutens Clericum volentem an
Pensionem habere quomodo quis incidat in Canonem l. 1. c. 34
licite possit, regula, lib. 5. cap. Peregrini excusantur à ieiunio,
85 l. 6. c. 4
Pensionem soluere, ac horas reci- Peregrini à quolibet absolui pos-
tare quomodo teneatur benefi- sunt l. 3. c. 13
ciarius excommunicatus, l. 1. Periculi causa an possit aliquid
c. 13 amplius exigi, cum res vendi-
Pensiones supra montes quando- tur credito, l. de 7. pec. mort.
que pluris venduntur, & li- c. 51
cet l. 5. c. 39 Periurium semper mortale, li. 3.
c. 58.

FRANCISCI TOLETTI.

e. 58. & l. de 7. pec. m. c. 54 Pœna non semper remittitur tota
 Permittere se occidi, an semper sit per confessionem, & commu-
 mortale, & quando l. 5. c. 6 nionem l. 6. c. 2
 Preseruans in voluntate homici. Pœna remittitur iuxta quantita-
 di, an multoties peccet, ibi- tem deuotionis l. 6. c. 21
 dem Pœne quantitas duplex, intensio-
 Pertinacia quid, & quale pecca- nis, & extensionis l. 6. c. 23
 tum l. de 7. p. m. c. 10 Pœne decem contra vsuarios, l.
 Pertinacia quid sit l. 1. c. 19 5. c. 37
 Pietas, & religio quomodo disse Pœnam soluere nemo tenetur an-
 rant l. 5. c. 1 te condemnationem l. 5. c. 12
 Pirata quis dicendus sit l. 1. c. 20 Pœnam grauem pro minima cul-
 Pirata, & huiusmodi, qui præci- pa imponere nefas ibid.
 pue in Bulla Cœn- excommu- Penitens tenetur acceptare penā
 nicentur ibid. à Confessario l. 3. c. 9
 Pirata an statim ad mare cur- Penitens non absoluendus, nisi
 rere incipiunt, incidant in- penitentiam acceptet, lib. 3.
 communicationem Bullæ Co- cap. 11
 ne, & an iure antiquo fuerin- Penitens nesciens Symbolum, &
 olim excommunicati ibid. diuina mandata, an sit absol-
 Piratarum excommunicatio uendus l. 3. c. 17
 qui incurrant id. Penitens an possit manifestare a-
 Piscatio, venatio, siluarum casto, lijs peccata commissā, & peni-
 non omnibus licet l. 5. c. 20 tentiam iniunctam l. 3. c. 20
 Pluralitas beneficiorum quando Penitens aliquando obligat Con-
 permissa l. 5. c. 5 fessarium, vt eum absoluat in
 Pœna damni, & census quid, lib. sua opinione l. 3. c. 16
 3. t. 3 Penitentes etiam irregulares ex
 Pœna temporalis soluenda in hoc defectu animæ censentur, &
 mundo, vel in alio l. 3. c. 10 cum eis quis dispenset l. 1. c. 58
 Pœna capitis infligitur moniali Penitentia sufficit in voto, cum
 raptori l. 5. c. 87 re fieri non potest l. 2. c. 13
 Pœna nun exigenda ab eo, qui nō Penitentia septem annorum pro
 habet vnde l. 5. c. 40 simplici peccato mortali, quā-
 Pœna appositā in censu, an liceat, doque verò duodecim, lib. 6.
 l. 5. c. 48 c. 23
 Pœna exigenda, vbi nulla inest Penitentia sacramentalis an suf-
 causa ibid. ciat ad totam pœnam ibid.
 + + + + + Peni-

INDEX IN SUMMAM

Penitentia imposita blasphemanti	Potestas ordinis, & potestas iurisdictionis quomodo differant
l. 4. c. 13	ibid.
Penitentiae effectus qui sint, l. 3. c. 16	Potestatem absolvendi ab excommunicatione in mortis articulo quisnam habeat l. 1. c. 15
Penitentiae quomodo iniungenda l. 3. c. 11	Potestates, Capitanei, & huiusmodi Rerum publicarum administratores, quando excommunicantur l. 1. c. 39
Penitentiae materia duplex l. 3. c. 1	Præbenda differt à beneficio, l. 1. c. 20
Penitentiae materia propinqua est contritio l. 3. c. 4	Præcepta primæ, & secundæ tabulæ quæ sint l. 2. c. 16
Penitentia sacramento nemo ante usum rationis accedat, l. 3. c. 20	Præcepta secundæ tabulæ ad finem, sed ad accatum obligant l. 4. c. 12
Penitentiam iniunctam an alius mutare possit l. 3. c. 11	Præcepta implere quò ad substantiam ibid.
Pollutio nocturna quando sit peccatum l. 5. c. 13	Præcepta primæ tabulæ ad Dei dilectionem l. 5. c. 1
Pollutio peruvigil an sit peccatum, & quando ibid.	Præcepta secundæ tabulæ ad promur auferre l. 5. c. 13
Pollutio triplex, & an impediat communionem l. 6. c. 1	Præcepta Decalogi fundata in iustitia ibid.
Pollutionis causam quando teneamus auferre l. 5. c. 13	Præcepta Ecclesiæ quæ sint, li. 6. beneficiatus excommunicatus cap. 1
Possessio necessaria in præscriptione l. 5. c. 26	Præceptum sub pœna excommunicationis, vel maledictionis à Deo obligat ad mortale, lib. de septem peccat. mortal. cap. 19
Possessionem beneficii non amittit nec titulum l. 1. c. 13	Præceptum negatiuum semper obligat, affirmatiuum non, l. 4. c. 9. & l. 6. c. 3
Possessor bonæ, & malæ fidei. Vide bonæ fidei.	Potestas sacerdotis quotuplex sit, Præceptum primum Decalogi, l. 1. c. 3
Potestas iurisdictionis in sacerdote quid sit, & quotuplex. l. 1. c. 3	Potestas ordinis in sacerdote quid sit ibid.
Potestas distribuendi indulgentias in Ecclesia l. 6. c. 21	Præceptum secundum Decalogi ibid.

FRANCISCI TOLETI.

Præceptum tertium Decalogi, l.	excommunicatū ab alio sibi sub-
4. c. 24	dito absolueret l. 1. c. 16
Præceptum quartum Decalogi, l.	Prelatus non residens tenetur, l.
5. c. 1	5. c. 4
Præceptum quintū decal. l. 5. c. 6	Prelatus dans beneficia famulis,
Præceptum sextum l. 5. c. 10	an sit simoniacus. l. 5. c. 90
Præceptum septimum, Non fara-	Præpositi secularis, vel Viceco-
beris l. 5. c. 15	mitis officium exercens sacer-
Præceptum octauum: Non falsum	dos quis, & quando excōmu-
testimonium dices l. 5. c. 56	niceatur l. 1. c. 37
Præceptum nonum & decimum: Præscriptio, & vsucapio an libe-	
Non concupisces. l. 5. c. 71	rent à restitutione l. 5. c. 26
Præceptum abstinendi ab esu, qui	Præscriptio, & vsucapio, quid, et
bus, & quando, & quomodo,	quomodo ibid.
l. 6. c. 16	Præstigiū peccatum mortale gra-
Præcipitatio vnde, lib. d. pec.	uissimum l. 4. c. 15
mort. c.	5 Præsumptio quid, & quale pecca-
Prelati an sint simoniaci trade-	tum. l. de 7. p. m. c. 22
tes beneficia propter famula-	Præsumptio duplex, & quādoq;
tum l. 5. c. 26	heresi coniuncta l. 4. c. 7
Prelatorum absentia quando p-	Presbyteratus ordo etiam infan-
mittitur l. 1. c. 7	tibus conferri potest, li. 1. cap.
Prelatorum, siue aliarum perso-	55
narum Ecclesiasticarum causa	Pretio summo rem vendere quan-
qui, & quando excommunicē-	do licet, lib. de 7. pec. mortal.
tur l. 1. c. 38	c. 50
Prelatorum iurisdictionem eua-	Pretio infimo quando possit emi-
chantes laici quando excōmū-	res ibid.
niscuntur l. 1. c. 37	Pretium iustum quod, & quomo-
Prelatos percutiens ante conse-	do cognoscatur, l. 5. c. 41. &
cratorem, an incurrat excom-	l. de 7. p. m. c. 47
municationem Bullæ Cæne Do-	Pretium naturale triplex ibid.
mini l. 5. c. 8	Pretium legitimum semper idem
Prelatura perfectior monachatu	ibid.
l. 5. c. 3	Pretium naturale quibus causis
Prelaturas desinere quando sit	vitietur ibid.
peccatum mortale ibid.	Pretium vi constituatur, regulæ.
Prelatum superior an possit sēper	ibid. c. 48
††††††† 2	Pre-

INDEX IN SVMMAM

- Pretium iustum qui excedit, mor. Promittens ducere, an semper du-
tal. pec. & ad restitutionē te- cere teneatur l. 5. c. 11
netur ibid. Promoti per saltum pœna quæ sit,
Pretium iustum in censu quodnā l. 1. c. 50
sit l. 5. c. 47 Promotus per saltum quando in-
Pretium ratione temporis augere ducat irregularitatem, ibi-
vel minuire non licet, lib. 5. dem
c. 53 Protestatio in causa homicidij
Pretium in cambijs quomodo mi- quando profiti l. 1. c. 80
nistrandum ibid. Proximo subuenire quando quis
Pretium quodlibet pro re spiritua teneatur, l. 4. c. 10. & l. 5. c.
li est simonia, l. 5. c. 87. & 89 71. & l. de 7. p. m. c. 9
Pretium accipere pro labore in cō Proximus quomodo diligendus,
fessione est simonia l. 5. c. 88 l. 4. c. 10. & ibid.
Pretium accipere, vel pacisci pro Proxim. nosser quis dicatur, l.
Missā an liceat l. 5. c. 89 10
Princeps latronum causa quando P. entes, & senes cur miseri-
peccet mortaliter l. 5. c. 7 cordes l. de 7. p. m. c. 27
Privilegia deferendi quedam ad prudentia quid ibid. c. 46
infideles derogata l. 1. c. 23 prudentia quid ibid.
Processus generales Bulle Cœne. i qui peccare possint, & te-
appellatē tur, & contra quos. tur confiteri l. 6. c. 15
editæ l. 1. c. 18 Purgatorij pœna qualis, lib. 4. c.
Processus generales, licet sint ab 23
homine, habent tamen vim in- Purgatorij pœna respondet pœna
ris ibid. temporali ibid.
Procurator quando teneatur ad P. sillonimitas quale peccatum, l.
restitutionem l. 5. c. 26 de 7. p. m. c. 70
Procurator quibus modis peccet, Pyromantie pec. catum, l. 4. c. 15.
ibid.
Procuratori quæ necessariaz ibid.
Procuratori officium ibid. R. Ancor quale peccatum, l. de
Prodigalitas quid, lib. de 7. pec. 7. pec. mor. c. 70
mort. c. 24 Rapiens puellam, non potest eam
Prodigalitas quale peccatum, ib. ducere toto tempore raptus, l.
c. 25 7. c. 13
Produtio quid, quoduplex, & qua Rapiens res Ecclesiarum, & i-
le peccatum ibid. c. 44 psarū effractoress, quomodo ex-
com-

FRANCISCI TOLETI.

communicati	l.1.c.35	rant	l.5.c.1
Raptores mulierum, vel eis fa-	Religionis ingressus tollit irregu-		
nentes excommunicantur, l.1.	laritatem	l.1.c.52	
cap. 41	Religionis votum an dirimat ma-		
Raptores, siue surripientes bona	rimonium, l.4.c.18. & l.7.		
Christianorum naufragium	c.3. & 14		
qui intelligantur, lib.1. cap.	Religionis ingressus quam irregu-		
21	laritatem tollat	l.1.c.83	
Raptus aliena sponse impedit ma-	Religiosi quando possint facere e-		
rimoniam	leemosynam, l. de 7. pec. mor.		
Raptus quid, & eius pena, l.5.	c.28		
c.12	Religiosi nomine qui combinean-		
Raptus mulieris quando dicatur	tur	l.1.c.34	
raptus	Religiosi dimittentes habitum an		
l.1.c.41	sint apostate	l.4.c.18	
Ratibatio homicidij an quā-	1. Religiosi nō habentes beneficium,		
do faciat irregularem,	nec administrationem, qui, &		
c.81	quor de causis excommunicen-		
Ratibatio quotuplex	tur	l.1.c.39	
Ratibatio in delictis mandato	Religiosi, & Religiosorum causa		
equiparatur	qui, ac quando excommunicen-		
Rationis vsus necessarius in sus-	tur	l.1.c.38. & 39	
piante sacramenta	Religiosi, qui Papalem excommu-		
Receptores hereticorum qui dicā	nicationem contrahant, lib.1.		
tur	l.1.c.19	c.36	
Regalia que dicantur	Religiosi deprehēdo grauiter pec-		
l.1.c.38	cant	l.5.c.64	
Regalium causa qui, & quando	Religiosi audientes leges vel me-		
excommunicantur	dicantur qui, & quando exco-		
ibid.	municentur	l.1.c.37	
Reges, Principes, Domini honorē	Religiosus presidens Monasterio		
di sub quarto precepto Deca-	quis ab officio suspendatur, l.1		
logi	c.48		
Reipublice administratores quā-	Religiosus an ob patriis necessita-		
do excommunicantur, lib.1.	tem teneatur relinquere reli-		
c.39	gionem	l.5.c.1	
Relaxatio ab excommunicatione	Remedia contra superbiam, l. de		
quando sit illicita facienda, l.1.	7. pec. mor. c.5		
c.14	††††† 3.		
Religio quid sit	Remi-		
Religio & pietas quomodo disse-			

INDEX IN SVMMAM

Remigantes Christiani in infide-	Restituere an teneatur qui in ex-
limum trivremibus contra Christia-	trema necessitate aliquid ab-
nos, an peccant, & sint excom-	stulit, cum ad pinguiorem ve-
municati l. 1. c. 24	nit fortunam, l. 5. c. 24. & l.
Represaliarum contra personas	de 7. p. m. c. 36
Ecclesiasticas causa qui excō	Restituere tenentur & cooperon-
municentur l. 1. c. 38	tes, & participantes iniustitia
Reo an liceat de carcere fugere,	l. 5. c. 21
& ad quid teneatur l. 5. c. 58	Restituere an teneamur eandem
Restituenda prius debita, quam	rem ibid.
vsuræ ibid. c. 25	Restituere rem deterioratā an, et
Restituendi ordo, & locus, ibid.	quando liceat l. 5. c. 22
Restituere quis teneatur, lib. 5.	Restituere ijs, qui abusi sunt pecu-
c. 17	nij, liceat l. 3. c. 23
Restituere rem locatam an tenea-	Restituere cum detrimento pro-
mur, si furto ablata sit, ibid. c.	mo an teneamur l. 5. c. 24
18	Restituere an teneamur cum fa-
Restituere quando teneantur A-	ma, vel vitæ periculo, ibid. c.
vocati ibid. c.	24. 26. & 70
Restituere Procurator quādo i-	Restituere famam coram ijs, qui
neatur ibid.	audierunt detractionem, l. 5.
Restituere Notarius quis tenea-	3
tur l. 5. c. 61	Restituere quando quis teneat
Restituere vsurarij tenentur, eo-	que ludendo vici l. 5. c. 27
rumque heredes, lib. 5. c. 35	Restituere ludo acquisita quando
& 36	tenentur ibid.
Restituere tenentur qui per mono-	Restituere dotem ab vsuario ac-
polium carius vendant, l. de	ceptam quando quis teneatur,
7. p. m. c. 47	l. 5. c. 35
Restituere, quis vendens tenea-	Restituere an teneatur qui stuprū
tur, lib. de 7. pec. mort. c. 45.	commisit ibid. c. 11
& 49	Restituere cui simoniaci tenean-
Restituere tenetur, qui tribus ca-	tur ibid. c. 93
sibus vitium occultum nō ma-	Restituere an teneantur suffra-
nifestat, l. de 7. p. m. c. 49	gium iniuste concedentes, ibi.
Restituere tenetur quæ quis in lu-	c. 21
do lucratus est ab ebrio, lib. de	Restituere quando teneatur Com-
7. p. m. c. 61	fessarius l. 3. c. 15
	Restit

FRANCISCI TOLETI.

Restituere an teneatur impediens aliquod bonum	l. 5. c. 19	Restitutio quedam facienda in societate officiorum	l. 5. c. 41
Restituere non tenetur qui cessit bonis	l. 5. c. 29	Restitutionem differre, cum statim fieri potest, peccatum mortale	l. 5. c. 24
Restituere non tenetur, cui debiti remissio valida est facta, & que sit remissio valida, ibid.		Restitutioni obnoxie res usurarie ad quemcunque pervenerint	l. 5. c. 35
Restituere quis non tenetur ob compensationem	ibid.	Restitutionis casus carmine contenti	l. 5. c. 17
Restituere testis quandoque tenetur	l. 5. c. 59	Restitutionis obligatio an transeat ad heredes, & quomodo,	l. 5. c. 21
Restituere tenemur, quando peccatum est contra iustitiam, l. 5. c. 19		Retrotrahatur ut delictum alterius nomine factum quot requiruntur	l. 1. c. 31
Restituere quid teneatur homicide	ibid.	Reus an teneatur verum respondere, & quando	l. 5. c. 58
Restituere tenentur iudices interdetinentes in carcere operarios	ibid.	rixæ, bellum, contentiones, vulnera, & c. operariæ l. de 7. p. m. c.	58
Restituere an malefici teneantur	l. 4. c. 14		
Restituere an teneatur Inornatus	l. 5. c. 22	S.	
Restitutio quid	l. 5. c. 17	Sabbati nomen comprehendit	
Restitutio cui facienda	l. 5. c. 23	alia festa	l. 4. c. 16
Restitutio quomodo facienda ab hereditibus	ibid.	Sabbatum quid, & quare sanctificandum	l. 4. c. 24
Restitutio pauperibus facienda, quando, & quomodo	ibid.	Sabbatum cur in Dominica translatum	ibid.
Restitutio quamvis, quando, & quomodo sit facienda	l. 5. c. 24	Sacerdos quid sit	l. 1. c. 1
Restitutio creditori absenti quomodo facienda, l. 5. c. 23. & 25		Sacerdos cur sic dicatur	ibid.
Restitutio in quavis necessitate, circa extremam facienda, l. 5. c. 27		Sacerdos non ieiunans quando posset celebrare	l. 2. c. 1
Restitutio ex quibus bonis facienda	l. 5. c. 35	Sacerdos celebrans prima non reclusa, non peccat	ibid.
		Sacerdos non valens absolvere, nec dimittere aliquem sine scandalum, quid faciet	ibid.

INDEX IN SVMMAM

Sacerdos tenetur celebrare saltē festis sollemnibus	l. 2. c. 3	lis, quā scripta legi sacerdo tibus	l. 1. c. 1. & 2.
Sacerdos excedat vigesimū quar- tum annum	l. 5. c. 1	Sacerdotes ministros cur nemini habere liceat	l. 1. c. 1
Sacerdos recipiens elemosynam à multis, an satisfaciāt vno sacro	l. 2. c. 8	Sacerdotes an possint mutuo confi teri inter se	l. 3. c. 13
Sacerdos impeditus in Missa quid agat	ibid. c. 9	Sacerdotes Ethnicorum an sint sa cerdotes	l. 1. c. 1
Sacerdos habēs iurisdictionem in aliquos, potest eos in quavis diocesi absolvere	l. 3. c. 13	Sacerdotes creandi auctoritas pe- nes quos sit	ibid.
Sacerdos si non obligat pœnitentem, tenetur ipse ad restitutionem nem	ibid.	Sacerdotibus Evangelicis cur sta- tus conjugalis sit illicitus, lib.	l. 1. c. 2
Sacerdos in scio ordinario benedi- cens nuptias, ipso iure suspen- sus	l. 7. c. 19	Sacerdotis potestas quomultiplex sit	l. 1. c. 3
Sacerdos proprius quis dicatur, l. 1. c. 16	l. 1. c. 3	Sacerdotium cur masculis solū conferatur	l. 1. c. 1
Sacerdos simplex, absolvens ab excommunicatione maiori in mortis articulo, quid cauere debeat	l. 1. c. 15	Sacerdotium, vel alius ordo ex maioribus, si laico conferatur, non præmissis minoribus, an te- neat	l. 1. c. 50
Sacerdos, hæc vox, vnde dicatur l. 1. c. 1	ibid.	Sacerdotium Evangelicum quo- modo ab antiquo differat, l. 1.	c. 1. 2. & 3
Sacerdos Vicecomitis, aut Præpo- siti secularis officium exercens quis, & quando excommuni- cetur	l. 1. c. 37	Sacramenta carentia charactere, necessaria	l. 2. c. 17
Sacerdos simplex an quilibet, & semper possit in articulo mor- tis ab excommunicatione ab- solvere	l. 1. c. 15	Sacramenta non semper remittunt totam penam	l. 6. c. 2
Sacerdotes Euāgelici quomodo differant ab alijs tam natura-	l. 6. c. 24	Sacramenta in remissionem ve- nialium	l. 6. c. 24
		Sacramēta à malis ministris acci- pere	

FRANCISCI TOLETI.

pere quando, & à quibus li. Satisfacere an possit vnus pro a-
 ceat l.1.c.86 lio l.3.c.11
 Sacramenta conferens in peccato Satisfactio quid ibid.
 mortali, cur mortaliter peccet Satisfactio per ieiunia, orationes
 l.1.c.85 & eleemosynas ibid.
 Sacramenti effectus, & gratia du Satisfactio duplex, & earum di-
 plex l.2.c.16 serimen ibid.
 Sacramenti materia sensibilis, li. Satisfactio huius mundi excedit
 3.c.4 satisfactiorem Purgat. l.6.c.2
 Sacramentorum administratio quo Schisma quot modis contrahatur,
 tripliciter impediatur l.1.c.84 l.1.c.19
 Sacramentorum administratio Schisma quid fit ibid.
 non priuat minor excommuni- Schisma quotuplex ibid.
 catio l.1.c.17 Schisma quid l.4.c.11
 Sacramentorum susce- ne pri- Schismatici excommunicantur per
 uat minor excommuni- ibi. Bullam Cene l.1.c.19
 Sacramentum quid l.2.c.15 Schismatici causa quot genera per
 Sacramentum existentibus in- sonant excommunicantur, l.
 catio non prodest l.2.c.1 c.37
 Sacramentum quodlibet danti- scientia que requiratur in ordi-
 & accipientis intentionem- natis l.3.c.87
 cessario requirit l.2.c.20 Scribens libellos infamatorios in
 Sacramentum suscipiens, debet ha- excommunicetur l.3.c.74
 bere vsu rationis l.2.c.29 Scribentes, vel legentes contra mo-
 Sacrificium triplici gen. l.2.c.4 tem pietatis excommuni. l.5.c.38
 Sacrificium si Deo solum, nō san- Secretum alicuius reuelare, vel
 ctus l.2.c.5 aperire, quando, & quale pec-
 Sacrificium oblatum que cōferat- catum l. de 7. p. m. c. 45
 l.2.c.6 Seculares non potest prescribere,
 Sacrificium laicorum, &c. muta- vel vsucapere ecclesiastica, l.
 tum l.5.c.44 5.c.26
 Sacrificium Missæ soli Deo debe- Sedem Apostolicam oblessem
 tur l.4.c.12 alicuius non adueniens, quando
 Sacrilegium est absolueri sine ma- tenentur, & possunt, quas pœ-
 teria l.3.c.16 nas incurrant l.1.c.32
 Sacrum, vide Missa. Separatio coniugum quando lici-
 Sanctum quotupliciter aliquid di- ca l.7.c.23
 catur l.1.c.87 Sepeliendi causa qui excommu-
 +++++ 5 nent-

INDEX IN SVMMAM

nicentur	l. 1. c. 39	Simonia prohibita de iure diuino
Sepeliens vsurarium in loco sacro	humano, & canonico, l. 5. c. 85	
est excommunicatus	l. 5. c. 36	Simonia cognoscitur ex tribus re-
Septem peccata capitalia, cur	gulis	l. 5. c. 87
mortalia dicta, l. de 7. p. mor.		Simonia non est, si datur pecunia
c. 2		pro re spiritali, non tanquam
Sepultura Ecclesiastica quis excō	pretium	ibid.
municatus priuetur	l. 1. c. 13	Simonia est, pacisci, vel dare ali-
Sepultura terre an vendi possit,	quid de religionis ingressu, li.	
l. 5. c. 89	5. c. 90	
Sequestrationis de beneficio eccle	Simonia quomodo cōmittatur cir	
siastico per ordinariū factæ cau	ca beneficia	ibid.
sa qui, & quando excommuni	Simonia in electione	ibid.
centur	l. 1. c. 39	Simonia in locatione & permuta
Sermo vester sit, est, est, quomodo	tionē	ficiorum l. 5. c. 91
intelligatur	l. 4. c. 20	Simonia sit, Ius patronatus vē
Servi circa ordinationem quedā		l. 5. c. 90
notanda	l. 1. c. 53	Simoniae tres species, metālis, rea
Seruus quando ob lesionem alicu	lis, & cōventionalis l. 5. c. 84	
ius teneatur sedem Apostolicā	Simoniace tam ordinantes, quā	
adire	l. 1. c. 32	ordinati, à quibus suspendan-
Seruus quādo ordinari possit, quā		l. 1. c. 48
do verò non	l. 1. c. 53	Simoniace accipiens beneficiū an
Seruus quādo, & quomodo absol	retinere possit	l. 5. c. 90
uatur ab Episcopo etiam ob e	Simoniaci pœna quadruplex ex cō	
normem lesionem, & quando	uentione	l. 5. c. 93
non	l. 1. c. 32	Simoniaci pœna an pro quavis si
Sigillum cōfessionis ad que se ex	monia incurratur	ibid.
tendat	l. 5. c. 16	Simoniaci pœnam an incurrat qui
Sigillum cōfessionis seruare tenē	nondum accepit	ibid.
tur, non solum sacerdotes, sed	Simoniaci cui restituere teneātur	
& circumstantes	ibid.	ibid.
Signum demonstratiuum, reme	Simoniacus an sēper incurrat ex	
ratium, & prognosticum, l. 2	communicationem latam, ibi	
c. 15	dem	
Simonia quid	l. 5. c. 84	Simoniacus tenetur reddere bene
Simonia vnde dicatur, & quale	ficiū, & cui	l. 5. c. 93
peccatum	ibid.	Simoniacus, ad quod beneficiū
		omni-

FRANCISCI TOLETI.

- omnino sit inhabilis l. 1. c. 51 lib. 7. c. 16
 Simoniam non committit, qui fin- Sponsalia, & matrimonium, in
 git se daturum l. 5. c. 90 quibus differant, lib. 7. c. 12.
 Simulatio quid, l. de 7. pec. mor. alias 17
 c. 9 Sponsalia quibus casibus dissolun-
 tur ibid.
 Societas officiorum quid, & quā- tur ibid.
 do originem sumpsit l. 5. c. 37 Sponsalia impediunt aliud mari-
 Societas in negotiatione an sit lici- monitū contrahendū l. 7. c. 24
 ta l. 5. c. 41 Sponsalia quid l. 7. c. 16
 Societas in emptione animalium, Sponsalia inter quos non fiant, ibi-
 dem
 Societas officiorum conditiones Sponsalia quando non valida, ibi-
 nonnullae l. 5. c. 38 dem
 Societatis in negotiatione tres cō- Sponsalia nulla, matrimonio nullo
 ditiones l. 5. c. 41 ibid.
 Societatis alterius cōdi- s. ser. Stationum Romanarum origo, &
 uandae ibid. causa l. 6. c. 28
 Sodomitia abominabile peccatū, Statuta contra Ecclesie libertatē
 l. 5. c. 13 que dicantur, & quis ea tolle-
 Sollicitudo quomodo, & quale re possit l. 1. c. 37
 carum, l. de 7. p. m. c. 13 Sterilitatem procurare, est peccatū
 Sors, sponfiones, & ris adq; tum mortale l. 5. c. 6
 licent l. 5. c. 27 Stuprum quid, et an obliget ad re-
 Sortilegium triplex, & an semper stitucionem l. 5. c. 11
 sit mortale l. 2. c. 21 Suffragium iniuste concedentes,
 Spei definitio, & quid in ea sit cō- ax ad restitutionem teneatur,
 siderandum l. 4. c. 7 l. 5. c. 21
 Spei, desiderij, & amoris definitio Superbia quid, l. de 7. pec. mort.
 tio ibid. c. 3
 Spes, desiderium, & intentio quo Superbia quando mortale, ibi. c. 4
 modo differant l. 5. c. 29 Superbiae species quatuor ibid.
 Spiritualia in quadruplici differē Superiorem nemo potest excomu-
 tia l. 5. c. 84. & 87 nicare l. 1. c. 7
 Spiritualia commutare inter se, Superstitio quid, eiusq; duplex ge-
 nus l. 5. c. 88 nus lib. 4. c. 14
 Spoliator ecclesie quis à solo Pa- Superstitio an sit mortale ibid.
 pa absoluitur l. 1. c. 16 Superstitiones aliquae taceant mu-
 Sponsalia quot modis contrahantur cationes damnantur ibid.
 Suppl.

INDEX IN SVMMAM

Supplicationes que intelligantur	Suppensionis forma	ibid.
in Bulla Cane	l.1.c.22	Suppensus ab ingressu ecclesie qui
Susceptor filij proprii non potest	bus priuatur	l.1.c.43
contrahere matrimonium, l.7	Suppensus ab ordine simpliciter, &	
c.15	suppensus ab aliquo ordine qui	
Suspendere quis possit	l.1.c.44	differant
Suspendi quis possit	ibid.	Suppensus ab administratione Ec-
Suppensi ab officio, & suspensi à be-		clesie, non est suppensus ab or-
neficio pene que sint	l.1.c.45	dine.
Suppensio non contrahitur sine pec-		Suppensus ab administratione Ec-
cato	l.1.c.50	clesie celebrans, an fiat irregu-
Suppensio priuans ordinis execu-		l.1.c.
tione triplex	l.1.c.66	Suppensus in quo priuatur aliorū
Suppensio quid sit, & que eius spe-		communiōe.
cies	l.1.c.42	Suppensus ordinis actum exercēs
Suppensio que absque absolutione		quādo fiat irregularis
auferatur	l.1.c.46	Suppensus ab ordine, an sit suppen-
Suppensio à quo absolvatur	ibid.	sus à iurisdictione, vel contra,
Suppensio ab homine quot de cau-		l.1.c.43
sis ponatur	l.1.c.44	Suppensus ab officio, & suspensus à
Suppensio an feratur propter venia-		neficio qui differant,
le peccatum	ibid.	Suppensus generaliter loquendo,
Suppensio quando simpliciter fer-		quādo fiat irregularis
tur, pro qua intelligatur, lib.1.		Suppensus à canone ob defectū cor-
c.43		poris an fiat irregularis
Suppensiones iuris nouēdecim præ-		Suppensus ab ordine vel depositus
cipue enumerantur	l.1.c.48	vel degradatus, an possit absol-
Suppensiones octo Concilij Trid.		ueri
l.1.c.49		Suppensus à beneficio, an cōseatur
Suppensionis effectus quinque, li.		etiam suppensus ab officio, &
l.1.c.45		contra
Suppensionis finis idem, qui & ex		Suppensus ab ordine, vel ab aliquo
communicentur	l.1.c.44	includente ordinem quādo pec-
Suppensionis effectus	l.5.c.14	cet, & quando fiat irregularis
Suppensionis, & excommunicatio		ibid.
nis differentia	l.1.c.42.44	Syllabas cadentes in vsum, an te-
& 46		neantur, & ad quid, & quan-
Suppensionis cause quatuor	l.1.c.44	do
		l.5.c.20
		Syno-

FRANCISCI TOLETI.

Synodus dioecessana singulis annis Trinitas tota per concomitiā
facienda l. 5. c. 4 in hostia consecrata l. 2. c. 7
T. Tristitia de bono alterius multi-
Tactus inter coniuges quomo plex l. de 7. p. m. c. 63
do prohibiti l. 7. c. 20 Tristitia ex timore, quando, &
Taleas imponentes clericis, excō quale peccatum ibid. c. 64
municantur l. 1. c. 35 Tristitia ex odio quale peccatum
Tentare Deum interdum licet, l. ibid. c. 66
4. c. 19 Tumor mentis quid, & quale pec-
Tentationis descriptio, & eius catum ibid. c. 58
materia ibid. Tyranno occupante vi ciuitatem,
Testes repulsare, an, quando, & an eam liceat per proditionem
quib⁹ de causis liceat l. 5. c. 59 tradere ibid. c. 45
Testes repulsando non omnia cri- Tyrannum occidere an liceat, l. 5
mina aperiantur ibid. c. 6. & l. 7. c. 45
Testimonium reddere cum, & tri V.
mento, an quis teneatur t. Alor rei dupliciter sumitur
Testis quando teneatur testimo- ibid. c. 47
nium reddere ibid. Alor rei venditori ignoranti ab
Testis quando obligetur ad rest- emptore est manifestandus,
tutionem, & quo ibid. c. 49
Theologie lector pretium p. Vana gloria quid, & unde, ibid.
cipere absq; simonia l. 5. c. 88 c. 6
Theologica virtus, quæ dicatur, Vana gloria quale peccatū, ib. c. 7
l. 4. c. 7 Vestigalia, qui imponere possint,
Thesaurus ecclesie militantis quis l. 1. c. 21
unde l. 5. c. 51 Venatio, piscatio, siluarū castio quis
Titulum ad ordines sine licentia bus liceant, & ubi l. 5. c. 20
dimittens post ordinationē an Vendens rem vitiosam, an quis
sit suspensus l. 1. c. 48 restituere teneatur, l. de 7. p.
Titulum beneficii non amittit be- m. c. 47
neficiatus excommunicatus, nec Vendere ultra summū pretium,
possessionem l. 1. c. 13 an & quando usura l. 5. c. 31
Torpor, quale peccatum, l. de 7. Vendere summo, & ab eodē redi-
pec. mor. c. 70 mere infimo pretio, usura, ibi.
Tortura reo adhibita l. 5. c. 6 Vendi, aut emi res quanti debeant,
Tortura an excuset eos, qui ape- lib. de 7. pec. mort. c. 50
riunt secretum l. 5. c. 66 Venenum fontibus imponere quā-
do li-

INDEX IN SVMMAM

dotlicium *ibid.* c. 45 *Virginem deflorās, aut ducat, aut*
Veniale peccatum nō est materia *docet* *l. 5. c. 11*
necessaria penitentia, l. 3. c. 3. Virgo vi oppressa, non peccat, nec
& l. 6. c. 11 *virginitatem amittit* *ibid.*
Venialia quare confitenda, & quo Visitantes Ecclesias qui interdi-
modo remittantur l. 3. c. 3 & *cantur, & qui suspendantur,*
5. & l. 6. c. 11 *l. 1. c. 48*
Venialia inducunt culpam, & Visitatores Monialium impedi-
penam, licet non aeternam, li. *res qui excommunicantur, l. 1.*
6. c. 21 *c. 39*
Venientes ad Sedem Apostolicā Vitam alterius cum proprie di-
qui intelliguntur in Bulla Coe- *spendio saluare l. 5. c. 71. & l.*
ne *l. 1. c. 25* *de 7. pec. mort. c. 39*
Verba intolligenda ex mente pro- *Vitiosum vendere vt bonum pec.*
ferentis *l. 6. c. 58* *mort. & ad restit. li. de 7.*
Veritas, & falsitas triplex, l. 4. *pec. r. c. 49*
c. 24 *Veritatis triplex, lib. de 7. p.*
Veritas in iuramento qualis *ibid.* *l. c. 49*
Veritas in dubio duplex, lib. 5. c. *tium rei manifestum, quando*
56 *emptori manifestandum, ibi-*
Vestes aptae ad celebrandum sa- *lem*
crificium *l. 2. c. 2* *Voluntarium opus quomodo dica-*
Vestes Sacerdotiales quid depo- *tur* *ibid. c. 1*
tent *ibid.* *Voluntarium quotupliciter acci-*
Vestes sacrae quomodo vendi pos- *piatur, & quotuplex sit, li. 1.*
sint *l. 5. c. 89* *c. 71*
Vexationem redimere an liceat, Voluntarium casuale quodnam di-
& quomodo *l. 5. c. 90* *catur* *ibid.*
Viduae post mariti obitum quanto Voluntas sola occidendi quando
tempore excusentur à sacro au- *non inducat irregularitatem,*
diendo *l. 6. c. 8* *l. 1. c. 70*
Vir impediens uxorem à bonis si- *Voluntatis duo actus l. de 7. pec.*
ne causa, an peccet mortaliter *mort. c. 55*
l. 5. c. 2 *Voluntatis motus triplex & quis*
Vir ad quæ teneatur erga uxore, *obliget ad peccatum, lib. 4. c.*
ibid. *17*
Vir percutiens sine causa uxore, Voti materia possibilis, ex qua
an pec. mort. *ibid.* *multi casus* *l. 2. c. 24*
Voti

FRANCISCI TOLETI.

- Voti materia qualis esse debeat, viroque foro l. 5. c. 18
 l. 2. c. 17 Vsuram quid sit, & que in ea consi-
 deranda sint l. 5. c. 28
 Voti conditionalis, pœnalis, & ab deranda sint l. 5. c. 28
 soluti differentia l. 4. c. 18 Vsuram comparatur morsui affidis
 Voti commutatio in æquivalens, ibid.
 ibid. Vsuram peccatum mortale nega-
 Voti transgressio potest à quolibet re, hereticum ibid.
 Confessario absolui ibid. Vsuram quoduplex l. 5. c. 29
 Votum irritare quid ibid. Vsuram mentalis quæ, & quomodo
 Votum quid l. 4. c. 16 fiat ibid.
 Votum quando obliget, casus ali. Vsuram mentalis tripliciter contin-
 quot l. 4. c. 17 git l. 5. c. 30
 Votum sine promissione est nullum, Vsuram exterior explicata ibid.
 ibid. Vsuram palliata dupliciter fit, lib.
 Votum continentie, & virginitas 5. c. 31
 is, quid ibid. Vsuram est contra ius naturæ, l. 5.
 Votum religionis determinat, c. 37
 vel non, quomodo obliget Vsuram non est absque mutuo, l. 5.
 ibid. c. 30
 Votum subditorum, quando, & Vsuram quandoque in societate af-
 quo irritetur ibid. feriorum committitur, lib. 5.
 Votum ad quid obliget c. 40
 Votum simplex, & solenne quid, Vsuram restituatur vel Dominis,
 l. 4. c. 18 vel heredibus, vel pauperi-
 Votum castitatis solenne dirimit bus l. 5. c. 35
 matrimonium post contractum, Vsurarij vxor, filij, & famuli an
 l. 4. c. 18. & l. 7. c. 4 possint sustentari ex bonis v-
 Votum simplex castitatis, vel re- sura acquisitis, & an ad resti-
 ligionis qui fecit, licet peccet, tutionem teneantur ibid.
 matrimonium tenet, l. 4. c. 18 Vsurarij, & fures nunquam ac-
 & l. 7. c. 14 quirunt dominium l. 5. c. 26
 Vox articulata, cur necessaria ho Vsurarijs fauentez tenentur ad
 ris l. 2. c. 10 restitutionem l. 5. c. 36
 Vscapi que prohibeantur, lib. 5. Vsurariorum causa, qui, & quan-
 cap. 26 do excommunicentur, lib. 1. c.
 Vscapio, & prescriptio an libe. 38
 rent à restitutione ibid. Vsurariorum heredes tenentur ad
 Vscapio liberet à restitutione in restitutionem l. 5. c. 35
 Vsu-

INDEX IN SUMMAM

<i>V</i> surariorum bona in quadruplici	<i>V</i> suras restituere tenentur non so
differentia	ibid. lūm <i>v</i> surarij l. 5. c. 36
<i>V</i> surariorum bona omnia restitu	<i>V</i> suras agnoscēdi regula l. 5. c. 30
tioni obnoxia	ibid. <i>V</i> ulnerantes, vel capientes <i>E</i> pi-
<i>V</i> surariorum testamenta quomo-	scopos quomodo incurrant ex-
do irrita	l. 5. c. 36 communicationē Bullę Cane
<i>V</i> surariorum <i>A</i> duocati, <i>P</i> rocura-	l. 1. c. 25
tores, <i>N</i> otarij tenentur ad re-	<i>V</i> ulneratio quomodo inducat ir-
stitutionem	ibid. regularitatem l. 1. c. 70
<i>V</i> surarius duplex, notorius & oc.	<i>V</i> xor tenetur ad quedam erga vi-
cultus	ibid. rum l. 5. c. 2
<i>V</i> surarius non absolvendus à pec.	<i>V</i> xor quomodo excusetur à ieiun-
cato, nisi prius restituat, ibid.	nio l. 6. c. 4
<i>V</i> surarius notorius nō sepeliatur	<i>V</i> xorē dūtere, inuito patre, quan
in loco sacro	ibid. do mortale l. 5. c. 2
<i>V</i> surari ⁹ in mortis articulo an sit <i>V</i> x	quando possint facere e-
absolvendus, & quomodo, ibi.	elemosynam, l. de 7. pec. m.
<i>V</i> surarius an restituat solūm <i>v</i> su	c. 29
ras, an etiam fructus l. 5. c. 2	xoricidium impedit matrimo-
<i>V</i> surarius quantum restituat, l.	niam, & quomodo, lib. 7.
c. 37	15
<i>V</i> surarius an teneatur restituere <i>V</i> x	omine quid intelligatur
etiam fructus & damnum, ibid.	l. 1. c. 33.

FINIS.

INSTRV.



INSTRVCTIONIS SACERDOTVM.

LIBER I.

Quid sit Sacerdos, & quare sic dicatur?

CAPVT I.

OPVS Diuino fauore instituiamus, ad Sacerdotem, in iis, quæ sui sunt muneris instrumētis, non quidem omnia, quæ dici de hoc poterant, disputando, aut varias Doctorum opiniones discutiendo, sed quæ præcipue sunt, & certiora ordinatè, dilucidè, breuiterq; proponendo, & ipsa igitur definitione exordiamur, & quid sit Sacerdos describamus. *Est autem Sacerdos, Vir, cultui viri Dei, auctoritate sua determinatis personis concessa, firmiter deputatus.* In eius descriptione sex sunt partes.

Prima est, *Vir*, fœminæ enim diuino iure à Sacerdotio excluduntur, vt habetur in cap. noua, de pœnit. & remiss. id enim masculis solum est concessum, ad officii huius dignitatem, & perfectionem denotandam.

Secunda pars est *Cultui Dei deputatus*. Est autem Dei cultus, reuerentia quædam, tam interior, quàm exterior, Deo, ob ipsius excellentiam, exhibita; qui maximè in tribus consistit, in sacrificio, quo eius dominium, in laudibus, quibus eius bonitatem, in Sacramentorum administratione, quibus ab ipso salutem, & redemptionem procedere cōsitemur; cui cultui cōueniens fuit, personas certas dedicari, vt perfectius exhiberetur: & tales sunt sacerdotes. Vnde fit, cū hic cultus actus sit lætitiæ, & religionis quæ soli Deo debetur, vt nulli creaturæ liceat, Sacerdotes habere sibi ministros: habet quidem Reges & Principes, & economos, cubicularios, villicos, iudices, & alios huiusmodi, solus Deus Sacerdotes habet. Qui ergo sibi sacerdotes constituit, & sacrificium, precesque ab eis petit, se Deum facere præsumit.

A

Tertia

INSTRVCT. SACERD.

2 Tertia pars, *veri Dei*. ad excludendos Ethnicorum Sacerdotes: sunt quidem cultui Dei deputati, sed non veri Dei, sed falsi, quem ignorantes homines, & Idololatraz vt Deum recipiunt: Dæmon enim illo peruerso diuinitatis appetitu, Sacerdotes sibi, templa, & sacrificia, quæ solius sunt Dei veri, usurpat. Tales igitur nomine tenus, non re sacerdotes sunt, nec templa, aut sacrificia vera sunt.

Quarta pars est. *Diuina auctoritate*, quia nemo propria sua auctoritate, & placito se sacerdotem creat. Rursus, nec auctoritate Reipublicæ fit; non enim habent Respublicæ potestatem creandi sacerdotem, sicut habent creandi Regem, Ducem aut Principem: sed diuina auctoritas necessaria est.

Quinta pars. *Determinatis personis concessa*. Non enim hanc auctoritatem communitati vlli Dominus concessit, sed personis tantum particularibus.

Primò quidem fuit in Christo Dominus, à quo in Apostolos deriuata est: ab Apostolis vero in Episcopos, in quibus modò de iure diuino residet hæc potestas sacerdotum creandi.

Sexta pars est. *Firmiter*: non enim sacerdos est ad tempus, sicut Duces, Milites, Iudices, & ceteri, sed in perpetuum. ita vt, dū viuunt, priuari sacerdotii potestatem nulla ratione possit. Talis igitur est sacerdos, non quidem omnis, sed Euangelicus, fuerunt enim in statu omni sacerdores veri: nam in lege naturæ nõ defuit sacerdotiũ, & sacrificia. Prius oblatio, fuit enim Melchisedech sacerdos Dei altissimi. Similiter in lege scripta fuerunt sacerdotes: nam Aaron sacerdos fuit, & eius filius Eleazar, & reliqui ex tribu Leuitica. His tamen non conueniunt omnes simul conditiones positæ in descriptione, vt paulò inferius dicemus; sed solis sacerdotibus noui testamenti, quibus ob ipsorum excellentiam, definitionem adaptauimus, in qua omnia causarum genera comprehenduntur; materialis enim est Vir. formalis, Firmiter deputatus; talis enim deputatio, quæ, vt dicemus, per impressionem characteris fit, est velut forma, Auctoritas diuina determinatis personis concessa, est efficiens. Dei veri cultus, est finis. Nomen sacerdotis non alienum à re ipsa est; vt enim auctor est Isidor. lib. 7. etym. cap. 12. & habetur can. Cleros. d. 21. Sacerdos, quasi sacra dans, seu sacrificans dictus est, nomine ab officio, & sine sumpto.

Dictus etiam est, Clericus; vt idem auctor dicit, à Κλῆρος Græcè, quod Latine sors dicitur, & hoc propter duo.

Primò, quia Matthias, primus ab Apostolis sacerdos creatus,

creatus, sorte electus est, vt habetur, Actor. i.

Secundò, quia in sortem Domini vocatus est.

Dicitur etià Presbyter, id est, Senio; ob iudicij maturitatem quæ ad id muneris necessaria est, & ob reuerentiam, quæ eis debetur; sacerdos enim Domini magno ab omnibus honore afficiendus est, sicut tempore nascentis Ecclesiæ habitus fuit. Sunt igitur nomina hæc, non naturæ, sed officij, & dignitatis.

In quibus differat Sacerdos Euangelicus ab alijs.

CAPVT II.

SACERDOTES habuit Dominus in omni statu & tempore, tam naturæ, quàm legis, & gratiæ: tamē sacerdotes gratiæ, siue Euāgelij, perfectiores multò alijs omnibus sunt, quorum perfectio ex his, in quibus ab illis differunt, manifestatur.

Differunt ergo, primò, ex parte causæ efficientis. Sacerdotes enim in lege naturæ creabantur potestate humana; vt enim Respublica habebat potestatem creandi, hoc Iudices, illos Duces, istos alterius muneris, sic etiam habuit potestatem sacerdotum creandi. Adueniente autem lege, Dominus abstulit hanc potestatem cuidam Petro, quem in suum peculiarem recepit, scilicet Iudæorum, & implemet Deus sacerdotes instituit, præcipient, vt inter decem tribus, ex vna sola, scilicet Leuitica, sacerdotes assignarentur. Sicque in hac tribu residebat ista potestas, quæ diuina erat. Hi sacerdotes adhuc non ex quauis familia huius tribus, sed tantum ex familia Aaron: ex reliquis verò familijs Leuiticis reliqui templi ministri assumebantur: filij autem sacerdotum eo ipso, quo filij sacerdotum erant, ius ad sacerdotium habebant, non tamen vsum, nisi post consecrationem, quæ fiebat per olei asperionem, non vñctionem, vñctio enim erat Summi sacerdotis. Potestas ergo, seu auctoritas creandi sacerdotes, fuit per modum generationis deriuata ab Aaron, quem creauit sacerdotem Moses auctoritate diuina. At auctoritas creandi Euangelicos sacerdotes, diuina est, non vñcunque, sed deriuata à Christo Domino in Apostolos; & per hos in Episcopos, qui non per generationem, sed per diuinam cōsecrationem, ex quauis familia Christiana, hominem possunt in sacerdotem eligere.

Differunt secūdò, ex parte ipsius institutionis; nō em̃ in naturæ statu, aut legis per institutionē, sacerdos sanctificabatur, nec

nec recipiebat gratiam ex vi ipsius institutionis: at verò Euangelicus sacerdos gratiam recipit per ipsam institutionem, quæ vnum est ex septem Sacramentis, gratiam ex opere operato conferentibus. Non solum autem gratiam recipit, sed signum quoddam spirituale, quo insignitur interius, character dictus, quod quidem est & signum, & potestas mirabilis, ut dicemus post; eoque character carebant illi sacerdotes.

Differunt tertio in potestate cõficiendi corpus, & sanguinẽ Christi; possunt enim Euangelici sacerdotes vinum in Christi sanguinem, panem in corpus cõuertere, quam potestatem nullus sacerdos alius habuit; in quo vincit nostrum sacerdotium illud Aaronis, & Melchisedech supra modum.

Differunt quarto in sacrificio, quod offertur. Illi panem, & vinum, aut animalia Deo offerebant: at noster sacerdos Christum Dominum, Dei filium, sub speciebus panis, & vini, æternò patri offert, quo nihil potest esse acerbius, nihil dignius. Quod sacrificium prophetauit David, al. 49. Numquid manducabo carnes taurorum, aut sanguinem hircorum potabo; Sacrificium laudis honorificabitur, & illiciter, quo ostendam illi salutare Dei.

Differunt quinto in potestate mirabili absoluendi à peccatis. Nullus alius sacerdos ad hæc ascendit dignitatem, ut scilicet vnũ veniale peccatum possit remittere: immò Iudæi, hoc, ut soli Deo conueniens, Christo opprobabant, quòd peccata dimitteret, & vera dicebant; Christus enim homo erat, & Deus: quia Deus erat, peccata dimittebat; vnde ante eius aduentum, nulli est concessa tanta potestas, donec Deus homo fieret: ac per hoc natura humana ita sublimis remansit, ut potestatem acciperet, quam nullus antè sortitus erat; quod cognoscentes Sacerdotum principes, Iudæi poenitenti, & peccatum confitenti non dimiserunt, sed dixerunt: Tu videris, quasi se potestate dimittendi peccata carere ostendentes.

Differunt etiam sexto ratione status, illi quippe coniugati erant, vxoresque ducebant etiam post sacerdotium; at Euangelicus sacerdos in statu continentie est, qui perfectior est, quàm conjugatorum status. Hoc autem non absque causa rationabilissima factum est.

Primo quidem, ad denotandam sacerdotij huius excellentiam: ut enim longè superat omnia officia, & munera ciuilia, ita debuit ad statum hominum perfectum reduci, qualis est continentium.

Secundò, ad exprimendam puritatem, & mundiciam sacrificij in hoc Sacerdotio oblati: vt enim est Angelorum, ac Beatorum cibis, ita per manus puras, & angelicas tractari debuit.

Tertiò, ad ostensionem obseruatiæ erga hoc munus; debet enim totus homo vacare officio huic, nec a liciis implicari negotijs, quia magna sunt, quæ tractat.

Quartò, ad similitudinem inducendam cum capite. Fuit enim primus Sacerdos Christus Dominus continens. Debuerunt ergo tali Sacerdotio fungètes ipsum imitari. Multæ etiam aliæ sunt causæ, quas libens prætermitto.

De gemma eius Sacerdotis potestate: & de duplici clauæ.

CAPVT III.

DVPLEX in Sacerdote est potestas; & potestas ordinis, & potestas iurisdictionis.

Potestas ordinis est, potestas cõficiendi Christi corpus, & conferendi etiam sacramenta.

Potestas verò iurisdictionis, est potestas excommunicandi absoluendi ab excommunicatione, dispensandi, conferendi indulgentias, leges ecclesiasticas condendi, &c. Quæ quidem potestas respicit duplex Christi corpus. Est enim corpus Domini verum: est etiam mysticum, quod est fidelium congregatio. Prior potestas ordinatur ad verum Christi corpus: nam est transubstantiandi panem in Christi verum corpus: posterior potestas est, ad corpus mysticum, scilicet in ordinationem, regimen, & vtilitatem fidelium.

Est autem differentia inter vtramque potestatem. Ordinis enim potestas in omni est Sacerdote, nec ab eo auferri potest. Tamen iurisdictionis potestas, est tantum in primo Sacerdote, in alijs autem, prout à summo delegati.

Vnde fit, vt potestas iurisdictionis, sit duplex, & ordinaria, & delegata.

Ordinaria est in eo, cui ex suo officio incumbit: vt, excommunicatio est ordinaria Episcopi, indulgentia, & dispensatio Papæ.

Delegata est, cui non ex officio, sed ex commissione superioris competit; vt, si Pontifex concedat Episcopo potestatem dispensandi in voto, vel alia, quæ sunt illius propria. Plena

enim iurisdictionis potestas est summi Pontificis ordinaria: quamuis etiam Episcopis, Parochis, & alijs multis insit aliqua potestas ordinaria iurisdictionis; vt pōst dicemus. Simplex tamen Sacerdos ordinis potestatem habet ordinariā; iurisdictionis verò delegatam. Et hoc sequitur vnū, quòd cūm, ad absoluendum à peccatis, sit opus aliqua iurisdictione, dici solet potestas absoluendi potestas iurisdictionis: sed reuera non est sola, sed potestas etiam ordinis; ad cuius exercitium est necessaria iurdictio aliqua, sicut ad calefaciendum, necessaria est approximatio ignis ad passum. Hæc autem potestas ordinis, est qualitas quadam impressa animæ, per quam homo potest conficere Christi corpus, & à peccatis absoluerè, quæ dicitur character, qui imperfectus fuit in ipsa sacramentali Sacerdotis institutione. Quæ quidem potestas spiritualis dicitur, non solum quia in anima est spirituali, sed etiā quia ad finem spiritualem, scilicet salutem animarum: atque etiā quia conficit effectum spirituale, cauſando gratiam, per remissionem peccatorū. Ob idque Euangelicum Sacerdotium spirituale dicitur simpliciter, quoad effectū, scilicet; & quoad finem. Antiquū verò solum erat quoad finem, quia ordinabatur in finem spirituale; tamē illud nō efficiebat sicut nostrum. Hæc igitur duplex potestas Sacerdotalis. Nec putes, vt aliqui putant, has duas potestates esse duas clauēs, quas Dominus Petrus Successoribus dedit: potestas enim conficiendi corpus Christi, dicitur clauis.

Sed vna clauis est illa potestatis absoluendi à peccatis, quæ dicitur clauis iurisdictionis, quia ad ipsius exercitium necessaria est iurdictio.

Altera clauis est potestas interrogandi, & examinandi ipsum de peccatis eius. Ita Magister 4. sent. distin. 13. Habet enim hanc potestatem Confessarius in poenitentem, sicut habet iudex in reum, ita vt possit obligare respondentem ad manifestandum. Talis dicitur clauis scientiæ. Possumus ergo has clauēs potestati iudicis ciuili conferre: hic enim habet potestatem examinandi reum, & etiam ferendi sententiam: sic Sacerdos in confessione examinandi habet potestatem per clauem scientiæ: iudicandi verò per clauem iurisdictionis secundum potestatem absoluendi, quæ dicitur potestas ordinis, quia cum caractere datur; & potestas iurisdictionis, quia non exercetur sine iurisdictione.

Dicuntur autem clauēs per metaphoram, vt enim aperitur per clauē ianua, vt possit domus ingressus patere, sic per has pote-

potestas remouentur impedimenta, quæ homini prohibebant ingressum regni cælorum, scilicet peccata ipsa, quibus homo ligatus est.

Quid excommunicatio sit?

CAPVT V.

DE excommunicatione tractant Magister cum Theologis 4. sen. d. 22. & Canonistæ li. 5. decretal. ti. de excom. *Est autem excommunicatio ecclesiastica censura, qua homo Christianus bonis fidelium communibus priuatur.* Tria sunt fidelium communia bona, quibus per Ecclesiæ potestatem Christianus priuari potest.

Primum est, ista exterior conuersatio, quæ in mutuo colloquio, & conuietui consistit.

Secundum est, sacramentorum participatio: omnes enim fideles communem habent usum & fructum sacramentorum.

Tertium est, orationes, & suffragia Ecclesiæ: nam Ecclesia pro omnibus fidelibus communes fundit preces, & sacrificia offert. Cum ergo fidelis aliquis inobediens est Ecclesiæ, in eius correctione, solet ipsa hanc penam infligere, puta eum ad tempus, donec corrigatur, aliquo tempore, aut omnibus simul priuare bonis, ut sic confundantur, & crepare. hac ratione 1. Cor. 5. Paulus tradidit fornicarium Sathane in interitum carnis, ut spiritus saluus fieret. Et talis poenitentia communicatio dicitur, quasi à comuni bono separatio. Hæc de definitionis partes. Dicitur *censura* quasi pena quadam, ad correctionem data; & est loci generis: nam censura, communis est excommunicationi, suspensioni, & interdicto, ut habetur c. quærenti. de verb. sign. Dicitur *ecclesiastica*; non n. est potestatis secularis excommunicare: sed Ecclesiæ, aut cui Ecclesia communicat, & committit. Dicitur *communibus bonis*; non autem dictum est omnibus, quia non omnis excommunicatio prædictis illis omnibus priuat, ut inferius dicitur. Dixi autem, tria esse communia bona, quibus priuari homo potest, sunt enim alia communia bona fidelium, quibus per excommunicationem Christianus non priuatur, nempe interiori communionem charitatis, & gratiæ, qua efficiuntur membrum viuum corporis Christi mystici, à qua solum peccatum mortale nos separat. c. qui natus, & seq. de poen. dist. 2. Excommunicatio vero non priuat, sed supponit dictam communionem, ablatam propter peccatum, cuius ratione ipsa excommunicatio fertur. Glof. in c. quodcumque; 24. q. 1. Abb. in Rub. de sen. excom. nu. 4.

& in c. veritatis, num. 44. de dolo, & contum. Hinc est, quod excommunicatus, si peccatorum suorum poenitentiam egerit, consequi possit gratiam Dei, & consequenter fructus bonorum operum, qui iusti inter se participant, iuxta illud David: Particeps ego sum omnium timentium te, probabile est tunc non priuari. ita habet S. Thom. 4. d. 18. q. 2. art. 1. q. 1. ad 2. Similiter excommunicatus non priuatur bonis particularibus puta orationibus, quas persona particularis pro aliis fundit; possumus enim orare tanquam personae particulares pro excommunicatis ad eorum conuersionem. Hosten. in sum. de sen. excom. §. nunquid, nu. 17. Quin immò, si excommunicatus vere contritus, pro viribus absolutionem procurauerit, etiam si illam non obtinuerit, non solum his fruitur: sed etiam suffragiis communibus Ecclesiae, quibus omnes fideles participes sumus, ut affirmant. Turr. Crem. in cap. si quis Episcopus II. q. 3. Ricar. in 4. sent. d. 18. Floren. 3. par. tit. 24. ca. 77. arg. tex. in c. dixi &c. magna iuncta Glos. de poen. tit. 1. ubi habetur, sufficere contritionem, quando deest opus confitendi. Hinc sequitur, quod excommunicatio non est malum culpae aliquod, sed solum poena inflicta pro culpa, unde maius malum est vni veniale peccatum, quam ipsa excommunicatio, si sola per se consideretur, quamnis quoad effectum sit maius malum, quia maioribus priuat bonis. Similiter quoad causam, quia maior excommunicatio non infligitur pro mortali peccato, ca. nemo II. q. 3.

De speciebus excommunicationis.

C A P V T V.

EXcommunicatio in duas diuitur species, in maiorem, & minorem. Maior excommunicatio est, quae illis tribus bonis in cap. praecedenti notatis priuat. Minor verò, quae vno tantum, scilicet participatione sacramentorum: nemo enim potest susceptioni sacramentorum accedere, si sit excommunicatione minori ligatus, ita habetur, in cap. si celebrat. de cleric. excomm. ministr. Vnde maior excommunicatio ita se habet ad minorem, quod eam includit, & adhuc pluribus priuat bonis, eaque de causa absolute dicitur excommunicatio, & solet verbo Graeco exprimi, scilicet Anathema, ut notant Doct. 3. q. 4. can. Engeltrudam. Homo enim excommunicatione maiori irretitus, dicitur anathema. quasi seorsum positus, & se-

paratus

L I T E R I.

paratus à communione fidelium. Aduerte autem, quòd licet anathema, quoad vinculum, non differat ab excommunicatione maiori, vt dicit Abb. in cap. cum ab Ecclesiarum, num. 5. de offic. ordin. tamen quoad solemnitatem, cuius forma habetur in q. 3. cap. debent, maximè differt; & inferre tale anathema, Episcoporum tamen est, iuxta Gloss. communiter receptam, in cap. cum ab Ecclesiarum, de offic. ordin. & ibi Abb. nu. 5. Vtcrius aduerte, anathema fulminari ad maiorem terrorem vulgariū, & difficilius conceditur absolutio; vt notat Abb. vbi supra, & in cap. cum in cunctis. §. inferiora, nu. 5. de elect.

Excommunicatio iterum est duplex, altera à iure, altera ab homine. A iure est, quæ per aliquem canonem, vel statutū, vel constitutionem fulminatur, qualis est contra percussores Clericorum, contra exhumescentes cadauera, & alia multa, de quibus dicendum est infra. Ab homine verò est, quæ per aliquem iudicem fertur, & utraque, tam à iure, quàm ab homine duplex est, aut ipso iure, aut facto, aut comminatoria. Illa dicitur ipso facto, seu iure, si statim contrauenientes ligat, absque vilius sententiæ expectatione. Illa verò comminatoria est, quæ non statim ligat, sed expectatur Iudicis sententiæ, per quam fulminanda est excommunicatio. Est autem regula habenda, ad dignoscendum, quando sit excommunicatio ipso iure, vel facto; quando verò comminatoria. Si enim sit aliquod verbum denotans excommunicationem ipsam non expectare actum Iudicis, tunc est ipso iure: vt quando est per verbum præteriti, Sit excommunicatus, habeatur pro excommunicato: vel dicitur ipso iure, ipso facto, lata sententiæ, & similia. Quando verò non est, sed dicitur: Sub pœna excommunicationis, vel, excommunicetur, vel aliquod verbum futuri, tunc est comminatoria. ita habet Gloss. cap. si quis ex clericis, de vita, & honestat. Cleric. Abb. in cap. in quibusdam, n. 6 de potest. latè Tirac. in l. si vnquam, §. reuertatur, cap. de reuocatione. Et tunc, licet contraueniens peccet mortaliter, non tamè statim est excommunicatus; sed venit excommunicandus per Iudicem: si verò esset ipso iure, absque vilo alio, statim esset excommunicatione ligatus, c. pastoralis, in fi. de appell. Felyn. in c. Rodolph. n. 38. de rescript.

Inter excommunicationem autem ab homine, & eam, quæ est à iure, multiplex est differentia.

Prima est, Iuris excommunicatio semper est generalis

A 5

non

non enim ponitur contra determinatam personam, sed determinatè contra facientes, vel non facientes hoc, vel illud. c. vt animarum, §. statuto de const. lib. 6. Glof. in c. Roman. verbo futuris, de sen. excom. cod. libr. At, quæ est ab homine, aliquando est generalis, aliquando particularis contra determinatam personam. d. c. Romana, §. sed nec in specie, & ibi Glof. de sen. excom. c. à nobis i. eod. tit.

Secunda est, Posita ab homine cessat, cessante vita Iudicis, vel quando ab officio remouetur, in hunc sensum, quod iam de nouo contrauenientes non ligat, quamuis, qui iam ligati erant, non ob id desinunt esse excommunicati. Abb. in d. c. à nobis cir. fin. & ibi Fely. num. 8. de sen. excom. At verò excommunicatio iuris, durat etiam mortuo conditore, dum ius ipsum durat. Ista differentia est Panorm. cap. nobis, l. n. 12. de sen. excom. communiter recepti.

Tertia differentia est, Ab excommunicatione posita à iure & nemini referuata, potest ordinarius soluere: à posita verò ab homine, non sic. vt habetur c. p. alis, §. præterea de offi. iud. ord. de qua re dicemus infra.

Quarta est, si feratur à canone, vel statuto, pro futuris culpis, ligantur contra facientes contra territorium legislatoris: quamuis tempore legislata, delicti non essent subditi, respectu originis, vel domicilii. c. q. in c. à nobis. i. verbo non nisi, vbi Abb. num. 6. & Fely. n. 1. remanent. At sententia hominis comprehendit illos tantum, qui tempore sententiæ, sub Iudicis eam pronunciantis iurisdictione continebantur, & illi subditi erant. & ratio est, quia sententia sumit vires incontinenti, in eum, contra quem fertur Lex autem, cum semper loquatur, obligat etiam eos, qui futuris temporibus futuri sunt subditi. Abb. vbi supra, n. 6. & 7. post Inn. in fin. Silu. ver. excom. 2. n. 10. in fin.

Quinta est, Inducta per statutum Archiepiscopi Metropolitani, ligat, non tantum subditos proprios ipsius Archiepiscopi, ratione diocesis, quam habet distinctam à suis suffraganeis, sed & eos, qui suffraganeis subditi sunt, & singulos totius Prouinciæ. Excommunicatio verò lata per sententiam Metropolitani, tantum afficit eos, qui sunt diocesis ipsius Metropolitani, & non suffraganeorum, Glof. in c. Romana §. porro verbo sententiæ, de sen. excom. lib. 6. Doct. in d. c. à nobis, nu. 1. quod tamen limitat Henr. Boic. in d. c. à nobis, nu. 6. respectu statuti editi in concilio prouinciali; aliàs si fieret statutum

tutum in synodo, non ligaret, nisi subditos suæ diocesis. Obseruandum est autem, quando à Iudice fulminatur excommunicatio simpliciter, & non est restricta ad minorem, intelligenda est de maiori: vt habetur cap. penult. de sent. excomm. & eadem est ratio de excommunicatione à iure, quoniã maior est simpliciter, & absolutè excommunicatio: minor verò secundum quid. Verba autem absolutè prolata sumuntur in significatione sua simpliciter, l. non aliter. ff. de l. 3.

De causa efficiente excommunicationis, seu de eo, qui potest excommunicare.

CAPVT VI.

QUATVOR genera causarum reperiuntur in excommunicatione, nempe efficiens, materialis, formalis, finalis, de quarum singulis ostendendum est, & primũ de efficiente, nempe de eo, qui excommunicare potest, & duo statuenda sunt, prius est remouere eos, qui non possunt; posterius est explicare eos, qui possunt excommunicare. Quantum ad prius, femina non potest excommunicare, vt habetur cap. dilecta, de maiori, & obediens. posset tamen ex commissione Papæ, vt notant Panorm. cap. decernimus, de iudi. & Anton. 3. par. titu. 25. c. 75. Rursus laicus non potest excommunicare, nisi ex commissione Papæ, vt habetur can. bene quidem, d. 96. adiuncta Glo. Abb. in c. Ecclesia sanctæ Mariæ, num. 5. de constit. Addit autem Palu. 4. sen. d. 18. q. 2. art. 3. solum Papam posse dispensare cum utroque, tam laico, quàm femina: idem affirmant Abb. in c. 2. numer. 5. de iudi. Armil. verbo excommunicatio. Voco laicum, qui nec primam tonsuram habet. Rursus, nec simplex sacerdos, aut clericus potest excommunicare; quia simplex sacerdos, vel clericus habet potestatem solam ordinis, non autem iurisdictionis, ad quam pertinet excommunicare, vt habet Glo. cap. transmissam, extra de elect. Rursus, nec simplex curatus potest excommunicare, vt habet Palu. 4. d. 18. q. 2. art. 1. ob eandem rationem, quia non habet talem iurisdictionem exterioriorem: eam tamen potest habere ex consuetudine præscripta, vti affirmant sum. confess. l. b. 3. tit. 33. q. 50. circa fin. Abb. in cap. Sacerdos, nume. 10. de offi. ordin. & latius in repet. c. si quis contra, nu. 51. de foro comp. & in hoc concordant quasi omnes Doct. vt testatur Henric. Boic. in d. c. si sacerdos, num. 48.

num. 48. vnde Card. Alex. in c. nemo, II. q. 1. & Boic. vbi supra dicunt, quod sententia excommunicationum, quas sacerdotes proferunt alicubi diebus dominicis & festiuis, in vsurariis turbantes aratra, pro damnis, quorum ignorantur auctores, & cetera similes valent, si scientibus Episcopis, & non contradicentibus proferantur. Rursus, excommunicatus maiori excommunicatione, etiam si alias habeat iurisdictionem, non potest excommunicare: ita habetur 24. q. 1. can. audiuimus, sed hoc Doct. communiter intelligunt de publicè excommunicato, ita habent Innoc. cap. si verò, de sent. excom. & Panor. cap. ab excommunicato, num. 7. de rescript. Feli. in cap. ad probandum, nu. 7. de re iudi. Henric. Boic. ibidem, num. 4. ex cap. probandum, de sent. & re iud. vbi habes sententiam ab excommunicato latam, non valuisse, si tamen publicus fuit: quamuis non desint contrarium affirmantes. Eadem est ratio de suspensio, & interdicto, secundum Palu. 4. d. 2. q. 2. art. 3. Qui ergo excommunicat, esse debet persona Ecclesiastica, habens iurisdictionem Ecclesiasticam in foro exteriori, & non impediri: qui autem excommunicat, esse tamen non possit, peccat grauiter, quia vsurpat sibi iudicium, cum non habeat potestatem, vt docet S. Thom. 2. 2. q. 60. a. 6.

Ex his sequitur posterius, quod proposuimus, nempe posse excommunicare Papam, Concilium generale, Prouinciales, Abbates, Generales ordinum, Prouinciales, Guardianos, & ceteros, qui habentes iurisdictionem Ecclesiasticam, in exteriori foro: tamen cum discrimine; Papa enim, & Concilia generalia possunt excommunicare, etiam excommunicatione ab homine per sententiam, & à iure condendi leges, & canones generales obligantes omnes Christianos: Concilia verò prouincialia, etià per sententiam, sed non per leges, sed per statuta particularia: Reliqui inferiores per sententiam, & per ordinationes, etiam particulares, sicuti etiam iurdictio horum limitata est. Rursus, Papa, & Generale concilium nunquam suspenduntur, seu impediuntur: sed inferiores aliquando impediti sunt per censuras, & sic non possunt semper excommunicare. Rursus, Papa, & Concilium Generale possunt, in quacunque diocesi existant, excommunicare: At Episcopus in aliena diocesi existens, non potest, nec suos subditos excommunicare, quia ibi iurisdictionem exercere non valet, vt habetur Clem. vni. de for. compet. vbi etiam conceditur Episcopo, qui fuerit expulsus à sua, commorari in locis alterius diocesis, vici-

maior

ioribus propriæ, in quibus tutò possit esse, & ibi petita licentia proprii diccesani, iurisdictionem in suos exercere, & consequenter poterit excommunicare. Rursus potest Papa, & Concilium Generale, quoscumque, cuiuscumque diccesis excommunicare. Episcopus verò, & reliqui Prælati, non, nisi suos subditos, quamvis aliquando possint nō subditos excommunicare, puta, quando ratione delicti commissi in eius territorio, vel ratione contractus ibidem initi, vel ratione rei ibi sitæ ad eius iurisdictionem aliquo modo pertinent; tunc enim, prout ius exegerit, ratione prædictorum, poterit excommunicare, ut habetur cap. 1. de privilegiis. in 6. & licet hoc caput sit de privilegiatis, eadem est ratio de non subditis, ut Docto. notant communiter, cum quibus consentit Angel. ver. Excommunicat. l. §. 9.

De causa materiali seu de eo, qui potest excommunicari.

CAPUT VII.

MATERIALIS verò causa communicationis duplex est, remota, & propinqua. Remota est subiectum ipsum, seu persona, quæ communicatur. Propinqua est causa in ipso subiecto, propter quam excommunicatur. Remota ergo causa, scilicet, qui potest excommunicari, est homo determinatus, baptizatus, viuus, inferior, subditus. Dicitur primò, Homo, tam masculus, quam femina; nec enim aues, locustæ, aut reliqua animalia excommunicari possunt; ut enim hæc nō communicant nobiscum in bonis illis, de quibus supra dictum est, ita, nec excommunicari possunt, ut latè per Io. de Ligna. in tract. de censur. eccles. §. 9. in prin. Dicitur, determinatus, quia tota ciuitas, aut collegium simul excommunicari non potest per sententiam, nisi in particulari excommunicandi distinguantur, ita habetur cap. Roman. §. in vniuersitatem, de sent. excom. in 6. Sufficeret autem, si ratione criminis determinarentur, ut qui hoc, vel istud commiserunt, excommunicentur; tunc enim non est periculum, nec excommunicatio cadat super innocentes. Per ius autem potest vniuersalis excommunicatio ferri, sed tunc non ligat, nisi eos, qui postea ipsum ius transgrediuntur. Dicitur, baptizatus, quia, nec Turcæ, nec infideles

fideles alij excommunicari possunt, cum Ecclesiæ membra non sint; non enim excommunicatur, nisi qui prius communicabat; immò nec Cathecumenus, quia nondum pertinet ad iurisdictionem Ecclesiæ. Arg. c. veniens, de presb. non baptizatis. Dicitur inferior, quia nullus se ipsum potest excommunicare, quamuis condatur vniuersalem ordinationem, Arg. l. qui iurisdictioni, ff. de iurisd. omn. iud. vt si Episcopus excommunicet omnes ludentes, si ipse luserit, non incurrit. ita habet S. Thom. 4. dist. 18. q. 2. art. 2. Hosti. in summ. de sent. excomm. §. quis valeat, & ratio est, quia non habet in se iurisdictionem, nisi denunciauerit illam excommunicationem, vt latam à superiore; tunc enim, si contraueniret, contraheret, sed non à se, sed à superiore esset tunc excommunicatus. Similiter nullus potest superiorem excommunicare. Hosti. in summ. de excomm. §. quis valeat; vnde Papa à nullo excommunicari potest, quia non habet superiorem, vt habet de can. cuncta per mundum, q. 3. Dicitur subditus, id est subiectus iurisdictioni, nec enim illi possunt ab Ordinario ipso excommunicari, qui priuilegio Apostolico exempti sunt ab eius iurisdictione, cap. cum capella, & ibi Doct. de priuileg. & cap. porro, eodem titulo, nisi in tribus casibus, cap. precedenti notatis. Similiter nec alij non subditi, nisi in eisdem casibus. Dicitur viuus, quia mortuus propter nullum peccatum in vita commissum potest excommunicari, licet excommunicatione in vita duret post mortem, c. à nobis 2. de sent. excomm. Potest etiam excommunicatio à iure contracta in vita declarari post mortem, vt fit in defunctis hæreticis, vt habetur, c. si quis, de hære. & Glo. in d. c. à nobis. & Hosti. nu. 12. Potest etiam ab excommunicatione contracta in vita absolui post mortem; tamē excommunicari post mortem non potest, secundum communem sententiā Theologorum, & Canonistarum. Quicquid dicant Glo. c. si quis, de hæred. & ibi Panorm. & Glo. c. iudax, 2. de Iudæ. Hi igitur sunt, qui excommunicari possunt.

De materiali causa proxima excommunicationis.

CAPVT VIII.

CAUSA materialis proxima est peccatum, non quodcumque, sed mortale; nemo enim contrahit excommunicationem, nisi interueniente mortali peccato; nec fulminari
excom-

excommunicatio debet propter aliquod peccatum, nisi sit mortale, id quod multis canonibus est statutum. ii. qu. 3. can. nemo. & canon. nullus c. i. de iud. ca. sacro. de sen. excom. in cuius rei explicationem attende.

Primò. Quando excommunicatio ab homine fulminatur propter aliquod peccatum præteritum, debet esse mortale; propter veniale enim non debet fulminari, ut in prædictis canonibus constat.

Secundò non sufficit peccatum præteritum ad contrahendam excommunicationem, nisi adsit contumacia, nèpe quando admonitus, ut à peccato desistat, id renuit facere: unde, si homo paratus est corrigi, propter quodcumq; enorme peccatum præteritum excommunicari non debet, idq; can. nemo, allegato probatur & tradit Pan. cap. reprehensibilis, num. 3. de appellat. cum communi sententia. Dixi, non debet, nam an aliquando possit, saltem à Papa aliquis excommunicari, propter aliquod peccatum commissum, in poenam etiam circa contumaciam, sicut supra dicitur, potest, non est omnino ita certum sicut certum est, iuxta canonem, si fieri non debere.

Tertiò, quando fulminatur in futurum, quia vel præcipitur aliquid faciendum, vel prohibetur ne fiat, tunc, dum modo iustum sit, quòd præcipitur, quæ sit grauis, potest excommunicatio ferri in transgressores, quia qui non obedit, iam fit contumax, & inobediens mortaliter peccat, & ideo excommunicationem contrahit. Dixi, dum sit res grauis, non enim fulminari debet excommunicatio propter res paruas, & leues.

Aduertendum tamen est, aliquando ferri excommunicationem iusta de causa incommuni, quæ in particulari non esset iusta, nec ligaret: tamen, considerata causa in communi, obligat etiam in particulari; ut, si excommunicentur, qui vicini fructus furripiunt, vel, qui furripuerunt, nisi restituant, iusta causa est in communi, quia mortale est furtum notabilis quantitatis: quòd si vnus paruam quantitatem furripuerit, & quæ per se non efficeret mortale, tamè ligatur censura, quia consideratur ad excommunicationem solum, quòd multum rapiunt, vel rapuerunt: & talis excommunicatio obligat singulos ad mortale. ita habet Sotus. 4. sent. d. 22. quæstion. 1. art. 2.

Quartò, excommunicationes à iure, quæ communiter sunt in futurum latae, similiter, quæ sunt ab homine, quibus aliquod

aliquid iustum præcipitur faciendum, aut aliquid malum prohibetur fieri, contrahuntur à transgressionibus propter contumaciam, & transgressionem, quæ est mortale peccatum, non autem quando est veniale, aut nullum esset peccatum: unde, quando certum est, non interuenisse mortale peccatum, certum etiam est, non esse eo casu contractam talem excommunicationem, vt recte adnotat Palud. 4. senten. d. 18. quæst. 1. artic. 2.

Quintò, ex præcedente doctrina sequitur, cum fertur excommunicatio in eum, qui aliquid alteri clam surripuit, nisi illud restituat, tamen qui surripuit, iuste abstulit ab altero, quia nimirum ei nolebat soluere debitum, nec alia via erat recuperandi, nec ligari tali excommunicatione, etiamsi non reddat, vt notat Couaru. alios citans vari resol. lib. 1. cap. 2. n. 15. quia non tenetur in eo casu reddere, nec est vlla contumacia, nec peccauit auferendo. Idem dicit Sil. in summ. verb. furtum, num. 19. Similiter cum fertur excommunicatio in debitorem, nisi soluat, & ipse non potest non ligatur, debet tamen soluere, vt potest, saltem in partem, etsi non cum primum potest, alias ligatur. Similiter, quando fertur excommunicatio in non reuelantes aliquid occultum; qui vero sciunt, iustam causam habent non reuelandi, tunc non ligantur. Iusta causa autem non reuelandi est, quando præcipitur reuelari aliquod peccatum, quod est occulte commissum, & iam est emendatum, aut si non est emendatum, probabile speratur emendatio, si correctio fraterna adhibeatur, tunc non est reuelanda ante correctionem, vt habet S. Tho. 2. 2. q. 33. art. 7. ad 3. Aut quando aliquis præcipitur testificari in iudicio id, quod non potest probare, secus tamen, si præciperetur denunciare aliquid ad correctionem delinquentis, præcedente iam fraterna correctione. Aut, quando præcipitur, vt occultæ scripturæ producantur, quæ cedunt in graue detrimentum iustitiæ producentis. Si vero non esset iusta causa non reuelandi, tunc ligaret excommunicatio. Abusum autem excommunicationem fulminatarum ad reuelationem pro perditis, aut abstractis rebus reformauit Concil. Trident. sess. 25. cap. 3. ferri enim debet ab Episcopo, & non aliter, quam in subsidium aliorum iuris remedium.

Sexto, ex eadem doctrina sequitur, excommunicationem, tam a iure, quam ab homine, non ligare ignorantes, quia vbi ignorantia est probabilis, non est contumacia, sine qua nemo

excom-

excommunicationem contrahit. At quia hæc res difficilis est, & in controuersia multiplici posita, declaranda est. Aduerte igitur, duplicem esse ignorantiam, nempe facti, & iuris. Ignorantia facti est, quando aliquis nescit factum ipsum, quod sub excommunicatione prohibetur, aut præcipitur. Iuris verò est, quando nescit ius, aut sententiam, quibus excommunicatio fulminatur: verbi gratia, percussit quidam clericum, ignorans esse clericum, est ignorantia facti: quidam alius percussit clericum, sciens esse clericum, sed ignorans excommunicationem latam contra clerici percussores, est ignorantia iuris. Hoc idem accidit in excommunicatione ab homine; nomine enim iuris, etiam Iudicis sententia comprehenditur. Aduerte rursus hoc factum, quod sub excommunicatione prohibetur, aliquando esse ex se malum, & illicitum, etiam si tali censura, non prohiberetur: vt, etiam si non prohiberetur sub excommunicatione percussio Clerici, mala esset, vtpote contra Dei præceptum: similiter, quod prohibetur furtum, adulterium, & alia, quæ iure diuino sunt prohibita: aliquando verò, ex se non esse malum, nisi quia sub excommunicatione prohibetur, vt audire leges Monachorum, malum non est ex se, sed quia sub excommunicatione id est eis prohibium. Sunt alia multa huius rei exempla.

Aduerte rursus, ignorantiam iuris, aliquam esse iuris communis, nempe quando statuitur canon à Pontifice, vel Concilio Generali statutum, aliquam verò esse iuris particularis, quale est, quod Ordinarij in suis dioccesibus condunt, vel Iudices particulares edunt. Demùm, tam vna, quàm altera ignorantia, aut est probabilis, quam alij inuincibilem appellant, quando nempe aliquis ignorat, aut quæ scire non tenetur, aut si tenetur, ea scire non potuit, nec per ipsum stetit, quo minus sciret: aut est ignorantia crassa, supina, licet improbabilis, quando aliquis ignorat, quæ scire debuit, & potuit. His sic stabilis, in primis dico, ignorantiam facti cuiuscumque, siue liciti, siue illiciti, quando probabilis est, excusare ab excommunicatione contrahenda, crassam verò secus. In hoc conveniunt Doctores, & constat ex cap. si verò, de senten. excommu. Vnde, qui probabiliter ignorabat, quendam esse Clericum, at percussit, non contraxit excommunicationem, licet peccauit contra præceptum Decalogi: si verò ignorantia fuit crassa, peccauit, & est excommunicatus. Præterea, ignorantia iuris, siue communis, siue particularis crassa, & supina, non excusat

fat ab excommunicatione contrahenda, in quo etiam Doctores sunt concordēs. Rursus ignorantia iuris particularis probabilis, seu inuincibilis, excusat ab excommunicatione quando factum erat aliàs licitum, & hoc est sine controuersia: nam habetur cap. vt animarum, de constit. Item eadem ignorantia probabilis iuris particularis excusat ab excommunicatione, etiam si factum sit aliàs illicitum. In hoc non omnes conueniunt; tamen id affirmant Ancharan. eodem capit. vt animarum, nume. 6. & Adria. quaestio. 3. de clau. except. 3. est. que magis ad mentem præallegati capitis, quod generaliter procedit de ignorantia probabilis iuris particularis, non distinguendo, an factum sit illicitum, vel aliàs licitum. Postremo, ignorantia iuris, etiam communis, etiam quando factum aliàs erat illicitum, excusat ab excommunicatione. In hoc maior est controuersia, præsertim, quando factum erat aliàs illicitum: tamen tamquam probabilius tenemus, quoad forum conscientia, cum Anton. 3. p. 2. titulo vigesimo quinto, cap. trigesimo tertio. Ange. verbo excommunicatio, 7. casu ult. Siluestro verbo ignorantia, 16. & Soto 4. senten. dist. 22. q. 1. ar. 2. cum alijs multis, ratio id persuadet: nam non dicitur contumax contra canonem Ecclesie, qui probabiliter illud ignorat, etiam si faciat id quod aliàs erat prohibitum; qui enim probabiliter ignoraret canonem ferentem excommunicationem contra percussorem, etiam si sciret malum esse percutere clericum, utpote lege Dei prohibitum, peccaret quidem contra Deum, non tamen contra canonem Ecclesie, quem probabiliter ignoraret, nec esset contumax contra eam; idcirco nec contraheret excommunicationem latam ab Ecclesia, quæ non excommunicat, nisi suos contumaces, & inobedientes. Hæc de ignorantia.

Denique, pro complemento huius capitis, duo sunt adnotanda.

Vnum est, quando excommunicatio, siue à iure, siue ab homine fertur contra aliquid facientes, non comprehendit mandantes, consulentes, fauorem, vel auxilium præstantes, sed solos facientes, nisi tenore verborum id exprimat, aut alijs iuribus id habeatur declaratum. Vnde excommunicatio Clem. 1. de consang. & affi. lata contra contrahentes, non extenditur ad consulentes, aut mandantes, aut auxilium ferentes; nec lata Clem. 1. de sepult. contra sepelientes excommunicatum, comprehendit consulentes, aut iuuantes. Idem de alijs huiusmodi censu-

consensendum est. Ista doctrina est communis, vt testatur Iulius Clar. prax. crim. q. 86. §. 2. & eam sequitur Caie. ver. excommunicatio. in prin. cum alijs multis: quāuis non desint, qui, quantum ad mandantes, aliter sentiant. Dictum autem est, nisi tenore verborum id sit expressum, quia sæpè excommunicatio fertur contra facientes, & mandantes, & consulentes, aut auxilium præstantes. Dixi, nisi alijs iuribus sit determinatum, aut interpretatum: nam excommunicatio lata contra percussores clericorum, alijs iuribus extenditur ad mandantes, & ratum habentes, quod etiam in alijs excommunicationibus fit, vt suis in locis ostendetur.

Alterum est, quādo excommunicatio fertur contra aliquid facientes, mandantes, cōsiliū, aut auxilium dantes, non contrahi ab ullo hōrym, nisi effectus sequatur: vnde, qui mandat percutere clericum, qui cōsiliū dat, & qui tentat percutere, non sunt excommunicati, nisi ipsa percussio fiat, id dicit Gloss. cap. in audientiam. §. 1. de iur. iur. de sent. excom. & Couarr. in Rubr. de homi. 2. p. relect. in §. 5. dicit esse communem sententiam, quod intellige, nisi ius, aut sententiæ dispositio æquē principaliter de illis procedat: vnde, qui mandat occidere per assassinum, statim est excommunicatus, etiamsi non sequatur effectus, cap. 2. de homi. 16. quia principaliter ista actio prohibetur. Ob eandem causam Religiosi, qui concionantur animo retrahendi auctoritates à solutione decimarum, excommunicati sunt, quamuis non sequatur effectus. Clem. cupiens, de pœnis. §. 1.

De formali causa excommunicationis.

CAPVT IX.

NON sunt determinata verba, nec in iure, nec in sententia hominis, sub quibus excommunicatio ferenda sit: sed satis est verbum exprimens ipsam excommunicationem, vt sit anathema; Excommunicetur, à cōmunionē separetur, vt similia verba. Vt ait Host. in sum. de sen. excomm. §. qualiter, in prin. & hæc, aut comminatoria, aut lata sententiæ excommunicationis expressiua sunt, vt diximus superius. Aliquæ tamen circūstantiæ, quæ ad formā quodammodo reduci possunt, obseruandæ sunt in excommunicatione ferenda; non quidē in ea, quæ est à iure, nec in ea, quæ est ab homine lata in

peccatum futurum, sed in ea tantum, quæ fertur in præteritum cum contumacia. Est igitur prima circumstantia obferuanda, vt præcedat trina admonitio, qua excommunicandus admonetur prius ter, an velit parere: Sint autem admonitiones hæc cum competentibus interuallis. ita habetur, cap. constitutionem, de sent. excom. in 6. Qui verò aliter excommunicationis sententiam fert, per mensem interdicatur ab ingressu ecclesiæ, iuxta cap. sacro. de sent. excom. Sufficiet autem vna admonitio pro tribus, datis tribus interuallis, nisi facti necessitas aliter fuaserit ista interualla moderanda, iuxta cap. constitutionem, præallegatum. Esset autē facti necessitas, vt Glo. eiusdem cap. notat, cum partes essent ad rixam, & ad arma paratæ, nec curarent admonitionem Episcopi, vel quid aliud simile. vbi eadem Gloss. interualla singula, quando non est talis necessitas, dicit esse duorum dierum. Quando autem vna admonitio fit, debent dari sex dies, expr. tendo, vt primi duo sint pro prima, secundi pro secunda, tertij pro tertia admonitione. Hinc sequitur, quando excommunicatio ita fertur in aliquem, vt omnes participantes cum ipso eandem contrahant excommunicationem maiorem, debeant prius admoneri nominatim participantes, alias non valebit prædicta excommunicatio in ipsos, ita habetur cap. statuimus, de senten. excom. in 6. Aduerte autem, quia admonitio fieri potest etiam absque scriptura; vt notat Abo. cap. sacro, num. 3. de sent. excom. Notandus tamē est quidam casus in quo licet excommunicare aliquem absque vlla admonitione præmissa, quem admonet Abbas antiq. cap. reprehensibilis, de appellat. vbi dicit, quando aliquis est excommunicatus propter aliquod delictum à iure, tunc posse sine admonitione, propter idem delictum excommunicari ab homine; refertque se extulsasse quendam Abbatem, qui suum subditum excommunicauerat absque admonitione, quia sine licentia claustrō exiuerat: excusauit autem, quia repertum fuit statutum in monasterio, vt, qui sine licentia exiret, esset excommunicatus. Panorm. cod. c. num. 5. refert Abbatem in hac sententia, & probat affirmans, quando aliquis est excommunicatus à iure, posse à superiori pro eodem delicto iterum excommunicari, etiam delicto non iterato, & sine contumacia de nouo contracta, tuncque non esse necessariam admonitionem. Quæ doctrina videtur esse eiusdem, c. reprehensibilis, secundum intellectum legittimum.

Altera circumstantia est, vt excommunicatio feratur, non solo verbo Iudicis, sed in scriptis; in quibus etiam exprimitur causa excommunicationis, & qui aliter excommunicat, vltra graue peccatum, contrahit suspensionem per mensem ab ingressu ecclesie, & participatione diuinorum officiorum; ita vt exercens actum aliquem ordinis intra talem mensem, fiat irregularis à solo Papa dispensabilis. Hæc habentur cap. cum medicinalis, de sent. excom. in 6. Ista verò suspensionis pœna, sicut & præcedentis circumstantiæ, non ligat Episcopos, nec superiores prælatos, quia non fit expressa mentio eorum, vt fieri debet, ad contrahendam ab eis ipso facto iuris suspensionem, iuxta cap. quia periculosum, de sent. excom. in 6. ligat tamen Prælatos religiosorum, nisi quando vel esset periculum in mora, si in scriptis daretur, vel aliud statueretur in suis constitutionibus, seu statutis. ita habet Ange. excom. 2. §. 3. immo, quando esset periculum in mora, eadem ratio esset in aliis prælatis omnibus, vt habet. Glos. c. cum medicinalis, de sent. exco. in 6. ver. temerarius. La. alleg. 73. num. 4. Fely. in cap. sacro. num. 4. de sent. excomm. 5. induit ad ea, quæ dixi de prælatis regularibus, quod Lopus. alleg. 73. & Fely. in capit. sacro num. 7. simpliciter tenent, non ligari pœnis in d. can. contentis: nam in istis prælatis non seruatur iuris ordo, sicut in secularibus; durum enim esset, vt ipsi dicunt, & incommodum prælato regulari, si sepe in die, modo pro ista re, modo pro illa haberet increpare, monere, & præcipere suis subditis claustralibus, habere pennam, & folium, & ante scribere, quam sub pœna excommunicantis mandare.

Tertia circumstantia est, intentio excommunicationis; si enim proferatur excommunicatio exterius, tamen Iudex non intendit excommunicare, sed terrere tantum, non contrahitur à contraueniente. ita habet Panorm. cap. ex parte, nu. 6. de off. ordin. immo est necessaria intentio partis, quando ad eius instantiam excommunicatio fertur, vt si quis petit sententiam excommunicationis ferri in eos, qui sibi ablata non restitunt, & tamen non intendit filios, si forte abstulerunt, excommunicari, quamuis excommunicatio generalis sit, non tamen ligantur, nisi iuxta partis intentionem. ita habetur Ange. excomm. 3. §. 16. quia officium Iudicis requisitum non excedit intentionem requirentis. Hinc consequitur, quando excommunicatio fertur ad instantiam partis contra non sol-

uentem intra certum terminum, si pars velit illum non incurere excommunicationem, non incurri, etiam si ille non soluat in præscripto termino; at postquam contracta est, non poterit pars tollere. An tamen possit pars prorogare terminum, nempe, vt, si lata sit excommunicatio, nisi intra mensem soluat, facere possit, vt ad duos menses prorogetur, post quos excommunicatio contrahatur, si non soluerit, controuersia est inter Doctores Innoc. cap. præterea, 2. de appellat. citat duas sententias, affirmatiuam, & negatiuam, & adhuc negatiua, nempe, vt nequeat pars id facere absque consensu Iudicis: Panorm. verò ibidem, nu. 4. citans Innocentium, tenet constanter affirmatiuam, & ibidem Dec. & talis opinio probabilis est, & teneri potest. Hoc tamen in loco vnum adnotandum est, quod stylus curiæ habet circa pensiones, nempe excommunicationem contra pensionarium non soluentem pensionem statuto tempore, latam in fauorem eius, cui soluitur pensio tali tempore elapso, non censeri incursum, nisi ille, cui debetur, declaret se in illam esse incursum: & si decedat ante declarationem, non soluitur pensio, vel fiat concordia, seu pensionarius moriatur, non censetur incursum; ita habet Cassiod. decis. 2. nu. 3. & de locat. quia pæna sic videtur apposita, in gratiam eius, cui soluenda est pensio, vt, ipso tace, non sit is, qui non soluit, excommunicatus, nec aliam pænam incurrat.

Quarta circumstantia est expressio causæ rationabilis, & manifesta: nec sufficit, quod sit nota ipsi soli excommunicati, ca. si tantum, &c. placuit, 6. q. 2. Abb. in c. sacro n. 4. & ibi Fely. num. 1. de sen. excomm. per illum tex. nam, vt dicit Gloss. in d. c. si tantum. ver. iubeatur. Prælati ex causa sibi soli nota potest tantum mouere criminofum; vt se absteineat à participatione sacramentorum, per c. non prohibeat de consecrat. d. 2. non tamen potest excommunicare; si tamen fertur sententia absque causæ expressione, tenet, vt affirmat Hostien. in cap. per tuas, num. 3. ver. quod si dicatur, de sent. excomm.

Hæ sunt circumstantiæ, quæ ad formam excommunicationis quodammodo pertinent.

do pertinent.

* *

*

*De quibusdam qualitatibus excommunicationis, & de
causa finali eiusdem.*

CAPUT X.

EX his, quæ dicta sunt in cap. præcedenti, facile est, quosdam excommunicationis modos, seu qualitates cognoscere; est enim excommunicatio iusta, iniusta, valida, nulla. Iusta est, quæ omnib. vestitur circumstantiis, & causis, quæ necessariae sunt, ut prædictum est. Iniusta fit ex defectu alicuius, quod si essentialiter est, facit, ut nulla sit excommunicatio, quæ quidem in foro tam poli, quam fori non est timenda, nec tenet, ut dicunt Host. in sum. de cler. excom. ministr. ver. qualiter excusetur, & Gloss. in cap. sententia, ii. q. 3. & Henric. Boic. in cap. dilectis, nu. 13. de appel. facit tex. in §. cum ergo, ii. q. 3. ubi iniusta sententia, nec apud Deum, nec apud Ecclesiam, quemquam grauat. Altere autem, excommunicatum nulliter, si ad probandum nullam eam admittitur, donec constet de ea, præter articulum nullitatis, non audiri in iudicio, cap. per tuas, §. nos igitur, iuncta Gloss. ver. aliis. de sent. excom. ubi habetur huiusmodi excommunicatio non in aliis negotiis, vel factis iudicialibus non audiri tamquam actorem, licet extra iudicium non euitetur. idem habet in cap. prole, circa fin. de sen. excom. lib. 6. Si verò defectus non sit essentialis, excommunicatio iniusta est, valida tamen, si tamen hoc planum fiat, aduertendum est, tripliciter excommunicationem posse dici iniustam. Vno modo ex parte ipsius excommunicationis.

Altero ex parte excommunicantis.

Tertiò ex parte ipsius excommunicati. & adhuc omnibus his modis dupliciter; aut ex defectu alicuius essentialiter requisiti, & tunc est nulla excommunicatio; aut alicuius requisiti, sed non essentialiter, & tunc est iniusta, sed valida. Ex parte ergo excommunicationis accedit primò, cum deficit trina admonitio, si est ab homine, & tunc est iniusta, sed valida. ita habet Gloss. c. facto. de sen. excom. ver. probari. Abbas ibi nu. q. & Fely. nu. 2. Gloss. in c. Roman. ver. iniustas. eod. tit. libr. 6. Si verò desit prorsus admonitio, ita ut nulla præcedat, est iniusta & nulla, excepto illo casu, quem præcedenti capite adnotauimus. ita habet Sotus. 4. d. 22. q. 1. art. 2. conc. 4. licet Inno. c. illud. de cler. excom. ministr. videatur dicere validam esse, tamè ratio in contrarium est, quia excommunicatio non est pro pec-

peccato præterito, nisi adsit contumacia: hæc autem non est, nisi admonitio præcedat, iuxta illud Matthei. Si te non audierit, sit tibi sicut Ethnicus. Hoc autem certum est inter omnes, quando excommunicatio fertur de participantibus, & non præcessit admonitio legitima facta participantibus, tunc iniustam esse, & nullam, per cap. statumus. de sen. excom. in 6. Attende tamen, nonnullos Doctores intelligere illud. c. statumus, quando Iudex excommunicat participantes cum excommunicatis à se, & non ab alio, vel à iure: his enim casibus dicunt esse iniustam, & non nullam, sed hanc Doctorem sententiam censet dubiam Couar. in c. alma mater, prior. part. relect. §. 3. numer. 5. Hæc autem admonitio regulariter debet esse personalis, nec sufficeret ad domum. Rota in antiquis decis. 338. Felyn. in c. sacro. num. 2. de sen. excomm. quod tamen limita.

Primo, si, qui admonendus est, dolo litet, & subterfugiat, secundo, si legitime iam citatus semel in causam personali citatione, tertio si citatio facta domum peruenit ad notitiam illius, quarto si fuerit male absoluitus, & agatur de illo reducendo in pristinam excommunicationem, ut dicunt Felyn. in d. c. sacro. & in c. cum sit Rom. an. 14. de app. & Rot. in nou. decis. 399.

Secundo dicitur nulla, si error continet intolerabilem, iuxta cap. solet. & cap. venerabilis de sen. excomm. in 6. §. penult. Tunc autem dicitur sententia errorem continere intolerabilem, quando aliquis excommunicatur, quia facit quod in se bonum est, vel non facit, quod ex suo actu illicitum est; ita prædictum caput definit. Addit etiam Gloss. cap. per tuas. de sen. excom. quando precipitur aliquid impossibile. Addit etiam Gloss. cap. sacro. eod. tit. quando est pro leui re; ut, quia Pardus currit. item, quando Prælati interdicit subditis, ne exponant suis superioribus statum Ecclesiarum suarum. c. quia plerique de offic. ordin. libr. 6. His & aliis causis notatis per Abb. & alios Doct. in c. per tuas. de sen. excomm. lata excommunicatio dicitur errorem continere intolerabilem, & iniusta, ac nulla est. Aduerte autem, errorem intolerabilem in duplici esse differentia; primus enim est iuris, secundus est facti. Error iuris intolerabilis tunc dicitur, quando in sententia reperitur expressus talis error, seu causa, propter quam excommunicatio dicitur continere errorem intolerabilem; ut dicunt Host. in c. per tuas, nu. 3. de sen. excom. latè Gabriel. in tractat. com.

com. opin. tit. de sen. conclus. 7. exempla sunt, quæ dixi. Facti autem error intolerabilis tunc dicitur, quando notoriè constat de iniustitia excommunicationis, puta, quia puer adultæritium fecit, quod improbable est, vel superior, referendo se ad acta, aliquem excommunicat, quia furtum fecit: ex actis autem constat de falsitate causæ. Vnde Host. in cap. per tuas. de sen. excom. latè Gabriel. vbi suprâ conclus. 10. Caterum, si in sententia non exprimitur iuris error, & notorie non constat de falsitate facti, non dicitur continere errorem intolerabilem, sed est valida, licet iniqua Host. vbi suprâ S. Ant. in tract. de excom. c. 73. num. 9. & faciunt allegata per Gabriel. in citata concl. 7.

Tertiò, si excommunicatio non fertur in scriptis, & cum causæ expressione, iuxta c. cum medicinalis de sent. excom. in 6. est quidem iniusta, sed valida, vt ibi Gloss. & Doctores, & ex ipso c. probatur.

Ex parte autem excommunicantis iniustitia accidit.

Primò, si mala intentio, & ordo excommunicet, tunc est iniusta, sed valida. iuxta Gloss. c. sacro. de sent. excom. & habet omnes effectus iustæ excommunicationis, secundum Caiet. in opuscul. q. 13. tom. 2. hoc enim peccatum potius est contra charitatem, quam contra iustitiam, & dicenda est talis excommunicatio malè potius, quam iniuste facta.

Secundò, si erat publicus suspensus, aut excommunicatus, iniusta est, & nulla. c. adimus. 24. q. 1. Host. in sum. de cler. excom. minist. §. qualiter excusetur. Si verò non publicus, valida est per ea, quæ diximus c. 13.

Tertiò, si nullam habuit iurisdictionem, quia excommunicauit eos, qui ipsius iurisdictionis non sunt, vel aliquo priuilegio sunt exempti, iuxta ca. quanto. de priuileg. tunc iniusta est, & nulla. per c. nullus. de paroch. vel si, sit delegatus, & contra intentionem delegatis excommunicat, cap. final. de præb.

Ex parte verò excommunicati. Primò, cum in tempore à iure requisito appellauit, & adhuc excommunicatio. contra eum fertur, tunc est nulla, iuxta c. ad præsentiam, de appell.

Secundò, cum verè non peccauit mortaliter, tamen conuincitur per testes contumaciæ, & peccati. tunc nulla est in foro interiori, tamen valida in exteriori, & obseruanda, donec veritas nota fiat, iuxta Gloss. cap. per tuas. de sent. excom. ver. intolerabilem. in fin. Alioquin ex iniusta, fieret ratioe con-

temptus iusta, etiam quoad Deum, vt habet Gloss. prædicta & tenet Abb. ibi. nu. 4. Host. in sum. de sen. excom. §. quis sit effectus, col. 2. & ibi Apostil. in litera C. arg. text. in d. c. per tuas, &c. illud in q. 24. q. 3. Quod tamen limita in eo casu, quando si excommunicatus celebrat absque scandalo, præsertim in occulto, quia tunc in animæ iudicio non peccat, nec pœnis Canonicis afficitur, vt dicit Caiet. 22. q. 70. art. 4. Couuar. in c. alma mater prior. part. relect. §. 7. num. 7.

Aduerte autem, sententiam excommunicationis iniustam nullam, nec quoad Deum, nec quoad Ecclesiam ligare, quamuis, de nullitate constet, in publico sic seruanda. Quæ verò iniusta est, sed valida, excepta ea, quæ iniusta est ex solo animo excommunicantis (hæc enim, vt dicimus, omnes effectus habet iustæ excommunicationis) apud Ecclesiam ligat, sed non apud Deum, quod non est dicere priuat communibus, & generalibus suffragiis Ecclesiæ, quibus priuat iusta, quoniam nõ censetur Ecclesia quemquam velle in tantæ læsione afficere, cap. illud. 11. q. 3. sed priuat communionem fidelium, participatione, & perceptione sacramentorum, ac diuinorum officiorum auditione, secundum Host. in sum. de sen. excom. §. quis sit effectus. Henric. Boic. c. dilectis, nu. 13. de app. D. Th. 4. d. 18. q. 2. in art. 1. ad 4. & sic intellige illud Gregorii in c. 1. 11. q. 3. vbi habetur sententiam, siue iustam, siue iniustam esse timentam. Aduerte rursus, si huiusmodi iniuste excommunicatus ante obtentam absolutionem aliqui actibus, quæ excommunicatis prohibentur, fecerit, pœnis Canonicis afficitur, etiam in foro animæ, secundum communem sententiam, teste Couuar. in c. alma mater prior. part. relect. §. 7. ver. quarta, & ver. his equidem. quia apud Ecclesiam censetur excommunicatus, quod intellige, etiam si occultè faciat, illo excepto, de quo paulo superius dixi, qui falsis testibus conuictus est de mortali, quod verè non commisit: hic enim quoad Ecclesiam non ligatur, sed in occulto; in publico tamen, quia censetur iuste excommunicatus, debet se abstinere, & grauitè delinquit, si aliter faciat, donec de veritate constet. Modos autem iniustæ excommunicationis latè ponit Palu. 4. d. 18. q. 1. art. 4.

De causâ finali excommunicationis nulla est controuersia: cum enim excommunicatio, iuxta cap. medicinalis, de sent. excom. in 6. medicinalis sit, non mortalis, disciplinans, non eradicans, finis ipsius est bonum, & vtilitas hominis, vt respiciat, & ad bonum se conuertat, vel vt à malo perpetrando
retra-

retrahatur: hinc est, quod citatio non fit; vt in aliis sententiis, ad audiendam sententiam, sed vt se corrigat. Abbas in c. sacro. num. 2. de sen. excom.

De quibusdam communiter vocata effectibus maioris excommunicationis.

CAPVT XI.

Post causas excommunicationis, propositas; consequenter de ipsius effectibus tractandum est: horum primus est priuare communibus suffragiis Ecclesie, ita vt nec missas, nec publicas orationes Ecclesie pro eo fungere, aut celebrare liceat ita communiter Doctores dicunt. Ad hoc, nō tam effectus, quam natura, & substantia ipsius excommunicationis est; vt enim non dicimus priuare visu esse effectum cecitatis, sed naturam ipsius, sic natura excommunicationis est, his suffragiis communibus priuare. Quod quidē sic est intelligendū, vt non liceat orationes, quæ nomine Ecclesie fiunt, pro ipsis applicare; tamen, quando quis orat, vt persona particularis, potest orare pro excommunicato, & orationes quascunq; fundere, vt habet S. Th. 4. d. 18. q. 2. art. 1. quæstiunc. 1. ad 2. immō in memento Missæ, potest quis pro persona particularis, orare pro excommunicato, nō tamen ipsum sacrificium pro ipso applicando ita habet Siluest. c. 1. §. 2. Omnibus ergo suffragiis, quæ nomine Ecclesie funduntur, quatenus nomine Ecclesie funduntur, priuatus est, Quando autē persona particularis orat, non debeat orare pro eo, tanquam pro membro Ecclesie, cum non sit.

Alter communiter vocatus effectus, est priuare susceptione sacramentorū, tam actiua, quam passiua; ita vt, nec sacramenta ministrare, nec ea suscipere abiq; peccato mortali possit. ita Doct. colligunt ex can. Engeltrudam. 3. q. 4. vbi excommunicatus dicitur esse rescissus a corpore Ecclesie. Hic etiam non effectus, sed ipsa natura excommunicationis mihi videtur, sicut & præcedens; non enim intelligi potest, quæ alia sit natura excommunicationis, quam horum priuatio bonorum communium.

Tertius effectus est, priuare externis quibusdam bonis communibus, quæ hoc versiculo vulgari exprimi solet. *Os, orare, vale, communio, mensa negatur.* Per, os, intelliguntur colloquutiones, siue per verba, siue per signa, siue per literas.

Orare,

orare, intelliguntur conuentus in sacro audiendo, orando recitando horas, cantando in choro, diuinis officiis adesse; non enim licet cum excommunicato conuenire in talibus; similiter, nec eis conferre sacramenta, nec ab ipsis recipere. Per, *uale* salutationes, donaria, honoris exhibitiones, aperiendo caput, & similia. Per communionem, significantur humani, & ciuiles contractus. Hoc autem est intelligendum, quatum ad peccatum; excommunicatus enim cum aliis contrahendo peccat. cap. illud §. illud vbi Gloss. & Doct. de cler. excom. minist. Abb. in cap. si vera num. 37. de sen. excom. Caterum quoad illorum validitatem, si contrahit tanquam priuata persona, quamuis secundum Host. in d. c. si vere. & in cap. veritatis de dol. & contum. quem multi sequuntur, contractus in eius fauorem non valeant, sed in fauorem tantum cum illo contrahentium: tamen etiam in ipsius excommunicati fauorem contractus esse validos, nulla etiam habita distinctione publica vel occultæ excommunicationis, tenet Inn. in c. veritatis, nu. 1. de dol. & contum. & ibi Abb. nu. 3. qui respondet ad rationes Host. & Gem. in c. decernimus, in fin. de sen. excomm. lib. 6. Idem tenet Sum. Confess. l. tit. 33. q. 133. circ. fin. Siluest. ver. excom. 3. in fi. & hanc sententiam consuetudo amplectitur, teste Henric. Boic. in d. c. veritatis, numer. 18. Aduerte rursus, quod licet contractus etiam in fauorem excommunicati sint validi, ipse tamen agere in iudicio non poterit, excommunicatione durante. ita tradunt Inn. At Henric. Boic. vbi supra Ancar. in c. pia. §. si quis, num. 2. ver. aut facit de excep. l. 6. & probatur ex cap. intelleximus. de iud. vbi habetur, excommunicatum per alium conueniri posse; at non conuenire alium. Aduerte vltius, quod licet contractus celebrari per excommunicatum nomine proprio, vt dixi, sint validi, secus tamen est, si excommunicatus esset beneficiatus, & contraheret super bonis Ecclesiæ, quia tunc actus non valeret, cap. veritatis. in fin. de dol. & contum. ita habet Deci. qui alios citat in cap. pastoralis. §. verum, colum. 3. de appellat. expresse dicens, quod gesta per excommunicatum de bonis Ecclesiæ non valent, & hoc est verum, si sit publicus excommunicatus; sicut, si sit occultus; quia tunc valent secundum Abb. in d. capi. veritatis, num. 33. Silu. verb. excomm. 3. q. 15. num. 5. Per, Mensam, intelligitur, simul in vna mensa cœuisci, in vno lecto dormire; quamquam, in eadem domo manere liceret, vt dicit Innocen. cap. nuper. de sent. excom. & Anton. 3. par. tit. 24. cap. 2. eo ta-

men modo, quo solent multi in eadem domo habitare, non
ut simul conuenientes, sed veluti si domus essent distinctæ:
sicque secundum eundem Innocen. liceret eodem in cubicu-
lo esse, & habitare. In his omnibus non licet communicare
cum excommunicatis; ita vt, qui communicat cum eis in ali-
quo prædictorum, minorem contrahat excommunicationem,
iuxta cap. nuper, de sent. excom. & peccet mortaliter qui-
dem, si communicat in diuinis: immodò, si clericus communi-
cetur cum excommunicato à Papa in diuinis, spontè & scien-
ter Papalem contraheret excommunicationem, iuxta cap. si
significauit, de sent. excomm. In cæteris verò venialiter, nisi in
contemptum Ecclesiæ id fiat. ita habet S. Thom. 4. senten. d. 18.
art. 4. quæstiunc. 3. & Innoc. & Ioan. Andr. c. sacrif. de his, quæ
vi. met. cau. fi. quod caput de participatione in diuinis proce-
dit. Angel. excom. 8. §. 4. dicit, hoc intelligendum esse, nisi ef-
fet excommunicatio de participantibus; tunc enim partici-
pantes quocumque modo mortaliter peccarent, & excommu-
nicationem maiorem contraherent, c. nuper, & c. si concubi-
næ, de sent. excom.

Non tamen ista communicatio tam generaliter prohibita,
quin sint casus, in quibus liceat modo aliquo communicare,
qui versiculo vulgari continentur. *Vtile, lex, humile, res ignora-
ta, necesse*, cuius versiculi meminit S. Thom. 4. d. 18. art. 4. quæ-
stiunc. 1. vbi hos casus designat. Per, *vtile*, intelliguntur, verba
ad salutem spirituales excommunicati pertinentia: licet enim
hortari, vt sibi consulat. Per, *legem*, matrimonium signi-
ficatur, nam licet vxori colloqui, conuesci, reddere debitum,
&c. Per, *humile*, intellige officium seruorum familiarium, &
filiorum, quod non denegandum est excommunicato. Simi-
liter, *ignorantia*, qua ignoratur excommunicatio ab alijs, ex-
cusat eos à peccato in communione: à quo quidem non excu-
saret, si à fide digno audirent, illum esse excommunicatum, vt
dicit Maior. in 4. d. 18. q. 2. arg. cap. illud, de cleri. excommu. mi-
nist. & cap. inquisitioni, de sent. excomm. Per, *necesse*, intellige,
quando occurrit necessitas grauis, vel consilij, vel refugij, vel
elemosynæ, vel petendo, vel dando. Extra hos casus non est
cum excommunicato communicandum: atque hic est tertius
effectus communiter assignatus excommunicatis: sed mihi eadẽ
ratio videtur huius, & aliorum duorum; vt natura excommu-
nicationis consistat in hac priuatione, & non tam ad effectum
quàm ad eius substantiam istæ tres priuationes pertineant.

Aduer-

Aduertendum tamen, casus hoc versiculo exceptos nō pertinere ad cōmunicationem in diuinis; in his enim, nec vxori nec seruis licet communicare, nisi quando ignorātia esset: liceret tamen aliquo casu in diuinis cōmunicare: nempe, quando immineret mortis periculum non cōmunicanti cum excōmunicato, ita limita. D. Nauar. c. 27. summ. nu. 36. & Sotus 4. dist. 22. quæstio. 1. artic. 4. vt, si excommunicatus, ne ab alijs agnosceretur, minaretur mortem sacerdoti, nisi coram eo celebraret, tunc liceret celebrare ei: nec obstat, c. sacris. de his, quæ vi. met. cau. quia, pcedit de metu leui. Est autē ista limitatio intelligenda, dum non incurreretur metus hic in cōtemptum fidei vel Ecclesiæ; tunc enim mors potius esset subeunda. Aduerte etiam, generāliter excommunicatum in vna Ecclesia, esse excommunicatum vbiq; locorum, c. iure, 11. quæst. 3. Abb. in cap. pastoralis, nu. 18. de appel. Aduerte, tursus, excōmunicationem statim suum sortiri effectum, quia nō potest stare in pendenti: hinc est, quod excommunicatio in diem, vel sub conditione, non afficit illum, in quem fit, donec dies, vel conditio eueniat: sed ab ea die, seu ab eueniente cōditione eum afficit, secundum communem; testatur Couar. in c. alma mater prior. par. relect. §. 10. nu. 6. de, si quis appellaret à sententia tali lata, etiam post diem antea conditionis euentum, sine scrupulo posset communicare, etiam in conditione illa impleta, Glo. in c. praterea, 2. de app. & ibi Doctores. Panor. contrariū sentientem. Vtteriùs aduerte, excōmunicationem trahere secum executionem, & inhabilitat, quoad oēs eius partes, illum, qui in eam incidit absq; alia declaratoria. Fely. in c. Rodolphus, nu. 38. de rescript. per c. pastoralis. §. verum, de app. & propterea ab illa non appellatur ad effectum suspensiuum, c. 15. cui, de sent. excom. lib. 6. Et hoc est verum respectu sententiæ excommunicationis; secus, si sit declaratoria excommunicationis à iure illata, quoniam ab ista declaratione appellare licebit, iuxta Glo. in c. cupientes. §. quod si ver. priuatos, & de elect. lib. 6. & Gigan. in tracta. de pens. q. 78. in fin. Quod limita in eo casu, quando constat declaratum non incidisse in excōmunicationem latam à iure, vel sit dubium, an inciderit: nam si constaret, declaratum incidisse in iuris excōmunicationem, appellatio non admitteretur, quia à pœna legis, vel Canonis non appellatur, vt habet prædicta Glo. reputata notabilis à Doct. tenet Abb. in c. peruenit, 1. nu. 6. de app.

De intelligentia prædictorum iuxta extrauagantem Martini Quinti.

CAPVT XII.

DOCTRINA præcedentis capituli, quantum ad communicationem cum excommunicatis, quamuis secundum ius antiquum vniuersaliter procedat, tamen limitanda est post extrauagantem Martini V. quæ in fauorem fidelium facta est, ad euitanda multa pericula, quæ ex participatione cum excommunicatis contingebant; placuit enim Martino Pontifici, ne fideles multum detrimenti paterentur, eos non semper obligare, quoscumque excommunicatos vitare, quantum ad communicationem illo versiculo contentam. *Os, orare, vale, communicatio, mensa negatur*: nisi duos tantum, nempe percussores Clericorum notorios, & nominatim excommunicatos, postquam denunciati, & de iurati fuerint. Ceteros verò, siue à iure, siue ab homine, etiam nominatim excommunicatos, non tamen denunciatos, non tenentur vitare, sed licere fidelibus in diuinis, & humanis cum ipsis communicare: quod quidem priuilegium, non in fauorem eorum ipsorum excommunicatorum, quasi liceat ipsis excommunicatis, illis duobus exceptis, communicare, sicut licet non excommunicatis, hoc enim non ita est; ipsi enim excommunicati nullam ex hoc vtilitatem reportant: sed semper tenentur abstinere à communione fidelium; vt benè adnotarunt Doctor. Nauar. de penit. d. 6. cap. 2. §. laborer, & Couar. relect. cap. alma mater, p. priori. §. 2. numer. 11.

Hanc extrauagantem refert Anton. 3. p. tit. 26. cap. 3. Ang. excom. 8. §. 3. & Sotus in 4. d. 22. q. 1. art. 4. cuius tenor est, qui sequitur: Ad euitandum scandala, & multa pericula, quæ conscientijs timoratis contingere possent, Christi fidelibus tenore præsentium misericorditer indulgemus, quod nemo deinceps à communione alienus, Sacramentorum administratione, vel receptione, aut alijs quibuscumque diuinis, intus, & extra prætextu cuiuscumque censuræ, aut sententiæ ecclesiasticæ, à iure, vel ab homine generaliter promulgatæ, teneatur abstinere, vel aliquem vitare, aut interdictum ecclesiasticum obseruare, nisi sententia, vel censura huiusmodi fuerit illata contra personam, Collegium, Vniuersitatem, Ecclesiam, Communitatem, vel locum certum, à Iudice publicata, vel denunciata specia-

specialiter, & expresse, constitutionibus Apostolicis, & alijs in contrarium facientibus non obstantibus quibuscunque. Saluo, si quem pro sacrilega manus iniectione in Clericum, in sententiam latam à Canone, adeò notoriè confiterit incidisse, quòd factum non possit aliqua tergiversatione celari, nec aliquo suffragio excusari: nam à communione illius, licet denunciatus non fuerit, volumus abstinere, iuxta canonicas sanctiones. Hac Martini extrauagans. Et quamuis Doctores quidam recentiores dicant, non sic legendam esse prædictam extrauagantem, sed aliter, & ex lectione sua colligant notorios excommunicatos, quamuis non sint percussiores clericorum, nec denunciati, esse etiam vitandos, tamen quia non probant suam correctionem, visum est mihi stare prædictis Doctoribus grauissimis, & fide dignissimis, quibus adhæsit communis vsus; fideles enim, tam Romæ quàm alibi, non vitant conuersationem cum excommunicatis, etiam notorijs, nisi nominatim excommunicati, & denunciati sint, aut publici percussiores Clericorum. Aduerſus autem, posse aliquem nominatim esse excommunicatum, & non denunciatum: si enim Iudex præcipiat alicui, sub pœna excommunicationis latæ sententiæ compareat in iudicio, & hic contumax est, nec comparet, excommunicatus statim est, & nominatim; tamen non denunciatus. Denunciari autem dicitur, quando declaratur à Iudice, eum contraxisse excommunicationem talem. Ante denunciationem ergo non tenemur eum vitare, nec est recipienda Gloss. in cap. à nobis i. vbi. quisque, de senten. excom. quæ excommunicatum nominatum illum esse affirmat, qui excommunicatur à Canone his verbis; *Quisquis furtum commiserit, sit excommunicatus.* Hoc reiiciendum est, vt falsum, & contra communem sententiam Doct. vt notat Couarr. in cap. alma mater, prior part. relect. §. 2. nu. 8. affirmans, illum esse nominatim excommunicatum, qui hac notatur censura, expresso nomine proprio, aut aliquot appositis signis, quæ certè, & absque vilo dubio significant eum, qui excommunicatur, per l. nominatim. ff. de condi. & demonstr.

Aduerte autem, denunciationem posse fieri per Ordinarium excommunicati, licet ipse non excommunicauerit. Abb. post Inno. in c. pastoralis. §. verum, in fin. de appell. arg. cap. iure, ii. quæst. 3. & ca. i. de treug. & pac. Quod tamen limitat Dec. in d. §. verum, col. 4. ver. extra Glo. quando quis in excommu-

natio-

nicationem incidisset ex dispositione iuris: sed ab homine excommunicatum dixit ipse non posse denunciari ab illo, qui non excommunicauit; quoniam causa per vnum incepta, per alium absque causa non potest perfici, & ad c. i. de treug. & pac. respondet habere locum in eo, qui excommunicauit, vt verba expressa sonant. Aduerte vltimus, si sententia excommunicationis lata ab homine sit nulla, fieri non posse publicationem, seu denunciationem; si autem est valida, & ab illa, postquam contracta est, directe, vel indirecte non est appellatum, denunciatio fieri non potest. Si verò est appellatum, & sciat excommunicatus, se iam excommunicatum, per appellationem sequentem non impeditur denunciatio. Si autem est ignorans, appellatio interposita secundum Hosti. impedit denunciationem, ita Henric. Boic. in c. pastoralis. §. verum, num. 15. de app. appellatio enim post latam excommunicationem impedit denunciationem in ignorante, non autem in sciente se esse excommunicatum. Caeterum, si sententia excommunicationis lata est à iure, & est notorius excessus, absque citatione, & declaratione potest iudex denunciare excommunicatum; si verò excessus non est notorius, & non vocato, & declarato, in canonem incidisse, denunciatio fieri non debet. Abb. in c. peruenit, l. nu. 5. de appell.

De effectibus propriis maioris excommunicationis.

CAPVT XIII.

Excommunicationis effectus, qui magis propriè effectus vocari possunt, consideremus; hi autem multi sunt, quorum primus est: eos, qui cum excommunicato in eodem crimine, propter quod excommunicatus est, participant, ita affici, vt pariter sint excommunicati eadem excommunicatione; ita habetur c. nuper, de sent. excomm. vbi aduertendum est cum Panor. c. contingit 1. de sent. excomm. duo esse necessaria vt participans cum excommunicato, eius excommunicationem contrahat, vnum, quòd participet in eodem crimine, propter quod ille alter excommunicatus est, dando auxilium, consilium, fauorem. Alterum est, vt ista participatio sit; postquam iam commissum est crimen, & contracta est iam ab illo excommunicatio; vnde, qui excommunicato, postquam excommunicatus est, modo aliquo ex prae dictis in crimine

C

illo,

illo, propter quod est excommunicatus, participat, afficitur eadem maiori excommunicatione, & hoc vocant Doctores participare cum excommunicato in crimine criminoso. Adde tertium, non de quocunque excommunicato hoc procedere, sed de nominato, & rursus de eo, qui sciens excommunicatum ob tale crimen, sic participavit cum eo; de his enim canon ille expressè loquitur.

Alter effectus est, collatio beneficij facta excommunicato ipso iure est nulla: ita habetur cap. pastoralis, de cler. excomm. ministr. Et licet postea absolvatur ab excommunicatione, indiget nova collatione, si, quando beneficij collatio facta fuit, erat excommunicatus, quia nulla fuit collatio prior. c. postulat, & ibi Glo. & Doct. de cler. non ordin. ministr. Immo etiam impetratio literarum à Papa, ad beneficium obtinendum, & quodcumque rescriptum ab ipso excommunicato impetratum, ipso iure est nullum, præterquam in super articulo excommunicationis, vel appellationis: c. de rescript. in 6. Modò verò, quoties à Papa literæ impetrantur ad beneficium, solent similiter impetrari absolutio excommunicatione, ad effectum validitatis literarum, sic cessat iste effectus in hoc. ita Felin. in c. ad Apostolicam, in princip. de except. quod intellige, dummodò impetrans non insurderit per annū, vel non commiserit aliquod eorum, quæ in regulis cancellariæ excipiuntur, quibus illa absolutio non suffragatur, si post quatuor menses, ob aliquod illorum delictorum commissorum, excommunicationem sustinuerint: ante quatuor autem menses impletos, etiam istis suffragatur. Quamvis autem huiusmodi regulæ minuantur, aut augeantur, pro Pontificum beneplacito, tamen tenor regulæ, quæ in Xisti Quinti Pontificatu servatur, hic est. Item, ne personis, pro quibus literæ suæ Sanctitatis emanabunt, ob generalem absolutionem à censuris ecclesiasticis, quibus ligati forent, ad eorum effectum indifferenter concedi, & in literis Apostolicis apponi solita, præstetur occasio censuras ipsas vilipendendi, & insurdescendi in illis, statuit, & ordinavit, huiusmodi absolutionem, & clausulam in literis, quas in futurum cum illa concedi contingeret, non suffragari non parentibus rei iudicæ, Incendiarijs, Violatoribus ecclesiarum, falsificatoribus, & falsificari procurantibus literis, & supplicationes Apostolicas, & illis utentibus, receptatoribus, fauoribus eorum, ac res veritas ad infideles defertentibus, Violatoribus ecclesiasticæ libertatis, via facti, aut temer-

temerario Apostolicis mandatis non obtemperantibus, & Nuncios, vel executores Apostolicæ Sedis, & eius officialium eis commissæ exequentes impredientibus, qui propter præmissa, vel aliquod eorum excommunicati à iure, vel ab homine per quatuor menses scienter excommunicationis sententiam huiusmodi sustinuerint, & generaliter quibuscumque alijs, qui censuris aliquibus, etiam alijs, quàm vt præfertur quomodolibet ligati in illis per annum continuum infurduerint.

Tertius est, non potest excommunicatus eligi ad beneficium ecclesiasticum, per cap. constitutis. l. de appell. & ibi Glo. & consequenter, nec postulari, nec præsentari ad beneficium patronatus, quia eadem est ratio electionis, postulationis, & præsentationis, iuxta Glo. cap. quoniam, de elect. in 6. & ita tenet Couarr. relect. cap. alma mater. prior. p. §. 7. num. 1. & 2. & idem esse de pensioribus censuit Gigas tracta. de pension. q. 14. cui consentit Couarr. loco allegato.

Aduerte autem, quod si electus ignoret, se esse excommunicatum, electionem tamen esse nullam; & idem de collatione, & alijs: excusabitur quodam à peccato, & pœna, quoad Deum, dum ignorat; si ignorantia probabilis est, tamen quoad actum, cum primum sciatur, debet procedere, ac si nullus esset. ita habet Glo. c. Apostolica ignorantia. de Cleri. excomm. ministr. & ibidem Panor. & Henric. Boic. nu. 1. nam excommunicatio, quoad alias, ignorantem excusat; sed non quoad validitatem actus. Cassiod. decis. l. de præb. per cap. postulationis, de cleric. non ordin. ministr. Quod dictum est de electione ad ecclesiasticum beneficium, dicitur etiam de electione ad dignitatem secularem, Regis, vel Imperatoris, vel Ducis; nulla enim electio est, si electus est excommunicatus. ita habetur c. venerabilem, de electio. Aduerte tamen, quod, licet, excommunicato hæc conferri non possint, & collationes, si fiant, sint nullæ, potest tamen excommunicatus acceptare beneficium ante excommunicationem sibi collatum, & optare præbendam, si alijs iure consuetudinis competeat sibi oprio, Rot. in antiq. decis. 126. cui accidit communior sententia, teste Couarruua libro tertio. variar. resolut. cap. 16. numero quarto.

Quartus est, excommunicatus non potest exercere actum iurisdictionis, absque peccato, imò si publica est excommunicatio facta, & sententia nullæ sunt, c. ad probandum, de sen. & re iudi.

Hinc est, eum, nec excommunicare, nec conferre beneficia, nec eligere, nec presentare, nec alia posse, quæ ad iurisdictionem pertinent; & si facit, actus est nullus, c. cum inter, in fine de elect. & c. cum dilectus, de consuet. ita etiam dicunt Io. Andr. in cap. pia. colum. 5. in fi. de excep. libr. 6. & Abb. in c. ad probandum, num. 20. de re iudi. Hoc autem procedit, ut dixi, si sit publicè excommunicatus, secundum Abb. in d. c. ad probandum sed si sit occultus, actus in aliorum fauorè factus, ratione publici officij erit validus, Abb. vbi suprâ, nu. 15. & ibi Felin. nu. 3. cum opinione communi, per l. barbarius. ff. de off. præf. Aduerte tamē in hoc, quod si ille, in cuius fauorem actus iurisdictionalis est gestus, adiuit scienter ipsum excommunicatum occultum, actus ille debet retractari in eius odium, secundum Cald. in c. ad probandum, de re iud. & Abb. in c. veritatis, num. 43. de dol. & contum. alios etiam pro eadem sententia citat Felyn. in d. c. ad probandum, num. 8. per c. in de procur. quamuis post constitut. Martini ipsè Felyn. citat huiusmodi dictum Calde. cessare, ea ratione, quia cessat odium culpæ communicantis cum excommunicato occulto, subdens, quod licet ipsa constitutio Martini non sufficitur excommunicatis, sed solum succurrat conscientijs timentis, ut in ea dicitur, tamen dictum Cald. est fundatum in odium scientis, & non euitantis excommunicatum, quod quidem odium est sublatum, & per consequens eius dictum non videtur habere locum. ita Felyn. ibi & in c. Rodolphus, nu. 4. de rescriptis.

Quintus est, non potest exercere actum ordinis; ut, celebrare, ordinare, nec confirmare, nec absolueret; denique nec exercere actum aliquem, cuiuscunque etiam minoris ordinis, & si exerceat, sit irregularis. per c. cum medicinalis. de sent. excomm. in 6. & ibi Gloss. quo casu, licet ordinarius recipiat characterem, non tamen executionem recipit, c. 2. & ibi Glo. & Doct. de ordin. ab Episcop. qui renunciau. Episcop. quod tamē est verum, si sit ordinans publicus excommunicatus; nam si occultus, non solum characterem, sed etiam executionem reciperet ordinatus ab excommunicato. Abb. in c. ad probandum, nu. 15. de re iudi. Innoc. in c. 1. nu. 4. de Schismaticis. Lapus alleg. 89. nu. 12. quamuis non desint contrarium affirmantes. Hæc intellige de iure communi: nam post extrauagantem Martini suprâ allegatam, solos excommunicatos nominatim post denunciationem, & publicos percussiores Clericorum vitare debemus. Quiq; tur ab his ordines suscipit, suspensus est: à cæteris verò, non.

non quamuis ipsi conferentes peccent, & sint irregulares, de hac tamen irregularitate, quæ etiam contrahitur, si excomunicatus recipiat ordines, dicemus inferius, quando de tali materia occurrer sermo.

Sextus est, qui tenebantur aliàs obnoxii vinculo fidelitatis, vel iuramenti alicui, liberantur à tali vinculo, si is inciderit in excommunicationem, ea durante, ita habetur can. nos sanctorum. & can. iuratos 15. q. 6. Non tamen per hoc intelligendū est, absolui debitorem ab obligatione soluendi debitum creditori etiam excommunicato, vt bene notauit D. Medi. de restitut. q. 3. caus. 9. Canones enim illi procedunt de debitis, nō de re, sed verbis contractis, contra Glossam c. absolutos. de Hæreticis.

Septimus est, priuat actu iuridico accusandi, testificandi, patrocinandi, procurandi, cap. decernimus. de sen. excom. in 6. immò etiam reconuocandi. c. cum inter priorem. de excep. defensio tamen legitima non negatur, iuxta idem c. cum inter priorem.

Octauus, si in excommunicatione à viuis decedat, priuatur ecclesiastica sepultura, & est exhumandus, si excommunicatus sepultus est, ca. sacris. de sepul. hoc intellige potest extraneam Martini, quando est nominatim excommunicatus, & denunciatus, vel notorius per assessor Clerici; alios enim licet sepelire, sicut communis cum eis viuis: nam cui communicamus viuo, communicamus etiam mortuo. 24. q. 2. can. sane. 1. & c. sacris. de sepul.

Nonus est, clericus perseverans in excommunicatione ultra annum, poterit priuari beneficiis, quæ obtinet. Abb. & Dd. in c. cum bene. de æta. & qualit. qui in eodem textu fundatur, & Couar. in rep. c. alma mater prior. part. relect. §. 7. n. 10. ver. 3. si quis.

Decimus est, conuentus super crimine ciuilitè, vel criminaliter, & ob contumaciam excommunicatus, si in annum perseverat, censetur conuictus de crimine, cuius fuit accusatus Couar. qui alios citat vbi supra.

Vndecimus effectus est, qui per annum permanset in excommunicatione, efficitur suspectus de hæresi, vt habetur ca. ult. de penis, vbi, qui biennio in excommunicatione perdurauerat, suspectus dicitur hæreticæ prauitatis. Notat autem ibi Panor. & Doctores idem esse, si per annum in excommunicatione insisterit, argum. can. rursus, & can. quicumq. 11. q. 3. suspicio

autem hæc inducit purgationem, vt ibi notat Panor. ex Innocent. & alijs Simancas autem in Catholicis instituit. c. 7. tradit ex praxi inquisitorum, esse suspensionem leuem; quæ intelligitur quacunque de causa sit excommunicatus, etiam si non sit materia hæresis. Hæc doctrina confirmata est Concil. Trid. sess. 25. c. 3. vbi sic habetur: Excommunicatus quicumque, si post legitimas monitiones non resipuerit, non solum ad sacramenta, & communionem fidelium non recipiatur, sed si obdurato animo censuris annexus in illis insurderit, etiam contra eum tanquam de hæresi suspectum procedi possit. Notant autem Felyn. & Ioan. de Anan. cap. postulasti. de homici. contumacem in excommunicatione, etiam ante annum, posse puniri poena temporalis.

Duodecimus effectus est, suspectus de hæresi, & ea de causa vocatus ab inquisitoribus, iudicium subterfugiens, & ob eam contumaciam excommunicatus, si annum in ea persistat, tanquam conuictus de hæresi & denunciandus hæreticus. ita habetur c. cum contumacia vbi Gloss. de hæret. in 6. & c. excom. §. qui autem de hæret. Nota ex Gloss. c. cum contumacia. hoc habere locum, quando contumax suspectus de hæresi citatus fuerit expressè, vt ad iudicium accedat super reb. fidei c. super crimine hæresis, cuius accusatur, aut suspectus est, respondens. Notat autem Francus in eadem c. satis esse, si in genere crimen hæresis in edicto exponatur. Nec requiritur in specie hæresim significari. notat etiam Gonsalvus à Villadiego tract. de hæret. questio. 12. præfatam decisionem habere locum, quando verè contumax est; si enim absens iustum habuit impedimentum, quo legitime impeditus non potuit eo tempore ad tale iudicium accedere, non est vt hæreticus condemnandus, poteritque ille iustas causas absentia allegare, & probare.

Vltimus effectus est, excommunicatus non potest percipere fructus beneficiorum suorum, hæc est communis sententia, quam sequuntur Palu. 4. d. 18. q. 4. & Silu. Cleric. 4. qu. 25. & Ioan. de Ligna in c. quia diuersitatem. de concess. præb. Dec. in c. pastoralis. §. verum. col. 3. de app. Sum. Confess. lib. 3. tit. 33. q. 81. ver. effectus. Armil. ver. excom. num. 9. qui limitant, hoc procedere, quando excommunicatus est in mora, id est per ipsum stat, quo minus absoluitur. Panor. vero c. pastoralis. §. verum. nu. 21. de app. nullam ponit limitationem; sed dicit, excommunicatum ipso facto non posse percipere fructus beneficiorum suorum.

suorum, nec, post absolutionem, fructus temporis præceditis, in quo fuit excommunicatus, eidem reddi deberi; sed ecclesiæ propriæ & hanc sententiā tenuit ante ipsum Glof. in c. studeat in fi. dist. 50. & Host. in summ. Rubr. de sen. excom. nu. 11. ver. item vt quamdiu & Inno. in d. c. pastoralis; nu. 4. & cum his est communis sententia, teste Pute. decis. 280. lib. 1. Quod quidē adeo verum esse, affirmant communiter Doct. vt quamuis clericus excommunicatus sit egenus, & pauper, illi tamen nō sit prouidendum de alimentis, nisi fame periret, Glof. in d. §. verum. & ibi Abbas num. 16. & Couar. variar. resol. lib. 3. c. 13. n. 8. ver. duodecimo: & ratio est, quia potest sibi ipsi prouidere petendo absolutionem. verba Host. sunt: Nihil de fructibus beneficiorum suorum percipiat. Abb. verba: Fructus debent cōtineri in vtilitatem ecclesiarum, & excommunicatio non datur. Pute. verò dicit: Excommunicatus non facit fructus suos. Aduerte verò, quod si sint distributiones quotidianæ, nō Ecclesiæ, sed aliis accerunt. Glof. in Clem. 2. ver. pars dimidia de arat. & qualit. Dec. in c. pastoralis. §. verum colum. 3. de appell. Aduerte rursus, si excommunicatio est iniusta, excommunicatus postea absolutus recuperat fructus medii temporis sibi subtrahctos, vt dicunt F. Hostien. Abb. Boic. & alii vbi supra per ca. super causa 2. q. 4. quod etiam respectu distributionum quotidianorum locum habet, quando ante excommunicationem iniustam erat solus diuinis officiis adesse, & tēpore excommunicationis præfens fuit in loco, vbi beneficium habebat, vt notat Couar. variar. resol. lib. 3. c. 13. num. 8. ver. duodecimo. Hæc sententia communis maximè nititur cap. pastoralis. de appellat. vbi dicitur: Merito subtrahuntur prouentus ecclesiastici, cui Ecclesiæ communicatio denegatur. quibus verbis significat, sicut excommunicatio lata priuat statum communionis Ecclesiæ excommunicatum, ita etiam statum consequenter priuat prouentibus, vnde merito Panor. ibi reprobatur Glossam, dicentē, nō priuare, nisi in ipsa sententia exprimitur priuatio, quod verū non est, cum sit cōsequens effectus ipsius excommunicationis. Titulum autem beneficii ante excommunicationem obtenti, excommunicatus nō amittit, vt notat Panorm. cap. pastoralis. allegato §. verum, n. 18. nec amittit possessionem: immo spoliatus posset agere de spolio, vt notat Innocent. in cap. veritatis, num. 2. de dolo nec etiam absoluitur ab obligatione recitandi horas canonicas, vt dicit Couarr. alios citans capit. alma mater. prior. par. relect. §. 3.

num. 8. eas tamen recitare debet priuatim, & secrete, & si sit in facris, absque, Dominus vobiscum: sed loco illius dicit, Domine exaudi orationem meam, vt notat Albert. de Ferrari. in repetit. c. 1. q. 12. de celebra. miss. & Armil. excom. nu. 9. Nec etiam liberatur ab onere soluendi pensionem, si iuste sit excommunicatus, licet fructus non percipiat, vt notat Gigas, tract. de pensio. q. 64.

De quibusdam adnotandis in absolutione ab excommunicatione.

C A P V T XIV.

Priusquam de eo, qui potest absolvere ab excommunicatione, in particulari tractemus, opus est, quædam in generali ad absolutionem pertinentia præmittere.

Primò, sicut vnus potest simul multis ligari excommunicationibus, variis de causis contractis vt habetur. 3. q. 4. can. Engeltrudam, & Glos. ibi cum communi Doctorum sententia, ita consequenter pluribus indiget absolutionibus, vel vna generali, si omnes sunt relaxandæ, habet Inn. c. cum pro sua causa. de sen. excom. potestque vnâ sine alia relaxari, secundum Paul. 4. d. 18. p. 5. art. 3.

Secundo, vt rectè adnotant Silu. absolutio. 1. §. 3. & Ang. absolutio. 1. §. 1. Absolutio dupliciter fit potest; vno modo in foro exteriori, altero modo in foro conscientie, quæ fit vna cum absolutione à peccatis. Illa prior potest à non sacerdote fieri, hæc posterior à solo sacerdote, non ratione ipsius excommunicationis: nam ab ea, quilibet habens iurisdictionem excommunicandi, potest absolvere, etiam si is, nec presbyter, nec diaconus, nec subdiaconus sit. Qui autem à non sacerdote absolutus, à sola excommunicatione est, manet quidem reconciliatus communioni hominum, & sacramentorum, in quantum priuatus erat per sententiam, vt Ioan. Andr. in c. à nobis 2. & ibi Henric. Boic. numero 11. de sent. excomm. Sed ratione peccatorum, à quibus non sacerdos non potest absolvere, indiget absolutione sacerdotis, vt dicunt Henric. Boic. vbi supra, & latè Couar. in c. alma mater prior. part. relect. §. 11. numer. 10. qui reprobant opinionem Host. distinguētis duplex vinculum in excommunicatione; à quorum vno potest absolui à non sacerdote, ab altero verò, à solo sacerdote, in foro penitentiali, quæ

quæ distinctio nullius est momenti: nam, vt dicit Io. Andr. & Henric. vbi supra, communiter Iudices delegati, & Ordinarii absoluunt perfectè, & ex integro, quos ligant, licet presbyteri non sint; nec curant subtilitatem Host. Nec est necessaria absolutio à sacerdote, nisi ratione peccatorum, qua non existente, etiam non sacerdos in vtroq; foro absoluit; quando verò coniuncta est cùm absolutione à peccatis, tunc à solo sacerdote fit: & hæc dicitur propriè absolutio in foro conscientiæ. Rursus, ad illam priorem non est necessaria voluntas excommunicati: nam etiam inuitus potest absolui, sicut potuit inuitus excommunicari. ita habet Palu. loco citato, & S. Thom. 4. d. 18. q. 2. art. 5. quæstiuncul. 2. Non tamen debet id fieri, nisi ex causa rationabili, nimirum quando excommunicatio non prodest excommunicato, & nocet communitati, propter participationem, vt notat Panorm. c. Apostolicæ, de excep. Capel. Tolosan. q. 290. num. 1. Rursus, illa priori potest absolui ignarus, & inscius absolutus; non enim est necessaria admonitio, sicut ad excommunicationem. Aduerte tamen circa monitionem, quòd, si excommunicatio sit facta ad alicuius instantiam, cuius interfit audiri, puta quia potest prætendere offensam manifestam, quo casu excommunicatus absque satisfactione non absoluitur, etiam cum cautione c. experte 1. de verbo. sign. tunc citatio eius, ad cuius instantiam est excommunicatus, requiritur, secundum Gloss. in c. excommunicatos. 11. q. 3. & notat Abb. & dicitur de communi, in c. qua fronte, n. 6. de appell. vbi id tractant Ancar. num. 6. & Dec. col. 3. in fin. post specul. in tit. de contum. §. si. ver. sed pone excommunicatus. Quamuis autem hoc casu citatio requiratur, si tamen fieret absq; citatione, teneretur absolutio, vt dicunt Abb. & Dec. in d. c. qua fronte Fely. in c. sacro de sen. excom. per illum tex. Potest etiã illa prior dari per literas, vt habet Ricar. 4. d. 18. ar. 10. q. 2. immò habetur can. quãto. 2. q. 5. vbi Giof. addit quod etiam potuit per literas excommunicari. Potest etiam illa fieri per procuratorem, vt habent Archid. cap. eos, qui de sent. excom. in 6. & Ioan. Andr. cap. qui ad agendum. de procur. in 6. Hæc tamen fieri non possunt in absolutione posteriori ratione absolutionis à peccatis, quæ non potest prædictis fieri circumstantiis.

Tertiò, absolutio ab excommunicatione debet fieri sine cõditione, vt adnotat Panorm. cap. de quibus. de baptis. Quod intelligendum est de conditione futuri, quæ actum suspendit, donec

donec conditio impleatur; tunc enim nulla est, vt notat Silu. absolutio. 3. §. 1. & probatur ex cap. actus. de reg. iur. in 6. Vt, si quis dicat, absoluo te, si restitueris, vel hoc, aut aliud feceris: hoc casu nulla est absolutio; quando tamen conditio est, quæ actum non suspendit, quia, vel est de præterito, vel præsentis, tunc fieri potest, & valet, sicut dicitur in baptismo. Si non es baptizatus, ego te baptizo.

Quartò, absolutio quæ datur ad cautelam non conceditur iniuste excommunicato; sed illi tantum, qui dicit excommunicationem nullam, c. solet de sent. excomm. lib. 6. & in c. per tuas, extra eod. tit. Conceditur autem ad cautelam ex quadâ iuris benignitate, & gratia; vt habetur in dictis constitutionibus, & in c. venerabilibus, §. sed si ex causa. de sent. excomm. lib. 6.

Quintò, petens absolutionem ob cautelam, nō tenetur exprimere causam nullitatis. Oporteret tamen eam in specie nominare, nempe quia lata est post appellationem, aut quia errorem continebat intolerabilem; aut quia defuit iurisdicção, aut aliis de causis nullitatis, in specie narratis. Couar. cap. alma mater. prior. part. relect. §. 12. n. 7.

Sextò, relaxatio ab excommunicatione illico debet fieri, quando excommunicatus vult satisfacere, secundum Abb. in c. reprehensibilis, n. 3. de appell. per cap. nemo 1. & cap. illud. ii. q. 3. quod limitandum est, quando tunc satisfacere non potest & cautionem dat sufficientem de satisfactione, alias expectari debet satisfactionis complementum, maxime quando agitur de interesse partis.

Septimò, absolutio ab excommunicatione à iure, quando datur ab eo, cui de iure competit, valet, etiamsi prius non fiat id, quod canon precipit, puta satisfacere, aut hoc, vel illud implere. ita habet Innocen. in cap. cum ab Ecclesiarum, nu. 6. de offic. ordin. Tamen non valet ea, quæ fit ab eo, cui de iure non competit, sed ex aliqua commissione, aut mandato; talis enim debet fieri iuxta formam mandati, vel commissionis, aliàs est nulla, vt notat D. Nauar. cap. 27. summæ. num. 37. & Ang. excomm. 3. §. 2. etiamsi sit articulus mortis, si potuerit seruare formam mandati, vel canonis. Est & inter hos altera differentia; nam cui de iure competit, potest alteri delegare, vel demandare absolutionem. vt habet Gloss. cap. eis quibus de off. ord. Ei autem de iure competit, cui ex officio alicuius ordinariæ potestas competit, & Gloss. exemplificat in legatis ex officio legatio-

legationis, & his, quibus committitur ex priuilegio perpetuo, ratione dignitatis, & Episcopis in ceteris casibus, de quibus dicemus inferius, & Abbatibus. Si verò sit alicui commissum ex priuilegio speciali, quia habet nudum ministerium, non autem iurisdictionem, hic non potest alteri committere, vt habetur cap. quoniam, de offi. iud. deleg. & ibi Glof.

Octauò, absolutio obrenta in foro conscientie, etiam præmissa satisfactione, non prodest in foro exteriori, vt notat Couarr. in cap. alma mater. prior. part. relect. §. 11. num. 15. ver. 3. plurimum etenim, vt ipse dicit, detrahetur iurisdictioni Ecclesiasticæ, si à Confessario absolutus secretè, posset se ingerere diuinis.

Nonò, facultates, quæ per Romanum Pontificem dantur per Iubilæum, aut Bullas Confessariis absoluendi à quibusuis censuris, non concernunt forum exterius; sed tantum ea, quæ ad poenitentiae forum, & conscientiae purgationem spectant, vt notat Paris. conf. 67. m. 20. libro quarto, & Couar. vbi supra, ver. quinto, attestante hunc esse styllum Romanæ Curie, vt reuera est.

Decimò, non est certa forma absolutionis, sicut nec excommunicationis, est tamē necessarium aliquod verbum, quo exprimitur actus absolutionis, seu relaxationis à vinculo, Sunt autem seruanda quædam in absolutione solemnī, vt notant Doctores, & refert Anag. ver. absolutio. 3. §. 1.

Primò, vt absoluit faciat absoluendum iurare, eum paritū mandatis Ecclesiæ, seu ipsius absoluentis, iuxta c. ex tenore, de sent. excomm. quod limitat in horrendis criminibus, vt incendiariis, falsariis, & huiusmodi, non in leuioribus.

Secundò antequam absoluator, satisfaciatur sufficienter læsis pro facultate sua, iuxta cap. porro. & cap. parochinos, de sen. excomm.

Tertiò, absoluator cum psalmo, & oratione dominica, verbis, & aliis consuetis, vt dicit Silu. absolutio. 3. n. 4.

Quartò, iniungatur ei præceptum, ne vnquam faciat contra canonem illum, contra quem faciens incurrit excommunicationem.

Quintò, vtatur verbo absolutionis, vel relaxationis.

Dicat ergo primo, *Miserere.* & orationem dominicam. *Rursum. Saluum fac seruum tuum, &c. Domine exaudi orationem meam, Dominus vobiscum; Deus, cui propriū est misereri, &c.* Deinde dicat,

de dicat, *Absoluo te ab excommunicatione, quam incurristi propter hoc, vel illud, & restituo de sacramentis Ecclesie.* Ista forma nō est ita necessaria, vt si prætermittatur, & solo verbo fiat, non teneat; immō tenet, quia hæc non sunt de essentia, vt dicit Panorm. cap. fin. de rest. spolia, & Inno. ca. cum dilect. de rescript. cū communi Doctorum sententia.

Vndecimō, absolutio iniusta valet, vt habetur cap. venerabilibus. §. vbi de sen. excom. in 6. etiam, si sit ex parte causæ iniusta. Ideo Inno. in cap. cū ab Ecclesiarum, num. 6. de offi. ordin. dicit, quod si Episcopus absoluat, non præmissa satisfactione, tenet absolutio; Episcopus tamen malefacit, & debet corrigi, quia iurisdictionem non seruat subditis suis: & in hoc differt ab excommunicatione, quæ quando ex parte causæ iniusta est, non valet in foro conscientie, vt supra diximus, in ca. 10. Non tamen valet absolutio, etiam si iusta sit causa, per vim, & metum extorta, cap. vni. de iis, quæ met. in 6. quod capitulum iuxta Gloss. 2. ver. excommunicationis. habet locum, etiam si excommunicatio esset iniusta. Idem Gem. ibi num. 5. valeret tamen excommunicatio tali medio extorta, si iusta esset causa, vt Gloss. notat eod. cap. ver. vacuamus. quam Gloss. dicit Abb. in c. albas, n. 17. de his, quæ vi. met. esse mente tenendam. Nec etiam valet absolutio, quando causa expressa est falsa, vt habet Innocen. cap. ex parte. de offic. ord. & ibi Gloss. ver. redire: vt deducitur ex c. officii, & ibi Gloss. de sent. excom. puta, si mentiatur, qui absoluitur, dicens, se satis fecisse, & non satisfecit, ratio est, quia superior nō intendit absolueri, nisi ex causa expressa, vt notat Abb. in c. cū pro causa. in fin. de sent. excom. arg. tex. in d. c. officii, eod. tit. valeret tamen, licet iniqua sit absolutio, si iudex intenderet absolueri, etiam si falsa causa esset expressa, vt dicit Panorm. cap. ex parte, de offic. ord. num. 6. & quamuis dicat simili modo in eodem casu excommunicationem valere, & consentiat. Silu. absolutio 1. §. 4. nu. 13. post Gloss. in ca. venerabilibus. §. vbi. ver. competit. de sent. excom. lib. 6. Quia parius est ligandi, & soluendi. c. verbum, de poeniten. d. 1. Rot. decis. 399. in nou. tamen reuera non valet sententia excommunicationis lata ex falsa causa, quando in ea continetur notoria iniquitas facti, vel exprimitur iuris error, iuxta notata superius in cap. 10. quia tunc continere diceretur intolerabilem errorem, excederetque potestatem Iudicis, quæ quidem ratio intolerabilis erroris & excessus potestatis non militat in absolutione concessa, ex falsa, vel nulla causa expressa.

pressa; si constat de intentione à superioris absoluētis, quia nec ius humanum, nec diuinum irritat talem absolutionem. Aduerteretamen, in casibus, in quibus ita prohibet absolutionem absque causa, vt aliter facta non valeat, quantumcunque superior intenderet absoluere, talis absolutio non valet, argum. tex. c. venerabilibus, §. vbi, de sent. excomm. in 6. vbi Pontifex reddens rationem, cur teneat absolutio iniusta, dicit, quoniam etsi contra ius litigatoris, non tamen contra ius constitutionis absoluit.

De eo, qui potest absoluere ab excommunicatione in mortis articulo.

CAPVT XV.

IN primis statuendum illud est, in mortis articulo omnes sacerdotes posse absoluere quoslibet pœnitentes à quibusuis peccatis, & censuris etiam reservatis; in eo enim articulo nulla est reservatio, vt habetur Concil. Trident. sess. 14. cap. 7. & ante Concilium erat doctrina receptissima, & multis canonibus confirmata. Nec defunt, qui affirmant, eam facultatem cuilibet Sacerdoti, deficiente proprio, esse concessam iure diuino; inter quos sunt S. Thom. 4. sen. d. 20. q. 1. ar. 3. Dur. dist. 19. q. 2. & Palu. d. 20. q. 1. ar. 1. Communis tamen opinio Canonistarum est, iure Ecclesiastico concessam esse; præsumitur enim Papa in eo casu facultatem talem dare cuilibet sacerdoti, etiam simpliciter. Sunt tamen aliqua adnotanda.

Primò, secundum Innoc. & Panorm. cap. quod de his, de sent. excomm. mortis articulus non solum est, quando ex infirmitate, sed etiam quando ex alijs causis mortis periculum, probabile imminet: vt pote in mari, non quidem quando aliquis mare ingreditur, sed quando imminet naufragium, vt notat Glo. cap. pastoralis, de offic. iud. ordi. ver. præterquam in articulo mortis. Quòd si talis esset nauigatio, in qua timeretur probabiliter periculum, nec copia tunc Confessarij futura, censeretur articulus necessitatis, etiam ante imminens naufragium. Idem dicendum est in obsidione, vt ibi etiam notat Glo. & in bello, & in prægnantibus, quando imminet partus, vt notat Ioan. Andr. c. pastoralis, allegato.

Denique, quando non solum ex infirmitate, sed ex alijs causis

causis periculum mortis probabiliter imminet, censetur articulus mortis, ad effectum vt possit absolui constitutus in tali articulo à quolibet sacerdote, etiam à reſeruatis, vt notant allegati Doctores: vnde canones aliquando articulum, aliquando periculum mortis appellârunt.

Secundò, qui in tali mortis articulo absolutus est ab excommunicatione reſeruata, si conualuerit, debet se præſentare, cum primò commodè poterit corâ superiore, cui erat reſeruata; quòd si non fecerit, reincidit in eandem, vt habetur cap. eos. de ſent. excom. vbi etiam definitur; quando aliquis à Papa, vel delegato absoluitur, iniuncto, vt se Ordinario præſentet, si id non facit, cum primum commodè poteſt, reincidere etiam in excommunicationem eandem. Qui ergo in tali articulo absoluit, admonere debet de hoc pœnitentem. Notat autem Caietan. ver. excom. cap. 69. ſatis eſſe, si per se, aut per procuratorem se præſentet: quòd si non est censure, sed ſola peccatorum reſeruatio, non tenetur se præſentare, vt notat Siluest. ſecundùm communem opinionem, verb. confessor. l. num. 16.

Tertiò, quando in tali articulo simplex ſacerdos absoluit ab excommunicatione maiori, caueat, ne absoluat, nisi ſatisfactione præmiſſa, si forſan ea fieri debet, iuxta Clement. 1. de Hæret. quòd si commodè fieri non poteſt, absoluat cum cautione, ſecundùm Glo. eiufdem Clement. §. verum, ver. & tunc, quæ cautio fiat, vel per fideiuſſorem, vel per iuramentum, vel modo, quo potuerit effici. Si verò articulus neceſſitatis vrget, nihilq; horum fieri poteſt, absoluat, cum ad impoſſibile nemo teneatur.

Quartò, laicus in eo articulo non poteſt abſoluere ab excommunicatione. ita habet Panorm. cap. à nobis, 2. de ſent. excommunicatione, quicquid alij dicant, & ratio eſt efficax: nam non conceditur huiusmodi facultas abſoluedi à censure, seu excommunicatione, nisi, vt pœnitens poſſit absolui à peccatis. Cum igitur laicus nequeat abſoluere à peccatis, vt dicit Gloſſa communiter recepta, cap. paſtoralis, de officio ordin. §. præterea, conſequitur, vt nequeat abſoluere ab excommunicatione.

Quintò, præſente eo, cui caſus, seu excommunicatio reſeruata ſunt, seu abſente, ad eum tamen poteſt ſine periculo fieri reſuſus, non debet abſoluere pœnitentem ſacerdos simplex, qui extra articulum mortis abſoluere non poterat. ita habet Innoc.

Innoc. cap. 1. & c. nuper, de senten. excomm. & probari potest ex cap. eos, de senten. excomm. si enim tenetur poenitens conualescens, cum primum poterit adire superiorem, alias incidit in excommunicationem, igitur multo magis tenebitur adire eum ante absolutionem; quando sine periculo id fieri poterit.

Sexto, non quilibet sacerdos potest in articulo mortis absolvere: nam praeisus, qualis est Hæreticus, aut Schismaticus, non potest, ita habet S. Thom. 3. par. quest. 82. art. 7. ad 2. quamvis Glo. cap. non est, de sponsa. contrarium teneat; tamen Præpositi ibi dicit, Glossam hanc communiter esse reprobam, & Panormitan. ibidem, affirmat, veriore esse alteram Glo. d. 32. can. præter. §. verum, quæ tenet oppositum. Ratio Panormita. & aliorum est, ne poenitens in eo articulo decipiatur ab Hæretico, aut in desperationem inducatur. At, si casus accideret, quod non esset periculum tale desperationis, aut seductionis, non est improbabile, quod affirmant, præter Gloss. allegatam, etiam Palud. 4. senten. distinct. 25. questione 1. & Siluest. verb. confessor. 1. §. 16. posse nempe absolui ab Hæretico, aut Schismatico, quando scandalum non esset. Communis tamen opinio est in contrarium.

Septimo, idem censent quidam de excommunicato maiori excommunicatione, quod de Hæretico, & Schismatico, ita habet Turrecrem. cap. præter hoc, distinct. 32. tamen oppositum est verius; & quidem de excommunicatis quibuscunque, præter nominatim denunciatum, & publicum percussorem clerici, certum est, eos posse in articulo mortis absolvere, cum liceat cum illis communicare per extrauagantem Martini, ut supra diximus. Quod verò ad hos duos attinet, non est eadem ratio de eis, & Hæreticis, cum certum sit, nullum periculum subesse, si ab excommunicatis sacramenta suscipiantur; & si concessum est extra articulum mortis communicare cum excommunicatis alijs, multo magis concessum erit in mortis articulo communicare cum illis duobus. Quam opinionem ante nos amplexus est Melchi. can. relect. de poenit. par. 5.

Octauo, absolutus sacramentaliter in mortis articulo, à simplici etiam sacerdote, sepeliri debet in loco sacro, etiam si absolutus non sit ab eo, cui erat reservata excommunicatio. ita habetur cap. Parochiano, de sepul. quod etiā intelligitur de Hære.

Hæretico, quamvis propter instantem necessitatem non fuerit solemniter reconciliatus, ita habet Innoc. cap. à nobis, 2. de sent. excom. & Host. lib. 3. summ. tit. de sepul. §. quibus interdicatur.

Nonò, qui non potuit in mortis articulo absolui ab excommunicatione, si petijt pœnitentiam, & signa contritionis ostendit, potest absolui post mortem; non quidem à peccatis, sed ab excommunicatione; non tamen à quolibet sacerdote, vt potuit ante mortem, sed ab eo, ad quem est reseruata excommunicatio, ita habetur cap. à nobis, 2. de sent. excommu. vbi Innocen. & Panorin. reddunt causam, cur non à quolibet post mortem absoluator, sicut ante mortem, nimirum, quia iam cessat periculum, quod prius erat in mora, ne discederet non absolutus à peccatis. Signa autem talia pœnitentiæ, quæ fuerunt ante mortem, probari possunt per vnum testem fide dignum, vt dicit Henric. Boic. eodem c. à nobis, num. 6. & Astens. lib. 5. tit. 16. quid nulli sit præiudicium. Non tamen debet sepe- liri huiusmodi, qui mortuus absoluitur, antequàm absoluator ab excommunicatione, etiam cum signis contritionis mortuus fuerit, vt definitur eodem cap. à nobis, allegato. Etia hæreticum mortuum cum signis contritionis posse absolui post mortem, sicut & alios pœnites, affirmat Innoc. in eodem c. & ratio eadem militat in omnibus.

De eo, qui potest absolueri ab excommunicatione extra mortis articulum.

CAPVT XVI.

IN primis illa, quæ dicta sunt de eo, qui potest excommunicare, etiam dici debent de eo, qui potest absolueri eisdem de causis. Nec enim fœmina, nec laicus, nec simplex sacerdos absolueri possunt, cum absolueri sit iurisdictionis ecclesiasticæ; quæ iurdictio in illis non est, nisi ex privilegio aliquo, vt illic diximus. Qui etiam iurisdictionem habent ex officio, tamen impeditam ob aliquam censuram, quia nimirum excommunicati, vel suspensi sunt, absolueri non possunt, quando nominatim excommunicati, & denunciati, aut publici clericorum percussores sunt, iuxta Bullam Martini. Supposita ergo iurisdictione, & remoto impedimento, & extra tempus necessitatis, modò quærimus; quis possit absolueri à maiori

maiori excommunicatione: pro cuius resolutione repetenda est diuifio illa excommunicationis à iure, & ab homine, & loquendum primo de ea, quæ est à iure; quæ quidem duplex est, & reſeruata, & non reſeruata. Reſeruata eſt, quando conditor canonis abſolutionem ſibi, vel alteri reſeruauit. Non reſeruata eſt, quæ à conditore abſolute fulminatur, non exprimendo, ad quem eius abſolutio pertineat. Quando reſeruata eſt, tunc ille ſolus poteſt abſoluere, cui reſeruatur: vnde, quando abſolutiones in canonibus & iuribus Summo Pontifici reſeruantur, Epifcopi non poſſunt abſoluere, nec alii inferiores, niſi ex commiſſione aliqua, vel conceſſione, vel priuilegio ab eodem Summo Pontifice factis, & in hoc omnes Doctores cōueniunt.

Quando autem non eſt reſeruata, etiamſi à Papa ſit fulminata, poteſt tunc excommunicatus abſolui ab Ordinario, vel à proprio ſacerdote; vt habetur in cap. nuper. de ſen. excomm. licet enim proprius ſacerdos non habeat iuriſdictionem, tamen abſoluit ex commiſſione Papæ: vt habetur expreſſè in d. cap. nuper. Et per Ordinarium intelligimus Epifcopum, Capitulum, ſede vacante, vel alium Prælatum habentem iuriſdictionem in excommunicatum, vt habet Silu. abſolutio. i. §. 4. Simplex etiam ſacerdos, qui non ſit curatus, ſeu parochus, habens tamen facultatem abſoluendi à peccatis mortalibus, poteſt abſoluere ab excommunicatione, ſecundum Innocen. & Hoſtien. in dicto cap. nuper. in fin. & S. Thom. 4. d. 18. q. 2. ar. 5. & Bonauent. 4. d. 18. q. vltima. Silu. ver. abſolutio. i. nu. 4. & hæc eſt communis ſententia: nam per proprium ſacerdotem intelligitur omnis is, qui à peccatis mortalibus abſoluendi habet facultatem, & ſic de proprio ſacerdote procedit text. in d. cap. nuper. licet. Panormit. cap. monachi. & c. mulieres de ſen. excomm. cum aliis teneat, proprium ſacerdotem, etiam curam animarum habentem, abſolvere non poſſe, & ipſam ſententiā Abb. praxis communis recepit. teſte Couar. in rep. c. alma mater. prior part. reſelect. ver. nobis autem prior placet, §. 12. n. 5. in fin. qui etiam teſtatur vtramq; opinionem eſſe communem, nec obſtat, quod ſi par poteſtas ligandi, & ſoluendi, c. verbum de pœnit. d. 1. quia ſacerdos proprius ex commiſſione canonis nuper. abſoluit, prout etiam aliquibus in caſibus canonum commiſſione etiam excommunicat, vt notat Silueſt. abſolutio. i. num. 5.

Aduerte autē, aliquando in iure excommunicationis, ab-

D

ſolutio-

solutionem referuari Episcopo, vt in cap. mulieres, de sen. ex-
 com. vbi statuitur, vt mulieres, & persona non sui iuris ini-
 cientes manus violentas in clericos, ab Episcopo Diocesano
 absoluantur, & tunc non nisi ab Episcopo, non autem ab infe-
 riori absolui possunt, vt notat Angel. absolutio. i. §. 3. Si tamen
 Prælati inferior habet iurisdictionem quasi Episcopalem pri-
 uatiuè ad Episcopos, potest omnia, quæ potest Episcopus in
 his, quæ sunt iurisdictionis, vt tenent Abb. in Clem. i. nume. 8.
 de reb. eccles. non alien. & in c. i. nu. 7. de voto. & Fely. in cap. at
 si clerici. §. de adulteriis. nu. 11. Etsi officium concessum Epi-
 scopo in sua diocesi in his, quæ sunt iurisdictionis, competit
 etiam prælato inferiori habente iurisdictionem Episcopalem,
 vel quasi; vt etiam in specie absolutionis ab excommuni-
 catione notat Fely. vbi supra. Simile est in aliis casibus, in qui-
 bus ius alicui referuatur, tunc inferior non potest, sed ille cui
 referuatur, vel superior. Idem est dicendum de excommuni-
 cationibus statutorum Prouincialium Conciliorum, seu sy-
 nodalium, seu quæ faciunt Legati in suis legationibus. Si e-
 nim non referuantur absolutiones, potest Ordinarius, vt ha-
 bet Panorm. in cap. graue. de præben. Addit etiam Silu. ab-
 solutio. i. §. 7. proprius sacerdos etiam potest absolvere: nã hæc
 excommunicationes sunt furis cuiusdam: excipit tamen Reli-
 giosos, quibus prohibitum est à talibus synodalibus, aut pro-
 uincialibus sententiis absolvere, præterquam in casibus à iure
 expressis, vel per Sedis Apostolicæ priuilegia concessis, Clem.
 religiosi de priuileg. Vltra hoc Panorm. in prædicto capit. gra-
 ue. addit, posse Episcopum absolvere subditum suum, etiam si
 in aliena diocesi contrahere excommunicationem, contra-
 ueniens statuto prouinciali, vel synodali illius diocesis, etiam si
 esset confirmatum per Papam, si non est reseruatio vlla: & ra-
 tio est in promptu, quia, si potest absolvere ab excommuni-
 catione lata per canonem, igitur & ab ea, quæ fertur per con-
 stitutionem inferioris, licet sit confirmata per Papam. Immo
 si quis habens domicilium in aliqua diocesi contrahit exco-
 municationem ex statuto aliquo non reseruatum, & postea se
 transfert in aliam, potest absolui ab Ordinario, ad quem se
 transfert, vt dicunt Ioan. Andr. & Panorm. cap. ex frequen-
 tiis, de institut. & Ricar. 4. d. 18. art. 9. q. 3. Etiam proprius sacer-
 dos posset iuxta superius dicta: sed intellige, si non est reser-
 uata, aut ab homine in particulari lata; tunc enim pertinet ad
 eum qui excommunicauit. Eadem etiam est ratio in statutis,

sententiis generalibus Ordinariorum, quando excommunicationes fulminantur in genere, non determinata persona; hæ enim vim iuris habet, et si non est reservatio, & ab eis possunt absolueri illi, qui absoluunt à non reservatis à iure, ut habent Io. Andr. & Card. in d. c. graue. de præben. Hæc dicta sint de excommunicatione à iure vel ab homine in genere latis;

Supereft dicamus de excommunicatione ab homine, quæ in particulari fulminatur contra determinatam personam: huius autem absolutio pertinet ad eum, qui excommunicauit; vel ad successorem, si mortuus est, vel ab officio ammotus qui tulit sententiam; ut habetur. ii. q. 3. can. 38. vel ad superiorem habentem plenam iurisdictionem in excommunicatore: ut, si sacerdos parochialis, vel Archidiaconus, aut alius subditus Episcopo ex consuetudine; vel alio iure subditum suum excommunicauit, talis, ab Episcopo potest absolui, ut habet Inno. c. cū ab Ecclesiarum. de offic. ordi. quia Episcopus est Ordinarius totius diocesis. ii. q. 1. per totam, & c. cum Episcopus, de offic. ordin. lib. 6. & concurrit cumulatue cum his ad actum iurisdictionis. Glof. in cap. pastoralis, in princ. & ibi Doct. de offi. ordin. & Abb. in cap. qua fronte, num. 7. de appel. Non tamen debet, irrequisito excommunicatore, si ex officio processit, absolueri, ut habet Abb. in cap. per tuas, nu. 13. de sent. excom. Nec etiam parte non citata, sed ad instantiam partis fuit lata excommunicatio; ut dicit Abb. ibi & notant Doct. in cap. qua fronte, de appel. nisi periculum, sit in mora, secundum Abb. in d. c. per tuas, nu. 13. Si tamen faceret, teneret absolutio, secundum communem, ut notat Abb. in d. cap. qua fronte, nu. 6. 7. etiam non præmissa satisfactione; tamen malefaceret, quia suis subditis iurisdictionem non seruat, ut notat Inn. in d. c. cum ab Ecclesiarum, nu. 6. Hoc tamen limitandum est, nisi consuetudo habeat, ab Episcopo non posse absolui excommunicatos per inferiorem: sed alterum primò cognoscere debere, tunc enim absolueri non posset, neque teneret, quod ab Episcopo fieret; iuxta Inn. ubi supra, num. 6. per cap. dilectio. de offic. Archi. Si autem superior non haberet plenam iurisdictionem, absolueri non posset; unde Archiepiscopus non potest absolueri excommunicatum à Suffraganeo indifferenter, nisi ab eo fuerit ad illum appellatum, & hoc, vocatis partibus, & cognitio de appellatione, ut habetur cap. Romana. de appel. in 6. vel in quibusdam casibus, in quibus iudicare potest de subditis Suffraganeorum. Qui autem sint isti casus, vide

Silueft. in summ. ver. Archiepiscopus. Extra hos casus, si absoluat, nulla est absolutio, quia est à non suo, iuxta cap. pastoralis, de officio ordin. & notat Abb. in cap. qua fronte, numer. 7. de appell.

Aduerte autem, si superiori, ad quem deuoluitur iurisdic-
tio via appellationis, constat euidenter sententiam excom-
municationis esse iustam, debet absque absolutione remitte-
re excommunicatum ad excommunicatorem; nisi excom-
municator requisitus, malitioso illi absolutionis beneficium
deneget, iuxta cap. per tuas, in fin. & ibi, Abb. num. 10. de sen-
excomm. Si verò constat, iniustam esse sententiam, nequaquã
est remittendus ad suum excommunicatorem: sed debet sine
difficultate alicuius mox absolui, cap. venerabilis, §. sane de sen-
excomm. lib. 6. & Abb. vbi supra. Quod si dubitatur de iusti-
tia, vel iniustitia, tunc ante absolutionem, siue petatur ad cau-
telam, siue non, debet constare de legitimitate appellationis,
& tunc est in optione sua, an velit remittere, an absolvere, vt
habet Abb. vbi supra per illos tex.

Aduerte rursus, in casibus, in quibus est deuoluta iurisdic-
tio ad iudicem, si ipse iudex absoluat absque citatione, valere
absolutionem, iuxta Abb. in cap. qua fronte, num. 7. de appel.
Potest etiam ille, cui Episcopus committit suas vices, absolue-
re ab excommunicatione lata per ipsum Episcopum, quando
expressè commissa est absolutio: non autem, si in genere com-
mittit vices suas, vt habet Director. lib. 3. §. 5. & Angel. absolu-
tio. 2. §. 4. immo etiam, si committat vices in his, quæ requiri-
runt speciale mandatum: nam in tali mandato non claudun-
tur grauiora, & maiora, quàm sint in commissione expressa,
vt habetur ex Clem. non potest, de procurat. Absolvere autem
ab excommunicatione est maius, quàm absolvere simplici-
ter, quia est cum iniuria superiorum, vt etiam habet Silu. ab-
solutio. 2. §. 2.

Similiter etiam, quando quis excommunicatus est, quia
participauit in crimine criminoso: pertinet absolutio ad ex-
communicatorem prioris, vt habetur cap. nuper de senten. ex-
com. vel ad eius successorem, vel superiorem, aut vicarium, vt
dictum est de absolutione ab excommunicatione ipsa homi-
nis: & idem est, quando excommunicatio fuit canonis, eiusdẽ
enim est absolutio talis participantis, cuius est absolutio ex-
communicati, cum quo taliter participat, vt notat Couar. cap.
alma mater. §. 3. n. 5.

Extra territorium autem proprium, sicut Episcopus, vel alius iudex non potest excommunicare suos subditos, vt superius diximus, ita nec absolvere, nisi de licentia proprii diocessani, vel, vt illic adnotauimus, quando est expulsus à propria diocesi; vtrumque tamen intellige, cum necessaria est cognitio causæ ad excommunicandum, vel absolvendum; si enim non est necessaria, quæ est in manifestis, potest vtrumque facere, vt habet Angel. absolutio. 2. §. 5. Hostien. in c. nouiter, & ibi Henric. Boic. de offic. leg. Aduerte autem causæ cognitionem tunc impedire absolutionem, quando fit cum strepitu iudicij, & non quando ex officio priuatim adhibetur; vt notat Card. Alex. in c. qui in aliquo, col. 2. in fin. distin. 51. & Calderi. conf. 2. de elect.

Aduerte postremò, quamuis verum sit, qui excommunicauit, quando sententia est ab homine, in particulari, posse absolvere à sua sententia; tamen in aliquibus casibus non potest.

Primus est in delegato Papæ, qui inobedientem suæ sententiæ excommunicare potest; tamen post annum à sua definitiua sententia, non potest absolvere permanentem in excommunicatione tali, ita habetur cap. quarenti. de offic. delegat. vbi Panormit. affirmat, eandem rationem esse de quouis alio delegato alterius; pertinet enim tunc absolutio ad eum, cuius est delegatus.

Secundus casus est, postquam excommunicauit, ipse incidit in excommunicationem, quia tunc, sicut non potest excommunicare, 42. q. 1. can. audiuius, ita nec absolvere: quod de publico intelligendum est in foro exteriori, & de maiori excommunicatione: nam si incidit in minorem, potest absolvere, iuxta cap. si celebrat. de cleri. excom. ministr.

Tertius casus, in incendiario, quem Ordinarius excommunicare potest; sed post denunciationem absolvere non potest, sed solus Papa, vt habetur cap. tua, de sent. excom. Aduerte autem; incendiarium Ecclesiæ, vel loci religiosi, esse ipso iure excommunicatum, c. in literis, & ibi Glo. de raptor. & incendiar. & Glo. in c. cum deuotissima. ver. si verò, 12. q. 2. Alij verò incendiarij non sunt ipso iure excommunicati, sed excommunicandi per sententiam, & tam primi, quam secundi, post publicationem non possunt absolui, nisi per Papam. Antea verò Ordinarius posset, vt habet Abb. in d. c. tua, nu. 2.

Quartus est, in sententia lata ab inferiori, sed per Papam ex

certa scientia confirmata, quod intelligitur de sententia ab homine, secundum Ioan. Andr. cap. ex frequentibus, de institut. Secus, si confirmat sine certa scientia, aut causæ cognitione, vel sententia esset per statutum quantumcumque confirmatum; quia tunc absolueret inferior, nisi Papa sibi, vel alteri reueruasset, sicut de his, quæ sunt à iure, ut supra diximus.

Quintus, in eo, cui Papa mandat, ut aliquem excommunicet sine aliqua cognitione causæ, quia, cum talis sit merus executor, absolueret non poterit, deducitur hoc ex cap. fin. §. fin. de offi. delega. Secus, si cognitionem causæ mandasset, quia tunc posset absolvere, ut notant Ioan. Andr. & Hostien. c. cum inferior. de maior. & obed.

Sextus, quando Episcopus denunciatur excommunicatum spoliatores Ecclesiæ cum effractione, tunc à Papa est absolvendus, ut habetur cap. conquest. de sen. excom. Hi sunt casus, in quibus in sententia ab homine non potest is, qui excommunicatur, absolueret: ex quibus omnibus patet, quis possit absolueret ab excommunicatione.

De minori excommunicatione.

CAPVT XVII.

MINOR excommunicatio hominem separat à passiva sacramentorum communione; ita ut, qui aliquod sacramentum suscipit, mortaliter peccet; non tamen ob talem susceptionem irregularis fit, etiamsi celebret, ut habetur cap. si celebrat. de cler. excom. ministr. A collatione verò actiua sacramentorum, non remouetur: ob id, nec mortaliter peccat conferendo, nec irregularis fit: unde, qui celebrat, mortaliter peccat, quia celebrando, sacramentum suscipit; conferendo tamen, grauiter peccat, ut habetur prædicto cap. si celebrat. Hoc tamen Doct. multi exponunt de veniali peccato, inter quos sunt Maior. 4. d. 18. q. 2. Adrian. 4. in materia de clauibus. q. 3. & Palud. 4. d. 18. q. 6. quibus consentio, quia per excommunicationem hanc, non separatur ab actiua sacramentorum collatione; unde non peccat mortaliter, conferendo, sed venialiter, ob irreuerentiam quandam, etiamsi aliqui aliter sentiant. Sacramenta tamen collata à tali excommunicato tenent, & suum sortiuntur effectum, ut omnes Doct. dicunt. In hac igitur

igitur separatione à passiuâ sacramentorum communione huius excommunicationis natura consistit; sicut etiam natura maioris excommunicationis in illa plena separatione, de qua diximus in superioribus.

Minoris excommunicationis effectus vnus est, nempe priuare huiusmodi excommunicatione passiuâ beneficij Ecclesiastici, vt eligi non possit ad beneficium, seu dignitatem Ecclesiasticam. ita habetur in prædicto cap. si celebrat: vnde, qui minori excommunicatione ligatus beneficium recipit, mortaliter peccat, sicut & sacramentum suscipiens, quia, tam sacramentorum susceptione, quàm electione passiuâ priuatur. An tamen talis electio teneat, an potius ipso iure sit nulla. Doct. discordant. Panormitan. eodem ca. si celebrat. & ibi Glo. cum alijs tenent, ipso iure nullam esse, immò etiam, si ignorata excommunicatione eligitur. Mihi tamen magis placet, cum Felyn. cap. dilecta, de except. Angel. ver. electio. §. 24. Siluest. ver. electio. §. 16. non esse ipso iure nullam, sed esse annullandam per sententiam, & quod memouet est, quia in illo cap. si celebrat. dicitur, iterandam esse talem electionem, quod verbum non significat ipso iure irritam, & nullam, immò dicitur, si scienter excommunicatio est facta; quando enim ignorantia erat, adhuc non videtur irritanda, nec est aliud caput, in quo talis electio ipso iure irritetur: nam reliqua, in quibus electio excommunicati ad beneficium annullatur, procedunt de maiori excommunicatione, vt ex ipsis colligitur, & ex Doctorum communi sententia. Quæ autem sunt iurisdictionis actiue, vt eligere, excommunicare, & cetera, non sunt prohibita excommunicato minori excommunicatione, vt Doct. communiter tenent, in prædicto illo cap. si celebrat. & in eodem cap. expressè id habetur.

Minor hæc excommunicatio, licet ab homine ferri possit, tamen non est in vsu, immò in iure non inuenitur casus alius, in quo propriè contrahatur, nisi communicando cum excommunicato, iuxta cap. nuper, de sent. excom. Quid limitandum adhuc est per extrauagantem Martini, superius positam ad nominatim excommunicatos, & denunciatos, & ad publicos percussores clericorum, qui enim cum his communicat, minorem contrahit excommunicationem, sed hæc minor non afficit alios; non enim qui communicat cum excommunicato minori, contrahit minorem. ita habet Glo. ii. quæst. 3. can. ex-

cellentissimus, etiam si cōmunicet cum eo in sacramentorum susceptione, ea ei conferendo : unde fit, vt minor etiam propter veniale peccatum contrahatur aliquando : nam, vt supra diximus, non semper est mortale peccatum communicare cum excommunicato : nam in humanis communicare, est veniale, nisi adit cōtemptus, vel sit excommunicatus de participantibus : & tamen minor etiam in eo casu contrahitur, in quo est veniale.

Eius absolutio potest fieri, etiam à quocunque sacerdote, habente facultatem absoluēdi prædictum excommunicatum à mortali, vt habetur cap. nuper, de sent. excomm. Immo, si excommunicatus non haberet nisi veniale, posset absolui à quocunque simplici sacerdote, vt habet D. Nauarr. cap. 27. in sum. num. 39. talis enim sacerdos respectu venialis est proprius Confessarius.

*De excommunicationibus in Bulla Cœna
reseruatis.*

CAPVT XVIII.

POSTQVAM ea pertractauimus, quæ de excommunicatione in generali scitu necessaria duximus, ad casus particulares, quibus excommunicationes à iure contrahuntur, descendere oportet, est enim necessarium. Confessarium hos non ignorare. At quia excommunicationes in duplici differentia reperiuntur, quædam sunt, quarum absolutio summo Pontifici reservatur; quædam, quarum absolutio aut nemini, aut Episcopo reservatur: priori loco duximus exponendas eas quæ Papæ reservatam absolutionem habent: quamvis autem inter has, quædam sint antiquiores, quædam minus antiquæ; & inter has sint quæ communiter vocantur in Cœna Domini, tamen quia harum absolutio difficilior à Sede Apostolica cōceditur, & quia hæ singulis annis, solemnitate magna à Romano Pontifice, coram toto populo fulminantur, initium faciemus ab ipsis, exponentes Bullam Cœnæ, editam à Sanctissimo Domino Sixto Quinto, Anno millesimo quingentesimo octuagesimo sexto: antequàm autem ad eius expositionem accedamus, oportet prænotare tria.

Primo, Bullam hanc appellari processus generales, quasi sententias quasdam contra personas quascunque delinquentes,
& con-

& contrauenientes mandatis Romani Pontificis contenti, in eis, Romanus enim Pontifex animaduertens vnionē fidelium cum capite Christo, & secum eius Vicario maximē esse necessariam, ad Religionis puritatem retinendam, specialia quaedam, quæ huic vnionj obstare posse videbantur, sententia particulari prohibuit, & licet quædam ex eis antiquo iure prohibita essent, etiam sub excommunicatione reſeruata Romano Pontifici; quædam verò excommunicatione non reſeruata; quædam autem nullam censuram haberēt annexam; voluit tamen hæc omnia hominis sententia multo magis, quàm antè erant, inhibere, & à fidelibus prorsus auertere, vt acerbior poena à peccatis huiusmodi perpetrandis amplius detereretur. Atque hæc est materia, & finis horum processuum. Olim autem ter in anno publicabantur solenniter à Romanis Pontificibus, vt habetur in Cæremoniali vetusto manuscripto in Bibliotheca Vaticana, & refert Glo. in Clem. i. tit. solennes, de iudi. puta in die Iouis Sancti, in die Ascensionis, & in die dedicationis basilicæ Petri, & Pauli. Modò tamen à multis annis semel in anno publicantur, nempe in die Iouis Sancti; ob id communiter processus hi vocantur Bulla in Cœna Domini.

Secundò adnotandum est, processus hos antiquos esse, & Romanos Pontifices à multis annis solitos fuisse eos publicare: nam in Vaticana Bibliotheca reperiuntur processus Gregorij vndecimi: qui vixit anno Domini millesimo trecentesimo septuagesimo, nec credimus primus, qui hos publicauit: licet autem, quando inceperint, ignoretur, hoc tamen certum est, Romanos Pontifices mutasse, aut minuendo, aut agendo; in illis enim processibus Gregorij, hæc tantum excommunicationis fulminata reperiuntur; contra Hæreticos, piratas, imponentes noua pedagja, defetētes prohibita ad infideles, falsarios literarum Apostolicarum; mutilantes personas ad Sedem Apostolicam venientes, & recurrentes ad eandem curiam super eorum causas: capientes Romipetas; & occupantes terras Ecclesiæ. At nunc multò plura personarum genera comprehensa sunt sub posterioribus processibus, & sub præsentibus maximè, de quibus nunc tractamus.

Tertiò adnotandum est, excommunicationes contentas in huiusmodi processibus, esse ab homine, vt benè adnotârunt Doct. Sotus, 4. d. 22. q. 2. art. 3. & Nauar. c. 27. summa; num. 54. Habent tamen vim iuris non solum in eo, quod generaliter fulminantur, sed etiam in eo, quod durat efficacia eorum, etiā

mortuo Pontifice, & Sede vacante: nam quamvis olim affirmari posset mortuo Pontifice, processus hos non habere robur contra peccantes, seu contravenientes mandatis eo tempore, quo Sedes vacabat licet ij, qui antè erant ligati viuente Pontifice, non ob id censerentur absoluti, sicut in sententia ab homine ista solent accidere tamen in his processibus presentibus, & quia tempore Pij Quinti pronunciati sunt, id cautum est, processus hi habeant robur, etiam Sede vacante, usque ad tempus quo à futuro Pontifice noui edantur. His igitur suppositis, accedamus ad singularum partium explicationem.

*De prima excommunicatione in Bulla
Cœne contenta.*

CAPVT XIX.

PRIMA excommunicatio fulminatur contra hæc vndecim genera personarū. Hæreticos quocumq; nomine censeantur, & cuiuscumque sectæ existant; eorum credentes; receptatores; fautores; quoslibet eorum defensores. Libros Hæreticorum hæresim continentes, vel de religione tractantes, sine Sedis Apostolicæ auctoritate, scienter legentes. Eosdem libros retinentes; imprimentes; quomodolibet defendentes, quauis causa, publicè, vel occultè, quouis ingenio, vel colore. Schismaticos, eosque, qui à Roma Pontificis pro tempore existentis obedientia pertinaciter se subtrahunt, aut recedunt. Horum quinque, scilicet Hæretici; eorum credentes; fautores; receptatores; defensores, erant excommunicati olim iure communi, licet excommunicatio non fuerit reseruata, c. excommunicatus, extra de Hæretic. ab Innoc. 3. & c. quicumque, de Hæ. in 6. ab Alex. 4. Schismatici etiam excommunicati erant, c. nulli, d. 19. vt benè notauit Silu. ver. Schismaticus, §. 5. Oportet singula explicare.

Hæretici dicuntur, qui errorem habent aliquem contra fidem cum pertinacia; est enim pertinacia necessaria ad constituendum hominem hæreticum, vt habetur, 24. q. 3. can. dixit Apostolus: & can. qui in Ecclesia. Est autem pertinacia, quādo homo scit, aut scire debuit, & potuit aliquid esse contrarium Scripturæ Sacræ, aut ab Ecclesia damnatū, & ei adhæret assensus: vnde ignorantia crassa à pertinacia non excusat; vt dicit Sotus 4. d. 22. q. 2. art. 3. Dubius etiam cum eadem pertinacia

in fide

in fide est hæreticus, cap. de hæreti. vbi dicitur: Dubius in fide est infidelis, & cap. 1. de sum. Trinit. vbi censetur hæreticus dubitans animam rationalem esse corporis formam. Ille autem dubitat cū pertinacia, qui animo deliberato dubitat in ijs, quæ sunt contra scripturam, aut Ecclesiam, sciens, aut ignorantia crassa ignorans.

In hoc autem sunt tria notanda. Primum est, ad incurrendam excommunicationem, non satis esse interiorem hæresim, aut dubium; qui enim hæreticus est tantum in mente sua, nec villo signo, vel verbo, vel facto expressit errorem, non est excommunicatus, potestque absolui à quolibet Confessario. ita tenet Alexand. de Alex. 2. p. q. 182. nu. 2. & S. Thom. 1. 2. q. 91. artic. 4. qui docent, vniuersaliter non posse Ecclesiam circa actus purè interiores præcipere aliquid, aut punire. Hoc in particulari de hæretico tenet etiam Anto. 3. par. tit. 25. cap. 4. Caietan. ver. hæresis. Palud. 4. d. 13. q. 3. cum alijs multis licet contrarium teneat Gloss. Clement. multorum, de hæreti. & Adria. quodlib. 8. q. 1. Sed prima sententia est communissima, & tenenda.

Secundum est, hæreticum purè exteriorem, qui facto, vel verbo hæretico vsus est, aut timore, aut alia passione, sed interius non est hæreticus, non incurrit etiam in excommunicationem in foro interiori. dico interiori, quia exterius, sicut reputabitur hæreticus, sic etiam excommunicatus. Istud est contra Caiet. 2. 2. q. 94. artic. 1. q. 12. ar. 1. tamen eius sententia, non est tenenda; cum enim huiusmodi homo verè non sit hæreticus, non comprehenditur sub censura lata contra hæreticos: & ita tenet Anton. 3. p. tit. 12. c. 5. Tabi. ver. hæreticus, nu. 1. Silu. ver. hæres. 1. §. 9.

Tertium est, hæreticum, qui interius habet errorem, & exterius exprimit aliquo signo, vel verbo, vel omissione alicuius exteriorum, quod debebat facere, & ex errore omittit, quantumcumque sit occultissimus, incidit in excommunicationem istam. Ita tenet Caiet. ver. hæres. Silu. ver. excommunicatio. 7. §. 3. & Glo. 24. q. 1. can. Achatius 1. & Palu. 4. d. 13. q. 3. nam ille talis est hæreticus, super quem Ecclesia facultatem habet.

Secundum genus personarum est, credentium hæreticorum; qui autem sint credentes hæreticorum explicant benè Archidia. cap. quicumque, de hæ. in 6. & Palud. 4. sen. d. 13. q. 3. & Silu. verb. hæresis 1. §. 10. nempe illi, qui errorem expresse, & explicite non habent, sed implicite. exemplum ponit Palud. de quibus

quibusdam. Vnus habebat multos errores, & dicebatur Gulielmus; alter erat Rusticus, nihil in particulari sciebat, sed dicebat se velle mori in fide Gulielmi, prior erat hæreticus, posterior dicebatur credens, & absque dubio, etiam credens hæreticus est, sed credens dicitur, quia hæresim implicite, & in alio profitetur. Sicut etiam inter Catholicos sunt Rustici, qui fidem implicite tenet credentes quidquid credit Ecclesia. Credentes igitur hæreticorum, excommunicati sunt, quando talem implicitum errorem expriment exteriorius dicentes Calvinum fuisse virum bonum, se velle mori in fide illius, & alia his similia errorem suum exprimentia.

Tertium genus personarum sunt, receptatores hæreticorum aut credentium eorum: notant autem Archid. Palu. Silu. locis citatis, non sumi receptatores secundum vim grammaticam, ut illi dicantur receptare, qui frequenter recipiunt; sed enim ad contrahendam hanc excommunicationem, si vel semel receperint. Dicuntur autem, secundum prædictos, doctores receptare omnes illi, qui in domibus, vel in alijs locis hæreticos recipiunt, occultando eos, ne in maius Iudicium veniant, & poenas in hæretico latas euitent, Idem etiam tenet Tabie. ver. excomm. §. casu 2. num. 7. & deducitur hoc ex leg. 1. ff. de recepta. & in leg. congruit. ff. de offic. præsid. Vbi dicuntur receptatores, sine quibus latro diu latere non potest, quasi is sit receptor, qui recipit ad occultandum. Qui ergo alios ob fines recipit, non est censendus receptor; ut, qui recipit, occiditur à latrone, vel à Iudice procedente ratione homicidij, vel alterius criminis; debet enim esse in causa hæresis.

Quartum genus personarum sunt, eorundem fautores, prædicti autem Doct. Archi. Palu. Silu. locis citatis, explicant, fautores esse in duplici differentia; quidam sunt fautores omissione, quidam commissione, ij dicuntur omissione fautores, qui, cum ex officio teneantur hæreticos punire, & incarcerare, non faciunt, nec contra eos procedunt, iuxta c. ad abolendam, de hæret. Addit etiam Silu. sub hac censura comprehendi etiam personas priuatas, quæ ex iuramento aliquo tenentur eos deferre, aut denunciare, & non denunciant, quales sunt ij, qui familiares inquisitionis dicuntur; non tamen illos, qui non ex iuramento tenentur, sed ex præcepto charitatis: nam quilibet hæreticum denunciare tenetur, & omittendo denunciare, peccat; tamen non censetur fautor, nisi iuratus sit; quamuis Palu. 4. d. 18. quaest. 3. art. 1. teneat, esse fautores, personas priuatas

tas, quæ nolunt indicare, melius tamen dicit Siluest. Illi autem dicuntur commissione fauere, qui verbis literis, aut factis fauent, vt, qui laudat hæreticos, dicendo, iniq; Inquisitores procedere contra ipsos, esse bonos viros; aut, qui mittunt munita, iuxta cap. accusatus de hæret. in 6. aut præstant alimoniam, arma, quibus fugiant, & liberent se à manibus Iudicum, aut alia huiusmodi faciunt; fauor enim semper debet esse in ordine ad hæresim; vt etiam dicit S. Anton. in tract. de excom. cap. 4.

Quintum genus est, defensorum hæreticorum, vel creditum eorum: qui autem sint defensores, explicant Archid. ca. quicumque, de hære. in 6. & Sil. hæresis. l. §. 10. nempe, qui viribus, aut potentia defendunt hæreticos, ne veniant in manus Iudicum puniendi, aut excommunicandi, aut capiendi. Dicit etiam Card. Clemen. l. de pœnit. defensores esse eos, qui patrocinium præstant, & aduocant pro hæreticis, scientes, non habere illos iustitiam, & in hoc casu hæresis. Addit etiam Palu. 4. d. 13. q. 3. Notarios etiam qui suum ministerium adhibent in simili casu, esse defensores. Ex his sequitur, defensionem esse intelligendam in ordine ad hæresim; vnde Silue. loco citato dicit, non esse defensorem, qui hæreticū defendit à priuata persona, vt à latrone, vel alio iniuste volente ei nocere. Adde etiā non esse defensorem, qui in causa ciuili, vel criminali alia ab hæresi ipsū quoquomodo defendit. Tales enim non sunt defensores, de quibus in Bulla fit mentio.

Oportet autem in his tribus, receptatione, fauore, & defensione adnotare, ad contrahendam excommunicationem, debere fieri scienter, nempe, vt qui receptant, fauent, defendunt hæreticum, ea faciant scientes eum esse talem. Adnotanda etiam est in his tribus doctrina Caiet. ver. excommu. c. 1. non esse fautorem, defensorem, receptatorem hæretici, nisi qui defendit, fauet, receptat hæreticum, vt hæreticus est. idem Nauar. c. 27. summa, num. 56. Quod intelligi dupliciter potest, vno modo, vt fauor receptatio, aut defensio hæretici fiat propter hæresim, seu in fauorem hæresis. Altero modo, vt fiat in causa hæresis, licet non fiat propter hæresim. Primo modò nō est intelligendus Caietan. est enim opinio falsa; non enim tantum, qui sic receptant, fauent, aut defendunt, excommunicati sunt: nam l. 2. ff. de recepta. puniendus est, vt receptator conflagrarius, & affinis, qui receptat latronem occultando: & clarum est, quod illi non recipiunt, quia fur est, vel in furti fauorem

uorem, sed quia consanguineus; tamen: quia illa receptatio est in futuri occultationem, censetur receptor. Sic etiam erit de receptatore haretici, defensore, vel fautore. Modo tamen secundo verissima est opinio, vt defensio, fauor, receptatio sint in causa haresis, licet non propter haresim fiant, sed quia amici, aut consanguinei sunt, aut similibus aliis finibus, vel motiuis. Quod tamen sine licentia Inquisitoris fieri non potest.

Sextum genus personarum sunt, scienter libros hareticorum legentes, non quidem quoscumque, sed eos dumtaxat, in quibus vel eorum errores continentur, vel de Religione tractant, etiam si in eis error non contineatur. Qui vero ceteros legunt libros ab hareticis compositos, non contrahunt huius Bullæ excommunicationem; sed eam, quæ est in Indice librorum prohibitorum. Præterea, siue pauca lineæ, siue multa legantur, incidunt legentes in canonem hunc dummodò tamen scienter legant, id est, sciendo esse librum haretici. Præterea, pauca lineæ, siue multa legantur, incidunt legentes in canonem hunc, dummodò tamen scienter legant, id est sciendo esse librum hareticum. Præterea siue legant ad errores cognoscendos, vel impugnandos, vel ad aliquam eruditionem depromendam; omnes hi excommunicationem incurrunt, dummodò sine licentia Sedis Apostolicæ fiat. Hic tamen aduerte, aliud esse legere libros prohibitos tantum, aliud libros hareticorum; sunt enim multi libri prohibiti, qui non sunt hareticorum, vt Biblia in lingua vulgari, opera quorundam, quæ in Indice habentur. Qui ergo hos libros legunt, non comprehenduntur in hac excommunicatione: sed Regulæ Indicis sunt consideranda; at verò, quando libri sunt hareticorum, tunc legentes sunt excommunicati in Cœna.

Reliqua tria personarum genera non indigent explanatione; sunt enim scienter tales libros hareticorum retinentes; aut eos imprimentes; eosdem defendentes, quolibet colore, publice, vel occultè. Et ij dicuntur defendentes, qui modo aliquo prohibent ne ab Inquisitoribus tales libri habeantur, aut comburantur, sicut supra diximus de defensoribus hareticorum; aut, qui etiam verbis eos laudant, affirmando, tales libros non esse comburendos, aut prohibendos.

Decimum genus personarum in excommunicatione hac contentarum Schismatici sunt, qui quidem in Bullis antiquis ante

ante Pium Quintum non continebantur. Dicuntur autem Schismatici à Schismate, quod est peccatum contra charitatem. Est autem Schisma rebellis separatio ab Ecclesiæ capite, & Vicario Christi: sunt enim duo necessaria ad peccatum hoc contrahendum, ut habet S. Thom. 2.2. q. 39. art. 1. ad 2. Alterum, ut homo se separet ab Ecclesiæ capite, scilicet Summo Pastore, & Vicario Christi, per inobedientiam, non obediendo ipsi. Alterum, ut sit hoc cum rebellionem quadam, nimirum pertinaciter ipsius iudicium subire nolendo eiusque præceptum contemnendo. talis est Schismaticus. Est autem aliquando Schisma coniunctum cum hæresi, aliquando sine hæresi. Cum hæresi quidem, quando homo opinatur, Pontificem Romanum non esse Christi Vicarium, nec eaput totius Ecclesiæ; hæc enim hæresis est. Sine hæresi autem est, quando interius quidem non negat esse caput, tamen malitia, vel passione tractus, non vult ipsum cognoscere, nec talem opere confiteri, tunc est Schisma purum sine hæresi: unde omnis hæreticus est etiam Schismaticus, non tamen omnis Schismaticus est hæreticus; quamvis frequentissime sit etiam hæretic. ut habetur 24. q. 3. can. inter hæresim. Hi igitur Schismatici incidunt in hanc excommunicationem, etiamsi nullam hæresim habeant admistam.

Vndecimum genus est personarum ab obedientia Romani Pontificis pertinaciter se subtrahentium, aut ab ea credentium. Nec est purum, Schismaticos significari his verbis; nam iam tales superius proprio nomine excommunicati sunt; sed significantur illi, qui mandato Romani Pontificis pertinaciter, id est, scientes esse tale mandatum, nolunt obedire, nec hoc ad Schisma satis est: nam Schisma est, quando homo in totum à iudicio, & obedientia Romani Pontificis se subtrahit, opere ipso non recognoscendo eum superiorem. Hac ergo censura ligantur pertinaciter inobedientes, licet Schismatici non sint; non enim omnis inobediens est Schismaticus.

*De secunda, & tertia excommunicatione in Bulla
Cenae contentis.*

CAPVT XX.

Secunda excommunicatio fulminatur contra tria genera personarum, nempe appellantium ad futurum Conciliū, ab ordinationibus, sententiis, seu mandatis Summi Pontificis; dantium ad hoc consilium, & dantium etiam auxilium, vel fauorem. In qua excommunicatione nonnulla sunt notanda.

Primò, dū esse verba, nempe, Excommunicamus, & Interdicimus. Prius refertur ad personas; posterius ad Vniuersitates, Collegia, & Capitula appellantia, vel dantia auxilium, vel consilium: hæc enim non possunt excommunicari, vt habetur c. Romana. de sen. excom. in 6. ob id interdicuntur. At personæ cuiuscunq; conditionis gradus, vel status excommunicantur.

Secundò, hæc excommunicatio contra eadem tria genera personarum est antiqua, lata, & reseruata à Pio Secundo, & confirmata à Iulio Secundo, cuius extrauagantis meminit Caiet. verb. excommunicatio. cap. 25. & Silu. ver. excomm. 7. num. 93.

Tertia excommunicatio lata contra omnes Pyratas, Curfarios, & Latrunculos maritimos discurrentes mare Ecclesiæ, præcipue à Monte Argentario, vsque ad Tarracinam; & contra eorundem fautores, receptatores, & defensores. In declarationem huius nonnulla dubia occurrunt.

Primum est, Quis sit dicendus Pyrata. Ad quod Ang. verb. Pyrata. respondet, Pyratam esse, quicumque in mari, vel flumine deprædatur: si in mari, dicitur marinus, & excommunicationem hanc incurrit, si in flumine, est fluuiialis, & non incurrit eam, quia contra maritimos fulminata est Silue. autem. ver. excom. 7. §. 56. non recipit hoc, putat enim, tria esse necessaria ad Pyratam.

Primum est, indifferentia spoliandorum, id est, vt non tantum vnius nationis homines deprædetur, sed indifferenter homines, siue vnius, siue alterius nationis, vnde Germanenses spoliantes olim solos Venetos, non censebantur Pyratæ.

Secun-

Secundum est, intentio principalis: si enim aliqui Mercatores, suæ negotiationi incumbentes, in itinere spoliant aliquos, non sunt propterea Pyratæ dicendi.

Tertium est, ut non sit bellum inter spoliantes, & spoliatos indictum; indicto enim bello, siue iusto, siue iniusto, non dicuntur Pyratæ, quia iure, & titulo belli, tunc spoliolum fit. Cum Silu. consentit Tabien. verb. excommunication. §. casu. 25. nu. 4. Ego secundam, & tertiam conditiones puto esse necessarias; sed non primam, nam spoliantes hos, vel illos, etiam si vnius nationis essent Pyratæ dicuntur. Denique qui principaliter versantur in depredando in mari, dicuntur Pyratæ, aut Latrunculi, aut Cursarii maritimi, siue hæc idem, siue diuersa significant: sub his enim vocibus omne genus, talium latronculorum, & depredatorum comprehenditur.

Aduertendum autem est, hanc excommunicationem restrictionem esse, quam in alijs Bullis: prius enim excommunicabantur omnes Pyratæ, Cursarii, Latrunculi maritimi, & illi præcipue, qui in mari, à monte Argentario, vsque ad Tarracinam discurrebant. At nunc ablata est illa particula (&) sequens: que verbum non copulat, sed restringit præcedens, ne impetillo maritimos excommunicari, qui discurrent mare Ecclesiæ, præcipue à monte Argentario, vsque ad Tarracinam. Cæteri tamen non comprehenduntur in hac Bulla; sicut nec qui in fluminibus depredantur, ut dicemus inferius. Verba Bullæ sunt hæc. (Item excommunicamus, & anathematizamus omnes Pyratas, & Cursarios, ac Latrunculos maritimos, discurrentes mare nostrum, præcipue à monte Argentatio, vsq; ad Tarracinam, ac omnes eorum fauores, receptatores, & defensores.) In alijs verò Bullis sic habebatur. (Item excommunicamus, & anathematizamus omnes Pyratas, Cursarios, Latrunculos maritimos, et illos præcipue, qui mare nostrum à Monte Argentario, vsque ad Tarracinam discurrere, & nauigantes in illo depredari, mutilare, interficere, ac rebus, & bonis suis spoliare præsumserunt, hactenus, & præsumunt, ac omnes receptatores eorundem, & eis auxilium scienter dantes, vel fauorem.

Aliud dubium est, an incidant in excommunicationem hæc Pyratæ, statim ac mare discurrere incipiunt. Caiet. verb. excommu. cap. 18. respondet, quod non; sed est necessaria vna harum actionum, depredari, mutilare, aut interficere, aut spoliare bonis suis aliquem. Si autem, vel semel horum aliquid fecerint, excommunicati sunt. Hæc tamen doctrina non habet locum in Bulla hac, in qua actio discurrendi sola exprimitur.

quæ sufficit, etiam si nulla alia sequatur. Aduerte procedere ista de Pyratibus, qui Christianos expoliant, non de his, qui infideles.

Aliud dubium est, an isti iure antiquo fuerint olim excommunicati: dico cum Silu. loco citato, & cum alijs communiter Doct. quod non, sed erant excommunicandi, vt habetur c. excommunicationi. de rap. vbi dicitur, excommunicationi subduntur, qui Romanos, aut Christianos nauigio vectos pro negotiatione vel alijs honestis causis, capere, aut bonis suis spoliare præsumunt; Quæ excommunicatio ex vna parte minus lata est, quàm quæ nunc habetur in hac Bulla, quia non complectitur discurrentes tantum; sed eos, qui aliquid ex narratis actionibus faciunt. Ex altera tamen parte latior est, quia complectitur quoscumque Pyratas maritimos, vel fluuiales, vbi cumque deprædantur: non autem solos mare tantum Ecclesiæ discurrentes: complectitur eos, qui deprædantur, spoliant, &c. nauigantes quocumque modo, & quacumque de causa, etiam non honesta.

Aliud dubium est, an qui in mari versantur, & flumen ingrediuntur, vt alios deprædantur, sint in hac Bulla excommunicati. Respondeo affirmatiue: nam maritimi Pyratæ dicuntur; non vero, qui solum in fluminibus deprædantur, vt dicit Ang. ver. Pyrata.

Receptatores horum Pyratarum, auxilium dantes eis, aut fauorem, sunt etiam excommunicati: Quæ sunt intelligenda, iuxta dicta in prima excommunicatione. Olim apponebantur dantes consilium, sed modò ablatum est verbum; comprehenduntur enim sub auxilio, l. qui seruo. §. plus. Pompon. ff. de furt. Bartol. in l. non solum. §. si mandato, num. 17. ff. de iniur.

*De quarta, & quinta excommunicatione in Bulla
Cæna contenta.*

CAPVT XXI.

QUARTA excommunicatio fertur contra eos, qui furripiunt Christianorum naufragantium bona, siue in nauibus existentia, siue ex eisdem eiecta, siue in littore inuenta; cuiuscumque generis bona sint, & in quocumque mari. Nec contra hanc excommunicationem priuilegium, aut consuetu-

suetudo, aliquave, etiam longissimi, & immemorabilis temporis possessio, aliussve pretextus aliquid operatur, quominus talia bona furripientes, eam contrahant. Aduerte, iure antiquo latam esse excommunicationem contra huiusmodi raptores bonorum naufragantium, cap. excommunicationi. de raptor. non tamen erat reseruata: nunc verò, inter eas, quæ sunt in Bulla Cœnæ, posita est primò à Gregorio XIII. Differt autem hæc ab ea, quæ iure antiquo lata est; hanc enim non statim rapientes talia bona contrahebant, nisi mora non restituendi intercedente: nam in eo textu fulminatur contra capientes, nisi ea restituerint: per solam igitur capturam non erant excommunicati, nisi post moram non restituendi, vt ibi notat Panormit. immò Ioan. Andr. affirmauit, necessariam esse admonitionem, cuius sententiam meritò Panormitan ibi rejicit.

At verò in hanc excommunicationem Cœnæ incidunt furripientes bona sine vlla mora; quicquid dicat Nauar. nam simpliciter lata est contra furripientes, sine vlla conditione (nisi restituerint.) Qui ergo furripiunt, excommunicati sunt; & si postea restituant, animo mutato, non propterea, desinunt esse excommunicati, donec absoluantur. Cum autem audis furripientes, intellige eos, qui animo non restituendi accipiunt talia bona; qui enim animo reddendi dominis, cum primum nouerit, ea capit, non debet furriperere, nec excommunicatus est.

Quinta excommunicatio comprehendit eos, qui noua pedagia, seu gabellas in terris suis, præterquam in casibus sibi à iure, seu ex speciali Sedis Apostolicæ licentia permissis imponunt, aut augent; aut imponi, vel augeri prohibita, exigunt. In cuius declarationem nonnulla etiam dubia sunt resoluenda.

Primum est, quid per Pedagia intelligendum sit, Doct. in cap. super quibusdam, de verbor. significat. & Summistæ verb. pedagium, aut verb. gabella. aut verb. vectig. dicunt esse tributum, quod soluitur pro inuectis mercibus; & etiam quod soluitur, pro viæ transitu, quando pontes eriguntur; aut viæ aptantur, ad differentiam guidagij, quod pro ducatu, & viæ securitate soluitur: tamen in hac Bulla vniuersaliter sumitur pro gabella quacumque, quæ imponitur, siue pro inuentione mercium, siue pro venditione, & emptione rerum; siue pro transitu, siue pro ducatu, siue alia de causa

ob id in nulla à Pio Quinto additum est verbum (gabellas) quod antè non apponebatur: & certè videtur aucta excommunicatione: nam antè in sua pura, & particulari significatione verbum pedagij accipiendum videbatur.

Aliud dubium est, qui sint imponentes noua pedagja, qui sub hac excommunicatione comprehenduntur. Pro intelligentia aduerte, esse posse gabellas iniustas multis ex partibus.

Primò, ex parte personarum, quibus imponuntur: nam personis Ecclesiasticis à Laicis imponi non possunt, vt habetur cap. Clericis, de immun. Eccles. in 6. sine auctoritate Sedis Apostolicæ; qui tamen eas imponunt, absque tali auctoritate, non comprehenduntur presenti excommunicatione; sed quadam alia, quæ in Bulla inferiùs continetur, vbi hoc explicabitur.

Secundò, est iniusta ex parte causæ, quia sine vlla, aut sine rationabili causa imponitur.

Tertiò, ex parte modi, quia modus, & mensura non seruatur: quæ autem sit iusta causa, & quis modus sit obseruandus, dicemus inferiùs, dum de ista materia tractauerimus.

Dubium igitur est, an imponentes gabellas quouis modo iniustas, sint excommunicati per Bullam. Angel. enim verb. pedagium. §. 5. & Tabien. verb. pedagium. §. 6. tenent, esse excommunicatos per hanc Bullam. Acco. Silu. verb. gabella. §. 7. tenet, non omnes esse excommunicatos; sed eos tantum, qui sine auctoritate imponunt, vt statim explicabimus. Et quamuis Silu. non expresse id dicat, tamen ita dicendum est; non enim iniusta pedagja, sed noua imponentes excommunicantur. Vnde ad aliud caput est hoc referendum, nimirum, quando absque auctoritate imponuntur, siue iusta sit causa, & modus, siue non.

Dices, qui sunt illi, qui habent auctoritatem imponendi pedagja, seu gabellas? Dico, ex cap. super quibusdam, de verbor. signifi. esse tria genera personarum, Imperatores, & Reges, non tantum Romanorum Reges, vt quidam dixerunt, sed Reges quicumque, vt ibi explicat Innoc. & Panorm. cap. inuocamus, de censibus. Similiter Concilium Generale, sub quo Papa etiam complectitur, vt ibi Doctor. dicunt, in terris suis. Ciuitates autem, sine Principis sui auctoritate, non possunt, vt habetur Codice, noua vectigalia, l. 2. nisi habent missum Imperium, vt sunt in Italia aliqua, vt notant Panorm. & Ioan. Aude.

Andr. in'd. c. super quibusdam. Iure etiam Ciuili hoc etiam de Imperatore statutum est, ff. de publica & vectig. l. vectigalia. Præter hos, reliqui Duces, Domini, Principes, qui sub alterius sunt iurisdictione, non possunt imponere hæc pedagia, sine auctoritate prædictorum, & sine ea imponentes, sunt excommunicati in hac Bulla; & iste est sensus huius excommunicationis. Et Pius V. interrogatus de hoc ex parte Regis cuiusdam, ita declarauit.

Aliud dubium est, an absque prædicta auctoritate, vetera augentes, sint excommunicati, quando vetera licita erant. Arnil. verb. gabella, §. 8. & Rossell. excommunicatione 44. §. tenent, quod non, quia non imponunt noua. Tamen contrarium tenent. Silu. verb. excommunicatio. 7. §. 54. Tabien. ver. pedagium, §. 6. Angel. verb. pedagium. §. 5. Hoc tamē dubium locum habebat in Bullis ante Pium V. iam verò nō est dubitandi ratio: nam à tempore Pii additum est illud *Imposita augent*, quod adiectum, fuit ad tollendos dubitationes, & opinioniones: at quāuis adiectū non esset; verē erat etiam prohibitū nam ex alteratione, & augmento resultat nouum tributum, & est noua impositio.

Aliud dubium, qui sint isti exactores, qui excommunicantur. Dico esse ministros, & officiales; qui talia pedagia prohibita, id est, absque auctoritate imposita exigunt, qui sunt etiā excommunicati: vnde illud verbum, *prohibita*, refertur ad pedagia absque auctoritate imposita, vel aucta.

Aliud dubium est, an, qui à sponte soluentibus accipiunt huiusmodi pedagia, vel gabellas, sint excommunicati. Silu. verb. excommu. 7. §. 54. & Nauar. cap. 27. sum. num. 61. dicunt, quod non, quia illi non exigunt, & ita est. Sed aduerte, quod in his, qui Clericis sine auctoritate imponunt, sunt excommunicati exigentes, & accipientes à sponte soluentibus, vt inferius dicemus, cum de his agemus; modo enim tantum

loquimur de impositis pedagiis ex defectu au-

thoritatis tantum imponendi super

Laicas personas.

* *

*

*De sexta excommunicatione in Bulla Cœne
contenta.*

C A P V T XXII.

Sexta excommunicatio est, contra falsarios literarum Apostolicarum; comprehendit autem quatuor genera personarum.

Primum, falsariorum literarum Apostolicarum in forma brevis.

Secundum, falsariorum supplicationum gratiam, vel iustitiam congerentium, per Romanum Pontificem, aut per Vicecancellarium, aut per eorum locorum gerentes, aut de mandato Romani Pontificis signatarum.

Tertium, falso fabricantium literas Apostolicas etiam in forma brevis.

Quartum. falso signantium supplicationes huiusmodi, sub nomine Romani Pontificis, seu Vicecancellarij, aut gerentium vices eorum. Pro intelligentia nonnulla occurrunt dubia.

Primum est, quod per literas Apostolicas intelligere debeamus. Dico, intelligi literas, quæ nomine Romani Pontificis, seu Sedis Apostolicæ expediuntur, quales sunt Bullæ, in quibus est plumbum, & brevia Apostolica. Vnde per literas Apostolicas, non intelliguntur literæ Legatorum, nec Summorum penitentiariorum Papæ, nec nunciorum, nec inferiorum Prælatorum, ut adnotavit Palu. 4. d. 18. q. 3. art. 2. hæ enim non expediuntur Romani Pontificis, sed prædictorum illorum nomine; propterea harum literas falsificantes non incurrunt in hæc censuram.

Aliud est dubium, quid per supplicationem intelligere debeamus. Dico, quod licet supplicatio propriè illa dicatur, quæ fit ad instantiam partis, ut notat Innoc. in cap. ex literis, n. 3. & ibi Abb. nu. 6. de rescriptis in integrum. tamen, per supplicationes intelligere debemus hic, tam quæ ad instantiam, partiū, quàm, quæ motu proprio Papæ conceduntur; quoniam istæ supplicationes appellantur, ut dicit Gomet. in regul. de non iud. iuxta formam suppl. quæst. II. ver. non obstat. Qui quidem usus loquendi debet attendi, & præfertur proprio significato, secundum Gomet.

met. vbi suprà, & est textus in l. Labeo. §. idem Tubero. ff. de suppellect. leg.

Aduertendum est, hanc excommunicationem iure comuni latam esse, vt habetur in cap. ad falsarios. de crimin. falsi. Tamen amplior est excommunicatio iuris, quàm hæc, eaque de causa in Bullis solebant adiungi ista verba (extendentes cap. ad falsarios cum omnibus pœnis in eo contentis) quæ verba à Sixto Quinto ablata sunt; tamen eam declarabimus, vt hoc in loco integra tradatur notitia falsariosum. Iure igitur illo antiquo excommunicantur multa genera personarum.

Primò, falsificantes per se, vel per Alios literas Apostolicas.

Secundò, vtentes literis falsis, etiamsi ipsi non falsificauerint: sed hanc de vtentibus non incurrunt, nisi Laici, vt ibi notant Panorm. contra Host. & debet intelligi de scienter vtentibus, vt ibi affirmant Doct.

Tertiò, impetrantes literas falsas: non autem dicuntur impetrare literas falsas, qui impetrant literas suggerendo falsitatem, vel supprimendo veritatem, quia literæ in se veræ sunt, vrà Pontifice conceduntur, vt notat Silu. ver. excommunicatio. 7. §. 9. & Caiet. ver. excom. c. 26. & Tabie. ver. excom. §. casu. Simmò, nec quando sub nomine alieno pro se literas impetrant, vt ibidem dicunt Silu. & Tabie. sed illi impetrant falsas, qui ab aliis obtinent literas falsificatas. Hæc tria genera personarum ipso facto excommunicantur. Similiter etiam defensores, & fautores prædictorum falsariosum. Ista tamen excommunicatio à iure, non est reseruata, sed ab Ordinatione potest absolui. Vltra excommunicationem apponitur pœna; sed clerici enim sunt, & literis falsis vtuntur, officijs omnibus, & beneficijs priuantur: si vero per se ipsos, vel per alios falsificant: officijs, & beneficijs priuati degradantur, & brachio seculari pœnis legitimis affiendi traduntur. Hæc omnia in eo capite continentur. Si igitur hæc excommunicatio Bullæ conferatur illi capiti, in parte est latior, in parte est strictior. Strictior quidem est, quia non comprehendit vtentes, nec impetrantes, nec fautores, & defensores falsariosum, nec falsificantes per alios, sed solos falsarios per se. Latior tamen est, quia illud caput comprehendit tantum falsarios literarum Apostolicarum: at verò hæc, non solos hos, sed etiam falsarios signantes supplicationes, gratiã, vel iustitiam

concernentes nomine Vicecancellarii, aut locum gerentis, vt superius dictum est.

Aliud dubium est, an, qui, non variato sensu, vnum punctum, vel literam addit, vel minuit, vel corrigit, in prædictis breuibus, aut literis, incidat in hanc excommunicationem, Quidam affirmant, in litteris Apostolicis expeditis, vel vnum punctum mutantes, aut literam corrigentes, etiam sensu non mutato, præter eos, quibus ex officio incumbit, esse ligatos hac excommunicatione. Ita habent Hostien. in sum. tit. de crim. fals. §. porro vers. si hodie. & Panorm. c. ex literis, nu. 5. de instr. Silu. excommunicat 7. §. 10. Caieta. verb. excommunicatio. cap. 26. Argumentum in fauorem huius sententiæ est, quod in priuilegiis olim concessis Summo Pœnitentiario, illud erat, vt posset absoluere ab excommunicatione, que incurritur propter mutationem literæ, vel puncti in litteris Apostolicis, sensu non mutato. At verò, contrarium tenent alii non incidere in hanc excommunicationem, nisi, qui mutant literam, vel punctum, quando sensus variatur, vt literæ fiant validæ ex inualidis, aut ex validis, validiores, ita habent. Richard. 4. d. 18. art. q. 4. Anton. 3. p. tit. 24. c. 16. Angel. excommunicatio. §. casu 3. num. 3. Tab. excommun. §. casu. 5. cū alius multis, & ita tenendum est, sed non propter rationem istorum Doct. sed alia de causâ: Scias enim, olim in Bulla Cœnæ apponi solere illa verba, *Mutantes punctum, vel literam in literis Apostolicis*, vt apertè constat ex Hostien. secundo citato, & tunc data fuit illa facultas Summo Pœnitentiario. & absq; dubio prior sententiâ vera erat, si talia verba modo perseverarent, tamē ablata sunt à multis iam annis, nec inter facultates absoluendi Summo Pœnitentiario concessas illa nunc habentur: ob id, non incidunt in hanc excommunicationem corrigentes, nisi sensus mutetur; tunc enim sunt falsarii. Quod quidem probatur ex ca. ex conscientia, de crim. fal. vbi habetur, quod per rasuram Bullæ in loco non suspecto, non censetur falsa. Non ergo est falsarius, qui literam radit, sensu non mutato.

Aliud dubium est, de habentibus literas falsas Apostolicas. Dico illi, qui habent, & non vtuntur, non incidunt in hanc excommunicationem Cœnæ, nec in excommunicationem iure contentam; nisi tamen intra viginti dies, postquam sciverint esse falsas, eas lacerauerint, aut resignauerint, sunt excommunicandi per Ordinarium, & semel excommunicati, non

non possunt nisi à Papa absolui; non autem sunt ab ipso facto excommunicati, ita habetur cap. dura. de crim. falſ. in quo capiuntur excommunicati sunt ipſo iure, qui literas Apostolicas accipiunt ab alio, quàm à manibus Papæ, vel officialium, & bullatorum, nisi sint magnates, qui per Internuncium possunt accipere, quod de existētibus in Curia intelligunt Ioa. Andr. & Doct. sed iam non est ista excommunicatio in vſu, & consuetudine, vt ibi Gloſ. & Panormit. aduertunt, nisi vbi periculum falsitatis timeretur. Ex his omnibus manifestum est, qui, & qualiter sub hac censura comprehendantur, & in quo differat ab iis, quæ habentur in iure.

*De septima excommunicatione in Bulla Cœna
contenta.*

CAPVT XXIV.

Septima excommunicatio est, contra deferentes arma infidelibus, aut Hæreticis, in duas partes est diuisa: in priori excommunicantur tria genera personarum.

Primò deferentes Saracenis, Turcis, aut aliis Christiani nominis inimicis, aut Hæreticis, per Apostolicam Sedem expressè, & nominatim declaratis, vnum aliquid ex his octo, equos, arma, armorum materiam, scilicet ferrum filum ferri, stannum, chalibem, & alia metallorum genera, quæ armorum materia sunt. Instrumēta bellica, lignamina, funes, materiam funium, aliaque huiusmodi, quibus infideles prædicti Christianos impugnant.

Secundò excommunicantur, de rebus ad statum Reipublicæ Christianæ pertinentibus certiores facientes prædictos Hæreticos, aut infideles, in perniciem, & damnum Christianorum.

Tertiò excommunicantur, concilium præstantes eisdem in eandem perniciem, & damnum Christianorum. In posteriori parte reuocantur omnia priuilegia, & concessiones, si qua in hac parte Principibus, aut priuatis personis sunt à Sede Apostolica concessa, vt in hac parte nulla sint. Aduerte, in hac Bulla esse adiunctos Hæreticos, non quoscumque, sed eos, qui per Sedem Apostolicam expressè, & nominatim declarati sunt, qualis nostris temporibus est Regina Angliæ. Pro declaratione

ratione huius excommunicationis, sunt aliquot dubia declaranda.

Primum dubium est, an nomine deferentium intelligantur hi, qui vendunt absque vlla delatione, quales sunt Christiani, qui in suis Terris vendunt Turcis ad se venientibus huiusmodi prohibita. Dico cum Caietan. ver. excommunicatio. cap. 20. & Nauar. super cap. ita quorundam de Iudæ. notab. 30. nu. 47. quod non, quia cum ista materia sit pœnalis, verba sunt intelligenda in sua propria significatione. Vendere autem non est deferre. Non igitur vendentes excommunicantur in hac Bulla. At Silu. ver. excommunicatio. 7. §. 64. videtur dicere oppositum, sed primum verius est.

Aliud dubium est, an, qui in vna terra Hæreticorum, vel infidelium existentes deferunt huiusmodi prohibita ad aliam terram eorundem, sint censendi deferentes. Tabie. ver. excommunicatio. 6. num. 7. & Silu. verb. excommunicatio. 7. §. 64. respondent, quod non, & allegant declarationem Gregorii Noni in extrauag. postulastis. quid declarauit; quam quidem Tabie. dicit esse reuocatam, quantum ad excommunicationem, sed non quantum ad declarationem. Cœna illos esse comprehensos; si enim aliqui Christiani existentes in terris infidelium, aut Hæreticorum, hæc deferrent ad alios, qui impugnant Catholicos, vtique essent excommunicati.

Aliud dubium est, an dicatur deferens; qui mandat deferri, ita vt sub hac excommunicatione comprehendatur. Ad hoc respondimus superius in cap. vbi generaliter negauimus, comprehendendi mandantes sub excommunicationibus latis contra aliquid facientes, nisi exprimantur ipsi mandantes, aut alijs iuribus fiat interpretatio. Idcirco sub hac excommunicatione contra deferentes, non comprehenduntur mandantes, maxime cum in hac Bulla aliquando mandantes exprimantur, aliquando non, quod est argumento non comprehendendi, nisi vbi fit eorum expressa mentio.

Aliud dubium est, an, qui deferunt hæc arma ad Hæreticos, qui non sunt expressè, & nominatim per Sedem Apostolicam declarati, contrahant hanc Bullæ excommunicationem. Respondendo negatiue: nam ante huius particulæ adiunctionem, nomine infidelium, Christianæ religionis inimicorum, non comprehendebantur Hæretici; idcirco enim adiuncti sunt.

Igitur,

Igitur post adiunctionem, ij debent tantum intelligi, qui per verba adiunctionis significantur.

Aliud dubium est, quid per arma intelligere debeamus. Dico cum Siluest. excommunicatio. 7. §. 59. & Tabie. excommunicatio. 6. §. 1. & cum communi opinione, intelligi arma tam offensiva, quam defensiva, & hoc probatur ex l. armorum. ff. de verbor. signifi. & ex l. 3. ff. de vi & vi armata, ubi arma vocat, scuta, galeas, gladios, fustes, & lapides. Dicunt autem prefati Doct. ea dici arma, quæ principaliter, & immediate instituta sunt, ad præliandum, seu se defendendo, seu alios offendendo: unde cultri ad scindendum pennas vel panem, non sunt arma, vt etiam dicit Panorm. cap. Cleric. 1. de vit. & honesta. Clerico. nec alia instrumenta in usum agriculturæ, & similia: unde hæc deferentes, non dicuntur deferre arma. Aduertit autem ex prædictis Doct. posse ista esse arma ex intentione vtendi: nam si qui vellent his vt ad præliandum, tunc arma dicerentur etiam cultelli, & qui deferret, esset sub hac censura conclusus: Est tamen differentia inter ista arma, & priora: nam ista deferre, quando talis intentio vtendi deest, non est arma deferre: at illa priora, etiam si intentio desit, est deferre arma, & contrahitur propter hoc excommunicatio, vt notat Ioann. Andr. Panormitan. Gloss. super cap. ita quorundam. de Iudæ.

Aliud dubium est, quid per lignamina intelligendum sit. Dico cum Silu. excommunicatio. 7. §. 59. & Tabien. excommunicatio. 6. num. 3. per lignamina intelligi ligna, ex quibus possint Galeæ, Naues, aut aliæ machinæ ad impugnandum fieri, non autem ligna alia ad comburendum, aut in alios vsus extra bellum: nam illud verbum in Bulla oppositum. *quibus Christianos impugnant.* cadit super singula verba antecedentia. Nauarr. cap. ita quorundam. de Iudæ. notab. s. nu. 14. dicit, sub hoc nomine etiam comprehendi ipsas Galeas, & Naues, quæ lignamina sunt, & mihi placet, quamuis Caiet. ver. excommunicatio. cap. 20. solam materiam intelligat, verius tamen est, quod Nauarr. dicit, nam latius sumitur hoc verbum, quam in cap. ita quorundam. ubi dicitur. lignamina Galearum: hic autem sine addito ponitur, vt omnia complectatur, tam materiam, quam quæ ex ipsa materia conflata sunt, & cum lignamina prohibeantur, ne naues fiant, multo magis videntur prohiberi Naues, Authentico multo magis. C. de sacrosanct. Eccles.

Aliud

Aliud dubium est, quod sit intelligendum per illud verbū, *aliaq; huiusmodi*. In cuius gratiam aduerte, in Bullis prioribus, loco huius positum esse (aliaque prohibita) quæ particula occasione dedit dubitationis multis: nam inuenimus iure antiquo tria genera prohibitorum. Quædam, quæ prohibentur absolute deferri omni tempore, & omni loco, qualia arma, & reliqua hic posita; hæc enim deferre ad infideles olim, & nunc etiam ad Hæreticos prohibitum est deferre, omni tempore, belli, & pacis. Quædam, quæ omni loco prohibentur, sed non omni tempore, sed tempore belli, vt mercimonia, victualia, &c. cap. quod olim. de Iudæ. Quædam omni tempore, sed non omni loco: nam in Alexandriam, & Aegyptum, & terras Soldani, nullo tempore licebat victualia, aut mercimonia deferre, vt habetur extrauag. multa de Iudæ. Et attende, tempus treugæ reputari pro tempore belli, vt habetur cap. significauit. de Iudæ. Tempora tamen extra actuale bellum, & treugæ, non reputatur tempus belli, vt bene aduertit Tabien. excommunicatio. 6. num. 5. Erat igitur dubium, an sub verbo in Bulla, scilicet (*alia prohibita*) essent comprehensa omnia hæc, ita vt tempore belli deferri mercimonia in Cœna prohiberetur, & similiter deferre in Alexandriam tempore pacis, an tantum prohibita conserentur in Bulla illa prima; reliqua verò non, sed manerent sub excommunicatione tantum in iure posita. Tabie. verb. excommunicatio. 6. §. 4. putat omnia tria comprehendere. at Siluest. excommunicatio. §. 40. & Caietan. verb. excommunicatio. cap. 20. tenent, quod non; sed tantum prima, & ita ego credo: nam illud relatiuum *alia*. referebatur ad antecedentia, in quibus sola prohibita continentur, quæ ad preliandum spectant, verbum etiam quod sequitur *Quibus Christianos impugnant*. ad idem determinatur: aliis enim mercimoniis, & victualis non dicuntur impugnare, etiam si tempore belli ministrantur. Quamuis ergo sit peccatum, & sub censura iuris comprehensum, (nam excommunicatio prohibitorum secundorum non reseruatur; tertii verò generis est Papalis) tamen neutra sub Cœna continetur, quamuis Nauarr. notab. 10. super cap. ita quorundam. limitet, quando est tempus belli in damnum Christianorum, sed non placet: nam non dicuntur infideles illis mercimoniis, & victualis impugnare. At modo ablata est difficultatis occasio: nam posita est particula (*aliaque huiusmodi*) quæ respicit tantum ea, quæ sunt eiusdem rationis cum præcedentibus.

Aliud dubium est, an qui defert huiusmodi ad Infideles, aut Hæreticos, non vt contra Christianos vtantur, sed vt ipsi Infideles, aut Hæretici contra alios pugnent, incurrant in hanc censuram. Dico eos incurrere, quia postea hæc manent, quibus impugnare possunt postea Christianos, nisi talia essent, quæ certum esset, non permanisura post bellum contra tales Infideles. His dubijs notum fit primum genus personarum sub hac excommunicatione contentum.

De secundo verò aduerte, non semper qui certiores faciunt Infideles, aut Hæreticos de rebus Christianorum esse excommunicatos, nisi ea, de quibus faciunt certiores, sint talia, quæ statum Christianæ Reipublice concernunt, idq; cedat in damnum, & perniciem ipsius; vtrumque enim necessarium est ad incurrendam hanc censuram.

Similiter etiam intelligendum est tertium genus personarum, non enim omnes consilium dantes sunt sub hac censura, sed dantes consilium in damnum, & perniciem Christianorum. Et hæc sunt de priori parte excommunicationis.

In posteriori verò aduerte, omnia priuilegia quibuscumque concessa, contra aliquid hac excommunicatione prohibitum, annullantur, & derogantur, pro cuius intelligentia aduerte ex Tabie. verb. excomm. 6. num. 5. duo priuilegia concessa Genuensibus; Alterum à Xisto IV. viuæ vocis oraculo, vt negotiari possent cum Infidelibus, & maxime Turcis, etiam tempore belli, non tamen de rebus prohibitis, excepta sunt, quam dare oportet nauibus ipsorum, euntibus ad portus suos. Alterum est Iulij II. qui anno 1504. concessit ad centum annos, vt possint deferre species, stanni, plumbi, æris, seu rami, electri, seu ottonis. Silu. autem excommuni. 7. §. 58. refert, Venetos habere priuilegium pro mercibus deferendis, extra arma, ferrum, &c. & quamuis dubitetur de hoc priuilegio, tamen Contra. q. 51. affirmat. Possunt etiam alij habere similia priuilegia, de quibus certus non sum. Aduerte tamen, illa priuilegia deferendi metces, extra arma, ferrum, &c. & exercendi commercia, non derogari in hac Bulla, quia hæc non facit mentionem de talia deferentibus, vt diximus. Illa verò, quæ sunt de deferendis armis, aut alijs in hac excommunicatione prohibitis, sunt derogata, nec amplius valorem habent.

*De collatione eorum, quæ dicta sunt in cap. præcedenti
cum his, quæ sunt in iure com-
muni.*

CAPVT XXIV.

ALLTERVM nunc superest, vt hæc conferamus cum his, quæ iure communi continentur, extra Bullam istam. In cuius gratiam aduerte, quatuor præcipua inter alia Pontificum decreta in iure haberi.

Primum est Alex. III. cap. ita quorundam, de Iudæ. vbi excommunicauit tria genera personarum.

Primò, deferentes Sarracenis arma, ferrum, lignamina Galearum. Et per Sarracenos intelligere oportet omnes, qui sectâ impiam Machometi sequuntur.

Secundò, regimen, vel curam gubernationis gerentes in galeis, & nauibus pyraticeis.

Tertiò, subministrantes necessaria Sarracenis eisdem, ad impugnandos Christianos. Ista excommunicatio non est reseruata. Si autem Canon hic conferatur cum hac Bulla, inueniemus in parte latiore, in parte strictiorem. Latior est, quia sub illo verbo, *subministrant necessaria*, comprehenduntur tempore belli victualia deferentes, qui sub Bulla non continentur, vt superius diximus. Vnde hi excommunicati sunt, sed excommunicatione sola iuris, quæ non est in cœna. Simile est de dantibus, vel mutuantibus illis pecunias, quibus indigent ad impugnandos Christianos.

Primum verò genus in Bulla continetur: similiter & secundum sub illo verbo, *consilium præstantes*, qui enim talem curam gerunt, consilium adhibent in damnum Christianorum. Ex alia parte strictior est.

Primò, quia Bulla extenditur, non solum ad deferentes ad Sarracenos, sed etiam ad quoscumq; inimicos nominis Christiani, & Hæreticos.

Secundò, quia complectitur gubernationis curam gerentes, non tantum in galeis, & nauibus pyraticeis, sed omnium Infidelium, & Hæreticorum contra Christianos, licet Pyratæ non sint.

Tertiò, complectitur deferentes, non arma solum, & ferrum, sed stannum, plumbum, & alia metalla, quæ sunt armorum materia, & equos etiam tempore pacis, quæ non includuntur in il-

in illo canone, nisi quatenus necessaria sunt illis Sarracenis ad bellum contra Christianos.

Quartò, complectitur certiores facientes Infideles de rebus Christianorum, vt diximus. Latior ergo est in his Bulla.

Alterum decretum est, Clem. III. cap. quod olim, de Iudæ. Vbi excommunicat illos, qui tempore belli cum Sarracenis mercimonium habuerint. Similiter eos, qui per se, vel per alios, nauibus, seu quouis alio ingenio aliqua rerum subsidia, vel consilia duxerint impendenda, etiam tempore belli durante: & per tempus belli, vt diximus supra, intelligitur etiam tempus treugæ, vt habetur cap. significauit, de Iudæ. quo capite excommunicantur, non solum qui merces lucranda causa ad Sarracenos deferunt post treugam, sed etiam qui per alios eas merces destinant. Hæc autem excommunicatio non est etiam reseruata, in qua habentes mercimonium tempore belli sunt excommunicati, tamen non in Cœna, nisi merces hæc sint arma, & alia omni tempore, & loco prohibita, vt diximus. Rursus, impendentes subsidia, nisi sint aliquid eorum, quæ in Bulla sunt prohibita, non incurrunt in Bulla; vt, si victualia, pecunias, & alia huiusmodi impenderent, hæc enim in cœna non sunt prohibita.

Tertium decretum est Innocen. III. cap. ad liberandam, de Iudæ. qui excommunicat eos, quos supra Alexander excommunicauit, & addit vendentes galeas, aut naues, & qui machinis, vel quibuscumque alijs, auxilium, vel consilium præstant Sarracenis, in dispendium terræ sanctæ, quæ excommunicatio non est etiam reseruata, & apponitur inter alias pœnas, vt isti non absoluantur, nisi totum quod habuerunt ex damnato commercio, & tantundem de suo reddant in fauorem terræ sanctæ. In hac excommunicantur vendentes galeas, & naues: in Bulla autem non continentur, nisi simul deferant ad ipsos, vt superius diximus. Reliqui continentur. Adde, quod hic Canon procedit, quando ista sunt in dispendium terræ sanctæ, quamuis vendentes galeas absolute sint excommunicati, etiam si non in dispendium terræ sanctæ fit, propter cap. ita quorundam, quia necessaria subministrant Sarracenis ad impugnandos Christianos.

Aduerte autem, non dici necessaria, quia illis Sarraceni indigeant; sed quia ipsa sunt ex se necessaria ad impugnandum, quam

quamuis Saraceni propter abundantiam non indigeant; hoc enim est per accidens, nec sic est cōsideratio facienda, sed cōsiderari debet res ex se, & non ex accidenti.

Quantum decretum est, Clem. V. in extrauag. multa. de Iudæ. vbi excommunicat illos, qui arma, equos, ferrum, lignamina, victualia, & alia quæcumque mercimonia in Alexandriam, vel alia loca Saracenorum terræ Ægypti deferunt, mittunt, vel portant, seu de portubus eorum, vt eisdem deferantur, extrahunt, vel extrahi permittunt, aut qui talia de agentibus fauorem aut auxilium quoquomodo præstant. Est autem ista excommunicatio Papæ referuata, in qua multi excommunicantur, qui non continentur in Cœna; illi enim tantum, qui equos, arma, ferrum, lignamina deferunt, in Bulla continentur. Ex his habes multos in iure excommunicati in hac parte, qui tamen in Cœnæ Bulla non continentur. Bulla etiam ex alia parte latior est; nam non solum ad Saracenos, sed etiam ad alios Infideles, aut Hæreticos deferre arma prohibet. Similiter etiam certiores facientes, etiam tempore pacis: similiter etiam eos, qui pro redemptione captiuorum arma deferunt, quod quidem olim licebat, iuxta cap. significauit, de Iudæ. vt quidam putant, vt refert Silu. ver. excom. 7. §. 61. quamuis ego credo cum Glo. illius capituli, quod nec olim licebat. & cap. illud est intelligendum de alijs mercibus extra arma, ferrum, &c.

Dubium est Christianis remigantibus in Infidelium tririmis contra Christianos an peccent; & sint excommunicati. Nauarr. super capita quorundam, de Iudæ. dicit tria.

Primò illos peccare mortaliter.

Secundò, illos non contineri in Bulla hac, cum nullo verbo comprehendantur.

Tertiò, illos incurrere excommunicationem iuris, quia necessaria subministrant, & auxiliū dant ad impugnandos Christianos. Ego certè sapius dubius de hoc extiti, tamen semper inclino in eandem sententiam, nec audeo, nec video modum, quo possim eos à peccato excusare, etiam metu mortis; non enim licet auxilium dare alicui volenti occidere alterum, etiam metu mortis, ergo nec his licet: nam Infideles intendunt occidere, & capere, & furari, & ad hoc veniunt; in casu enim hoc loquimur, quando nempe inuadunt ad occidendum, & expugnandum Christianos. Præterea si banditi aliqui vellent occidere inimicos aliquos, & ad auxiliū conuocarent tres vel quatuor

tuor alios, minantes mortem, nisi venirent, non excusarentur venientes à peccato mortali, auxilium præstādo, ergo nec illi. In aliis duobus placet etiam sententia Nauarr. quamvis Silu. ver. excom. 7. §. 64. videatur hos sub nomine executorū ab excommunicatione iuris liberare, quia non videntur vlllo verbo comprehensi; sed tamen absque ratione, quia sub illo verbo comprehenduntur: *subministrant necessaria.* & sub illo: *subsidia impendunt.*

De Octaua, Nona, Decima, & Vndecima excommunicatione in Bulla Cæna contentis.

CAPVT XXV.

Octaua excommunicatio continet tria genera personarum.

Primò, impediētiū, seu inuadentiū eos, qui vidualia, siue alia necessaria ad vsum Romanæ Curiaē adducunt.

Secundò, impediētiū, aut prohibentiū aut perturbantiū, ne ea adducantur, aut deferantur.

Tertiò, eorum, qui per se, vel per alios defendunt eos, qui talia faciunt. Ista autem excommunicatio extenditur ad omnes, etiam si Pontificali. Regali, vel Reginali dignitate, vel alia quacumque Ecclesiastica, vel seculari præfulgeant.

Nona excommunicatio fertur contra eos, qui venientes ad Sedem Apostolicam, aut ab ea recedentes, vel sua, vel aliorum opera interficiunt, mutilant, spoliant, capiunt, aut detinent. Contra eos etiam, qui non habentes iurisdictionem ordinariam, aut delegatam à Papa, siue ab eius iudicibus, eam temerè vsurpantes contra morantes in curia, aliquid prædictorum audent perpetrare.

Primum dubium est, quid per venientes ad Sedem Apostolicam sit intelligendum. Dico, non intelligi omnes, quotquot Romam veniunt, sed eos dumtaxat, qui ratione Pontificis veniunt: vnde qui ratione tantum stationum, vel Indulgentiarum accedunt, non dicuntur venientes ad Sedem Apostolicam. Nec, qui veniunt alio intuitu, quam ratione Pontificis, quia nimirum negotium aliquod, vel prætensionem, vel gratiam,

tiam, vel quid aliud cum Pontifice mediata, vel immediate habent: unde, si Pontifex esset extra Romam, ibi esset Sedes Apostolica, non Romæ.

Aliud dubium est, quid intelligatur per morantes in Curia? Respondet Caiet. ver. excommunicatio. cap. 14. Curiales ipsos vulgo dictos, qui ratione Curie Pontificie Romæ sunt, siue mediata, siue immediate Pontifici inseruiant, siue sint cum Cardinalibus, vel Episcopis, qui adsunt Curie. Unde Romani Ciues, & alij, qui alijs de causis Romæ sunt, propter quas existerent, etiam si Curia Pontificis alibi moraretur, non dicuntur morantes in Curia.

Aliud dubium est, an illa tria verba, *Interficiunt, mutilant, spoliant, capiunt, et detinent*, eodem modo se habent respectu venientium, & recedentium à Sede Apostolica, sicut se habent respectu morantium in Curia. Respondeo, quod non: nam respectu venientium, aut recedentium satis est aliquid illorum simpliciter facere, ut hæc excommunicatio contrahatur. At verò respectu morantium non satis est, sed requiritur, ut ea fiant ex auctoritate usurpata, nempe qui ea facit, quasi iudex, & potestatem habens, faciat.

Excommunicatio decima fulminatur contra multa genera personarum, nempe contra interficientes, mutilantes, vulnerantes, detinentes, capientes, depradantes Romipetas, id est eos, qui accedunt causa deuotionis, vel peregrinationis ad Urbem: & non solum accedentes, sed etiam morantes, vel ab eadem recedentes.

Excommunicantur etiam, qui illis auxilium, consilium, vel fauorem dant. Caiet. verb. excommuni. cap. 13. bene notat, hic excommunicari, qui aliquid prædictorum faciunt contra eos, qui veniunt in Urbem Romam gratia deuotionis, etiam si Sedes Apostolica Romæ non esset: nam hæc excommunicatio est in fauorem visitantium limina Apostolorum, & olim etiam erat in eos, qui talia faciunt contra Peregrinos in terram sanctam, ut refert Tabien. verb. excommunicatio. 6. in fine.

Vndecima excommunicatio comprehendit multa genera personarum, nempe interficientes, mutilantes, vulnerantes, percutientes, capientes, carcerantes, detinentes, vel hostiliter insequentes Sanctæ Romanæ Ecclesiæ Cardinales, Patriarchas, Archiepiscopos, Episcopos, Sedisque Apostolicæ Legatos, vel Nuncios. Extenditur etiam excommunicatio ad ej-

cientes

eientes eosdem à suis Dicecesibus, territorijs, terris, seu dominijs; & ad mandantes, vel rata habentes, seu præstantes auxilium, consilium, aut fauorem in aliqua prædictarum actionum. Contra eijcientes legatos, aut nuncios lata est excommunicatio in Extrauag. super gentes. Ioan. XXII. inter communes. Quæ quidem excommunicatio amplior est; nam fertur contra impediētes nuncios, vel legatos, quo minus exequantur suum officium: plus autem est impedire, quam eijcere: nam omnis eijciens impedit, non tamen omnis qui impedit eijcit. In hac verò Bulla soli eijcientes excommunicantur; reliqui impediētes, absque eiectione, sunt excommunicati per prædictam Extrauag. quæ quidem excommunicatio non est reseruata. Apponitur etiā in hac Extrauag. pœna: nam Regna, Tetra, loca talia sunt interdīcta, quamdiu in eadem pertinacia durauerint, quæ pœna in hac Bulla non continetur, sed sola excommunicatio; comprehendit tamen non solum prædicta facientes, sed etiam fieri mandantes, consilium, vel auxilium, vel fauorem dantes.

Aduertendum est autem, debere esse consecratos Episcopos; si enim tantum est electus, aut confirmatus, non incurritur hæc censura, ad eum vulnerantibus, capientibus, &c. sed alia Papalis. 17. q. 4. can. si quis suadente. Ita habet Glōs. Clem. si quis suadente, de pœnis. & Caietan. verb. excommunicatio. cap. 12.

Aduertendum est etiam iure esse latam excommunicationem Papalem contra ferè omnes hos, vt habetur Clem. si quis suadente. de pœnis. quæ quidem complectitur ferè hos omnes, & alios, qui in Bulla non continentur. Excommunicantur enim Episcoporum percussores. sub quo verbo intelliguntur mutilatores, & verberatores. nam hi percutiunt. Excommunicantur etiam interfectores. Similiter excommunicantur captores, sub quo verbo intelliguntur incarcerantes, & detinentes. Excommunicantur etiā bannientes Episcopos, quod comprehendit eijcientes. Similiter excommunicantur qui hæc mandant, vel sunt socij, vel dant consilium, vel ratificant, vel dant fauorem, vel scienter receptant illos. Similiter excommunicantur Potestates, Rectores, Consilarii, Consules, Balliui, Scabini, Aduocati, Officiales quocumque nomine nominentur, qui in aliquo horum culpabiles extiterint. Nō omnes hi in Cœna continentur, vt ex dictis appar-

Vnde Clementina est multo amplior, quàm sit Bulla in hæ parte. Aliæ etiam pœnæ ibi apponuntur, de quibus dicendum est postea in sequentibus.

*De Duodecima, & Decimatertia excommunicatione
in Bulla Cœnæ contenta.*

C A P V T XXVI.

Duodecima excommunicatio complectitur multa genera personarum sub se. Qui occidunt, seu quoquo modo percutiunt, aut bonis spoliunt, siue per se, siue per alios, directe, vel indirectè, hæc committant, aut exequi procurant, aut in eisdem, consilium, auxilium, vel fauorem præstant, cuiuscumque dignitatis, aut præminentie existant, qui inquam aliquid ex prædictis faciunt contra aliquem ex his sex, nempe recurrentibus ad Romanam Curiam ob sua negotia, vel causas; aut eadem in curia prosequentibus eadem negotia, vel causas; aut eorum solicatoribus; aut aduocatis; aut Procuratoribus; aut Auditoribus, vel Iudicibus super causas, vel negotia prædicta deputatis; siue istæ personæ lesæ sint Ecclesiasticæ, siue seculares. Limitantur tamen istæ actiones omnes, propter quas excommunicatio fertur, quando occasione, & intuitu causarum, vel negotiorum fiunt.

Dubium esse potest hic: nam isti prosequentes negotia, & causas, possunt esse simul morantes in Curia, & cum superius sit etiam lata excommunicatio contra verberantes, & mutilantes eos, qui in curia morantur, videntur isti tales bis excommunicati. Dico ita esse: nam vnus potest multis simul ligari excommunicationibus, propter varia delicta, vt habetur. 3. q. 4. can. Engeltrudam. Vnde, qui hæc committit, duabus indiget absolutionibus, aut vna complectente duas, vt absoluaatur ab excommunicatione, qua parte incurfa est propter vnâ causam, & qua etiam parte incurfa est propter alteram.

Decimatertia excommunicatio multa genera personarum complectitur, quæ ipsius tenore facile lectori erunt manifestæ: tenor autem talis est: *Item excommunicamus, & anathematizamus omnes, tam Ecclesiasticos, quàm seculares, cuiuscumque dignitatis, qui prætexentes friuolam quandam appellationem à grauiamine, vel futura executione literarum Apostolicarum, etiam in forma bre-*
uis, tam

uis, tam gratiam, quàm iustitiam concernentium, necnon citationum, inhibitionum, sequestrarum, monitoriorum, processuum, executorialium, & aliorum decretorum à nobis, & à Sede prædicta, seu Legatis, Nuncijs, Præsidentibus Camera Apostolicæ, Auditoribus, Commissarijs, alijsq; Iudicibus, & delegatis Apostolicis emanatorum, & quæ pro tempore emanaverint, aut aliàs ad Curias seculares, & laicam potestatem recurrunt, & ab ea instante etiam Fisci procuratore, vel advocato appellationes huiusmodi admitti, ac literas, citationes, inhibitiones, sequestra, monitoria, & alia prædicta capi, & retineri faciunt, quæ illa simpliciter, vel sine eorum beneplacito, & cōsensu, vel examine executioni demādari, aut ne tabelliones, & notarij super huiusmodi literarum, & processuum executione, instrumenta, vel acta conficere, aut confecta parti, cuius interest tradere debeant, impediunt, vel prohibent, ac etiam partes, seu eorum agentes, notarios, executores, & subexecutores literarum, citationum, monitoriorum, & aliorum prædictorum capiunt, percutiunt, vulnerant, carcerant, detinent, ex citationibus, locis, & regnis eijciunt, bonis spoliant, perire faciunt, conculciant, & comminantur per se, vel alium, seu alios publicè, vel occultè, quæ aliàs, quibuscumque personis, in genere, vel in specie, ne pro quibusvis eorum negotijs prosequendis, seu gratijs, vel literis impetrandis ad Rom. Curiam accedant, aut recursum habeant, seu gratias ipsas, vel literas à dicta Sede impetrent, seu impetrantur, directè, vel indirectè prohibere, statuere, seu mandare, vel eas apud se, aut notarios, seu tabelliones, vel alias quomodolibet retinere præsumunt.

De Decima quarta, & Decima quinta excommunicatione in Bulla Cœna contentis.

CAPVT XXVII.

Decima quinta excommunicationis tenor sic se habet. Excommunicamus, & anathematizamus omnes, et singulos, qui per se, vel alios auctoritate propria, ac de facto quorumcumque exemptionum, vel aliarum gratiarum, & literarum Apostolicarum prætextu, beneficiales, & decimarum, ac alias causas spirituales, & spiritualibus annexas ab Auditoribus & Commissarijs nostris, alijsq; Iudicibus Ecclesiasticis auocant, illarumve cursum, & audientiam, ac personas, capitula, conventus, collegia, causas ipsas prosequi volent.

volentes impediunt, ac se de illarum cognitione tamquam iudices interponunt. Quique partes adfices, quæ illas committi fecerunt, & faciunt ad reuocandum, & reuocari faciendum, citationes, vel inhibitiones, aut alias literas in eis decretas, & ad faciendum, vel consentiendum eos, contra quos tales inhibitiones emanarunt, à censuris, & pœnis in illis contentis absolui per statutum, vel alias compellunt, vel executionem literarum Apostolicarum, seu executorialium processuum, ac decretorum prædictorum quomodolibet impediunt, vel suum ad id fauorem, consilium, aut assensum præstant, etiam prætextu violentiæ prohibendæ, vel aliarum prætensionum, seu etiam donec ipsi ad nos informandos, ut dicunt, supplicauerint, aut supplicari fecerint, nisi supplicationes huiusmodi coram nobis, & Sede Apostolica legitime prosequantur, etiam si talia committentes fuerint præfidentes Cancellariorum, Consiliorum, parlamentorum, Cancellarij, Vicecancellarij, Consiliarij, ordinarij, vel extraordinarij, quorumcumque Principum secularium, etiam si Imperiali, Regali, Ducali, vel alia quacumque præfulgeant dignitate, aut Archiepiscopi, Episcopi, Abbates, Commendatarij, seu Vicarij fuerint.

Decimaquintæ excommunicationis tenor talis est. Qui ve ex eorum, prætenso officio, vel ad instantiam partis, aut aliorum quorumcumque personas Ecclesiasticas, capitula, conuentus, & collegia Ecclesiarum quarumcumque coram se ad suum tribunal, audiëntiam cancellariam, consilium, vel parlamentum, præter iuris canonici dispositionem trahunt, vel trahi faciunt, vel procurant, directe, vel indirecte, quouis quæsto dolore; nec non, qui statuta, ordinationes, constitutiones, pragmaticas, seu quouis alia decreta in genere, vel in specie, ex quouis causa, & quouis quæsto colore, ac etiam prætextu cuiusvis consuetudinis, aut privilegiij, vel alijs quomodolibet fecerint, ordinauerint, & publicauerint, vel factis, & ordinatis vsi fuerint, unde libertas Ecclesiastica tollitur, seu in aliquo leditur, vel deprimitur, aut alijs quouis modo restringitur, seu nostris & dictæ Sedis, ac quarumcumque Ecclesiarum iuribus quomodolibet, directe, vel indirecte, tacite, vel expresse præiudicantur.

Aduerte, non excommunicari illos, qui secundum iuris dispositionem, ad suum forum trahunt personas Ecclesiasticas, ob id enim illa particula est appositæ, (præter iuris communis dispositionem.) Sunt autem tres præcipui casus, in quibus Iudex secularis iudicari potest personas Ecclesiasticas.

Primus, quando talis persona tradita est per personas & Iudices Ecclesiasticos brachio seculari, iuxta capitulum non ab homine, de iudi.

Secundus, quando est licentia Episcopi proprii, vt habetur cap. 2. de foro compet. quod intelligitur de causa ciuili, vt notat Sil. v. iudex. l. §. 4.

Tertius est, per viam reconuentionis, vt habetur, 3. q. 8. can. iuncta Gloss. quod etiam in causa ciuili intelligitur, vt idem Silu. notat Gloss. in d. c. 2. ver. aut. de for. comp. Et hæc sententia, quod per viam reconuentionis laicus possit iudicare, in causa ciuili est communis, & à consuetudine approbata, secundum Ioan. Andr. licet non desint Doctores grauissimi contrarium affirmantes, vt notat Abb. in c. at si clerici, nu. 21. de iudic. Quæ autem sit libertas Ecclesiastica, & quando lædi dicatur, inferius explicabitur, cum de quadam iuris excommunicatione, quæ super hoc idem lata est, agemus.

De Decimasexta, & Decimasextima excommunicatione in Bulla Cæna contentis.

CAPVT XXVIII.

Decimasextæ excommunicationis tenor talis est. Nec non, qui Archiepiscopos, Episcopos, aliosque superiores, vel inferiores, Prælatos, & omnes alios quoscumque, Iudices Ecclesiasticos Ordinarios quomodolibet impediunt, quo minus sua iurisdictione Ecclesiastica contra quoscumque videntur, secundum quod Canones, & Sacræ constitutiones Ecclesiasticæ, & decreta Conciliorum generalium, & præsertim Tridentini statunt, ac etiam eos, qui post ipsorum Ordinariorum, vel etiam ab eis delegatorum quorumcumque sententias, & decreta, aut alias fori eccl. Iudicii eludentes ad Cancellarias, & alias Curias seculares, recurrunt, & ab illis prohibitiones, & mandata, etiam pœnalia, Ordinarijs, aut delegatis prædictis decerni, & contra illos exequi procurant, eos quoque qui hæc decernunt, & exequuntur, seu dant auxilium, consilium, patrocinium, & fauorem in eisdem. In hac nihil occurrit adnotandum.

Decimasextimæ excommunicationis tenor hic est. Quiue iurisdictiones, seu fructus, redditus, & prouentus ad nos, & Sedem Apostolicam, & quascumque Ecclesiasticas personas ratione Ecclesiarum, monasteriorum, & aliorum beneficiorum

Ecclesiasticorum pertinentes vsurpant; vel etiam quauis occasione, vel causa, sine Romani Pontificis, vel aliorum ad id legitimam facultatem habentium expressa licentia, sequantur.

Aduerte ex Caietan. verb. excommunicatio. cap. 27. aliquot esse necessarias conditiones, vt aliquis contrahat hanc excommunicationem.

Prima est, vt sint bona pertinentia ratione beneficiorum, Monasteriorum, vel Ecclesiarum, si qua enim bona habent personæ Ecclesiasticæ aliunde prouenientia, hæc vsurpare, licet peccatum sit obligans ad restitutionem, censuram tamen hanc non inducit.

Secunda, vt sint bona pertinentia ad ipsas personas Ecclesiasticas, ratione beneficiorum, monasteriorum, vel Ecclesiarum obtentorum; vnde, quando beneficia vacant, nec ad personam vllam adhuc pertinent, bona talia vsurpare, licet sit peccatum obligans ad restitutionem, tamen hanc censuram non inducit.

Tertia, vt sit ista vsurpatio cum quadam appropriatione, quasi ad ipsum vsurpantem pertineret, & hoc intelligit Caietan. quando dicit, vsurpare bona Ecclesiæ, vt sunt Ecclesiæ, vnde milites, fures, & alij huiusmodi, qui bona Clericorum rapiunt, sicut aliorum secularium, non sunt hac censura ligati.

Quarta est, vt id sit sine expressa Notitia Sedis Apostolicæ.

De Decimaoctaua, & Decimanona excommunicatione in Bulla Cænæ continentis.

CAPVT XXIX.

Decimaoctauæ excommunicationis tenor sic se habet. *Qui ue collectas, decimas, talleas, prestancias, & alia onera Clericis, Prelatis, & alijs personis Ecclesiasticis, ac eorum, et Ecclesiarum, Monasteriorum, & aliorum beneficiorum Ecclesiasticorum bonis, illorumque fructibus, redditibus, & prouentibus huiusmodi, absque simili Romani Pontificis speciali, & expressa licentia imponunt, & diuersis etiã exquisitis modis exigunt, aut sic imposta etiam ad se spontè dantibus, & concedentibus recipiunt. Nec non qui per se, vel alios,*

diar, directè, vel indirectè prædicta facere, exequi, vel procurare, aut ei, dem auxilium consilium, vel fauorem præstare nõ veniunt, cumcumque sint præ eminentiæ, dignitatis, ordinis, conditionis, aut status, etiam Imperiali, aut Regali præfulgeant dignitate, seu Principes, Duces, Comites, Barones, & alij potentatui quicumque etiam Regnis, Præuincijs, Cinitatibus, & terris quoquomodo Præsidentes, & Consiliarij, & Senatores, aut quauis etiam Pontificali dignitate insigniti. Innouantes decreta super his per sacros canones tam in Lateranensi nouissimè celebrato, quam alijs Concilijs Generalibus edita, etiã cum censuris, & pœnis in eis contentis.

Aduerte, non solum excommunicari, qui imponunt, aut exigunt prædicta ex bonis beneficiorum, Ecclesiarum, Monasteriorum, sed etiam quando ista imponuntur ipsis personis Ecclesiasticis, etiam si beneficia non habeant. Imponentes ergo collectas, &c. super bonis patrimonialibus Ecclesiasticorum, excommunicati sunt, hoc indicat illud verbum (eorum, & Ecclesiarum) quod intellige, nisi personæ Ecclesiasticæ, negotiationibus secularibus se immiscerent, tunc liceret imponere illis gabellas, sicut etiam secularibus super tali negotiatione, vt notat Siluest. verb. gabella. 3. §. 1. & Clem. præsent. & ibi Gloss. de censib. vnde non placet in hoc Nauar. c. 27. nu. 68. summ. qui putauit, excommunicationem comprehendere solos eos, qui imponunt, exigunt; accipiunt onera super bonis beneficiorum. Hoc autem ita non est: nam in Bulla vtrumque ponitur.

Aduerte præterea, ex iure antiquo, c. non minus, extra de immunit. Eccle. ex Concil. Lateran. sub Alexandr. III. fuisse excommunicatos imponentes hæc onera personis ecclesiasticis, sine licentia Sedis Apostolicæ, excepto vno casu, nempe propter vtilitatem, vel necessitatem communem, quando bona secularium ad id non suppeterent. Ista tamen excommunicatio non fuit reseruata, postea in eodem Concil. Lateran. vt habetur c. aduersus. extra eodem titu. fuit sublata ista exceptio, & determinatum, vt nec in hoc casu id liceret absque licentia Sedis Apostolicæ, hoc fuit sub Innocentio III. Postea successit Bonifac. VIII. & in c. Clericis, de immunit. Eccle. in 6. reseruauit sibi excommunicationem, & rursus extendit ad quocumque modo accipientes, etiam à donantibus, & rursus vniuersitatem talia facientem supposuit interdicto, & extendit excommunicationem ad ipsas personas, quocumque modo, spontè etiam soluentes onera prædicta. Postea successit Bene-

dictus XI. in extrauag. quod olim de immunitat. Eccles. & reuocauit decretum Bonifacij, quantum ad hoc, quod non habeat locum in accipientibus à spontè dantibus, & in ipsis spontè dantibus.

Huic postea successit Clemens V. in Clemen. quoniam, de immunit. Eccles. & reuocauit vtrumque decretum, & Bonifacij, & Benedicti, & voluit obseruari illa cap. ex Concil. allegata. non minus, & aduersus. His omnibus successit Bulla, & excommunicat etiam accipientes à spontè dantibus, & quod magis est, innouat omnia decreta, & Concilia generalia, & Canones super his, vnde decretum Bonifacij locum habere videtur, ac si esset in Cœna.

Aduerte etiam, excommunicationem Bullæ extendi ad per se, vel per alios, directè, vel indirectè aliquid prædictorum facientes, exequentes, procurantes, consilium, auxilium, aut fauorem dantes. Vbi nota, hanc extensionem comprehendere omnia à principio decimæ quartæ inclusiue excommunicationis dicta, vt notat Siluest. excomm. 7. §. 70. 71. 72. & Tabien. excom. 6. nu. 12. & propterea sub vno contextu copulatiue legitur.

Extenduntur etiam omnes hæ excommunicationes, vt diximus, à decimæ quartæ inclusiue, ad omnia personarum genera, cuiuscumque conditionis, status, dignitatis, præeminentia, vt patet in litera.

Postremò innouantur Canones, qui, super hæc dicta, cum interdicto, de quo diximus supra, & cum alijs pœnis in eis contentis. Aduerte tamen, non innouari decretum Bonifacij quantum ad hoc, quod ipsi clerici solucentes sint excommunicati, sed quantum ad ipsos imponentes, aut accipientes, vel exigentes: nam non innouantur Canones, nisi quantum ad prædicta in hac excommunicatione. In hoc autem non comprehenduntur solucentes, siue spontè, siue quocumque modo.

Decimæ nonæ excommunicationis tenor hic est Excomm. nicamus, & anathematizamus omnes, & quoscumque Magistratus, & Iudices, Notorios, scribas, executores, subexecutores quomodolibet se interponentes in causis capitalibus, seu criminalibus contra personas ecclesiasticas, illas processando, banuendo, capiendo, seu sententias contra illas proferendo, vel exequendo, sine speciali, specifica, & expressa huius sanctæ Sedis Apostolicæ licentia; etiam si talia committentes fuerint

uerint Conciliarij, Senatores, Præsidentes, Cancellarij, Vice-
cancellarij, aut quouis alio nomine nuncupati.

*De vigesima, & nonnullis alijs præter excommunica-
tiones in Bulla contentis.*

CAPVT XXX.

CÆTERA, quæ in Bulla continentur, non indigent ex-
plicatione, satis erit tenorem recitare; & si quid occurret,
breuiter adnotare.

Vigesima sic se habet. *Excommunicamus, & anathemati-
zamus omnes illos, qui per se, seu per alios directè, vel indirectè, seu
quocumque titulo, vel colore inuadere, destruere, occupare, deinere
presumpserint in totum, vel in partem Alman urbem, Regnum Sici-
liæ, Insulas Sardinie, & Corsicæ, Terras citra Phayum, Patrimonium
beati Petri in Thubicia; Ducatum Spoletanum, Comitatum Venetiarum,
Sabiniensem, Marchiam Anconitanæ, Massæ Trebariæ, Romandiolæ,
Campaniæ, & maritimas Provincias, illarumque terras, & loca, ac
terras specialis commissionis Arnulphorum, Ciuitatesque nostras,
Bononiam, Cesennam, Ariminum, Beneuentum, Perusium, Avinio-
nem, Ciuitatem Castellum, Tuderium, & alias Ciuitates, terras, & loca
vel iura ad ipsam Romanam Ecclesiam pertinentia, disteque Romanæ
Ecclesiæ mediata, vel immediata subiecta. Qui ve supremam iurisdic-
tionem in illis nobis, & eidem Romanæ Ecclesiæ competentem de fa-
cto usurpare, perturbare, retinere, & vexare varijs modis præsumunt,
necnon adherentes fautores, & defensores eorum, seu illis auxilium,
consilium, vel fauorem quomodolibet præstantes.*

Post has excommunicationum sententias latas, multa Pon-
tifex facit.

Primò quidem reseruatur absolutiones Sedi Apostolicæ, ex-
cepto mortis articulo, quas nec tunc dari præcepit, nisi prius
facta satisfactione, aut præstita cautione de stando mandatis
Romani Pontificis.

Secundò, reuocat omnia priuilegia; per quæ absolutio ex-
tra mortis articulum poterat ab alio, quam à Romano Pon-
tifice exhiberi. Reuocat etiam tales facultates, etiam datas an-
te Concilij generalibus, ex quo habes reuocari facultatem;
quæ dabatur Episcopis, sess. 24. cap. 6. vt per se, vel per suos Vi-
carios absoluerent à casibus omnibus occultis, etiam Sedi
Apostolicæ reseruatis, etiam ab hæresi: sed ab hac per se
tantum,

tantum, non per Vicarios, hoc autem reuocatum est per Bullam hanc, etiam quantum ad forum interius.

Tertio protestatur Pontifex absolutionem solemnem in die Iouis Cœnæ faciendam non comprehendere, nec suffragari vlli ex prædictis, nisi prius à commissis cum vero proposito similia non committendi destiterint; vbi, ne decipiamus, putans Papam eo die absolueri generaliter excommunicatos omnes; nulla enim tunc absolutio ab excommunicatione fit; sed per hanc protestationem id significat, quod generalis, benedictio illa, quæ tunc fit, non suffragatur vlli excommunicato ad effectum auferendi excommunicationem absq; alia absolutione.

Quarto declarat, eos, qui statuta, pragmaticas, vel similia fecerunt contra libertatem Ecclesiæ, nullam absolutionem eis profuturam, nisi prius reuocauerint, & de suis Archiuis, locis, capitulis, vel libris deleuerint, & de reuocatione hac Romanum Pontificem certiores fecerint.

Quinto reuocat quæcumq; priuilegia concessa principibus, Regibus, & quibuscumq; ut nequeant excommunicari, aut quæ impediunt, quominus hæc Bulla locum in eis habeat.

Sexto fulminat excommunicationem latæ sententiæ contra eos, qui præsumpserint absolueri aliquem ex prædictis, aliter quam decretum est per Bullam. In qua excommunicatione dubium oritur, An ista excommunicatio sit reservata sicut prædictæ. Aduerte, Paulum Secundum in sua Bulla, etiã huic excommunicationi addidisse expressam reservationem, nempe, ut nemo prædictum absoluentem absoluat, præter Romanum Pontificem; vnde refert Felyn. c. pastoralis, de offi. iud. ordin. §. præterea, numer. 9. sed iam talis expressa reservatio à multis annis est ablata: ob id modò dubium est, an censenda sit reservata. Et dubium facit; nam, ut diximus, ista Bulla est ab homine, & ut habetur in prædicto cap. pastoralis, excommunicatio ab homine ab eodem, qui fulminauit, vel à superiore tolli potest; ergo, cum sit ista à Papa, à nullo alio aufertur. Hoc non obstante, tenet Nauar. c. 27. num. 74. non esse reservatam, & ratio est, quia etiam si sit ab homine, est generalis, & non lata contra personam determinatam, & talis excommunicatio assimilatur excommunicationi à iure, ut si non est reservata expressè, censetur non reservata. Hoc probabilius puto, licet Fely. loco citato teneat contrarium: ob id enim olim ap-

ponebatur reservatio, quia ex se non erat reservata, etiam si ab homine esset: nam ut superius diximus, quando generalis est, conditionem iuris habet.

Septimò præcepit in virtute sanctæ obedientiæ, Patriarchis, Primatibus, Archiepiscopis, Episcopis; & locorum Ordinariis, & Prælatibus ubilibet constitutis, ut per se, vel per alium, seu alios, præsentem literas, postquam eas receperint, seu eam habuerint notitiam semel in anno; aut, si expedire viderint, etiam pluries in Ecclesijs suis, dum in eis maior populi multitudo ad divina conuenerit, solemniter publicent, & ad Christi fidelium mentes reducant, nuncient, & declarent.

Octauò præcipit Patriarchis, Archiepiscopis, Episcopis, alijsque locorum Ordinariis, & Ecclesijs. Prælatibus necnon rectoribus, cæterisque curam animarum exercentibus, ac præbiteris secularibus, & quorumvis ordinum regularibus ad audiendas peccatorum confessiones, quauis auctoritate deputatis, ut transumptum literarum penes se habeant, easque diligenter legere, & percipere studeant.

*Qui contrahant excommunicationem, ad iniectio-
nem manuum in Clericos.*

CAPVT XXXI.

IN explicandis alijs Communicationibus Papalibus hunc ordinem obseruabimus, ut primo loco eas, quæ in Decretis continentur exponamus, quia hoc ius est antiquissimum. Deinde, quæ in decretalibus. Deinde, quæ in Sexto. Et postea, quæ in Clementinis. Et postremò, quæ in Extrauagantibus. Prima ergo habetur 17. q. 4. Can. si quis suadente diabolo, & est Innocentii Secundi. Si quis, inquit, suadente diabolo, huius sacrilegii vitium. vel crimen incurrerit, quod in Clericum, vel Monachum violentas manus iniecerit, anathematis vinculo subiaceat, & nullus Episcoporum illum præsumat absolueret, nisi mortis urgente periculo, donec Apostolico conspectu præsentetur; & eius suscipiat mandatum. Hic canon generalis est ad utrumque sexum, quamuis dicatur, si quis, ut notat ibi Gloss. & probatur ex c. mulieres, extra de senexcomm.

Quatuor autem in isto canone ponuntur necessaria, ut taxat excommunicatio contrahatur.

Primò,

Primò, vt sit manuū iniectio, & per iniectionem manuū intelligitur quicumque effectus violentus, in personam, vel in adhaerentia personæ, vt notat Silu. verb. excomm. 6. §. 1. etiam, vnde Gloss. citata notat, manuū iniectionem dici, si quis aquam projiciat, vel puluerem, vel saliuam, per modum iniuriæ, immò tentio violenta sine ulla læsione est iniectio manuū, vt habetur cap. nuper. de sent. excom. & idem dicendum de his, qui eripiunt e manibus, aut corpore aliquid, aut ad frenos equi manus admonent, aut absciunt cingulum ephipij, aut eum ita furiosè persequuntur, vt cogat se præcipitare in flumen, aut aliud discrimen ad se liberandum pati, secundum communem text. Nauar. in sum. ca. 27. num. 77. per text. in d. c. nuper, §. nos igitur de sent. excom. vbi habetur, etiam circa corporalem læsionem violentam sapius circa clericos nequiter perpetrari. Secus tamen, si clericum insequatur, vt cædat, & ille sine percussione cadat, & lædatur, vt dicit Silu. verb. excomm. 6. num. 5. ver. 7. Denique iniuriōsus effectus realis, licet non sit violentus, d. c. nuper. puta, si percussit quis clericum subiicientem se sponte verberibus, si non facit iocosè, vt dicit Abb. in cap. contingit, l. 1. num. 5. de sent. excomm. vel ipsemet clericus se ipsum percussit secundum communem text. Abb. vbi supra. quia priuilegium clericale datum est non fauore proprio, sed ordinis clericalis, cap. 1. & cap. de monialibus, de sent. excomm. Abb. in d. c. contingit in fi. Dico autem effectum realem: nam ^{ad} non est manuū iniectio, vnde Siluest. excommu. 6. §. 2. dicit verba iniuriōsa, comminationem immò eleuationem manus, vel ensis ad percutiendum, si effectus non sequitur, non esse iniectionem manuū, iuxta Gloss. communiter receptam in c. si quis pulsatus de poenit. dist. 1.

Secundò debet esse violenta, ad excludendum casum: nam quando casualis, etiam si sit homicidium, immò fiat cum peccato mortali, quia forsā non est adhibita diligentia, non inducit hanc excommunicationem, quia non est violenta, aut iniuriōsa iniectio.

Tertiò debet esse suadente diabolo, idest notabilis ita, vt sit peccatum mortale, pro solo enim mortali peccato excommunicatio maior fulminatur, vt habetur II. qu. 3. canonem.

Quartò debet esse facta in clericum, vel in monachum, & per clericum intelligimus etiam, qui solam habet primam tonsuram

suram, cap. cum contingat. de atat. & qual. Immo etiam, si coniugatus sit, gaudet priuilegio huius canonis, dummodo tonsura, & habitum ferat, & cum virgine contraxerit, ut habetur c. 1. de cleric. coniugat. in 6. Hodie vero per Concilium Triad. cap. 6. sess. 23. requiritur ulterius, quod alicuius ecclesie seruiat, vel ministerio ab Episcopo deputatus ecclesie seruiat, vel ministret, & eodem gaudent priuilegio etiam Clerici coniugati cum virgine, qui dimiserunt habitum, illo reassumpto, dummodo non reassumant in fraudem, ut dicit Ancar. qui alios citat in cap. vnico. de Cleric. coniug. per illum text. in fin. ubi non portantes habitum, priuilegio non gaudeant; non autem dicitur, quod perdant. Illo ergo, quandoque portent, gaudebunt, & quatenus diceretur, quod perdunt, intelligeretur vsque ad reassumptionem. Immo etiam Clericus excommunicatus, interdictus, suspensus, irregularis, degradatus solum verbaliter, sed non realiter, gaudet hoc priuilegio, ut habent Doct. cap. ex parte, extra de Cleric. coniug. immo degradati verbaliter, etiam si sint incorrigibiles ex iteratione delicti gaudent eodem priuilegio, quousque fuerint ter moniti secundum Abb. in cap. cum non ab homine, numer. 28. de ind. & in cap. contingit. 1. num. 12. de sen. excommun. Per monachum autem intelligimus, monachos, & regulares professos, & conuersos eorum, cap. non dubium de sent. excomm. & monachas, & earum conuersas, cap. de monialibus, de sen. excomm. immo nouitios & nouitias, ut habetur cap. religioso de sen. excommu. in 6. Similiter & fratres tertij ordinis S. Dominici, vel S. Franciscani, qui gregatim viuunt, & habitum portant religiosum secundum Rot. in antiq. decis. 332. in fin. & Fely. in cap. 2. num. 10. de foro. comp. & idem dic. de Heremitis subiectis alicui regulæ, vel superiori, secundum Siluest. ver. Heremita. num. 2. qui ita restringit Gloss. in cap. qui verè. 16. q. 1. indistinctè loquentem. Idem etiam dicendum de illis, qui se, & sua obtulerunt cum alteratione habitus. Silu. ver. Ecclesia, 1. num. 6. ver. adde idem. Atque etiam de militib. S. Ioannis Hierosolymitani, qui profitentur regulam S. Augustini Siluest. ubi supra: ipsi enim emittunt tria vota, iuxta cap. cum ad monasterium de stat. regular. & dicuntur personæ religiosæ, ac promittunt obedientiam superiori, ut dicit Pute. decis. 363. lib. 1. Et aduerte, secundum Fely. in capit. a nobis 2. nu. 4. de sen. excomm. priuilegium concessum, clericis aut monachis, quod illorum percussores sint excommunicati, habere locum

locum tūm si percutiantur viui, tūm etiam si mortui. Iniicientes ergo manus violentas in prædictas personas, excommunicationem Papæ referuatam incurrunt.

Quamuis autem per hunc tantum canonem, soli iniicientes manus violentas in prædictas personas, excommunicationem hanc contrahant, tamen ad alia quatuor personarum genera, per alios canones à Pontificibus declaratur, & extenditur.

Primò, qui mandant prædictam manuum iniectionem, etiam si per se eam non committant; ita habetur c. mulieres de sent. excomm.

Secundò ij, quorum nomine facta est, etiam ipsis ignorantibus, tamen posteaquam sciuerunt ratificauerunt; talis enim rati habitio retro trahitur, vt habetur in c. cum quis de sent. excomm. in 6. vbi habetur, quod quando rati habitio est iniectionis, sed non est iniectio facta nomine illius, qui ratificat, tunc non contrahitur excommunicatio, sed tantum peccatū; quando verò nomine illius facta erat, tunc contrahitur excommunicatio canonis, si quis suadente. Et aduerte, illud dici factum nomine alicuius, quod eius sit contemplatione, Gloss. in d. c. cum quis verb. tuo nomine. de sent. excomm. lib. 6. Aduerte similiter, quatuor requiri ad hoc, retrotrahatur delictum alterius nomine factum, secundum Io. de Anan. in c. laudabilem, de conuer. coniug.

Primò, quod nomine illius sit factum.

Secundò, quod habeatur ratū: nam si diceret, doleo, quod sit factum nomine meo, sed gaudeo, quod sit factum, non dicitur ratum habere.

Tertiò, quod sit tale delictum, quod per alterum possit committi; secus si non potest, vt est adulterium,

Quartò, quod rati habitio eodem tempore possit fieri, quo sit actus; qui enim rata haberet, quæ gesta sunt nomine eius, quando erat infans, non dicitur ratum habere, quia non poterat illum actum tunc facere. Aduerte vltèrius, quod habens ratum incidit in poenam ex nunc, quo ratum habuit, & nō ex tunc, quo delictum fuit perpetratum, Gl. in d. c. cum quis ver. incurtis Abb. in c. sicut tuis num. 7. de simon.

Tertiò consentientes tali iniectioni, vt habetur in c. quantæ, vbi Gloss. bene aduertit, non omnes consentientes excommunicari, sed eos, qui ad prædictam iniectionem cooperantur, vel consilium, vel auxilium, vel fauorem dando.

Quartò,

Quartò, qui possunt obuiare iniectioni prædictæ, & non obuiant, ita habetur eodem c. quantæ; & licet ibi Gloss. limitet ad eos, qui non obuiant, cum possint, & ex officio, vel auctoritate obuiare tenentur: generaliter tamen, siue habeant iurisdictionem, siue non, si dolose non obuiant, quod incidunt in canonem, tenent Host. in d. c. quantæ, in fin. & ibi Abb. nu. 7. & Boic. nu. 6. Sectus, si ex negligentia, vel quia nolunt se immiscere ruinotibus aliorum, tunc non incidunt in canonem, qui requiritur dolum, ut per Host. & Abb. & Boic. ubi supra Silu. verb. excom. 6. nu. 5. ver. 5.

Qui excommunicati ob manuum violentam iniectionem, ab alio: quàm à Romano Pontifice absolui possint.

CAPVT XXXII.

ADVERTENDVM est ex Panorm. & Ioan. Andr. c. peruenit, de sent. excom. triplicem esse læsionem, enormem, leuem, mediocrem. Enormis est, ut habetur c. cum illorum, §. qui si claustrales, in fin. de sent. excommun. quando processum est ad membri mutilationem, vel effusionem sanguinis: aut ratione personæ, quando in Episcopum, aut Abbatem violenta manus iniecta. Per mutilationem intellige cum Silu. absolutio. 4. §. 2. quando est truncatio membri, aut vulnus, ex quo est inhabilitatio membri. Per effusionem sanguinis intellige, quando est copiam & abundantiam, ut Gloss. in eodem c. cum illorum notat: nam verbum effusionis, abundantiam significat, ut habetur 16. qu. 1. can. reuertimini. & notat Silu. loco citato, non debere esse copiam è loco, unde facile egreditur, ut è naribus, sed aliunde. Aduerte, etiam ex eodem cap. quando læsio esset in aliquam aliam similem personam, unde scandalum ortum esset in populo, esset enormis læsio, ut in eod. c. declarat Inno. Leuis autem est illa, quæ fit pugno, palma, manu, pede, ligno, lapide non facientibus vulnus, ut declaratur in extrauag. perlectis, cuius meminit Hostien. in cap. peruenit, de sent. excomm. Non vocamus autem leuem, quæ fit sine mortali peccato: nam propter talem non incurritur excommunicatio, sed quæ fit cum mortali, sed respectu enormis, leuis censetur. Est autem, ut habetur in extrauag.

trauag. perlectis. ad iudicandum læsionem leuem iudicium faciendum, non solum facti, sed qualitatis, & modi, & circumstantiarum aliarum, loci, & personarum, propter quæ, quod leue est, potest esse graue. Mediocris læsio est, quæ media est inter enormem, & leuem, nec de hac potest esse regula certæ iudicium tamen pertinet ad Episcopum, vt dicit Hostien. cap. peruenit, citato. Addit Silu. absolutio. 4. §. 3. etiam ad simplicem sacerdotem, qui ab Episcopo habet absoluendi potestatem. Hoc supposito nonnulla notanda sunt.

Ab excommunicatione contracta ob iniectionem manus violentam in Clericum ex leui læsione, potest Episcopus absolvere, tam seculares, quàm Clericos. ita habetur expressè c. peruenit, de sen. excom. & ibi Glo. & Panorm.

Rursus à contracta ob læsionem mediocrem, potest Episcopus absolvere Clericos collegialiter viuentes, si fortè vnus alterum percussit, sed non ob enormem, ita habetur, c. quoniam, de vit. & honest. Cler.

Rursus, quando sunt monachi, seu religiosi in claustro degentes, & vnus alterum lædit, à proprio superiori potest absolui, quòd si percussus est alterius claustri, ab vtroque superiori debet absolui, si læsio est leuis, vel mediocris; tamen si enormis, à Papa. Hæc dicuntur c. cum illorum, de sen. excom. & in eodem c. habetur, quòd si percussus est Clericus secularis, tunc religiosus percutiens à Papa est absolueudus, intelligitur ob mediocrem: nam ob leuem potest Episcopus solus: non autem Prælatus Religiosi percutientis, iuxta c. religioso. de sent. excom. in 6.

Rursus, si ostiarius Principis, Prælati, vel alterius potestatis, sui officij causa lædit Clericum, non animo iniuriandi, sed ob detinendam turbam, aut officij sui causa, absoluitur ab Episcopo, si leuis, aut mediocris læsio fuerit, sed non nisi à Papa, si enormis, vt habetur c. si verò, l. de sen. excom.

Rursus, quando impedimentum legitimum temporale occurrit, quominus iniector manus violentæ possit ad Sedem Apostolicam venire, vt quia habet inimicitias, vel ob alias iustas causas, tunc potest ab Episcopo absolui cum iuramento, vt cessante impedimento veniat ad Sedem Apostolicam, ita habetur c. de cætero, de sen. excom.

Rursus serui absoluuntur ab Episcopo, etiam ob enormem læsionem, sed in duobus casibus.

Vnus,

Vnus, quando seruus fecit in fraudem, vt se à Domino liberaret.

Alter, quando, etiam si non in fraudem fecerit, tamen eius absentia est in magnum detrimentum Domini, nec Dominus in culpa læsionis fuit.

Adhuc etiam in his duobus casibus ab Episcopo non potest absolui, quando est tam enormis læsio, vt ad vitandum scandalum, vel tollendum exemplum, sit mittendus ad Sedem Apostolicam. Ista habetur c. relatum, de sent. excom. quod non intelligitur de alijs famulis liberis.

Si tamen seruus ad libertatem peruenerit, debet ad Sedem Apostolicam venire, quando ob enormem, vel mediocrem est absolutus ab Episcopo, & cum tali iuramento est absoluentus, c. quamuis, de sent. excomm. sicut fit in alijs impedimentis temporalibus.

Aduerte autem, quod in omnibus casibus, in quibus data opportunitate tenentur Papam adire, si nō adeant, sunt periuri, quia non seruant iuramentum, & reincident in eandem sent. excom. non quod prima reuiuiscat, sed est noua excommunicatione à iure lata propter contemptum, vt dicit Abb. in c. ex ten. in fin. de sen. excomm. per tex. in c. eos, eo tit. lib. 6. Sunt autem alij casus, in quibus potest Episcopus absolvere ab hac excommunicatione, ob quamcunque læsionem contractam.

Primò, quando sunt pueri ante annos pubertatis, seu annos quatuordecim, vt habetur cap. super eo, de sen. excom. nec tenentur venire ad Sedem Apostolicam facti grandiores, vt habetur c. quamuis, eod. tit. immò si contraxerunt excommunicationem ante annos pubertatis, & quando absoluenti sunt ultra annos pubertatis, absolui possunt ab Episcopo, vt habetur c. ult. eod. tit.

Secundò, mulieres cuiuscumque ætatis, & conditionis absoluntur ab Episcopo, c. mulieres, eo. tit.

Tertiò Moniales ab Episcopo Diocesano etiam absoluntur, c. de monialib. eo. tit.

Quartò, imponentes ad iter, vt cæci, claudi, & similes, ita habetur c. ea noscitur, eo. tit.

Quintò, quando sunt pauperes, vt nequeant sustentari, nisi suo labore, nec tenentur venire ad Sedem Apostolicam mendicantes, c. quod de his, eod. tit. quod est verum, nisi ipse esset solitus mendicare, & mendicando sibi prospicere, vt notat Abb. in c. ea noscitur, in fi. de sen. excom. Et hoc limita, si sit solitus

mendicando sibi, & familiæ prospicere; itinerando aut familiæ non posset prospicere, quia tunc non teneretur ire, secundum Abb. vbi supra. Sed hi, si post venirent ad pinguem fortunam, tenentur venire, iuxta c. quamuis, eod. tit. vbi inter habentes impedimentum temporale soli pueri excipiuntur.

Eodem priuilegio firuntur Monachi, qui non habent viaticum, & monasterium pauperum eis providere non potest, quoniam, & tales absoluit Episcopus. Gloss. in c. religioso, ver. exhiberi, in fi. de sent. excom. l. b. 6.

Sextò, quando sunt personæ magnæ potentia, & ita delicti, quod laborem veniendi non possunt sustinere; tunc enim status personæ, & veritas negotij est intimanda Romano Pontifici, vt de commisso scelere secundum consilium eius corrigantur, priusquam absoluantur, vt habetur c. mulieres, eodem tit.

Septimò, qui sunt in senili ætate ab Episcopo absoluntur, vt habetur c. quamuis, eod. tit.

Hic autem aduertenda sunt tria. Vnum est, quod in casibus his omnibus, in quibus Episcopus potest absolvere, absolutio nem potest committere presbytero, vt habet Glo. in c. de extero, eod. tit. & superius hoc diximus.

Alterum est, legatos de latere Romani Pontificis, habere, facultatem de iure communi absoluendi quoscumq; excommunicatos, ob manuum violentam iniunctionem, ita habetur c. ad eminentiam, de sen. excom.

Tertium est, occultos etiam excommunicatos, ob iniunctionem manuum præter enarratos, non posse ab Episcopo absolui, sed sunt mittendi ad Sedem Apostolicam, vt habetur c. potro, eod. tit. vel ad legatum de latere, iuxta c. ad eminentiam allegatum. Hodie tamen per Concilium Trident. c. 6. sess. 24. habent Episcopi potestatem absoluendi à quibuscumq; casibus occultis Sedi Apostolicæ referuatis.

In quibus casibus non contrahatur prædicta excommunicatio.

CAPVT XXXIII.

MULTI sunt etiam casus, in quibus ex Clerici, vel Monachi læsione, vel manuum iniunctione non contrahitur excommunicatio vlla.

Primus

Primus, quando facta est ioco, etiam si iocus non sit cum modo. ita habetur cap. i. de sent. excommun. quia id non facit suadente diabolo, quod requiritur iuxta cap. si quis suadente, 17. q. 4.

Secundò, ob eandem causam, quando fortuitò fit ut si aliquis, dum irruentem turbam cohibet, fortuitò percutit Clericum, vel monachum, non est excommunicatus, ita habetur c. si verò. 1. de sen. excom. In quo c. est etiam.

Tertius casus, quando, qui percutit vim vi repellit; cum moderamine inculpatæ tutelæ; tunc enim in decisionem etiam si occidat, non est excommunicatus, immò nec irregularis, ut habetur Clem. vni. de homi. In eodem etiam c. si verò habetur.

Quartus casus, quando percutit in continenti Clericum, vel Monachum turpiter inuentum cum vxore, vel matre, sorore, vel filia: tunc enim licet peccatum sit manum iniicere, & occidere secundum communem, per c. ad hæc Gloss. 33. q. 2. tamē non contrahitur excommunicatio Si verò sit inuentus cum alijs personis remotioribus ipsi percutienti, tunc est excommunicatus.

Aduerte autem, quod si Clericus taliter repertus occideretur animo deliberato, & non calore iracundiæ, occidēs in canonem incideret, secundum Silu. in ver. excom. 6. ca. 10. quem refert: & sequitur Couar. in 4. libr. decret. 2. part. c. 7. nu. 12. Aduerte rursus, nomine foris etiam intelligi sponsam de præfenti secundum omnes, teste Silu. vbi supra. Nomine autem matris, & filie, non intelliguntur omnes ascendentes, & descendentes, sed ipsa tantum mater, & filia, ut habet Gl. in d. c. si vero. ver. matre vbi Abb. num. 9. & Hostien. in fin. dicunt id esse tutius, licet in d. ca. fin. contrarium tenuit Inno. sub nomine scilicet matris, & filia, contineri omnes ascendentes, & descendentes.

Quintus casus habetur in c. si ver. 2. eod. tit. qui enim percutit Clericum cum ignorantia probabili facti, nempe ignorans esse Clericum, quia Clericus non habebat signa, unde Clericus appareret, tunc non contrahit excommunicationem. Et idem dicendum est, si noctu percussit, quamuis signa Clericus haberet, ignorando esse Clericum, quamuis, qui percussit daret operam rei illicitæ, ut bene dicit Nauar. c. 27. nu. 80. licet id neget. Silu. excom. 6. §. 6.

Sextus casus est, quando Clericus est realiter degradatus;

tunc enim perdit priuilegium Clericale, ca. degradatio de pœnis in 6.

Septimus, quando negotiationibus prohibitis se immiscet, & ter admonitus à Prælato non desistit, cap. ex literis extra de vit. & honest. Cler.

Octauus quando relicto habitu arma deferret militaria, & ter admonitus non desistit, c. in audientia. extra. de sen. excom. Et nota non fat esse arma deferre cum habitu, quamuis Nauar. cap. 27. num. 80. id affirmet, sed re vera textus contrarium ostendit.

Nonus est, quando relinquit habitum Clericalem, qui in veste, & tonsura consistit, & ter admonitus non se emendat, c. contingit. 2. de sen. excom. vbi Panorm. n. 4. docet, debere esse has admonitiones tres distinctas, & non sufficere vnā pro tribus, & debere esse ab Episc. seu Prælato ipsius Cler.

Decimus est cap. 1. de vit. & honest. Cleric. in 6. vbi Clerici, qui faciunt se ioculatores, goliardos, buffones, perdunt priuilegium Clericale, si per annum perseuerant, aut si ante annum ter admonentur à Prælatis, & non desistunt.

Vndecim^{us} est in Clem. de vit. & honest. Cler. qui enim publice, & personaliter exercent officium Tabernariorum, vel Marcellariorum, si ter admoniti non desistunt, vel post admonitionem iterum reuertuntur, etiam si destiterint, perdunt priuilegium Clericale. Et in his casibus non contrahitur excommunicatio ex manū iniectione seu percussione in Clericum vel Monachum.

Duodecimus est casus, si mulier percutit Clericum de stupro illam tentantem, modo tentatio fiat facto, & non solo verbo. Ang. ver. excommun. §. 21. Nauar. in summ. cap. 27. numer. 85.

Decimusterius, si Clericus, qui prius admonitus fuerat, vt à colloquio cum vxore abstineret domi, etiam honesto, postea inuentus esset cum ea, etiam honestè loquendo, & detineretur per viginti horas ad tradendum eum suo iudici, non contrahere excommunicationem, vt dicit rectè Nauar. in sum. c. 27. num. 85.

Alius est casus numero Decimusquartus, quando talis etiā excommunicatio non contrahitur, nempe, quando in correctionem, vel disciplinam fit leuis percussio. In cuius gratiam aduerte, ex cap. cum voluntate. de sen. excomm. sex. generibus

bus personarum licere leuem percussione[m] Clerici, vel Monachi.

Primò ijs, qui curam Ecclesiæ habent eiiciendi turbantia officium; hi enim Clericos in minoribus constitutos, diuinum officium turbantes possunt percutere & castigare.

Secundò, seniores alij clerici possunt idem præstare zelo deuotionis.

Tertiò, Prælati respectu subditorum.

Quartò, Magistri respectu discipulorum,

Quintò, domini respectu eorum, qui de familia sunt

Sextò propinqui, vt parentes, & alij etiam propinqui secundum carnem. Circa hunc canonem nonnulla dubia occurrunt.

Primum est, quos clericos liceat his personis percutere gratia disciplinæ, vel correctionis.

Dico primo secundum omnes, duobus primis generibus licere percutere in minoribus tantum constitutos; ita enim canon expressè concedit.

Dico secundò, prælatis, & magistris licet percutere etiam sacerdotes ita habent Panormitan. capit. vniuersitatis de sent. excommun. & Angel. excommun. 5. §. 10. & canon his non limitat sicut prioribus. De alijs duobus est difficultas, & præcipuè de patre respectu filiorum; sunt enim duæ opiniones. Prior est Ioan. de lign. c. cum voluntate allegato, Silu. excommun. 6. §. 6. & Tabien. excommun. 5. cap. 1. num. 8. qui licere dicunt patribus, filios etiam Sacerdotes percutere correctionis causa. Posterior est Panorm. c. cum voluntate allegato, & Glossi. ibidem, & Alterius Glossi. cap. 1. extra de sen. excommun. qui id negant, & dicunt patres non posse percutere, nisi in minoribus tantum constitutos, & ego ita credo, & ratio hæc est, quia illud capit. Cum voluntate, cum dat propinquus talem facultatem, similiter & dominis respectu familiæ, limitat expressè de constitutis in minoribus, sicut etiam circa illa prima duo genera. Vt ergo primis non licet castigare constitutos in facris, vt bene Glossi. notat in prædicto cap. cum voluntate, ita nec propinquis, & consequenter nec patribus, & hoc tutius est.

Aliud est dubium, an quando modus exceditur in correctione seu castigatione, contrahatur excommunicatio. In hoc sunt duæ Glossi. contrariæ, Glossi. enim cap. vniuersitatis de sen. excomm. tenet partem affirmatiuam; & Glossi. cap. cum

voluntate, citato tenet negatiuam potest vtraque concordari cum sententia Silu. excom. 6. §. 6. & Tabien. excom. 5. casu. 1. n. 6. nempe contrahi, quando excessus est paruus, vel subditus, in quo nec dolus, nec mortale peccatum notatur, alias contrahitur.

Aliud est dubium, an quando prædictæ personæ percutiunt, etiã prætenu correctionis; sed non ob correctionem, sed ex odio, vel vindicta, vel alia mala intentione, contrahant excommunicationem. Respondetur ex sententia communi, quã tenet Silu. & Tabie. locis proximè citatis, contrahere tunc excommunicationem; non enim aliter est concessa eis talis facultas, nisi ob prædictum finem.

Aliud dubium est, an prædictæ personæ possint per alium castigare.

Ad hoc dico primò, Episcopis non licet per se cedere subditos, sed debent per alium, scilicet clericum cedere clericum. ita habetur canon. non liceat d. 86. ibi tamen Gloss. limitat, nisi sit defectus clerici, per quem id faciat. Eandem limitationem dant Gloss. can. in summ. d. 45. & Gloss. c. vniuersitatis. de sen. excomm. Non credo tamen, si per se id facerent, quod excommunicationem incurrerent; nam iuxta c. cum voluntate; licet Prælati absque excommunicatione percutere leuiter subditos, nec illa can. non liceat. id prohibet sub excommunicatione.

Dico secundò, Abbati non licet per alium cedere monachum, vel conuersum, sed per se ipsum, nisi necessitas urgeat, ita habetur c. vniuersitatis. de sen. excom. aliter vterq; excommunicatus est, Silu. ver. excommunicat. 6. §. 6.

Dico tertio, qui per laicum clericum cedit, etiã ob correctionem, & iusta causa existente, contrahit excommunicationem Papalem, tam ipse, quam qui mandatum exequitur. ita habetur in prædicto c. vniuersitatis. quod etiã si de Abbate loquatur, Doct. vniuersaliter intelligunt de quocumq; mandante per laicum, etiã gratia correctionis.

Hinc mouet dubium Panorm. ca. cum voluntate. citato de his, qui per laicos dant torturam clericis, & non excusat eos Panorm. licet consuetudo Nauar. autem c. 27. n. 86. excusat à cer. fura, sed non à peccato. Tabien. autem excom. 5. c. 1. nu. 7. omnino excusat ob consuetudinem, & quia clericus non inuenitur, qui id possit facere, aut velit. Idem Silu. loco citato. & hoc videtur, probabilius.

Dico quartò, alijs ab Episcopis non licet percutere per alios sed per se, nisi Abbatibus urgente causa: non autem magistris, & patribus: & si per laicos percutiant, ab excommunicatione non liberantur: nam canon ipsis tantum, non vt per alios id faciant, talem dat facultatem; immo etiam si per clericos percutiant, vt dicit Siluest. ver. excommunicatio. 6. §. 6. ab excommunicatione non sunt immunes.

De nonnullorum dubiorum resolutione.

CAPVT XXXIV.

Nonnulla dubia occurrunt. ex quorum resolutione perfectius ista materia declaratur.

Primum est, an qui mandat percuti clericum, & ante percussione reuocat mandatum, incidat in sententiam excommunicationis, si mandatarius percutiat?

Ad hoc dico. Primò, si reuocauit mandatum, ita vt reuocatio pertineat ad mandatarium, non incidit in excommunicationem, etiam si mandatarius postea percutiat. Ista est doctrina Glos. cap. mulieres, de sen. excomm. quam Doct. communiter sequuntur. Immo in tali casu. si mandatarius occidat, vel mulier, mandans non incurrit in irregularitatem, vt tenent Innocen. Ioan. de Ana. Panorm. cap. ad audientiam. de homici. vbi dicunt, sufficere hoc, etiam virtualem reuocationem, vt si mandans fecit pacem, vel amicitiam, vel contraxit parentelam cum aduersario, sciente mandatario; tunc enim virtualiter reuocat, & si postea mandatarius exequatur mandatum, non propterea fit irregularis mandans, & multo minus contrahit excommunicationem, si percussus sit clericus, vel monachus. De irregularitate autem dicemus inferius.

Dico secundò, quando mandans reuocauit mandatum, sed reuocatio ad mandatarium peruenire non potuit, tunc mandans contrahit excommunicationem, si mandatarius percutiat. Hoc dictum est Angel. excommuni. 5. §. 31. quamuis contrarium teneat Glos. cap. cum quis, de excommuni. in 6. vbi dicit non contrahi excommunicationem in tali casu; sed contrarium est verius, & ratio est: nam quando reuocat mandatum, non est res integra, cum cesserit aliquid iam in detrimentum illius, contra quem est mandatum: nam est status talis, in

quo nocumentum remoueri non potest, & est simile de eo, qui emisit bombardam, & antequam globus perueniat ad hominem, eum pœnitet, & animum mutat, sed globum retrahere nequit, tamen non ob id ab excommunicatione liberatur.

Dico tertio, quando mandans moritur ante mandati executionem, etiam si postea mandatarius percutiat, non contrahit mandans excommunicationem. Istud est Gloss. cap. mulieres. de sent. excomm. & Angel. excomm. 5. §. 33. Ratio tamen Gloss. non est bona; dicit enim, mandatum cessare morte mandantis; hoc tamen non ita est, nisi quando mortis notitia ad mandatarium peruenit. Ratio vero Angeli est melior. quia mortuus de nouo excommunicari non potest. Verum est, quod si ille sine pœnitentia est mortuus, & mandatum est publicum, non debet in loco sacro sepeliri; non propter excommunicationem, sed quia in publico peccato mortuus est. Vide Silu. excomm. 6. §. 5.

Dico quarto. Idem dicendum est de consiliante, quod dictum est de mandante. Istud dictum est Innocen. Ioan. de Anani. Panor. locis citatis, & Silu. homicidium. 1. §. 11. quamuis Innocen. quem alij Doct. prædicti sequuntur, dicat plus exigi in consiliatore: nam qui dedit consilium non excusatur a censura, si tantum dissuadeat, sed si non est certus illum mutasse propositum, debet admonere illum, contra quem dedit consilium, saltem in generali, ut sibi caueat. Ratio. An huius differentie inter consiliarium, & mandantem dedit Bartol. ff. de iniuri. l. non solum, §. si mandato. inquit: In mandato res agitur mandantis, ob id sufficit, si mandans reuocet, quia ipse tota erat causa, propter quam effectus erat exequendus. At in consiliario res agitur ipsius, cui est consilium datum, ob id non sufficit suasio contrarij, sed est remouendus ab effectu ille, cui est consilium datum, etiam alia via, qua remoueri potest.

Aliud dubium est, an liceat seculari iudici capere, seu in vincula derrudere clericum, aut in custodia detinere. Dico non licere, immo incipit in sententiam canonis, ut habetur in cap. nuper. de sen. excomm. licet tamen absq; excommunicatione villa, aut culpa in quatuor casibus.

Primo, quando est traditus curiæ seculari, ut habetur cap. de gradatio. de pœnis. in 6.

Secundo, etiam si non esset traditus, si est incorrigibilis ita, ut prius

vt prius sit depositus, & propter incorrigibilitatem excommunicatus, & anathematizatus, si post hæc perseverat incorrigibilis, secularis iudex potest eum capere, & digna pœna punire absque alia traditione, vt habetur cap. cum non ab homine. de iudi.

Tertio, quando id fit de mādato Prælati proprii: tunc enim de tali mandato potest capi, etiam si non sit incorrigibilis, sed propter excessum aliquem commissum, vt habetur cap. si clericos. de excom. in 6. & sit sit incorrigibilis, & se defendat, aut sit rebellis, quantum defensio, vel rebellio exegerit, potest cū violentia etiam capi, vt habetur cap. vt famæ. extra de sent. excom. vbi Panor. notat talem Prælatum, de cuius mandato clericus est capiendus à seculari, debere esse proprium illius clerici, ita vt habeat iurisdictionem in ipsum, & non quamcumque, sed ita vt criminaliter possit procedere contra eum, & nō sit est iurdictio civilis.

Quarto propter bonum finem aliquem, nempe ad impediendum crimen, vel ob crimen commissum, quando periculum est de fuga, potest iudex secularis, vel socius clerici ipsum clericum capere, vt suo Prælato præsenteretur, ita dicit Panor. capit. cum non ab homine. de iudi. & sic dicit etiam familiam potestatis posse clericum noctu inuentem capere, vt crimen aliquod impediatur, & suo Prælato præsenteretur. immo dicit licere creditori clericum capere fugientem: consensit Siluest. verb. excommun. ultimo. Ratio huius dicti, quam dat Panor. est, quia in his casibus non dicitur manus violenta, & idem dicendum, si detrunderetur in carcere ad tutelam ipsius clerici, puta ne ab inimicis eum persequentibus occidatur, quod est verum, etiam si fieret per violentiam secundum Host. vt notat Ancaran. in cap. si clericos. num. 6. de sent. excomm. lib. 6.

Aliud dubium est, an incidat in canonis sententiam clericus, qui ex odio, vel ira seipsum percutit, quando nimirū percussio est mortale peccatum. Communis opinio tenet affirmatiuam partem, esse talem excommunicatum, ita habent Archidia. can. si non liceat. 23. q. 5. Panor. Fely. Ioan. Andr. cap. contingit. 1. extra de sen. excom. Silu. verb. excom. 6. §. 8. Tabie. excom. 5. cap. 1. num. 32. Et cū sit tam communis sententia, non videtur ab ea recedendum. Rationes mouentes hos Doct. sunt duæ.

Prima ex cap. contingit. 1. de sentent. excomm. vbi dicitur, illum

illum canonem. si quis suadente. non tam in fauorem personæ, quàm in fauorem ordinis clericalis esse promulgatum: & ibidem dicitur, sat esse iniuriosam manum. etiamsi non sit violenta. Cùm ergo ille clericus se percutiens modo prædicto sit iniuriosus ordini, quò sacratus est, incurrit in censuram.

Secunda ex can. si non licet. 23. q. 5. vbi habetur, plus esse homicidam, qui se occidit, quàm qui alium. Ergo à fortiori etià contrahit censuram.

Aliud dubium est, an incidat in sententiam canonis, qui percutit clericum volentem se exponere percussioni.

Ad hoc respondeo, incidere, vt habetur in cap. contingit. 1. de sen. excomm. Ita caput hoc interpretante communi sententia. Doct. Fely. Panorm. Ioan. Andr. & Glos. cum alijs cõmuniter; textus enim id non dicit expressè. Casus tamen est, consuetudinem fuisse in quodam loco, vt si quis iniuria affecisset aliquem, in satisfactionem exponere se nonnullis fustium percussionebus factis ab eo, qui intulit iniuriam; rogatus Pontifex, an esset excommunicatus, qui Clericum sponte se exponentem sic percussit, respondit esse excommunicatum, quia iniurius est in ordinem Clericalem, in cuius fauorem can. si quis suadente. promulgatus potius est, quàm in fauorem personæ. Sed an Clericus se exponens sit excommunicatus, respondent Panorm. Ioan. Andr. Glos. quod non, sed esse excommunicandũ, quia ibi dicitur tantum, quod excommunicetur Clericus, qui deinceps id fecerit. Contra quod posset aliquis obijcere: nam videtur excommunicatus, quia participat in crimine criminoso cū excommunicato, & qui sic participat, eandem contrahit censuram, iuxta cap. nuper. de sentent. excom. Ad hoc respondet Panorm. cap. contingit. citato, quem sequuntur Tabiæ. excom. 5. casu 1. nu. 33. & Silu. excommuni. 6. §. 8. vt aliquis sit excommunicatus, quia participat cum excommunicato in crimine criminoso duo esse necessaria. Vnum, vt participet in crimine, propter quod ille est excommunicatus, dando auxilium, consilium, vel fauorem. Alterum. vt ista participatio sit, postquam iam ille contraxit excommunicationem; vnde, qui prius participat in peccato, seu crimine, non contrahit, quia nondum est excommunicatus, nisi participet post commissum: verbi gratia. Si excommunicarentur feminae, quæ cum coniugatis copulam illicitam exercent, & aliquis vir primo accederet alicui feminae, quæ nondum aliàs commiserat hoc, non dicitur participare cum excom.

excommunicato in crimine, ac ob id non est excommunicatus, nisi accederet ei, quæ iam sententiam talem aliàs contraxit, ac per hoc soluitur argumentum de Clerico, qui non dicitur participare in crimine, nisi percutiens iam aliàs ob idem esset excommunicatus.

Aliud dubium est de Heremitis, an sint nomine Religiosi comprehensi, ita ut hoc gaudeant priuilegio, etiam si nullos ordines, nec primam tonsuram habeant. Ioan. de Lign. in Clem. per literas, de præben. tenet quod non. Gloss. verò can. qui vere. 16. q. 1. tenet quod sic. Solutio autem est cum distinctione, qua Archi. illo can. qui vere. citato, & Siluest. verb. Heremita. §. 2. vtuntur, nempe esse quosdam profugos, qui nec ordini, nec Præbato, seu Episcopo, seu Religioso subduntur, & hi non gaudent hoc priuilegio. Quosdam verò, qui ordini, vel Religioso, aut Episcopo subduntur, & hi gaudent, & censentur personæ Ecclesiasticæ.

Aliud dubium est de fratribus, & sororibus Tertij Ordinis Sancti Francisci, & Sancti Dominici, an gaudeant isto priuilegio. Siluest. excommuni. 6. §. respondet gaudere, quia habent priuilegium Xysti super hoc, quamuis de iure fuerit controuersia.

*De excommunicationibus in Decretalibus, & in
Cuncto reseruat.*

CAPVT XXXV.

PRIMA excommunicatio habetur in cap. quærenti, de offi. iud. deleg. nempe quando aliquis est excommunicatus à delegato Papæ, & per annum manet in tali excommunicatione, tunc non potest absolui, nisi à Papa, qui est superior ipsius delegati, iuxta c. studuisti, de offi. legat.

Secunda est in cap. ad falsarios, de crim. fal. & alia in c. dura. ibidem contra falsarios, & cōtra habentes apud se literas falsas: sed iam hæc capita exposita sunt in Bulla Cænæ, dum de falsarijs diximus.

Quarta habetur in cap. significauit, de sent. excom. vbi excommunicatur clericus, qui communicat cum excommunicato à Papa, recipiendo eum in diuersis officijs. Vbi nota vt. contrahatur ista excommunicatio debent nonnulla concurrere.

Primò,

Primò, vt, qui communicat, sit clericus.

Secundò, quòd communicet cum excommunicato à Papa per sententiam, quòd intellige iuxta Martini Bullam postquam fuerit denunciatus.

Et tertio, quòd sit ista communicatio, admittendo eum ad diuina officia.

Quartò, quòd id fiat scienter.

Et quintò, quòd non metu, sed spontè id faciat: metus autem debet esse iustus, nempe quando minus malum maioris mali euitandi causa eligitur, vt dicunt D. Thom. in 4. sent. d. 24. Sil. ver. metus, in prin. latè Couar. in 4. decretal. 2. part. §. 4. num. 3. Minor autem causa requiritur in muliere & minore, quàm in adulto, & viro, vt notat Gloss. in c. cum locum, de sponsal. & ibi Abb. num. 6.

Aduerte tamen, quòd si constaret aliquid metu factum, licet non esset metus talis, qui caderet in constantem virum, sufficeret, vt habet Deci. in c. si iustus metus, col. 6. v. & in iuribus, de appell.

Quinta est in c. tua nos, de sent. excommu. vbi incendiarij, postquam excommunicati, & denunciati fuerint, à solo Papa absolui possunt. Vbi nota est Glo. & ibi Doct. communiter hunc Canonem esse generalem tam de incendiarijs Ecclesiarum, quàm aliorum locorum.

Rursus eos non esse per hunc Canonem ipso iure excommunicatos, sed excommunicandos, iuxta can. pessimam, 23. q. 8. cum mandantibus, consulentibus, fauentibus. At postquam excommunicati & denunciati fuerint, Papæ absolutio reservatur secundum sententiam veriore, vt notant Henric. Boic. in c. conquest. nu. 4. de sent. excom. licet Doct. graues teneant, Ordinarios posse absolueri incendiarios ab ipsis excommunicatos, & denunciatos.

Aduerte autem, disposita contra Ecclesiæ incendiarios habere locum, siue sit Ecclesia consecrata, siue nò, vt notat Boic. vbi supra, quia eadem immunitate vtraque gaudet, vt notatur in c. penul. de immun. Eccles. & idem dicendum de incendiarijs locorum religiosorum, vel Cæmeteriorum, vt per Boic. ibidem.

Aduerte rursus, in locis, vbi est consuetudo, quòd incendiarij locorum non religiosorum sint ipso iure excommunicati, eam esse seruandam, quia consuetudo est optima iuris interpret, cap. cum dilectus, de consuetud. ita Boic. vbi supra. Et intellige

tellige de consuetudine legitimè præscripta, vel approbata à suo Prælato, quantum ad suos subditos, ut in simili notat Angel. verb. excomm. 1. §. 6.

Aduerte præterea, quantum ad incendiarios Ecclesiarum Caiet. ver. excommuni. c. 22. & Nauar. cap. 27. sum. num. 94. tenere, non esse ipso iure excommunicatos, sed excommunicatos, sicut & incendiarios ceteros, qui non sunt Ecclesiarum: contrarium tamen affirmant Gloss. in cap. tua nos, de sent. excomm. & ibi Abb. num. 4. Gloss. in c. conquesti. & ibi Henric. Boic. alios citans nu. 2. eod. titu. Gloss. in c. deuotissima. 12. qu. 2. Præpos. & alij in cap. canonica, 11. q. 3. Siluest. ver. incendiarius, §. 2. pro qua opinione est Canon in c. in literis, de raptorib. & incendiarij. ubi Papa mandat absolui incendiarium Ecclesiarum à sententia excommunicationis supponendo illum excommunicatum. Et in c. canonica, 11. q. 3. quem canonem ad hunc effectum citat Abb. ubi supra. & ita intelligendum dicit Præpos. in allegato cap. canonica, in fin. At quia ad istos canones respondi potest, eos procedere, quando incendiarij prædicti fuerint excommunicati propter tale incendium; sic enim Gloss. in cap. in literis. allegato interpretatur, in propositione casus. Idcirco teneo cum Caiet. & Nauarr. non enim multiplicandæ sunt excommunicationes iuris, ubi non reperitur ius expressum, aut ex iure consequentia necessaria deductum.

Sexta habetur c. conquesti. de sent. excomm. Rapientes res Ecclesiarum cum ipsarum Ecclesiarum effractione, ipso iure sunt excommunicati, & si denunciati postea fuerint, ad Papam sunt pro absolutione mittendi: ante denunciationem vero non est necessarium; possunt enim ab Episcopo absolui.

Et nota duo esse necessaria ad contrahendam hanc excommunicationem, rapere res Ecclesiarum, & cum effractione, scilicet portarum, vel ferarum, vel murorum, ut habet ibi Panorm. Per Ecclesiam verò intellige hospitalia, & alia loca pia, ut dixi supra, & notat Abb. in c. tua, de sent. excomm.

Septima est in c. fundamenta, de elect. in 6. ubi duo statuuntur à Nicolao IV.

Primum est, ne eligatur in Senatorē Romæ, vel Rectorem, vel in officium alicuius gubernationis prædictæ Urbis ullus Imperator, Rex, Princeps, Dux, Marchio, Comes, Baro, aut vilius alius notabilis excellentiæ, præminentie, potestatis, dignitatis, aut ullus frater, filius, nepos prædictorum.

Alte.

Alterum est, ne vllus eligatur in prædictum Regimen vltra annum, nisi de licentia Pontificis per literas expressa.

Conceditur tamen, vt si quis originem naturalem trahit ex Vrbe, aut in ea continuam habet habitationem, possit assumi in tale regimen, etiam si frater, filius, nepos prædictorum sit, & etiam si titulum Baronie, vel Comitatus aliquem extra territorium Urbis habeat, dummodò non sit tantæ potentie, vt cum prædictis comparari possit.

Contra hanc autem constitutionem nominantes, assumptes, eligentes, & nominati, assumpti, electi, si consenserint, & obediens alicui prædictorum septem, aut dantes consilium, auxilium, vel fauorem, sunt ipso iure excommunicati, & excommunicatio Pontifici reseruatur.

Octaua excommunicatio habetur in clericis, de immunit. Eccles. vbi imponentes tales clericis, & clerici soluentes excommunicantur, sed quantum ad soluentes, est reuocata ista constitutio per Clem. quoniam, de immunit. Eccles. à Clem. V. Super hoc diximus plura in Bulla Cœnæ.

Nona excommunicatio habetur in clericis, de pœnis. à Bonifacio Octauo, vbi vndecim genera personarum excommunicantur, hostiliter insequentes Cardinales, capientes, vulnerantes, occidentes, socij eorundem, fieri mandantes; ratum habentes, quod intellige cum Gloss. si nomine eorum id gestum est, vt aliàs diximus; dantes etiam consilium, vel fauorem; prædictorum aliquem receptantes, vel defensores. Multæ aliæ pœnæ vltra excommunicationem ibi ponuntur, quæ ad rem præsentem non faciunt. Excommunicantur tandem Potestates, Rectores, &c. qui prædictam constitutionem intra mensum non obseruant contra prædictos; tales enim, mense elapso nisi obseruent eam, ipso iure sunt excommunicati: sed ista vltima non videtur reseruata; non enim ibi dicitur, in eandem excommunicationem, quæ posita prius erat, incidant, sed absolute quòd sint excommunicati.

Decima habetur in cap. quicumque, de sent. excomm. lib. 6. vbi quinque personarum genera excommunicantur. Omnes illi, qui, occasione alicuius excommunicationis latæ in aliquem, dant licentiam occidendi eos, qui promulgârunt talem sententiam, vel eum, cuius occasione est promulgata, vel eos, qui obseruant prædictam excommunicationem, vel eos, qui nolunt conuersari cum tali excommunicato.

Secundò, excommunicantur etiam ij, qui non solum occidendi

cidendi dant licentiam, sed etiam capiendi aliquem prædictorum.

Tertio, qui etiam dant licentiam grauandi aliquem prædictorum, vel in personis, vel in bonis suis, vel suorum.

Quarto, excommunicantur etiam, qui tali licentia vtuntur.

Et tandem quinto, qui etiam sine licentia, sed ex se aliquid prædictorum faciunt.

Aduerte tamen vnā limitationem: qui enim in bonis nocuerunt illa occasione, & intuitu, non statim sunt excommunicati, nisi intra octo dies restituant, & satisfaciant omnia, si enim id præstant, non contrahunt censuram. Similiter qui dederunt licentiam, si in re integra reuocarunt, non contrahunt: alias ipso iure excommunicati sunt.

De excommunicationibus reservatis in Clementinis, & in Extraneis.

CAPVT XXXVI.

Prima excommunicatio habetur in Clem. 1. de hære. §. verum. 2. Inquisitores, & in officium inquisitionis ab Inquisitoribus, vel Episcopis substituti, qui odij gratia, seu amoris, lucri, commodi alicuius temporalis obtentu contra iustitiam, & conscientiam suam omittunt contra quemquam procedere, vbi procedendum est, aut alicui imponunt hæresis prauitatem, aut propterea eum ab eius officio impediunt, & super hoc quoquomodo eum vexant, sunt ipso iure excommunicati, nec ab alio, quam à Papa absolendi, nisi in mortis articulo; nec tunc, nisi præmissa satisfactione, si fieri poterit: & si Episcopi fuerint aliquid prædictorum facientes, vel Episcopi superiores, non contrahunt excommunicationem, sed suspensionem ab officio per triennium.

Aduerte tria necessaria simul ad contrahendam hanc excommunicationem; Vt contra iustitiam faciant; Et, vt etiam scientes, seu contra propriam conscientiam, intelligendo contra conscientiam; Et vt aliquo fine ex præscriptis in textu. Vno horum deficiente, non contrahitur censura, vt notat ibi Glossa ver. obtentu.

Secunda excommunicatio habetur in Clem. religiosi. in prin. de priuileg. vbi Religiosi contra Papalem excommunicationem,

nem, qui clericis, aut laicis sacramentum vñctionis externæ, vel Eucharistiæ ministrant, vel matrimonia eorum solemnizant, non habita prius parochialis presbyteri licentia specialij; & hoc procedit etiã, si administratio fieret in articulo mortis secundum Card. in d. Clem. qu. i. etiam in defectu parochi, vt notat Siluest. verb. excommunicatio. 7. cas. 14. Excommunicantur etiam, qui excommunicatos à canone, præterquam in casibus in iure expressis, vel per priuilegia Sedis Apostolicæ concessis: vel à sententiis per statuta prouincialia aut synodalia promulgatis; vel à culpa, & pœna quemquam absolueret præsumunt. Ista intellige remotis priuilegijs. Et nota ex Gloss. ver. à canone non extendi hoc ad eos, qui absolueret præsumunt excommunicatos ab homine: sed à iure, seu canone tantum; nec ad eos, qui ministrant dicta sacramenta parochiano dicenti se habere licentiam à presbytero parochiali, Gloss. in d. Clem. verb. habita.

Tertia excommunicatio habetur in Clem. si quis suadente. de pœnis. vbi percussores Episcoporum cum alijs generibus personarum excommunicantur, tamen in Bulla Conuinciam hanc Clementinam explicauimus.

Quarta habetur in Clem. cupientes. de pœnis, vbi eandem excommunicationem contrahunt Religiosi, vel clerici, qui inducunt aliquem ad iurandum, vel vouendum, vel promittendum, vt sepulturam apud eorum Ecclesias eligant, vel iã electam non immutent. Vbi nota, qd. hanc contrahendam debere esse Religiosos, vel clericos seculares. Rursus, debere inducere ad vouendum, iurandum, vel promittendum; simpliciter enim inducere, vt eligat, non satis est. Rursus, vt inducant ad sepulturam eligendam, vel non immutandam apud eorum Ecclesias: nam si vnius Ecclesiæ inducat aliquem ad vouendum eligere sepulturam alterius Ecclesiæ, non propterea contrahit excommunicationem hanc, sicut ne is, qui nec Religiosus, nec clericus est, quamuis inducat ad vouendum, iurandum, vel promittendum.

Quinta excommunicatio habetur Clem. grauis. de sent. excomm. vbi eandem excommunicationem contrahunt domini temporales, & quicumque, qui quomodo libet cogunt aliquem in loco interdicto celebrare diuina. Similiter qui per præcones faciunt populum ad illa audienda conuocari. Et qui similiter nunc hos nunc illos ad audientiam eandem conducunt. Et qui prohibent, ne publicè excommunicati, vel inter-

interdicti super hoc per illos, qui Missas celebrant, moniti ab Ecclesijs exeant. Similiter etiam ipsi nominatim moniti, cum sint excommunicati non exeuntes, contrahunt hanc excommunicationem Papalem.

Sexta habetur in extrauag. & si Dominici gregis. de pœnitent. & remission. & est. Xyiti IV. Excommunicantur omnes illi, qui prætenu Confessionaliū, vel gratiarum concessarum ab ipso Xysto præsument absolueri Simoniacos, mutilatores, vel occisores existentium in sacris, violatores Ecclesiasticæ libertatis, & demum à casibus reseruatis in Corna. Similiter excommunicantur, qui prætenu eodem dispensant in votis castitatis, Religionis, Hierusalem, Sancti Iacobi, & Sancti Petri Romæ, nisi in prædictis gratijs fiat horū expressamentio, & derogatio huius extrauagantis. Aduerte non excommunicari hic eos, qui prædicta faciunt, etiam si male faciant, nisi id faciant prætenu dictorum Confessionaliū, &c.

Septima habetur in extrauag. detexandæ, de sepulchris. Excommunicantur illi, qui cadauera hominum exenterant, incidunt in frustra, elixant, carnes ab ossibus separant, & excutiunt, vt prædicta ossa in sepulturam distantem transferant.

Aduerte primò, non habere locum hoc, quando fit in terris Infidelium, vt ossa in terras fidelium transportentur, ita habetur in eadem extrauag.

Secundò, aduerte ex Siluest. excommuni. 7. §. 79. non habere locum in his, qui ista faciunt in corporibus vitis, nisi in cadaueribus, nec etiam quando id fit in odium, seu vindictam, vel in superstitionem, vel ratione anathomiz; debet enim fieri ad transportandum cadauer in sepulturam remotam.

Aduerte tertio, ex Caiet. v. excommun. c. 70. non habere locum, quando exenterantur corpora Nobilium, & Principū, quia id fit, vt conferrentur corpora, non vt transportentur, quamuis possumus dicere, in hac extrauaganti. excommunicari non eos, qui solum exenterant, sed qui scindunt etiam, & elixant, vt carnes cito ab ossibus separantur.

Octaua habetur in extrauag. sane. de simonia, vbi excommunicantur, tam dantes, quam accipientes ex pacto pecunias, epulas, iocalia, &c. pro ingressu Monasterij, nisi id sponte detur, & hoc tam in Monasterijs, quam foraminarum.

Aduerte ex Caiet. verb. excommunic. cap. 73. id non habere locū, quando Monasterium est pauper, & accipitur in sustentationem ipsius Monialis. ita etiam habet Gloss. cap. nō satis. de simonia quamvis Gloss. cap. quoniam. de simonia. id non probet, & videtur conforme ipsi capiti; tamen Anton. 3. p. 11. 24. cap. 67. & Silu. excommun. 7. §. 81. referunt, Martinū Quintum declarasse vniuersaliter, non habere locum hanc extrauagantem in pasciscentibus super dotibus Monialium.

Nona habetur in extrauag. cum detestabile. de simonia. & est Pauli II. Excommunicantur tria genera personarum. Simoniaci in ordine, vel beneficio, intermedii, & procuratores simoniarū, scientes praedictorum aliquem, & nō quanto citius manifestantes Papae. vel Camerario. vel locum tenenti.

Aduerte quantum ad non reuelantes, non esse in vſu hanc extrauagantem, vt habet Tabien. v. simonia. nu. 75. & Amil. ver. simonia. §. 57. & Silu. v. simonia. §. 19. Qui autem simoniaci contrahunt hanc excommunicationem, an mentales, recales, & conuentionales, dicemus, cum de simonia tractatus occurrerit.

Decima habetur in extrauag. viam ambiciose de regula. Vbi omnes fratres cuiuscumq; ordinis mendicantium transiētes ad aliam Religionem excepta Carthusianorum, sine licentia Sedis Apostolicae, excommunicantur ipso iure; similiter & ipsi recipientes tales.

Vndecima habetur in extrauag. gra. Animis. de relig. & veneratione. Sancti. Xysti. IV. & approbatur in Concilio Triden. sess. 5. in fin. Excommunicantur illi, qui affirmant peccare mortaliter, vel esse Haereticos eos, qui defendunt Beatissimam Mariam esse conceptam sine originali; & qui affirmant peccare eos, qui obseruant festum Conceptionis, & qui adsunt concionibus. Similiter etiam in contrariam partem excommunicantur illi, qui affirmant peccare mortaliter, vel esse Haereticos eos, qui tenent contrarium, puta esse conceptam cum originali; neutra enim pars haecenus definita est; de fide vtraque potest teneri absque mortali peccato, quamvis certius multo sit, & verius, esse sine vlla macula conceptam, & ita nos credimus.

mus.

*De excommunicationibus non reſeruatīs in decreto,
& decretalibus.*

CAPVT XXXVII.

Sequentes excommunicationes nulli reſeruantur, quarum prima habetur, 23. q. 5. can. adminiſtratores. Iudices, & Gubernatores ſeculares conuēti ab Episcopis, & viris Eccleſiaſticis, quōd iuſtitiam nō ſeruent, ſi quantum neceſſitas exegerit abſque negligentia, id non correxerint poſt trinam admonitionem factam, ipſo facto ſunt excommunicati, non abſoluedi vſque ad condignam ſatiſfactionem. Hæc excommunicatio ſerè non eſt in exercitio.

Secunda habetur cap. licet deuitanda, de elect. Electus à minori numero, quàm duarum partium Cardinalium in Pontificatum, ſi ſuæ electioni conſentiat, eſt excommunicatus. Electus verò à ſola tertia parte, ſi conſentiat ſuæ electioni, ipſe excommunicatus eſt cum recipientibus eum in Pontificem.

Tertia habetur in cap. non minus, adiuncto etiam cap. aduerſus, de immunit. Eccleſ. vbi excommunicantur primò omnes Rectores, Conſules, & alij officiales laici quorumcumque locorum, qui talias, collectas, aliasve exactiones indebitas, id eſt, onera perſonarum, aut rerum Eccleſiæ, aut perſonis Eccleſiaſticis imponunt, & eorum fautores.

Secundò excommunicantur prædictæ perſonæ, qui iurisdictionem Prælatorum ſerè euacuant. Quod intellige cum Ioan. Andr. d. cap. non minus, de iurisdictione temporal. Tam autem illi, quàm iſti, & eorum fautores, ſi admoniti non deſiſtant, ſunt ipſo iure excommunicati, & ſufficit vna admonitio, vt Hoſtien. notat in prædicto cap. non minus. nec abſolui debent, donec ſatiſfecerint competenter.

Tertiò, excommunicantur ſucceſſores prædictorum officialium, niſi intra mentem exceſſum ſuorum prædeceſſorum purgauerint, & ſatiſfecerint.

Quartò prædicti officiales, etiam officio depoſito manent excommunicati, donec fiat competens ſatiſfactio, quoad collectam quidem per eum, in cuius commodum verſa eſt: & per officiales verò de delicto arbitrio iudicis: ſin autem, tenentur ipſi in totum ſatiſfacere, vt notat Abb. in d. c. aduerſus, nu. 20.

de immuni. Eccle. Per hæc non est excommunicatus officialis, aut Rector, qui non consensit, sed restitit quantum potuit, licet exactio fuerit imposita, vt habet Panor. cap. aduersus, citato, nu. 20. & Siluest. excom. 9. nu. 17. arg. cap. ephesi. d. 43. nec tenetur dimittere officium, nisi quando id exercere non potest, nisi se talibus intromittat imponendis, vel exequendis secundum Siluest. quia tunc non debent exercere officium in loco Ecclesijs aduerso, vt dicit Abb. vbi supra. Eadem est ratio de successore, vt dicit Siluest. non enim tenetur officium non acceptare, quando non potest satisfactionem obtinere, renitente vniuersitate, nec est excommunicatus, licet Abb. in d. c. aduersus, nu. 22. dicat tutius esse officium dimittere.

Aduertendum est autem, quod hæc excommunicatio non incurritur propter tributa, quæ Clerici debent ob bona eorum temporalia, quia illa soluere de iure tenentur, vt dicit Abb. in c. fina. num. 12. de vit. & honest. Cleric. Nec etiam incurritur ob realia extraordinaria, quæ immediate spectant ad eorum bona, vt ad reficiendum iter, quod est ante domum suam, vel ad expurgandum puteum vicinæ, in qua est Ecclesia secundum Abb. in c. non minus, num. 16. ver. fateor, de immuni. eccl.

Aduertendum est rursus secundum Castren. conf. 423. incip. ex puncto, lib. 2. excommunicationem prædictam habere locum, quando directe contra Clericos, vel eorum bona collectæ imponuntur; secus si indirecte, & casualiter, puta quando pro reparatione pontium viarum, & similium imponitur gabella super rebus emendis, hoc idem tenet Silu. ver. immunitas, in fin. Abb. in c. non minus, in fin. de immunit. Eccles. Grammat. decisi. 99. nu. 26.

Quarta habetur in c. non magnoperè, ne Clerici vel monachi. Religiosi professi exeuntes a suis Monasterijs ad audientias leges, vel medicinam, nisi intra duos menses à die exitus ad claustrum redeant sunt excommunicati. Extenditur autem excommunicatio ista in cap. super specula. eod. titu. ad habentes dignitatem, vel personatus, etiam si presbyteri non sint, & ad presbyteros etiam, etiam si personatum, dignitatem, vel beneficium non habeant. Hæc non comprehendit religiosos intra claustra audientes, vel foris, manentes tamen in claustris aut reuertentes ante duos menses, vt ibi notat Panor. nu. 13. de mente Inno. contra Hostien. tenentem esse excommunicatos, nec comprehendit docentes dictas scientias, vt dicit Abb. in d.

in d. c. fin. nu. 16. de mente Inno. Nec etiam Religiosos, vel alios presbyteros, seu personatus habentes priuatim in Camera legatos legum, secundum Cald. in cons. fina. nu. 7. de magistr. & Anchar. in d. c. specula. nu. 4. qui respondet ad Abb. contrarium sentientem. Nec etiam eos, qui student legibus, in quantum conducunt, & possunt conducere ad notitiam canonum, ut habet Boic. in d. c. num. 6. post Ioan. Andr. & Hostien. argum. tex. in c. fina. 37. & 38. dist. tamen in foro fori præsumptio esset contra eos.

Rursus non comprehendit Diaconos, aut Subdiaconos, etiam si beneficium habeant, nisi personatus, ut notat Silu. excommunic. 9. §. 22.

Rursus non comprehendit possidentes parochias, nisi sint plebania habentes sub se cappellas, in quibus Clerici perpetuo instituantur, ut habetur cap. 1. ne Cleric. vel monach. in 6. Abb. per illum tex. in cap. super specula. nume. 10. ne Cleric. vel monach. & licet Inno. contrarium senserit, tempore tamen illius non erat determinatum per d. c. 1. quod est Bonifacii Octauum, qui fuit post Inno. & idem, quod dicitur de plebania habente tales cappellas, est dicendum de plebania collegiata, ut habet Gemin. in d. cap. 1. Comprehendit tamen presbyteros, vel Clericos habentes personatus, si audiant per duos menses leges, vel medicinam; etiam si à proprijs domicilijs non exeant, ut habet Caiet. ver. excom. cap. 50. & Henric. Boic. in d. c. super specula. nu. 7.

Requiritur etiam, ut Religiosi hac intentione exeant à claustris, ut dicit Caietan. Tamen si quis hac intentione exiret, & postea mutaret propositum, & audiret non prohibita, non incideret in hunc canonem, ut dicit Panorm. cap. super specula. nume. 9. etiam si non rediret intra duos menses. Cuius tamen contrarium, nempe, quod teneatur redire, nisi de mandato superioris maneat foris, tenet Innocen. & Vincen. quos sequitur Henric. Boic. in d. cap. inter specula. num. 7. & Anchar. nu. 11. pro quorum opinione faciat text. in d. cap. non magnopere, §. si verò ibi, nisi infra duorum mensium spatium non redierint.

Requiritur ulterius, quod audiant causa discendi principaliter, ut notat Abb. in d. c. fin. nume. 14. & 16. Ne Cleric. vel Monach. & ibi Boic. nume. 4. nam si causa honorandi doctorem, vel amicum, & non addiscendi, non includeretur sub huiusmodi prohibitionem; licitum est enim, ut ipsi dicunt, Religiosis assu-

assumere aduocationem, vel procuram, etiam in foro seculari pro amico monasterij. Ergo etiā hoc, dummodò non frequenter id faciant ad tollendas fraudes, secundum Abb. & Boic. vbi supra. & Anchar. ibidem, num. 7.

Quinta habetur, c. Clericis, ne Cleri. vel mona. Sacerdos officium habens Vicecomitis, aut Prepositi secularis, & communitus non vult se emendare, est excommunicatus. Hæc licet solos sacerdotes comprehendere videatur, vt patet ex textu, Nihilominus. Host. ibi nu. 3. in fin. expressit, sacerdotē factum, vel faciendum, seu Clericum: cum quo est communis sententia, vt testatur Abb. ibi nume. 8. sed magis placet sententia Abbatis, qui intelligit de constitutis in sacris: non autem de omnibus Clericis. & ad id probandum, vltra rationes adducit text. in c. 2. de cohab. Cleric. & mulier. vbi Papa declarat, sub nomine sacerdotis contineri presbyteros, Diaconos, & Subdiaconos, & de Diacono est etiam tex. in cap. 1. in fin. 15. quest. 5. & ibi Gloss.

Hæc autem excommunicatio non comprehendit eos, qui suæ dignitati iurisdictioni temporalem habentes annexam, possunt eam per se exercere, dummodò non inferant pœnam mortis, vel membrorum detractionem. Et idem dicendum est, si ipsam iurisdictionem habent nomine proprio, puta ratione patrimonij: sed eos, qui vt ministri Principum id faciunt, etiam si iudicium sanguinis non exerceant, vt notat Abb. in d. c. num. 5.

Aduerte tamē, quod licet prædicti Clerici in sacris existentes esse non possint Vicecomites, & Præpositi seculares (sub quorum nomine comprehenduntur Gubernatores, Vicegerentes, alijque Præsidentes, iurisdictionem à secularibus obtinentes, vt notat Caiet. in sum. ver. excom. c. 76.) possunt tamen esse Consiliarij Principis secularis, vt notat Abb. in d. c. clericis, nu. 10. ne cler. vel mona. post Host. ibi, num. 4. dummodò à pœna sanguinis se abstineant secundum Hostien. & Abb. vbi supra: quam quidem pœnam sanguinis esse debere grauem dicit Boic. ibidem, in fin. Nec est etiam dictis clericis prohibitum in genere suadere, quòd fiat iustitia; & si nesciunt casum de facto pendere, possunt respondere pro tali casu talem pœnam à lege esse impositam. Host. vbi supra, num. 4. etiam si sit mortis pœna: de hac tamen re in materia irregularitatis latius agemus.

Sexta habetur in cap. excommunicationi. de rapto. Qui
Christia-

Christianos naufragium patientes damnata cupiditate rebus suis spoliant, nisi ablata reddiderint, sunt excommunicati. Ad hanc excommunicationem contrahendam non sat est spoliasse, sed etiam esse in mora restituendi, ut ibi dicit Panorm. Sed hodie ista excommunicatio est in Coena, & adhuc ampliata, ut illic scripsimus.

Septima habetur cap. nouerit, de sent. excom. Vbi multa genera personarum excommunicantur.

Primo, qui statuta edita, vel consuetudines introductas contra libertatem Ecclesiae fecerint obseruari, nisi de suis libris capitularibus intra duos menses à publicatione huius sententiae fecerint deleri. Iam hi menses completi sunt, quia antiqua est Decretalis, ut per Abb. in d. c. nume. 3. Ligat ergo nunc non delentes, aut seruari facientes, ut notat Hostien. in prædicto c. nouerit.

Secundo excommunicantur statutarij, & scriptores ipsorum statutorum.

Tertio Potestates, Consules, & Rectores, Consiliarij locorum, in quibus statuta, vel consuetudines editae, vel seruatae fuerint.

Quarto illi, qui secundum ea praesumpserint iudicare, vel in publicam formam scribere iudicata.

Hæc excommunicatio solum comprehendit illos, qui violant libertatem ecclesiasticam per modum statuti, vel consuetudinis, ut notat Caic. per. excom. c. 31.

Rursus primum genus intelligendum est disiunctiue, ut excommunicentur, qui faciunt seruare, vel qui non delent ita, ut vnum satis sit ad excommunicationem contrahendam, ut notat Silu. excomm. 9. §. 31. quamuis alij contrarium putent: quod autem excommunicetur illi, quia faciunt seruare etiam si deleant, colligitur ex textu: nam Consules, Consiliarij, Rectores, ubi talia statuta seruantur, excommunicati sunt, & non reperitur nisi deleant, quia sufficit seruare facere, vel ubi seruantur, habere officium Rectoris, Consiliatorum, vel Potestatum.

Non autem comprehendit illos, qui obseruare faciunt, vel non delent, si ignorant esse contra libertatem Ecclesiasticam. Inno. in d. c. nouit. in fin. de sent. excom. Hostien. nu. 5. in prin. nam, ut ipsi dicunt, excommunicatio non est infligenda, nisi in contumaces, pro magnis criminibus. Et multo minus illos, qui de consilio viri alicuius eruditi, ac conscientia præditi

prædicta faciunt, quoniam agunt ex ignorantia probabili. Caiet. in sum. ver. excomm. cal. 31.

Nec eos, qui inceperunt statuere contra libertatem ecclesiasticam, & non perfecerunt, licet factum non reuocauerint quia verbum (statuo) significat rem perfectam, cap. in his. de verbor. signifi. & notat Apostol. & Abb. in c. nouerit, de senten. excomm.

Non etiam comprehendi Potestates, Rectores, Consules, Consiliarios, quando ipsis non est liberum impedire, ne obseruentur, aut edantur: comprehendit tamen, si ipsis est liberum, & non faciunt; quamuis ipsi non sint conditores statutorum, vel auctores consuetudinum.

Aduerte autem, quod statutorum debet fieri realis cessatio, & ablatio, & non sufficit verbo, idque in odium criminis, ne detur occasio, quod talia statuta de facto feruentur, vel posteris relinquatur eorum memoria, vt habet Felyn. alios citans in cap. Ecclesie sanctæ Mariæ, num. 109. de constit. Vnde sequitur, non sufficere protestationem in fine statutorum appositam, quod statuentes non intendunt aliquid statuisse contra libertatem Ecclesie, vt dicunt Felyn. & alij in c. nouerit, de senten. excomm.

Aduerte similiter, quod vbi statutum est generale, & potest vtiliter dubitari, ne inferat præiudicium Ecclesiis, vel Clericis, Episcopus potest cogere illos, ad quos spectat, quod declarent statutum illud non extendi ad Clericos, vel Ecclesias; Ioan. Andr. in cap. fina. de immunita. Ecclesi. libr. 6. late Felyn. in dicto cap. Ecclesie sanctæ Mariæ, numer. 107. de constit.

Aduerte etiam si est notorium statutum, esse contra libertatem Ecclesie, Episcopum posse illud tollere, vel mandare, vt tollatur, & non obseruetur, ac decernere, vt non teneat, etiam nullo citato. Anchar. in c. quæ Lotharius cir. fin. 2. q. 1. Gem. in c. fin. de immunita. Ecclesi. libr. 6. & ratio est, quia constat defensionem non competere, vt dicit Felyn. in d. c. Ecclesie sanctæ Mariæ, num. 100.

Libertas autem Ecclesiastica consistit in priuilegijs concessis Ecclesie vniuersali super spiritualibus, vel temporalibus à Deo, vel à Papa, Imperatore, alijsque Principibus, vt dicunt Hostien. cap. nouerit, in prin. & ibi Innoc. de senten. excomm. & Abb. numer. 2. attestatur de communi. Quæ autem, & quot sint ista priuilegia pertractat ad longum Lopus alleg. 92. per totam

totam. Statuta igitur, quæ cedunt in derogationem dictorum
 Privilegiorum contra libertatem Ecclesiasticam esse dicuntur,
 idque locum habet etiam si indirectè sint contra dicta privile-
 gia, ut dicunt Abb. in cap. Ecclesiæ S. Mariæ, num. 27. de const.
 & c. quanto. & ibi Doctor. de privileg. & cap. fina. de immunit.
 Ecclesi. libr. 6. in quo cap. decernitur, ut si quis statuatur, ne laici
 coquant panem, blandum molant, quicquam vendant Pra-
 latis, aut Clericis; seu personis Ecclesiasticis, aut emant ali-
 quid ab eisdem; seu alia obsequia illis exhibere præsumant, sit
 excommunicatus, quia talia in derogationem Ecclesiasticæ
 libertatis esse præsumuntur. Vbi adverte, quia Papa non dixit
 simpliciter huiusmodi statutum esse contra libertatem Eccle-
 siæ, sed præsumi. Propterea tenuit Caiet. in sum. ver. excomm.
 cas. 31. quem sequitur Nauarr. cap. 27. nume. 120. & ante illos,
 alios tenuisse refert Lopus allega. 92. numer. 3. prædicta per se
 non tangere Ecclesiam, ut est teste Ecclesia; sed quatenus est,
 congregatio hominum. Et ideo aliqua rationabili causa exi-
 stente posset dari casus, in quo liceret Principi prohibere lai-
 cis talia communia dare clericis, nihilominus contrarium
 videtur notare Gloss. in d. cap. fina. ver. libertatis ubi dicitur,
 quod licet quoad verba tale statutum non videretur infringere
 libertatem Ecclesiasticam, tamen infringebat quoad
 mentem, faciendo fraudem de persona ad personam. Idem
 notat Lopus d. Gloss. citans in prædicta alleg. 92. nume. 3. ea ra-
 tione motus, quia facit contra immunitatem Ecclesiæ, &
 Clericorum, quæ est, ut non lædantur, vel de eis, seu contra eos
 per Laicos directè, vel indirectè non disponatur. Nec obstat,
 quod Papa in d. c. fin. de immunit. Eccl. lib. 6. simpliciter non di-
 sponat esse contra libertatem Ecclesiæ; sed præsumi: nam ex
 quo super huiusmodi presumptione decreuit talia statuentes
 sententiæ excommunicationis subiaccere, idem est, ac si sim-
 pliciter statuisset esse contra libertatem Ecclesiæ, quoniam hu-
 iusmodi presumptio dicitur iuris, & de iure contra, aut su-
 per quam non admittitur probatio in contrarium, ut notat
 Abb. in cap. inter alia, nume. 7. de immunita. Ecclesi. & tra-
 dunt Doctores in cap. 15. qui fidem, de sponsal. Statuta
 igitur, siue directè, siue indirectè derogent privilegijs con-
 cediis Ecclesiæ vniuersali, dicuntur contra libertatem Ecclesia-
 sticam.

Adverte etiam, quod licet statutum, ad hoc, ut sit contra liber-
 tatem Ecclesiæ, esse debeat contra vniuersalem Ecclesiam, non
 tamen

tamen oportet statui contra omnes Ecclesias mundi, sed sufficit, quod tendat in præiudicium particularis Ecclesiæ circa id, quod competit omnibus, quemadmodum lædere Episcopum, est facere contra libertatem Ecclesiæ, licet non lædant omnes, c. olim, de iniur. nam, vt dicit Ioan. Andr. in c. eos, de immunit. Eccles. quem refert, & sequitur Lapis in prædicta alleg. 92. nume. 6. Ecclesia vniuersalis est vnum corpus, cuius membra sunt Ecclesiæ singulares, cap. significasti, de elect. Ista excommunicatio hodie magna ex parte est in Bulla Cœnæ, vt ibi diximus.

Octaua habetur c. r. de Schismati. vbi tria genera personarum excommunicantur, vt ibi exponit Panorm.

Primò, qui emit, vel quouis alio modo acquisiuit rem Ecclesiasticam à Schismatico.

Secundò, qui recipit beneficium à Schismatico.

Tertiò, qui consentit ordinationi ipsius Schismatici; & per ordinationem non solum intellige ordinationem in spiritualibus, & sacramentorum collationem, sed etiam in temporalibus, vt ibi notat Panor. qui limitat, quando scienter consensit. De ipsis autem Schismaticis in Bulla Cœnæ diximus.

Dux aliæ sunt excommunicationes in Decretalibus, vna in c. quoniam, de offi. ordin.

Altera c. r. de locati. Sed quia illius casus non est hodie præiudicabilis; huius autem casus est particularis ad Bononienses, præmittimus.

*De excommunicationibus non reſeruatis
in ſexto.*

CAPVT XXXVIII.

PRIMA habetur in cap. vbi periculum, de elect. in 6. Qui mittit scripturam, vel nuncium alicui Cardinali in Conclauis, ad Romani Pontificis electionem existenti, vel cum eo secretè loquitur, excommunicatus est ipso facto. Vbi tria genera personarum comprehenduntur. Nota, quod non ligantur hac excommunicatione, qui Conclauis ingrediuntur pro histantium, quæ pertinent ad electionem, de voluntate omnium Cardinalium ibidem præsentium, quales sunt Aduocati, Tabelliones, & Religiosi, vt dicit Silu. excomm. 9. §. 34. Nota etiam, quod Archi. & Geminia. in eodem c. interpretantur.

pretantur, vt illud verbum (*secrete*) restringat omnia tria genera actionum, puta, vt missio scripturæ, vel nunciij sit etiam secreta, alias non contrahetur excommunicatio. Tamen magis quadrat textui, vt restringat tertiam actionem tantum, nempe locutionem: & ita sentit Caiet. ver. excommun. c. 55. Nota etiam ex eodem Caiet. quod non ligat ipsos Cardinales hæc excommunicatio, etiam si has actiones inter se, vel cum alijs faciant: nec etiam Cardinales, qui colloquuntur, vel recipiunt scripturam, vel Nuncium: sed eos, qui mittunt, vel secreto colloquuntur.

Secunda habetur in eodem cap. vbi periculum, de elect. in 6. vbi excommunicantur omnes Domini Rectores, aliq; officiales cuiuscumque dignitatis, aut conditionis existant, qui diligenter non obseruant, aut fraudem committunt in eis, quæ ibi præcipiuntur obseruanda in morte Summi Pontificis morientis in terra eorum. Intellige, quando per ipsos stat; si enim impediuntur, non ligantur, vt ibi dicit Gemini. Quæ autem sint seruanda in illo c. legi possunt, ad rem nostram non videntur multum attinere.

Tertia habetur in cap. sciant cuncti. de elect. in 6. vbi excommunicantur, qui siue per se, siue per alios iniuste persequuntur, aut spoliant beneficijs, vel bonis suis clericos, aut Ecclesiasticas personas, aut eorum consanguineos, aut Ecclesias, Monasteria, seu cætera loca pia, hoc motiuo, & ea de causa, quia noluerunt, aut nolunt ligere eum, pro quo ipsi rogarunt, aut induxerunt. Nota ex Archid. ibi, quod per spoliationem intelligitur etiam ablatio latens, & vastatio quocumque modo intrudendo immobilia, aut per vim publicè rapiendo mobilia, siue fraudulenter per dolum. Nota etiam ex Geminia. ibi, per Consanguineos intelligi vsque ad septimum gradum, pro quo facit Gloss. c. postremo de appell. secundum quem etiam non est locus huic pœnæ, si affines grauentur. Nota etiam, quod in præsentatione hæc pœna locum habet secundum Gloss. eiusdem c. sciant cuncti, dummodò persona, quæ grauatur in se, vel in suis, sit Ecclesiastica; non autem quando patronus est Laicus: nam constitutio dicit Clericos, vel Ecclesiasticas personas, & Gloss. in ver. Ecclesiasticas dicit, vt sunt Conuersi, Templarij, Hospitalarij, qui licet non sint Clerici, sunt tamen Ecclesiasticæ personæ. 16. quaest. 4. can. quisquis & idem dicit ibi Gemin. de conferente, & postulante; vnde inferitur, quando constitutio pœnalis concernit fauorem Ecclesiæ.

extenditur ad alium casum, quam expressum, dūmodō & ille fauorem Ecclesiæ concernat, vt notat Siluest. excommu. 8. §. 39. Nota etiam, quod ad contrahendam hanc excommunicationem, debet esse grauamen contra iustitiam; aliquādo enim potest esse contra solam charitatem, vt quando non faceret, vel quod præmitteret contra charitatem, tunc censura non procedit: nam in constitutione ponitur (*iniuste*.) Nota etiam: ex Petro Anchar. & Gemin. ibi, quod mandatarius, qui exequitur grauamen, quando, qui grauatur, per alium grauatur, nō incurrit censuram hanc, nisi quando constat ei de intentione mandantis, quod tali motiuo grauatur, aliā nō. Arch. ibi putat semper ligari: tamen ex textu contrarium deducitur, quia excommunicatur, quia per se, vel per alium grauatur tali motiuo. Sicut ergo non excommunicatur per hanc constitutionem, si grauaret alio motiuo, ita se mandatarius, qui per se grauatur, non excommunicatur, quando ignorat, quia cum ignoret motiuum, non dicitur grauare tali motiuo.

Quarta habetur in c. generali de elect. in 6. vbi excommunicantur ipso facto.

Primō, qui de nouo vsurpantes Regalia, Custodiam, siue Guardiam, titulum aduocationis, seu defensionis in Ecclesijs, Monasterijs, siue quibuscumque alijs pijs locis occupāt bona Ecclesiarum Monasteriorum, aut locorum ipsorum vacantium, quantacumque dignitatis honore præfulgeant.

Secundō excommunicantur Clerici Ecclesiarum, Monasteriorum, ceterarum personarum locorum ipsorum, qui hac fieri procurant. Nota, per Regalia intelligi, vt dicit Arch. ea, quæ percipit Rex ex quibusdam Ecclesijs vacantibus, vt fit in Regno Franciæ, & Angliæ, seu, vt dicit Aug. excom. 7. cap. 15. vectigalia concessa à Rege Ecclesijs, & idem Gloss. prædicti cap. generali. Nota rursus, per custodiam, & guardiam idem intelligi, & per eam Ioan. Andr. intelligit ius patronatus, & Gloss. ibi: Tamen Archidia. id negat, dicens tantum intelligi quod verbum sonat, quando nempe aliqui dicunt, ad ipsos pertinere Ecclesiam vacantem custodire, donec in ea fit prouisum de Prælato: cuius exemplum est in Ecclesia Parmensi, vbi tales domini laici vocantur Vicedomini. consentit Angel. loco citato, & hoc magis placet. Nota rursus idem intelligi per titulum aduocationis, & defensionis, quia aduocatus dicitur defensor in Ecclesijs, vt dicit Siluest. excommu. 9. §. 40. Nota rursus, quod dicitur, *de nouo vsurpant*, quod intelli-

telligitur cum Gloss. ibi communiter recepta à Quadraginta annis citra, per cap. final. de consuetudin. Nota rursus, duo requiri, vt usurpantes isti contrahant excommunicacionem.

Primò, vt usurpent titulum aliquem prædictum.

Secundo, vt simul ratione usurpationis talis bona occupet, vnum sine altero non satis est, ita vt dicit Gemini. ibidem, & Panorm. c. conquestus de foro compet. & est opinio communis. Nota postremò, quod non comprehendit eos, qui ratione legitimæ consuetudinis, vel iusti tituli ista faciunt; tales enim nec usurpant, nec occupare præsumunt.

Quinta habetur in cap. indemnitatibus de elect. in. 6. §. postremo. Euocati, seu deputati ad dirigendas Moniales in electionibus, si non se abstinent ab his, ex quibus possunt discordie inter eas oriri, aut orta nutriri super faciendis electionibus, ipso iure sunt excommunicati. Nota ex gloss. posse euocari Religiosos, seculares, viros, & feminas ad hanc directionem. Nota rursus ex Gemini. hanc pœnam non solum habere locum in Monialibus Religionum approbatarum; sed etiã in his, quæ non renunciant propriis, nec faciunt professionem regularem in vna de religionibus approbatis; sed viuunt in communi, sicut Canonici seculares in secularibus Ecclesijs consentiunt in hoc Ang. excom. 7. cap. 16. Siluest. excom. 9. §. 42. Nota rursus ex eodem Gemini. duo esse necessaria ad incurrendum in hanc pœnam; Et quod sit deputatus ad directionem in electionibus faciendis; & quod non abstineat à prædictis, si enim non abstinet, tamen non est deputatus ad directionem, non contrahit hanc pœnam; immò etiamsi deputatus sit, sed non sit ad talem directionem deputatus, nō incurrunt Ang. Silu. locis citatis; quod si deputatus sit, & discordias seminet super electionibus iam factis, adhuc non incurrit secundum Caiet. ver. excommunic. cap. 80. quia constitutio dicit super electionibus faciendis.

Sexta habetur in capit. hac constitutione, de offic. iudic. delegat. in 6. Excommunicantur ipso iure procurantes, quod Iudices Conseruatores sibi dati intromittant se ad alia, quàm ad manifestas iniurias, & violentias, & extendant potestatem ad ea, quæ iudicalem exigunt discussione.

Nota ex Gemi. illos, quorum non sunt Conseruatores, si id procurant, nō contrahere hanc pœnam, sed solas partes, quibus dantur

dantur conseruatores, nisi illi post excommunicationem participant in crimine criminoso, vt supra diximus. Nota etiam, nec predictas partes id procurantes contrahere hanc excommunicationem, quando Conseruatores dantur cum clausula, quod cognoscit de his, in quibus Iudicialis discussio exigitur, vel hodie communiter fit, nisi procurent, vt se intromittant ad alia, quæ excedunt potestatem eorum, etiam cum clausulis datis. Nota etiam, quod si procurent, tamen non sequitur effectus, vt conseruator se intromittat, non incurritur poena, vt supra adnotauimus. Nec ista excommunicatio comprehendit ipsos Conseruatores, etiam si intromittant.

Septima habetur c. unico. de his, quæ vi. in 6. Extorquentes per vim, vel metum absolutionem, aut reuocationem excommunicationis, suspensionis, vel interdicti ipso iure sint excommunicati. Nota ex Glof. ibi quod si quis metum, vel vim inculsit, tamen non est secuta absolutio, aut reuocatio, non contrahit hanc poenam. Idem dicit ibi Arch. Nota rursus ex Glof. extorquentem pro excommunicato, etiam si alius sit ab ipso excommunicato, contrahere hanc poenam; & si ipse excommunicatus, contrahere aliam excommunicationem, præter eam, quam habet: nam multis excommunicationibus potest vnus ligari 3. q. can. Engeltrudam, etiam eam contrahit excommunicatus, si mandauit, vel ratam habuit talem extensionem, vt dicit Glof. & Silu. ver. excommunic. 9. §. 43. Sed non credo, quia quando mandans non exprimitur, non comprehenditur, vt diximus supra. Nota rursus ex eadē Glof. etiam istam poenam procedere, quando excommunicatio fuit iniusta, & non tantum quando iusta, quia non sic est absolutio vlla extorquenda. Nota rursus, non habere locum in minori excommunicatione, vt dicit Ang. excom. 7. ca. 18. quia quando excommunicatio absolute dicitur, de maiori intelligitur, iuxta ca. si quem, de sen. excom. Nota rursus ex Caiet. ver. excom. ca. 41. procedere hanc poenam in maiori, siue sit à iure, siue ab homine. Nota rursus secundum communem opinionem non procedere, quando metus fuit levis, & non iustus, & cadens in virum constantem; talis enim metus non est simpliciter metus. ita habet Glof. ibi & Silu. & Ang. loco citato, quamuis Caiet. loco citato teneat procedere de quocumque metu extorquente, & hoc magis placet; nam etiam si metus sit paruus, propter quem absolutio datur, verè est per metum extorta, & hic habetur ratio inferentis metum, si tali via absolutionem extorqueat, quamuis oppo-

opposita sententia sit probabilis, & possit teneri. Nota rursus ex ipso Caietan. debere esse metum illatum ab extrinseco: non autem innatum, quem sibi concipit absolvens. Nota postremo, quod si absolvens per metum, postea ratum habeat sine metu quod fecit, adhuc inferens metum excommunicatus est donec absolvatur, quia statim fuit ligatus per absolutionem metu extortam, ita habet Glo. in eo. c.

Octava habetur in c. mulieres, de iud. in 6. qui per fictionem, vel fraudem faciunt, ut iudex veniat personaliter ad domum alicuius mulieris, ut eius testimonium accipiat; cum personaliter ad iudicium invitat mulieres trahi non possint, ipso iure sunt excommunicati. Nota ex Ioann. Andr. quod si fingatur casus, ut iudex veniat, tamen iudex non venit, non incurritur poena: immo, ut dicit Caietan. c. 59. ver. excommun. debet personaliter venire; si enim mittat, non incurritur, quia hoc est concessum. Nota rursus ex Ant. 3. p. titu. 24. c. 45. quod non solum iudex fingens hoc, vel utens fraude excommunicatur, sed etiam quicumque alius fingat, vel per fraudem faciat ut iudex erant, quamvis Silu. excommun. 9. §. 44. tenet de solo iudice: sed textus contrarium demonstrat, nam uniuersaliter procedit, & eadem ratione procedit tam in iudice laico, quam in Ecclesiastico, cum non fiat distinctio in textu, licet Ioan. Andr. ibi restringat ad laicum.

Nona habetur c. hoc, consultissimo de reb. Eccl. non alie. in 6. ubi primo excommunicantur ipso iure, qui compellunt Praelatos, vel alias personas Ecclesiasticas, ut submittant Ecclesias laicis, vel subijciant eis bona immobilia Ecclesiarum, vel eis supponant ipsorum iura recognoscendo, seu profitendo tenere ea ab illis tanquam à superioribus, aut statuendo eos tamquam aduocatos, vel patronos Ecclesiarum, seu bonorum ipsarum in perpetuum, aut ad tempus non modicum. Nota ex Gloss. quod non procedat haec poena in bonis mobilibus, in quibus non consueuerunt tales submissiones fieri, debent enim esse immobilia, aut iura, quae inter immobilia reputantur. Nota rursus ex textu, quod procedit poena haec cum aliquibus limitationibus.

Prima, quando ista submissio fit extra casus iure permisos.

Secunda, quando fit sine consensu Capituli, & licentia Sedis Apostolicae.

Tertia, quando fit in perpetuum, vel ad tempus non modicum.

cum, quod Gloss. ibi exponit spacium decem annorum: vnde ad annos infra decem, non incurritur pœna.

Quarta, quod supponantur laicis, tamquàm sint sua, vel recognoscantur ab eis.

Secundò, excommunicantur omnes laici, qui ex licentia Papæ, & Capituli consensu contractus inierunt, vel inient de Ecclesiasticis immobilibus, si aliquid plus, quàm importat natura contractuum ipsorum, vel pactum in eis factum vsurpauerint, & legitimè moniti prius non desinant vsurpare, & ablata restituant. Nota ex Archidia. non satis esse desistere non vsurpare pœnam vitandam, sed debent ablata restituere. Nota ex Ioann. Andr. & Siluest. excommun. 9. §. 44. quòd ista monitio legitima debet esse trina, nisi facti necessitas aliud suaderet.

Decima habetur cap. vni. de religion. domin. in. 6. Hanc excommunicationem Silu. excommun. 9. §. 45. & Angel. excommunicat. 7. cas. 22. putant contrahere inuenientes nouam religionem, vel nouæ religionis habitum assumētes: sed in prædicto cap. hoc non prohibetur sub tali censura. Quidam putant id haberi ex extrauag. quadam Ioan. 22. relata per Panor. in eodem cap. tamen. nec in ea id prohibetur, vt benè aduertit Caiet. verb. excommun. c. 5. nam procedit contra fraticellos, & beghinas, qui hodie non extant. In illo autem c. vni. de relig. domi. est lata excommunicatio contra quosdam mendicantes extra quatuor ordines approbatos: sed iam hodie non habet locum.

Vndecima habetur c. quamquàm, de cens. in. 6. Vbi ipso iure sunt excommunicati quicumque per se, vel per alios, proprio nomine, vel alieno, ab Ecclesijs, aut à personis Ecclesiasticis exigunt pedagia, vel guidagia pro personis, aut pro rebus, quas deferunt, vel deferri faciunt non causa negotiationis. Intellige, si sunt personæ singulares, qui exigunt, excommunicantur, etiam si sint Episcopi, vt notat Archidia. Si enim est Vniuersitas, aut Collegium, non excommunicantur; sed ipso facto est supposita interdicta, vt habetur in textu. Nota ex Ioan. Andr. & Archid. dici negotiari, quando res emitur, vt integra, & immutata cum lucro vendatur, & tunc clericus tenetur soluere gabellam secundum vsum patriæ: si tamen emat in vsum proprium, non tenetur, aut si non emat, sed recollecta de rebus suis, vt vinum, bladum, & similia vendat, non tenetur, vt notat Siluest. excommunicatio. 9. §. 46. quia non

non est hoc negotiari. Ista excommunicatio hodie est reseruata in Cœna, vt notant Angelus excommunicatio. 7. casu 23. & Siluestr. loco citato, & nos superius diximus.

Duodecima habetur in cap. quoniam, de immunita. Ecclesi. in 6. Vbi excommunicantur ipso iure, qui eos, qui impetrant literas Apostolicas, aut litigant, aut litigare volunt, siue ambæ partes in id consenserint, siue vno in foro Ecclesiastico, delegato, vel ordinario super causis Ecclesiasticis, siue ad forum Ecclesiasticum ratione personarum, vel negotiorum, vel rerum de iure, vel antiqua consuetudine pertinentium compellunt per se, vel per alios, aut compelli procurant ad desistendum, vel ad litigandum in foro seculari de huiusmodi questionibus cum dantibus ad hoc auxilium, consilium, vel fauorem, siue ista compulso fiat per captionem Iudicum Ecclesiasticorum, aut litigantium, aut litigare volentium, aut rerum, aut Ecclesiarum, aut consanguineorum eorundem, aut quocumq; alio modo. Nec sunt isti absoluedi, nisi prius integrè satisfecerint, tam Iudici cuius iurisdictionem perturbauerunt, quam parte perturbata de iniuria, damnis, expensis, & interesse. Hæc omnia in prædicto c. habentur.

Nota ex Archidia. & Ioan. Andr. quod absolutio data ab Ordinario ante huiusmodi satisfactionem non valet; quamuis enim verum sit, quod supra diximus, quando habent potestatem à lege sit potestatis arbitrio absoluedi, tenet absolutio, licet forma non seruetur, & Episcopus à lege habeat potestatem absoluedi ab hac, quia non est reseruata, tamen non habet locum hoc, quando est clausula irritans absolutionem, si forma non seruetur. In hac autem talis clausula est: nam verbum, quod in textu habetur, *nullatenus*, est irritans. Vnde non placet sententia Silu. excomm. 9. §. 49. tenentis contra Archid. Nota, quod ista excommunicatio quantum ad eos: qui impediunt impetrantes literas Apostolicas, & eos, qui capiant Iudices, si sunt Pontificis Romani est in Cœna.

Decimatertia habetur cap. eos, de immunit. Eccl. in 6. Vbi excommunicantur tenentes Dominium temporale, qui interdiciunt suis Subditis, ne Prælati, aut Clerici, seu personis Ecclesiasticis quicquam vendant, nec emant aliquid ab eisdem, nec ipsis bladum molant, coquant panem, aut alia obsequia exhibeant. Nota ex Geminia. duo requiruntur ad contrahendum

hendam hanc censuram. Et quòd sint Domini, seu habeant Dominiũ temporale, seu seculare; & quòd hæc interdiciant suis subditis. Vnde si Domini non sunt, aut si sunt, sed interdiciunt subditis alienis, non contrahunt. Consentiant Silu. excomm. 9. §. 59. & Ang. excomm. 7. ca. 26.

Decimaquarta habetur in c. vt periculosa, ne cleric. vel monach. in 6. Vbi excommunicantur primò Professi tacitè, vel expressè in aliqua Religione approbata temerè habitum dimittentes, siue in scholis, siue alibi.

Secundò, tales Religiosi accedentes ad quæcumque studia sine licentia Prælati, cum consilio conuentus, vel maioris partis.

Tertiò, Doctores, & Magistri, qui Religiosos habitu dimisso, Leges vel Physicam audientes, scienter docere, aut in Scholis retinere præsumunt.

Circa primum nota, non contrahi hanc excommunicationem propter quamcumque dimissionem habitus, nisi sit temeraria, & sine causâ rationabili; vnde quando est causâ iusta vt timor, vel medicina, aut simile aliquid, non est dimittens excommunicatus, vt notat Ioan. Andr. Immo quando est dimissio temeraria, sed temeritas non est mortale peccatum; vt quando dimittunt ad horam, vt currat, vel lapidem projiciat, non est excommunicatus, vt notat Palu. 4. d. 18. p. 3. immò nec etiam quando est cum mortali peccato dimissio coniuncta, vt si dimittatur ad horam ad commodius dimittendum aliquod mortale, alio habitu non assumpto, vt notat Siluest. excommunicati. 9. §. 35. Nec etiam est dimissio, quando dimittitur, nullo alio habitu assumpto. Illa ergo est dimissio, quando est assumptio alterius habitus, & ad notabile tempus, vt arbitrio boni viri dicatur dimisisse. Vnde qui dimittit per tempus paucum, alium sumens ad ludum, aut ad festum aliquod iterum sumpturus proprium, non est excommunicatus. Eadem est ratio de dimittente, & de occultante, vt habet Glo. Clem. quoniam, de vit. & honest. cleric. & Silu. loco allegato, quod intellige, quando ita occultatur, vt nequeat cognosci, quòd sit religiosus.

Circa secundum, nota cum communi Doctorum sententia id intelligi, quando accedit Religiosus ad studia extra claustrum, etiam si studia non sint prohibita.

Rursus, etiam si licentiam habeat, si habitum dimittat, contrahit excommunicationem, vt colligitur ex textu, & etiam si habet-

habeat licentiam Prælati, sed non cum consilio maioris partis conuentus, nisi sit talis superior, qui potest dare facultatem habitandi extra claustra. Nota etiam, quod non procedit hæc pœna in Abbate ipso, & Superiori, etiam si sine licentia maioris superioris, aut conuentus eat ad studia, vt habent Gemin. & Archid. hic, & Angel. excom. 7. casu 27. licet Silu. excomm. 2. §. 5. teneat contrarium.

Circa tertium nota ex Gloss. quod si non dimittat. talis Religiosus habitum, non sunt Doct. excommunicati hac constitutione, quæ cum limitatione procedit, nempe quando Religiosus dimisit habitum, & audit leges, vel Physicam, & scienter docent Doct. vel in Scholis retinent: tamen erunt excommunicati ab alio iure, quia communicat cum excommunicato in crimine, postquam Religiosus semel contraxerit excommunicationem, audiendo tales facultates per duos menses, vt supra diximus, vel etiam si audiant Theologiam, tamen id est sine licentia Prælati de consilio conuentus, tunc enim, postquam semel fuerit Religiosus excommunicatus audiendo ipsum docere, est participare in crimine.

Decima quinta habetur in capit. quicumque de hæretic. in 6. Vbi ipso iure excommunicantur quicumque scienter præsumunt tradere Ecclesiasticæ sepulture Hæreticos, eorum credentes, receptatores, defensores, vel fautores; nec absoluedi sunt, donec proprijs manibus publicè extumulent, & proijciant huiusmodi cadauer; & locus ille perpetua caret sepultura.

Decima sexta habetur in c. vt inquisitionis de hæretic. in 6. Vbi ipso iure excommunicantur.

Primò, Potestates Domini temporales, Rectores, vel eorū officiales, seu Baliui, si de crimine hæresis cognoscant, vel iudicent.

Secundò, si captos pro eodem crimine absq; Diocesano, vel Inquisitorum licentia à carcere liberent.

Tertiò, si executionem pro huiusmodi crimine à Diocesano, vel Inquisitore iniunctam non impleant, prout ad eorum spectat officium.

Quartò, si directè, vel indirectè præsumant sententiam, aut processum Diocesanorum, vel inquisitorum impedire.

Quintò, si Diocesano, vel Inquisitori præsumserint se opponere in his, quæ ad fidei negotium præfatum incumbūt, aut aliter impedire.

Sexto, omnes in his scienter dantes consilium, auxiliū, vel fauorem Nota ex Ioan. Andr. quando Dicoctanus, & Inquisitor discordant in mandato? vnus enim mandat puniri, alter laxari, debent Domini illi, seu Rectores, & alij prædicti, superfedere, donec Papa consulatur. Nota rursus ex Silu excommunicationo. 9. §. 58. quod incidunt in hanc poenam præfati, siue cognoscant directè, puta quia cognoscentes vt de causa principali faciunt cap. hæreticum, siue indirectè, & incidenter, quia alia de causa fecerunt capi: sed de Hæresi iudicialiter simul cognoscunt. Nota rursus Angel. excommunicationo. 7. c. 29. putare non esse excommunicatos, quando illa faciunt animo offenderdi inimicum, non animo impediendi officium inquisitionis: sed oppositum est verius, nempe quocumque modo faciant, eos esse excommunicatos, si illa faciant, quæ hic prohibentur: nam factum damnatur simpliciter, non intentio. Nota rursus ex textu, quod si aliquis præfatorum animo pertinaci per annum sustinuerit prædictam excommunicationem, velut hæreticus ex nunc condemnari debet.

Decimaseptima habetur cap. pro humani. de homic. in 6. Vbi excommunicantur qui per assassinos occidere faciunt aliquem Christianum, vel mandant, etiam si mors non sequatur. Hæc excommunicatio hodie parum est in vsu, quia non sunt tales assassini; vt enim Archid. hic notat, illi assassini etiam quidam infideles sub domino cuiusdam Domini, qui pecunia conducti occidebant Christianos. Vide Siluest. v. assassinus.

Decimaoctaua habetur c. vsurarum. de vsuris in 6. Vbi excommunicantur singule personæ Ecclesiasticæ inferiores Episcopis.

Primo, si vsurarijs manifestis alienigenis, & non oriundis à terris suis domos conducant, aut cōductas habitare permittant, aut alio titulo concedant ad fœnus exercendum.

Secundò, si eos intra tres menses à terris suis non expellant.

Tertiò, si eos de nouo admittant. Nota ex Sil. excomm. 9. §. 68. dici alienigenam, qui non est de illo dominio, in quo habitat, licet sit sub eodem Domino. nam vnus Domini multa dominia esse possunt: si tamen est de eodem dominio, tamen non de eadem ciuitate non censetur alienigena in tali ciuitate, nec tunc procedit censura; nec etiam censetur alienigena, si patrem

si patrem habet ortum in ciuitate illa, licet ipse sit ortus, & natus extra dominium, nam tunc oriundus est ex tali Ciuitate.

Decimanona habetur capit. vii. de iniur. in 6. Vbi ipso facto singulæ personæ excommunicantur, quæ contra personas Ecclesiasticas, vel earum bona concedunt repræfalias, & qui generaliter concessas ad præfatas personas extendunt, nisi concessionem, vel extensionem intra mensem reuocauerint. Si autem est vniuersitas, est interdictio supposita: Nota ex Archi. quod concessio pertinet ad superiores; extensio ad inferiores, quibus conceduntur. Nota rursus ex Gemini. quod ista reuocatio debet esse re integra: nam si ante reuocationem, aut ante mensam procedatur ad actum, incurritur hæc poena. Nota rursus, quod hæc procedit etiam in repræfalijs iustis, quæ conceduntur in locis, vbi est clericus: tunc enim non debet extendi ad personas Ecclesiasticas. Nota rursus ex Archid. eos, qui concedunt repræfalias contra bona alicuius clerici ob ipsius debita, seruatis seruandis, non incurrere hanc censuram. Nota rursus ex Glossi. quod propter debita clerici vnius diocesis, non possunt concedi repræfalia contra bona clerici alterius diocesis, in qua est debitor constitutus.

Vigesima habetur in c. feclicis de poen. in 6. Vbi excommunicantur Principes, & alij Domini, & Iudices, qui non obseruauerint ea, quæ ibi continentur contra persecutores Cardinalium. De hac supra diximus.

*De excommunicationibus non reſeruatis in
Clementinis.*

C A P V T XXXIX.

Prima habetur Clem. vii. de sequeſtra. poſſeſſi. & fructu. Vbi excommunicantur omnes, qui in ſequeſtratione facta per Ordinarium loci de beneficio Eccleſiaſtico per triennium integrum pacifice non poſſeſſo ſententiam definitiuam cōtra poſſeſſorem apud Sedem Apoſtolicam dūtaxat in poſſeſſorio, vel petitorio promulgatam impedire, vel fructus ſequeſtratos quomodo occupare præſumunt: à qua ſententia non abſoluentur, niſi uſurpata reſtituant, & remoueant impe-

impedimentum. Nota ex Ioan. Andr. quod non habet locum hæc pœna, nisi in sententia definitiua, quæ nempe principale causam definit, & non in quacumq; sed in ea, quæ est super beneficio Ecclesiastico. Nota rursus, quod non habet locum, nisi in sequestratione facta per Ordinarium, non in ea, quæ fit ex Summi Pontificis commissione.

Secunda habetur in Clem. I. de sepult. Vbi excommunicantur omnes etiam exempti.

Primò, qui interdicti tempore in Cœmeterio sepeliunt scienter cadauera defunctorum, extra casus à iure concessos.

Secundò, publicè excommunicatos.

Tertiò, nominatim interdictos.

Quartò, manifestos vsurarios. Nec debent absolui, nisi prius satisfecerint his, quibus est iniuria facta secundum arbitriū Dioecesani, aliter absolutio est nulla, propter illud verbum (*nullatenus*.) Nota idem censendum esse de cœmeterio, & de Ecclesia secundum Cardin. ibi. q. 7. Rursus ex Gloss. quod procedit hoc de excommunicatione maiori à iure, vel ab homine. Rursus, quod nominatim interdicti debent esse à diuinis, & participatione sacramentorum, non ab officio, vel iurisdictione tantum, vt notat Ang. excom. 7. cal. 36. Et sufficeret, si interdictus esset à sepultura secundum Gloss. Nota quod dicitur extra casus iure concessos: nam aliquando licet, vt dicitur in materia de interdicto. Nota quod per publicè excommunicatos oportet intelligere post extrauag. Martini nominatim denunciatos, vel publicos Clerici percussores. Nota etiam manifestum vsurarium dici, qui est conuictus, & condemnatus vel notorius notorierate facti, vt qui publicè tenet altare paratum, & mutuat omnibus volentibus capere, vt habet Abb. ca. quia in omnibus n. 11. de vsur. Rursus ex Caiet. verb. excom. c. 46. Hæc pœna solos cōprehendit eos, qui humo, seu tumulo mortuum imponunt non autem portantes, nec comitantes, nec terram fodientes, nec mandantes, nec officium dicentes. Vide Gloss. in eadem Clem. 11. sepelire.

Tertia habetur in Clem. religiosi de decim. Excommunicantur religiosi non habentes beneficium, nec administrationem propter quatuor.

Primò, si noualia aut alias decimas Ecclesijs debitas, ad eos aliqua causa legitima non spectantes, sibi appropriare, aut exquiritis fraudibus, siue coloribus vsurpare præsumpserint.

Secundò

Secundò, si de animalibus familiarium, & pastorum suorum, vel aliorum animalia ipsa eorum gregibus immiscendum, decimas solui Ecclesijs non permiserint, seu prohibuerint.

Tertiò, si de animalibus, quæ in fraudem Ecclesiarum in pluribus locis emunt, emptæque tradunt venditoribus, vel alijs ab ipsis tenenda, decimas etiam solui Ecclesijs non permiserint, seu prohibuerint.

Quartò, si de terris, quas tradunt alijs excolendas, decimas etiam solui Ecclesijs non permiserint, seu prohibuerint. Hæc autem omnia non sufficiunt ad pœnam hanc contrahendam, nisi post requisitionem per eos, quorum intererit, super hoc eis factam à præmissis non destiterint intra mensem; aut si de eis, quæ contra præmissa usurpare, vel retinere præsumpserunt, intra duos menses Ecclesijs damnicatis emendam non fecerint competenter, & non sunt absoluedi ante condignam satisfactionem, aliàs est nulla absolutio: nam est particula, *nullatenus*, quæ irritat. Notat ex Gloss. sufficere vnam requisitionem. Rursus comprehendit etiam foeminas religiosas, Cistercienses, & hospitalarios: non autem clericos seculares, aut laicos, nec religiosos ipsos. quando decimæ non debentur Ecclesijs, sed priuatis personis. Rursus nota: ex textu, quod religiosi habentes beneficium, vel administrationem non incurunt excommunicationem hanc: sed loco eius suspensionem ab officijs, administrationibus, & beneficijs suis. Nota rursus, quod non contrahitur ista pœna ex sola non solutione, nisi ex appropriatione, vel usurpatione, aut non permissione, seu prohibitione, ne solutio fiat. Nota rursus, ex Silu. excommun. 9. §. 72. quod non comprehendit hæc excommunicatio religiosum translatus ad Ecclesiam secularem, quando habet temporalem administrationem, vel beneficiũ: hic tamen suspensionem contrahet, quamuis non habeat beneficium regularem. Clement. de beneficio vniuersaliter loquitur, quando excipit ab excommunicatione, & supponit suspensionem habentes beneficium.

Quarta habetur in Clem. ne in agro, de stat. monach. §. quia vero. Vbi ipso facto excommunicantur.

Primò, Monachi, aut Canonici regulares administratione non habentes, qui ad Principum curias se conferre præsumunt, vt suis Monasterijs, aut Prælatibus damnum aliquod inferant. Nota ex Gloss. duo requiri ad contrahendam hanc censuram,

furam, quod intrent curiam, & quod hoc animo intrent, siue habent licentiam sui Prælati, siue non: Immo addit, *etiam si non intulerit damnum*, si modo hoc animo intrauerit curiam; non tamen à Monasterio exisse sufficit, nisi intret in curiam.

Secundò, excommunicantur Monachi, qui intra septa Monasterij tenent arma sine licentia Abbatum suorum. Nota ex Gloss. ibidem quod hæc non comprehendit Canonicos regulares, nec Monachos habentes arma extra septum sui Monasterij, etiam si habent in alio Monasterio, nec Monachos venientes ad Monasterium cum armis non animo tenendi. Per arma autem, vt eadem Gloss. dicit, non solum intelliguntur defensiva, sed etiam offensiva: non tamen ligna, & lapides, quæ ex se non sunt arma, nisi ex intentione habentis. Nota rursus, ex Cardin. ibi, quod septum est clausura Monasterij, extra quam sine licentia exire non licet. Nota rursus, ex Silu. excomm. 9. §. 73. quod si habeat arma aliqua in vsum aliquem, non in pugnam, vt si haberet gladium magnum ad vsum coquinae, nō ligabitur ista censura. Nec valet argumentum, quid sicut lapides non prohibentur, quia ex se non sunt arma, licet adsit intentio pugnae, ita illa, quæ ex se sunt arma prohibebuntur, etiam si intentio non sit pugnae: nam odia restringuntur, fauores ampliantur. Nota etiam ex Silu. loco citato, hanc constitutionem comprehendere Monachos in generali, siue albi, siue nigri sint, siue alio C^opre. Nota rursus, ex Cardin. & Angel. excomm. 7. cal. 38. quod si Abbas parit contumeliam Creatori, vel iniungit Monachis intollerabilia vel eos prosequitur odio capitali, poterunt Monachi sine licentia arma sumere ad defensionem, si alijs remedijs omnino nō possunt sibi providere.

Quinta habetur in Clem. attendentes. §. final. de statu Monach. Vbi excommunicantur ipso facto impediētes visitatores monialium quarumcumque, & etiam Canonicarum Regularium in his, quæ pertinent ad officium visitationis earundem. Nota ex Cardin. tria requiri ad incurrendam prædictam poenam.

Primò, vt impedimentum actualiter præstetur.

Secundò, vt fiat admonitio, vt desistant, iuxta textum, quæ admonitio non debet præcedere, sed subsequi impedimentum & sufficit vna etiam, facta in generali.

Tertiò, vt admonitio ista fiat per ipsum visitantem.

Sexta

Sexta habetur in Clem. 1. de relig. domi. Vbi excommunicantur omnes statum begghinarum assumptes, vel assumpti sectantes, & religiosi, qui dictas begghinas fouent in earum statu, seu ut assumant earum habitum, dans consilium, auxilium, fauorem directè, vel indirectè. Hodie iam non extant tales begghinæ.

Septima habetur in Clem. 1. de consang. & affin. Vbi excommunicantur sex genera personarum ipso facto.

Primò, contrahentes scienter in gradu consanguinitatis prohibito.

Secundò, etiam contrahentes scienter in gradu affinitatis prohibito. Intellige hæc duo, sine dispensatione.

Tertiò, qui scienter contrahunt cum Monialibus, intellige professis.

Quartò, Religiosi, scilicet professi contrahentes.

Quintò Moniales, scilicet professæ contrahentes.

Sextò, clerici in sacris constituti pariter contrahentes matrimonium. Nota ex Gloss. non ligari hos, si sponsalia tantum contraxerunt: nam textus dicit matrimonialiter: sed si contraxerint per verba de presenti, etiam non secuta copula, ligantur. Addit Gloss. quod si copulam habuerunt non animo contrahendi, sed animo tantum carnali, non ligantur. Adde etiam, quod etiam si sponsalia contraxerint de futuro, & copula accedat animo maritali, modo non ligantur, immo etiam si verba præterint de presenti, sine testibus tamen, & paracho non ligantur, quia post Concil. Trident. talia non sunt matrimonia, & per hanc constitutionem excommunicantur, qui adhibent ea, quæ ad matrimonium sufficiunt cum affinibus, consanguineis, &c. licet verè non sit matrimonium ex defectu consanguinitatis, affinitatis, vel voti. Nota rursus, ex Gloss. cum alijs impedimentis contrahentes, etiam si sint talia, quæ dirimant contractum, quale est impedimentum honestatis, & alia præter hic expressa, non ligantur hac constitutione. Nota rursus, illud verbum, *scienter*, referri ad tres primos casus: & procedit, quando non est ignorantia facti probabilis, ut dicit Gloss. An autem procedat de ignorantia iuris, diximus superius, cum de ignorantia tractauimus.

Octaua habetur in Clem. nolentes. de hæret. Vbi excommunicantur ipso facto Inquisitores, & eorundem, vel Episcoporum, aut capitulorum, Sede vacante, Commissarii super hæresi depu-

deputati, si prætenu officij Inquisitionis, quibusvis modis illicitis ab aliquibus pecunias extorqueant, aut si scienter attentent Ecclesiarum bona ob Clericorum delictum prædicti officij occasione Fisco etiam Ecclesiæ applicare. Nec possunt absolui, nisi in mortis articulo, donec planè satisfecerint de pecunia si extorta illis, à quibus extorserunt. Nota ex Gloss. quod in Episcopis ipsis non habet hæc pœna locum, nec in alijs, si non prætenu officij Inquisitionis illud faciant. Nota rursus ex eadem Gloss. quod in bonis proprijs clericorum, quæ non sunt Ecclesiarum, non procedit hæc pœna: procedit autem de bonis Ecclesiarum, non solum quando applicantur Fisco Ecclesiæ; sed multo magis quando applicantur Fisco seculari, vel sibi ipsis. Nota rursus ex Ioan. Andr. & Cardinal. quod nomine pecuniæ venit omne pecunia æstimabile.

Nona habetur in Clem. vni. de vsuris. Vbi excommunicantur ipso facto Potestates Capitanei, Rectores, Consules, Iudices Consiliarij, & alij quouis officiales.

Primò, si præsumant statuta facere, scribere, vel dictare, quòd vsuræ soluantur, vel quod solutæ, cum repetuntur, non restituantur.

Secundò, si secundum illa scienter iudicare præsumant.

Tertiò, si hæcenus edita de libris communitatum, si super hoc habent potestatem, non deluerint intra tres menses.

Quartò, si ipsa statuta, vel consuetudines habentes illorum effectum præsumant obseruare. Nota duo esse necessaria ad hanc pœnam contrahendam secundum omnes: vt si officialis aliquis ex prædictis; & quod faciat aliquem actum ex dictis, si enim non est officialis, non contrahit, etiam si ea faciat. Nota rursus ex Gloss. qui statuit, ne pro vsuris aliquis accipiat ultra certam summam, non contrahit hanc pœnam, quia nõ statuit positinè vsuræ soluendam. Nota rursus ex Gloss. & Cardinal. quod quando dicitur, *si habeat delendi potestatem*, intelligitur de potestate iuris vel facti.

Decima habetur in Clem. capientes. de pœn. Vbi primò excommunicantur ipso facto omnes Religiosi mendicantes, qui sine licentia Papæ loca de nouo accipiunt ad habitandum, vel recepta hucusque mutant, vel alio quouis alienationis titulo transferunt. Nota ex Card. quod non prohibentur loca destructa reficere, nisi vt dicit Angel. excommun. 7. cas. 44. desierint

fierint esse de eorum dominio, & postea nouo iure acquisita. Nota etiam ex Lapo consil. 118. quod non prohibentur capta loca augere, cui consentiunt Angel. loco citato, & Siluest. excomm. 9. §. 86. Nota rursus iam multa priuilegia esse concessa à Sede Apostolica contra huiusmodi constitutionem mendicantibus.

Secundò, in eadem Clem. excommunicantur omnes religiosi, qui in concionibus, vel alijs locis dicunt aliqua hac intentione, vt retrahant auditores à solutione decimarum Ecclesijs debitarum. Nota ex Ang. loco citato tria requiri ad hanc censuram contrahendam.

Primò, vt proferant aliquid hac intentione, nempe retrahendi.

Secundò, quòd decima, à quibus retrahunt, sint debita.

Tertiò, quòd dicant audientibus illis personis quæ tenentur eas soluere. Adde etiam ex Gloss. quòd solos Religiosos comprehendit, tam mendicantes, quàm non mendicantes: non autem Clericos, vel seculares. Et secundum Bonifac. comprehendit etiam religiosas.

Tertiò, excommunicantur in eadem Clem. religiosi, qui scienter postponentes conscientiam facere de soluendis huiusmodi decimis, & postea, cum commodè possint non purgantes negligentiam eos admonendo præsumpserunt prædicare. Hoc tamen non se extendit ad Religiosos Monasteriorum, vel Rectores Ecclesiarum decimas percipientium. Nota quatuor necessaria ad hanc poenam incurrendam.

Primò, vt fuerint negligentes in admonendis poenitentibus de solutione decimarum.

Secundò, vt id scienter fecerint.

Tertiò, quòd non purgauerint negligentiam, cum tamen potuerint.

Quartò, quòd postea prædicauerint.

Vndecima habetur in Clem. 1. de sent. excomm. Vbi excommunicantur ipso facto omnes Religiosi, cuiuscumq; ordinis, & conditionis existant, tam exempti, quàm non exempti, qui interdictum impositum auctoritate Sedis Apostolicæ, seu Parochiale loci Ecclesiam seruare, non seruant. Idem statuitur de interdictis, & cessationibus à diuinis indictis per Præuincialium Conciliorum statuta, vel ipsorum auctori-

tate. Idem etiam statuitur in cessationibus à diuinis generalibus Ciuitatum, Terrarum, & aliorum locorum, quas aliquando ex consuetudine, vel aliàs Capitula, vel Collegia, vel Conuentus secularium, vel regulariū Ecclesiarum sibi vendicant. Nota ex Gloss. quòd hæc constitutio ligat omnes Religiosos mendicantes, & nō mendicantes: nōn tamen clericos seculares; & procedit etiam si interdictum sit nullum, dummodò seruetur ab Ecclesia, Matrice, Cathedrali, vel Parochiali loci. Rursus ex eadem Gloss. non procedit in particulari interdicto; hoc enim in loco particulari interdicto seruatur, & consequenter nec interdicto personali*, sed in generali loci, tam iuris, quàm hominis. Nota rursus, ex Silu. excommun. 9. §. 92. quod si in aliquo loco non est Matrix, vel Cathedralis Ecclesia, sed Parochiales multe æquales, tunc non satis est ad incurrendam hanc pœnam, quòd vna seruet, sed debent omnes seruare interdictum.

De excommunicationibus non reſeruatis in Extrauagantibus.

CAPVT XL.

PRIMA habetur in extrauag. super gentes, de consuet. Vbi ipso facto excommunicantur omnes impediētes Nuncios, vel Legatos Romani Pontificis, ne ingrediantur Regna, Prouincias, & Terras, ad quæ ipsos destinari contigerit aut ne libere legationis sibi commissæ officium in eisdem exercent. Hodie hæc excommunicatio est reſeruata in Bulla Cœnæ.

Secunda habetur in Extrauag. Ambitiosa, de empt. & vend. Ipso facto excommunicantur, qui extra casus à iure concessos alienant bona immobilia, vel mobilia pretiosa Ecclesiasti, aut ultra tres annos locant, aut alio contractu concedant. Et non solum alienantes, & concedentes, sed etiam qui bona alienata, vel concessa ultra tres annos acceptant. Hæc est Pauli II. hæc secundum Caiet. verb. excommun. cap. 75. non est vniuersaliter recepta, sed in aliquibus locis quantum ad aliquid, & Silu. v. alienatio. putat non esse receptam. Puto quantum ad excommunicationem non esse receptam; quantum autem ad inualiditatem contractuum contra hanc constitutionem initiorum

torum non esse vniuersaliter receptam; sed considerandam esse locorum consuetudinem.

Tertia habetur in Extrauag. quia nonnulli, de sent. excommunicantur ipso facto, qui impugnant literas electi Papæ, etiã antequàm coronetur, cum per ipsam electionem canonicè factam, sibi ius Papatus sit acquisitum, & canonica electione confirmatus sit, & exercere possit officium suum, etiam ante coronationem, vt habetur 23. d. can. in nomine Domini. Hæ sunt excommunicationes, quæ in corpore iuris reperiuntur, nonnullæ aliæ supererant, nempe quæ in Concilio Lateranensi habentur: sed quia huiusmodi excommunicationes non sunt certæ, & Caiet. v. excom. versus finem & alijs viris doctis non videntur receptæ, ob id ego prætermisi, cum idem mihi visum sit. Aliæ quædam sunt, quarum meminit Anton. & Silu. quæ non habentur in aliqua extrauaganti scripta, nisi ex eorum relatione, quas etiam omisi, quia nonnullæ non habent auctoritatem. Nonnullæ alijs scriptis constitutionibus habentur.

De excommunicationibus in Concilio Tridentino positis.

CAPVT XLI.

IN Concilio Tridétino nostris temporibus celebrato, nonnullæ apponuntur ipso facto excommunicationes, quas oportet explicare.

Prima habetur in sess. 4. Vbi excommunicantur omnes imprimentes, & imprimi mandantes, vendentes, apud se retinentes libros de rebus sacris, sine nomine auctoris, & sine approbatione, examine prius ab Ordinario factis, & si regulares fuerint, vltra examinationem, & approbationem Ordinarij necessaria est proprij etiam superioris recognitio, & licentia iuxta proprias ordinationes. Eadem censura ligantur, qui scripto eos euulgant, aut communicant, nisi antea examinati, probatiq; fuerint. Debet autem hæc probatio in scriptis dari, & in fronte libri, vel scripti, vel impressi authenticè apparere.

Aduerte quod in hac parte renouatur decretum Concilij Later. sess. 10. vbi tales excommunicatione ipso facto ligantur tamen

tamen in Concil. Later. constitutio hæc generalior est; non enim solum procedit de libris de rebus sacris tractantibus, sed de quibuscunque libris, vel scripturis. Et rursus in alijs locis extra Urbem non solum est necessaria prohibitio Ordinarij, seu alicuius, qui scientiam habeat libri ab Ordinario deputandi, sed etiam probatio Inquisitionis illius diocesis, in qua fit impressio. In Urbe autem sufficit Vicarij, & Magistrj de Sacto Palatio probatio. Et hæc constitutio Concil. Lateran. hodie Romæ seruatur. Concil. verò Trident. constitutio restrictior est, & seruanda ubi nõ erat recepta constitutio Concil. Lateran. Hæc excommunicatio non est reseruata.

Secunda habetur in sess. 5. in decret. de peccato originali in fin. Vbi renouatur constitutio Xysti IV. quæ edita fuit super immaculata Conceptione Beatissimæ Virginis Mariæ Dei, cum omnibus pœnis in ea contentis, de qua constitutione diximus suprâ. Et hæc est Papæ reseruata per prædictam constitutionem.

Tertia habetur in sess. 13. can. 11. Vbi ipso facto excommunicantur prædicantes, vel docentes, vel pertinaciter asserentes, vel publicè disputando defendere præsumentes, non esse necessariam sacramentalem confessionem, habita copia sacerdotis, ante communionem his, quos conscientia peccati mortalis grauat, etiam si contriti accedant. Hæc est ad remouendam quorundam opinionem, existimantium eos, qui mortale commiserunt peccatum posse accedere cum sola contritione ad communionem, etiam si copia Confessarij adsit, & sufficere propositum confitendi. Non est reseruata hæc excommunicatio.

Quarta habetur sess. 22. cap. 11. Vbi excommunicantur omnes, tam laici, quàm clerici, quacumque dignitate, etiam Imperiali, vel Regali præfulgeant, qui alicuius Ecclesiæ, aut cuiusvis secularis vel regularis beneficij, montium pietatis, aliorumque locorum iurisdictiones, bona, census, aut iura, etiam feudalia, & emphyteotica, fructus, emolumenta, seu quascunque obuentiones, quæ in ministrorum, & pauperum necessitates conuerti debent, per se, vel per alios, vi, vel timore inculso, seu etiam per suppositas personas Clericorum, aut Laicorum, seu quacumque arte, vel quæstro colore in proprios usus conuertere, illosque usurpare præsumunt, seu impediunt ne ab eis, ad quos de iure pertinent, percipiantur. Eidem excommunicationi supponitur Clericus ipse suppositus, & tam

hic, quam vsurpator ipse, ipso iure priuatus est omnibus beneficijs suis, & ad alia inhabilis factus. Si autem eiusdem Ecclesie fuerit patronus talis vsurpator ipso iure priuatus est iure patronatus. Hæc autem excommunicatio est Papæ reservata.

Quinta habetur sess. 24. cap. 6. Vbi excommunicantur raptores mulierum, & dantes eis consilium, auxilium, vel fauorem ad huiusmodi raptum. Alijs etiam pœnis ibi ipso facto subijciuntur; non tamen excommunicatio est reservata. Nota ex Panor. cap. cum causa. nu. 1. de rapto. tum dici raptū, cum rapitur mulier causa libidinis: similiter etiam cum rapitur causa matrimonij, quando non præcessit tractatus matrimonij, & mulier non consentit: si enim mulier consentit in rapto, & præcessit tractatus matrimonij, licet reclamant parentes, non est raptus, qui pœnæ subijciatur, vt habetur ca. cum causa. allegato.

Est tamen aduertendum, vltra prædicta requiri, quod mulierem quis de loco ad locum conducatur, idque ad effectum abducendi; non autem causa commodioris coitus: alioquin, vt notat Clar. in prax. crimin. §. raptus. in princ. de mente omnium non esset raptus.

Sexta habetur sess. 24. cap. 9. vbi excommunicantur omnes cuiuscumque dignitatis existant, qui quouis modo directè, vel indirectè subditos suos, vel quoscumque alios cogunt; quominus liberè matrimonia contrahant: non est reservata hæc excommunicatio. Hæc præcipuè fulminatur contra dominos temporales, & magistratus, qui sub sua iurisdictione degentes; pœnis, vel minus cogunt cum ijs matrimonia contrahere, quos ipsi præscribunt, quia illos diuites, vel spem magnæ hæreditatis habere cognoscunt, vel alijs de causis similibus.

Septima habetur sess. 25. cap. 5. vbi ipso facto excommunicantur omnes Magistratus seculares, qui non præbent auxiliū inuocarum ab Episcopis ad restituendam, vel conseruandam clausuram Monialium, & ad compescendum pœnis inobedientes, & contradictores talis clausuræ.

Octaua habetur in eod. cap. vbi excommunicantur ingredientes septa monasterij Monialium cuiuscumque generis, aut conditionis, sexus, vel ætatis fuerint, sine licentia Episcopi vel superioris in scriptis obtenta. Ista excommunicatio, sicut præcedens, non est reservata.

Nona habetur sess. 25. cap. 18. vbi primo excommunicantur omnes, & singulæ personæ, cuiuscumque qualitatibus, & conditionibus fuerint, tam clerici, quàm laici, seculares, vel regulares, aut etiam qualibet dignitate fulgentes, qui quomodo-cumque coegerint aliquam virginem, vel viduam, aut aliam quamcumque mulierem inuitam, præterquàm in casibus in iure expressis, ad ingrediendum Monasterium, vel ad suscipiendum habitum cuiuscumque Religionis, vel ad emittendam professionem.

Secundò excommunicantur in aliquo ex prædictis consilium, auxilium, vel fauorem dantes.

Tertiò, qui scientes eam non sponte ingredi Monasterium aut habitum suscipere, aut professionem emittere, quo quomodo eidem actu, vel præsentiam, vel consensum, vel auctoritatem interponunt.

Quartò, illi etiam excommunicantur, qui sanctam Virginem, vel aliorum mulierum voluntatem vel accipiendi, vel voti emittendi quoquomodo sine iusta causa impediunt. Nò est autem reseruata hæc excommunicatio.

Decima habetur sess. 25. cap. 19. vbi ipso facto excommunicantur.

Primò, Imperatores, Reges, Duces, Principes, Marchiones, Comites, & quocumque alio nomine Domini temporales, ad duellum inter Christianos locum in terris suis concedentes.

Secundò, duellum, vel pugnam committentes.

Tertiò, qui eorum patini vocantur.

Quartò, consilium in causa duelli, tam in iure, quàm in facto dantes.

Quintò, quacumque ratione duellum cuique suadentes.

Sextò, spectatores duelli. Hæc excommunicatio non est reseruata.

Aliæ poenæ feruntur contra istos in eod. cap. Hæ sunt excommunicationis in Concil. Trid. ipso facto latæ.

Hic autè aduertendum est, in eodem Concilio sess. 24. c. 6. dari facultatem Episcopis absoluedi in foro interiori conscientie in diocesi sua quoscumque sibi subditos à quibuscumque casibus occultis, etiam Sedi Apostolicæ reseruatis, & vti possint per se exercere, aut per suum Vicarium, ad id specialiter deputandum, præter crimen hæresis, à quo ipsis per se, non per Vicarium absoluedi facultas datur, Ex qua concessione pos-

possunt absolvere Episcopi modo prædicto ab omni excommunicatione Papæ reservata, quando etiam est occultum: nam casus non reservantur Sedi Apostolicæ, nisi per censuras, ut dicit Caietan. in summ. ver. casus. Tamen ista facultas sic concessa post concil. Trid. limitata est per Bullam in Cœna, per quam revocatur facultas, etiam per Concilium generale concessa absolventi à casibus in Cœna, ut habetur in Bulla: unde consequenter nec à crimine hæresis occulto absolvere iam possunt, nec ab alijs in Bulla contentis: poterunt tamen vigore Concilij ab alijs absolvere extra Bullam, tam ab his, quæ ante Concilium reservata erant, quam ab ijs, quæ post Concilium reservantur: nam licet verbo præteriti temporis utatur, extenditur tamen etiam ad futura, propter naturam legis, cuius est proprium comprehendere futura, ut habetur c. si de constit. & ibi Doct. quod confirmatur ex l. Arriani. cap. de hæretic. ubi habetur legem semper esse in viridi observantia, & semper loqui. Concilium autem generale vim legis habet.

Debet tamen hoc limitari, quando excommunicatio est tantum reservata, & non est apposta clausula (*non obstantibus*) si enim ita reservatur Papæ, ut nemo alius possit absolvere, non obstantibus, &c. Episcopus vigore Concilij non potest, nam, ut decidit Rota, per hanc clausulam tollitur facultas concessa per Concilium.

De facultate vero absolventi à suspensione, & dispensandi super irregularitate eisdem Episcopis per idem Concilium concessa suo loco dicemus, dum de suspensione & irregularitate sermo occurrerit.

Quid sit suspensio, & quæ eius species.

CAPUT XLII.

Secundo loco post excommunicationem de suspensione tractandum est, quæ quidem breviter potest sic definiri. *Suspensio est Ecclesiastica censura privans usu Ecclesiastici officij aut beneficij.*

Dicitur primo, *Censura Ecclesiastica* loco generis; hoc enim est commune ipsi cum excommunicatione, & interdicto, ut habetur cap. quarenti. de verb. signif.

Dicitur secundo, *privans usu*, quia dupliciter privatur ali-

quis officio, aut beneficio. Vno modo, quando ipsum officiū, aut beneficium auferitur ab eo, quantum auferri per potestatem humanam potest. Altero modò, cum remanet, & ipsum officium, aut beneficium, quia manet titulus, vel potestas; tamen auferitur exercitium beneficij, aut officiij. Priori modo nō est suspensio, sed degradatio, aut depositio. Posteriori modo, est suspensio. Et aduerte, suspensionem priuare vsu officiij aut beneficij, vt vsus est, cap. à nobis. de excep. Abb. in cap. Apostolicæ, num. 2. eod. titu. nisi specificè sit prohibita suspensio hominum communio, quo casu debet se abstinere etiam à communione, vt notat Gemin. in cap. 1. §. & hæc. nu. 3. ver. differunt, de sen. excom. lib. 6. Excommunicatio verò licet etiam auferat vsum, non tamen hac ratione quatenus vsus est, sed quatenus communicatio quædam est cum alijs, à qua excommunicatus separatur; vnde excommunicatio non dicenda suspensio, cum sit species quædam distincta censura Ecclesiasticæ.

Tertiò dicitur (*officij, aut beneficij Ecclesiastici*) quia in præsentia non loquimur de suspensione generali, quæ complectitur etiam priuationem vsus officiij secularis, sed in particulari, vt ad Ecclesiam pertinet; propter quod diximus eam esse censuram.

Huius suspensionis multi sunt etiam varij modi, seu species quædam, quas in particulari enumerat Gloss. Clem. cupientes. de pœnis. Possumus tamen eos in generali sic reducere, vt primo diuidatur in tres species, quænam enim est suspensio ab officio, & per officium intelligitur, tam officium ordinis, quàm officium iurisdictionis Ecclesiasticæ. Quædam est à beneficio Ecclesiastico, & per beneficium complectimur dignitates, Canonicatus, beneficia, siue curata, siue simplicia, & alia huiusmodi. Quædam est ab officio, & beneficio simul.

Secundò ea, quæ est ab officio tantum, aliquando est à toto officio, aliquando à parte. A toto officio, quando priuat vsu ordinis cuiusque, & simul vsu iurisdictionis. Ea, quæ est à parte, multiplex est. nam aliquando est à toto ordine, tamen solo, aliquando à parte, vt sacerdotio, aut diaconatu, aut alio inferiori.

Rursus in vno ordine, aliquando à toto, aliquando à parte, aliquando fit etiam à sola iurisdictione, sed tota, aliquando à parte aliqua.

Tertiò

Tertiò, ea, quæ est à beneficio, aliquando etiam à toto, aliquando à parte sola, ut à fructibus percipiendis, vel aliquo alio ad ipsum pertinente.

Quartò diuiditur ratione temporum: nam aliquando est ab officio, vel beneficio, vel utroque ad aliquod tempus maius, vel minus, prout determinatum fuerit à iure, vel ab homine; aliquando est à parte aliqua prædicti, aut ad tempus aliquod, aut in perpetuum, à toto tamen ordine, aut à toto beneficio, aut à toto officio non fit in perpetuum; tunc enim potius depositio, vel degradatio esset.

Quintò rursus diuiditur, nam quædam est à iure, quædam ab homine, sicut in excommunicatione declaratum est. Hi sunt modi suspensionis in summa, & in communi.

De quibusdam regulis, quibus explicantur species suspensionis prædictæ.

CAPVT XLIII.

IN his suspensionum speciebus, seu modis nonnullæ regulæ aduertendæ sunt, quarum prima est. Quando aliquis est suspensus ab ordine, non ob id suspensus est à iurisdictione: nec contra quando suspensus est à iurisdictione, ob id, suspensus censendus est à ordine; quia hæc duo sunt inuicem distincta, & vnum ab altero non pendet, ut colligitur ex cap. aliqua. de consecra. Eccles. Ex qua sequitur, quòd suspensus à pontificalibus tantum, solum suspenditur ab exercitio eorum quæ ad ordinem Episcopatus pertinent, ut confirmare, chrismare, Ecclesias, ac Virgines consecrare, ordines conferre, dedicare Ecclesias, reconciliare, & similia, ut dicit Geminia. in cap. i. §. officiales, nume. 3. de offic. ordin. libr. 6. non tamen ab his, quæ iurisdictionis sunt, ut conferre beneficia, excommunicare, &c. Hoc probatur ex cap. transmissam, de elect. vbi habetur, iurisdictionalia ista non pendere ab ipsis pontificalibus. ita etiam notat Panormit. cap. cum dilectus, de consuet.

Secunda est regula, suspensus ab ordine simpliciter est suspensus à quolibet ordine, & per consequens ab omnibus functionibus super ordine, & sic à iurisdictione spiritali, & similibus, secundum Abb. in cap. cum dilectus, nume. 20. vers. si ergo, de consue.

consue. Silu. ver. suspensio. num. 5. ver. si verò sit ab ordine. & similiter etiam talis suspensus incapax est beneficii obtinendi. Felin. in c. 2. num. 4. ver. limitatur, de re script. Si verò est suspensus ab aliquo ordine, tunc, si suspensus est à maiori, non ob id suspensus est à minori; unde suspensus à sacerdotio non est suspensus à diaconatu, & inferioribus. Suspensus ab ordine Pontificali, non ob id suspensus est à sacerdotio, nec ab alijs ordinibus, quia Pontificalia non spectant ad alicuius ordinis Ecclesiastici substantiam, ut omnes fatentur, teste Couarr. in rubr. de homicid. 1. par. relect. §. 1. ver. 2. colligitur, & per consequens suspensus à Pontificalibus celebrans in illo apparatu Pontificali non fit irregularis secundum communem opinionem, de qua per Couarr. 1. par. relect. §. 1. ver. 2. colligitur: nam licet Episcopatus sit ordo, ut habetur in Concil. Trident. non tamen est ordo, ut est sacramentum, ut ait Couarr. varia. resol. lib. 1. cap. num. 15. Suspensus verò à minori suspenditur etiam à maiori; suspensus enim in diaconatu suspenditur in sacerdotio, & sic consequenter fit in alijs ordinibus. Ita habet Hostien. cap. dilectus filius, de tempor. ord. & est communis sententia Doctor. & similiter suspensus ab vno ordine non potest ad maiores ascendere secundum Abb. in cap. fina. num. 2. de Apostol. ea ratione, quia videretur per saltum promotor. Idem Abb. in cap. de si non ace. num. 5. de sim. Card. Alexan. in cap. quod studet, col. 2. ver. & dicit. 1. q. 1. Boic. in cap. post translationem, de re iudi. unde sequitur, ut notat Ang. suspension. 3. §. 3. quod suspensus à collatione ordinum nullum potest conferre: suspensus verò à collatione maioris potest conferre minores; suspensus tamen à collatione minorum, non potest conferre maiores.

Tertia regula est, Suspensus simpliciter ab officio suspenditur, & ab ordine, & à iurisdictione, ita habet Gloss. cap. cum dilectus, de consuet. & ibi Panormitan. num. 19. Vbi dicit, officium esse latum vocabulum, & claudere utrumque. Idem Felyn. in cap. Apostolicæ, num. 16. de excep. & est communis sententia contra Gloss. can. audiuimus, 24. qu. 1. quæ dicit, quod suspensus ab officio intelligitur ab ordine, non autem à iurisdictione.

Quarta, suspensus à beneficio, non ob id suspensus est ab officio, puta ordine vel iurisdictione, ita habet Gloss. cap. cum Vintonienfis, de elect. & Panormitan. c. cum dilectus, num. 20. de consuet. quod intellige, quando iurdictio non competit ratio-

ratione illius beneficij, à quo est suspensus, vt notat Nauar. per cap. cum in cunctis. §. fin. de elect. in sum. cap. 27. num. 163. ver. sexto suspensio enim principali, etiam accessorium suspensum esse videtur: Suspensus autem à beneficio, est suspensus à perceptione fructuum, & alijs, quæ sunt ratione beneficij, vt dicam infra.

Quinta, suspensus ab officio, non ob id suspenditur regulariter à beneficio, hæc est contra Gloss. cap. quia sæpè, de elect. Ratio autem huius est Gloss. Clem. cupientes. ver. suspensi. de poen. quia cum aliquando suspensio fiat ab officio, aliquando ab officio, & beneficio, superflue adderetur secunda pars, si in prima includeretur, siue ista suspensio sit à iure, siue ab homine, siue propter delictum etiam graue, siue ob aliam causam, ita habet Bonifac. Clem. cupientes allegata, nu. 35. quamuis in hoc sint variæ opiniones. Intellige autem non esse suspensum à beneficio præter fructus illos beneficij, qui dantur ob vsum officij, è quo suspensus est, vt sunt distributiones quotidianæ, & similia, & præter actus beneficij, qui sunt ordinis, vel iurisdictionis, ab his enim suspensus est. Intellige etiam respectu suspensionis propter delictum in casibus illis, in quibus suspensio sit ad tempus: nam si suspensio esset perpetua, & pro delicto, vel culpa suspensi, censereetur suspensus à beneficio secundum Vital. in d. Clem. num. 43. talis enim suspensio est similis priuationi; vnde qua ratione priuatur officio, censetur priuatus beneficio, ita vt taliter suspensus, propter similitudinem, quam habet.

Sexta, quando simpliciter fertur suspensio, non limitando ab officio, vel beneficio, intelligitur maior suspensio, & tunc suspendit ab omnibus. Ista est Siluest. ver. suspensio. §. 5. circa finem.

Septima, suspensus ab ingressu Ecclesiæ priuatur potestate exercendi ordinem in ipsa Ecclesia, & similiter est priuatus potestate audiendi diuinam in ipsa Ecclesia secundum Ioann. Andr. & Anchar. & Gem. in cap. 15. cui, nu. 1. circa fin. de sent. excom. lib. 6. Ita habet etiam Siluest. ver. suspensio. §. 5. & si durante suspensione decedat, nisi poenituerit, denegatur ei Ecclesiastica sepultura in Ecclesia, & Cæmeterio, cap. 15. cui, & ibi Doct. de sent. excom. lib. 6. non tamen secundum eundem priuatur potestate exercendi iurisdictionalia, & idem notat Abb. in cap. sacro. de sent. excom. nu. 10. aut eligendi, aut celebrandi extra Ecclesiam, aut orandi in ea tempore, quo ibi diuina

non dicuntur, aut tunc transeundi per eam, secundum Calder. & Gemin. in cap. 15. cui, in prin. num. 3. de senten. excom. lib. 6. aut percipiendi Ecclesiastica sacramenta secundum communem, ut testatur Siluest. vbi supra. Suspendus ergo ab ingressu Ecclesie non potest officium exercere in Ecclesia, nec interesse diuinis, & in hoc excedit suspensionem ab officio: nam secundum Astenf. 2. p. lib. 7. tit. 16. qu. 11. suspendus ab officio potest interesse diuinis, dummodo non officiet, aut actum ordinis exerceat, nisi esset suspensus simpliciter à diuinis: quia tunc nec interesse potest, sicut nec officiare, aut actum ordinis exercere intra Ecclesiam, vel extra, ut dicit Gem. in c. 1. §. si quis autem, nu. 3. de sent. excomm.

Octaua suspensus ab administratione Ecclesie, vel beneficii, tam in temporalibus, quam in spiritualibus, non est per hoc suspensus ab ordine, ita habet Silu. loco citato. Abb. in c. si quorundam, nu. 9. de solut. Hæ sunt præcipuæ regulæ ad suspensionis modos distinguendos.

De causis suspensionis.

CAPVT XLIV.

Quatuor esse causas in suspensione, sicut in excommunicatione certum est.

Prima est efficiens, scilicet, qui potest suspendere, & hæc est omnis ille, qui potest excommunicare, ut Doct. communiter dicunt, & notat Siluest. ver. suspensio. §. 2. & Angel. suspensio. 2. §. 3. de quo supra dictum est; unde sequitur, quod suspensio, seu prohibitio à celebrando, quæ imponitur penitenti à Confessario non est propriè suspensio, quia non est facta ab habente iurisdictionem, & sic suspensus celebrando non fieret irregularis, ut habet Inno. in c. si celebret. num. 3. de sent. excom.

Materialis autem causa remota est is, qui suspendi potest, & talis ex præcedenti definitione nota est; non enim est omnis, qui excommunicari potest, sed solum persona Ecclesiastica. Est autem hoc priuilegium Episcopis concessum, ut nullus Episcopus incurrat suspensionem à iure, nisi specialiter ipsius mentio fiat. ita habetur cap. quia periculosum: de senten. excomm. & hoc intellige tam de suspensione officij, quam beneficii, ut notat Gloss. in d. cap. ver. officij. Hoc autem non proce-

procedit in excommunicatione, hanc enim incurrere possunt, ut ibi notat Glo. ver. suspensi.

Materialis autem proxima est peccatum, propter quod suspensio fertur; non enim absque peccato quis suspendi potest, c. satis persum, d. 56. hoc autem frequentius est mortale: potest autem pro veniali aliqua suspensio imponi, ut dicit Caiet. ver. suspensio. & Nauarr. in summ. c. 27. nume. 159. dummodò tamen sit levis suspensio, sicut & culpa, argum. text. in l. respiciendum, in prin. ff. de poen. Non est autem suspensio ut excommunicatio; hæc enim, cum est ab homine, non imponi debet nisi propter mortale cum contumacia, & inobedientia, ac suspensio non sic; nam aliquando ponitur suspensio ab homine ob contumaciam; aliquando verò ob peccatum solum in poenam illius peccati: probata enim culpa, vel notoria existente, fertur etiam contra delinquentem non contumacem, secundum Innocen. in cap. peruenit, numer. 3. de excess. prælat. & Abb. in c. reprehensibilis, numer. 4. de appell.

Aduerte tamen, quòd licet in hoc casu monitio ad sententiam non sit necessaria, oportet tamen, quod de crimine citata parte, prius constet; iuxta Gloss. in Clem. præsentī, ver. confiterit, de cens. nisi excessus sit notorius, ut dicit Abb. in c. peruenit, i. num. 5. de appella. Vnde fit, ut non semper opus sit admonitione in suspensione, sed solum quando propter contumaciam, secundum Innoc. c. 1. de excessibus Prælat. Panor. cum communi in cap. reprehensibilis, numer. 4. de appellat. tunc enim est necessaria admonitio, sicut in excommunicatione, & non fertur, nisi contra incorrigibilem, & contumacem, secundum Innoc. in d. cap. peruenit, & Franc. in c. reprehensibilis, in princip. de appella. tamen utroque modo in scriptis est imponenda suspensio ab homine, iuxta c. cum medicinalis, de sen. excom. in 6. ut notat Silu. ver. suspensio, nume. 4. Ceterum si taliter non fieret, non propterea esset nulla, ut per Silu. ibi. Multa sunt peccata in particulari. propter quæ in iure suspensiones sunt impositæ, de quibus dicemus paulò inferius.

Forma autem suspensionis non est determinata in iure, ut notat Hostien. in c. ad hæc circa fin. de appell. sed multis modis potest exprimi ille actus suspensionis in particulari, ut suspendi te à beneficio, vel ab ordine, vel ab hoc, aut illo. In iure dicitur: sit suspensus, ubi aduertendum est, aliquando esse suspensionem

sionem ipso facto, cum dicitur, suspendimus, vel sit suspensus, vel quid simile. Aliquando est comminatio, ut cum dicitur suspendatur, vel suspendendus est, vel verbum simile, ut diximus in materia de excommunicatione; multa enim quæ illie dicta sunt, communia sunt cum suspensione, & illud maxime de nullitate etiam suspensionis post legitimam appellationem late, & idem de suspensione ante appellationem lata respectu spiritualium, per cap. is cui, de sen. excom. lib. 6. Secus autem respectu temporalium; nam in hoc casu appellatio etiam sequens suspendit executionem sententiæ suspensionis, secundum Abb. in c. pastoralis. §. verum quia, nume. 11. de app. Gloss. in d. c. is cui, ver. sequens, & idem etiam, quando appellatur à sententia suspensionis à beneficio: talis enim appellatio similiter suspendit, ut notat Abb. in c. pastoralis. §. verum quia, nume. 11. de appell. glo. in c. is cui, de sen. excom. lib. 6. ver. sequens. & sic interim retinet possessionem, d. benefic. ut dicit Boic. in c. Apostolica, in fi. de excep.

Finis autem suspensionis est idem, qui & excommunicationis; Ecclesia enim animarum utilitatem intendit, quando corrigit, & castigat.

De effectibus suspensionis.

CAPVT LXV.

CVID AM sunt effectus suspensionis, quorum primus est. Suspendus exercens id, in quo est suspensus, peccat graviter, & peccatum est ex suo genere mortale, arg. text. in c. 2. de maior. & obed. Suspendus tamen in aliquo non peccat, si faciat ea, in quibus non est suspensus. Peccat ergo, qui suspensus ab ordine aliquo actum illius exercet. Peccat, qui suspensus ab officio, seu iurisdictione excommunicat, vel aliquem exercet talis officij actum, & qui suspensus ab ingressu Ecclesiæ ingrediuntur, ut ad sit divinis officijs, & qui suspensus à prædicatione prædicat. Similiter de alijs.

Secundus effectus est, suspensus ab ordine, vel ab aliquo includente suspensionem ordinis, non solum peccat, si actum talis ordinis exercet, sed etiam sit irregularis. deducitur hoc ex c. cum æterni de sent. & re iudi. in 6. & cap. 1. de senten. excom. in eod. lib. & omnes Docto. in hoc conveniunt; illi enim Canones licet secundum Archidia. sint restringendi quoad casus

si ibi expressos, tamen contrarium est verum, & sic dictos Canones generaliter procedere de quacunque ordinis suspensione, & declarare, non autem de nouo statuere tenuerunt ibi Gemin. Ioan. Andr. & alij. Quod locum habet, seu suspensio sit ab homine, siue à iure, siue in certum tempus, vel donec poeniteat, si tempore suspensionis diuini se immiscuerint, secundum magis communem sententiam, licet quidam contrarium probare conentur, vt per Couuar. in Clem. si furiosus, i. p. relect. §. i. nu. 5. in fi. Ex quo aliqua sequuntur.

Primò suspensus ab actiua collatione sacramentorum, si conferat, peccat, & efficitur irregularis, quia conferre actus ordinis est. At verò suspensus à passiua tantum susceptione sacramentorum, licet peccet suscipiens, non tamen fit irregularis, quia suscipere non est actus ordinis, ita habet Silu. verb. suspensio. §. 5.

Secundò suspensus à collatione sacramentorum, si baptizet non solemniter, sed eo modo, quo laicus potest baptizare, non efficitur irregularis, vt habet Host. c. i. de sent. excom. quia talis collatio non est ordinis, nisi baptizet solemniter tanquam sacerdos.

Tertiò suspensus ab ordine maiori non peccat, nec fit irregularis, si exerceat actum minoris, quia non est suspensus ab eo. Secus, si suspensus in minori exerceat maiorem, quia suspensus est ab eo per ea, quæ diximus superius.

Quartò suspensus ab ingressu Ecclesiæ, si celebret in ea, peccat, & fit irregularis, quia suspensus est ab ordine exercendo in ea, ita habetur in c. is cui, de sent. excomm. in 6. quamuis autem peccet ibi audiendo diuina, non tamen est irregularis, quia audire non spectat ad ordinem, ita habet Gemin. in prædicto c. is cui, num. 4.

Quintò, suspensus ab officio prædicationis, licet peccet prædicando, ac ipso facto sit excommunicatus. Clem. cupientes. §. quibus, circa fi. de poen. & ibi Anchar. nu. 10. non fit irregularis, vt habet Calder. Clem. cupientes, de poen. & Ange. suspensio. 3. §. 8. quando non est actus ordinis, secus si solemniter, ac ex suo officio prædicaret, quo casu fieret irregularis, vt dicit Nauarr. in sum. c. 27. nu. 163.

Sextò, suspensus ab administratione Ecclesiæ, tam in temporalibus, quam in spiritualibus celebrans, non est irregularis, quia talis non est suspensus ab ordine, ita habent Ioann. Andr. & Panorm. in c. si quorundam, num. 8. de solu. Denique

id ge-

id generaliter obseruandum est, nunquàm suspensum exercendo actum, à quo est suspensus, effici irregularem, nisi quando ab ordine est modo aliquo suspensus, & exercet actum ordinis, à quo suspensus est.

Hic tamen aduertendum est, quando aliquis est à Canone suspensus, propter defectum corporalem propter quem prohibetur promoueri, talis, si promoueatur, & celebret, licet mortaliter peccet, non tamen efficitur irregularis. ita habet Panor. cap. si celebrat. num. 2. de Cler. excom. ministr. posth. Inno. ibi. num. 3. & est communis sententia, quam seruat Romana Curia, quæ simpliciter dispensat cum talibus super defectu, & non super irregularitate contracta ob celebrationem, vel ordinationem ante dispensationem obtentam, nec de illa fit aliqua mentio, vt testatur Hosti. in d. c. si celebrat. ver. & hoc apparet, colum. 2. de Cleri. excomm. ministr. Huius doctrinæ ratio est ea, qui enim ex defectu corporis celebrare non potest, non est verè suspensus, sed irregularis, vt dicemus postea. Suscipiendo autem ordines non contrahit ipso facto aliquam iuris suspensionem: inde procedit, vt etiam celebrando non incidat in nouam irregularitatem præter eam, quæ erat ex corporis vitio, seu defectu.

Tertius effectus est suspensus, priuatur communione illorum in eo, in quo est suspensus, ita vt peccet communicando cum alijs, & peccet etiam, qui in tali actu cum eo communicat; vt, qui recipit sacramenta à suspensò à collatione sacramentorum, & qui audit à suspensò ab ordine, & qui inducit etiam ipsum ad talem actum; quòd si actus suspensionis non pertinet ad diuina, id est ad ordinem aliquè, non est mortale, sed veniale ex parte participantis cum eo communicare, sicut diximus de excommunicatione. Hæc intelligenda sunt de suspensò denunciato nominatim per extrauag. ad euitandas, de qua superius diximus.

Quartus effectus est, suspensus à beneficio non censetur ab officio suspensus secundum ferè omnes; non enim est officium accessorium beneficio hæc est communis doctrina, quam tenet Calder. Clem. cupientes, de pœnis. An verò suspensus ab officio simpliciter sit suspensus à beneficio, extant opiniones; nam beneficium videtur accessorium officio iuxta Gloss. cap. latores, de Cler. excomm. ministr. sed probabilius est, quod tenet Panorm. Clem. cupientes allegata, num. 7. vbi sic inquit, Aut aliquis est à iure suspensus ab officio, & is censetur etiam
suspens-

suspensus à beneficio, arg. can. prater d. 32. aut est ab homine suspensus ab officio, & tunc, aut in sententia, fit mentio etiam beneficij, & tunc sententia est seruanda, aut non fit mentio, sed tantum simpliciter ab officio suspēditur, nec apparet de mente suspendentis, an voluerit etiam à beneficio suspendere, tunc aut suspensio fertur propter crimen, siue aliam causam grauem, & eo casu censetur esse suspēsus à beneficio iuxta capit. inter, de purga. can. aut fuit suspensus propter infamiam, scādalum, aliamue leuem causam, & eo casu talis suspensio non extenditur ad beneficium, arg. 2. q. 5. can. presbyter. Si tamen hoc casu suspensus contemnat suspensionem, seu sit in mora absolutionem petendi, debet ei beneficium subtrahi, vt in cap. cum bonæ. de atat. & qualita. facit etiam cap. si. de elect. Hac ex Panorm. & est doctrina à pluribus recepta. Mihi tamen probabilius dicendum videtur, quod suspensus ab officio simpliciter, siue à iure, siue ab homine, vbi non fit mentio beneficij, non inducit suspensionem à beneficio absolute, nisi quantum ad ea, quæ sunt in beneficio pertinentia ad officium; vt, quando est beneficium iurisdictionem habens, vel aliqua alia quæ sunt officij. Tunc autem non potest suspensus ab officio percipere eos fructus, quos obtinet ratione officij, si tamen est beneficium simplex nihil habens admistum officij; suspensus ab officio non est suspensus à beneficio, potestque percipere fructus illius: cum enim in iure, & sententia ab homine aliqua suspensio feratur ab officio, aliqua ab officio, & beneficio, frustra adderetur (à beneficio) si in priori comprehendatur.

Quintus effectus est Suspensus ab officio nec potest eligere nec eligi in beneficium aliquod, c. cum dilectus. de consue. adiuncta Gloss. nec potest excommunicare, nec conferre beneficium, cap. quia diuersitatem. de concess. præb. Suspensus tamē à beneficio potest eligere per Gloss. c. cum Vintoniensis, de elect. quia hoc est officij, vt notat Henr. Boic. in c. Apostolica, num. 5. de except. tamen non potest recipere redditus beneficij, nisi ad modicam sustentationem, si est pauper, & sit suspensus propter delictum: nam si propter contumaciam, etiam illa modica sustentatione priuatur, ea ratione, quia si vult potest respicere. Abb. in c. Apostolica, nu. 7. & ibi Felyn. numer. 9. de excep. Couar. variat. resolu. lib. 3. ca. l. 3. & dicti fructus conuertuntur in vtilitatem Ecclesiæ, secundum Ioann. de Imol. in c. sicut, colum. 3. circa si. de cohab. Cler. & mulier. Cuius tamē dictum

dictum limita in ista suspensione : nam si si esset nulla , vel iniusta , secuta absolutione restituuntur suspensio. vt per Couatr. vbi supra.

Non potest etiam talis suspensus bona beneficii administrare , nec pro illis nomine proprio agere , vt notat Abb. in cap. Apostolica nu. 5. 6. de except. implicat enim inter se , vt ipse dicit , quod sit à beneficio suspensus , & pro illo possit agere , & si administraret , essetque simplex clericus , beneficio priuaretur , secundum Gemin. in cap. i. §. quia vero , num. i. de elect. libr. 6. Prælati vero censeretur ipso iure priuatus , vt notat idem Gemin. in c. cupientes §. ceterum , nu. 2. eod. tit. & libr. Et generaliter non potest se intromittere in pertinentibus ad beneficium , à quo est suspensus , vt per Abb. vbi supra , n. 8. & ibi Boic. nu. 6. An autem eligi possit , vel ipsi possit conferri beneficium distinguendi sunt nonnulli casus ; aut enim suspensio est à iure lata pro crimine , vel offensa non concernente certum beneficium , vel certam Ecclesiam , & tunc non potest , quia ius ubique ligat , Aut à iure fertur pro crimine concernente certum beneficium , vel Ecclesiam , & tunc illa in Ecclesia non potest acquirere beneficium ; in alia autem sic , vt notat Henric. Boic. in c. cum dilectus , nu. 13. de consuet. per iura deducta per ipsum. Si verò suspensio est ab homine , puta ab Ordinario , & sit generaliter lata ab omnibus beneficijs iurisdictionis eius , tunc durante suspensione , suspensus non potest in iurisdictione illius aliquod beneficium acquirere ; quod si à certa Ecclesia est suspensus , in ea non potest acquirere beneficium , extra eam potest. Si tamen indistinctè sit lata suspensio ab omni beneficio , tunc nec in territorio , nec extra poterit suspensus obtinere beneficium ; vt notat Henric. Boic. vbi supra. Executio tamen debet fieri per Iudicem territorij secundum Abb. in c. pastoralis , §. verum , nu. 21. de appel.

De absolutione à suspensione.

CAPVT LXVI.

Suspensio aliquando aufertur absque absolutione vlla , in quo ab excommunicatione differt. quæ nunquam absque absolutione tollitur ; quando enim suspensio est ad tempus aliquod imposita , tempore transacto cessat suspensio absque absolutione , & suspensus potest exercere id , in quo suspensus erat.

erat, etiam sine absolutione, ita habet Innoc. cap. cum bonæ, de ætat. & qualit. vbi vnum addit, quod quando est suspensio ad tempus cum limitatione, donec satisfaciatur suspensus, vt habetur. 2. q. 5. can. presbyter. tunc etiam facta satisfactione indiget absolutione: tamen Gloss. Clemen. religiosi. de decimis. ve. donec, dicit quod in isto etiam casu non est necessaria absolutio facta satisfactione, sed declaratio per Iudicem de facta satisfactione, ad quam gloss. Panor. se refert in c. cum tu. num. 6. de vsur. & hanc opinionem tenet etiam Ioann. Andr. vt refert Abb. in c. cum bene. num. 6. de ætat. & qualit. & ita ego puto. Ista procedunt de suspensione temporali, tam à iure, quam ab homine, impleto tempore suspensionis; ante tempus enim impletum non potest auferri sine absolutione, sicut suspensio perpetua.

De his autem, scilicet, tam temporali, quam perpetua.

Dico primò, si sunt ab homine, absolutio pertinet ad eum, qui tulit sententiam, vel ad eius successorem, vel ad superiorē, sicut diximus supra de excommunicatione, & ita tenet Henr. Boic. in c. clerici. nu. 6. de cler. excom. ministr. Angel. suspensio. 4. §. 1. & Silu. verb. suspensio. §. 3.

Dico secundò, si est à iure, & tempus habet determinatum, non potest tolli ante temporis complementum, nisi à conditore iuris, vel æquali, vel superiori; non ab inferiori, etiam si nullam habeat reservationem. ita habent Gloss. c. cupientes, de elect. in 6. ver. suspensio. & gl. Clem. cupientes de hare. ver. excommunicationis. Vbi dicunt, quod suspensio à iure communi ad certum tempus etiam non seruata non potest tolli per Episcopum, & idem dicit ibi Abb. num. 25.

Dico tertio, si est à iure perpetua, reservata pertinet ad eum cui reservatur, si tamen non est reservata vlli, & est imposita propter contumaciam, tunc potest Episcopus absolueré. Iano. communiter receptus in c. 2. de solut. Fely. in c. at si clerici. §. de adulteris, numer. 12. de iudi. & hanc conclusionem generaliter intelligendam, reiectis nonnullis limitationibus Doctorum tenet Nauarr. in sum. cap. 27. numer. 162. Si tamen est imposita propter delictum, seu in pœnam delicti, & tale sit delictum, super quo non possit Episcopus dispensare, à dicta suspensione Episcopus absolueré non potest. ita habet Gloss. marginalis. cap. cupientes, §. ceterum de elect. in 6. v. suspensos quamuis gl. interior teneat, indistinctè non posse absolueré Episcopum, etià quando non est reservata. Cum priori tamen sen.

sententia sentit Panor. c. si quorundam, numer. 5. de resolut. & latius ca. cum literis, de testi. Boic. in c. at si clerici, num. 23. de iudic. & de communi testatur Fely. in d. c. §. de adulteriis in proprio qua sententia facit text. in d. §. de adulterijs, & in cap. dilectus de temp. ordinat. Quæ autem & quod sint delicta, super quibus potest Episcopus dispensare, notant Doct. in d. §. de adulterijs. Vnde non est par ratio de suspensione, & de excommunicatione in hoc: nam excommunicatio quoties non est referuata, tolli potest ab Episcopo: suspensio autem non semper.

Idem tamen Panor. in Clem. 1. num. 25. de hære. tenet Episcopos dispensare posse, quando non est referuata. idem gl. ibi litera in c. nuper. verb. non retinuit, de sen. excom. Inno. in c. 2. de solut. etiam de communi testatur Silu. ver. suspensio, n. 8. per allegatum, c. nuper, vbi quia conditor canonis absolutionem sibi non referuauerat, eo ipso alijs videtur concessisse facultatem relaxandi.

Prima tamen sententia melior videtur per allegatos textus, & c. nuper, habet locum in excommunicatione, vbi maius vertitur periculum, & facilius remouetur, vt notat Gloss. in c. cupientes, §. ceterum, v. suspensos, de elect. lib. 6.

Forma absolutionis à suspensione non habet determinata verba; est tamen necesse quod fiat in foro contentioso, vt notat Silu. ver. suspensio num. 8. communiter tamen solet impediri sic. *Absoluo te à suspensione, quam incursisti propter hoc, & restituo te pristinae executioni ordinis, vel beneficiorum, & c. in nomine Patris, & c.* Quibuscumq; tamen verbis vtatur, qui potest absolvere, exprimentibus hanc relaxationem, vel absolutionem, si intendit absolvere, tenet absolutio.

Ex his omnibus colligitur multiplex differentia inter suspensionem, & excommunicationem.

Primò enim, excommunicatio nunquam tollitur, nisi per absolutionem; suspensio vero aliquando tollitur, vt diximus.

Secundò, excommunicatio nunquam fertur, nisi cum contumacia: at suspensio aliquando in pœnam delicti eam sine contumacia.

Tertiò, excommunicatio omnis vetat sacramentorum suspensionem, & collationem: at suspensio non omnis prohibet susceptionem, nisi quando est à susceptione sacramentorum
nec

nec collationem, nisi quando est ab officio, vel ordine, aut collatione sacramentorum.

Quartò, excommunicationem à iure contrahunt Episcopi, etiam si non fiat expressa eorum mentio; suspensionem verò à iure, non nisi facta expressa eorum mentione.

Quintò, ab excommunicatione à iure quacumque non reservata potest absolvere Episcopus; à suspensione verò non, nisi à perpetua, & quando posita est in contumaciam, vel ob delictum, super quo potest dispensare.

In his, & alijs multis differunt maximè hæ duæ censuræ.

De suspensione Concubinarij notorij.

CAPVT XLVII.

NUNC de casibus particularibus: in quib⁹ ipso iure suspensio contrahitur tractandum est: hi autem multi sunt. Quoniam primus habetur c. quæsitum, de cohabi. cleric. & mulier. Clericus notorius concubinarus est suspensus ipso iure. Quis autem sit notorius, in eod. cap. explicatur, nempe quando delictum est notum per confessionem factam in iudicio; aut per sententiam, aut per facti evidentiam, quæ tergiversatione aliqua celari non possit, ponit exemplum Abb. in c. v. extra, num. 7. de cohabit. cleric. & muli. In clerico, qui retinet concubinam, vti vxorem, ita ut etiam ipse non audeat diffiteri, & in tali notorietate non requiritur citatio; nec declaratoria secundum communem, licet de consuetudine fiat, teste Couan. primæ par. relect. §. i. fol. 581. Quando autem nō est notorius, non est suspensus quoad alios. Hic aduertè primò ex Silu. ver. concubinarus. §. i. differte concubinarium, & fornicatorem; Concubinarus enim est qui abutitur certa aliqua foemina, siue soluta, siue non soluta, tenendo illam ad Venerem modo vxorio. Fornicator verò est, qui vagatur abutens hac, vel illa; & quantum ad suspensionem secundum eundem est eadem ratio vtriusque. Idem tenet Diaz. in prax. crimi. c. 73. & Nauar. in sum. c. 25. nu. 77.

Aduertè secundò, iure antiquo talem concubinarium esse suspensum, ut habetur cap. 32. can. nullus, cap. præter. & c. ad hoc iunctis. Gloss. & cap. fina. de cohabit. cleric. & mulier. Nec in hac parte recipiendus est Sotus 4. sent. d. i. q. 5. art. 6. qui

putat suspensionem hanc non esse in usu, sed tantum talem concubinarium esse suspendendum: quam sententiam ante ipsum tenuit Innoc. in cap. si celebrat, num. 3. de cleric. excom. ministr. Ioan. de Imol. in cap. sicut, colum. 1. in fin. de cohabit. cleric. & mulier. & Arch. in c. primo, de re iudi. lib. 6. hoc tamen est contra communem sententiam Doct. de qua testatur Couuar. (licet illam dicat duram) in Clem. si furiosus primæ part. relect. §. 1. num. 5. est etiam contra c. quæsitum, citatum, in quo expressè cauetur, talem fornicarium esse suspensum quoad se, & alios.

Aduerte tertio, quod non solum presbyteros, sed etiam diaconos, & subdiaconos hæc suspensio comprehendit, ut habetur d. 32. can. præter & hoc ibidem notat Turrecre. & idem habetur can. si qui sunt d. 81. Anto. autem part. 3. tit. 27. cap. 3. idem tenet in alijs clericis, etiam in minoribus existentibus. & Silu. ver. concubinarus. §. 4. Diaz in prax. crimi. c. 73. Ioan. de Imol. in cap. sicut, col. 3. in prin. ver. si autem quaeritur, de cohab. cler. & muli. Nauar. in sum. c. 25. nu. 77.

Aduerte quarto, quod hæc suspensio non solum est ab officio, sed etiam à beneficio, ut notat Panorm. c. vestra, de cohab. cleri. & muli. & Archid. & Turrecre. prædicto can. præter, & ex eodem can. colligitur; non solum enim ibi prohibetur exercitium officij, sed etiam fructuum beneficij perceptio: idemque habetur can. si quis à modo d. 81. Idem not. Bernar. Diaz in prax. crimi. c. 73. & de hoc quantum ad actus, & beneficium, idem dicendum est ac de excommunicato, ut supra diximus, quando est in mora petendæ absolutionis, ut notat Archidiacon. can. præter, dist. 32.

Aduerte quinto, quod talis concubinarus, vel fornicator notorius celebrans, vel exercens actum ordinis ante absolutionem à suspensione, quam potest Episcopus conferre, quia non est reservata, ut notat Silu. v. irregularitas, §. 15. nota. 27. & Abb. in cap. quia circa, numer. 5. de bigam. fit irregularis, sicut alij suspensi ab ordine actum ordinis in suspensione exercentes, iuxta c. cum aeterni. de re iudi. ita asserunt Abb. in c. vestra, de cohab. cleric. & muli. & de communi testatur. Couuar. in Clem. si furiosus, primæ part. relect. §. 1. nu. 5. in qua solus Papa dispensat, iuxta c. cum medicinalis, in fi. de sent. excom. in 6. ut de communi testatur Couuar. ubi supra, licet non desint contrarium sentientes. Nec satis est ad evitandum hanc irregularitatem poenituisse peccati ante celebrationem, vel exercitium ordi-

ordinis, nisi etiam absolutio procedat ab ipsa suspensione, vt tenet Silu. loco citato: nam licet in can. si qui sunt d. 87. isti suspendantur, vsq; dum poeniteat, & emendent, non ob hoc excluditur absolutio à censura, & c. quæsitum, de cohabit. cleri. & mulier. simpliciter suspendit talem concubinarium, & fornicatorem.

Aduerte sextò, quòd talis notorius fornicator, vel concubinarium non solum est suspensus, sed etiam irregularis, & indiget ad celebrandum, vel actum ordinis exercendum, nò solum absolutione à suspensione, sed etiam dispensatione ab irregularitate. Hoc probatur ex cap. at si clerici, de iudi. Vbi tales, etià peracta poenitentia, indigent dispensatione. Idem habetur in cap. quia circa, de bigam. Vbi datur facultas dispensandi cum fornicarijs: at dispensatio non est nisi super irregularitate qua quidem dispensationem potest Episcopus concedere, vt in eisdem c. habetur. Rursus cap. quæsitum, de tempor. ordin. vbi tales, etiam peracta poenitentia impediuntur ministrare, & tamen in poenitentia habuerunt absolutionem. Igitur manent irregulares, donec dispenseetur cum eis. Hoc etiam habetur can. peruenit, d. 50. adiuncta Glo. Hinc est, quòd si tales criminosi à suspensione à suspensione celebrent, vel actum ordinis exerceant, sunt irregulares, sed ista irregularitas est alia ab ea, quæ est propter crimen, in hac enim solus Papa, in illa Episcopus dispensat: at si post poenitentiam, & absolutionem celebrent, non contrahit irregularitatem hanc, in qua Papa dispensat, quia non celebravit suspensus: tamen peccauit mortaliter, quia irregularis existens celebravit ante dispensationem, vt notat Nauar. in sum. c. 25. num. 77. si tamen prius absolutionem, & dispensationem obtinuerit, tunc licet illi celebrare, vel actum ordinis exercere.

Aduerte septimò, in Concil. Trident. sess. 25. cap. 14. contra concubenarios, vel fornicatores clericos, grauiores poenitentias infligi vltra eas, quæ habentur in iure antiquo, quæ ibi confirmantur.

Primò enim prohibetur eis, ne cõcubinas, vel alias mulieres, de quibus possit haberi suspicio in domo, vel extra detineant, cum illis vllam consuetudinem habere audeant, alioquin poenis à sacris canonibus, vel statutis Ecclesiarum impositis puniantur.

Secundò, si à superioribus moniti ab his si non abstinuerint, tertia parte fructuum obuentionũ, ac proventuũ suorum

beneficiorum quorumcumque, & pensionem ipso facto sunt priuati, quæ fabricæ Ecclesiæ, vel alteri pio loco arbitrio Episcopi applicentur.

Tertio, si in delicto eodem cum eadem, vel alia fœmina perseverantes secundæ monitioni adhuc non paruerint, non tantum fructus omnes, ac proventus suorum beneficiorum, & pensiones eo ipso amittant, quæ prædictis locis applicentur, sed etiam à beneficiorum ipsorum administratione, quoad Ordinarius, vti Sedis Apostolicæ delegatus, arbitrabitur, suspendantur: & si ita suspensi nihilominus eas non expellant, aut cum ijs etiam versentur, tunc beneficijs, portionibus, officijs, ac pensionibus quibuscumque Ecclesiasticis perpetuo priuentur, atque inhabiles, & indigni quibuscumque honoribus, dignitatibus, beneficijs, ac officijs in posterum reddantur, donec post manifestam vitæ emendationem ab eorum Superioribus cum eis ex causa visum fuerit dispensandum. Hæc puta suspensionem, priuationem, inhabilitatem, intellige non ipso facto imposita esse, sed imponenda per Iudicis sententiam.

Quarto, si postquam eas semel dimiserint, intermissum confortium repetere, aut alias huiusmodi scandalosas mulieres sibi adiungere ausi fuerint, præter prædictas pœnas excommunicationis gladio plectantur. Hæc excommunicatio non est ipso iure lata, sed inferenda per Iudicem.

Quinto, clerici beneficia Ecclesiastica, vel pensiones non habentes iuxta delicti, & contumaciæ perseverantiam, & qualitatem ab Episcopo carceris pœna, suspensione ab ordine, ac inhabilitate ad beneficia obtinenda, alijsve modis iuxta sacros canones puniantur. Hæc etiam pœnæ non sunt lætæ, sed inferendæ.

Sexto, Episcopi, si ab huiusmodi crimine non abstinerint, & à Synodo provinciali admoniti se non emendauerint, ipso facto sint suspensi, & si perseverent, etiam ad Romanum Pontificem ab eadem Synodo deferantur, qui pro qualitate culpæ, etiam per priuationem, si opus erit, in eos animaduerrat. Hæc omnia in prædicto Concilio cap. habentur. Vbi attende, quod hæc non solum contra notorios procedunt, sed etiam contra non notorios, sed tales, qui admoneri possint, etiam si non sint notorii notorietate aliqua ex illis tribus prædictis. Attende etiam, quod etiam si notorii iure communi sint suspensi, Concilium tamen iterum eos suspendi ordinat: nam vt

notat

notat Præpo. c. reperiuntur l. q. i. nu. 4. sicut excommunicatus à iure potest simul excommunicari ab homine, ita etiam suspensus à iure potest ab homine suspendi. Attende etiam, quod hæc pœnæ non solos concubinos ligant, sed eos, qui extra vel in domo mulieres detinent, de quibus suspicio esse possit, aut cum eis consuetudinem aliquam habere audent modo prædicto.

Aduerte octauo, quod licet aliqui voluerint hanc iuris suspensionem contrahi, propter quodcumque peccatum notorium, deducentes, à simili, tamen verius Panorm. in c. vestra, numer. 7. de cohabit. cleric. & mul. tenet non contrahi nisi ob hoc peccatum adulterij, vel fornicationis, cum in iure hoc sit expressum, & idem tenet Silu. ver. cler. 2. §. 5. de comuni. Co. uat. primæ part. relect. §. 1. num. 5. Nec est simile de alijs peccatis: nam hoc carnis peccatum habet maiorem à deuotione elongationem, & irreuerentiam respectu sacramentorum spiritualium. Loquor autem de peccatis illis notorijs, quæ, si occulte fiunt, non inducunt suspensionem: nam de homicidijs, hæresi, & alijs quæ censuras habent, aut irregularitates, & si occulta sunt, non hæc tractamus. Hæc sunt in hoc suspensionis primo casu considerata, licet in his Doctorum opiniones variæ sint.

De alijs nonnullis iuris suspensionibus.



C A P V T LXVIII.

Sunt multæ aliæ iuris suspensiones, ex quibus præcipuas, quæ in vsum magis veniunt, proponemus.

Prima habetur c. sæpe, de tempor. ordin. in 6. Vbi præcipitur, ne Episcopus Italus Ultramontanum clericum ordinet, nisi de licentia Papæ, vel per patentes literas Episcopi sui, de cuius diocesi originem trahit, vel in cuius diocesi beneficiatus existit, causam rationabilem continentes, quare nolit, vel non possit illum ordinare, si secus factum fuerit, ordinans, punietur pœna cōdigna, & ordinatus ipso iure est suspensus, sine speciali licentia Papæ indispensabilis.

Aduerte primò, ex eadem glo. quod hæc decretalis non habet locum in Italis ordinatis ab Ultramontanis, quia non est eadem ratio, ut ibi probat.

Aduerte secundò, ut ex eadem gl. quod hæc decretalis pro-

cedit etiam in minoribus ordinibus. ipsam Gloss. sequitur Ioan. Andr. & Gemin. ibi. num. 9. licet aliqui contrarium sentiant.

Aduerte tertio, cum dicitur Episcopus Italus, debet intelligi de Italo quoad titulum Episcopalem, non quoad originem Gemin. in d. c. sup̄e, num. 8.

Secunda habetur cap. eos, de tem. ordinan. in 6. vbi habetur quod ordinans, siue scienter, siue ignorantia affectata Clericum alienum sine licentia proprii Episcopi, vel proprii superioris, à collatione ordinum per annum est suspensus; & interim possunt clerici sine ipsius licentia ordines recipere à vicinis Episcopis, alias Canonice, postquam ipsius suspensio fuerit manifesta, intellige cum Gloss. manifestata per euidetiam facti, vel iuris. Aduerte ex Gloss. illud verbum, *alias canonice*, intelligi, vt precedente debita examinatione, & temporibus debitis, & alijs requisitis, vicini Episcopi prædictos ordinent. De legitima, & debita examinationis forma habetur in c. quādo. d. 24. Aduerte etiam illud verbum, *clericum alienum*, nam si conferret alieno laico primam tonsuram, non haberet locum poena, vt notat Gemin. in d. c. num. 5. v. in fin. gloss.

Tertia habetur cap. fin. de tempor. ordin. in 6. vbi suspensus est ipso iure per annum à collatione primæ tonsuræ Episcopus; aut quilibet alius, qui primam tonsuram confert infanti, nisi forte intranti in Religionem, aut illiterato, aut alicui alienæ diocesis sine licentia superioris sui, aut coniugato, nisi volenti intrare Religionem, aut ad maiora promoueri. Hæc suspensio procedit de conferente primam tonsuram, non vt superior quæ procedebat de conferente ordines iam tonsuratos, vnde non est eadem poena in vtraque, hæc enim minor est, quam illa, & suspenditur solus conferens primam tonsuram, non autem qui eam sic suscipit, etiam si sit laicus alterius diocesis; vnde ipsa collatio tonsuræ est valida etiam quoad executionem, secundum Guid. Papam decis. 449. & Lap. alleg. 138. nu. 12. 13. v. 1. vbi responderet ad tex. in c. 7. i. dist. Quod satis virget aduersus hanc sententiam Guidonis, & Lap. Aduerte vterius, clericis in hoc casu licere adire vicinos Episcopos, non autem laicis, vt notat Ioan. Andr. in d. c. eos, in pr. & Ancar. in fin. & ratio est, quia non consideratur tanta necessitas in laicis ad clericatum ascendere volentibus, quanta in clericis volentibus promoueri ad superiores.

Quarta habetur in extrauag. cum ex sacrorum. Pij 2. cuius memi-

meminit Silu. ver. irregularitas §. 12. vbi præsumentes recipere sacros ordines extra tempora, aut extra legitimam ætatem, aut sine legitima licentia sunt ipso iure suspensi, & si celebrant, sūt irregulares, à solo Papa dispensabiles, & possunt ipso iure beneficijs priuari, Aduerte olim iure communi non constare esse ipso iure suspensos an suspendendos, cap. vel non est, c. cum quidam, cap. literas, & ca. consulta. de temp. ordin. sunt enim variaz opiniones quæ modo cessant per prædictam extrauag. Aduerte rursus ex illo verbo, *presumpserint*, non comprehendere qui ignoranter fecerunt, putantes id sibi licuisse, vt notat Co-uar. primæ part. relect. de homicid. §. 1. num. 4. allegat in hoc Nauar. & sequitur, quamuis cum dubio, quod quidem sic intellige, quando putabant sibi licuisse ex probabili ignorantia facti, quia credebant se habere legitimam ætatem, secus si crassa ignorantia facti, aut ignorantia iuris fuit, suspensionem incurrunt, etiam si Extrauagantem ignorauerint, quia ius communi prohibens ante legitimam ætatem promoueri aut sciuerunt aut ignorare non debuerūt: ideo præsumere dicuntur. & hoc sequitur tribunal supremi poenitentiarij. Idem dicendū de ordinantis extra tempora, aut sine legitima licentia, si quis ergo probabiliter ignorauerit factum, non incurrit, quod si post susceptionem sciuerit, & adhuc non est in ætate legitima aut sine licentia, non quidem est suspensus, sed est prohibitus celebrare, aut promoueri ad vltiores sine dispensatione ea faciens mortaliter peccat, nisi habeat ætatem, aut licentiam. Aduerte etiam dictam constitutionem esse restrictam ad sacros ordines. Sumens ergo ordines non sacros, poenis in ea contentis non subijceretur, vt habet Rebus. in prax. benef. fol. 334. Gloss. 3.

Quinta habetur cap. si quis ordinauerit, de simonia. vbi ordinans, vel præsentans aliquem ad ordinem, & ab eo promissionem, vel iuramentum recipiens, quod super prouisione sua eundem ordinatus non inquietabit, suspensi sunt per triennium, ordinans quidem à collatione ordinum, præsentans ab executione, & sic ordinatus ab ordine suscepto in perpetuū. Nec possunt hi tres dispensationem, nisi à Sede Apostolica, huius dispensationis obtinere. Aduerte pro intelligentia, cap. cum secundum de præben. decerni, vt ordinato sine titulo per ordinatorem, aut successorem eius tamdiu provideatur, donec ei aliquod beneficium conferatur, quo viuere valeat, quod intelligendū est, quādo nullus est est præsentator, si enim fuerit,

fuerit, tunc ipse primo loco tenebitur alere, vt gloss. ibi notat, & Canon ipse insinuat. Iuxta hoc intelliges, facile hanc suspensionem, praesertim eius, qui paciscitur cum ordinatore, aut presentatore non petere alimentum ab eo. Aduerte etiam, quod talis promissio ante ordinationem factam non valet, vt notant Doct. in cap. vbi Abb. num. 4. & procedit, etiam si sit iurata respectu ordinantis, vel presentantis, qui non possunt absque peccato virtute illius obligationis desistere, quo minus illi ordinato provideant, quamuis ordinatus contra iuramentum aliquid petere non possit, vt notat idem Abb. vbi supra. Aduerte rursus non subijci huic poenae eum, qui post ordinationem factam remittit, aut condonat obligationem sine pacto vilo ante ordinationem facto. ita habet Abb. in d. c. si quis nu. 4. Aduerte praeterea Nau. in sum. c. 27. nu. 135. idem quantum ad suspensionem existimare de his, qui ordinantur cum patrimonio facto cum obligatione rescindendi contractum, quo ipsis patrimonium datur, sed mihi non placet, nam in ista decretali sola mentio fit de promissione, aut iuramento factis ab ordinato cum presentante, aut ordinante de non inquietando, à quo distat casus iste vltimus: nam ille, qui fecit pactum cum ordinatore, aut presentatore propterea suspensus est, quia est simoniacus; nam pro actu ordinandi, aut presentandi ad ordinationes pactum fecit: sunt autem illi actus duo spirituales, at dare alicui patrimonium non est spirituale, imò vendi, & emi potest. Non ergo pactum de restituendo efficit simoniam. Idem dico ad capit. per tuas. 3. de simonia. agitur enim de paciscente cum eo, qui praesentauit ad titulum Ecclesiae, vt ordinaretur, qui titulus spiritualis est, super quem potest esse simonia. Siue ergo paciscatur de restituendo patrimonio, siue non, non videtur suspensus. Nec is suspensus est, eo quod sine titulo ordinatus, quia obligatio illa non valet, sicut nec ea, quae fit cum ordinante, aut presentante, quod ex Conc. Trident. sess. 25. cap. 2. comprobatur, vbi statuitur, nec promotus tali patrimonio sine licentia Episcopi valeat renunciare: ex quo fit, vt ille verum titulum habeat; & quamuis non haberet, non esset suspensus, sicut nec is, qui ementito patrimonio ordinatus est, vt dicemus inferius in decima octaua suspensione. Hunc autem casum supra dictum de pacto facto non cum ordinante, aut presentante non inducere suspensionem decreuit, seu declarauit signatura poenitentiarum, & sic seruatur.

Sexta habetur capit. cum in cunctis, §. fin. de elect. Clerici eligenda

eligentes in Episcopatum, vel dignitatem, vel curam animarum indignū quoad aetatem, vel legitimitatem, vel scientiam, vel mores, per triennium à beneficio sunt suspensi. Intelligere eligentibus scienter indignum, iuxta cap. per inquisitionem de elect. ac respectu beneficiorum, quæ quisque habet in illa Ecclesia, ad quam fuit facta electio: ad alia verò beneficia non extenditur, ut notat Abb. in d. §. fin. in princ. per c. si compromissarius §. restringitur de elect. lib. 6. Intelligere, etiam si ex illis votis sequatur electio, alias secus, quia requiritur actus consummatus, ut notat Ioan. de Anan. in d. §. fin. n. 1. Eadem suspensio, infligitur compromissarijs scienter indignum eligentibus, cap. si compromissarius, de elect. in 6. & tunc compromittentes non contrahunt hanc poenam, nisi scienter electionem indigni ratam habuerint.

Hæ decretales nō procedunt de electione Papæ, nec de præsentantibus indignū in Episcopatum, sed de clericis eligentibus in Episcopatum, dignitatem, vel parochiam, & de compromissarijs ad Episcopi electionem. Nec etiam procedunt in eligentibus patientem alium defectum, ut notat Abb. in d. §. fin. nu. 6. Nota tamen, quod si durante ista suspensione triennij, Canonici aliam similem suspensionem incurrant, secundum Ioan. Andr. quem sequitur Ioan. de Anan. secundum triennium incipit currere statim post commissum delictum, & nō finito primo triennio, ut voluit Abb.

Septima habetur cap. cum medicinalis, de sent. excomm. in 6. Vbi Iudex, qui excommunicat, vel suspendit, vel interdicat, nisi in scriptis id faciat, & causam conscribat, & requisitus exemplum sententiæ tradat, per mensem est ab ingressu Ecclesiæ, & diuinis officijs suspensus. Nota ex Gloss. hanc poenam procedere tam in generali, quam in particulari sententia excommunicationis ab homine; in utraque enim sententia, siue in certam, siue in incertam feratur personam, hæc obseruanda sunt. Nota rursus ex eodem cap. quod si talis suspensus intra mensem celebret fit irregularis à solo Papa dispensabilis.

Octaua habetur cap. sacro. de sent. excomm. Qui in aliquē sententiam excommunicationis promulgat, sine competenti admonitione præmissa, & personas præsentibus idoneis, per quas possit probari monitio, per mensem est ab ingressu Ecclesiæ suspensus. Hæ duæ suspensiones non comprehendunt Episcopos, quia non fit eorum expressa mentio per ea,

quæ diximus superius. Rursus non procedunt in casibus illis, quibus licet aliquando non seruare trinam admonitionem, nec in scriptis excommunicare, vt supra dictum est.

Nona habetur cap. quia sæpe de elect. in 6. Vbi suspenduntur ab officio, & beneficio, Cathedraliũ. Regularium; vel Collegiatarum Ecclesiarũ capitula, conuentus, singulares personæ, quæ, mortuo prælato, bona ipsius, vel bona tempore vacationis obuientia, quæ erant in vtilitatem Ecclesiarum conuertenda, vel futuro successori seruanda, occupant, surripiunt, inter se diuidunt, dilapidant, dissipant, & consumunt. Hæc suspensio autem tamdiu durat, quamdiu plene restituerint, & habet locum in omni emolumento, etiam proueniente ex iurisdictione, vel sigillo, Clem. statut. de elect.

Decima habetur cap. præsent. de offic. iud. ordin. in 6. Vbi suspenduntur Episcopi, vel eorum superiores, ac Abbates, & quilibet alij Regulares, vel seculares prælati, & Ecclesiastice quæcumque personæ, quæ vacantium dignitatum, personatum, prioratum, vel Ecclesiarum quarumcumque sibi subiectarum, seu ad collationem, ordinationem, præsentationem, vel custodiam pertinentium, morientibus eorum rectoribus, aut ministris bona inuenta in ipsis, siue tempore vacationis obuientia, quæ in vtilitatem eorundem expendi, vel futuris successoribus debent fideliter referuari, occupare, aut in suos vsus conuerrere quoquo modo præsumunt, nisi de speciali priuilegio vel consuetudine legitime præscripta, vel alia causa rationabili hoc eisdem competere dignoscantur. Suspensio autem talis est: Episcopi & superiores eorum ab ingressu Ecclesiæ, ceteri ab officio, & beneficio sunt suspensi, donec de prædictis restitutionem fecerint.

Vndecima habetur cap. i. de sentent. & re iud. in 6. Vbi Iudex Ecclesiasticus ordinarius, vel delegatus contra conscientiam, & contra iustitiam, in grauamẽ patris alterius in iudicio quicquam faciens per gratiam, vel per sordes, ab executione officij per annum est suspensus, ita vt, si intra annum ingerat se diuini, sit irregularis, à solo Papa dispensabilis.

Aduerte ex Gloss. ad contrahendã hanc poenam, hæc quatuor simul esse necessaria: Vt contra conscientiam, & contra iustitiam, & quod in grauamen alterius partis, & quod in iudicio; vnde in arbitrio non habet locum, nec in mero executore, & quod per gratiam, vel sordes id faciat, sordide fit ex eadẽ Gloss. quod ptece, pretio, timore, vel odio Iudex corruptus facit.

facit. Aduerte rursus ex eadem Gloss. hanc pœnam non comprehendere Episcopos, postquam eorū non fit expressa mentio. Aduerte rursus ex eadem Gloss. quod non ligat adhuc hæc pœna Iudices laicos, quia restringitur ad Ecclesiasticos.

Duodecima habetur cap. exigit. & cap. scilicet, de cens. in 6. Vbi in iungitur visitantibus, ne vltra procuracionem, quæ ratione vnius diei vnica debetur, etiam si plures visitent Ecclesias pro sustentatione sua, quam in victualibus, vel in pecunia à volentibus dare in pecunia, recipere possunt aliquod aliud munus etiam sponte oblatum, neve à non visitatis vllam procuracionem recipiant, alias duplum eius, quod receperint, Ecclesiæ, à quo receperūt, intra mensem restituere teneantur. Alioquin Patriarchæ, Archiepiscopi, Episcopi duplum ipsum vltra prædictum tempus restituere differentes ab ingressu Ecclesiæ sunt interdicti. Inferiores verò ab officio, & beneficio suspensi, quousque plena facta fuerit satisfactio, nulla eis in hoc ex condonantium liberalitate seu gratia facta remissione valitura.

Decimatertia habetur cap. constitutione, & cap. non solum de regul. in 6. Suspenduntur mendicantes ab admittendo aliquem ad professionem, si faciant vllum ante annum profiteri, aut ad id admittant, & ibi sub excommunicatione præcipitur eis, ne id faciant.

Decimaquarta habetur c. fin. de offic. iud. deleg. lib. 4. Suspenditur per annum ab officio Iudex conseruator, qui se immiscet in ijs, quæ non sunt sui officij, is enim solum debet partem tueri ab iniurijs, & violentijs, & his manifestis: si autem descendere vult ab immanifestis, aut aliud præter hoc facere, pœnam prædictam incurrit.

Decimaquinta habetur Clem. multorum de hæret. Vbi Episcopi, & superiores, qui odij gratia, vel amoris, lucri, aut cōmodi temporalis obtentu contra iustitiam, & conscientiam committunt contra quemquam procedere in crimine hæresis, vbi fuerit procedendum; aut qui obtentu eodem ipsum crimen vel officij impedimentū alicui imponentes eum vexare præsumunt, ab officio per triennium sunt suspensi.

Decimasexta habetur Clem. 1. de reb. Eccl. non alien. vbi suspenditur ab officio quilibet Religiosus præficiens Monasterio, Prioratui, Ecclesiæ, seu administrationi cui libet, si iura, redditus, vel possessiones eiusdem alicui ad vitam; seu ad certum tempus, quouis titulo concedit, quando, nec necessitas, nec vtilitas Ecclesiæ id possit, & tunc cum consensu conuentus, si

con-

conuentum habet, aut si non habet, Prælati sui id facere debet. Aduerte ex eadem Clem. quod hæc pœna ad locationes, & redditiones fructuum ad modicum tempus non extenditur. Aduerte rursus duo necessaria ad prædictam pœnam vitandâ, vt necessitas, vel utilitas Ecclesiæ id exposcat, & quod sit consensus conuentus, vel Prælati. Vno deficiente, locum habet pœna.

Decima septima habetur Clem. quoniam. de vit. & honest. cleric. Vbi suspenduntur Clerici, quia partita, vel virgata veste vtuntur, nisi rationabilis causa subfit, si beneficiati fuerint, in sacris tamen ordinibus citra sacerdotium constituti per sex totidem menses sint inhabiles ad Ecclesiasticum beneficium obtinendum. Si verò clerici tantum fuerint in minoribus non habentes beneficium, tamen tonsuram deferentes, per totidem menses sunt inhabiles ad beneficium obtinendum. Si verò fuerint sacerdotes, siue personarum, dignitatem, aut beneficium cū cura animarū obtinentes, siue Religiosi, per annum suspenduntur, habentes quidem dignitatem, personarum, vel beneficium curatum à perceptione fructuum; Sacerdotes verò, & Religiosi à beneficio Ecclesiastico obtinendâ. Aduerte ex Gloss. quod causa timoris, nempe cū per terras inimicorum iter fit, potest clericus vti vestibus prædictis. Aduerte rursus ex Cardin. ibi. qu. 3. quod etiam licet vti virgata, id est, diuersi coloris veste ob solemnitatem, vt fit in vniuersitatibus aliquibus, quando ad Doctōis gradum promotio.

Decima octaua habetur in cap. sanctorum. in princ. 70. dist. vbi ordinatio facta sine titulo irrita habetur respectu executionis, iuxta Gloss. & Abb. & Ancar. in cap. cum secundum. de præb. Sed hæc pœna fuit deinde sublata per dictum cap. cum secundum. & sic post cap. tenet ordinatio, & ordinator providere tenetur, secundum Hostien. in cap. non liceat in fin. de præb. cuius sententia indistincte procedit, etiam si ordinatus sit in culpa, nempe si mentitus est se habere patrimonium, quod non habebat. vt notat Abb. in d. cap. non liceat, num. 3. contra Anton. de Butr. in eodem cap. non liceat, & de communi testatur Imol. in d. cap. in fin. Hodie autem per Concil. Triden. sess. 21. cap. 2. ex sententia congregationis renouatus est can. atiquus cum secundum. non autem ille antiquior sanctorum, qui fuerat renouatus. Qui ergo sine beneficio, aut de Episcopi consensu sine pensione, vel patrimonio sufficienti ordinatur, non est ipso iure suspensus. Dubium tamē est.

est, quia Concilium decernit, ne quis beneficium, pensionem vel patrimonium, quorum titulo est ordinatus, sine licentia Episcopi dimittat, an sit suspensus, qui dimitteret sine licentia post ordinationem? Respondeo quod non, nam Concilium iura antiqua tantum renouat: at iure antiquo non habetur talis suspensio, sed ea sola, qua aliquis sine titulo ordinatur, quæ reuocata est per cap. cum secundum. Hoc verum est, talem dimissionem, aut renunciationem sic factam irritam esse, & nullius valoris: nam verba concilij vim habent decreti irritantis, potentiam quæ tollentis faciendi contrarium.

Decimanona habetur in extrauag. cum detestabile. Pauli II. ubi suspèduntur omnes, qui simoniacè ordinati fuerunt, à suorum ordinum executione, siue sint occulti, siue manifesti. Et idem dicendum de conferentibus ordinem per simoniam: nam ipsi quoque sunt suspensi ab executione suorum ordinum perpetuò, vt notat Abb. in c. per tuas, 2. num. 7. & ibi Felyn. num. 3. de simon. & Silu. ver. suspensio. num. 7. licet nonnulli teneant, collatores non esse ipso iure suspensos. Alij verò ad triennium tantum, vt referunt Abb. & Silu. ubi suprà. Aduerte prædicta intelligi de simonia reali, ex vtriusque parte perfecta. Aduerte etiam, prænam hanc suspensionis non comprehendere ignorantem, puta quia parentes, vel amici illius ignorantibus soluerint: nam in hoc casu ordinati sunt tantum suspèsi quoad illum ordinem simoniacè susceptum. Abb. & Felin. in c. per tuas, de simon. Idem Abb. in c. de simoniace, nu. 6. de quibus omnibus plenè dicam, quando occurrit sermo de simonia.

De suspensionibus Concilij Trident.

CAPVT XLIX.

PRIMA habetur in sess. 6. cap. 5. Episcopus etiam cuiusvis priuilegij prætextu Pontificalia in alterius Diocesi exercens, siue Ordinarij loco expressa licentia, aut cum prædicta licentia exercens in alias personas præter ipsi Ordinario subiectas, ab exercitio Pontificalium ipso iure est suspensus. Rursus, ordinati ab Episcopo in aliena diocesi sine licentia Ordinarij expressa Pontificalia exercente, aut etiam si habeat licentiam, si non sint ipsius Ordinarij subditi, ipso iure ab ordinum executione sunt suspensi. Aduerte, per Pontificalia, vt diximus suprà, non intelligantur ea, quæ ad iurisdictionem perti-

pertinent, vt excommunicare, suspendere, interdicere, iudicare, &c. sed quæ ad ordinem Episcopalem, & ipsius consecrationem pertinent, vt ordinare, chrisma conficere, clericos deponere, virgines benedicere, Ecclesias, & altaria consecrare, & similia. Hæc sunt quæ sub hac suspensione Episcopus prohibetur exercere in aliena Diocesi, sine licentia expressa Ordinarij, quamuis etiam nec iurisdictionalia possit exercere, vt supra diximus; sed hoc non continetur in hac prohibitione. Aduerte rursus, iure antiquo hoc cautum esse, 7. q. 1. can. Episcopus, vbi maior pœna infligitur, nempe vt sic ordinati deponantur, & Episcopus etiam à celebratione Missarum per annum cesset, & ibi ~~re~~ urrecere. intelligit etiam deponendū Episcopum. Aduerte rursus, quando dicitur, quod suspensus est Episcopus ordinans in aliena Diocesi, etiam cum licentia Ordinarij, alios, præter subditos ipsi Ordinario, non intelligas non licere ipsi Episcopi in tali Diocesi ordinare simul cum subditis Ordinarij suos etiam subditos, si quos habet; licet enim ordinare simul suos, si licentiam habet ordinandi in aliena Diocesi, vt supra diximus.

Secunda habetur sess. 7. cap. 10. Capitulum, Sede vacante, infra annum à die vacationis non debet alicui licentiam ordinandi, aut literas dimissorias dare, nisi arctatus sit ratione beneficij recepti, vel recipiendi, non obstante quouis privilegio, aut consuetudine, aut etiam iuris communis dispositione, quod si secus factum fuerit, Capitulum. Ecclesiastico subiacebit interdicto, & sic ordinati, si in minoribus ordinibus constituti fuerint, nullo privilegio Clericali gaudent, præsertim in criminalibus: si verò in maioribus, ipso iure sunt suspensi, ab ordinum executione, ad beneplacitum futuri Prælati. Aduerte, olim iure communi licuisse Capitulo, Sede vacante, licentiam ordinandi dare, vt habetur cap. cum nullus de tempore ordin. in 6. tamen per Concil. Trident. limitatur, vt infra annum à die vacationis id non possit, nisi cum coarctatis ad ordines suscipiendos ratione beneficij suscepti, vel post vacationem suscipiendi; non tamen cum non coarctatis. Anno verò transacto vacationis, si durat vacatio, procedit iuris communis dispositio, vt possit etiam id facere cum non coarctatis.

Tertia habetur sess. 14. cap. 2. Episcopus titularis etiam in loco nullius Diocesis, etiam in loco exempto, etiam in aliquo Monasterio cuiusvis ordinis residens, aut moras trahens;
etiam

etiam habens privilegium de promouendo quoscumque ad se venientes, si alterius subditum, etiam prætextu familiaritatis, & continuatæ comensalitatæ suæ, sine sui Prælati expresso consensu, aut literis dimissorijs ad aliquos sacros, aut minores ordines, aut primam tonsuram promouerit, ab officio Pontificalium per annum ipso iure est suspensus, & taliter promoti ab executione ordinum sic susceptorum, donec suo Prælato visum fuerit, ipso iure sunt suspensi.

Quarta habetur sess. 23. cap. 8. Episcopus ordinans non proprium subditum, etiam si is accedat prætextu cuiusvis generalis, aut specialis rescripti, vel privilegij, siue testimonio tamen sui Ordinarij, in quo eius probitas, & mores commenduntur, à collatione ordinum per annum ipso iure est suspensus? & sic ordinatus à susceptorum ordinum executione, quamdiu proprio Ordinario videbitur expedire, sit suspensus. Aduerte in habente privilegium, vel rescriptum, ut etiam à non suo ordinari possit, licet non requirantur literæ dimissoriæ licentiam Ordinarij continentes, tamen requiritur testimonium mores & vitam ordinandi probans, & hoc est, quod sub hac pœna statuitur. Aduerte etiam, hoc decretum non extendi ad primam tonsuram ex declaratione congregationis Concilij; nam prima tonsura nomine ordinis in hoc Concilio non comprehenditur.

Quinta habetur in eadem sess. 23. cap. 10. Vbi Abbates, & alij quicumque quantunque exempti, ipso iure ab officio, & beneficio per annum sunt suspensi, si literas dimissorias aliquibus Clericis secularibus concedant, ut ab alijs ordinentur, etiam si tales clerici ad suam pertineant iurisdictionem: sed horum ordinatio pertinet ad Episcopos, intra quorum diocesis fines prædicti Abbates, aut exempti existunt. Aduerte hoc non procedere de regularibus, qui sunt subditi talibus Abbatibus, aut de exemptis, his enim possunt concedere dimissorias, ut ab alijs ordinentur. Aduerte etiam, per illos exemptos intelligi eos, qui inferiores Abbatibus, aut saltem non superiores sunt. Rursus eadem pœna imponitur contra Collegia, aut Capitula, etiam Cathedralium Ecclesiarum, similes dimissorias clericis secularibus concedentia, quod intellige excepto casu, quando vacat Sedes anno elapso, ut diximus supra in secunda suspensione. Rursus, qui literas dimissorias à quibusvis in iurisdictione Episcopi, loco capituli, Sede vacante, succedentibus obtinentes, sunt ipso iure suspensi ab execu-

executione ordinum, si maiores fuerint, ad beneplacitum futuri praelati. Aduerte, sicut capitulum non potest Sede vacante literas dimissorias concedere, ita nec alius quicumque, qui loco Capituli in iurisdictione Episcopi vacante Sede succedet.

Sexta habetur sess. 24. cap. 1. in decreto de reforma. Si quis Parochus, vel alius Sacerdos, siue regularis, siue secularis sit, etiam si id sibi ex priuilegio, vel immemorabili consuetudine licere contendat, alterius Parochi sponsus sine illorum Parochi licentia matrimonio coniungere, aut benedicere ausus fuerit, ipso iure tamdiu suspensus maneat, quamdiu ab Ordinario eius Parochi, qui matrimonio interesse debebat, seu à quo benedictio suscipienda erat, absoluitur.

Septima habetur sess. 25. cap. 17. praefecta Monasterio tenetur, per mensem ante professionem alicuius faciendam, Episcopum ipsum certiore facere, alias ab officio est suspensus tamdiu, quamdiu videbitur Episcopo.

Octaua habetur sess. 25. c. 14. de reform. Episcopi à concubinato postquam à Synodo admoniti fuerint, non se emendantes, ipso facto sunt suspensi. Hæ sunt suspensiones contentæ in Concilio Tridentino.

De degradatione seu depositione.

CAPVT L.

DEGRADATIO ad suspensionem reducitur: est autem suscepti ordinis perpetua depositio, vt notat Felyn. qui citat Hostien. & Innoc. cap. qualiter. 2. nume. 50. de accusa. Ecclesia enim non potens auferre characterem ordinis semel impressum, vsum eius legitimum in perpetuum aufert, & hoc est clericum degradare, & vt sic dicam, deordinare, seu ab ordine deponere. Dixi autem, legitimum, quia non potest omnem vsum auferre; nam sacerdos degradatus potest consecrare, & Episcopus degradatus ordinare, licet peccet grauissimè id facientes, vt dicit Archidia. in cap. quod sit, in fin. de consecrat. dist. 2. & de communi testatur Gemi. in cap. degradatio. §. poterit, in fin. de poen. in 6. Qui verò suscipiunt ab his scilicet ordinem, manent suspensi, arg. text. in cap. 1. in fin. de ordinat. ab Episcopo, qui renunc. Ex quo sequitur, cum degradatio sit ordinis depositio, degradatum priuari omni officio, & beneficio.

neficio Ecclesiastico, nam in ordine fundantur. Degradatio igitur ab his omnibus priuat: sed consequenter, quia priuat ordinem, cui omnia hæc innituntur; tenetur tamen horas canonicas recitare, vt affirmant communis sententia, quam sequitur Siluest. ver. degradatio. & probatur ex cap. dolētes, de celebr. missa. vbi omnibus ordinatis iniungitur id onus: propter delictum autem, quamuis ordinatus degradetur, non tamen efficitur melioris conditionis, vt ab onere soluiatur.

Duæ sunt species degradationis, verbalis, & actualis; illa fit verbo tantum cuius hæc est forma, vt habetur in cap. degradatio. de pœn. num. 6. *Auctoritate Dei omnipotentis, Patris, & Filij, & spiritus sancti, & nostra auferimus tibi clericalem habitum, & deponimus, & degradamus, & expoliamus; exuimus te ordine beneficij, & privilegio clericali.* Quæ verba ab Episcopo, cuius est degradare, proferuntur. Actualis est, cum hæc ipsa verba exprimuntur, & re ipsa exercentur; nam degradandus vestitur vestibus, & ornamentis, quibus fuit ordinatus; & tunc paulatim incipit denudari ab vltimis vestibus cum appositis verbis: & cum degradatur sacerdos, & aufertur planeta, dicit Episcopus: *Auferimus tibi vestem sacerdotalem & te honore sacerdotali priuamus*, similiter in alijs, & vltimo raditur caput, & nullum coronæ maneat vestigium. hæc omnia habentur in prædicto c. degradatio.

Est autem differentia multiplex inter has duas degradationes. Prima Actualiter degradatus perdit priuilegium clericale vtrumque, canonis, & fori, nempe, vt sit sub iudice seculari, & qui eum percutit, non contrahit excommunicationem latam contra percussores clericorum: At verbaliter degradatus retinet priuilegium clericale respectu fori, & respectu canonis, ita habet Abb. cap. tuæ discretionis, de pœn. & in cap. Ioannes de cler. coniugat. & in ead. abolendam, nu. 10. de hæret. & ibi Ioan. de Anan. & Archid. c. degradatio. de pœn. in 6. & Diaz. in prax. crim. can. c. 17. in fin. Et hoc, nisi post talem depositionem sequatur incorrigibilitas: nam tunc potest comprimi per Iudicem secularem, vt notat Ab. & Io. de Anan. vbi supra, & Boic. in cap. cum non ab homine, numer. 8. de iud. dicens, quod si clericus nō depositus ter monitus perdit priuilegium clericale, & potest comprimi per iudicem secularem, nu. 10. fortius depositus incorrigibilis, etiam non actualiter degradatus. Aduerte tamen, quod etiam data incorrigibilitate iudex laicus nō potest exercere iurisdictionem contra clericum,

antequam per Ecclesiasticum sit lata sententia declaratoria super qualitate incorrigibilitatis Fely. qui dicit hanc esse communem in cap. cum non ab homine, nu. 9. de iud. Sicut etiam in actualiter degradato est necessaria declaratio, quod est exutus à clericali priuilegio, nec est necessaria alia traditio præter istam declarationem, vt dicunt Gem. & Franch. cap. degradatio. de pœn. in 6. Ista autem declaratoria debet fieri per ipsum iudicem Ecclesiasticum absque citatione, ne fugiat, Abb. in d. cap. cum non ab homine, num. 9. de iud. Diaz. alios citans in prax. crim. cap. 131.

Secunda est, verbalis non fit, nisi ab Episcopo cum aliorum interuentu, vt enim habet Gloss. in d. ca. degradatio. & in cap. felix. 15. q. 7. ad degradationem Episcopi debent cum Metropolitano conuenire duodecim alij, quorum maior pars in sententia degradationis conueniat. Ad degradandum autem Sacerdotem cum Ordinario debent sex Episcopi conuenire. ad Diaconum verò & Subdiaconum alij tres. Ad Clericum inferiorum ordinum sufficit proprius Episcopus cum capituli conuentu, vel aliquorum tenentium locum capituli, potest enim clericus in minoribus degradari, vt habetur can. si Episcopus. 11. q. 3. & cap. degradatio. de pœn. in 6. Concil. autem Trid. sess. 15. cap. 4. mutauit ius antiquum, & decreuit, vt Episcopus per se, vel per suum Vicarium in spiritualibus generalem possit deponere verbaliter clericum, etiam presbyterum. Actualiter verò per se ipsum: in ijs autem casibus, in quibus de iure Episcoporum multorum conuentus est necessarius, disponit, vt fiat degradatio per Abbates, vsum Mitre, & baculi ex priuilegio habentes, quod si tot non potuerint inueniri, eorum loco sint personæ in Ecclesiastica dignitate constitutæ, ætate græues, & iuris scientia commendabiles. Hæc habentur ex Concilio: Cum autem propter hæresim Sacerdos est degradandus, sufficit Episcopus cum Abbatibus, & iuris doctis. Hæc sunt in verbalis degradatione. At in actuali non est opus isto conuentu, quia cum præcessit verbalis, sufficit Episcopus ordinarius absque alijs.

Tertia est, tradendus curiæ seculari, actualiter, & non verbaliter degradatur: traditur autem per declarationem præsentis Iudicis seculari, cum declarat Episcopus, illum esse illius curiæ; debet tamen intercedere pro eo, quod non moriatur iuxta cap. nouimus de verbo. signif. in fin. vt etiam notat Abb. in ca. cum non ab homine, num. 2. 6. de iudic. Verbaliter ta-

men degradatus non traditur curiæ, si sit corrigibilis, vt habet Boic. in cap. ad abolendum, num. 21. de hæret. Solet autē tradi tribus de causis, aut propter hæresis pertinaciam, ca. ad abolendam, de hæret. Aut quia fuit falsarius litterarum Apostolicarum, ca. ad falsarium. de crim. fals. Aut propter calumniam, quam quis parauit suo Episcopo. Vel quia contumeliam intulit, aut inobediens fuit, vt habetur in c. si quis sacerdotem. 11. q. 1. quod vltimū intelligunt Doct. cum incorrigibilis manet, nec parere vult, vt habet Boic. in ca. ad abolendam, num. 21. de hæret. Siluest. in ver. degradatio. num. 6. licet aliqui Doct. inter quos est Innocen. velint etiam data corrigibilitate, post depositionem esse tradendum curiæ seculari, vt per Boic. in d. loco: sed prior opinio est probabilior, & quamuis propter aliud grauissimum crimen seculari curiæ tradi posset degradatus, vt propter patricidium, assassinium, vel aliud simile. Silu. in 11. degradatio. nu. 4. Abb. in ca. cum non ab homine, nu. 6. de iud. & in ca. 1. in fin. de his, qui filios occid. non tamen propter simplex homicidium, vt habet Anton. tractat. de suspens. cap. 4. Si tamen clericus simplex homicida esset incorrigibilis, quod pluribus modis dicitur vt notat Diaz. in prax. crim. alios citans, posset tradi per Iudicem Ecclesiasticum seculari, vt imponeret illi debitam poenitentiam, Abb. vbi supra nu. 30. in fin. & ibi Boic. nu. 4. quod intellige, seruata forma, tex. in ca. cum non ab homine de iud. Clericus autem traditus, seu effectus foro seculari debet puniri, non ad voluntatem Iudicis Ecclesiastici, sed prout videbitur Iudici seculari, vt notat Abb. in dicto ca. cum non ab homine, & ipse iudex punit poena per Ciuiles leges imposita laicis pro eodem crimine, ca. ad falsarium. §. nos enim de crim. fals.

Quarta est, degradatio verbalis potest fieri contra absente contumacem. Actualis verò requirit presentiam ca. nouimus, de verb. signif. & notat Gem. per illum tex. in d. ca. degradatio. num. 3.

Quinta est, vbi cumque simpliciter fit mentio de degradatione intelligitur de verbali, & non de actuali, Abb. in ca. at si clerici, col. 11. in pr. de iud. Fely. in c. qualibet 2. in fi. de accusat. Diaz. in prax. crim. can. c. 132.

Sexta differentia est, degradatum verbaliter Episcopus restituere potest. Actualiter verò solus Papa. ita habet Gloss. 2. q. 6. can. ideo. 1. ver. at restitutionibus. cui Gloss. consentit Panorm.

cap. at si clerici. de iudic. §. de adulterijs. numc. 14. vbi allegat Speculat. affirmantem posse Episcopum etiam actualiter degradatum restituere, quando restitutio est iure requisita; vt, si post degradationem appareat falsitas testimonij. Hæc doctrina est probabilior. quamuis Siluest. ver. degradatio. §. 10. alios sequens absolute teneat, solum Papam degradatum restituere posse.

Aduerte, sine accusatione neminem esse degradandum, licet alias sit puniendus, Host. in sum. tit. de accusat. §. quis sit effectus. sine accusatione. Diaz. vbi supra per tex. in cap. dilectus filius, 2. de sim. vbi Abb. Aduerte etiam, pro nullo crimine quātuncumq; graui imponi clerico poenam degradationis, nisi reperiatur expressum in iure, Ioan. de Anan. in c. 1. nu. 8. de cleric. pugn. in duel. post Ant. de Butr. Diaz. vbi supra. Quod intellige de poena degradationis actualis, & nō verbalis; ita enim pro criminibus enormibus potest imponi, vt ipse Ioann. de Anan. notat, & est euident.

Quod ad suspensionem spectat, qui per saltum est promotus, nempe inferiori ordine prætermisso superiorem suscipit, characterem quidem recipit, tamen non potest ministrare in suscepto, nec omissum accipiat, neutrum autem potest efficere sine dispensatione, quā Episcopus impendit, quando ignoranter id factum est, etiam si ignorantia fuerit crassa, ita habetur can. sollicitudo, d. 52. & cap. vn. de cler. per sal. promot. & ibi Gloss. & Panorm. & Gloss. etiam ego. pastoralis de sacram. non iteran. vbi agitur de eo, qui prætermissa confirmatione promotus fuit ad ordines: idem enim est iudicium de hoc, & de illo, qui prætermisso vno ordine inferiori accepit superiorem; quod si scienter id fecit, opinio est varia. Hostien. cap. vn. de cleric. per sal. promo. negat posse Episcopum in eo casu dispensare, tamen Gemin. & Præpo. can. sollicitudo. 52. affirmant etiam posse Episcopum dispensare in eo casu, & idem asserit Hostien. non sibi constans in sum. tit. de cler. per sal. promo. & id est probabile; tamen securius & verius est, nō posse, per doctrinam Panorm. cap. ex litteris de cler. non ord. ministr. nempe Episcopum non posse dispensare, nisi in casibus iure expressis, cap. dilectus, de temp. ord. casus autem hic non est expressus, immo tacite insinuat, quod non, vt patet ex can. sollicitudo. d. 52. & cap. vn. de cler. per sal. prom. hoc intellige de iure antiquo: nam iure nouo Concil. Trident. sess. 2. cap. 14. potest Episcopus dispensare cum promotō per saltū, si

non

non ministrauerit, quod locum habet in foro exteriori, quando est publicum; nam in foro interiori quando est occultum, potest Episcopus, etiam si ministrauerunt, per Concil. Triden. sess. 24. cap. 6. Non solum autem qui per saltum est promotus, non potest suscipere omisum ante dispensationem, nec ministrare in suscepto, sed nec ad maiores progredi, donec dispensetur. Ita habent Gemin. & Prapo. can. sollicitudo, d. 52. & ratio id probat, nam ligatus in minori non potest accipere maiorem; vnde recte dicit Gemin. loco citato, postquam dispensatum fuerit cum eo, ut suscipiat omisum, & ministret in suscepto, adhuc indigere dispensatione, ut suscipiat maiores.

Duo sunt hoc in loco adnotanda, vnum est, multos, & graues Doct. tenere, promotum per saltum non esse ipso iure suspensum, sed esse suspendendum; vnde si ministret ante dispensationem, non fiet irregularem, sed peccare ratione prohibitionis, ita habent Innoc. cap. si celebrat. de cler. excomm. ministr. Archid. Gemin. Prapo. & Turrecre. can. sollicitudo, d. 52. quæ opinio placuit Tabien. irregularitas, 4. §. 2. tamen contrarium tenuit Hostien. in sum. de cler. per sal. prom. idque inter Summistas tenuit Silu. ver. irregularitas, §. 13. affirmans esse ipso iure suspensum; mihi tamen posterior sententia magis placet, tum propter Concil. Trid. sess. 23. cap. 14. vbi conceditur Episcopo facultas in vtroque foro dispensandi cum promotum per saltum, nisi ministrauerit, si ergo ministrauerit, non potest Episcopus: quod argumento est per ministerium contrahi irregularitatem, & nouum accedere impedimentum, quod non fieret, nisi esset suspensus; præterea ipse Geminianus fatetur, ante ordinem susceptum, qui est prætermissus, collationem beneficii nullam esse, igitur suspensus erat. Hoc autem intelligo, quando scienter, aut ex ignorantia crassa ordo inferior est prætermissus, si enim ignorantia probabilis alioquo in casu interuenisset, non esset suspensus, sed tantum prohibitus, quando sciuisset post factum, sic affirmat Hugo citatus à Turrecre. can. sollicitudo, d. 52. Immo in hoc casu affirmat procedere eundem canonem, & fauet ratio; nam suspensio non contrahitur sine peccato.

Alterum est, Doctores conuertere, an ordo maior teneatur minori non suscepto: certum autem est, loquendo de maioribus, si is, qui minores suscepit, accipiat sacerdotium sine præuio Diaconatu, vel Subdiaconatu, ordinem tenere: id quod probat cap. vni. de cler. per sal. promot. ibi enim Sacerdotium

quidam accepit, non præmissio Diaconatu, nec repetere præcipitur sacerdotium, sed accipere ordinem, qui omisus est. Illud tamen est in controuersia, an si laico conferatur sacerdotium, vel aliquis ex maioribus, non præmissis minoribus, teneat: aliqui negarunt, tamē communis opinio Theologorum & Canonistarum tenet, imprimi characterem, & non esse necessarium necessitate sacramenti, sed præcepti ordinem seruare in ordinibus suscipiendis, ita tenent Archi. Gemin. Præpo. can. sollicitudo, d. 52. & ibi Glo. & Panor. cap. vii. de cler. per sal. prom. vbi dicit esse communem sententiam, & ibi Gloss. & inter Theologos. S. Thom. 4. sent. d. 24. q. 1. art. 2. q. 4. & Bonau. 4. sen. d. 24. q. 1. Nec est verum quod dicit Hostien. ca. vii. de cler. per sal. promo. nempe talem sacerdotem ordinatum sine inferioribus non conficere corpus Christi, hoc enim falsum est, nam si characterem habet, potest conficere, quamuis malefaciat, quia irregularis est, vnde S. Tho. loco citato, qu. 4. ad 5. dicit in superiori omnes inferiores ordines virtute contineri, vnde potest facere quicquid inferior potest. De Episcopatu verò est difficultas, & quidem fatentur omnes, si quis habeat sacerdotium, etiam sine inferioribus ordinibus, si Episcopus ordinetur, tenere ordinem, tamen si non est sacerdos, non tenet, nec esse Episcopum, ita tenet Archidia. can. sollicitudo, & Gloss. cap. vii. de cleric. per sal. promo. cum alijs etiam Doctoribus id ipsum sentientibus, hi nituntur eo maxime fundamento, quia character Episcopatus non est distinctus in substantia à characterē sacerdotij, quæ opinio est cōmunior inter Theologos. Alij existimantes esse distinctum characterem affirmant Episcopatum etiam laico collatum tenere, id habet Gloss. can. sollicitudo, d. 52. & Panor. cap. vii. de cler. per sal. prom. vbi eam dicit communem sententiam, fateorq; vtrumq; probabile, & propter vtriusque partis opiniones, si casus eueniret, ordines omitti essent suscipiendi absolute, Episcopatus verò sub conditione, propter dubium, quando enim est dubium, debet etiam ordo, sicut & baptisus sub conditione exhiberi, vt notant Panor. cap. vii. de cler. per sal. promo. & Præpo. can. sollicitudo, d. 52. in hoc autem omnes conueniunt, sine baptismo, quæ est ianua sacramentorum, nullum ordinem tenere, ideoque si collati essent non baptizato, essent absolute de nouo ordinandi, vt habetur de presbyt. non bapti.

Quid, & quotuplex sit irregularitas.

CAPVT LI.

Irregularitas, si vocabuli significationem attendamus, dupliciter accipitur, largè, & strictè; irregularis enim idem significat, ac sine regula, seu qui non est secundum regulam: cum autem certa sit ordinandorum regula, qua conditiones eorum, & qualitates præscribuntur, omne id, quod cõtra talem regulam est, facit hominem irregularem, & hæc est irregularitas largè sumpta, quæ complectitur excommunicationem, suspensionem, & interdictum, & quidquid deuiat ab eo, quod in ordinando requiritur. Strictè verò accipitur pro impedimenti, quæ ex certis defectib⁹, aut delictis iure adnotatis proueniunt, propter quæ homo ab ordinibus repellitur. Hanc distinctionem irregularitatis considerârunt Hostien. & Innocen. cap. nisi cum pridem, de renuncia. & Specul. tit. de dispenf. In præsentem autem de irregularitate strictè accepta loquimur, quam, prætermisissis aliorum definitionibus, sic possimus facilius & perfectius definire. *Est canonica inhabilitas ordines suscipiendi, aut susceptos exercendi à solo iure proueniens.* Cuius definitionis pars prima est, *inhabilitas*, homo enim irregularis inhabilis est ad aliquid agendum, aut suscipiendum, non quidem ad omnia, sed ad ea, quæ explicantur in secunda parte definitionis, nimirum *suscipiendi ordines, aut eos exercendi*; non enim omnis inhabilitas est irregularitas, sed ea tantum, quæ est respectu ordinum: sunt enim quædam iuris inhabilitates ad beneficia: nam simoniacus, etiam facta pœnitentia, inhabilis est ad illud beneficium, super quod commissâ est simonia, cap. penul. de elect. Sunt etiam aliæ inhabilitates ad prælaturas, dignitates, & beneficia, vt habetur cap. i. de fil. presby. & cap. in quibusdam, de pœnis, & alijs in locis, quæ non dicuntur irregularitates, nam irregularitas est inhabilitas proxima, ac directâ ad ordines suscipiendos, aut exercendos, dico proximam, & directam, nam irregularis sæpè etiam est inhabilis ad beneficium, vt dicemus inferiùs; tamen consequenter, & indirectè, quatenus qui inhabilis est ad officium, inde est inhabilis ad beneficium: at primò, & immediatè irregularitas facit hominem inhabilem ad ordines, sic quidem, si irregularitas est ante susceptionem ordinum, facit ineptum ad suscipiendum: si verò post susceptos superuenit,

facit inhabilem ad exercitium eorum: si verò superueniat, partim post aliquos susceptos, partim ante alios nondum susceptos, tunc facit inhabilem ad vtrumque, nempe ad suscipiendum, & exercendum, quamuis non semper, vt postea declarabitur, propterea dicitur inhabilitas suscipiendi, aut exercendi ordines.

Tertia pars est, *canonica*: dupliciter enim aliquis potest esse inhabilis ad ordines, vno modo iure diuino, quando nempe diuino iure aliquis ab ordine expellitur, & talis inhabilis, & incapax est, vt si ei ordo conferatur, nec characterem recipiat, nec ordinatus verè dici possit: talis est fœmina, quæ diuino iure ordinis est incapax, vt inter Theologos tradunt Bonau. 4. sent. d. c. j. art. 2. q. 1. & Duran. ead. d. q. 2. Inter Iurisprudentes verò Archidiac. 17. q. 4. can. si quis suadente, & d. 32. can. presbyter, & 27. q. 1. can. Diaconessiam. vbi expressè dixit, fœminam characterem non posse suscipere, si ordinari attentetur. Talis etiam est non baptizatus, etiamsi sit fidelis, & credat; hic, si ordineur, non recipit characterem, quia iure diuino repellitur; est enim baptismus ianua sacramentorum, hoc habetur cap. presbyter. & cap. veniens, de presbyt. non baptiz. Isti sunt irregulares, largè tamen, non stricte, vt nunc loquimur: irregularitas enim stricte sumpta præsupponit subiectum capax ordinis; arcet autem, & prohibet eum ob aliquam causam, quæ ex defectu, aut delicto provenit, & hæc est iure humano Ecclesiastico introducta, vt dixit Innocent. cap. nisi cum pridem, de re. iur. & cap. ad audientiam, de homicid. falluntur enim, vt inferius dicemus, qui bigamos incapaces putant, quasi fœminas, aut qui homicidas iure diuino repellit à promotione putant; est enim irregularitas iure humano inducta; hinc est, vt si irregularis ante dispensationem ordinateur, ordo teneat, & character imprimatur; per irregularitatem enim fit quidem inhabilis, sed non ad susceptionem, sed ad rectam, & legitimam susceptionem, multa enim, etiamsi malè fiant, facta tamen teneant.

Quarta pars definitionis est, à solo iure proueniens, in quo differt ab excommunicatione, suspensione, & interdicto, quæ tum ab homine, tum à iure contrahuntur, suntque censuræ Ecclesiasticæ semper propter peccatum indictæ: at irregularitas non est censura, nec inter eas computatur, vt habetur cap. querenti. de verbor. signific. & sæpè sine peccato contrahitur sem-

semper autem à iure, nunquam ab homine est. Ecce quid sit irregularitas.

Quantum autem ad eius diuisionem, variè quidem Doct. diuidunt, tamen communior, & verior diuisio, quam antiqui secuti sunt, ea est, si diuidamus in duas, Vnam, quæ procedit ex defectu; Alteram quæ procedit ex delicto, sic diuisit Panorin. c. nisi eum pridem, de renunc. & ante eum Hostien. Inno. in eodem c. & Specul. lib. i. titu. de dispensa. hi enim tres præter irregularitatem generaliter sumptam, quæ omne impedimentum promotionis complectitur, quæ, ut diximus, non est ea, de qua nunc loquimur, duas alias diuidunt: Vnam ex defectu, alteram ex delicto. Est autem cautè obseruandum, quæ ex defectu, quæ verò ex delicto dicatur; nam multiplex est inter eas differentia.

Primo quidem, quæ nascitur ex defectu, ablato defectu sapè tollitur: at quæ ex delicto, semper manet, etiam remisso peccato, donec dispensetur super irregularitate, ut dicit Præposit. can. miror, d. 50. dixi. sepe, quia aliqua irregularitas, quæ est ex defectu, etiam ablato defectu manet, ut inferius constabit.

Secundo, quæ est ex delicto, prohibet promotionem nondum acceptorum ordinum, & in susceptis ministerium: at quæ ex defectu, non semper in susceptis prohibet ministrare.

Tertio, quia per Concil. Trid. sess. 24. c. 6. datur Episcopis facultas dispensandi in irregularitatibus omnibus ex occulto delicto prouenientibus, non autem ex defectu. Interest ergo multum scire, quæ sit ex delicto, quæ verò ex defectu. Illa ergo est ex delicto, quæ immediatè oritur ex delicto, quando nimirum aliquis irregularitatem contraxit propter delictum. Illa verò est ex defectu, quando contrahitur immediatè propter defectum, nimirum quando homo irregularis est, quia defectum habet, quod explicatur, illegitimus irregularis est, ut paulò inferius dicemus, absque dubio irregularitas hæc procedit ex peccato parentum, nisi enim parentes fornicati essent, non oriretur proles illegitima; tamen irregularitas illegitimi non dicitur ex delicto, quia proxima, & immediata causa irregularitatis non est peccatum parentum, aliter enim essent etiam ipsi irregulares, sed est defectus prolis ipsius, quæ natiuitatem habet infectam. Ideo irregularitas hæc ex defectu est. At qui iniquè occidit hominem, irregularis est ex delicto, quia Ecclesia eum

sia eum voluit arcere ab ordine, non quia ei aliquid desit, sed propter peccatum, & delictum homicidij: Quæ ergo irregularitas est ex delicto, nascitur proximè, & immediatè ex delicto; quæ verò ex defectu, immediatè oritur ex defectu. Sub his duobus diuisionis membris multæ species irregularitatum comprehenduntur, ideo sub diuisione opus est. Incipiamus ergo ab ijs, quæ ex defectu proueniunt: sunt autem huiusmodi multæ; ad octo enim capita reducuntur, quædam sunt ex defectu natalium, quædam ex defectu originis, quædam ex defectu liberationis, quædam ex defectu ætatis, quædam ex defectu honestæ famæ, quædam ex defectu corporis, quædam ex defectu animæ, quædam postremo ex defectu sacramenti. Ad hunc ferè numerum eas reduxit Præpositi. can. 1. d. 50. Singulas explicare accedamus.

Priusquàm autem earum explicationem aggrediamur, est generaliter obseruandum, pro omnibus irregularitatibus, non quodcumque crimen, nec quemcumque defectum inducere irregularitatem, nisi quando id in iure est expressum, nulla namque irregularitas est statuenda; nisi quæ in iure habetur expressa: quam doctrinam omnes Doctores recipiunt, propter cap. is qui. de sen. excommun. in 6. vbi id habetur cautum. Aduertenda est etiam doctrina Innoc. c. ad audientiam, de homicid. nempe Iudicem non debere aliquem in dubio censere irregularem. Panormitan. in eodem capit. dicit, hanc doctrinam communiter allegari pro notabili: ipse tamen non reputat indistinctè veram, distinguit enim; aut agitur de irregularitate in foro contentioso ad imponendam, aut infligendam poenam pro irregularitate contracta; Aut agitur in foro poenitentiar ad iniungendam poenitentiam in salutem animæ. In priori casu censet veram esse doctrinam Innocentij: in posteriori verò non, in eo enim tutior pars semper est eligenda, etiam si durior sit, quia minus est periculum in tenendo, & iudicando esse irregularem. Nauarr. cap. si quis autem, de poeniten. d. 7. nume. 35. quem sequitur Couarru. tracta. de homicidio, paulò post principium, distinctionem Panormitan. rejiciunt, aliamque supponunt dicentes, dubium posse esse duplex, aut de iure, aut de facto, de iure quidem, quando dubitatur, an talis irregularitas sit contenta in iure, quia iura non expressè de ea loquuntur, in quo casu iudex non debet censere aliquem irregularem, & hæc est decisio c. is qui. de sent. excom. in 6. vbi habetur, non deberi aliquem irregularem reputari, nisi

nisi sit irregularitas iure expressa.

Alterum dubium est de facto, quando nimirum irregularitas est in re expressa, tamen dubitatur de facto alicuius, an sit tale, quod irregularitatem inducat iure expressam, quo casu dicunt, tam in vno foro, quam in altero debere Iudicem reputare aliquem irregularem. Exempla habemus cap. ad audientiam, de homic. verbi gratia, vulneravit presbyter quendam de familia sua, qui conualescens à vulnere, grauiori superueniente infirmitate mortuus est. Hic erat dubium de facto, an ex illo vulnere orta fuerit infirmitas, nec ne, si enim certum esset factum, nempe ortam esse, de iure irregularitas dubia non est; Pontifex autem iudicauit, debere abstinere, & in dubijs tutius esse putare se irregularem. Rursus cap. significati, 2. de homic. quidam presbyter percussit latronem fossorio quodam, alij superuenientes occiderunt, ignorabatur factum an illius presbyteri vulnus lethale esset nec ne; si enim esset, contraheret irregularitatem; si verò non esset, nullatenus. In dubio igitur facto, Pontifex decernit esse reputandum irregularem; minus enim periculum est abstinere, etiam si non sit irregularis, quam celebrare, si irregularitatem contraxit; hinc est, vt in dubio facti debeat vnusquisque apud se, & in foro animæ potius se irregularem existimare. Hæc distinctio sic à nobis exposita, & exemplis illustrata adhuc limitanda videtur, ne antiquos Doctores in toto rejiciamus. In primis Innoc. & Panormita. & alij eos sequentes agebant de dubio facti: nam de dubio iuris constans, & recepta erat doctrina, neminem iudicandum irregularem, nisi vbi irregularitas iure habetur expressa. In dubio ergo facti Innocen. protulit, non debere Iudicem reputare irregularem. Panormita. verò vsus est distinctione fori contentiosi, aut fori pœnitentialis, quam distinctionem existimo non esse omnino repellendam: nam pœna duplex est, vna quæ cœcernet periculum animæ, qualis est prohibitio, ne celebret presbyter irregularis, aut promoueatur, si nondum est promotus: Altera est, quæ non concernit periculum animæ, qualis est priuatio beneficiorum obtentorum; hæc enim non concernit periculum animæ; nam irregularis potest retinere beneficia ante obtenta, donec priuetur; & si non priuatur, non est periculum animæ, quale est, si irregularis existens promouearur, aut ordinetur sine dispensatione. Dico ergo, in foro contentioso, vbi agitur de pœna imponenda, vbi nullum est periculum animæ, esse verissimam doctrinam Innocen.

& Pa-

& Panormit. non enim ubi dubium est, an aliquis sit irregularis, debet priuari beneficijs; est enim contra naturalem æquitatem, ubi incertum est delictum, certam imponere poenam: at ubi agitur de poena concernente salutem animæ, tunc debet in dubio reputari irregularis, quia si non reputetur, est periculum errandi contra salutem animæ, & de hoc casu sunt canones allegati, & est certa doctrina, putoq; Panormitanum, hanc poenam concernentem salutem animæ, appellasse poenitentiam; & forum, in quo imponitur, vocasse forum poenitentiale, & tunc eius distinctio est legitima, & optima.

De irregularitate ex defectu natalium.

CAPVT LII.

IRREGULARITAS ex defectu natalium comprehendit omnes illegitimè natos, hi enim promoueri non possunt, d. 56. can. 1. & c. 1. & ult. de fil. presbyter. Quicumque ergo ex fornicatione, adulterio, stupro, sacrilegio, aliove illicito concubitu nati sunt, siue publici, siue occulti, irregulares sunt; dixi, siue occulti, ut constat ex cap. nisi cum pridem, §. non tamen propter quamlibet, de renunciat. contra Castro. lib. 2. de leg. poen. qui contrarium tenuit, opponens se communi opinioni. Denique omnis illegitimus est irregularis. Esse autem hanc irregularitatem ex defectu, affirmant Hosti. Innoc. Panormit. c. nisi cum pridem, de renunc. & est communis sententia, & deducitur ex cap. accedens, de purg. canon. & cap. vlti. de fil. presbyt. in 6. ubi Glossa inquit, non promouentur illegitimi, tum propter dignitatem ordinis, tum propter detestationem criminis paterni, tum etiam propter periculum incontinentiæ ex imitatione paterna, tum demum propter scādalum; tamen non culpa, sed defectus est. Hæc Glossa. & textus ibi. appellat defectum natalium, quamuis Gemin. can. presbyterorum d. 16. affirmet eam esse ex delicto; distinguit enim, vnam irregularitatem ex delicto proprio, alteram ex delicto alterius; idem Hosti. c. 2. de apostata. Hæc tamen distinctio in hoc non est probanda: principium enim proximum est considerandum ad irregularitatem iudicandam, an sit ex delicto, an ex defectu aliàs cui manus abscissa est per iniquitatem alterius, esset irregularis ex delicto, quod nemo concedet; præterea si illegi-
tini

timi irregularitas est ex delicto, esset irregularis etiam, qui delictum commisit, quod verum non est.

Aduerte autem, posse esse aliquem illegitimum, etiam si ex parentibus verè coniugatis natus sit. Calus est in cap. litteras. de fil. presbyt. si enim coniugatus fiat sacerdos viuente vxore, de eius consensu, etiam ipsa faciente votum continentie, si postea maritus accedat ei, proles nata censetur illegitima, & irregularis, quamuis verum fuerit matrimonium, quia ex sacrilegio concubitu natus est. Potest contra fieri, vt aliqui nascantur ex matrimonio non vero, & aliquando ex manifesta fornicatione, & tamen legitimi reputentur, nec sint irregulares. Sunt duo huius rei calus, vnus est, quando aliquis nascitur ex soluto, & soluta, qui fornicariè se cognouerunt, tamè postea verum contrahunt matrimonium, tum, qui nati sunt de fornicatione, per subsequens matrimonium habentur pro legitimis, cap. tanta. qui fil. sint legit. huiusmodi non sunt irregulares, sed habiles ad quoscumq; honores & dignitates, etià Episcopatum, vt habet ibi Panorm. num. 7. & ibidem Gloss. & Gloss. c. innotuit. de elect. Alter casus est in c. cum inter. qui fil. sint legit. quando aliqui in facie Ecclesie contraxerunt & postea lis mota est super inualiditatem matrimonij etiam si per sententiam separati sint, & inualidum declaratum matrimonium; filij tamen, quia ante sententiam nati, aut concepti sunt censentur legitimi. vbi notat Panorm. etiam eos censeri legitimos, qui lite contestata concepti sunt, dummodò ante sententiam diuortij concepti, aut nati fuerint; & rursus, dummodò sit bona fides vtriusque, aut alterius tantum, vt cõstat ex ca. ex tenore. qui fil. sint legit. si quis enim viuente vxore mala fide contrahit cum altera ignorante, filij censentur legitimi. Extra hos casus, qui nati sunt non ex matrimonio, sunt illegitimi, & irregulares, Dubitatio est ex depositis, quorum natales ignorantur, Felyn. c. deputat. de iud. & Anan. cap. 1. de infant. dicunt admitti ad ordines, & præsumi eos legitimos. Sed non video qua ratione id stabiliatur, cum in dubijs debeamus potius reputare eos irregulares. Est autem maximè dubium, immò & probabile, ex illegitimo nato esse concubitu; hi enim frequentius exponuntur. Tutius ergo puto eos affirmare irregulares, sicut & ceteros illegitimos.

Quantum ad dispensationem attinet in huiusmodi irregularitate, Episcopus dispensare potest ad minores ordines, & vnum simplex beneficium, c. 1. de fil. presb. in 6. ad maiores verò & ad

& ad beneficium curatum solus Papa, vt habetur in eod. c. nec etiam ad dignitates, & personatus dispensat Episcopus, sed solus Papa, cap. nimis, de fil. presbyt. Per Religionis autem ingressum, & professionem tollitur irregularitas, possuntq; promoueri ad omnes etiam sacros ordines, non tamen ad praelationes, vt habetur c. i. de fil. presbyt. Hæc est irregularitas ex defectu natalium.

De irregularitate ex defectu originis.

C A P V T LIII.

Iregularitas ex defectu originis provenit ex seruitute; serui enim ordinari non debent d. 54. per totam, & extra de serui. non ordin. Hæc autem materia sequentibus dictis explicatur.

Primò, qui nascitur ex matre libera, etiam si pater seruus sit, non est irregularis, nec repellitur à promotione, quia seruus nò est, c. dilectus, de seru. non ordin.

Secundò, seruus factus prius liber, & à seruitute omninò liberatus, promoueri potest, can. nulli. d. 54. & cap. i. de seru. non ordin.

Tertiò, ante obtentam libertatem, & plenam manumissionem non debet ordinari, capit. nulli. d. 54. & cap. i. de seru. non ordin. & Gloss. capit. 2. de seru. non ordin. & can. ex antiquis, d. 54.

Quartò, si seruus ante libertatem obtentam, sciente domino, & non contradicente, ordinatur, efficitur statim liber, can. si seruus, 2. d. 54. peccat tamen, tam Episcopus, qui promouet, quam seruus, qui promouetur, quia contra Canones agit, cù prius libertas esset obtinenda.

Quintò, si sciente domino, & contradicente, siue etiam ipso domino ignorante promouetur in sacerdotem, statim fit liber, cap. per venerabilem, qui fil. sint legit. Aliqui affirmarunt, si contradicente domino fit sacerdos; reuocari debere in seruitutem, & deponi, vt referunt Gloss. cap. 2. de seru. non ordin. & Gloss. can. ex antiquis dist. 54. tamen verius est, sacerdotem ordinatum fieri semper liberum, vt ex dicto cap. per venerabilem, constat, vt tenet Hugo citatus à Gloss. & Turrecr. can. frequens d. 54. est tamen distinctio facienda: domino contradicente, vel ignorante, aut Episcopus, siue presentator sciebat

sciebat esse seruum, aut non, si sciebat, tunc duplum restituet domino, nempe duos seruos, aut pretium; si solus Episcopus sciebat, solus ipse duplum restituet; si vero uterq; nempe Episcopus, & Præsentator, tunc uterq; simul restituet duplum, ita ut partem vnus, partem alter reddat, seruus verò manebit liber, can. seruus, i. d. 34. idem de testimonio dicitur, qui falsum testificatus est, peccat enim mortaliter, qui sciens ordinauit secundum Hugo. relatum à Turrecr. can. si seruus, citatò: nō tamen committit furtum secundum eosdem, quia non fecit commodò proprio, ut sibi seruum retineret, quod si etiam Episcopus, & ceteri ignorarunt, tunc autem non habent unde restituant domino duplum, tunc seruus ordinatus presbyter reddet domino peculium, & manebit liber, can. ex antiquis d. 54. quod si adhuc non habet peculium, manebit liber, & seruiet domino in diuinis, & spiritualibus officijs, aut honestis cōuenientibus sacerdoti, can. frequens d. 54. quod si in hoc contumax fuerit, degradabitur, & seruiet domino, secundum Ant. 3. p. tit. 28. cap. 6. §. 6 qui allegat Innoc. Raym. & Gosfred. Hac de seruo promotò in sacerdotem.

Sextò, si domino ignorante, aut sciente, & contradicente seruus ordinatus fuerit in minoribus, tunc, si Episcopus, præsentator, aut testis sciunt, reddent domino duplum, & seruus manebit liber, & ministrabit sicut & sacerdos, can. si seruus i. d. 54. quod si ipsis ignorantibus, tunc seruus ordinatus deponetur, & reuocatus in seruitutem reddetur domino, can. ex antiquis d. 54. & can. nulli. eadem d. & capit. 2. de seru. non ordin.

Septimò, si sciente domino, & contradicente, aut si ignorante ordinatus fuerit in diaconū, tunc si Episcopus, præsentator, aut testis sciebant, reddent duplum domino, ut dictum est in alijs, & manebit liber seruus; quod si ignorauerint omnes, qui ordinatus est in Diaconum, reddet domino vicarium, id est alterum seruum loco sui, can. ex antiquis d. 54. & manebit liber, Gloss. ibi, siue vicarium, siue pretium reddat; quod si nō habet, reuocatur in seruitutem, & reddetur domino. Est ergo differentia; nam ordinatus in minoribus, statim in seruitutem reuocatur: Diacono verò conceditur, ut reddat vicarium, aliter reuocatur in seruitutem, & deponitur: at promotus in sacerdotium semper manet liber, & ministrat in ordine, debito tamen peculio, vel exiguò, at si non habet seruiat in honestis, nempe fiat Capellanus domini, aut alia faciat,

faciat, quæ decent sacerdotem. Quod de Diacono decretum est, idem de Subdiacono faciendum declaratum est, cap. miramur. de seru. non ordin.

Octauò, quando ignorante Domino seruus ordinatur Dominus intra annum potest repetere, quo transacto efficitur liber; loquor in casibus, in quibus seruus non liberatur per promotionem: nam presbyter factus, statim liber efficitur; in cæteris omnibus, quando non sit liber, aut quando tenetur reddere Vicarium si presbyter est peculium, aut si Episcopus scit, tenetur reddere duplum. Deniq; in omni casu, in quo Dominus potest aliquid repetere pro seruo, datur tempus anni vnius ad repetitionem, quo peracto seruus sit omnino liber. Si verò fiat Monachus sine ordine, datur triennium ad repetendum, quo perfecto liber est. Hac habentur ca. si seruus, 2. d. 54.

Nondò, seruus promotus maioribus ordinibus in casibus, in quibus restituitur dominio effectus seruus, nõ potest contrahere, sed manet obligatus voto, quod potuit domino etiam inuito facere. ita dicit Turrecr. secundum Hugo. can. nulli. d. 54. & ibi gl. & Ant. 3. par. tit. 28. c. 6. §. 6. Si autem in minoribus est, potest contrahere.

Decimò, restitutus & reuocatus in seruitutem non portabit habitum, nec tonsuram, quia in statu serui est, nec dignitati Ecclesiæ, quæ id conuenit, quamuis Turrecr. can. nulli citato dicat, quod arbitrio domini portabit habitum, tonsuram etiam, si sine scandalo domini id fieri potuerit. Ego credo, quod neutrum portare debet, etiam volente domino, nisi librum eum faciat propter causam dictam.

Postremò, in eo casu, quo seruus efficitur, secundum Gl. can. nulli, d. 54. & Anton loco citato, non perdit priuilegium clericale, can. si quis suadete 17. q. 4. At Turrecr. eod. can. nulli. distinguit; respectu enim domini sui dicit carere priuilegio illo; non enim factum est vllum præiudicium domino, sed licet illi percutere vt ante: respectu vero aliorum gaudet priuilegio, & hoc tenet Host. in c. 2. de seru. non ordin. & hoc est verum, secundum etiam Turrecr. eodem can. perdit priuilegium fori, quod maximè confirmatur ex Concil. Triden. sess. 23. capit. 6. quia tonsuram & habitum non habet. In hac irregularitate seruitutis non dispensat Episcopus, sed Papa; nõdò putatur Episcopus ordinans seruum, vt ex supra iam dictis factis constat.

De irregularitate ex defectu liberationis.

CAPVT LV.

PRæpositus can. i. d. 50. nu. 12. huiusmodi irregularitatem hoc appellat nomine, ideo nos eo vti sumus. Ioan. Ana. c. magnus, de corp. vitia. qui, inquit, alteri est obligatus, etiam si non sit seruus, non est liber; est enim quædam species seruitutis; ideo post irregularitatem originis merito hæc sequitur, quia proximè ei accedit. Duo autem hominum genera hanc irregularitatem contrahunt, nempe curiales, & obligati ad ratiocinia, de quibus fit mentio can. præ. tea, d. 51. Curiales dicuntur, qui curiæ officio tenentur, vt iudices, aduocati forenses, notarij, milites, & similes ministri. Hi, vt notat Præpo. eod. can. allegato, si perpetuò sunt obligati, perpetuò repelluntur à promotione; si verò non, tunc deposito officio, liberatiq; ab onere ordinari possunt, nisi in duobus casibus, quos notat Glo. can. ecce, d. 51. nempe quando homicidio, aut mutilationi se inmiscuerunt; tunc enim irregulares sunt, etiam deposito officio, quia de causa, nec miles ordinari potest, etiam deposita militia, nimirum si occidit, aut mutilauit. Secus verò potest, vt dicit eadem Gloss. can. si quis. eadem d. Alter casus est, quando officium infame exercuerunt, quales histiones, & alij vile ministerium exercentes apud curiā, nempe satellites, aut carnifices, vel similes. In his duobus casibus, etiam deposito officio manent irregulares, indigentq; dispensatione. Cæteros verò curiales Ecclesia repellit ante liberationem ab officijs, tum ne patiatur molestias, dum à curia reputantur, vt dicitur can. designata, d. 51. tum quia hi, non affectu Religionis, sed vt ratiocinia officiorum fugiant, videntur ad Ecclesiam se transferre, can. curiales, d. 53.

Sunt alij publicis ratiocinijs obligati, vt tutores, curatores, procuratores, aliasve administrationes publicas, aut priuatarum personarum habentes, ob quas tenentur reddere rationē, & hi dicuntur propriè obligati ad ratiocinia, de quibus est titulus in decr. de obligatis ad ratiocinia. vbi Gloss. communiter recepta hæc, quæ sequuntur adnotat.

Primò, obligatus personæ miserabili, etiam non deposito onere ordinari potest, quia miserabilium personarum quilibet curam suscipere potest, 21. q. 3. can. peruenit.

N

Secun-

Secundò, obligatus personæ Ecclesiasticæ, etiam non deposito onere ordinatur; in hoc enim nō molestatur Ecclesia, nec infamatur, quòd ordinet personas cum detrimento aliorum, sicut infamatur si esset persona secularis, cui obligat⁹ erat. Hoc dictum deducitur ex can. peruenit, d. 86.

Tertiò, obligatus personæ seculari publicæ ante redditam rationem, etiam onere deposito non ordinatur, sunt enim ratiocinia publica ex administratione prius reddenda ordinatur tamen, si aliàs est debitor ratione personæ, & non ratione administrationis; tunc enim ante redditam rationem non promouetur. C. de Episc. & Cler. l. officiales.

Quartò, si ratiocinia sunt ex administratione erga personam priuatam, deposita administratione, & onere, etiam ante redditam rationem ordinari potest, nisi lis ei ante promotionem, vel in ipsa promotione moueatur super administrationem, & nisi manifestum sit, ipsum de dolo teneri.

Quintò, si lis mota est, tunc, si de dolo est, non debet ordinari ante finem litis, can. tantis, d. 81. debet tamē taxari tempus, in quo causa decidatur.

Sextò, si lis mota est, non de dolo, sed de culpa, promoueri potest non obstante reclamatione creditoris, quia lis agitari potest, sicut prius, & coram eodem iudice, de for. compe. cap. proposuisti.

Septimò, debitor, si prohibente creditore fuerit promotus ad clericatum, non deponitur propter hoc, sed bona eius cedent in solutum, & si non sufficiant. Episcopus tenetur, qui abstulit debitori occasionem negotiandi, & lucrandi, vt solueret; iam enim factus clericus nō potest negotiari, d. 88. can. fornicari. Hoc intelligo, nisi cedat bonis; cessione enim facta non impeditur, sed potest promoueri, iuxta Glo. can. præterea, d. 51. & Præpos. libidem. Hæc est irregularitas ex defectu liberationis, super quam, sicut nec super seruitutem Episcopus dispensat, vt ante liberationem promoueatur.

De irregularitate ex defectu ætatis.

CAPVT LV.

DEffectus legitimæ ætatis facit hominem irregularem, donec ad eam perueniat, vt dicit Præpos. can. i. d. 50. Est autem ætas suscipiendis ordinibus legitima iure humano

natio præscripta; primæ enim tonsuræ est septennium com-
 pletum; hoc enim est tempus infantie, vt dicit Gloss. cap. nul-
 lus, de tempor. ordin. in 6. quo capite cauetur, ne vllus Episco-
 pus ante hoc tempus vlli tonsuram primam conferat, nisi ei, qui
 Religionem fuerit ingressus, alias ipso iure à collatione primæ
 tonsuræ per annum erit suspensus, Post septennium vsque ad
 duodecimum, reliquos minores ordines suscipiendi tempus
 est legitimum: acolitharus verò non nisi completo duodeci-
 mo suscipi potest, can. in singulis, d. 77. maiorum ordinum au-
 tem tempus legitimum iure antiquo, d. 77. & 78. fuit stabilitum;
 postea verò limitatum per Clemen. Generalem de ætate, &
 qualitat. Subdiaconatus in decimo octauo anno suscipitur, dia-
 conatus in vigesimo, presbyteratus verò in vigesimo quinto:
 hos vltimos annos intellige non quidem completos, sed in-
 ceptos. Hæc ætas legitima sacrorum ordinum est iam corre-
 cta per Concil. Triden. sess. 23. cap. 12. vt nemo ad subdiacona-
 tum promoveatur ante vigesimum secundum: ad Diacona-
 tum verò ante vigesimum tertium; ad Presbyteratum ante
 vigesimum quintum, intellige etiam inceptos. Ad Episcopa-
 tum verò iure communi debet esse completus trigessimus cap.
 cum in cunctis, de elect. in 6. qui ante hanc legitimam ætatem
 ordines nõ dispensatus, suscipit, ordinem, & characterem reci-
 pit; sed non executionem, sed suspensus est. Si est ordo sacer
 vsque ad legitimam ætatem, qua superueniente cessat su-
 spensio, cap. non est compos. de tempor. ordin. estque talis su-
 spensio ipso iure; nam can. vtitur verbo præsentis temporis,
 suspendimus, quamuis Turrecrem. d. 77. placuit, sequens Tur-
 recrem. dicat esse suspendendum. huic antiquo iure successit
 extrauagans cum ex sacrorum, Pij I I. qua omnes, qui sa-
 crum aliquem ordinem ante legitimam ætatem præsumunt
 accipere, ipso iure suspendit, vt si illum exerceant, fiant irregu-
 lares, nec possunt etiam superueniente ætate exercere ante ab-
 solutionem à suspensione. Hæc tamen extrauagans compre-
 hendit præsumentes accipere, non autem eos, qui ignorantèr
 acceperunt. In defectu ætatis solus Papa dispensat, non Epi-
 scopus, vt colligitur ex cap. nullus, de tempor. ordin. in 4. & do-
 cet Gloss. Clem. Generalem, de ætat. & qualitat. immò, si sacrum
 ordinem confert ante legitimam ætatem, Episcopus à colla-
 tione ordinum est suspendendus, c. vt non est compo. de temp.
 ordin. vbi Anton. Butr. notat non esse ipso iure Episcopum su-
 spensum, sed suspendendum.

Est autem aduertendum, hanc aetatem non esse necessariam necessitati sacramenti, sed necessitate praecepti Ecclesiastici, id est, si conferretur ordo extra aetatem legitimam etiam ante usum rationis, ordo teneret, & character imprimeretur; tamen qui ordinaret sine dispensatione, peccaret ordinatusque executionem non haberet ante legitimam aetatem. Ordines autem etiam maiores, etiam presbyteratum posse conferri infantibus nondum usum rationis habentibus, est communis doctrina Theologorum, & Canonistarum, inter Theologos id affirmat, S. Tho. 4. sent. d. 25. Bonau. ibidem, art. 2. q. 2. Ricar. ibidem art. 4. q. 2. inter Canonistas verò Gloss. c. suæ literæ, de cler. per sal. prom. imò ex eodem c. colligitur; subdiaconatus enim ante usum rationis receptus non repetitur, idem Gloss. can. pueri, 1. q. 1. & ibidem Archidia. & Præpos. cum alijs, quamuis non desint qui contrarium sentiant, illud tamen est verius. De Episcopatu est maior controuersia: Archid. enim can. subdiaconus, d. 77. tenet etiam in cunis posse conferri Episcopatum, quantum ad ordinem S. Tho. verò, & Bonau. locis citatis tenent contrarium, quos sequitur Turrecr. eodem can. subdiaconus. Præpositus verò ibid. citat S. Tho. & Bonau. & tamen tenet cum Archidia. quia, inquit, eadem est ratio Episcopatus, & presbyteratus, cum uterque sit ordo, & imprimat characterem, quo puto esse probabilius: esset tamen magnum scandalum, & graue peccatum ante usum rationis hos ordines, non dico Episcopatum, sed etiam inferiores conferre infantibus absque aliqua grauissima, & urgentissima causa.

Est autem controuersia inter Doctores, an qui ante annos discretionis suscipit maiores ordines, adultus factus teneatur continentiae votum seruare, & quidem, si ante usum rationis suscepit ordines, non tenetur voto, ut dicunt Gloss. 1. q. 1. can. pueri. & ibi Præpos. & inter Theologos Palu. 4. sent. d. 25. q. 3. & Sotus eadem d. q. 1. art. 2. limitat Archid. can. pueri. allegato, nisi factus adultus velit in ordine remanere, & ministrare, & privilegio uti clericali; tunc enim tenebitur continere, & hoc verum est, quod si ante annos quidem discretionis, nimirum septennium suscepit ordines, & tunc erat doli capax, Gloss. c. 1. de Cleric. per sal. prom. affirmat teneri voto, si tunc non contradixit, si autem contradixit, est iam coactus, & ordo non tenet at Hostien. & Innocen. cap. ut non est compos. de temp. ordin. tenent tempus contradictionis, siue ante usum rationis, siue post sit ordo susceptus, durare usque ad annos pubertatis completos,

pletos, nimirum quatuordecim, post quos, si statim contradicat, voto non tenetur. Anton. Butr. eodem c. exponit hoc (statim) esse triduum, quod intelligo in foro exteriori; nam in interiori puto obligari, si, cum primum nouit obligationem voti: eam habuit ratam nam ante annos pubertatis vota emit- ti possunt, & obligant in conscientia, quamuis non votum so- lemne Religionis, quia statutum est tempus, quando hoc emit- ti debeat, & sic intelligo Archid. loco allegato, & Gloss. cap. 1. de cler. per sal. promo.

De irregularitate ex defectu fame bonæ.

CAPVT LVI.

EX defectu bonæ, & honestæ apud alios opinionis, & fa- mæ oritur etiam irregularitas; unde infames à promo- tione, & ordinum exercitio repelluntur d. 33. can. laici, & d. 51. can. qui in aliquo, & 6. q. 1. can. infames. Est autem du- plex infamia iuxta Gloss. 3. q. 7. can. infames, §. porro, & 2. q. 7. can. ipsi Apostoli. & Doct. communiter, nempe infamia facti, & infamia iuris, atq; hæc iterum duplex est, ut distinguit Arch. can. si Episcopus d. 50. legalis, & canonica. Erit ergo infamia triplex, facti, legalis, & canonica, & sic distinguit Panormita. c. dudum secundo, de elect. num. 5. Infamia facti oritur ex aliquo delicto graui, & notorio, propter quod delinquens apud gra- ues & bonos viros malè audit, eiusq; mala opinio cõcepta est. Infamia iuris est, quæ incurritur in casibus, in quib⁹ ius, siue ci- uile, siue canonicum infamiæ poenā irrogat: sunt autem multi huiusmodi casus, de quibus agitur in iure ciuili, ff. de his, qui infam. notant. iure autem canonico 6. q. 1. can. infames; ali- quando enim propter crimen, aliquando propter factum, seu officium minus honestum iuris infamia contrahitur, sic sa- cerdoti, v'surarij publici, duas vxores de facto habentes, qui pu- gnant puolicè cum feris, qui ludos periculosos exercent, hi- striones, & qui scenis ex officio interfunt, & alij multi cen- sentur infames iuris infamia. Est etiam iuris infamia, quæ infer- tur per iudicis sententiam definitiuam, qua aliquis de graui aliquo crimine damnatur, ut qui de furto, vel calumnia per sententiam damnatus est. Similiter in alijs multis, de qui- bus vide Glossas allegatas. Est tamen aduertendum, omnes

infames legales esse, etiam infames canonicos, non tamen contrario: nam legalis infamia extra casus iure expressos non contrahitur nisi per iudicis sententiam, per quam aliquis damnatur de crimine, quod irrogat infamiam, ut notat Arch. & Præpos. canon. si Episcopus d. 50. quam doctrinam, quia controuersia est, limitat Panorm. cap. at si clerici de iud. num. 27. ubi dicit, quando criminaliter agitur contra aliquem, non oriri infamiam legalem ex sola confessione rei in iudicio, sed esse necessariam sententiam. At quando agitur civiliter, per solam confessionem criminis oritur, dummodò sit spontanea confessio, & dummodò etiam si vera, & non ficta, qualis est, quando in contumacia aliquis damnatur. At infamia canonica etiam ante sententiam oritur, & forsitan hoc voluerunt dicere Innoc. cap. super his, de pœnis. & Gloss. c. at si clerici. de iudic. affirmantes, per confessionem ante sententiam oriri infamiam. Quibus autem casibus legalis infamia contrahatur, non est nostrum tractare in præsentī, hoc nobis satis sit, quod secundum omnes utraque infamia tam iuris, quam facti repellit à promotione, & facit hominem irregularem, ut notant prædictæ Gloss. Archid. & Præpos. canon. qui in aliquo. d. 51.

Quantum autem ad dispensationem super irregularitatem ortam ex infamia, aduerte, aliud esse tollere infamiam, aliud dispensare in irregularitate ex infamia; tollere enim est efficere, ne sit infamis; dispensare est auferre impedimentum ad promouendum, quod aliquando fit etiam non ablata infamia, ut quando est infamia facti: pro cuius rei intelligentia sunt aliqua aduertenda.

Primo, infamia facti non potest tolli per Papam, nec per ullam potestatem terrenam. hæc est Præposit. & Gemin. 2. q. 3. can. Euphemium, ubi latè de hac materia uterque tractat, non enim potest efficere Papa, ut qui propter delictum proprium malè audit, & infamatus est, apud alios bene audiat, bonamque opinionem de illo concipiant, hoc tamen potest efficere ipsemet infamis, aut per contraria facta, & bona opera, quibus conceptam malam opinionem aufert, aut per purgationem, qua se purgat de crimine obiecto. Notant autem Archid. & Præp. c. laici d. 33. quando aliquis infamis est infamia facti, quia nimirum per modum exceptionis probatum est ei aliquod crimen, esse irregularem, & repelli à promotione, donec se purget; purgatione autem facta, quia apparet crimen non fuisse

verum delatam esse infamiam. quod dictum probatur ex can. mennam. 2. q. 4. quando ergo infamia facti, vel per purgationem, vel per contraria facta deleta est, tunc non manet, nec impeditur à promotione, qui prius erat infamis; dum tamen manet adhuc in mentibus hominum, nō tollitur, sed quantū ad effectum nimirum irregularitatem, & impedimentū promotionis potest dispensari propter necessitatem aliquam, vt affirmant Arch. & Præpos. can. laici. allegato, etiam si ablata non sit talis infamia: dispensat autem is, qui potest dispensare in infamia iuris.

De quo dico secundò, omnem infamiam iuris etiam ciuilibis potest tollere Papa à quocumque clerico etiam à laico sibi subiecto. Hoc est Innocent. Panorm. Hostien. cap. cum te. de sentent. & re iud. Gemin. & Præpos. 2. q. 3. can. Euphemium. Vnde potest infamem iuris restituere in integrum, quando clericus est, vel laicus sibi subiectus. At de laicis non sibi subiectis.

Dico tertio, cum prædictis Doctoribus posse Papam abolerere, & tollere infamiam laici nō sibi subiecti, ordinando eum in clericum, si forte eo opus habet; nō enim, vt dicit Panormit. simul stare possunt, vt sit iure infamis, & ordinetur in clericum, propterea dum hoc facit, illud remouet.

Dico quarto, Episcopum posse tollere infamiam iuris, quæ oritur ex criminibus illis, super quæ potest dispensare; vnde quia potest dispensare in adulterio, poterit etiam tollere infamiam iuris consequentem ex adulterio; similiter in furto, sacrilegio, periurio, falso testimonio, & alijs huiusmodi. Super quæ vero delicta non potest dispensare, nec poterit infamiam tollere, vt in hæresi, simonia, homicidio. Hoc dictum est Gloss. 2. q. 3. can. Euphemii §. hinc colligitur, & Gloss. can. domino d. 50. & eas sequuntur Gemin. & Præposit. cano. Euphemium allegato, & Panorm. cap. cum te. de sent. & re iud. ubi notat Præposit. hoc non esse tollere infamiam directè, sed indirectè, & ex sequela, dum tollit causam, nempe dispensando in delicto; solus enim Papa tollit directè infamiam iuris, & generaliter in quocumque delicto. Idem puto dicendum in infamia facti, quantum ad impedimentum promotionis, propter necessitatem, vti diximus. Notat autem Panorm. cap. cum te, de sent. & re iudic. quod si Imperator tolleret infamiam iuris ciuilibis ab aliquo, Episcopus posset dispensare cum illo, vt promoueretur, quod intellige, quando infamia orta est ex aliquo crimine,

crimine, super quod Episcopus dispensat. Dubitabit aliquis, an infamis sit irregularis ex delicto, infamia enim sæpè ex delicto oritur. Respondeo quod non: nam irregularitas non nascitur ex delicto immediate, sed infamia, quæ defectus quidem est: ad iudicandum autem de irregularitate, an sit ex delicto, an ex defectu, considerandum est principium, unde immediate procedit, vt diximus in explicatione definitionis superius propositæ.

De irregularitate ex defectu corporis.

CAPVT LVII.

Repelluntur etiam nondum promoti à promotione, & ab ordinum exercitio, qui promoti sunt defectum corporis patientes, vt constat d. 55. per multos canones, & titulo de corp. vitia. & tit. de cler. agrotan. prouenit autem iste defectus multipliciter, aliquando ex parte membrorum, aut quia deficit aliquod membrum, aut quia abūdat, aut quia minus est solito, aut quia maius; aut prouenit ex indebita forma corporis, vt qui deformiter paruus, vel gibbosus, vel claudus, vel alijs modis deformis existit, aut ex inhabilitate membrorum, quia suum officium exercere non potest, aut ex completionem corporis, quia infirmitates quasdam patitur. Denique vitium corporis solet facere hominem irregularem, quando autem, & quomodo id fiat, declarandum est, suntque aliquot regulæ obseruandæ.

Prima est Anton. Butri. cap. vlt. de corp. vitia. Omnis defectus corporis, siue in membro, siue in membri parte, qui infert inhabilitatem, nempe qui impedit ministerium ordinis, aut inducit notabilem deformitatem, aut generat scandalum, & abominationem, facit hominē irregularem ad promouendū, si promotus nōdum est, & ad impediendū exercitiū suscepti ordinis, ad quem inhabilis est, vel quem sine deformitate, vel cum scandalo, & abominatione exercere nō potest. Sumpta est hæc regula ex capit. nonnullis cler. agrot. & ex titulo de corp. vitia. alijsq; canonibus d. 55. ex quibus omnium horū exempla habemus. In primis presbyter, cui à prædonibus media pars palmæ manus cum duobus digitis abscissa est, propter inhabilitatem, quia cæteri digiti debiles manent ad sacrificium peragendum, repellitur à ministerio altaris; similiter etiam

etiam propter deformitatem; non tamen repellitur à cæteris officijs etiam sacerdotalibus, quæ potest, & ad quæ habilis est, & quæ sine deformitate, vel scandalo exercere valet, vt audire confessiones, & baptizare, cap. 2. de cler. agrot. Si tamen laicus esset, nullo modo esset promouendus; facilius enim toleratur aliquis in susceptis, quam admittatur ad suscipiendos, 15. q. 1. can. vlt. Propter eandem inhabilitatem carens manu altera repellitur, cap. exposuisti, de corpor. vitia. idemque esset, si manum aridam, aut ita debilem haberet, vt officium exercere, non valeret, similiter si careret pollice, aut indice: non tamen si deesset vngula pollicis; vel indicis; non enim propter hoc digitus debilis efficitur ad opus suum, cap. vlt. de corp. vitia. si tamen præter hos duos careret digito aliquo alio, cuius defectu non impediretur, quominus hostiam posset frangere, non esset irregularis, can. lator. d. 55. Simili causa tremulis manibus, qui sine periculo subuersionis calicis non potest ministrare, irregularis est; qui etiam ita vinum bibere abhorret, vt euomendi periculum sit. Hunc affirmat Nauar. posse promoueri ad minores; sed non est probanda eius sententia; nam longè aliud est cum ordinato, siue cū ante promotionem superuenit defectus, & cum post promotionem, vt supra diximus; si enim ante promotionem defectus est, ad nullos debet promoueri, quia omnes ordines ordinantur ad sacramentum altaris, ad quos ille inhabilis est: iam verò ordinatus toleratur in susceptis, ad quos habilis est, & sine deformitate, aut scandalo potest exercere. Colligitur hoc ex cap. 2. de cler. agrot. & ibi Panorm. & est communis sententia. Eadem de causa balbus, seu blesus, qui loquelam habet impeditam, irregularis est, secus si non est impedita loquela, vt dicit Ant. Butr. cap. exposuisti. de corp. vitia. Idem dicit Ioan. de Anan. c. eodem, de eo, cui pars linguæ amputata est, sed loquelam habet, quæ duo intellige dummodo non sit talis loquela, quæ excitet notabilem deformitatem aut abominationem; tunc enim esset irregularis. Eadem de causa cæcus vtroque oculo aut ita debilis visus, vt literas non discernat etiam cum ocularibus, irregularis est, quia inhabilis ad officium altaris, vbi legenda sunt multa. Hi omnes repelluntur propter inhabilitatem, & impotentiam ad ministerium. Alij etiam propter deformitatem notabilem repelluntur, & irregulares sunt hac de causa, cap. cum de tua. de corp. vitia. repellitur habens maculum in oculo, quæ notabilem facit deformitatem; propter eandem deformitatem, si oculus est alicui

extractus, repellitur, can. si Euangelia, d. 55. & ex stilo curia, si oculus laeuus, qui dicitur oculus canonis, est visua potentia priuatus, quia deforme esset totum caput conuertere ad legendum. Qui etiam caret naso toto, vel parte cum notabili deformitate, vel vulnus deforme haberet in facie. Qui etiam careret pede, nec posset sine ligneo pede ambulare, vt dicit Anton. Butr. cap. vlt. de corp. vitia. addens cum Religioso posset dispensari, quia propter vestes longas latet, & eadem de causa posset dispensare cum clerico laico, qui etiam habet vestes longas, tamen vterque est irregularis. Eadem de causa claudus, qui sine baculo ambulare non potest, irregularis est, secus si sine baculo posset altari accedere, vt dicit Panorm. cap. 2. de cleric. ægrot. quod non credo verum, nisi quando non est deformitas notabilis, quæ esse potest etiam sine baculo. Idem dicendum de gibboso notabiliter, & de eo qui oculos haberet nimium extractos, aut inæquales cum notabili deformitate, vt dicit Anchar. cap. 2. de corp. vitia. Idem si haberet deformem nasum, aut propter magnitudinem, aut propter nimiam paruitatem. Aut si haberet digitos multum inæquales cum notabili deformitate, idem si sex digitos habet in manu cum notabili deformitate, secus non esset irregularis, nisi impeditum esset officium digitorum, qui necessarii sunt in ministerio altaris, vt dicunt Anton. de Butr. & Anchar. cap. 2. de corp. vitia. Similiter Archid. & Præpos. can. qui in aliquo, d. 51. Denique vbi est vitium corporis notabilis deformitas apprens, inducitur irregularitas. Propter scandalum, & abominationem repellitur leprosus à ministerio altaris, & si est rector Ecclesiæ, datur ei coadiutor, c. 3. & 4. de corp. viti. & si est laicus, non promouetur durante defectu; excitat enim scandalum & abominationem populi lepra. Repelluntur etiam alij propter scandalum, nempe energumeni, patientes morbum caducum: sed quia hi ad defectum animæ potius reducuntur, suo loco de eis tractabimus. Est ergo proposita regula ante oculos habenda, vbi vitium corporis inducit inhabilitatem, seu debilitatem, deformitatem, vel scandalum, inducere irregularitatem, siue à promotione, siue ab exercitio, dum durat.

Ex hac regula sequitur secunda, quando vitia huiusmodi sunt occulta, quia non est deformitas, nec scandalum, nec debilitas, nulla inducitur irregularitas; vnde qui in pede careret pollice, aut digitos haberet deformes, quia latet hoc vitium, nec adfert inhabilitatem, non est irregularis nec etiam cui virilia

nilia defunt, siue quia incunabilis sectus est, cap. 3. de corp. vitia. siue quia ob infirmitatem à medicis abscissa sunt, cap. 5. eodem tit. & can. si quis per ægritudinem, d. 55. etiam si ipsemet sibi ea propter ægritudinem absciderit, vt dicit Innoc. cap. significauit, de corp. vitia. siue quia sic natus est, vel in persecutione caesa ei sunt, can. Eunuchus d. 55. Omnes hi non sunt irregulares, quia nulla exterior deformitas, nulla inhabilitas ad altaris ministerium, nullum est scandalum; secus si ex culpa propria talia prouenirent, vt paulo post in vltima regula dicemus. Nec opus est eum, cui virilia abscissa sunt, secum in puluerem redacta, aut sicca portare, vt vulgares putant, quod notant Gloss. can. Eunuchus d. 55. & Anchar. c. 3. de corp. vitia. ex Ioan. Andr.

Tertia regula, iudicium inhabilitatis, deformitatis, scandali inducentis irregularitatem, pertinet ad Episcopum, quando dubium accidit, ita habet Innocen. cap. 1. de corp. vitia. Aut ad iudicem, cui committitur, aut ad promotorem, vt dicunt Anton. & Anchar. cap. 2. de corp. vitia. non quod Episcopus, aut iudex dispensare possit, quando vitium tale iudicatur, quod aut inhabilitatem, aut deformitatem notabilem, aut scandalum inducat, sed quod illis committitur, vt iudicent, & declarent, an tale sit vitium, quod facit hominem irregularem. Hoc quidem iudicium ad Episcopum pertinere deducitur ex cap. 2. de corp. vitia.

Quarta regula, si per huiusmodi irregularitatem proueniētem ex vitio, & defectu corporis solus Papa dispensat, ita habet Innocen. cap. 1. de corp. vitia. & cap. cum aterni. de re iud. in 6. Anchar. capit. significauit, de corp. vitia. & Præpos. can. non confidat d. 50. & ibidem Archid. est autem obseruandum, irregularitatem ex huiusmodi defectu & vitio, eo ablato absque alia dispensatione tolli, vt notat Præpos. can. ex præmissis d. 50. nu. 9. Præterea huiusmodi defectum & vitium non facit promotum irregularem in susceptis, nisi ad exercitium eorum ad quos est inhabilis propter defectum, vel in quibus exercendis scandalum, aut deformitas esset. Nec est incapax iam promotus beneficiorum, quæ non exigunt administrationem ordinis, ad cuius exercitium est irregularis, quibus de causis Innocen. & Panorm. c. 2. de cler. agro. dixerunt corpore vitiatum non dici irregularem: nam ministrat in ordine, etiam si non celebret. Anan. ibi dicit esse irregularem improprie; tamen re vera est irregularis, et si non est promotus, ad nullos ordi-

ordines promoueri potest, quamuis non sit tanta irregularitas, quanta ea, quæ est in alijs defectibus, aut in delictis.

Vnum superest dubium de Hermaphrodito, qui vtroque sexu pollet, an sit irregularis cõsensus? de quo sic est distinguendum. Aut enim viget magis fœmineus sexus, & tunc non potest ordinari, Gloss. can. si testes, §. Hermaphroditus 4. q. 3. excluditurque à testimonio ferendo in casibus, in quibus excluditur fœmina, nec est susceptiuus characteris, sicut nec fœmina, secundum Anton. 3. p. tit. 28. cap. 6. §. 5. Siluest. & Tabien. ver. Hermaphroditus. Aut est paritas in vtroque sexu, & tunc quantum ad ordines pro fœmina reputatur; vt dicit Praposit. can. si testes. 3. q. 4. §. eodem, vbi allegat Hugo. & Cardin. idemque sentit ibidem Turrecrem. & secundum Anton. Silu. & Tabien. locis citatis nõ est susceptiuus characteris, quamuis Praposit. dicat, propter dubium, an sit fœmina vel mas, nõ debere ordinari. Aut viget magis sexus virilis, & tunc non repellitur à testimonio, & est susceptiuus characteris iuxta communem sententiam. Anton. verò & Silu. negant promoueri posse, sed esse irregularem affirmant propter monstrositatem, can. illiteratos, d. 36. & can. vlt. d. 49. At Turrecr. loco citato secundum Hug. tenet promoueri posse, nec esse irregularem, quod mihi probabile videtur: est enim regula illa obseruanda Vbi vitium est citra culpam, nõ inducere irregularitatem, nisi vbi inhabilitas est ad altaris ministerium, aut deformitas, aut scandalum, quorum nihil est in Hermaphrodito hoc, in quo viget sexus virilis; monstrositas enim non obest: nam qui naturaliter esset Eunuchus, & qui tres digitos haberet in pede. aut aliquod vitium latens, haberet monstrositatem, tamen non esset irregularis. Fateor, quando vitium esset notorium, non esset promouendus, propter scandalum populi, vt dicit Archid. 17. q. 1. can. diaconissam, qui censet propter scandalum populi non esse Hermaphroditum promouendum, in quo virilis sexus magis viget, quamuis ad alia virilia officia admittatur. Hoc tamen in occulto non procedit.

Vltima regula, abscissio membri, quæ ex culpa propria est, inducit irregularitatem etiam in eo casu, quando defectus solus, si ex culpa non esset, non inferret irregularitatem; vnde qui sibi virilia amputauit, aut se castrauit, etiã zelo castitatis, etiam si occultè fecerit, irregularis est, can. si quis abscidit. d. 55. & cap. significauit de corp. vitia. nec dispensare cum eo potest

test Episcopus, sed si Presbyter est, dispensat tantum ad Sacerdotis officia, præter altaris ministerium, ut habetur in eodem cap. Similiter qui partem digiti sibi ex ira, aut indignatione amputauit, est irregularis, d. ss. can. qui partem, etiam si sit talis digitus, cuius defectus, nisi culpa esset, non faceret irregularem. Anan. cap. i. de corp. vitia. dicit appellatione partis dimidiam intelligi, secundum Lapum; sed puto, etiam si minor esset, adhuc inducit irregularitatem, idemque sentiendum, etiam si sit membrum occultum, ut si abscindat digitum pedis aut partem, quæ aliàs non faceret irregularem, si non esset vitium ex culpa, Non autem esset irregularis, quæ habens sex digitos, superfluum sibi abscindit, aut abscindi facit, non ex indignatione, sed deformitatis vitandæ causâ, liceretque id facere, ut dicunt Gemina. & Prepo. can. qui partem, d. ss. quod etiam insinuauit Innocen. cap. significauit, de corp. vitia. ut enim superflua corporis ex honesta causâ licet amputare citra periculum, ut tumores, verrucas, & alia huiusmodi, ita & digitum superfluum, nec esset irregularis, qui se etiam ex indignatione vulneraret, aut dentem extraheret, ut dicit Hostien. c. i. de corp. vitia. quia hoc non est membrum, aut partem membri abscindere. Hæc irregularitas, quando vitium ex culpa prouenit, ut dictum est, non ad defectum pertinet, sed ad eam, quæ est ex delicto, nisi scilicet talis abscissa sit pars, quæ etiam sine culpa faceret irregularem, iuxta prædicta in priori parte; tunc enim huiusmodi homo esset dupliciter irregularis, & ex defectu, & ex delicto, ut si sibi nasum amputaret, vel oculum extraheret, vel partem pollicis cæderet, ita ut inhabilis esset digitus ad officium altaris.

Est autem hoc loco notandum hanc irregularitatem, quæ est ex abscissione sui, non incurri, nisi quando notorium est se ipsum abscidisse secundum Anton. cap. 3. de corp. vitia. qui sequitur Host. Idem tenet Anchar. cap. 5. de corp. vitia. & Gonsal. cap. 2. eodem tit. dicit esse communem opinionem: loquitur autem, quando talis abscissio non inducit inhabilitatem, deformitatem, aut scandalum. At ista opinio nunquam mihi placuit, sed existimo, qui se ipsum abscidit, siue partem membri, aut digiti secando, siue se ipsum ex ira castrando, quamuis occultum sit crimen, esse irregularem; non enim propter criminis notorietatem irregularitas illa est, sed sicut irregularitas homicidij, & mutilationis alterius propter qualitatem criminis, quia vita priuat partem sui corporis; ideo quamuis sit occult.

occultum, inducit irregularitatem; vnde can. si quis abscidit, d. 55. qui se abscidit homicida sui appellatur, æquiparant enim canones, quantum ad irregularitatem, mutilatorem alterius, qui membrum alterius abscidit; mutilatorem verò sui eum, qui, licet non totum membrum, partem tamen abscidit, quia grauissimum est, & contra naturam in se manus conuertere; ideo quamuis, qui partem abscidit alteri, non sit irregularis, nisi totum abscindit membrum, qui tamen sibi partem abscindit, irregularis est. Percussor autem sui citra abscissionem irregularis non est, quia vita nō priuat membrum, nec partem aliquam sui corporis. Sui ergo mutilator, etiam occultus est irregularis, sicut & mutilator alterius. Est autem irregularitas ex delicto, vti diximus, sicut illius, qui mutilat alterum. Irregularitas verò, quæ confurgit ex notorietate criminis, communis est multis criminibus, etiam si non sit abscissio vlla: nam confurgit ex adulterio, & ex sui graui percussione, & ex alijs multis. At hæc, quæ est ex sui abscissione, est ex criminis qualitate, ideo etiam occulta inducit irregularitatem. Quòd si quis alios defectus pateretur ex culpa, nimirum lepram, aut claudicationem, aut alia, quæ per se faceret irregularitatem, non aliter irregularis esset, quàm si ex culpa non esset, si tamen crimen esset notorium, tunc notorietas criminis faceret irregularitatem: in abscissione autem est particulare, quod diximus propter causam assignatam.

Quidam extendunt irregularitatem ad causam, quando culpa eius abscissio facta est, etiam si ipse non se absciderit; vnde Hostien. cap. i. de æta. & quolit. & cap. ex parte, i. de corp. vitia. dicit, quando aliquis comprehensus est in adulterio, & ei à marito adulteræ abscinduntur virilia, esse irregularem, quod videtur probari ex c. i. de corp. vitia. vbi presbyter acceptans duellum spontè oblatum, & partem digiti amittens, censetur irregularis; hoc tamen non puto verum, sed quando notorium est crimen; & tunc non propter abscissionem, vt isti putant, sed propter adulterium notorium, aut propter duellandi peccatum, & hoc illud cap. i. allegatum significat.

* * *

De irregularitate ex defectu animæ.

CAPVT LVIII.

DEffectus animæ irregularem facit hominem, non quicumque, sed qui iure expressus est. Est autem hoc in loco considerandum, quosdam inconsiderare Hæreticos & infideles non baptizatos, inter irregulares ex defectu adnumerasse, quod verum non est: nam non baptizati, irregulares dicendi non sunt, cum non sint capaces ordinis: Hæretici verò sunt ex delicto irregulares. In primis igitur, irregulares ex defectu animæ sunt demoniaci, insani, lunatici, morbo caduco affecti; hos enim coniungo, quia eadem serè est ratio omnium, & in canonibus coniungi solent, quos non pono inter irregulares ex defectu corporis, ut fecerunt Anton. 3. p. titulo 28. cap. 5. & Nauar. in sum. cap. 27. num. 203. quamuis enim aliquo modo id dici posset, tamen Gelasius inter perculos mente, animæq; vitium passos adnumerauit, d. 33. can. vsquequo, & ibi Glo. Hæc igitur prima irregularitas ex defectu animæ sequentibus dictis explicatur.

Primò vexari à Dæmone, qui energumeni, & arreptitij dicuntur, si nondum sunt promoti, nunquam sunt promouendi, etiamsi vel semel vexati fuerint, & postea in totum liberati, hoc habetur can. maritum, & can. clerici, d. 33. Gloss. autem, can. communiter, eadem d. affirmat hoc dictum esse sine contradictione.

Secundò huiusmodi à Dæmone vexati, & nondum promoti, non solum nunquam sunt ad maiores ordines promouendi, sed nec ad minores, hoc est contra Gloss. can. clerici, d. 33. & contra Archidia. ibidem, contra quos sentiunt Gemin. Praposs. & Turrecre. eodem can. clerici. quorum opinio probabilior, & canonum conformior est.

Tertio, si huiusmodi vexati à Dæmone erant promoti in minoribus, quando arrepti sunt, etiam sani & liberi ad maiores nunquam ascendunt, hoc est, quod statuitur can. clerici, d. 33. v. Doct. allegati rectè dicunt, & Glo. etiam confirmat.

Quartò, si iam promoti erant in maioribus, quando arrepti sunt, si omnino sunt liberati, post tempus certum probationis ministrare possunt in altaris ministerio, secus si non omnino aut nec in toto liberati sunt, hoc habetur can. communiter, d. 33. iuxta intellectum Gloss. Hugo. Gemin. & Praposs. & Archid. quid

quidquid alij aliter sentiant. Probatio autem est per spacium vnius anni, in quo si per discretionem Episcopi inuentus fuerit à vexatione Dæmonis liberatus, ministrare permittitur in altaris ministerio, hoc habetur in eodem can. communiter.

Quintò, idem sentiendum est de ijs, qui aliquando in furiam conuersi insanierunt, aut sunt lunatici, id est lucida passi sunt interualla, aut morbo caduco laborant, dicti epileptici; hi enim si promoti non sunt, nunquam promouentur, can. maritum, dist. 33. hos omnes coniūgit Gloss. can. communiter allegato, & est communis sententia quantum ad promotos.

Sextò, si iam sunt promoti, non permittuntur ministrare, dum non sunt liberati, cap. vsquequo, eadem d. Quod si sunt liberati à morbo, tunc dico.

Septimò, cum Gloss. cap. communiter vel in toto liberati sunt, vel non in toto, si omninò, & in toto, tunc ministrare possunt, sicut & vexati à Dæmone, longè enim differunt iam promoti ab ijs, qui nondum promoti sunt, quando in furiam inciderunt, hi nunquam promouentur, etiam in totum liberati; illi verò in susceptis ministrant, 15. q. 1. can. si quis. §. sicut ergo. Est autem idè tempus probationis, nempe annus, nec est contrariū quod habetur 7. q. 2. can. nuper. vbi probatio in morbo caduco datur per triginta dies, ibi tamen Gloss. responder bene, hanc triginta dierum probationem datam esse illi, de quo non constabat illo laborasse morbo, immò negabat vniūquam talem fuisse morbum passum: probatur autem per triginta dies, an id verum sit, ac si constat aliquando laborasse, ad cognitionem liberationis à morbo certo, opus est anno, sicut in à Dæmone vexato, & hæc est vera interpretatio, & concordia canonis vtriusque, quam non rectè ponderant Turrecr. can. communiter, d. 33. dixit in Dæmoniaco probationem esse vnius anni, in morbum caducum patiente, triginta dierum; quod tamen falsum est, cum sit eadem omnium ratio. Anton. etiam 3. p. tit. 28. c. 5. propter hos canones dixit esse tempus probationis arbitrarium: at verum est, quod diximus, & canones sic sunt conciliandi.

Octauò, quòd si non est in totum liberatus à morbo caduco, tunc distinctione opus est: aut enim frequenter laborat, & tunc non potest ministrare, 7. q. 2. can. in tuis, aut raro: & si raro, vel quando corripitur; cadit cum vocis confusæ emissionē & spu.

& spumæ iactatione, & tunc non est iam permittendus ministrare in altari; aut cadit, sed sine his prædictis accidentibus, & tunc permittitur ministrare cum coadiutore sacerdote, qui suppleat ministerium, si forte defecerit. 7. q. 1. can. illud hoc dictum est Gloss. can. communiter. d. 33. & est communis sententia. De lunatico, & amente, eadem est distinctio in promotio, nimirum si raro, aut frequenter laborat, & si frequenter, nõ debet ministrare; si raro, cum coadiutore, quando non furit, vel motus corporis distortus facit, sicut qui spumas iactat, & voces confusas edit. In dæmoniaco autem necessaria est omnimoda liberatio, ut permittatur ministrare, quia in eo maius est scandalum. In hac irregularitate Episcopus non dispensat sed solus Papa.

Secundo sunt irregulares ex animæ defectu Neophiti, id est nouiter ad fidem conuersi. d. 48. can. 1. & 2. & can. qui in aliquo d. 51. hi enim non promouentur ad maiores ordines, nisi post aliquam temporis moram, ut discant mores Ecclesiæ, & post probationem, an in suscepta fide stabiles sint arbitrio Episcopi; post vero irregulares non sunt, eam te, de rescript. Attendente, Neophitos non repelli à minorib⁹ ordinibus; sed à maioribus, ut dicunt Gemin. can. prohibentur, & Archid. Præposit. & Turrecr. cap. quoniam, d. 48. & colligitur ex can. quicumque, d. 77. quidquid dicat Silu. ver. Neophitus. Attende rursus, filios conuersorum, qui baptizati sunt in infantia, non reputari inter Neophitos, ut notat Turrecr. can. prohibentur, d. 48. sed eos, qui nouiter in ætate adulta fidem, & baptismum susceperunt. Attende rursus secundum eundem, nec esse Neophitos, qui iam à multo tempore sunt ad fidem conuersi, multum autem tempus spatium est decem annorum. In hac irregularitate solus Papa dispensat, ut existens Neophitus sacris initietur.

Tertio, irregulares ex defectu animæ sunt illiterati, d. 36. & d. 51. can. qui in aliquo. & d. 55. can. pœnitentes. Episcopus autem non potest dispensare cum pœnitens illiterato, qui nesciat legere, nec ad primam tonsuram, ut habetur cap. nullus, de temp. ord. in 6. idque notant Gemin. Præposit. & Archid. can. non cõdat. d. 50. Hugo autem citatus à Gemin. & Archid. dicebat Episcopos posse dispensare cum penitus illiteratis, quia quotidie id faciunt Papa sciente & tolerante; tamen Archid. & Gemin. id negant propter cap. nullus, allegatum: solum enim Papam id posse facere affirmant, idque maxime post

Concil. Triden. sess. 23. cap. 4. vbi statuit neminem esse prima tonsura initiandum, qui fidei rudimenta edoctus non fuerit, quique legere, & scribere nesciat. Ad maiores autem ordines maior scientia necessaria est; opus est enim linguam latinam intelligere, qui ad Subdiaconatum, vel Diaconatum est promouendus; & adhuc maior necessaria est in Sacerdote simplici, vt saltem officij sui peritiam habeat: qui autem primam tonsuram penitus illiterato confert, à collatione primæ tonsuræ per annum est ipso iure suspensus, vt habetur eod. ca. nullus, de temp. ordin. in 6. & in c. cum sit ars, de ætat. & qual. graui vltioni subiacerere decernuntur Episcopi, qui ignaros, & rudes promouent in sacerdotes, quæ vltio grauis ad ipsos ordinatos extenditur. defectus autem scientiæ, non solum ab ordine suscipiendo remouet, sed etiam deijcit à suscepto, arg. cap. quamuis de ætat. & qual. vbi Episcopus nesciens Grammaticam, Episcopatu priuatur.

Quarto ad defectum animæ reduci potest irregularitas pœnitentium; olim enim publicæ & solennes iniungebantur pœnitentiæ pro quibusdam criminibus enormibus, & vulgatissimis: vni autem semel in vita imponebatur, vt notat Gloss. canon. quamuis, in d. 50. & hi dicebantur pœnitentes, & à promotione repellebantur, can. placuit, & cano. quicumque, d. 59. & can. pœnitentes, d. 55. & can. infames, 6. q. 1. Videtur autem hoc ad defectum animæ spectare: nam vt dicit Anton. 3. p. tit. 28. c. 6. §. 1. vna ex causis, propter quas hi repellebatur à promotione, erat timor, ne relaberentur, quod quidem ad animæ defectum pertinet. Cum his solus Papa dispensat vt affirmant Archid. & Præpos. can. non confidat, d. 59. Non imponebatur hæc sollemnis pœnitentia clerico, nisi prius deposito, vt dicit Gemin. can. si ille, d. 50. & Anton. loco citato, & sic per sollemnem pœnitentiam, etiam suscepti ordinis impediatur executio.

De irregularitate ex defectu Sacramenti.

C A P V T LIX.

Quid bigamia, & quotuplex.

Bigamia est multiplicatio nuptiarum qui enim pluries contraxit, bigamus cœsetur, siue ter, siue quater, siue pluries; ad effectum

ad effectum enim irregularitatis parum refert multitudo, dummodo vnitas excedatur: ideo vno nomine omnes bigami censentur, quamuis vocabulum binas tantum nuptias significet. Est autem iuxta Gloss. c. 2. de bigam. duplex bigamia, vna vera, altera interpretatiua. vera est, vbi re ipsa interueniunt multæ nuptiæ, nimirum quando aliquis successiue duas, uxores legitimas duxit. Interpretatiua vero, vbi plures nuptiæ ex parte viri non interuenerunt, duxit viduam, siue corruptam ab alio, aut re ipsa nuptiæ non fuerunt, sed attentatæ: ius verò hos reputat tanquam bigamos. Speculat. tit. de dispensat. de irregular. §. iuxta vnam speciem irregularitatis, quam Gloss. interpretatiuam appellat, ipse vocat similitudinariam, nimirum, quando, qui votum habet solemne, de facto contrahit, etiam cum Virgine: quæ dicitur similitudinaria, quia qui votum solemne castitatis vouit, quoddam matrimonium spirituale cum Deo contrahit, vnde bigamus censetur, si cum homine iterum contrahere de facto tentet, vt dicit Archid. 27. q. 1. cano. quot. Vnde Speculator distinxit bigamias tres, veram, interpretatiuam, & similitudinariam. Gemin. & Fran. c. alterationis, de bigam. in 6. hanc bigamiam interpretatiuam iterum in duas diuidunt; Vna est simpliciter interpretatiua, altera non simpliciter, sed ex quadam iuris fictione. Simpliciter interpretatiua est, quando aliquis contrahit cum Vidua; vere enim vir bis non contrahit: tamen ius interpretatur esse bigamum, qui eam, quæ bis contrahit, duxit, & carnem suam diuisit. Ex iuris fictione est, quando non est matrimonium, sed ius fingit esse, quia attentatum est matrimonium, vt quando contrahit aliquis bis, semel quidem validè, semel nulliter, alijsque modis, de quibus postea dicemus. Hæc omnia in sequentibus manifesta fient.

Bigami omnes prædicti à promotione repelluntur, suntque irregulares. Assignant autem Doct. quatuor causas ex canonibus collectas, propter quas bigami irregulares sunt, & ab ordinibus arcantur, quas colligit Panorm. in rubr. 1. de bigamis.

Prima est, ex defectu sacramenti, ex cap. debitum, de bigam. Est autem defectus sacramenti sic; bigamia enim non habet totam perfectionem matrimonij quantum ad significationem: nam matrimonium signum est, non tantum vnionis animarum cum Deo per gratiam, & vnionis. Verbi cum natura humana; sed etiam vnionis Christi cum Ecclesia, ea. debitum, de bigam.

hanc tertiam significationem non habet bigamia : nam vnio Christi cum Ecclesia est vnus cum vna, bigamia autem est vnus cum pluribus, nempe vnus vxoris cum pluribus maritis successiue, aut vnus mariti cum pluribus vxoribus. Est ergo defectus sacramenti significationis in bigamia. cum ergo sacerdotis sit ministrare sacramenta, merito repellitur ab ordinibus, qui ad sacerdotium ordinantur, is, qui imperfecte recipit vnum sacramentum, hacque de causa irregularitas hæc dicitur ex defectu.

Altera causa est propter prærogatiuam ordinis, d. 26. can. vna. vt tanto officio nemo accederet, qui in perfectione aliqua esset notatus.

Tertia est, quia præsumitur incontinens qui pluries contrahit, ex can. proposuisti. d. 28. bigamus enim quisque in continentiæ argumentum habet.

Quarta est, quia bigamus non potest facile ceteros hortari ad castitatem, & continentiam, quam de eo non præsumunt, ca. vna. d. 26. Hæ sunt causæ, propter quas canones à promotione, & ordinum exercitio repulerunt bigamos, quamuis nõ sint omnes hæ causæ simul in singulis bigamis, vt in sequentibus manifestabitur.

De speciebus, & modis bigamia in particulari.

C A P V T L X.

Multis modis bigamia irregularitatem inducens inuenitur. Est ergo prima bigamia vera, & simpliciter, nempe quando aliquis plures successiue duxit vxores legitimas, can. qui sine crimine, d. 26. siue vnam ante baptismum, alteram post, can. acutius, d. 26. siue vtramque ante baptismum, can. vna. eadē d. siue vtramque post baptismum, can. maritum, d. 31. Est autem obseruandum, quantum ad effectum irregularitatis non censerī bigamiam, nec bigamum, nisi intercedat copula, fueritque matrimoniū consummatum, vt notant communiter Doct. ex cap. debitum, de bigam. Quando ergo vnam duxit, & non cognouit, eaque mortua alteram duxit, siue cognouerit, siue non, non est bigamus: vnde si hæc mortua fuerit, aut monasterium intrauerit, potest ordinari, similiter si
prio-

priorem cognouit, non autem posteriorem, hæc est prima bigamia, & irregularitas ex defectu sacramenti, secundum omnes Doctores.

Secunda est, quando aliquis contrahit cum vidua, can. curandum est, d. 34. & cap. 2. de bigam. siue eam duxerit ante baptismum, siue post, ut habetur can. si quis viduam, d. 34. in quo præponitur sententia Augustini opinioni Hieronymi; bigamia enim hæc sine peccato contrahitur, unde manere potest etiam remisso peccato. Sunt autem duæ conditiones necessariæ ad hanc bigamiam ratione irregularitatis contrahendæ. Vna est, ut sit vidua corrupta, si enim remansit virgo, qui cum ea contrahit non est irregularis, ut patet cap. debitum, de bigam. Altera ut etiam intercedat copula cum posteriori; si enim aliquis duxit viduam cognitam, tamen ipse non cognouit, non fit irregularis, hoc deducitur ex eodem cap. debitum, & expressè docent Panorm. c. super eo. de bigam. n. 7. & Turrecan. si quis viduam, d. 34. & est communis sententia. Hæc bigamia est ex defectu sacramenti, ut constat ex cap. debitum, de bigamia. nam vnio Christi cum Ecclesia est vnus cum vna, ut qui ducit viduam, ducit eam, quæ est duorum, nec est vna perfectè. Hanc etiam bigamiam Gloss. cap. 2. de bigam. appellat interpretatiuam, idque communis sententia probat; id tamen limitatione, & declaratione indiget; longam enim dixerunt bigamia, & bigamus. Bigamia est multitudo nuptiarum; bigamus autem, qui plures celebrat nuptias, quando ergo aliquis contrahit cum vidua, ibi reperitur multitudo nuptiarum: nam matrimonium respectu viduæ est secundum. Erit igitur verè, & propriè bigamia, sicut quando vnus ducit secundam, bigamia est, quamuis secunda non alium habuerit maritum, & sit virgo. Igitur vera, & simpliciter bigamia est, quando aliquis ducit viduam, & deficit perfecta significatio sacramenti: at non est bigamus, qui ducit viduam verè & simpliciter, quia ipse non bis contrahit, sed semel; ius autem interpretatur eum bigamum, quantum ad effectum irregularitatis, quia celebrat nuptias, quæ verè & simpliciter sunt bigamia, & hac de causa dicitur bigamus interpretatiuè.

Tertia est, quando aliquis ducit corruptam ab alio, etiam si semel celebret nuptias censetur bigamus, & est irregularis, can. qui in aliquo, d. 51. & can. curandum est, d. 34. hoc autem debet intelligi, quando cognouit eam, aliter enim non censetur

bitur irregularis, vt notat Panormit. c. super eo. de bigam. num. 7. & est communis sententia, vt notat Panormita. etiam si ignoranter eam cognouerit, censetur irregularis, vnde, qui ducit aliquam putans virginem, & corrupta est, eamque cognouit, ignoranter, irregularis est, quia lex promotionis factum considerat, idem affirmat Gloss. can. nemo, d. 32. & est communis sententia.

Sunt autem aliqua adnotanda. Vnum est, Glossam c. 2. de bigam. cum communi sententia, hanc bigamiam censere interpretatiuam: nam re vera non intercessit duplex matrimonium, sed duplex copula in vno matrimonio, ratione cuius caro diuisa est, ac si mulier vidua fuisset; ideo ius bigamiam interpretatur, & maritum bigamum declarat, quantum ad irregularitatem contrahendam. Gemin. & Franch. cap. vni. de bigam. in 6. hanc interpretatiuam bigamiam esse affirmant, sed veram, quia verè caro est diuisa. Alterum est, irregularitatem ex hac bigamia esse ex defectu sacramenti, quia non representatur vnitas Ecclesie cum Christo; ita affirmat Gloss. cap. 2. de bigam. & Turrecrem. can. si quis viduam, d. 34. cum alijs: & hæc minus accedit veræ & simpliciter bigamie, quam illa, quando ducitur vidua, quia etiam si sit diuisio carnis, non tamen est multitudo nuptiarum, vnde magis est bigamus, qui contrahit cum vidua, & minus representat sacramentum; hæc tamen quæ cum corrupta sit, est maius argumentum incontinentie, & talis bigamus minus potest haberi castitatem, & indignior est prerogatiua ordinum.

Tertium est, esse valdè controuersum inter Doct. an qui deflorauit prius virginem, & postea duxit eam uxorem, & consummauit matrimonium, censetur irregularis & bigamus, sicut ille qui duxit corruptam ab alio. Hugo 30. q. 5. can. qualis, & Hostien. in sum. tit. de bigam. §. circa. q. 6. & cap. sanè. 1. de cler. coniug. & Gloss. can. nemo, d. 32. & Turrecrem. c. q. 5. can. qualis. cum alijs tenet, quod sic, & re vera est opinio magis veridica; tamen quia communis sententia tenet non esse irregularem, cum caro non sit diuisa, & quia hæc est de iure positio, & canones in contrarium facientes possunt interpretatiorem admittere, ideo tenendum est non esse irregularem. Comuniorem esse hanc sententiam, & celebriorem affirmant idem et Hostien. & Archid. d. 32. can. nemo. & Panormi. cap. debitum, num. 2. de bigam. vbi etiam eam tenet Henric. Boic. cap. vt bigam. de bigam. dicit esse opinionem communiter appro-

approbatam, & eam tenet Gloss. etiam cap. sanè, de cler. coniug. dicit esse veriores. Goffred. de bigam. nu. 5. dicit celebriore, & S. Thom. 4. d. 27. q. 3. ar. 1. q. 3. ad 2. dici probabiliores, & eam sequitur. Cum communi ergo sententia improbabilior, quorum certa ratio non est, sentiendum videtur. Hinc sequitur, cum in c. vni. de cleric. coniug. in 6. definitur, quando quispiam habitum portat, & duxit unicam, & virginem, non amittere priuilegium clericale, si contraxit cum virgine, à se tamen prius corrupta, censeri contrahere cum virgine, & non amittere priuilegium, ita Gloss. ibi. rursus in quibusdam militijs datur facultas contrahendi semel, & cum virgine potest miles contrahere, etiam cum à se ante corrupta, ita habet Glo. in decif. Tholosan. q. 219.

Quarta est, quando aliquis duxit uxorem etiam virginem, quæ postea adulterata est, ille autem cognouit eam post adulterium, irregularis est, can. si cuius, & can. si laici, d. 34. diuisit enim carnem, sicut si contraxisset cum corrupta, hanc esse interpretatiuam bigamiam tenet Gloss. cap. 2. de bigam. & Panormitan. cap. super eo. Esse etiam ex defectu sacramenti tenent eadem Gloss. & Panorm. c. super eo. eod. titu. Archid. can. si cuius, d. 34. & Turrecrem. can. si quis viduam, eadem d. & est communis sententia, quamuis Ioan. de Anan. ca. si vit. de adulter. dicat non esse bigamiam, nec carnem diuisam, sed esse simplicem prohibitionem, ne talis promoueatur. Sequenda tamen est communis sententia, citra quam sunt adnotanda aliqua.

Vnum est, si maritus accusat de adulterio uxorem, & lite pendente eam cognoscit, esse irregularem censendum, ita affirmant Glo. can. si cuius, d. 34. & ibi Turrecre. & Goffred. de bigam. nu. 9.

Alterum est, esse controuersiam inter Doctores, an si ignoranter cognouit uxorem suam post adulterium sit bigamus, & irregularis: quando enim scienter cognouit; nemo dubitat esse irregularem: at si ignoranter, tunc est controuersia, Gemin. can. si cuius, d. 34. citat Hugo. & Archidia. affirmante, qui ignoranter cognouit uxorem adulteram, in susceptis posse ministrare, tamen non posse amplius promoueri: ipse tamen Geminia. tenet contrarium, nempe neque in susceptis etiam posse ministrare, quia bigamia vtrumque impedit: nec consideratur error, sed factum ipsum, sicut quando cum corrupta contraxit. Henric. Boic. cap. vt bigam. de bigam. citat Archidiao. &

non probat eius sententiam, nempe in susceptis posse ministrare. Panorm. c. super eo. de bigam. generaliter tenet, qui cognouit uxorem, siue ignoranter, siue scienter, esse irregularem, nec censet distinguendum inter scientiam, & errorem, quia non agitur de vitio ordinandi, seu de defectu sacramenti, & hæc opinio communior est, & verior.

Tertium est, esse etiam controuersum, si aliquis cognouit adulteram uxorem iussu præcepto Ecclesiæ, an sit irregularis, Innoc. c. inquisitioni, de sent. excom. negat contrahere irregularitatem, can. si cuius, d. 34. eum, qui iussu, & præcepto iudicis adulteram cognoscit, nisi quando esset adeo notorium crimen, quod ipse posset propria auctoritate sine iudice uxorem repellere. Hæc Ric. Boic. c. vt bigami. de bigam. citat alios in contrarium, & dicit esse eorum opinionem tutiorem, quia lex promotionis factum requirit, in quo nec error, nec violentia locum habet, arg. 15. q. 1. can. vlt. vbi virgo vi corrupta inter corruptas numeratur, quia lex factum requirit, & irregularitas sine peccato: immo aliquando cum merito contrahitur: nam & iudex reum morti tradens, meretur, & est irregularis. Hanc opinionem sequitur Turrecre. can. si cuius, d. 34. & communis est. Hæc sunt tres irregularitates interpretatiuæ secundum Glo. c. 2. de bigam. & Panorm. c. super eo. eodem tit. nimirum quando aliquis viduam, aut corruptam ducit, aut propriam post adulterium cognoscit. Hæc quatuor bigamiæ species, quarum prima est simpliciter, reliquæ tres interpretatiuæ sunt ex defectu sacramenti, vt diximus ex Glo. allegata.

De alijs bigamia speciebus.

CAPVT LXI.

GENVS tertium bigamiæ, vt superius diximus, non est bigamia in veritate, sed ex quadam iuris fictione: hoc autem genus nonnullas habet sub se species. Prima est, quando aliquis mortua vxore legitima ad sacros ordines promouetur, & postea de facto consummat matrimonium cum alia, quod iure nullum est, hic bigamus non est verè, nec simpliciter, vt dicunt Prapof. & Gemina. cap. vii. de bigam. in 6. Nec est ex defectu sacramenti, quia secundæ nuptiæ de facto sunt, & non de iure, sed propter defectum intentionis, quia quan-

tum

num in se est, tentauit nuptias secundas opere subsecuto, irregularis est, & irregularitatem bigamiae contrahit, c. nuper, de bigam. ubi totus casus hic notatur.

Secunda est, si subdiaconus, & consequenter in maiori ordine constitutus contrahat cum vidua, & consummet matrimonium, censetur irregularis, non quod sit vera bigamia, nec sit defectus sacramenti, cum nullum sit matrimonium, sed propter intentionis affectum opere subsecuto.

Tertia est, quando aliquis, etiam laicus viuente vxore legitima, secundas nuptias celebrat, etiam iure non validas, quia nimirum non poterat contrahere cum illa, censetur bigamus non verè & simpliciter, nec ex defectu sacramenti, sed propter intentionis affectum: casus est in c. nup. de bigam. ubi qui duas habet vxores, vnam de iure, alteram de facto, censetur irregularis, quamuis non bigamus vera seu simpliciter bigamia, quia verè non sunt nuptiae, idem si mortua erat prior, & postea constitutus in ordine contraxit mulier. Nec est defectus sacramenti, ut in ipso capite definitur. Omnes hi non sunt bigami in veritate, sed habentur pro bigamis.

Occurrunt aliqua dubia, Vnum est, an qui contraxit cum secunda, mortua priori, & nullum est matrimonium, non ex illa causa, quia vivebat prior, cum sit mortua, sed alia quacunque de causa, vel quia consanguinea, vel quia aliud intercessit impedimentum, censetur bigamus, & irregularis. Ratio dubitandi est, quia in cap. nuper, de bigam. non fit mentio, nisi duorum casuum, nempe quando est nullum secundum matrimonium, quia vivebat prior, aut quando, etiam si mortua est prior, nullum est secundum, quia celebratum erat ab existente in ordine sacro. Quando ergo secundum matrimonium nullum est alijs de causis, ut in laico, qui mortua legitima contraxit secundò cum consanguinea, non videtur censendus, nec reputandus bigamus: semper autem intelligimus copulam in utroque intercessisse: nam sine copula secundum communem opinionem nulla bigamia contrahitur. Archid. 34. d. can. cognoscamus, dicit, quod si quis mortua priori contrahat secundò, & nullum est secundum ignorante ipso, non induci irregularitatem, quia cap. nuper, procedit, quando qui secundò contrahit, est in culpa. Hostien. in summ. de bigam. nume. 3. tenet contrarium, & Panorm. c. nuper, de bigam. nume. 4. qui allegat pro hoc opinionem communem, nempe quomodo, cumque secundum sit nullum, siue scienter, siue ignoranter,

siue ex illis causis, siue ex alijs, induci irregularitatem, vnde laicus mortua etiam priori legitima secundò contrahens, quacumque de causa nullum sit secundum, reputatur bigamus ad effectum promotionis, quia non attenditur culpa, sed factum, seu intentionis affectus cum opere subsecuto, & hæc opinio communis est tenenda: nam etiam si caput *nuper*, meminerit illorum casuum, tamen ratio communis est & illis, & istis.

Alterum dubium est, si quis bis contraxit, & vtrumque matrimonium nullum est, siue vtramque viuentem, siue vna mortua alteram duxerit, & consummauit, an sit reputandus bigamus ratio dubitandi est, quia cap. *nuper*. non exprimit alium casum, nisi quando vnus contrahit cum secunda de facto, priori viuente, intercedente copula cum vtraque. Respondeo secundum Doct. generaliter, quibus contrahit, siue vnum sit validum, alterum inualidum, siue vtrumque inualidum, esse censendum bigamum: ita habent Innoc. cap. *nuper*. de bigam. & Hostien. in sum. tit. de bigam. nu. 3. §. quot sunt species, & Gofred. de bigam. nu. 1. cum alijs multis, & Anton. 3. p. tit. 28. ca. 3. & verba, c. *nuper*. id ipsum significant. Si quis inquit de facto contraxerit cum diuersis, quibus de iure non posset matrimonialiter copulari. Ratio etiam capitis procedit cum omnibus his, quia intentionis affectus, opere subsecuto, attenditur forma enim matrimonij etiam si veritas non sit, sufficit ad hæc irregularitatem dico formam matrimonij, quia vbi non est, tunc est bigamia; ex quo sequitur, qui plures habet cōcubinas, siue simul, siue vnā post alteram, non censetur bigamus, vt habetur c. quia circa, de bigam.

Tertium dubium est, an qui contraxit, & consummauit cum vidua, vel corrupta, nullus censeatur bigamus, loquor de laico, aut in moribus constituto: nam qui nulliter contraxit cum vidua, quia erat subdiaconus, bigamus reputatur, vt c. à nobis, de bigam. Ratio autem dubitandi est, quia illud c. à nobis, non procedit, nisi quando qui contraxit cum vidua, subdiaconus erat, qui ergo non erat subdiaconus, nec votum solenne habuit, sed laicus, aut in minoribus constitutus, & matrimonium nullum est alijs de causis, non videtur censendus bigamus, propter hanc rationem. Nauarr. in summ. cap. 27. c. de bigam. tenet non esse irregularem eum, qui laicus, vel in minoribus contrahit nulliter cum vidua. Hostien. verò in sum. de bigam. num. 3. §. quot sunt species, & cap. 1. de bigam. tenet contra-

contrarium, affirmans irregularem, & bigamum, qui de facto contraxit cum corrupta & Gofre. in sum. de bigam. nu. 10. ubi tenet non posse promoueri tanquam bigamum, & ea est communis sententia; generalis enim ubi matrimonium de iure celebratum induceret irregularitatem, etiam de facto eandem inferret, & ita Rot. decis. 1. de bigam. alias 447. in nouis. definitur de clerico in minoribus, qui nulliter contraxerat cum vidua; facit pro hoc, quia ratio decisionis textus; nempe intentionis affectus opere subsecuto militat etiam in non clerico: natura autem rationis legis est restringere, & ampliare dispositionem legis, etiam in odiosis, ut dicit Panorm. c. 1. de iuram. calum. num. 8. Nec valet ratio Nauar. nempe rationem textus non esse integram, sed integrandam, quia ille subdiaconus similitudinariè contraxerat cum alia, hoc tamen supplemētum est ad libitum: nam tunc non erat cur diceret contraxisse cum vidua, cum etiam si cum virgine, seu innupta contraxisset, esset irregularis, ut paulo inferius dicemus. Nec potest dici, non esse expressum in iure, quia cum ratio legis est expressa, dicitur etiam esse expressam; hoc enim argumento probamus, cum aliquis bis contraxit cum duabus nulliter successiue, irregularē esse, cum tamen c. nuper, de bigam. loquatur de eo, qui vna viuente alteram duxit; tamen quia ratio legis etiam in illo militat, dicimus etiam id iure expressum. Non ergo est à communi sententia discedendum in hac parte. Hæc de bigamia interpretatiua, tam vera, quam ex fictione iuris.

Tertij generis bigamia erat similitudinaria, hæc autem est, quando habens votum solemne castitatis, nempe monachus professus, vel clericus in maioribus constitutus de facto contraxit, etiam cum virgine, & consummauit, irregularis est, 27. q. 1. can. quotquot, ubi Archid. rationem adfert, cur bigamus similitudinariè dicatur, quia cum per votum solemne prius cum Deo contraxisset spirituale matrimonium, tentauit postea cum homine contrahere, Gloss. c. 2. de bigam. ut superius diximus, interpretatiuam bigamiam hanc etiam appellauit, sed non est ex defectu sacramenti, sed ex affectu intentionis. Aduerte, sæpe prohiberi quosdam à promotione, etiam propter matrimonium, sed non ob id bigamos censerī, ut qui duxit ancillam, etiam virginem, ut dicitur, can. si quis viduam, d. 24. aut aliquem ex ijs, quæ mancipantur spectaculis publicis, &c. hoc tamen magis ad quandam infamiam pertinet.

Circa bigamos hoc vltimo est adnotandum, clericos, qui in clericatu existentes bigamiam contrahunt; non solum irregulares esse, sed etiam priuilegium, can. si quis suadente, 17. q. 4. perdere, est enim duplex priuilegium clericale, vnum foris, alterum canonis, nempe, quia percussores eorum excommunicati sunt, illud clerici coniugati perdunt, hoc verò retinent; vtrumque autem amittunt bigami, per c. altercationis, de bigam. in 6. quamuis quidam illos iure etiam antiquo perdidisse affirmant, can. quisquis, d. 84. & ibi Gloss. An autem hæc pœna omnes bigamos comprehendat, in disputatione est: nam Gloss. illius cap. altercationis. tenet propter quamcumque bigamiam veram, seu interpretatiuam, aut similitudinariam priuilegium hoc amitti, tamen Archidia. Gemin. & Philipp. Franc. dicunt non ligare hanc pœnam eos, qui in maioribus constitutis bigamiam contrahunt, sed eos solum, qui in minoribus, vnde presbyter coniugatus, si post susceptum ordinem de facto contrahit, non amittit priuilegium; perdit autem, si clericus est in minoribus; & ratio dissimilitudinis est, quia qui in minoribus est, potest conuerti ad statum secularem; & contrahere verè, & de iure; at in maioribus constitutus non potest retrocedere; ideo non debet priuari priuilegio, cum obligetur manere in eo statu. Addit aliam rationem, quia illa bigamia non est vera, sed ex iuris fictione; verba autem constitutionis, maximè pœnalis, debent interpretari in propria significatione, quando est vera bigamia, aut interpretatiua propria, iuxta quam rationem, nec clericus in minoribus erit nudatus priuilegio, quando ex nulliter, & de facto matrimonio fit bigamus, quia talis bigamia, nec est vera, nec interpretatiua propriè, vnde Gosfred. in sum. de bigam. dicit, Clericum etiam in minoribus, qui contraxit cum vidua nulliter, etiam si bigamus sit, non amittere priuilegium.

De dispensatione irregularitatis ex bigamia.

CAPVT LXII.

Dubitare aliquis posset, an irregularitas omnis ex bigamia sit ex defectu, an sit aliqua ex delicto; multum enim hoc scire refert ad materiam dispensationis, vti superius adnotauimus; & quidem vt ex narratis constat, dubium non

nō est de illis bigamijs, in quibus intercedunt *veræ* nuptiæ, vt quādo aliquis duxit duas vxores legitimas successiue, aut duxit vnā, vel corruptam, aut copulam habuit cum propria legitima post adulterium; hæ enim, vt diximus ex cap. nuper. & cap. à nobis. sunt ex defectu: at dubium est de illis, vbi non intercedit matrimonium, quas canones expresse negant esse ex defectu, sed tantum censentur bigamiæ propter intentionis affectum. Panorm. ca. à nobis, de bigam. affirmat irregularitatem in presbytero, qui de facto contraxit, esse ex delicto, quo dicto videtur sentire, irregularitates, quæ ex bigamijs procedunt, quæ dicuntur esse, non ex defectu, sed propter intentionis affectum, esse ex delicto, tamen contrarium est sentiendum; omnis enim irregularitas, quæ procedit ex quacumque bigamia, siue quæ cū peccato, siue quæ sine peccato contrahitur, est censenda ex defectu, & non ex delicto, & ratio est, quia quamuis aliquis sit bigamus cum delicto, nō propter delictū irregularis & bigamus declaratur, sed propter sacramentum, explico. Vnus duxit duas de facto, & cum peccato, hic irregularis, & bigamus est declaratus, nō quia deliquit, sed quia quantam est ex parte sua bis contraxit, & canones attendunt animum cum opere subsecuto, quamuis in veritate non fuerit sacramentum, nec defectus sacramenti; ideo etiam si sine peccato id fiat, vt qui nulliter contraxit cum secunda, quia priore mortuam reputabat, & non erat, censetur irregularis; vnde consulto nō dictum est in c. nuper. quia deliquit, sed propter animum, siue intentionem opere subsecuto. Est ergo ex defectu reductiue, non propriè, sicut quæ est vera bigamia, aut illa quæ prouenit ex vero matrimonio; hæ enim sunt propriè ex defectu, ceteræ reductiue. Hoc ergo supposito, dico, materiam de dispensatione in bigamo esse multum inter Doctores controuersam & ambiguam: ea quæ mihi probabiliora sunt visa, proponam per aliquot conclusiones.

Prima est, Papa dispensare potest cum quocumque bigamo ad omnes ordines, maiores, & minores, & ad quascumque dignitates. hanc inter Theologos tenet. S. Thom. 4. sent. dist. 27. qu. art. 7. Inter Iuristas autem Arch. can. lector. d. 34. Præpos. & Gemin. in eodem can. lector. & ibidem Turrecr. qui omnes allegant, & probant sententiam. S. Thom. dicuntq; esse communem vtuntur etiā ratione, & fundamento. S. Thom. nimirum irregularitatem bigamiæ esse introductam de iure positivo, in quo Papa dispensat, idque verum est, quidquid dicant
alij:

alij nec.n. quia Apostolus prohibuit bigamum ordinari, ideo licet inferre, quod non recte intulit Panorm. c. vt bigami de bigam. num. 3. nimirum esse de iure diuino, cum certum sit non omnia, quæ Apostoli instituerunt, iure diuino fuisse instituta; multa enim fecerunt potestate accepta, sicut & faciunt successiores eorum.

Secunda conclusio, Quamuis Papa dispense in omni irregularitate bigamiæ, & ad omnes ordines, & dignitates, tamen difficillime dispensat cum bigamo vero, & minori cum difficultate cum interpretatiuo. Hæc est Præpos. eodem loco, & est communis, ratioque ipsa persuadet: nam sicut bigamia vera minorem habet bigamiæ rationem, quàm interpretatiua, & hæc, quàm similitudinaria, ita etiam maior, vel minor esse debet difficultas. Rursus sicut ordines sunt inæquales, ita etiã difficultas dispensandi, & sic intelligitur ca. super eo. de bigam. vbi cum bigamo ad maiores non licere dispensare dicitur, nimirum quia difficile dispensatur.

Tertia conclusio, Episcopus non potest dispensare cum bigamo vero, aut interpretatiuo ad maiores ordines. ista est Hostien. in summ. de bigam. in fine, Præpos. Gemin. can. lector. d. 54. & Panorm. c. super eod. de bigam. n. 5. in fine, & satis probatur per c. super eo. & c. nuper, de bigam. Quod dicitur de dispensatione ad maiores, intellige etiam non posse, vt in susceptis ministrent, Episcopos dispensare, vt constat ex cap. super eo. allegato.

Quarta conclusio, ad maiores ordines cum bigamo vero, aut interpretatiuo Episcopus non potest dispensare, & cum minoribus coniungo quantum ad hoc primam etiam tonsuram. istam conclusionem tenet Panorm. c. super eo. de bigam. nu. 5. in fi. Præpos. & Gemin. canon. lector. d. 34. & hi duo affirmant esse communem opinionem, pro qua facit can. si quis viduam d. 50. ex Concilio Mart. Si quis, inquit, viduam, aut ab alio dimissam duxerit, non admittatur ad clericatum. quod si irreperit, deijciatur. Panorm. & ceteri allegati hoc probant ex cap. vn. de bigam. in 6. vbi clerici bigami omni clericali privilegio nudantur, & prohibentur sub anathemate deferre habitum & tonsuram. Si ergo bigami non possunt deferre habitum & tonsuram, ergo Episcopus non potest dispensare cum eis ad minores: nam debent deferre habitum & tonsuram, quod prohibitum est, nec Episcopus potest prohibitioni papali contradicere, nec eam tollere. Hac ratione isti Doctores vtuntur;

nec

nec valet responsio Hen. Boic. c. vt bigami. de big. n. 26. quod hoc caput loquitur de clericis, qui contraxerunt bigamiā post clericatum; ij enim in pœnam exuuntur habitu, & tonsura, non, inquam, valet: nam hi clerici non peccarunt contrahendo, quia erant in minoribus, & potuerunt contrahere. non ergo exuuntur propter pœnam, sed propter irregularitatem, quæ est ex defectu sacramenti, vnde, cum sit irregularis etiam, qui ante clericatum contrahit, comprehenditur eodem decreto, si casu ordinem susceperint hanc conclusionem teneo vt tutiorem cum communi, quamuis contrarium teneant. S. Thom. 4. d. 27. q. 3. art. 3. Host. in sum. de bigam. in fine cum alijs; tamẽ cum cõmunis sententia sit in oppositum, & canones id significare videantur, saltẽ incertum est, & dubium, an Episcopus id facere possit: in incertis autem tutius est abstinere à dispensando. Accedat auctoritas congregationis Concilij sess. 23. ca. 17. quæ ex sententia Sixti V. Episcopum cum vero bigamo, qui duas successiue duxerat, dispensantẽ ad primā tonsuram, & beneficium simplex. quod etiam eidem dispensato contulerat, iudicauit ipso iure suspensum ab ordinum collatione; dispensatum autẽ ab exercitio suspensum, & beneficii nullam fuisse collationem, nec fructus suos fecisse.

Quinta conclusio, non solum Episcopus non potest cum vero, aut interpretatiuo dispensare in minoribus suscipiendis, sed nec in susceptis. hæc esse mentem eorundem Doctõrum, & probatur, nam aut post bigamiam accepit clericatum, aut ante; si post, non potest Episcopus dispensare: nam ex eodem can. si quis viduam d. 50. deijcitur, si quis post bigamiam irrepit in clericatum, in quo can. non potest Episcopus dispensare; quod si minores ante accepit, probabile est olim potuisse dispensare Episcopum, vt in susceptis maneret, per cap. lector. d. 34. at hodie id non potest per c. altercationis, de bigam. in 6. quia tales priuantur omni priuilegio clericali. Hæc dicta sunt de bigamia vera & interpretatiua. Quantum autem ad fictam, seu similitudinem spectat, ponitur.

Sexta conclusio, Episcopus potest in aliquibus casibus dispensare cum bigamo ficto. hæc certa est, & sine controuersia; sunt enim casus, in quibus potest Episcopus dispensare.

Primus est, cum presbytero, qui duxit vxorem post longam pœnitentiam, & vitam laudabilem, Episcopus dispensat, vt ministret in susceptis, ca. sanè 2. de cler. coniug. Gloss. communiter recepta ibi declarat, quando non ante contraxerat, sed

sed semel duxit, & eam virginem, si enim ante contraxerat semel, & iterum contraxit post ordines, non potest Episcopus dispensare, per capit. nuper. de bigam. Similiter si semel, & hanc viduam, adhuc non potest Episcopus, cap. à nobis, de bigam.

Alter casus est, quando diaconus contraxit de facto, cum eo contrito & conuerso, dimissa vxore, dispensat Episcopus, vt ministret in susceptis, & si perfectæ vitæ, & conuersationis fuerit, dispensat in suscipiendis. idem est de subdiacono: ita habetur ca. 1. qui cler. vel vouen. Gloss. communiter recepta intelligit, quando duxit etiam virginem; nam si viduam duxit, quamvis semel, non potest Episcopus, ca. à nobis, de bigam. Similiter etiam si non semel, c. nuper. de bigam.

Tertius casus est, quando post verum solenne castitatis aliquis duxit vxorem, quod non solum commune est subdiaconis, sed etiam monachis, tunc Episcopus dispensat: ita habet Gloss. communiter recepta, can. quotquot 27. q. 1. & allegat can. si qua virgo: ead. d. & causa, quod intellige, si semel, & virgo sit, & adhuc cum monacho sibi subiectis, aliter Episcopus non potest. In alijs similitudinarijs, aut fictis bigamijs Episcopus non dispensat, nempe cum eo etiam laico, qui duxit corruptam, aut bis nulliter contraxit, vt enim dicit. S. Thom. 4. d. 27. qu. 3. art. 3. eadem est difficultas dispensandi cum ijs, qui de facto contraxerant, ac ea, quæ esset, si de iure contraxissent, & hoc est tutius.

Hoc autem est obseruandum, Episcopum posse dispensare cum bigamis in irregularitatibus procedentibus ex bigamia, quæ est ex delicto, quando crimen est occultum, iuxta can. 6. sess. 24. Concil. Trident. quod supra adnotauimus, vnde in omni similitudinaria, quæ ex peccato procedit, si occulta est, iuxta formam Conc. dispensare potest in susceptis, & in suscipiendis,

De irregularitate ex delicto hæresis.

C A P V T LXIII.

Supererat alia irregularitas ex defectu, nempe quæ oritur ex homicidio: at quia hæc coniuncta est cum ijs, quæ ex delicto sunt, & diffuse de ea agendum est, ideo in vltimum locum

locum referuamus. De ijs ergo: quæ ex delicto sunt, tractemus, & primo loco de ea, quæ est ex crimine hæresis; quo nomine comprehendimus non solos hæreticos, qui nomine Christi professione retenta, in parte à fide recedunt, sed etiam Apostatas; qui ad iudaismum, seu ad paganismum post susceptum baptismum se trāsferunt. In huius irregularitatis explanationem sunt sequentia dicta consideranda.

Primò, Hæretici, qui in Hæresim etiam exteriorem lapsi sunt, sunt irregulares ex delicto, can. qui in aliquo, d. 50. Dico, exteriorem, qui per solam interiorem, sicut nec excommunicatio, ita nec irregularitas contrahitur, vt diximus superius in excom. Cœnæ, quod dico de hæreticis, vt iam dixi; dicta puta de Apostatis à fide.

Secundò, non solum hi sunt irregulares, sed etiam ipsorum credentes, fautores, & defensores, hoc habetur ex c. statutum, 2. de hære. qui autem hi sint, explicuimus in excom. in Cœna Domini: illi enim omnes, qui excommunicatione ligantur, sunt etiam irregulares.

Tertiò, non solum ipsi, sed etiam omnium prædictorum filij, etiamsi crimina parentum non fuerint imitati, sunt irregulares, c. statutum, 2. de hæret. Aduerte, olim iure antiquo filios Iudæorum conuerforum; & postea ad iudaismum reuerforum, non affici ex crimine parentum, vt habetur can. Iudæi, q. 4. at postea hoc reuocatum est, contra Christianos, de hære. in 6. vbi Gloss. notat, horum filios habere eandem poenam cum filijs Hæreticorum, c. Elyn. c. vergentis, extra de hæret. Aduerte etiam, hanc irregularitatem esse etiam ex delicto: nam propter crimen parentum filij puniuntur, factique sunt irregulares & inhabiles, non alia de causa, quam propter delictum illorum. Nec est similis ratio in illegitimis: hi enim non sunt irregulares ex delicto parentum immediatè, sed quia non sunt ex legitimo matrimonio, ideo censentur irregulares ex defectu: at filij Hæreticorum, & cæterorum nominatorum, propter crimen parentum immediatè facti sunt inhabiles, & irregulares, ideo, etiamsi nati sunt ante crimen parentum, sunt irregulares, vt statim dicemus.

Quartò, non tantum eorundem prædictorum filij, sed etiam nepotes per lineam paternam sunt irregulares, cap. statutum, de hære. vbi Gloss. & Rebuff. in praxi. de modis amitt. benef. num. 26. explicant lineam maternam, & paternam sic, quando pater est Hæreticus, vel fautor, vel aliquis nominatorum,

tunc filij, & filiorum filij sunt irregulares, non autem filij filiarum, quando autem mater est hæretica, vel fautrix, vel aliqua ex prædictis; filij tantum sunt irregulares, non autem filij filiorum.

Quintò, non tantum filij legitimi comprehensi sunt hac pœna, sed etiam quocumque modo illegitimi, siue naturales, siue spurij, siue manzares, & qualescumque sint. ita Gloss. cap. statutum, de hæret. & ibidem Ioan. And. quando certum est esse verè illorum filios; filij enim nomina, etiam illegitimi comprehenduntur.

Sextò, non quorumcumque Hæreticorum, fautorum, &c. filij sunt irregulares, sed eorū, quos tales esse de facto, aut tales, de vita recessisse probatur; si enim emendati sunt, & per Ecclesiam incorporati, facta pœnitentia, aut eam subire parati, tunc ipsi quidem manent irregulares propter crimen commissum, donec cum eis dispensetur, tamen eorum filij, & nepotes non sunt irregulares, ita habetur c. statutum, citato: neque filij, aut nepotes indigent aliqua dispensatione, post parentum prædictam emendationem.

Septimò, filij relapsorum pœnitentium, & propter relapsum punitorum, & morte damnatorum non censentur irregulares, ita habet Glo. c. statutum, tit. relapsi, quamvis Io. And. teneat contrarium, tamen Glossæ opinio est probabilior, & textui conformior; illi enim non recesserunt e vita impœnitentes, hæretici, aut credentes, &c. nec damnantur propter hæresim, sed propter relapsum.

Octauò, filij hæreticorum, & cæterorum nominatorum, si ante parentum crimen, ordines aliquos susceperunt, nō suspenduntur in susceptis, sed possunt ministrare, ad suscipiendos verò sunt inhabiles post crimen illorum, ita habet Glo. can. factis peruersum, d. 56. communiter recepta.

Nonò, pari ratione non priuatur beneficijs habitis ante crimen parentum, sed ad suscipienda sunt inhabiles post crimen eorum, ita habet prædicta Gloss. & Panormitan. c. vergentis, de hæret. & est communis opinio: sunt tamen ipso iure priuata habitis post illorum crimen etiam ignoranter, similiter etiam sunt suspensi in susceptis post crimen illorum ordinibus, quamvis ignorantia, dum durat, excuset eos à peccato; cum tamen sciuerint, nec administrare, nec beneficia retinere possunt.

Decimò, non potest Episcopus dispensare super hanc irregularitatem, quia procedit ex delicto, à quo non potest absolueri, & cui prohibita est absolutio, censetur prohibita dispensatio; cui enim prohibetur minus, prohibetur maius, c. cum illorum, de sen. excom. Hodie tamen in foro interiori quando delictum est occultum; potest, & absolvere, & dispensare per Concil. Trid. sess. 24. c. 6.

De irregularitatibus ex delicto circa baptismi sacramentum.

CAPVT LXIV. °

CIRCA baptismi sacramentum occurrunt quædam irregularitates ex delicto, pro quarum explicatione nonnulla sint adnotanda.

Primò, qui scienter bis, aut pluries baptismum suscepit, est irregularis, ex delicto, can. eos, quos, de consecr. d. 4. nec ad clericatum admittuntur, can. confirmandū, d. 50. cum ijs solus Papa dispensat, Anton. 3. p. tit. 28. c. 6. §. 3. Episcopus autem ex concessione Concil. Trident. sess. 24. c. 6. dispensat, quando est crimen occultum, etiam ante Concil. secundum Scotum, 4. d. 6. quæst. 8.

Secundò, etiam rebaptizati ignoranter sunt irregulares, can. qui bis, de consecr. d. 4. Est tamen controuersia inter Doct. in hoc dicto, ut constat ex Glo. & Archi. ibi. quidam enim existimant, quomodocumque ignoret etiam si sit ignorantia probabilis, & inuincibilis, esse irregularem, pro qua opinione faciunt verba canonis, quæ talia sunt. Qui bis ignoranter baptizati sunt, non indigent pro eo poenitere, nisi quod secundum canones ordinari non possunt, in hanc sententiam inclinant Archidia. & Gloss. & Anton. loco citato. addunt Archid. & Antonin. in hoc casu posse Episcopum dispensare. Alij tenent, quando ignorantia est improbabilis, seu crassa, esse irregularem; secus tamen si est probabilis & inuincibilis, quia facta diligentia non inuenit se esse baptizatum, in hac opinione est Scot. 4. sent. d. 6. q. 8. & Landul. eum sequens citatus à Turrecr. can. qui bis, & Nauar. in summ. c. 27. num. 246. loquimur autem de ignorantia facti: nam iuris ignorantia in hoc casu non excusat, ut ibi notat Scotus: nam quilibet adultus baptizatus

tenetur scire, baptismum semel tantum suscipiendum esse; puto ergo probabiliter dici posse cum secunda opinione, nempe qui ignorantia probabili ignorabat se esse baptizatum, non esse irregularem, sed quando est ignorantia crassa, quæ est cum peccato, & hoc etiam sequitur Silu. ver. irregularitas, §. 6. facit pro hoc can. solennitates, l. de consecrat. d. i. non inquit, monstratur reiteratum, quod nescitur esse factum, & can. si multa. de consecra. dist. 4. quod etiam procedit in rebaptizante bis ex ignorantia probabili, ut dicemus statim; nihil enim contrahitur ex hoc, verba autem canonis, quæ omnibus ingerunt difficultatem, sic sunt intelligenda, non inquit indigent pœnitere publica pœnitentia, quæ nõ dabatur pro quolibet delicto, sed pro certis grauib; & enormibus: iste autem, qui ignorantia crassa bis baptizatus est, peccauit, & est irregularis, sed non ita grauiter, ut publicè debeat pœnitere, & per hanc declarationem non est opus venire in eam responsionem Scoti, nempe illum canonem non habere auctoritatem, quia est cuiusdam Episcopi.

Tertio, reconfirmatus, reordinatus etiam scienter, quamuis peccet gauiter, irregularis non efficitur, in hoc dicto etiam est controuersia: nam Archid. can. qui bis, de consecr. d. 4. eandem putat rationem de his tribus sacramentis, quia singula imprimunt characterem. idem Anton. 3. p. tit. 28. c. 6. §. 3. & Nauar. loco citato facit pro ea opinione, can. sicut, d. 68. vbi dicitur, quod nemo debet reordinari, sicut nec rebaptizari, & can. dictum, de consecra. d. 4. vbi etiam habetur, neminem debere reconfirmari, sicut nec rebaptizari: tamen his non obstantibus contrarium tenent Scot. 4. d. 6. q. 8. & Turrecrem. can. dictum allegato, & Tabien. ver. irregularitas, 4. §. 7. & hoc verius est: nam non est inducenda irregularitas, quæ non sit iure expressa, ut sæpè dictum est, & omnes admittunt ex c. is qui. de sent. excom. in 6. talis autem irregularitas non habetur expressa in iure, nisi in solo baptismo, canones autem allegati solum prohibent, ne quis reordinetur, nec reconfirmetur, tamẽ non imponunt eandem irregularitatis pœnam, quæ est in rebaptizato. Nec est eadem ratio: nam baptismus est ianua, per quam intratur in Ecclesiam, & homo fit Christianus.

Quarto, qui bis confert baptismum est etiam irregularis, sicut & bis baptizatus, hoc communiter Doctores tenent ex c. 2. de apost. nec est alius canon, quo ea irregularitas probetur: nam quos allegat Glos. ad quàm Doct. se remittunt, non continent

tinent nisi solam prohibitionem, ne quis baptismum reiteret: cap. autem allegatum de Apost. expressè non loquitur, nisi de acolito, qui ministravit scienter bis baptizanti presbytero: quo casu respondet Papa, si crimen est publicum, ne ad maiores promoueat; si verò occultum, permittatur promoueri absque vlla dispensatione, ut notat Innocent. cap. ex tenore, de temp. ordin. & ipsum verbum verba capitis indicant, sicq; interpretatur Anchar. cum alijs, de eo autem, qui bis baptizauit, nihil disponitur, nisi argumentum sit à fortiori, quod si is, qui inseruiuit illi tali, pœnitentia notatur, multò magis ille, qui baptizauit bis. quod admitto, sed inde non sequitur, nisi quando est publicum delictum, non posse ordinari, aut uti ordin. b⁹; non autem quando est occultum. hoc autem non inducit specialem irregularitatem, sed communis est omni delicto publico, ut paulò post dicemus. Non ergo videtur bis baptizans irregularis esse, nisi quando crimen est notorium; tunc enim ex criminis notorietate est irregularis, quia est graue scelus: at in rebaptizato est vera irregularitas, quia etiam occultus est irregularis. fauet huic, quia nullus est canon expressè faciens irregularem bis baptizantem, sicut est de bis baptizato fauet etiam, quia Specul. tit. de dispens. in materia irregul. n. 13. diligenter irregularitas tractans, non loquitur, nisi de rebaptizato. similiter Ant. 3. p. tit. 28. c. 6. §. 3. Fauet etiam, quia non est similis ratio in baptizante, & in baptizato, quia baptizanti non repugnat pluries baptizare: nam pluries confert baptismum diuersis: at baptizato repugnat, quia pluries suscipere non potest, nec ab vno, nec à pluribus, probabilius ergo puto non esse irregularem bis baptizantem, nisi ex criminis notorietate quod si cū multis velis sentire, nam communiter tenent Doctor. bis baptizantem etiam esse irregularem, tunc dic, eum esse irregularem, quando scienter bis baptizat, vel ignoranter ignorantia crassa; secus si ignorantia facti fuit inuincibilis; non enim esset irregularis: iuris autem ignorantia non excusat; & sic Anto. Butr. & Anchar. c. ex litterarum. de Apost. dicunt; si tamen bis confirmaret, aut ordinaret, non esset irregularis, ut dictum est de bis ordinato, aut confirmato. dispensat in hoc Papa, nisi quando est occultum crimen.

Quintò, qui baptizaret secundo sub conditione, dicendo, si non est baptizatus, quamuis esset ignorantia crassa, quia potuit scire esse baptizatum, immò etiam si sciret, non esset irregularis, quia verè non dicitur rebaptizare, qui sub conditio-

ne baptizat, nisi posita conditione, & ita tenet Nauar. loco citato.

Sextò, qui baptizatus est ab Hæreticis in adulta ætate, etiam si sit fidelis est irregularis, & nunquam ordinatur, can. qui in qualibet. l. qu. 7. secus si in ætate infantili ante vsum rationis. l. q. 4. can. placuit, & can. qui apud. nec in ijs dispensat Episcopus, nisi quando occulta sunt.

Postremò oritur quædam irregularitas ex dilatione baptismi, quæ habetur can. l. d. 57. si quis adultus in ægitudine constitutus fuerit baptizatus, presbyter ordinari non debet; fides enim illius præsumitur non voluntaria, sed ex necessitate, nisi postea fides illius probabilis fuerit, aut hominum raritas exegerit, Gloss. ibi, hanc irregularitatem ex delicto appellat, præsumitur enim qui potuit, & debuit sanus baptizari, & distulit, postea vero infirmitate coactus baptismum suscepit, deliquisse. Nec tollitur hæc irregularitas per baptismum, quia committitur in ipso baptismo, & per eum efficitur. hodie parum est in vsu; si tamen casu accideret, esset irregularis qui sic deliquisset.

*De irregularitatibus ex delicto circa ordinum
suscceptionem.*

CAPVT LVV.

SVnt aliæ irregularitates, quæ & in ordinum susceptione, & in susceptorum administratione contrahuntur.

Primò, excommunicatus maiori excommunicatione, ordinem aliquem, etiam minorem suscipiens efficitur irregularis hoc est commune, & habetur ca. 1. de eo qui sur. ord. susce. & c. cum illorum, de sen. excom. vbi non distinguitur de maiori, vel minori ordine. Nota autem, si minori tantum excommunicatione ligatus est, quamvis peccet, non efficit irregularem. Nota etiam, ignorantiam iuris non excusare, nempe si sciebat excommunicatum ordinem susipientem incurere irregularitatem, nec etiam ignorantiam facti quando est crassa; bene tamen excusat, si est probabilis, arg. ex c. Apostolicæ, de cler. excommun. susce. ver. interd. ministr. Non dispensat. in hac irregularitate Episcopus, sed solum Papa, Gloss. c. 1. de eo qui sur. ord. suscep. nisi quando ingreditur religionem, & ali-

& aliquanto tempore laudabiliter fuerit conuersatus. hodie tamen per Concil. Trid. dispensat Episcopus, quando occultū est crimen. Eadem est ratio de suspenso ab ordinum susceptione, aut interdicto simpliciter, aut ab ordinum susceptione hic, si ordines suscipiat, fit irregularis hoc est commune, & habet Silu. ver. irregularitas §. 2. dico (suspenso ab ordinū susceptione, vel interdicto) quia si est suspensus tantum à beneficio, non fit irregularis, si ordines suscipiat, ut inferius dicemus de eo, qui ministrat in ordine.

Secundò, qui suscepit ordines ab Episcopo, qui renunciauit Episcopatu, irregularis est, nec ministrat in susceptis, nec ascendit ad vteriores ante dispensationem, c. 1. de ord. ab Episc. qui renunc. Episcop. in cuius declarationem aduerte aliqua ex eodem cap. desumpta.

Primò, si Episcopus loco tantum, & non dignitati renunciauit rogatus ab Episcopo aliquo, potest conferre ordines minores, & maiores, nec qui suscipit irregularis est.

Secundò, si vero renunciauit loco, & dignitati, potest etiam non rogatus ab Episcopo minores conferre, nec qui suscipit, irregularis est, sed potest eos exercere, & ad vteriores promoueri, ac si ab eo suscepisset, qui non renunciauit. Hoc intellige, quando habet licentiam Episcopi proprii, seu dimissorias, hoc enim supponimus: qui enim sine dimissorijs ordinatur, suspensus est, ut superius diximus, & si ordinem exercet, irregularis.

Tertiò, maiores nullo modo conferre potest, & si quis suscipit scilicet ab eo manet irregularis, nec potest exercere, nec ad vteriores progredi, nisi per dispensationem, etiam si ordinatus habuerit dimissorias proprii Episcopi.

Quartò, in hoc casu non potest Episcopus dispensare, sed solus Papa.

Quintò, qui ignoranter suscepit ab eo ordines maiores, ignorantia crassa & supina, est etiam irregularis, cū quo solus Papa dispensat, & ignorantia crassa in hoc casu æquiparatur scientiæ. Post Concil. vero Trid. Episcopus dispensat quando delictum est occultum, ut sæpè diximus.

Sextò, si verò ignorantia fuit probabilis, adhuc est irregularis, si maiores ab eo suscepit; potest tamen Episcopus dispensare, in hoc vltimo est controuersia: nam quidam dicunt, quando est probabilis ignorantia, non contrahi irregularitatem,

sed quando est crassa. At Gloss. & Panor. ibi, dicunt etiam contrahi irregularitatem, quando est ignorantia probabilis; & idem Innoc. & Host. & textus id significat: nam dicitur, quando ignoranter suscepit, Episcopum posse dispensare, nisi sit crassa ignorantia. ergo necesse est, eam ignorantiam, in qua Episcopus dispensat, esse probabilem, alias nullo casu dispensaret Episcopus, si per ignorantiam probabilem non contrahitur irregularitas hæc. Obijcies, quomodo, si nulla est culpa suscipientis, nam per ignorantiam probabilem excusatur à culpa, potest contrahere hanc irregularitatem vera responsio est Innocen. quod contrahitur propter culpam conferentis; in vituperium enim, & opprobrium ipsius, qui suscipit ab eo ordines, non potest susceptor exequi, nec uti eis, & hoc fieri solet, ut constat can. neminem, d. 70. Vnde in hoc casu est irregularis ex alieno delicto. ratio autem Gloss. quæ probat Panor. quia nemo dat quod non habet; Episcopus autem ille non habens executionem ordinum, non potuit conferre, nullius est momenti: nam ea ratio probaret, nec minores posse conferre. Rursus non est vera: nam excommunicatus Episcopus non habet executionem & tamen non omnis, qui suscipit ab excommunicato, non habet executionem, ut statim dicemus. Rursus non euacuat difficultatem, quia non videtur quomodo hæc irregularitas esset ex delicto. verius est quod diximus ex Innoc. quamuis etiam ipse Innoc. multa alia dicat.

Septimò, quidam antiqui Doct. hunc non irregularem, sed suspensum appellarunt, ut constat ex Host. & Panor. in eodem c. de Specul. tit. de dispens. inter irregularitates numerat, & hoc summistæ sequuntur, tamen quia idem est effectus in hac parte suspensionis, & irregularitatis, placuit cum multis sentire, & loqui.

Tertiò, qui ab Episcopo excommunicato suscepit ordines, irregularis est, etiam si ignoranter acceperit, puta nesciens excommunicatum, c. cum clericis, de ord. ab Episcop. qui renun. Episcop. intellige de ignorantia crassa; si enim est probabilis, excusat, nec est irregularis, ut constat ex can. ordinationes, 9. d. 1. dispensat autem Episcopus cum ignoranter ordinato, ut habetur eodem cap. cum clericis. tamen si scienter accepit ordines à tali, solus Papa dispensat, ut ibi Gloss. dicit, & ex ipso textu deducitur. Post Concil. Tridentin. etiam Episcopus dispensat, quando est occultum delictum. eadem est ratio de suspensio ab ordinum collatione, & interdicto, hæretico, schismatico, simo-

simoniaco, deposito, & degradato, secundum omnes. Attende autem, post concessionem Concil. Constant. de vitandis excommunicatis, esse hoc iam restrictum, ut diximus in materia de excommunicatione, nempe non de quocumque excommunicato, suspensio, aut interdictio procedere, nisi quando est publicus percussor clerici, aut nominatim excommunicatus, interdictus, vel suspensus post denunciationem; unde qui ab aliis excommunicatis, suspensis, vel interdictis ordines suscipit, non per hoc fit irregularis. Attende rursus, quod dicimus de excommunicato, suspensio ab ordinum collatione, aut interdictio, cum eadem limitatione intellige de Haretico, schismatico, & simoniaco cum Siluest. ver. irregularitas. §. 9. quando sunt denunciati excommunicati. Qui ergo ab ijs ordines scilicet, aut ignoranter crassa ignorantia suscipiunt, characterem quidem recipiunt. i. qu. i. can. gratiam, sed non executionem, quod limitat Hostien. quem sequitur Tab. ver. irregularitas, §. 5. quando metu cadente in virum constantem cogitur a talibus suscipere ordines. Adde tu, nisi in religionis contemptum id fieret, tunc enim nullus metus excusaret.

Quarto, qui suscipit ordines minores cum Subdiaconatu vno die, est irregularis; dispensat autem Episcopus, ut in minoribus ministret, cap. 2. de eo. qui fur. ord. suscep. dummodo non fuerit sub excommunicatione praemonitum, ne quis accederet, qui eo die minores acceperit, tunc enim Papa solus dispensat, ut ibi habet Gloss. iam vero post Concil. Trident. dispensat Episcopus, si est occultum delictum; nec excusat ab irregularitate consuetudo patriae suscipiendi minores simul cum Subdiaconatu, ut vult Anton. 3. p. tit. 14. c. 16. §. 16. iam enim per Concil. Trident. ablata est talis consuetudo: si verò duos sacros suscipit, simul est irregularis, cum quo solus Papa dispensat, quando praemonitum est sub excommunicatione, ne quis sic accedat ad duos suscipiendos, cap. 3. de eod. qui fur. ord. suscep. quod intellige, quando est publicum delictum; si verò occultum, etiam Episcopus, per Concil. Trident. & etiam si non sit occultum, quando non praecessit inhibito sub excommunicatione; posset enim etiam Episcopus dispensare: nam caput prohibet dispensationem sub ea

conditione.

* *

*

De irregularitatibus in ordinis ministerio.

CAPVT LXVI.

Multipliciter contingit fieri irregularem ex indebito ordinum ministerio.

Primo quidem, qui exercet actum ordinis, quæ non habet, est irregularis; vt, qui baptizauit solemniter, qui audit confessiones, aut missam celebrat, cum non sit sacerdos; hæc enim tria propria sunt sacerdoti, qui etiam Euangelium in Missa canere, cum non sit diaconus, aut Epistolam, cum non sit subdiaconus, aut ordines tentat conferre, cum non sit Episcopus; denique actum ordini deputatum exercens, cum non sit tali ordine insignitus, est irregularis; cap. 1. de cler. non ordin. ministr. Hæc Doctores limitant, quando actus exercet solemniter, tanquam si ordinem haberet; nam si cantat Epistolam in choro, aut in altari sine manipulo, non est irregularis, cap. vt quisque presbyter. de vit. & honest. cleric. quia non facit talem actum, quasi ex ordine; solent enim laici, aut in minoribus constituti id facere. ita habet Panorm. cap. 1. de cler. non ordin. ministr. vbi autem cum manipulo cantaret, esset irregularis, nec est audiendus Nauar. cap. 27. numer. 242. qui citat Anton. 3. p. tit. 28. cap. 1. §. 1. quasi dicat, qui cum manipulo cantat non esse irregularem, vbi est consuetudo, cum potius dicat contrarium, nempe esse irregularem, si cum manipulo dicat, vel etiam si sine manipulo in altari, vbi non est consuetudo, & sic à Siluest. etiam refertur, & probatur, ver. irregularitas, §. 14. quod verum puto, quantum ad illud, si cum manipulo cantet, quia tunc est actus ordinis; non tamen quantum ad illud, si cantet sine manipulo, vbi non est consuetudo; puto enim, nunquam esse irregularem, si sine manipulo dicat, etiam vbi non est consuetudo, quia non est hic actus ordinis, quamuis peccaret. Similiter qui baptizaret, vt laici solent in necessitate facere, quamuis non esset necessitas, non esset irregularis, quamuis peccaret extra necessitatis casum id faciendo: aut celebrare confessiones audire, aut ordinare, nunquam fiunt, nisi solemniter, vnde qui aliquid horum faceret, esset irregularis, nisi ludo, aut ioco id faceret, & non serio, qui peccaret, tamen non esset irregularis. limitat etiam S. Tho. 4. sen. d. 34. in maioribus, quia in minoribus consuetudo obtinet, etiam à non ordinatis fieri. idem Silu. v. irregularitas. 14. quod intellige,

tellige quando non faceret id, tanquam ordinatus tali ordine, quod maxime contingeret, vbi est consuetudo, vt illi actus exerceantur per promotos, alias enim etiam minorum actus exerceans fit irregularis, vt rectè contra quosdam dixit Panorm. cap. 2. de cler. excom. ministr. nu. 10. non solum autem hic est irregularis, vt ad ordines nequeat promoueri, sed in ordine, quem vere habet, suspensus manet ad tempus arbitrio Episcopi vt habetur c. 2. de cler. non ordin. ministr. nec dispensat. Episcopus, vt notat Panorm. eod. c. 2. & Aut. 3. p. tit. 28. ca. 1. nisi ad beneficium, quod habetur eod. c. & hoc cum ordinatio in sacris, ne cogatur mendicare, cum nequeat ad seculum redire. at per Concil. Trident. iam dispensat Episcopus, quando crimen est occultum. Silu. ver. irregularitas, §. 14. limitat, quando aliquis in ordinatione suscepit quidem necessaria, quantum ad substantiam, tamen defuit aliquid, quod supplendum est, prius quam ministret, tunc, si exerceat ordinem, peccat, tamen irregularis non efficitur, quia iure ordinem habet.

Secundò, excommunicatus maiori excommunicatione, etiam si ordinem habeat, celebrans, aut ordinis actum modo prædicto exercens, est irregularis, ita Doctores notant cap. 2. de cler. excom. interd. ministr. Host. Ioan. And. & Panor. circa quod aliqua sunt notanda.

Primò, excommunicatus minori excommunicatione celebrans, non incurrit irregularitatem, vt habetur cap. si celebrat. eod. tit. quamuis peccet idem est, si alium actum ordinis exercent.

Secundò, si ignorans probabiliter se esse excommunicatū, ministravit, non est irregularis; secus verò, si ignorantia fuit crassa, vt habetur capit. Apostolicæ. eod. tit. hic enim non euaderet irregularitatem.

Tertiò, non solum, si celebrat in excommunicatione, est irregularis, sed si faciat actum ordini deputatum, etiam actum minoris ordinis, vt dicit Panorm. cap. si quis presbyter. eodem tit. quod intellige, quando facit tanquam ordinatus, vt supra diximus.

Quartò, non efficitur irregularis, si dicat horas canonicas, immo tenetur eas dicere, vt dicit ibidem Panorm. debet autem dicere horas, tanquam priuata persona, & sine Dominus vobiscum, vt ibi notat Panorm. §. & domi suæ, quod si in Ecclesia diceret publice in choro, Panorm. cap. 3. de cler. excom. ministr. putat esse irregularem, sed non id probat: nam in choro solent

solent laici etiam cantare horas; id tamen locū habere, quando diceret eas, tanquam hebdomadarius, aut dicendo capitulum, & orationem, quod est proprium sacerdotum, vt notat Silu. ver. irregularitas, §. 15.

Quintò, non incurritur irregularitas per hoc, quod facit actus, qui non sunt ordinis, sed iurisdictionis, vt si visitet, puniat, excommunicet, beneficia consecrat, & hoc est secundum omnes.

Sextò, non efficitur irregularis per hoc, quod audit missam aut recipit sacramenta, quamuis peccet ingerendo se communioni fidelium, à qua excommunicatus priuatur. Hoc tamen in loco est adnotandum, aliquos Doctores affirmasse, Episcopum incidere in irregularitatem, qui excommunicatus existens, etiam si non celebret, facit sibi, & coram se celebrare ex auctoritate, & non tantum audiendo sacrum, vt alij communiter audiunt, tunc enim irregularis non esset; tamen auctorizando, vt dicunt, & faciendo coram se celebrare alios, sit irregularis, ita habet Gloss. Clem. 2. de priuileg. & exco. praela. ver. etiam celebrare. & Panorm. c. illud de cleric. exco. celebran. immo Hostien. eodem c. affirmat esse irregularem, etiam audiendo sacrum; inter Summistas Silu. ver. irregularitas, §. 15. tenet esse irregularem, si audiat auctorizando, aut similiter coram se celebrari faciat diuina officia, dicitque omnes penè Doctores ita sentire. Nauar. autem ca. 27. num. 244. extendit ad laicos excommunicatos, qui coram se etiam celebrare faciunt, cum sint excommunicati; quod additamentum est præter communem, immò puto contra communem opinionem; omnes enim loquuntur in Prælato, qui auctorizando, vt dicunt, celebrari facit diuina; videtur enim actum ordinis exercere: sed quidquid sit, non existimo esse veram opinionem, nec sequendam; nititur enim debili fundamento, nempe cap. illud de cleric. exco. ministr. vbi prælatus arguitur, quod celebrari sibi diuina fecerit, quod fateor esse dignum reprehensione, & poena quia ingressus se communioni fidelium, etiam esset excommunicatus; tamen non habetur, quod sit irregularis. habemus autem non esse admittendam irregularitatem, nisi quæ sit iure expressa. hæc autem non est, si enim ex peccato colligamus irregularitatem, multiplicabuntur infinitæ, quas nemo admittit: ideo non probo hanc opinionem. Adde hunc actum non esse ordinis, sed iurisdictionis; propter quam non incurritur irregularitas. Quantum ad dispensationem

nem irregularitatis huius, quia excommunicat celebravit, aut actum ordinis exercuit, communis est opinio, ad solum Papam pertinere: nam ut paulò post dicemus, eadem est huius ratio, & illius, quæ provenit, quando suspensus, aut interdictus celebravit, quæ solius est Papæ, cap. 1. de sen. excomm. in 6. & c. 1. de sent. & re iudic. in 6. & ita expressè affirmant Glo. can. presbyteros, d. 50. ver. penes, & Panormi. cap. 3. de cler. excomm. celebr. & Archidia. can. si quis Episcopus, 11. q. 5. quando verò occultum est crimen, potest per Concil. Trident. Episcopus dispensare.

Tertiò, non tantum excommunicatus maiori, uti diximus, sed etiam suspensus maiori suspensione ab officio, celebrans, aut actum ordinis exercens, sit irregularis à solo Papa dispensabilis, c. 1. de sent. excomm. in 6. & c. 1. de sen. & re iudic. in 6. etiam si ignoranter, dummodò sit ignorantia crassa, uti etiam dictum est de irregularitate, excommunicati celebrantis, quam etiam minori suspensione suspensus non contrahit, ut dicit Panormita. c. si celebrat. de cler. excomm. ministr. quod dicimus de suspensio, intellige de deposito, & degradato; sunt enim quædam suspensiones maiores. Sunt autem quædam adnotanda.

Primò, qui suspensus est à beneficio tantum, & non ab officio, non contrahit irregularitatem ministrando actum ordinis, quia ordo ad officium pertinet, in quo non est suspensus, ita habet Panormitan. cap. nisi cum pridem, de renunc. nume. 19. & Gloss. c. latentes, de cler. excomm. ministr. ver. ab officio.

Secundò, qui à Confessarijs aliquibus de causis iustis suspenduntur ad tempus, ne celebrent, non fiunt irregulares, si celebrent, quamvis peccent, ita habet Innocen. c. si celebrat. de cleric. excomm. ministr. & Archid. can. si quis Episcopus, 15. q. 3. & Silu. ver. irregularitas, notab. 27. & ratio est, quia ista suspensio non est censura; hanc enim simplex Confessarius non habens iurisdictionem inferre non potest: non est autem expressum iure per suspensionem, quæ non est censura, induci irregularitatem: hac de causa suspensiones, quæ non in foro contentioso, sed pœnitentiali imponuntur, non sunt censuræ, sed quædam prohibitiones; ideo, etiam si contra eas agatur, non inducitur irregularitas, ut dicit Anton. Butri. c. si celebrat. num. 12. de cler. excomm. ministr. sicut nec inducitur ex suspensione, quam vocant à Deo, quæ est ex quovis mortali

tali; quamuis enim peccet qui in mortali celebrat, non tamen est irregularis; quia huiusmodi suspensiones non sunt censurae, nec propriae suspensiones, sed prohibitiones quaedam: illae autem sunt à canone, vel à iudice in foro contentioso.

Est praeterea notanda doctrina multum agitata inter Doctores, in c. si celebrat. de cleric. excommun. ministr. quam Innocen. Panormi. Butr. & alij ibi, & Archidia. can. Apostolica. d. 36. tradunt: suspensionem enim maiorem, quae à canone, vel ab homine iniungitur, & ordinis executione priuat, triplicem distinguunt, quaedam enim propter crimen infligitur, quaedam propter defectum, qualis est in illegitimo, aut corporis vitium patiente, quaedam propter infamiam, vel scandalum, quae est ex notorietate delicti. Quo supposito respondent tria: Vnum est, suspensus propter crimen, siue ad tempus, siue perpetuo, celebrans, aut in ordine ministrans, sit irregularis: quod dictum quidam limitant, dicentes, quando est suspensus cum conditione, aut limitatione, nempe donec satisfaciatur, aut donec poeniteat, si celebret ante impletam conditionem, non fieri irregularem, & hoc habuit Innocen. loco citato, quidam dixerunt esse irregularem, vt idemmet Innocen. qui fuit varius in hoc, vt notat Butr. Ioan. Calder. verò citatus à Butrio, distinguebat, si enim est suspensus, donec satisfaciatur, sit irregularis; quia qui sic suspensus est, indiget absolutione, etiam facta satisfactione: qui verò suspensus est, donec poeniteat, non indiget absolutione, sed facta poenitentia manet liber, ideo si hic celebret, vel ministret ante poenitentiam, non fit irregularis, quam distinctionem secutus est Silu. ver. irregularitas, notab. 27. sed meritò rejicitur à Butrio, quia nihil ad rem facit, quod impleri conditione indigeat absolutione vel non, dummodò sit verè suspensus à canone, vel ab homine propter crimen, & ipse tunc celebret suspensus existens; hinc enim manat irregularitas, & hoc est verum & iudicium: ideo Panor. eod. cap. si celebret indistinctè tenuit, si est suspensus à iure, vel ab homine maiori suspensione propter delictum, esse irregularem, si suspensus ministret in ordine.

Alterum horum Doctorum dictum est, si quis est suspensus propter defectum, non fit irregularis, si celebret, aut ministret sed peccat: vnde illegitimus, aut vitiosus corpore celebrans, non fit irregularis, hoc dictum verum est, tamen improprius est: & confusus loquendi modus: nam huiusmodi defectum patientes sunt irregulares, & non suspensi, nisi largè sumpta
suspensio

suspensione; nam etiam excommunicati, & interdicti possunt sic dici suspensi, quia ab officij executione sunt impediti, sic etiam omnis irregularitas est suspensio: at verò si loquamur de propria suspensione, quæ est distincta censura à prædictis, & distinguitur ab irregularitate, quæ non est censura, tunc illegitimi, & vitiiati corpore non sunt suspensi, sed irregulares; ideo celebrantes non contrahunt aliam irregularitatem, quia irregularis celebrans aut ministrans, peccat, sed non fit de nouo irregularis. Suspensio autem, quæ inducit irregularitatem, est verè censura distincta ab alijs prædictis, vnde si quis est irregularis, etiam propter crimen, si non aliam habet suspensionem, quàm eam, quæ generalis est, non incurrit nouam irregularitatem, sicut manifestè probatur: nam quæ excommunicatus est, & celebrat, est irregularis propter crimen, tamè si iterum celebrat non contrahit nouam aliam irregularitatem. Simili modo puto dicendum de homicida simplici, est quidem irregularis, non autem suspensus censura suspensionis, ideo celebrans non contrahit aliam irregularitatem; secus si esset simul homicida & excommunicatus, quia occidit clericum, tunc esset de nouo irregularis celebrans, quia excommunicatus celebravit. Doctores ergo confusè loquuntur, & obscurant materiam hanc, cum non sit opus hac distinctione, sed loqui oportet simpliciter de suspensione, quæ verè est censura ab alijs distincta, quæ semper propter crimen imponitur, siue à iure, siue ab homine. sic simoniacus in ordine est suspensus, & si celebrat irregularis: sic multi alij, de quibus supra diximus.

Tertium dictum illorum, si quis est suspensus propter infamiam, aut scandalum, quæ procedunt ex criminis notorietate celebrantes non fiunt irregulares, quod dictum etiam confusum est, quamuis verum: nam tales non sunt suspensi, sed irregulares, ut paulò post dicemus, & ideo non contrahunt nouam irregularitatem, nisi esset aliquod crimen tale, quod inducit suspensionem ultra irregularitatem ex notorietate, qualis est publicus cōcubinarius, de quo diximus superius, aut simoniacus in ordine, aut alius huiusmodi, tamen si crimen non habet aliud, quàm quod provenit ex notorietate, ex qua infamia vel scandalum oritur, non inducit irregularitatem, si quis celebrat, quia is irregularis est, & non propriè suspensus. Et hæc sunt notanda pro intelligentia Doctorum multorum, & pro resolutione veritatis.

Quartò, quod dictum est de excommunicato, & suspensio ab officio; idem dicendum de interdicto: interdictus enim personaliter celebrans, aut actum ordinis exercens, fit irregularis à solo Papa dispensabilis; eadem enim est ratio horum trium secundum omnes Doctores. Sunt tamen duo peculiariter interdicto; Vnum est, si quis etiam non personaliter interdictus, in loco tamen interdicto scienter celebrat, fit irregularis à solo Papa dispensabilis, nisi ex privilegio, vel à iure sit illi concessum in tali loco celebrare, ita habetur cap. is qui, de sen. excomm. in 6. Alterum est, cui est interdictus ingressus Ecclesiæ, celebrans in ea fit irregularis, c. is cui, de senten. excomm. in 6. quod si hic extra Ecclesiam celebraret, nempe in oratorio domi, vel alibi, quia habet altare portatile, dummodo in Ecclesia non celebraret, non esset irregularis, nec peccaret, ut tenet Gloss. in eodem c. is cui. Non etiam fit irregularis, si in Ecclesia polluta tantum celebret, aut ministret, ita habent Panorm. cap. tuarum, de privileg. & ibidem Butt. qui addit, si Episcopus ultra pollutionem addit novum vinculum interdicti supra iuris prohibitionem, quia interdicat eam, tunc esset irregularis celebrans in ea, ratione interdicti: si verò simplicem adhibet prohibitionem, & interdictum, non intendens aliud, quam observantiam prohibitionis iuris, tunc non esset irregularis celebrans in ea. & hic est casus illius cap. tuarum. semper tamen peccaret, qui celebraret in ea, & esset suspendendus.

*De irregularitate ex delicto in scientia discenda,
vel docenda.*

CAPVT LXVII.

EST alia irregularitas ex delicto, quæ habetur c. non magno perere, ad iuncto c. super Speculat. ne cleric. vel monach. regulares enim professi, qui extra claustra egrediuntur ad legendas, vel audiendas leges, aut Physicam, scilicet medicinam, si intra duos menses ab egressu non fuerint ad claustra reuersi præter excommunicationem, de qua supra diximus, promoueri non possunt, nec per alium, quam per Papam sunt dispensabiles, nisi fuerit occultum crimen; tunc enim Episcopus per Concil. Trident. dispensat. Aduerte ex Panormitan. in cap.

cap. non magnopere. allegato, vtrumq; requiri ad contrahendam hanc pœnam, nempe egressus è clauſtro, & hac de cauſa factus; ſi enim intra clauſtrum exiſtens audiat, aut legat prædictas ſcientias prohibitas, peccat quidem, tamen non incurrit in hanc pœnam. Similiter ſi alia de cauſa honeſta egreſſus, audit, aut legit has ſcientias, non contrahit pœnam, debet enim vtrumque ſimul conuenire, & vltra hoc ſpatium duorum menſium, intra quod audiens, vel legens peccat, ſed non incidit in hanc pœnam, Plura diximus in materia excommunicationis, hoc ſolum attende, prohibitionem factam in capitulo non magnopere. contra regulares, extenſam fuiſſe cap. ſuper Specula ad Archidiaconos, plebanos, præpoſitos, cantores, & alios clericos perſonatum habentes, & præbyteros; qui, niſi intra idem duorum menſium ſpatium deſtiterint, pœnam latam contrahunt, non ſolum excommunicationem, ſed etiam irregularitatem, quod nempe ſpe promotionis careant, ſi promoti non ſunt, & hanc interpretationem tutiorem eſſe Gloſſa ibi notat.

De irregularitate ex criminis notorietate.

C A P V T LXVIII.

Oritur etiam irregularitas ex criminis notorietate; crimen enim notorium etiam poſt pœnitentiam hominem facit irregularem, indigetque diſpenſatione. In huius explicationem aduerte ex Anton. de Butrio cap. ex tempore de temp. ord. nũ. 5. & alijs Doctõribus in eodem capitulo. at ſi clerici de iud. crimina quædam eſſe mediocria; quædam enormia; mediocra ſunt quæcumque peccata mortalia, enormia verò, quæ faciunt hominem dignum de poſitione, aut degradatione, maximè accedente incorrigibilitate, vt homicidium, periurium, adulterium, ſtuprum, ſacrilegium, furtum, falſum teſtimonium, hæreſis, ſimonia, peccatum nefandum, & cætera, quæ iure puniuntur tali pœna, de quibus vide Panorm. cap. at ſi clerici de iudic. Aduerte rurfus ex Panorm. & Gloſſ. cap. veſtra, de cohab. cleric. & muli. vbi copioſe de hoc agunt, ex quib. aliqua breuiter deducam, adiunctis paucis. Notorium eſt duplex, vnum iuris, alterum facti. Notorium iuris triplex eſt, primum quod conſtat ex ſpontanea confeſſione facta in iudicio coram iudice competenti; qui enim in iudicio pro-

proprium crimen sponte confitetur, illud facit notorium etiam si non sit sententia lata contra eum.

Secundum est notorium ex clara probatione, & indubitata.

Tertium est ex sententia, quæ reuocari non potest.

Crimen ergo notorium fit notorietate iuris, quod constat ex propria, & spontanea confessione in iudicio, vel ex indubitata, & clara probatione, vel ex sententia vltima & irreuocabili. Notorium facti est, quando est clara locutio ex euidencia facti proueniens, quod aliqua tergiversatione celari non potest; differt enim à famoso: famosum enim est quod communiter circumfertur, sed ex euidencia facti, aut certo auctore non procedit, unde probari non potest: notorium verò ex scientia, ex auctore certo est, probari quoque potest. publicum verò commune est notorio, & famoso; vtrumque enim dicitur publicum, & constat ex cap. tua nos de eo habit. cler. & mul. distinguit etiam Panorm. à notorio manifestum, quod probari potest, sed non adeo patet ac notorium: ad faciendum autem notorium, dicit necessarium esse, vt constet aut populo, aut maiori parti viciniae, vel vici, dummodo non sint pauciores decem; unde quinq; non faciunt notorium, sed manifestum; immo vbi collegium, vel vicinia continet viginti, sex non sufficiunt facere notorium, sed necessaria est maior pars viciniae. His suppositis, dico, mediocria, siue occulta, siue notoria non faciunt hominem irregularem, ita, vt post poenitentiam indigeat dispensatione, nec in hoc est controuersia Doctorum, siue sit notorium notorietate facti, siue iuris. Enormia autem notoria, siue notorietate facti, siue iuris, inducunt irregularitatem, nec est in hoc controuersia; at verò cum non sunt notoria, sed occulta, tunc est controuersia, an inducant enormia irregularitatem. Host. ca. cum ex tenore, de temp. ordin. & cap. nisi cum pridem, de renunc. quam quidam sequuntur, peccatum omne enorme inducere irregularitatem, etiam si occultum sit, affirmat, quod verum non est, cum non habeatur in iure talis irregularitas; unde Butr. cap. cum ex tenore. dicit occultum etiam enorme non inducere irregularitatem; sed sola deleri poenitentia, præter homicidium, cui adiunge hæresim, & cætera, quæ iure exprimuntur, vt quando suspensus, vel excommunicatur, aut interdictus celebrat, & denique quando tale est crimen, quod iure irregularitatem inducit: de quibus diximus, & adhuc plura dicemus. Cætera verò occulta etiam

ta etiam gratissima, quæ non exprimuntur in iure, sola poenitentia delentur; vt probatur cap. ex tenore. & cap. quæsitum de temp. ord. & ita Couar. & Nau. affirmarunt de peccato sodomitico, quod iure non inducit irregularitatem. Nauar. autem adfert quandam Bullam Gregor. quæ potius videtur loqui in foro exteriori, & contra solos clericos, nec in occultis procedit. Aduerte rursus, Nauarrum huiusmodi irregularitatem inter eas numerasse, quæ sunt ex delicto, cum re vera non sit, sed ex defectu; quæ enim irregularitas nascitur ex delicto, semper ex eo siue occulto, siue manifesto procedit: nam propter delictum posita est: at verò hæc non est ex delicto, cum, si occultum est, non oritur, sed est ex infamia, & scandalo, quæ oriuntur ex notorietate delicti: ad iudicandum autem genus irregularitatis, considerare oportet id, vnde immediate procedit. Doctrina hæc communis est antiquorum: nam Innocent. cap. si celebrat. de cler. excomm. minist. & ibi Panorm. & cæteri, & Archidiacon. can. Apostolica. d. 56. expressè dixerunt hanc irregularitatem non esse propter delictum, sed propter infamiam, vel scandalum, vnde Anton. Butric. capit. ex tenore. de tempor. ordin. dicit hæc crimina inducere irregularitatem ex accidenti, nempe ex notorietate. Existimat autem Episcopum cum ijs posse post poenitentiam dispensare, sicut supra diximus de infamibus. quod probatur cap. at si clerici. §. de adulterijs. de iudic.

De irregularitate ex homicidio.

CAPVT LXIX.

Obscura est, & varia de irregularitate, quæ oritur ex homicidio tractatio, quam in vltimum locum ideo distulimus, quia partim ex defectu, partim ex delicto est, ijdemque sunt ferè casus, & eadem in vtraque regula: Loquimur autem non de homicidio spiritali, quo anima occidit dicitur per peccatum, quia vita spiritali gratia priuatur, nec etiam de eo, quo occidere dicitur, qui odit, qui detrahit proximo, de quo homicidij genere agitur de poen. d. 1. can. homicidiorum. & can. nolite putare. & multis alijs canonibus; hæc enim homicidia non inducunt irregularitatem, de qua nunc agimus; nos verò tractamus de homicidio corporali, quo homo vita hac sensibili priuatur, quando interficitur: nomine autè homicidij

cidi ad effectum irregularitatis intelligimus semper etiam membri mutilationem, vt inferius declarabitur. Hoc ergo supposito, duo quidem sunt sine vlla controuersia; vnum est, non omne homicidium cum peccato fieri; aliquando enim licet occidere hominem, aliquando etiam non licet 23. qu. 5. can. si homicidium 23. q. 4. can. illud, multisq; canonibus id constat; iudex enim & ministri eius iuste occidunt, & occidi faciunt malefactores, & in bello iusto miles iuste occidit hostem, iniuste etiam homo priuata auctoritate occidit hominem. Est ergo homicidium iustum, & est homicidium iniustum. Alterum est, ex vtroq; homicidio oriri irregularitatem, qui enim iuste, & qui iniuste occidit, irregularis est, can. si quis viduam d. 50. hæc duo certa sunt, illud autem est controuersium, ad quam irregularitatis speciem hæc, quæ oritur ex homicidio, sit reuocanda.

In primis Ioan. Anan. cap. vlt. de homic. tres distinguit irregularitatis species.

Vnam quæ ex deformitate proprii corporis oritur.

Alteram, quæ ex deformitate corporis alieni, vt qui occidit mutilat, aut ad hæc consilium, vel auxilium præstat.

Tertiam, quæ est ex culpa, vt quando aliquis suspensus celebrat.

Dicit ergo, homicidas repelli ab ordine propter horrorem, & scandalum; horror enim est, si ponat manus in sanguine Christi, qui effudit sanguinem hominis; iuxta hanc doctrinam irregularitas, quæ ex homicidio est, siue licito, siue illicito, non est ex delicto. Hoc idem senserat Innocen. cap. gaudemus, de diuort. vbi dicit, irregularitatem homicidij non esse positam propter peccatum, indeque esse, vt tam iustus, quam iniustus homicida sit irregularis; cui doctrinæ quidam antiqui adhæserunt, eandem rationem irregularitatis in omni homicidio ponentes, & ita sensit Henr. Boic. cap. sicut dignum, de homic. num. 43. vbi statuit, homicidas ex facto voluntario indistincte esse irregulares, tum propter horrorem, tum quia ordines diriguntur ad sacramentum Eucharistiæ, quod est sacramentum pacis; peccati autem maxime contrariatur homicidium. & videtur hæc sententia. S. Thom. 1. 2. q. 27. art. 5. ad 4. vbi vtramque irregularitatem ad defectum sacramenti reducit.

Alij secundo loco distinguunt has irregularitates & quæ ex homicidio illicito oritur, ad irregularitatem ex delicto reuocant; quæ verò ex licito homicidio est ad horrorem, & scandalum, hanc

hanc sententiam secutus est Panorm. c. gaudemus, de diuort. & videtur opinio Gloss. marg. 15. q. 1. can. viti. cum alijs nonnullis, hi non videntur irregularitatem ex licito homicidio inter eas numerare, quæ sunt ex defectu.

Alij tertio loco distinguunt irregularitatem, quæ est ex homicidio iusto, & hanc inter eas, quæ ex defectu sunt, adnumerant; quæ verò ex illicito oritur, inter eas, quæ sunt ex delicto, ita sentit Præpos. can. 1. d. 50. nu. 8. & c. miror, ead. d. vbi irregularitatem, quæ ex homicidio licito est, appellat ex defectu, & coniungit cum ea, quæ est ex bigamia, nec videtur hoc esse in re contrarium sententiæ præcedenti Panorm. nam per horrorem, & scandalum intellexit defectum, qui est causa horro-
ris; nam corpore vitiati etiam inducunt horrorem & scandalum; non tamen propterea irregularitas eorum desinit esse ex defectu, consonat etiam doctrinæ ipsius cap. nisi cum pri-
dem, de renuncia. vbi distinxit irregularitatem in duo genera, nempe in eam, quæ ex defectu, & eam, quæ est ex delicto: cum igitur homicidium licitum non sit delictum, necesse est irregularitatem, quæ inde provenit, esse ex defectu; idque sensibile videtur, quocirca illam bimembrem diuisionem amplexi sunt. Pro huius difficultatis resolutione sit.

Prima propositio, irregularitas ex homicidio illicito, & iniusto dicenda est ex delicto, seu ex peccato, ita affirmat Panorm. c. gaudemus, de diuor. num. 17. & Hostien. eodem c. num. 18. & Præpos. can. 1. d. 51. & est multorum aliorum, quæ confirmatur ex Concil. Trident. sess. 24. cap. 6. datur enim facultas Episcopis dispensandi in omnibus irregularitatibus ex delicto occulto provenientibus, excepta ea, quæ oritur ex homicidio voluntario. Ergo quæ oritur ex homicidio voluntario illicito, est ex delicto: nam exceptio fit ab eodem genere.

Secunda propositio, irregularitas quæ oritur ex homicidio licito, dicenda est ex defectu, hæc etiam communis est, nam communis est diuisio in irregularitatem ex delicto, & ex defectu; cum autem hæc non sit ex delicto, consequitur eam esse ex defectu.

Tertia propositio, irregularitas huiusmodi dicenda est ex defectu sacramenti, hæc est; S. Tho. 1. 2. q. 20. art. 5. ad 4. vbi expressè ad defectum sacramenti irregularitatem iudicis occiden-
tis reducit, & Alex. Alen. 3. p. q. 34. nu. 2. art. 3. pro quo aduerte, Præpositum can. miror, d. 50. quatuor rationes collegisse ex Theologis, quibus defectum huius irregularitatis explicat.

Prima est. S. Thom. 2. 2. q. 64. art. 4. & sen. d. 25. q. 2. quia clerici sunt electi ad altaris ministerium, in quo representatur passio Christi occisi, qui, cum pateretur, non cominabatur. Debent ergo ministri suum dominum imitari.

Secunda est eiusdem S. Tho. quia clericis committitur ministerium nouæ legis, in qua nulla poena occisionis aut mutilationis determinatur.

Tertia ex Alex. Alen. 3. p. q. 34. nu. 2. art. 3. ministri nouæ legis debent esse ministri mansuetudinis, & dilectionis, ad alliciendo animos hominum ad bonum.

Quarta ex eodem, ministri nouæ legis sunt ministri sacramenti vnionis, & viuificationis; sacramentum enim altaris significat vnionem Ecclesiæ cum Christo, & viuificat sumentes, & participantes. Qui ergo occidit, sacramentum vnionis, & viuificationis non representat. Has quatuor rationes colligit Præposit. ex S. Thom. & Alex. in homicida. Est ergo defectus significationis, mansuetudinis, & sacramenti: omnia autem hæc significantur voce hæc, ex defectu sacramenti, & Alex. hanc irregularitatem ex defectu sacramenti appellat, & adnumerat cum bigamiæ irregularitate, quæ etiam est ex defectu sacramenti. Quidam ad defectum cuiusdam mansuetudinis reducunt, & hoc videtur conforme, cap. interfecisti, de homic. ubi huius vocabuli facta est mentio; duos enim latrones ad rei temporalis defensionem occidit quidam monachus, quem irregularem Papa declarat, quia inquit contra mansuetudinem Ecclesiasticam egit. Est ergo homicidij irregularitas ex defectu mansuetudinis, & hoc verum est: sed quia vitia mansuetudinis defectum, habet alios defectus, vt diximus, & omnes includuntur hac voce, sacramenti, ideo cum S. Thom. & Alex. & alijs vsi sumus hoc nomine. Quod si obiecias, homicidium, quod ex delicto est, habere eundem defectum, fateor, tamen habet vltra hoc delictum, & ab eo, quod grauius est, accipit denominationem: vbi verò culpa non est, manet solus defectus, & ideo nominatur irregularitas ex defectu mansuetudinis.

De irregularitate ex mutilatione.

CAPVT LXX.

Quantum ad irregularitatem contrahendam, parem faciunt iura mutilationem homicidio, qui enim occidit aut mutil-

mutilat, siue licitè faciat, siue illicitè, irregularis est. Clem. si fusiofus, de homic. quamuis, vt notauit, Præposi. can. de his, d. so. num. 7. non sit ita grauis irregularitas, quæ oritur ex mutilatione, sicut quæ oritur ex homicidio; vnde fiet vt facilius dispenseretur super eam. Ex mutilatione ergo licita, irregularitas ex defectu oritur, sicut ex homicidio licito: ex illicita verò ex delicto, sicut & ex homicidio illicito.

Dux autem occurrunt difficultates, vna est, quid sit mutilatio, altera est, quid sit membrum.

Ad priorem respondeo, mutilationem esse abscissionem alicuius membri, quando membrum à corpore separatur: tunc enim corpus mutilum dicitur, quādo membri deest aliquod. Qui ergo debilitat membrum alterius, etiam si illud tale reddat, vt opus suum non valeat exercere, non mutilat, nec est irregularis. hæc est communis sententia, quam sequitur, & probat Panormit. in duobus locis, nempe cap. de diacono. qui cler. vel vouen. & c. clericis, ne clerici vel monach. quamuis cap. cum illorum, de sen. excommu. renuerit contrarium. eandem tenet Præposi. c. de diacono. allegato, vbi citat Cardin. in eandem sententiam, & tenet etiam Felyn. c. cum illorum, de senten. excomm. & Philipp. Fran. c. is qui de sent. excommu. in 6. vbi citat alios in eadem sententia, & hæc est verè tenenda: quæ confirmatur, 23. q. 8. can. his, à quibus præcipitur ibi clericis, ne mortis sententiam ferant, nec truncationes membrorum quibuslibet per se inferant, aut inferendas præcipiant, & c. in Archiepiscopatu, & raptu. mors, & truncatio prohibentur prælatis, essent protectio diminuti canones, si debilitatio, quæ non est truncatio, nec mors, induceret irregularitatem. Non ergo aliud est mutilatio, quàm truncatio membri, & eius abscissio, id etiam significatio nominis probat, Aristot. enim lib. 3. metaph. mutilum definit, cui extrema aliqua pars integralis corporis deest, quod etiam docet S. Thom. 22. q. 65. artic. 1. ratio etiam id ipsum comprobat: nam mutilatio ideo homicidio comparatur quantum ad irregularitatem, quia est particularis occisio membri, nimirum quia anima separatur ab illa parte abscissa, quod rectè dixit Præposi. can. 1. d. so. num. 25. id autem in debilitatione non fit, manet enim anima in membro debilitato, quod etiam si non valeat exercere officium proprium, pertinet tamen ad integritatem, & decorem corporis, & inter membra computatur, 1. q. 1. can. sicut virgini.

Altera difficultas est, quòd sit dicèdum membrum, mutilatio enim intelligi non potest sine notitia membri, est autem controuersum, an digitus sit membrum. Caiet. 22. q. 65. artic. 1. & Sotus libr. 5. de iust. q. 2. artic. 1. affirmant esse membrum, & qui digitum abscindit, esse mutilatorem, maior autem pars Canonistarum sequens Bartol. libr. 2. ff. de pub. iudi. negat esse membrum ad effectum inducendæ irregularitatis huius, ita tenent Panormitan. cap. de Diacono. qui cler. ver. nou. & cap. cum illorum, de senten. excommun. Ioann. Anan. c. ex iniuncto, de hæc. cum alijs multis. Dixi ad effectum inducendæ irregularitatis, quia multi Canonistæ distinguunt membrum, in principale, & minus principale, seu paruum, & magnum, appellantque principale, manum, pedem, oculum, nasum, & quod officium habet in corpore separatum ab alijs partibus; digitum autem vocant membrum paruum ita habet Hostien. in summ. tit. de corp. vitia. & Anton. Butr. c. Thomas, eodem tit. & Gloss. can. qui partem, d. 55. ad effectum tamen irregularitatis non habetur pro membro, nisi sit principale, & ita habet Gloss. Clem. vni. de homic. & hæc est verior doctrina; non enim verum est, quod quidam recentiores putant, Canonistas negare, digitum esse membrum, cum multi illorum affirmant, sed dicunt quantum ad irregularitatem non censi mutilatorem, nisi qui principale membrum abscindit, & hæc opinio, vt communior, est amplectenda: nam in poenalibus non sunt significationes nominum ampliandæ. Qui ergo alteri digitum abscindit, etiam si pollex aut index sit, non censetur mutilator, vt irregularis efficiatur. Dubitabit aliquis de auricula, an sit membrum. Couuar. negat, quia, inquit, qui auriculam abscindit, non aufert membrum, cum ablata auricula maneat auditus in aure, quæ ratio si valeret, nec esset mutilator, qui abscindit nasum alteri, quia manet olfactus; nasum verò esse membrum, omnes affirmant. Auricula ergo est membrum, & habet officium separatum ab alijs partibus, nempe præparare sonos, & voces, vt audiantur melius & distinctius, quod in animalibus, quæ aures mouet, satis vsui patet, & in ijs hominibus, quibus abscisse sunt experientia ostendit; non enim ita perfecte audiunt, quæ sententia est Specula. titu. de dispen. materia de irregulari, §. iuxta in fin. vbi quærit, an Petrus fuerit irregularis, qui Malcho abscidit auriculam, respondet negatiue, quia tunc non erat introducta irregularitas, significans, postquam iam ab Ecclesia est introducta, esse irregularem qui eam excidit. idem Couuar. negat

negat mamillam in fœmina esse membrum, nescio qua ratione ductus, cum habeat officium præcipuum in corpore. Ex his ergo duabus actionibus, nempe homicidio, & mutilatione oritur hæc irregularitas.

Ex ijs, quæ in superiori capite, & proximè dicta sunt, multa sequuntur.

Primò, per vulnerationem cum quantacumque sanguinis effusione, ubi non est mors, nec mutilatio membri, non induci irregularitatem; quod rectè notavit Panormita. capit. de Diacono, qui cler. ver. noue. & cap. clericis. ne cleri. verb. monach. licet aliqui contrarium dixerint, tamen sine fundamento, & contra canones, quia ex solo homicidio, & mutilatione hæc irregularitas oritur; per hæc enim tantum pars corporis, vel corpus anima, & vita priuatur, ut diximus, nec est aliqua introducenda irregularitas, quæ non sit iure expressa.

Secundò, qui alterum percutit, & ex percussione facit irregularem ex defectu, nimirum quia notabile vulnus in facie inflixit, quo fit multum deformis, aut fecit eum claudum, ut nequeat sine baculo ambulare, vel quid aliud simile, si non abscidit, aut mutilauit membrum, non est irregularis, quamuis Silu. ver. homicidium. 3. aliter sentiat eum alijs, per ipsum citaris, sed sine fundamento, quia iste non est occisor, nec mutilator.

Tertiò, qui excæcat alterum, visu eum priuando, nō tamen oculum extrahendo. Quidem ratione non est irregularis, quia nec occisor, nec mutilator; qua ratione, qui dat mulieri venenum sterilitatis, ut priuetur potentia generatiua, quia non occidit, nec mutilat, non est de iure irregularis, ut habet Gloss. c. si aliquis, de homic. quamuis quantum ad peccatum grauis sit culpa, & homicida habeatur.

Quartò, qui mortuo homini abscindit caput aliudve membrum, non est irregularis; non enim mortuus est simpliciter homo, nec membrum mortui est simpliciter membrum, unde qui abscindit, non est mutilator, quia nō priuat membrum anima, aut vita. Non esse hunc irregularem dicit Archidia. can. si quis, 15. q. 1. contra aliquos id affirmantes, & Præpos. can. 1. d. 50. num. 27.

Quintò, qui fœtum, antequàm anima sit informatus, nimirum ante quadagesimum diem abortiri facit, quamuis peccet grauius, de iure irregularis non est, quia cum nondum sit uiuifica-

uificatus, nondum est homo, & sic hic, qui aboriri fecit, non est homicida, ita habetur c. sicut, 2. de homic.

Sexto, per solam voluntatem, & conatum occidendi, aut mutilandi, si non sequitur occisio, aut mutilatio, non efficitur irregularis, ita dicit Henric. c. 1. de eo, qui mitt. in poss. vnde qui dat venenum alteri animo occidendi, aut vt aboriatum viuum foetum, si non occiditur, aut aborsus sequitur, non est irregularis, nec qui bombardam exonerat contra alterum, sed non sequitur effectus, quidquid sit de pœnis alijs temporalibus, tamen irregularitatem non incurrit, quamuis quidam contrarium teneant, sed falso, quia lex promotionis factum requirit 15. quæstio. 1. canon vltim. Denique vbi non est realis mutilatio, aut occisio, non inducitur huiusmodi irregularitas.

Quotuplex homicidium, & mutilatio.

CAPVT LXXI.

CV M constet tantum ex reali mutilatione, & homicidio induci huiusmodi irregularitatem, oportet, quot modis hæc fiant, considerare. Est autem triplex homicidium, quod autem de eo dicitur, de mutilatione etiam intelligere oportet. Est homicidium, quod voluntate, quod necessitate, quod casu committitur: hæc diuisio ceteris est, quam probat Glo. can. de his, d. 50. Archid. & Præposi. ibidem, Gloss. etiam c. sicut dignum, de homic. & ibi Henr. num. 43. & Alex. Alen. 3. p. q. 34. in 3. Est etiam aliorum multorum, eamque confirmavit Concil. Trident. sess. 14. cap. 7. vbi de irregularitate ex illicito homicidio tractans distinxit homicidium, & quod voluntate, & quod necessitate, & quod casu fit. Hæc igitur diuisio est amplectenda, & iuxta ea, quæ de irregularitate homicidij dicenda sunt, explicabimus. Oportet igitur, quid horum vnum quodque sit, declarare, postea quæ ad irregularitatem spectant, proponemus.

Aduerte, ex Gemin. & Præposi. can. si quis voluntariè, d. 50. dupliciter accipi voluntarium, strictè, & largè; strictè voluntarium est, quod est in se volitum, in quod nempe voluntas immediate fertur, vt quando volumus ambulare, sedere, legere, hæc dicuntur voluntaria strictè. Largè voluntarium est, quod
non

non in se volumus, sed in sua tantum causa, ut qui vult bibere multum vini, dicitur velle ebrietatem, non quidem in se, sed in sua causa, quia id vult, unde sequitur ebrietas. Vinum ergo est volitum strictè & per se; ebrietas autem est volita, seu voluntaria in sua causa. Alij alijs terminis hoc explicant, voluntarium strictè appellant, directè volitum; largè verò, indirectè, iuxta Glo. can. studeat, d. 50. Addunt hi Doctores, voluntatem respectu eorum, quæ strictè sunt voluntaria, esse velut matrè: respectu verò eorum, quæ non in se, sed in sua tantum causa sunt volita, esse velut auiam; ut enim auia per filiam efficit nepotem, sic voluntas per causam, seu in causa vult effectum, qui ex ea sequitur. Hæc distinctio & doctrina est vera & legitima, sed diminuta, ideo perficienda est; primum enim membrum diuisionis huius, nempe quod est volitum, seu voluntarium in se, duplex est; quoddam absolutum, quoddam conditionatum, quod alijs verbis dicitur esse voluntatem duplicem, nempe absolutam & conditionatam; illud est voluntarium absolutè, seu absoluta voluntate volitum, quod spontè, nulla impellente necessitate fit, ut quando aliquis vult legere, ambulare, &c. Illud verò est voluntarium conditionatum, quod non spontè, sed inuiti facimus, ut periculum aliquod vitemus; exemplum commune est in mercatore, qui tempore tempestatis merces in mare projiciat, ut vitam seruet, cuius proiectio voluntaria quidem est, quia liberum est illi projicere, & non projicere; tamen non est absolutè voluntaria, quia metu mortis impellitur. Projicit, inuitusque facit. Hoc voluntarium non est plenè voluntarium, sed mistum cum inuoluntario; ideo dicitur voluntarium conditionatum, seu, ut alijs dicunt, voluntarium coactum, de quo Arist. 3. Ethic. & S. Thom. 1. 2. q. 6. art. 6. & Canonistæ tit. de ijs, quæ vi, me. ve. cau. fin. tractant.

Ex hac distinctione sequitur duplex esse homicidium voluntarium directè, seu in se volitum, vnum absolutè voluntarium, quando aliquis directè, & per se vult occidere alium spontè, & nulla impellente necessitate; alterum est voluntarium directè, & in se, sed ex necessitate, & conditionatè, nempe quando aliquis vult occidere, sed necessitate, & coactè, quia aliter vitam tueri non potest, ut qui inuadentem, & occidere volentem occidit, ne ipse occidatur, vtrumque tamen est homicidium voluntarium, quod considerantes antiqui quidem iurista, homicidium in sui defensionem factum, etiam quando aliter

aliter homo euadere non potest, appellarunt voluntarium, quia directè & in se volitum est, ita habet Innoc. c. ad audientiam, de homicidio, idq; titulus decretalis indicat, nempe de homicidio voluntario, & casuali, vbi voluntarium appellatur, quod à casuali distinguitur, & hoc non aliud est, quam quod est volitum in se, & directè, siue absolutè, siue conditionate, vnde Ioan. Andr. & Anchar. in eodem titulo. opponunt contra eundem titulum: nam videtur diminutus, dicendum enim erat, de voluntario, necessario, & casuali. Respondent autem voluntarij nomine comprehendere etiam necessarium, seu quod ex necessitate fit, quod etiam canones antiqui confirmant, can. eos verò, can. si qua mulier, can. si quis voluntariè, d. 50. vbi in duo membra fit diuisio homicidiorum, nempe quod voluntate, & quod casu fit. At cum voluntarium conditionate seu ex necessitate fit mixtum cum inuoluntario, & non habeat plenam rationem voluntatis, merito Concil. Trident. sess. 13. cap. 7. citatum hæc duo distinxit, & nomine voluntarij id appellandum censuit, quod absoluta voluntate fit absq; vlla necessitate & coactione: quod verò coactè & necessitate fit nomen habet distinctum, nempe homicidium ex necessitate seu ad defensionem: quam etiam distinctionem ante Concilium citati Doctores tradiderunt, voluntarium separantes ab eo, quod ex necessitate fit, quamuis & hoc voluntarium dici debeat, si rationem voluntarij sine distinctione consideremus. Multum ergo refert ad materiam irregularitatis, tractandæ cognoscere, quando dicimus homicidium voluntarium, seu irregularitatem ex homicidio voluntario, non eam intelligi, quæ est ex homicidio facto ad defensionem, seu ex necessitate, quod inferius adhuc magis explicabitur. Hæc de priori membro illius diuisionis, in qua voluntarium in strictè & largè diuidebatur, nos superaddimus voluntarium hoc strictè, nempe quando est directè, & in se aliquid volitum, esse duplex, strictè & strictus, strictè quando est volitum directè voluntate conditionata. Strictius, quando est volitum directè absoluta voluntate, & hoc est verè & absolutè dicendum voluntarium, & distinguitur ab eo, quod fit ex necessitate. Alterum membrum diuisionis erat, voluntarium largè, quod est volitum tantum in sua causa, & indirectè, respectu cuius voluntas est vt auiæ, hoc voluntarium appellant citati Doctores casuale, quod non est in se volitum, sed tantum in sua causa quod alij vocant indirectè, & per accidens volitum, vt diximus ex Glo. can. studeat,

d. 50. Hoc igitur membrum adhuc distinctione indiget: ex causa enim dupliciter effectus sequitur, aliquando enim sequitur semper, aut plerumque, seu in plurimum; aliquando sequitur raro, utriusque sit exemplum: Ex veneni potu frequenter mors sequitur. ex nimio vini potu in plurimum consequitur ebrietas. ex graui vulnere in capite mors. At ex pulsu campanæ raro malleus soluitur, & occidit hominem. ex iactu bombardæ raro rumpitur seu frangitur bombardæ, & occidit circumstantes. Prædicti ergo Doctores volitum in causa tantum, siue raro, siue in plurimum sequatur, casuale appellant. at Caiet. 22. q. 64. art. 8. ad 3. quando effectus ex causa in plurimum sequitur, existimat, non esse casuale dicendum, sed annexendum cum voluntario; unde qui voluit vulnus infligere, ex quo in plurimum mors sequitur, quamuis non intendebat occidere, si mors sequatur, existimat homicidium voluntarium, id quod recepit Couar. ubi de homicidio voluntario loquitur, tamen est contra S. Thom. quem ipsi in suum citant fauorem: nam, 22. q. 64. art. 8. ad 2. loquens de homicidio casuali dicit: Qui percutit prægnantem, si sequatur mors mulieris, vel pueri, non effugere homicidij reatum, præcipue cum ex tali percussione in promptu sit quod mors sequatur. Nota esse casuale homicidium in causa, ex qua in promptu est, mortem sequi, id est, ex qua in plurimum mors sequitur, dummodò non sit facta percussio ea intentione, ut mors sequatur, aut sit mors præcogitata, & in corpore articuli definit casuale homicidium, quod præter intentionem sit. fauor ad purum casuale duo necessaria, nempe quod raro fiat, & quod præter intentionem & præscientiam, tamen in materia irregularitatis plus habetur ratio intentionis, etiam si non raro fiat, & quamuis minus sit casuale, tamen casuale est.

Aduertendum ergo est, casuale dici quantum ad irregularitatem, quod tantum & præcisè in causa est volitum, siue raro, siue in plurimum sequatur, dummodò non sit præuisum, nec intentum ab efficiente, seu occidente: penes intentionem enim & voluntatem est casuale, adeo ut si quis campanam pulset intentione, ut malleus cadens occidat aliquem, vel præuidens casurum, & occisurum, si cadat, & occidat, licet raro accidat, non erit casuale, sed voluntarium, ut dicit Arch. cano. de occidendis 23. q. 5. contra vero, si quis percutiat vulnere lethali aliquem, nesciens mortem sequi, nec ea intentione, ut sequatur, reputabitur casuale. dico (nesciens) quia si quis scit, & adhuc facit,

facit, iam vult occidere directe. hoc autem est discriminis, quod grauius erat peccatum, si ex causa frequentius sequitur mors; arguit enim maiorem negligentiam, in foro exteriori magis reputabitur habuisse intentionem occidendi: at in foro interiori, & quoad Deum non erit voluntarius homicida, sed casualis, qui præter scientiam & intentionem occidit, quod ex eodem Concil. Triden. sess. 14. cap. 7. satis clare deducitur: nam cum prius dixisset, qui sua voluntate occiderit, non debere cum eo dispensari, & hoc distinxerat ab eo, qui necessitate, & qui casu occidit, repetens, quid sit voluntate occidere, dicit, qui non proposito occidit, significans, voluntate occidere, & ex proposito occidere idem esse: ex proposito autem occidere, & intentione idem est; propositum enim & intentio directam voluntatem significant. homicidium ergo voluntarium distinctum ab alijs duobus est directe volitum.

Hæc est causa quod in canonibus, vt constat ex cap. significasti. de homic. consideratur animus & intentio in percussione, ex qua mors est secuta, quod etiam maxime comprobatur ex cano. cum vero. & can. frater vester d. 50. ex quibus hoc maxime deducitur: est enim notanda doctrina Panorm. cap. significasti. de homic. in fine, ius canonicum, quantum ad irregularitatem, considerare magis animum, & intentionem in actu subsecuto; aduertendum tamen est, non solum illum habere intentionem, seu voluntatem directam occidendi, qui specialiter vult occidere, sed etiam illum, qui in genere percussit animo nocendi indistincte, & vniuersaliter, non excludendo mortem: secus si expresse nollet occidere, aut mutilare, sed tantum percussit; hic enim, etiam si ex percussione sequeretur mors, non est censendus homicida voluntarius, quantum ad irregularitatem in foro interiori, vbi non proceditur ex præsumptione: nam in exteriori foro censeretur homicidia voluntarius, quia præsumeretur voluisse occidere, nisi aliunde veritas constaret.

Ex his omnibus habes expositam diuisionem homicidij, quod sit tripliciter; aut voluntate, aut necessitate, aut casu; quamuis enim omnia sint ex voluntate largissime sumpta, tamen quod non in se, sed in sua causa tantum est volitum non appellamus simpliciter voluntarium, sed casuale, nec id etiam, quod in se est volitum, si non absolute, sed ex necessitate & conditionate est volitum. Ex hoc triplici homicidio, seu mutila-

mutilatione irregularitas consequitur, sed non eadē, nec eiusdem rationis, nec semper. ideo qualiter, & quibus modis; & quando sequatur, in sequentibus capitibus explicatur.

Quando ex mutilatione, vel homicidio non inducatur irregularitas.

CAPVT LXXII.

PAulo superius diximus, vbi homicidium, aut mutilatio realis non erat, nō inducit irregularitatem, cuius rei multa attulimus exempla, nunc dicimus esse causas, in quibus etiam si homicidium, & mutilatio sint, nulla inducitur irregularitas. & præter alios, de quibus agemus, quando singula homicidiorum genera tractabimus, oportet nunc aduertere necessarium esse ad hoc, vt hæc duæ actiones inferant irregularitatem, quod procedant ab habente vsum rationis; non enim verè est homicidium, aut mutilatio, quæ sunt actiones humanae, vbi non est rationis vsum, sicut nec habet propriam rationem homicidij id, quod fit à leone, vel tauro. Est igitur conditio necessaria, vt sit actio humana: non est autem actio humana, nisi adsit vsum rationis, & libertas arbitrij. hæc de causa in Clem. furiosus. de homic. excipiuntur tria genera, quæ, etiam si occidant, mutilent, nullam contrahunt irregularitatem, nec ex delicto, nec ex defectu.

Primò loco sunt infantes, qui non sunt doli capaces, hi si occidant, vel mutilent, quod accidere potest, ne sunt irregulares, & adulti facti promoueri possunt. notat ibi Gloss. communiter recepta, tempus infantia: esse vsque ad completum septennium, infra quod non est irregularis, qui occidit. aduertit autem Anchar. in eadem Clementina, quod si contigerit ante septennium aliquem esse capacem doli, aut post septennium nondum esse capacem doli, vel habere rationis vsum, illum incurrere irregularitatem, hunc vero non. Nec est iam probanda doctrina Hostien. ca. 1. de delict. puer. affirmantis, si puer nondum doli capax projiciat cultellum, aut lapidem, aut occidat, etiam si id non intendat, esse irregularem. hoc inquam iam non est verum post Clem. vt dicit Panorm. cap. 1. de delict. puer. & Gloss. in eadem Clem. vbi vterque reprobat Hostiensem.

Secundò loco, Clementina excipit furiosos, etiam adultos, hi pa-

hi pari ratione, si occidant in furore vel infania aliquem, non sunt irregulares. notat ibi Gloss. per furiosos, non solum intelligi eos, qui hoc morbo continuo laborant, sed qui etiam per interuallum eum patiuntur, & dum furiosi sunt, occidunt, vel mutilant; idemque est dicendum de infirmo phrenetico. In his omnibus deficit usus rationis, nec inducitur irregularitas, etiam si vitio & culpa propria inciderint in infaniam, ut docet Gloss. 15. q. 1. can. si quis infaniens. & Card. in Clem. furiosus, de hom. q. 6.

Tertio, excipit dormientes, aliqui enim somnos adeo graues patiuntur, ut noctu somniantes surgant, multa que faciant opera, qualia vigilantes efficere solent. hi, si occidunt, vel mutilent, non contrahunt ullam irregularitatem, nec enim habent rationis usum, sicut nec furiosi, ut habetur cap. maiores, de bapt. §. verum, hoc limitant Card. & Anchar. in ead. Clem. Quando qui solitus est in somno arma capere, & percutere, id sciens praeuenerit in vigilia quantum potest, ne quid simile faciat dormiens, a cubiculo arma eijciendo, aut socium apud se habendo, vel aliquid alium necessarium adhibendo, qui n. scit, & non praeuenerit, non excusatur ab irregularitate opere subsecuto, idemque dicendum existimo in eo, qui lucida interualla patitur, quando compos est mentis, si scit se in furore in alios inuehi, debet enim praeuere quantum potest: quod si solitus non est ea facere, vel, si solitus est, praeuenerit, & adhuc postea cecidit, vel mutilat, nullam inde contrahit irregularitatem. Dubium excitant Doctores de illo, qui vigilans, ira vehementi, vel odio commotus conatus est alterum occidere, nec potuit, postea tamen dormiens praecedenti imaginatione agitatus in somno surrexit, & occidit, an sit irregularis. Palu. 4. sent. d. 32. q. 1. art. 3. affirmat esse irregularem, quia causam dedit vigilans, contrarium tenent Socin. c. ad audientiam, de hom. n. 15. & Gonsal. & Valladiego de irregula. ca. de percussore, & Castr. lib. 2. de potest. leg. poen. cap. 14. quos etiam sequitur Couarr. limitans, si non erat solitus talia facere in somnis; nec ea intentione dormiuit, ut id eueniret, & hoc verum est. Haec tria genera personarum excipit Clementina. Doctores autem paritatem rationis sequentes idem dicunt de ebrio, qui praebrietate non habet rationis usum, etiam si sua culpa ebrius sit, dummodo non ea intentione, ut alium percuteret, se inebriauerit, hic, si occidat, non est irregularis, ita dicit Castro loco citato in fine capituli, & Couarr. limitans, si non erat solitus in ebrietate furere in alios,

in alios, aut, si solitus erat, præcauit, si enim id sciens non præcauit, est irregularis, si casus sequitur, est enim eadem ratio dormientium, aut patientium lucida intervalla, & ebriorum in hac parte quantum ad irregularitatem. De his quatuor generibus personarum, quomodo excusentur à culpa, vide 15. q. 1. per totam.

De irregularitate ex homicidio voluntario.

CAPVT LXXIII.

Homicidium voluntarium, quod ab habente usum rationis, non casu, aut necessitate, sed directa voluntate fit, duplex est, vnum quod iuste, alterum, quod iniuste fit: iuste enim ministri iustitiæ, & qui publicam habent potestatem malefactores interficiunt, & occidi faciunt; iniuste autem auctoritate priuata homo occidit proximū suum vtrumque; autem dici voluntariū, quando non necessitate, nec casu aliquo fit, sed directa voluntate, communis est sententia, quam sequitur Archid. can. si quis viduam, d. 50. Gemi. & Præpos. can. de his. eadem d. Hosien. in summ. de homic. §. qua pœna. & Gofred. in summ. de homic. Anton. 31. titu. 27. cap. 2. §. 5. & Alexan. Alex. 3. r. 34. m. 3. cum alijs multis. Hi allegati Doctores Canonistæ apprehendunt Raym. affirmantem, voluntarium homicidium semper esse peccatum. Quis contrarium ipsi docent: nec negari potest, occidunt enim, qui publicam habent potestatem malos sine vilo peccato, cumque hoc homicidium non ex necessitate, nec casu fiat, sed directa voluntate, necesse est voluntarium esse: & ex vtroque nascitur irregularitas, quamuis diuersæ rationis: ex iusto enim homicidio nascitur irregularitas ex defectu; ex iniusto autem, ex delicto. Nec probanda est descriptio Couarr. qui in materia de homic. ferè in principio definit, voluntarium homicidium esse, quod dolo, malevole animo fit: postea verò aliquantò inferius asseruerat, homicidium factum à iudice, & habente publicam potestatem esse voluntarium; hoc secundum verum, nam canones, ubi agitur de irregularitate, tam iustum, quam iniustum homicidium sub hoc nomine voluntarij cōplexi sunt, quia ex vtroque irregularitas oritur. Aduerte ergo ex Præpos. can. si quis viduam, d. 50. & Alex. Alen. 3. p. q. 34. m. 2. ar. 2. ad 2. & ex commu-

ni doctrina, ad iustum homicidium quatuor esse necessaria; nempe debitam, & legitimam potestatem, iustam causam, iustum ordinem, iustum animum. Isti Doctores tria numerant, quia primum sub tertio comprehendunt, tamen distinctionis causa quatuor, ego adnumeraui. Erit ergo homicidium iniustum, quando vel vnum horum defuerit, & per id homicida iniustus voluntarius efficietur irregularis ex delicto; vbi verò omnia simul conueniunt, erit homicida iustus, & irregularis ex defectu.

Primò igitur, requiritur debita, & legitima potestas in eos, qui occidendi, aut mutilandi sunt, priuata ergo persona, qui nec iudex, nec minister est, nec publica fugens potestate, si occidat etiam reum, & dignum morte; etiam Paganum, Iudæum, vel infidelem quemcumque iuxta can. clericum, d. 50. homicida iniustus est; est enim ad iustitiam necessaria potestas; seu auctoritas publica, 23. q. 5. can. miles. Ex defectu huius potestatis clerici, & religiosi occidentes hostem, etiam in bello iusto, sunt homicidæ iniusti, quia potestas talis illis negata est, c. ex multa de voto, §. clericis. & c. sententiam, ne cle. ver. monst. Potestatem Papa dare facultatem illis pugnandi in bello iusto absque irregularitate, vt dicit Panorm. c. clerici, de vit. & honest. cler. & Præposi. c. 1. d. 50. num. 27. & can. clericum, eadem d. Eadem ratione essent homicidæ iniusti, si occiderent bannitum, qui ex forma statuti potest impunè à quolibet occidi, vt dicit Hippol. de Marfi. confi. 11. Si verò laicus occideret animo iusto, esset homicida iustus, dummodò occideret in territorio proprio principis, cuius est minister, secus si in alieno, vt dicit Silu. homici. §. 7. secundum Archid. nisi dominus illius territorij consentiat expresse, tacite, aut præsumptiue.

Secundò, necessaria est causa iusta, nemo enim iuste occidi debet, nec potest, si non sit reus & dignus morte; vnde iudex, princeps, & ministri, quantalibet potestate fungantur, si occidant, aut occidi faciant eum, qui innocens est; aut si reus est, non est reus mortis, sunt homicidæ iniusti, 11. quest. 3. can. ira. & can. cum apud. hoc quidem verum est, nempe si innocens probaretur nocens, & morte dignus, iudicem, qui secundum allegata, & probata iudicare debet, post adhibitam omnem diligentiam indagandi verum, si occidat probatum nocentem, non peccare, nec esse homicidam iniustum, vt tenet Alexan. 3. i. quest. 34. m. 1. articul. 4. quia causa secundum allegata & probata est consideranda. Esset autem iniustus homicida mi-

les occidens in bello iniusto, & minister, qui exequeretur poenam mortis in eum, quem certò scit iniuste damnatum; dico, quem certò scit, quia nec miles, nec minister iustitiæ debent inquirere maiorum suorum facta; sed quando certum non est maiores iniquè agere, etiam in dubijs tenentur credere eos habere iustam causam, can. quid culpatur, 23. q. 1. Esset etiã iniustus homicida iudex, qui dignum mutilatione, aut triremibus morte plectere, vt dicit Silu. 11. homicidium, 3. §. 6. non tamen si dignum morte acerbius puniret, quàm digitus esset; licet enim peccaret, non tamen iniustus homicida esset ad effectum irregularitatis ex delicto, quia causa mortis iusta interfuit, & iuste occidit.

Tertiò, est necessarius ordo iustitiæ præscriptus à legibus, qui enim occidit ex potestate, & ex causa, si ordinem debitum non seruat, est iniustus homicida; vt, si non conuictum damnauit, aut vijs illegitimis, confessionem extorsit, propter quam morti adiudicauit, aut alia neglexit, quæ seruanda in causa mortis leges statuerunt: notat tamen Præpos. 11. q. 3. can. eorum in notorijs delictis non omnem iuris ordinem seruare necessarium esse.

Quartò necessarius est iustus animus; etiam si enim adesset potestas legitima, causa iusta, & ordo debitus & iustus, si animus non esset iustus, homicida esset iniustus: animus autem iustus is dicitur, vt amore iustitiæ, & non zelo vindictæ occidatur malefactor, aut hostis, 23. q. 4. can. ea vindicta. & 23. q. 5. can. minister, vbi Arcl. Quid adnotat, & 23. q. 8. can. quicumque, & ibi Gloss. & 11. q. 3. can. Episcopus presbyter, & ibi Doctores. Iuxta hoc, qui occidit bannitum, non quia bannitum, sed quia proprium inimicum, homicida est iniustus. Et miles, qui in bello iusto occidit hostem, non quia publicus hostis est, sed quia proprius aduersarius, & vindex, qui poenam mortis in reum traditum à iusto iudice exequitur animo vindicandi se de eo. Omnes hi ex defectu animi, & iustæ intentionis sunt homicidæ iniusti.

Hæc communis doctrina limitanda, & declaranda potius videtur: nam qui præcipuè mouetur animo iniusto, & zelo vindictæ, homicida esset iniustus, nempe qui occidit bannitum, occisurus, etiam si non esset bannitus; qui in bello occidit hostem publicum, occisurus, etiam si non esset hostis publicus. At qui non principaliter eo animo mouetur, sed minus principaliter, occidit enim animo vindictæ, & odio,

non tamen occideret, nisi iuste occidere posset, & nisi potestas, & causa essent: hunc non puta esse homicidam iniustum ad effectum irregularitatis ex delicto peccaret quidem & grauius, sed non propter hoc esset irregularis ex delicto: non enim omne homicidium, quod est peccatum, seu cum peccato, est iniustum ad effectum irregularitatis ex delicto, quod est maxime notandum, nisi adsit iniustitia contra proximum principaliter, quam distinctionem, nempe principaliter, & minus principaliter, insinuat. Silu. homicidium, l. §. s. vnde milites & ministri, qui aliquando ex vana gloria, auaritia, cupiditate, immoderata ira mouentur, essent irregulares ex delicto, quod non est, quia non sunt iniusti homicidæ, vnde iudex, qui in die festo malefactorem occidi facere, aut non prius administrato poenitentiae sacramento, peccaret grauius contra charitatem Dei, & proximi, tamen non esset irregularis ex delicto, quia iniustitiam non facit in occisione. Ecce quis sit homicida voluntarius iustus, & quis iniustus. Iustus est, quando omnia quatuor conueniunt. Iniustus est, quando vnum deest, vterque est irregularis, sed vnus ex delicto, alter ex defectu. Hæc omnia dicenda sunt de mutilatione, in quo homicidij & mutilationis genere semper incurritur irregularitas, siue ex delicto, siue ex defectu, excepto in vno casu, quando membrum aliquis secat alteri gratia sanitatis, vt Chirurgi solent facere, hi nullam ex hoc incurunt irregularitatem; immò nec si ea de causa aliquis sibi ipsi membrum abscinderet, vt diximus suprâ de corp. vitia. ex Inno. & idem sequitur Præposit.

Aduerte autem circa homicidium voluntarium iniustum non solum esse homicidam, qui de facto occidit, sed qui de dedit causam sufficientem mortis, etiam si ab alijs sit occisus: verbi gratia, quidam percussit alterum lethaliter, & antequam anima exhalaret, ab alijs est occisus, censetur ille primus etiam homicida voluntarius, & hic est casus c. significasti, 2. de homi. & ibi Panor. num. 7. dicit id esse verum, quantum ad irregularitatem. Aduerte etiam esse homicidam voluntarium, non quidem verum, sed iuris interpretatione eum, qui voluntate occidendi percussit alterum, non lethaliter, tamen ab alijs superuenientibus est occisus, etiam si ille non hos induxerit ad occidendum; hic propter voluntatem occidendi coniunctam operi, & vulneri, etiam non lethali, est homicida voluntarius, non re, sed iuris interpretatione, quæ habentur eodem c. significasti, 2. de ho-

de homicid. quod si non voluntate occidendi percussit, non lethaliter, & alij superuenerunt, & occiderunt, tunc ad casuale homicidium pertinet, de quo inferius dicitur. Aduerte rursus homicidium factum in rixa repentine, & calore iracundia, etiam si minor culpa sit, esse voluntarium homicidium ita habet Ioan. Andr. c. de infantibus. de ijs, qui fil. occid. & titulus ipse idem probat. Aduerte postremò, quando multi interfuerunt ad percutiendū vnum, & nescitur cuius vulnere is occisus est, debet quisque reputari irregularis, quia tutius est, cap. significasti. 2. de homic.

De irregularitate homicidij ex necessitate facti.

CAPVT LXXIX.

Homicidium ex necessitate est, quod aliquis committit non sponte, sed impulsus necessitate ad defensionem ab iniusta oppressione, est autem triplex defensio. Vna est vitæ propriæ, nimirum quando aliquis inuasorem, & occidere volentem occidit, vt vitam propriam tueatur. Altera est defensio vitæ proximi, quando nempe aggressorem, & inuasorem proximi occidit, vt proximum à morte iniusta liberet. Tertia est defensio bonorū temporalium, quando latronem, & rapere bona volentem occidit, vt bona propria tueatur. de horum singulis est particulariter tractandum. De prima ergo defensione aduertendū est ex Gloss. can. de his. d. 50. & ex communi doctōrum sententia, duplicem esse necessitatem defendendæ vitæ propriæ: Vna est ineuitabilis, quando nimirum aliter non potest homo suam tueri vitam ab iniusto aggressore, nisi eum occidat. Altera est euitabilis, quando posset tueri vitā propriam alio medio, absque eo quod occidat inuasorem, sed modum defensionis transgrediens eum occidit, volens tutius & securius agere. quando ergo homicidium fit ex necessitate ineuitabili, dicitur fieri cum moderamine inculpatæ tutelæ, quando vero non est necessitas ineuitabilis dicitur sine moderamine inculpatæ tutelæ, quia non seruat moderamen, quod seruari debet, vt sine culpa vitam propriam tueatur. His sic suppositis notanda sunt aliqua.

Primò, qui occidit inuasorem, seruato moderamine, id est, quando aliter vitæ suæ propriæ consulere non potest, non

solum non peccat, sed nō irregularis est. quantum ad priorem partem de peccato, nulla est difficultas, quia iure naturali licet vnicuique vim illatam propulsare, quod intellige quando nō ex odio, aut vindicta occidit, sed vt seipsum defendat, & propriæ vitæ consulat. Posterior autem pars de irregularitate non erat olim sic, immō qui occidebat, etiam ad iustam sui defensionem, non erat ab irregularitate immunis, non quidem ex delicto, sed ex defectu. ita Innocent. cap. ad audientiam. de homicidio & capit. 2. de cleric. pugn. in duel. & Sanct. Th. 22. qu. 54. art. 7. & alij antiqui scriptores senserunt: at postea facta ex Clemen. furiosus. de homic. vbi occidens, aut mutilans suum inuasorem, aliter mortem vitare non valens, ab omni irregularitate est immunis, nec in hoc dicto vlla est iam controuersia.

Secundō, etiam personis Ecclesiasticis, licet ad vitæ propriæ inuitabilem defensionem occidere absq; peccato, & irregularitate. ita habet Panorm. cap. si aliquis de hom. Hoc etiam dictum est commune, & patet ex cap. significasti. 2. de homic. nec est verum. quod dicit Gloss. can. de occidendis 23. q. 5. Clericum debere permittere potius se occidi, quā occidere, sed debet intelligi, quando non est ad defensionem necessariam. quod si Gloss. etiam in hoc casu loquatur, falsa est, quia defensio sui fundatur in iure naturali, quod commune etiam est personis Ecclesiasticis, nec potest tolli perius positum. Nec huic decisioni est contrarius cano. de his d. 50. vbi videtur puniri clericus, qui ad sui defensionem occidit Paganum, ibi enim Gloss. respondet intelligi de eo, qui occidit non necessitate inuitabili. Gemin. tamen aliter respondet, nempe intelligi de irregularitate, quam contrahebat occidens ad sui defensionem ante Clement. at iam est ablata iure nouo, & sic S. Thom. 22. qu. 64. art. 7. ad 2. eum canonem interpretatur, vt procedat, non de peccato, sed de irregularitate. quæ tunc contrahebatur.

Tertiō, inuasor, seu aggressor est censendus, quando cum armis venire contra nos videtur, non enim expectandum est, vt ille vulnerare incipiat, aut bombardam emittat, sed satis est si venientem, & irruentem videamus, nec euadere aliter possumus. hoc est Ioan. Anan. c. si perfodiens. de homic. vbi secundum Bartol. dicit, si video venientem cum cultello contra me, tunc esse iniustam defensionem. Archidiaconus. cano. de his d. 50. strepitum armorum dicit facere iustum metum ad effectum

fectum defensionis; debent tamen arma considerari, vt talia sint, ex quibus periculum vitæ imminet probabiliter, nisi occidendo, aut mutilando se defendat. Aduerte autem, eum dici inuasorem, seu aggressorem, qui non prouocatus prior in alterum insurgit. Qui ergo talem, se defendendo occidit, aliter euadere non valens, dicitur inuasorem iuste occidisse; quando vero prouocatus est, quia verbo, aut facto iniurioso laceffit, ad vindicandum arma sua capit, non cēsetur aggressor, vnde qui eum occidit, non dicitur ad defensionem occidisse inuasorem, quia ipse prior causam iniustam dedit. Si ergo occiderit, erit irregularis ex delicto homicidij voluntarij. similiter etiam ipse laceffit, si occiderit, quia non debuit se vindicare. & ex vtraque parte occidens erit irregularis ex delicto, hinc sequitur, si aliquis intrauit domum alterius furandi causa vel vt aliquod delictum perpetraret, qui vero intus erant insurrexerunt in eum, ipse vero defendendo se, occidit, erit homicida voluntarius, & irregularis ex delicto, quia causam iniustam dedit, nec illi censentur aggressores ad effectum irregularitatis vitandæ in eo, qui occidit.

Quartò, qui occidit aggressorem ad euitandam propriam mutilationem, aliter eum euadere non valens, non quidem peccat, sed est irregularis ex defectu. hoc est contra Cardin. in eadem Clementin. Silu. homic. 3. §. 6. & Couar. qui tenet nec esse irregularem, sed contrarium tenet Gonsal. de Villadiego tractat. de irregulari. capitul. de percussore, & hoc est probabilius. De peccato non est controuersia, quia iusta est defensio membrorum propriorum, tamen quantum ad irregularitatem non est immunis, & ratio est, quia iure communi ante Clementin. etiam ex iusta sui defensione contrahebatur irregularitas: at per Clement. abrogatum est ius commune. id solum ergo abrogatum est, quod per Clement. declaratur: at Clementina solum excipit eum, qui ad sui defensionem non valens aliter mortem vitare, suum occidit inuasorem. in hoc autem casu poterat euadere mortem. Non igitur immunis est ab irregularitate, nec valet dicere quia paria sunt, quantum ad irregularitatem, mutilatio, & homicidium, hoc enim inualidū est argumentum, sunt quidem paria quantum ad hoc, quod ex vtroque contrahitur irregularitas, sed non quantum ad hoc, quod, quidquid de homicidio stabili-
sit de mutilatione dicendum, alias enim non esset irregularis?

qui potens euadere mutilando occideret, cuius cōtrarium statim dicemus, & ipsimet affirmant. præterea in Clem. habetur, qui mutilat, aut occidit non valens aliter propriam mortem euadere. vtrumque coniungitur respectu inuasoris, non autem respectu occidentis, sed solum vnum, nempe quando nō potest mortem euadere, nec valet, non esse peccatum occidere ad vitandum mutilationem propriam, quia irregularitas hæc etiam sine peccato contrahitur, vt statim dicemus in multis casibus.

Quintò, qui occidit non seruato moderamine, nempe necessitate euitabili, quando mortem euadere poterat, semper est irregularis, tamen non semper ex delicto, quia aliquando peccat, non seruando moderamen, aliquando non peccat; quando peccat, erit irregularis ex delicto, quando vero non, erit ex defectu, quod in casibus aliquibus manifestum est, ideo dico.

Sextò, qui potest vitam tueri non occidendo inuasorem, sed tantum modò mutilando, peccat, si occidit, & irregularis est ex delicto. ita dicit Silu. homicidium 3. §. 6. & ratio est, quia non licet occidere, nisi quando aliter non potest euadere, at hic potuit euadere non occidendo. ergo grauiter peccauit, & ab irregularitate delicti non est immunis.

Septimò, qui potuit fuga euadere, si fuga ei dedecus & infamiam inducit, quia vir nobilis, aut miles est, aut eius conditionis, cui multum infamiae fuga inferret, non tenetur fugere, & si aliter non potest euadere, potest sine peccato occidere, irregularis tamen erit ex defectu, non ex delicto. hoc dictum est Panor. c. olim. de restit. spoliat. & Præpos. can. ex præmissis d. 50. n. 26. quidquid quidam in contrarium dicant; est enim graue detrimentum honoris in similibus personis, & non minus in multis, quam alicuius membri mutilatio. Quando ergo honor bene ordinatus est, & non vane appetitur, sed propter honestum finem, tunc non peccat, si nolit fugere, sed se defenderit: in defensione autem, si non potest vitam tueri, nisi occidendo aduersarium, licite occidit, tamen est irregularis, quia Clem. non excipit ab irregularitate, nisi eum, qui aliter vitam tueri non poterat.

Octauò, quod si est persona Ecclesiastica, cui fugere nō est infamia, quia alteram profitentur militiam, aut si secularis, cui parum dedecoris fuga adfert, quia homo minoris cōditionis, aut alia quauis de causa, hic, si occidat inuasorem, peccat graui-

grauiter, & est irregularis ex delicto. Hoc dictum est prædictorum doctorum, & est commune, quod limita, nisi in fuga immineret periculum, quia aduersarius à tergo noceret, aut simul aliqua causa, tunc enim non tenetur fugere, nec reputatur tunc per fugam talem euadere posse. Ita Præpos. can. i. d. 50. num. 26.

Nonò qui inuasorem fugientem, aut recedentem ab inuasionem insequitur, etiam si vulneratus sit ab ipso inuasore, & insequendo occidit, aut mutilat, peccat, & est irregularis ex delicto, non quouis modo, sed ex homicidio voluntario, iam enim non est necessitas defensionis, sed vindicta. Ita habet Gloss. cap. si perfodiens. de hom. Archid. & Præpos. cap. de his. d. 50.

Hæc dicta sunt de homicidio ex necessitate inuitabili, & cuitabili propriæ personæ: ubi vnum maximè attende pro intelligentia legitima cuiusdam decreti Concil. Trid. & multarum facultatum à Sede Apostolica emanantium super dispensatione ab irregularitate, nempe, qui occidit, aut mutilat se defendendo in casibus, in quibus contrahit irregularitatem, nimirum quando necessitas cuitabilis est, non esse irregularitatem ex homicidio voluntario, siue sit ex defectu, ut quando sine peccato occidit, siue ex delicto, quando cum peccato, utraque enim irregularitas oritur ex homicidio huiusmodi, ut ex antecedentibus constat. hoc constat ex ipso Concilio Tridentino sess. 14. cap. 7. distinguit enim tres irregularitates ex delicto, vnam, quæ oritur ex homicidio voluntate perpetrato. Alteram ex homicidio necessario ad propriæ vitæ defensionem. Tertiam ex casuali: res autem certa est, quando defensio inuitabilis est, nullam oriri irregularitatem. Ergo necesse est fieri, Concilium procedere in defensione necessitatis vitabilis, quando moderamen non seruatur, quæ est ex delicto: hanc autem irregularitatem distinxit ab ea, quæ oritur ex homicidio voluntario, & casuali. Igitur irregularitas ex homicidio necessario, etiam si sit ex delicto, quia modus non est seruatus, non erit ex homicidio voluntario, quod etiam ante Concilium multi senserunt; nam Gloss. can. de his. d. 50. Archid. Gem. Præpos. & quotquot, ut superius diximus, diuiserunt homicidium in voluntate, necessitate, & casu perpetratum. Omnes hi homicidium necessitate factum subdividerunt in id, quod fit necessitate vitabili, & in id, quod fit necessitate inuitabili, vtrumque à voluntario separantes, hinc fit, ut quando

Concilium Trident. sess. 24. cap. 6. concedit Episcopis facultatem dispensandi in omni irregularitate ex occulto ex delicto proueniente, præter eam, quæ oritur ex homicidio voluntario non fit excepta ista, quæ prouenit ex homicidio ex necessitate, non seruat moderamine, quia hæc non censetur esse ex homicidio voluntario. etiam si fit ex delicto. Præterea quando est sine peccato, ut in eo, qui potuit, non tamen tenetur fugere, & ideo est irregularis ex defectu, non censetur esse ex homicidio voluntario, quamuis licito, sicut est ea, quæ est in iudice, & milite, & alijs huiusmodi; hi enim sunt irregulares irregularitate homicidij voluntarij ex defectu, ut quando conceditur facultas dispensandi in omni irregularitate, siue ex delicto, siue ex defectu, præter eam, quæ est ex homicidio voluntario, non excipitur ista, quæ est ex homicidio defensionis, quia non est homicidium voluntarium, quod multum est obseruandum.

Quantum attinet ad homicidium factum in defensione vitæ proximi, ut liberetur ab iniquo aggressore, sunt aliqua etiam adnotanda.

Primò, qui occidit, aut mutilat inuasorem proximi, ut consulat vitæ illius, quando aliter non potest consulere, non peccat, tamē irregularis est ex defectu. prior pars de peccato communis est, & habetur cap. ex delicto de sent. excom. in 6. immo obligatorium est, quilibet enim tenetur. si potest sine suo periculo, etiam clericus proximum ab inuasore iniquo defendere, ut ex eodem cap. constat. Posterior pars de irregularitate, quamuis quidam teneant esse ab irregularitate immunem, tamen contrarium est certius & verius, quod tenet Gloss. Clem. vni. de homic. nam ibi non excipitur, nisi qui suum inuasorem occidit, aut mutilat, aliter propriam mortem euadere non valens. Qui ergo occidit in defensionem amici, fratris, etiam patris, licet non peccet, & rectè agat, irregularis est, sicut etiam olim erat occidens in propriæ vitæ necessariam defensionem.

Secundò, si moderamen non seruetur in tali defensione, qui nimirum potuit proximum defendere absque occisione aggressoris, tunc peccat, & irregularis est ex delicto, uti etiam dictum est in defensione vitæ propriæ, nec est in hoc controversia.

Tertiò, hæc irregularis in utroque casu est ex homicidio voluntario, in priori ex defectu, sicut in milite, & ministro iussu.

institutiæ, in posteriori ex delicto, sicut in priuato occidente alium quemuis, quamuis non sit tanta culpa, quia id efficit in defensionem proximi. Hoc dictum est multum aduertendum pro facultatibus dispensandi concessis: vtriusque autem dicti ratio est, quia qui inuasus est, dicitur occidere ex necessitate: at qui inuasum ab alio defendit, cum ipse non sit in necessitate, quia inuasus non est, sponte id facit, eiusque homicidium ad voluntarij genus spectat, siue iuste, siue iniuste fiat, vnde canones, & Doctores, qui de homicidio ex necessitate facto locuti sunt, omnes huius tantum meminerunt, quando sit in defensionem propriam.

Quarto, qui iuuat defendentem se contra iniustum inuasorem, si ipse, qui inuasus est, occidat, quando Occidere ei licet, nimirum seruato moderamine, ipse, qui iuuat, nullam incurrit irregularitatem, etiam si vulneret, dummodo non sit lethale vulnus. Hoc dictum est ex communi doctrina sumptum, nam sicut in bello iusto non omnis, qui pugnat & vulnerat, irregularis est, sed ille, qui proprijs manibus occidit, aut mutilat, quamuis omnes adiuuent se mutuo, vt constat ex capit. petitio. de homicid. ita fit in hoc bello particulari iusto. Hæc de homicidio in defensionem alterius vitæ dicta sunt.

Quantum autem ad defensionem bonorum temporalium graues Doctores tenent, non licere vlli ad solam defensionem bonorum temporalium occidere aggressorem, etiam si aliter illa conseruare non possit, licet quidem defendere, & in defensione vulnerare inuasorem, sed non occidere, in qua opinione fuerunt Innocent. cap. si vero l. de sent. excom. & Panorm. c. interfecisti. de homic. cum alijs. At contrarium partem tenent Anton. 3. p. tit. 4. ca. 3. Silu. bellum. 2. §. 2. Caiet. 22. q. 64. artic. 7. & Sotus lib. 5. de iust. q. 5. art. 8. cum alijs multis. & hæc est verior & probabilior opinio, in cuius gratiam sunt aliqua adnotanda.

Primo, personis religiosis, & Ecclesiasticis non licet occidere aliquem in defensionem bonorum temporalium, sed potius eorum iacturam pati debent, quam occidere, hoc dictum est commune, & habetur c. interfecisti. & c. suscepimus. de homic. vnde si occiderent ea de causa, irregulares essent ex delicto, vt constat ex capitibus allegatis.

Secundo, non licet etiam secularibus personis, quando res est parui momenti, occidere, inuasorem, sed potius est facienda iactu.

iactura. hoc dictū est Soti loco allegato, & ratio id confirmat. Rursus, nec licet occidere, quando potuit comprehendī latro, & eripi furtum, aut rapina de manibus eius citra mortem, aut etiam quando via est aliqua recuperandi bona, etiam si tunc rapi permittantur. His tribus casibus nō licet occidere, vt præfati Doctores tradunt. extra hos verō casus dico.

Tertio, licere in bonorum temporalium defensionem inuasorem occidere, quando omnino aliter bona conseruari nō possunt hoc dictum probatur efficaciter ex cap. interfecisti. de homic. vbi ei, qui occidit se suaque defendendo, poenitentia necessaria non imponitur; quia laicus erat, si tamen esset sacerdos, tanquam reo homicidij imponitur grauis poenitentia; hinc sumitur argumentum, si de defensione vitæ sermo ibi est, par est ratio laici, & sacerdotis, nec erat, cur vni poenitentia, non alteri imponeretur, licet enim clericis occidere in propriæ vitæ defensionem. Igitur sermo est de bonis temporalibus, in quorum defensione non licet clericis occidere, licet autem laicis. Quod si dicas cum quibusdam, licere laico defendere bona sua à latrone, & si latro conuertat se in personam laici, velitque eum occidere, vt bona tollat, tunc licebit occidere in defensionem vitæ. Hæc responsio nullius est momenti, nec argumenti efficaciam minuit: nam si non liceret in bonorum defensionem occidere, non etiam liceret in eo casu occidere in defensionem personæ: nam suæ personæ consulere potest dimissis bonis. Si ergo tunc defendit personam, & occidit licite, ideo fit, quia bona sua tunc licet, & inuasorem occidere, si aliter ea recuperare non potest. Est igitur argumentum efficax, quo dictū assertum confirmatur, & est quædam contradictio in Panorm. ipse enim, vt paulo superius diximus, tenet, in defensione vitæ propriæ illum non teneri fugere, cui magnum dedecus fuga inferret, etiam si per fugam posset euadere mortem, sed posse occidere inuasorem. Si ergo ad defensionem honoris potest occidi licite inuasor, cur non etiam ad defensionem bonorum temporalium, quando non possunt aliter conseruari, nec est spes ea amplius recuperandi? adde, si id non liceret, vix bella multa iustificari possunt quæ fiunt ad temporalium defensionem, & in quibus multa homicidia perpetrantur.

Quarto, qui occidit in bonorum temporalium defensionem, irregularis est, non quidem ex delicto, sed ex defectu in casu, in quo licet occidere. hoc est contra Armil. ver. homicidium,

dium, §. 3. qui etiam ab irregularitate excusat, sed sine fundamento: nam Clem. allegata solos eos excusat ab irregularitate, qui inuasorem in propria vitæ defensionem occidunt, aliter mortem euitare non valentes; ex quo sequitur, quod eum, qui occidit latronem volentem rapere bona, & occidere, si resistat esse irregularem, quia etiam si vitæ propria consulat, tamen in eo casu non est necessarium occidere ad eam tuendam, cum possit dimissis bonis illam seruare, sicut & ille, qui posset fugere, tamen non fugit propter dedecus, & infamiam, vtrumque licite facit, tamen irregularis est, quod si est persona Ecclesiastica, erit ex delicto, secus si latro vtrique simul insidiaretur, nempe vitæ, & bonis, quia vtrique liceret occidere, nempe clerico, & laico absque vlla irregularitate.

Quintò, defensio bonorum propriorum facit homicidium non quidem voluntarium, sed ex necessitate, sicut & defensio honoris in eo, qui potuit fugere. Siue ergo sit ex delicto, siue ex defectu, irregularitas hæc ex homicidio necessitatis procedit: nam bonorum propriorum defensio ad quandam personæ defensionem pertinet.

Sextò, si quis, postquam latro rapuit bona, incōtinenti eum persequitur, quia forsitan amici in auxilium eius superueniunt, vt recuperet bona, quando spes nulla est alia via recuperandi, & tunc in conflictu, quia aliter bona recuperari non potuerunt, occideret latronem; irregularis quidem esset, tamen non esset peccatum, ac si in ipsa ablatione occideret, quia idem actus propter temporis breuitatem reputatur. Hoc dictum est Gloss. c. c. significasti, 2. de homic. nec est eadem ratio de eo, qui fugientem inuasorem vulneratus insequitur, & occidit, quia hæc est vindicta; non enim facit hoc, vt recuperet ablatum: nam vulnere accepto per id non medetur: at qui latronem insequitur, facit, vt sua recuperet, quæ verè possunt recuperari. Hoc dictum Glossæ probabile est.

De irregularitate ex homicidio casuali.

CAPVT LXXX.

Homicidium casuale, vt suprà diximus, est, quod fit præter intentionem occidentis, aut id, vnde mors sequitur facientis: dupliciter enim aliquis homicidium casuale.

finaliter, & præter intentionem committere potest: vno modo immediate, quando est ipse causa proxima occidendi, vt qui in venatione proijcit sagittam in ceruum, & præter intentionem configit hominem. Altero modo, quando est causa mediata, & re mota, nempe ipse non occidit per se, sed fecit aliquid, ex quo hominis occisio per alium facta est, aut per eundemmet, qui occisus est, vt qui leonem domi educauit, qui non bene custoditus occidit ingredientem hominem, aut qui equum percussit, qui calce occidit puerum; aut qui iniuria lacessit aliqueum, qua commotus, qui ea affectus est, semetipsum occidit. Sunt huiusmodi casus multi, in quibus mors, aut mutilatio præter intentionem occidentis, aut causam mortis dantis eueniunt, & aliquando contrahitur irregularitas, aliquando verò non.

Quæ omnia Doctores communiter solent distinctione generamina explicare; nam qui occidit, aut causam mortis dedit, dabat operam rei illicitæ; ex qua opera mors est secuta, aut dabat operam rei licitæ, & si licitæ rei dabat operam, aut præmisit diligentiam, ne mors sequeretur, aut non. Hæc distinctio est Glossæ. c. sicut dignum. & c. continebatur, de homicid. Innocent. c. ad audientiam. & Panor. c. continebatur, eod. titu. & Præpositi. can. 1. d. 50. nu. 26. & S. Tho. 22. q. 64. art. 8. & est communissima, ex qua tres regulæ deducuntur, quibus tota hæc materia elucidatur.

Prima, qui operam dabat rei illicitæ, ex qua mors siue per se, siue per alium est secuta, etiam si sit præter eius intentionem, est irregularis ex delicto, etiam si omnem diligentiam præmiserit, ne quis occideretur. ita habet Silu. homic. 2. §. 2. & Couarr. & est communis sententia: quomodo autem limitanda sit, dicam capite sequenti.

Sotus verò lib. 5. de iusti. q. 1. art. 9. dicit hanc regulam non haberi iure expressam, sed Doctores communiter à contrario sensu eam collegisse ex nonnullis capitibus, in quibus quidam ab irregularitate excusantur, quia operam dabant rei licitæ, seu quia non dabant operam rei illicitæ; hinc colligunt, ergo irregulares essent, si darent operam rei illicitæ, ita habetur c. dilectus, & c. ex literis, 2. de homic. hæc dicit Sotus, nec est ad rem censura Nauarri. cap. 27. num. 221. dicentis, nimis audacter Sotum dixisse, non esse textum probantem, qui dat operam rei illicitæ esse irregularem, cum tamen argumentum à contrario sit validum in iure, hoc, inquam, non est ad rem, quia

quia Sotus non negauit, immò expresse affirmauit à contrario sensu deduci ex textibus; nec dixit non esse textum probantem, sed non haberi in iure, sed Doctores collegisse, quod in iure non erat expressum: longè enim aliud est, hoc colligitur, & deducitur ex iure; & hoc habetur in iure. Omnia ergo accusatione Nauarri, vera obiectio contra Sotum, & contra eundem Nauarrum ea est, quia verè id habetur in iure expressum, & absque vllò argumento à contrario deductum: nam cap. is qui. de homic. in 6. habetur, eum, qui mandauit verberari, expresse prohibendo, ne occideret, esse irregularem, si mandataris occidat, quia in culpa fuit mandando. Ecce homicidium præter intentionem, immò contra intentionem mandantis imputatur ad irregularitatem, quia in culpa fuit mandando; idem autem omninò est in culpa esse, & dare operam rei illicitæ. Huius regulæ exempla multa sunt.

Primò, qui percussit aliquem animo non occidendi; tamen verè mortuus est, etiam si sit ex medicorum, vel infirmis incuria, aut ex morbo occasione vulneris superueniente, est irregulæ, quia operam dedit rei illicitæ, vnde mors est secuta.

Secundò, qui iniquam rixam cum altero habuit, & amici eius superuenerunt, & occiderunt illum eius intuitu, etiam præter voluntatem illius, irregulæ est, quia dabat operam rei illicitæ, propter quam homicidium factum est; secus si superuenientes illum occiderunt non eius intuitu, sed quia inimicus erat etiam eorum; & propria de causa. ita Panormitan. & Anani. cap. Petrus, de homi. & colligitur ex eodem cap. quod intellige, si, postquam superuenerunt, non iuuat illos, nec à principio clamauit alios conuocando, aut aliquid aliud fecit, quod fuit causa mortis. ita Innocen. cap. significasti. de homic.

Tertiò, si quis percussit alterum, non lethalter, sed animo occidendi, tamen vulneratus illo vulnere factus est impotens ad fugiendum, vel se defendendum, & sic ab alijs est occisus, etiam non intuitu percussoris est irregulæ. ita Anan. cap. significasti, num. 46. & ibi Panorm. si tamen nec animus erat occidendi, nec vulnus impediuit à defensione, nec intuitu eius occisus est, tunc non est irregulæ.

Quartò, clericus venationi, in qua sagittæ, aut sclopetæ emitti solent, incumbens, & casu occidens, quantumcumque omnem

omnem prius diligentiam adhibuerit, irregularis est, quia operam dabat rei illicitæ, & talibus personis prohibitæ. Praposi. can. i. nu. 26. d. 50.

Quintò, clericus in maioribus, vel in minoribus habens beneficium, indulgens Chirurgiæ, in qua incisio vel adustio adhibetur, si ex eius incisione iacta infirmus moriatur, quantumvis sit doctus ac peritus, & etiam si ex incuria propria infirmus moriatur, irregularis est, c. tua nos, de homic. quia dabat operam rei talibus personis prohibitæ, c. sententiam, ne cle. vel mona.

Sextò, qui mulierem prægnantem inhonestè ludens, perzonam arripuit; unde sequitur abortus animati fœtus, est irregularis, cap. sicut, 2. de homicid. quia dabat operam rei illicitæ.

Septimò, qui absq; consilio medici portionem dedit infirmo, ex qua mortuus est, quamvis bono animo fecerit irregularis est, quia dabat rei illicitæ operam, cum non esset peritus in arte. ita Innoc. cap. tua nos, de homic. unde custodientes infirmum, & dantes aquam, vel vinum contra mandatum medici, vel sine eo, unde mors est secuta, sunt irregulares. Prapo. can. i. d. 50. nu. 27.

Octauò, qui in torneamētis alterum percutit, etiam animo ludendi, & vires exercendi, si moriatur ex vulnere, irregularis est, quia rei prohibitæ operam dabat, est enim prohibitus ludus hic c. felicitis, de torneam.

Nonò, qui infantes tenellos in lecto, cum collocaut & opprimunt dormientes, sunt irregulares, quia dant operam rei illicitæ, cum id sit prohibitum can. consulisti, 2. q. 5. Quod si propter paupertatem coacti sunt in eodem lecto collocare, si non adhibuerunt diligentiam, & opprimant, sunt irregulares; secus si adhibuerunt diligentiam.

Altera regula est, qui operam dat rei licitæ, si tamen non adhibuit prius diligentiam, ne mors sequeretur, si ea postea sequatur, irregularis est; eundem enim effectum facit dare operam rei illicitæ, & dare operam rei licitæ, non adhibita diligentia, ne mors sequatur, quæ diligentia tunc est adhibenda, quando aliquod est periculum, in opera ipsa licita, aliàs non est opus diligentia, quod adnotat Panor. c. ex literis, 2. de homicid. dicens, non teneri aliquem clamare, quando projicit rem in locum solitum, & per quem nullus consuevit pertransire, idem Ana. ibidem. Huius regulæ sunt aliquot exempla.

Primò

Primò, secularis, cui venatio ferarum cum sagittis, & sclopetis non est interdicta, si casu occidat aliquem, quia nō prænisiit diligentiam, vt si prope viam venabatur, aut in loco, in quo solent esse homines, irregularis est, quia etiam si daret operam rei licitæ, oportebat prius diligentiam adhibere, quando locus ille hominum commercio vicinus erat, aut aliqui in eo versari soliti erant.

Secundò, recta mundans, lapidesq; proijciens in via, si casu percutiat transeuntem, & occidat, irregularis est, si non adhibuit diligentiam, ponendo signa, vt cautè viatores transirent, aut prius clamando, vt omnes cauerent.

Tertiò, presbyter volens corrigere puerum de sua familia, cingulo, quo cingi solebat verberauit, contingit quod cultellus de vagina, quæ cingulo adhærebat, elapsus eum in dorso vulnerauit, & occasione vulneris mortuus est, irregularis censetur, ad audientiam de hom. non enim diligentiam debitam adhibuit, etiam si daret operam rei licitæ.

Quartò, qui puerum quendam intuitu disciplinæ percussit in capite, & post paucos dies occasione vulneris interijt, vel in aliam infirmitatem, ex qua mortuus est, incidit, irregularis est, quia non adhibuit modum, & diligentiam in disciplina alias licita, c. presbyterum. de homicid.

Quintò, quidam laicus ludens cum Diacono insiluit equitans super eum, casu autem percussus est à falce Diaconi, quæ ad latus habebat & ex vulnere expirauit, Diaconus irregularis efficitur, cap. contrabatur, quia incautus fuit, debuit enim in tali ludo prius falcem à se remouere. Quamuis ergo daret rei licitæ, & non prohibita operam, tamen diligentia non fuit adhibita.

Sextò, Chirurgus, aut medicus, etiam secularis, qui licitæ rei operam dat, si ex incuria sua, & imperitia, quia scidit infirmum, aut potionem dedit, quando nō oportuit, & inde mortuus est infirmus, est irregularis, quia non adhibuit debitam diligentiam.

Septimò, qui infirmum morti proximum de loco mouet, ideoque infirmus citius moritur, irregularis est, etiam si bono fine, & non intentione id mortis faciat, si tamen id incautè, & nō adhibita diligentia faciat.

Octauò, qui leonem, aut vrsū, aut cornupetam taurū habet, & non adhibet diligentiam, vt, si leo, aut vrsus, aut simile animal sunt, ligati sunt, & benè custodiri, aut habet in vijs publicis

publicis etiam ligatos, si causa transeuntem occidant, irregularis est. Si tamen est taurus cornupeta in agris, & ille non praemonet, ut viatores à via declinent, aut diligentiam adhibet, ne viatores offendat, est irregularis. si homicidium sequatur. In his casibus irregularitas est ex opera licita, quia diligentia non adhibetur.

Nonò, qui mittit puerum ad aquandum equum in flumine, etiam si moneat, ut caueat, si casu suffocetur, irregularis est, quia non adhibuit omnem diligentiam. ita Praeposit. canon. i. d. 50. num. 26. allegans Hostiens. quamvis hoc potius ad regulam praecedentem pertineat, quia dabat operam rei illicitae.

Tertia regula, Quando aliquis operam dat rei licitae, & adhibet diligentiam, ne sequatur mors, si casu aliquo, & praeter intentionem eius sequatur, non est irregularis. Huius regulae habemus multa exempla etiam in iure.

Primò, in ca. lator. de homic. Dum quidam cum quodam clerico luderet, & eum projiceret in terram, cultellus, quem proiectus clericus habebat, incidit in projicientem, & eo percussus occubuit, hic non est factus irregularis, quia non dabat operam rei illicitae, & casus fuit omnino fortuitus, ubi attende quod supra adnotavi, diligentiam esse adhibendam, quando inest aliquod periculum. secus non est necesse; ludus enim hic non erat periculosus, sed casu contigit, ut projiceretur in terram clericus; si enim periculosus esset, debuerat ante ludum clericus projicere cultellum, & non pro tanto defuisset necessaria diligentia, sicut defuit in illo, de quo supra diximus ex cap. audientiam. de hom. qui irregularis fuit, qui falcem non abiect, ludus enim ille erat periculosus: at non hic de quo nunc loquimur.

Secundò, in cap. dilectus. de hom. Quidam Capellanus cum quadam corporis molestia grauaretur, ut comedendi appetitum excitaret, equum, quem nutrebat, ascendit. qui cum non bene pareret habenis, sed praeter sessoris arbitrium saltibus lasciuiret, ipse ut refrenaret equi impetum, freno vim intulit, & calcaribus stimulauit: equus autem freno fracto currens festinanter, abiecto sessore inruit in mulierem baiulentem puerum, ipsumque puerum oppressit. talis non censetur irregularis, non dedit enim operam rei illicitae, nec culpam ullam in hoc commisit. Vbi aduerte, hunc nesciuisse equum esse ferocem, si enim scisset, & ipse imperitus esset equitandi, aut si peritus esset,

non

non curasset freno uti forti, quod facile rumpi non posset, esset irregularis, quia diligentiam non adhibuit, ut ibi dicit Gloss. Et hinc fit casus in cap. significasti. de homicid. ubi equus Bucadurus, præter voluntatem clerici sedentis, mulierem interfecit raptus in cursum, hic, quia nesciebat prius vitium equi, non censetur irregularis, sed ad cautelam ei imponitur penitentia.

Tertio, in cap. ex literis. de homi. Cum quidam presbyter focum de curru deponere vellet, pericam superius alligatam proiecit in terram, postea puerum quendam iuxta currum semivivum reperit, in quo præter livorem in fronte nihil inveni potuit lationis, qui mortuus est. hic accessit ad Papam, qui cum intelligeret, presbyterum, antequam processisset pericam, circumspexisse diligenter circum circa, an vllus esset circa currum, declaravit eum non esse irregularem, quia dabat operam rei licitæ, & adhibuit diligentiam. adiecit Papa, quod si laborat infamia, aut scandalum est, nimirum quia cum culpabilem ceteri putant, non debet sine purgatione permitti celebrare, quæ intelligi, quia non creditur debitam diligentiam adhibuisse. Debet ergo purgari, ut constet adhibuisse diligentiam, quod ad forum exterius pertinet.

Quarto, cap. ex literis. 2. de hom. Quidam monachus campanam de campanili deponebat, lignum autem ipsa motione cadens puerum occidit. hic si rem vtilem agebat, & in loco, per quem aliquem eo tempore transire, aut ibi existere, aut illuc venire consuevit, non erat, non censetur irregularis adde si tamen eo tempore fecit, quo aliqui ibi esse, aut transire consueverant, nec adhibuit diligentiam, aut si rem non bonam agebat, quia malo aliquo fine campanam deponebat, tunc esset irregularis, quia aut daret operam rei illicitæ, aut, si licito, non adhibuit diligentiam debitam.

Quinto, cap. exhibita. de homic. Puer cum coartaneis ludens, & vnum insequens illorum, lapidem, non animo lædendi, sed timorem incutiendi proiecit, ille in alterum lapidem corruens caput offendit, & mortuus est, tum propter imperitiam medici, tum propter incuriam patris. hic non censetur irregularis, quia non dabat operam rei illicitæ; nec vlla in hoc diligentia adhiberi potuit, ubi adverte, Innocen. in hunc textum intelligere, quando qui corruit, & offendit in lapidem, non id fecit timore, ut declinaret propter proiectum lapidem; tunc enim esset projector irregularis, at re vera textus loquitur de eo, qui

qui timens lapidem, etiam à tergo proiectum declinauit: nam dicit, quamuis lapide non sit percussus, nec tactus, tamen corruens offendit in alium lapidem, quasi diceret, motu lapidis proiecti tertius declinauit, & corruit, vt fieri solet, declinare enim solemus in alteram partem, quando proiectum lapidem à tergo sentimus, & ita Panormitan. ibi textum intelligit, & Gloss. ibi. dicit autem ludum esse noxium, tamen excusari, quia incuria patris, & imperitia medicorum ille mortuus est, sed hoc non rectè dicitur: nam si dabat operam rei illicitæ, etiam si incuria alterius percussus est mortuus; ille est irregularis. Panormit. dicit, ludum licitum pueris ante annum pubertatis, ideo non esse irregularem, secus si adultus esset, aut si magnum lapidem proiecisset, qui grauem timorem incuteret. ego puto etiam in adulto non inducere irregularitatem, quando lapis est paruus, & non projicitur ad percutiendum, sed ad leuem timorem incutiendum; esset enim leuissima culpa, quæ non facit irregularem, vt paulò post dicemus, idem quæ dico, quando duo inuicem ludunt, & oia, aut poma inuicem projiciunt, si casu aliquis declinans caderet, & percussus ligno, vel lapide expiraret, non puto esset irregularis projector, quia leuissima hæc sunt, & non censetur illicitus ludus, secus si magnos lapides, aut ligna projicerent, tunc esset illicitus ludus, & induceret irregularitatem, vt dicit Præpos. canon. i. d. 50. numer. 26.

Sextò, in cap. Ioannes. de hom. Qui in sacerdos pulsauit campanam, vt signo dato populus congregeret, casu cecidit tintinnabulum, & puerum occidit, non est irregularis, quia dabat operam rei licitæ, nec casus omnes fortuitos providere potuit. vbi aduerte, tunc diligentiam adhibendam, quando periculum imminet, vbi autem nullum est, est casus omnino fortuitus: esset autem culpa, quando sciebat tintinnabulum, non bene ligatum, aut alias caderè solitum, in quo casu esset irregularis. Hi sunt casus iure expressi, per quos multi alii deciduntur.

Septimò, si quis ludens pilæ ludo, quem vocant palamaglio, in loco, per quem non solent aliqui pertransire, & facta diligentia, si aliquis forsan adest, clamando, casu occidat, non erit irregularis, secus si in via publica, aut non facta diligentia.

Octauò, si cindens ligna prope viam, aut in loco, vbi adsunt aliqui, si casu ferrum resiliat, & occidat aliquem, est irregularis,

ris, quia non præmisit diligentiam; secus si diligens fuit, adstantes aduertendo, aut præcauendo, ne resiliire ferrum faciliè posset, aut in locis solitarijs incidendo can. qui arbores, d. 50. & can. sæpè contingit eadem.

Nonò, Chirurgus laicus, aut in minoribus non habens beneficium, aut medicus, qui peritus est, & diligentiam adhibet, ne ex incuria infirmus moriatur, si casu infirmus moritur ratione medicamenti exhibiti, in quo peritus errare potuit, non est irregularis, non enim omnia sciri possunt, nec omnis error præcaueri, quod si imperitus, vel negligens, & ex eius imperitia, vel negligentia mortuus est infirmus, erit ille irregularis. Innoc. c. tua nos, de homicid.

Decimò, si duo secabant arbores, & instante arboris casu, vnus illorum dixit alteri, fuge, hic verò fugiens oppressus est ab arbore cadente, ille non est irregularis, can. si duo fratres, d. 50. His exemplis hæc tertia regula manifesta est.

De nonnullis alijs circa huiusmodi regulas.

CAPVT LXXXI.

QUIA per tres regulas præcedentes Doctores decidunt omnes casus, qui ad irregularitates ex homicidio casuali prouenientes spectant, idcirco aliqua sunt declaranda, & obseruanda.

Primum est, hoc esse peculiare in homicidio casuali, vt vbi nulla est culpa, nempe quia non datur opera illicitæ rei, & diligentia debita adhibetur, nulla sit irregularitas, vnde in homicidio casuali nulla est irregularitas, quæ non sit ex delicto; quando enim non est delictum, non est irregularitas: in voluntario autem homicidio, aliquando est irregularitas ex defectu, aliquando ex delicto, quia etiam sine culpa incurritur in homicidio etiam necessario, & ad defensionem, aliquando sine culpa contrahitur; ideo aliqua ex defectu, aliqua ex delicto; & in casuali, vbi cessat culpa, cessat irregularitas, ratio autem discriminis est, quia in voluntario, & in necessario homicidio, quamuis non sit culpa, non propterea deest voluntas occidendi; at in casuali, quando nulla est culpa, nullo modo est volitum, vnde metum casuale non procedit ab hominis voluntate. Hoc dictum, nempe in casuali, vbi culpa non intercedit, nullam esse irregularitatem, est S. Thom. 22. q. 64. art. 8.

& Panormita. cap. ad aures. de ara. & qualit. & Præposi. can. i. d. 50. nume. 26. nec in hoc est recipienda Gloss. c. dilectus, de homic. quæ tenet in hoc casu irregularem esse eum, qui nondum est promotus, ne promoueri possit: sed eam Glossam meritò reprehendit Panorm. in eodem cap. dilectus. Nec contra hoc est canon, si quis non iratus, 15. quæst. 1. vbi videtur irregularis is, qui casu, nulla præcedente culpa, occidit; sed Gloss. ibi bene respondet, non esse illud verbum (secundum legem repelli) intelligendum de lege promotionis, quasi ille, ordinari non posset; sed secundum legem veterem reputatum esse homicidam, vt à parentibus occisi extra Vrbes refugij occidi impune possent. Alij aliter respondent, veritas tamen hæc est, nullam esse irregularitatem in homicidio casuali, in quo datur opera rei licita, & nulla est negligentia, quod satis euidenter confirmatur ex cap. Ioannes, cap. lator. & cap. dilectus, de homicid. & alijs allegatis in explicatione tertie regulæ.

Secundò, in eisdem regulis adnotandum est secundum Sotum lib. 5. de iust. quæst. 1. art. 9. & Couarru. & Socin. c. ad audiendam, de homicid. & Anchar. cap. vltim. de homicid. in 6. non quancumque operam illicitam censeri illicitam, ad effectum inducendi irregularitatem in casuali homicidio ex opera illicita subsecuto, sed quando opera illa ex genere suo est periculosa, & inductiua homicidij; si enim talis non est, quamuis sit alio ex capite illicita, & aliquo casu sequatur ex ea homicidium, non propterea erit dicendus ille dare operam rei illicitæ, & irregularis. Couarru. addit. quòd etiam erit illicita etiam si ex suo genere non sit ordinata ad mortem: si tamen talis sit, quòd ex ea frequenter sequitur mors, quod exemplis Sotus, & Couarru. manifestant, ex ijs, quæ supra diximus, nempe qui campanam pulsauit, & tintinnabulum cadens casu occidit puerum, diximus non esse irregularem, quia dabat operam rei licitæ, & non potuit prauideri omnes casus ponamus, quòd tempore interdicti, aut indebito sonabat, opera erat illicita, quia prohibito tempore, non tamen propterea era irregularis, quia non est illicita, quasi periculosa, & inductiua homicidij, quia rarissimè illud accidit. similiter qui equitabat, & casu equo freno fracto irruit, & occidit puerum, diximus non esse irregularem, quia dabat operam rei licitæ, ponamus, illam equitationem illicitam, quia nocua erat sanitati illius, non propterea sit irregularis, quia equitatio

ex suo genere non est periculosa, nec inductiua homicidij. Rursus, qui secabat arborem, adhibita omni diligentia, casu occidit hominem, irregularis non est, quia dabat operam rei licite, ponamus non esse propriam arborem, sed furtum committere, erit illicita, non propterea erit irregularis. Denique opera illicita debet esse talis, vt sit ex suo genere, & non per accidens periculosa, aptaq; ad inferendum homicidium, aut ex qua frequenter id sequitur, id quod omnia exempla posita in prima regula ostendunt.

Hanc doctrinam cum positis exemplis non existimo absolute probandam, vtpote contra textus canonicos, & contra communem sententiam: sed distinctione opus est tali, aut enim opera illicita est causa immediata homicidij, nempe per quam occiditur homo, vt quando aliquis mittens sagittam, aut scindens arborem. aut proiciens lapidem, aut simile quid faciens, occidit hominem; aut est causa mediata, nimirum quando aliquid fecit, vnde mors hominis aliunde euenit, vt qui commisit adulterium, propter quod adultera occisa est à marito: aut protulit verbum iniuriosum, propter quod iniuria affectus se ipsum occidit; aut induxit alterum ad rixam, in qua occisus est ab aduersario. Sunt alij similes casus, in quibus opera illicita non est causa immediata homicidij, sed ex qua sequitur homicidium ab alio, seu alia actione, & opera factum.

Est autem modicum discrimen inter hæc, quando enim opera illicita est immediate causa homicidij, quomodocumque sit illicita, & prohibita, facit hominem irregularem, etiam præmissa omni diligentia; quantum enim ad irregularitatem inducendam, satis est talem operam prohibitam facere, à qua homo abstinere debuit, hæc enim canonum est dispositio expressa: nam in c. ex literis, 2. de homicid. casus fuit de quodam monacho deponente campanam de campanali, accidit autem, lignum corrui, & puerum occidere; consultus Papa de irregularitate, respondit, eum non esse irregularem, duabus conditionibus positus; Vna est, si rem necessariam, & vtilem agebat, quod disiunctiue intelligunt Panormitan. & Ana. & ibidem, nempe si necessariam, aut vtilem rem agebat. Altera est, si nullus tunc de consuetudine illuc solebat transire, aut illic existere. A contrario ergo sensu, si rem non vtilem agebat, erat irregularis, & ita Hostien. Panormitan.

mitan. & Anan. notant, addens Ana. quòd si id agebat, quia furabatur, aut mala de causa deponebat campanam, esset irregularis. Quando igitur opera est causa immediata mortis, quomodocumq; sit illicita, inducet irregularitatem, quod eodem prorsus modo iudicandum est de calibus à Couuat. & Scoto in suum fauorem propositis.

Primò, de eo, qui campanam pulsabat, & tintinnabulum cadens occidit, dico si tempore interdictionis, aut mala de causa sonabat esse irregularem, quia operam dabat rei illicitæ, quæ fuit immediata causa mortis; vnde textus cap. Ioannes. excusauit illum ab irregularitate, qui sonabat, vt populum fidelium ad diuina conuocaret. idem dico de illo, qui equitabat causa illicitam textus cap. dilectus. loquitur de eo, qui saninitatis gratia equitabat. Rursus, qui, seindēs arborem alienam, furto occidit, est irregularis, vt rectè Siluest. ver. homicidium, 2. §. 12. dixit, quidquid dicant Sotus, & Nauarr. qui non aduertunt distinctionem; omnes enim isti non agebant rem vilem, & sunt immediatæ causæ occisionis, ergo sunt irregulares, per cap. ex literis allegatum, vnde rectè Caetan. 22. quæst. 64. artic. 8. dicit, qui equitationi incumbens occidit casu, quando equitatus est ei prohibitus, est irregularis, quia dabat operam rei illicitæ, & quamuis non semper incurrat reatum homicidij, quantum ad culpam, quia raris mō id accidit, & præter omnem iuris voluntatem, tamen quia dabat rei illicitæ operam, canones imputarunt quantum ad irregularitatem, quod valde adnotandum est, non enim opus imputatur homicidij ad reatum homicidij, quamuis imputetur ad irregularitatem, quia canones id decreuerunt propter culpā aliam inuentam in tali opere.

Quando verò illicita opera non est immediata causa; homicidij, tunc puto distinguendum, aut erat periculosa ex se vel ex circumstantia aliqua, vel consuetudine, aut non: si erat periculosa, inducit irregularitatem, si non adhibita sit diligentia: si verò non erat periculosa, non inducit irregularitatem, hoc exemplis declaratur, qui vinum bibit, se inebriando, si postea occidit hominem, vti superius diximus cum multis Doctoribus, non erit irregularis, quamuis dederit operam rei illicitæ inebriando se, quia hæc inebriatio non est causa immediata mortis, nisi quando ipse nouit, se in ebrietate furere, tunc enim diligentiam tenetur adhibere, alias erit irregularis, sicut in eo, qui dormiens occidit inimicum; is enim non erit irregu-

irregularis, nisi quando nouit periculum. Idem dico de eo, qui irritauit aliquem iocosus verbis importunè, aut iniuriosis, unde postea ille se occidit, non erit irregularis, etiam si daret operam rei illicitæ, quia non est immediata causa, nec periculosa, nisi quando nouerat illum esse furibundum, & nimis extra se exire similibus verbis. Idem dico de eo, qui commisit adulterium, aut stuprum, propter quæ occisæ sunt à marito, vel parentibus femina; ille non erit irregularis, nisi quando periculum aliquod imminabat, ut quia erant feminae nobiles, aut maritus, vel parentes tales, de quibus præsumi poterat eos scire posse, & scientes occisuros. Hac confirmantur ex c. is qui, de sent. ex com. in 6. ubi qui mandauit percutere, prohibendo, ne occideret, irregularis est, non solum quia in culpa fuit mandando, sed etiam quia periculosum erat, & verisimiliter id potuit cogitari.

Hinc resolutio patet cuiusdam casus de eo, qui cum sollicitaretur ab aliqua inhonestè, dixit noli me sollicitare, alias me interficiam, ille sollicitare non destitit, unde factum est, ut ille se occideret, profectò est irregularis etiam si causa mediata fuerit homicidij, quia dabat operam rei illicitæ, quæ ex circumstantia quadam erat periculosa, quia ille sibi comminatus erat mortem, nec tamen se abstiauit à sollicitando: non tamen esset irregularis, si nihil tale cogitando ille se occideret, quia non erat verisimile illud euenturum. Per hunc casum multi similes decidi poterunt.

Aduerte tamen, quòd si opera esset licita, & maximè obligatoria, tunc non esset irregularis, etiam si sciret illum sibi mortem illaturum, quod docet, & exemplis declarat August. 23. q. 5. can. cum homo. de eo, qui comminatur se occisurum, nisi aliquis sibi in re inhonesta consentiat. hic, si non consentiat, non erit irregularis, etiam si ille se occiderit. Similiter si comminatur subditus mortem inferre sibi, si à prelato, vel à patre corrigatur; similiter, si quis vult se occidere, si quis non det illi centum aureos dono. Denique sunt multa huiusmodi, in quibus, quando scandalum passiuum; si illi se occidant, nulla est culpa, nec irregularitas beneficentium.

Vnum superest in his regulis declarandum, cum homicidium casuale non imputetur ad irregularitatem, nisi ei, qui fuit in culpa, quanta culpa sufficiat ad eam contrahendam. Adverte ergo ex Bart. l. quod Nerua, ff. de pos. & Panorm. c. vni. de

commoda. culpam, de qua nunc agimus, dici deviationem ab eo, quod rectum est, quod per hominis diligentiam prævideri poterat; culpam enim nunc appellamus negligentiam, & omissionem eius, quod potuit, & debuit fieri. Est autem triplex, lata, levis, & leuissima. Lata culpa est omissio illius diligentiae, quam communiter homines illius conditionis, & professionis adhibere solent, verbi gratia, dedi tibi librum commodato, tu reliquisti in banco ante domum, unde furto sublatum est, eris in culpa lata, quia in custodiendo non adhibuisti diligentiam, quæ communiter ab hominibus solet adhiberi; solent enim communiter homines maiorem in his adhibere diligentiam. Levis culpa est omissio diligentiae, quam non omnes communiter adhibere solent, sed diligentiores; verbi gratia, dedisti pecunias mercatori, qui communiter habebatur bonæ fidei; perdidisti, quia ille talis non erat, levis est culpa; quia homines diligentiores inquisitionem maiorem solent facere. Leuissima est omissio diligentiae, quam exquisitissimi homines solent facere; verbi gratia, commodatum in arca posuisti, & reserasti: at re vera mansit aperta, quia non tentasti manu, an esset clausa, est leuissima culpa, quia id non faciunt nec diligentiores, sed homines diligentissimi, & valde cauti. Est ergo difficultas, quanta culpa inducat irregularitatem in casuali, quando non adhibetur debita diligentia. Gloss. cap. significasti, i. de homicid. affirmat in eo, qui operam rei licitæ dabat, etiam leuissimam culpam inducere irregularitatem: sed re v. 2. exempla quæ Hostiens. & Ioann. Andr. ibi adducunt, potius ad leuem culpam pertinent. multa de hoc dicunt Silu. homic. 2. §. 15. & Angel. & ceteri Summistæ, hæc tamen, quæ subiungam, probabiliora videntur.

Primò, quando homo non est causa immediata homicidij casualis, sed aliunde accedit mors, si dabat operam rei licitæ, lata culpa inducit irregularitatem, non levis nec leuissima. hoc est Innoc. c. ad audientiam, de homic. & Præposit. can. i. d. 50. num. 27. qui loquentes de eo, qui habet leonem, aut vrsū, qui ex illius negligentia occiderūt quendam, affirmant latam culpam, & negligentiam dissolutam inducere in hoc casu irregularitatem.

Secundò, quando dabat operam rei illicitæ, etiam si non sit causa immediata homicidij in quacumque culpa, est irregularitas, immò, vt diximus superius, aliquando etiam adhibita

bita omni diligentia, est irregularis. hoc est Silu. homicid. 2. §. 2. & 15.

Tertiò, quando verò est causa proxima, si dabat operam rei illicitæ, sufficit etiam qualibet culpa: nam si, quando est causa mediata, est irregularis, multò magis quando causa immediata, ut qui dat portionem infirmo, cum non sit medicus, qui in venatione prohibita occidit, denique etiam omni adhibita diligentia sit irregularis.

Quartò, si verò dabat operam rei licitæ, tunc distinguendum est; aut enim est causa in omittendo, ut si mortuus est aliquis infirmus, quia ipse omisit adhibere diligentiam, tunc non sufficit leuissima, sed levis; unde medicus, ex cuius negligentia mortuus est infirmus, irregularis erit, si sit levis culpa, quamuis Couuat. putet esse, nam si sit leuissima, quando medicus tenebatur mederi, quia erat mercede conductus: sed puto, quantum ad irregularitatem nihil id facere: hoc verum est, illum teneri ad maiorem diligentiam adhibendam, tamen non propterea esset irregularis, si ex leuissima culpa moreretur infirmus.

Quintò, si dabat operam rei licitæ, & ex eius culpa mors immediatè sequitur in committendo, erit irregularis. hoc tenet contra Siluestr. 11. homicid. 2. §. 2. & 15. cum Couuat. qui putat, in committendo esse satis leuissimam culpam, & argumentum est ex 2. quæst. 5. can. consuluiti. vbi, qui opprimunt filios in lecto secum dormientes, etiam quando id sine peccato facere possunt, quia pauperes sunt, nec habent vbi illos collocent, ex quavis culpa etiam leuissima teneri; quòd si in culpa fuerunt, quia habebant vbi eos collocarent, non tantum irregulares sunt, sed rei homicidij, & hoc est quod ibi Glossa adnotat.

Vbi aduerte, quod ex incuria parentum tripliciter infantes mori possunt.

Vno modo, ex incuria sola, sine actu, aut tactu ipsorum, ut quando in cunis suffocantur ex parentum negligentia. Et hic est posterior casus, cap. quæsitum. de pœna. & remiss. vbi Pat. normit. adnotat, incuriam leuem in hoc casu inducere irregularitatem.

Secundo modo, ex parentum procuratione, aut studiosa negligentia, nimirum quia ipsi procurarunt mortem illorum, ipsos opprimendo, aut studiosè neglexerunt, nempe non adhibuerunt diligentiam, hoc fine, ut illi in cunis suffocarentur.

tur, & hic est casus prior, c. quæsitum, & hoc homicidium non est casuale, sed voluntarium, quod maximè adnotandum est, quod quidam non aduerterunt: nam quod aduenit ex procuratione, aut negligentia studiosa, non est præter voluntatem, nec est casuale.

Tertio modo, quando in lecto iuxta parentes positi, ab ipsis opprimuntur dormientibus, citra voluntatem eorum, & tunc fuerunt negligentes committendo, quia per actum eorum occisi sunt, & hic est casus can. consuluiti, z. q. 5. & sufficit quæcumque negligentia, etiam si darent operam rei licitæ, & bona intentione id facerent, tenentur de qualibet negligentia.

De homicidio lingua perpetrato.

CAPVT LXXXII.

HAftenus de homicidio, quod factum committitur, locuti sumus, tam voluntario, quam necessario, & casuali, nunc de eo, quod lingua fit (hoc enim vocabulo Doctores vtuntur) agendum est: nam quatum ad irregularitatem attinet, non solum homicida est, qui per se occidit, aut mutilat, sed qui alios ad occidendum, vel mutilandum inducit, mandato consilio, aut defensione; his enim tribus modis homicidium linguae committitur, vt habetur can. si quis viduam, d. 50. & c. 2. de cl. pug. in duel. circa quæ tria sunt consideranda. Vnum est, in quo Doctores conueniunt, nempe, nisi interueniat homicidium factum, nunquam solius linguae homicidium inducere irregularitatem; qui enim mandat, aut consulit, aut operam fert, & defendit, vt homicidium fiat, si non perpetratur homicidium factum, non incurrit irregularitatem.

Alterum est, hæc homicidia linguae committi in homicidio voluntario, necessario, & casuali, in vnoquoque enim horum, qui aliquid horum trium facit, nempe consulere, mandare, aut defendere, irregularis est, quod qualiter fiat, explicabitur statim.

Tertium est maximè memoriæ mandandum, nimirum non semper eandem irregularitatem, contrahere homicidam linguae cum homicida facti, id est, non qui consulit, mandat, aut defendit homicidam voluntarium, est ipse homicida voluntarius, nec qui consulit, mandat, aut defendit necessarium, ipse est necessarius, similiter de casuali; sed sæpè contingit, vt
homi-

homicida linguæ sit irregularis vnius speciei, & homicida facti sit alterius, imò aliquando homicida linguæ est irregularis, non autem facti, quod ijs, quæ dicemus, notum fiet, aliqua tamen exempla nunc proponam.

Primò, iudex iuste occidi mandat reum dignum morte, & est irregularis ex defectu; tamē si minister occidit animo vindictæ, est irregularis ex delicto. similiter clericus consultit laico occidere bannitum, laicus iuste occidit, tanquam minister publicus iustitiæ; tamen clericus inique consultit, aut mandat, aut iuvat, quia prohibitum est id clericis; vnde ille irregularis ex defectu, hic vero ex delicto est. Similiter vnus se defendens occidit, id non est irregularis; at qui consultit, aut mandat, irregularis est. imò respectu eiusdem homicidij, qui mandat, est vno modo irregularis, & qui consultit, altero modo: nam iudex iuste mandat interfici malefactorem: at persona Ecclesiastica delinquit consulendo iudici, vt occidi faciat, & ille ex defectu, hic ex delicto est irregularis.

De irregularitate ex mandato.

CAPVT LXXXIII.

Aggregiamur ergo singula homicidia linguæ explanare, incipientes ab homicidio, quod fit mandato. Qui mandat alteri, vt occidat, aut mutilet, vel aliquid, vnde procedat mors, aut mutilatio, irregularis est, ca. si quis viduam, dist. 59. quod quando, & quomodo fiat, sequentibus dictis explanatur; est enim aduertendum, aliquando mandantem non esse irregularem, etiam si sit irregularis mandatarius; aliquando è contrario, mandantem esse irregularem, non autem mandarium; aliquando vtrumq; esse irregularem. Præterea mandantem aliquando ex defectu, & voluntarium, aliquando voluntarium ex delicto, aliquando à casu. Hæc omnia ordine exponenda sunt.

In primis sunt casus, in quibus mandans non est irregularis, etiam si mandatarius sit.

Primò, legum conditores, qui statuunt mortis pœnam malefactoribus, non sunt irregulares, etiam si iudicantes, & pœnam mortis secundum leges infligentes sint irregulares. ita habet Archid. 23. q. 5. can. officia. vbi causam adfert, quia, qui tales condunt leges, & præcepta, non intendunt homines occidere,

cidere, sed arcere à malo, timore poenatum. cum Arch. sentie
Præposit. can. 1. d. 50. num. 37.

Secundò, prælati, & personæ Ecclesiasticæ, iurisdictionem habentes temporalem, possunt, & debent curam administrandi iustitiam secularibus demandare, quibus si iniungant, ut ad ministrent iustitiam contra malefactores, etiam si sciant ex hoc, aliquos morte plectendos, & de facto interficiantur, sintque propterea officiales, & mandatarij irregulares, nō sunt ipsi mandantes irregulares, cap. Episcopus. ne Cler. ver. mon. in 6. possunt etiam huiusmodi personæ Ecclesiasticæ dicere mandatarijs, & ministris suis, non patiaris malefactores vivere, secundum Arch. can. si quis viduam d. 50. & Gloss. c. cler. ne Cler. ver. mon. & secundum Silu. ver. homicidiū 1. 5. 11. possunt dicere, super maleficio tali ingere, & administrare iustitiā, nec erunt irregulares, dummodò non mandent occidere, aut mutilare. hac eadem de causa inquisitores tradentes hæreticum Curia: etiam si si sciant comburendum, nō sunt irregulares, ut dicit Host. c. ad audientiam. de hom. est enim hoc eis per Sedē Apostolicam concessum.

Tertiò, qui mandavit aliquid licitum, nec potuit verisimiliter cogitare mortem alicuius, aut mutilationem ex eo oriri, si postea mors sequatur, non erit irregularis, quamvis mandatarius irregularis sit. hoc est Innocen. & Panorm. & c. ad audientiam. de homic. Vnde, si quis mandat filium, aut servum in correctionem verberari homini modesto, & de quo nihil tale est timendum: postea verò hic mortem an correctionis excedat, & occidat, aut mutilet, non erit mandans irregularis, sed mandatarius. Similiter, qui mittit servos venatum venatione licita, præcauens, & admonens, ut adhibeant diligentiam, ne casu aliquis occidatur, aut quos cognoscit tales, qui omnem prius solent adhibere diligentiam, si postea ipsi, non adhibita debita diligentia, aliquem casu interficiant, non erit mandans irregularis, secus, quando mandavit aliquid illicitum, aut si licitum, potuit verisimiliter cogitare, aliquid simile euenturum & non adhibuit diligentiam, ut diximus de casuali, & postea etiam dicemus.

Quartò, qui re integra revocavit mandatum expressè, & si ne fictione, quod de aliquo occidendo dederat, tamen postea mandatarius occidit, non erit mandans irregularis, secundum Innoc. ca. ad audientiam. de hom. immò secundum eundem satis erit revocasse mandatum tacitè, ut, si sciente mandatario pareat.

parentelam fecit, aut pacem iniit cū aduersario, contra quem dederat mandatum. idē dicit Anchar. ca. ad audientiam. de homic. nu. 8. & Anan. eodem c. nu. 9. Hæc reuocatio non habet locum in consulente, vt inferius dicemus. Quidam affirmant, quādo mandans cognoscit mandatarium non mutasse animū per reuocationem ipsius teneri admonere eum, contra quem est mandatum datum, vt sibi caueat: sed Panor. c. Petrus de homic. tenet, non esse necessarium.

Quintò, qui mandauit alteri, vt occideret, & hic re vera nō occidit nomine mandātis, sed nomine suo proprio, quia eius erat aduersarius, mandans non erit irregularis. ita tenent Ioa. Andr. & Anchar. cap. ad audientiam. de hom. & ratio est, quia non est cooperatus ad homicidium; secus, si nomine vtriusque id faceret.

Sextò qui mandauit occidere alium intra certum tempus, & ille post tempus prefixum occidit, non est irregularis, secundū Anan. c. ad audientiam. de hom. num. 8. sed puto, si mandatum erat illicitum, & ille virtute mandati, occidit, quod erit irregularis mandans, casuali tamen homicidio, non voluntario. His casibus est irregularis mandans.

Secundò loco, mandans irregularis est, etiam non existente mandatario irregulari, quod rarò, aliquando tamen euenire potest, supposita doctrina communi, nempe non semper teneri eum, qui inique inuasus est, suum occidere aggressorem ad defendendam vitam propriam, se posse permittere se potius occidi, quam occidere: si tamen occidat, non erit irregularis. ponamus ergo casum, nempe seruum alicuius domini, aut filium alicuius patrisfamilias inuasum esse, nec posse euadere, nisi occidat aggressorem, tamen nolle, si dominus tunc, aut pater præcipiant, illi vt occidat, & saluet vitam propriam, tunc nō erit irregularis, vt diximus supra, qui occidit; erit tamen ipse mandans, quia homicidium mandato commisit & non ad propriam defensionē: talis tamen irregularitas nō est ex delicto, sed ex defectu, quia iustum est mandatum, si tamen esset persona Ecclesiastica, esset ex delicto, quia non debuit immiscere se in causā sanguinis, etiam iusta; secus, si mandaret, vt se defenderet, non exprimendo, vt occideret: nam tunc non esset irregularis. Rursus, si quis secularis in licita vocatione, omni diligentia adhibita, præciperet seruo, vt emerret sagittam, aut bombardam, re vera sciens inimicum ibi latentem percutiendum, si emitteret seruus, & occideret, ipse irre-

irregularis non esset, quia dabat operam rei licitæ, & diligentiam adhibuit, tamen mandans esset homicida voluntarius ex delicto, & irregularis.

Tertiò loco, aliquando mandans est irregularis voluntarius ex defectu; iudices enim mandantes malefactores occidi, & ferentes sententiam mortis, aut mutilationis, effectu subsecuto sunt irregulares ex defectu, & voluntarij, quia directè volunt per alios occidere: nec obstat aliquando eos, per quos ministrant iustitiam, & occidunt, iniquo animo occidere, & esse homicidas iniustos: nam, vti diximus, non est semper eiusdem speciei irregularitas in mandante, & mandatario, satis est, si iustum est mandatum. Similiter sunt irregulares ex defectu Duces mandantes militibus in bellis iustis occidere, & mutilare. si adhuc requisita ad iustitiam, vel diximus superius. Similiter laicus mandans occidi bannitum, quem per publicas potestates licet occidere, irregularis est ex defectu, & voluntarius, quia directè occidere vult. Similiter laicus, qui habet potestatem omnium causarum, aut tanquam delegatus à principe, aut tanquam iudex ordinarius alteri committit causam sanguinis, si commissarius occidat, vel mutilet, erit ille irregularis ex defectu, & voluntarius: nam commissarius virtute potestatis illius occidit, & mortis pœnam infligit: ita habet Præposit. can. i. d. 50. num. 31. & sequenti, vbi dicit, Episcopos, & personas Ecclesiasticas solas, non incurrere irregularitatem, si per commissarios occidant, quia est illis ex privilegio Sedis Apostolicæ concessum: secularibus autem id licet absque peccato, sed non absque irregularitate. Ego tamen existimo in hoc, & similibus casibus cum distinctione respondendum: nam aut committit ministris, vt occidant, & tunc, tam Ecclesiasticus, quam laicus, erit irregularis, aut committit, vt administrent iustitiam, & tunc neuter est irregularis, quia dat operam rei licitæ, & non occidunt per se, nec mandant directè occidi; magnum enim est discrimen, vti diximus supra, quando vnus dat operam rei licitæ, & quando dat operam rei illicitæ.

Quarto loco, aliquando mandans est irregularis voluntarius ex delicto, quando mandat est iniustum, & prohibitum, quod sit, quod mandatur homicidium iniustum, vt quando priuatus mandat alteri, vt occidat eius aduersarium, aut si iudex mandaret, & ferret sententiam mortis iniustam tunc esset irregularis ex homicidio voluntario ex delicto, quamuis

uis minister exequens, nesciens iniustitiam iudicis, & innocentiam occisi, esset irregularis ex defectu. Similiter, si clerici, aut personę Ecclesiasticę mandarent alijs, vt occiderent, etiam malefactores, & qui iuste occidi possunt, etiam si ipsę personę iurisdictionem haberent, essent irregulares ex delicto homicidij voluntarij, quia prohibitum est tale mandatum, c. sententiam. ne cler. ver. monach. Similiter inquisitores, si postquam tradiderunt Curię hæreticum, & iudex nollet comburere, si mandarent, vt combureret, puto essent irregulares, quamuis Tabien. irregularis. 2. §. 9. & 15. sequens Felin. c. ad abolendam, de hære. dicat non esse irregularem ex tali mandato: sed non video, quo iure hoc defendatur, cum solum liceat tradere Curię; Curia autem, non potestate inquisitorum, sed legum, & principum morti tradat, imò solent potestati iudicibus ipsis, ne mortem aut mutilationem inferant. Rursus, qui dicit seruo percusso ab altero; non reuertaris domum; nisi aliud sentiam de te, seruus autem profectus, occidit verberantem, tunc dominus esset irregularis, secundum Panormita. c. ex literis. de excess. prælat. quod distingue; si enim animo, vt occideret, vel mutilaret id dixit, erit voluntarius homicida; si verò habet intentionem, vt se vindicaret seruus citra mortem, aut mutilationem, erit dominus homicida casualis, & ex delicto, quia dedit operam rei illicitę, & debuit quod euenit cogitare: seruus autem in utroque casu est homicida voluntarius ex delicto. Similiter, qui mandauit alicui, vt alterum occideret, etiam si ille distulerit occidere, est irregularis, si non reuocauit mandatum. Innoc. Panorm. c. ad audientiam. de homic. idem de consilio, quod intelligitur, quando ex mandato, vel consilio dato occidit.

Quinto loco, aliquando mandans est irregularis ex delicto, sed casualis, quando nimirum rem illicitam mandauit, ordinatam ad mortem, & præter illum casum proximè positum, de mandante seruum sine animo occidendi, vt se vindicaret, est etiam alius casus c. ultim. de homici. in 6. si quis mandauit alteri, vt percuteret quendam, expressè prohibendo, ne mutilaret, aut occideret: mandatarius autem, excedens terminos mandati, occidit, mandatarius irregularis est voluntarius ex delicto, quia voluit occidere, tamen mandans irregularis ex delicto, sed casualis, quia dabat rei illicitę operam, & poterat, & debuerat facillè cogitare, simile euenire posse casualis verò, quia præter opinionem, & intentionem: notat autem Gloss.

in eodem c. quod si dabat operam rei licitæ, quia nimirum mandauit iuste percuti, si mandatarius excedat, & occidat, aut mutilet, non fit irregularis, quod intellige, quando non erat verisimile excessum fieri posse. Eodem modo, si aliquis mandauit alteri, vt occideret alterum, at postea euenit, vt mandatarius occideretur, vel mutilaretur ab illo, tunc mandans irregularis est ex delicto, casualis tamen quia præter opinionem, & intentionem, rem tamen illicitam mandauit, & debuit verisimiliter cogitare, id euenire potuisse. ita Innocen. c. ad audientiam. dicit in eo, qui consuluit, vt occideret alium, euenit, vt ipse potius occideretur, quamuis dicat, quosdam tenuisse contrarium, dicentes, non esse irregularem, nisi quando periculum erat, quod occidi posset: at Panormitan. c. ad audientiam, de homic. & Ioan. Andr. c. vltim. de homicid. in 6. tenent esse irregularem indistinctè, & Anan. c. ad audientiam. nume. 9. existimo tamen cum distinctione in hoc casu procedendum esse, si enim animo fraudulentò mandauit, vt potius ipse occideretur. sicut Saul. miserat Dauid contra Philisteos, vt occideretur potius ipse ab eis, tunc si mandatarius occisus est, mandans esset homicida voluntarius ex delicto, non casualis: at si non intendebat mortem illius, sed eius; ad quem occidendum misit, tunc etiam distinctione opus est cum Prapof. can. i. d. 50. nume. 30. & Anton. 3. p. i. tit. 28. c. 2. §. 2. aut enim dabat operam rei licitæ, vt qui habens auctoritatem misit milites ad comprehendendum, vel occidendos bannitos, & assassinos, & tunc si cautè misit, non est irregularis, si aliquis ex missis occidatur: aut dabat operam rei illicitæ, quia mandauit, vt occideret iniquè inimicum suum, & tunc puto esse irregularem casualem, quia ad hanc irregularitatem contrahendam satis est, si dedit operam rei illicitæ ordinatæ ad mortem, & periculosa; aut si res licita erat, & periculosa, & non adhibuit diligentiam: hoc autem in casu dabatur opera rei illicitæ, & periculosa; quia in congressione semper est ex vtraque parte periculum: & hoc voluerunt dicere Panorm. Ioan. Andr. & Anan. citati. Rursus, si quis mandauit alteri, vt occideret Ioannem, mandatarius autem errore occidit Petrum, esset mandans irregularis, non voluntarius, sed casualis; non quidem voluntarius, quia præter opinionem & intentionem illius occisus est Petrus: at verè deliquit, & irregularis est, quia illicitum fuit mandatum, & periculosum; esset autem qui occidit voluntarius, quia, etiam si nolebat occidere Petrum, voluit di-

rectè occidere illum, quem occidit.

Rursus, qui mandat aliquem ob quodcumque crimen detru-
di in arctos carceres, ita ut verisimile sit, quod intra sex, vel
octo dies, vel breue tempus morietur, est irregularis, secun-
dum Cardin. Clem. de homic. & Præposi. can. d. 50. quod in-
tellige, si iustitia id exigente sit, & cum mortis intentione, e-
ritque tunc voluntarius ex defectu, ut in iudice seculari, cui li-
cet morte damnare. An si in clerico, erit ex delicto, & volunta-
rium, si est ex intentione: secus autem casuale: dicit tamen Ta-
bien. irregularitas, 2. num. 29. §. 8. quod qui secundum statuta
regulæ imponunt poenitentiam, non incurrunt irregularita-
tem, etiam si mors sequatur. Ecce quibus modis mandans sit
irregularis, & quando voluntarius, quando casualis, & quando
nullam contrahat irregularitatem.

De irregularitate ex consilio.

CAPVT LXXIX.

Consulens alteri, ut occidat, aut faciat aliquid, unde ve-
risimiliter mors sequi potest, est etiam irregularis. Præ-
posi. can. si quis viduam. 50. distinguit triplex consilium
exhortationis, approbationis, & simplicis opinionis. Rur-
sus singulorum, vbi in iustum, alterum iniustum esse potest, &
ex omnibus oritur irregularitas, ut modò patebit: ferè autem
pari ratione procedunt, mandatum, & consilium: est tamen
vnum latum inter vtrumque discrimen, quod notat Innocent.
communiter approbatus in c. ad audientiam. de homicid. qui
epim mandauit alterum occidi, si reuocat mandatum re in-
tegra, non contrahit irregularitatem, quamuis mandata-
rius postea interficiat: ac in consilio non satis est id reuocaf-
se, si enim aliquis consuluit alteri ut occideret, postea reuoca-
uit consilium; at ille, cui consilium datum est, adhuc non dis-
suasus occidit; qui dedit consilium irregularis est: ratio autem
discriminis est, quia mandatum respicit mandantem: nam
mandatarius nomine mandantis operatur, ob id reuocatione
mandantis cessat vis mandati, quia verisimile est, ex quo gra-
tia alterius sit, quod cessabit ex eius reuocatione: at consilium
est in gratiam eius, cui datum est. Qui ergo inductus est consilio

alterius occidere, reum facit consulentem, donec amoueat à consilio, & persuaदेा contrarium: quòd si contrarium non persuasus occidat, imputabitur etiam consulenti Ioan. Ana. c. ad audientiam, de homi. nume. 8. tenet etiam in consilio satis esse, si reuocet, & faciat quantum in se est, vt dissuadeat, etiam si non possit dissuadere: nec recipit opinionem illorum, qui dicunt, quando non dissuasit, teneri certiore facere eum, contra quem dedit consilium, vt sibi caueat, non reuelata persona eius, consilium dedit, in qua opinione fuit Anto. 3. par. tit. 28. c. 2. §. 2. in mandato autem, satis esse reuocasse. At verior est opinio Innocen. consilium non posse reuocari, nisi per persuasionem contrariam: sicut autem diximus de mandante, ita & de consulente oportet dicere, sunt enim casus, in quibus consulens non contrahit irregularitatem; sunt etiam casus, in quibus contrahit, aliquando ex voluntario homicidio, siue ex defectu siue ex delicto, aliquando ex casuali.

Primò, consiliarij, qui interueniunt cum principe legibus condendis, in quibus statuitur poena capitis malefactoribus, etiam si sint clerici, non sunt irregulares: ita habet Ioan. Ana. c. ad audientiam, de homic. nu. 6. vt enim supra diximus, nec ipsi principes ex ea actione irregularitatem contrahunt, tum quia id generalis est, & remota causa, tum quia in mortem per se nò tendit, sed vt homines à malo retrahantur.

Secundò, qui consulit alteri homicidium, aut mutilationem, qui re vera erat etiam sine tali consilio illud facturus, non efficitur irregularis; tunc enim consilium non est causa mortis, aut mutilationis. ita habent Ioan. Andr. & Anchar. & Ioan. de Ana. c. ad audientiam, de homicid. quod si consilio fit, vt ille magis animetur, & confirmetur ad illud perpetrandum, tunc non euadit irregularitatem consiliarius, quia iam consilium operatur aliquid in mortem, quamuis Gloss. c. nuper, de sent. excommu. in materia excommunicationis, quæ grauior est, videtur dicere contrarium, tamen reprehenditur ibi Panor. At in materia irregularitatis, non puto esse veram, & ita sentit Couarr.

Tertiò, qui consulit alteri, vt pro fide Christi, & Ecclesia exponat se mortis periculo, etiam si sciret indubitanter mortem esse illi infligendam, non est irregularis. ita habet Innoc. & Ana. c. ad audientiam. & Præposi. can. d. 50. nu. 3. non tamen eandem esse rationem existimat Innocen. si consulat alicui, vt exponat vitam pro patria, pro iure, pro amicis; in hoc enim casu

casu, si sciret esse mortem illi infligendam, esset irregularis; si vero non id sciret, non esset irregularis: rationem autem differentie huius eam dicit esse, quia ordo charitatis est, ut pro Christo, & eius fide, & Ecclesia sanguinem fundamus, quia ipse pro nobis fudit: at non est ordo charitatis, ut pro altero vitam propriam exponamus. Ista tamen ratio non est vilius momenti: nam secundum ordinem charitatis, etiam tenemur aliquando pro patria mortem oppetere, & licitum est, & secundum ordinem charitatis proponere vitam temporalem aliorum propriam. secundum etiam ordinem charitatis tenemur vitam unius spiritualem proponere nostre temporali. Ergo eadem ratione, qui in his casibus consultit, non erit irregularis. Adde etiam, pro rebus defendendis liceret exponere se periculo vite, quando res ipsa sunt in bonum finem; & honestum ordinata: de qua re alibi dicendum est. Melius ergo Io. Anan. cap. ad audientiam. num. 6. indifferenter tenet, tale consilium non inducere irregularitatem, quia qui consultit alteri, ut exponat se periculo vite pro Christo, fide, amicis, patria, &c. non consultit mortem directe, non enim sunt ipsi, qui occidunt, sed tyranni, & persecutores; nec etiam consultit aliquid, unde persequitur mors; sed per accidens ex aliorum malitia, & iniquo opere: in re autem licita, & honesta consulenda, oportet considerare, an sit mors ipsa, quae consultitur, aut id, quod est propinqua causa mortis, non quod per accidens, & indirecte, qui enim consulere alteri, ut occideret alios, etiam pro fide, pro Ecclesia, ut qui consultit occidere haereticos, infideles, insurgentes contra Ecclesiam, non euaderet irregularitatem. Longe ergo aliud est, mortem directe consulere, aut indirecte, & per accidens in re iusta & honesta: unde notanda est distinctio Panorm. cap. ad audientiam. de homic. tenet, qui consultit alicui id, unde sequitur mors, etiam si mortem non intendat, irregulare esse, si consultit illicitum; secus, si licitum, ut qui consultit maleficum capi vel ut exponat se morti pro patria, aut pro fide, multum enim interest inter rem licitam, & illicitam in his casibus: nam quod inducit & irregularitatem in re illicita, non semper inducit eam in re licita. hoc confirmatur ex ca. cum homo. 23. q. 5. qui petit ab altero rem turpem, quam nisi faciat, minatur se occidere, qui non consentit, etiam si sciat illum se occisurum, non censetur homicida. Qui etiam corrigit filios, etiam si sciat aliquem ex timore correctionis se in fluuium proieciurum, non est homicida, nec debet a correctione

ne necessaria abstinere, nec sunt bona semper relinquenda per hoc, quod aliqui mali scandalizantur, quia hoc est per accidens, & indirectum: sat est, si prater nostram accidunt voluntatem, nec nos homicidium per se velimus. Ergo, nec qui alteri consulit, ne turpe aliquid committat, etiam si mors inde sequatur, nec qui consulit, quod bonum & necessarium est, erit homicida, etiam si mors aliquando inde sequatur per accidens.

Quarto, eum, qui consulit alteri, ut occideret intra certum tempus, tamen hic transacto consulto tempore occidit. Ioan. Anan. cap. ad audientiam. num. 8. putat non esse irregularem: sed ego existimo, cum distinctione eadem respondendum, quam supra diximus de mandato, nempe si intra tempus occidit, esse homicidium voluntarium: si vero transacto tempore, tunc si non virtute consilij id facit, sed alia motus ratione, non erit irregularis; si vero virtute illius consilij, tunc erit irregularis ex homicidio, tamen casuali: ut enim qui fines mandati excedit, non liberat mandantem ab irregularitate, ita & qui fines consilij, quando in virtute mandati, aut consilij facit, & res est illicita.

Quinto, clerici in bello iusto, exhortantes, consulentes, aut incitantes milites, ut pugnent, vel vincant hostes, etiam si ipsi pugnent, & percutiant, dummodo non occidant, aut mutilant, non sunt irregulares, etiam si in ipso conflictu id faciant. quamvis Innoc. & Hostien. cap. quod in dubijs. de poen. dicant, debere esse ante conflictum, enim hortentur in conflictu, esse irregulares. At Couar. & recte, etiam in conflictu affirmat id fieri posse absque irregularitate, dicitque talem distinctionem esse verbalem. Hæc pars, nempe quando clerici in bello iusto pugnant, & vulnerant per se citra mutilationem, aut mortem, non esse irregulares, quamvis peccent, est expressa in cap. petitio. de homic. quod vero non sint irregulares in bello iusto exhortantes, & incitantes etiam in conflictu ad pugnam, & victoriam, quamvis postea ex utraque parte sint homicidia, & mutilationes. est Panormit. cap. petitio. allegato, & Gloss. can. Clericum. d. 50. & colligitur ex ipso cap. petitio. nam ille Clericus in conflictu erat, quando vulneravit, & non censetur irregularis, si nec occidit, nec mutilavit per se Gloss. etiam capit. quod in dubijs de poen. textum ipsum affirmantem, sacerdotes esse irregulares, qui in prælijs incitant ad præliandum, declarat procedere in bello iusto, aut iniusto, quando excitant ad occidendum, vel mutilandum directè;

directè, tunc enim non essent irregulares, imò ex delicto homicidij voluntarij, quia directè consulunt mortem, quod eis est prohibitum, ex quo confirmatur quod suprà diximus de consulente, vt exponat se periculo pro amico, pro patria, pro iure, quando licita est talis expositio, etiam si verisimile sit, illū occidendum esse: nam & in præljs verisimile, imò certū est mortes euenturas; nec tamen consulentes fiunt irregulares, quia non consulunt, nisi quod iustum; & bonum est: quod enim in bello iniusto, & in causa illicita irregularitatem; in licito, iusto, & honesto non semper inducit, nisi sit per se causa mortis: potest autem victoria haberi sine morte, & mutilatione quantum est ex se.

De differentia hac consilij in re iusta, aut iniusta, vide Anan. cap. ad audientiam. num. 4.5.6. Non tamen hoc intelligendum est de ijs, qui dant sagittas, sclopetum, & arma militibus, etiam in bello iusto, vt iaciant in hostes, quia hæc est causa proxima ordinata in mortem. nec in hoc placet opinio Nauarr. qui contrarium tenet, allegans pro se Innocen. cap. sententiam. ne cleric. ver. mona. qui id non dicit; imò potius contrarium, loquitur enim cum limitatione, quando nimirum, qui arma dat, nescit ea esse ad occidendum, sed ad solam defensionem, quo casu non esset irregularis. Idem est de ijs, qui ex officio hæc arma faciunt, aut vendunt indifferenter, tam militibus, quam alijs, non enim sunt irregulares, quamuis hi occidant, quia non ea intentione ea vendunt, aut faciunt.

Sextò, qui consultus à iudice consilio generali opinionis, & cognitionis, quali poena malefactor talis esset puniendus, nempe fur, latro, aut alius criminofus, & respondit morte illum secundum leges esse plectendum, ex quo postea consilio iudex occidit, si ille in generali fuit interrogatus, & extra factum imminens, non esset irregularis, vt dicit Anto. 3. par. tit. 28. cap. 2. §. 2. etiam si clericus esset, vt dicit Panorm. cap. ex literis de excess. præl. etiam si erraret, quia non erat ipse admodum peritus, vt dicit Præposit. cano. si quis viduam dist. 50. Si vero consultus esset de facto singulari imminente, quid de hoc, vel illo malefactore agendum esset, & responderet morte plectendum, tunc esset irregularis secundum eodem tradit consilium scienter in mortem: esset autem voluntarius, & si clericus esset, voluntarius ex delicto; secus verò ex defectu.

Septimò, qui clamat contra latrones, & hoc facit in suæ personæ defensionem, & liberationem, quia occidi timet, imploratq; auxilium aliorum, si hi veniant in auxilium, & occidant non erit ille irregularis ex tali exhortatione, & incitatione; secus, si id faciat in defensionem rerum suarum. ita habet Anan. c. significasti. de hom. n. 6. Ant. vero 3. p. tit. 28. ca. 2. §. 2. limitat, quando potuit verisimiliter intelligere, quod ille occideretur à concurrentibus, quia eo casu esset irregularis casualiter; secus non quæ duo oportet sic intelligere.

Primum quidem, qui clamavit in defensionem personæ, etiamsi verisimiliter sciret venientes occisuros latronem, atque intenderet mortem illius, si aliter liberari non poterat, nullam incurrere irregularitatem, quia licebat ipsimet absque irregularitate occidere inuasorem, seruato moderamine: qui vero clamat in defensionem rerum, si intendebat occidi latronem erit irregularis, quia qui in defensionibus rerum occidit, irregularis est ex defectu; & si clericus, ex delicto, vt supra diximus: at si non intendebat mortem, etiamsi verisimiliter cognosceret, mortem inde secuturam, tam pro personæ, quam pro reitū defensione, non esset irregularis morte secuta: est enim valde notanda distinctio sæpè dicta, inter eum, qui dat operam rei licitæ, & eum, qui dat operam rei illicitæ, quando opera non est proxima causa mortis; qui enim dat operam rei licitæ, si non intendat mortem, etiamsi cognoscat verisimiliter inde secuturam, non efficitur irregularis; si vero dabat operam rei illicitæ, fit irregularis, quando verisimiliter poterat mors euenire ex tali opera, quod etiam supra adnotauimus: quando vero est intentio mortis, semper in vtraque opera contrahitur irregularis, etiamsi sit causa remota, vt dixit notabilis Gloss. cap. de cetero de hom. sicque intelligendus est Abba. antiq. qui in eod. c. affirmavit, siue propinqua, siue remota sit causa mortis, inducere irregularitatem.

Octauò, prælatus, & personæ Ecclesiasticæ conuocantes milites in sui defensionem, & tutelam, non sunt irregulares, si milites aliquem aduersariorum occidant 23. q. 3. canon. Maximianus. & ibi Gloss. quamuis exhortetur eos ad pugnam, & defensionem, quod limitat Anan. cum Innoc. cap. ad audientiam. de homic. num. 12. quando est in defensionem suæ personæ, vel suorum; secus, si in defensionem rerum: sed nec hoc est verum indistinctè, nisi quando intendunt occidere; si vero intendunt defensionem sui iuris, & rerum Ecclesiasticarum absque intentione

entione mortis, vt habet Gloss. can. de occidendis 23. q. 5. non sunt irregulares, quod colligitur ex eod. can. Maximianus. hac etiam ratione, qui inuocabunt brachium seculare cōtra malefactores, & inobedientes, non sunt irregulares, etiam si mors sequatur: immo licet Episcopis habentibus iurisdictionem temporalem secundum Innocent. ca. quod in dubijs, de pōn. ratione iurisdictionis bellum incidere, & hortari suos milites, vt pugnent. His casibus ex consilio non inducitur, irregularitas.

Aliquando verò ex consilio inducitur irregularitas homicidij voluntarij, aliquando delicti, aliquando defectus, iuxta qualitatem consilij: nam quando est iniustum, tunc est ex delicto: at verò quando consilium est iustum in causa sanguinis, cum scientia aut intentione mortis, est ex defectu: sic assessores iudicum, qui votum dant aut consiliū in causa sanguinis, sunt irregulares ex defectu; si verò personæ Ecclesiasticæ essent, tunc esset ex delicto. Similiter, qui personæ priuatæ existunt, & cōsulant iudicem, vt aliquem occidi faciat, quia nocius est, & malefactor, quamuis sine peccato faciat, irregularis est voluntarius ex defectu: at si clericus, ex delicto. Qui etiam consulit, vt potum accipiat abortum faciendum, si fiat quando foetus animatus est, aut præsuntur animatus, nempe post quadragesimum diem irregularis est ex delicto voluntario. Qui etiam bona intentione incitat carnificem, vt citius interficiat, ne diu vexetur reus, irregularis est voluntarius, vt dicit Præpos. can. 1. d. 50. n. 27. & si est persona Ecclesiastica, ex delicto. Qui etiam malè consulit alicui, vt remaneret in aliquo loco, & hostes superuenientes occiderunt, si non intentione, vt occideret, fecit, sed verisimile erat id euenturum, non tamen id cogitauit, erit irregularis ex delicto, sed casualis. Per hæc multi alij casus decidi possunt circa consulentes.

De irregularitate ex defensione.

CAPVT LXXX.

Inducitur etiam irregularitas ex defensione, aliquando ex defectu, aliquando ex delicto, siue voluntario, siue casuali, vt diximus in mandato, & consilio. Arch. cano. si quis viduam d. 50. hoc verbū (defensione) exponit de ea, qua aliquis se ipsum defendit; olim enim, vt diximus, etiam ex homicidio ad

dio ad ineuitabilem defensionem contrahebatur irregularitas; tamen hoc verbum alij aliter exponunt, nempe pro ea defensione, qua aliquis defendit occidentem, vt liberius, & securius occidat, quomodo videtur accipi cap. 2. de cler. pug. in duel. & sic interpretantur hanc defensionem. Ioan. Anan. cap. ad audientiam. de homicid. num. 4. & summa Pisan. homicidium. 4. Qui ergo defendunt, & tuentur homicidas, vt hominum occisiones tuto, & liberius, animosiusque efficiant, irregulares sunt iuxta cap. sicut dignum. de homicid. §. illi etiam. Si autem defensio fuerit iusta, vt pote in homicidio iusto, & à personis non prohibitis, erit ex defectu. Si verò ad homicidium iniustum vel ad iustum à personis Ecclesiasticis, erit ex delicto; & si ad est intentio mortis, erit ex homicidio voluntario: si vero est præter intentionem, erit casuale iuxta regulas dictas superius de mandante & consulente. Hæc defensio ampliatur ad omnes eos, qui multis alijs modis concurrunt ad ferendum opem & auxilium in hominis occisione, aut mutilatione, & sic multi sunt casus, in quibus contrahitur hæc irregularitas ex defensione.

Primò, ministri iustitiæ sunt irregulares, quando occisio vel mutilatio fit, nempe fiscalis, notarius, testes, qui literas scribunt, quibus demandatur officiali, vt occidi faciat aliquem malefactorem, vt notat Præpos. can. i. d. 50. num. 26. Similiter satellites, notarij sententiam mortis scribentes, notificantes eam reo cum auctoritate, quique interfunt, dum reus occiditur, tanquam fautores, aut auctoritates, si verò nudam præsentiam exhibent, quales qui non habentes iurisdictionem adstant ad videndum tantum, non sunt irregulares, etiam si sint clerici, vt dicit Panorm. cap. ex his. de excess. prælat. Similiter accusator in causa sanguinis, & aduocatus contra reum, immo etiam aduocatus pro reo, quando accusator obligatus est ad poenam talionis, si non probauerit crimen, si causa non probans punitus est morte, aut mutilatione; aduocatus etiam, qui accusatum defendebat in ea causa, est irregularis, vt dicunt Anchar. cap. ad audientiam. de homic. & est communis sententia. Denique officiales iustitiæ in causa sanguinis sunt irregulares can. aliquantos, d. 51. & si iustum est iudicium, est irregularitas ex defectu, sin minus, est ex delicto, aut quando personæ sunt Ecclesiasticæ, quibus non licet immiscere se in huiusmodi causis, vt sæpè dictum est.

Est tamen in hac parte considerandum, privilegium esse clericis,

laicis, & Prælati concessum, cap. prælati de homicid. in 6. licet enim personis Ecclesiasticis, non solum absque peccato, sed etiam absque irregularitate vlla conqueri, & querelam deponere etiam apud iudices seculares contra suos malefactores, in defensionem sui, & rerum suarum, etiam super criminibus, in quibus poena sanguinis venit imponenda, dummodo protestentur se non intendere vindictam, aut poenam sanguinis, si iustitia exigente decapitentur, etiam si clerici id sciant, facta protestatione non sunt irregulares, immo etiam si ipsimet capiant malefactores, & iudici tradant, ut tenet Socin. capit. ad audientiam. de homic. num. 52. Nec opus est hanc protestationem facere in scriptis, sed satis est, si verbo expresso fiat, quamvis ad cautelam tutius est, si scripto fiat, ut dicunt Doctores in eod. cap. prælati & ibi Glossa.

In qua protestatione aliqua sunt adnotanda.

Primum est, non iuvare hanc protestationem, nisi quando clericus pro sui, rerumque suarum defensione querelam deponit, ut notant communiter Doctores, & ibi Franch. dicit nomine suarum, intelligi etiam servos & ancillas, eorumque bona, sed non amicos, ceterosque coniunctos.

Secundò, hanc protestationem non esse in favorem testium, aut advocatorum, aut aliorum, præter accusatores, seu denunciatores, illi enim etiam protestantes fiunt irregulares.

Tertiò, quantum ego puto, non iuvat protestatio, nisi solos clericos, seculares enim etiam protestantes sunt irregulares: nam privilegium est clericis & prælati concessum, ne, occasione irregularitatis fugiende, alij liberè in eos, & eorum bona insurgant, quod in laicis, quibus irregularitas non ita timetur, quibusque sine peccato accusare licet, non habet locum: at quia communis Doctorum sententia tenet, laicos simili protestatione iuvari, nec irregularitatem incurrere, ea est sequenda sententia.

Quartò, ex Anchar. & Franch. eodem cap. prælati. & Anan. cap. postulasti. de homic. protestatio necessaria est, quando est super crimen, pro quo venit poena sanguinis imponenda: nam si sit super crimen leve, pro quo talis poena non est imponenda, sed iudex, vel ob imperitiam, vel ob sanitiâ, poenam talem imponit, non efficitur clericus etiam non protestans irregularis, nec etiam secundum Innoc. cap. tu nos. de homicid. efficitur irregularis, si super quodcumque crimen civiliter, & non criminaliter agit: iudex autem imperitus,

criminaliter procedens, poenam sanguinis infligit. & hic est casus cap. postulasti. de homicid.

Quintò, qui protestatur, se non ob vindictam facere, tamen re vera animum habet vindictæ: irregularis est ex delicto, ac si non faceret protestationem; erit tamen in solo foro conscientie irregularis, quia animus eius latebit, sicut in homicidio occulto. Si tamen constaret de animo, esset etiam in foro exteriori irregularis. ita sentit communis sententia, quam tenent Hostien. sum. de homic. §. qua poena ver. verum circa has Archid. cap. prælatis. de homic. in 6. qui citat Hostienf. & sentit cum eo. idem dicit Gem. in eod. ca. prælatis & allegat eundem Hostien. & in eod. cap. Ioan. Andr. Quidquid dicant. Felyn. cap. postulasti. de homicid. & Couarru. qui tenent contrarium, & citant per se Ioan. Andr. sed falso. Cum communi sententia, & nostro consentit etiam Franch. cap. prælatis. vbi pro se citat Hostienf. Archid. & Ioan. Andr. Idem tenet Anan. cap. postulasti. de homic. citans etiam Ioan. Andr. item Antonin. 3. p. tit. 28. capit. 2. §. 4. cum alijs multis: protestatio enim supponit animum non vindicandi, & eum habenti suffragatur; aliter enim non est vera protestatio. Nec argumentum in contrarium est vilius roboris; Ecclesia enim iudicat de actibus animæ, quâdo coniuncti sunt cum actibus exterioribus: nam & qui actum facit exteriorem hæreticum; verbi gratia vescitur carnibus tempore prohibito, si faciat animo hæreticandi, excommunicatus est, sin minus, non est excommunicatus, & sunt huius rei multi casus. Denique & tot, ac tanti Doctores affirmant esse irregularem, saltem res est valde dubia, & tutius est in conscientia reputare se irregularem. Nec ergo sola protestatio sine animo, nec animus sine protestatione sufficit, utrumque simul clericum deponentem querelam in causa sanguinis à peccato, & ab omni irregularitate præseruat. Hoc tamen aduertendum est postremo, si crimen aliquod esset in perniciem, & nocumentum publicum, nec posset aliter impediri, quam per denunciationem, liceret clerico, facta protestatione, etiam absq; irregularitate, morte subsecuta delinquentis, denunciare, vt tenent Caiet. 22. q. 33. art. 7. & Nauar. canon. inter verba. 11. q. 3. Corol. 58. & Couarru. & colligitur ex ca. accusasti. de accus. Hic est primus casus irregularitatis ex defensione.

Secundo loco contrahunt eandem irregularitatem ex defensione illi, qui bono zelo ligna ferunt ad hæreticum comburendum.

burendum, dummodò, vt dicit Præposi. can. 1. d. 50. nume. 27. ligna cooperentur ad mortem: nam si mortuus comburitur, aut si viuus, ligna tamen illa nihil effecerunt in morte, non est irregularis, qui portauit, quamuis in dubio debeat se talem reputare. Addit Præposi. qui ligna vendidit, aut scidit, non est irregularis, quia est causa remota: causa autem propinqua debet esse, vt contrahatur irregularitas, iuxta Glosi. c. de cætero, de homicid. quod limitandum puto, quando ex officio scindit, aut vendit indifferenter, & indistinctè cuiuslibet ementi hic, etiam si sciret, pro hæretico comburendo emi, non esset irregularis, quia dat operam rei licitæ, & id non intendit primo, & per se; secus si non ex officio id faceret, sed ad hoc solum vt combureretur hæreticus, quia in remota causa, & propinqua iudicanda debet non tantum considerari, quando actio ex se inducit mortem; aut ex se in causa ordinatur, sed etiam, quamuis talis non sit, si intentione ea fit: nam intentio mortis causam aliàs remotam facit propinquam, iuxta Glosam singularem suprâ allegatam, c. de cætero, de homicid. Hac de causa, qui vendunt fûnes, quibus suspenditur malefactor, & qui vendunt arma militibus, quibus pugnant, & occidunt, quiq; similia faciunt ex officio, & indistinctè, non sunt irregulares: secus de ijs, qui commodarent, aut darent ad hunc effectum, essent enim irregulares voluntarij, sicut & occisores.

Tertiò, eum, qui campanam pulsât in locis, vbi consuetudo est pulsari, ad conuocandum populum, vt intersit, quando malefactor est occidendus, quia minister est iustitiæ, & intentione facit mortis, crederem esse irregularem cum Socin. cap. ad audientiam. de homicid. & Anan. Ioan. eod. titu. & ibi communiter Doctores, quamuis Couarru. teneat contrarium, dicens esse causam remotam: sed vti diximus, vbi est intentio mortis, semper est causa propinqua: esset autem irregularis ex defectu; sed si clericus talem campanam pulsaret, esset ex delicto.

Quartò, qui indicat latronem, aut malefactorem iudici, vt comprehendatur, sciens, quòd quærebatur ad mortem, aut ea intentione, vt occideretur, irregularis est, vt dicunt Cardin. & Anan. c. tua nos, de homic. §. vlti. eritq; ex homicidio voluntario ex defectu in seculari: at in clerico, ex delicto; secus, si id faciat, non intendens mortem, sed defensionem propriæ vitæ, aut suarum rerum, & nesciens occidendum, nisi quando

protestatio fit, vt supra diximus, quæ protestatio non prodest, nisi cum à iudice latro occiditur, si enim clamat aliquis, & conuocat turbam contra latronem, quamuis protestetur, si tamen occidatur ab ea, irregularis erit, vt dicit Anan. c. significasti. de homic. num. 7. Eadem ratione, qui pulsat campanam, quando inimici veniunt, vt congregetur populus contra eos, si id faciat in sui defensionem, mortem non intendendo, irregularis non erit, secus, si non in defensionem sui, aut mortem intendat, etiam si faciat in aliorum defensionem, vt dicit Anan. c. Ioan. de homicid.

Quintò, qui interrogatus à iudice de intersignijs latronis, à quo fuit spoliatus, dedit cultum, & sobrulares latronis, quod apud eum inuenerunt, posteaq; latro fuit occisus, non est irregularis. casus est expressus in c. tua nos. de homic. §. vlti. in quo multum Doctores laborant, & maximè Anan. tamen veritas hæc est, illum non dedisse intersignia intentione, vt occideretur latro, sed vt sua recuperaret, nec fuisse signa sufficientia ad eum conuincendum, vt dicit Anton. Butri. vnde fuit causa remota, secus, si intentione mortis faceret, aut signa fuissent sufficientia, non præmissa protestatione.

Sextò, ad eandem irregularitatem ex defensione pertinet, si quis socius sit alterius ad occidendum iniuste, quamuis enim ipse non occidat, sed alter, efficitur etiam ipse irregularis, dixi, ad occidendum iniuste, quia socius in rixa iusta, vt qui socius est eius, qui ad sui defensionem, aut in bello iusto pugnat, non fit irregularis, si ipse non occidat, quamuis alter, qui iniuste pugnat, occidat, c. petitio. de homicid. & ibi Panormitan. etiam si clericus esset, vt supra diximus. In iniusta autem rixa ex parte illa, in qua iniustitia est, omnes efficiuntur irregulares, etiam si vnus tantum occidat, & est irregularitas ex delicto voluntario. Quod autem dixi de socio, intelligendum sic est, quando alterum associat ex proposito, ita vt animosior fiat: nam fieri potest, vt rixa à multis subito sit exorta, quorum vnus alium non iuuat, sed pro se quisque pugnat, etiam si sit contra vnum, tunc, qui occidit, est irregularis, non alij, vt colligitur ex c. significasti. de homicid. & ex ijs, quæ ibi adnotantur, quod in specie dicit Couarr. His casibus, & similibus, irregularitas ex mandato, consilio, & defensione contrahitur.

De alijs modis contrahendi irregularitatem
homicidij.

CAPVT LXXXI.

QUIDAM, præter modos tres, consilium, mādatum, de-
fensionem, addunt alios duos, vnus est ratihabitio, quan-
do nempe aliquis homicidium nomine eius factum, et-
iam ipso ignorante, ratum postea habet. ita habet Archidia. c.
si quis viduam. d. 50. & Spec. titu. de l. §. iuxta propositiones.
Henric. Boic. c. sicut dignum. de homicid. Siluest. ver. homici-
dium. 3. §. 2. Rosel. homicidium. 2. §. 5. Nauarr. in summ. cap. 27.
num. 233. Pro hac opinione facit, quod in delictis ratihabitio
mandato æquiparatur, Reg. ratihabitionem. de regul. iur. in 6.
fauet etiam c. si quis. de sent. excommu. in 6. vbi, qui ratam ha-
buit percussione eius nomine factam contra clericum, de-
claratur excommunicatus, quia mandato æquipollet. Oppo-
sitam opinionem, nempe per ratihabitionem non contrahi
irregularitatem, tenent Hostien. in sum. de homi. §. qua pccna,
& Archidia. sibi met contrarius. 17. q. 4. can. omnes. Tabien. ver.
irregularitas. 2. §. 7. & Armil. ver. irregularitas. §. 22. & Couarr.
pro cuius resolutione attende, duplicem esse ratihabitionem;
Vna est improprie, & largè, sic dicta, quando aliquis probat
id, quod gestum est, & in eo complacet, etiam si non eius no-
mine sit gestum, vt qui audit suum inimicum esse occisum
ab aliquo, gaudet, & probat factum illius, qui occidit; omnes
conueniunt, hanc ratihabitionem esse quidem peccatum,
non tamen inducere irregularitatem. ita Archidia. can. omnes.
17. quaest. 4. & Hostien. loco citato dicunt, & de hac intelligitur
Gloss. can. si quis viduam. d. 50. ver. consilio. Altera est proprie
dicta ratihabitio, quando aliquis probat, quod eius nomine
gestum est, etiam si ipse prius ignorauerit, & de hac est Reg. ra-
tum. de reg. in 6. Ratum, inquit, nemo habere potest, quod eius
nomine non est gestum, quam ratihabitionem Panormitan. c.
1. de conuer. infid. rectè declarat, dicens, ad ratihabitionem esse
necessarium, vt ratum quis habeat, quod eius nomine gestum
est eo tempore, quo ipse facere potuisset; si enim aliquis no-
mine infantis occidere alterum, quamuis ille factus adultus
ratum haberet, non esse ratihabitio proprie, quia illo tunc
temporis non poterat infans occidere. De hac ratihabitione
est controuersia, & puto probabilius esse, non induci irregu-
lari-
lanti-

laritatem per rati habitationem: & ratio. quæ me mouet est, quia ex c. is qui. de sent. excommun. in 6. habemus, neminem irregularem censendum, nisi sit iure expressum; non autem habemus iure expressam irregularitatem ex rati habitatione: nam regula illa, quæ in delictis rati habitio mandato æquiparatur, multas habet fallentias, & saltem locum habet, vbi iure nõ cauetur cõtrarium: at habemus iure cautum, irregularitatem debere esse expressam in iure, quod non est cautum de excommunicatione: ideo per rati habitationem incutritur excommunicatio, non autem irregularitas. Et per hoc soluuntur argumenta in cõtrarium.

Alter modus contrahendi huiusmodi irregularitatem est omissio, nempe quando aliquis nõ liberat à morte eum, quem poterat auxiliando liberare, qui modus est valde controuersus, multi enim multa dicunt, quorum opinionones breuiter proponam; supposita duplici distinctione; Vna est; mortem, à qua liberari vnus ab altero potest, duplicem esse. Vna est iusta, vt quando à iudice infligitur; vel ab habente potestatem occidendi; aut quando ex infirmitate aliqua, similive causa moritur. Altera est iniusta, quando oppressus ab altero occiditur. Posterior distinctio est, dupliciter aliquem obligari posse alteri subuenire. Vno modo ex solo debito charitatis, sed tenetur diues subuenire pauperi, & priuatus proximum ab iniuste opprimente eruere quando potest. Altero modo etiam ex iustitia, sic persona publica, nempe iudex, tenetur oppressum defendere, ne lædatur. His suppositis est.

Prima opinio Hostien. c. significasti. 2. de homic. num. 2. affirmantis eum, qui potuit liberare alterum ab iniusta morte, & non liberauit, ideoque hic mortuus est, esse irregularem loquitur Hosti. de iniusta morte, indistinctè tamen de obligatione, siue ex charitate, siue ex iustitia teneatur.

Secunda opinio est aliorum, qui generaliter tenent neminem effici irregularem ex omissione, seu non liberatione à morte, siue ex charitate, siue ex iustitia teneatur, & de quacunque morte. Hanc opinionem refert Innoc. c. Petrus, de homicid. quia, inquit, lex promotionis factum requirit, & videtur in eam inclinare, vt ex principio c. apparet: eam tamen tenet Pisan. ver. homicid. 4. vbi expressè de vtroque loquitur casu. & Tabien. ver. irregularitas. 1. §. 2. qui eum, qui etiam dolose non liberat, vt ille moriatur, dicit non esse irregularem, dummodò non concurrat aliquo actu positio ad mortem eius.

eius. Idem Asten. lib. 6. tit. 14. artic. 8. qu. 8. dicens, nec iudicem nec priuatum per non liberationem effici irregularem. Rosel. ver. homicidium. 4. §. 2. idem dicit expresse, quamuis postea citet alios in contrarium, & videatur inclinare in eorum sententiam, malè citans verba ex Astenfi sumpta, quæ sunt ex Hostien. in sum. de homicid. §. qua pœna. At Hostien. loquitur de peccato, non de irregularitate. idem etiam sentit Antonin. 3. p. tit. 28. cap. 2. vbi generaliter loquitur de eo, qui potuit, & non liberauit à quacumque morte, etiamsi delectetur in morte illius, peccat quidem, sed non est irregularis, dicitque medicum nolentem mederi infirmo, & diuitem non subuenientem pauperi; etiamsi ex hoc si moriantur, non effici irregulares.

Tertia opinio est aliorum, qui generaliter, etiam nulla facta distinctione, tenent non effici irregularem, qui non liberat, nisi in vno casu, nempe quando dolose id facit, ut ille alius moriatur, aut occidatur. Hanc tenet Henric. Boic. ca. Petrus, de homicid. & Angel. homicidium. 1. §. 17. & ver. irregularitas. §. 8. & Siluest. homicidium. 1. §. 14. quamuis hic mutet opinionem. ver. homicidium. 3. §. 2. & §. 7. notab. §. dicit enim non induci irregularitatē ex permissione, quamuis delectetur, nisi sit Prælati aut Dominus.

Quarta opinio est media, eos scilicet, qui ex charitate sola tenentur liberare, non contrahere irregularitatem, sed eos solos, qui ex iustitia obligantur. ita Nauarr. in num. c. 27. nu. 231. addens, eos, qui ex ~~scilicet~~ charitate tenentur, non effici irregulares, quamuis delectentur in morte illius, ponitque exemplum Antonini citati superius in diuite nolente subuenire, & medico nolente mederi.

Quinta est Couar. qui dicit, eos, qui habent potestatem in interfectorem, ut iudex, aut dominus, aut pater familias, si non arcent hos à malo perpetrando, effici irregulares, si hi occiderint. in quo casu procedit cap. quanto. de sent. ex comm. nempe respectu personarum, qui ex officio tenentur reprimere malefactorum: cæteri verò non incurrunt irregularitatem, nisi dolose dimittant, ut ille alius occidatur, videtur loqui de iniusta morte. Hæc sunt, quæ Doctores sentiunt in hac varietate, quæ puto probabiliora his sunt: loquimur autem, non de peccato, de quo nemo dubitat, sed de irregularitate.

Primo, ei, qui non tenetur liberare aliquem à morte, etiamsi possit

posset liberare, non imputatur mors, nec quantum ad peccatum, nec quantum ad irregularitatem. in hoc dicto nō est difficultas, ex quo sequitur, qui possit erueri de manibus Iudicis reum morte damnatum, si non eruat, & reus morte plectatur, non est irregularis, immo malè faceret eruendo. Rursus, qui non dat panem, seu cibum ei, qui est damnatus, ut fac me moriatur, quamuis id posset facere, non est homicida, nec irregularis. Similiter, qui non remittit, nec, ut dicitur, dat pacem aduersario, qui occidit patrem, aut consanguineum eius, ob idque ille damnatur morte, non damnandus, si cum illo se componeret, non est irregularis, dummodo querelam non fecerit, nec aliquem actum in iudicio, quia non obligatur id facere, sed potest licite permittere Iudicem iustitiam exequi, quando non ex odio id facit, sed zelo iustitiæ, & bono fine, Rursus, si quis se occidere minatur, si non det aliquis centum aureos dono, ut supra diximus, hic non est irregularis, etiam si ille occidat se, quia non tenetur eo casu dare. Denique ubi quis non tenetur liberare, non est irregularis; hinc sequitur, priuatas personas, quando nequeunt liberare, nisi se exponendo periculo alicuius mali grauis, non esse irregulares, si non liberent quia eo casu non tenentur.

Secundò, quando non liberatio, aut non prohibitio vim habet auxilij, aut consensus apud occidentem, tunc, qui non liberat, aut non prohibet, est irregularis, quia eo casu est auxilium, aut consensus præstare. casus est in cap. Petrus de homicid. In domo cuiusdam Diaconi, consanguinei eius tractarunt, ipsius intuitu occidere quendam Abbatem & occiderunt, consultus Papa respondet, illum non esse irregularem, quia nec causam, nec occasionem dedit; nec solum hoc, sed etiam quia expressè prohibuit, ne illi occiderent. Igitur à contrario sensu, si non prohibuisset, esset irregularis, quod intellige in foro exteriori, quia præsumitur consensisse: in foro autem interiori, si re vera non consensit, nec ea de causa tacuit, ut consentire videretur, tunc non esset irregularis, si nihil aliud fecit, & hoc est quod ibi Gloss. & Innocent. dicunt, nimirum etiam si non prohibuisset, non esset irregularis, quod intellige, quando non prohibitio non fuit tacitus consensus in morte illius; iuxta commune dictum, qui tacet, consentire videtur. Qui ergo videt tractantes de occidendo aliquo in præsentia sua, & non prohibet, cum possit, consentire præsumitur in foro exteriori: at in foro interiori, non, si verè non ob id tacuit, & hic

& hic est sensus illius cap. allegati, & concordantur cum doctrina can. quia 1. q. 4. ubi quidam intuitu cuiusdam clerici eruerunt oculos alteri, ille tamen censetur non irregularis, ubi nihil dicitur de non prohibitione; respondeo, in hoc casu, illos tractasse eo absente eruere oculos alteri; ideo eius non prohibitio non potuit habere rationem, nec vim consensus in crimen; unde quando non voluntate, nec aliquo illius consilio factum est, non censetur irregularis. casus etiam alius est, cap. sicut dignum. de homic. §. illi etiam, ubi qui illicito homicidio, cum possent, non restituerunt, censentur homicidæ, quia, inquit, non caret scrupulo societatis occultæ, qui manifesto facinori definit obuiare, quod procedit de ijs qui sua dissimulatione occisores animosiores fecerunt ad occidendum. In his casibus, & similibus, non est simplex non liberatio, sed est consensus quidam, aut auxilium tacitum in mortem.

Tertiò, non liberatio illicita, & contra iustitiam inducit irregularitatem, quando nempe aliquis ex officio & iustitia tenetur liberare à quacumque morte; si enim non liberat, cum posset sine suo periculo graui, est irregularis, & homicida hoc exemplis confirmo. Est medicus, qui infirmi curam suscipiens, nouit esse illi necessariam potionem, aut sanguinis emissionem, & tamen non vult facere, ob idque moritur infirmus, nemo negare potest, hunc esse irregularem: quod manifesto argumento probatur, diximus enim supra, ex communi sententia, quando ex negligentia medici infirmus moritur, etiam si id nesciat medicus, esse irregularem casuali homicidio, quia dans rei licitæ operam, non adhibuit debitam diligentiam, ergo à fortiori erit irregularis, non casualiter, sed voluntariè, quando sciens, & prudens, moriturum infirmum remedio priuat necessario; si enim daret potionem leuissimam, esset irregularis. ergo etià erit, si neget necessariam, quæ tenebatur ex officio adhibere, tam enim est causa illa potio occisionis quam huius subtrahitio. Ex hoc exemplo manifesto deduco, iudices & publicas personas esse irregulares, quando ipsius scientibus, & non prohibentibus, cum possint, malefactores occidunt aliquem; non minus enim ipsi ex officio tenentur malos reprimere, & subuenire oppressis, & inferiorum indemnitati, quam medici suscipientes curam infirmi tenentur ipsius consulere salutem: nec inuenio discrimen, utriusque enim

enim sunt causa mortis, seu concausa, quod facit irregularitatem, cap. de cætero. de homicid. sunt enim homicida facto, sicut, & gubernator navis, qui tempore tempestatis potest subuenire, & non subuenit, est vera causa subuersionis navis, & homicida eorum, qui submerguntur. Deduco etiam, qui ex officio, & iustitia tenetur cibum, & necessaria victui ministrare alijs, & scientes aliquos in extrema esse necessitate, cum possint non subueniunt, & mori permittunt, sunt irregulares, & homicida contra iustitiam. & in hac parte mihi placet opinio Couarru. & aliorum, quos citauimus, nec opus est, ut doleo, & malo animo non prohibeant, satis est, si scienter id faciant, ad homicidium voluntarium, aut casuale, si id facile scire poterant, & neglexerunt, cap. quæsitum, de poen. & remissi.

Quartò, quando non liberatio, seu non prohibitio est illicita, qua contra solam charitatem est, etiam si imputetur homicidium quantum ad peccatum, non imputatur quantum ad irregularitatem. in hoc consentio Nauarro, & Antoni. & alijs citatis, vnde medicus, qui non est salario conductus, nec curam suscepit infirmi, si vocatus nolit venire, & moriatur infirmus, etiam si malo animo faciat, non erit irregularis. Nec diuites, qui pauperibus non subueniunt, nec priuatæ personæ, qui non accurrunt ad liberandum in periculo mortis existentem, siue ex iniqua oppressione, siue ex aliquo alio accidenti sit mors. In his, & similibus casibus, qui non subueniunt, grauiter peccant, & hoc canones aliqui significarunt, appellantes hos tales homicidas; tamen non contrahunt per hoc irregularitatem. hæc videtur esse opinio Hostien. cap. sicut dignum? de hom. num. 38. vbi illud can. pascere d. 86. pascere fame morientem, si non paupisti, occidisti. dicit esse homicidium spirituale. & Gloss. cap. si aliquis. de hom. appellat homicidium occasionaliter; sicut qui dat potionem ante animatum sortum: Secundum hos ergo non inducitur irregularitas, quando non liberatio est contra solam charitatem. Peter aliquis causam & rationem huius differentia, quam nemo Doctorum allegatorum adduxit. & ex qua huius difficultatis resolutio valde declaratur; ea autem est. qui enim non dat, quod ex iustitia dare tenetur, aufert quod est alterius, alterius enim est modo quodam id, ad quod ius habet; vnde qui non dat, ius illius impedit, quod est auferre: at qui non dat, quod ex charitate tenetur dare non aufert alteri, quod eius est; sed est pura negatio non dandi,

dandi, quòd dare deberet; multum autem hæc differunt, auferre, & non dare; illud enim causa propinqua est, hoc verò remota. Sicut, qui auferret pallium alteri, seu cibū, qui in manu eius est si inde mors sequeretur, propinqua esset causa. ita & qui nō non dat, quod ex iustitia dare tenetur. Propter hoc ergo ille est irregularis, non hic, quamuis vterque peccet.

Per hoc soluitur dubitatio, quam aliqui proponunt, nempe an, qui scit tractatum contra aliquem in mortem eius, si non reuelet illi, sit irregularis, si occidatur. tractant hoc Doctores, c. Petrus. de homic. vbi Innocen. respondet, si intuitu eius illi id tractant, tenetur prohibere, & si credit eius prohibitionem sufficere, non tenetur reuelare, tuncque, si casu illi occiderint, non erit irregularis; si tamen credit non sufficere eius prohibitionem, debet reuelare, aliās esset irregularis: citat tamen quosdam, dicentes non esse irregularem in vtroque casu non reuelando, siue eius intuitu fiat, siue non; & hoc profectò est magis iuridicum: nam in eo c. Petrus. ille diaconus iudicatus est non contraxisse irregularitatem, quia expressè prohibuit, nec fit illa distinctio, an crediderit sufficere eius prohibitionem, an non. Panormita. autem ibidem citat Innoc. in ea sententia exposita, & Ioan. Andr. dicentem esse irregularem, quando dolosè noluit reuelare; ipse tamen in contrarium potius inclinat, & re vera ita est, immò aliquando non peccat non reuelando. Fateor quandoque teneri reuelare maxime in genere, vt sibi caueat, & aliquando persona manifestando in casibus aliquibus, & certis quibusdam circumstantijs, de qua re non est modò tractandum, sed quia est peccatum contra charitatem, vt diximus, non videtur contrahere irregularitatem, & in hoc etiam Innocen. consentit, nam ipse de casu illo loquitur, quando intuitu illius sit tractatus contra aliquem, per quod insinuat, si non eius intuitu id fit, non fieri irregularem, si non reuelet, tamen in neutro casu est irregularis, vt diximus. Hæc de huiusmodi irregularitate.

De dispensatione irregularitatis ex homicidio.

CAPVT LXXXII.

CVM irregularitas ex homicidio voluntario, necessario, & casuali oriatur; de singulis ordinatè, quantum ad dispensationem.

spensationem tractandum est, primoq; de dispensatione super homicidij irregularitatem, de qua sunt aliquot adnotanda.

Primò, irregularitas ex homicidio voluntario non est idre diuino, sed humano, hoc est contra quosdam, qui iure diuino ortam esse hanc irregularitatem arbitrati sunt, decepti illo facto Dauid, qui probabilius est à Deo edificare templum, quia vir sanguinum erat, nec aduertunt illud factum esse cum Dauid, quia typus erat, & figura Christi, qui Ecclesiam erat edificaturus: noluit autem Christus in hoc per Dauid significari, nec representari, quia ipse Christus fuit Rex pacificus, qui cum malediceretur non maledicebat, nec per alterius, sed proprium sanguinem redimere venit: sacerdotes autem non sunt figura Christi, ideo non comprehenduntur hoc facto, nec hac Dei sententia, hoc tenuit generaliter Innocen. cap. ad audientiam. eod. tit. de omni irregularitate. Idem Panormitan. c. gaudemus. de diuor. quamuis idem Panormit. sibi contrarius tenuit esse de iure diuino, c. ad audientiam. de homicid. illa tamen, uti diximus, est communis opinio. Ex hoc dicto sequitur posse Papam dispensare cum homicida voluntario, quocumque, quamuis difficile id faciat, & non sine graui & vrgenti causa, & multò difficilior in foro exteriori, quando homicidium est publicum.

Secundò, per baptismum tollitur omnis irregularitas ex homicidio voluntario quocumque. In hac est controuersia Doctorum, aliqui distinctione vtuntur: cum enim duplex sit homicidium voluntarium, vnum ex delicto, alterum ex defectu, uti supra dictum est, dicunt, illam irregularitatem, quæ est, ex homicidio illicito & delicto, tolli: quæ verò est ex defectu non tolli. ita senserunt Gloss. can. si quis viduam. d. 50. & Hostien. c. gaudemus. de diuor. & Præpos. can. i. d. 50. nume. 8. contrarium tamen tenent idem Præpos. c. gaudemus. de diuor. & ibidem Panormitan. affirmantque omnem tolli irregularitatem, siue ex licito, siue ex illicito homicidio, & hoc verum est, immò si propriè loquendum est, per homicidium quodecumque infidelis non est irregularis, sed solus baptizatus; vnde non dicitur tolli irregularitas per baptismum cum ante baptismum non esset, dicendum potius est, non baptizatum non contrahere irregularitatem ex homicidio, siue licito, siue illicito; ratio huius est, quia can. si quis viduam. d. 50. irregularem facit eum, qui quouis modo homicidij voluntarij est

tij est causa post baptismum. & ita notauit Archidia. d. 21. can. decretis. nu. 10.

Tertiò, cum homicida voluntario licito solus Papa dispensat ad ordines, & beneficium; sed si est clericus, Episcopus dispensat ad beneficium, de hoc enim est eadem ratio, ac de voluntario illicito, vt paulò post dicemus, nec de hoc loquitur Concil. Triden. sess. 16. c. 7. quia non est ex delicto. vnde relinquatur iudicandum secundum ius commune.

Quartò, ante Concilium, cum homicida voluntario illicito Episcopus dispensabat cum clerico, nempe tonsurato ad simplex beneficium, sed non ad ordines, etiam minores. hoc est Innocen. c. 2. de cler. pugn. in duel. & ibi Panormita. qui citat Hostiens. affirmantem posse Episcopum dispensare ad minores, quia caput loquitur de sacris, & cum Hostien. sentit Ioan. Andr. Card. & Butr. intellige autem cum clerico. de hoc enim capita loquuntur, tamen Panorm. tenet, quòd non, propter c. 5. cod. tit. & exponit ibi per sacros ordines, etiam minores significari, & hoc est verius, quamuis & illud sit etià probabile. Non ergo dispensabat Episcopus, nisi cum clerico iam promotò ad beneficium simplex, non tamè vt promoueri posset, nec etiam ad minores, pro quo facit can. miror. d. 50. & ibi Gloss. dispensabat autem ad simplex, sed non ad curatum, vt in hoc verè dicit Hostiens. quod tamen limitat Deci. c. ar. si. de iudic. quod non dispensat ad curatum de nouo habendum, sed potest dispensare ad retinendum iam habitum, sed hoc non est tenendum: nam si non potest dispensare, vt ministret in susceptis, nec poterit dispensare in retinendo curato, quod sine vsu ordinis retineri non potest.

Quintò, de iure etiam antiquo non poterat Episcopus dispensare cum occulto homicida voluntario, nec etiam ad ministrandum in susceptis, hoc est in controuersia: nam Archidia. can. de his. 2. d. 50. num. 5. tenet cum occulto posse Episcopum dispensare, vt ministret in susceptis, etiam in ministerio altaris, immò Angelus, homicidium. §. affirmavit quoad suscipiendos etiam posse dispensare; tamen contrarium tenet Glo. can. miror. d. 50. idque est probabilius, & colligitur ex c. quæsitum, de temp. ordi.

Sextò, post Concil. Trid. Episcopus non potest dispensare cum homicida voluntario etiam occulto ex delicto, nec ad ordines, nec ad beneficium simplex, & sess. 14. c. 7. vbi tali homicidæ denegatur quorumcumq; ordinum promotio, & cuiusq; benefi-

beneficij collatio. Posset autem alicui suboriri dubium non irrationale, an hoc Decretum Concilij, quo, qui homicidium sua voluntate perpetraverit, à spe promotionis repellitur, complectatur eum tantum, qui occidit facto, non autem mandantem, nec consulentem, & maximè hoc dubium augetur propter doctrinam Anani. cap. 2. de cler. pugn. in duel. vbi dicit, non dici propriè homicidam, nec committere homicidium, nisi eum, qui facto occidit, non autem mandantem, nec consulentem, & sic censet statuta declaranda, quæ loquuntur de homicidijs, & committentibus homicidium. at contrarium est tenendum, & facit pro hoc c. 2. de cleric. pug. in duel. vbi habetur, homicidium, facto, præcepto, consilio, & defensione perpetrari. perpetrari ergo homicidium, qui facit, præcipit, consulit, defendit, & ideo hoc statuto concilij, vbi de perpetrante homicidium indistinctè agitur. comprehenduntur hi omnes. idem etiã probatur c. mulieres. de sent. excomm. §. illi etiã. vbi verè committere dicitur delictum, cuius mandato fit. Hoc tamen verum est, non comprehendi eum, qui mutilat: nam hic non perpetrat homicidium, nec delictum ita graue committit, nec irregularitas habet ita difficilẽ dispensationem, vt superius diximus, ex quo sequitur vnum notandum, posse Episcopum cum hoc, quando occultum est crimen, dispensare per Concil. Trid. sess. 24. c. 2. vbi datur facultas dispensandi super omnem irregularitatem ex delicto occulto, præter eam quæ est ex homicidio voluntario. Ergo dispensabit super irregularitatem, quæ ex mutilatione est, nam hæc non oritur ex homicidio voluntario.

Septimò, per homicidium voluntarium, etiã ex delicto perpetratum post obtentum beneficium, non amittitur ipso iure beneficium, quamuis sit priuandus. hoc est Innoc. c. cum nostris. de concess. præben. & c. constitutis. 2. de appella. & Parnorm. c. querelam, de iureiurand. & c. fina. de excess. prælat. vbi idem tenet de alijs irregularitatibus superuenientibus, & est communis sententia, quamuis contrarium affirmauerint Gl. can. studeat. d. 50. & ibi Archid. tamen non est recipiẽda eorum opinio, quia non est textus vllus quo sufficienter probetur: nam c. clericis. ne cler. ver. mon. solum habet, esse priuandum homicidiũ voluntarium, non tamen ipso iure esset priuatu: immò dictum nostrum probatur ex c. ex literis. de excess. prælat. vbi Pontifex iubet Episcopum homicidã cedere Episcopatu: si autem iure priuatus esset, cedere nõ posset, ex quo sequitur quod potest

potest resignare beneficium, & si esset curatum, vel tale, quod non posset retineri sine ordinis exercitio, teneretur resignare, aut dimittere; non autem si simplex esset, quod actum ordinis non requireret, quamvis Anan. & Ioan. Andr. c. inquisitionis, de accusa. affirmant, neutrum posse retinere, tamen verius est, quod diximus, & ita sentire videtur Felin. eodem c. inquisitionis.

Octauò, per homicidium illicitum qualificatum ipso iure amittitur beneficium: hoc dictum est Felin. eodem c. inquisitionis, & Anchar. consi. 158. tamen limitatio est addenda, nempe in casibus iure expressis; isti enim Doctores simpliciter affirmant, per homicidium qualificatum amitti ipso iure beneficia, vt per parricidium, & alia similia, quæ habent circumstantiam mutantem speciem peccati; tamen id non probo, sed existimo, in solis casibus iure expressis amitti beneficia ipso iure, per homicidium illicitum qualificatum. sunt autem hi casus tres.

Primus habetur c. 1. de homic. in 6. Qui occidit Christianum per assessinum, est ipso iure omnibus beneficijs, etiam habitis, priuatus. Secundus, c. felix, de pœnis. in 6. Occisor, aut percussor Cardinalium ipso iure est habitis beneficijs priuatus. Tertius, in Clem. de pœn. etiam occisor Episcopi priuatur ipso iure beneficijs. Extra hos casus expressos, non puto homicidam priuari ipso iure habitis beneficijs. his coniungi potest. Quartus, in c. in quibusdam. de pœnis Clerici beneficiati occidentes, aut mutilantes per se, vel per alium Rectorem alicuius Ecclesiæ, vel aliquem clericum consocium eiusdem Ecclesiæ, ipso iure sunt priuati beneficijs. Panor. ibi affirmat hoc esse secundum communem sententiam, ipse tamen dubius est, tamè probabilius est opinio communis.

Nonò, collatio facta homicidæ ante dispensationem, est nulla, ita habet Innoc. c. cum nostris. de concess. præb. & Panor. c. tanta. de excess. prælat. quamvis contrarium senserit Felin. c. inquisitionis, de accusa. prior tamen opinio est verior, & communior. & est in Praxi.

Decimò, nomine homicidij voluntarij, quantum ad irregularitatem, venit tam licitum, quàm illicitum, tam ex defectu, quàm ex delicto, vnde qui habent facultatem dispensandi in omni irregularitate, præter homicidium voluntarium, & bigamiam, non possunt dispensare cum homicida voluntario ex defectu, hoc ex edictis superius satis colligitur. Si autem

datur facultas dispensandi in omni irregularitate ex delicto, præter homicidium voluntarium, tunc etiam non potest dispensari cum homicida ex defectu, quia facultas extenditur ad eas irregularitates, quæ sunt ex delicto. Hæc sunt secundum communem opinionem antiquorum, qui homicidium etiam ex defectu voluntarium etiam appellatur, cum non sit ex necessitate, nec casu, uti supra diximus, quidquid dixerint recentiores quidam.

De dispensatione verò in irregularitate ex homicidio necessitate facto, uti superius diximus, quando est ad sui necessariam defensionem, non oritur irregularitas, si servatur moderamen; quando verò non servatur moderamen, tunc contrahitur irregularitas, quæ aliquando est ex delicto, aliquando ex defectu; quæ omnia exposita sunt superius, si sit ex delicto tunc dico.

Primò, in foro conscientie, quando est occultum crimen, dispensat Episcopus, per cap. 6. Concil. Trident. sess. 24. ubi datur Episcopis facultas dispensandi in omni irregularitate ex delicto occulto protinenti, præter eam, quæ oritur ex homicidio voluntario. Ergo potest dispensare cum eo, qui occidit ad defensionem sui, non servato moderamine, & deliquit, quia, uti ostendimus superius, non est hoc homicidium voluntarium.

Secundò, si homicidij crimen non est occultum, non dispensat Episcopus, post Conc. Trid. sess. 24. c. 7. nisi ex commissione Papæ, iuxta formam ibi allegatam.

Tertiò, de iure communi est controuersia: nam aliqui affirmant, irregularitatem ex homicidio evitabilis necessitatis impedire, ne homicida possit ad nondum susceptos promoveri, tamen in susceptis posse ministrare. ita habet Gloss. can. de his. d. 50. & Gloss. c. sicut dignum. de homicid. Goffred. etiam in sum. de homicid. dicit, post poenitentiam posse in susceptis ministrare. Hostiens. verò c. sicut dignum. de homicid. citat eam sententiam, & tenet contrarium, nempe non posse nec in susceptis ministrare. idem Panormita. eodem c. num. 13. & Boic. ibidem, num. 43. & Anchar. eod. cap. & hoc est probabilius, nempe irregularem esse, quantum ad susceptos, & suscipiendos, indigereque dispensatione; ad quem autem pertineat, idem sentiunt Doctores de hoc, ac de homicida voluntario ex delicto, ob id eadem dicenda sunt, quæ illic diximus de iure communi.

Quartò,

Quartò, quando est huiusmodi irregularitas sine peccato, sed ex defectu, vt in eo, qui poterat fugere, & non tenebatur fugere, aut in eo, qui occidit ad defensionem rerum temporalium, aut ad defensionem, non sui, sed aliorum, patris aut amici, aut proximi. Idem dicendum est de iure communi, ac de voluntario; in hoc enim Concilium non disposuit quidquam, nisi vbi est cum delicto. De irregularitatis verò casualis homicidij dispensatione, communis doctrina est, de iure communi Episcopum posse dispensare ad minores, sed non ad maiores. ita habet Panormita. c. continebatur, & c. ad audientiam. de homi. & videtur deduci ex eodem c. ad audientiam. idem tenet Præpos. can. i. d. 50. nume. 26. nunc verò post Concil. Trident. si occultum est homicidium, dispensat Episcopus, quia est ex delicto, & non est voluntarium; si tamen non est occultum, non dispensat, nisi ex commissione Papæ, iuxta formam c. 7. sess. 14. Hæc de dispensatione irregularitatis ex homicidio prouenientis.

De modis, quibus quævis irregularitas tollitur.

CAPVT LXXXIII.



Quamuis in singulis explicandis irregularitatibus exposuerimus, ad quem pertineat dispensare, nunc in generali quædam breuiter sunt proponenda; triplicem enim modum Doctores tradunt, per quem irregularitas aufertur, nempe baptismum, ingressum Religionis, & dispensationem. Quantum ad baptismum attinet, certum est non tolli per eum bigamiam, vt plenius dum de bigamia locuti sumus, diximus. De homicidij verò irregularitate est magna controuersia, sed vt etiam diximus, ante baptismum nulla homicidij contrahitur irregularitas. De illegitimitate verò, Silu. ver. irregularitas. notab. 28. negat tolli per baptismum, allegans Archid. can. deinde. dist. 28. Sed opinio eius non est tenenda, nec verè allegatur Archidiaconus, si enim per ingressum Religionis tollitur illegitimitatis irregularitas, multò magis per baptismum. Archidia. autem potius contrarium assumat. nam dicit, per baptismum tolli omnem irregularitatem, quæ prouenit ex pec-

ex peccato, & ex sequela peccati, quæ est infamia; illegitimitatem autem putat esse ex peccato, sicut & Gloss. c. 1. de fil. presbyt. non quodd sit irregularitas ex delicto, cum sit defectu natalium, sed quodd originem trahat ex peccato alterius. Denique baptismus tollit omnem irregularitatem, seu potius in baptizato non est vlla irregularitas ex aliquo, quodd ante baptismum fecerit, aut habuerit, præter eam, quæ ex matrimonio provenit, nempe bigamia, & irregularitates, quæ proveniunt ex defectibus corporis, non quia erant ante baptismum, quia reperiuntur etiam post baptismum, sicut in alijs baptizatis, ut qui est minoris ætatis, qui est notabiliter deformis, vel patitur alia vitia, quæ generant horrorem, aut scandalum, uti diximus in materia de corpore vitiatis.

Quantum ad religionis ingressum, quidam affirmarunt tolli omnem irregularitatem, præter eam, quæ est ex bigamia, & homicidio voluntario; alij dicunt, nullam tolli, sed ingressum Religionis faciliorem facere dispensationem, & videtur hæc opinio Butr. c. 2. de apost. ita refert Gloss. cap. 2. de apost. & Gloss. can. 1. dist. 56. Opinio verò Panormitan. c. 2. de Apost. & Anan. ibidem vera, & legitima videtur, nempe per ingressum Religionis non tolli vllam irregularitatem, nisi quæ est iure expressa, ad cæteras autem facilitatem dispensandi inducit, sed eas non tollit; iure autem expressa habetur ea, quæ est ex illegitimatione quantum ad ordines: sed nõ quantum ad prælationem, c. 1. de fil. presbyt. quamvis etiam, uti diximus, quidam dixerint, nec hanc tolli sine dispensatione, tamen verius est tolli. ut ibi dicit Gloss. & Hostiens. c. 2. de apost. de alijs iure non constat.

Quantum ad dispensationem attinet, tollitur irregularitas omnis per Papæ dispensationem, quia uti diximus, quæ propriè irregularitates sunt, de iure positivo sunt. Episcopi autem in nonnullis dispensare possunt iure communi, ut in earum tractatione ostendimus; in foro autem interiori ampliata est multum eorum facultas, per Concilium Tridentinum sessio. 24. cap. 6. nam in omnibus irregularitatibus ex occulto delicto provenientibus dispensare possunt, præter eas, quæ sunt ex homicidio voluntario, & deductis ad forum contentiosum. Diximus autem superius, etiam posse dispensare in irregularitate, quæ provenit ex illicita mutilatione, quia hæc non est excepta, cum non sit comprehensa sub nomine homicidij voluntarij. Sunt autem duo advertenda circa dispensationem

Episcopi

Episcoporum super irregularitatem, vnum quantum ad ius commune, alterum quantum ad hanc concessam facultatem ex Concil. Trident.

Quod ad ius commune attinet, notanda est doctrina Inn. ca. dilectus de temp. ordin. quem citat, & probat Panorm. ca. postulastis. de cler. excom. ministr. nempe quoties in iure exprimitur, vt dispensari possit cum aliquo, & non exprimitur per quem debeat fieri dispensatio, tunc videtur concessa facultas Episcopis dispensandi in eo casu. idem habet Glos. eodem c. postulastis. Secus tamen est, quando nihil agitur de dispensatione, sed tantummodo aliquis iudicatur irregularis, aut ab ordine remouetur, tunc enim vt superius diximus ex Panorm. c. ex litteris. de cleric. non ord. min. Episcopus non dispensat, nisi in casibus iure expressis. & Glos. cap. dilectus. de tempor. ordin.

Quod ad Concilij Tridentini facultatem attinet, quia in irregularitatibus ex occultis delictis proueniētibz datur facultas dispensandi, interest multum scire, quid dicatur occultum, de quo vide Panorm. c. vestra de cohabit. cler. & muli. Clarius tamen & perfectius sic dicemus. Duplex est occultum, vnum per se, alterum per accidens. Per se occultum est, quod ex se, & in se non potest cognosci ab hominibus, quales sunt hominū cogitationes, desideria, & motus animę interiores, & hoc occultum Deus solus iudicat, nec subest excommunicationi, irregularitati aut pœnæ humanæ. Occultum per accidens est, quod re vera vera potest in se, & ex se cognosci ab hominibus, tamen de facto non cognoscitur, qualia sunt verba, aut facta hominis, quæ secreto fiunt. hæc per se, & in se cognosci possunt, quia exteriora sunt, & si adessent homines, ea notassent, tamen de facto non cognoscunt, quia absunt. ista dicuntur occulta per accidens, & hoc occultum duplex est. Vnum quod opponitur probabili, nempe quod est adeo latens, vt nullis testibus, per quos probari possit pateat, & hoc partim iudicio humano subest, partim non, nam iudicium humanum duplex est. Vnum quod in causæ cognitione, probatione, & sententia consistit, & huic non subiunt talia occulta, eum per probationem non possint in lucem, & iudicium prodire.

Alterum est, iudicium humanum, quod in præcepto, aut prohibitionem consistit, & pœnam in genere praueniendo infligit, vt quando Prælatus præcipit sub excommunicatione lata,

lata, ne quis vefcatur carnibus in diebus Veneris, tunc si quis vefcatur, quamuis occultò, & sine probatione subest iudicio, & excommunicatus est; huic iudicio subsunt hæc occulta, & sic irregularitas oritur ex occulto crimine, & defectu exteriori, quamuis occulto per accidens, & improbabili, ligatque iudicium hoc in conscientia, non autem in priori iudicio. Alterum occultum per accidens est, quod opponitur publico, siue notorio, siue famoso, quod enim nec notorium, nec famosum est, dicitur occultum, quamuis possit per aliquot testes probari, dummodò non sint tot, qui faciant notorium, vt diximus cap. superiori de criminis notorietate. hoc supposito dico, facultatem concessam Episcopis dispensandi super irregularitatem, ex occulto crimine, intelligendam de occulto per accidens (occultum enim per se non facit irregularem) de occulto inquam per accidens, tam improbabili, quam probabili: vt autem clarius dicam, dummodò non sit notorium; aut publicum, aut proximum notorio, vel publico, quod ex eisdem Concilij verbis satis apertè, deducitur, nam dicitur, quod dispensat in occultis, præter ea, quæ sunt deducta ad forum exterius. igitur si nondum sunt deducta, sed deducibilia, dispensari poterit, & hoc est valde notandum. Dices ergo, quid si dispensauit, quando nondum erant deducta, & postea sunt deducta existimo dispensationem famam prodesse in foro interiori, non in exteriori. Aduertendum etiam est, hanc concessionem factam Episcopis non competere Abbatibus, nec Prælatibus religiosorum, ex sententia Congregationis. nec Cardinalibus in suis titulis, ex declaratione Greg. 13. quia quamuis in eis iurisdictionem, quasi Episcopalem habeant, tamen Episcopi non sunt. liceret & Episcopo in huiusmodi casibus, in quibus absoluit, & dispensat inferiorè, deputare Confessarium, qui absoluat, & dispensec secum in eisdem, si forte incurreret, ex sententia congregationis, & Ant. 3. p. ver. 15. §. 2. qui generaliter loquitur.

Postremò omnium est aduertendum, per iubilæa, & alias concessiones, quæ fieri solent, in quibus datur facultas absoluendi à quibuscumque censuris, & pœnis, non tolli irregularitatem. in quo non est tenenda doctrina nonnullorum recentiorum existimantium, posse per huiusmodi iubilæa tolli irregularitatem ex homicidio voluntario, sed non est illo modo id sequendum, cui repugnat tota praxis Romanæ Curie, & omnis Canonistarum doctrina: nam longè aliud est absol-

absolvere, & dispensare: irregularitas autem non tollitur per solam absolutionem, sed per dispensationem: Dispensatio autem non datur in iubilais. Pœnæ autem illæ, à quibus in iubilais absolviendi datur facultas, sunt quæ per absolutionem solam tolluntur Idemque dicendum est de quibuscumque concessionibus, aut facultatibus à Sede Apostolica emanatis, in quibus sola absolviendi facultas datur.

De iurisdictione.

CAPVT LXXXIV.

Aliud impedimentum, quod solet Sacerdotem à suo retrahere officio, ex defectu iurisdictionis. Est enim necessaria potestas iurisdictionis ad Sacramentorum administrationem.

Tamen notare oportet, quod dupliciter potest impediri ad ministratio Sacramentorum: primo modo, quo ad rectum usum; altero modo, quo ad usum.

Tunc impeditur quo ad rectum usum, cum, si Sacramentū administraretur, teneret & sequitur effectus Sacramenti in recipiendo. tamen peccat qui exhibet.

Tunc verò impeditur quo ad usum, cum irrita est ipsa Sacramenti administratio, quia vere non sequitur effectus Sacramenti.

Iuxta hoc dico primò, in Sacramento poenitentiae, est necessaria iurdictio quoad usum, id est, si quis non habens iurisdictionem, id est, non existens Episcopus, Parochus, vel habens curam animarum, intentet absolvere, absolutio nulla est, quia non est iurdictio. Vnde Sacerdos simplex non potest absolvere à peccato, exceptis tamen in tribus casibus.

Primò, in tempore mortis, aut periculo mortis.

Secundò, cum peccata sunt venialia, aut mortalia, sed iterum confessi, & absoluta.

Tertiò, cum in eum transfertur auctoritas vel per licentiam Episcopi, aut Parochi, vel per diploma, vel privilegium Papæ, in quo conceditur facultas eligendi Confessarium.

Dico

Dico secundò, in aliorum sacrorum administratione, est necessaria iurisdictione quoad rectum usum, non tamen quoad usum. Explico: Nullus potest conferre Eucharistiam, vel extremam Vnctionem, vel Ordines, vel Baptismum solemniter nisi habens iurisdictionem in eum, cui confert, vel ex commissione habentis. Si tamen conferat, peccat, & tamen Sacramentum tenet. In Eucharistia verò, & extrema Vnctione, tempore necessitatis, non peccaret conferendo: in Matrimonio autem non est necessaria, quia non ibi ut conferens cõcurrit Sacerdos. *Modo habetur in Concil. Trid. sess. 24. can. 10. Qui aliter quàm presente Parocho, vel alio Sacerdote de ipsius Parochi, seu Ordinarij licentia, & duobus vel tribus testibus matrimonium contrahere intendent, eos, sancta Synodus, ad sic contrahendum, omnino inhabiles reddit, & huiusmodi contractum etiam.*

Dico tertio, Ad baptismum conferendum non solemniter, eo modo, quo laicus potest conferre, non est necessaria iurisdictione, nec quoad usum, nec quoad rectum usum, si nimirum conferatur, quando necessitas imminet. Et hæc satis de hoc impedimento.

De peccato mortali.

CAPVT LXXXV.

Mortale peccatum est impedimentum, non quidem usum ordinum, nec sacramentorum administrationem impediens, ut falsò hæretici fingunt, sed solum rectum usum. Sacramenta enim collata ab his, qui in peccato sunt mortali, suum consequuntur in suscipiente effectum: tamen qui sic ministrant, malè, & cum peccato ministrant.

In cuius gratiam notandum est, peccatores hos ministros posse esse in triplici differentia. Aut enim sunt præcisi ab Ecclesia, aut tolerati: & hi, vel publici, vel priuati, seu occulti.

Præcisi dicuntur, qui sunt ab Ecclesia separati, vel per censuram ab officio exclusi, ut Apostata, hæretici, schismatici, degradati, depositi, suspensi, excommunicati, interdicti, irregulares.

Tolerati sunt, qui in alijs sunt peccatis, propter quos ab Eccle-

Ecclesia non arcentur ab officio. Publici autem sunt, cum eorum peccata alijs sunt nota. Cum verò secreta, dicuntur occultari. Illi primi generis peccant mortaliter, Sacramenta administrantes, & celebrantes: tamen tenent Sacramenta, præter confessionem, ut supra declaratum est, hoc notato, quòd irregularitas solum arceat ab usu ordinis, non iurisdictionis, cum non est ex peccato; nec de his modò est præcipue sermo: nam de singulis dictum est. Illi verò secundi generis, si administrarent sacramenta, tenent quidem, tamen mortaliter ipsi peccant in cuiusque administratione, nisi urgeat necessitas, & ipsi habeant contritionem. Et idem peccatum committunt Diaconus, & Subdiaconus, qui solemniter, & modo, quo secularibus non licet, suos exercent ordines in mortali peccato. Idemque dicendum de inferioribus ordinibus, si eadem solemnitate celebrent, si ministri publici peccatores sint; idemque dicendum de prædicante, cum publicus sit peccator. Hi enim graue generant scandalum. Illi verò tertij generis etiam mortaliter peccant, licet non ita grauiter, præter duos, scilicet, qui in minoribus sunt ordinati: nam hi, quia non ita propinqui Sacramento altaris, à mortali excusantur, nisi adsit contemptus. Similiter, præter prædicantem, quia non est actus ex se ordini deputatus, non enim mortaliter peccat, si reuerenter accedat, & contemptus non adsit. Eodem modo excusarentur à mortali, quamuis publici essent, si non esset tanta notificatio, ut graue fieret scandalum, sed alij non excusantur, qui sunt proximi Sacramento purissimo. Quod si tibi arduum videtur, quòd conferens in mortali Sacramenta, mortaliter peccat, audi rationes huius, & cessabit admiratione.

Tria cōueniunt maximè in ministro sacrorum, quæ ipsum obligant, ut absque conscientia peccati mortalis Sacramenta ministret.

Primus, ipsa spiritualis est consecratio, per quam potestas ei data est: nam per Sacramentum gratiæ constituitur est, & ordinatus minister Domini, unde tenetur se in officio suo talem exhibere, qualis per ordinationem effectus est.

Secundus est, ipsa gratia ad hoc peculiariter collata: nam Sacramentum ordinis imprimit eam gratiam, qua homo, valeret quæ ordinis sunt exercere. Non enim constituit Dominus aliquem in officio, vel dignitate aliqua, quin ei conferat,

quantum est ex se, quæ necessaria sunt ad exercenda ea; quæ talis sunt muneris. Vnde peccat, qui absque tali dignitate accedit ad ea exercenda, quæ sunt ordinis, & ex genere suo peccatum est mortale, & accedente grauitate materiæ, vt fit in casibus prædictis, est mortale.

Tertius est, quia in talibus actibus se exhibet ministrum religionis Christianæ, & cultus spiritualis, & diuini, oportet ergo esse in charitate, seu absque conscientia peccati mortalis, qui se ministrum tanti cultus exhibet.

*Quando licet à malis ministris accipere
Sacramenta.*

CAPVT LXXXVI.

TANTA est humana nequitia, vt sæpè cōtingat, quòd ministri conscientias proprias negligentes, Sacramenta administrare non formident, vnde oportet fidelem esse præparatum, & scire à quibus, & quomodo possit talia recipere Sacramenta. Et vt, iuxta distinctiones in capite præcedenti positas, procedamus, dico ante omnia, quod huiusmodi ministri possunt se dupliciter habere. Vno modo, quòd ipsi sunt expositi Sacramenta administrantes, vel celebrantes; vt, qui sedet in loco suo, audiens confessiones; vel qui in Ecclesia est adhibens Sacramenta, vel non sunt sic expositi, sed sunt parati, vt si aliquis ab ipsis peteret, ipsi statim conferrent. Rursus isti aut sunt quibus ex officio incumbit Sacramenta administrare, vt Parochus, Curatus, Episcopus, vel similes: aut sunt quibus non ex officio incumbit, sed ex facultate aliqua, vel alia de causa. Iuxta hoc dico.

Primò, à non toleratis ab Ecclesia, siue parati, siue non parati, siue expositi sint siue ex officio incumbat eis, siue non, non licet vllum Sacramentum recipere, etiam in necessitatis tempore, præter baptismum 24. q. 1. c. si quem fortè. Explico: Si esset aliquis Parochus hæreticus, aut schismaticus, aut nominatim excommunicatus, non licet eum, quamuis celebrantem audire, etiam in die Dominico, & quamuis nullum aliud esset sacrum; nec cum ipso confiteri, nec aliud recipere Sacramentum, quamuis ipse esset expositus, & vellet ministrare, nisi in articulo mortis, quando non est copia
alio.

alterius : Baptismum verò licet , quia est Sacramentum necessitatis ; & hic potest etiam à quouis ministrari , his talis conferendo non peccat . Quòd si adesset laicus , melius esset ab hac sumere .

Dico secundò , à malis ministris secundi , & tertij generis , si sint expositi , siue ex officio incumbat , siue non , dum non sequatur aliquod graue scādalum , possumus sacra recipere : nam Ecclesia ipsos tolerat , & ipsi talia administrantes sacra , sibi solis nocent . 15. quæst. 8. can. sciscitantibus . dicit Nicol. Pap. quòd isti sunt sicut fax accensa , quæ alijs illuminat , & se consumit ; & vnde alijs commodum exhibent , sibi dispendium præbent mortis .

Dico tertio , ab his , quibus ex officio incumbit , siue sint parati , siue non , licet petere , & accipere Sacramenta , siue ex necessitate , siue non , quia ille ex officio rehetur quandoque petiero ministrare , nec ego ius meum amitto ex illius malitia .

Dico quartò , ab eo , cui non incumbit ex officio , quando non est tempus necessitatis , non licet petere (à non exposito) Sacramentum , quia tunc est verè inducere ad peccandum : non enim habeo ius exigendi ab eo . Imminente quidem necessitate id fieri potest , quia tunc quilibet Sacerdos ex officio tenetur administrare , & non sufficit alia necessitas : nam quando est necessitas præcepti Ecclesiæ , puta , confiteri , & sumere Eucharistiam Paschatis tempore , tunc , si non esset is , cui ex officio incumbit , non licet petere à non parato , nec exposito , quamuis sit priuilegiatus , vt à quouis possit poenitens accipere Sacramenta .

Dico quintò , cum toleratis ab Ecclesia oportet annumerare excommunicatos , qui nominati non sunt , & publici , nec percussores Clericorum . Est enim hoc post Bullam Concilij Constantiensis , vt supra diximus , quamuis isti peccant administrantes , vt probabilius est . Idem de suspensis , & interdictis , quia istæ censuræ sint , & par earum habetur ratio in bulla illius Concilij .

De qualitate Ordinatorum.

CAPVT LXXXVII.

QUIA non satis est, impedimenta non habere ad actus exercendos, sed simul subiectum debite in se esse dispositum, vt conuenienter possit operari, Sacerdos non solum præfatis impedimentis carere debet, sed etiam aliquam in se habere dispositionem, vt quæ officij sunt digne valeat ministrare. Quæ autem ordinatus maximè habere debet, hæc quinque esse videntur, Charitas, Religio, Sanctitas, Scientia, Prudentia.

Charitas quidem necessaria est ratione sui officij, Sacerdos enim est medius inter Deum, & populum. Ad hoc enim est selectus à cæteris, vt pro cæteris Deo vacet, pro ipsisque intercedat. Vnde necessaria est virtus, quæ vtrumque recipiat extremum, Deum scilicet, & populum: talis est Charitas, quæ respicit Deum, & proximum.

Debet ergo Sacerdos maximè vnitus esse Deo per amorem, quia ad statum talem est accersitus: debet esse maximè Deo familiaris, vt, quæ pro populo petit, consequatur, si enim inimicus, quomodo exaudietur pro alio? Debet etiam suum amorem extendere erga alios, pro ipsis orando, erga ipsos suos actus ministrando, non propter lucrum, sed propter amorem.

Cùm autem Sacerdos sit ex suo officio Deo magis proximus, eius charitas debet excedere eam charitatem, quæ secularium est. Summè igitur dolendum est, cùm Sacerdos minus diligens, quàm secularis inuenitur, & cum, qui è populo, est ante Sacerdotem, Deo vicinior habetur.

Religio etiam est necessaria. Est autem Religio quædam moralis virtus in voluntate existens, qua homo reddit Deo debitum honorem, quatenus est primum omnium principium, sicut Iustitia virtus est reddens cuique quod suum est. Vnde cultus diuinus exhibitus per sacrificia, per adorationem, & per alios actus, à religione proficiscitur. Cùm igitur Sacerdos sit diuino cultui deputatus, maximè debet, religione polere.

Religio autem, non solum in his actibus, & cæremonijs exterior-

terioribus consistit, sed etiam in actibus interioribus voluntatis, quibus homo se Deo dat, ad suum cultum & honorem. Vnde maximè cauendum est Sacerdoti, & cum actus similes exteriores Deo exhibet, interior adsit, qui præcipuus est, & ratione cuius exteriores Deo placent. Debet etiam suos actus exteriores ita componere, vt in eis interior appareat, vnde cum maxima reuerentia, & humilitate altari accedere debet, similiter ad exequenda alia, quæ diuini sunt cultus.

Debet his accedere Sanctitas. Sanctum aliquid dupliciter dicitur: Vno, vt idem sit, quod mundus, vt sanctum dicatur, quasi sanguine tinctum, vt dicit Isidorus, eo quod olim mundabantur homines à maculis, seu peccatis, sanguine hostiæ, & sic vasa templi dicuntur sancta, id est munda. Secundò, Sanctum idem est, quod constans, firmum, & stabilium, à verbo sanctio. Vtraque sanctitas necessaria est Sacerdoti. Est quidem necessaria munditia non solum corporis sed animæ. Mundatur anima sicut corpus metaphoricè. Immundum enim dicitur aliquid, cum miscetur rebus se inferioribus.

Vnde aurum immundum dicitur, cum est mistum metallis inferioribus: mundatur, cum ab his purgatur. Animus tunc miscetur rebus, cum affectum ponit in eis, cumque eas habet propter se, & non propter Deum, tunc immundus est. Purgatur autem, cum affectus ab his in Deum transfertur. Debet igitur Sacerdos terrenis affectibus suum in Deum transportare: vt nihil velit, quod non sit propter ipsum. Purgare se autem maximè debet à vitij carnalibus, non solum opere, sed etiam cogitatione. Hæc enim immunditia Deo odibilis est multum.

Rursus secundò debet esse sanctus, id est, constans, vt cū se Deo semel consecrauerit, in ea permaneat consecratione, & gratiam, quam semel accepit, in perpetuum cum fœnore conferuet. Talem hanc sanctitatem Deus petebat in veteri Testamento à suis Sacerdotibus, Leuitici. 22. *Sancti erunt Deo suo, & non polluent nomen eius: Incensum enim Domini, & panes Dei sui offerunt, & eius sancti erunt.* Et nota, quantò maior futura sit Sacerdotis Evangelici sanctitas, ex causa data. *Ob id,* inquit, *sancti erunt, quia Deo offerunt incensum, & panes:* quid dicendum est de eo, qui corpus, & sanguinem Christi filij Dei offert: Profectò supra modum nostra sanctitas futura debuerit esse maior.

Prædicta ista voluntatem perficiunt; sed non debet suam etiam perfectione carere intellectus: & ideo est etiam necessaria scientia, non æqualis in omnibus: nam in minoribus constitutis sufficit scire legere, & commodè pronunciare, & iuxta decret. Concil. Trident. sess. 23. ca. 11. saltem latinam linguam intelligere. Diacono, & Subdiacono sufficit intelligere quæ Latine legit, licet mysteria non ita calleat. Sacerdoti vero maior est necessaria scientia. Ultra prædicta enim, aliquam scripturæ cognitionem habere debet, quanta sufficit, ut intelligat mysteria, quæ tractat: indignum est enim, ut altissimè tractet mysteria, & eorum ignarus existat: nullum enim inde poterit iustum percipere. Quod si curam animarum habeat, adhuc maior est necessaria scientia: debet enim omnes fidei articulos, & totam doctrinam Christianam ita callere, ut alijs possit tradere, aliosque in eis instituire. Debet habere cognitionem eorum peccatorum, quæ frequenter in confessionibus accidunt. Debet scire casus, à quibus potest absoluerè, & à quibus non, similiter censuras, quæ ad ipsum pertinent. Difficultates verò arduas, siue fidei, siue casuum occurrentium non tenetur scire, sed poterit, cum occurrerint, à sapientioribus petere.

Episcopus est, qui istam plenam cognitionem habere debet. Ipsi enim dictum est 1. Petri 3. cap. parati reddere rationem omni poscenti nos, de ea, quæ in vobis est. Unde perfectam veritatemque testamenti debet habere cognitionem, & perfectam mysteriorum fidei intelligentiam, ut sciat etiam alijs veritatem exponere, & aliorum contra veritatem fallacias expellere, hæresesque expugnare. Verè enim est doctor in Ecclesiæ Cathedra sedens, cui ex officio sacras exponere populo scripturas comperit.

Nec adhuc totum est completum: nam debet accedere etiam prudentia, quæ omnia moderetur atque gubernet. Nā prudentia, est, quæ media ordinat, & adaptat in finem, siue eam nihil bene fit, & conuenienter. Est autem maximè his necessaria, qui iurisdictionem in interiori, siue exteriori foro habent, ut dum ad ipsos aliorum bona, vel malè facta deferuntur, remedia proportionata adhibeant, ne fructus subditorum deferantur, aut impediuntur.

Denique debet esse Sacerdos exemplar perfectionis, & caritatis, & bonitatis omnibus hominibus, ut tamquam

posita super candelabrum luceat omnibus, & vt Pagani, & infideles omnes, opera Christianorum videntes, maximè nostram fidem commendent. Deus faxit, vt tales sint, quales esse debent, interim memoriæ causa, quæ diximus quinque, ad duo hæc carmina reducamus.

*Sacra parans Domino, sit prudens; sanctus, & ipsi
charus, coniunctus religione, sciens.*

Atque hæc sint satis de isto libro nostræ instructionis primo, in quo de impedimentis, & dispositionibus ad officium Sacerdotum pertinentibus egimus. Superest, vt de ipsis officijs in particulari differamus.

* *

* *

Libri primi finis.





INSTRVCTIONIS SACERDOTVM.

LIBER II.

De tribus Sacerdotis officijs in
particulari.

De dispositione necessaria ante celebrationem.

CAPVT I.



Actenus de impedimentis officiorū Sacerdotū egimus, nunc de ipsis officijs primum agere oportet. Cum autem hæc tria maxime sint, vt superius diximus, celebrare diuina officia, Sacramenta administrare, populum instruere, de primo tractemus. Cumq; istud in duo diuidatur, & in persoluendis horis canonicis, & in sacris celebrandis, ab hoc initium sumimus. Et antequam de ipso sacrificio dicamus, agendum est de dispositionibus, & circumstantijs quibusdam, quæ circa ipsum sunt, quæ in tres partes diuiduntur: quædam obseruandæ sunt ante accessum ad celebrandum quædam in ipsa celebratione, quædam post. Quæ obseruari debent ante, hoc carmine breuiter descripsimus.

Ieiuna, recita, expecta, tua crimina pande.

In quo quatuor verba continentur, primum est (*Ieiuna*) caliquido, de consecratione, d. 2. & can. sacrum d. 1. de consecrat. D. Thom. 3. p. q. 80. art. 8. Debet celebraturus accedere ieiunus, ita vt nihil cibi, nihil potus illo die sumpserit. Quæ dies computatur à media nocte superiori. Qui autem accesserit non ieiunus, quamuis id infirmitatis causa fuerit, peccat mortaliter; vnde maius ieiunium esse necessarium, quam ad obseruationem

nem præcepti ieiunij Ecclesiæ: hoc enim potius non soluit, nec medicina, illud verò soluit. Ob id dicitur ieiunium naturale. Nec huic obstat, quòd cum abluitor os, aliqui humores cum salua deglutiantur per modum saluæ, dum non sit notabilis quantitas, vt videatur haustus. Nec obstat etiam, quòd particula relictæ intra dentes cibi præcedentis deglutiantur aliquando, quia idem est per modum saluæ, non cibi. De hoc ieiunio non est præceptum diuinum, sed Ecclesiæ tantum, obligans tamen ad peccatum mortale. Quod ieiunium impositum est, tum propter reuerentiam sacramenti, tum propter significationem, vt significetur primum à nobis querendum esse vnicum Christo in charitate & gratia.

Sunt tamen casus aliqui, in quibus licet sumere Eucharistiam, seu dicere sacrum non ieiunium.

Primo cum quis omnino immemor suscepti cibi, vel potus accessit altari, & post consecrationem recordatur, tunc non debet desistere, sed continuare: quod si ante consecrationem recordatur, desistat, nisi adsit scandalum circumstantium; tunc enim prosequi debet, nec est peccatum. Angel. verb. Euchar. 2. §. 6. & Siluest. verb. Euchar. 2. §. 7.

Secundo, si sumpsit sanguinem, & inuenit non fuisse sanguinem, quia vinum non apposuit, sed aquam, vel acetum, tunc quamuis non sit ieiunus, debet iterum (ne Sacramentum maneat imperfectum) apponere vinum & aquam, & iterum consecrare, incipiendo ab illis verbis (*simili modo postquam cœnauit*) usque ad illa (*unde et memores*), & sumere. Idem si inuenit hostiam fuisse panem corruptum, debet apponere aliam, & incipere ab illis verbis (*qui pridie quam pateretur*) usque ad consecrationem in clusiuè, & sumere, & hoc vtrumque absque noua eleuatione.

Tertio, si postquam sumpsit ablutionem, inuenit particulas Sacramenti in corporalibus, Caietan. verb. missa, tunc debet sumere, nisi iam notabile tempus transierit, quod est post orationes, vel quando iam destitit ab ablutione, tunc debet in loco sacro seruare, usque in alium diem; vel ab alio Sacerdote sumatur.

Quarto, si post ablutionem adhuc particula sacramenti maneat in calice, vel in ore, melius est tunc superinfundere vinum, & sumere. His casibus potest non ieiunus celebrare.

Alterum verbum est (*Recita.*) Ante celebrationem debet persolvere horas matutinas, quòd si scienter accedat, quamuis

communiter dicatur esse peccatum mortale, tamen non est, vt tenet Siluest. verb. Missa, l. §. 6. Soto 4. d. 13. quaest. 2. art. 2. Et quamuis hac sententia non sit omninò tuta, quia communis est in contrarium, tamen ad hoc seruiet, vt quando sit aliqua causa rationabilis, licet non sit nimis notabilis, possit celebrari absque scrupulo non per solutis matutinis. De prima autem non sic est, immò licet prius celebrare missam, nullumq; ibi peccatum est, nisi esset consuetudo in aliquibus locis, & tunc id intelligitur de prima recitata in choro, non de particulari, & de missa communi.

Tertium verbum est (*Expecta*) quoad tempus referri debet: non enim quolibet tempore, etiam ieiuno celebrare licet; sed ab aurora, vsque ad meridiem, Ioann. Andr. c. 1. de celebratione missae. Nauarrus verò negat c. 25. num. 55. & dicit, si sine scandalo fiat, posse post meridiem. Tamen mihi videtur contra Nauarr. esse dicendum, quia vsus Ecclesiae, qui locum habet legis, ita obseruat. Et ita ante auroram celebrare, extra festum natiuitatis, & hoc quoad primum sacrum, graue esset peccatum. cap. in nocte, de consecrat. d. 1. Nisi peculiare aliquod existeret priuilegium, vel aliqua necessitas vrgens communicandi infirmum instaret, sed cum licentia Episcopi, aut superiorum Anton. 3. p. tit. 13. c. 6. §. 4. & sine licentia, cum abest superior. Nauar. c. 25. n. 85. Post meridiem verò celebrare, dummodo esset ieiunus, non ita graue esset peccatum, quia non extat peculiaris prohibitio; tamen propter consuetudinē non licet, sine aliqua causa rationabili, cum non liceret post meridiem aliquo paruo tempore celebrare. Vnde grauiter peccant sacerdotes, qui tempore Paschae Resurrectionis statim post mediam noctem celebrant, & populum communicant, vt citius possint vesci carnibus.

Quartum verbum est, (*Tua crimina pande*.) Ante celebrationem debet esse confessus, cap. de homine, de celebr. missae, & Concil. Trid. sess. 13. c. 7. & can. 11. Si habes conscientiam peccati mortalis.

Nec sufficit contritio, nisi in duobus casibus.

Primus est, cum non recordatur nisi in missa, tunc si recordatur post consecrationem, doleat, & continuat missam: si ante, tunc si posset commodè recedere, & prius confiteri, debet facere. Quod si scandalum est aliquod, doleat, & continuat missam, cum proposito semper post missam confiteri: di: securè tamen potest continuare, cum est paulò post incensum.

tium nec potest confiteri. Idem dicendum est de eo, cui subit in mentem excommunicatio, vel impedimentum aliquod, tunc potest continuare, nec incurrit irregularitatem: quamvis si est paulò post principium, nec vllum sequitur scandalum, debet recedere. secus non. Silu. Angel. verb. Eucharist. 2. §. 6. & 7.

Alter est, cùm aliquis recordatur ante missam peccati mortalis alicuius, & tamen est tempus celebrandi, & tenetur celebrare, quia est dies dominicus, & in castello non est alius Sacerdos, qui celebret, nec cui possit confiteri, tunc debet contritio. Vide Concil. Trid. cap. 7. sess. 13. Hoc etiam dici posset illis, qui non sunt Sacerdotes, & accedunt sacramento, & iam in altari existentes recordantur alicuius peccati mortalis, neque sine scâdalo possunt recedere, debent communicare, cum proposito confitendi post communionem. Vnde fit, quod Sacerdos, qui ministrat Sacramentum, cùm non potest absolvere, quia non habet iurisdictionem talem, si tunc ab ipso poenitente absolutio illic petatur, ut fieri solet, melius faceret, immò debet facere, aut illum à communione arcere, si potest sine scâdalo, aut secretò dicere, ut sine scrupulo communicet, cum proposito confitendi suo proprio confessario; ipse tamen non debet absolvere. Vnum tamen hic est attendendum quòd non sufficit aliquando confessio ad celebrandum: cùm enim peccatum, quo tempore antecessit, non debet celebrare, sed expectare diem alium. Vnde qui se accusant, quòd nocte proxima peccatū carnis cōmiserunt, quamvis cum dolore accedant, & absoluantur, sunt tamen à celebratione arcendi, nisi aliqua gravis necessitas occurrerit. Et meritò id fit; si enim qui pollutiones nocturnas patiuntur, etiam sine peccato, vel cum peccato, arcentur à communione, nisi obligatio intercedat, vel notabilis deuotio: (licet non esset peccatum mortale istis celebrare) quanto magis repellendi sunt illi, qui mortaliter peccarunt, & maximè, ac maximè, qui sæpè idem peccatum inculcant per reincidentiam. Hæc igitur sunt quæ potissimè obseruanda sunt ante ipsam celebrationem.

De dispositionibus in ipsa celebratione.

CAPVT II.

ALia etiam sunt, quæ in ipsa celebratione maximè sunt attendenda, quæ memoriæ causâ alio secundo carmine continentur, quod tale est.

Apta locus, vestis tibi sint, altare minister.

In primis debet esse locus aptus; non enim licet celebrare in loco per Episcopum non consecrato. Vnde in agro, vel in alio loco absque licentia Episcopi, vel privilegio celebrare extra tēpus necessitatis non licet, de consecratione, dist. i. can. missarū solemnias, & cap. hic ergo de consecrat. d. i. canon. concedimus. Concil. Trident. sess. 22. in decret. de obseruan. quo præcipit, ne omninò extra Ecclesiam, aut extra oratoria ab ordinarijs designata, & visitata celebretur. Vnde ius antiquum est derogatū, Can. concedimus. i. Cū tamen necessitas occurrerit, nec est facilius adeundi ad Episcopum, posset celebrari in loco nō consecrato. Esset necessitas, si occurreret præceptum audiendi missam, dum sit iter, de consecrat. dist. i. cano. concedimus, vel communicandi aliquem in mortis articulo, vel quid simile. Tamen debent adesse cetera dicenda: altare scilicet, & alia, quæ dicemus. Iam verò rarò loca consecrantur: sufficit proinde benedictio.

Similiter debet esse locus aptus, in quo non est periculum submersionis sanguinis, vt in mari, vel flumine, vbi non licet celebrare. Anton. 3. par. tit. 13. cap. 6. §. 4.

Similiter locus aptus non pollutus effusione seminis, vel sanguinis: nam in polluto esset peccatum celebrare, licet non incurreretur irregularitas, Nauarr. ca. 25. num. 83. pollutio autem, si occulta est, non impedit, nec opus est reconciliatione Ecclesiæ, cap. is qui, de sent. excomm. in 6. vbi dicitur, quāuis sit peccatum in Ecclesia polluta, vel coram excommunicato scienter celebrare, tamen non incurritur irregularitas; nec etiam celebrare in Ecclesia, quauis alia causa polluta, in duceret irregularitatem, vt dicunt Sor. & Palu. 4. d. 15. qu. 2. De licentia Episcopi posset celebrare in Ecclesia polluta, cum reconciliatione, vt habet S. Thom. 3. par. quæst. 83. art. 3. ad 2. propterea excusari videntur multi in Germania, debet tamen esse nota.

Aliud verbum est, (*Vestis apta.*) Anton. 3. p. tit. 13. c. 6. §. 6. Nō potest

potest enim absque mortali Sacerdos celebrare, absque vestibus sacerdotalib. Circa quas debet obseruari qualitas, & quantitas.

Qualitas quidem, vt sint benedictæ ab Episcopo, vel Abbate, vel ab habente similem potestatem, quales sunt aliqui priores religiosorum.

Altera qualitas, vt sint mundæ vestes: celebrare enim cum immundis notabiliter vestibus, esset mortale, & magna irreuerentia fieret sacramento mundissimo.

Tertia est, vt sint integræ, & non dilaceratæ notabiliter. In quo profectò magna apud multos reperitur incuria. Hæc autem munditia necessaria est in his etiam, quæ in altari sunt, velut in corporalibus, & in purificatorio, quæ aliquando graui negligentia multorum, adeò solent esse immunda, vt à mensa communi cum nausea expellerentur.

Numerus etiam obseruandus est; sunt enim sex: in quo notatur perfectio. Est enim senarius numerus perfectus; in sex enim diebus fecit Dominus cuncta. Sexta ætate redemit mundum; sex etiam voluit in suo Ministro, vestes, scilicet Amictus Alba, Cingulum, Manipulus, Stola, Casula, quæ nō sunt absq; magna, & considerata significatione.

Primò Amictus, si significatio à Christo Domino; quem Sacerdos repræsentat, sumatur, significat velamen, quod iudæi ante oculos Domino posuerunt, cū eum alapis percutiebant. Vt autem ad mores refertur, significat fidem, quæ est primum fundamentum Religionis Christianæ, quæ non in euidencia rerum credendarum, sed in captiuitate intellectus voluntaria consistit. Ob id optimè per velamen oculorum repræsentatur. Solet amictus quoddam additum habere ornatum, quo significat spem bonorum æternorum, qua fulciri debemus in omnibus præsentis vitæ calamitatibus, ob id Galæa salutis dicitur. Amictus iste à capite in humeros, & deorsum descendit, per quod opera bona significantur, quæ cum fide coniuncta esse debent: In humeris enim, & dorso fortitudo laboris consistit. Ab isto duæ chordæ descendunt in pectus per modum crucis, quæ intentionem operum in Deo ponendam ostendunt.

Alba vestis est illa longa, talaris, & ampla, quæ significat vestem illam albam, qua Herodes Regem gloriæ Christum induit in signum amentię, ob id quæ est longa, vt gressu hominis impedito, hic, illic quæ caderet, omnibus quæ in derisum esset.

esset. Circa mores significat vtilem iustitiam, quæ debet esse in omni opere Sacerdotis, vt quicquid faciat, & operetur conforme sit rationi, & voluntati diuinæ; Et eius largitas significat amplitudinem operum sacerdotis, quæ multa, & magna, & conuenientissimè facta esse debent. Debet esse linea, seu bissina, non ex animalium pellibus, vel setis: nam pellibus indurus fuit Adam post peccatum; & factus fuit vt iumentum: sed ex herbis esse debet, ad significandum morum viriditatem & vigorem; & albedo innocentiam; & vitam immaculatam denotat.

Tertia vestis est, Cingulum per renes, quo tota alba comprimitur. Significat primum ligamen, quo Iudæi in horto Christum comprehendentes ligarunt. Circa mores significat castitatem, quæ cum omni opere sacerdotis coniuncta esse debet. Hæc enim nimis Deo placet. Et nota, quod cingulum Pontificis sit à læua parte duplex cinctorium dependens: in quo notatur, quod castitas maximè in ieiunio & oratione conseruatur & acquiritur.

Quarta est, Manipulus: significat secundum ligamen Christi, quo in columna ligatus est, estque in læuo brachio, vt denotet amorem intimum cordis, quo Christus passionem per tulit, quia cor ad læuam vergit partem, & sacerdos proficitur, se simili correspondurum amore ipsi Christo. Circa mores significat præsentiam, quæ in hac vita (significata per læuam partem) debet haberi: cui præsentia postea respondet manipulus retributionis, iuxta illud, *Euntes ibant, & flebant, mittentes semina sua, Venientes autem venient cum exultatione, portantes manipulos suos.* Solus Pontifex post casulam sumit manipulum, vt denotet, & figuret Christum, cuius opera non fuerunt ante charitatem & gratiam: quia ex summa gratia operatus est; nec sibi, sed nobis meruit. Nos per poenitentiam ad charitatem venimus, ob id alij sacerdotes manipulum ante casulam induunt.

Quinta est, Stola, quæ vltimum ligamen Christi significat, quo ad crucifigendum ductus est. In Sacerdote significat iugum legis dominicæ, quod debet ipse ferre, ob id super collum est; & etiam super vtrumque humerum, vt notet obedientiam; & patientiam, quibus iugum portari debet. Descendunt etiam inferius partes dux, ad significandam prudentiam, & temperantiam: & extremitates sunt prope terram, ad significandam perseuerantiam. Et nota, quod Diaconus habet stolam, sed

tantum in laevo humero, per quam notatur vita actiua; quia ille tantum est ad administrandum. Sacerdos habet in utroque, ut complectatur vitam utramque, actiuam, & contemplatiuam.

Vltima vestis est Casula, siue Planeta, quæ tunicam inconfutilem Christi significat, Casula etiam significat vestem purpuream, quæ indutus est Christus in domo Pilati, & ita intelligit Gabriel super canon. Circa mores significat charitatem, quæ præcipua omnium est vestis, & coniungitur cum amictu ut denotet fidem coniunctam esse debere charitati. Hæc vestis partem anteriorem habet angustam, & partem posteriorem latam, per quod denotat, quod charitas est circa Deum & proximum, verum citra Deum vnum tantum, ob id angusta est pars anterior, non enim pluralitas est Deorum. Latitudo posterioris notat amplitudinem Christianæ charitatis, quæ se extendit ad amicos, & inimicos: & est longior, quia se extendit etiam ad mortuos. Hæc duæ partes significant etiam duos status, quibus homines saluantur, & ante gratiam, & post: sed prior erat angustus; quia non ita diuina gratia, nec diuina remedia abundabant, sicut modo in posteriori statu post Christum abundant. Hæc sunt vestimenta Sacerdotis, intra quæ calceamenta non computantur, quæ tamen sunt necessaria, quia non solent benedici.

Sequitur post locum, & vestes, aliud, scilicet, altare. Multa sunt, quæ requiruntur, ut altare sit paratum, quæ quidem ista sunt. Ara, mappa, corporalia, vas, liber, candela. In primis ara debet necessariò esse, sine qua consecrare, esset graue mortale peccatum. Debet esse lapidea, can. altaria, de consecr. d. i. non ex alia materia. Debet esse integra, non notabiliter rupta, c. i. & 3. de consecrat. Ecclesie. Debet esse consecrata, aliàs nullo modo celebrari debet, nec posset Episcopus dispensare, nisi solus Pontifex. Debet esse capax, ut corpus, & maiorem partem calicis capiat. Significat ara crucem, in qua immolatus est Christus. Est autem lapidea, ad denotandum Christum esse petram spiritualem. Rursus mappæ debent esse ad minus duplices, vel vna duplicata; corporalia benedicta, & linea, nullo modo sericea, quia Dominus in syndone linea inuolutus est. Vas, scilicet calix, & patena, debent esse aurea, vel argentea, ex stanno, non ex alia materia, quamuis olim lignea solebant esse, c. vlti. de celebratione missæ. Deponitur ab officio, & beneficio, qui in vase ligneo consecrat. Et adhuc debent esse consecrata.

Calix

Calix significat sepulchrum. Patena, lapidem suprapositum. Liber est necessarius, saltem in quo contineatur canon, & sine libro celebrare, peccatum mortale est. Sunt necessariae candelæ accensæ, sine quibus, vel saltem vna, mortale peccatum esset celebrare. Significat autem lumen accensum, diuinitatem immortalem, & semper existentem: & deponitur Sacerdos ab officio & beneficio, qui sine lumine celebrat, c. fina. de celebrat. miss. Nec est necessarium lumen ex cera, quamuis securius est ipso vti. Hæc omnia sunt de iure positio, in quibus potest Papa dispensare. *Minister* necessarius est, de consecr. d. i. c. hoc autem, vbi duo ministri ponuntur, sed sufficit vnus iam ex consuetudine, & debet esse vir, non femina, vt habetur, de cohab. cleric. & mulie. c. i. Et idem tradit Archidia. de consecrat. d. c. hoc quoque, & Deci. de regul. iuris. l. scemi. na. §. 40.

De dispositionibus post consecrationem.

CAPVT III.

IAM quæ post celebrationem obseruari debent, isto tertio carmine continentur.

Sacrifica, vna luce semel, nisi causa requirat.

Tria continentur in hoc carmine. Primum est, *Sacrifica*: non enim sat est Sacerdoti semel in vita celebrare, e, cum sæpè possit. Et quamuis aliqui dicant, quod non peccat simplex Sacerdos, non celebrando per totam vitam, tamen plures sunt Doctores, & graues, qui tenent, quod ter aut quater in amore celebrare debet, saltem festis solemnibus, quibus solent fideles communicare, & oppositum fecere, est peccatum mortale. S. Tho. 3 p. q. 82. art. 10. Dur. Palu. 4. d. 13. q. 2. Vide quæ diximus in 3. p. & c. dolentes. de celebrat. missarum. Suspenditur qui non celebrat quater in anno, (licet suspensio non seruetur) quia ipsa potestas spiritualis, quam recipit, ipsum obligat, ne otiosus maneat. Quod si curatus est, tenetur celebrare omnibus diebus, quibus populus tenetur audire faciū, nisi loco suo alium substituat. Nullus tenetur quotidie celebrare, etiam si obligatus sit ratione capellæ; non enim tenet obligatio. c. significatum, de præbendis; sed debet celebrare salua reuerentia, & honestate. Vide Silu. ver. missa. 1. §. 7.

Alterum est, *vna luce semel*. Nullus potest absque peculiari privilegio celebrare, nisi semel in die, cap. consulti, & cap. re-ferente, de celeb. missarum: & oppositum facere, non esset de-uo- tio, sed graue peccatum mortale contra praeceptum Eccle- sia: Similiter nec communicare quis potest, nisi semel tantum in die: haec enim vnitas sacramenti significat vnicam Christi mortem, per quam semel mortuus est, & semel pro nobis pas- sus est.

Tertium verbum est, *Nisi causa requiratur*: Sunt enim aliqui ca- sus, in quibus celebrari pluries in die potest.

Primus est, festum natiuitatis dominicae, in quo licet tria celebrare sacra; non tamen per hoc obligatio est celebrandi tria, vel audiendi: nam sufficit vnum: tamen ex deuotione con- ceditur posse celebrare tria. Et hoc non absque magno myste- rio: nam per tria sacra, significantur tres Christi natiuitates, scilicet Aeterna, qua nascitur Deus ex Patre; Spiritualis qua nascitur in cordibus nostris per gratiam; Corporalis, qua na- scitur homo ex matre. Prima autem omnium, quae media no- cte celebratur, significat corporalem generationem, quia na- tus est media nocte, & in tenebris huius mundi, venit enim incognitus. Ob id cantatur Euangelium, *Exiit editum*, in quo talis natiuitas describitur. Secunda significat spiritalem, qua in nobis per gratiam nascitur, & sic incipit introitus, *Lux ful- gebit hodie super nos*, iuxta illud 2. Petri 1. *donec lucifer oriatur in cordibus nostris*. Et Euangelium de pastoribus, in quibus per gratiam natus est. Tertia, significat generationem aeternam, quae dicitur manere, ad significandum illum diem aeterni- tatis, de quo dicitur, *in plenitudine sanctorum ante luciferum ge- nuit*. Et Euangelium hoc indicat: *In principio erat verbum*. In- troitus autem est, *Puer natus est nobis*, quia nomine illius pue- ri, intendit Ecclesia diuinitatem ostendere, Alij mutant hunc ordinem, & per primum sacrum aeternam generationem, per tertium temporalem intelligunt; sed melius dicitur modo praedicto. Significant etiam ista tria sacra, tres status, quibus homines saluati sunt, scilicet status naturae per mediam no- ctem significatur, quia debilis erat tunc Dei cognitio in ho- minibus legis status, qui per auroram significatur, quia maior facta est in hominibus Dei cognitio. Gratiae status, qui per diem, in quo diuina gratia, & cognitio maximè abundant. No- ta tamen quòd ista tria sacra, sunt à ieiunio celebranda. Vnde in primo & secundo sacro, non debet sumi ablutio; qui autem

incautè sumpserit, non potest illo die aliud sacramentum celebrare. Et hoc modo intelliguntur alij omnes casus, in quibus licet pluries celebrare, scilicet, quod in primo oblatio nõ fuerit sumpta, quamuis extra istam diem non licet celebrare ter, sed solum bis.

Secundus casus huius est, cùm quis habet duas parochias, (Iam Concil. Trid. prohibuit, ne vllus duas habeat parochias) propter ipsarum tenuissimum redditum, nec potest ambabus vno sacro satisfacere, nec socium habet, tunc posset modo prædicto bis celebrare.

Tertius est, si postquam celebrauit, superuenit Episcopus, qui vult audire sacrum, nec est alius qui celebret, & extra diem festum: tunc si non sumpsit ablutionem, potest iterum celebrare.

Quartus, cùm superuenerint multi peregrini, & est dies præcepti. Similiter cùm alius non adest.

Quintus, cùm infirmus debet communicari, & non est sacerdos. Aliæ possunt esse causæ, sed istæ communiores. Nota tamen, quod non omnibus diebus licet celebrare. Die Venetis sancti non licet consecrare, nec die Sabbati sancti, nisi tardè, quia tale sacrum non est talis diei, sed noctis resurrectionis, in qua solebat celebrari, & mos retinetur iste in aliquibus Ecclesijs, licet communiter humana fragilitate oblitus sit, quia vix ieiunium poterat per totum diem sustineri. Hæ igitur sunt dispositiones post celebrationem.

Quid sit Missa.

C A P V T IV.

INter ea, quæ de sancto Missæ sacrificio dicenda occurrunt, id primum est, quid sit Missa. Videtur autem sic aliquo modo posse describi. Oblatio corporis, & sanguinis Domini, sub alienis speciebus facta, sacrificij ab ipso semel exhibiti expressiva. In hac descriptione, quatuor sunt verba attentè consideranda.

Primum est, *oblatio*. Est autem oblatio, actus quidam exterior latriæ, quo Deo offerimus creaturam aliquam suam, in signum recognitionis, quod ipse est principium totius esse, & dominus omnium, & à quo totum bonum procedit. Et hoc dicitur sacrificare, quod quidem ob dictam causam nulli conuenit

venit alteri, nisi soli Deo vero. Ipse enim est verum omnium principium: nulla fuit tam barbara natio mundi, nec est, quæ circa Deum saltem falsum, & dæmonis astutia fictum, nō vteretur hoc sacrificio; & cultus genere. Gentiles enim, & omnes idololatriæ suis dijs falsis offerebant, & sacrificabāt. Iudæi Deo vero nostro etiam sacrificia exhibebant. Religio nostra sancta; & vera etiam Deo sacrificium maximè acceptabile offert, & tale est missa.

Alterum verbum est, *Corporis & sanguinis Domini*. In quo dignitas sacrificij huius conspicitur. Non enim tauri, vituli, aut alia huiusmodi offeruntur, sed corpus, & sanguis pretiosissimus Christi, cuius valor infinitus est. Conspicitur etiā in hoc Dei Patris complacentia; maximè enim in hoc sacrificio delectatur, ut pote in corpore, & sanguine filij sui: de quo sacrificio dicebat Psal. 49. *Sacrificium laudem honorificabit me, & illic iter, quo ostendam illi salutare Dei.*

In maiorem declarationem, nota quòd Iudæis erat triplex genus sacrificij.

Primum erat, quod Deo offerebant ob ipsius reuerentiam, recognoscentes ipsum generalem omnium Dominum, & hoc dicebatur holocaustum, in quo totum animal, quod Deo offerebatur, igne consumebatur, & nulla reservabatur particula, vt ostenderent omnium prorsus rerum Deum esse dominum, & creatorem.

Alterum sacrificium erat, quod Domino offerebant, in reconciliationem; per aliquo commissio peccato, quod dicebatur hostia; seu victima placabilis & huius aliqua pars servabatur Sacerdoti, totum reliquum igne consumebatur, in quo denotabatur, quod Deus est causa nostræ salutis, sed medijs ministris suis. Quando tamen erat peccatum Sacerdotis, vel totius populi, tunc expiatio fiebat per holocaustum, vt denotaretur aut ministri iniquitas, aut peccati gravitas.

Tertium erat, quando Deo offerebatur in gratiarum actionem pro beneficio accepto, vel per cuiusvis obtinendi beneficii impetrationem, & dicebatur hostia pacifica: & huius fiebant tres partes. Altera Deo offerebatur per ignem, altera Sacerdoti dabatur, altera ipsis offerentibus remanebat. In quo notatur, quòd Deus dat salutem per suos ministros, & nobis etiam cooperantibus. Hæc tria sacrificiorum genera erant in Iudaismo à Deo instituta: omnia tamen erant figura oblationis huius, in qua corpus dominicum offertur. Ipsum enim

est verum holocaustum, quod maximè in Dei Patris gloria Christus obtulit totum. Et vera victima placabilis, quæ totum reconciliauit genus humanum. Vera etiam hostia pacifica: nam per ipsam maximè gratiæ Deo sunt octo, habitæ, & relatæ, & per eam maxima nobis beneficia obtinuit Christus. Cum igitur in missa id fiat, quod Dominus in morte sua fecit, ob id rectè dicitur missa, oblatio corporis & sanguinis Domini: in quo nostra oblatio differt ab ea, quæ in lege scripta fiebat, quæ quamuis esset figura huius nostræ oblationis, non tamen ipsa vera erat corporis dominici oblatio.

Tertium verbum est, *Expressiua sacrificij à Christo Domino facti*. In quo verbo, missa differt à sacrificio illi Christi. Nam Christus, etiam obtulit suum corpus, & sanguinem, illa tamen oblatio non dicitur Missa, saltem eo modo, quo in præsentem loquimur: nam illa oblatio sic fuit oblatio, ut non fuisset significatiua, seu expressiua oblationis. At nostra oblatio, est oblatio, sed significatiua, & expressa Christi oblationis. Vnde qui missam celebrat, non solum offert Christi corpus, & sanguinem, sed repræsentat Christi oblationem. Vnde repræsentando offert, & offerendo repræsentat. ad modum tragiæ alicuius; in qua repræsentatur aliquod Regis factum, & ille idem Rex, cuius factum repræsentatur, in tragiæ illa verè introducit. Ut enim aptius intelligas, scito quod cum Christus sacrificauit, considerantur in eo sacrificio duo. Primum, quod oblatum est, & hoc est corpus, & sanguinis. Secundum, modus, & hic fuit verè moriendo: In missa est illud idem quod oblatum est, scilicet corpus & sanguis, sed modus est in repræsentatione & significatione. Nam per hoc, quod primum corpus separatum à sanguine, & sanguis à corpore separatim consecratur, mors Christi significatur; ob id est veritas, & est repræsentatio: Ob id positum est illud verbum tertium, *Expressiua*.

Quartum verbum est, *Semel* In quo notatur efficacia huius sacrificij. Nam solum à Christo oblatum est, & vnicum sacrificium est: habuit tamen infinitam sufficientiam & valorem ex se. Vnde fit, ut pluries Deo offerri possit illud in missis, & valor eius extenuari non potest. Et est exemplum: Si aliquis habuerit vnā gemmam tanti valoris, ut quæcumque omnes homines alicuius ciuitatis opus haberent, illa possent emi, & esset aliquis, qui aliqua necessaria talibus ciuibz haberet, tunc si dominus gemmæ istius daret eam pro quocumque necessario ciuium,

ciuium, tunc quidem vna esset datio, tamen, quoties quisque ciuis ab eo peteret aliquid, tunc esset noua quædam repetitio dationis, & solutio, quia gemma illa omnium est pretium. Sic quodammodò intellige, fuit Christi corpus, sacrificium summe acceptum Patri, & infiniti pretij, vt illo sit contentus Pater pro omni debito nostro, & pro omni alio sacrificio exhibendo, dummodò nos illud repetamus, quod fit celebrando, & illo vtamur per bona opera. Tale igitur sacrificium, missa est.

Vocabulum autem hoc, *missa*, omiſſis multis alijs, quæ de hoc dici solent, est hebraicum. Hebræi enim, oblationem vocant מוסף, id est missa; Hamets, mutato in duplici x ſigma, vnde in illo Psalmo, vbi dicitur, *Elevatio manuum mearum, sacrificium vespertinum*, hebraicè habet miza: & Hieron. vertit, *oblatio manuum mearum*. Hoc igitur sacrificium dicitur missa, scilicet oblatio quædam.

De Misse partibus.

CAPVT V.

Sacrificium istud in tres diuiditur partes principales. Quarum prima est, quæ antecedit ipsam oblationem; secunda est ipsa oblatio. Tertia est post oblationem. Et quæuis non intendimus omnia minutissimè prosequi, quæ profectò mysterijs sunt referta, nonnulla tamen summatim & generaliter attingemus. Prima pars est vsque ad offertorium exclusiue. Secunda ab offertorio, vsque ad post communionem. Tertia est, à post communionem vsque ad finem.

Prima pars constat introitu, & instructione populi. Introitus est vsque ad orationes. Instructio est per epistolam, & Evangelium.

Introitus significat ingressum Domini in huc mundum. Ob id Sacerdos, præmissa confessione, quæ non censetur pars missæ, sed præparatio quædam, osculatur altare, in quo denotatur vnioem Verbi cum carne, & Christi cum Ecclesia, iuxta illud, *Osculetur me osculo oris sui*. In introitu exprimuntur ea, quæ gesta sunt ante hunc Christi aduentum: præcesserunt enim desideria, vaticinia, laudes, clamores Prophetarum, & Patriarcharum: ob id in introitu sunt ista, initium ipsum, quod bis

reperitur, ad denotandum vehementiam desiderij sanctorum patrum, Statim versus sequitur, denotans ipsorum vaticinia, & statim, *Gloria Patri*, notans ipsorum laudes statim *Kyrie eleison*, notans clamores ipsorum, & voces petentes diuinam misericordiam. Ob id toties repetuntur. Singulæ enim diuinæ personæ Trinitatis ter acclamantur, qui numerus notat, in singulis personis inesse singulas: est enim in Patre Filius, & Spiritus sanctus, similiter sunt in se inuicem. Statim cantatur, *Gloria*, denotans ipsius aduentum: nam in Domini natiuitate illud cantârunt Angeli. Totum hoc Introitus dicitur.

Sequitur instructio populi: & quia primò fuit instructio facta per Prophetas, & similiter per Apostolos, cùm Christus misit illos binos prædicare, ob id præmittitur epistola, quæ aliquando est ex Propheta, & aliquando ex Apostolo. Et sequitur Graduale, quod ad gradus altaris decantari solebat, significans opera ipsa, quæ debent respondere prædicationi; populus enim debet exequi, quæ in prædicatione percipit. Ante instructiones tamen præmittitur Collecta, seu oratio dicta Collecta, quia animus populi debet esse collectus in diuina consideratione. Præmittitur oratio, quia quæ faciendâ à nobis sunt, oportet à Deo peti: & ad hoc etiam diuino indigemus auxilio, ob id præmittitur, *Dominus vobiscum*. Hac oratio semper est Deo dirigenda, quamuis liceat aliquem sanctum intercessorem ponere, vel beatam Virginem atque ob id missa solet à sancto denominari, maxime quia in introitu, & instructione est aliqua similitudo vitæ illius, non tamen, quod sacrificium fiat alicui, præterquam Deo.

Post hanc instructionem sequitur Euangelium, quod fit in dextro altaris latere, ob excellentiam maioris doctrinæ. Et relinquatur latus primum, ad denotandum, quod à Iudæis doctrina veritatis debuit auferri, & tradi Gentilibus, qui sunt ad leuam sacerdotis, in quo notatur, quod nisi esset ob culpam Iudæorum, ipsi erant dextra pars, quibus præcipue lex erat tradenda, atque doctrina.

Finito Euangelio, dicitur *Credo*, notans fidem, quæ secuta est prædicatione. Atq; hæc est prima Missæ pars, quæ dicitur Missa catechumenorum, quia catechumeni in Ecclesia primitiua hæc tenus per mittebântur presentes esse sacro: statim enim canebat voce altæ diaconus, dicens: *Te missa est*, id est, recedite foras, nã incipit oblatio, & sacrificiũ, cui vos non potestis adesse, donec sacro baptismatis fonte lauari in Christo renascamini.

Statim

Statim sequitur secunda pars Missæ, ab offertorio; in quo præparantur, & offeruntur ea, quæ consecranda sunt, & omnia ista fiunt voce submissa, ad denotandum illud Christi exilium, Ioan. 20. cum Christus non palam loquebatur iam, cum Iudæi illum comprehendere destinarant: statim post hoc silentium, sequitur præfatio, significans illum ingressum magnificum in Hierusalem, cum pueri cantantes Dominum receperunt; quo finito sequitur canon vsq; ad communionem, in quo fit consecratio ipsa, & sumptio. In quibus duobus sacrificium consistit.

His absolutis, est tertia pars Missæ, scilicet, post communionem & orationem, quæ gratiarum actio est, & fit in latere sinistro altaris, ad significandum, quod Iudæi in fine mundi conuerterentur ad Dominum. Hæc sunt partes missæ. Multa quidem præmitto in particulari, quæ digna sunt magna meditatione, tamen quia esset valde prolixum omnia prosequi, & solum aliquam in his instructionem paramus, ad alia tendentes, referuo in alium locum. Vnum tamen hic notandum est, quod corpus, & sanguis Domini sub speciebus panis, & vini contenta, sunt quidem sacramentum, sunt etiam sacrificium. Sacramentum quidem sunt, quatenus sub illis speciebus continentur; vsus autem in sumptione consistit: at verò sacrificium sunt, cum offeruntur Deo Patri. Et hæc oblatio posita est in duobus, & in consecratione ipsa, & in sumptione à Sacerdote. Vnde cum in pyxide conseruatur hostia consecrata, sacramentum est, non sacrificium; cum verò in missa consecratur, & sumitur, non tantum sacramentum est, sed etiam sacrificium. Multa, quæ dici poterant de forma, & materia ipsius, reseruabimus in locum, cum ibi de singulis in particulari tractabimus. Hæc, quæ diximus, non sunt omnia de iure diuino, præter ipsam consecrationem, & sumptionem; reliqua sunt de iure humano. Et adhuc non omnia fuerunt à principio nascentis Ecclesiæ; sed successu temporis fuerunt multa laudabiliter apposita, donec ad hanc integritatem reducta esset missa, cuius aliquam notabilem partem negligenter permittens, grauiter peccaret mortaliter.

* * *

De valore huius Missæ ratione sacrificij.

CAPVT VI.

Difficilis est hæc materia, nec Doctores in ea sunt conformes: dicam ea, quæ mihi probabiliora visa sunt.

Valor huius sacrificij duplici ex parte sumi potest; vna ex ipso actu offerentes; alia ex ipsamet re oblata: ita vt sint duo valores distincti. Actus quidem ipsius offerentis augetur secundum quod magis est deuotus, vel minus, aut ex maiori vel minori charitate procedit. Valor tamen ex parte ipsius rei oblatae semper est vnus. & idem: qui quidem finitus quidam gradus est. Nam quamuis res oblata sit infinita, quia tamen offerens est finitus, & oblatio finita, ad certum finitum valoris modum determinatus est: quemadmodum in ipso sacramento, vt sacramentum est, gradus finitus valoris continetur, quando confertur alijs, quamuis in se res infinita sit; quia sacramentaliter continetur, & datur: prior valor dicitur ex opere operantis, posterior ex opere operato. Qui quidem valores, in sacramentis continentur. Vnus est etiam in adultis, qui actibus suis dispositi, sacramenta suscipiunt. Istis datur effectus valoris, non solum ratione sacramenti, sed ratione suorum actuum: at verò in paruulis solum est valor ex opere operato sacramenti. Vt igitur in isto sanctissimo sacramento contingatur certus gradus valoris ex opere operato, vt sacramentum est, sic etiam alius gradus contingatur in ipso, vt sacrificium est, vltra actum sacrificantis, & vltra actum eius, pro quo sacrificatur. Valor autem iste est trium bonorum: valet enim ad bona temporalia, valet ad bona spiritualia, gratiam scilicet, & inspirationes, ac dispositiones; valet etiam ad satisfactionem pro peccatis debitis, pro peccatis, ita vt sacrificium oblatum conferat bona corporalia, gratiam, & remissionem peccatorum, omnia sub certo gradu ex parte operati.

Modus autem, quo ista bona conferuntur, non vnus, sed triplex est. Conferuntur enim ista per modum meriti, per modum satisfactionis, per modum impetrationis, seu suffragij.

In primis per modum meriti de condigno confert gratia augmentum, & per modum meriti de congruo confert temporalia bona. Dicitur autem cōferre per modum meriti, quia

obla-

offerens sacrificium hoc, ratione ipsius rei oblata, meretur gratiæ augmentum, sicut ratione ipsius oblationis, seu actus.

Confert etiam satisfactoriè pro pœna debita peccatorum, ita ut sacrificium hoc inducat remissionem pœnæ.

Confert etiam per modum impetrationis, quatenus offerens tale Sacrificium, à diuina clementia obtinet ea, quæ petit, licet non de iustitia. Et hoc modo maximè prodest mortuis, quantum ad solam remissionem pœnæ, quandoquidem mereri non possunt. Viuis autem duobus primis modis confert, & etiam tertio. Sed duo priores solum viuis competunt, nisi mortui, dum vixerunt, ad missas sibi celebrandas pecunias erogauerunt. Tunc enim per modum satisfactionis, & iustitiæ conferunt. Hoc enim est discrimen inter illos modos, quod duo priores, in quadam iustitia fundantur. Vltimus verò in diuina tantum misericordia, quamuis hæc nunquam desit. Assimilatur autem proportionaliter celebrans Christo Domino, se per mortem offerenti Christus enim dominus, se Patri hostiam pro peccato offerens, à Patre meruit de condigno gratiam; licet nō sibi, sed nobis meruit remissionem pœnarum nostrarum, & impetrauit quod petijt: sic offerens in missa meretur gratiæ augmentum, quia debet esse in gratia offerens, meretur etiam remissionem pœnæ, & impetrat, sed non infinitè, vt Christus, sed finitè, vt dictum est.

De his, quibus sacrificium prodest.

CAPVT VII.

OSTENSO valore huius sacrificij, superest examinare quibus prodest, & qui consequantur hunc valorem. Et vt generaliter dicam, prodest offerentibus, & his, pro quibus offertur, quamuis non vniformiter.

In cuius gratiam scito, multos esse offerentes, & multos, pro quibus offertur.

Offerentes enim sunt in triplici differentia, quidam immediati, & proximi & huiusmodi sunt soli Sacerdotes celebrantes: quidam mediati: & remoti, & huiusmodi est totus populus Christianus: omnes enim vnum corpus faciunt mysticum & mediatè celebrant per Sacerdotem, qui nomine totius populi

puli Christiani celebrat; quidam medio modo se habent, qui aliquo actu conueniunt erga celebrationem: & hi sunt magis, vel minus propinqui, vel circumstantes, qui intersunt sacro, & offerunt cum Sacerdote. Post hos propinquior est chorus, & qui inseruit: post hos diaconus, & subdiaconus: postque hos, qui Sacerdotem alit, & sustentat: propinquissimus est, qui peculiarem dat ecclesiam, vt Missa celebretur, Omnes isti sunt offerentes, & omnes hi, si in gratia sunt, merentur vnusquisque in suo gradu, secundum quod magis, vel minus propinquus est. Dico, si in gratia sit; nam in peccato existentes, nihil sibi merentur, nisi forsitan de congruo. Non autem his omnibus idem est meritum: nam qui in gradu sunt tantum nec aliquem actum circa illam celebrationem exercent, sed solum habitualiter celebrant, consequuntur de condigno remissionem aliquam poenae debitae pro peccatis, & his prodest ad satisfactionem quodcumque sacrum celebratum. In gratiae augmentum non confert; nam gratia non confertur sine actu nostro dispositiuo: Cum igitur illi non operentur, non merentur gratiae augmentum. Qui vero actu aliquo concurrunt, non solum remissionem poenae, sed gratiae augmentum de condigno consequuntur, quamuis magis, vel minus, prout propinquiore sunt, vt diximus, & hoc ultra illam gratiam, quam quisque suo actu proprio meretur, quo ad offerendum concurrat. Vbi aduertendum est, quantum perdant, qui missas non audiunt, & qui in peccato sunt mortali: hi enim maxima poenatum remissione se priuant. Aliqui volunt, quod etiam offerentibus remotis aliquis gradus gratiae augmenti detur ex opere operato, & id probabile est. Aduerte tamen hic, quod quantumcumque numerus offerentium multiplicetur, non ob id quisque minus meretur in suo gradu; quia tale sacrificium habet se ad singulos, ac si à singulis per se in suo gradu offerretur; sicut plures suscipientes sacramentum non perdunt quicquam de valore, quia singuli integrè suscipiunt. Hoc igitur est ex parte offerentium.

Illi vero, pro quibus sacrificium offertur, in duplici se habent differentia: quidam, quibus ex intentione vniuersalis Ecclesiae valor applicatur, vt totus populus Christianus, & adhuc propinquius Reges, Imperatores, Pontifices, & capita Christianae Reipub. pro his enim omnibus, ex intentione Ecclesiae, offert Sacerdos quisque: quidam autem sunt, pro quibus offert Sacerdos ex propria intentione sua, quam applicat,

uni, vel multis : & hoc vel ex propria voluntate, vel quia illi aliquo actu ad id concurrunt, vel erogantes Ecclesiam, ut propter ipsius celebretur, vel erogantes, aut petentes, aut iubentes. Alii qui volunt, quod his omnibus, si in gratia sint, conferatur augmentum gratiæ de condigno. Et hoc probabile est, sed magis nobis placet, quod non, quia gratia nunquam datur, nisi operanti actualiter, vel virtualiter circa tale opus : sed pro quibus ex intentione Ecclesiæ applicatur, prodest ad meritum de condigno bonorum temporalium, & meritum de condigno remissionis peccatorum, si in gratia sint, & impetrant etiam divinas monitiones, & auxilia, quibus gratiam cōferunt sicut etiam offerentibus remotis. Illis vero, qui aliquo actu concurrunt, etiam ad gratiæ augmentum, si in gratia sint. Ex quo collige, quanta sit copia gratiæ in hoc mirabili sacrificio : ut cum conferat multa ex opere operato offerentibus in suo gradu, adhuc supersit magna copia, ut conferatur his, pro quibus offertur, præsertim hoc etiam, si omnibus in gratia existentibus gratia conferatur, ut dicit illa citata opinio, quam tenet doctissimus Soto lib. 4. sen. d. 13. q. 2. art. 1. & aliqua ex parte videtur conformis esse. S. Thom. 3. p. q. 79. art. 7. ad 2. probabilius tamen est quod diximus.

De resolutione trium dubiorum.

C O P U T V I I I.

EX his, quæ diximus, facillè erit tria dubia in hac materia præcipua resolvere.

Primum est, si missa mali Sacerdotis, & existentis in mortali peccato aliquid valoris habeat. Ad quod dubium cum distinctione respondere oportet. Ut enim diximus, in Missa duo sunt, & sacrificium ipsum, & orationes, seu preces, quæ in ipsa missa funduntur. Præmitto autem valorem ex devotione ipsius offerentis.

Si sacrificium consideretur, quamvis Sacerdoti ipsi nihil conducatur, si in conscientia peccati mortalis sit, sed potius mors sit maior, tamen, quia valor est in ipso sacrificio ex opere operato, prodest alijs offerentibus, & alijs, pro quibus offertur, nec hi suo fructu, ut diximus, defraudantur, nec iste valor est maior in bono Sacerdote, quàm in malo, sicut collatum Sacramentum.

Si verò

Si verò considerentur orationes, & preces, tunc possunt dupliciter considerari. Aut sunt ipsius Sacerdotis, vt persona est quædam particularis, aut vt est representans Ecclesiam, in cuius nomine celebrat, & offert. Si priori modo considerantur, absque dubio nihil valent, nec ipsi nec alijs, cum sit in mortali, vnde ex hac parte magis valet Missa boni, qui ex parte precum à Deo magis exauditur.

At verò cum est offerens nomine Ecclesiæ, valent etiam æqualiter cum bono.

Omnibus igitur perpensis, plus valet Missa boni sacerdotis, non solum quia illi prodest, mali autem Missa illi non prodest, sed etiam, vt respectu aliorum, ex parte precum & orationum, quia valent non solum vt Ecclesiæ nomine procedunt, sed etiã vt sunt ab homine Dei amico, & grato.

ALTERVM dubium est, An defunctis, quibus Missa non prodest, nisi ad remissionem poenæ, & hoc per medium impetrationis, plus proffit Missa de *Requiem*, quam alia Missa quævis. Ad quod iuxta prædicta facile respondetur: ex parte enim sacrificij æquè prodest vna ac altera; tamen ex parte precum, plus potest de *Requiem*; quia in ea orationes, & preces ad ipsarum animarum liberationem directè funduntur, tam ex intentione Ecclesiæ, quam ex intentione propria Sacerdotis.

Tertium dubium est, an, cum quis offert pro pluribus, singulis proffit, ac si pro vno tantum offerretur. Ad quod aliqui dicunt, inter quos est Caiet. quodlibet. p. 110, quæst. 18. & super. 3. part. quæst. 79. artic. 5. quod ita prodest singulis simul, ac si pro vno solo offeratur. Sed oppositum est cum communi sententia tenendum, puta quod nec ad poenæ satisfactionem, nec ad gratiæ augmentum, quod datur ex opere operato, ita proffit singulis simul, ac si vni applicaretur. Scot. quod lib. 20. multo minus, dum pluribus applicatur. Ratio est, quia gradus gratiæ, & satisfactionis in hoc sacrificio contentus, finitus est, sicut in ipso, vt sacramentum est. Vnde fit, vt in pluribus diuisus minus obueniat singulis. Sic, si ego ieiunarem pro quatuor, minus prodest ad satisfactionem singulis, quam vni prodesset, si pro vno tantum ieiunasssem. Loquor autem de valore ex opere operato.

Hinc fit, quod Sacerdos recipiens eleemosynas plurimum, & vno facto eis satisfaciens, cum tamen singuli darent pro vno facto, peccat mortaliter, quia defraudat illos sua satisfacti-

tisfactione, & fructu ex opere operato, cum ad hoc sustentationem acceperit ab eis, Nauar. c. 25. num. 65. vbi tenet contra Soto, qui lib. 9. de iust. p. 3. art. 1. tenet, quod pauper potest saltem duas elemosynas recipere pro vna missa ad sustentationem: sed contrarium dic cum Nauar. non enim perdit ius ille ob istius paupertatem, nec Missa ordinata est ad sustentationem. Vide Tabie. verb. Restitutio. §. 22. Nota tamen quod cum pro aliquot celebratur in particulari, vel aliquibus, non excluditur pars valoris, quæ ex intentione Ecclesiæ applicatur alijs, vt diximus, nec excluditur etiam pars quædam, quæ Sacerdoti obuenit: ita vt merito diuidi possit valor in tres partes: in gradum communem, qui ea intentione Ecclesiæ applicatur, etiam gratiæ, si ipsi sint depositi: & gradum proprium Sacerdotis: & medium, qui ex intentione Sacerdotis potest sibi, vel alijs applicari.

De remedijs erga ea, quæ in Missa accidunt.

CAPVT IX.

Multa accidere possunt in Missa pericula, quib. prompta debet celebrans habere remedia: quamuis autem multa ista sint, ad alia tamen principalia reduci possunt, per quæ de alijs, si quando accidunt, poterit iudicari.

Primum periculum est, cum in altari Sacerdos impeditur, quo minus possit sacrificium absolvere, vel quia moritur, vel quia fit demens, vel quia morbo aliquo prosecutionem impediens corripitur. Et tunc cum distinctione oportet respondere: vel enim illud accidit ante consecrationem, vel post. Si ante, non debet alius Sacerdos perficere: at verò, si est post consecrationem, tunc Sacerdos alius potest substitui, qui absoluat, continuando à parte relicta ab alio. Hoc enim habetur 7. q. 1. can. nihil, ex Concilio Toletano: in quo casu potest Sacerdos, etiam non ieiunus, tale sacrum perficere. Silu. verb. Eucharistia 2. §. 12. tenet quod debet esse ieiunus. Oppositum tenet Soto in 4. dist. 13. quæst. 2. art. 7. cum non adest alterius copia. Minus enim est hoc præceptum de ieiunio, quam de sacro perficiendo. Attende tamen quod in Concilio non ponitur obligatio Sacerdoti, vt faciat, sed tantum facultas conceditur.

ditur. Vnde fit si esset Sacerdos concubinarius ibi, vel alius in peccato mortali existens, nisi esset aliquod scandalum graue, quod sequeretur ex omissione sacri imperfecti, non debet celebrare: quod si vrgeat scandalum, tenetur habere contritionem, immodò etiam confiteri, si fieri possit. In eo tamen casu alius non existens in conscientia peccati mortalis teneretur celebrare. Quod si illud sacramentum maneret imperfectum, tunc sacramentum debet reponi in sacrario, & similiter sanguis, donec altera die ab alio Sacerdote sumatur. Quod si interim species vini corrumpantur, tunc corruptæ debent effundi in piscinam.

Alterum periculum est, cum aliquis in sacro recordatur aliquis commissi peccati, cuius non habuit poenitentiam, nec illud est confessus, vel recordatur se non esse ieiunum, tunc adhuc eadem distinctione oportet procedere. Si enim post consecrationem, debet poenitere, & prosequi, quamuis peccatum, cuius recordatur, sit graue, etiam cum excommunicatiõe, vel irregularitate. Nec inde contrahit censuram, vel peccatum, si oblitus fuit inculpabiliter: si verò est ante cõsecrationem, tunc si tantum est peccatum, potest poenitere, & celebrare: tamen si est excommunicatus, vel irregularis, & non ieiunus, debet recedere, nisi sequatur scandalum circumstantium.

Tertium est, quando aliquid incidit in sanguinem, impediens sumptionem, quod tripliciter potest esse.

Aut est venenum, quod appositum fuit ignorante Sacerdote, & post consecrationem est admonitus, tunc non debet sumere, sed nouum vinum apponere, & consecrare. Illud autem conseruandum est in sacrario, donec species corrumpantur, & corruptæ in piscinam proijciendæ sunt.

Secundo potest etiam esse quod aliquid aliud venenosum incidat, & similiter est tunc faciendum.

Tertio potest esse quod aliquid aliud incidat non venenosum, & tunc, si est animal horrorem incutiens, vt vespa, vel quid simile, est extrahendum, & lauandum, & lotio sumenda post sanguinem; animal autem comburatur & cineres in lotio sacro seruentur. Quod si non est animal horribile, vt pilex vel musca parua, deglutiatur cum sanguine: si tamen hæc omnia accidunt ante consecrationem, poterit effundere tale vinum, & nouum apponere.

Quartum est, cum Sacerdos in altari recordatur se non appo-
fuisse aquam vino: tunc, si est ante sanguinis consecrationem, debet

debet apponere; si verò post, nullo modo: nec enim est de essentia sacramenti. Quod si vinum non esset appositum, tunc necessario esset apponendum; quamuis post verba consecrationis, quæ iterum sunt repetenda: & hoc etiam fiet, etiam si sit post sumptionem hostiæ, quamuis aliqui velint, quod debet etiam noua poni hostia consecranda; sed non est necessarium. Vide can. 32. Concil. Constant. vbi dicitur esse traditio à Iacobo fratre Domini, quòd vino apponeretur aqua.

Quintum est, quando accidit aliquod miraculum, quòd corpus appareat post consecrationem in specie carnis, aut sanguinis in propria specie, tunc certissimum est, non debere sumi, sed conseruari in sacrario; tamen non obligatur Sacerdos ad nouam consecrationem, vt habet S. Thom. 3. p. q. 82. art. 4. quia miraculum liberat ab obligatione perficiendi Sacramentum. Nam, vt ibi dicit Caietanus, potest, si vult, iterum consecrare.

Sextum est, cum aliqua sanguinis gutta cadit: tunc multiplicitè potest accidere hoc, de quo vide de consecratione dist. 2. can. si per negligentiam, vbi præceditur, quòd si cadat, id quæ per negligentiam, in tabulam, lambat, & radat tabulam: si in terram, comburat terram, & cineres seruentur in loco sacro, & pœniteat diebus quadraginta: si verò cadit super altare, forbeat, & pœniteat tribus diebus. Si supra primum linteam, & perueniat ad secundum, quatuor diebus: si vsque ad tertium, nouem diebus: si vsque ad quartum, viginti, & tunc linteam lauent ter, & lotio rîndatur iuxta altare, vel sumatur à ministro. Modò solet abicindi illa pars lintei, & comburi, & cineres seruari. Ista pœnitentia imposita erat ieiunij, & abstinentiæ à celebrando, sed non est modò in vsu; licet grauitèr peccet, cui id ex negligentia accidit, vt in eadem dist. dicitur de vomitu. Cum enim vomitus accidit per ebrietatem, vel voracitatem, si clericus est laicus, pœniteat quadraginta diebus: si monachus septuaginta: si Episcopus, nonaginta. modò non est in vsu pœnitentia; sed est graue peccatù sic accidere. Quòd ex infirmitate, olim pœnitebat septem diebus, modò non: sed est peccatum, quando timebatur probabiliter vomitus, & celebrauit. Cùm autem accidunt ista tria, tunc querendæ sunt particulæ, si quæ possunt inueniri, & conseruandæ in sacrario.

Rursus septimò, contingit aliquando vt hostia cadat à manu in calicem, ante fractionem, vt nulla possit fieri fractio propter

pter humiditatem hostiæ, tunc continuandum est sacrum, nihilq; repetendum, quia illa nō sunt de essentia sacrificij: quòd si commodè posset fieri, tunc saltem in residua parte hostiæ debent fieri signa, & fractiones.

Octauum aliquando circa verba accidit, vt proferens penitus obliuiscatur, an talia protulit. Quòd si est aliquod verbum ex alijs, præter verba consecrationis, postquam iam alia verba successerunt, non est curandum repetere. Tamen de verbis consecrationis difficultas est, & non quòdcumque dubiū sufficit, vt repetantur, nam multa proferuntur certo ex vñ, quorū non meminimus an fuerint prolata, si supra id reflectamur. Vnde scrupulosi debent multum quiescere in hoc: licet enim non recordentur, nō ob id statim repetenda sunt. Cum tamen alicui videretur certum multum, se non dixisse, & valde probabiliter dubitat, potest repetere sub conditione, nec est vllum periculum, licet accidat quòd semel protulerit.

Nonnum tantum accidere potest aliquid impediens, ne absoluat sacrum, vt si, celebrante Sacerdote, adueniat aliquis ipsum volens occidere, vel inimici, seu hostes in prælio, vel domus corruat: & tunc, si est ante consecrationem, potest discedere; si verò post, licet ei statim consumere. Quòd si non credo, poterit Sacramentum cum corporalibus extrahere. Quòd si non, aliqui dicunt, quòd subeat mortem: sed ego non credo, quia nulla ratio, nec textus id probat, sed licet ei discedere, nam si permaneat, occiditur, & adhuc sacrificium manebit imperfectum: melius ergo est, quod maneat sic, & saluetur homo. Attende tamen, quòd si aliquis in contemptum fidei, vellet eum occidere, si à facto non desisteret, tunc tenetur propter fidem continuare, & mori, non solum post consecrationem, sed etiam ante. Hi sunt casus, qui frequentiores sunt in hac parte.

Quid diuinum officium dicatur.

C A P V T X.

Sacerdotis officium primum, non solum sacrificare, sed etiam officium diuinum persolvere, esse diximus. Tractatū est de sacrificio, nunc de officio tractare oportet. Atque illud primò se offert explicandum, quid sit diuinum officium. Vide-

Videtur autem posse sic describi. Laus Dei voce expressa, per Ecclesiam institutionem determinata.

In qua descriptione sunt quatuor partes consideranda.

Prima est, *Laus*. Est autem laus, manifestatio quædam excellentiæ alicuius. Cum enim alicuius vires propalamus, ipsum laudamus. Est autem officium istud, laus quædam & manifestatio excellentiarum alterius.

Altera pars est, *Dei*. Non enim diuinum officium est laus Regis, vel Imperatoris, sed omnipotentis Dei: cum enim ipsius excellentiam exprimimus, ipsum laudamus. Aduerte tamen, quod quamuis officium sit Beatissimæ Virginis, & aliorum Sanctorum, & mortuorum, tamen præcipue est Dei: nam ipsum in suis Sanctis laudamus, iuxta illud, *Laudate Dominum in sanctis eius*. Quid est aliud, Beatissimæ Virginis virtutes & gratias exprimere, quam Dei virtutem & misericordiam, à qua omne bonum est, extollere? Quid est animarum purgatorij pœnas referre, quam Dei iustitiam cum clementia magnificare? Dicitur ergo optimè diuinum officium, *Laus Dei*. Nam in omni bono præcipue laudatur, & laudandus est ab omnibus Deus.

Tertia pars est, *cum voce expressa*. Est enim duplex laus: altera quidem interna, altera externa. Interna est, quæ fit corde, & nihil aliud est, quam recognitio quædam mentis, excellentiæ, & virtutis alterius, cum affectu quodam ex inclinatione in ipsum. Vnde Deum laudamus interius, quando ipsius excellentias mente recogitamus, & affectu simul in ipsum ferimur. Externa autem est, quæ fit ore, & voce ipsa manifestante internam. Bona quidem interna est, & melior quam sola externa; verum si externa coniungatur cum interna, efficitur melior quam altera per se. Diuinum igitur officium est, non solum laus interna, sed & externa, quæ fit voce, atque prolatione. Vnde, qui diuinum officium persoluunt, non adimplent præceptum recitandi, nisi ore proferant, quantumvis mente laudent, quoniam necessariò est prolatio oralis. Vnde attendere debent qui missitando recitant, vt sic proferant, vt vox sit plene articulata. Attendere etiam opus est, vt non desint interna; qui etenim solum vocem laudat, & vult non attendere mente, aduertendo se non attendere, non implet præceptum, potestque illi dici, *Populus hic labijs me honorat, cor autem eius longe est à me*. Esaia c. 29. Dices, cum Deus sit scrutator cordium, & qui non indiget voce, vt intelligat, & penetrer

occulta cordium, quorsum petit hanc vocalem laudem? Dico illud optimis rationibus esse factum.

Prima, vt noster affectus magis excitetur. Animus etenim laudantis magis excitatur ad deuotionem voce, quæ est velut quidam stimulus ipsius, excitans & prouocans affectum.

Secunda, vt aliorum affectus etiam prouocentur. Multum enim animi accenduntur, cum aliorum clamores, & voces ad Deum percipimus: propter quod institutum est, vt essent cantus in Ecclesia, & etiam diuersorum musicorum genera.

Tertia, vt pluribus modis laudetur Deus, cum pluribus modis sit excellens, & pluribus modis simus ei debitores.

Quarta, & sit manifesta distinctio inter ecclesiasticos, & seculares, etiam in voce ipsa.

Tandem quinto, propter facilitatem: nam sola mente orare seu laudare continuè per aliquod tempus, difficile est, quia necessaria est actualis attentio; ore verò non est ita difficile: nam sufficit tunc virtualis attentio, cum deest actualis per inaduertentiam aliquam. Est igitur officium laus Dei externa interiorum expressiua.

Quarta est, *Secundum Ecclesie institutionem determinata*. Non enim semper, cum Deum voce laudamus, diuinum officium celebramus, sed cum illa voce laudamus, quæ est ab Ecclesia ad hunc finem determinata, scilicet per Psalmos, Antiphonas, lectiones, & reliqua, quæ continentur in officio. Et attende quod dicitur, *determinata*. Nam Ecclesia non instituit laudare Dominum ore: est enim hoc secundum ius naturæ; & ita omnes gentes suos falsos Deos etiam clamoribus laudant, & Iudæi hoc etiam faciebant, & in primitiua Ecclesia ab Apostolis id fuit traditum, sed Ecclesia determinauit hunc modum laudis prædictum, Ecce igitur quid diuinum officium sit. Dices, quare dicitur Officium; Respondeo officium dici actum proprium, quo vnusquisque, in proprio, & distincto ab alijs exercitio versatur. Est autem munus hoc personarum ecclesiasticarum; in quo versari debent. Nihil est ita proprium Christiano, quam Deum verum laudare, nihilque magis durabile; in cælo enim sacrificiū cessabit, diuina tamen laus cessare nequaquam debet. *Beati enim, qui habitant in domo tua Domine, in secula seculorum laudabunt te.* Cuius oppositum facient damnati in sempiternum. Cum igitur hoc sit proprium ac perpetuum Christiano, laus dicitur officium: & quia

Dei est laus, dicitur officium diuinum. Dicitur etiam hora canonica à tempore, in quo fit ista laus: quia enim canones determinant certa tempora, & horas, quibus determinata laudes Deo sunt dandæ, ob id ipsa laus hora canonica dicta est.

Quotuplex sit istud officium.

CAPVT XI.

Septem horæ canonicæ constitutæ sunt. Matutina, Prima, Tertia, Sexta, Nona, Vesperæ, & Completorium. Est enim numerus septenarius perfectus. Septem enim sunt ætates hominis, quibus omnibus Deus est laudandus: Infantia, Pueritia, Adolescentia, Iuuentus, Virilitas, Senectus, Decrepitudo. Septem mundi ætates: septem dona Spiritus sancti: septies cadit iustus: septies David laudabat in die Dominum: septies etiam à nobis petit sic laudari. Diuiduntur in duas partes horæ canonicæ in diurnas, & nocturnas. Nocte enim, & die laudare Dominum debemus, cum ab eo continuè bona accipiamus. Horæ nocturnæ sunt, Matutina: Matutina enim, quæ aurora est, sumitur pro tota nocte per Synecdochem. Diuidebatur olim nox in quatuor quartas. Singulæ tribus horis constabant, incipiebantque ab Ave Maria noctis, scilicet post Solis occasum, (In Italia ex vigesima quarta,) Et dicebantur istæ quartæ Vigiliæ noctis. Prima vigilia durabat per tres primas horas, quibus finitis, incipiebatur Matutinum, quod est diuisum in tria nocturna: & primum dicebatur in secunda vigilia, quo finito, ille ibat cubicum, & alij surgebant. Tertia vigilia scilicet media nocte, & dicebant secundum nocturnum. Alij verò surgebant pro tertio, in quarta vigilia. Quibus finitis, pulsatis campanis, dicebatur, *Te Deum laudamus*, & tunc omnes adorant similiter cum laudibus. Nec mireris, quod singula nocturna durabāt tres horas, quia dicebatur nocturnum dici, Diuiz & beata Virginis, & mortuorum. Diebus solennibus adesse solebat populus secundo, & tertio nocturno cum laudibus, modò iam non est in vsu, sed vnico tractu dicitur ab omnibus ministris; quamuis varijsint modi. Aliqui in secunda, aliqui in tertia vigilia dicunt. Horæ verò diurnæ statim dicebantur.

Erat enim dies in alias quatuor quartas diuisus, & in principio primæ quartæ dicebatur Prima; in principio Secundæ. Tertia in principio tertiæ. Sexta. Quando erat iam merides intra Sextam, & Primam, dicebatur sacrum solenne. Post prandium Nona, post Nonam Vesperæ, & Completorium, cum iam ferè erat nox. Et sic totus dies in diuinis laudibus agebatur. Significant autem istæ septem horæ Christi passionem. Matutina significat, cum in horto fuit à Iudæis comprehensus, & ligatus. Prima; cum in domo Caiphæ fuit alapis cæsus, & sputis fœdatus. Tertia, cum fuit lata mortis sententia. Sexta, cum cruci affixus. Nona, cum mortuus, & eius latus lancea apertus est. Vesperæ, cum depositus de cruce. Completorium, cum positus in sepulchro. Quæ omnia antiqui his versibus, vt huius memorie inhæreant, descripserunt.

Matutina ligat Christum, qui crimina purgat.

Prima replet sputis, dat causam Tertia mortis.

Sexta cruci nectit latus eius Nona bipertit.

Vespera deponit, tumulo Completa reponit.

De obligatis ad diuinum officium persoluendum.

CAPVT XII.

Quattuor sunt genera personarum, quæ tenentur officium persolvere: clerici, beneficiati, monachi, moniales. De singulis per se oportet tractare.

In primis, Non quilibet clericus tenetur recitare diuinum officium, nisi sit subdiaconus, vel diaconus, vel Sacerdos, etiam si beneficium non habeant, c. dolentes, de celebr. miss. Qui vero in minoribus est constitutus, neque beneficium habet non tenetur recitare horas canonicas; quamuis Panorm. c. i. de celebr. miss. nume. 6. contrarium sentiat, ac communis opinio, vt ipsemet fatetur, cōtrarium docet, quæ est tenenda, cum non sit tex. aut ratio, quæ faueat Panorm. & cōsuetudo faciat pro communi opinione.

Secundò, recitare tenentur, qui beneficium habent ecclesiasticum, etiam si clerici simplices sint, & solam tonsuram primam habeant: ita habetur d. 42. can. fin. & Panorm. c. dolentes, de celebr. miss. num. 4. affirmat in eo omnes conuenire. Per beneficium autem intelligo quemcumq; reddituum ecclesiasticum

aticum, qui habetur sub titulo clericali, nimirum, qui non potest nisi clericis dari. Vnde non solum obligantur, qui curata habent beneficia, aut simplicia, sed etiam qui habent præstimonialia, & patrimonia, quia hæc sunt tituli clericalis. Qui tamen habent pensiones, aut alios redditus ecclesiasticos, qui etiam secularibus conceduntur, non tenentur hoc vinculo. Aduertendum tamen est, quod aliter obligentur simplices clerici ad recitandum, aliter beneficiati, siue sint in maiori ordine constituti, siue non. Simples enim clerici omittentes absque legitima causa officium vno tantum die, vel aliquam horam, vel totum, peccant mortaliter, ad nullam tamen obligantur restitutionem faciendam. Qui verò beneficiati sunt, & mortaliter peccant, & ad restitutionem aliquam redditus percepti tenentur, Concil. Later. sub Leone sess. 9. §. statuimus. Nauar. c. 25. n. 122. Tab. verb. beneficium 11. Quæ restitutio consistit in aliquibus dictis.

Primum fit, iuxta decretum Concilij Lateranensis, cuius tenor est: nullus, ante sex menses primos beneficij habiti, teneatur ad restitutionem, quamvis non recitet. Explico, confertur alicui aliquod beneficium, quodcumque sit, sub titulo clericali, si non recitat per sex menses primos, mortaliter quidem, & multipliciter in singularum horarum omissione peccat, ad nullam tamen obligatur restitutionem.

Secundum dictum sit, transactis sex mensibus, siue in eis recitauerit, siue non, in posterum obligatur ad restitutionem, nisi recitet, non quod omnium fructuum correspondentium pro diebus, vel tempore omissionis, sed pro aliqua parte. Explico: aliquis habet redditus trecentorum sexaginta aureorum, singulis diebus aureus respondet, prætermittit vnum diem officij, iste non tenetur ad restitutionem vnus aurei: vel si prætermittit vnam horam, non tenetur ad restitutionem septimæ partis aurei; hoc enim esset, si totus redditus daretur pro officio; sed non sic est: datur enim etiam pro alijs ministerijs ecclesiarum, & pro sacrificijs, vnde vna pars obuenit pro officio, hæc restituenda est, non est autem taxata: credo tamen, non esse minorem tertia parte.

Tertium dictum est, ex eodem concilio, quod ista restitutio est facienda vni duorum, aut fabricis Ecclesiarum; quarum beneficii possident, aut pauperibus. Vnde fit, quod possit aliquando accidere, vt ille, qui tenetur restituere, sit aliquis pauper, vt merito possit ei Ecclesia conferri, tunc iudicio confessio-

nis posset iste sibi reservare; dummodo tamen iste occasione non sumat vacandi ab officio. Vna tamen hic est notanda exceptio, quod quando restitutio est distributionum, quas canonici, vel beneficiati ex ministerio, vel choro habent, tunc non debet fieri, nisi ipsis canonicis, vel beneficiatis, qui officio interfuert, inter quos solent tales redditus distribui: nā quando res habet certum dominum, non debet reddi pauperibus. Idemque dicendum est de redditu canonicatus vltra distributiones, quæ sumitur ex communi massa, quæ solet intra canonicos diuidi: denique, quando redditus sunt ex aliquo communi sumptu, qui solet in pluries diuidi magis, vel minus, prout illa massa maior, vel minor est, tunc restitutio ipsis etiam beneficiatis, vel canonicis facienda est.

Quantum dictum est, non quotiescumque aliquis mortaliter peccat circa officium soluendum, obligatur ad restitutionem. Verbi gratia, si recitet absque aduertentia, ita ut nolit aduertere, mortaliter peccat, non tamen tenetur restituere. In choro etiam potest ita confabulari cum alijs, & immodestus esse, ut peccet, non tamen tenetur restituere; dummodo tamen non prætermittat officium. Vbi notare oportet circa eos, qui tarde ingrediuntur chorum, & tamen accipiunt distributiones, quod si isti aliqua rationabili causa id faciunt, idque raro, non tenentur: quod si absque vlla causa id faciunt, vel frequenter faciunt, non excusantur: dummodo tamen sit omisso alicuius partis notabilis officij.

Tertium genus eorum, qui recitare tenentur, sunt monachi seu religionib; licet non sint in maiori constituti ordine, obligantur officio: & quamuis non sit de hoc vllus canon, vt ait Scot. lib. 10. de inst. q. 5. art. 3. communis tamen opinio tenet, ipsi obligari propter consuetudinem. Per monachum autem siue religiosum intelligere oportet professum, & eum, qui est choro deputatus: non enim non tenentur secundum opinionem communem: & conuersi, siue laici, vt vocant, qui sunt ad ministeria corporis deputati, licet professi sint, non tenentur. huiusmodi sunt leuatae, & illi, qui ex instituto non tenentur ad officium: quamuis Tab. verb. hora, §. 8. teneat oppositum, probabilius tamen est primum, cum ad chorum non obligentur.

Quantum genus est Monialium: hæc enim tenentur ad officium secundum omnes, sunt monachi.

*De circumstantiis circa diuinum officium
obseruandis.*

C A P V T XIII.

SEx sunt circumstantiæ obseruandæ in diuino officio persoluendo.

Putà, numerus, ordo, qualitas, tempus, locus, modus. In primis numerus debet esse septenarius : singulis enim diebus sunt septem horæ persoluendæ, & vnâ absque causâ prætermittere, est mortale; dummodo non sit ex aliqua obliuione. Quod si aliquo die prætermisit totum officium, vel partem, peccauit quidem, sed non tenetur die sequenti repetere. Innoc. c. 1. de celebr. Miss. Silu. verb. hora, §. 17. debent autem istæ septem semel in die persolui, non bis, vel ter. Vnde qui in choro canendo totum, aut partem soluit, non tenetur illud particulatim repetere. Quod si in choro prætermisit, tunc tenetur Rursus, qui per Romanum breuiarium recitant officium, nõ obligantur recitare officium Beatæ Mariæ Virginis, neque septem Psalmos, neque officium mortuorum diebus, quibus solet recitari nisi in choro, & in die omnium defunctorum, vt constat ex motu proprio Pij Quinti. Ordo harum horarum non est in præcepto, cum priuatim extra chorum dicuntur: ordinem tamen absque vlla necessitate peruertere, veniale est peccatum. Cum verò acciderit, vt in choro dicantur horæ posteriores, ipse verò non persoluerit priores, benè faciet, si adfuerit choro, & postea priuatim dixerit priores. Similiter erit, cum ab aliqua persona alicuius momenti inuitatur ad simul persoluendas horas aliquas posteriores, potest quidem licite cum illo persoluere, & postea dicere priores prætermittas. Similiter ob aliam rationabilem causam occurrentem, vel propter obliuionem.

Qualitas est obseruanda etiam, Pro cuius intelligentia, scito esse multiplex officium. Vltra enim Romanum, sunt in singulis ferè ciuitatibus, seu Episcopatibus propria officia; & rursus, singulæ religiones habent suos modos recitandi proprios. Adhuc enim officium aliquando est de feria, aliquando de aliquo Sancto: dubitare ergo posset aliquis de obligatione horum, & monachi teneantur ad sua officia sub mortali, & an clerici Episcopatus possint recitare Romanum, vel aliud alterius Episcopatus absq; vlla facultate. Et quidem qualitas non

obligat sub mortali. Silu. verb. hora, §. 2. & 15. Caiet. verb. hora c. 2. Armil. verb. hora, §. 7. immò docent, quòd consuetudo solum obliget sub decencia, non sub peccato. Mihi autem hoc non probatur, crediderim enim, qui tenentur recitare. Officiu Romanu, & scienter non recitant, iuxta præscriptam formam Ecclesiæ Romanæ, aut particularis Ecclesiæ, mortaliter peccare, loquor quando in particulari recitantur horæ: nam de choro non est dubium teneri singulos ad cantandum officiu iuxta qualitatem suam, nec licet sine dispensatione suorum superiorum mutare. Vnum tamē notandum est, cū ex inaduertentia officiu mutatum est, vt, qui celebraturus erat de Sancto, celebrat de feria, vel è contra, tunc non est opus omnia repetere, sed solum quod fuit particulare festo, vel feria, vt Hymnus, Antiphonæ, oratio, tina lectio, si fuit Matutinum, vel oratio in alijs horis. Hoc autem est in officio nouo: nam in veteri totū est propriu, & totum debet repeti. Quando verò aliquis psalmus, vel aliud prætermissum est obliuione, vel alia causa, sufficit repetere tantum illud; securius autem est, vt quisq; clericus suo Episcopatu, & monachus suæ regulæ se accomodat.

Circa tempus, dico, quantum ad horas publicas, seruandum esse tempus propriu horarū, seu potius standu esse consuetudini obseruatæ in Ecclesijs circa hoc: & similiter priuilegijs circa Matutinum concessis. Quantum vero ad eos, qui priuatē horas recitant, dico, diem cōputari ab occasu diei præcedentis, vsque in mediam noctem sequentis: ita vt, qui hoc toto tempore horas soluerit, non peccet mortaliter; dummodo solum Matutinum dicat post occasum diei antecedentis, & non horas alias, nisi post mediam noctem: quamuis etiam Matutinum possit dicere per totum diem. Verbi gratia, horæ diei Veneris possunt recitari ab occasu diei Iouis, vsq; in mediam noctem Veneris. Qui toto hoc tempore non soluit peccat mortaliter, qui verò persoluit, licet omnes dicat nocte Veneris, nō peccat mortaliter, sed venialiter grauiter; si sine causa id faciat.

Hoc tamen obseruandum est, quòd, quamuis Matutinū dicere possit statim post occasum Iouis, non tamen dicere potest horas, nisi post mediam noctem, incipiente iam die Veneris. Vt verò horæ dicantur absque omni peccato, sunt obseruanda tempora, nempe vt Matutinum dicatur post occasum, vsque ad principiu Solis diei Veneris. Possunt

autem

autem separari laudes à matutino, vt dicatur noctu matutinum, & iam incipiente die laudes. Prima ante Solis ortum dici potest. Tertia aliquando post ortum Solis, prope prandium, Nona, Vesperæ etiam, & Completorium post prandium dici possunt, quamuis Completorium aliquando prope noctem.

Aliqua tamen causa rationabili, vel occupatione legitima, potest iste ordo perverti, & simul possunt recitari, ante, vel post prandium, sed melius est ante prandium ipso mane recitare vsque ad Nonam; & post prandium Vesperæ cum Completorio. Laudabilius etenim est antepondere, quam postponere: illud namq; magis indicat prouidentiam, hoc verò negligentiam. Tempore quadregesimali, qui priuatim diceret Vesperas post prandium, nequaquam peccaret mortaliter, quem admodum sentit Silu. ver. hora, §. 10. quod si sine vlla causa fieret, peccatum veniale esset. Omnia autem ista per priuilegium cessant ab obligatione.

Circa locum, dico, Horæ publicæ in Ecclesia dici debent. Priuatæ non habent locum determinatum, possunt in Ecclesia, vel domi, vel in agro, vel in via dici. Laudabilius tamen est vt vnusquisq; domi habeat locum aliquem secretum, vel oratorium, in quo dicat officium, vt cum attentione, & reuerentia maiori dicere possit.

Circa modum, obseruare oportet, vt dicat attentè, reuerenter, deuotè. Attendere quidem debet, vt aduertat quæ dicat. Multiplex tamen est aduerentia. Prima circa verba, vt singula proferat debite; Altera vt intelligat sensum verborum. Tertia, vt attendat finem orandi, scilicet, consideret se Deo præsentem, & cum ipso verba facere.

Prima attentio, seu aduertentia est necessaria. Vnde qui, aut verba non proferat, aut ex nimia acceleratione malè profert, aut qui cum alio recitans non expectat fines versuum, sed anticipat acceleranter, non implet præceptum. Neque similiter qui cum similibus recitant, neque reprehendunt. cap. dolentes, de celebratione Missarum.

Secunda aduerentia non est necessaria: nam multi non intelligunt in particulari, quæ verba intendunt.

Tertia non est necessaria, sed magnæ vtilitatis, & quam possunt etiam ignari sensus habere verborum. Est autem attentio illa verborum necessaria, aut actualis, aut virtualis. Actualis dicitur, quando actu aduertit: virtualis, cum incipit

animo dicendi officium & attendendi, & postea non mutat animum, quamuis non attendat. Ille mutat animum, qui aduertit se non attendere, & vult adhuc ad alia diuertere. Qui vero sic se non habet, censendus est aduertere. Hinc fit, quod non possit quis dicere officium, & vacare alijs negotijs, quibus attentio aufertur, vt scribere, seu alia legere, & simul recitare; vel etiam attendere officijs, quibus distrahi potest. Poterit tamen simul audire missam; & horas persolvere, quia ista ad vnu ordinantur finem. Et praeceptum audiendi missam, non est verbis intendere, sed sacrificio adesse, etiam verbis non auditis; vnde etiam praecepto missae satisfieri potest, & praecepto recitandi horas: quamuis quidam contrarium putent, sed sine ratione probabili. Ecce igitur quid sit attendere recitare. Debent etiam reuerenter recitare, quippe qui Deum laudat, & ipsi cultum exhibet, & cum Deo loquitur. Non est autem necessarium horas persolvere, quando priuatim recitantur nudo capite, aut genu flexo; quamuis, si fiat, decenter fieret.

Rursus debet esse deuotio, vt animus noster inflammetur amore Dei, quem laudamus; & ardeat desiderio videndi, quem fide serpentes praeconijs extollimus; quamuis si haec desit abique contemptu, non sit peccatum mortale. Haec igitur sunt obseruanda in officio persoluendo. Maxime autem curandum est, vt cum accedimus ad officium, nos praeparemus consideratione eius, ad quem laudandum accedimus, & petitione ab ipso, vt digne laudemus. Cum autem accedimus, gratias agamus, & veniam pro negligentijs commissis petamus. Est autem vna ratio Leonis Papae notanda. Concessit enim iste Papa, vt, qui post officium ipsam dixerit, remissionem admissionum negligentiarum, in officio recitando, consequatur. Oratio ista est.

Sacro sanctae, & indiuiduae Trinitati crucifixi Iesu Christi Domini nostri humiliter, ac beatissime, ac gloriosissime Virginis Mariae secunditati, & omnium sanctorum vniuersitati, sit sempiterna laus, honor, virtus, & gloria ab omni creatura, nobisq; remissio peccatorum, per infinita secula seculorum, Amen. Beata vbera Mariae Virginis, quae portauerunt eterni patris filium. Beata vbera, quae lactauerunt Christum Dominum. Pater noster. Ave Maria. Refert hoc Nauat cap. quando, de cons. d. 1. notab. 19.

*De causis excusantibus ab officio persoluen-
do.*

CAPVT XIV.

Aliquæ sunt causæ, quæ excusant ab officio persoluen-
do.

Prima est infirmitas, non quæcumque, sed cum talis est, ut recitare inferat aliquod notabile damnum. Innoc. ca. i. de celebr. Miss. unde, cum infirmitas levis est, & commode absque damno recitari potest, non excusat. Panorm. ibidem, Quod sit, ut quartana non excuset, saltem illo tempore, quo homo non vexatur febris. Cum autem homo per infirmitatem excusatur ab officio, non tenetur aliud recitare, nec mente orare nec alios recitantes audire. Potest aliquando esse, ut talis sit infirmitas, ut nec documentum inferat recitare, non autem celebrate sacrum, & tunc potest celebrari absque officij recitatione. Similiter cæcus excusatur à recitando, & is, cuius nimis nocet visui recitare, & iste potest dicere sacrum. Isti autem qui excusantur à recitando non tenentur alios audire recitantes, Palud. 4. d. 15. art. 2. nec alias orationes dicere.

Altera causa est, occupatio alterius negotij, cui tenetur magis incumbere, puta, cum quis circa prædicationem publicam, (Vide Silu. verb. hora, §. 18.) aut lectionem aliquam ita est impeditus, ut non possit satisfacere, si officio horarum vacet. Similiter qui habet curam infirmi alicuius, & non potest vacare officio absque gravi damno infirmi, isti non tenentur pro tunc officium dicere, quamvis maxima cura adhibenda est, ut quantum fieri possit, officium, aut pars aliqua persoluantur. Officium enim, cum sit maxime proprium clerico, non est præmittendum, nisi gravi urgente necessitate, ut aliud fieri non possit. Similiter, qui ad impediendum populi concertationem, vel aliquos pugnantes, ubi est periculum mortis, currit, & tempus recitandi præterijt, iste potest pro tunc omittere officium.

Tertia causa est, cum deest breuiarium; nam si aliquis perdidit breuiarium, & est in loco, ubi non potest aliud habere, non tenetur. Quod si est in loco, ubi sunt breuiaria, sed non habet unde emat, quia pauper est non tenetur, tenetur tamen aliquid aliud recitare, ut tenet Fumus, ver. hora. §. maximè si beneficiatus est. Sed ego non credo; quia non tenetur nisi ad officium, cum ab hoc liberetur, nec est amplius obligatio.

Quod

Quòd si sua culpa perdidit à principio, peccauit tunc, sed postea non peccat in nō persoluendo, nisi ipsi proiecisset breuiarium, vt se impossibilitaret ad recitandum: tunc peccat quoties non recitauerit, nisi postea poenituerit.

Quarta causa est, dispensatio Papalis. Potest enim non recitare si Papa dispensat. Sed nota quòd Papa non dispensat absolute, sed cōmutat in aliquas orationes alias: & aliqui dicunt quòd non potest dispensare sine commutatione, praelertim quando obligatur ad persoluendum officium ratione beneficij; sed existimo id sine fundamento dictum esse.

Quinta causa est, ex tenuitate beneficij: quando enim beneficium est tenuissimum, vt puta non excedens quantitatem octo ducatorum, tunc non tenetur ad tantum onus, quantum est officium, secus si esset pinguius, quāuis adhuc ad sustentamentum non sufficeret, sed aliqua saltem bona pars sustentationis. ita tenet Soto lib. 10. de iustit. q. 5. art. 3. contrarium tamen tenet Gloss. can. clericus, dist. 91. & Silu. verb. hora. §. 3. tenenda tamen est sententia posterior, quòd tenetur recitare: nullus enim canon excusat eum; & ratione tituli obligatur ad horas persolueudas.

Sexta causa est, quando habet beneficium. tamen non recipit vltos fructus, nec per se. nec per alium, nec per ipsum stat, quò minus recipiat. Vbi nota tres conditiones esse necessarias vt qui habet titulum beneficij excusetur.

Prima est, quòd nullos recipiat fructus: vnde qui recipit saltem distributiones, quamuis non recipiat redditus tenetur recitare: vnde qui omnes redditus pro pensione reddunt, non excusantur, si beneficij administratio ipsis competat.

Secunda est, quòd nec per se, nec per alium recipiat; vnde qui per alios recipiat, tenetur: ex quo fit vt multi iuuenes teneantur recitare, quorum patres redditus percipiunt.

Tertia est, quòd per ipsos non stet, quò minus recipiant; vnde qui nō recipiunt vltos fructus sua culpa, quia non seruiunt, vel quia non accipiunt possessionem, non excusantur ab officio soluendo. Quando verò hæ tres conditiones concurrunt, non tenetur, puta, quando non recipit vltos fructus, nec per ipsum stat, quò minus recipiat, talis non tenetur; nisi tamen speret recipere: nam si hoc est, & sperat certo recepturum se fructus etiam illius temporis presentis, quia certa est iustitia, vt sit, quando ipse est spoliatus, & pars aduersa intrusa, tunc tenetur recitare ex tunc. Ex his sequitur, quòd qui solum habet

bet titulum, & ex concessione Papali omnes redditus alteri dantur, simul cum tota beneficij administratione, iste talis non renetur.

Quid sit Sacramentum.

CAPVT XV.

DE primo Sacerdotis officio haecenus diximus in libro isto, nunc de secundo, puta sacramentorum administratione, differendum est. Non autem est, ut diximus in lib. i. officium omnibus sacerdotib. commune, sed ijs, quorum est aliqua iurisdicctio, saltem in foro interiori: quoniam verò alterius à Sacerdote non est ista ministrare, meritò inter officia Sacerdotis hoc etiam computatur. Ab eius igitur descriptione incipiendum est, puta, quid sit sacramentum. Quamuis autem variae dentur à Doctoribus descriptiones, nobis sic videtur posse facilius, & compendiosius describi. Sacramentum est *signum sensibile spirituales animae sanctificationis, ad cultum veri Dei à Christo Domino insinuatum.* In qua descriptione sunt quinque partes maxime considerandae.

Prima est signum, Vocamus signum, aliquid, quod, ultra cognitionem sui ducit nos in alterius cognitionem: hoc est, dum se facit cognoscere, simile etiam aliud reducit in mentem. Sacramentum est huiusmodi: est enim quaedam res, quae ultra sui cognitionem, aliud etiam cognoscere facit. Sunt autem tria genera signorum, primum dicitur rememorative, secundum, demonstrative, tertium, prognosticum.

Rememoratiuum est, quod facit nos sua praesentia recordari alterius, ut, cum aliquis vult non obliuisci alterius, digitum sibi ligat, solum signum est rememoratiuum eius, quod sibi proponit obseruandum.

Demonstratiuum, est signum, quod aliquam occultam rem praesentem demonstrat, ut ramus ante tabernam, signum est vini, quod ibi venditur.

Prognosticum, quod futura praenunciat, ut Iris est signum prognosticum futurae pluuiae. Sacramentum non tantum est signum vno modo, sed his tribus: est enim rememoratiuum, demonstratiuum, & prognosticum, ut declarabitur. Altera pars est, *Sensibile.* Cum enim res quaedam sint sensibiles, nempe quae

quæ aliquo sensu exteriori percipiuntur: quædam spirituales, quæ non percipiuntur sensibus, fieri etiam potest, vt sit dignum sensibile & spirituale; sed sacramentum signum est quoddam sensibile, id est, res quædam sensibus subiecta, indicans tamen aliquid occultum.

Tertia pars est, *spiritualis sanctificationis animæ*. In hac declaratur cuius signum sit istud sacramentum; & dicitur esse signum spiritualis sanctificationis animæ, seu potius rei animæ sanctificantis. Anima autem sanctificatur per gratiæ, virtutum, & donorum infusionem, seu per gratiam, quam reliqua comitantur. Est igitur sacramentum res quædam sensibilis, quæ indicat animam hominis interiùs per gratiā sanctificari. Cum enim aliquis baptizatur, illa verba, *Ego te baptizo*, & illa, lauans aqua, actus quidam est sensibilis, qui indicat animam hominis interiùs per gratiam sanctificari. Ob id sacramenta dicuntur signa gratiæ, seu signa rei sacræ. Per rem sacram, gratia intelligitur. Dicitur etiam *visibilis forma, inuisibilis gratia*. Aduerte tamen, quod sacramenta non tantum sint signa gratiæ nos formaliter sanctificantis, seu etiam passionis Domini effectiue nos sanctificantis, sed similiter futuræ beatitudinis finaliter sanctificantis. Vnde Sacramentum est signum passionis rememorative, gratiæ demonstratiuum, & gloriæ prognosticum. Quod in illa Antiphona sanctissimi Sacramenti exponitur, cui per excellentiam ista appropriantur, quæ tamen omni sacramento conueniunt. *O sacrum conuiuium, in quo Christus sumitur, recolitur memoria passionis eius, nobis impletur gratia, et futura glorie, nobis pignus datur.*

Quarta pars est, *ad cultum veri Dei institutum*. Circa huius declarationem aduerte, quod Christus Dominus, non solum fuit noster Redemptor à peccato, & reparator, sed doctor, & magister instruens, & docens viam, qua regnum cœleste consequamur. Hinc est, quod non solum vt Redemptor debuit nobis remedia relinquere, quibus à peccato mundaremur, sed vt doctor, & magister debuit nos instruere, & relinquere modum, & ceremonias sui cultus, quibus Deum venerationem, & adoraremur. Hæc vtrique complexus est simul in sacramentis: nam sacramenta non solum sunt medicinæ quædam, & remedia contra peccatum; sed etiam sunt cultus, & ceremoniæ quædam, quibus Christiani & fideles Deum venerantur. Qui ergo hoc sacramentum suscipit, hæc duo simul exercet.

et. Ob id, in descriptione posita est illa pars, *instituti ad cultum veri Dei.*

Quinta pars est, à Christo Domino: sciendum est enim, quòd particulæ omnes præcedentes huius descriptionis conveniunt sacramentis legis veteris: Circumcisio enim erat signum sensibile: erant enim signa gratiæ, & in cultum Dei instituta. Sed in hac ultima particula discrimen est à sacramentis legis Evangelicæ: nam illa erant à Deo instituta; est enim Deus etiam saluator & instructor veritatis, at nostra sunt à Deo per Christum Dominum; Christus enim omnia nostra sacramenta instituit. Ex his tota definitio sacramenti manet exposita. Aliud est etiam discrimen notandum inter sacramenta nostra, & veteris legis, quòd nostra efficiunt gratiam, quam signant: sunt enim instrumenta effectiva gratiæ, at illa antiqua non efficiebant gratiam, sed in illis dabatur gratia ex fide venturi Messie. Dicitur sacramentum, quasi quoddam sacrum secretum. Est enim magnum secretum, quòd res sensibilis quædam animam interius purificet. Quamvis autem apud antiquos Latinos, non sumatur in ista significatione, nihil refert; non enim habuerunt rem, sicut nos. Emergentibus autem rebus, novas licet imponere voces.

De his, quæ in sacramento necessaria sunt.

CAPUT XVI.

Quinque in sacramento conveniunt, materia, forma sacramenti, intentio ministri conferentis, intentio suscipientis, effectus ipsius sacramenti. Quatuor priora sunt de necessitate sacramenti, ita ut, vel vno deficiente, sacramentum non sit: vitium autem, non semper est de necessitate: nam potest verum sacramentum consistere, quamvis non sequatur effectus ipsius, ut paulò post declarabitur. Oportet autem singula hæc declarare in communi: nam post in particulari declaranda sunt.

In sacramento reperiuntur res, & verba. Verbi gratia, in Baptismo est aqua & verba, *Ego te baptizo*. In poenitentia, res sunt peccata: verba. *Ego te absolvo*, sic in alijs, res, dicitur materia Sacramenti, verba ipsa, dicuntur forma. Sunt autem ista adeò necessaria, ut, si adhibeatur res sine verbo, vel verbum sine re, nullum sit sacramentum.

Adhuc

Adhuc etiam debet esse minister, qui in omnibus sacramentis est necessarius, licet non in omnibus opus sit distinguere à suscipiente. Nam in Eucharistia, Sacerdos se communicat, & in Matrimonio coniuges inter se contrahunt; in alijs semper est distinctus; nullus enim se baptizare, confirmare, absolueret, ordinare, aut vngere potest. Est autem in ministro sacramenta conferente necessaria intentio ista, quæ intentio debet esse conferendi ipsum sacramentum, & faciendi quod facit Ecclesia, aut minister Ecclesiæ.

Vnde, qui absq; illa intentione faceret, nullum conferret sacramentum; qui verò cum hac intentione fecerit, quamvis credat quæ facit non habere efficaciam, & nihil esse, tamen Sacramentum confert. Vnde tali intentione baptizatus ab infidelibus collatus valeret. Nec opus est, quod ista intentio sit actualis: sat enim est, quod sit virtualis, id est, quod, dum accedit ad sacramentum conferendum, accedat eo animo, faciendo quod facit Ecclesia, licet, actu non cogitet quod facit: immò nec opus est, ut, cum accedit, dicat actualiter, intendo facere, quod facit Ecclesia, sed, quod talis intentionis virtute moueatur, scilicet, quod accedit ut minister Ecclesiæ, ad conferendum, quod est sui muneris.

Vltra etiam hoc, est necessaria intentio suscipientis, cum adultus est. Nam in paruulis Ecclesia supplet intentionem illorum; in adultis autem opus est intentione, adeò ut, si quis vi, aut nolens baptizaretur, non esset baptizatus, aut dormiens, aut amens, dummodò non praesens esset intentio, vel esset saltem virtualis; cum confertur: ista enim sufficeret. Idem etiam de alijs sacramentis censendum est. Hæc igitur quatuor sunt ad integritatem sacramenti pertinentia, quorum singulis deficientibus, nullum est sacramentum, & reiterari deberet.

Effectus sacramenti duplex est, vnus communis, & generalis omnibus sacramētis. Alter est specialis quibuscumque tantum, non omnibus.

Effectus generalis est, gratia. Omnia enim sacramenta conferunt gratiam debite accedentibus & suscipientibus, & hoc ex opere operato, id est, ex vi ipsius sacramenti. Vt tenus, deuotioni cuiusque, vltra gradum gratia respondentem, datur quidam gradus gratis propter ipsum sacramentum. Attende tamen, quod duplex est gratia, prima, & secunda.

Prima est, quæ datur homini, qui erat in peccato, vel non erat Dei amicus.

Gratia secunda est, quæ datur iam existenti in gratia. Nam gratia habita augetur per additionem noui gradus gratiæ, Sacramenta ergo dant gratiam habenti, & sic conferunt gratiã secundam. Dant autem non habenti, vt pueris ante vsum rationis, & his, qui sunt in peccato quidem, sed cum attritione accedunt putata contritione: hi gratiam primam recipiunt; & hoc est, quod alij dicunt communiter, sacramenta ex attrito faciunt contritum, id est, aliquando homo debet de peccato dolere, qui per se non sufficeret delere peccatum, & tamen accedente sacramento, deletur. Cum gratia intelligas charitatem, & alias virtutes, quæ ex ipsa sequuntur.

Effectus particularis est character. Est autem character, potestas quædam spiritalis, quæ indebiliter imprimitur in animæ potentia rationabili, scilicet intellectu.

Triplex potestas spiritalis datur in sacramentis.

Vna est, ad cõferenda & ministranda spiritalia, & hæc potestas in sacramento ordinis datur.

Altera est ad recipienda spiritalia, & sacramenta, & hæc datur in baptismo: est enim baptismus sacramentorum ianua; non baptizato enim nullum prodest sacramentum, nisi post baptismum.

Tertia est, ad fortiter agendum contra Christi inimicos, scilicet mundum, carnem, & dæmonem, vincendasque tentationes eorum, & hæc datur in Confirmatione, per quam homo recipit signum militiæ Christi, & se pro ipso fortiter pugnare obligat. Vnde, cum triplex sit potestas, est triplex sacramentum characterem imprimens, Ordo, Baptismus, Confirmatio. Est autem ista qualitas, quæ dicitur character, à Deo indebiliter impressa, vt nec per mortem auferatur. Vnde, si quis mortuus resuscitasset, non esset iterum baptizandus, nec cõfirmandus, nec ordinandus, si viuus ista receperat: ob id ista sacramenta non possunt iterari. Hæc igitur quinq; sunt in sacramento consideranda.

De numero, & sufficientia sacramentorum.

CAPV T XI.

Septem esse sacramenta Ecclesiæ, fides docet, ideoque hæreticis esset, id negare. Hæc autem sunt, Baptismus, Confir-

Aa

matio,

matio, Eucharistia, Pœnitentia, Extrema vnctio, Ordo sacer, Matrimoniu. Quorum sufficientia sumi potest ex perfectione vitæ corporalis, ad cuius similitudinem procedit vita spiritualis. In vita autem corporali perficitur homo dupliciter, primò in se, vt est quædam particularis persona, secundò in ordine ad alios, vt est pars reipublicæ. Est enim homo ciuile animal.

In se primo omnium perficitur per generationem, qua recipit esse.

Secundò, per augmentationem, qua ad debitum terminum quantitatis peruenit.

Tertiò, per nutritionem, qua in robore, & esse suo conferuatur.

Quartò, si in morbum incidit, sanatur per medicinam.

Quintò, post sanitatem acquisitam, reliquias infirmitatis per dietam expellit, & bonum regimen. In ordine ad alios perficitur per dignitatem, qua alijs præficatur, & alios gubernat, & per contractum matrimonium, quo respublica in sua multitudine conseruatur. Ad hanc similitudinem vita spiritualis procedit.

Primò homo nascitur in vita spirituali, qua antè erat priuatus, & hoc fit per baptismum, quo homo nascitur denuò in spiritu.

Secundò, indiget robore gratiæ susceptæ, & hoc fit per Confirmationem.

Tertiò, indiget cibo spirituali, quo anima nutritur in gratia & spiritu, & hoc per Eucharistiam, quæ viaticum dicitur.

Quartò, indiget medicina sanante, si quando in peccatum incidat, & hoc fit per pœnitentiam.

Quintò, indiget expellere reliquias aliquas ex peccatis remanentes: non enim homo dolet, sicut debet, ex negligentia sua, & ad hoc indiget extrema vnctione, quæ datur tempore mortis, quia tunc anima omninò debet esse purgata, quippe quæ diuino conspectui est præsentanda. His sacramentis homo perficitur per ordinem, quo homo potestatem habet alijs sacramenta ministrandi. Similiter per matrimonium, quo multitudo hominum conseruatur: ex quorum congregatione Ecclesiæ consistit. Vnde fit, vt sacramentorum numerus sufficiens sit, & completus. Ex his sacramentis aliqua dicuntur necessaria ad salutem, sine quibus non potest contingere alicuius salus. Aliqua non necessaria, quamuis omnia sint in præcepto,

cepto. Baptismus, & Pœnitentia sunt necessaria. Baptismus quidem omnibus, Pœnitentia his, qui mortaliter peccāt. Sunt autem sic necessaria, vt nullus secundum legem ordinariam Dei modò possit ingredi cœlum, quin baptizetur; & si post baptismum peccat mortaliter, quin pœniteat, & confiteatur. Attende tamen, quòd non sunt ita necessaria in re, sāt est in voto, & proposito, cūm re haberi non possunt. Vnde qui dolet de peccato sufficienter, & cūm proposito confitendi, vel voluntate, si posset, consequitur gratiam, & si moritur, saluatur. Idem de Baptismo. Vnde catuchumeni, qui Baptismum in voto habent, si casu moriantur, si dolorē de peccatis habuerunt, salui sūt. Alia Sacramenta, puta, Eucharistia, Confirmatio, Extrema vnctio, sunt quidem in præcepto certis temporibus, & cūm haberi possunt, ita vt obligent tunc ad susceptionem, sed non sic, vt sine illis non contingat salus. Ordo, & Matrimonium sunt necessaria in Ecclesia in communi considerata, & sic obligant ad susceptionem; tamen ista necessitas non se extendit ad personas particulares, nisi ratio necessitatis virgeat vt si tanta esset hominum paucitas, vt aliqui obligarentur ad matrimonium, & aliqui ad ordinem, quod modo non euenit. Superest, vt in particulari de singulis tractemus.

De materia remota, & propinqua Baptismi.

C A P V T XVIII.

Primum omnium sacramentorum, secundum ordinem susceptionis, est baptismus, quem Magister sent. in libr. 3. dist. 3. sic definit. Baptismus est ablutio corporis exterius facta, sub præscripta forma verborum. In baptismo, sicut in quouis sacramento, quinque sunt consideranda, materia, forma, minister, suscipiens, effectus.

Materia duplex est, alia remota, altera propinqua. Materia remota est aqua: propinqua est ablutio, quæ fit mediante aqua. Tractemus prius de materia remota. Hec debet esse aqua elementaris, ideoque in alio liquore non licet baptizare, nec valet baptismus. Vnde in vino, ceruisia, & lacte, non potest esse baptismus. Similiter nec in liquoribus herbarum, florum, aut arborum, quæ non sunt aquæ elementares. Similiter nec in sudore, spū, vrina, quæ sunt excrementa, non aqua. Attende tamen, quòd quamuis aqua sit alterata, dum-

modò nō sit eius substantia mutata, potest esse materia sacramenti. Vnde in niue, non potest esse baptisimus, quia iam est habens aliam formam substantialem ab aqua: at verò, quando manet aqua, est materia; vnde nihil refert, an sit calida, vel frigida, pluuiialis, vel fluuiialis, falsa qualis est maris, vel dulcis, pura, vel mixta; dummodo non sit mixtio tanta, vt aqua non sit. Vnde potest esse baptisimus in lixiuio, brodio carnum vel piscium, quando non est notabilis mixtio, vt aqua nō sit. Potest esse etiam in aqua expressa à luto, si qua exprimitur, licet si cum terra, similiter in aqua sulphurea: hæc omnia materia esse possunt, licet non sit adhibenda, nisi in extremo necessitatis tempore. Aqua rursus tempore necessitatis non est opus sit benedicta, extra casum necessitatis peccat mortaliter, qui ei non benedicta baptizat. Immodò debet esse chrism nouum illius anni, nisi necessitas sit, vt habetur c. si quis alio, de consec. dist. 4. Dices, quare Christus instituit aquam materiam huius sacramenti.

Dico id esse factum propter duo, & propter significationē & propter vsum,

Propter significationem quidem, quia optimè exprimit aqua tres effectus baptisimi.

Aqua enim ratione suæ humiditatis ita lauat, vt non relinquat aliquid immunditiæ, reliqui humores non sic: vinum enim relinquit odorem, oleum maculam, lac colorem, aqua nihil. In quo significatur baptisimi effectus: totam enim maculam, siue culpam, totam poenam auferit.

Secundò, aqua ratione frigiditatis temperat calores & æstus: baptisimus temperat carnis concupiscentiā: effractor enim est concupiscentia non baptizati, quam baptizati.

Tertiò, aqua ratione claritatis recipit radios lucis: per baptismum homo fit aptus ad recipiendum alia sacramenta, & gratiam Dei.

Fuit & aqua instituta propter vsum, quia cum hoc sacramentum sit omninò necessitatis, debuit habere materiā communissimam, qualis est aqua, quæ vbique reperitur. Est igitur materia remota, aqua.

Materia propinqua est, ablutio: est enim opus, quòd abluat corpus. Nota tamen, quòd per abluionem, intelligimus vel immersionem, siue vnā, siue trinā, vel asperisionem, vel effusionem: quocumque modo horum fiat, tenet baptismus. Tamen quisq; debet baptizare, iuxta ritum suæ Ecclesiæ, nisi aliud

aliud petat necessitas, vel honestas. Necessitas quidem, ut in loco, ubi est trina, vel una immersio, cum est periculum nocu-
menti infantis, potest aspergi, vel pauca aqua suffundi. Hone-
stas, ut, si adultus est, non debet immergi, sed sufficit effusio.
Attende tamen, quod debet esse caput, nisi urgeat necessitas.
Cum enim puer in ventre matris periclitatur, & emisit ma-
num, vel pedem, potest baptizari in illa parte, & hoc est proba-
bilius, licet aliqui dicant, illum non posse baptizari. S. Tho. 3. p.
q. 68. art. 11. tenet quod potest, tamen, si viuit, est denuo sub co-
ditione baptizandus, licet probabile sit, quod non oporteat re-
baptizari, ut alij sentiunt, quos citat Siluest. ver. bapt. §. 1. No-
ta etiam, quod debet esse ablutio, id est: actus ex se ordinatus ad
abluionem. Vnde qui puerum morientem proficit in puteum
profundum, ut baptizetur, quamuis suffocaretur, quia non
potest ab aqua extrahi, iste non baptizat, sed occidit, peccatque
mortaliter, & est irregularis, ut dicit Siluest. loco citato. §. 10.
contra aliquos: non enim ille est actus abluendi. Potest autem
in illo casu vestem extendere, ut aquam ebibat, & postea ex-
pressionem baptizare, vel puerum in cistella positum chorda vs-
que ad aquam dimittere & extrahere. Quod si hæc non pos-
sunt fieri, iudicandum est de hoc, ac si omnino deesset aqua.
Nota rursus, quod aqua debet tangere corpus, vel partem. Vn-
de in ventre non potest puer baptizari aqua superiniecta ma-
tri. Nec similiter potest aliquis intra corium inclusus baptiza-
ri. Sufficeret, ut dicit Soto, quod aqua caderet super capillos ca-
pitis, licet non ita penetraret, ut cutem ipsam attingeret. Hæc
igitur est utraque materia Baptismi.

De forma Baptismi.

CAPVT XIX.

Baptismi forma sunt verba, quæ simul cum ablutione pro-
feruntur. Hæc autem triplex est.

Vna secundum Latinam Ecclesiam.

Alteri secundum Græcam.

Tertia, quia uti opus est in baptismo dubio, cum, puta, ali-
quid est dubium, an baptizandus alias esset baptizatus. Non
autem intelligendum, quod triplex sit forma substantia: una
enim est, sed varius exprimendi modus.

Græcorum forma est, *Baptizetur seruum Christi, talis, exprimēdo nomen eius, in nomine Patris, & Filij, & Spiritus sancti.*

Latinorum verò forma est, *Ego te baptizo in nomine Patris, & Filij, & Spiritus sancti, Amen.* Et baptizandi sub dubio est: *Si es baptizatus, nō te rebaptizo, sed si nō es baptizatus, ego te baptizo, &c.* Quamuis, credo, sufficeret ista vltima, si non es baptizatus, &c. Est autem in omni forma obseruandum, vt simul sit cum ipsa materia. Nec enim prius verba, quam materia adhibeatur, sunt proferenda; nec etiam post. Vnde, qui post aquæ effusionem verba subiungeret, vel antè proferret, non baptizaret, quamuis non sit necessaria mathematica, vel physica similitas, vt in eodem instanti materia, & forma incipiant, sit est moralis similitas. Vnde licet post vnā vocem emissam aqua infunderetur, vel antè, non esset inconueniens. Est autem circa has formas aduertendum, quòd non debent vllò modo variari, sed integrè seruari, aliàs ex negligentia variare, vel consultiò, peccatum est graue. Non tamen ob id omnis variatio impedit formā, quo minus verum faciat baptismum; aliquando enim impedit, aliquando non; pro quo, hoc est generaliter aduertendum, quòd quoties mutatur sensus verborum positorum, tunc non est forma, & consequenter nec baptismus, vt si quis alia quadam sententia, vel ordine vellet baptizare, non est baptizatus. In particulari aduertendum est esse sex mutationum species. Est enim subtractio verborum, additio, variatio, transpositio, corruptio, interruptio, quas singulas explicare oportet. Explicabimus autem in *Lect.* a forma, quæ in vltimo nostro est, continetur autem his verbis:

Nil forme demas, nil ponas, nil variabis.

Transformare cane, torrumperere, verba morari.

In primis, non quælibet subtractio verborum in illa forma aufert baptismum, quāuis vnum auferre verbū absq; cau-
 sit, sit peccatum graue, in primis illa duo verba, *Ego, Amen*, non sunt de necessitate, quamuis prætermittere peccatum esset. maxime illud, *Ego*; nam, *Amen*, non in omnibus Ecclesijs est vsus, vbi autem vsus est illud proferendi, non est prætermittendum. Si prætermittatur, nō aufertur forma. Pronomen, *Te*, necessarium est ita, vt qui tantum diceret, *baptizo*, non baptizaret. Reliqua verba necessaria sunt, aded quòd auferre nomen vnius persone, non esset baptismus. Similiter auferre prepositionem, *in*. Aliqui volunt, quòd illud, &, sit necessarium, sed non puro
 ita

ita esse: nam latinè non aufertur sensus, quamuis subtrahatur illa copula. Additio etiam aliquando aufert, aliquando non aufert formam: quando additur aliquid repugnans fidei, quæ exprimitur in illis verbis, non valet: ut si Ariani diceret: *Baptizo te in nomine Patris maioris, & Filij minoris, & Spiritus sancti*, non baptizaret, Quod si nihil est contrarium fidei Trinitatis quod apponitur, forma valet, ut si diceret: *Ego indignus minister te baptizo in nomine Patris omnipotentis, & Filij unigeniti, & Spiritus sancti ab vtroque procedentis*, vera est forma: ista tamè nullo modo verbis sacramentorum miscenda, sed purè recitanda sunt. Verborum varietas multiplex est, non tamen omnis impedit. In primis, quantum ad idioma, non impeditur forma, si Hispano, vel Germano, vel Italico, vel quouis idiomate dicatur, dum idem retineatur sensus, Immo melius facerent isti, qui in necessitate baptizant, si nativo sermone proferrent: cum enim ignari sint lingue Latinæ, ridiculas voces emittunt. In baptismo tamen solent omnes Latini Latino sermone uti debent. Alia est variatio inter sermonem Latinum: in primis, si loco illius, *Ego*, dicat, *nos*, ratione dignitatis, sicut Episcopi solent loqui, baptismus est. Similiter si, *Te*, mutet in, *vos*, vel in *vestram dominationem*, vel in nomen ipsius baptizandi, valet forma. Similiter, si verbum eadem causa mutet in plurale, *baptizamus*, aut mutet in passivo, *baptizetis à me*, etiam valet, aut si loco illius verbi, *baptizo*, dicat *abluo*, vel *lauo*, vel *immergo*, vel *aqua tergo*, vel quid simile. At si dicat in nominibus Patris, &c. non valet baptismus: nomen ibi fidem, veritatem, potestatem, maiestatem, inuocationem significat, quæ vnum sunt in tribus personis. Nec etiam valet, si loco, nomine, dicat, *fide*, vel *virtute*, quia plus significat nomen: posset quidem dicere, *In nomine Patris, in nomine Filij, & in nomine Spiritus sancti*. Similiter non valeret, si diceret, *In nomine Trinitatis*, & non exprimeret personas, vel si diceret, *In nomine Christi*: nam si Apostoli vti sunt hac forma, id fuit ex peculiari reuelatione Spiritus sancti: ad imprimendum nomen Christi in cordibus fidelium incipientium; modò non licet abique tali reuelatione, nec esset baptismus, & hoc puto probabilius. Similiter non valet, si mutantur nomina personarum, & dicatur: *In nomine genitoris, geniti, & procedentis ab vtroque*. Et hæc est communis sententia: licet aliqui dicant valere. In re tamen ita graui securior est sententia communis. Tamen dici posset, *In nomine Patris, Christi, & Spiritus sancti*. Hæc de variatione.

Circa transpositionem notandum est, quod quoties sensus idem manet, non aufert transpositio verborum formam, Vnde si quis dicat, *In nomine Patris, Filij, & Spiritus sancti ego te baptizo, Amen*: vel si dicat, *In nomine Patris ego te baptizo, & Filij, & Spiritus sancti*: vel si dicat, ordine personarum mutato, *Ego te baptizo in nomine Filij, & Patris, & Spiritus sancti*, dum nō intendat errorem inducere cōtra fidem, baptismus est. Tanta tamen posset esse in aliquibus formis transpositio, vt sensus auferretur, & tunc non valeret.

Circa corruptionem, quæ in pronuntiatione consistit, si tanta sit, vt penitus verborum significatio eadem non appareat secundum communem intelligendi modum, non est tunc forma, at si non sit tanta, siue ex ignorantia, siue ex malitia faciat, dummodò seruetur debita intentio, non ob id forma perit, Vnde approbatur illa forma dicta à quodam ignorante, *Ego te baptizo in nomine Patria, Filia, & Spiritua sancta*. Ita approbavit Zacharias Papa, cap. retulerunt, de consecrat. d. 4. Hinc fit, vt cum in forma non sit integra pronuntiatio, non ob id sit repetenda, vt si loco M. profertur N. vel subiceatur litera, dicendo, *Ego te absoluo*, vel *assoluo te*, vel quid simile, pro, *Ego te absoluo*.

Circa interruptionem etiam notandum est, quod cum est tanta mora interposita, vt iam sit notabilis, est repetenda ex integro forma; at si quis sperandi gratia non continuauit formam, non est opus repetere. Hæc omnia, quæ dicimus de forma baptismi, etiam de alijs sacramentorum formis sunt intelligenda, & etiam de Græcorum forma. Valeret enim, si diceret, *Ego te baptizo seruum Christi*, vel etiam *Christus baptizat hunc seruum suum*: nam Græci ita intelligunt, cum dicunt, *baptizetur seruum Christi*, scilicet, à Christo; similiter in alijs, quæ diximus, maxime enim seruandus est sensus. Vnum tamen hic notandum est, quod si quis Latinus baptizaret in forma Græca, verè baptizaret, & hoc est probabilius, licet alij id negent, tamen peccaret, non seruans morem, & præceptum sue Ecclesie. Est etiam obseruandum, quod in forma Latina plura exprimantur, quam in forma Græca: nam in forma Latina exprimitur causa principalis baptismi, S. Trinitas, & similiter eadem inuocatur. Exprimitur suscipiens baptismū, & minister, & actus ipse baptismi. At Græci ministrum subticent, forsitan ad tollendum eorum errorem, qui putabāt ministrum esse causam principalem, quos reprehendit Paulus. Dicebant enim: *Ego sum Paulus*,
ego

ego sum Apollo. Præterea Latinus videtur indicatiuo, ad exprimendam præfentialitatem effectus, Græci, deprecatiuo, ad significandum, quod à Deo est communicanda gratia. Rursus, Latinus videtur secunda persona, quia aures spirituales considerat in baptizato; at Græcus tertia persona, vtens illorum baptizatorum nomine, quia non semper corporaliter audiunt: Græci tamen, si intentionem debitam habeant, verè in sua baptizant forma.

De ministrante baptismum.

CAPVT XX.

VLTRA materiam, & formam sacramenti, necessarius est minister conferens. Hic autem non potest esse vnus respectu sui ipsius minister, quia tunc veritas formæ non consisteret: non enim verum esset dicere, *Ego te baptizo*. Est autem duplex minister, vnus necessitatis, alter ex officio. Minister ex officio tantum est Sacerdos, & non omnis, sed Curatus, seu Parochus; adeoque peccaret, qui extra necessitatem baptizaret, nisi Parochus esset; & si laicus esset, fieret irregularis, vt habetur c. de clerico non ordinato ministrante: hæc tamen irregularitas est intelligenda, si solènter baptizaret. Vnde non bene Siluester verbo, baptismus, 3. §. i. vniuersaliter est loquutus Minister necessitatis adhuc duplex est, vnus secundum legem ordinariam Dei.

Alter est secundum supernaturalem Dei ordinationem. Hic posterior est Angelus, aut anima extra corpus, qui ex diuina voluntate possunt baptizare, non tamen secundum communem Dei legem. Vnde, nisi constet esse bonum Angelum, vel animam sanctam, non est baptismus censendus; secus si boni sint: tunc enim voluntate diuina fecisse credendum est. Minister verò secundum communem Dei legem, est homo cuiusque sexus, siue vir, siue femina, siue hermaphroditus; cuiusque ætatis, siue puer, habens tamen vsum rationis, siue iuuenis, siue senex; cuiusque status, siue laicus, siue ecclesiasticus; cuiuscumque conditionis, siue seruus, siue liber; cuiuscumque vitæ, siue Iudæus, siue Paganus: siue alius quiuis infidelis; cuiuscumque moris, siue peccator, siue non; siue præcisus ab Ecclesia, siue non: omnes isti possunt baptizare. Tamen in

omnibus est necessaria intentio debita faciendi id, quod facit Ecclesia, ut diximus, Vnde licet infidelis non crederet se quicquam boni facere, & cum irrisione faceret, si tamen ad petitionem baptizandi baptizaret, intendens facere id, quod facit Ecclesia Christiana, vel ut ille petit, verè baptizaret. Quamvis autem isti omnes possint in necessitate baptizare, & non peccent, licet in peccato sint, sicut peccat, qui solemniter, in peccato existens. Sacramentum ministrat, tamen vnusquisque inferior debet cedere in presentia superioris; ut cum adest vir, non debet baptizare femina; cum Ecclesiasticus, non debet laicus, & sic consequenter; licet non esset mortale oppositum facere in mo a aliquo casu; potius à laico, quam à Parocho, etiam baptismus esset suscipiendus, puta, si Parochus nollet baptizare, nisi accepta pecunia in pretium, quod Simonia est, tunc, si paruulus est baptizandus, baptizetur potius ab ipso ferente illum ad baptismum. Quod si adultus est, petat ab alio etiam infideli: & si nullus adest, & periculum mortis inest, tunc potius debet mori cum baptismo in voto: in hoc enim saluatur. Et hæc est communis sententia. Licebit tamè aquam puram emere ad baptizandum, quia non est emptio rei sacre. Hoc autem est obseruandum in ministro, ut vnus sit, plures enim baptizare non possunt. Vnde si essent, vnus mutus, qui non posset verba proferre, alter manibus carens, qui non posset aquam infundere, si vterque conueniret, & vnus vnum, alter aliud præstaret, non esset baptismus. & hæc est communis sententia, licet oppositum est, qui velint, sed non est opinio conueniens: nam verba notant exercitium actus ab ipso ministrante, etiam in forma Græca. Nec etiam est baptismus, cum multi baptizant, & singuli dicunt, nos te baptizamus, ita quod illud pronomen faciat sensum copulatum, seu completum, quasi singuli alios in baptismi consortio significant, tunc non esset baptismus, ut communior opinio tenet, licet aliqui teneant oppositum. At si multi baptizent, singuli dicentes, ego te baptizo, vel, nos te baptizamus, per illud plurale intendentes singularare, tunc esset baptismus. Si enim vnus præceperet, iste baptizaret, illi non, sed essent rebaptizatores: si vero omnes simul, tunc omnes, & singuli baptizarent, sicut multi consecrant hostiam. Quod posset accidere, si forsitan duo aliqui de præbenda contendentes baptizare conarentur. Hæc sunt circa ministrum notanda.

Sed vnum esse dubium hic poterat, an baptismus collatus à malo

malo ministro sit ita efficax, sicut collatus à bono. Et dico, quòd quatum ad effectum per se ipsius baptismi, qui datur ex opere operato, æqualis est valoris uterque baptismus; tamen ex parte illius, qui dans sua deuotione, & petitione impetrat à Deo, maioris efficaciz est baptismus collatus à bono. Amicus enim Dei & seruus impetrat ea, quæ inimicus & peccator impetrare non potest pro alijs. Aliud dubium de eo, qui putat se baptizare feminam, & baptizat masculum, aut putat baptizare Petrum, & baptizat Ioannem, dico quòd error personæ, vel sexus, non impedit baptismum, dummodò minister baptizare intendat: nisi exprimeretur in intentione, quod non vult baptizare, si est alius, quàm putat. Sed hoc nullus facit.

De suscipiente Baptismum.

CAPVT XXI.

POST Euangelij promulgationem per Apostolos factam, præceptum diuinum generale est, omnes ad baptismum suscipiendum obligans, sine quo in re, vel in voto suscepto, nullus de lege ordinaria saluatur, iuxta illud Ioannis 3. *Nisi quis renatus fuerit ex aqua, & Spiritu sancto, non potest intrare in regnum Dei.*

Sub hac autem generalitate primò comprehendimus existentes in originali peccato, siue etiam existentes in actuali, etiam sanctificatos in utero matris, si qui modò essent: tales enim tenerentur modò sub præcepto recipere, vt haberent characterem, & vt Christo Domino in passione, quod per baptismum sit, conformarentur, quamuis hi si ante baptismum decederent, salui essent ratione gratiæ sanctificantis.

Secundò, comprehendimus etiam paruulos, & adultos: paruulis enim baptismus conferri potest, & collatus consequitur suum effectum, vt definitur in cap. maioris, de baptismo: si enim his conferri non posset, esset illa ætas absque remedio, quod vanum est dicere. Hoc circa paruulos est aduertendum, quòd secundùm communem sententiam, & probabiliorē, si filij sint infidelium, qui sui iuris sunt, & non serui, non debent inuitis parentibus baptizari, quia iure naturæ sunt ipsorum parentum: quòd si baptizarentur inuitis parentibus, tamen non sunt ab illorum cura subtrahendi, donec

donec illucescat vsus rationis. Quin etiam ipsis inuitis possent baptizari, si vellent filij. Etiam adhuc circa paruulos aduertendum, quòd cum expositi inueniuntur, vt in nemore, & est rationabilis causa dubitandi, an baptizati fuerint, puta; quia sine scripto inueniuntur, & nimis recentes sunt, sub dubio sunt baptizandi. Idem quoque censendum est, de eo etiam adulto, qui natus est inter exterarum nationes, & nescitur, an baptizatus fuerit. Aduerte etiã circa paruulos, quòd cum eis computantur adulti, qui numquam vsus rationis habuerunt, sed in natia sunt amentia: hi enim, vt pueri, baptizari possunt, etiam repugnantibus, secus, si habuerunt vsus rationis, siue iudicium, vel patiuntur lucida interualla. Non enim baptizandi sunt in amentia, etiã vrgente necessitate, nisi in tempore vsus rationis habuerunt voluntatem baptismi: tunc enim, ratione huius intentionis virtualis, possunt baptizari, & eodem modo dormientes.

Tertiò, vt ad adultos redeamus, notandum est, quòd triplex est necessaria dispositio in adultis ad baptismum, intentio suscipiendi baptismum, fides, dolor de peccatis commissis. Hæc autem non eodem modo sunt necessaria. Intentio namque ita est necessaria, vt si desit actualis, vel virtualis, non sit baptismus. Vnde fit, vt qui renuens, & inuitus baptizatus non sit verè baptizatus; si tamen interius consensit, quamuis metu, & vi, tunc baptizatus est, & recipit characterem, sed non gratiam; cogendusque est, vt maneat in fide Christiana, vt habetur c. maiores, de baptismo. Fides, eadem est necessaria, sed tamen ad recipiendam baptismi gratiam, non ad characterem. Vnde si accederet aliquis cum intentione suscipiendi baptismum, tamen non credens vni articulo, vel pluribus articulis fidei, recipit characterem, non tamen gratiam, donec deponat errorem, & disponatur. Dolor etiam hoc modo necessarius est ad gratiam, non ad characterem. Vnde, si aliquis cum voluntate actuali peccandi accederet, cum debita tamen intentione, reciperet characterem, sed non gratiam, donec confiteretur de tali peccato, & fictione, in qua recipit baptismum: sicut etiam ille, qui cum errore accedit. Isti enim dicuntur accedere fictè, & ponere obicem: at ablato obice, baptismus consequitur suum effectum, & dat gratiam, & remissionem omnium peccatorum antecedentium baptismum, quoad culpam, & totam pœnam. Verum est, quòd si ministro constaret horum fictio, nullo modo ad baptismum eos admitte-

re deberet. Tamen considerare oportet, quod qui ficti accedunt, & postea confessione remouent fictionem, non dicuntur peccata ante baptismum commissi confiteri: non enim est confessio facienda vlla de illis peccatis, nec vlla imponenda est poenitentia, sed cum sola attritione, accedente baptismo totaliter delentur, quamuis si erant peccata obnoxia restitutioni, non liberentur à restitutione.

Quartò notandum est, quòd posset accidere, vt aliquod monstrum nasceretur viuum, duplicatis partibus humanis, vt cum duplici capite, & pectore: & tunc obseruandum est, an probabile videatur esse duos, tunc vnus illorum absolute, alter sub conditione baptizandus est. Quòd si vnum hominem esse appareat, semel est baptizandus. Quia verò non omninò certum est, illos esse duos, ob id, non simul baptizandi, sed modo prædicto. In alijs verò necessitatibus, vt cum est multitudo nimia baptizandorum, vt fuit in primitiua Ecclesia, & modò est in India, possent simul plures baptizari aspersione: & tunc forma est, *Ego vos baptizo*: sed non debent tot simul esse, vt periculum sit, ne omnes abluantur, & attingantur aqua.

Quintò etiam circa adultos est notandum, quòd non statim ad baptismum sint admittendi, cum ipsum petunt, si ex infidelitate veniunt, sed sunt per aliquot menses inter Cathemenos detinendi, vt in fide instruantur, & vt eorum constantia probetur, & propter reuerentiam Sacramenti. Hoc autem ob duas causas fieri potest.

Prima est, cum iam qui petit est in fide instructus, & probatus.

Altera est, cum necessitas vrget infirmitatis, vel obsidionis, vel naufragij vel alicuius similis: tunc enim vtrumque fide exposita, cum ille assentiat, est baptizandus: illi verò, qui detinentur expectantes baptismum, si interim obeant absque

baptismo cum contritione, & voto baptismi saluantur.

* *

*

De effectibus, & speciebus Baptismi.

CAPVT XXII.

Multi sunt Baptismi effectus. Inter alios, hi sunt præcipui.

Primus est gratia, qua remittitur peccatum, originale, etiam actuale in adultis.

Secundus est, totius pœnæ pro peccatis debite remissio, adeoque si debite accedat baptismo, consequitur totius pœnæ indulgentiam, vt si statim moreretur, quamquam plenus esset peccatis, volaret ad cœlum.

Tertius, character, quo habet potestatem recipiendi alia Sacramenta, quæ sine baptismo præcedenti conferri non possunt.

Quartus, ablatio irregularitatis, aufert enim baptismus omnes irregularitates ante baptismum contractas, præter bigamiam, vt alias diximus, non tamen aufert obligationem circa aliam personam. Vnde qui debebat alteri, non absoluitur propter baptismum à debito: qui erat reus mortis pro aliquo crimine, non liberatur à morte per baptismum; licet soleant iudices similibus parcere, si pars est satisfacta. Ista omnia, quæ hæcenus diximus, de aquæ baptismo intelliguntur. Sunt enim alij duo baptismi, baptismus sanguinis, qui est martyrium, de quo Lucæ 12. *Baptismo habeo baptizari, & quomodo coarctor vi- que dum perficiatur.* Et est baptismus flaminis, qui est contritio de peccatis.

Differunt autem isti tres baptismi dupliciter.

Primò ex parte suscipientis: nam flaminis, est adultorum, illi enim soli possunt cōteri de proprio peccato: alij duo etiā sunt communes paruulis. Vnde si paruuli occidantur ab aliquo in odium Christianorum, quia filij Christianorū sunt, licet aqua non sint baptizati, saluantur. Et rursus, cum mulier prægnans subit martyrium, & infans in utero saluatur, & fit martyr, vt tenet Silu. baptis. 1. §. 2. cum Palud.

Secundò, differunt ex parte effectus. Baptismus enim aquæ imprimat characterem, quem nullus alius baptismus imprimit, quamuis martyrium det aureolam, quæ gloria quædam accidentalis est. Præterea baptismus aquæ, & sanguinis peccatum cum tota pœna remittunt: at flaminis, non nisi iuxta quantitatem

titatem doloris & contritionis poenam remittit; culpam autem aufert, cum sufficiens est dolor, ut contritio sit: de qua postea dicemus in materia de poenitentia.

De solennitatibus Baptismi.

CAPVT XXIII.

QV haecenus diximus, sunt ea, quae ad necessitatem baptismi pertinent: ubi enim baptismus est, ibi necessarii forma, materia, minister, suscipiens, & effectus, saltem ad characterem suscipiendum, sunt. At vero quaedam solennitates sunt in baptismo, quae quamuis ad ipsius essentiam non pertineant, attamen obseruandae sunt, adeo quod, si aliquis est baptizatus propter necessitatem absque illis, si baptizatus vixerit, sunt tales solennitates adhibendae, quamuis baptismus non sit repetendus. Quod si necessitas baptismi non urgeat, nullus baptizare debet absque illis: sunt enim ab Ecclesia institutae propter reuerentiam Sacramenti, ne ita aridus & nudus ad tantum Sacramentum fieret accessus. Similiter ad excitandam fidelium deuotionem: maxime enim istae solennitates animos ad deuotionem accedunt in Deum. Similiter propter eruditionem, quia maxime istis signis sensibilibus homines etiam ignorantes erudiuntur, & eorum significationes facilius percipiunt. Similiter etiam propter utilitatem, quia istae solennitates, non carent magna virtute & efficacia erga animos, veluti dicemus.

Istae solennitates diuiduntur in duas partes, quaedam antecedunt baptismum, quaedam ipsum sequuntur.

Quae antecedunt sunt tres, Catechismus, Exorcismus, Vinctio olei sancti.

Per Catechismum instruitur baptizandus circa fidem, quam profiteri debet: hoc enim significat vocabulum. Est enim Catechismus instructio credendorum. Nec obstat, quod baptizandus sit paruulus; nam sufficit, quod per susceptores suos recipiat instructionem.

Altera dispositio est Exorcismus, quae est abiuratio, & increpatio quaedam maligni spiritus: arceatur enim, & expellitur potestas demonis, impediens salutem spiritualem baptizandi in quo sunt tres caeremoniae.

Prima est exsufflatio, quæ expulsio dæmonis significatur, cum manus impositione, & signo crucis, ad præcludendam viam dæmoni, ne regrediatur.

Secunda, talis, in ore immissio, ad denotandam sapientiã, qua opera Christiana debent esse condita.

Tertia est saluina, digito, auribus, & naribus apposita, ad denotandam apertionem sensuum spiritualium. Exorcistæ est Exorcistæ, sicut catechizare, est Lectoris, quamvis modò totum faciat Sacerdos, qui baptizat.

Tertia dispositio est, Unctio olei sancti, quæ ad Exorcismum potest referri, quo oleo fit crux in scapulis, & pectore, ad significandum subiectionem diuinæ legi, & quòd subiectio debet esse ex amore. Fit oleo, ad denotandum, quòd debet pugnare pro fide suscepta; pugiles enim oleo inungebantur. Multæ alie particularitates in his interueniunt, quas prætermitto, quia facile est cuilibet videre in ipso libro, vbi ceremoniæ istæ excedende traduntur.

Post baptismum sunt tres ceremoniæ.

Prima est, signatio fincipitis chrismate, quod significat duo, & ius ad gloriam futuram, & præparationem cuiusque Christiani ad reddendum rationem de ea, quæ in ipso est, fide. Est etiam vestis candida, quo significat statum innocentie baptizati; & candela accensa in manu, significans iuxcentem fidem per opera; iuxta illud, *Sic luceat lux vestra* *ram. c. c.*

Præter hæc, alia est solennitas. Debet enim esse susceptor, siue patrini, qui leuent baptizandum in sacro fonte, qui etiam sunt in catechismo: hi tamen ex Concil. Trid. de reformation. sess. 24. cap. 2. non debent esse nisi vnus, siue vir, siue mulier, vel ad summum vnus, & vna, in quo etiam est statutum. Quòd si alij vltra designatos baptizatum tetigerint, cognationem spirituales nullo pacto contrahant. Et attende, quòd hi duo non possunt esse, nisi sit alter masculus, & altera femina: hi autem non debent esse monachi, nec religiosi, nec non baptizati. nec pater, nec mater baptizandi, quamvis ad catechismum sufficerent tantum catechizati. Isti tenentur baptizatum circa fidem, & mores instruere, quamvis non sit tanta obligatio modo, cum parentes iam Christiani sunt. Hæc erant cum non ita solebant esse. Est etiam modò, si non essent tales parentes, vel esset aliquis defectus, vel negligentia in eis.

Vnum tamen hic est aduertendum, quodd inter istos susceptores, & baptizantē, & baptizatum contrahitur affinitas quādam impediens matrimonium. Est triplex in hoc affinitas.

Prima paternitas inter susceptores, & baptizatum, & inter hunc, & baptizantem.

Secunda est compaternitas inter susceptores, & patrem, & matrem baptizati; & inter baptizantem etiam cum matre & patre, licet non cum susceptoribus: & hoc non etiam seruatur post Concilium Tridentinum. Est tertia fraternitas inter filios, & filias susceptoris, & baptizatum, sed hæc fraternitas nunc ablata est per Concilium Tridentinum, eadem sess. & c. supradicto. Ista affinitas est tanta, vt impediat matrimonium contrahendum, & dirimat contractum, quando in baptismo. Quod si est in solo catechismo, in quo non sequitur baptismus, quia, verbi gratia, fuit impeditus, vel ante factum, tunc contrahitur etiam affinitas, sed non vt dirimat contractum matrimonium, sed vt sit aliquod peccatum contrahere. Cum autem susceptor est non baptizatus, non contrahitur ista affinitas, licet contrahitur, quando baptizatur. De his tamen impedimentis latius dicendum est in materia de matrimonio. Atque ista de baptismo sufficiunt.

De Confirmatione.

CA P V T XXIV.

Confirmatio secundum est Sacramētum post baptismū, adeo quodd alia Sacramenta, maximè Sacramentum ordinis, non liceat isto non precedente suscipere. Quamuis, si confertur ordo, teneat: non est enim sicut baptismus, qui nisi præcedat, prohibet ordinem, & alia Sacramenta, vt collata non teneatur. Ea omnia, quæ in baptismo indagauimus, in Sacramento hoc oportet etiam indagare.

Primum est, materia: hæc autem est chrisma, nō quodcumque, sed consecratum ab Episcopo consecrato, & non tantum electo: adeo quod, nisi talis sit consecratio, non censeatur materia Sacramenti. Chrisma autem est vnguentum ex oleo oliuarum, & balsamo confectum. Est autem opus, vt sit nouum, illius anni, id est, consecratum eodem anno, aliàs sine necessitate cōfirmare chrismate præcedentis anni, peccatum est cōtra

præceptum canonicum, c. si quis de alio, de consecr. distinct. 4. Quamuis teneret Confirmatio, Chrisma enim præcedentis anni comburi debet, cum nouum consecratur. Solet esse grauis controuersia, an balsamum sit necessarium, ita ut, qui solo oleo confirmaret, verè confirmaret. Omnes conueniunt esse necessarium necessitate præcepti, adeò quòd peccaret mortaliter, qui omitteret. An tamen sit necessarium necessitate Sacramenti, communis opinio tenet quod sic. Caie. 3. par. in materia de Confirmatione, tenet oppositum, & Soto cum cum alijs sequitur. Et videtur huic fauere e pastoralis, de Sacramentis non iterandis, vbi quidam confirmauit solo oleo, absque balsamo, & consultus Papa Innocentius III. dixit, quòd nihil iterandum e'at, sed cautè supplendum, quod incautè fuerat omissum. Si igitur non erat iterandum, ergo fuit ille verè confirmatus. Et quamuis opinio ista probabilis sit, tamen securior tenenda est opposita: nam Concilium Florentinum, cum dixisset, materiam esse necessariam ad Sacramenta, pro Confirmatione ponit, chrisma ex oleo, & balsamo confectum: & ab e pastoralis, dici potest, quod tunc non fuit Sacramentum; & tamen, cum appositus fuit balsamus, perfectum fuit quod antè imperfectum erat. Vnctio autem absque dubio est necessaria necessitate Sacramenti, licet Apostoli, ex diuina dispensatione, sola manuum impositione confirmabant. Huius Sacramenti forma est ista: *Consigno te signo crucis. & confirmo te chrismate salutis, in nomine Patris, & Filij, & Spiritus sancti. Amen.* Quæ forma patitur illas mutationes, & ex modo, sicut diximus in forma baptismi. Minister est Episcopus, ex Concilio Florentin. & Trid. sess. 7. adeò quòd alijs non posset conferri quamuis ex Papali dispensatione etiam Sacerdos possit, sed non alijs. Et sic dispensauit Gregor. dist. 95. can. peruenit. Debet autè Episcopus eos tantum, qui sunt diocesis suæ, confirmare, non alios, quamuis, si confirmet, factum teneat. Vnde nec Archiepiscopus debet suorum suffraganeorum subditos, quamuis eos uisitet, confirmare, 16. quæst. 1. cap. interdicimus. Suscipiens istud Sacramentum, est masculus, vel femina, cuiusque ætatis, quamuis ex consuetudine sit non minoris ætatis septem annorum: saltem habeat vsum rationis. Debet tamen necessariò esse baptizatus, aliàs non tenet confirmationem. Debet etiam esse ieiunus, & quando præcesserit peccatum mortale, confessus. Sed ista sunt secundum decentiam, non tamen sunt de necessitate; cum enim peccauerit, sufficit contri-

tio cum proposito confitendi, licet non confiteatur tunc. Effectus sunt tres.

Primus est character, quo insignitur tanquam miles Christi, ut aduersus inimici tentationes sit constans pro Christo: ob id insignitur, seu vngitur in fronte, ut denotetur, quod non debet erubescere Christi crucem, & militiam, sed coram toto mundo, si opus erit, confiteri. Solet autem linteo ligari caput, donec exsiccetur chrismum. Impingitur etiam ei alapa, tum, ut recordetur suscepti Sacramenti, quod iterari non potest; tum, ut statim induatur Christi vestibus, quæ sunt alapa & iniuria: tum etiam, ut eius fortitudo probetur: nam miles Christi statim constituitur. Equum ergo est, ut experimentum aliquod fiat, an pro Christo sustineat pati.

Secundus est gratia, quæ ad hanc fortitudinem datur.

Tertius est affinitas, quæ oritur inter ipsam, & patrum qui unus, vel duo esse possunt, sicut in baptismo. Non licet ut sit ille idem, qui fuit in baptismo, nisi ex necessitate aliqua. Debet autem pater esse confirmatus, alias non esset affinitas. Possunt autem omnes esse patres, non tamen vir uxoris, nec e contra, nec fratres vel sorores inter se. Confirmatio omni tempore etiam interdicto conferri potest, & in omni loco honesto, licet non sit ecclesia: quamuis convenientius in ecclesia detur. Hoc autem sacramentum non est necessarium necessitate salutis: potest enim homo saluari absque confirmatione: tamen ipsam ex contemptu relinquere, peccatum est. Esset autem commodius secundum aliquos, cum tempore confirmationis apto occurrente, & commoditate oblata suscipiendi, non susciperetur, maxime si probabilitas adsit non futuræ commoditatis.

De Eucharistie materia.

CAPVT XXV.

EA, quæ in alijs sacramentis inquirenda proposuimus, in hoc etiam sanctissimo sacramento prosequi debemus.

Primo autem notare oportet, quamuis in eo duplex materia, & duplex forma appareat, vnicui tamen censi debet sacramentum, tum ob unitatem contenti sub illis speciebus, qui

unicus est Christus, tum ob unitatem effectus, una enim gratia communicatur: tum ob unitatem finis: unionem enim Ecclesia per unitatem significat. Est igitur materia huius sacramenti, panis, & vinum.

Vt igitur à pane incipiamus, primò debet esse panis ex frumento confectus, hinc fit, quòd nullus panis ex leguminibus possit esse materia huius sacramenti. Legumina vocantur, quæ non producuntur cum spica, vt fabæ, castaneæ, cicera, amygdala, & reliqua. Rursus nec ex quolibet grano spica producto potest esse materia, nisi sit frumentum, aut species frumenti: vnde ex hordeo, spelta, lolio, milio, auena, & similibus non est materia: potest tamen ex adureo esse, quod est frumentum habens grandia grana, & alba. Similiter ex siligine, quæ est frumentum selectum ex farro: ex amylo verò esse non potest. Debet igitur esse panis ex frumento.

Secundò, debet esse coctus; vnde massa cruda non potest esse materia.

Tertiò, debet ex aqua elementari esse confectus: vnde, si massa ex vino, aut lacte, aut alio liquore conficiatur, non est materia.

Quartò, debet esse purus, seu immixtus, id est, ex frumento solo, & aqua sola, absque mixtione alicuius liquoris, & alterius humidi. Absque mixtione etiam alterius speciei à frumento. Hoc autem intelligendum est, de notabili mixtione: nihil enim obstat, quòd cum frumento aliquot grana alterius speciei, & cum aqua aliquid alterius liquoris fuerit commixtum.

Quintò, debet esse azimus panis, id est absque fermento, in Ecclesia Latina: in Græca verò cum fermentato, adeò quòd peccaret mortaliter Latinus consecrans in fermentato, & Græcus consecrans in azimo, quia quisque consuetudinem suæ Ecclesiæ tenetur obseruare, tamen consecratio valida esset.

Sextò, debet esse non corruptus: si enim panis corruptus sit, vt speciem suam mutauerit, nullo modo materia esse potest. Hæc igitur est una materiæ pars.

Altera est, vinum, ex quo debet confici sanguis Christi, sicut ex pane corpus. Vinum autem debet esse ex vuis. Nullum aliud, scilicet, ex pomis moris, vel radicibus, vel ex alijs quibuscumque potest esse materia.

Rursus, neque potest esse agresta, neque acetum, quia ista non sunt vinum. Potest tamen mustum esse materia, quamuis

Reccen-

peccenter esset ex aliquo racemo expressum hoc etenim vinum est.

Rursus siue vinum sit album, siue rubrum, potest esse materia. Aliæ species potus esse materia non possunt, vt ceruisia, lac, & alia similia. Cum vino est quantitas parua aquæ adhibenda, quæ simul est materia, siue conuersa sit in vinum, siue non. Peccaret mortaliter, qui scienter non apponeret aquam, & tamen consecratio valida est cum solo vino. Vtraq; ista materia, cum consecratur, debet esse præsens Sacerdoti. Vnde non posset Sacerdos existens in classe consecrare vinum, quod est domi, vel in foro, quia forma sunt verba demonstratiua: neque potest demonstrari commodè, nisi quod est præsens, licet non sit opus, quòd sit materia coniuncta, sat est quòd sit in aliqua distantia, quæ mortaliter præsentia dicitur.

Rursus hæc vtraq; materia, nequaquam habet certam quantitatem, nisi ratione præsentia: posset enim consecrare Sacerdos multos cophinos panis, & vini dolium, si præsentia ista haberet, sicut etiam minimam vtriusque quantitatem. Sed absq; ratione, & sine conuenienti, immodicam quantitatem consecrare, graue esset sacrilegium.

Debet rursus materia vtraque esse certa, seu determinata: sit autem certa ex intentione consecrantis: consecrat enim quod intendit. Vnde, si extra calicem manent guttæ vini, sicut etiam in altari micæ panis, quamuis præsentia sint, non consecrantur, quia intentio Sacerdotis non tendit ad illa. Quod si aliquis haberet viginti hostias, & intenderet decem consecrare, non determinando illas inter alias, nulla esset consecrata, quia non est materia determinata. Notare tamen oportet, quòd quando aliquis consecrat hostias, putans se consecrare tot, & tamen sunt plures, vel pauciores; verè omnes consecrat, quia intentio est consecrandi quod ibi præsens est, & ad consecrandum posuit.

De forma corporis, & sanguinis.

CAPVT XXVI.

Forma consecrandi panis est ista: *Hoc est enim corpus meum*, illa dictio, *Enim*, non est necessaria necessitate sacramentis peccaret tamen, qui scienter omitteret. Vt autem dixi-

mus in materia de baptismo, non debet forma mutari, quamuis non omnis mutatio auferat sacramentum. Vnde sacramentum esset, licet aliquis diceret, *Istud est corpus meum*: vel alio simili modo, in quo sensus non mutatur. Forma sanguinis hæc est *Hic est enim calix sanguinis mei, novi & æterni testamenti, mysterium fidei, qui pro vobis, & pro multis, effundetur in remissionem peccatorum*. Omnia ista verba sunt de præcepto, quamuis non etiam omnia de necessitate sacramenti; Ista verò sunt de necessitate sacramenti, *Hic est calix sanguinis mei*, immò non solù isto modo prolata, sed etià alio, putà, *Hic est sanguis meus vel hoc poculum, aut vas sanguinis mei*. Græci autem hac vtuntur forma: *Hic est sanguis meus novi testamenti, qui pro vobis, & pro multis effundetur in remissionem peccatorum*. At, quia Latina forma nobis est seruanda, oportet sensum explicemus. Dicitur, *Hic est calix sanguinis mei*: In quibus verbis est sensus per figuram, id est, in hoc calice, sanguis meus est, vel etiam potest esse sensus, vt calix pro potu ipso sumatur, scilicet, hic est potus sanguinis mei. Dicitur est autem: *hic est calix sanguinis*, & non, *hic est sanguis*, ad significandum, quòd sanguis continetur in speciebus vini. Et hoc, vt poterit, & sumatur. Statim sequitur, *Novi, & æterni testamenti*. Aduerte, quòd Deus duplex pactū iniuit cum homine.

Alterum fuit, in quo disposuit aduentum suum in carne, & hoc pepigit cum Patribus antiquis quod firmatum est sanguine, & occasione animalium figurantium mortem Christi: ob id, tale pactum dictum est, testamentum. Quia fuit dispositio cuiusdam hereditatis morte firmata testatoris, non quidem in re, sed in figura.

Alterum pactum Deus iniuit de vita, & felicitate æterna danda est: & hoc pactum morte, & sanguine Christi confirmatum est: diciturque testamentum nouum, vt distinguatur à priori: diciturque æternum, vt denotetur, quod non aliud superueniet testamentum, & quòd res per ipsum notata hereditas sit æterna. Est igitur sensus, hic est sanguis, in quo dispositio hereditatis æternæ hominibus confirmata, & stabilita est. Sequitur aliud verbum, *Mysterium fidei*. Sanguis iste sic presens est, vt sensibus dignosci, nec ratione comprehendendi possit: opus est fide, qua teneatur. Est igitur fidei mysterium, id est, secretum fidei tenendum. Statim sequitur efficacia, seu effectus huius sanguinis, *Qui pro vobis effundetur, & pro multis*. Pro omnibus quidè fuit sufficiens pretium, tamen quia nō omnes ipso

ipso vti volunt, non omnibus prodest, ob id, *promissis effunde-
tur in remissionem peccatorum.* quoad efficaciam, qui tamen pro
omnibus effusus est, quo ad sufficientiam.

De efficacia verborum forma.

C A P V T XXVII.

Sacramentum hoc non in vſu, ſeu materiæ applicatione
ſcirca ſuſcipientem, vt alia ſacramenta, conſiſtit, ſed in effi-
cacia verborum erga ipſam materiā, ſeu in ipſa confe-
cratione ipſius materiæ. Sunt enim illa verba; *Hoc eſt enim cor-
pus meum*, ita efficacia, vt ſint instrumenta tranſſubſtantiandi
ſubſtantiam panis in Chriſti verum corpus, ita vt, poſt prola-
tionem, in illa hoſtia non ſit panis vlla ſubſtantia, ſed ſola ac-
cidentia ipſius, ſcilicet, quantitas cum dolore, & ſapore, odore
primis qualitatibus, quæ dicuntur ſpecies panis, ſub quibus
eſt verum corpus Chriſti præſens. Non quod accidentia ſint in
eo ſuſtentata, non enim hoc ita eſt, quia accidentia illa miracu-
loſe per ſe ſuſtentantur, ſed quod ſub illis latet corpus Chriſti,
illic etiam miro modo continetur.

Idem etiam dicendum de verbis conſecrationis vini, in
quo non manet ſubſtantia, ſed accidentia, ſub quibus eſt ſan-
guis verus Chriſti. At verò tam corpus, quam ſanguis con-
tinentur in his ſpeciebus, non quidem modo paſſibili: nā quā-
uis iſtæ ſpeciebus caleſcant, aut frigeſcant, vel ſcindantur, non
ob id Chriſtus iſta talia patitur. Rurſus cōtinetur Chriſtus, nō
per modū dimensionis: non enim extenſus eſt, vt pars in parte
ſit, ſed in qualibet ſpecierum parte eſt totius: ob id, tantum ſu-
mit, qui partem hoſtiæ, quāntū qui totam recipit: nec deſinit
eſſe in cœlo, licet præſens ſit in hoſtia: nec, licet ſit in vna, ob
id relinquit aliam, ſed ſimul omnibus adeſt. Quæ omnia fide
tenenda ſunt, quia ſuperant humanum caput, ſed credere
magnum eſt meritū fidelium. Notandum tamen eſt, quod ſub
ſpeciebus panis, non ſolum corpus Chriſti, ſed eius ſanguis,
anima, & diuinitas, immò tota Trinitas; ſed vnum quidem,
puta corpus, virtute verborum, & conſecrationis, alia verò ra-
tione concomitantæ; quia corpus cum anima, & ſanguine
modò eſt. Similiter ſub vini ſpecieb. cōtinetur ſanguis, corpus,
anima, diuinitas, omnia denique Chriſti; ſed ſolus ſanguis

virtute consecrationis reliqua ratione concomitantia. Vnde, si solam consecrationem consideremus corpus in vno, sanguis in altero continetur, in quo mors Christi representatur, in qua sanguis à corpore effusus est. Vnde fit, quòd si in illo triduo, in quo Christus est mortuus, aliquis consecrasset, vel consecrare intendisset, tunc sub speciebus panis, corpus absq; anima contentum fuisset, & sanguis absque corpore; vtrumq; tamen diuinitati coniunctum: nò enim à diuinitate dimissum est, quod assumptum est.

De ministro, & suscipiente.

C A P V T XXVIII.

IN isto sacramento duo considerari possunt. Vnum est ipsa consecratio: alterum est vsus, & collatio ipsius sacramenti. Vnde duo sunt ministri, alter est consecrationis, alter collationis. Minister consecrationis, sacerdos solus est adeò quòd nullus, non habens characterem sacerdotalem, potest consecrare corpus, & sanguinem. De hoc satis diximus in principio huius secundi libri. Minister collationis est etiam Sacerdos, non quicumque, sed cui ex officio incumbit, vel ex commissione, vel aliquo priuilegio, adeò quòd nulli licet absque licentia Eucharistiam sumere, etiam extra tempus præcepti à quouis Sacerdote, nisi in necessitate, vel quando pro certo habetur, quòd Curatus concederet facultatem. Numendi. Olim, cum laici solebant sub vtraque specie communicare, Sacerdos solus ministrabat corpus, Diaconus verò sanguinem; quia hic non tangit sacramentum, sed tantum calicem: iam verò iste modus non conceditur; propterea Diaconus non potest ministrare; corpus etenim non valet conferre. At verò, quando necessitas esset, vt si quis infirmatur, & Sacerdos non adest, vel nò potest, licet Diacono soli etià corpus ministrare. Suscipientes autem hoc sacramentum duo etiam sunt. Vnus est suscipiens simul, & consecrans; talis est Sacerdos. cum celebrat, vel Domino sacrificat, & iste sacramentum sub vtraq; specie necessario debet suscipere, vt completum sit sacrificium: de quo multis superius diximus, propter quod ab eis modò supersedemus. Alter est suscipiens, qui non consecrat, sed tantum recipit sacramentum, & iste potest esse Sacerdos, & laicus. Cum Sacerdos nimirum non celebrando communicat, talis suscipiens non debet

debet suscipere sacramentum sub utraque specie, sed tantum sub specie panis: nec ob id sacramentum integrum non recipit: nam totus Christus in qualibet specie continetur: nec maior est effectus sacramenti sumpti sub utraque specie, quam sub vna: Sacerdos enim necessario sub utraque recipit, quia integrum debet esse sacrificium, in quo mors Christi continetur, quæ sub illa utraque specie representatur. Fuit quidem olim usus talis, sub utraque specie communicandi, sed iam ab Ecclesia iustissima causa abolutus est, cum non sit de iure diuino, nisi tantum communicare corpus, & sanguinem Domini, sed non sub utraque specie: nam in vna, ut dixi, totum continetur.

Fuit igitur prima causa, ob periculum irreuerentiæ huius sacramenti, quia facile, & frequenter accidere poterat sanguinis subuersio.

Secunda, quia multi non possunt sumere speciem vini absolute prouocatione ad vomitum: huiusmodi enim multæ fœminæ, multi etiam iuuenes sunt.

Tertia, ad repellendam hæresim Nestorianorum, qui negabant totum Christum in qualibet specie contineri, sed corpus tantum in specie panis, sanguinem totum in specie vini, quod quidem falsum est, ut diximus. Debet ergo suscipiens, & non consecrans, sacramentum hoc sub specie panis totum recipere.

Sunt tamen quædam in suscipiente obseruandæ conditiones.

Prima est, debet esse adultus: nam infantibus quidem posset dari sacramentum hoc, sed tantum ex Ecclesiæ præcepto non debet dari nisi adultis, & iam maturioris usus rationis: non enim statim post septem annos hoc sacramentum suscipere debent pueri.

Secundo, non sat est, adultos esse, sed rationis usum habere oportet actui. Vnde, amentes non possunt recipere, nec phrenetici, nisi aliquando usum rationis habent, & tunc, hoc suscipere voluerunt.

Tertia est, quod debent esse ieiuni: nam mortale peccatum est recipere sacramentum hoc post cibum, vel potum aliquem, nisi tempore alicuius infirmitatis periculosa, tunc enim potest post prandium etiam communicari, vel quando esset præceptum communicandi, & infirmus non posset absque graui nocumen to omittere potionem, tunc posset sumere, & post communicare, cum potio non potest postponi.

Quarta, debet esse confessus de commissis mortalibus post proximam confessionem: nec enim debet accedere cum conscientia peccati mortalis: nec sufficit sola contritio cum proposito confitendi, nisi in aliqua necessitate vigente, vt mortis aut temporis implendi præcepti, & casu aliquo nullus adest confessorius, tunc sufficeret contritio cum voto confessionis faciendæ, habita occasione. De hoc diximus supra.

Quinta, debent accedere absq; peccati venialis actu, vt non sit actiua in aliquo veniali. Quamvis ista dispositio non impediat effectum sacramenti habitualement, scilicet, habitum gratiæ, tamen impedit actualement, scilicet, charitatis feruorem: vnde, qui inueneret actu post communionem facere aliquid, quod est culpa venialis, gratiam sacramenti non perdit, feruorem tamen charitatis non recipit. Si tamen accederet cū actu peccati mortalis, non solum nihil recipit, sed mortaliter peccat, & grauissimè in tali susceptione: propterea dicitur sacramentum hoc, *mors esse malis, vita bonis*. Hinc fit, quod, qui sunt in aliquo notorio peccato, quorum pœnitentia non constat, non solum nō debent accedere communioni, sed accedentes repellī debent, quales sunt hi, qui in statu peccati sunt, vt meretrices publicæ, usurarij, histriones, concubinarij notorij, & similes, quibus est communio neganda, nisi pœniteant. At pœnitentia existente, communioni sunt admittendi, non solum hi, sed etiam qui publicè iustitia castigandi sunt, vt suspendendi, vel decollandi, vel alio quouis modo occidendi, quamvis fuerint heretici, & postea resipuerint; & in aliquibus locis hoc non sit in vsu: sed profectò melius est, vt communionem recipiant aliquo spatio temporis ante mortem. Nec etiam est neganda communio energumenis, seu arreptitijs, quamvis actu vexentur, nisi confitent, ob aliquod graue peccatum, sic à Domino puniri, secus enim cōmunioni admittendi sunt, cum possint esse in gratia, & maiori, quàm multi alij, qui non sic vexantur à malo spiritu.

De modis suscipiendi Sacramentum, & eius effectus.

C A P V T XXIX.

Sacramentum hoc multiplex est suscipiendi modus. Primus est tantum in figura, quomodo patres illi antiqui, qui sumebant per sacrificia illa, quibus ministerium hoc

hoc repræsentabatur, & maximè per illud manna, quod de celo pluebat.

Alter modus est, verè, & non in figura tantum, sed spiritualiter tantum, quo modo sumunt, qui fidè tenent sub illis speciebus verum Christi corpus esse, & simul ipsum recipiendi ardent desiderio, quamuis re ipsa non sumant. Et hic modus est multum utilis.

Tertius modus est, sacramentaliter tantum, quando recipitur Christus in sacramento, tamen, ob indebitam dispositionem recipientes, effectus sacramenti non consequitur.

Quartus est, sacramentaliter, & spiritualiter simul, cum sumuntur species, & effectus sacramenti recipitur. Multi enim, & mirabiles sunt sacramenti huius effectus, è quibus, quatuor solum recensbo.

Primus est, gratia cum donis & virtutibus, qua quidem gratia remittitur peccatum mortale, si accedens forè, adhuc per confessionem, nõ fuerit cõsecutus eam defectu suo; vt, si non sufficiente contritione, seu attritione ad eam accesserat; post confessionem verò melius disponitur, adhuc tamen non sufficienter ad gratiam, nisi virtutes sacramenti, tunc hoc sacramentum primam gratiam confert. Similiter, si necessitate urgente non potuit confiteri, sed communionem recepit, cum tamen attritus tantum esset, putans se contritum. Etiam alijs in casibus potest gratiam conferre, qua mortale dimittatur. Quod si accedens in gratia sit, recipit augmentum. Cum gratia etiam partem peccati remittit, quamuis non totam; nisi iuxta dispositionem accedentis.

Secundus est, spiritualis resectio, quæ consistit in quodam charitatis feruore, & maiori circa benè operandum conatu, & deliberatione, simul etiam in interna anima delectatione.

Tertius, præseruatio à peccato: hoc enim sacramentum inuat animam, ne succumbat tentationibus, & peccatorum periculis.

Quartus, quia multum carnis concupiscentiam ac fomitem extinguit. Ob quæ multum esse debet Christiano assidua huius sacramenti susceptio. Vbi enim est continua indigentia, ibi continuum desideratur auxilium: vinci enim, & consumi opus est, nisi frequenti opere subueniatur, id quod, non cessante inimici impulsione, concuritur. Aduertendum tamen vnum hic est, cum Christi corpus in sacramento recipitur, tandiu

tamdiu eius præsentiam intra nos durare, quamdiu species illæ calore naturali non consumuntur: consumptis enim (quod fortè dimidia quarta hæc sit) præsentia non est; effectus tamen ex ipsius præsentia procedentes multum permanet, nisi nostra negligentia impediat, aut culpa expellat, & destruat.

De variis nominibus huius Sacramenti.

CAPVT XXX.

Sacramentum hoc, propter suam excellentiam, varia sortitur nomina: est enim hoc dignissimum omnium sacramentorum, quia verè in eo Christus continetur. Dicitur autem Eucharistia, quasi bona gratia, quia Christum continet qui fuit auctor nobis gratiæ; vel quasi gratiarum actio, quia est sacramentum, propter quod indefinenter Christo gratias agere, & habere tenemur. Dicitur sacrificium, seu hostia, quia Christum continet, qui per mortem se Patri pro peccato hostiam obtulit. Dicitur viaticum, quia cibus est spiritualis, quo confortatur animus, donec perueniat ad montem Dei, Oreb, id est, cœlestem patriam. Dicitur etiam communio, & Græcè Synaxis, quia sacramentum est, in quo Christiani vniuntur. Vt enim magna est vnio corporum, vno cibo corporali vesci, non minor, sed longè maior est spirituum vnio, vno, ac tanto vesci cibo spirituali. Dicitur etiam sanctissimum Sacramentum, per excellentiam, quam habet ad reliqua sacramenta omnia. Multa quidem dici possunt de eo, tamen pro introductione præsentis sufficiant ista simul cum his, quæ in principio huius libri diximus, & etiam in sequenti libro tertio dicemus.

Secundi Libri finis.

INSTRVCTIONIS

SACERDOTVM,

DE POENITENTIA.

LIBER III.

Quid sit peccatum.

CAPVT I.

SACRAMENTVM hoc poenitentiae plurimas continet difficultates Sacerdoti cognitui necessarias: ob id librum integrum in eis enodandis collocauimus. Sunt autem suo ordine quinque tractanda, materia, forma, minister, poenitens, & huius sacramenti effectus. Et quidem materia duplex est, altera remota, altera propinqua. Vt enim in baptismo erat materia remota, scilicet aqua; & propinqua, scilicet ablutio, ita in isto est materia remota, & haec est peccatum. Est enim materia propinqua, ver. gratia contritio, confessio, satisfactio, seu peccatum contritum, confessum, & satisfactioni expositum.

A remota ergo materia, doctrinae ordine, incipiamus. Ac primum omnium tractandum se offert. Quid sit peccatum. Omisiss autem aliorum descriptionibus, sic videtur nobis clare, & breuiter posse describi. Peccatum est recessus à regula diuina voluntarius. In qua descriptione quatuor continentur partes.

Prima est, *recessus*, id est, quædam deuiatio, & separatio ab aliquo stabili principio. Peccatum enim est, non aliqua substantia, aut corpus, aut entitas positiua, sed quædam separatio, quidam defectus. Altera pars est, *à regula*, ne intelligeremus, hanc separationem esse à loco aliquo, vel alio quouis, ob id additur separatio à regula. Vocamus regulam, principium quod

quoddam, cui agens suum effectum, vel operationem conformare intendit. Recessus ergo, & defectus à regula proposita peccatum dicitur. Vnde, Monstrum peccatum naturæ dicitur, quia non conformatur regulæ naturæ, secundum quam effectus talis taliter debet esse formatus. Similiter error in imagine, vel aliquo artificio dicitur peccatum artis, quia regulæ artis non conformatur effectus. Non de his peccatis fit mentio in præsentî, ob id additur tertia pars, *Diuina*. Per regulam autem diuinam intelligo, tam præceptum supernaturale, vt præceptum de fide habenda, de suscipiendis sacramentis, de adoratione, & alijs huiusmodi, quam naturale, vt præcepta Decalogi, & humanum, vt præcepta Prælatorum, & superiorum. Omnia enim diuina dici possunt, quatenus à Deo sunt, siue mediata, siue immediata: natura enim à Deo est potestas humana, & Ecclesiastica per Deum est. Ista præcepta dirigunt, & regulant operationes humanas in finem. Recessus ergo à tali regulâ, peccatum est, non tamen quicumque recessus: ob id additur quarta particula, *voluntarius*. Vt aliquid dicatur voluntarium, tria sunt necessaria.

Alterum est, vt à voluntate procedat, siue quoniam in ipsa voluntate est velle, & nolle, siue quia à voluntate imperatur. omnis enim operatio, etiam exterior, quæ nobis volentibus fit, voluntaria dicitur. Vnde vesci, voluntarium est, cum volentes vescimur: similiter ambulare, occidere actualiter, & similia. Vt ergo sit peccatum, debet esse recessus voluntatis, siue à voluntate procedens. Vnde, regula generalis. *Re: Quicquid in nobis fit, quod nec in voluntate est, nec à nostra voluntate est, peccatum non est.* Vnde quantumcumque occurrant imaginationes turpes, & contra fidem cogitationes, motus etiam carnis vsq; ad effusionem seminis procedentes, nisi voluntas acceptet, aut consentiat, peccatum non est.

Alterum est necessarium, vt aliquid dicatur voluntarium, puta, quod sit ex deliberatione procedens, liberum, id est, quod in nostra sit potestate, vt sit, vel non sit, vt quamuis sit actus voluntatis, si tamen necessarius est, ita vt non sit in nostra potestate non velle, tunc non dicitur voluntarius. Ex quo fit, quod cum ex aliqua vehementi passione accedit, vt in voluntate insurgat volitio vindictæ, aut alicuius mali, si talis est, vt non sit pro tunc in nostra potestate, non velle, non sit peccatum, donec iam induat rationem voluntatis, & in manu nostra sit prorsus expellere talem volitionem. Dico autem prorsus, quia ali-

aliquando aliqua ex parte est in manu nostra, licet non totaliter. Et tunc grauius, vel leuius peccatum est, quo magis, vel minus est voluntarius actus, vel recessus. Vide igitur quid peccatum sit; est enim recessus voluntarius à diuino præcepto, cui conformare tenemur vitam, & operationes nostras. Tertium est, vt homo sciat, vel scire teneatur se agere cōtra regulam, vnde ignorantia efficit inuoluntarium, & excusat à peccato, quando non est crassa.

De peccatorum differentijs in communi.

CAPVT II.

Aliquot peccatorum diuisiones, si non omnes, saltem quæ ad nostrum faciunt institutum, prosequi oportet.

Et primò, peccatum diuiditur in mortale ex genere suo, & veniale ex genere suo. Pro quo notandum est, quod bifariam contingit à regula diuina recedere: Vno modo agendo contra ipsam regulam: altero, non agendo secundum regulam, sed præter eam. Ab vna enim via recedere possumus, aut contrariam sequendo viam, aut diuersam. Ille agit contra præceptum, qui oppositum præcepti facit: ille verò præter, qui aliquid facit, quod licet non sit contra præceptum, non tamen tendit in finem præcepti, qui Deus est, ver. gra. qui occidit, agit contra præceptum, *Non occides*; qui verbum otiosum, aut mendacium solum dicit, non omninò contra præceptum facit, tamen facit aliquid, quod in Deum non est ordinatum. Id totum, quod contra præceptum est, dicitur mortale ex genere suo, quia ex se inductiuum est mortis spiritualis, quæ est ablatio gratiæ, si esset. Id verò quod est extra præceptum, veniale ex genere suo dicitur: peccatum quidem est, quia est recessus à regula, sed ex se gratiæ ablatiuum non est: Deus enim gloriosus non obligauit omnes actiones nostras sub præcepto, sed quasdam alias multas reliquit: sed nos debemus eas secundum nostrum finem exequi, quod non facientes, peccamus venialiter. Notandum tamen est, quod non omne mortale ex genere verè est mortale, id est, auferre gratiam sufficiens est: sicut etiam non omne veniale ex genere, verè est veniale; nam gratiam auferre sufficit aliquando. Explico primum; Mortale ex genere duplici ex causa non est verè mortale, sed sit veniale per accidens.

Prima est, ex leuitate materia; vnde furari, ex genere mortale est, tamen furari quid minimi valoris, non est mortale, nisi sit maior quantitas materia.

Altera causa est ex actus imperfectione, quando non est perfecte deliberatus, & voluntarius, licet aliquid sit voluntarij, vt in subito motu volendi vindictam, vel aliquod malum committendi contra preceptum, cum non adest plena libertatis potestas: si tamen aliqua sit, quia intercedit mora aliqua breuis, vnde aliqua negligentia est, licet non notabilis, tunc est veniale. Si tamen plena esset potestas, esset mortale. Explico secundum: Multis enim casibus, quod ex genere suo est veniale, potest per accidens fieri mortale.

Primo, si vltimus finis in veniali constituitur, quod fit, cum quis ita actum venialem exequitur, quod paratus est, etiam si mortalis esset, exequi, tunc mortale est, licet sit verbum otiosum, vel vanum.

Secundo, cum ordinatur in peccatum mortale ratione finis fit tunc mortale; vt qui mendacium dicit leue propter adulterium, mortaliter peccat.

Tertio, quando sequitur aliquod peccatum mortale, de quo constat, licet non ordinetur in ipsum, vt si quis sciens scandalum graue sequi, si mendacium leue dicat, & dicit, mortaliter peccat.

Quarto, si est conscientia erronea. Qui enim putat se peccare mortaliter in verbo otioso, si id proferat, mortaliter peccat: iam enim iste animus habet peccandi mortaliter, licet ille actus non erat vere peccatum mortale. Non solum hoc fit in actu veniali, sed etiam in actu bono. Si quis enim putaret se peccare mortaliter, audiendo sacrum in die festo, mortaliter peccat, si audiat: etiam mortaliter peccat, si non audiat: nam tenetur deponere conscientiam erroneam, & scire non esse peccatum, sed preceptum. His igitur causis veniale ex genere, fit mortale per accidens.

Iterum diuiditur peccatum in commune, in peccatum omissionis, & commissionis.

Præcepta enim hominibus imposita quædam sunt affirmatiua, ipsos ad operandum obligantia, vt præceptum de diligendo Deum, & proximum, sacroq; audiendo, & alia huiusmodi: quædam sunt ab aliquo actu terrahentia, & prohibentia, vt, non occides, non moechaberis, & alia multa. Cum peccatum est contra negatiuum præceptum, commissio est: cum vero

contra affirmatiuum, aliquando omissio, aliquando commissio est. Omissio est, cum non operamur, quod præceptum iniunxit, vt, non diligendo Deum, cum renemur: commissio, cum actum contrarium habemus, vt si quis Deum odio habeat. Vt plurimum tamen affirmatiuorum præceptorum sunt omissiones. In venialibus etiam aliquando est commissio, aliquando omissio. Commissio, cum actus repetitur inordinatus extra diuinum præceptum, vt mentiri iocose, otiosum verbum dicere. Omissio, cum operationis conuenientis defectus est, vt, aliquibus diuinis inspirationibus non respondere, nec operari aliquod bonum; cum possit quis operari, licet non obligetur ex præcepto. Attendere autem hic oportet, quod aliquando in peccato omissionis est aliquis actus voluntatis, qui fertur in ipsam omissionem; vt qui nollet audire sacrum die festo. Aliquando est actus voluntatis, qui fertur in id, vnde sequitur omissio, vt qui voluit tota die dormire, vnde sequitur, vt sacrum non audiat. Aliquando nullus reperitur actus talis, vt qui oblaro tempore confessionis, ad quam tenetur, prorsus non vellet confiteri, nec nollet, sed relinqueret. Sæpe tamen omissio cum aliquo actu est, siue tamen sit, siue non sit, nisi aliunde ignorantia, vel alia causa excuset, peccatum est.

Tertio, diuiditur peccatum, in peccatum cordis, & peccatum oris, & peccatum operis. Non est ista distinctio variorum peccatorum, quasi vnum peccatum sit cordis, aliud oris, sed vnum est peccatum varios habens augmenti gradus.

Primo enim peccatum committitur, cum est voluntatis deliberatæ consensus, vt qui vult hominem occidere, committit peccatum, sed aggrauatur, cum ad opus peruenit. Similiter, qui verbo maledicit, prius in voluntate peccat, post in verbo peccatum auget. Aliquando sunt peccata diuersa ista tria, cum diuersorum peccatorum materia sumuntur, vt maledicentia, quæ in verbo consistit, superbia interius concepta in corde, & homicidium in opere, sunt quidem tria peccata diuersa, sed cum eadem est materia, tunc vnum peccatum est, sed plures augmenti gradus. Hæ distinctiones peccatorum sufficiant: quamuis enim aliæ sint multæ, tamen ad propositum præsens non attinent, ob id relinquuntur.

De partibus essentialibus peccatorum, & effectibus.

CAPVT III.

SIC VT in re artificiali duas partes consideramus, & materiam, & formam: ver. gra. in domo lapides, & ligna locum obtinent materiae, at dispositio, & constructio eorundem locum tenent formae. ita in peccato etiam suo modo duo insunt, vnum est velut materia, alterum est velut forma. Materia est actus & operatio ipsa, quae reperitur commissionis. Sed effectus ipsius operationis reperitur in peccato omissionis: verbi gratia, occisio hominis est materia in peccato commissionis non audire sacrum est materia in peccato omissionis circa preceptum Ecclesiae; recessus verò à regula diuina, siue contra faciendum, siue extra, est forma: propterea enim occisio est peccatum, quia contra diuinum preceptum est. Similiter, non audire sacrum, ob id peccatum est, quia contra preceptum est. Forma ergo peccati non est quid positium, sed solum carentia rectitudinis, & confirmatis ad regulam.

In ista deordinatione, seu carentia rectitudinis, praecipue cum peccatum est mortale, duo considerantur; & auersio à Deo, & conuersio ad creaturam: qui enim peccat, regulam Dei spernit, ob id à Deo auertit se, & affectus aliquo apparenti bono peccat, ob id conuerti dicitur ad bonum creatum. Vnde in omni peccato mortali, homo propter creaturam relinquit Deum, & dicitur auerti à bono incommutabili, scilicet Deo, & conuerti ad bonum commutabile, scilicet creaturam, ob idque peccatum grauissima est Deo illata iniuria ab homine. Quamuis autem in veniali aliquo modo ista sint, sed imperfectè valde, non enim Deum integrè relinquit, ob id non destruit gratiam, nec incurrit homo poenam propter veniale, quia incurrit ob mortale.

Cuius effectus duo sunt praecipui, macula, & reatus. Macula est priuatio gratiae, quae pulchritudo est animae, & ornamentum. Reatus est obligatio ad poenam aeternam, quae peccato debetur. Est autem duplex, iuxta duas peccati partes: ratione enim auersionis huiusmodi debetur poena damni, quae est, non videre Deum in aeternum. Qui enim auertit se à Deo, iuste Dei visione priuatur. Ratione verò conuersionis ad creaturam,

nam, debetur pœna sensus: iuste enim à creatura torquetur, qui propter ipsam auctorem Deum relinquit. Vtraque autem pœna aeterna est, quia peccatum est perfectæ auersionis, & conuersionis. In veniali etiam ista duplex est pœna, at non perfecta, sed temporalis: ad tempus enim non videt Deum in purgatorio, & ibidem torquetur. Sed in veniali non est macula propriè, quia non expellit gratiam, sed feruorem charitatis, & deuotionem aliqua ex parte extinguit, & infrigidat. Post actum igitur peccati, stabilis manet reatus, & macula, nisi pœnitentia deleantur. Hæc sunt igitur peccati partes, & effectus. Oportet autem hic notare, quod peccata omnia, siue mortalia, siue venialia, materia sunt sacramenti huius pœnitentiæ, sed non eodem modo. Mortalia etenim sunt necessitatis materia, id est, non possunt alio modo deleri, nisi per pœnitentiæ sacramentum, saltem in voto susceptum, cum non potest in re suscipi. At venialia, sunt quidem materia confessionis, unde quis cum solo veniali potest recipere sacramentum pœnitentiæ, Concil. Trident. sess. 14. cap. 5. tamen non sunt necessaria materia, quoniam homo non tenetur confiteri, si tantum veniale habeat, quamuis sit tempus Quadragesimæ, sed debet sumere Sacramentum Eucharistiæ, nisi sequatur scandalum aliquod. Tunc enim deberet accedere ad confessionem, saltem ut diceret se non habere conscientiam peccati mortalis vllius. Aliqui tenent esse necessariam materiam in tempore præcepti, sed probabilius est oppositum: nam præceptum confessionis tantum est de mortalibus. ita D. Thom. 3. p. q. 84. artic. 2. Scot. in 4. d. 17. q. III. Dur. ibid. q. 9. Quando verò esset dubium de veniali, an esset mortale; tunc necessaria esset materia. Quamuis hoc ita sit, tamen maximè accedere quis debet confessioni, cum solo etiam veniali, saltem propter gratiam, quæ in ipso sacramento datur, & per actum humilitatis, qui exercetur. Veniale autem potest, præter pœnitentiam, alijs vijs remitti, scilicet oratione dominica, aqua benedicta, pectoris transfusione, benedictione Episcopali, feruenti charitatis actu. Hæc igitur est materia huius Sacramenti remota, scilicet peccatum.

* *

Quid sit contritio, quid attritio.

CAPVT IV.

SICVT in baptismo duplex erat materia, remota, scilicet aqua ipsa, & propinqua, scilicet ablutio, quæ aqua fit: ita in hoc sacramento, materia remota peccatum est, propinqua verò est contritio, confessio, satisfactio. Itaque peccatum contritum, confessum, satisfactum, est materia propinqua confessionis. Primum igitur de contritione agamus. Videtur autem posse sic describi: *Contritio est, præteriti peccati, ut est Dei offensa, voluntaria supra omnia detestatio, cum proposito futura supra omnia vitandi, & commissæ confitendi.* In qua descriptione sex sunt partes.

Prima est, *præteriti peccati detestatio.* Peccatum detestari, ad actum voluntatis pertinet, quæ ex peccati commissi consideratione in hunc actum prorumpit, nollens peccasse; talisque actus est detestatio peccati elicita à virtute poenitentia.

Secunda pars est, *ut est Dei offensa:* non sufficit nolle peccasse, quia peccatum malum aliquid secum fert, sed hac ratione, quia offensa Dei est.

Tertia pars, *supra omnia.* Ut homo habeat contritionem, debet detestari peccatū sic, ut potius velit quodcumque malum subisse, quam peccasse, nihilque magis debet abhorre, quam Deum offendisse, & hoc est detestari, peccatum supra omnia, seu supra omne detestabile, ut alij dicunt: Nec opus est in particulari facere istas collationes: mallem hoc, vel illud subijisse quam peccasse: sunt enim periculosa, & aliquando posset daemon hominem his illaqueare: si tamen homo eas facit, bonæ sunt. Non tamen debet quiuis se his periculis exponere: sufficit enim in generali ita detestari, ut nihil magis detestetur, quam Dei offensam, velitque non offendisse, potius autem subijisse quodcumque malum.

Quarta pars est, *voluntaria,* id est, spontanea. Non enim contritio debet esse actus necessitatis, sed spontaneus, & liber, qui in nostra sit potestate, posito tamen auxilio diuino.

Quinta pars est, *cum proposito vitandi futura supra omnia,* id est proponere debet, in posterum se non offensurum Deum, potius passurum quodcumque malum, etiam mortem: quamuis etiam hoc in generali sufficit. Non debet autem quis, suo inni-

tens robori, hoc proponere, sed semper sperans in diuino favore, quo possumus proponere talem emendationem vitæ, & hoc propositum debet esse expressum. Et hoc est probabilius, Alens. 4. p. q. 69. m. 9. art. 2. S. Thom. 3. p. q. 90. art. 4. quamuis aliquid dicant sufficere primum actum; sed quod diximus, securius est. Et ita habet Concilium Florentinum.

Hactenus erat contritionis descriptio, quæ erat ante legem gratiæ, quia tunc propositum confitendi non erat necessarium, ut modo est.

Sexta particula *propositum confitendi*, quamuis sufficeret hoc propositum virtuale, Sot. in 4. d. 17. q. 2. art. 1. Hæc igitur est natura contritionis. Vnde sequitur, quod contritio non est dolor, aut tristitia, sed actus, cuius comes est dolor, & tristitia. Essentialiter enim contritio est actus, quo homo nollet peccare, quatenus peccatum est Dei offensæ; at intellectu considerans non posse non esse factum, peccatum apprehendit ut malum, quod vitare non potest. Et hinc sequitur tristitia in voluntate, quæ mouet etiam sensum, fitq; tristitia in sensu, unde prorumpit in lachrymas, & gemitus: ex apprehensione enim mali, quod vitari non potest: tristitia sequitur. Ista tamen quæuis sequantur ex contritione, & bona sunt, non contritio, sed contritionis effectus sunt. Dicitur autem per metaphoram contritio: est enim propriè actus, quo corpus aliquod durum in minutâ diuiditur partes, fitq; nullius resistentiæ, quod antea multum resistebat: sic hominis cor, quod per peccatû obduratum erat, resistitq; motioni ad bonum, emollescit per poenitentiam, fitq; diuinæ obediens voluntati. Potest etiam contritio dici ab effectu, quia causa est doloris, tristitiæ, actuumq; poenitentium, quia naturam sensitiuam consumunt, & conterunt. Aduertendum tamen est, quoties aliqua pars ex prædictis desit, tunc non contritio, sed quædam alia imperfecta species fit, quæ attritio dicitur, quasi imperfecta contritio: quæ maximè modis his contingere potest.

Primò ex parte obiecti, quando detestatur peccatum cum reliquis conditionibus, sed non quia offensæ, verum aut quia est quoddam malum animum fœdans, & deturpans, faciensq; seruam diaboli. aut quia ei debetur poena æterna, aut quia ex eo sequutum est malum aliquod temporale; quacumq; ratione harum detestatur peccatum, attritio est.

Secundò contingit ex parte modi, cum quis detestatur peccatum, ut Dei quædam offensæ est, sed non detestatur supra

omne detestabile: non enim verè mallet quodcumq; malum subiisse, quàm peccasse: talis enim detestatio, attritio est.

Tertiò modo potest contingere, quando quis detestatur peccatum suprà omnia, vt Dei est offensa, non tamen habet propositum finem vitandi omne futurum: & talis detestatio attritio est.

Quarto modò potest contingere, cùm quis desiderat habere contritionem de peccato, & detestari suprà omnia quavis verè non habeat ipsam contritionem. His quatuor modis contigit attritio.

Est autem grandis differentia inter omnes has attritiones, & contritiones.

Contritio enim per se, absq; sacramento suscepto in re, sed tantùm in voto, est causa remissionis peccati mortalis, & gratiæ conseruationis: & si statim moriatur homo, causa est salutis æternæ. At verò attritio nulla per se est sufficiens causa remissionis peccati mortalis: quamuis sit cùm voto sacramenti: immò qui in peccato existens, cùm sola recederet attritione absq; sacramento, damnaretur.

Est etiam alia differentia.

Contritio sufficit, vt quis accedat sacramento poenitentiae, & impleat præceptum ipsius, & consequatur etiam effectum eiusdem: Contritio enim, seu habenti iam per contritionem gratiam, sacramentum hoc dat gratiam maiorem: & qui sic accedit, verè implet præceptum confitendi, si tempus est præcepti. At verò non omnis attritio sufficit ad consequendum effectum huius sacramenti: immò, si sic accederet, peccaret: quamuis aliqua attritio sufficiens sit, quòd per illas quatuor discurrendo explico.

Prima quidem attritio, si talis sit, vt cognoscatur poenitens, se non detestari peccatum, vt est Dei offensa, sed tantùm vt est alicuius mali temporalis causa, quamuis bonus actus iste sit, tamen non sufficit ad sacramentum, immò qui sic accederet, peccaret denudò, & non impleteret præceptum, sed esset repetendum sacramentum. Aliquando quoq; talis attritio etiam secundum se mala esset, quãdo quis peccatum detestaretur propter malum, vt vltimum finem: cùm autem talis est, quòd non detestaretur, nisi esset propter malum, tamen actus malus est: at absolute detestari peccatum propter malum illarum, bonus actus est: sed, vt diximus, insufficiens.

Secunda attritio illa indiget distinctione. Aut enim poeni-

tens cognoscit se non detestari peccatum supra omne detestabile, at tunc talis est insufficiens sicut prior; aut non cognoscit id, quamvis verè non sit supra omne detestabile, tunc talis attritio putata contritio dicitur, & sufficit, vt præceptum quis impleat, & gratiam ex ipso consequatur.

Tertia attritio non est sufficiens immò peccaret, qui sic accederet, nec implet et præceptum.

Quarta sufficeret ad gratiam in sacramento recipiendam, sic pœnitenti non constaret, se non esse verè contritum, cùm verò constar, insufficiens est, quia cùm sibi constar non esse verè contritum, debet priùs verè conteri, vt aliquid dicat, quamuis opposita sententia sit probabilior, vt infra c. 10. rursus dicā. Vnde Confessores maxime debent considerare, qualiter pœnitentes admittant ad confessionem: non enim sunt admittendi, nisi qui peccata detestantur: vt offensa Dei sunt, & propositum habent non peccandi in posterum, etsi non sunt examinandi, an supra omne malum detestentur, sed ne aliquid magis detestentur. Vnde antè confessionem mihi videtur de tali dispositione fore interrogandos.

De quibusdam dubiis circa contritionem.

C A P V T V.

Aliquot dubia circa contritionem possunt alicui occurrere.

Primum est, quorum peccatorum sit habenda contritio. Ad quòd respondeo, non esse necessariam venialium: hæc enim diximus absq; contritione remitti posse, sed mortalium commissorum est necessaria, adeò quòd sine contritione extra sacramentum non possunt remitti. Non autem est necessaria omnium peccatorum, sed eorum tantum, quæ contritione alia remissa non sunt: quorum enim homo putat se habuisse contritionem, & confessionem, non est necessaria contritio noua. Quòd si quis de talibus de nouo conteratur, bene facit. Tamen aliquot sunt peccata quorum melius est non repetere memoriam, postquam semel contrita sunt, qualia sunt, quæ secum delectationem afferunt aliquam: potest enim eorum memoria plus obesse, quàm prodesse, nisi esset homo perfectus, & multæ mortificationis.

Alterum dubium est, an singulorum mortalium commissorum.

forum sit necessaria particularis contritio. Ad quod aliqui, quamuis aliter dicunt, probabilius tamen cum aliis respon- deo, non esse in necessarias contritiones singulorum peccato- rum, sed satis esse vnâ generalē omnium, siue fiat, cum homo incipit singula peccata sua cogitare, siue cum in medio est co- gitationis, siue in fine. Si enim singulorum contritiones in particulari essent necessariae, non posset homo consequi gra- tiam, & poenitere quocumque momento, sed opus esset lon- go tempore. Sufficit ergo generalis detestatio peccatorum su- pra omnia. Per hoc tamen non tollitur eorum peccatorum in particulari discussio, quæ necessaria est ad confessionem. Et quamuis non esset confessio, sicut non erat antè legem gra- tiæ, esset tamen necessaria ista discussio, licet non tam minu- ta, sed saltem quantum ad species peccatorum, ad vitæ emen- dationem, quamuis ad gratiæ consecutionem saltem suffice- ret prædicta generalis contritio, quæ post cadit in particulari supra quodlibet, cum confessio sit, vel cum homo in parti- culari se examinare tenetur.

Tertium dubium occurrit, an homo statim post peccatū te- neatur de ipso conteri: & quamuis aliqui dicunt, quod tenetur quoties practice subit in memoriā, id est, cum recordatur eius, tanquam alicuius quod operandū proponitur, probabilius di- co cum aliis, quod non teneatur statim, etiam si recorderetur sæ- pius commissi peccati. Solū enim tenetur tunc non in ipso cōplacere, tamen non tenetur poenitere, sed potest mentē aliō diuertere. Est enim generaliter verū, vt quoties quis non tene- tur confiteri, aut aliquis extra statutū præscriptū facere, non te- neatur cōteri, cum tamen est tēpus periculi, tunc cōfiteri tene- tur, vt in infirmitate acuta, vel cum est periculū naufragii, aut belli, aut similis, non existente cōpia Confessoris, cōteri tene- tur. Similiter in casu, quo administrare debet sacramentū, vel recipere, tūc cōteri tenetur, maximè in administratione: aliter non statim tenetur, nisi solū à peccato desistere. Putō etiā, cum aliqua grādis tentatio paratur, cui existētī in peccato probabi- le est succumbere, tūc teneri saltem de admissio cōteri peccato.

Quartum dubium est, quantus dolor esse debeat de peccato commisso, vt remittatur, seu vt vera sit contritio. Ad quod respondeo, solū esse necessariam peccati detestationem, su- pra detestabile omne, vt diximus, quæ, si sit, peccatū delet, quā- uis non sit tam intensā, quā potest esse detestatio alicuius mali temporalis. Non enim est determinata intentio actus
necessa-

necessaria: imò contritio vna vel remissa, potest delere quodcumque peccatum, quamuis grauissimum: nec homo tenetur magis conteri de peccato vno, quàm de alio, dummodò conteratur: quamuis sit vile magis conteri, & de peccato grauiori plus dolere: hoc enim valet ad poenae maioris remissionem, & maioris etiam gratiae consequutionem. Nam contritio non auferit totam poenam debitam peccato; ob id, sunt indulgentiae, quae in remissionem poenae temporalis debitae in purgatorio adhibentur. Posset tamen tanta esset contritio, vt etiam totam auferat poenam; imò ipsa attritio putata contritio, prout maior, vel minor fuerit, ita cum Sacramento maiorem gratiae infusionem, atque poenae remissionem consequitur. Ratio autem, quare quilibet contritio quodlibet peccatum auferit, est, quia cum contritio est, gratia ipsa est. Minimus autem gratiae gradus sufficit omnia peccata à recipiente expellere, ipsumque Dei amicum facere, iusque ad gloriam aeternam habere.

Quid sit Confessio.

CAPVT VI.

DE prima parte materiae huius Sacramenti propinqua, nempe de contritione, diximus, nunc de secunda parte puta, confessione agendum est. Videtur autem sic describi posse. *Confessio est actus homini exterior, propriorum peccatorum cum sui accusatione, in foro spirituali, & secreta manifestatio.* In qua descriptione sunt quinque partes.

Prima est, *Actus hominis exterior.* ad denotandum, quòd, cum homo nullum exteriorem actum, vel verbo, vel nutu facit, vel alio modò, sed immobilis manet, non confitetur, & sic absolutio non est illi danda, quia deficit materia sensibilis in Sacramento necessaria.

Secunda pars est, *Manifestatio peccatorum.* Nò enim quilibet actus exterior confessio est, sed ille, quo homo peccata manifestat. Aduertendum tamen, quòd multis modis potest contingere, actum exteriorem peccatorum esse manifestationem.

Primò, per verbum ipsius poenitentis, aut confitentis, & ad talem actum tenetur qui potest: debet enim verbo proprio exprimere peccata.

Secundo, signo, cum non potest verbo: tenetur enim signo, vel nutu confiteri, vt in mutis cōtingit. Tenetur enim tali modo confiteri, & vera est confessio.

Tertiò potest esse per interpretem, cū ignarus est lingue Confessor. Et talis est vera confessio, præsente pœnitente, & signo annuente, vt poterit, se velle significare, quæ dicit interpret. Quamuis autem ista vera sit confessio, tamen nullus obligatur ad sic confitendum: non enim tenetur reuelare alteri suam confessionem.

Quartò, potest esse scripto, vt scribat, & Confessor legat, annuente pœnitente; quòd in muto, aut alio impedito posset contingere: & est vera confessio; quamuis ad hanc nec teneatur pœnitens, quia ex se est publica. Nam quòd scripto mandatur, ex se permanens est. Per nuncium verò, aut per literas, absente pœnitente confessio non est: non est enim verè ibi actus pœnitentis certus: potest enim intermedio tempore animum mutare, potest esse fraus, potest abijisse: denique, non est pœnitentiæ propinqua materia, quæ actus est pœnitentis. Debet igitur esse actus præsens ipsius pœnitentis, animum, vt tunc se habet manifestans.

Tertia pars est, *Proprium*, vt intelligant pœnitentes, in confessione peccata propria manifestanda esse, non autem aliorum. In quo abusus est multorum: vt enim aliquod deegant peccatum, simul multa impertinentia narrēt peccata, vt vxoris, vxores virorum, domini seruorum, & serui dominorum, alii deniq; aliorum. Non sic debet esse confessio, sed propriorum peccatorum manifestatiua sit, & aliena relinquat, cum abiq; illis confiteri potest.

Quarta pars est, *Cum sui accusatione*. Non enim simplex per modum historię debet esse peccatorum manifestatio, sed cum accusatione sui, id est, vt homo culpam suā in illis peccatis recognoscat. Vnde mirabilis est abusus peccata confiteri, sed excusando, imputando culpam dæmoni, vel forti alicui, vel sociis, vel Deo, necessitatem peccati accusantes, quòd impium est; cum sit certissimum, nullum esse peccatum, quòd propria hominis voluntate non sit perpetratum. Debet igitur homo humiliter culpam suam cognoscere, & sibi imputare, ac dicere cum Propheta Dauid simpliciter, *peccauit*, cum à Nathan argueretur. Reprehendendus est etiam abusus eorum, qui, vt vnum proferant peccatum, impertinentem historiam, & prolixam enarrant, vt inutilia multiplicant verba, quæ omnia

omnia, si finis consideretur; in exultationem peccati tendunt, cum tamen peccata nuda, & aperta sint proferenda, aliàs non est cum vera accusatione confessio, sed cum rethorica exultatione. Quando verò ad peccati manifestationem perfectam opus esset historiam narrare, bonum est, & fieri debet, sed solum quæ necessaria sunt ad talem finem debent exprimi. Quod si oppositum fiat horum, ob id confessio suum non perdit valorem.

Quinta pars est, in foro *spirituali*, & *secreto*. Dico, *spirituali*, ad excludendas confessiones, quæ fiunt coram iudicibus, siue secularibus, siue Ecclesiasticis: non enim tales sunt materiæ huius Sacramenti. Dico, *secreto*, ad excludendam confessionem spirituales, quæ fit publicè, ut in Missa fit nõ enim illa est pars Sacramenti, Vnde Sacerdos maximè aduertat, cum aliqui communicare volunt, & ut moris est, confessionem generalè præmittunt, ne det absolutionè, dicendo, *Ego te absoluo*; esset enim sacrilegium, quia talis confessio non est pars huius Sacramenti: dicat tamen verba deprecatoria, id est, *Misereatur tui: Indulgentiã*, &c. Confessio enim, quæ Sacramenti est pars, est manifestatio, quæ fit ex secreto, & in occulto Confessori. Est igitur confessio actus hominis exterior, propriorū peccatorū, cum sui accusatione, in spirituali, & secreto foro manifestatio.

Qualis debet esse Confessio.



CAPUT VII.

Multas condiciones bonæ confessionis Doctores assignant. Sexdecim enim multiplicant, quas profectò recensere inutile est. Maior enim illarum pars necessaria non est, ob id non sunt hominum mentes obruendæ. Attingam necessarias. Nam aliàs partim in definitione antecedenti dixi, partim etiam suo ordine dicemus. Condiciones, seu qualitates confessionis necessariae, sine quibus, aut omnibus, aut vna earum confessio non est: sunt quatuor, integra, diligens, fidelis, & obediens.


Debet primùm esse integra quantum ad aliqua.

Primò, ut peccata ita exprimantur, ut Confessor intelligere possit gravitatem: oppositum enim, potius est celare, & occultare peccata.

Secun-

Secundò, vt numerum exprimat peccatorum, quantum fieri possit: non enim sat est dicere, multoties hoc commisi, nisi dicat, quoties. Quòd si præcisè non recorderetur, dicat plus, minusue numerum vt recorderetur. Quòd si peccatum est nimis frequens, dicat saltem tempus, vt: quòd per annum habet in consuetudine blasphemare, vel falso iurare, vel se polluere. Et si etiam in statu peccandi, sufficit exprimere tempus, vt dicere, si meretrix est, se per duos, aut per tres annos fuisse expositam cuiumq; accedenti. Aduertendum autem hic est, quòd, cum confitetur quis peccatum, non est opus exprimere omnes actus, qui illud comitantur, vt qui cõfiteretur actum venerum, non est opus confiteri amplexus, & tactus similes, qui actum mortaliter comitantur; & qui occidit, non est opus confiteri, quòd gladium præparauit, vel inquisiuerit inimicum: sat est præcipuum actum confiteri, nisi aliquis actus insolitus fuit annexus. Huic annectendum puto cùm Marci. 4. q. 12. Gabr. d. 19. & Maio. quòd tenetur dicere tempus continuationis vnius peccati, vt qui per mensem integrum fuit cùm voluntate occidendi, tenetur tempus dicere: nam virtualiter est numerus, & multitudo peccatorum.

Tertiò, quia dubius est de aliquo, an sit mortale, debet cõfiteri, aliàs confessio non est integra.

Tandem quartò, confessio debet esse integra, vt non solum poenitens exprimat peccata, sed etiam peccatorum circumstantias. Circumstantiæ dicuntur, quæ non pertinent ad actus peccati substantiam, sed ipsam comitantur.  alia sunt contenta in hoc versiculo.

Quis, quid, ubi, quibus auxiliis, cur, quomodo, quando.

Præcipuæ circumstantiæ sunt finis propter quem peccatur, tempus, locus, in quibus peccatur, & persona peccans, vel cùm qua peccatur. Non tamen necesse est semper confiteri has circumstantias, nisi in quibusdam casibus notandis.

Primus est, quando circumstantia facit actum peccatū mortale, quòd aliàs erat veniale, ver. g. qui dicit mendaciū iocosum vt altero occidatur. vel ob fornicationē, tenetur confiteri hunc finem: nam propter eum sit peccatum mortale, quòd, sine illo, veniale tantū erat. Rursus, qui furatur aliquid paruæ quantitatis, vt socium faciat blasphemare, est etiam obligatus eadem ratione confiteri circumstantiam. Similiter qui fecit, aliquid, quòd ex se non est mortale, putabat tamen, cùm fecit, esse peccatum mortale, tenetur illam circumstantiam confiteri, quæ

quæ ad personam pertinet. Secundus casus est, cum circumstantia mutat speciem peccati, ita ut ex vnius speciei, mortale faciat alterius speciei, tunc tenetur confiteri: verbi gratia, qui furatur in Ecclesia, tenetur dicere locum: nam extra Ecclesiam est simplex furtum, in Ecclesia est sacrilegium. Similiter, qui fornicatur in Ecclesia, vel sanguinem fundit. His tribus casibus locus est manifestandus. Similiter, qui fornicatur cum coniugata, tenetur dicere circumstantiam personæ, quia est adulterium, & si cum religiosa, quia sacrilegium, & si cum matre, vel sorore, vel propinqua, quia incestus. Similiter quæ fornicatur, tenetur dicere, si ipsa, quæ fornicatur, est coniugata, eadem ratione.

Tertius casus est, quando ex circumstantia multiplicatur peccatum, quia etiam circumstantia, nimirum, est contra præceptum aliquod; ut qui furatur, ut adulteretur, tenetur finem exprimere, quia duo sunt peccata, furtum, & adulterium: actus enim interiores sunt manifestandi. Similiter, qui fornicatur, si religiosus est ex voto, tenetur manifestare, quia, ultra fornicationem, agit contra votum. Obseruandum autem maxime in omnibus, hoc idem, quod modò dicebam, esse faciendum in actibus interioribus. Vnde, qui consentit interius fornicationi, tenetur dicere, licet actus non sequatur, circumstantias, an fuerit cum coniugata, an cum virgine: vnde, isti, qui peccatum molitici patiuntur, proprijs se polluentes manibus, tenentur exprimere personam, quam mente concipiebant, si aliquam tenebant mentem. Mutantem speciem; & tenentur etiam exprimere in vno actu successiuè, si plures intendebat, & Confessor debet ista exigere.

Quartus est, Circumstantia, quæ secum fert excommunicationem, est exprimenda, ut qui percussit clericum, debet personam manifestare dicendo, se percussisse clericum: vel, si in tempore prohibito sub excommunicatione aliquid fecit.

Quintus casus est, cum circumstantia est necessaria restitutioni, vel satisfactioni, annexa tertiæ personæ: vnde, qui furatus est centum, tenetur exprimere, & si mille, similiter, ut Confessor intelligat, & provideat de restitutionis modo. Extra hos casus non sunt circumstantiæ necessariò exprimendæ, quamvis peccatum aggrauetur: vnde, non est opus, qui fornicatus est die dominico, aut festo, qui periurat in Ecclesia, tempus, & locum confiteri, vel alias circumstantias, ultra dictas. Hæc igitur est prima conditio confessionis, ut sit integra.

Quibus

Quibus casibus confessio non integra est valida.

CAPVT VIII.

QVAMVIS debeat esse confessio, vniuersaliter loquendo, integra, aliqui tamen sunt casus, quibus confessio non integra est valida.

Primus est, cum quis, post sufficientem diligentiam factam, non recordatur alicuius, vel aliquorum peccatorum, & ob id non confitetur, illa talis confessio valida est, licet verè non sit integra. Dico tamen post diligentiam sufficientem, quia, qui non prius conatur peccata in memoriam reuocare, si obliuiscitur aliquorum, non est valida confessio, vt dicemus inferius: si tamen diligentia est præmissa, est confessio, & consequitur remissionem peccatorum, etiam quorum oblitus est. Quod si memoria postea occurrant, debet confiteri, vel eidem, vel alteri Sacerdoti, vt liberetur, habenti tamen facultatem audiendi confessiones. Nec tenetur, si post Pascha in mentem occurrant, statim confiteri, sed potest in alium annum reseruare, sicut peccata post communionem commissa, vt tenet Syluester, verbo confessio. i. §. 3.

Alius casus est, cum mors imminet: si enim infirmus non habet tempus confitendi omnia peccata, sed aliqua tantum, poterit absolui. Idem intelligendum est de eo, qui omnia peccata proferre non potest, vt mutus, qui nutu solum potest aliqua exprimere, non omnia: talis absoluitur, si potest. Est autem hic notandum circa mortis articulum, quod vt penitus talis absoluator, sufficit motus, vel signum aliquod, quo peccatum aliquo modo manifestetur, vel se velle peccatorum absolutionem: non solum hoc, sed etiam si ante aduentum Confessoris petijt confessionem, illo autem adueniente iam perdidit sensum, tunc, si astantes confirmant illum petijisse confessionem, potest absolui. Ita tenet sanctus Anton. in sum. de peccatis & Sacerdotale Romanum. Immo hæc expressè docent canones 26. quæstio, 6. can. 15. qui infirmitate, & can. agrotantes, de consecrat. d. 4. quicquid velit Sotus, qui id negat. 4. d. 18. quæst. 2. art. 5.

Tertius casus est, quando poenitens habet casus aliquos reseruos superiori. Et quamuis in hoc multa sententiarum sunt Doctorum, dicam, quid probabilius tenendum. Casus, à quibus Confessarius inferior non potest absoluere, sunt in duplici di-

et differentia. Quidam reſeruati ſunt ratione excommunicationis: quidam ratione ipſorum peccatorum, propter aliquam ipſorum grauitatem. Omnes conueniunt in hoc, quod cūm poenitens habet aliquod peccatum reſeruatum cum excommunicatione, non poteſt ab ullo peccato abſolui ab inferiore, niſi prius per ſuperiorem ab excommunicatione liberetur. Cūm verò nulla excommunicatione eſt reſeruatum, tunc eſſe dico probabilius, quod vel poenitens adeat primò inferiore, vel ſuperiorem. Si primò inferiore, debet omnia peccata conſiteri, etiam reſeruata, & tunc ille inferior abſolueret ab his debet, à quibus poteſt, & remittere ad ſuperiorem, vt abſoluatur à ſolis reſeruatis. Ita tenet Sylueſter, verbo conſeſſio, l. §. 20. & Soto, loco allegato, & alij. Et hoc non eſt diuidiare conſeſſionem, quia facta eſt integra, ſed potiùs abſolutionem. Hoc dico fieri poſſe; tamen conſilium eſt, prius intentare aliquam viam, putà, vel vt prius poenitens petat talem facultatem, à ſuperiore, vt à quouis inferiore abſoluatur, vel quod ipſe inferior petat talem facultatem, quam profeſſò ſuperior debet dare, niſi id aliquando non expedire conuenienter iudicauerit. Quod ſi poenitens primò adeat ſuperiorem, quamuis melius eſſet, vt omnia audiret ſuperior, tamen ſi non vacat, poteſt tantūm reſeruata audire, & abſolueret ab his, & remittere ad inferiore, vt à reliquis abſoluatur: & talis videtur iam non integra, quamuis inferiori integrè debeat conſiteri etiam reſeruata. Hoc tenet Soto loco allegato, Dur. 4. diſtinct. 17. qu. 15. & Caiet. verbo abſolutio. Hic autem aduertendum eſt, quod cūm Episcopuſ, vel ſuperior abſoluit à ſibi reſeruatis, datur gratia, qua omnia alia conſequenter remittuntur. Similiter quando inferior abſoluit ab ijs, à quibus poteſt, datur gratia, qua reſeruata remittuntur; ſed non ob id eximitur obligatio conſitèdi, vel ſuperiori reſeruata, vel inferiori omnia: ſicut cum ſola contritione datur gratia, qua peccata remittuntur; ſed non ob id obligatio conſeſſionis aufertur.

Quartus caſus eſt, quando ex peccato aliquo, vel circumſtantia manifeſtata in conſeſſione, ſequeretur vel poenitenti, vel Conſeſſario, vel tertiæ perſonæ damnum graue, vel in vita, vel in fama, vel in pecunia, vel aliquod damnum ſpeciale: tunc enim aliud eſt querendus Conſeſſarius, vel petenda facultas à ſuperiore conſitendi alteri: vel conſiteri poteſt occultè, non manifeſtando quis ſit. Quando verò nihil ex his fieri poteſt, conſiteri debet alia peccata, tali peccato, vel

vel tali circumstantia dissimulata, donec commodè possit confiteri.

Ita tenet Nauarr. cap. 7. & Caietanus verbo confessio, & Soto loco allegato, & communis sententia: quamuis aliqui velint, quòd tunc est relinquenda confessio, sed probabilius reputamus quod dictum est. Exemplis declaramus. Si quis occidit fratrem Confessarij, & timet, si illi confiteatur, tale homicidium, quod statim conijciat, illud esse fratris sui, & probabiliter cognoscet, illud facturum vindictam, non tenetur tale confiteri, sed dissimulare, cum non potest alteri confiteri, & instat necessitas confitendi. Rursus, commisit quis peccatum carnale, probabiliter cognoscit, quod ex illius confessione, Confessarius peccabit mortaliter, maximè si est femina, quæ confitetur, quia nimirum Confessarius illam sollicitabit, debet dissimulare tale peccatum. Ita tenet etiam Syluest. verb. confess. l. §. 19.

Rursus, si cognoscit Confessarium reuelaturum peccatum aliquod, est etiam tacendum. Quando verò ex hoc non sequitur, nisi sola infamia occulta tertiæ personæ, non autem mors, aut publica infamia, vel aliud graue malum, ut si quis fornicaretur cum matre, si diceret talem circumstantiam, tunc mater diffamata esset apud Confessarium, crederem esse necessarium confitendam cum Soto, Bonauent. 4. distinct. 21. & Gabriel. distinct. 17. quæst. 1. conclus. 5. & Syluest. verb. confess. l. §. 28. quamuis Nauarr. cap. 7. oppositum teneat. Nobis tamen id non videtur, nam non est vera infamia in confessione sola, aliàs idem se diffamaret: cum tamen non pertinet tertia persona ad peccati poenitentis manifestationem, nullo modo est in confessione exprimenda nominatim. Illis modis, potest dici confessio non integra. Simpliciter tamen non dicitur dimidiata, sed integra, scilicet voluntate poenitentis, quia est paratus integram facere, nisi impedimentum occurreret.

Quintus casus est, cum sunt peccata venialia, vel mortalia aliàs confessa: nam quia ista non sunt de necessitate confessionis, potest aliquis aliquot peccata confiteri, alijs prætermittis.

* *

LIBER III.

De aliis confessionis qualitatibus.

CAPVT IX.

Confessio etiam debet esse *diligens*, id est, qui confiteri vult, debet prius diligentiam aliquam facere, vt peccata omnia in memoriam reducat. Qui enim, nulla pramissâ diligentia, confessioni accederet, non est à Confessore admittendus: & si peccata aliqua ex obliuione relinqueret, quæ tamen postea subirent in memoriam, propter negligentiam, esset confessio denuò ex integro facienda. Non debet esse ista diligentia æqualis in omnibus, sed pro ratione vitæ, & temporis, ex quo homo non confessus est; & pro ratione etiam memoriæ cuiusque. Vnde, qui pluribus negotiis, in quibus frequentans est periculum peccandi, inuolutus est, maiorem diligentiam adhibere tenetur, quam qui non tot negotiis inuolutus. Similiter, qui plus temporis à confessione vacauit, quam qui minus. Similiter, qui non tam felici memoria pòllet, quam qui facili. Rursus ista diligentia debet esse moralis; pro recto iudicio cuiusque, vt mediocrem aliquod adhibeatur studium, quantum humano, & communi modò sufficiat ad peccatorum recordationem, vt ipsemet secundum rectum iudicium, quòd in se est, cognoscat fecisse.

Debet etiam confessio esse *fidelis*, id est, vera.

Primò, vt pœnitens nihil neget ex his, quæ commisit, & aliquid non impo- sibi scienter ex his, quæ non commisit. Mentiri enim in confessione, graue peccatum est, quauis non semper sit mortale, nisi cum peccatum negatum, vel falsò affirmatum est mortale: quando verò non est veniale, mendacium non est mortale, quauis id velit Caiet. 2. 2. in materia de mendacio: sed oppositum est tenendum cum communi sententia. Non enim veniale est materia necessaria confessionis. Ang. verb. confessio. §. 6. quòd intellige, quando veniale non sit necessaria materia confessionis, vt si non haberet aliud peccatum. Armilla verb. confessio, §. 5.

Debet etiam esse vera, vt, quòd dubitat fecisse, cum tali dubio confiteatur, & non affirmando omninò; sicut nec, quòd certò scit fecisse, cum dubio est confitendum. Debet esse vera etiam, vt circumstantias minuens peccatum, saltè quantum ad speciem, dicat pœnitens. Vnde, si quis vescatur carnib. diebus Quadragesimæ, propter aliquam causam excusantem, à

mortali, non debet absolute in confessione dicere, se comedit se carnes tempore prohibito, nisi causam exprimat. Similiter de aliis circumstantiis aliquo modo minuendis peccatum, licet non mutantibus speciem, non tenetur exprimere: quamuis melius semper est, quantum exprimi potest, manifestare; cum non sit excusandi causa, sed purgandi se desiderio.

Quarta conditio confessionis est, *vi sit obedire parata*, id est, ut poenitens habeat animum, & propositum exequendi quod Confessor iudicauerit necessarium erga ipsius conscientiam, scilicet paratus restituere tertiæ personæ, si Confessor iudicauerit: paratus etiam fugere occasiones peccatorum, & remedia acceptare, qualia etiam Confessor iudicauerit. Rursus, acceptare poenitentiam, quam Confessarius iniunxerit. Et in hoc non est audiendus. Caiet. verb. absol. qui tenet, quod potest poenitens non acceptare poenitentiam à Confessario, & dicere, se velle eam in purgatorio à Deo accipere: sed oppositum est tenendum cum Palud. 4. d. 17. q. 2. artic. 1. & cum communi sententia: tenetur enim acceptare. Nam Confessor est iudex, ut habetur Concil. Trid. sess. 4. Iudex autem poenitentem, & reum potest obligare ad impositam satisfactionem. Propter hæc igitur confessio dicitur etiam obedire parata: nec est opus quod poenitens cum isto proposito obediendi actuali veniat satis est, quod non habet contrarium propositum; tunc enim ineptus est omnino confessioni, & absolutioni recipiendæ. Hæc sunt conditiones necessariae confessioni, ut valida sit.

Quibus in casibus confessio sit denuò faciendæ.

C A P V T X.

Aliquando homo talem facit confessionem, ut propter confessionis semel in anno faciendæ non satisficiat, nisi iterum peccata confessâ manifestet, imò ut confessio illa facta nulla sit. Hi autem casus multi sunt. Sumuntur autem ex parte poenitentis, ex parte confessorij, & ex parte contritionis, vel confessionis, vel satisfactionis. Ex parte poenitentis vnus est casus, quando excommunicatus est, siue maiori, siue minori, si confessioni accedat, & absolutionem recipiat, nō ablata prius excommunicatione, confessio nulla est non enim capax est subiectum tale huius Sacramenti, ut tenet

S. Thom.

3. Tho. in 4. d. 18. q. 2. ar. 5. quæstiuncula 1. ad 2. Tabi. verb. Absol. 1. §. 10. Palu. d. 17. q. 5. ar. 3. Syl. verb. confess. §. 6. & Sor. 4. diff. 18. q. 3. & Fumus, verb. absolut. §. 5. quod est intelligendum de eo, qui accedit scienter, vel cum ignorantia crassa: nam si habeat ignorantiam inuincibilem iuris, vel facti, hoc est, quia vel nescit se esse excommunicatum, vel ignorat excommunicatum non posse confiteri, valida erit confessio, & verum sacramentum. ita habet Adrian. q. 2. de confess. Palud. d. 18. q. 4. Led. 2. p. q. 23. art. 1. & ratio est, quia Ecclesia non intendit priuare sacramento excommunicatum in huiusmodi ignorantia positum, quod patet ex c. Apostolicæ de cler. excom. min. ubi ait Papa excommunicatum celebrantem cum huiusmodi ignorantia, non incurrere poenas iuris.

Secundus casus est ex parte Confessarii, in quo sunt tres casus, in quibus confessio iteranda est.

Primus, quando Confessarius non habet facultatē, vel ordinariā, vel delegatam confitendi: tunc enim deficit iurisdicctio, & in hac parte, perinde est ei cōfiteri ac laico: iteranda enim est confessio, nec sufficit rati habitio, id est, antē iurisdictionē cōfiteri cum proposito impetrādi post confessionem facultatem: hoc, inquam, non sufficit: rati habitio enim, non habet virtutem faciendi Sacramentum, quod non fuit Sacramentū. Secus si esset facultas probabilis, & tunc esset verē confessio: v. g. cum Episcopus scit aliquem audire confessiones, & nō prohibet, visus est probabiliter dare facultatem, modo verō Conc. Trid. sess. 23. c. 15. statuit de necessariam approbationem Episcopi expressam, quæ gratis, & sine pecunia danda est.

Alter casus ex parte Confessarii est, cum est excommunicatus, vel nominatus, vel publicus percussor clerici: In hoc enim casu uterq; vitandus est excommunicatus: & qui confitetur vni eorum extra necessitatem extremam, tenetur iterare confessionem, cum primum scit ipsum fuisse excommunicatum: si enim ignorabat excommunicatum, non peccauit accedendo, quamuis confessio sit nulla: si autem sciebat, peccauit accedendo. Alios excommunicatos, vt superius diximus, non tenemur vitare, sed possumus illis confiteri, quamuis ipsi peccent audiendo confessionem: vnde, si Curati non sunt, quibus ex officio incumbit audire confessiones, vel non sunt expositi audiendis confessionibus, nullus debet extra necessitatem excommunicatum ad confessionem audiendam inuitare, vt alibi declarauimus.

Tertius casus est ex parte etiam Confessarii, cùm ita est ignarus, vt nesciat inter peccatum veniale, & mortale discernere, nec conscientiam poenitentis iudicare: Vnde, si quis cõfessus fuit alicui peccata sua, & postea per colloquia, vel per confessiones cognoscat ignorantiam illius Confessarii, nimirum quia quòd apertè, est peccatum mortale, ille putabat non fuisse peccatum, vel contra, tunc confessio esset iteranda. Et aduerte istam ignorantiam considerandam esse respectu poenitentis in peccato mortali. Potest enim esse Confessarius aptus, & doctus respectu vnius, non tamen respectu alterius: quia hic habet casus multum difficiles, qui talis Confessarii capacitatem multum excedunt: vnde mercatores, qui sibi quarunt Confessarios, qui suas negotiationes non intelligunt, ne restitutioni obligentur, tenentur iterum confiteri, debent enim querere Confessarios intelligentes. Similiter, iteranda esset confessio, si fuit tam ignarus Confessarius, vt debitam absolutionis formam ignorauerit, quòd superioribus diebus de quodam audiuius, qui absolendo dicebat, Pater noster: qui tali fuerant cõfessi, cùm id rescuerint, tenentur iterum peccata confiteri. His modis ex parte Confessoris est iteranda confessio.

TERTIVS principalis casus est ex parte contritionis, qui triplex esse potest.

Primus, cùm quis accedit sine vllò dolore, & peccati detestatione. confessio enim sic facta iteranda est: nec enim confessio, sed historia est.

Secundus est, cùm quis accedit cum proposito non cauendi à peccato: si talis enim esset, accuset se de isto peccato. Qui non habet propositum vitandi peccatum aliquod, tenetur iterum confiteri, & absolutio nullo modo ei danda est cùm tali dispositione; nec data aufert obligationem confitendi.

Tertius casus est, cum habet conscientiam, se non accedere contritum: peccat enim sic accipiendo absolutionem, nec valida est confessio: quòd intelligendum est de attritione, quæ est imperfectus dolor præteriti, & imperfectum propositum futuri: nam si sit vera detestatio culpæ præteritæ, & propositum cauendi ob penas inferni, puto, quòd licet sciat homo, se esse attritum, est vera confessio, & accedentibus hoc modo absolutio dat gratiam, vt colligitur ex Concil. Trid. sess. 13. c. 4. Cùm tamen aliquis existimat se sufficienter dispositum, quæuis non verè sit, immò quamuis sit taliter dispositus, quòd nõ consequatur gratiam ex absolutione, immò si peccabit acceden-

dendo, si tamen ipse putet illam attritionem sufficientem esse confessio non est iteranda, ut tenet Soto loco allegato. Sed cum illi confiteri malè accessisse, quia dolebat de peccato, & habebat propositum, sed imperfectè, & insufficienter, tunc sufficit hoc confiteri, sed non est opus peccata iterum exprimere.

Quartus casus est ex parte confessionis: cum enim non est integra, extra illos casus superius expressos, iteranda est, siue proueniat, quia scienter occultauit aliquod peccatum mortale, siue quia ignorabat esse mortale, tamen ignorantia nimis crassa: nam si ignorasset ex alia ignorantia excusabili, reiterare non teneretur, sed solum illud peccatum confiteri. Siue etiam oblitus fuerit, tamen obliuio processit ex eo, quod non pramissit ullam diligentiam: tunc enim tota esset iteranda, & negligentia accusanda.

Quintus casus est ex parte satisfactionis, cum quis accedit cum animo non satisfaciendi id, quod Confessor expedire iudicauerit quantum ad illa, in quibus poenitens obedire tenetur, ut diximus in capite antecedenti: tunc enim facta confessio nulla est, licet nihil Confessor præcepit faciendum; quia poenitens habebat peccatum illud, scilicet voluntatem non obediendi, quod non manifestauit: quia si manifestasset, absoluentus non erat: & confessio valida non erat, stante illo proposito, quamuis absolutio ei impenderetur, quam dare, peccatum esse grauedanti; & recipienti. Nota tamen, quod si quis accepta poenitentia à Confessore, si postea oblitus est, non tenetur iterare confessionem, ut putat non benè Sylu. verb. confess. i. imò neq; tenetur, licet nolit voluntariè implere, vel in peccato impleat, quamuis illud sit peccatum, ut tenet Nauarr. cap. 9. Vnum tamen hic est aduertendum, cum iteranda est confessio, si alteri fiat Confessori, ex integro sunt omnia peccata iterum exprimenda; si verò eidem fiat, non est opus in particulari repetere, sed in communi tantum, exprimendo aliud, si superest, dummodò tamen Confessor, aut peccatorum recorderetur, aut saltem poenitentia se imposita, aut saltem status, & vitæ hominis in communi. Cum autem nihil horum sciuerit, oportet iterum omnia repetere, ac si nouo confiteretur Sacerdoti. Hi sunt casus, in quibus est confessio iteranda.

De satisfactione.

CAPVT XI.

TERTIA pars materiæ huius sacramenti, est satisfactio. Circa quam aliqua consideranda occurrunt.

Primum est, quid ipsa sit. Est autem satisfactio, vt in præsentî sumitur, offensæ præteritæ quoad poenâ recompensatio. In cuius declaratione aduertendum est, cum culpa remittitur in sacramento Pœnitentiæ, non semper deleri totam poenam. Sunt enim in mortali peccato duo, scilicet macula, & reatus poenæ æternæ. Per sacramentum generaliter abstergitur macula: per gratiæ infusionem etiam aufertur poena, sed non semper tota, sed manet poena temporalis in hoc mundo, aut in purgatorio soluenda. Et hoc determinatur in Concil. Trid. sess. 4. sub Iulio 3. c. 8. Hinc fit, vt post confessionem, & absolutionem, quibus culpa quoad maculam remittitur, sequatur satisfactio.

Secundò aduertendum est tria esse, per quæ potest fieri hæc recompensatio, vt omnes communiter tenent, ieiunia, orationes, eleemosynas. Per ieiunium, non solum oportet intelligere ciborum abstinentiam, sed etiam omnia opera poenalia corporis, & disciplinas, corporis castigationes, peregrinationes, & alia huiusmodi. Per orationes etiam, non solum meditationes, aut preces vocales, sed etiam opera spiritualia intelligimus, & missarum celebrationes, per quæ liberationes, lectiones, & alia huiusmodi. Per eleemosynas etiam intelligimus non tantum pecuniarum largitiones, sed alia opera misericordiæ corporalia, vt visitare inermes, incarceratos, consolari pupillos, & alia huiusmodi. His omnibus fit satisfactio Deo pro poena debita peccatorum.

Tertiò aduertendū est, esse duplicem satisfactionē, alteram, quæ fit per opera imposita à Cōfessario pro satisfactione: alteram, quæ fit per ea opera, quæ voluntariè quisq; assumit sibi. Est autem duplex discrimin inter vtramque satisfactionem.

Primum est, cæteris paribus, maioris efficaciz est illa, quæ à Confessario imponitur, quam quæ voluntariè assumitur. v.g. ieiunas semel pro imposita poenitentia, maior poena, cæteris paribus, remittitur tibi, quam si semel voluntariè ieiunas, quia illa est ex satisfactione, quæ pars est sacramenti, & ratione sacramenti magis applicatur virtus Christi in hoc ieiunio impositæ.

posito. Dixi, cæteris paribus, quia tanto feruore & deuotione posses illud facere voluntariū, & tam tepidè impositum, vt plus esset, q̃ ex deuotione maiori das, quā quod ratione sacramēti.

Alterum discrimen est, satisfactio voluntaria, cū in peccato mortali sit, nihil prodest ad pœnā tunc, nec etiam quando homo consequitur gratiam: v.g. est in peccato mortali aliquis, & vult satisfacere pro pœnis, ad quas ex alijs peccatis remissis tenetur, verè per talia opera, nec tunc, nec post satisfacit: at verò per ea, quæ imposita sunt à Confessario, tunc cū fiunt, non satisfacit: at verò, cū homo consequitur gratiam, illa præcedens satisfactio consequitur suum effectum, vt dicit benè Caiet. verb. satisfactio, quia erat pars sacramenti. Sacramentum autem, vt aliàs diximus, quandoque post tempus aliquod consequitur effectum: vt fit in accedente fide. Scotus putat quod satisfacit etiam tunc, licet sit in peccato; sed oppositum est probabilius cum communi sententia: solum enim satisfacit tunc quoad confessionem, ita quod nō peccat denuò non implendo pœnitentiam, nec tenetur confessionem iterare, sed non quoad Deum. Qui ergo pœnitentiam impositam implet in mortali, non tenetur illam reiterare, quia satisfacit Confessario; sed Deo non satisfacit, nisi gratia accedente.

Quartò aduertendum est, quod pœnitenti debet, & tenetur Confessarius imponere pro peccatis pœnitentiam satisfactoriam, nisi in casu, quo pœnitens nō posset acceptare, & adimplere, quale est tempus mortis vrgentis, vel cū pœnitens non habet actuale iudicium in articulo mortis, sed absoluitur ex præcedenti confessione, vt diximus. Cū verò moriens tempus habet, & possibilitatem acceptandi, imponi debet, vt, si forte vixerit, impleatur. Tenetur etiam pœnitens acceptare pœnitentiam, si iusta est à Confessario imposita, aliter nō est absoluentus, vt diximus capite præcedenti. In imponenda autem pœnitentia Confessarius debet considerare gravitatem peccatorum, & ipsorum qualitatem, & personam pœnitentis. Gravitatem quidem, vt non leues pœnitentias, & pro arbitrio imponat, sed gravitatem peccatorum considerando, vt habetur in Concilio, loco allegato: qualitatem autem, vt pœnitentiæ, quantum fieri potest, peccatis contrariæ sint: carnis peccatum, carnis maceratione castigetur: Avaritia, elemosynis; periuria, & blasphemix, diuinis laudibus, & maximè sacrorū frequentatione pro omnibus peccatis. Personam quidem pœnitentis, vt consideretur quantum persona possit exequi, & quæ: nec

enim pauperibus eleemosynas, nec famulis peregrinationes, nec etiam quæ statui, aut viribus, aut dispositioni pœnitentis repugnent, imponere debet. Quamvis autem, quantum fieri potest, satisfactio iusta, & æqualis imponi debeat, tamen multis de causis Confessor potest diminuerere pœnitentiam.

Primò, quando pœnitens accedit nimis contritus. Contritio enim grandis multum de pœna debita aufert.

Secundò, quando est tempus indulgentiæ, vel Iubilei alicuius, quod etiam remittit magnam partem pœnæ, & aliquando totam, adhuc tamen imponenda est aliqua pœnitentia propter consuetudinem.

Tertiò, quando pœnitens est ita imperfectus, ut timor, sit, ipsum nõ acceptaturum pœnitentiam, vel si accipit, non impleturum.

Quartò, quando pœnitens impedimentum habet, vel quia senex, vel quia debilis, vel quia alijs modis non ita potest facillè tantam implere pœnitentiam.

Quintò, quando alia via iuantur pœnitentia, & satisfactio scilicet, imponendo illi omnia, quæ facturus est bona, & quæ passurus est patienter mala, loco pœnitentiæ. Est enim sciendum, quod opera aliàs debita Deo, si imponantur à Confessario, vel si à pœnitente Deo in satisfactionem offerantur, valent ultra obligationem, cui etiam satisfaciunt. Vnde optimo consilio, in forma absoluedi adiungitur illud, *Quicquid boni feceris & mali sustinueris sit tibi in remissionem peccatorum, & in augmentum gratiæ, & præmium vitæ æternæ.*

Imò quilibet benè faciet, si actus vitæ suæ bonos Deo offerat, in satisfactionem præcedentium peccatorum: tanta enim est Dei benignitas, ut opus vnum multis de causis debitum, etiam acceptet in remissionem peccatorum. Vnde posset Confessor pro pœnitentia imponere opera aliàs debita, ut quod ieiunet tres dies Quadragesimæ, duos tamen tenebatur ieiunare aliàs pœnitens: non tamen id semper est faciendum. Quando autem Confessarius absolutè imponit pœnitentiam, intelligitur de opere aliàs indebito, ut cum dicit, ieiuna duos dies, non debent esse nisi dies, in quibus non est præceptum ieiunandi; ut si dicat pœnitenti, ieiuna tali hebdomada duos dies, si ex necessitate aliqua pœnitens non potuit debet in alia implere, ut tenet Caietan. verb. satisfactio. Idem etiam de tempore in alijs pœnitentijs dicendum est. Aduertendum est verò, quod vnus Confessarius non debet mutare pœni-

pœnitentiam impositam ab altero sine causa: cum verò causa est, vel quando videt pœnitentem non impleuisse, & timet etiam non impleturum, vel videt pœnitenti non esse aptam, vel alia iusta de causa, potest eam commutare in aliam prout expedire melius iudicauerit, vel illam etiam minuere: nec opus est ad hoc, vt pœnitens repetat, pro quibus talem accepit pœnitentiam.

Aduertendum sextò, quòd potest vnus satisfacere pro altero: verbi gratia, in ieiunio sunt duo, vnum est meritum ieiunantis: si enim est in gratia, meretur per ieiunium. Alterum est satisfactio: nam vltra meritum, consequitur, qui ieiunat, remissionem pœnæ pro peccatis debita. Potest vnus pro altero ieiunare, vel alia bona opera facere, sed quod est meriti, sibi, non alteri dare potest; quod verò satisfactionis, alteri potest dari. Vnde vnus pro alio satisfacit, dummodò tamen vterque sit in gratia. Potest ergo Confessarius imponere pœnitentiam pœnitenti, per se, vel per alium implendam, licet non debet facere absque rationabili causa. Quòd si Confessor non id facit, non habet pœnitens facultatem, vt quod à se implendum est impositum, per alterum impleat, nisi necessitas sit, vt propter infirmitatem, vel impossibilitatem aliquam: semper tamen est maioris efficaciar pœnitentia facta ab eodem, quia prodest ad meritum, & ad satisfactionem; facta verò ab alio, ad solam satisfactionem. Hoc tamen vnum aduertendum est, quòd pœnitentia imposita à Confessore, quamuis, vt diximus, magis profit, quàm voluntariè assumpta, non tamen semper adhuc delet totam pœnam, sed partem aliquam, nisi tam grandis sit, vt totam auferat. Sed humana fragilitas non patitur tales pœnitentias. Ob id, meritò indulgentijs, & omnibus bonis operibus vitæ iuuamur, & adhuc in purgatorio soluenda post obitum ferimus.

De Absolutione.

CAPVT XII.

HA CTENVS de materia tam remota, quàm propinqua Sacrameti huius loquuti sumus, sequitur, vt de eius forma non nihil dicamus. Est autem forma, *Ego te absoluo à peccatis tuis*. Nec omnia verba necessaria sunt huius formæ ad necessitatem sacramenti. Quamuis enim solum Confessarius

Dd 5

dicat,

dicat, *Te absoluo*, sufficeret: tamen graue peccatum esset, ali-
quod ex illis verbis sciēter pratermittere. Solent autem aliqua
verba ex consuetudine, & decencia præmitti, vt, *Misereatur tui
omnipotens Deus, &c.* & alia etiam postponi, vt, *Passio Domini
nostri Iesu Christi, & merita*, quæ absque causa ab vilo non sunt
pratermittenda.

Notandum tamen est.

Primò circa istam formam, non esse addenda alia verba,
præter ista prædicta, quæ sunt in communi omnium vsu. Vn-
de ridendi sunt illi, qui dicunt, *Ego te absoluo ab omnibus peccatis
confessis, contritis, & oblitis*; sunt enim superflua duo verba ad-
dita, primum, & tertium: secundum autem malè ponitur: nam
absolutio est peccatorum non solum contritorum, sed etiam
attritorum. Et multò magis ridendi sunt, qui cum quādam au-
thoritate Pontificali dicunt, *Absoluo te omnibus peccatis, confes-
sis, & non confessis, contritis, & non contritis, oblitis, & non oblitis,
& resituo te sanctæ Romanæ Ecclesiæ*; nam omnia huiusmodi
verba ad libitum cōfecta, remouenda sunt à forma sacramen-
ti, quamuis addita ipsam non mutant.

Notandum secundò, quòd, cum excommunicatione aliqua
tenetur poenitens, à qua soluendus est à Confessario, prius ab-
solutio fiat ab excommunicatione, siue maiori, siue minori,
quàm à peccatis absolutio impendatur: immò melius esset,
ante ipsam confessionem peccatorum, absolui ab excommu-
nicatione, licet non sit necessarium.

Tertiò aduertendum est, quòd absolutio non debet impendi
cum conditione, aut rati habitatione.

In cuius gratiam nota, quòd triplex conditio potest apponi
absolutioni.

Vna est de præterito, vt, *Si fecisti hoc, ego te absoluo.*

Altera est de præsentī, vt, *si ita est, ego te absoluo.*

Tertia de futuro, vt, *Ego te absoluo, si hoc feceris.*

Cum verò dependens est à tertia persona, scilicet, *Ego te absol-
uo, si Episcopus postea consenserit*, sic dicitur absolutio cum rati ha-
bitione, Nulla ergo conditio est apponenda, nisi ratione dubij
alicuius, vt cum dubitat, an dederit absolutionem, potest dice-
re ratione dubij, *Si non es absolutus, ego te absoluo*: tamē alia con-
ditiones apponendæ non sunt, differenter tamen: nam si duæ
priorēs apponantur, valet absolutio, stante conditione posita,
sed malè facit Confessarius; tamen si tertia persona ponatur,
nihil valet. Nam effectus deberet expectare impletionem con-
ditio-

ditionis quod esse non potest: non enim Sacerdos potest differe effectum positæ absolutionis. Vnde Confessarius non debet talem apponere conditionem, intendendo sic conditionaliter absolvere: cum tamen conditio aliqua est ponenda, nõ debet esse in forma ipsa, sed debet pœnitenti iniungi, quam si recipiat, absolute est absoluendus. Immo, cum Episcopus dat facultatem absoluedi aliquem alicui Confessario, ea conditione, vt eum mittat postea ad ipsum, tunc Confessarius non debet apponere conditionem in forma, sed obligare pœnitentiam, vt adeat superiorem: quod si receperit, absolute est absoluendus. Et, si postea forte pœnitens non impleuerit, non tenetur repetere confessionem illam, sed solum confiteri illud peccatum, quod non impleuit, quod promisit.

Quartò, aduerte non esse dandam absolutionem, nisi post impositam, & acceptam pœnitentiam. Cum tamen probabiliter scit Confessarius, pœnitentem accepturum, non est inconueniens præcedere absolutionem. Semper tamen melius est, quod pœnitentiæ impositio præcedat, nisi Confessarij obliuio aliquando id prætermittat. Aduertendum verò, quod semel est adhibenda absolutio in vna peccatorum confessione: quod si multæ sint, licet sint eorundem peccatorum, multiplex potest esse absolutio. Nam eadem peccata sæpè possunt pœnitentes confiteri, & in varijs confessionibus alias etiam, & alias absolutiones recipere; & sæpè generaliter multi confiteri solent: non tamen esse debet tam assidua repetitio eorundem, vt sit iam res ridicula præsertim cum simus tam imperfecti, vt noua nunquàm deficiant, quæ possumus confiteri. Quod si quis intentaret bis absolvere in eadem confessione, grauiter peccaret, nullam tamẽ inde contraheret irregularitatem, quia talis non est expressa in iure.

De Confessario.

CAPUT XIII.

CIRCA Confessarium sunt consideranda duo. Quædam, quæ ad rationem Confessarij pertinent, adeò quod absque eis absolutio data nulla esset. Quædam sunt, quæ ad rectitudinem sui officij pertinent, quamuis, ipsis prætermisissis, absolutio non impediatur. De prioribus oportet nunc tractare, quæ sunt quatuor. Ordinis pote-

potestas non impedita, iurisdicção non impedita, proprietates scientiæ facultas.

In primis est necessarius ordo, non quicumque, sed Sacerdotalis, vt sit Sacerdos: vnde laico, aut alium habenti ordinem absq; Sacerdotio, nulla fit confessio sacramentalis. Solent aliqui in mortis articulo, Sacerdote deficiente, laico confiteri, sed in primis ad talem confessionem nullus tenetur: potest tamen, si putat aliquam aliam consolationem ex tali manifestatione peccatorum facere, maximè in satisfactionem, & meritum, quæ ex actu illo, quo sua crimina alteri humiliter ostendit, proueniant: cum tamen nullum tale sperat, vel timeret ipsum reuelaturum, non debet confiteri; & quantum perito, melius esset, si non faceret, sed illo tempore ad Deum per contritionem se conuerteret. Quod si fiat, nullo modo laicus debet absolutionis verba impendere, & si impendat, peccat, & nihil facit quamuis non contrahat irregularitatem: posset tamen verba deprecatoria dicere. Est igitur necessaria ad Confessarium potestas ordinis.

Debet autem esse non impedita: nam suspensus ab ordine nominatim, non potest absoluerè, quamuis sit Sacerdos. Similiter nec depositus, nec degradatus, nisi in mortis articulo, vt diximus lib. 1.

Necessaria est secundò iurisdicção aliqua, saltem in foro exteriori. In cuius gratiam aduerte, esse triplicem iurisdiccionem, ordinariam, delegatam, iure concessam. Ille habet iurisdiccionem ordinariam, cui ex officio incumbit animarum cura, vt Parochus, Episcopus, & alij huiusmodi. Ille verò delegatam habet, qui ex commissione eorum, quibus ex officio incumbit habet. Et hæc dupliciter haberi potest.

Vno modo exprèsse, cum ordinarius manifestè concedit alteri, vt possit confessiones audire.

Alterò tacitè, vt cum Episcopus, vel Curatus videns aliquem confiteri, tacet, & non prohibet, tacitè iurisdiccionem dat. Ille verò habet iurisdiccionem iure cõcessam, quæ habet confitendi facultatè ex eo, quod pœnitens habet licentiam à iure, vel à priuilegio aliquo, vel alia causa ipsum in Confessarium eligendi, ver. gra. Prælati possunt sibi Confessarios eligere, vt dicemus postea. Similiter, qui habet Apostolicum diploma. Tales Confessarij dicuntur habere iurisdiccionem iure concessam. Hæc iurisdicciones sunt, quibus, saltem vna earum debet non carere; si enim nullam earum habet, non potest absoluerè, nisi in morte.

in mortis articulo: immò tunc Sacerdos dici posset habere iurisdictionem iure concessam aliquo modò, Extra casum tamẽ dictum, aliqua prædictarum iurisdictionum est necessaria simpliciter ad Confessarium. Debet autem iurisdictione non esse impedit per nominatam excommunicationem, aut clerici publica percussione, aut aliquo impedimento, de quib. supra lib. 1. satis diximus.

Ultra has duas condiciones, tertia est necessaria, scilicet proprietates, vt Confessarius sit proprius pœnitenti. Ad quod sunt duæ condiciones necessariae.

Altera est, vt habeat iurisdictionem in ordine ad pœnitentem, id est, non sat est habere iurisdictionem, sed ea debet esse in ordine ad pœnitentem, vt sit ei subiectus. Qui enim habet iurisdictionem Romæ, non potest audire eos, qui sunt Mediolani, quia talis iurisdictione non extenditur ad eos: & hoc est necessarium in iurisdictione delegata, & iure concessa.

Altera est, quòd talis iurisdictione sit ordinaria in ratione officii. Talis Confessarius dicitur proprius, cæteri verò Confessarii habentes iurisdictionem delegatam, vel iure concessam non dicuntur proprii Confessarii, nisi largè sumptò vocabulo, sed dicuntur legitimi Confessarii: debet igitur Confessarius esse proprius. Hoc autem non est sic intelligendum, quasi sit necessarium confiteri proprio Sacerdoti simpliciter: potest enim quis confiteri alteri habenti iurisdictionem, aliis duobus modis: sed dicitur necessarium sic, quòd cum non est alius habens iurisdictionem delegatam, vel iure concessam, tenentur pœnitentes ad proprium recurrere Confessarium. Sunt autem proprii quatuor. Parochus in sua parochia, Episcopi in sua diocesi, & Archiepiscopus in diocesi etiam Episcoporum, qui ei sub sunt: solo tamèn tempore visitationis, vt habetur c. vltim. de cens. lib. 6. Rursus Papa in toto mundo, & superiores Religiosorum in suis conuentibus. Hi dicuntur Sacerdotes proprii, qui ex officio iurisdictionem habent. Quia verò diximus, omnes teneri proprio Sacerdoti confiteri nisi constentur ei, qui ex commissione habet iurisdictionem, vel iure concessam, notare oportet, omnes Prælatos habere facultatem à iure eligendi sibi Confessarium: ob id, non est opus sollicitos esse in quarendis propriis Confessariis Prælatorum. Ista commissio habetur à Gregor. IX. ca. pro dilatione, de pœnit. & remiss. Per Prælatos autem oportet intelligere eos, qui iurisdictionem habent etiam exteriorem, vt Episcopi, Abbates, & sup-

superiores Religiosorum, Priores, Guardiani, Prouinciales, & ceteri, hi possunt eligere sibi Confessarium: at ante omnes ipse Papa; Cardinales verò, qui Episcopi non sunt, quia non sunt Prælati, nisi Legati sint, non habent hanc potestatem à iure: vnde Papam, vel summum pœnitentiarium habent pro confessario proprio, sicut & familia commensalis Papæ tamen ex consuetudine iam omnes solent à Pontifice habere similem licentiam; immò eorum familiæ commensales subsunt ipsis, & possunt confiteri cum his, quos Cardinales signauerint, vel quibus commiserint. Aliqui affirmant, etiam Sacerdotes inter se posse mutuo confiteri, ex quadam consuetudine, tacita Episcopis, seu proprii Sacerdotis licentia: sed iam hæc opinio locum non habet: nam in Conc. Trid. sess. 23. c. 15. determinatur oppositum, ne vllus habeat auctoritatem audiendi confessionem, etiam Sacerdotum, nisi fuerit per Episcopum approbatus, & idoneus iudicatus, non obstante quacumq; consuetudine, aut priuilegio: & hoc quamuis sit regularis, nisi aliud quod habeat beneficium parochiale. Debent ergò Sacerdotes suo Curato confiteri, aut alteri habenti facultatem: similiter Curatus Episcopo, vel habenti facultatem.

Sunt autem aliqui casus, in quibus potest aliquis non confiteri proprio Sacerdoti.

Primus est, quando est de licentia proprii Sacerdotis, vt alteri confiteatur. Hoc autem aliter est intelligendum modò post Concil. Trid. quam antea intelligebatur: ante enim, de licentia Curati, poterat quis confiteri cuilibet Sacerdoti idoneo, & non habenti alias iurisdictionem: poterat enim Curatus aliis suam delegare auctoritatem, & iurisdictionem; modò tamen non licet, quia nullus sine licentia Episcopi potest audire confessiones, nisi parochiale habeat beneficium. Habeat ergò modò facultatem hanc Curatus, vt conferat suis subditis facultatem confitendi aliis, qui tamen per Episcopum licentiam habeant, & approbati sint, vt in aliqua saltem parochia confessionem audire possint: similiter, vt aliis Parochis confiteantur. Episcopus autem absolute potest dare licentiam subdito, vt cuius, etiam alias non habenti iurisdictionem, confiteri possit.

Secundus casus est, cum quis habet bullas, aut diplomata Apostolica, quamuis hætenus derogata sunt præterita, quantum ad hoc, tamen si qua in posterum dantur iuxta præcedentium tenorem, tunc per ea homo habet facultatem confitendi cuilibet

bet Sacerdoti apto ad confessiones audiendas, etiam nulla habita licentia ipsius proprii.

Tertius casus est, cum homines sunt vagabundi nullum habentes fixum domicilium: tales enim non vlli tenentur proprio Sacerdoti confiteri, sed illi, in cuius iurisdictione sunt, quando confiteri debent. Et simile est de peregrinis & viatoribus, qui tenentur confiteri illi proprio Sacerdoti, in cuius iurisdictione sunt, tempore suscipiendi Sacramenta. Nauar. de pœn. d. 6. c. placuit, nu. 80. putat vagabundos posse confessarios eligere, etiam alias non habentes iurisdictiones, quod non credo, & talis confessarius potest absolueri illos poenitentes; etiam a casibus reseruatis ab illorum Episcopis propriis, nisi etiam reseruati sunt per Episcopum loci illius, in quo tunc morantur. Ita tenet Caiet. ver. absol. c. 3. & dicit Eugenium Papam ita ore expressisse, quamuis tales viatores absque licentia proprii Sacerdotis viam fecerint. Aliqui dicunt Episcopum loci, in quo morantur, debere a reseruatis absolueri, si poenitens commisit illa in loco, ubi reseruata erant: sed probabilius est, quod dicit Caiet. Idem dicendum est de Scholasticis, qui studii causa propria relinquunt domicilia. Isti enim non sui domicilii Sacerdoti proprio tenentur confiteri, sed Curato, in cuius parochia sunt.

Quartus casus est, cum quis confitetur illis, qui constituti sunt Confessarii in religionibus, quamuis absque Episcopi approbatione. Religiosi seculares confiteri nequeunt; tamen post approbationem possent omnes illius diocesis confiteri, & tunc nullus tenetur proprio confiteri, nec ab eo licentiam capere. Idem etiam dicendum de Poenitentariis Romae constitutis.

Quintus casus est, culpa proprii Sacerdos: cum enim ignarus est, vel sollicitator ad malum, vel reuelator confessionum vel aliquod malum ab eo timetur, tunc poenitens debet petere licentiam ab eo alteri confitendi, vel a superiore, quam non obrepente, potest cuius idoneo confiteri, iuxta Siluest. ver. confessor l. §. 6. Adr. q. 2. de confess. dub. 3. Palu. Ricar. Nauar. de pœn. d. 6. c. placuit n. 144. quamuis S. Thom. id. Add. qu. 5. art. 4. ad 5. & Soto, d. 1. 18. q. 4. art. 2. teneant contrarium, licet esse tunc reputandum, ac si non esset copia Sacerdotis. In contrarium est ille Canon placuit, ex Verba. 2. ubi dicitur, quod est habendus consensus proprii sacerdotis, nisi sit ignarus. Et sub ignorantia, etiam intelligenda sunt alia similia impedimenta,

dimenta. Ob id securior est sententia prior; hoc vno addito post Conc. Trid. vt confiteatur non cuius, sed habenti facultatem aliquam confitendi. Aduertendum tamen est, non esse causam sufficientem eligendi alium à proprio, propter verecundiam, vel timorem, quod scilicet proprius non habebit bonam opinionem de illo.

Sextus casus est iam sæpè dictus, mortis articulus, vel periculum mortis. Tunc enim cuilibet Sacerdoti potest cōfiteri, vt aliàs diximus. Vnum est hic notandum, quod qui habet iurisdictionem in aliquos, potest in quacumq; diœcesi illos audire, & absoluerè; potest enim suos subditos Episcopus, vel curatus cōfiteri, etiam in aliena diœcesi, vt si fortè ipsum committantur, vel ipsis iter facientibus occurrit, vt omnes tenent communiter.

*De his, à quibus proprius Confessarius potest
absoluerè.*

CAPVT XIV.

Proprius Confessarius potest absoluerè ab omnibus peccatis, quantumvis grauib; nisi à superiore fuerint reseruata. Vnde Episcopus potest absoluerè ab omnibus peccatis, præter reseruata à Papa; Curatus potest absoluerè ab omnibus, exceptis reseruatis Papæ. Quod præter dico de Curato, intelligere oportet de aliis ab Episcopo constitutis, vel expolitatis in conuentibus Religiosorum, nisi aliquod habeant particulare priuilegium. Est enim obseruandum, cum Episcopus constituit aliquem Confessarium, non ob id dat facultatem absoluendi à reseruatis, nisi id explicet. Similiter, cum quis habet priuilegium eligendi Confessarium; solum ab iis potest absolui, quæ exprimit priuilegium, & bulla.

Circa casus Papæ reseruatos; id primò est considerandum communiter loquendo, nullum casum, nullumque peccatum esse Papæ reseruatum, nisi ratione alicuius censuræ reseruata.

Vnde sequitur primò cum Papa priuilegium dat absoluendi à casibus Papalibus, intelligitur dare facultatem absoluendi à censuris impediens talem absolutionem peccatorum; nam ratione harum tantum sunt Papales casus.

Sequitur

Sequitur secundò, quod ablata censura per Papam, ipsa peccata, propter quæ erant censura, possunt absolui à quolibet Confessario, vel Curato, nisi fortè ista talia sint reservata Episcopo Nauarr. in summa cap. 27. nu. 254. vult in tali casu, posse etiam à reservatis ab Episcopo absolui; quia, cum Papa relaxat censuram, ex consuetudine aufertur reservatio inferioris: & hoc probabile est, & fieri potest.

Circa casus reservados Episcopo, scito, non solum ratione censura aliqua reservari, sed etiam ratione ipsorum peccatorum, nulla existente censura.

Sunt autem isti casus reservati Episcopo in triplici differentia, quidam de iure, quidam de consuetudine communi, quidam de particulari consuetudine in proprijs Episcopatibus. De his regula certa dari non potest, quia quisque Episcopus reservat ea, quæ suo Episcopatu convenire videntur.

Ea, quæ iure reservantur, tria videntur esse præcipua, quævis alij plura ponant, sed sunt incerta, nec auctores concordant.

Primum propriè inter peccata reservata computatur, cum peccatum non sit, tamen inter reservata est, quia ad Episcopum pertinet, puta votorum dispensatio, omnis Papalibus, à quibus Papa solus dispensat, iuramentorum relaxatio: Irregularitatum non Papalium absolutio, & excommunicationum maiorum reservatarum Episcopo etiam absolutio: hæc ad Episcopum pertinent.

Secundum est peccatum incendiariorum. Qui enim domos, vicos, agros dolose incendunt, excommunicandi sunt; ut dicit Calet. ver. incendium; & si excommunicantur, ad Papam absolutio pertinet. Ante istam tamen excommunicationem, ut dicit Silu. verb. casus, ad Episcopum pertinet absolutio, ut habetur 23. q. 8. cap. pessimam.

Tertium est peccatum grave, & scandalosum, propter quod olim poenitentia publica iniungebatur, ut concubinatus notorius, peccata blasphemiarum, & alia: hæc ad Episcopum pertinent, ut loco allegato dicit Silu. quamvis alij negent, cum iam poenitentia publica non sit in usu. Potest Confessarius pro prudentia sua utriusque opinione, prout visum fuerit magis expedire aliquando: quamvis sint iam tot privilegia Confessariorum, ut pauca, aut nulla sint Episcopo reservata. Ea autem, quæ ex communi consuetudine in omnibus Episcopatibus reservantur, ista sunt, homicidium, aut mutilatio actualis,

crimen falsariorum, vt qui in iudicio falsò iurauit contra aliquem vel tacendo verum, vel dicendo falsum, qui etiam scripturas falsas faciunt. Nō intendimus dicere de literarum Apostolicarum falsarijs: tales enim excommunicationem habent annexam. Rursus sacrilegia, aut rapinæ rerum Ecclesiasticarū, homicidia, vel vulnerationes in loco sacro. Rursus diuinationes, & incantationes, inuocationesque demonum. Hæc quatuor reseruatæ sunt ex consuetudine communi Episcopis. Aduertendum tamen est, Romanos pœnitentiarios inferiores omnes ex quocumque loco ad se venientes possē ab omnibus his absolvere, & ab omnibus excommunicationibus reseruatis etiam Episcopis. Possunt enim quæcumq; Episcopi possunt, immò plus: possunt enim ab aliquibus excommunicationibus, ac votis absolvere, à quibus non possunt Episcopi.

De scientia confessarij.

CAPVT XV.

VLtra illas conditiones tres prædictas, quarta necessaria est confessario, nempe scientia. Hæc autem quanta futura sit, ratio ipsa naturalis dicitur: cum enim confessarius index sit fori interioris, necessarium est, vt eorum, quæ sub suo foro accidunt, peritiam habeat.

Ex quo fit, vt tepeatur scire, primò, quæ mortalia sint peccata, quæ venialia, saltem ex suo genere.

Secundò, circumstantias peccatorum necessarias.

Tertiò, casus, & excommunicationes, à quibus non potest absolvere, peccata etiam, quæ excommunicationem habent annexam; non enim peccatum, nisi excommunicatione ablata, absolui potest.

Quartò, quæ peccata sunt annexa restitutioni, aut famæ, aut pecuniæ, aut damni illati.

Quintò, qui contractus liciti, qui illiciti, vsurarij, simoniaci, aut iniusti sint.

Sextò, quæ impedimenta sint absolutioni danda, quibus casibus confessiones præcedentes sint repetenda. Quamuis autem non sit opus hæc omnia exactè & sigillatim scire, debet tamen saltem confessarius scire dubitare, & digno scire casus dubios, & difficultatem habentes, vt possit consulere peritos scietò, non reuelata confessione, vt postea dicitur.

Aduer

Aduertendum tamen est circa hanc prædictam scientiam, primò quòd est regulanda iuxta qualitatem subditorum, & pœnitentium, quos vt plurimùm talis confessarius habet cōfiteutes. Vnde fit, vt qui in villis & pagis confitentur, non teneantur tam exactè scire omnia, sicut qui in ciuitatibus. Rursus non ita tenentur confessarij simplicium ciuium, sicut mercatorum, negotiatorum, Iudicum. Debet igitur scientia maior esse pro pœnitentium qualitate.

Aduertendum secundo, esse aliquos casus, in quibus scientia cōfessarij suppleri potest, aut ferè tota, aut magna ex parte.

Primò, quando pœnitens est satis peritus, & fidelis, qui optimè conscientiam suam confessario exponet, & facienda dicet: sed iste casus non nisi in tali confessione excusatur confessarium ignarum.

Secundo, quando pœnitentes ordinarij nullos habent casus difficiles.

Tertiò est articulus mortis, cùm alterius confessarij doctrina copiosa deest. Et idem dicendum de his, qui in terris Gentilium & Infidelium degunt, in quibus, propter confessionum inopiam, tanta scientia non est necessaria, sed tantum debet esse mediocris.

Quartò, quando in illo loco sunt multi docti, quos cōfessarius consulere possit. Sed isti casus duo vltimi, præter mortis articulum, non excusant, vt diximus, ab aliqua mediocri sufficientia scientiæ. Cùm verò ignarus est omnino confessarius, habita ratione ad pœnitentes, vt supra diximus, peccatū graue committit, si hoc officium exerceat extra mortis articulum, & confessio nulla est. Cùm verò non habet sufficientem scientiam, iuxta qualitatem pœnitentium, graue est periculum, vt multis erroribus, & grauib. sacrilegijs expositus sit.

Huius scientiæ debet accedere prudentia, tam in remedijs circa peccata futura adhibendis, quàm in medicina presentium applicanda, in modo etiam tractandi pœnitentes: modò enim suauiter, modò seuerè sunt arguendi, modò instruendi de aliquibus, modò ad alia incitandi.

Debet enim sanctitas adnecti his, non quòd necessaria sit simpliciter, sed de bene esse: qui enim extra gratiam confessiones audit, peccat mortaliter, vt aliàs declarauimus, si ei de malo statu constat. Vnde sequitur, difficile esse officium

hoc confessarij, & arduum: sed si bene fiat,

Deo nimis acceptum.

De sigillo obseruando à Confessario.

CAPVT XVI.

DIxiſmus de his, quæ neceſſaria ſunt Confefſario, ita vt aliter abſolutio ab eo impenſa nullafit. Nunc de alijs, quæ Confefſario etiam neceſſaria ſunt, quamuis non tanta neceſſitate, vt impenſa abſolutio impediatur. Hæc autẽ duo ſunt, ſigillum ſecreti, & examen.

Circa ſigillum id primum tractandum occurrit, quid ipſum fit. Dico ſigillum eſſe obligationem occultandi ea, quæ in confeſſione cognita ſunt. Dicitur enim metaphoriç iſta obligatio, ſigillum: vt enim ſigillum prohibet ea, quæ ſub ipſo ſunt, manifeſtari, ita obligatio: quam habet Sacerdos celandi ea, quæ in confeſſione audiuit, ſigillum dicitur.

Aduertendum ſecundò, ea, quæ celari debent, eſſe peccata tam mortalia, quàm venialia, peccatorum etiam circumſtantias, ſed differenter. Mortalia enim, nec in genere, nec in particulari ſunt manifeſtanda: nõ enim dici poteſt, ille confeſſus eſt mihi mortalia. Venialia autem in ſpecie non poſſunt manifeſtari: in genere autem reuelare non eſt contra ſigillum: nam qui conſitetur, manifeſtè oſtendit, ſed habere ſaltem venialia, aliter non eſſet confeſſio. Item defectus, qui ad famam poenitentis pertinent, ſub ſigillo ſunt, vt, ſi quis diceret ſe in confeſſione illegitimum, vel ignobilibus parentibus natum, & ſimilia. Omnia hæc ſub ſigillo cadunt: reſerua tamen, quæ ad peccatum non faciunt, vel ad infamiam poenitentis, non cadunt ſub ſigillo. quamuis ſemper Confefſarius debeat cauere, quod in confeſſione tantum audiuit, dicat, manifeſtando perſonam, cum circumſtantes intelligunt illum ex confeſſione habuiſſe. Non eſt autem contra ſigillum peccata manifeſtare abſolutè, ſed ita vt poenitens manifeſtetur. Vnde, qui de peccatis in confeſſione auditis conſulunt doctos, non agunt contra ſigillum; niſi ita peccata manifeſtent, vt poſſit alius facile in cognitionem poenitentis venire. Vnde, ſi quis audiens aliquem in confeſſione furgat à loco, vt conſulat doctum, qui videbat vtrumque, poenitentem, & Confefſarium, & ſtatim reuertitur ad abſoluendum coram illo, iſte reuelauit confeſſionem: Similiter ille reuelat, qui manifeſtat alteri, poenitentem habuiſſe aliquem caſum reſeruatum: tunc enim indicat illum habuiſſe mortale. Qui tamen diceret, ſe abſoluiſſe poeni-

pœnitentem, non reuelat confessionem, quia non reuelat peccatū veniale in specie; vel in genere mortale, sed solum indicat, pœnitentem fuisse confessum: hoc autem non cadit sub sigillo.

Aduertendum tertio, obligationem sigilli esse tantam, vt nulla prorsus causa, neque etiam propter saluandam vitam propriam, nec propter salutem totius Reipublicæ, possit confessorius peccatum pœnitentis reuelare, immo neq; in alia confessione: adeo q; si sacerdos non posset aliquod suum peccatum confiteri, nisi manifestando peccatum alterius, quod in confessione cognouit, ita vt Confessorius ille veniat in cognitionem personæ determinatæ, tunc debet filere tale peccatum, donec possit confiteri alicui, qui ignoret personam, vt tenet Syl. verb. confessio, 3. §. 8. & communis opinio.

Vnus est solus casus in quo Confessorius potest alteri manifestare peccatum confessionis, cum nimirum id sit ex licentia & confessione pœnitentis, & tunc illi tantum poterit manifestare, scilicet, cui pœnitens dederit facultatem. Qui autem alio casu reuelat, grauissimè peccat mortaliter, atque pœnam exteriorem incurrit, impositam in capitulo, omnis vtriusque sexus, de pœnitentia, & remissione; Quod si aliquando acciderit. Confessorium ab iniquo iudice compelli, vt reuelet, & sub iuramento potest Confessorius dicere, se nescire tale peccatum: quamuis etenim sciat, non tamen scit vt reuelet. Verum tamen aliquando posset accidere, vt Confessorius non tantum ex confessione sciret pœnitentis peccatum, sed etiam extra confessionem, quia forsitan publicum est, vel saltem ipsi notum: & quamuis nunquam possit Confessorius dicere pœnitentem confessum fuisse tale peccatum, potest tamen dicere, hominem illum tale commississe; & in iudicio illum accusare, ac si non sciuisset in confessione; dummodò nihil dicat ex his, quæ in confessione audiuit: dummodò etiam non sequatur scandalum apud multos, qui cognouerunt fuisse illo tempore pœnitentis Confessorium, ac putabant reuelare confessionem. Similiter Iudex, qui cognosceret cōfitentis crimen, si extra confessionem illud etiam cognosceret, non reuelaret, si puniret ob tale crimen pœnitentem: secus autem, si extra confessionem nesciret: tunc enim non posset. Vnde Prælati, qui subditorum peccata tantum in confessione cognoscunt; pœnas publicas non debent imponere, ac si extra confessionem scirent, vt priuare dignitate, vel in exilium mittere,

vel alia simili castigatione punire, aut pœna. Est autem tanta ista sigilli obligatio, vt Confessarius non possit pœnitentem ipsum extra confessionem alloqui de peccatis, quæ in confessione audiuit. Vnde, si acciderit Sacerdotem absoluisse aliquem male, quia verè non potuit, nempe quia vel casus erat reservatus, vel tenebatur reservationi, & Confessarius non obligauit, vel quid simile, non potest pœnitenti id extra confessionem dicere: sed dicunt omnes, vt adeat ipsum, & dicat, precor te, vt iterum mecum confitearis, quia ego deceptus fui in confessione tua, & tunc tenetur pœnitens obedire. In confessione autem tunc dicere potest impedimenta. Quod si scandalum sequatur, non debet Confessarius adire ipsum pœnitentem. Et hoc idem est, si pœnitens nolit repetere confessionem. Sicut autem non potest Confessarius, quod in confessione cognouit, extra eam pœnitenti dicere, ita nec quod extra illius confessionem cognouit, si pœnitens non dicat ei, tenetur dicere, sed eautè interrogare, & stare responsis eius. Aliquando nec debet interrogare, D. Anto. 3. p. tit. 15. c. 18. §. 13. Armil. verb. confessio, §. vide Syluest. verb. confess. 3. §. 17. si pœnitens inde cognoscit Confessarium non aliter sciuisse, quam ex confessione alterius consortis in crimine, quamuis semper debeat præmonere, vt videat, si aliquid aliud commisit.

Aduertendum est quartò, multas esse personas, quæ hoc sigillo teneantur. Quicumq; enim mediatè, vel immediatè, licitè, vel illicitè aliquid non aliter, quam ex Confessione cognouit, sigillo tenetur. Dixi, immediatè, vt comprehendam ipsum Confessarium, & interpretem, cum per talem sit confessio. Dixi, mediatè, vt comprehendam ipsum, cui ex licentia pœnitentis reuelatur confessio. Dixi, licitè, vel illicitè, quia non solum tenentur sigillo, qui via licita audierunt, aut cognouerunt peccatum confessionis mediatè, vel immediatè, vt præfati, sed etiam, qui via illicita, siue ex parte sua, siue ex parte reuelantis. Vnde, sigillo tenentur omnes illi, qui cognouerunt peccatum, quod aliquis malus Confessarius reuelauit. Tenentur enim illi, quibus iterum reuelauerunt. Similiter, dum aliquis confessus est, curiosè voluit audire peccatum pœnitentis, vel casu aliquo nolens audiuit: tales enim etiam sigillo tenentur. Rursus, qui se finxit Sacerdotem, aut Confessarium, vt pœnitentem posset sollicitare, vel aliquo malo fine. Notandum etiam est, quod non solum ex sacramentali confessione.

fessione facta Sacerdoti oritur obligatio ista secreti, sed etiam
 ex facto laico ad modum sacramentalis. Rursus etiam oritur
 ex confessione sacramentali infirma, & nō obtinēte absolutio-
 nem, quamvis enim peccata quis sit confessus, & propter im-
 pedimentum aliquod non obtinuerit absolutionem, adhuc ta-
 men sigillo obligatur: quamvis ille pœnitens sit hæreticus, &
 habeat animum nocendi multis, immò toti Reipublicæ, non
 potest Confessarius talis personas tertias promouere, reuelan-
 do peccatum alterius; quamvis in cōfuso posset in casu aliquo
 graui admonere, vt prouideant sibi, dummodò non posset
 pœnitens ex illo agnosci. Circa hoc tamen vnum est aduertē-
 dum: quamvis omnes istæ præfatæ personæ sigillo teneantur,
 vt absq; mortali peccato non possint reuelare peccatum, tamē
 signo sacramenti confessionis propriè tenentur solum hi, qui
 ex sacramētali confessione formata, vel informi peccatum co-
 gnouerunt. Alij autē qui ex confessione non sacramētali, qua-
 lis est ea, quæ facta est laico licitè audiente, vel illicitè, quia fin-
 xit se Sacerdotem, tenentur quidem celare, verum non propriè
 ratione sigilli sacramentalis, veluti tenet Soto, d. 18. q. 4. artic. 5.
 quamvis etiam possit cum alijs multis probabiliter dici, in hoc
 etiam esse sigillum sacramentale, quia admodum sacramenti
 facta fuit confessio. Illud tamen, secundum omnium senten-
 tiam, non cadit sub sigillo, quod aliqui dicunt, alijs extra con-
 fessionem, petentes ab eis, vt teneant sub sigillo confessionis.
 Quamvis etenim in his seruandum sit secretum, non tamen
 id, quod sigillo dēbetur: hoc enim in nullo casu, sine licētia pos-
 autentis: potest manifestari alteri.

De examine faciēdo à Confessario.

CAPVT XVII.

QUIA non omnes pœnitentes periti sunt, nec sciunt om-
 nia, quæ ad perfectam & integram confessionem perti-
 nent, ob id, Confessarij debent ipsos examinare, & sup-
 plere, quod deficit.

Sunt ergo tria à Confessatio exequenda, quædam ante con-
 fessionem, quædam in ipsa confessione, quædam verò post.

Ante confessionē, debet statim post generalē confessionem
 pœnitentis ab ipso petere aliqua, quæ ipsam absolutionem,
 vel confessionem possunt impedire, aut difficilem facere: sta-
 tim enim ista sunt petenda, ne post confessionem peccatorum,

aut in toto, aut ex maiori parte factam, cogatur poenitēs absq[ue] absolutione recedere. Hæc autem sunt ista.

Primum est, an sciat se habere aliquam excommunicationem, aut cum aliquo excommunicato fuisse loquutum: inde enim contrahitur excommunicatio. Quod si est excommunicatus, videat Confessarius, an possit ab ea absoluerē: si enim potest, statim absoluat; si verò non, mittat ad eum, qui potest, vel ipse obtineat absoluedi facultatem, si potest obtinere, à superiore. Similiter petat, an habeat aliquod peccatum, quod ipse putet esse superiori reservatum: si enim habet, mittendus est ad superiorem, vel ab eo facultas obtineatur absolutionis: quamvis, urgente necessitate, posset absoluerē, & mittere pro reservato illo ad superiorem, cum tale peccatum non habet censuram, vt supra diximus.

Secundum est, petat, an habeat debitum aliquod, sitq[ue] in mora solutionis, siue sit pecunia restituenda, siue fama reparanda, siue votum implendum, sin tale existit debitum, considerare debet Confessarius, an possit poenitens implere: quod si non possit, sufficit propositum implendi; si verò potest, videndum est, an urgeat necessitas confessionis, & illud facile, & breui impleri possit: tunc enim deberet prius facere, vt impleat, maxime cum restitutio est pecuniar, aut votum dandi aliquid, quæ elemosynas. Quod si poenitens est fidelis, & homo, cui fides probabiliter est adhibenda, sufficiat propositum, quamprimum vacaverit, implendi: dummodò poenitens non proposuerit simile in alia vna, aut duabus confessionibus, & illud non impleuerit: tunc enim non est absoluedus: debet enim Confessarius id interrogare, an puta, in alijs confessionibus dixerit illud debitum, & promiserit se facturum, & non fecit.

Tertium est, petat de statu, an solutus, an coniugatus, an Ecclesiasticus. Si solutus, examinet, an promisit alicui se ducturum esse vxorem, vt videat; an ex hac parte aliquod habeat impedimentum: si coniugatus est, an communem agat vitam cum vxore. Quod si non, examinet, an causa sit legitima, alias non est absoluedus, nisi saltem proponat, communem cum vxore vitam acturum. Si Ecclesiasticus est, an plura habeat beneficia. Quod si habeat, si curata sunt, cogendus est multitudinem relinquere: nō enim potest nisi vnum retinere, vt habetur ex Concilio Tridentino. Et similiter tenetur residere, aliter non est absoluedus. Si verò simplicia sunt, petendum, an ex dispensatione Papæ ea habet; aliter enim nullus plura habet.

habere potest. Quod si ita habeat, adhuc videndum est, an sint redditus immoderati pro qualitate suar personarum, & conditione, si enim immoderati sunt, non est absolueudus, nisi recte velit dispensare. Est autem habenda ratio personarum: Nobilis enim aut docta persona, sancta, aut de Ecclesia benemerita plures potest redditus retinere, quam non talis. Similiter, qui bene eos expendit, vel in seruitio Ecclesiarum, vel in utilitate pauperum. Absolueudi tamen non sunt ignorantes, & nullius utilitatis viri, qui viginti, aut triginta beneficia in sua perniciem denotant, donec illa euomant.

Quartum est, quamdiu est, ex quo non est confessus, & si plus anno fuit, accuset se peccati transgressionis precepti, quo in singulis annis confiteri, & communicare tenebatur: petat etiam, si fecerit sibi impositam poenitentiam, quam si negligenter pretermisit implere; accuset se idem poenitens talis peccati, videatque Confessarius, an expediat illam commutare, vel relaxare. Rursus petat, si aliquod peccatum in aliqua confessione scilicet occultauerit: tunc enim omnes sequentes confessiones sunt repetendae, & peccata etiam, quae commissa sunt in singulis, in quibus celauit, & peccata contra preceptum confessionis, quod verè non impleuit.

Quintum est, si fecit diligentiam, & examen antè, circa peccata sua, quod si non fecit, dimittendus est, ut saltem per aliquam horam faciat, plus minusve, iuxta rationem status, & temporis, ex quo confessus non est.

Sextum est, si doluit de peccato, velletque non offendisse Deum, proponatque cum diuina gratia, se deinceps non peccaturum; aliter namque non est absolueudus.

Septimum, an sciat fidem, & diuina mandata, quamuis non ordinata, saltem ut interrogatus de singulis articulis, & mandatis sciat respondere esse mandatum, vel articulum, quae sunt; non autem esse, quae non sunt. Similiter sciat Sacramentum confessionis, cui accedit; quid sibi velit, & quare fiat: omnes enim sub mortali ista tenentur scire. In quo deplorandus est abusus, & ignorantia plurimorum, qui summam inscientiam habent, non scientes quid sit Christus, nec quid Deus, nec quae sint mandata obseruanda, cum tamen mille astutias, & res inutiles obscuriores calleant. Tales non sunt absolueudi, quin ponatur eis grandis obligatio illa in futurum sciendi, & pro tunc, de principalibus saltem, vno verbo instruantur: aliter, eos audire in sua ignorantia perseverantes ego non auderem, nec vllus au-

dere debet. Hæc sunt præcipua, quæ aut ipsam peccatorum confessionem, habita ratione personarum, interroganda sunt.

De his, quæ in confessione petenda sunt.

CAPVT XVIII.

VIx potest excusari abusus, & negligentia multorum, qui confessioni accedentes, nullum peccatum manifestant, sed statim Confessario dicunt, vt interroget eorum peccata: cum tamen postea, non mediocri appareat peccatorum copia. Circa hos Confessarius sic se debet gerere, vt nullo modo interroget, quin ipsi prius ea, quæ memoria tenent, exprimant. Si enim nullam fecerunt diligentiam, audiendi non sunt; si autem fecerunt, fieri non potest, quin memoria teneant aliqua, de quibus se accusare possint. Confessarius autem, quia multi ignorant multa, quæ ad confessionem pertinent, debet in tali peccatorum accusatione aliqua interrogare, quando pœnitens omiserit.

Primum enim est circumstantia speciem peccati mutans, vt si pœnitens dicat, se quendam percussisse, interrogetur, an fuerit clericus, an laicus: nam in clerici percussione est excommunicatio maior: an in loco sacro, nec ne; illud enim sacrum legum est. Rursus, an animo occidendi; quamuis enim non occiderit, si animo occidendi percussit, peccatum est homicidij interitus. Similiter si dicat se fornicari, exprimat personam, an fuerit consanguinea, an virgo, an coniugata, an religiosa, & an in loco sacro: omnes enim hæc circumstantiæ mutant speciem peccati.

Secundum est, numerus. Interroget enim Confessarius circa singula peccata mortalia de numero, de quo supra diximus.

Tertium est, actus interior. Sæpè enim actus exteriores aut venialia, aut leuia peccata sunt: & si actus interior confiteretur, graue est peccatum, cum maximè ex erronea conscientia procedit: vt si accusat se, quod rem leuis momenti furti perierit, petat, an tunc pœnitens existimauerit illud esse mortale: si enim ita putabat, & fecit, mortaliter peccauit. Similiter petat, quo animo rem fecerit, de qua se accusat, cum res per se, non appareat peccatum mortale.

Quantum est, petat occasiones peccatorum. In multis enim

peccat

peccatis, maximè in carnalibus, examinandum est, an maneat occasio peccati: an, verbi gratia, habeat domi concubinam: an sit in societate eius, vnde ad peccandū prouocatur: tales enim, & similes probabiles occasiones peccandi, sunt omnino extirpandæ.

Quintum est, tempus peccati. Si enim sunt peccata nimia consuetudine inueterata, & præsertim carnalia, debet Confessarius tempus illius peccati petere, & frequentiam considerare, & an tempore aliquo antè confessionem abstinerit. In his enim utile consilium est, cū necessitas non vrget, vel periculum non ampliùs confitēdi, differri absolutionem, integra audita confessione, donec appareat emendatio aliqua. Vniuersaliter debet Confessarius vti vno generalissimo, & vtilissimo remedio pro his omnibus, scilicet frequēti confessione, & communione, non quòd imponat pœnitenti, nec obliget ipsum, sed aperiat delicti grauitatem, & periculum, & difficultatem liberandi se ab illo: similiterq; dicat pœnitenti ipsi, hoc est vnum ferre remedium, vt, vel in singulis hebdomadis, vel intra singulos 15. dies, vel mēses singulos Confessario accedat. Ego non te obligo, sed solum doceo, quòd tu alias facere teneris: & sic Confessarii conscientia manebit tuta: difficile enim est profectò, rectè se gerere erga similia peccata.

Sextum est, poterit Confessarius breuitati etiam studens, cū pœnitens peccatum aliquod exprimit, quod contra aliquod præceptum est, si velit ad aliud contra distinctum præceptum transire, prius ipsum examinare in his, in quibus contra tale præceptum, vel in tali genere peccati videt probabiliter deliquisse posse; ne ad idem cogatur post confessionem pœnitentis redire. Hæc sunt, quæ maximè in confessione videntur obseruanda.

De his, quæ post confessionem petenda sunt.

CAPVT XIX.

Postquàm pœnitens ea, quæ discussit, manifestauit, poterit Confessarius aliqua petere, si forsàn vel memoria exciderunt, vel ignorantia aliqua omisit.

Primum est, an aliquo malo fine fecerit: quæ enim in se bona sunt, si malo fiant fine, peccata sunt, & mortalia, iuxta finis rationem. Qui enim conciones adit, gratia solicitandi feminas,

nas, quamuis non sollicitè postea, quia forsàn non erant, peccatum est mortale. Similiter in alijs.

Secundum est, an aliqua mala voluerit committere, quæ omisit, quia non potuit exequi. Non enim tales voluntates excusantur à peccato, licet opus exterius non sequatur.

Tertium est, an induxerit alios secum ad peccandum. Est enim nouum peccatum, alios ad peccatum inducere, poteritque Confessarius, iuxta qualitatem poenitentis aliquibus peccatis particularibus interrogationes applicare.

Quartum est, vt discutat per præcepta, quæ à poenitente prætermisita videntur. Nec debet iterum, quæ poenitens dixit, interrogare. In his tamè omnia interrogationibus, tam quæ ante, & in confessione, quàm quæ post ipsam fiant, debet maximè Confessarius vti prudentia. Primum, vt personas cõsideret, cum enim videntur intelligentes, non est opus, vt ab eis petat, an fidei articulos sciant, vel alia, quæ non videntur eis competere: nec pueros interroget ea, in quæ probabiliter videt poenitentes non potuisse incurrere. Caueat etiam nimias circumstantias peccatorum petere, maximè cum carnalia sunt, & feminas audit: prouocare enim possunt ad malum; vel in eo instruire poenitentes: sicut etiam negotiatores non sunt interrogandi, multas contractuum iniquas species, ne potiùs malè agere discant: sed attendat Confessarius ea, de quibus probabilitas aliqua est, poenitentes commisisse. Post integrum examen, & impostam poenitentiam, absolutio præstetur.

De Poenitente.

CAPVT XX.

NVLLVS ante rationis vsum accedere potest Sacramentum poenitentiae. Post vsum verò rationis, quando iam peccare contingit; omnes tenentur semel in anno confessi, vt habetur extra c. omnis vtriusque sexus, de poenit. & remiss. Nec est tempus in anno statutum, dummodò semel in anno fiat confessio; quamuis propter communionem, quæ debet esse in Paschate, ad quam nullus cum conscientia mortali potest accedere, nisi confessione præmissa, solet tunc obligare confessionis præceptum: si tamen aliquis confessus esset illo anno ante Quadragesimam, nec vllum haberet mortale, non teneretur de rigore confiteri, sed solum propter securitatem.

dalum, & indecentiam Sanctissimi Sacramēti percipiendi. Sed præter vsum rationis est necessarium baptismum suscepisse, sine quo nullum habet valorem vllum aliud sacramētum. Rursus, confessio non debet esse peccatorum ante baptismum commissorum: hæc enim per baptismum omninò delentur; sed peccata post baptismum sola ad confessionem pertinent.

Erga, pœnitentem autem aliqua notanda sunt.

Primum est, quod ipse non tenetur sigillo confessionis, sed potest sua peccata confessi alijs manifestare: similiter etiā pœnitentiam impositam: dummodò non se infamet absque causa; similiter etiam infamet Confessarium apud alios, dum arduam aliquam pœnitentiam dicit, & tacet causam pœnitentie: in tali enim casu non licebit manifestare: sed hoc non est propter sigillum, sed alia causa; quia nullus se, vel alium sine causa infirmare potest.

Secundū est, quod nec ipse pœnitens, tenetur confessionem suam secretam facere, imò potest peccata voce sua manifestare coram multis Confessarijs, cum non sequitur scandalum audientium, nec aliqua vera infamia. Et hoc erit cum coram hominibus sanctis id facit: imò in necessitate vigente possunt multi simul vni confiteri, vt vnus audiat alterum, & cum periculum inest mortis, vel belli, vel subuersionis, vel alicuius similibus; potestq; Confessarius illos simul absolueret, vt tenet Silu. verb. Confessio l. §. 22. Tamen extra necessitatem graue esset peccatum Sacerdotis, plurimorum simul confessiones audire. Vnde sacrilegus est alius quorundam, qui simul multos pueros audiunt, & vnus alterius cognoscit peccata.

Notandum est tertio, cum aliquid est sub opinione: sunt enim, qui dicant esse licitū contractum, sunt etiam qui dicunt esse illicitum: si casu accidit Confessarium esse opinionis eorū, qui tenent esse illicitum, & pœnitens esse licitum, potest pœnitens obligare Confessarium, vt ipsum absoluat in sua opinione, & ita debet facere Confessarius: dummodò tamen vtraque opinio sit probabilis, alias non: & hoc sæpè accidit in multis contractibus, de quibus contraria probabiles existunt opiniones, quatum vtramque, in conscientia, potest se-
qui Confessarius, quamuis ipse vnam illarum probet.

De effectu huius Sacramenti.

CAPVT XXI.

Effectus huius Sacramenti, remissio est culpæ, & collatio gratiæ, per quam homo fit Deo amicus. Quod si homo in gratia erat, augmentum confert gratiæ: pœnam autem totam non remittit, nisi vehemens accedat contritio, aut peccata pauca sint, sed æternam pœnam, debitam mortali, in temporalem commutat, & huius etiam partem remittit, cum peccata remissa confessioni subduntur iterum. Hac sunt igitur, quæ ad materiam remotam in generali, & propinquam formam huius sacramenti, Confessarium, pœnitentem, & effectum pertinent. Reliquum est, ut de materia remota in speciali tractemus.

Laus Deo. Finis Libri Tertij.



INSTRVCTIONIS

SACERDOTVM,

LIBER IIII.

Quid sit Fides, quæ eius sit materia.

CAPVT I.

ACTENVS in libro præcedenti, de Sacramento poenitentia: disseruimus, materiam tamen ipsius remotam in communi tantum explicauimus. At quia non sufficit Sacerdoti ea sola cognitio, opus est in hoc libro præsentem, quem à precedenti, ne vnus vltra modum prolixius continuatio conficeretur, distinximus de eadē materia in particulari tractare. Cum autem peccata sint transgressiones diuinorum mādatorum, congruum visum est de ipsis mandatis, tam Decalogi, quam Ecclesiæ ordine suo agere, simul explicando particularia peccata, quæ ipsis opponuntur. Quia verò fundamētum horum mandatorum, virtutes Theologicæ sunt, Fides, Spes, Charitas, de his primū dicendum est. Inter has igitur, quæ ob id Theologicæ dicuntur, quia Deū habent pro obiecto, primò occurrit Fides, quippè quæ ad intellectum spectat, cuius operatio prior est, quam voluntatis, in qua Spes, & Charitas collocantur.

Vt igitur à fidei definitione exordium sumamus, sic possē definiti videtur. *Fides est assensus eorum, quæ per Spiritum sanctum Ecclesiæ reuelata sunt, quatenus à Spiritu sancto sunt.* In qua definitione quatuor partes continentur.

Prima est, *assensus*. Est autem assensus, operatio quædam intellectus, qua acquiescimus, & credimus rebus propositis, & apprehensis intellectu, siue veræ sint, siue falsæ. Fides igitur quidam est assensus, licet sit rerum verarum.

Secun-

Secunda pars est, *eorum, quæ per Spiritum sanctum reuelata sunt.* Non enim quarumcumq; veritatum fides est; sed earum, quæ Spiritus sancti reuelatione manifestatæ sunt. Vnde veritates, quæ in scientijs traduntur, vel propria experientia habentur, non creduntur fide; sed eæ, quas non experientia, non ratio naturalis dictat, sed lumen supernaturale Spiritus sancti.

Tertia pars est, *Ecclesie.* Aliqua enim Spiritus sanctus reuelat, quæ tamen nõ credimus fide. Sunt enim reuelationes d. r. Quædam quæ fiunt singularibus personis, vt sunt multa, quæ Sanctis Deus reuelat, vt S. Brigide multa reuelata sunt, & similia Deus alijs multis indicat: nos, talia non credimus fide, sed opinione humana. Quædam alia sunt, quæ Deus toti manifestat Ecclesiæ, qualia sunt quæ per Scripturas Sanctas habetur, & per Apostolicas traditiones, Concilia, & Pontificum determinationes. Talium assensus fides est.

Quarta pars est, *quatenus à Spiritu sancto sunt.* Ea, quæ reuelata sunt: multipliciter credi possunt: aut enim ratione aliqua probabili, aut quia confirmata sunt miraculis, aut propter dictum veritatem aut aliqua alia causâ. Inter omnes autem hos assensus, ille solus fides est, quo credimus reuelata esse vera, quæ Deus dicit: vt, credo Deum esse trinũ & vnũ, credo esse Salvatorem, &c. non quia ratio ista conuincat, aut quia cæteri ita dicunt, sed quia ita dicit Deus per Ecclesiam, ita vt medium, seu ratio primo credendi sit, quia sic Deus dicit per Ecclesiam suam. Hoc autem etiam credimus, at absq; vllõ medio, sed lumine Spiritus sancti supernaturali inchoante nostram voluntatem, vt velimus credere, & eleuante intellectum, vt credamus. Ex his igitur partibus nota est Fidei definitio, quam obclaritatem sic definiuimus. Ex hac definitione sequitur, materiam Fidei esse omnia ea, quæ in scripturis Canonicis continentur, & quæ per traditiones Apostolicas vniuersales conseruantur, & quæ in Concilijs generalibus, vel particularibus, & quæ à tamen Apostolica confirmatis, determinantur, & quæ à Romano Pontifice, vt tali, definiuntur: est enim vniuersale Ecclesiæ caput. Similiter quod vnanimi consensu omnes sancti Doctores dicunt, & omnia etiam, quæ ex aliquo horum per argumentum infallibile deducuntur. Hac sex fide creduntur. sunt enim per Spiritum sanctum reuelata Ecclesiæ, quamuis varijs reuelationum modis, & omnia talia recipit Ecclesia.

De modo, & necessitate fidei.

CAPVT II.

HÆc fides, quæ definita est, omni homini necessaria est, non solum ad finem, id est, beatitudinem, sed etiam ad media ipsa, id est, opera meritoria ipsius finis exercenda: nullum enim opus exultans sine fide meritorium est vitæ æternæ: ad Hebr. 11. *Sine fide impossibile est placere Deo*: neque rursus ullus, absque fide, vitam æternam consequitur: Marci ultimo: *qui non crediderit, condemnabitur*. Unde sit, ut extra Ecclesiam nostram Catholicam nullus saluetur infidelis, in quacumque secta, sed omnes discedentes sine fide in sempiternum damnantur: non quidem omnes propter peccatum infidelitatis, sed propter alia sua peccata, in quibus sunt. Non enim omnes peccant in non recipiendo fidem Christi: multi enim ignorant inuincibiliter Christi fidem, & hi excusantur à peccato, quod communiter poterant in non recipiendo fidem Christi, tamen propter alia damnantur. Illi vero ad quos notitia nostræ fidei peruenit sufficienter promulgata, nouum committunt peccatum, non credentes: nullus tamen absolute saluatur, nisi fidelis. Quamuis tamen fides dicatur necessaria ad meritum, & finem, non ob id intelligi debet, quod sola sufficiens, sed opus est opera cum charitate adiungere, quibus deficientibus, etiam fidelis & credens damnatur. Non enim omne quod necessarium dicitur ad aliquid, ob id sufficiens est. Aliquando enim sanguinis emissio necessaria est ad sanitatem, sed non sufficiens, nisi alia simul adhibeantur remedia. Aduertendum tamen est, non solum fidem interiorem esse necessariam, sed etiam ipsius exteriori confessionem, & manifestationem; quamuis non eodem modo: interior enim omni tempore necessaria est: si enim quis absque ea recedit, damnatur: siue sit fides in actu, siue habitu, una harum sufficit: at exterior confessio, non semper est necessaria, sed aliquando: nam affirmatiua præcepta non pro omni obligant tempore.

Hæc autem confessio est necessaria, maxime in duobus casibus, ut habet S. Thomas 2.2. quæst. 3. art. 2. & omnes communiter docent.

Prior est, cum honor Dei aufertur. Hoc autem accidit, cum aliquis interrogatus, aut probatus ab aliquo infideli circa suam

fidem, aut verbo, aut opere aliquo negat, aut tacet; ita vt taciturnitate consentire videatur. In hoc enim casu, aperte est manifestanda fides, etiam cum detrimento vitæ temporalis: dictum enim est: *Qui negauerit me coram hominibus, negabo eum coram Angelis Dei.* Vnde, iter facientes per terras hæreticorum, aut infidelium, cogentibus aliquid facere in fidei detrimento, vt circumeidi, idololatrare, vel carnibus vesci in diebus prohibitis, nullo modo est acquiescendum, & mortaliter peccant, qui acquiescunt, etiam ob temporalem fugiendam mortem: tunc enim est aperienda fides.

Posterior casus est, cum impeditur utilitas proximi. Cum enim aliquis videt, ex sua taciturnitate alios fideles trahi in errorem, quia putant fidem Christi non esse veram, ille talis tenetur, etiam cum vitæ periculo, veram manifestare fidem. Quando etiam aliquos videt errore teneri, qui fidem amplecterentur, si illis fieret manifestatio, tunc tenetur confiteri fidem: cum verò nec de fide examinatur, nec aliqua speratur utilitas proximi, temerarium est, exponere se istis periculis confessionis fidei inter infideles: solum enim est eos turbare. Extra hos casus, non est obligatio. Vnde, licet fugere persequentes tyrannorum iuxta illud Matthæi decimo: *Cum persequerentur vos fuerint in vna ciuitate, fugite in aliam;* & ita fecerunt multi Sancti: sed hæc fuga licet, dummodò non auferatur honor Dei, aut utilitas proximi nimirum quia iudicat fidem non esse veram, aut propter id multi à fide aueruntur; tunc enim non liceret. Quamuis autem non semper sit necessaria fidei exterior confessio, tamen semper est necessarium, non manifestare aliquam sectam. Non enim idem est, non ostendere se esse Christianum, & ostendere se esse infidelem: illud enim, non semper esse illicitum, sed tantum in duobus casibus positis, hoc autem semper illicitum. Vnde, qui transiens per infidelium terras, vestiret se vestibus, quibus soli infideles vtuntur, vt ab alijs non distingueretur, peccaret mortaliter, secundum communem sententiam, vt qui in terris Turcarum ligaret caput tobalia alba, ne à Turcis occideretur, vel comprehenderetur.

Similiter, qui Romæ, vel in alijs similibus locis Iudæorum pileo vteretur, vt occultari posset. Qui etiam alijs similibus vterentur, consuetudine, & vsu communi, vel lege solis infidelibus deputatis. Si verò vestes essent communes infidelibus, & fidelibus, tunc quid liceret vti, cum necessitas postularet, secus non:

non: Durum tamen semper mihi visum est, tale esse peccatum mortale; tamen communis sententia ita tenet, quæ in mortalibus validum est argumentum. Hoc igitur modo fidei necessitas intelligenda est. Sed aduertendum est, non quocumque modo esse fidem necessariam. Est enim fides duobus modis, & implicita, & explicita. Fides implicita est, qua creduntur fidei veritates non distinctæ in se ipsis, sed in aliquo communi principio: qui enim credit hoc modo; credo quæcumque tenet Ecclesia, implicite credit veritatem articulorum, & aliorum ad fidem spectantium. Explicita verò est, cum iam in particulari creduntur ipsæ veritates fidei in se, & non in communi. Nullus tenetur ad explicitam fidem omnium, quæ credenda sunt, habendam: sic enim oporteret distinctè cognoscere omnes Scripturas Sanctas traditiones, Concilia, & alia quæ diximus. Sicut autem nullus tenetur hanc fidem ita explicitam tenere, ita nullus satisfacit præcepto fidei per solam implicitam illam fidem, tenendo quicquid tenet Ecclesia; sed opus est media fide, partim implicita, partim explicita. Implicita quidem eorum, quæ tenet Ecclesia, præter fidei articulos ad humanitatem, & diuinitatem pertinentes; quos omnes explicitè credere debent, quamuis non omnes teneantur difficultates, & subtilitates eorum penetrare. Omnes ergo, etiam rustici, tenentur scire, Deum vnum in essentia, trinum in personis, Patrem, Filium, & Spiritum sanctum; creatorem, saluatorem, & glorificatorem, Christi incarnationem, natiuitatem, mortem, resurrectionem, ascensionem, ad iudicij, & est mortale peccatum ista ignorare, secundum communem sententiam, nec ignorantia excusantur: non enim Christianè viuere possunt absque illorum cognitione. Vnde aduertant maximè Curati suam negligentiam, & Confessarij examinent poenitentes. Hæc enim fides modò omnibus est necessaria; quamuis in Episcopis, & sapientioribus explicatio fides requirantur, ut potè fidei defensoribus, & declaratoribus.

Quid sit hæresis, quare sic dicatur.

CAPVT III.

Oportet modò de peccatis contra fidem tractare. Fidei autem opponuntur tria, puta hæresis, apostasia, infidelitas, de quibus singulis dicendum: ac primò de hæresi.

De qua primò tractandum occurrit, quid hæresis sit. Videtur autē sic posse describi: *Hæresis est error pertinax hominis Christiani, fidei Catholicæ ex parte contrarius*: in qua descriptione quinque sunt, quæ ad hæresim pertinent.

Primum est, *error*, est autem error existimatio veri pro falso, aut falsi pro vero: errat enim, qui falsum putat verum esse, & quod est verum, putat esse falsum. Hæresis igitur est quidam error, & quædam existimatio, aut veri pro falso, aut falsi pro vero. Ex quo generaliter tenendum est, ubi non est error intellectus, non est hæresis, quamvis factum ipsum sit contra factum fidei. Verbi gratia, conculeat quis hostiam consecratam, (quod absit), vescitur carnibus tempore prohibito; spernit imagines: omnia ista sunt mortalia peccata, sed nondum hæresis: videndum est, an qui facit hæc, existimet sibi licere ea, quia putat Christum abesse à Sacramento, nec esse, validam prohibitionem Ecclesiæ circa esum carnium certis temporibus: tunc enim est error & hæresis. Quod si non sic existimat, sed potius credit omnia, tamen aliquo metu, vel ira correptus illa facit, nō est hæreticus, quamvis præsumatur exterius talis, sed intus non est, quia non errat.

Secundum est, *fidei contrarius*: Non enim quilibet error, est hæresis. Errare enim in scientijs, & opinionibus, non est hæresis. Errare tamen in his, quæ fidei sunt, hæresis est. Verbi gratia, tenere, & existimare falsum aliquid, quod recipit Ecclesia, vel existimare verum, quod est contrarium ei, quod tenet Ecclesia, ut de fide, hoc iam ad hæresim spectat.

Adhuc tamen error iste non est hæresis, sed opus est tertio, scilicet, *ex parte*. Dupliciter enim potest quis errare in fide, aut negando totam fidem Christi, & hoc non est hæresis, vel apostasia, vel infidelitas, ut post dicemus, aut negando aliquam, vel aliquas veritates fidei Christianæ, & hæc est hæresis. Non enim hæretici totam negit religionem Christianam, sed unum, aut alterum articulum Ecclesiæ: ob id, dicitur hæresis contraria fidei, non quidem in toto, sed ex parte.

Adhuc opus est quarto, nempe *hominis Christiani*, id est, baptizati: qui enim nunquam baptizati fuerunt, quantumvis errant, non dicuntur hæretici: hæresis enim est hominis Christiani.

Adhuc tamen ista quatuor non sufficiunt, sed necessarium est maximè quintum, nempe, *peritacia*: & ut hoc vno verbo explicem, quæ dicatur peritacia: scito esse peritacem, qui

sciens esse illud, quod affirmat, contra Ecclesiam, adhuc vult illud sustinere. Errare igitur cum pertinacia, non est nimis adhaerere suis dictis, sed cognoscendo esse contra Ecclesiam, id recipere, putà falsum pro vero, aut verum, pro falso. Talis pertinacia est necessaria in hæresi, ita, ut, quamvis quis teneat contra ipsos articulos, aut contra scripturam, si ignorabat esse contra Ecclesiam, vel scripturam, non sit hæreticus. Ex his omnibus definitio hæresis nota est.

In summa ergo duo aduertenda sunt præcipuè in hæresi, & quòd sit error contra fidem, & quòd sit cum pertinacia assertus à cognoscente illum esse contra Ecclesiam. Est autem tam necessaria ista pertinacia, ut sine illa error numquàm sit hæresis, sed aliquando sit peccatum mortale, aliquando actus meritorius, aliquando neutrum. Verbi gratia: si quis erret in his, quæ tenebatur scire, tamen sine pertinacia, quia nescit esse contra Ecclesiam paratusq; est credere, quod tenet Ecclesia, licet non sit hæreticus, mortaliter peccat, quia errat in his, quæ scire tenebatur de necessitate. Vnde multi rustici habentes errores contra articulos fidei excusantur ab hæresi, quia ignorant articulos, & sunt parati obedire Ecclesiae; sed à peccato mortali non excusantur quia tenentur scire articulos: & hoc aduertant Confessarii. Rursus, si rusticus circa articulos credat suo Episcopo proponenti aliquod dogma hæreticum, meretur in credendo, licet sit error, quia tenetur credere, donec ei constet esse contra Ecclesiam. Rursus aliqui putant aliqua, quæ verè sunt contra ipsam scripturas, sed ipsi ignorant, nec scire tenentur, nec peccant, nec merentur. In his omnibus, defectu pertinaciæ, non est hæresis. Maximè tamen notandum est, latius inueniri pertinaciam in homine docto, quàm in rustico, & indocto. Rusticus solum forsan est pertinax, quando tenet aliquid, quod scit esse contra Ecclesiam, quia hæc est ratio illi credendi, ut credat, quod credit Ecclesia. Quòd si teneat aliquid, quod scit esse contra traditiones Apostolicas, vel contra determinationem Pape, non est pertinax adhuc; quia iste non tenetur scire istas esse regulas fidei, nisi sciat, illa etiam esse contra Ecclesiam, vel traditiones, vel quamlibet canonicam scripturam, vel communem Sanctorum sententiam, vel determinationes Pontificum, vel Concilia; statim enim atque hæc scit est pertinax. Et aliquis posset esse rusticus indoctus, qui pertinax esset, si sciret aliquid contra scripturam veterem, & teneret contra: verum est, quòd pro maiori, vel minori

capto, potest esse latior pertinacia aliquando. Generaliter autem id verum est, quod quoties contra Ecclesiam aliquid esse dignoscitur, & tenetur, pertinacia est. Ex his omnibus quid hæresis sit, perspicui potest. *ἀπιστία* autem Græcè, idem est, quòd Latine, electio, quasi fides ex propria voluntate hominis habita. Et adverte, quia homo ex se errat, & ex proprio defectu suo, ob id error ille ex electione dicitur, & hæresis. Quia verò veritatem non credit supernaturalem, nisi adiutus à Deo, qui homines eligit ad finem, iuxta illud: *Non me elegistis, sed ego elegi vos*: propterea credere, & tenere fidem, quamvis voluntarium sit, non tamen dicitur hæresis.

Quibus modis peccetur peccato hæresis.

CAPVT IV.

Aduertendum est, tripliciter posse aliquem peccare peccato hæresis.

Primo, tantum interius, cum in corde habet aliquem errorem cum pertinacia erga materiam fidei, tamen actu aliquo exteriori non manifestauit talem interiorem errorem.

Altero modo, tantum exterius, cum aliquis in corde retineat veritatem fidei, exterius facit, vel metu, vel ira, vel aliquo alio motu aliquem actum contra fidem, ut vesci carne diebus prohibitis, illudere imaginibus, conculcare sacramentum, vel verbo aliquid affirmare contra fidem, vel nutu aliquid concedere alteri contra fidem.

Tertio modo, interius, & exterius aliquid facit contra fidem, siue coram alijs, siue solus, & nullo presente. Omnia ista sunt grauissima peccata mortalia, sed cum magna differentia. Primum, & tertium faciunt hominem verè hæreticum; quia peccata amittuntur fides interior. Secundum non facit hominem simpliciter hæreticum, quia verè ibi non est error, qui necessarius est in hæresi; ob idque non propriè est peccatum contra fidem, sed contra fidei confessionem, nec ob tale peccatum fides interior amittitur, quamvis in foro exteriori, qui de exterioribus maxime cōsiderat, ille homo sic peccans, præsumatur hæreticus & interius etiam errare.

Alterà etiam existit differentia. Primum peccatum hæresis interius tantum nulli subiaceret excommunicationi. ita Anton.

3.p.tit.25. Palud. in 4.d.13. qu.3. Silue. excommunicatio.9. §.3. Non etenim Ecclesia, quantum ad exterius forum, intromittit se in iudicando actus solos interiores: ob id, ad habente auctoritatem audire confessiones absolui potest, quoniam non habet ullam reservationem.

Tertium autem peccatum, quod non solum interiùs, sed etiam interiùs committitur contra fidem, quamuis sit occultissimum, ita ut nulli hoc sit cognitum, sed solum committenti, excommunicationem habet annexam latæ sententiæ, & est prima excommunicatio in Bulla Cœnæ Domini fulminata. Vnde ipsius absolutio ad Papam spectat, vel ad Inquisitores, qui habent à Papa facultatē absoluedi. Cùm autem tale peccatum occultum est, debent Inquisitores in solo conscientia foro audire, & absolvere. Modò autem post Conciliū Tridentinum iam Episcopis est talis facultas in foro interiùs concessa, ipsis quidem, non autem ipsorum Vicariis, quod profectò sanctissimè est institutum, & multos abusus auferendæ causa erit. Hoc habetur determinatum in prædicto Concilio, sess. 34. c. 6. At secundum peccatum, quod tantum exterius committitur, quamuis in foro exteriori reputetur pro excommunicatione, quia reputatur pro hæretico etiā interiùs, tamē verè in foro exteriori nullam habet excommunicationē, sicut nec primum: potestque à Confessario quolibet absolui. ita tenet Silu. verb. Apost. §. 4. & Nauar. c. 11. n. 24. Et ratio aperta est, quia excommunicatio fulminata est contra hæreticos, at ille non est hæreticus, cum fidei retineat veram, nec contra eam peccauit, sed solum contra confessionem: nec sunt pœnæ iuris ampliandæ. Vnde non est audiendus Caieta. 22. q. 94. art. 1. qui tenet illud peccatum subiacere excommunicationi. Vnde igitur quæta sit differentia inter ista peccata. Aduerte autem circa illam Cœnæ excommunicationem, quod non solum hæreticus est excommunicatus, sed etiam fautores, receptores, defensores hæreticorum, ipsorumque libros legentes, quamuis isti tales hæretici non sint. Sunt autem ista intelligenda, ut bene dicit Caiet. verb. excommunicatio de defensoribus, & receptoribus, & fautoribus hæreticorum, ut hæretici sunt, id est, de tunc, ipsos, ipsa ratione, quia sunt hæretici. Vnde, si quis aliquē reciperet hæreticum, & domi retineret, quia infirmus erat, non excommunicatur in cœna Domini, nisi alia feratur ab Inquisitoribus excommunicatio generalior. Vnum circa hoc est adnotandum, dubium in fide reduci ad hæresim. Est autem dubius

in fide, qui nec credit articulis, & rebus fidei, nec discredid, sed est suspensus omnino, & hoc, quia non reputat talia esse certissima, iste talis dubius est. Sunt autem duo necessaria, ut dubium hoc faciat hominem hæreticum. Vnum est, ut sit cum pertinacia, sicut in ipsa hæresi, scilicet, qui dubitat, sciat illud esse de fide, & dici ab Ecclesia. Alterum est, ut sit voluntarium dubium, quod sua sponte habet. Hoc dixerim propter scrupulos, qui patiuntur innumera dubia contra res fidei, sed non voluntarie, at ex dæmonum suggestionem, quæ verè dubia non sunt, sed apprehensiones eorum, quæ sunt contra fidem. Hæc autem tam longè distant ab hæresi, ut si patienter propter Deum ferantur, materia sint magni, & continui meriti. Sunt enim caminus ardens, in quo Deus aliquando suos fideles probari permittit. Dubia autem voluntaria contra fidem sunt, & hæreses reputantur; fundantur enim in quodam iudicio & hæretico virtuali, puta, res fidei non sunt omnino certæ & infallibiles, quod quidem iudicium, error, & hæresis aperta est.

*De excommunicationibus aliorum circa
hæreticos.*

CAPVT V.

Quatuor genera personarum innodantur aut peccato, aut excommunicatione circa negotium hæresis, quamvis tales personæ non sint hæreticæ.

Primi sunt testes. Qui enim sciunt, aliquem esse hæreticū pertinacem, siue secretum, siue publicum, sub mortali peccato tenentur reuelare, & denunciare Inquisitoribus: immò non denunciatus incurrit excommunicationem sæpè ab Inquisitoribus impositam. Dixit tamen *pertinacem*: cum enim constat, aut probabile est, non esse pertinaciam, sed talem hominem errare ex ignorantia, non est statim denunciandus, sed est semel admonendus: quam admonitionē si spernit, iam visus est pertinax, & denunciandus, de qua denunciatione differt doctè Alphons. de Castro. 6. libr. de hæreticorum punitione, cap. 25. Idem credo dicendum de eo, qui facit actum contra fidem, tamen probabile est metu, vel alia passione fecisse, mentem tamen retinere sanam: talis enim nō est denunciandus statim absque admonitione, in qua ipsius mens constet: simili-

similiter quando firmiter credit aliquis sua admonitione corrigendum, vt habet S. Thom. 2. 2. quæst. 35. art. 7. & Dur. 4. dist. 19. quæst. 4.

Secundo personæ sunt Inquisitores, vel substituti ab ipsis, aut ab Episcopo, vel ad executionem inquisitionis. Tales enim, cum contra conscientiam, vel iustitiam imponunt labem hæresis alicui, quam non habent; vel omittunt procedere contra aliquem, contra quem verè est procedendum, & hoc, vel odio, vel amore, vel alicuius spelucris, ipso facto sunt excommunicati tali excommunicatione, vt eius absolutio ad solum spectet Papam, quod quidem habetur in Clementina, c. mul-torum, de hæreticis.

Tertiæ personæ sunt Iudices, Domini, Potestates, Balliui, & alij huiusmodi rectores locorum, prouinciarum, vel similium: hi enim incurrunt excommunicationem latæ sententiæ, ob viam harum causarum.

Prima est, cum requisiti ab Inquisitoribus, vel Episcopo circa inuestigationem, vel custodiam sufficientem hæretici alicuius, non obediunt illi.

Secundò, cum requisiti ab eisdem Inquisitoribus, non tradunt ad carcerem ab eisdem deputatum.

Tertiò, cum hæreticos, ipsis tamquam brachio sæculari relictos, non statim debita puniunt pœna, non obstantibus ipsorum hæreticorum appellationibus.

Quartò, cum captos hæreticos absq; Inquisitorum, vel Episcoporum licentia, carceri liberant.

Quintò, cum remittunt ad cognoscendum de causis hæreticorum.

Sextò, cum directè, vel indirectè impediunt processum, vel sententiam contra hæreticos.

Septimò, cum se opponunt Inquisitori, vel Episcopo in causa hæreticorum, ipsos impedientes. Hæc excommunicatio habetur cap. vt inquisitio. de hæreticis in 6. & est Episcopalis; dummodò tales potestates non hoc faciant in hæreticorum defensionem formaliter, id est, vt hæretici sunt: tunc enim tenentur fautores hæreticorum excommunicati in Cœna Domini.

Quartum genus personarum sunt hi, qui consilium, vel auxilium dant huiusmodi Potestatibus, & Dominis ad tales actus, & est similis excommunicatio, & in eodem ca. continetur, & eodem est modo intelligenda; dummodò non id faci-

ciant gratia hæresis, aliàs sunt in Cœna Domini excommunicari. Notandum tamen est, quòd Episcopi non incurrunt excommunicationem scientes, sicuti Inquisitores, & substituti ab ipsis, sed manent suspensi per tres annos, vt in eodẽ capite habetur.

De apostasia, & infidelitate.

C A P V T VI.

Alterum peccatum contra fidem est Apostasia, quæ sic describi posse videtur. *Est error hominis baptizati, fidei Catholicæ ex toto contrarius.* In qua quidem descriptione quatuor sunt partes.

Prima est, *error*, id est, existimatio veri pro falso, aut falsi pro vero: vbi enim non est talis error intellectu, sicut non est hæresis, vt suprà diximus, ita nec apostasia.

Secunda est, *hominis baptizati*. Nullus enim non baptizatus quamuis erret, dicitur apostata, sic nec hæreticus.

Tertia est, *fidei contrarius*: non enim quicumq; error est apostasia, sed ille, qui est contrarius fidei Christianæ, puta, cum quis existimat eam esse falsam, aut pro vera recipit sectam contrariam fidei.

Quarta pars est, *ex toto*: in hac enim parte differt apostasia ab hæresi. Hæresis est error contrarius fidei, non quidem toti fidei Christianæ, sed vni, aut aliquibus articulis fidei: at apostasia est error toti fidei contrarius, vt, cum quis negat Christum, & conuertitur ad sectam aliquam infidelium, vel manet absq; vlla fide, & secta talis dicitur apostata. Vnde apparet esse grauius crimen & peccatum, quàm sit hæresis. Ex his igitur apparet, quod sit apostasia, & apostata. Dicitur autem apostasia, quasi retrocessio; & apostata, quasi retrocedens, seu deserens. Vnde, meritò, qui fidem, quam habebat, & per baptismum professus erat, abiicit, dicitur apostata. Solent etiam Doctores, eum qui obedientiam Ecclesiæ deserit, appellare apostatam, qui idem est cum schismatico; & qui clericatum similiter deserit, quem professus est: similiter qui deserit religionem. Sed tales apostasiæ non sunt contra fidem, ob id ad locum præsentem non spectant: dicemus inferius, in primo, vel in secundo mandato Decalogi.

Apostasia, sicut & hæresis tripliciter committitur.

Vno modo, tantum in corde, & interiùs, cùm quis deserit mente fidem Christianam, nullum tamen actum exteriorem emittit contra fidem, nec verbo, nec nutu, nec opere.

Secundò, tantum exteriùs, cùm quis mente retinens Christianam fidem, metu, vel alia passione aliqua facit aliquid contra Christianam religionem, vt circumcidi, adorare idola, approbare verbo, vel scripto, vel nutu sectam infidelium, vel aliquid simile.

Tertiò modo, interiùs & exteriùs, cùm non solum actu exteriore sectam profitetur contra fidem, sed nec interiùs eam retinuit, abiecitq; fidem. Hæc tria peccata sunt grauissima mortalia, tamen cum differentia. Primum enim, tantum interiùs, nulli substat censura, nec excommunicationi, & potest absolui à proprio Confessario. Tertium non quicumque subiacet excommunicationi, sed Ccenæ Domini. Est enim apostata sub hæretico inclusus, quantum ad poenas omnes iuris, vt tenet communis opinio. Innoc. ca. 1. de apostasia, & Hostiens. ibid. & Silu. ver. Apostasia, §. 2. Vnde, nomine hæretici includitur apostata, quamuis non è contra; cuius absolutio est, sicut de hæretico, vt superius diximus. At secundum tantum exteriùs, nulli substat excommunicationi in foro interiori, licet substat in foro exteriori, quia reputatur pro apostata etiam inferiori, Nec in hoc est audiendus Caiceranus, vt supra etiam diximus de hæretico.

Reducitur etiam ad apostasiam dubium voluntariū contra fidem Christianam, sicut dubium de vno, vel pluribus articulis fidei reducitur ad hæresim. Iuxta enim ea, quæ diximus de hæresi, oportet procedere in his, quæ diximus de apostasia modo proportionali.

Post apostasiam tertium peccatum contra fidem est infidelitas, quæ sic describi potest: *Est error hominis non baptizati, fidei catholice, siue ex toto, siue ex parte contrarius.* Infidelitas enim concludit hæresim, & apostasiam; in hoc differens ab eis, quòd infidelitas est error hominis, qui numquam baptismū suscepit: talis enim, siue erret in tota nostra fide, quia abiecit Christum, vel teneat aliquid contra Christum, siue erret in parte, quia aliquos recipit articulos, aliquos non, dicitur infidelis, & ipsius error dicitur infidelitas. Norandum tamen, quòd omnis talis error non est peccatum, nisi in duobus casibus.

Vnus est, cùm talis infidelis sufficientem habet notitiam fidei

fidei Christianæ: qui enim eam haberet, & adhuc in suo perfisteret errore, mortaliter peccaret. Vnde isti nostri Iudæi & infideles, qui prope nos sunt, qui de nostra religione notitiam habent magnam, non excusantur à peccato in tuo errore. Qui verò nullam penitus notitiam habent, etsi aliquid teneant contra fidem, vt Deum non esse tres personas, Deum non esse incarnatum, non peccant.

Alter casus est, cū ratione naturali tenere possunt id, quod nostræ fidei est. Vnde dicti homines infideles, qui plures tenent Deos peccant: nam licet nihil audierint de fide nostra, tamen ratio naturalis id probat, licet non sit tam graue peccatum, sicut eius, qui per fidem haberet, vnum Deum esse, & plures cōleret. Rursus, qui solem, lunam, & creaturas putant Deos, non excusantur, quia quisque naturali iudicio comperire potest non esse. Vnde idololatræ non habent à peccato excusationem, sicut non excusantur etiam à transgressionē præceptorum Decalogi, quamuis nesciāt esse à Deo, quia etiam naturalia sunt. Sufficit hoc de infidelitate, quia tale peccatum ad confessionē non spectat.

De Spe, & peccatis contra Spem.

C A P V T VII.

Post Fidem, & peccata ipsi opposita, sequitur vt de Spe, & peccatis ipsi oppositis agam.

Primum autem, quod sit Spes, examinandum est. Spes igitur, vt ad præsens pertinet, est *inclinatio ad futuram beatitudinem Dei auxilio consequendam*. In declarationem aduerte, in Spe communiter loquendo, duo considerari.

Vnum est actus ipse, quo quis dicitur sperare, & hic non est alius, quàm voluntatis, vel appetitus quædam inclinatio, seu propensio in aliud. Est enim superare operatio voluntatis, vel appetitus. Alterum est obiectum ipsum, id est, id quod speramus, hoc autem est bonum: speramus enim bona, non tamen quacūq;, sed cum triplici conditione.

Prima est, vt bonum, quod speramus, non sit præsens, sed futurum: quæ enim habemus, non speramus.

Rursus secunda, vt sit arduum ad consequendum. Bona enim futura, sed absque arduitate & difficultate non speramus sed desideramus. Sunt enim tres actus voluntatis, seu appetitus,

us, qui in bonum ferunt, amor, desiderium, spes, sed cum differentia. Amor fertur in bonum secundum se, siue præsens sit, siue absens. Desiderium in bonum futurum, & absens, sed absque difficultate. At spes in bonum absens difficile. Cum amor igitur conuenit in eo, quod in bonum fertur, sed differt in eo, quod in absens, & nondum habitum fertur. Cum desiderio autem in eo conuenit, quod in bonum nondum habitum fertur, sed differt, quia circa difficile versatur.

Tertia conditio, vt sit bonum possibile obtineri: quæ enim nullo modo posse consequi scimus, non speramus. Est igitur spes, quæ voluntas, vel appetitus fertur in bonum aliquod difficile, quod tamen obtineri potest. Applicemus igitur ista spei Christianæ, quæ est voluntatis inclinatio, & propensio in quoddam bonum nondum habitum, puta, beatitudinem, quæ est Dei fruitio, quæ quidem, cum sit finis noster vltimus, & supernaturalis, bonum est difficile, & arduum ad consequendum; est tamen obrinendum, cum Dei auxilio, & fauore. Sperare igitur tale bonum, Dei fauore & auxilio, est quod facit spes nostra. Hinc sequitur, spem hanc nostram esse in voluntatem: nam inclinari in bonum tale, non est intellectus, sed voluntatis. Ob id, Spes est virtus in voluntate existens. Rursus sequitur, Spem supponere Fidem, quæ est in intellectu: si enim non credimus esse beatitudinem ex diuino auxilio consequendam, non vtique speramus. Rursus etiam sequitur, Spem esse virtutem Theologicam, nam versatur circa Deum, quæ est nostra beatitudo. Virtus autem, quæ est circa Deum, Theologica dicitur. Ex his patet, quid Spes sit. Nunc autem de peccatis contra ipsam tractemus, quæ duo sunt, Desperatio, & Præsumptio.

Dicamus primò de desperatione.

Desperatio est quidam voluntatis recessus à beatitudine futura: vt enim spes inclinat, ita desperatio auertit voluntatem à tali bono, quæ quidem desperatio aliquando est cum hæresi & amissione fidei, aliquando autem est cum fide: potest enim perdi spes, manente fide. Vt autem hoc cognoscatur, examinandus est actus intellectus, vnde procedit illa desperatio: si enim est error contra fidem, amittitur etiam fides, & est duplex peccatum: si verò non manet fides, & est vnum peccatum desperationis. Verbi gratia, si quis desperat, quia non putat esse talem beatitudinem, est tunc etiam hæreticus, & perdit fidem: similiter si desperat, quia putat Deum non solere parcere pec-

cata,

cata, aut quia putat nō posse parcere ipsius peccata, tunc etiam errat contra fidem. At verō si non est talis error contra fidem, non perditur fides, vt, si desperat, quia putat Deum ipsi non parciturum, aut se nunquam benefacturum: non enim est hetereticum, & contra fidem, putare, & dicere, Deus non parceret mihi: ego non faciam bona opera: vtroque modo, desperatio est peccatum mortale, tamen multò grauius, cum fides perditur simul cum spe, quia iam est nouum peccatum hæresis, præter desperationem. Desperatio autem ipsa sola minus est peccatum, quàm hæresis, licet sit periculorior: cuius rationem dat S. Thomas 2.2. quæst. 21. nam fides versatur erga Deū secundum se, quia credit esse veracem: vnde hæresis opposita lædit Deum secundum seipsum: spes verò versatur erga Deum, non secundum se, sed prout à nobis est per beatitudinem habendus: vnde desperatio lædit Deum in ordine ad nos consideratum, quod magis graue est, quàm ledere Deum secundum se: at periculorior est, quia homo desperans in plura crimina prorumpit, quàm hæreticus, quia nullo feruit freno.

Presumptio autem peccatum est, non tamen sicut desperatio: hæc enim desperatio auerit à beatitudine, & à bono sperato hominem, vt dictum est: at presumptio inclinat in beatitudinem, sed non eo modo, quo speranda est. Sperari enim debet beatitudo, non per nostras vires naturales solas, sed Dei auxilio consequenda: vnde duplex est presumptio.

Vna, qua quis vult beatitudinem, tamen quàm debitam suis naturalibus meritis, absque Dei gratia, & suis viribus consequendam, vt, qui sperat beatitudinem, quia doctus est, vel quia nobilis, vel quia potens, vel ob aliam naturalem dotem habendam.

Altera est presumptio, qua quis vult beatitudinem sola diuina misericordia consequendam, absque suo vilo bono opere, & cooperatione, cum tamen non sit, nisi diuina misericordia & auxilio, nobis cooperantibus, obtinenda. Vtraque presumptio est peccatum mortale, grauius tamen est ista presumptio, reuius rationem dat S. Tho. loco allegato: nam ista presumptio facit Deum iniustum, qui absque vilo bono opere nostro vult nos saluare, & non habere rationem mali operis. At prior presumptio facit hominem maiorem quam sit, minus autem malum est, se maiorem quàm sit facere, quàm Deum minorem quàm sit facere. Vtraque autem presumptio

pio aliquando est cum hæresi, si error intellectus accedat. Unde, qui vellet beatitudinem per solam Dei misericordiam, absque suo bono opere simul, & existimaret intellectu beatitudinem sic esse habendam, esset non solum præsumptuosus, sed hæreticus, quales sunt modò Lutherani. Rursus, qui proprijs meritis, absq; Dei gratia, vellet beatitudinem, & sic iudicaret esse habendam, esset hæreticus, quales fuerunt Pelagianistis tamē peiores sunt Lutherani, ob causam dictam. Cum verò non est talis error cōtra fidem in intellectu, sed iudicium, quo videtur sibi Deus sic cum ipso facturus, solum est præsumptuosus, non hæreticus; peccatum tamen est mortale. Et hæc sunt contra spem peccata.

Quid sit Charitas, & quàm necessaria sit.

CAPUT VIII.

Post Fidem, & Spem, de Charitate est agendum. Sic autem definitur posse videtur, *Charitas est amicitia hominis ad Deum supernaturalis.*

In qua definitione tres sunt partes.

Prima est, *amicitia*. Est autem aduertendum, ad amicitiam quatuor esse necessaria.

Primum est, ut sit amor Dei; ubi enim nullus amatur, nulla est amicitia.

Secundò, ut sit amor benevolentia. Est amor benevolentia, quo bonum volumus alicui. Velle enim sibi, vel alteri bonum aliquod, est amare se, vel alterum amore benevolentia: ipsum vero bonum, quod est volitum, dicitur amatum amore concupiscentia: ut igitur sit amicitia, debet esse amor benevolentia, quo alicui bonum quis velit.

Tertiò, ut sit amor mutuus, quo sic amat aliquem, ut redametur: alias enim amor non tenet rationem amicitia, cum solus est, nec redamantem habet.

Quartò, ut sit aliqua conuersatio inter se mutuo amātes: ubi enim nullū colloquium mutuū, nec conuersatio vlla, nec aliquid vtrique cōmune, non est amicitia. Ista quatuor in Charitate sunt, ob id Charitas amicitia dicitur.

Secunda pars est, *Homini ad Deum*. Non enim qualibet amici.

amicitia Charitas est, sed quæ est hominis ad Deum ipsum: intercedunt enim ista quatuor prædicta.

Primò quidem, Deum homo amat.

Secundo, amat amore beneuolentia; vult enim Deo bonū. Dices, quod bonum homo Deo vult? Dico duplex esse tale bonum: Quod in ipso est, puta cū volumus esse iustum, sicut est; bonum, sicut est; potentem, sicut est, & alia. Alterum est externum, puta, cū volumus suam voluntatem in omnibus rebus impleri; omnes ad ipsum conuerti; & suum nomen semper exaltari. Ista talia ipsi vult, qui eum Charitate diligit.

Tertius est mutuus amor: non enim homo Deum diligit, quasi ob hoc à Deo diligatur. Immò Deus est, qui prior dilexit nos, & cuius amor est nostri amoris causa. Est autem discriminē notandum inter amorem Dei, & nostrum versus ipsum. Non enim ei volumus bonum, sed non damus ei tale bonum, quod ei volumus: nec enim iustum, vel bonum, vel quid tale ipsum facimus: nec similiter absque ipso bona externa ei dari possunt: at ipse suo amore dat bonum; quod amando vult, dumque amat, bonos nos, & amabiles facit. Sicut, si aliquis oculus esset, qui, quò se conuertit, colores dat corporibus, quibus videri possint: talis enim visibilia corpora facit, vt videt. Sic est amor diuinus.

Quartò, est mutua conuersatio, in eo quidem, quòd ipse est finis nostri, nos autem ad ipsum tendimus. In eo etiam, quòd ipse suam naturam nobis manifestauit, & suam voluntatem, nos verò, quæ vult, implemus. Ob quam conuersationem dixit Christus Ioann, 15. *Non dicam vos iam seruos, sed amicos, quia quæcumque audini à Patre meo, nota feci vobis.* Rectè igitur dicitur Charitas amicitia hominis ad Deum: est enim amor amicitia.

Tertia pars est, *supernaturalis*, Deus enim dupliciter ad hominem comparatur.

Vno modo, sicut finis naturalis, ad quem est factus, sicut etiam aliæ res omnes sunt propter Deum factæ, & ex hac parte homo debet amorem naturalem Deo, cui cuncta suo modo debent.

Altero modo comparatur, vt finis supernaturalis habendus ab homine per visionem & fruitionem. Sic igitur Deum amare, Charitatis est, ob id dicitur amicitia supernaturalis. Similiter etiam, quia talis amor est tam eleuatus, vt nullus eum possit

possit habere, absq; auxilio Dei supernaturali. Est igitur Charitas amicitia hominis, seu creatura rationalis (vt etiam comprehendatur Angelus) ad Deum. Charitas enim necessaria est maxime ad duo.

Primum, ad finem: nullus enim intrare potest in regnum celeste sine Charitate, quæ uestis est nuptialis: vnde prima Ioan. 3. dicitur, *Qui non diligit, manet in morte*. Est autem necessaria, vt opera nostra bona efficiantur meritoria vitæ æternæ. Sine charitate nullum est opus ita bonum, quod dignū sit vitæ æternæ. Vnde 1. Corint. 13. dicitur, *Si tradidero corpus meum, ita vt ardeam, charitatem autem non habuero, nihil mihi prodest*. Charitas enim est, quæ bona opera facit meritoria vitæ æternæ. Non tamen ob id, qui in peccato mortali est, deferere debet omnia bona opera mortalia, licet per ea nō mereatur vitam æternam. Profunt enim ad multa.

Primum quidem, vt homo minus peccet, minusq; Deo displiceat, & propterea minus puniatur.

Secundò, vt consequatur à Deo bona temporalia, sanitas, honorem, diuitias, filios, & alia, quamuis hæc non mereatur, sed solum est quædā congruentia diuina, qua Deus secundū suam bonitatem non despicit vllum bonum opus.

Tertiò, vt citò etiam ad Dominum conuertatur, & à peccato liberetur.

Quartò, vt homo sit assuetus bonis operibus, vt cum post ad charitatem peruenit, non tantam in bono agendo difficultatem patiatur.

Quintò, vt in gloriâ postea existens, si per penitentiam conuertatur, gaudeat in æternum de tali bono opere. Vtilia igitur sunt talia opera, vtiliora tamen per charitatem.

De peccatis contra Charitatem.

CAPVT IX.

Quatuor sunt præcipuè peccata, quæ Charitati per se formaliter opponuntur.

Primum est contra ipsius substantiam, & hoc est odiū Dei omnium peccatorum grauissimum. In cuius declarationē aduerte, Deum dupliciter considerari posse.

Vno modo, secundum se, vt est quoddam bonum infinitum,

tum, & sic à nullo potest odio haberi, quia nulla in eo inest mali species.

Altero modo, ratione alicuius effectus, putà vt castigat & punit, vt aliquando poenam infligit, & sic potest odio haberi, & habetur aliquando. Pueri enim odio habent magistrum ea ratione, quia ab ipso plagis afficiuntur, licet secundum seipsum odio non haberent. Cum igitur quis in tantum malum prorumpit, vt Deum considerans sibi aliquid mali poenae infligere, ipsi malum vult, talis odio habet Deum, & odium hoc peccatum est mortale grauissimum omnium, vt potè contrarium summæ omnium virtuti, quæ Charitas est.

Alterum peccatum est oppositum Charitati, cum quis amat quidem Deum, sed non eo modo, quo amandus est. In cuius gratiam aduerte, Deum amandum esse propter seipsum, quia bonus est, & amore dignus, non autem præcipue propter aliquod creatum, nec propter beatitudinem, nec propter aliud bonum, quod ab ipso speramus. Est enim Charitas amicitia honesta, qua amicus amatur propter se: cum enim propter aliud amatur, non est vera amicitia: vnde Arist. 16. Ethicorum, senes, & iuuenes docet non habere veras amicitias. Senes enim amant ob suam vtilitatem, iuuenes ob suam delectationem, quibus cessantibus, cessat amicitia. At vera amicitia est propter se: tali enim amicitia est Deus amandus. Cum igitur Deus amatur propter aliud præcipue, talis amor peccatum est mortale, contra Charitatis modum. Dixi autem, præcipue, quia Deo potest amari etiam propter retributiones, sed minus principaliter. Cum sic amatur ob eas, vt quædam, non essent illo retributiones, adhuc tamen Deus amaretur, talis amor bonus est. Sicut enim dicit Dauid: *Inclinavi cor meum, ad faciendas inuocationes tuas, propter retributionem.* At verò cum quis sic amat, vt finem in alio ponat, putà, tota causa amandi est bonum speratum, nec amaret Deum, si illud non esset, peccatum est. Non igitur in Deum affectio ponenda est sic, bonum aliud à Deo respiciendo.

Tertium peccatum est circa quantitatem, cum non amamus, quantum debemus. Debemus autem amare Deum supra omnia, vt nihil plus æstimemus, quam Deum, nec etiam nos ipsos. Cum igitur aliquis sic amat aliquid, vt plus velut ipsum, quam Deum, & vellet priuari potius Deo, quam tali re temporalis, talis effectus est peccatum mortale; Deus enim est omnibus rebus anteponendus.

Aduer-

Aduertendum tamen est, duplicem esse quantitatem in dilectione & amore.

Vna dicitur intentionis, quæ consistit in feruore, & vehementia quadam ipsius actus.

Altera est appretiationis, quæ consistit in eo, quod amatum pluribus, vel paucioribus præfetur in ipso amore; & hoc dicitur plus amari quantum ad appretiationem. Has duas quantitates inæquales aliquando experimur in patribus erga filios. Solent enim maiori intentione amare natos minimos, quia feruentius, & vehementiori conatu ipsos diligunt, quam nati maiores, & primogenitos; sed multo magis appretiant ipsos maiores, & primogenitos: cuius signum est, quod si priuandi essent vno filiorum, potius vellent minori, quam primogenito priuari. Deus à nobis supra omnia amandus est, quantum ad appretiationem, & intentionem, sed non eodem modo. Nam quantum ad appretiationem, obligamur amare ipsum plus omnibus, sub mortali peccato: ipse enim omnibus præferendus est. Nec opus est facere ipsas appretiationes in particulari, scilicet, plus velle mori, pari hoc, vel aliud, quam Deum offendere: sunt enim periculose, & potius virorum perfectorum: sed cum faciendæ sunt, Deus est præferendus omnibus, nihilque ipsi præferendum. Quantum ad intentionem verò, non tenemur sub præcepto ipsum plus diligere; imò aliquando feruentius amamus res sensibiles, & creaturas. Sanctissimū tamen est Deum etiam summa intentione diligere, cum omni amore dignissimus.

Quantum peccatum contra Charitatem est ratione temporis, cum non diligimus Deum, quando diligendus est. Est autem aduertendum inter præcepta affirmatiua, & negatiua, quantum ad temporis obligationem, hoc esse discriminē: quod negatiua omni tempore obligant: omni enim tempore tenemur non occidere, non furari, non mæchari. Affirmatiua verò non obligant omni tempore, sed quando oportet, vt suis in locis dicemus. Præceptum igitur diligendi Deum, cum affirmatiuum est, non omni tempore obligat: tunc enim oportet perpetuo actu, absque intermissione diligere, quod in ista vita impleri non potest: non igitur obligat, nisi certis temporibus.

Primum est, in quo omnes obligantur, siue sint in gratia, siue extra gratiā, cum primum ad annos discretionis peruenerint, vt iam possint de actibus suis deliberare, ipsosque ordinare;

tunc tenetur actu se, & omnia sua dirigere in finem vltimum, qui est Deus: Christiani quidem in Deum, vt in finem spiritualem: alij in Deum, saltem vt finem naturam. Quæ ordinatio non fit, nisi per actum charitatis, quo Deum omnibus ante ponunt: & oppositum facere committendo, aut omitendo, est peccatum mortale contra istud præceptum diligendi: quamuis hoc probabile sit, & non omnibus receptum, securus est ita facere.

Secundum tempus est, in quo homines obligantur solum, quando mortalis peccati conscientia est, puta quando tenentur habere contritionem de peccato suo, quod maxime fit, cum est mortis periculum, & cum sunt administraturi sacramentum aliquod, vel aliquid facturi, quod non debet fieri absque gratia, vt cantare Euangelium, epistolam in altari. In his casibus, deficiente copia Confessorum, opus est ad contritionem confugere, quæ non habetur sine Dei dilectione. In hoc tempore omnes conueniunt.

Tertium ponit Soto lib. 2. de iustitia & iure q. 3. art. 10. quando aliquis recipit aliquod notabile beneficium à Deo, vel liberatur ab aliquo grauissimo malo, vel quando incipiturus est aliquod opus arduum, quod multum indiget gratia, tunc tenetur, si in conscientia peccati est, ceteri, & conuerti ad Deum per dilectionem: hoc profecto videtur probabile; & saluberrimum est consilium, frequentes actus dilectionis in Deum ipsum facere. Ista sunt contra charitatem peccata Vt tamen intelligas quomodo sunt omnia hæc contra charitatem. Aduerte, dupliciter contingere Deum diligere.

Vno modo, quantum ad actum amoris, puta, cum ipsum amamus.

Altero modo, quantum ad executionem operum, id est, cum quæ ipse vult, faciamus. Mandata enim Dei seruare & implere, est ipsum diligere. Si primo modo sumatur dilectio & charitas, sic quatuor prædicta peccata sunt contra charitatem: si autem contra obseruationem præceptorum, quæ dicitur charitas & dilectio, quantum ad executionem, & effectum,

tunc omnia peccata sunt contra charitatem posteriori modo.

*De amplitudine Charitatis, quæ est erga
proximum.*

CAPVT X.

ISTA charitas non solum erga Deum est, sed etiam propter ipsum erga proximum. Omnis autem ille dicitur proximus noster, qui nobiscum potest esse particeps eiusdem finis, & beatitudinis, qualis est omnis homo in hac vita degens, siue fidelis, siue infidelis sit; siue iustus, siue peccator; siue amicus, siue inimicus: omnes enim hi, diuina gratia, ordinati sunt ad æternam beatitudinem, nisi culpa sua amiserint. Omnes igitur hi diligendi sunt ex charitate. Sunt autem diligendi, quantum ad quatuor.

Primum & præcipuum est, quantum ad finem vltimum. Debemus enim velle omnibus beatitudinẽ æternam, ad hunc sensum, vt nullum excludamus ab hac voluntate, nulli velimus beatitudinis priuationem: talis enim voluntas est peccatum mortale contra istud præceptum. Hoc igitur est diligere proximum sicut se, non quidem quantum se: quia plus tenemur nos diligere, sed modo eodem, vt eundem finem, quem nobis volumus, alijs velimus, nullum vnquam excludentes à voluntate ista.

Secundum est, quantum ad bonum spirituale gratiæ, & fidei, vt omnibus velimus, & curemus salutem ipsorum spiritua-
lem. Quod quidam per dicta tria hæc intelligitur.

Primo, si quis proximus est in necessitate extrema constitutus, vel probabiliter vergit in extremam necessitatem fidei, aut gratiæ spirituales, quilibet tenetur ei succurrere, etiã cum dispendio vitæ propriæ temporalis, si sibi probabile est profuturum. Verbi gratia, est aliquis in mortis articulo, quem probabiliter scio non habere contritionem, nec esse confessum, si tamen Sacerdos abest, solus ergo illic adsum, cognosco illum probabiliter confessurum, & saltem illum atterendum, teneor illum audire, etiam cum periculo vitæ meæ temporalis, puta, si fortè inimici insequuntur, quia tempus est belli, vel si fortè ille laborat peste, vnde contraham, si accessero, vel si aliud inest periculum. Rursus, est aliquis inter hæreticos, vel infideles, qui in suo errore est, quia non habet docentem veritatem, si alicui sit probabile profuturum, si necessitas sit extrema, quia est summa docentium inopia, tenetur etiam cum

vita periculo docere. Rursus, si scio mea correctione profuturum alicui, ut à peccato diuturno liberetur, nec sunt alij, qui faciant, aut velint facere, teneor corrigere, non obstante periculo vitæ. Per hos, faciliè est de alijs casibus iudicare.

Secundò, extra extremam necessitatem, si quis sine detrimento vitæ, honoris, aut rei, aut cum paruo detrimento potest alium iuvare, tenetur sub mortali: si verò absque notabili prædictorum detrimento non potest, non tenetur. Verbi gratia, est homo diues in ciuitate, qui scit aliquem pauperem ob inopiam velle exponere filias, si ipse potest absque detrimento notabili subuenire, tenetur sub mortali; licet alij diuites sint in ciuitate eadem, qui possint id facere. Si tamen non potest sine graui detrimento familiæ suæ, non tenetur, nisi sit extrema necessitas, ut si illi constaret, nullum alium velle succurrere, & iam illum patrem omninò propensum ad exponendas filias: tunc enim tenetur etiam cum notabili detrimento succurrere.

Tertiò, quibus ex officio incumbit salutis speciali aliorum providere, quales Curati, & Episcopi, & pastores sunt, tenentur cum periculo vitæ, etiam extra extremam necessitatem succurrere; & non solum hoc, sed etiam inquirere eos, qui in suo græge similibus necessitatibus laborant. Alij enim, quibus ex officio non incumbit, non tenentur inquirere, sed oblatiis necessitatibus succurrere: vnde curatus tempore pestis non potest fugere, & relinquere oues absque sacramentis, licet se sciat peste inficiendum: & Episcopus tempore etiam hæresis non potest fugere, & relinquere oues decipi, sed ponere animam pro ouibus, nisi in vtroque casu alia ratione sufficienter ouibus prouideretur aliorum ministerio, &c. Ita igitur intelligendum est illud secundum, quod diximus erga modum, quò diligendus est proximus. Tertium est, quantum ad vitam temporalem, ut non solum velimus vitam, sed etiam curemus: quod ita explicandum est.

Primò, si quis est in extrema necessitate vitæ temporalis constitutus, & alius potest cum dispendio rei temporalis etiam graui, succurrere, tenetur sub mortali succurrere: v.g. si quis inter infideles esset occidendus, quia non reddit centum aureos, si quis adsit, qui eos possit dare, tenetur dare, vel gratis, vel mutuo, ut ipsum liberet à morte temporali.

Secundò, extra necessitatem extremam, si quis potest sine notabili detrimento succurrere ipsorum necessitatibus, tenetur

tur, & in hoc casu est præceptum de eleemosyna. Cum notabili verò detrimento non tenetur, puta, nō debet statum suum mutare, nec conuenientem familiam amittere.

Tertiò, vitam alterius temporalem non tenetur saluare cum dispendio propriæ vitæ, si tamen velit, potest, & est actus bonus, & meritorius: v. g. Sunt duo in mari, vnus est absque tabula, vnde necesse est submergi, alter habet, potest hic dare alteri, sed non tenetur. Idem in extrema cibi necessitate duorum vno habente cibum, potest hic alteri dare.

Rursus, periculo imminenti vni duorum potest vnus illud subire, vt alter saluetur. Aduertendum tamen est in hoc casu, quòd cum talis persona est multæ utilitatis erga rempublicam, vel erga familiam, alter verò non est, non licet illi ita vtilem vitam commutare pro homine inutili, nisi fortè talis inutilis versetur in periculo æternæ damnationis. Liceret enim in tali casu vitam commutare propriam pro illius vita, ne in æternum periret; si tamen esset probabilitas emendationis & respicientiæ talis hominis.

Quartum est, quantum ad officia communia, quæ alijs hominibus exhibentur: dicitur hoc maximè propter inimicos, quibus non sunt subtrahenda beneficia communia. Voco autem communia ea, qui multis exhibentur propter causam aliquam in eis contentam; puta, quia pauperes, quia homines, quia consanguinei, &c. Cum igitur inimicus in eadem ratione conuenit, non sunt ei subtrahenda communia beneficia. Vnde, si quis faciat orationes generales ad Deum pro omnibus, inimicū subtraheret, peccaret. Rursus, si quis in eadē domo manentes alloquitur, si inimicus in eadem domo manet, tenetur alloqui: similiter, si in eodem Collegio. Rursus, si quis eleemosynas largitur alicui communitati, non potest absque peccato subtrahere eam inimico. Similiter non salutare, si antè salutabat, aut salutantem resalutare. Ista, & similia communia beneficia non sunt subtrahenda: liceret tamen in vno casu subtrahere, dummodò scandalum non esset, puta, si ex tali subtractione speretur probabiliter inimici correctio, & respicientia spiritualis. Particularia autem beneficia, qualia sunt, quæ amicis solent exhiberi, vt familiares colloquutiones, non tenetur homo inimicis exhibere, quamuis antè exhibuisset dummodò tamen non sequatur scandalum. Rursus, tenetur homo officia illa etiam inimicis exhibere, quæ sunt secundum quandā iustitiam. Pater enim mihi debet sui officia exhibere,

hibere, & filij reuerentiam patribus, quamuis intercedat inimicitia. Similiter serui dominis, & domini seruis: maiores inferioribus, & e contra. Aliquando tamen licet ex parte superiorum; patrum, dominorum, negare sua officia ad tempus inferioribus, in poenam peccati eorum; potestque pater filium inobedientem, vel qui commisit aliquid in ipsum, domo expellere ad tempus, in poenam; dummodò malum spirituale non sequatur, vel alia grauiora mala, aut scandalum. Rursus, omnes tenentur inimicis iniuriam remittere quantum ad odium & voluntatem mali, sed non tenentur remittere debitam satisfactionem: immò aliquando melius est remittere. Vnde vidua pauper, filios habens, quos sustentare non valet, non tenetur viro homicida remittere, nisi iustum alimentum subministret, cum possit. Similiter cum homicida litigans, quia homo ille est iniquus, non tenetur desistere à causa; immò ipsam sequi, donec suspendatur; deposito tamen odio ipsius personae, & solum ob iustitiae zelum. In componendis igitur pacibus, & litibus odij depositio curanda est, sed non est petenda satisfactio nisi iusta sit.

De modis, quibus proximo possumus velle malum temporale, & de schismate.

CAPVT XI.

Quamuis vnusquisque tenetur proximum diligere, nisi malum volendo, vt dictum est, sunt tamen aliqui casus, in quibus licet malum velle, seu odio habere aliquem.

Quorum primus est, ratione ipsorum peccatorum. Licet enim odio habere aliquos, ratione iniquitatis, iuxta illud psalmi: *Iniquos odio habui.*

Secundus est. Licet etiam velle, & desiderare malum temporale alicui, solum ob spiritualem emendationem ipsius, vt si quis esset superbus, & incorrigibilis, liceret desiderare illi infirmitatem, vel pecuniarum amissionem, vel aliud malum temporale, per quod probabiliter sperari possit ipsius correctio.

Tertius est, ob bonum spirituale contritionis, & aliorum. Licet enim haereticis alios peruerentibus, & incorrigibilibus

bus desiderare mortem temporalem à Domino, vt de medio tollantur, ne alios perdant secum.

Quartus est, ob iustitiam: licet enim peruersis hominibus comprehensis à Iudice desiderare suspensionem, ob zelum iustitiae; & vt à Iudice comprehendantur, & castigentur, vt compleatur iustitia. In omnibus his casibus, semper obseruandum est, ne desiderium hoc mali sit ob ipsam personam: tunc enim malum esset contra proximi dilectionem: bonum est, si tantum sit propter praedictos fines. Contra hanc charitatem proximi vnum est peccatum, puta scandalum, de quo inferius discutimus: nunc tantum de schismate dicendum est.

Est autem schisma contra charitatem, qua parte est vnio fidelium inter se in ordine ad vnum caput. Est enim amoris, & charitatis vnire voluntates alias diuersas. Schisma igitur, vt ad praesens spectat, est rebellis, & spontanea separatio ab vnitae Ecclesiae. Cum enim quis non vult obedire Ecclesiae, aut Pontifici, spontanea rebellione, dicitur schismaticus, & tale peccatum schisma est, quasi scindens, & diuidens homines à communione charitatis.

Schisma, vt haeresis, aliquando interiùs committitur, absq; opere exteriori, aut verbo, & tunc peccatum mortale est, sed nulli censura suditum.

Aliquando interiùs, simul & exterius est: & aduerte, quòd aliquando est cum haeresi, aliquando sine illa. Cum enim est error in intellectu contra fidem, est haeresis, & schisma, vt qui se separat ab obedientia Papae, quia non credit eius potestatem, talis schismaticus reputatur pro haeretico, & eisdem substat poenis.

Aliquando tamen est schisma, cum non est talis error in intellectu, vt, qui credens quidem potestatem Papae, tamen passione aliqua motus ab illius obedientia se subtrahit, iste est purè schismaticus: nam schisma est contra vnitatem charitatis, non contra fidem, & tale schisma substat excommunicationi Papali, non quidem in Coena Domini, nisi sit cum haeresi, sed à iure, quod habetur

c. licet, de electionib. & cap.

nulli, dist. 19.

* *

CAPVT XII.

ANtequam ad singula Decalogi præcepta explicanda descendamus, aliqua sunt notanda.

Primò, ista decem præcepta in duas esse diuisa partes: quædam versantur circa diuinum honorem immediatè, quælia sunt tria priora, quæ dicuntur primæ tabulæ: quædam circa vtilitatem proximi, qualia septem posteriora, quæ dicuntur secundæ tabulæ. Fuerunt enim in duabus tabulis Moysis digito Dei descripta: licet alij plura ponant in prima tabula: sed quod diximus videtur probabilius.

Secundò est notandum, omni, quæ sunt contra aliquod mandatorum horum, esse peccata mortalia, nisi vna trium causarum excuset: tunc enim erunt tantùm venialia. Prima est, leuitas materiæ. Cum enim parua est materia, non est mortale. Vnde qui imponit falsum alicui leue, contra præceptum facit, sed ob leuitatem maximam non est mortale. Non tamen leuitas materiæ semper excusat: nam falsum iuramentum, etiam in leui materia, est mortale. Dicemus tamen de hoc in singulis. Secunda est, defectus deliberationis: tunc enim actus dicitur deliberatus, cum in nostra est potestate, vt possimus facere, & non facere. Ista deliberatio plena est necessaria in mortali peccato. Cum autem est semiplena, nec integra, sit veniale: vt, qui alterius vxorem concupiscit, sed motu repentino, & non ex pleno voluntatis consensu. Similiter, qui occidere vult, sed non actu deliberato perfecte. Tertia causa est, defectus pleni vsus rationis, qualis est in semidormientibus, quibus pollutiones accidunt, sed non est perfectus vsus rationis. Similiter in aliquibus infirmitatibus, in quibus homo aliquando percutit alios, sed quia non est integer vsus rationis, non est mortale. His igitur tribus causis, opus, aut actus contra præceptum solet fieri veniale, cum tamen ex genere mortale sit.

Tertiò est notandum, ista præcepta non obligare homines ad finem præceptorum, qui est Charitas, sed solum ad actum inclusum in præcepto: verb. grat. non occidere, obligat hominem, vt non occidat, non tamen ne occidat ex Charitate. Similiter in alijs omnibus: sicut ieiunium non obligat ad finem, qui est maceratio carnis, & eleuatio mentis, sed tantùm ad ipsam

sum actum : vnde impletur præceptum extra Charitatem, licet non sit meritoria talis impletio, nisi sit cum Charitate, quæ dicitur finis, & modus præceptorum. Et hoc est, quod alij dicunt, impleri præceptum posse, quoad substantiam sine Charitate, non tamen quoad modum.

In primo igitur præcepto, quod est, *unum cole Deum*, præcipitur latría, seu adoratio Dei. Pro cuius explicatione aduerte, in adoratione esse tres actus.

Vnus est intellectus, quo cognoscimus excellentiam, & superioritatem alicuius, qui adorandus est.

Secundus est voluntatis, quo nos ei subijcimus, & subster-

nimus.

Tertius exterior, quo talem subiectionem significamus, vt genuflexio, capitis nudatio, & similia.

Primus non est adoratio: Dæmones enim cognoscunt Deum esse supra omnia, non tamen adorant. Est enim talis actus in adoratione necessarius; quia voluntas non se subdit, nisi excellentiam cognoscat eius, cui se subdit. Secundus est ipsa adoratio, quia est actus religionis. Tertius est effectus adorationis: in tantum enim iste tertius ad adorationem pertinet, in quantum ab interiori procedit, aliás est illusio, & irrisio. Vt igitur Deus adoretur, iste actus necessarii sunt. Primus est, intellectus, quod debemus Deum cognoscere vt summum Dominum, ac totius esse principium. Secundus voluntatis, quo illi, vt tali, nos debemus subijcere. Tertius est, quo istam prostrationem exprimimus, quod maxime fit per Missæ sacrificium: totus enim populus Christianus missam offert per Sacerdotem: & per sacrificium, quod soli Deo debetur, suam exprimit internam adorationem. Similiter per alias humilia-
 nes exteriores. Sic igitur Deus est adorandus: actus primus est fidei, nec ad hoc pertinet præceptum, sed supponitur: actus secundus est, vera adoratio, & hæc præcipitur: similiter & exterior hunc exprimens, quæ duo ad religionem pertinent. Hoc præcepto, non solum adoratio, sed in-
 uocatio, honor, laus Dei, & alia, quæ ad
 religionem spectant, conti-
 nentur.

De blasphemia, & impietate.

CAPVT XIII.

Nunc de peccatis, quæ contra istud præceptum sunt, agere oportet. Cumque in hoc præcepto Religio Christiana contineatur, peccata contra Religionem sub isto continentur præcepto prohibita: quorum vnum est Blasphemia. Est blasphemia contra Dei laudem, contra S. Thom. 2. 2. q. 13. qui putat contra confessionem fidei esse. Hoc autem notum fiet, si primum, quid laus sit, intelligatur. Laus est manifestatio alicuius excellentiæ cum affectu voluntatis: cum enim excellentias, & perfectiones alicuius notificamus, & dicimus, tunc laudamus ipsum, & notificatur cordis affectio, quæ nos prouocat ad talem notificationem. Est igitur laudare Deum, excellentias, & perfectiones eius manifestare cum voluntatis affectu. Est autem duplex laus, & interior, quæ fit solo corde, quæ à nobis, & ab Angelis fit Deo: & exterior, cum voce profertur: vtraque multipliciter fit.

Primo, per modum enunciationis, cum propositionibus laudamus, dicentes, *Deus magnus, & sanctus, & Dominus.*

Secundo, per modum deprecantis, cum orationes fundimus.

Tertio, per modum imperatiui, cum dicimus, *Benedictus sit Deus. Gloriam in excelsis Deo.*

Quarto, per modum admirantis, ut *Quam admirabile est nomen tuum in omni terra!* His modis contingit laus. Cum huic igitur opponatur blasphemia, hæc erit quedam maledictio contra Deum, ex malo voluntatis affectu. Ille autem dicit malum Deo, qui aufert bonum, quod habet negando; vel imponit malum, quod non habet, affirmando: ut qui dicit, Deus non est bonus, non iustus est Deus. Fit autem dupliciter, sicut & laus, corde interius, & oratione etiam exterius, quæ est consummata blasphemia, & vtroque modo tripliciter fit.

Per modum enunciationis, ut in dictis exemplis.

Per modum detestantis, ut qui dicit, sit Deus maledictus, pereat Deus, & per modum iridentis, ut illi dicebant, *Vah, qui destruxit templum Dei.*

Est autem maximè hic aduertendum, dupliciter contingere per blasphemiam Deo maledicere: vno modo formaliter, cum

cum expresse, & aperte mala damus Deo, vt in omnibus exemplis propositis. Altero modo virtualiter, cum occulte damus Deo malum, licet non id omnino exprimant verba, vt, qui dicit, ad respectum, blasphematur, quia facit Deum impotentem: dicit enim se aliquid facturum, velit nolit Deus. Similiter, qui dicit, ad corpus Dei, & *al sanguine de Dio*, vel iniuriose nominat aliquas partes, tunc si per modum spernentis dicat, est blasphemia quia ponit in Deo ista, tanquam contemptibilia, & vituperatione digna, quod non est. Si tamen dicat tantum per modum iuramenti, non est blasphemia: utroque autem modo, siue formaliter, siue virtualiter, blasphemia est. Ex his ergo facile habetur, quid sit blasphemia, & quot modis contingat.

Circa peccatum autem blasphemie notandum est, non semper esse mortale, quamuis sit ex genere suo: aliquando tamen fit cum aduertentia, & deliberatione, vt cum homo cognoscit, & aduertit esse blasphemiam, tamen eam profert. Aliquando fit sine aduertentia, vt, cum homo ira aliqua, vel alia motu passionis, non aduertens verba, quae proferebat, protulit blasphemiam. Priori modo est peccatum mortale, posteriori vero non semper, nisi cum homo est assuetus blasphemare, nec vult emendationem. Talis enim peccaret mortaliter tunc quia est in culpa precedenti, quia non abstulit occasionem peccati. Qui vero non habet talem assuetudinem, vel, si habet, iam emendare se curat, & desiderat, non peccaret mortaliter, sed venialiter.

Blasphemia autem aliquando est cum haeresi, aliquando sine haeresi. Quando quis assentit intellectu his, quae corde, vel ore dicit, est haeticus, & blasphemus: vt, si dicens Deum improuidum, ita assentit, haeticus simul est, & tunc incidit in censuras haeticorum, de quibus diximus iam: si vero non ita credit, nec assentit, vt dicit non enim idem est credere, & dicere, etiam corde, tunc est tantum blasphemus. Quamuis autem blasphemia sit sine haeresi, est tamen horrendum peccatum, adeo vt Dominus dixerit, esse irremissibile, non quod non remittatur, sed quia vix, aut nimis est indignum, vt remittatur: & blasphemis, si sit publica blasphemia, est seuera poenitentia imposita, cap. statuimus, de maleficijs, quae tripliciter fit.

Prima, vt septem diebus dominicis maneat in foribus templi, dum solennia celebrantur, & septima dominica, vt absque pallo,

pallio, & calceamentis, & cum corrigia in collo.

Secunda, vt septem diebus veneris ieiunet in pane, & aqua, & non intret in Ecclesiam.

Tertia, vt alat tres pauperes singulis illis diebus, & si non potest, saltem duos: aut si non duos, vnum: & si non vnum, saltem in aliam poenitentiam commutetur: & vterius; si diues est, soluat quadraginta solidos: si hoc non potest triginta: si non hæc, viginti; si non, quinque. Vbi vides rigorem iuris ostendere grauitatem peccati. Hoc etiam est officium damnatorum, sicut beatorum, laudare semper Deum. Nō autem existimes blasphemiam solum esse contra Deum: extenditur etiam ad Sanctos: vt enim laudare sanctos, est virtus, ita peccatum est blasphemia illis malum dicere: vnde eodem modo est mortale; & sub censura canonum contentum. Præcipue autem grauissimum est inter omnia peccata, quæ contra sanctos sunt, contra beatam Virginem blasphemare. Contingit etiam cōtra alias creaturas blasphemare, eis maledicendo, vel imprecando. Et hic est aduertentia adhibenda. Creaturæ enim hæc rationabiles sunt, aut irrationabiles: si rationabiles, dupliciter possunt maledici.

Vno modo interius, desiderando malum, quod imprecamur, vel exterius, volendo illas iniuria afficere: & tunc, cum malum est graue, est mortale: vt, qui dicit, suspendaris, moriaris, cum interius ista desideramus proximo euenire: cum non, sed solum in exteriori est blasphemia, est veniale. Si verò irrationabiles sunt, non semper est mortale: vt maledicere panis, vino, libris, vineis, & alijs.

Quadrupliciter possumus his maledicere.

Vno modo, considerando vt creaturæ sunt Dei, & hac intentione maledicendo, & sic est mortale, & blasphemia, siue irrationabiles, siue irrationabiles sint.

Altero modo, ratione creaturæ rationabilis, cuius sunt: maledicere vineis, quia illius sunt, vel huius: & tunc, si interius malè desideramus propter dominum talis rei, mortale est, siue ut diximus de ipsa creatura rationabili.

Tertiò possunt considerari secundum se, & tunc maledicere his, vt dixit Caiet. verb. Maledictio, est actus otiosus, atq; peccatum veniale.

Quartò possunt considerari ratione mali illati ab ipsis, & sic possunt maledici, & est actus licitus: non enim est hoc tam maledicere creaturæ, quam malo. Sic Iob dici, & David mou-

tibus maledicebat. Idem esse dicendum de bestiis. Ex his habes, quid de blasphemia sentiendum est. Aliud est peccatum contra hoc præceptum, quod impietatis dicitur, & est oppositum honori, quem debemus Sanctis, & Deo, sicut blasphemia est opposita laudi. Pietas enim est, qua Deum, & Sanctos reueremur: cum igitur ipsos inhonoramus, dicitur peccatum impietatis: unde, imagines conculcare, reliquias Sanctorum spernere, opera in Deum iniuriosa facere ad hoc spectant peccatum, cui si error accedat intellectus, est etiam hæresis: scilicet non, ut supra.

De Superstitione.

CAPUT XIV.

Aliud est tertium peccatum superstitionis. Est autem superstitio, vana, seu falsa religio. Religio enim virtus est debitum cultum Deo exhibens: contra quam est superstitio, indebitum cultum exhibens.

Huius duplex est genus iuxta duos modos, quibus indebitus cultus exhiberi potest.

Vnus est, cum Deo vero cultum exhibemus, non eo modo, quo exhibendus est. Alter, cum cultus exhibetur Deo falso, cui exhibendus non est. Prior superstitio duas habet species. Altera est, cum Deo exhibetur cultus falsus, ut qui Deo modo vellet offerre sacrificia veteris legis: nunc enim sunt falsa, quia tunc significabant. Curam mortem Christi, quæ iam non est futura. Similiter, quia alicuius sectæ infidelium caeremonias vellet exhibere Deo, talis Deo exhiberet cultum, sed non eo modo, quo debet, & dicitur cultus perniciosus, & est mortale peccatum. Ad hoc peccatum reducitur illud, quo quis falsas reliquias supponit pro veris, decipiens alios; & qui falso dicit imagines has, vel illas fecisse miracula, ut elemosynas suscipiat à populo. Altera species est, cum Deo exhibetur cultus superfluus, qui dicitur ille, qui non ordinatur ad Spiritum, & qui additur ultra consuetudines Ecclesiarum: unde, qui multiplicat Alleluia, cum dicendum est unum, additque super ea, quæ in caeremoniali sunt, cultum exhibet superfluum: talis tamen superstitio non est mortale, sed veniale tantum nisi ex contemptu fiat. Superstitio autem ea, quæ cultum quidem exhibet, sed non cui exhibendus est, quinque sub se includit species,

species, Idololatriam, Magiam, Diuinationem, Vanam obser-
uantiam, & Maleficium. De singulis agere oportet.

Estigitur Idololatria, diuini cultus erga falsum Deum exhi-
bitio. Colere enim pro Deo eum, qui non est Deus, aut ipsum
laudando, aut inuocando, aut sacrificando; aut ei aliquo mo-
do se prosternendo, idololatrare est. Est autem idololatria per
se opposita religioni; tamen ex adiuncto, & concomitantia op-
ponitur fidei. Sicut enim vera adoratio non est, nisi fides præ-
cedat in intellectu, qua illius excellentiam recognoscamus, cui
nos subijcimus, ita etiam adoratio falsa, quæ est idololatria,
non est, nisi error in intellectu præcedat, quo dignum hono-
reiudicamus Deum falsum, cui idololatria se prosternit. Vin-
de fit, vt idololatria sit peccatum subiectum excommunica-
tioni in Cœna Domini, vt hæresis. Cum verò non est error
in intellectu, si verè iudicat homo, illud, quod adorat, non
esse tali honore dignum, sed timore, vel alia passione motus,
adorat, & colit, tunc non est propriè idololatria, sed dicitur ex-
teriori idololatria: & quamuis sit in foro exteriori subiecta ex-
communicationi, quia præsumitur etiam interior, & cum er-
rore, tamen in foro interiori non habet annexam excommu-
nicationem, vt superius diximus de hæresi. Vtroq; tamen mo-
do est peccatum mortale.

Altera species est Magia. Videtur autem sic posse describi.
Et potestas inordinata faciendi quòd supra naturam est. Du-
pliciter fieri potest aliquid supra naturam: vno modo diuino
auxilio supernaturali adutus, & hoc ad potestatem miraculo-
rum spectat: altero verò, auxilio dæmonis. Hoc ad Magiam
spectat. Et aduerte, quòd Magia per finem distinguitur ab aliis
superstitionis speciebus dicendis: nam Magia est, qua homo
facit mirabiles effectus, & supra suam naturalem potestatem,
hoc solo animo, vt potens videatur, & magna, & mirabilia fa-
ciens.

Aduertendum vltèrius, quòd licet homo videatur ista ma-
gna facere, aliqua potestate in se existente, verè non facit, sed
dæmon est, qui ista ad suum imperium facit, nec Magia habet
aliquam potestatem super dæmones, vt cogat eos ista facere, sed
sunt ipsi se cogi imperio eius, vt magis recipiant: quamuis
aliquando, potestate alterius dæmonis superioris, cogantur,
vt homini alicui pareant. Dæmones autem nullam per se ha-
bent efficaciam faciendi effectus hos, qui in Magia videntur,
sed tripliciter tantum dæmon operatur.

Vno modo, iam effectus per naturam, aut artem factos aliunde transfundo: habet enim potestatem super omnia ista inferiora, quantum ad motum localem. Vnde, si facit hic serpentem, vel aliud apparere, alijs ex locis portat: est enim ei mirabilis agilitas, vt ictu oculi innumera millaria peragat.

Altero modo, ista facit, de nouo faciendo, non per se, sed occultè applicando causas naturales, & accelerando actiones earum. Est etenim peritissimus: cognoscit enim omnes naturas omnium lapidum, herbarum, animalium, & rerum vniuersi, & proprietates earum, & vbi inueniatur. Vnde sæpè facit borem nasci breuissimo tempore, applicando semen, & omnes causas alias; sæpè fructus, & sæpè animalia. Sæpè sanat etiam dæmon, occulta medicamenta adhibendo, vel intra corpus se immiscendo, & humores expellendo.

Tertio modo, operatur ista, sensus deludendo; & hoc dupliciter.

Vno modo, proponendo sensibus vera objecta, non quæ apparent, sed ex aëre condensato: vnde sic aliquando facit apparere serpentes, dracones, animalia in etiam multa, quæ non sunt vera, sed ex aëre condensato confecta, & per ipsum dæmonem mota.

Altero modo, ipsosmet sensus impediendo, ne videantur exteriora, & imaginationem hominum mouendo, vt appareat illis, res illas illic esse, quæ verè non sunt, sicut fit, cum homo somniat. His modis dæmon multa operatur ad vocem & petitionem Magorum.

Aduertendum tertio, quod frequenter est pactum dæmonis cum Mago. Explico Pactum est promissio facta ab homine dæmoni, & a dæmone homini promittit enim homo obedientiam dæmoni, & negationem diuinorum præceptorum, & Sacramentorum: promittit dæmon, se omnia illa facturum; & quò magis promittit homo, eò etiam dæmon. Hoc autem pactum dupliciter fit. Aliquando cum ipsomet dæmone, qui visibiliter apparet, & fœdus init. Aliquando fit medio aliquo homine: vt cum quis per aliquem Magum tale facit pactum. Pactum autem cum dæmone dupliciter solet fieri. Vno modo solènter, vt cum dæmon apparet visibiliter in folio suo sedens, cum cetera aliorum dæmonum, coram quibus fit tale pactum. Altero modo, priuatim; vt, cum fit pactum absque solennitate sola enim tacita inuocatione fit, cum homo vtitur illis me-

dijis, quibus Magi solent vtī, ad faciendos effectus tales, sed tamen nouum intercedit pactum.

Est autem generaliter obseruandum, tacitam dæmonis inuocationem esse, cum homo intentat aliquid facere per ea, quæ nec ex se, nec ex virtute supernaturali tales possunt producere effectus, Vnde his modis maximè ista inuocatio contingit.

Primò, cum verba dicuntur, in quibus voces aliquæ non significantur sunt.

Secundò, cum characteres, & figuræ aliæ à signo Crucis, vt figuræ ouales, quadrangulæ, vel similes fiunt.

Tertiò, cum miscetur aliquod falsum: vt, quòd Christus habuit febres, vel alia; vel apocripha, vt fictæ aliæ historiarum.

Quartò, cum apponuntur conditiones inutiles ad tales effectus: vt, cum feruntur verba sacra scripta in carta tali; vel tales herbarum, tali, vel tali die, & hora decerptæ, & alia huiusmodi.

Quintò, cum effectus excedunt virtutem illius medij: vt quando quis promittit alios recessuros in gratia; non posse laedi ab inimicis, & alia huiusmodi. His modis est inuocatio tacita dæmonis: & Magia aliquando (licet rarò) fit cum tali inuocatione, absq; pacto.

Aduertendum quartò circa huiusmodi peccati gravitatem. Magia sæpè est hæresi coniuncta, aliquando autem sine hæresi est. Tunc est coniuncta hæresi, cum error contra fidem est in intellectu, accedente pertinacia. Vnde magus examinandus est, quid credat, an credat dæmones dignos esse aliquo honore, posse aliquid facere absque diuina permissione, in alia vita se bonum ab eis recepturum, semper vera dicere, & alia huiusmodi. Cum enim aliquod horum esse creditur cum pertinacia, id est, cognoscendo esse contra Ecclesiam, est hæresis, & tunc est Magus excommunicatus. Cum verò non est error talis in intellectu, est absque hæresi; sed est horrendum peccatum mortale, cum intercedit dæmonis pactum: non autem excommunicationi latè expositum est, licet Magus sit excommunicandus, vt habetur 26. q. 5. At qui ipsos magos consulit, & qui petit opera eorum, excommunicatus est, vt habetur ibi. c. si quis etiam. Ista excommunicatio nulli reservatur. Cum verò est magia cum sola tacita inuocatione, est etiam mortale. Cum tamen est ignorantia, quia homo nescit ibi inuocari dæmonem,

nem, veniale est, donec ab aliquo aduertatur, vel per se cognoscat: tunc enim esset mortale.

De Diuinatione.

CAPVT XV.

TERTIA species est diuinationis: est autem hæc, enunciatio inordinata eorum, quæ per naturam cognosci non possunt, id est scire ea, quæ homo naturaliter cognoscere non potest. Tamen per diuinam reuelationem, non est diuinationis. Ea tamen scire modo inordinato, & demonis inuocatione, ad diuinationem spectat. Maxime autem hæc hominis naturam excedunt. Primum, ea quæ à Diuina voluntate sola pendent, qualia sunt mysteria gratiæ, quod hic saluetur, ille condemnetur, & alia huiusmodi. Secundò, quæ pendent ex libertate hominis, & nondum futura sunt. Tertio, quæ sunt futura contingentia, & ita possunt non euenire, vt euenire. Quarto, quæ sunt occulta, vel absentia, vt homo per se cognoscere nequeat. Velle aliquid horum scire modo inordinato, pertinet ad diuinationem.

Aduertendum tamen, quod nec demon scit certo ista, sed primò, coniectura quadam, ex longa experientia, quam habet, & ex subtilitate ingenij sui, quæ conditiones singulorum & inclinationes cognoscit, & plus minusve cõiicit, quid sint facturi. Secundò, ex reuelatione Angeli boni: permittit enim Deus ipsi demoni aliqua manifestari. Tertio, aliquando res, quas prænunciat, erant naturaliter euenturæ, vel certæ futuræ, non tamen videntur euenire nisi contingenter, & sic videtur etiam enunciare contingentia. Nam sæpè demon secretum morbum alicuius intuetur, & cognoscit naturale tempus mortis, quod alteri prænuncians, videtur contingens dicere. Sæpè etiam nunciat ruinas domorum, quia occultas causas ruinæ operantes videt. Sæpè etiam annunciat quæ ipse facturus est. Quarto, ex naturalibus multa scit, propter magnam scientiam naturalem suam, & Astrologiam, quia pluias, pestes, eclipses, & alia potest prædicere. Hoc modo diuinatores suos decipit. Est autem duplex genus diuinationis. Alterum est, in quo inuocatur aperiè demon, vt dicat occulta: quæ inuocatio solet esse multiplex, iuxta modos multos, quibus solet demon respondere. Aliquando per fictas, & apparentes figuras, & dicitur Præstigiū

Aliquando per somnia, & est diuinatio somniorum, cum homo à dæmone responsum expectat per somnia. Aliquando per mortuorum suscitationem, & dicitur, Necromantia, etsi dæmon nullam animam reuocare possit ad mundum hunc, tamen fingit esse mortuum, assumendo corpus, ac si anima esset. Licet aliqui dicant, diuina permissione dæmonem id facere, sicut fecit de Samuele. Alij dicunt Deum id fecisse, non dæmonem, nec Pythonissā id poterat. Aliquando id fit per viuos, & arreptitios homines, qui dicuntur Pythones. Aliquando fit per statuas, & corpora terrestria, & dicitur Geomantia. Aliquando per figuras apparentes in aquis, & dicitur Hydromantia. Aliquando per figuras aëreas, & dicitur, Aeromantia. Aliquando per ignes, & dicitur Pyromantia. Aliquando per interiora animalium, & dicitur Aruspiciū. Hæ omnes species sunt grauissima peccata mortalia: in quibus expressè inuocatur dæmon, & colitur, & est maximè peccatum hoc hæresi coniunctum, si error sit in intellectu. Qui consultit hos auiolos, & diuinos, excommunicatus est, vt diximus supra de Magis.

Alterum genus est, in quo non inuocatur expressè dæmon, sed tacitè; puta, cum medijs vritur quis ad cognoscendum res: quæ media nullam habent virtutem iudicandi res. Et hoc diuiditur in duo genera. Aliud, cum media non sunt aliqua opera facta ab ipso homine. Alterum, cum sunt actiones aliquæ humanæ. Primum genus multas habet species, puta Astrologiam, quæ fit per situs, & motus astrorum, & augurium, quod fit per garritus animalium, seu auium: Auspiciū, per volatus auium: Omen, per verba alicuius hominis casu aliquo, vel aliqua intentione prolata, vt quia miles dixit socio: sistamus, dux decreuit exercitum non mouere; Chiromantiam, quæ fit per signa, & figuras corporis humani. Circa Astrologiam notandum est, quod non negamus posse naturales effectus sciri, vt eclipses, pluias futuras, & alia huiusmodi, & similiter complexiones, & inclinationes hominum, nam cœli influunt in humana corpora: tamen triplici casu vti Astrologia est peccatum mortale.

Vno modo, ad cognoscendum mysteria gratiæ, & ea, quæ à sola Diuina voluntate dependent. Secundo, ad cognoscendum ea, quæ ex libera voluntate hominis, pendent, quasi certa euentura sint; quod quidem falsum est: nam nec complexio hominis, nec cœlum, nec ulla creatura cogit voluntatem,

tatem; & contingentia multis causis impediri possunt. Quòd si quis vellet cognoscere aliquando contingens, vel liberum, iudicando esse incertum, & posse non evenire, non est mortale, nisi tantum in tertio casu. Tertius autem casus est, cum quis in suis actionibus utitur istis iudicijs. Astrologorum, tanquam regula, nec quicquam vult facere, nisi cælum consulendo, iste talis iam certam putat regulam. Semel autem, vel bis consulere, & iudicando esse rem incertam, & posse non evenire, veniale esset, & actus omninò otiosus, quia nihil prorsus certitudinis tale habet iudicium. In his igitur casibus, tacitè inuocatur demon dum sumitur pro medio cognoscendi, qui ex se talem efficaciam non habet, ut per ipsum res tales cognoscantur, ob id peccatum est.

Circa augurium, & auspicium, notandum est, aliquando esse licita, cum solum pronunciare intendimus ea, quæ naturaliter solent aliqua animalia prænunciare: Deus enim instinctus sæpè aliquorum futurorum animalibus indidit: ut Mergi mare relinquentes, signant tempestatem futuram, Vespertilioes longè volantes à domibus, significant serenitatem, & alia huiusmodi multa. At verò alia, quorum animalia nullos habent instinctus, prædicere peccatum est mortale, quia est tacita demonis inuocatio, qualia sunt coniungentia, & quæ à libertate hominis pendent, vel à solo diuina voluntate.

Genus alterum diuinationis, quod in aliquibus actibus humanis consistit, dicitur sortilegium, siue fiat taxillorum emissionem, siue aliquam chartularum descriptionem, siue plumbi liquefactionem, ita cetera, vel alio simili modo. Est autem aduertendum, esse triplex genus sortium.

Quædam sunt diuinatoria, quæ emittuntur ad aliquod occultum, vel futurum sciendum.

Quædam diuisoria, quæ emittuntur ad cognoscendum, quid cuique eveniat.

Quædam consultoria, quæ emittuntur ad cognoscendum quid in aliquo casu sit agendum. Et quidem prima diuinatione ferè semper est peccatum mortale, quia ibi tacitè inuocatur demon, nisi in aliquo casu expecteretur responsum, seu iudicium à Deo, quo modo Saul emisit sortem super Ionatham, & nautæ super Ionam.

Diuisoria autem licita est, cum triplici tamen conditione, Primò, ne in ea committatur aliquid contra Iustitiam, putà, cum res, quæ in sorte mittitur, vnius est, nec ad eam parius

habent alij, inter quos mittitur fors, tunc non esset licita, quia iniustitia sit domino: similiter non excluduntur, qui parius habent. Secundò, ne sit contra publicum bonum Reip. vt, cum dignitates sortiuntur inter homines, etiam ineptos ad tales dignitates. Simile est de dignitatibus alijs alicuius communitatis, cum inepti admittuntur ad sortes. Tertiò, ne sit in dignitatibus Ecclesiasticis, & beneficijs, talia enim sortiri non licet stantibus conditionibus.

Diuinatoria licet, dummodò iudicium non expectetur à dæmone, sed fortuitum sit.

Consultoria, cum iudicium expectatur à dæmone peccatū est mortale; cum verò à Deo, licet, sed cum triplici cōditione. Prima, vt sit cum necessitate: cum enim media humana facile haberi possunt, non est Deus tentandus. S. Thom. 2. 2. q. 95. art. 8. Vnde, licet vt sortibus in hac casu, cum tempore pestis aliqui Curati essent mansuri, tamen duo sufficerent, ipsi autem multi essent, Episcopus non potest eos concordare, nescitque quos constituat, posset iudicium à Deo expetere per sortes. Similiter, cum duo essent inequali necessitate extrema, quorum vni aliquis subuenire posset, tunc sorte consulendus esset Deus, vter illorum esset. Hi duo casus sunt Augustini. Secunda est, vt sit cum reuerentia: accedere enim Deo irreuerenter, peccatum est, & quidem veniale, nisi irreuerentia notabilis sit. Tertia est, ne sit in rebus prophanis: Deus enim non est in his rebus consulendus. Tales conditiones in diuinatione, cum licita est seruari debent; cum autem aliter sit, peccatum est, & in his omnibus, cum à dæmone iudicium expectatur mortale est, & sortilegium. In diuinatoria autem, nisi expressè Deus inuocetur, tacite inuocatur dæmon: ob id, ex se mortale est.

De vana obseruantia, & maleficio.

C A P V T XVI.

Quarta superstitionis species est Vana obseruantia: in qua tacite dæmon inuocatur, cum in ea, media quædam assumantur, quæ non habent virtutem vllam ad tales effectus.

Huius quatuor sunt species infimæ.

Prima est, ars notoria, quæ continet orationes quasdam, & iei-

ieiunia, ad consequendas scientias absque ullo labore, ad modum infusarum scientiarum. Quæ quidem obseruantia, mortale peccatum est.

Secunda est, obseruantia sanitarum, cum homo ad sanitatem obtinendam, vana media, & inutilia assumit, vt hi, qui quibusdam orationibus sanant dolorem capitis, & aliorum morborum, retinent sanguinis fluxum, sanant etiam alias infirmitates, etiam animalium. In his frequenter accidunt vanæ quædam circumstantiæ, & verba quædam ridicula, aut non significantiæ, quæ tacite continent dæmonis inuocationem. Talis obseruantia veniale est peccatum, cum personæ ignorantia accidit; cum verò admonita est de vanitate, mortale peccatum est: iam enim dæmonem scienter inuocat. Cum autem tales orationes puræ sunt ab omni mala circumstantia, & ex deuotione dicuntur, non est peccatum, melius tamen est ab ipsis abstinere. Sufficit Euangelium à Sacerdote aliquo prolatum, vel alia oratio Ecclesiæ ex deuotione Deo fusa. Ad hanc speciem reducitur decerptio herbarum die Ascensionis, & D. Iohannis ante solis ortum, & alia similia, vt de Carlino primo in die Parasceues.

Tertia est, obseruantia futurorum euentuum. Aliqui enim, ex quorundam impertinentium obseruatione, mala futura sibi, vel alijs coniiciunt, vt si lauo pede domo quis egressus est: si statim lapidem offendit: si somniat in aliquo loco malum sibi euenturum: si postquam euigilauit, statim sternutauit: tunc enim dicunt esse iterum dormiendum. Omnia ista, & similia vana sunt, & plerumque venialia, nisi quis pertinaciter istis adhæreat post admonitionem, si ignorans sit.

Quarta est obseruantia reliquiarum, cum aliqui portant aut vanas reliquias, aut veras cum aliqua vana circumstantia, vt Euangelia, si scripta sunt in charta virgine, & cum certis ceremonijs. Similiter, cum promittuntur effectus falsi, vt, quod morietur in bello, in peccato, & huiusmodi: talia sunt mortalia, nisi grandis ignorantia excuset; quia isti nimis fidunt suis reliquijs erga istos effectus. Cum autem sunt veræ reliquie, absque vlla vana circumstantia, aut verba sacra pura, licitum est, & vtile. Sed admonendi sunt qui talia portant, ne istis solis fidant, quasi sufficiant sine ullo bono opere, & vitæ rectitudine.

Vlcima species superstitionis est maleficiū, de quo multa dicenda sunt. Et primum est, quid sit. Potest autem sic describi,

Est ars nocendi alijs dæmonis potestate. Aduerte Magum, & Maleficiū differre penes finem: Magus enim vtitur arte dæmonis, ad ostentationem potentia diuinæ, ad sciendum abscondita: Maleficus autem, ad nocendum alijs: ipsa autem opera, quibus alijs nocent, solent dici Maleficia. Aduertendū secundū, esse duplex maleficiū, quoddam dicitur amatorium, quoddā veneficium. Amatorium est, quo malefici vtuntur, ad flectendos animos hominum ad amorem carnalem, inclinando ad vnos, vel diuertendo ab alijs: & hi malefici solent rixas, & odia inter coniugatos efficere, & animos vtriusque ad aliam personam deflectere. Veneficium est, quo solent nocere hominibus, & duplex est. Vnum, quo nocent in propria persona, aut occidendo, aut infirmitates, vel dolores causando, aut sterilitatem sexus inducendo. Alterum, quo nocere solent in rebus, aut destruere vineas, arbores animalia, subuertere ædificia. Et isti solent excitare ventos, grandines, ingentesque tempestates. Non est autem existimandum, istos maleficos per se, aut potestate sibi insita ista facere, sed aut venena arte dæmonis conquisita ministrando, aut ipsis dæmonibus ad ipsorum voces, & figmenta operantibus erga ea, quibus nocent. In primis circa amatorium notandum est, dæmones nullius hominis voluntatem posse cogere ad amandum, solum persuadet mouendo phantasmata, & hominis imaginationē, qua voluntas afficiatur ad rem amandam, faciendo apparere amabiliorem. Rursus incitat carnis appetitum, semper tamen manet libera voluntas. Vnde non excusantur isti à peccato, quamuis dicant se trahi inuitos ad amorem, vel odium, hoc enim falsum est: solum enim tentantur, sed nō coguntur. Circa personas, Deo permittente, aliquando dæmon potestatem exercet, inducendo dolores, & infirmitates, quas nulla medicina sanat. Applicat ad hoc venena, aliasque virtutes naturales, quæ causa sunt talium, & similem habet potestatem super res ipsas irrationales, quas destruunt per se occidendo, vel grandines, tempestates, aliasque destructionis causas, Deo permittente, applicando. In his dæmon est, qui operatur. Vnde, quando malefici faciunt aliquas imagines cereas, vel ex alia materia, & illis nocent, aut partes, & membra acubus pingunt, & tunc personæ statim patiuntur in illa parte, quæ pungitur in imagine, non est existimandum illud nocumentum imagines peruenire ad personam, sed dæmon operatur erga personam, dum maleficus erga imaginem. Simile est, quando confingunt alia quædam

dam figmenta, & apponunt in partibus eius, cui nocent vel alijs in locis. Dæmon enim ipsos decipit maleficos. His igitur modis contingit maleficium.

Ad peccati verò gravitatem, nimis est aduertendum. Est enim aliquando maleficium hæresi coniunctum, multaque gravissima peccata involuit: ob id Confessarius quatuor debet inquirere maxime in maleficio.

Primo, pactum ipsum, quod ferè semper intercedit cum dæmone, in quo promittunt se negaturos fidem Christi, sacramenta, & alias ceremonias Ecclesiæ.

Secundo, inquirendus est maleficus, an in isto pacto aliquè habuerit errorem contra fidem: puta, existimando eam non esse veram, aut aliquid illius; sacramenta non esse sancta, nec sanctificare. Cum enim aliquis talis error intercedit, iam est hæresis: quod si non intercedit, sed sola malitia voluntatis, relinquitur peccatum ipsum pacti, quod mortale gravissimū est, & est ipsa inuocatio dæmonis. Cum enim intercedit adoratio quædam, examinare oportet, an maleficus errorem in hoc habuerit, putans dæmoni aliquam deberi reuerentiam. Similiter, cum petat ea sæpè, quæ dæmon non potest præstare, an existimauerit dæmonem habere potestatem supra hominis voluntatem, vel habere potestatem supra res absque diuina permissione. Quod si ista existimat, si ignorans est, & post admonitionem adhuc retinet opinionem est hæreticus. Quod si nihil horū intercedit, vel post admonitionem non credit, ea quæ credebatur, cum ignorans erat, relinquitur ipsum peccatum inuocationis mortale.

Tertium est; ipsum maleficium. Solent enim isti sæpè res sacras miscere in suis maleficijs: puta aquam benedictam, oleū sanctum, & ceram benedictam, & quod magis est, Sacramentum sanctissimum. Dæmon enim inimicissimus rerum sacramentum conatur animas hominum ab istis auertere, & persuadet eis abuti, & eis vim ad ista maleficia inesse. Similiter sæpè interponunt verba sacra, & verba consecrationis. Faciunt etiam sacra dæmoni, & alia multa nefanda: tunc existimāndus est maleficus, an crediderit istis sacris talem inesse virtutem, ad effectus ipsorum nefandos: qui enim istud pertinaciter credit, absque dubio hæreticus est, & incurrit hæreticorū poenas. D. Ant. 2. p. tit. 12. c. 5. §. 1. Quod si sola malitia voluntatis, absque errore intercedit, quod vix fieri potest, peccatum est mortale horrendum sine hæresi.

Quartum est damnum, quod committitur circa personam, & res: aliquando enim sunt homicidæ; immò, cum nocent in rebus, tenentur restituere damna, sicut latrones. Hæc sunt igitur circa istorum peccata aduertenda.

Est autem quintò aduertendum, quòd isti non solum peccant, cum vtuntur suis maleficijs ad nocendum, sed etiam cum vtuntur eadē arte ad auferendum, quod intulerunt damnum: nam est inuocatio dæmonis. Immò nulli licet petere à maleficio aliquo, vt maleficium altero maleficio dissoluat, vt tenet Caiet. ver. maleficium, Silu. eod. ver. & Alf. de Castr. lib. de heret. punit. & alij, sed orationibus, & Sanctorū intercessione, & piorum deuotione, & sacramentorum susceptione ista dissolui debent. Ad hoc peccatū reducuntur peccata lamiarum, seu strigum: nam hæc potius carnalem querunt delectationem: feruntur enim à dæmonibus per aëra corporaliter, & cum ipsis corpora sumentibus committunt rem veneream, & innumeras luxurias: quamuis non semper corporaliter ferantur, sed aliquando per imaginationem. In his intercedit pactum. Etiam ista nocere solent, & multa alia committere peccata, & vix abque hæresi reperiuntur. Vnum autem notandum est, quòd quamuis videantur corpora transmutare humana in bestias, id non fit verè, sed dæmone oculos insipientium deludente, intrant autem domos referatas, dæmone aperiente ianuas, & obstacula remouente. Solent etiam pueros occidere, alijs nocere, & maxima pars est sceminarum. Hæc autem omnia sunt horrenda peccata, & in foro interiori grauissima digna poenitentia: exterius enim forum grauissime patitur. Hæc sunt species huius peccati superstitionis.

Quid votum, quæ eius materia; quanta sit eius obligatio.

CAPVT XVII.

HAtenus de blasphemia, impietate, superstitione quæ diximus, nunc de apostasia à Religione, ratione voti dicendum est. In cuius gratiam de voto oportet tractare, ac primum quid sit. Sic autem describi potest: *Votum est deliberata promissio, ex voluntatis proposito, Deo facta.* In qua descriptione, quatuor continentur, quæ ad voti rationem sunt necessaria.

Primum

Primum est, deliberatio, quæ quidem in multis consistit.

Primo in usu rationis, ut, qui vouet, sit particeps usus rationis: unde pueri, ante septimum annū, nullum possunt votum facere, quia tempus rationis nondum aduenit.

Secundo, ut iste usus rationis sit tunc, cum votum emittitur, unde, ebrii amentes, licet sint adulti, quia tunc in tali passione ratione non utuntur, non possunt vouere. Rursus hi, qui passione aliqua moti ita celeriter, & inconsideratè vouent, ut tunc non habuerint usum rationis, cum talem actum emiserunt, non verè vouent.

Tertio, debet esse talis usus rationis, ut sufficiat ad peccatum mortale. Ita Palu. 4. d. 38. q. 1.

In cuius gratiam aduerte, in homine esse tres motus voluntatis.

Primus est ita celer, ut nullo modo sit in potestate hominis cohibere. Aliquando enim viso aliquo malo, voluntas ita citò in odium mouetur, ut homo nullo modo potuerit cohibere, & iste dicitur motus primò primus, in quo non est peccatum nec meritum.

Alter est ita celer, ut homo ferè non possit cohibere, licet aliqua ex parte possit, imperfectè tamen, & non plene: & in isto actu potest esse ratio meriti, & peccati, sed non plena: non enim sufficit ad peccatum mortale, sed solum ad veniale. Et dicitur iste motus secundo primus. Neuter sufficit ad votum faciendum.

Sed tertius est, in quo est verè libertas, ut homo possit emittere, & non emittere: in quo solet peccatum mortale esse. Talis libertas, & deliberatio est necessaria, ut votum sit, puta, ut sic homo promittat, ut possit non promittere, quia cognoscit, quid faciat.

Rursus quartò, ista deliberatio non debet esse coacta. Cum enim quis metu notabili mortis, aut grauis mali, coactus est ad emissionem voti, non vouet, nec votum est validum. Intelligitur autem, cum cogitur ad vouendum: unde, qui metu mortis cogitur ad professionem emittendam, vel Religionem vouendam, non vouet. Similiter, si filia à patre sub pœnis cogitur ad monachatum amplectendum, quamuis promittat, si metu tali id facit, votum non est, ut dicit Sot. lib. 8. de iustis. & iure, quæst. 2. art. 1. ad 2. Hoc igitur est primum in voto necessarium, scilicet deliberatio, ut declaratum est,

ALTE.

ALTERVM in voto necessarium est, **Propositum**. Est autem **Propositum** voluntatis determinatio ad aliquid faciendum: quod in voto est necessarium, aded, vt, qui promitteret Deo etiam Religionem, tamen interius non haberet propositum promittendi, nullum votum faceret, immò peccaret mortaliter, sic deludendo. Aduerte tamen, quòd duplex est propositum, alterum faciendi, quod promittitur: alterum promittendi. Si quis promittit Deo sine priori, mortaliter peccat, tamen votum tenet; nam posterius tantum est necessarium, vt si votum, putà, vt quis promittendi propositum habeat.

TERTIVM in voto necessarium est, **Promissio**, id est, ipsa traditio & obligatio. Est autem in tantum necessaria promissio, vt quamuis quis proponat ex toto animo aliquid facere, adhuc non teneatur, nec sub veniali, facere, nisi id promiserit. Imò propositum, etiam cum ingressu Religionis, non obligat, vt falso quidam putarunt. Est enim semper in voto ipsa promissio necessaria, sine qua votum est nullum.

QVARTVM est necessarium, vt ista promissio Deo fiat: promissio enim hominibus facta, non dicitur votum, nisi ipsi fiat Deo immediatè, aut mediatè in Sanctis suis. Ex his igitur patet, quid votum sit. Deficiente autem vno modo ex his, non est votum. Deficiente quarto, est promissio & obligatio: ad si desit vnum ex alijs tribus, nec circa homines, nec circa Deum vlla est obligatio. Non enim existimare debes, ista tria esse necessaria tempore distingui, vt prius homo deliberet pro tempore, & post proponat, & tandem promittat. Hoc quidem bonum est, & magis obligat, tamen sufficit simul ista facere promittendo libere, & spontaneè Deo: nam in hoc omnia includuntur. Ex natura hac voti descripta multi casus dignoscendi poterunt.

Oportet tamen secundo loco de materia voti agere: in cuius explicatione multorum resolutio cōsistit. Sunt autem quatuor conditiones necessariae. Debet enim esse materia possibilis, non vana, bona, meliori non contraria.

In primis debet esse possibilis, vt homo promittat, quid possit fieri. Promittere enim impossibile, non est votum, nec obligatio; imò peccatum est ex se veniale.

Est autem multiplex impossibile.

Primum est, quod est omnibus impossibile: vt, per totum vitam tempus abstinere se à peccato veniali omni: hoc enim nullus

nullus viator potest, citra speciale priuilegium. Si quis igitur hoc vouet, votum nullum est secus de mortali: Dei enim gratia, potest quis se abstinere ab omni mortali: unde votum obligaret, sed tale non est faciendum.

Alterum impossibile est, quod à principio fuit possibile, tamen postea factum est impossibile: unde cessat votum pro tempore impossibilitatis: Verbi gratia, quis vouit virginitatem, tamen postea illam amisit, mortaliter quidem peccauit contra votum, tamen iam non est votum, quia non est res possibilis: unde, quamuis secundò, & tertio, fornicetur, non peccat contra votum: secus, si voueret continentiam, nam adhuc potest seruari. Si quis tamen continentiam hanc voueret, & postea vxorem duceret, non teneretur iam eam seruare, quamuis peccauit mortaliter ducendo eam. Dico autem non teneri ea parte, quia non potest, cum vxor debitum petit: nam ipse potest seruare, & teneretur, non petendo, nisi, cum vxor non vellet petere, expectando ipsius viri petitionem. Mortua tamen vxore, iterum teneretur seruare continentiam.

Rursus, vouit quis ingressum Religionis, postea tamen non recipitur, aut expellitur; non amplius teneretur, nec ad continentiam. Vbi nota, quòd si quis vouit Religionem, in quodam loco determinato, puta, vouit ingredi hunc conuentum Religiosorum, si non recipitur in isto, non amplius teneretur. Si vero vouit Religionem quandam absolute, puta Religionem Dominicanorum, teneretur adire plures domos illius ordinis, si forte sunt illa ciuitate, aut propè si in nulla recipitur, non teneretur, quia iam impossibile est mortaliter, nec oportet peragere prouinciam. Si vero vniuersaliter Religionem vouerit, teneretur plures domos diuersorum ordinum in illa ciuitate adire: si verò non reciperetur, non teneretur, quia mortaliter iam impossibile est. Idem dicendum, quando iusta causa, postquam est receptus, expellitur, aut egreditur antè professionem, dummodò non sit ob culpam suam: tunc enim teneretur emendare, vt per ipsum non steter.

Tertium est impossibile, quod est tali personæ impossibile: unde fit, vt subditus, in eo, in quo est subditus, non possit vouere, nisi superiorum approbatione. Filius, antè decimum quartum annum, non potest vouere Religionem, nec antè vigesimum quintum vouere circa rem, nisi patris approbatione, nec subditus, nisi superiorum licentia, nec seruus sine Domino, nec maritus absque vxore, vel contra. Dixi autem in eo, in quo

quo est subditus; nam filius potest vouere orationes, ieiunia, & feruus, & vxor, & alia. Similiter Religiosus potest aliquas vouere deuotiones, quæ non impediunt obedientiã, & similiter ingressum arctioris Religionis: omnes hi casus ad hoc spectant, quod materia voti debet esse possibilis, secus, votũ nullum est, ob id, quod nulla est obligatio.

SECUNDO, debet esse materia non vana, sed indifferens: Dicitur autem id vanum, quod nec ad Dei honorem, nec ad salutem animæ ordinatur, nec contra ista est: nec enim ex se bonum, nec malum est. Talia igitur promittere, nullum est votum, immò peccatum est, saltem veniale: Verbi gratia, si quis, quia passus est tempestatem, vouet nunquàm ingredi mare: vel quia cecidit à mula, vouet senunquàm ascensurum supra mulam; vel quia S. Ioanni Baptista abscissum est caput, vouet se nunquàm manducaturum capita animalium: hæc, & similia, non sufficiunt, nec obligant, quia res vanæ sunt. Tamen attendendum est, aliquando esse rem vanam ex se, tamen ex aliquo adiuncto esse bonam; vt qui voueret se non ambulaturum talem viam, si id sit, quia in tali via solet ab aliqua mala fœmina sollicitari tunc est bona res, & votum verum est.

Tertiò, materia debet esse bona: cum enim mala est, nullum est votum. Hinc fit primò, quod vouere aliquid, quod est mortale, non est votum, immò peccatum mortale.

Secundò, vouere aliquid, quod est veniale, nullum est votum, immò peccatum veniale, vt multis exemplis ista possunt exprimi.

Tertiò, vouere propter malum finem, quamuis res sit bona, nullum est votum, immò peccatum. Tabien. verb. votum, §. fin. Ange. verb. votum, §. 3. Caietan. verb. votum, & Nasar. cap. 12. numer. 43. ac si peccatum voueret, quia votum debet esse actus bonus; & malus finis actum facit malum: vnde sit, vt, qui vouet Deo eleëmofynam, vt occidat inimicum, vt consequatur rem iniustam, vt veniat in duello, vel bello iniusto, peccet mortaliter, & votum sit nullum, etsi Religionem, voueat: secus, si ista voueret, vt incolumis maneret in duello, & in bello non esset victus; vt filium haberet, quamuis esset mulier adultera: hoc enim votum obligaret, quia ista in se bona sunt. Tamen aduertendum est, quod aliud est vouere ob malum finem, aliud vouere spe mali: aliquando enim potest quis vouere spe hac, vt consequatur aliquem malum finem, tamen

tamen non eum vouet: hoc enim votum obligat.

Quartò, vouere pro re mala, votum est nullum: vt quia adulteram consequutus est, quis vouet in gratiarum actionem aliquid tale, non est votum, sed mortaliter peccat. Simile est, vouere cum conditione mala, vt vouere aliquid, si occidat aduersarium, & alia huiusmodi: omnia ista mala sunt, ob id non obligant; imò ista sic promittere, peccatum est mortale. Si verò si his est veniale, etiam votum est veniale.

Quinto, debet esse materia meliori non contraria: non enim sat est, esse bonam, sed talem, vt non sit impossibilis diuinis consilijs: vnde, si quis voueret ducere vxorem, non esset votum, quia non comparitur Religionem, quæ est status perfectionis, & consilij. In aliquo casu esset votum, vt, si alicui magis expediret talis status, quam Religio, quia nimis est incontinens, tunc votum obligaret, quia illi est materia melior. Ita tenet Caie. 2.2. q. 88. art. 2. & Nauarr. c. 12. num. 43. Aduerte autem, quòd materia dicitur contraria meliori, quando ex illa non potest fieri transitus ad melius, vt est matrimonium: cum verò potest, votum esset; vt, si quis se obligaret perpetuò seruire in Xenodochio: quia in hoc positus, non ob id priuatur, quo minus fieri possit Religiosus. Ex his omnibus materiam voti habet, qualis esse debeat, ex qua multorum casuum reolutio pendet.

Circa voti obligationem, illud primò obseruandum est, intentionem vouentis inspiciendam esse potius, quam verba: ad ea enim obligat, ad quæ se extēdebat intentio: vnde, qui vouet tres dies ieiunij, examinandus est, quo modo intenderat ieiunium hoc: nam iuxta intentionem votum est.

Aduertendum est secundo, voti materiam esse duplicem.

Quædam est, quæ aliàs nō erat præcepta à Deo, sed tamen est bona, vt, qui vouet eleēmosynam, peregrinationem, & alia ad quæ non tenebatur ante votum, & tale votum obligat sub mortali, adeò, vt, qui agit contra votum, etiam in re ante non debita, vel minima, peccet mortaliter.

Quædam est alia materia aliàs præcepta, vt, qui vouet se nō fornicaturum, non occisurum, & alia; quæ diuino præcepto continentur: & qui contra tale votum agit, bis peccat mortaliter, & contra præceptum, & cōtra votum; vel est vnum mortale duobus æquiualens, & penitus in confessione tenetur dicere, non tantum peccatum, sed etiam ipsam voti circumstantiam

stantiam: vnde, clericus in maioribus, qui votum habet continentiae, si fornicetur, tenetur non solum in confessione dicere se esse fornicatum, sed etiam simul, se esse Clericum, si Confessarius ignoret.

Aduertendum tertio, esse tantam voti obligationem, vt, qui suadet contra votum aliquid agere, mortaliter peccet: cum autem votum est Religionis, multa peccata concurrunt. Qui enim habenti propositum ingrediendi Religionem, id dissuadet sine causa rationabili, puta, quia ille ineptus est Religioni, vel vtilior extra, vel alia iusta causa, mortaliter peccat. Rursus, qui habenti votum Religionis simplex, vel solenne, ingresso Religionem, vel nondum ingresso dissuadet ipsam Religionem, absque eadem causa rationabili, & sine dispensatione relinquenda, mortaliter peccat. Sot. 4. d. 15. q. 3. putat obligari, vt ipse ingrediatur Religionem, quam ille sua persuasionem reliquit, sed oppositum est tenendum. Nunquam enim obligatur homo ad Religionem, quamuis ipsius causa multi deseruerint eam; obligatur tamen ad restitutionem, cum ille Religiosus utilis erat conuentui, ita, vt conuentus detrimentum passus fuerit ex illius amissione.

De votorum differentijs, & ipsorum relaxatione.

CAPVT XVIII

VOTVM multiplex est.

Primo enim diuiditur in simplex, & solenne. Est autem votum simplex, quod in sola promissione, & traditione ex parte viuentis consistit. Solenne autem, vltra talem promissionem, consistit in acceptatione ex parte Dei, cui fit ipsa promissio. Votum enim est solemnizatum per acceptationem Dei, cum fit per superiores, & Praelatos ipsius nominatae. Est autem inter votum vtrumque quadruplex differentia notanda.

Prima, Votum simplex est generale, comprehedens multam materiam. Fit enim de castitate, Religione, elemosynis, peregrinationibus, & multis alijs. Et solenne particulare est: non enim fit nisi de castitate, in clericatus ordinibus maioribus, & de Religione per professionem.

Secun-

Secunda, votum simplex castitatis, & Religionis, impedit matrimonium contrahendum, non tamen dirimit contractū id est, qui vouit castitatem, aut Religionem simplici voto, nō potest vxorem ducere: si ducat, mortaliter peccat, tamen tenet matrimonium (exceptis votis simplicibus Societatis) sed non potest exigere debitum. post votum castitatis, sed reddere, sine Pontificis dispensatione: At verò solenne, non solum impedit, sed contractum dirimit, quia tale matrimonium nullum est, sed & sunt separandi.

Tertia, si quis vouit simplici voto Religionem, si non recipiatur in monasterium, vel si nō ex sua culpa expellatur, amplius non tenetur voto, vel etiam, si ingrediatur, & in anno probationis videt sibi nō conuenire Religionem, & ista causa egreditur, non etiam tenetur: at verò, qui solenne habet votum, quacumque causa egrediatur, vel expellatur, tenetur seruare castitatem perpetuam, nisi ei dispensatio fiat, non tamen obedientiam, vel paupertatem. Si autem sua culpa Religionem deseruit, tenetur iterum regredi ad monasterium, nisi expellatur.

Quarta, transgressio voti simplicis, etiam cum culpa, nō facit hominem apostatam (exceptis votis simplicibus Societatis) at transgressio solennis voti, facit apostatam. Est autem aduertendum, duplicem esse apostatam in voto; vnum in voto Religionis, alterum in voto castitatis solennizato in clericali. Erga priorem, aduerte dupliciter contingere.

Vno modo, cum est apostata in corde, & vita, quia verè nō viuunt, nec vult viuere iuxta votum, & hoc est mortale peccatū satis graue.

Altero modo, cum habitum Religionis deserit, & laicum sumit, vel multo tempore, & absque necessitate, & hoc mortale est peccatum, & subiectū excommunicationi latę sententię, quę habetur in sext. nec cleric. vel mona. cap. secundo. In quo etiam excommunicatur doctor qui talibus exponit medicinā, aut ius ciuile scienter. Excommunicatio tamen ista nulli reseruatur: unde à Confessario proprio absolui potest, sed nō debet, quousq; habitum reassumat. Aduerte tamen, cum, necessitate aliqua, dimittitur, animo reassumendi, putā, vi securus per terras infidelium transeat, non est apostata: esset tamen, si per bonam dimitteret, animo laicaliter viuendi. Circa posteriorem apostata à clericali aduerte esse duplicem.

Alter est, qui in maioribus constitutus erat ordinibus.

Alter, qui in minoribus. Qui in maioribus potest esse apostata, sicut & monachus; quoad vitam, & quoad habitum: & utroque modo peccat mortaliter; non tamen vllam à iure incurrit excommunicationem. Qui in minoribus verò est, quâuis intendat ducere vxorem, immò de facto ducat, non ob id mortaliter peccat, aut venialiter, nisi ex contemptu faciat, vt dicit Silu. verb. apostasia. Imò quamuis habeat beneficium, & illud relinquat; nam si retineat, mortaliter peccat, & censetur apostata. Imò cum est beneficium habens curam animarum, dum nō sit collegiatum, tenetur ipso facto omnes redditus beneficij restituere, quos in suam vtilitatem accepit, à tempore, quo voluntatem habuit non retinendi clericatum. Et hoc habetur in cap. commissa, de elect. in sext. In alijs autem beneficijs solum mortaliter peccat, nec est absoluendus, donec aut animum mutet, aut beneficium dimittat.

De habitu verò, qui in minoribus est, potest laicaliter incedere, dum modò tonsuram non habeat, aut beneficium: aliter enim tenetur proprio incedere habitu. Hæc igitur est quarta differentia inter hæc vota. Est etiam vna differentia inter votum solenne Religionis, & clericatus. Religionis, dirimit matrimonium ratum, non consummatum. Si quis duxit vxorem de præsentī, tamen nondum copulam habuit, potest ingredi Religionem, & per professionem dissoluit matrimonium: at clericatus matrimonium non dissoluit. Est enim efficacious votum Religionis: ob id, quamuis à Papa possit dispensari, tamen non debet, nec dispensat, nisi in grauissima causâ, & vgentissima.

Hæc igitur est prima voti diuisio.

Iterum diuiditur votum in personale, & reale.

Personale est, quod ad personam vouentis spectat, vt per eam impleatur: vt, qui vouit castitatem, Religionem, ieiunia, orationes, & similia. Reale, quod ad rem pertinet: vt, qui vouet eleëmofynam, & ea, quæ absque rei dispendio non fiunt. Est autem differentia, pater enim potest vsque ad decimum quartum annum annullare vota personalia filiorum, non tamen post decimum quartum annum: Realia verò potest vsque ad vigesimum quintum inclusiue.

Iterum tertio diuiditur votum in conditionale, pœnale, & absolutum.

Conditionale est, quod sub conditione ponitur, & hoc obligat posita conditione, nisi mala sit: aliàs non est votum, vt supra

plā diximus: vnde, qui vouet Religionem, vel peregrinationem, si à Deo sanetur, vel ab aliquo liberetur periculo, si ista impleantur, tenetur implere votum.

Pœnale est, quod in pœnam alicuius ponitur, quod quidē, cum fit sine bono, est votum obligans: vt, qui dicit, si non me abstinero hodiē à ludo, vel fornicatione, voueo centum, vel tot dies ieiunij, vel Religionem, vel quid aliud, si post non ita abstinet, obligatur voto.

Absolutum est, quod simpliciter fit, absque conditione, & pœna. Quanta autem sit differentia inter ista, paulò post dicemus in votorum dispensatione. Circa quam aduertendum est, ista inter se differre, irritare votum, commutare, dispensare, absoluerē voti transgressionem.

Irritare enim est annullare votum factum, & facere, vt non sit obligatorium, nec verum votum: quo modo pater filiorum vota irritare potest, vt superiùs diximus, & prælatus vota inferiorum, dominus seruorum, & vir vxoris, & è contra. Tamen attende, cum materia est contraria eis, in quibus subditus tenetur parere, statim vota sunt irrita, nisi approbetur à superiore: vt, votum filij ante decimum quartum annum: circa mutationem status, vota Religiosi de peregrinatione, & similia. Cum verò non sunt contraria, possunt etiam irritari, sed non sunt irrita, sed obligatoria, quousque à Superiore irritentur: vnde, si filius vouet ieiunia, tenetur donec pater irritet: in irritatione autem non est necessaria causa, sed voluntas irritantis.

Commutare verò, est materiam voti in aliam mutare: & quidem in meliorem potest ipse vouens, absque alia licentia; mutare verò in æquiualem, aut in paulò inferiorem, non potest: hoc enim est prælatorum, & Episcoporum, qui non debent commutare absque causa rationabili, nec commutare in leues materias, sed in ferè æquiuales proportioniter.

Dispensare autem, est relaxare vti obligationem: & cuius est commutare, est etiam dispensare, sed non potest fieri sine iusta causa: & oppositum facere, peccatum est, nec vouens coram Deo liber manet. Possunt autem Episcopi, & Prælati, circa subditos, omnia vota commutare, & dispensare, iusta excusante causa, præter quinque, quæ soli Papæ reseruantur. Putà, votum simplex Religionis, castitatis perpetuæ (cum enim temporalis est, potest Episcopus) sancti Iacobi, Hierusalem,

sancti Petri Romæ. Reſeruantur etiam vota ſolennia Pontifici. Eſt autem notandum vnum, quod notauit Victoria, iſta quinque vota tunc reſeruati Pontifici, cùm abſoluta ſunt; cùm verò conditionata, vel pœnalia, pertinent ad Episcopum: cùm autem peccatum committitur contra votum, tunc poteſt à quolibet proprio Confeſſario abſolui, ſicut & peccata alia, ſed manet voti obligatio in poſterum: vt, qui vouet continentiam, ſi fornicetur, poteſt à proprio Confeſſario abſolui à peccato, ſed pœnitens manet, etiam poſt hanc abſolutionem, obligatus adhuc voto.

De tentatione Dei.

C A P V T XIX.

Vltimum peccatum ex his, quæ propoſuimus contra primum præceptum Decalogi, eſt Tentatio Dei, puta, qua homo Deum tentat: in cuius gratiam primò inquirendum eſt, quid tentatio ſit: poteſt autem ſic deſcribi: *Tentatio eſt dictum, vel factum ad capiendum alicuius experientiam*, cùm enim alicuius ſcientiam, vel potentiam, vel patientiam, vel quid ſimile exploratum habere volumus, aliquid dicimus, vel facimus, vt in eo ille ſcientiam; vel potentiam ſuam oſtendat, dicimur ipſum tentare: vnde, qui in ſcholis aliquas interrogationes tentatiuè faciunt, vt ex reſpõſionibus cognõſcant ſapientiam eorum, quos interrogant, dicuntur tentare, & tales interrogationes tentatiuè. Ille igitur Deum tentat, qui aliquid dicit, vel facit, vt Dei potentiam, vel ſapientiam, vel bonitatem, vel aliud attributum exploret.

Notandum tamen, non ſolùm tentationem eſſe, vt is, qui tentat, experimentum accipiat tentati, ſed etiam, vt tentatum notum faciat alijs: qui experientiam haberet alienius ſapientia, ſi tamen aliquid diceret, aut faceret, vt ex illius facto ſapientia eſſet alijs manifeſta, diceretur ipſum tentare, & vtroque modo homo Deum tentare poteſt, vt homo tentans Dei experimentum capiat: & vt alijs etiam ipſum manifeſtum faciat, vt dicemus inferius, Deus autem hominem ſecundo modo tantum tentat, vt illius virtutes alijs notas faciat.

Aduertendũ ſecundò, dupliciter contingere, vt quis Deum tenet. Vno modo expreſſe, altero tacitè, quod alij vocant interpretatiuè.

Tentat expresse, qui dicit, aut facit aliquid hac intentione, vt experimentum faciat Dei bonitatis, vel potentiae, siue pro se, siue pro alijs: vt, qui à Deo petit miraculum, siue pro se, siue pro alijs; qui subdit periculum, à quo non potest liberari, nisi à solo Deo, hac intentione, vt, vel pro se, vel pro alijs Deus exploratus sit.

Tentat autem tacite, qui, quamuis non habeat talem intentionem Deum tentandi, tamen id facit, quod ex se tendit in hoc, puta, vt Deus exploretur, & probetur, quod quidem contingit dupliciter.

Vno modo, cum quis, relictis medijs naturalibus: & à Deo ordinatis ad effectus proprios, quarit tales effectus: vt, qui infirmus existens, volensque sanari, nollet naturale remedium adhibere.

Altero modo, qui quarit spontè periculum, à quo, non nisi à Deo solo liberari, aut vix liberari possit: qui relictà scala, vellet è turri, per aëra descendere, quamuis non haberet animum tentandi Deum.

Aduertendum tertio circa peccatum; Tentare Deum expresse, & per se non licet, nisi ex diuina inspiratione, sicut fecit Abraham Genes. 15. qui dicenti Deo se daturum terram illam, dixit, *Vnde sciām, quod possessurū sim terram hanc?* in hoc non peccauit, quia ex diuina inspiratione fecit. Similiter Achaz, Isa. 7. non peccasset petendo signum, quia praecepit Deus, *pete tibi signum*, immò peccauit non petendo, quia non obediuit praecepto diuino. Cum, nō talis inspiratio; aut diuinum mandatum non est, non licet signa petere à Deo, ipsum tentando pro se: nam tunc ista tentatio procedit aut ex dubio & ignorantia, quam habet homo de diuina potentia, aut sapientia, aut perfectione, & tunc est peccatum mortale, nisi dubium sit leue, & non omnino deliberatum, tunc enim esset veniale, & sic peccauit Zacharias venialiter, Luc. 1. cum dixisset Angelo, *Vnde sciam hoc, cum sim senex?* &c. Aut nascitur ex curiositate, qua homo vult opera aliqua supernaturalia videre, & tunc ex genere suo est peccatum mortale, quia est irreuerentia notabilis Diuinae maiestati illata. Cum tamen materia leuis esset, peccatum faceret veniale. Rursus tentare Deum expresse pro alijs non licet, nisi duplici accedente conditione.

Altera est, necessitas, cum, puta, nō apparet facultas viā Dei aliter manifestandi, quo modo Elias Deū tentauit, vt populus incredulus eum reciperet, & Prophetas Baal occideret.

Altera est utilitas, cum, puta, speiatur probabiliter fructus in his, in quibus Deum manifestare volumus. Cum autem aliqua harum deest, graue peccatum est, & mortale, cum materia adeest grauis: vnde, qui modò vellet miraculis vti ad confirmandam fidem, habentibus cognitionem ipsius sufficientem, peteretque à Deo miracula coram hæreticis, grauiter peccaret, cum non sit necessitas: sufficit enim eis Ecclesiæ testimonium. Similiter, si non esset utilitas: vnde, qui apud gentes externas vellet in fidei confirmationem ignis fornacem subire, si nulla inde speraretur conuersio, peccatum esset mortale. Rursus, Deum tentare tacite, peccatum est ex genere suo mortale, nisi vltra necessitatem, & utilitatem, sit res iusta, supra quam Deus tentatur: Vnde, qui forte vellet futurum secretum alicuius cognoscere, vel similiter, ignis probatione cognoscere, peccaret, quamuis diuinum iudicium expectaret. Nam si medijs naturalibus potest id cognoscere, non est necessitas: si verò non potest, hoc modo velle id scire, iniustum est: nam secreta ad tribulationem tantum Dei spectant. Liceret hoc ex aliqua diuina inspiratione. Peccaret etiam, qui absque necessitate, & utilitate, pericula mortis, vel mali grauis subiret, vel qui in malo graui remedia naturalia sperneret: tentatio enim Dei esset.

De Secundo præcepto.

Quid iuramentum, quot eius species.

CAPVT XX.

Secundum Decalogi præceptum habetur Deuter. 5. & Exod. 20. in hæc verba, *Non assumes nomen Dei tui frustra, seu, in vanum.* In quibus verbis prohibetur iuramenti abusus. Vt igitur quid prohibitum sit plenè cognoscatur, oportet de iuramento tractare, in quo primum inquirendum est, quid ipsum sit. Videtur autem sic posse describi. *Iuramentum est inuocatio diuini testimonij, in dicti alicuius confirmationem.* Explico homines non semper fidem adhibent dictis, & promissionibus aliorum hominum simplici verbo affirmantium, negantium, aut promittentium: ob id, si Deum in testem eorum, quæ affirmant, vel negant, & in fidei iuramentum eorum, quæ pro-

promittunt: adducunt per ipsius inuocationem, talis inuocatio iuramentum dicitur. Fuit autem iuramentum hoc homini necessarium; propter malum poenae, quod per peccatum incurrit: quia enim peccauit homo: perdidit creditum, & fidem, quae simplicibus dictis suis adhiberi debebat: ob id, Deus prouidit illi iuramenti remedium, ut, quod ei ablatum erat per peccatum, suppleretur per iuramentum, in quo una cum homine Deus inuocatur in testimonium veritatis eius, quae profertur, & ita intelligitur illud Matth. 5. *Sit sermo vester, est, est, non, non, quod his abundantius est, à malo est*, scilicet, quod additur simplici affirmationi, vel negationi, puta, iuramentum, à malo poenae est, quam homo per peccatum incurrit, ut ibi Aug. interpretatur. Merito autem Deus inuocatur in iuramento; nam ipse summa veritas est, quae nec fallit, nec falli potest. Ad confirmandum autem dicti veritatem, nihil potuit accommodari ipsa summa veritate inuocari.

Aduertendum est tamen, Deum inuocari dupliciter in iuramento.

Vno modo explicitè, cum nomine suo nominatur, dicendo per Deum, per Christum, per summam veritatem, testis sit Deus, & similia.

Altero modo implicitè, cum in creaturis inuocatur, in quibus ipsius sapientia, potentia, & bonitas splendet. Qui enim iurat per sanctos, per coelum, per terram, per aliasque creaturas, Deum in eis relucem inuocat. Si enim ipsas per se inuocat, cum non sint rationis capaces illarum multarum, non est iuramentum: si tamen iuramentum est, Deus in ipsis inuocatur, estque maius iuramentum, quod magis Deus in creatura relucet: Vnde maius est iurare per beatissimam Virginem quam per alios sanctos, magis per istos, quam per coelum, magis per coelum, quam per terram, & sic consequenter. Habes igitur ex his, quid sit iuramentum: pertinet enim ad Religionem, cum bene fit, cum sit inuocatio Dei. Huius quatuor sunt species. Est enim iuramentum assertorium, promissorium, comminatorium, execratorium. Assertorium est, in quo affirmatur, aut negatur aliquid praesens, aut praeteritum: ut, per Deum iste occidit hominem, per Deum non occidit. Promissorium, in quo futurum affirmatur, vel negatur promittendo: ut, facia hoc per Deum. Comminatorium, in quo promittitur malum poenae: ut, per Deum castigabo te, percutiam te, &c. Execratorium, in quo, siue promittendo, siue asserendo, aliquid

affirmatur, vel negatur, sibi apponendo pernam, vt Deus me destruat, nisi hoc ita sit, aut, nisi hoc faciam: similiter cū dicitur per vitam, per caput meum, per filios, per vxorem: nam sensus est, ita Deum inuoco; vt, nisi hoc ita sit, me vita priuet, capite, aut filijs. Hæ sunt species iuramenti: quamuis comminatorium ad promissorium reducatur; execratorium ad promissorium, & assertorium: tamen, maioris distinctionis gratia, melius est ita distinguere.

An liceat iurare, & quomodo.

CAPVT XXI.

Iuramentum, si debito non fiat, licitum esse adeò verum est, vt hoc negare sit hæreticum contra scripturam. Habetur enim Deuter. 6. *Dominum Deum tuum timebis, & illi soli serues, & per nomē illius iurabis.* Psal. 69. *Laudabuntur omnes, qui iurant in eo.* idem definitur in bulla Martini V. in Concil. Constant. est enim actus religionis, cū sit inuocatio quardā Dei, seu diuinæ veritatis. Vnde in hoc secundo præcepto, non prohibetur iurare, sed malo modo iurare, puta, frustra, aut in vanum. Dupliciter autem contingit malè iurare, & consequenter peccare in iuramento.

Vno modo, cū in iuramento non inuocatur verus Deus, sed dii falsi, aut dæmon. Tale enim iuramentum est peccatum mortale. Vnde peccant Gentiles, & Pagani, iurantes per suos falsos Deos; inest enim quardam inuocatio dæmonum. Peccaret etiam mortaliter Christianus, qui serio sic iuraret: atque hæc est causā, cur non liceat Christiano inducere Paganum adiurandum, vt docet S. Thom. 2. 2. q. 98. art. 4. quia est illos inducere ad peccatum: licet tamen ipsorum iuramenta acceptare, cū ipsi se obligare volunt; non tamen ad tale iuramentum eos inducere.

Altero modo contingit malè iurare, cū nō seruantur tres conditiones in iuramento, puta, veritas, iustitia, & necessitas, quis colligit Doctores ex illo Hieremiæ 4. *Iurabis, vniui Dominus, in veritate iudicio, & iustitia.* De quibus tractare oportet in particulari per singulas species iuramenti, & ab assertorio incipiendum est.

Vt ergo assertorium iuramentum licitum sit, debent ista tria inesse.

Quo-

Quorum primum est, veritas, in cuius explicatione tria sunt notanda.

Primum est, esse veritatem triplicem.

Prima est, quando, quod dicitur, conformatur rei, id est, ita est, sicut dicitur; vt, si quis dixerit: frater est mortuus, & ita sit, veritas est.

Altera est, cum quod dicitur, sic esse ille existimat, licet non ita sit in re: vt, cum quis existimat fratrem mortuum, dicit, frater est mortuus, quamuis ille viuat, tamen verum dicit.

Tertia est, cum, quod dicitur, ita est, sicut existimat, & sicut in re est, & ista est veritas perfecta: vt, si frater verè est mortuus, & hoc idem ita esse existimans aliquis diceret, frater est mortuus. Sicut igitur triplex est veritas, ita per oppositum triplex est falsitas.

Prima, quando quod dicitur non conformatur rei.

Altera, quando non conformatur menti, & ei, quod existimat; quamuis conformetur rei.

Tertia, quando nulli conformatur. Primum falsum, non est mendacium, secundum, & tertium sunt. Est enim mendacium, cum homo dicit aliter quam existimat in corde, quamuis à parte rei ita sit, vt dicit. Et verum oppositum mendacio est, cum homo dicit quod sentit, siue ita sit, siue non in re. Aduerte igitur, veritatem in iuramento requisitam, esse istam, quam homo dicit, sicut in corde sentit: quando autem dicit aliter quam putat, iuramentum est falsum, licet ita sit in re. Iurare igitur falsum, id est, affirmare, vel negare res, aliter quam homo in corde credit, est mortale peccatum semper, quamuis materia sit leuissima; vt, iurare mendacium otiosum, & iocosum: ita in citata bulla Martini V. immò propter quemcumque finem.

Homo enim nec propter vitam propriam, nec propter proximi vtilitatem, aut totius Reipublicæ debet iurare mendacium, & hoc faciendo, peccat mortaliter: & in vno tantum casu excusatur, cum inaduertèter iurauit, non considerando se iurare falsum: tunc enim veniale tantum est peccatum. Iurare tamen falsum, id est, quod ita sit, dummodò, qui iurat, existimauit ita esse, non est mortale, nec veniale, nisi in tribus casibus.

Primus est, cum non fecit vllam diligentiam cognoscendi quod iurabat, sed leui coniectura credens statim iurauit.

Qui enim absque diligentia iurat, quod in re non est ita, mortaliter peccat; non tamen, si diligentiam conuenientem adhibet.

Secundus est, cum dubius est de re, an ita sit, & ipse ut etiam iurat: in hoc enim casu etiam mortaliter peccat.

Tertius casus est, cum paratus est iurare, quamuis sciret rem non ita esse: in hoc casu etiam mortaliter peccaret. Hoc est primum notabile contra veritatem iuramenti assertorij.

SECUNDO est notandum, aliquando teneri hominem, non solum secundum mentem propriam iurare, sed etiam secundum mentem aliorum, id est, ut verborum significatione communi, quam qui audit, mente concipit: quamuis non semper teneatur ad hoc, sed aliquando licet ut æquiocatione, & decipere audientem. Ut autem hæc omnia cognoscantur, sunt aduertenda tria puncta.

Primum est, cum quis non petitus iurat, sed sua sponte, tenetur ut vocabulo secundum communem significationem, & oppositum facere, est mortale peccatum. Ita tenet Sylu. ver. iuram. 3. §. 2. Unde negotiatores, qui, ut res suas conficiant, vtuntur iuramento supra verba contra communem sensum & modum intelligendi, non excusantur à mortali: v. g. iurant, se tantum emisse rem illam, quam vendunt; & tamen non est ita: nam minoris emerunt, illi tamen intelligunt illam rem simul cum alijs emptis, illi mortaliter peccant, quia sponte iurant contra mentem alterius.

Secundum est, qui petitus à superiore iurat, tunc, si superior iudicè & iuste iuramentum petit, tenetur iste iurare absque æquiocatione, ad mentem iudicis, licet vita priuetur: si verò contra iustitiam petit, potest ut æquiocatione, & iurare suam propriam mentem, contra mentem iudicis. Verbi gratia, iudex petit iuramentum ab aliquo; ut dicat crimen, vel proprium, vel alienum, si iudex habet criminis testem vnum fide dignum, aut semiplenam probationem, aut infamia est talis criminis, quia reus habetur iam huius criminis infamatus, tunc tenetur iurare verum; secundum mentem iudicis: si verò omnino est occultum, non debet iurare; & si cogatur, utatur æquiocatione, puta, nescio, intelligendo intra se, ut dicam tibi, vel non feci, intelligendo, nunc non feci, vel quid simile. Cum verò crimen est perniciosum Reipub. aut hæresis pertinax, licet occultum sit tale crimen, debet iurare, & respondere secundum mentem iudicis,

cis, cum de alio petitur, nō cum de se: non enim tenetur se manifestare tunc.

Tertium est, cum, qui petit, non est superior, aut iudex, tunc tripliciter potest petere.

Primo, cum violentia, & cautione iniusta, & tunc, qui iurat, potest vti æquiuocatione: vt, si vir vxorem petat, an sit adultera, ista potest dicere, non sum, quamuis verum fuerit, intelligendo, vt tibi reuelem. Similiter, qui cogitur iurare se accepturum aliquam in sponsam, potest iurare se accepturum, intelligendo, si postea placuerit.

Secundò, sine violentia, sed cum iustitia, vt qui emit, petit iuramentum à vendente veritatis rei, & tunc non licet vti æquiuocatione. In hoc casu notat vnum Sylu. verb. iuramen. 3. §. 2. posse responderi ad intentionem petentis remotam, id est, iuxta id, quod primò intendit: verbi gratia, cum ciuitas aliqua non admittit ciues alterius, quia peste infectos putat, tunc custos petit ab aliquo veniente iuramentum, an veniat ex illa ciuitate, tunc si talis ciuitas verè non est infecta, potest iurare non venio, intelligendo, modò, quamuis veniat verè, iuxta mentem custodis. Similiter, quamuis sit infecta peste, si tamen ipse non sit infectus, potest vti æquiuocatione, nam non fecit contra præcipiam intentionem custodis, seu ciuium illorum. Denique potest iurare æquiuocè, cum iuramentum petitur ex ignorantia veritatis, quæ si sciretur, non prohiberetur talis, cui petitur.

Tertiò, potest petere rogando, & qui rogatus iurat, potest vti æquiuocatione, maxime cum non est reuelanda res, & importunus est qui rogat, & precibus iuramentum petit.

Aduerte tertiò circa veritatem iuramenti, quod non solum peccat mortaliter qui cum mendacio iurat, sed omnis, qui alios ad sic iurandum inducit, imò, qui iuramentum petit ab eo, quem probabiliter scit falsò iuraturum, dummodò qui petit non sit publica persona, vt iudex; hic enim, ratione officij, debet obseruare ordinem statutum, potestq; petere iuramentum ab his, quos cognoscit falsum iuraturos, vt tener S. Thom. 2. 2. q. 98. art. 4. Hæc igitur sunt circa veritatem iuramenti assertorij notanda.

Circa iustitiam aduerte, non sat est verum iurare, vt iuramentum sit licitum, sed cum iustitia iurare, id est, non debet homo iurare illud verum, quod reuelare peccatum est. Si enim quis occultum crimen reuelare alicuius, ipsum infamando

mando peccaret, quamuis verum diceret, quia contra iustitiam facit; si hoc verum iuraret, iterum peccaret. Est autem hoc peccatum iuramenti mortale, cum iniustitia, supra quam iurat, mortalis est: est autem veniale, cum iniustitia venialis est.

Rursus non satis est cum veritate, & iustitia iurare, nisi necessitas, vel utilitas est, nempe, cum res, quæ iuratur, alicuius est momenti, & cum aliter non creditur, nisi iuretur. Qui verò iurat res nullius momenti, aut ea, quæ absque iuramento crederentur, absq; necessitate iurat, peccat. Hoc autem peccatum non est mortale, nisi tantum veniale, nisi adsit contemptus, aut periculum sit falsum iurandi ex mala consuetudine, secus veniale esset. Hoc habet Syluest. verb. iuram. 2. §. 8. vbi dicit, hoc esse secundum omnes dicendum. Idem Soto lib. 6. de iust. q. 4. art. 3. vbi dicit, si quis per Deum iurat pluere, cum pluit vbi nulla necessitas apparet, nec est, solum venialiter peccat. Idem Nauar. c. 12. num. 3. & Caiet. verbo, periurium, in fine. Hæc sunt de iuramento assertorio.

Hæc eadem tria seruanda sunt in iuramento promissorio. Est enim seruanda veritas: vt, qui sub iuramento promittit, non intendens adimplere, est periurus contra veritatem iuramenti; & in omni casu, & materia, & propter quemcumque finem mortaliter peccat, sicut in assertorio; nec excusatur à mortali, nisi ex imperfectione actus, vt supra diximus. Est etiam seruanda iustitia cum veritate. Iustitia autem in hoc iuramento est, ne id, quod promittit sub iuramento, sine peccato adimplere. Qui enim se facturum aliquod peccatum iurat, peccat, si quidem non intendit facere, iam est mortale, quia sine veritate iurat. Si facere intendit, tunc is peccat, & ex intentione, quam habet peccandi, & ex iuramento supra rem iniustam: & si quod iurat est mortale, mortaliter peccat: vt qui iurat se occisurum inimicum, aut non auditurum sacrum die festo, vel quid simile: si verò est veniale, tantum venialiter peccat, vt tenet communis opinio. Ita dicit Caiet. verb. periurium. Syluest. verb. iuram. 3. §. 7. & Soto lib. 2. de iust. q. 4. & alij. Qui enim iuraret, se mendacium otiosum dicturum, aut se non facturum aliquid, quod ad consilium spectat, non ad præceptum, intendens ita adimplere, tam ex intentione, quam ex iuramento, venialiter tantum peccaret.

Est etiam seruanda necessitas, seu utilitas, ijs enim deficientibus, si adsint veritas, & iustitia, solum est veniale peccatum,

etum, vt diximus de assertorio. Hæc dicta sint de promissorio.

De comminatório eadem prorsus dicenda sunt: nam quantum ad hoc, non distinguitur a promissorio, & assertorio. Sed quæ de his diximus, etiam dicenda sunt de executorio: nam hoc aliquando incidit cum assertorio, cum tali iuramento vimur, ad confirmandam aliquam veritatem præsentem, aut præteritam: aliquando etiam concidit cum promissorio, cum iuramus futura. Quæ igitur de duobus prioribus dicta sunt, de alijs duobus intelligi debent.

De obligatione iuramenti.

CAPVT XXII.

Obligatio iuramenti in his iuramentis est consideranda quæ supra aliquod futurum fiunt: ibi enim manet homo obligatus, post iuramentum, adimplere quod iurauit: modo igitur de assertorio nihil dicendum est, sed de alijs tribus. Est igitur tâta obligatio horum, vt, qui iurauit quocunque modo aliquid, quod iurare fuit licitum, & cum intentione se obligandi iurauit, teneatur adimplere sub mortali peccato, quamuis sit res leuis, & parui momenti. Ponam duo exempla, per quæ alia intelligentur.

Primum est, si quis fuit à latronibus in via comprehensus, qui noluerunt dimittere ipsum, quin prius iuraret, se postea daturum centum aureos, tunc hic iurauit se daturum, si, cum iurauit, intendit verè dare, teneretur sub mortali dare postea. Ita tenet Soto lib. 8. de iust. q. 2. art. 3. Verum est, quo iste potuit æquiuocè iurare, ratione coactionis dicendo, iure me daturum & intra se dicere, si mihi libuerit, & tunc non teneretur, quia absolute non iurauit daturum.

Alterum est, si quis in carcere detentus à custode, vel iudice dimittitur, cum iuramento redeundi, iste talis teneretur postea redire, etiam cum periculo mortis: si tamen carcer erat iniurius illi, quia non secundum iustitiam illic detinebatur, poterat æquiuocatione vt; si tamen intendit se obligare, & redire, verè teneretur. Ita tenet Silu. verb. iuram. 4. §. 36. & est communis doctrina. Vide Cotar. lib. 1. variar. resol. c. 2. qui tenet cum alijs multis, nõ teneri obseruare iuramentum, etiam cum intentione

tione redeundi factum. Obligatur deniq; homo ad veritatem iuramenti implendam, sub mortali. Sunt tamen aliqui casus, in quibus iuramentum non tenetur adimpleri, sed absq; peccato non impletur.

Primus est, ratione materiae. Cùm enim quod iurauit est mortale, peccauit quidem mortaliter, sed non debet adimplere, alias mortaliter peccabit implendo. Similiter si fuit veniale, non debet adimplere: vt, qui iurauit, se nō mutuaturum alicui aliquid, vel nunquam fideiusurum, vel alia similia, peccatum fuit veniale iurare, non tamen debet implere, nec vllō modo peccat non implendo. Idem est iudicium de re indifferenti, nec bona, nec mala; veniale enim est iurare, nec homo implere tenetur.

Secundus casus est, ratione euentus, in quo multa continentur.

Primum, quando iurauit quis aliquid, sed postea, cùm implendum est, euenit aliquid, quod impossibile facit illud, tunc non implere, nō est peccatum vt, qui iurauit, se tali die ieiunaturum, & accidit tali die, malè habere, vt abstinere non possit absque malo. Rursus, qui iurauit se conuenturum aliquem tali die, & post ipse comprehensus detinetur in carcere, vel ille alius longè discessit, non tenetur implere promissum. Hic tamen obseruandum est, quòd si, cùm iurauit, probabiliter cognouit, se postea non valiturum implere, peccauit iurando, quia tunc defuit intentio, aut fuit dubius in implendo, & est tunc mortale. Non enim dubium est, p̄terito iuramento firmandum est. Loquitur autem de certitudine mortali, quae semper Dei voluntatem supponit; aliàs nullus potest frustra iurare.

Secundò, si iurauit aliquid bona quidem intentione, & bonum, tamen postea accidit aliquid, quod impletionem facit malam, & peccatum, tunc non est promissum implendum. Verbi gratia, iurasti te daturū ensē alicui, tamen postea, cum dandus erat, factus est ille mente captus, tunc non est dandus. Rursus, iurasti te facturum quod alter veller, aut peteret, tunc ille petiit à te aliquid peccatum, non teneris implere; sic Herodes non tenebatur implere promissum, cùm illa petijt caput Ioannis.

Tertiò, si postea euenit aliquid, quod est inductiuum alicuius notabilis mali temporalis: vt, si quis iurauit ire Lauretum tali die, si postea accidat, in via esse inimicorum exercitum, qui

qui omnes transeuntes occidit, aut capit, nō tenetur cum isto periculo implere iurauit.

Quartò, si postea euenit aliquid, quod est in præiudicium maioris boni: vt, si iurauit quis, se conuenturum aliquem tali tempore, & accidit tunc infirmum indigere illius præsentia, nō tenetur. Similiter, si accidat aliud maius bonum, ad quod homo tenetur, seu quod tunc omittere malum esset.

Quintò, si aufertur ratio iuramenti: vt, si seruus iurauit se obediturum Domino, & clericus Episcopo, si postea definit esse Dominus, vel ab Episcopatu deponitur, non obligat iuramentum. In his omnibus iuramenti obligatio cessat ratione euentus.

Tertius casus est, ratione modi iurandi: nam ex interpretatione ipsius iuramenti, homo aliquando simpliciter non obligatur ad seruandum promissum: vt, si duo honoris gratia contendunt de primo ingressu, neuter vult primus esse, sed alteri cedere, si dicat vnus, per Deum nō ingrediar, tamen postea ab altero victus ingreditur, non est periurus, quia iuramentum sic intelligitur, quantum est ex me, non ingrediar primus.

Quartus casus est, ratione relaxationis ab eo, cui promittitur. Si enim iurauis, me tibi daturum pecunias, si postea dimittis, non teneor dare. In his omnibus nō obligant iuramentū promissorium.

Circa comminatorium autē idem fere dicendum est. Cum enim sit comminatorium, quoties malū aliquod pœnæ promittitur, quoties plū inferre malum est, cessat obligatio. Sunt etiam aliqui casus, in quibus, licet à principio bonū fuerit, tamen postea non obligat.

Primus est, quando interuenit aliquid, quod facit melius non implere promissum, quā implere, sicut fuit in iuramento David, quo mortem Nabal iurauit, tamen precibus Abigail interuenientibus, melius fuit illi acquiescere, quā implere iuramentum.

Secundus est, quando mutatur status rei: vt, qui iurat se castigaturum seruum, vel filium, si postea supplex veniam petat, corrigi paratus, non tenetur implere, quia iuramentum obligabat, seruato statu eodem, in quo seruus, seu filius non erat correctus, nec animum mutauerat.

Tertius est, cum malum illatum inutile speratur, aut maioris boni impedimentum. Si enim constet, aut creditur post, talem

talem poenam fore inutilem seruo, aut filio: aut ex illius illatione pax domus perturbatur, eod, quod insurgat rixu cum vxore, vel familia, non debet iuramentum implere: peccauit autem qui ista prauidens iurauit: nam tunc est iurare malum culpae. De execratorio idem dicendum est quod de istis: atque hinc patet, quando, & quomodo liceat iuramentum in quouis genere.

De iuramenti dispensatione.

CAPV T XXIII.

Quemadmodum circa votum considerantur quatuor, annullatio, dispensatio, commutatio, & absolutio, sic etiam circa iuramentum. Annullatio, seu relaxatio, est ipsum iuramentum pro nullo declarare.

Pertinet autem ad superiores, in eo, quo superiores sunt, vt ad partem respectu filiorum, ad Dominum respectu seruorum, ad maritum respectu vxoris, sicut de voto: ad Pontificem respectu cleri, vt habet S. Thom. 2. 2. q. 89. art. 9. est enim Dominus rerum Ecclesiasticarum. Vnde, qui iurauit se collaturum alicui beneficium Ecclesiasticum, vel aliquid aliud Ecclesiasticum, se habet ad Papam, vt seruus ad Dominum, potestq; Papa relaxare absque vlla causa pro sua voluntate, huiusmodi iuramenta: dispensare vero, & commutare, ad Episcopum, & Papam pertinet, cum tamen est causa talis. Dispensationis potestque Episcopus dispensare, & commutare in illis tantum iuramentis, quae, si voto essent, posset dispensare, vt Carcan. 4. 2. quaest. 89. art. 9. Vnde, illa quinque iuramenta Papae seruantur, quae, si vota essent, ipse solus posset: vt, iuramentum castitatis, religionis, peregrinationis Compostellae, sancti Petri Romae. Quando autem est iuramentum in alicuius tertij utilitatem, non potest, absque voluntate tertij, etiam a Papa dispensari, sicut nec Papa potest auferre rem alterius: vnde, qui alteri promittit sub iuramento pecunias tenetur adimplere, nisi ille, cui promissae sunt, relaxet. Duo casus sunt, in quibus posset tale iuramentum dispensari, aut commutari, aut relaxari.

Vnus est, in poenam illius, cui factum est iuramentum: vt enim potest pecunia mulctare, ita potest iuramentum illi

illi factum relaxare; & sic relaxat excommunicatio factum iuramentum in eius poenam, 15. q. 6. c. nos Sanctorum, & c. iuratos.

Alter est, cum tale iuramentum factum est vi, aut metu, aut fraude alterius. Cum autem iuramentum non est in vilitatem alterius factum, tunc ipsemet, qui iurauit, potest in id, quod aperte melius est, commutare: cum autem in vilitatem alterius est, non potest, sed quod promisit, tenetur implere, nisi ab altero acceptetur, vt diximus de voto. Confessarius autem ordinarius potest absoluerè à peccatis contra iuramēta factis, non tamen absque aliquo priuilegio iuramenti facti obligationem auferre. Hæc sunt, quæ maximè de iuramēto spectant ad Confessariū; & etiam hæc sunt, per quæ hoc præceptum declaratur.

De tertio præcepto Decalogi.

CAPVT XXIV.

Tertium hoc præceptum habetur Exod. 20. in hæc verba, *Memento, vt diem Sabbati sanctifices*: vnde communiter desumptum est carmen, *Sabbata sanctifices*.

Primum igitur, quid sit Sabbatum oportet exprimere. Si autem nomen attendamus, Sabbatum idem est, quod quies, vt Sabbatum non sit aliud, quam dies vacationis ab his operibus, in quibus homo se exercere solet, vt Dei operibus intendat Dominus Deus hoc præceptum Sabbati primum per Moysen Iudæis dedit, eratque illa septima dies, incipiendo à Dominica inclusiue.

Fuit autem ei præceptum datum, ob tres causas.

Prima est, ob memoriam illius beneficii insignis, puta, creationis. Sex enim diebus operatus est cuncta, & die septima quieuit ab omni opere facto: quam diem præcepit obseruandam Iudæis, ne tantum beneficium ab ipsorum mentibus excederet; & ne errore Gentilium tenerentur obsecrati, qui mundum putabant æternum.

Secunda causa fuit, ob figuram Christi Domini in lege promissi. Christus enim integro Sabbato quieturus erat per mortem in sepulchro; Ob id, Iudæi in figura Sabbato quiescebant ab omni opere non necessario vitæ.

Tertio, ad quietē corporum. Est enim homo animal mortale, cui vires deficiunt labore continuo, voluit Deus diem interponere, in quo homines, & iumenta quiescerent, laborique venturo vires reficerent. Aduerte tamen, quod quamuis Sabbathum

batum principali significatione illam diem septimam significet, tamen nomine eius comprehenduntur alia Iudæorum festiuitates, quas Iudæi obseruare tenebatur. Ecclesia nostra modo post Christum etiā Sabbatum custodit, sed non diē septimā vt Iudæi, at octauam, quæ Dominica dicitur. Ratio hæc est, quia Iudæi nō receperunt maius beneficium aliquod creatione, ob id, ipsum beneficium creationis ante omnia obseruabant. At Christiani, aliud maius beneficium receperunt, quod est recreationis, & redemptionis, quod consummatum est in resurrectione Christi facta octaua die, ob id diem octauam, in huius tanti beneficii memoriam, obseruant, vocantque Dominicam, quia noster Dominus Christus in ipsa totum opus redemptionis perfecit. Est etiā alia causa huius: nobis promissiones factæ sunt regni cœlestis, quales Iudæis non erant factæ: bona enim terræ illis promittebat Deus, & nobis bona cœlestia. Cū autem ista perficienda sint octaua ætate mundi, in qua generalis erit resurrectio, ob id ad promissionis certificationem, nos diem octauam celebramus. Quamuis autē hoc preceptum præcipuum sit, tamen etiam nomine Sabbati in hoc precepto alia festa intelliguntur, quæ ab Ecclesia celebrantur, de quibus habetur vlt. c. de ferijs: quorum quedam sunt obseruata in vniuersali Ecclesia de precepto, quædā in particularibus Ecclesijs, ob peculiarem earum deuotionem. Sunt autem particularia, cū de precepto sunt ita obseruanda ab omnibus illius Ecclesiæ, sicut festa vniuersalia ab omnibus. Ecce igitur quid per Sabbatum intelligere oportet.

Aduertendum tamen, quod standum est consuetudinibus locorum circa quantitatem festi. Vbi enim consuetudo est celebrare festum à nocte diei præcedentis, ita obseruandum est: vbi autem à media nocte, similiter: vbi à diei principio, similiter: Inquirēdum tamen est modus, quo pacto sit festum sanctificandum: in cuius gratiam aduerte, festum posse sanctificari, & posse benè sanctificari. Ad sanctificandū duo sunt necessaria, vnum facere, ab altero abstinere. Quod faciendum est, id est sacrum audire, de quo dicemus inferius in præceptis Ecclesiæ. Abstinentum autem est à duplici opere, & ab opere seruili, & ab opere ab Ecclesia prohibito.

Pro declaratione operis seruilis, aduerte, esse tria operum genera.

Quoddam est genus operum, quæ dicuntur animæ. Hæc autem sunt opera, quæ ipsius animæ sunt; vt, intelligere, orare, medi-

meditari, studere, videre: aut etiam ad talia animæ opera ordinantur; vt, disputare, docere, legere, scribere pertinentia ad studium. Omnia etiam ista hoc comprehendimus, scilicet opus animæ. Hæc opera non prohibentur in festo, vnde, licet studere, legere publicè, etiam pro pecunia, disputare, exhortari, & concionari: non enim talia prohibentur opera. Hinc fit, vt liceat aduocato studere in festo super lites, & quæ studet, scribere, & informare etiam iudices scripto, & propter pecuniam, quia sunt ista animi opera, ita Sot. lib. 2. q. 4. ar. 4. & Nauar. c. 13. bum. 12. Caie. 22. q. 122. art. 4.

Alia sunt opera corporis, sed communia quidem omnibus ex se, tam potentibus, quàm ignobilibus, dominis, & famulis: vt, iter facere, venari, saltare, vti musicis instrumentis. Et hæc etiam non sunt prohibita in die festo. Vnde, licet iter facere, audito tamen facto, licet venari & alia huiusmodi facere. Tamen aduerte, cum venatio, & iter ex officio fit, ex se non licet, vt dicit Sylu. verb. venatio; & tamen consuetudo iam obtinet ista non esse illicita, & ita tenet Nauar. loco citato, quamuis pecunia fiant. Licita etiã sunt exercitia artium quarundã, vt, gladiandi, saltandi, pullandi instrumenta, licet pecunia fiant.

Tertia opera sunt, quæ ex se famulatum quendam habent, quo homo homini seruit, & famulatur: vt serere, arare, & alia mechanica: & talia sunt prohibita, dicunturq; seruilia, quia ad famulatum quendam pertinent. Non licet igitur hæc opera exercere diebus festis. Atq; hoc opus est seruale, a quo abstinendum est. Opus enim ab Ecclesia prohibitum, habetur c. 1. de ferijs, vbi quædam prohibentur opera, quæ non omninò mechanica videntur.

Primum est, mercatus. Sunt autem tres mercatus.

Primum, qui bis in anno, aut ter singulis fit annis, dicunturque nundinæ: & hæ non sunt prohibitæ; aut si sunt, consuetudo obtinet, licitas esse diebus festis, nisi in aliquo loco consuetudo contrarium obtinuerit: dum tamen sacrum audiatur.

Secundus est mercatus, qui singulis fit hebdomadibus, & hoc non licet diebus festis, nisi in aliquo loco consuetudo contrarium obtinuerit.

Tertius mercatus est, emptiones, & venditiones particulari, quæ fiunt quotidie, & hæ etiam prohibentur in isto canone.

Secundum opus est placitum, id est, sententia ciuilis, & strepitus iudicialis iudicium, & Notariorum, & aliorum in tale

iudicium concurrentium, & hoc est prohibitum. Vnde, non licet iudicibus sententiam ferre: immò in foro etiam exteriori, nulla est. Nec licet Notarijs scribere, nec ipsis transcribere scriptoribus. In quo maxime apparet Notariorum peccatum, qui seruant pro festis implere chartas, quas reliquis diebus in breui notârunt. Nec licet dicta testium examinare, nisi ob necessitatem aliquam, puta, quia alio tempore commodè testes, vel personæ haberi non possunt. Licet autem iudicibus, ex concessione Pontificis, non omnibus, sed ruralibus, in diebus festis vi iudicio, quando homines illius pagi alijs diebus suis sunt operibus intenti, quæ non possunt absque incommoditate dimittere. Nauarr. cap. 19. num. 13.

Tertium est, sententia mortis, aut in causa criminali: hæc enim fieri non potest, nisi urgente necessitate, quia non potest aliter commodè fieri: vt in belli tempore sit, aut quando periculum est non exequendi iustitiam, nisi tunc sententia feratur.

Quartum est prohibitum iuramentum iudiciale: hoc enim non licet: immò nullum est in foro exteriori, cùm in festo sumitur. Hoc opus igitur est, à quo abstinere debemus in die festo, illudque sufficit ad festi sanctificationem. Ad bene autem sanctificandum, vltra hoc, aliud est necessarium, puta, vt qui est in mortali, tunc conteratur, & ad Dominum cōuertere studeat, qui verò est in gratia, diuinæ vacet contemplationi, & bonis operibus, vterque autem à nouo peccato abstineat. Aduerte tamen, quòd homo tenetur sub mortali ad sanctificandum festum; sed non tenetur sub mortali ad bene sanctificandum: vnde, non est audiendus. Scot. 3. sent. dist. 27. q. 2. dicit, in die festo peccantem mortaliter, bis peccare, quia ratione temporis est nouum peccatum mortale, & necessaria est circumstantia confessionis. Similiter, eum, qui de peccato non conteritur, peccaret mortaliter: hoc enim est falsum, nec vllò modo populo prædicandum. Licet enim grauius peccet, qui peccat in die festo, tamen non est grauitas mortalis, nec circumstantia necessaria confessionis. Et ratio est, quia finis festorum est sanctitas ipsa, quomodo dicit Scotus. Ad finem autem nullus obligatur alia obligatione quàm mediorem. Non enim obligor ad carnis macerationem, quæ finis est ieiunij, sed ad ipsum ieiunium. Ita solum obligor ad illa duo in festo præstanda, non ad finem, quamuis consilium sit optimum, omnia ista exequi in die festo. Vide Scot. & Nauarr. loco citato, & Caiet. verb. festum, qui nobiscum sentiunt.

De peccato non sanctificantis festa.

CAPVT XXV.

Non sanctificare festa, ex genere suo mortale est, cum sit contra diuinum præceptum. Excusatur tamen ob materię leuitatem. Cum enim aliquod opus parum est, non est mortale: vnde tonsori, vnum in die festo tondere ob aliquam commoditatem, quia non illi vacauit. vel nullum est peccatum, aut ad summum veniale. Cum tamen materia est magna, vel continua, quia singulis diebus fit, tunc mortale est, nisi excusetur in sequentibus casibus, in quibus licet absq; peccato in die festo operari seruilia.

Primus est, in Dei cultum: cum enim opera seruilia immediate in Dei cultum ordinantur nec nisi in festo fieri possunt; licita sunt, vt sonare campanas, portare cruces, & similia. Dixi, quæ immediate ordinantur: nam remota opera, vt colere agros Ecclesiarum, aut ædificare ipsorum domos non licet; nihil aliudius Ecclesiæ pauperis nimis, cui aliter vix subueniri potest. Dixi etiam, quæ in festo fieri debent: nam coquere hostias, ornare templorum parietes nō licet in die festo, cum fieri possunt ante festum; secus, quando non ita fieri potuerunt: quamuis quocumque modo ista facere, etiam cum ante fieri potuissent, ex se non sit mortale peccatum.

Secundus casus est, ob necessitatem. Est autem multiplex necessitas.

Prima corporalis propria, Ob hanc enim licet operari. Vnde, licet pauperi, qui aliter non potest alij, nisi manuum labore diuino, etiam in festo labore secretè ratione scandali, dum tamen sacrum audiat prius. Altera necessitas est corporalis proximi, puta, infirmitas, ratione cuius licet omnia opera ad hanc necessaria ad mouere. Vnde, excusantur medici, tonsores pharmacopolæ, & alij suam ad hoc operam exhibentes: Excusantur etiam notarij testamenta consicientes. Est etiam necessitas proximi, corporalis victus; ratione cuius excusantur qui carnes vendunt, occidunt animalia, & vendunt necessaria illis diebus festiuis ad victum.

Tertia necessitas est rei propriæ, vel proximi. Vnde, licet, ne damnum aliquod homo patiatur in re, operari in die festo, cum probabiliter pateretur damnum, nisi illa opera fierent. Vnde, licet in tempore messis metere, & tempore autumnī se-

tere, cum timetur periculum aliquod temporis non opportuni; & ratione huius excusantur operarii, quorum opera intermitteri non possunt absque damno: vt, qui vitrum fundunt, & qui nautant, & similes.

Quarta est, ad euitandum damnum corporis. Vnde, licet tempore belli aggeres necessario struere, muros edificare, & similia.

Quinta necessitas est, cum perditur occasio magni lucri: vt, in piscatione halæcum, & thynnorum, qui non nisi certis diebus veniunt, tunc licet piscari in die festo, c. licet de feriis.

Sexta est vis, seu violentia: vt, cum famuli, vel serui, laborare in die festo coguntur à dominis. Nauarr. c. 13. nu. 7. quod intellige de obligatis ad seruiendum, dummodò non cogantur à dominis in huiusmodi contemptum: tunc enim mors potius est obeunda. In his omnibus necessitas excusat.

Tertius casus est pietas, in bonum, & vtilitatem proximi indigentis. Vnde, licet sepelire mortuos. Licet etiam pro egeno laborare, dummodò in grandi necessitate sit, aliàs nò. Vnde, dicit Caietanus, non licere vias sternere publicas pro viatoribus, aut pontes erigere, nisi urgeat necessitas, cum alio tempore fieri possunt.

Quartus est, bonum Reipublicæ, vnde, licet istis viatoribus publicis, in Reipublica vtilitatem, iter conficere. Licet etiam in publicis solennitatibus preparare vias, & construere loca pro spectaculis, quando non possunt fieri nisi in ipso festo.

Quintus casus est, Pontificis, aut Episcopi licentia expressa, cum id conceditur; aut virtualis, cum alia opera videt, & dissimulat. In his casibus licet in festo operari, extra quos non licet, sed seruanda sunt modo prædicto.

* *

Laus Deo. Finis Libri Quarti.

IN-



INSTRVCTIONIS SACERDOTVM,

LIBER V.

De quarto præcepto Decalogi, *Honora parentes.*

CAPVT I.



ABSOLVTIS præceptis primæ tabulæ, quæ ad Dei honorem pertinebant, nunc de præceptis secundæ tabulæ tractare oportet: vnde merito hunc librum, maioris distinctionis gratia, separauimus. Hæc autem pertinet ad dilectionem proximi, sicut illa primæ tabulæ ad dilectionem Dei pertinebant. Inter hæc, primum, quod ordine quartū est, ponitur præceptum honorandi patrem, & matrem, quod habetur Exodi 20. *Honora patrem tuum, & matrem tuam, ut sis longæuius super terram.* In cuius explicatione duo perpendenda sunt. Alterum est, qui vocentur hic pater, & mater. Alterum, quomodo sint pater, & mater honorandi.

Circa primum, ut bene aduertit Concil. Colon. & Doctores in explicatione huius, quatuor genera personarum sub his nominibus comprehenduntur, saltem sub patris nomine. Primum est parentum, qui nos secundum carnem genuerūt. Alterum est superiorum, potestatem spiritualem habentium, ut sunt Episcopi, Curati, Pastores. Tertium est, potestatem secularem habentium, quales sunt Reges, Principes, Duces, Domini. Quartum est aliorum, qui aliquam supra nos potestatem habent, quales sunt Magistri, tutores, & alij huiusmodi: omnes isti sub hoc præcepto includuntur, quamuis primum locum obtineant partes primo modo considerati: ordine tamen suo de omnibus oportet dicere, non solum quomodo inferiores erga superiores, sed etiam superiores

erga minores se habere debeant, quodque sit singulorum officium.

Circa secundum aduertendum, omnia Decalogi præcepta esse fundata in iustitia. Est enim iustitia quædam virtus, quæ reddimus cuique, quod suum est: huius quatuor sunt partes. Prima est, quæ Deo reddimus, quod suum est illique debemus; & hæc dicitur Religio. Hæc enim nos inclinât, ut Deo exhibeamus debitum cultum, & honorem. In qua virtute, tria præcepta primæ tabulæ fundantur. Altera est, quæ parentibus secundum carnem impeditur, quod eis hoc titulo debemus: & hæc dicitur pietas: & hæc in isto præcepto fundatur. Tertia est, quæ alijs superioribus exhibemus ea, quæ ratione superioritatis debemus; & hæc dicitur obseruantia: & ista etiam isto præcepto continetur. Quarta est, quæ alijs proximis generaliter impendimus ea, quæ debemus, & hæc dicitur propriè iustitia: & hæc alijs sequentibus sex mandatis comprehenditur: est igitur hoc præceptum pietatis, & obseruantie. Oportet ergo incipere à pietate, quæ erga parentes secundum carnem versatur.

Filij tria tenentur exhibere parentibus (& in his honor, ad quem obligantur, consistit) putâ amorem, obedientiam, & reuerentiam.

Circa amorem aduerte, obligari filios erga patrem, & matrem ad amorem internû; adeo ut, qui odio habet patrem, vel matrem, desiderando eis aliquod notabile malum deliberatè, siue malum animæ, siue corporis, mortaliter peccet, & gravior quam si istud odium esset erga alterum; adeo ut teneatur in confessione istam circumstantiam exprimere, ut tenet Nauar. cap. 14. nu. 11. sicut, qui patrem occideret, teneretur exprimere circumstantiam.

Rursus secundò, non sufficit amor internus, sed debet esse signo exteriori aliquando manifestus, adeo ut, qui exterius dure & asperè tractat patrem, ipsum quæ contristat, si id sæpè faciat, aut multo tempore, mortaliter peccet, iuxta Alex. p. 3. qu. 33. & Silu. verb. filius, §. 25.

Rursus tertio, tenentur necessitati patris spiritali, in quantum possunt, subuenire: vnde, qui in mortis articulo non curant, ut pater confiteatur, ut faciat testamentû, imò arcent illû à testamento, ne rei aliquid imminuatur, peccant mortaliter.

Ad hanc necessitatem spiritualem reducitur, post mortem pia opera testamentis patrum ordinata implere, cum primû fieri

fieri potest: eaq; differre, abſque iuſta cauſa & graui, eſt peccatum mortale.

Rurſus quartò, tenentur etiam corporalibus, neceſſitatibus, in quantum poſſunt, ſubuenire: vt, ſi infirmi ſint, viſitare, & attendere ſi quid deſit, quod præſtare poſſint; ſi in carcere detinètur, adhibere operam quantum poſſunt, vt liberentur; ſi mente capti ſunt, vt eis debite prouideatur.

Rurſus quintò, tenentur eis in paupertate ſubuenire, cùm poſſunt, aut in vita periculo. In cuius gratiam aduerte, neceſſitatem poſſe duplicem eſſe, aut extremam vitæ, vt ſi pater verb. gra. eſſet ad eò pauper, & impotens, vt nec haberet victũ, nec poſſet conquirere, aut ſi eſſet morti obnoxius, niſi ſummam pecuniæ daret, quam nec habet, nec eſt, qui det: Altera neceſſitas non eſt extrema, ſed multũ grauis. Vtraq; obligat filium, vt, ſi poſſit, ſuccurrat: ad eò autem obligat, vt, ſi filius qui poſſit iuuare patrem, ipſum relinquat, ingrediaturq; Religionem mortaliter peccet, vt tenet S. Thom. 2. 2. q. 101. art. 4. ad quartum: obligatur enim ſuccurrere, & non intrare. Si verò iam eſt profeſſus, aliqui putant in vtraq; neceſſitate teneri egredi, at verò Caiet. loco allegato: 2. 2. & Nauar. cap. 14. num. 14. dicunt non teneri, niſi in extrema neceſſitate; in graui autem non licet: his conſentit S. Thomas. Addit Nauarr. niſi cùm intrauit Religionem, pater erat in illa graui neceſſitate; nam tunc tenetur egredi, quia iniuſte intrauit. Conueniunt autem iſti in omni caſu poſſe egredi, petita tamen prius facultate, licet non obrenta à ſuperiore. Iſta intelliguntur iuxta Alexand. p. 3. q. 3. mot. 2. m. 4. quando non eſt neceſſitas ſpiritualis filij: nam tunc nõ tenentur, cùm peccati mortalis graui periculo neceſſitate illius corporali ſubuenire. Vide quanta ſit obligatio filiorum.

Rurſus eſt tanta, vt in neceſſitate extrema filiorum & patris, filius teneatur potiùs ſubuenire patri quàm filijs; vt tenet Silu. verb. filius. §. 26. & S. Thom. 2. 2. q. 26. art. 9. ad 3. Nam in neceſſitate maior eſt obligatio ad patrem quàm ad filium, licet non extra extremam. Aliqui contrariũ putant, & vtrumque probabile eſt. Probabilius eſt primum. Hoc igitur modo exhibendus eſt amor patri.

Eſt etiam obedientia exhibenda: hæc autem eſt quantum ad multa.

Primò tenetur filius obedire patri in his, quæ ad gubernationem domus pertinent; & non obedire in his, cùm res eſt

grauis, & maximè si ex contemptu & animi obstinatione faciat, peccatum est mortale.

Rursus, secundò tenetur obedire in his quæ ad bonos mores pertinent. Non igitur acquiescere præceptis patris circa mores, conantis filios à peccato mortali, vel horum occasionibus arcere, est peccatum mortale, cum præsertim pertinacia adest.

Rursus, ducere vxorem indignam contra voluntatem patris, peccatum mortale est; secus, si sit digna, non est mortale, nisi cum multum refert patri aliam ducere. Cum inimicitia patris componuntur ex matrimonio, si filius nolit ducere vxorem, quam dat pater, si digna sit, est mortale, licet ducat aliam dignam. Aduertendum tamen quòd in rebus iniustis & malis non tenentur filij obedire parentibus: & in his intelligitur illud. *Qui non negauerit patrem suum, non est me dignus.* Nec tenetur obedire, quando est extra patris potestatem, vt in statu Religionis. D. Thom. 2. 2. q. 171. art. 4.

Est etiam reuerentia exhibenda parentibus.

Primò, qui percutit patrem, vel minatur iniuriosè, mortaliter peccat Exod. 21. reus erat propter hoc mortis. Secundò, qui maledicit patri ex deliberatione, mortaliter peccat, & qui etiam verba in eum profert, quæ ex se sunt prouocatiua in magnam iram: secus, si verba ex se non sunt talia, sed quia pater est extra modum cholericus, tunc non est mortale.

Rursus, qui dedignatur patrem, quia ipse in dignitate est, pater verò in paupertate, peccat mortaliter; cū tamen aliquod damnum filio obueniret notabile in vita, & in honore, vel pecunia, si pater eius nosceretur, non esset mortale negare patrem, dummodo in animo non neget patrem, & subueniat in necessarijs.

Rursus accusando patrem coram iudice in criminali foro peccat mortaliter; nec auditur filius. Non enim filius accusator debet esse criminis paterni. Licet tamen coram iudice petere alimenta, quando ei iniuste à patre negantur, vt dicit Silu. verb. filius. §. 28. in duobus casibus filius debet accusare patrem: in crimine læsæ maiestatis, & in crimine hæresis. At Alexan. 1. p. q. 33. dicit, quòd non in omni hæresi, nisi quando est pemiciosa: quòd alios inficit, si tamen secreta sit, & solum ipsi patri nocua, non tenetur. Hæc sunt igitur, ad quæ filij tenentur erga parentes.

At parentes erga filios ad tria tenentur.

Primò

Primò subuenire in corporalibus: debent enim non negare alimenta, nisi aliquando ad tempus, in poenam alicuius peccati gratis, & dum non incurrat filius notabile detrimentum. Hinc fit, vt exponere filios in templis extra necessitatem sit mortale. Similiter, non subuenire in alijs necessitatibus corporis.

Secundò, subuenire in spiritualibus: Debent enim attēdere, vt filij bonos imbibant mores; vt seruent præcepta Dei; vt abstineant à malis; non permittere esse sibi inobedientes, superbos, ociosos.

Tertiò, tenentur nō retrahere à bono statu: vnde qui filium à Religione extrahit, mortaliter peccat; & qui volentē ingredi sine iusta causa impedit; similiter qui coarctat à bonis, à confessione, à concione.

Rursus, tenentur non cogere ad statum aliquem: Vnde parentes, qui inuitos filios aut filias matrimonio iungunt, peccant grauissimè: tum etiam, qui inuitas filias in monasteriū trahunt, ibiq; profiteri compellunt. Circa quod vide Concil. Trid. sess. 25. c. 17. & 18. Hæc sunt, quæ circa patres & filios præcipue sunt aduertenda.

De obligatione viri, & vxoris.

CAPVT II.

Non solum est obligatio patrum, & matrum in ordine ad filios; sed etiam inter virum & mulierem.

Vir tenetur primò non impedire absque causa legitima, vxorem suam ab impletione diuinorum præceptorum, vt ab audiendo sacrum in diebus festis, à confessione & communionetempore Paschatis, & ab alijs præceptis. Atque impedire absque legitima causa, peccatum est mortale. Ab alijs autem, quæ ex deuotione sunt, vt audire sacrum diebus profectis, confiteri alijs temporibus, impedire, non esset mortale; est tamen veniale, si sine causa rationabili fiat, cum deuotiones moderatæ sunt. Et aliquando esset mortale, cum vxori multum conuenit confessio, aut communio, idque viro constat.

Secundò, tenetur eam non percutere grauiter, dico grauiter, quia non semper est peccatum mortale percutere, cum sit inferior viro, possitque ob culpam castigari ab eo; tamen

extra

extra modum percutere, non habita ratione personæ, & conditionis illius, quia vxor, non serua est, peccatum est.

Tertiò, tenetur non afficere iniuria, animo afficiendi iniuria: quamuis enim aliquando liceat verbum iniuriæ dicere ob correctionem, tamen animo iniuriandi est peccatum, & iuxta iniuriæ quantitatem peccati grauitas pensanda est.

Quartò, tenetur attendere domus gubernationi, quantum ad rem, & mores. Si enim quis bonorum dissipator est, nec vult laborare, cum labor illius necessarius est pro vxore & domus sustentatione, peccat. Similiter cum peccare vxore permittit, nec ipsam, vt potest, corrigi. Ipsi enim incumbit mori sollicitudo, quia caput est.

Quintò, tenetur cohabitare cum illa. Nolle enim cohabitare absque causa multo tempore, peccatum est graue, dico absque causa: aliquando enim causa est legitima ad tempus non cohabitandi; vt, cum negotia aliquot in domus vtilitatem tractat, vel cum ad tempus exulat, vel cum inimicitias habet, quas sperat componendas breui. Dico, ad tempus, quia, cum spes reditus ablata est, tenetur, si, potest, vxorem extrahere ab illo loco, vt secum cohabitaret.

Vxor etiam ad reliqua tenetur erga virum suum.

Primò, obedire in his, quæ ad bonos mores, & domus gubernationem spectant: est enim vir caput, cuius est vtrumque dirigere. Velle autem, viro spreto, gubernare, mortale est.

Secundò, si cum morosa sit, & rixosa, cognoscat ex eo viri sæpe in blasphemiam prorumpere, tenetur, quantum potest, mutare se, & non dare similes viro occasiones, aliter mortale esset, vel sic perseverare.

Tertiò, tenetur sequi virum suum ad cohabitandum in loco, in quem ipse vult eam ducere. Sunt tamen aliquot casus in quibus non tenetur sequi virum.

Primus casus, si ex tali mutatione illi immineret vitæ discrimin: non enim cum suæ vitæ probabili discrimine tenetur ipsum sequi.

Secundus est, si imminet periculum peccati mortalis.

Tertius, si vir vagabundus est, nec in eodem permanet loco: dummodo non fuerit talis, cum ei nupsit: si enim tali nupsit viro, tenetur ipsum sequi: si verò post matrimonium factus est, non tenetur sequi.

Quartus casus est, si in matrimonio intercessit pactum non mutandi locum, tunc non tenetur ipsum sequi, volentem lo-

sum mutare: quod solum veritatem habet cum necessitas non
viget virum. Interueniente necessitate, ut vir locum muret, cre-
do, etiam stante pacto, teneri.

De Episcopo.

CAPVT III.

Secundum locum inter patres tenent hi, qui in dignitate
Ecclesiastica sunt constituti. Horum autem primi sunt
Episcopi, de quibus aliquid dicendum est. Episcopus, no-
men est Græcum; idem Latine significat, quod speculator, su-
perintendens: est enim officium eius, attendere gregi, & homi-
nibus, qui sub eo sunt; studere spirituali eorum salutem. Multa
sunt in quibus peccare contingit erga Episcopatum, quæ ad
quatuor capita redigi possunt. Quædam enim committuntur
ante Episcopatus collationem, quædam in collatione ipsa,
quædam ante consecrationem & post collationem quædam,
postquam iam Episcopus consecratus est.

Ante collationem Episcopatus homo dupliciter peccare
potest in appetendo & procurando Episcopatum. In declara-
tione peccatorum, quæ in hoc appetendo committi possunt,
aduerte tria in Episcopatu posse considerari. Primum est ipsius
officium, in quod omnia ordinantur, hoc autem est antecede-
re, & prodesse vniuerso gregi. Alterum est ipsa prælatura & gra-
dus, qui est perfectior monachatu, vide S. Thom. 2. 2. q. 185. & 8.
q. 1. cap. qui Episcopatum. Tertium est, redditus temporalis, &
honor, qui Episcopo exhibentur.

Sunt igitur istæ regulæ.

Prima est. Qui existens indignus Episcopatu, & insufficiens
appetit (appetitu deliberato) ipsum habere, nec cogitat se di-
gnum exhibere, mortaliter peccat, quia appetit id, quod habe-
re mortale est. Idem dicendum de quocumque beneficio & di-
gnitate Ecclesiastica.

Secunda. Quamuis se dignum probabiliter credat, si tamen
appetit Episcopatum, ita ut paratus sit, si posset, etiam via iniu-
sta, & per peccati mortalis commissionem habere, mortaliter pec-
cat, hoc etiam de alijs dicendum est.

Tertia. Qui appetit Episcopatum (quamuis dignus) propter
redditus temporales, tamquam finem, mortaliter peccat, se-
cundum Sylu. verb. Episcopus. §. 4. quia est cupiditas pericu-
losa,

iosa, & bono communi repugnans. Dixi tamen tamquam finem, quia moueri ad appetendum Episcopatum à redditibus, non est mortale, dum non faciat homo ipsos finem; sicut aliquis potest licetè moueri ad amandum Deum à retributione, quam sperat, licet non amet propter eam vt finem.

Quarta. Idem est dicendum de eo, qui Episcopatum propter honores appetit vt finem: est enim ambitio nimis bono communi repugnans, vt tenet idem Sylu.

Quinta. Qui appetit Episcopatum propter gradum præcipue, peccat, vt dicit S. Tho. 2. 2. q. 185. art. 1. peccato presumptionis, quia cum sit altus status, & perfectionis, presumptiuum est, hominem appetere talem gradum: licet licitum esset appetere, vt Deus ei tantam perfectionem daret, vt tali gradu dignus esset. Illo tamen modo appetere, credo non esse mortale, sed veniale; quia non inest tanta peruersio, quanta est in appetitu propter honores & redditus.

Sexta. Qui appetit Episcopatum propter officium, vt alijs proficit, ex se quidem non peccat, quia licetè potest id aliquando fieri; tamen peccatum est, nisi fiat cum necessitate, puta, quando non est, qui dignè Episcopatum talem habeat, vel cum reuelatione aliqua, vel Spiritus sancti inspiratione. Hæc S. Thom. loco allegato. & ratio est, quia illud, prodesse alijs est coniunctum cum præstis, quod est difficile, vnde videtur esse præsumptio tale apparere officium. Puto tamen, quod, qui solum propter vtilitatem aliorum moueretur ad desiderandum non peccaret, licet periculosum sit, quia forte moueri potest appetitus præsidendi & honorandi ab alijs. Hæc sunt circa appetitum, nec est ista doctrina contra illud ad Timoth. 3. qui Episcopatum desiderat, bonum opus desiderat: nam Paulus non dicit, benè desiderare semper, qui Episcopatum desiderat, sed bonum opus desiderare; quod statim explicat, narrans perfectionem Episcopi. Potest autem bonum non benè aliquando desiderari in procurando Episcopatum, & committi potest peccatum. Sylu. verb. Episcopus, putat in quocunque casu, etiam in necessitate, peccatum esse procurare; sed ego non credo: puto enim licere, cum necessitas vigeret in quo casu dicit S. Thom. licitum esse appetere. His modis contingit peccare ante Episcopatus collationem.

In ipsa collatione tripliciter potest esse peccatum.

Primo, si, cum ineptus sit, Episcopatum recipit. Verbi gratia, si ignorans sit: si peccator est publicus; nec se emendare, inten-

Intendit: si inutilis & ineptus gubernationi; non enim potest recipere, quod non potest retinere.

Secundò ex parte ipsius collationis, si per simoniam fit, si per intrusionem, si per fraudem: est autem fraus, dissimulare id, quod exprimendum est, quia necessarium est in Episcopatu. Hæc autem habentur in Concil. Trid. sess. 22. cap. 2. de reformatione: est necessaria ætas, vita bona, ordo sacer, ad minus subdiaconatus per sex menses antè susceptus, & doctrina: hæc autem debet esse notabilis, vt sit doctor, vel licentius in Theologia, vel in iure Canonico, ab vniuersitate aliqua meritis approbatus, aut à tali vniuersitate testimonium huius doctrinæ habens. Qui autem aliquid horum fingit, peccat grauiter.

Tertiò, etiam contingit peccatum in recusando finaliter Episcopatum. Cùm enim ex obedientia Papa obligat aliquem, vt suscipiat Episcopatum non potest absque peccato finaliter recusare, sed debet acceptare; & si habet impedimentum, quod ipsemet potest auferre, vt, si peccator est, tenetur auferre, vt dicit S. Thomas loco citato: si autem est impedimentum, quod Papa potest, debet manifestare: si neuter potest auferre, puta, quia est ignarus vel inutilis, prorsus non debet acceptare, nec hoc licet potest Papa præcipere. Tenetur etiam acceptare, cùm necessitas vrget boni Episcopi, quamuis sine præcepto ei offeratur: hæc autem sunt in collatione.

Post collationem verò, ad vnum obligatur Episcopus, ex Concil. Trident. sess. 23. c. 2. de reformatione, vt intra tres menses proximos suscipiat consecrationem, quam nisi susceperit, omnes redditus pro rata illius temporis restituere tenetur. Quòd si intra tres alios non susceperit, ipso iure sit Episcopatu priuatus. Hic tamen non credo obligari Episcopum ad mortale, nisi contemptus adsit, sed ad solam poenam: Si quis tamen multo tempore consecrationem non suscipiat, cùm possit, non excusatur à mortali, cùm suscipiat redditus, non exercens officium, pro quo ipsi dantur. Hic canon comprehendit etiam Cardinales Episcopos.

De Episcopo post Consecrationem.

CAPVT IV.

Postquam iam Episcopus constitutus est, & consecratus, ut suum possit exercere munus, ad multa tenetur.

Quorum primum est, in propria Ecclesia personaliter residere: in cuius gratiam declarandum est caput primum Concil. Trid. sess. 13. de residentia, in quo tria continentur. Primum est peccatum nolētium residere. Secundum est, poena tali peccato imposita. Tertium est, causae, propter quas potest ad tempus non residere in Ecclesia propria.

In primis peccatum est nimis graue mortale, non residere in Ecclesia propria absq; causa, siue enim residentia sit de iure diuino, siue humano, quod nos non intendimus modò definire, omnes conueniunt esse mortale, & magnae damnationis. Per Episcopos hic intelligere oportet, non tantum Episcopos, sed Archiepiscopos, Patriarchas, & superiores, etiam Cardinales Episcopos.

Poena autem à Concilio imposita est, ut toto tempore, quo non resederint, omnes integros redditus pro rata perdāt, sintq; reddendi, vel Ecclesiae fabricae, vel pauperibus, & absque ulla alia declaratione vel sententia, sed ipso facto teneantur in conscientia ipsos reddere.

Circa autem causas non residendi, aduerte esse duplicem absentiam.

Altera, quae ad modicum sit tempus, & putatur pro non absentia, & hanc permittit Concilium cum quatuor conditionibus.

Prima est, ut sit rationabilis aliqua causa absentiae, ver. gr. si est recuperandae valitudinis gratia, vel conseruandae, vel excipiendi aliquem magnatem, vel alicuius negotij causa, vel quid simile. Nulla enim rationabili causa existente, nulla permittitur absentia.

Secunda est, ut inde non patiatu rex detrimentum: debet enim providere, ut talis absentia detrimēti non sit causa ouibus.

Tertia est, ut ipsa absentia sit, ad sum mum, duorum, aut trium mensium, siue continē fiat, siue interpolatē: omnes enim absentiae, si multae fiant, simul sumptae, non debent tale spatium excedere.

Quar-

Quarta, vt, quantum fieri potest, ista absentia non sit temporibus Aduentus, Natiuitatis, Quadragesimæ, Pascharis, Pentecostes, Corporis Christi : his enim temporibus oues maxime delectantur præsentia pastoris.

Alterâ absentia est longa, quæ verò pro absentia reputatur quæ fit per annum, aut duos vel tres, vel plures; etiam quæ fit, per plures tribus prædictis mensibus.

Talis absentia debet fieri tribus conditionibus existentibus.

Prima est, vt sit cum aliqua harum quinque causarum, quæ sunt Christiana Charitas, vrgens necessitas, euidentis reipubl. vtilitas, euidentis etiam Ecclesiæ vtilitas & debita obedientia.

Secunda, vt talis causa approbetur prius Papa, vel à Metropolitano, & hoc deficiente Suffraganeo seniore residente : & talis approbatio in scripto contineatur, nisi sit causa publicè manifesta, qualis est Ecclesiæ vel Reipublicæ euidentis vtilitas.

Tertia est, vt in tali absentia maxime provideat, vt Ecclesia ex ea nullum detrimentum patiatur. His omnibus stantibus, absentia licita erit, licet longa sit. Superest nunc causas illas quinque declarare.

Per Christianam Charitatem oportet intelligere proximorum vtilitatem: cum enim proximus laborat, potest, vt illi succurratur, aliqua fieri absentia. Verbi gratia, est Ecclesia aliqua, quæ versatur in periculo hæresis magno; potestq; multum Episcopus alienius diocesis eis prodesse sua prædicatione, tunc, relicta propria potest ad tempus in aliena morari ob proximorum vtilitatem. Tamen ista causa intelligenda est, dum in propria non sequatur notabile detrimentum spirituale: tunc enim abesse non potest, sed propriæ attendere debet, licet minus indigeat: potest etiam ob paces magnatum componendas abesse; sed semper intelligenda est causa hæc: dum non sit maius detrimentum; aut minus, sed notabile, quod sequetur in propria Ecclesia: tunc enim relinquere eam, est contra Charitatis ordinem, quod plus sibi quam alteri quis tenetur.

Alterâ causa est vrgens necessitas, cum nimirum periculum imminet Episcopo vitæ, nisi discedat ab Ecclesia, vel ob infirmitatem, vel ob persecutionem alicuius tyranni, vel aliqua simili causa: tunc enim potest ad tempus recedere, dummodo tamen non sequatur spirituale detrimentum gregis: tunc enim

debet mortem appetere potius : in hoc enim casu illud verificatur, *Bonus Pastor ponit animam suam pro ouibus suis*. Cum igitur tyrannus, vel hereticus nocere ouibus studet spiritualibus, potius debet pastor mori, quam oues deferere.

Tertia causa est, euidens reipublicæ utilitas : in utilitatem enim totius Regni, vel Prouinciæ temporalem potest etiam Episcopus abesse; Debet tamen ista causa esse cum necessitate: cum enim aliter quam per Episcopum potest id fieri, non debet Episcopus abesse: vnde isti Episcopi, qui curam rerum secularium regni gerunt, cum id ex necessitate fit, licet abesse possunt : cum verò extra necessitatem, quia æquè per non Episcopos fieri res potest, non videntur exulari. Debet autem ista utilitas esse euidens; nam cum non ita nota est melius est, vt Episcopus maneat in sua Ecclesia, immò manere tenetur.

Quarta causa est, euidens Ecclesiæ utilitas: cum enim propria indiget Episcopi absentia, ad aliquid pro ea procurandū, abesse potest. Similiter in utilitatem vniuersalis Ecclesiæ, vt cum Concilium generale, vel prouinciale congregatur. Similiter cum legatione aliqua fungitur in beneficium totius Ecclesiæ, quæ non ita bene, nisi per Episcopū fieri potest: cum enim aliter potest, non licet abesse.

Vltima causa est, debita obedientia : cum enim Papa imponit aliquod negotium Episcopo, quod requirit ad tempus absentiam, abesse potest. Sed attende, quod non sufficit obedientia tantum, sed debita, quia cum absque causa rationabili aliquid præcipitur, non debemus audire, nec obtemperare pro solo libito excusat à præsentia suæ Ecclesiæ Episcopum, nisi cum necessitate aliqua. Maxime igitur causa attendenda est, ne sit inferioris momenti, quam utilitas propriæ Ecclesiæ, & sit cum necessitate aliqua. Hæ sunt causæ, ob quas Episcopus potest ad tempus non residere, sine quibus abesse, vt diximus, mortale est peccatum: cuius grauitas ex quibusdam malis, quæ sequuntur, percipi potest. Sunt enim seculares irreuerentes, Clerici irreligiosi, perit doctrinæ puritas, & pauperes nimis patiuntur, & multa alia sequuntur incommoda. Hoc igitur primum est, ad quod Episcopus tenetur.

Secundo, tenetur ordines per se ipsum conferre, vt habetur eadem sess. cap. 3. Quod si aliquo legitimo impedimento detentus non potest, mittat suos, probatos & examinatos prius ad alium Episcopum. Adde etiam, quod tenetur Confirmatio-

tionis sacramentum adhibere, quod non nisi per Episcopum administrari potest: in quo mirabilis est abusus: multi enim sunt senes non confirmati, defectu Episcopi non ministrantis. Debet etiam singulis annis chrisma conficere ut baptizandis nouum detur: ut habetur de consecr. dist. 4. cap. omni tempore. Hac igitur, quæ non nisi per Episcopum ministrari debent, tenetur sedulo & diligenter, pro necessitate exhibere.

Tertiò tenetur ordines non nisi dignis conferre: unde, admittere ignorantes, & homines malæ vitæ ad sacros ordines, nullamque in hoc, aut paruam facere diligentiam, & examen mortale peccatum est. Rursus non sunt admittendi, qui nullam victus rationem habent ad sacros ordines; & si Episcopus admittat, tenetur ipsis alimenta præstare.

Quartò, tenetur beneficia conferre dignis, & ijs, qui tale possint beneficium exercere; est autem sufficientia maior vel minor, pro beneficiorum qualitate petenda: Nam maius est officium Curati, quàm simplicis. Qui autem relicto digno, confert indigno, peccat mortaliter, & tenetur ad restitutionem secundum omnes. Ista autem restitutio est Ecclesiæ illi faciendæ, cuius est beneficium, ut tenet Siluest. verb. restitutio. 3. §. 5. & Sor. lib. 4. de iust. & iur. q. 6. art. 3. contra Caiet. qui dixit esse digno faciendam. Non solum autem est digno conferendum beneficium, sed digniori: si enim relicto digniori, conferat digno, mortaliter peccat Episcopus (non tamen tenetur ad restitutionem ullam) dum non sit aperte dignior, & in notabili excessu. Cum enim res est dubia, vel excessus est paruus, vel probabiliter tantum maior ab aliquo speratur futurus excessus, non esset mortale, non digniori conferre.

Quintò, tenetur concionari, & seminare verbum Dei per se, ut habet Concilium Tridentinum sess. 5. cap. 1. nisi legitimo contentus impedimento sit. Tunc tamen debet providere sufficientes homines, viros doctos & probatos, ac sanæ doctrinæ, qui id faciendū debetq; attendere, ne mala seminetur doctrina, & eos, qui seminant, à prædicatione coercere & expellere, quicūque illi fuerint.

Sextò, tenetur singulis annis synodum diocesanam facere, in qua provideatur de rebus ad statum suæ Ecclesiæ pertinentibus. Hoc autem fuit ius antiquum, dist. 8. per multa capita, sed renouatum est in Concil. Trid. sess. 24. cap. 2. de reformatione. vbi etiam præcipitur Metropolitans, singulis triennijs

Concilium prouinciale congregare, in quo omnes Episcopi, qui sub eis sunt, conueniant. Sunt enim aliquot causæ graues, vel totius Ecclesiæ, vel totius prouinciæ, vel alius Ecclesiæ, quæ non possunt facile, nisi in tali congregatione disponi.

Septimò, tenetur singulis annis visitare suum Episcopatum, qui si non potest totum, saltem maiorem partem, ita vt biennid totum visiteretur: si autem iustè impeditus fuerit, id faciat per Vicarium. Fuit autem ius antiquum. 10. qu. cap. relatum. cap. Episcopum, sed renouatum in Conc. Trid. ead. sess. cap. 1. in quo rationes, propter quas ista visitatio facienda est, ponuntur quinque, scilicet rectam, & orthodoxam doctrinam, expulsi erroribus, inducere, bonos mores tueri, prauos corrigere, populos exhortationibus & admonitionibus ad religionem, pacem, innocentiamq; accendere, omnia ad fidelium utilitatem constituere. Quod si omnia rectè se habere inuenerit, Deo gratias agat, vt habetur. 10. q. 1. cap. placuit.

Octauò, tenetur bonos ministros constituere, tam in foro interiori quam exteriori, & in hoc deficere ex negligentia crassa aut malitia, mortale est & graue. Hoc autem imponitur Episcopis in d. 89. c. decenter ne consanguineis tradat officia Ecclesiastica, & oppositum facere, mortale est: quod intelligitur, quando scandalum sequeretur, aut insufficientes sunt. His cessantibus posset eis ista committere, quamuis, si alij sufficientes essent, securius esset in æquali causa committere non consanguineis.

Nonò, tenetur mores populi diligenter considerare, & super populum vigilare, & peccata publica, vt adulteria, lusus aleæ, & similia prohibendo; & si opus est, castigando; & maxime peccata clericorum animaduertendo. Videre autem & permittere, horrendum est peccatum: nec excusatur Episcopus, si non sciat, nisi omnem adhibuerit diligentiam & inquisitionem ad hoc: hoc enim ad eius officium nimis spectat.

Decimò, tenetur esse vitæ irreprehensibilis, vt habetur ad Timoth. 3. vt nullum peccatum publicum committat, quod alijs possit esse malo exemplo aut scandalo: vnde, si quis concubiniarius esset (quod absit) vltra grauissimum peccatum fornicationis, mortaliter peccaret, & ratione scandali & mali exempli; totiesq; peccaret, quoties esset scandalo subditis. Nec satis est ei, etiam non peccare, sed debet exemplar esse virtutis subditis suis: est enim *Civitas supra montem posita*; & est lux quæ sic de-

se debet lucere, vt subditi videant opera eius bona, & glorificent
Deum Patrem qui in cælis est.

Vndecimò, tenetur eleëmofynas facere. Vt autem intel-
ligas quomodo ad hoc teneatur, aduerte, bona, seu redditus
Episcopi posse esse duplicia. Quædam sunt, quæ titulo ali-
quo sæculari habet, vel hæreditario iure à parentibus, vel dona-
tione aliqua vel aliqua alia causa. Quædam sunt iure Ecclesia-
stico habita. Aduerte rursus, in Ecclesia primitiua, vñq; ad tem-
pora Augustini, & Hieronymi, Episcopum & Clerum solitos
vivere in communi: vnde, bona, quæ vel ex decimis, vel ex fi-
delium deuotione offerebantur, erant indiuisa, & subdebantur
distributioni Episcopi, quæ partim ipsi, partim Clero, partim
fabricæ, partim pauperibus obueniebant. Postea verò, quando
quisque per se vixit, talia bona diuisa sunt in quatuor partes:
prima Episcopo seruata, secunda Clero, tertia fabricæ,
quarta pauperibus, & sic in omnibus ferè locis manet ista
diuisio.

Hoc supposito: dico primò de bonis iuris sæculari habitis,
non magis tenetur Episcopus facere eleëmofynas, quàm prin-
ceps alius aut dominus sæcularis: peccat autem, aut auaritia,
aut prodigalitate, sicut alij; potestq; vti in quouis vsu absq; re-
stitutionis obligatione.

Dico secundo, si alicubi ista diuisio bonorum Ecclesiastico-
rum non est facta, tenetur Episcopus nihil subtrahere Clero,
pauperibus, aut fabricæ: bona enim talia retinere, & sibi vsur-
pare non solum mortale est, sed etiam ad restitutionem obli-
gat, & in hoc omnes conueniunt.

Dico tertio, vbi iam diuisio est facta, Episcopus, subtractis
his, quæ ad decentem victum & vestitum, & domus ornatum
pertinent, & subtractis his etiam, quæ gratia pietatis & cha-
ritatis potest in alios consanguineos indigentes, aut famulos
distribuere, tenetur residuum dare pauperibus sub mortali: &
in hoc omnes conueniunt; quamuis sint discordiæ. Quidam
enim dicunt teneri ad restitutionem, quia non habet domi-
nium illius portionis pauperum: quidam, non teneri, quia
habet ipsum dominium. Credo nò teneri cum sancto Thom.
2.2. q. 185. quicquid tamen sit, mortale est malè ista expendere.
Possent quidem ex his, quæ ad decentem statum pertinent,
subtrahere aliqua, se restringendo, quæ in quouis vsu pos-
set expendere, aliter non. Qualis autem debeat esse status Epi-
scopi & victus, audi Concil. Carthag. 3. Can. 15. in hæc verba

Episcopus vilem supellestem, mensam, & victum pauperem habeat, & dignitatis suae auctoritatem, in fide, & vite meritis quærat. Quia canon in Concil. Trident. sess. 25. cap. 1. reformatus est, parum mutatis verbis. Verba sunt ista Concil. Trid. *Exemplo patrum nostrorum in Concilio Caribaginesi, non solum iubet, ut Episcopi modesta supellestili, & mensa, ac frugali victu contenti sint; verum etiam, in reliquo vite genere, ac in ea eius domo caueant, ne quid appareat, quod à sancto hoc instituto sit alienum, quodque non simplicitatem, Dei zelum, ac vanitatum contemptum præ se ferat.* Hæc Concilium. Et attende ibidem interdicti, ex Ecclesiasticis bonis consanguineos, fratres, nepotesve augere: hoc enim, nullo modo licere ibi Concilium docet: quamvis possint, si pauperes sint, mediocriter eis providere. Et hæc omnia etiam dicta esse vult de Cardinalibus. Ex his fit, ut Episcopi, licet testamentum condendi à Papa habeant facultatem, non possint aliter de bonis his disponere, quam in vita poterant. De quo vide Nauarr. cap. 25. numer. 119. Hæc autem omnia de bonis Ecclesiasticis, dicenda sunt de Curatis, & de beneficiatis, & his, qui titulo Ecclesiastico, bonis Ecclesiarum fruuntur.

Duodecimò, tenetur Episcopus, si ex aliqua religione assumptus est ad seruanda statuta religionis: de quo vide S. Th. loco allegato: tamen cum discrimine ad essentialia vota tenetur. Tenetur ad castitatem: maius enim est vinculum Episcopi monachi, quam non monachi in castitate: si enim Papa cum monacho non potest dispensare, nec etiam potest cum Episcopo monacho. Tenetur ad obedientiam: quod hæc commutata est ad Papam; sicut Generalis ordinis, non eximitur ab obedientia, sed commutatur ad Papam. Tenetur ad paupertatem: quamvis enim bona habeat, non dominium, sed usum habet, ut tenet Syl. ver. monachus: quamvis Soto libr. 10. q. 4. velit ad paupertatem non teneri. Tenetur seruare suum habitum, & ad alia, quæ potest cum statu tali seruare; ut, vesci piscibus, sicut Carthusianus, nisi cum eo dispenseretur. Ad ea verò, quæ non possunt esse in tali statu, non tenetur, ut ad solitudinem, multam abstinentiam, & claustrum. Aduerte tamen, quod non obligat ista ad mortale, si in religione ipsa, seu monasterio non obligant; & in casibus, in quibus superior poterat dispensare cum monacho, potest Episcopus sibi dispensare.

Decimotertiò, tenetur Episcopus, si fecit votum religionis simplex, intrare religionem, & deserere Episcopatum, tamen

petita licentia Papæ, quam petere tenetur, vt habet Syl. ver. votum, §. 1. ex Palud.

Decimoquartò, tenetur Episcopus discordes vicinos, si potest, in concordiam, & pacem redigere, vt habetur 90. dist. cap. præcipimus.

Tenetur decimoquintò, Notarios conuocare, & petere testamenta, & examinare an impleta sint: si autem non sunt, implere facere: ita habetur c. si hæredes, de testam.

Decimosexto, non debet leuibus de causis excommunicationem fulminare, Concil. Trid. sess. 25. cap. 3. sed graui causa ac forma iuris seruata, de qua diximus in materia de excommunicatione.

Decimoseptimò, quando videt se non posse implere munus, sed peccare non implendo, vel præbere graue scandalum, tenetur relinquere Episcopatum, petita licentia, c. nisi cum pridem, de renunciatione. Multa alia sunt, quæ Episcopus facere tenetur, quæ in præsentì relinquimus, in alio loco & tempore diuino fauore dicenda latius. Vtinam ista, quæ diximus, Episcopi facerent, sicut tenentur, sperarem ad pristinam innocentiam in breui Ecclesiam Dei reformandam.

De Curato.

CAPVT V.

DV o erga Curatum, id est, habentem beneficium cum cura assignatum, pensanda sunt. Alterum est, in ipsa beneficii collatione, alterum post.

In collatione consideranda sunt ea, quæ in Curato sunt necessaria.

Primò, debet esse legitimus; Qui autem illegitimè natus beneficium habet curatum absq; Papæ dispensatione, nec potest redditus percipere, nec beneficium retinere. Dico autem, sine Papæ dispensatione: nam in beneficio non curato potest Episcopus dispensare.

Secundò, debet agere annum vigesimumquintum, c. in cunctis, & c. licet canon, de electio. si nondum hunc attigit annum sine dispensatione non potest retinere beneficium, nec fructus percipere.

Tertiò, debet post collationem beneficii curati, intra annum Sacerdos fieri, aliter perdit titulum ipso facto. Quod quidem intel-

intelligendum est de Curato non collegiato. De collegiato enim locum hoc non habet, vt determinatur in c. statutum, de elect. Potest Episcopus dispensare per septennium, gratia studij, vt habetur c. cum ex eo. de elect. in 6. dummodo in primo anno fiat subdiaconus.

Quintò, debet habere, cum suscipit beneficiū curatum, animum clericandi: qui enim non habet, vltra mortale peccatum, tenetur ad restitutionem fructuum perceptorum pro toto illo tempore, donec animum mutet. Quod intelligendum est de curato etiam non collegiato, vt habetur in c. commissa, de elect. De alijs beneficijs alij idem censendum putant, tamē, cum non sit ius ad hoc obligans, non videtur esse poena amplianda. Peccaret quidem mortaliter qui animo ducendi uxorem, retineret beneficium aliquod, tamen restitutioni non esset obnoxius. Nauarr. cap. 25. num. 124. & Soto lib. 10. q. 5. art. 6. At Gabr. 3. d. 15. q. 8. ar. 3. tenet obligari ad restitutionem in omni beneficio, etiam non curato.

Quintò, debet esse idoneus ministerio & officio, quod assumit Conc. Trid. sess. 7. cap. 3. vnde cui necessaria scientia deest, nec animum habet discendi, vel non cognoscit se aptum ad discendum, vel qui peccator est publicus, nec de emēdat one cogitat, peccat mortaliter, suscipiendo beneficium curatum, & peccat, retinendo, nisi mutetur.

Postquam autem iam constitutus est in beneficio, ex officio suo ad multa tenetur.

Primò, si aliquid ei deest ad officium necessarium, tenetur, in quantum potest curam adhibere, vt, si ~~trans~~rans est dilecti, quæ necessaria superius diximus; si male vitæ, se corrigat, & si cognoscit se omnino inhabilem ad id agendū, tenetur renuciare, c. nisi cum pridem, de renunciatione.

Secundò, si duo habet curata, vnum intra sex menses, post Concil. istud Trid. numerandos relinquere, aliter, vt, si ipso iure vacat. Quando autem curatum est pingue & sufficiens sustentare, peccatum esset, aliud simplex habere, nisi aliquibus causis excusetur, propter quas multa simplicia beneficia potest habere, v. dicemus. Cum verò non sufficit decenter sustentationi, potest aliud simplex habere, cum dispensatione tamen Papæ. Duo tamen residentiam exigentia habere non potest iuxta decretum Concilij Tridentini sess. 24. cap. 17. de reformatione. Tenetur etiam Curatus intra duos menses post collationem, & acceptam possessionem, facere professionem in
mani.

manibus sui Episcopi, seu eius Vicarij, in qua iure publicè obedientia Sanctæ Romanæ Ecclesiæ, vt habetur in Concil. Trid. sess. 24. cap. 12.

Tertiò, tenetur residere. Hæc autem residentia est sic intelligenda iuxta Concil. Trident. sess. 23. cap. 1. de reformatione, non potest abesse, alias perdit omnes redditus pro tempore absentia, vt dictum est de Episcopo. Quando autem abesse potest absq; peccato, & pœna, debent conuenire quatuor conditiones.

Prima, vt sit rationabilis causa, qualem diximus de Episcopo.

Secunda, vt sit probata ab Episcopo talis causa, & in scriptis.

Tertiò, vt ad summum absentia sit per duos menses.

Quartò, vt hoc tempore ex redditibus beneficij illius provideatur alicui, qui benè, & absque defectu suppleat locum alterius.

Rursus quartò, tenetur celebrare singulis diebus, pro parochianis, non pro alijs, secundum Sorum, lib. 9. q. 3. ar. 1. Hoc tamen intelligendum est, cum redditus decimarum pingues sunt. Crediderim tamen, sufficere celebrare Dominicis, & diebus festis, & aliquot etiã ex diebus alijs, licet non omnibus celebret. In hoc tamen multum consuetudo attendenda, & obseruanda est. Cum autem impeditus est, debet suis expensis alium substituere, qui pro eo celebret.

Rursus quintò, tenetur populo prædicare, vt habetur Sess. allegata 24. Docere populum doctrinam Christianam, & credenda necessaria, & peccata communia, & generales virtutes: quamuis non sit necessarium prædicare per se, si alium constituat, qui prædict. Hoc autem Dominicis, & festis faciendum est.

Sextò, tenetur ministrare Sacramenta, non solum tempore obligationis, sed etiam cum suscipiuntur ex deuotione.

Septimò, tenetur inquirere in parochia sua peccatores publicos, & vitia publica, & corrigere per se, vel Episcopo ministrare, & scire an singuli parochiani confiteantur, & communient in quadagesima, & audiant sacrum diebus festis.

Octauò, debet infirmos suæ parochiæ visitare, & scire an Sacramento indigeant, quia periculosus est morbus, & debet ministrare, ipsosque ad suscipiendum exhortari, & ad faciendum testamenta, & alia Christiana opera. Et in hoc non ex-

qui officium, est grauiſſimum peccatum mortale. Mori enim continget aliquem, & damnari, qui, ſi ſuſciperet Sacramētum, ſaluus eſſet.

Tenetur non dō, ſepelire etiam pauperes ſuæ parochiæ, licet nullam inde eleēmoſynam ſperet, & illorū animas Deo commendare. Hæc ſunt præcipua, ad quæ Curatus tenetur.

De quinto præcepto, & peccato ſe occidendi.

CAPVT IV.

Quintum præceptum eſt, *Non occides*. Erga quod hæc ſex tractanda ſunt.

Primò, quid ſit homicidium.

Secundò, quor ſint differentiæ homicidij.

Tertiò, quor modis contingat occidere.

Quartò, quando peccatum ſit, & quòmodo.

Quintò, quæ circumſtantiæ ſint in homicidio neceſſariò conſiderandæ.

Sextò, quòmodo præceptum hoc ſit intelligendum.

Circa primum, facile poteſt ex ipſa nominis etymologia homicidium deſcribi. Eſt enim hominis occiſio: quamuis Theologi, non quamcumque occiſionem hominis, vocent homicidium, ſed quæ eſt cum peccato, vnde ſic deſcribi ſolet, *Homicidium eſt iniuſta hominis occiſio*. In iure autem tale homicidium, quod cum peccato ſit, dicitur homicidium voluntarium.

Circa ſecundum nota, tria eſſe in homicidio, ex quorum ſingulis, ipſum diuidi poſſit. Eſt qui occiditur, & ex iſta parte diuiditur in homicidium, quo quis ſe occidit, & quo occidit alium. Eſt etiam qui occidit, & ex iſta parte diuiditur in homicidium, quo aliquis occidit ex intentione occidendi, & in homicidium, quod accidit abſque intentione, quod dicitur caſuale. Eſt etiam ipſa occiſio, & ex hac parte diuiditur homicidium, in id, quo immediate quis occidit, cum nempe adhibet ipſam actionem, quæ occiſio dicitur, vt qui gladium tranſigit per corda, immediate occidit; & in id, quo mediatè quis occidit, nempe cum adhibet id, quod occidit, vt qui miniſtrat venenum, dicitur occidere, quia adhibet venenū, quod poſt occidit. Eſt igitur homicidium mediatum, & immediatum.

Circa tertium aduerte, quinque modis posse aliquem occidere hominem, se, vel alium; facto, precepto, consilio permissione, auxilio. Facto occidit, qui adhibet actionem occisionis, puta, percutit, aut etiam applicat id, quod occidit, vt qui ministrat venenum, Precepto, qui iubet alicui, vt alium facto occidat, vel faciat occidere. Consilio, qui ad hoc adhibet consilium, Permissione, qui non impedit alterius occisionem, cum possit, & debeat. Auxilio, qui alterum iuuat ad occidendum: omnibus his modis occidere contingit.

Supereft, vt erga quartum caput examinemus, quale peccatum sit occidere.

Incipiendo ergo ab homicidio, quo quis se occidit.

Sit prima conclusio, Occidere se immediate, & ex intentione, est mortale peccatum ex genere suo, & nisi excusetur in deliberatione aliqua, est verè mortale contra charitatem, qua quis tenetur se diligere; contra iustitiam, qua homo tenetur versus Rempublicam. cuius pars est, & qua tenetur versus Deum, cuius creatura est, quocumque sine id fiat, vel ad euitandum maius malum, vel infamiam, vel propter peccatum commissum, vel propter peccatum, quod probabiliter timeretur, nullo modo vnquam id licet. Vnde Sylu. verb. homicidium, 1. §. 4. conclusio habetur 23. quæst. 5. can. si non licet, & can. placuit. In hoc enim præcipitur, ne oratio fiat pro occisione sui. Ratio autem est, quia homo non est dominus vitæ suæ, sed tantum custos. Non obstat, Sampsonem se occidisse, & aliquas virgines, hoc enim Spiritus sancti reuelatione factum esse respondendum est, vt docet Augustinus. 5. de ciuitate Dei à capit. 17. per multa, vbi de hac materia loquitur. Non solum autem peccat qui se occidit, sed qui præcipit, vel consulit, vel iuuat, vel, cum possit facile prohibere, non prohibet: sunt enim isti suo modo homicidæ; & mortaliter peccant.

Secunda conclusio. Membrum aliquod immediate, & ex deliberatione sibi abscindere, ex genere etiam suo mortale est, & qui se mutilat, si sacerdos, clericus, vel monachus est, incurrit excommunicationem, si quis suadente, vt dicunt Ioan. Andr. Panormit. Felin. c. cum contingit, de sent. excomm. Vide Nauarr. c. 15. num. 11. dist. 55. can. si quis absciderit & can. qui patrem. Hoc autem est, quia homo non est Dominus membrorum suorum, vt habetur l. liber homo, ff. ad legem Aquil. quamuis id fiat prætextu sanctitatis. Vnde, abscin-

abscindere partes viriles ob castitatem, mortale peccatum est. Similiter aliquid bibere ad sterilitatem, vt fœminæ faciunt, mortale est, quia se priuant potentia generatiua naturali. Peccant etiam illi alij, sicut in homicidio, consulendo, iuando, &c.

Licet tamen in duobus casibus membrum abscindere sibi.

Primò, ob sanitatem, vt qui abscindit manum putrefactam, vel aliud membrum.

Secundò, ob maius damnum vitandum: qui enim manum haberet veneno tactam viperæ, posset scindere, ne venenum cor comprimeret, & moreretur. Et hoc modo qui ab hostibus esset captus, & à quibus morē speraret, nec posset euadere nisi manum abscindendo, posset abscindere; Maior, 4. dist. 15. q. 22. dub. 1. & Sot. lib. 5. q. 2. art. 1. Dubium est, an teneatur pati membrum abscindi, aut sibi ipsi abscindere ad vitæ conseruationem, quando aliter non potest. Soto lib. 5. q. 2. art. 1. dicit non teneri. Est enim custos vitæ, quam non tenetur cum tãto labore conseruare. Vnde, medicamenta difficillima non tenetur acceptare. Est hoc etiam modo, si alicui daretur optio, vt, vel membrum aliquod sibi abscindere, ne ab alio occideretur, vel abscinderetur duplex membrum, posset sibi abscindere, vt fecit Iosephus, 2. libro belli Iudaici, cap. 27. qui abscindit sibi manum vnã, ne vtraque abscinderetur. Quamuis Sotus hoc non probet, lib. 5. q. 2. art. 10. Sed in vtroq; casu eadem mihi videtur ratio, cum sit ad maius vitandum malum. Quid enim refert esse ligatum, aut constrictum à tyranno; vt, nisi manum abscindat, mors, vel maius sequatur malum?

Tertia conclusio, se occidere permissiue, id est, permittere se occidi, ex se etiam est peccatum mortale. Tenetur enim homo vitæ suæ consulere, in quantum potest, & deber.

Sunt tamen aliqui casus, in quibus licet homini suam exponere vitam, & permittere se occidi, & mori; imò aliquando ad id tenetur.

Primus est, in fidei defensionem. Si quis enim cogere-
tur fidem negare, vel aliquod peccatum committere, sub pena mortis, tenetur mortem pati, etiam permittere se milles potius occidi, quam fidem negare, vel peccatum vllum admit-
tere.

Secundus est, propter vtilitatem totius Reipub. Vnde, si ciuitas esset circumdata ab hoste, vnus, quamuis innocentis, causa, & iste, si se offerret inimico, totam Rempub. liberaret à morte,

morte; tenetur se offerre, & mori. Ita habet Sotus lib. 5. de iust. quæst. 1. art. 7.

Tertius est, ob amici liberationem. Posset enim aliquis vitam pro amico exponere. Sotus lib. 5. de iust. q. 1. art. 6. vbi etiam dicit, quod si esset in mari, nec esset nisi una tabula, posset non accipere, sed relinquere amico, non tamen posset dare. Sed ego vtrumque iudico esse par, & ita concedit Victor. rep. de homicid. num. 26. & similiter concedit de porrigente panem in extrema necessitate alteri, & Sot. lib. 5. qu. 1. artic. 8. vbi dicit, aliquando teneri permittere se occidi potius, etiam ab iniusto inuasore; aliquando teneri se defendere, etiam occidendo, aliquando esse illi vtrumque liberum; verbi gratia, tenetur permittere se potius occidi in duobus casibus supradictis, & de porrigente panem in extrema necessitate. Alter est, si esset amicus capite damnatus, posset poenam pro illo sustinere, & in bello, vel alio periculo oblato, pro ipso mortem subire, licet non teneatur ad id. Aliquando autem non liceret, cum ipse esset publica persona, & reip. vel alijs multis utilis; non autem esset talis ille amicus: tunc enim teneretur se defendere, etiam occidendo.

Quartus est, ob bonum proximi: non enim solum pro amico, sed pro proximo potest quis mori, & se occidi permittere. Et hoc modo, qui inuaditur ab alio, nec potest fugere, licet possit occidere inuadentem, licet tamen ei (ne hostis in peccato moriatur) permittere se vinci, & occidi, dummodo etiam non sit talis persona, qualem diximus in tertio casu.

Quintus est, ratione iustitiæ: cum enim quis damnatus est morte, potest, & tenetur omnes actiones, quæ dispositiones sunt ad occisionem, exhibere, vt, si suspendi debet, ascendere scalam, & collum funi apponere, & alia, sed non potest se eijcere à scala, nec occidere, nec licet se defendere à iudice vulnerare, vel pugnare, licet sit innocens. Vnum tamen licet, cum in carcere est, fugere si potest, licet iuste sit comprehensus. Immo potest rumpere vincula, & murum forare, seu frangere portas. Non tamen licet vlli nocere: teneturque restituere tantum damnum illatum ex ruptura. Ita tenet Sotus lib. 5. q. 4. art. ult. & Caiet. 2. 2. qu. 69. & alij: quamuis aliqui contrarium putent. Imò vult Caiet. quod alij possunt isti ministrare instrumenta, & auxilia: Soto tamen negat, & ita videtur negandum. Similiter, qui damnatus est, vt inedia moriatur, potest cibos, si possit habere, sumere absque peccato. Immo Caiet. putat teneri ad

sumen-

sumendum si possit: tamē Soto loco allegato, putat non teneri, sed posse sententiam sustinere, sicut potest ille in carcere manere, & mortem expectare. Et hoc mihi ita videtur. Posset tamen illi aliquis cibos dare, non tamen tenetur ad id, sicut teneretur administrandum ijs, qui sunt in extrema necessitate vt dicit S. Thomas 2. 2. q. 31. art. Similiter, qui damnatus esset leonibus, posset se defendere ab illis, licet non teneatur se defendere. His omnibus casibus potest se quis occidi permittere.

Quarta conclusio, occidere se, mediātē adhibendo, & aggreduendo ea, ex quibus mors certa, aut probabilis sequitur, peccatum est mortale ex genere suo. Excusatur autem ob tres causas.

Prima est iustitia: qui enim damnatus est tali morte, potest absque peccato id facere, vt, qui sumit venenū; ita dicit Victor. repet. de homic. num. 30. & 32. de militari arte, & navigatione, in qua videtur homo exponere se periculo (licet Soto neget posse sumere venenum) aut qui intrat domum leonum, cum tali est morte damnatus.

Secunda est probabilitas contraria, cum, licet sit factum, vt mors sequatur, tamen in tali homine probabile est mortem non euenturam. Et sic, non peccant mortaliter isti funambuli, & aggressores taurorum, cum sint exercitati in tali arte, vt habet Nauarr. cap. 15. & si aliquando accidat mors non ob id mortale peccatum est, quia in illo fuit multum accidentalis.

Tertia est inaduertentia, vi qui se ita in absentijs mactat, vt mors sequatur, si iste se occidere intenderet, absque dubio mortaliter peccaret, at si id non intendit, tamen aduertit, & cognoscit se occidi, etiam peccat, vt habet S. Thom. 2. 2. q. 147. art. 1. cum tamen non aduertit, sed ex deuotione facit, non mortaliter peccat. Hæc igitur dicta sunt de homicidio sui. Sequitur nunc vt dicamus de homicidio alterius, cum intentione occidendi; cum quis occidit, aut percutit alium cum voluntate, seu intentione occidendi, & percutiendi, & hoc peccatum est mortale, & graue, contra iustitiam, & contra charitatem proximi. Tribus autem causis solet excusari, iustitia, necessitate, inconsideratione.

In primis occidere hominem ex iustitia, non est peccatum, imò est actus iustitiæ meritorius, si fiat, vt fieri debet. Fiet autem, si concurrant quinque conditiones, quarum vel vna deficiente, mortale est peccatum.

Prima conditio est, ut sit ex autoritate publica: cum enim occidere hominem licitum sit, ob bonum publicum, illius est habere facultatem occidendi, cuius est publicum, bonum conservare, qualis est Respub. Dux, vel Princeps, vel alij huiusmodi. Nullus igitur absque autoritate publica, propria, vel commissa, potest occidere hominem, quamvis nocentissimum. Est autem mortale sic occidere, unde peccat, qui inimicum, quavis dignus sit morte, propria occidit auctoritate.

Est autem unus casus, in quo licet privato cuilibet occidere, cum puta, Tyrannus est in ciuitate aliqua, quem aliter non possunt ciues expellere. Ita habet S. Thomas 2. sent. dist. 44. q. 2. art. 2. & opusc. 20. de regim. princip. ca. 6. ubi dicit, non peccasse Brutum occidendo Cæsarem. Tamen aduerte, duplicem esse tyrannum, unum potestate, & dominio, qui non habet titulum verum, sed tyrannicè occupat Rempubl. & hunc licet occidere, ut diximus, dum aliter non potest respub. liberari, & dum spes est probabilis libertatis; aliter, non licet privato cuilibet occidere. Alterum tyrannum administratione, qui habet quidem verum titulum, sed tyrannicè tractat subditos, & hunc non licet absque publica auctoritate occidere, & asserere contrarium damnatur ut hæreticum in Concilio Constant. Sessio. 15. Non tamen ista damnatio de priori tyranno est intelligenda. Alius casus est, cum priuata persona habet auctoritatem publicam, & sic licet in bello iusto occidere, 23. q. 5. can. si homicidium: sic etiam licet bannitos occidere, quando respublica dat facultatem cuilibet, tamen ut dicit Siluest. verb. homicidium, l. 1. debet esse intra iurisdictionem illius reipublice: nam in alieno territorio non licet, nisi ex eius facultate expressa, aut tacita, aut probabiliter præsumpta: Non tamen licet marito occidere uxorem in adulterio comprehensam, 43. q. 2. can. inter hæc: nam lex civilis, quæ non castigat, est permissiua tantum.

Secunda conditio est causa: non licet enim hominem absque causa occidere; & non quauis, sed graui & pertinente ad bonum publicum. Vnde, causa leui occidere, graue peccatum est, sine causa autem, est grauissimum: non enim licet innocentem occidere propter bonum reipublice. Vnde, si esset circumdata respublica, nec aliter liberari posset, nisi tradendo innocentem, non liceret morti eum tradere inimicorum manibus; quamuis possit non defendere ipsum ob comune bonum, & ipse teneatur se tradere, ut supra diximus. Est tamen unus, casus,

casus, in quo licet innocentem occidere, cum probatus est nocens: nam iudex secundum allegata, & probata procedere debet. Verum est, quod, cum iudex innocentiam cognosceret, tenetur facere (vt vicit S. Thom. 2. 2. q. 64.) aliqua.

Primò diligenter se examinare testimonia. Secundò, si speret profuturum, remittere ad superiorem iudicem, & testificari veritatem pro illo. Tertiò, differre sententiam, quantum fieri potest; imò si fieri posset absque ullius damno; posset secretò dimittere à carcere.

Cum autem nihil horum fieri potest imò si fieri posset, licet occidere, secundum communiorē sententiam. Nec mirum est in isto foro, innocentem pati: nam restat Dei forum, in quo omnis iniustitia castigatur, & iustitia premium consequatur.

Tertia conditio, est etiam necessarius iuris ordo; damnare enim non seruato iuris ordine, est mortale, licet causa, & autoritas sint. Hic autem ordo in tribus consistit.

Primò, vt ob peccatum occultum nullus occidatur. Non enim Rex potest, absque graui peccato damnare nocentem occultū, sed opus est crimen esse notorium, aut sufficientibus testimonijs conuictum, aut propria rei confessione sponte facta prolatum. Dixi autem, *sponte facta*. Nam si alicui absque iudicio, vel semiplena probatione, vel infamia notabili, daretur tortura, in qua confiteretur crimen, nō esset omnino damnandus, & damnare est mortale, cum nō sit sponte facta confessio: nam tortura violenta fuit. Dicitur autem violenta, quia absque causa fuit inflicta. Imò peccant grauius iudices in eo, quò fraudulentis verbis, & promissionibus extorquent crimina, quorum nullum habent iudicium, aut semiplenam probationem; & ob talem damnare confessionem; peccatum grauiusimum est.

Rursus secundò debet esse accusatio. Nisi enim crimen accusetur, non potest damnari nocens, nisi reperiretur in flagranti delicto: illic enim est virtualis accusatio, & testimonium.

Rursus tertiò debet citari, & debet tempus tradi nocenti, vt respondeat; quamuis, vt dicit Silu. verb. homicidium, §. 3. in aliquo casu, licet damnare nocentem inauditum, cum potest esse, nec aliter posset iustitia impleri. Debent tamen semper esse testimonia, aut notorium crimen.

Vltimò hæc debet cura adhiberi, vt occidendo administretur

tur confessio, & consolatio spiritualis, & oppositum facere, peccatum est, nisi cum res est repentina, nec aliter posset iustitia impleri: tunc enim sufficeret dare aliquod tempus, ut homo conteri posset.

Adhuc istae tres non sufficiunt, sed est quarta conditio necessaria, animus rectus iudicis, non enim ex ira, vel inuidia, vel passione, sed ex zelo iustitiae occidere debet: si enim occideret ex passione, quia nocens inimicus erat, quamvis alia concurrerent, mortaliter peccaret. Hoc etiam idem dicendum est de ministris iustitiae.

Quinta est necessaria conditio, ut homo non sit persona ecclesiastica; nam in maioribus ordinibus constitutum, non habens Papae facultatem, peccat mortaliter occidendo, aut tamquam iudex, c. clericis, ne cleric. vel monac. aut tamquam minister. In minoribus vero constitutum, ut habet Soto lib. 5. mortaliter non peccat, sed venialiter.

Haec igitur est prima causa, ob quam licet hominem occidere cum voluntate occidendi.

Alterca causa erat necessitas. Ob necessitatem enim licet absque publica auctoritate occidere. Hoc autem in quatuor casibus licet.

Primum, ad vitam defendendam, suam, vel amici, vel parentis, filij, vel coniuncti, ut habet glossa. Clem. vnic. de homici. Tamē hic contrahitur irregularitas, non autem ad sui defensionem, ut habet Glossa. Cum enim homo inuaditur ab inimico, si aliter non potest vitam conseruare, nisi occidendo illum, licet occidere. Clem. vnic. de homi. vbi habetur, quod tunc non fit irregularis; imò, si inuasus esset aliquis, qui sit persona publica, & multum utilis in Republica tenetur vitam conseruare, & alium occidere. E contra aut, si inuasor esset persona multum publica, & necessaria in republica, potius inuasus debet se pari occidi, & tenetur, quam occidere. Cum tamen neuter occurrit casus, potest occidere, & potest etiam permittere se occidi, & hoc vltimum est magis meritorium. Hinc patet solutio illius casus, quem Soto non audet determinare: si esset forma à marito conclusa in cubiculo, à quo fugere non potest, habetq; vir pugionem ad ipsam confodiendam, expectat tamen, ut ipsa quiescat, an liceat vxori praeuenire, & occidere virum? Dico licere, & ratio est aperta: nam iam est inuasa, cum primum à marito conclusa est, & expectat paratus occidere: nā si tunc non est tempus se defendēdi, profectò nullum aliud erit;

& est simile de illo, qui pręparat bombardam, vt alium occidat, sed ille aliam iam habet pręparatam; profecto ridiculum esset dicere, hunc debere expectare, vt ille pręparet, & inciperet emitte, qui potest pręuenire. Ita etiam dicendum est de illa famina, si aliter non potest euadere.

Secundus casus est, ad honorem suum defendendum, Ioan. de Anan. ca. suscepimus, de homicid. potest etiam alium occidere, vt habet Silu. verb. homicidium 1. & communiter omnes docent, Ex quo fit, vt si nobilis inuasus posset vitam saluare fugiendo non tenetur, (si inde infamiam contrahit) fugere sed occidere hostem potest, si aliter vitam cum honore tutari non potest. Similiter si non potest fugere iniuriam notabilem inferendam, vt ligni percussione paratam, potest enim tunc occidere inimicum.

Sed duo hęc aduertenda sunt, primum est, hoc non licere omnibus, nisi nobilibus, & personis, qui suum tutari honorem maxime, obligantur, vnde nullus clericus, aut monachus potest in illis casibus occidere, sed tenetur fugere, aut talem iniuriam pati.

Secundum aduertendum est, post cōtractam iniuriam iam non licet occidere; id enim est se vindicare: solum autem licet ad vitandam infamiam, ne contrahatur: vt ligno percussus nō potest absq; peccato mortali occidere inimicum, & attende, quod debet esse verus honor, & infamia: non enim debet mensurari hoc, nisi per existimationem hominum prudentium, & cordatorum.

Tertius casus est, ad tuendam rem; Caje 2. 2. q. 64. art. 7. & Anton. 3. par. tit. 4. c. 3. Cum enim aliter res haberi, & recuperari non potest, licet latronem occidere, non solum nocte, sed etiam die; si tamen spes esset recuperandi rem illam, non liceret occidere. Hoc tamen non licet Ecclesiasticis personis, qui potius debent bonorum iacturam pati, quā occidere, vt habet Panorm. c. suscepimus, de homic. In eod. c. id habetur de monacho. Satus, inquit, est post tunicam relinquere pullium, quam pro rebus transitorijs, tam acerbe in alium exardescere, his enim licet tantum occidere ob vitam saluandam.

Quartus casus est, ob castitatem. Posset enim femina, aut iuuenis, ob seruandam castitatem occidere inuasorem, cum aliter se defendere non potest. Notandum tamen est, quod quamuis ab alio superetur, si non consentiat interius in actu turpi, non peccat, nec virginitatem amittit, si virgo erat: Vnde Silu.

Silu. verb. homic. §. 8. dicit, quod potest non occidere, quamvis possit, sed pati se corrumpi, dum cōsensum cohibeat in delectatione: tamen, quia periculosum est hoc, securus esset occidere, si possit, illudq; remedium sumendum est, cū aliud non occurrit.

Tertia causa est inconsideratio. Cū enim aliquis motu repentino correptus, adeo, ut non sit rationis compos, alterum occidit, à peccato mortali liber est: tamen raro evenit hoc, quia homicidium non ita fit repente, quia homo possit deliberatione uti: si quando tamen ita occideret, non esset mortale, nisi consensus in facto post sequatur.

Hæc igitur sunt circa homicidium cum intentione occidendi.

Aduertendum tamen, non semper licere ob vitæ propriæ defensionem alium occidere: in duello enim iniusto, peccat mortaliter, qui alterum occidit. Dico iniusto, quia aliquando licitum est: ob se dandum enim aliquos exercitus contrarios, licet pugnam ad duos reducere: similiter, cū aliquis cogitur sub vitæ periculo aggredi duellum. Cætera tamen sunt impiissima, & peccatum graue mortale, de quibus Concil. Trid. sess. 23. c. 19. sanctissime quatuor instituit.

Primum, excommunicat omnes Imperatores, Reges, Marchiones, Duces, & Dominos, qui in suis terris facultatem faciunt duelli; & non solum excommunicat lata sententia, sed priuat dominio locorum, ita ut, si sunt loca Ecclesiæ, recurrant ad ipsam, si autem feudalia, recurrant ad Dominos.

Secundò, excommunicat ipso iure patrilinos, & præscriptionis omnium bonorum eorum, & perpetuæ infamiae poenam infligit.

Tertiò excommunicat ipsos pugnantes, & infligit eandem proscriptionis, & perpetuæ infamiae poenam, & in pugna occisos priuat ecclesiastica sepultura.

Quarta, spectatores omnes excommunicat, & tandem hi omnes mortaliter peccant. Aduerte rursus non solum, qui occidit peccare, sed qui consulit, præcipit, iuuat, fauet, auxiliatur, ut supra diximus.

De homicidio sine intentione.

CAPVT VII.

DIximus de homicidio sui, & de homicidio alterius cum intentione occidendi, superest, vt de homicidio alterius absque intentione dicamus. Hoc autem aliquando est cum mortali, aliquando cum veniali peccato, aliquando sine vilo peccato: in cuius declaratione distinctio est notanda, dupliciter posse aliquem alium occidere, non intendendo ipsum occidere: vno modo, ipsum verè occidendo, quod alii qui vocant per excessum: altero modo, omittendo aliquid facere ex cuius omissione sequitur mors alterius. Erga priorem modum sunt duæ regulæ, erga posteriorem alia: duæ, eruntque numero quatuor obseruandæ, pro cognitione pleniorum horum.

Prima regula est, qui, faciens aliquem actum licitum, occidit præter intentionem alium, peccat magis, vel minus, iuxta negligentiam maiorem, vel minorem, quam adhibuit, ne occiso aliqua sequeretur: vbi autem nulla fuit negligentia, nullum est peccatum: verbi gratia, aliquis nobilis venatur feras, & projiciens sagittam, vel emittens bombardam occidit hominem, in hoc casu actus venandi licitus est nobili seculari, considerandum est, an fecit diligentiam aliquam ne casu aliquem occideret, si fecit, non peccauit occidendo; si non fecit, peccauit pro quantitate negligentia. Est autem pensanda negligentia, aut diligentia, iuxta periculum actus, vel minus sit enim locus venationis erat peruius, per quem multi transire solent, ipse autem nullam, vel paruam fecit diligentiam, vens bombardam, peccatum est mortale; si tamen locus erat desertus, & ipse parum diligentia adhibuit, est veniale. Rursus, aliquis tectum construens projicit lapides in via, si talis signum habet, vt transeuntes sibi caueant, si fortè occidat aliquem, non peccat; si tamen nulla videtur diligentia, siue paruam, cum locus sit nimis peruius, peccatum est mortale. Rursus, qui dormiens in lecto cum infante, suffocat ipsum, si non prius fecit diligentiam, maxime cum cognosceret, se per lectum multum volutari, peccat mortaliter. Est autem ista diligentia adhibenda, cum actus periculosus est mortaliter loquendo; cum autem non est, aut parum est, nulla, aut parua requiritur diligentia.

Secunda regula, qui faciens actum illicitum: aliquem præter intentionem, occidit, etiam post diligentiam adhibitam, peccat. Peccatum autem tantum est, quantus est actus illicitus, quem faciebat: verbi gratia, clericus venatur bombardas, & casu occidit hominem, peccat mortaliter; quia sic venari clerico interdictum est, & est mortale, unde in clerico est peccatum, quod nullum esset in seculari. Similiter, qui pugnat cum aliquo, animo non occidendi, & in pugna occidit, peccat mortaliter, si pugna illa peccatum mortale erat: cum verò veniale, quia pugna levis erat, venialiter peccat. Similiter, peccat ebrius, qui in ebrietate occidit aliquem, si sciebat se furere in ebrietate, & sibi non prouidit: est enim notandum vnum cum Soto lib. quæst. i. art. 9. quod non quicumque actus illicitus, ex quo sequitur homicidium, facit culpam homicidij, sed illicitus actus, in quo est periculum alterum occidendi: si enim nullum sit, tunc non reputatur pro illicito, quantum ad homicidium: unde, qui arborem alienam conscendit, gratia capiendi fructus, si casu cadat supra alium, & occidat, non ob id peccat homicidio, quia talis ascensus mortaliter non sic erat periculosus.

Tertia regula: qui omittens aliquid, quod ex iustitia tenebatur facere, est in causa ut alterius mors sequatur, peccat tantum peccatum, quanta est omissio illa, verb. grat. sunt latrones in terris alicuius Principis, qui occidunt & spoliant omnes viatores, si talis princeps non prouidet, & procurat, cum possit illos expellere, si fortè postea occidantur aliqui peccat in illis occisionibus, & mortaliter, quia omissio gratius erat.

Secundò, iudex tenetur noctu visitare ciuitatem; si non visitet, & casu aliquis ob id occidatur, peccat. Si omissio illa venialis erat, puta quia fuerat illa solùm nocte, & nullum timebatur periculum, venialis illi erit culpa homicidij: si verò periculum graue erat, quia in illa ciuitate homines erant multum rixosi, & inuicem inimici, mortale est.

Tertiò, aduocati, qui sua culpa non considerant causam innocentis, & ob id innocens morte damnatur, peccant mortaliter, si culpa notabilis est, nec excusantur ignorantia, quia tenentur scire, aliter non uti officio, vel tales non admittere causas.

Quartò, si medicus ignorans sit, & sua notabili culpa infirmus moriatur, peccat mortaliter, quia tenetur scire, sicut Principes,

cipes, & Iudices non excusantur, ignorantes pericula locorum, quia indagare tenentur.

Quinto peccat dominus, qui habet leones domi, & nō providet ne noceant alijs.

Sexto, peccant parentes, qui filijs parvulis permittunt arma, cognoscendo eos esse superbos, & iracundos; non enim excusantur à peccato homicidij, si aliquid sequatur.

Denique qui dominium, vel potestatem habent aliquam supra alios, tenentur providere, ut, ubi est periculum homicidij, non committatur, aliàs peccant pro ratione omissionis, & est peccatum contra iustitiam.

Quarta regula, qui omittens aliquid, ad quod ex charitate tenebatur, & ex tali omissione alter obit, vel occiditur, peccat iuxta gravitatem omissionis. Verbi gratia, qui alteri in extrema necessitate posito vitæ non succurrit, cum possit, mortaliter peccat, & si ille moriatur, peccat mortale peccatum homicidij.

Rursus, qui scit aliquem falsò accusatum morti inculpabiliter adiudicari, si ipse testificando verum potest liberare eum, tenetur sub mortali testificari: & si ille post patitur mortem, peccat mortaliter non testificando, quamvis accusator passurus esset damnum ex tali testimonio; dummodò non sciat id in confessione; tunc enim tacere debet.

Eodem modo, qui scit insidias contra aliquem paratas, tenetur, ut potest, illum liberare cum admonendo, ut sibi caueat, & nisi id faciat, peccat, si ille occidatur: & iste sunt homicidia, & peccat contra Charitatem. Ad has quatuor regulas reducuntur omnia ista, quæ pertinent ad homicidium sine intentione occidendi.

De circumstantijs homicidij.

CAPVT VIII.

EX sex, quæ de homicidio tractanda proposuimus, quatuor absolvimus: nunc quintum aggredi oportet, puta, circumstantias homicidij, vel percussionis in confessione exprimendas. Quarum prima est in persona occisa, aut percussa. Septem enim sunt genera personarum, quas exprimere oportet.

Primum

Primum est earum, quæ sunt cum occidente sanguine coniunctæ; ut, si occisus fuerit frater, pater, mater, vxor, filius, & huiusmodi qui notabiliter sunt coniuncti.

Secundum est Clericorū, seu monachorum. Qui enim percussit, vel occidit Clericum, vel monachum, non solum peccat mortaliter, sed sententiam excommunicationis incurrit, 17. q. 4. c. si quis suadente, vbi nota quatuor.

Primum est, per occidentem, vel percutientem, nō solum esse intelligendum secularem, sed quemcumq; Ecclesiasticum: nam etiam talis incurrit excommunicationem.

Rursus secundo, per monachum percussum intelligas profectum, & nouitium, & conuersum cuiuscumq; Religionis approbata. Similiter per Clericum, intellige, non solum in maioribus constitutum, sed etiam primam tonsuram habentem, quamuis sit coniugatus dum duxerit virginem, & porter habitum, & tonsuram, alias perdit priuilegium.

Tertio, per violentam manus impositionem intellige, non solum occisionem, vel percussionem, sed verberationem, mutilationem, pugnum, alapam, vestium dilacerationem, lapidis percussionem, & alia huiusmodi. Per tales enim actus incurritur excommunicatio.

Quarto, ista excommunicatio Papæ reservatur, nisi cum percussus est infra decimum quartum annum; tunc enim ad Episcopum pertinet: similiter cum est senex, infirmus, pauper, vel absque vitæ periculo, & notabili incommodo, non potest Romam venire: tunc enim reservatur Episcopo. Cum autem Clerici simul viuentes se percutiunt, si levis est percussio, ut pugnus, vel alapa, ad Episcopum pertinet, aliter ad Papam.

Sunt tamen aliqui casus, in quibus absque excommunicatione potest quis percutere Clericum.

Primo, cum sit ioco.

Secundo, cum sit causa correctionis, ut faciunt magistri, & superiores.

Tertio, cum ignorabatur esse Clericus, c. si verò, 2. de sent. excomm.

Quarto, cum licet esset cognitus, tamen reperitur in flagranti delicto, cum matre, vel vxore, vel filia, sorore, vel nepte aliquius, tunc, si occidatur ab isto, peccatum quidem est mortale, sed non est excommunicatio, c. si verò, 1. de sent. excommu. vt habet gl. can. si quis suadente.

Quintò, cùm percussio ita est leuis, vt solùm sit veniale peccatum: nam excommunicatio maior est propter mortale.

Sextò, cùm occiditur à quolibet alio, in illis verò casibus, in quibus diximus liceret alicui alium occidere, cap. si verò, allegato.

Tertium genus, Episcoporum, Archiepiscoporum, Patriarcharum; Hos enim occidere, mutilare, percutere, verberare, capere, incarcerare, detinere, aut alia mandare, peccatum est cum excommunicatione in cœna referuata. Quæ intelligenda est, cùm tales consecrati sunt, aliàs non: quamuis sint electi, & in possessione Episcopatus: erit enim tantum excommunicatio Papalis, sicut præcedens, ratione clericatus. Hoc autem fuit ius antiquum, cap. si quis suadente, de pœnis, in Clemen. vbi excommunicantur etiam, qui banniunt Episcopos; imò vltra mandantes illos actus dictos, excommunicantur consulentes, comitantes, fauentes, defendentes, & tale factum ratificantes: sed ista excommunicatio non est in cœna, sed solùm Papalis.

Quartum genus personarum, sunt Cardinales, qui Episcopi non sunt. Hos hostiliter insequi, capere, aut percutere, aut talia mandare, non solùm est mortale peccatum, sed excommunicationi subiectum, quod referuatur Põifici, c. felices, de pœnis, in text. vbi contra tales multæ aliæ imponuntur pœnæ. Excommunicantur etiam dantes in hoc consilium, & factum ratificantes, cooperantes, fauentes, aut eos defendentes, qui talia faciunt. Ista tamen excommunicatio non est in cœna, sed tantum Papalis.

Quintum genus personarum sunt, qui causâ negotiorum in curiam Romanam veniunt, & qui in ea hac causâ morantur, & negotiorum gestorum Notarij, Procuratores, Iudices, Aduocati, & Auditores: hos enim occasione causarum verberare, mutilare, occidere, aut bonis spoliare, per se, vel per alios peccatum est excommunicationi cœnæ suppositum.]

Sextum genus personarum, sunt venientes ad Sedem Apostolicam, aut ab ea recedentes; hos enim propria temeritate occidere, capere, detinere, aut spoliare, verberare, mutilare, aut contra in ea vrbe habitantes ista absque Apostolica auctoritate faceret, aut præcipere, est peccatum in eiusdem cœnæ excommunicatione cõtentum, dummodò ista ex proposito delibato fiant, id est, ex præmeditato.

Septimum genus sunt personæ, ex quarum percussione, aut occi-

occisione alij damnum in re temporali patiuntur, aut ipsam: tunc enim manifestanda sunt, vt restitutio à Confessario imponatur. Vnde, qui occidit seruum alterius, confiteri debet, quia ad restitutionem pecuniæ æquivalentis tenetur. Similiter, qui mutilat seruum alterius, obligatur restituere damnum quod dominus ex tali mutilatione incurrit. Similiter, qui occidit aut mutilat aliquem, qui suo labore familiam alebat, tenetur restituere & reddere damnum. De hoc latius dicemus in materia de restitutione. Si tamen is, qui occidit vel percutit tales, fecit restitutionem, non obligatur personam percussam, vel occisam manifestare.

Hæc sunt quantum ad circumstantiam obiecti. Sunt tamen aliqua notanda.

Primum est, quando aliqua excommunicatio in iure ponitur pro percussione, vel homicidio, vel aliquo peccato, non est extendenda, nisi ad illas personas, quæ talis peccati sunt participes, eo modo, qui exprimitur in tali excommunicatione; v. g. in clerici percussione, excommunicatio posita est contra violentas imponentes manus, & non alios. Hinc fit, vt qui iuuant, qui præcipiunt, qui consulunt, licet mortaliter peccent, tamen excommunicati non sint ex vi illius capituli, *si quis suadente*. Sunt tamè excommunicati per alia capitula, in quibus ista exprimitur, puta, capitulum, mulieres. & c. quanta, de sent. excom. & c. cum quis, de sent. excom. in 6.

Rursus, peccatum, propter quod imponitur, est impositio violentæ manus. Quando igitur aliquis vult tantum mente interitus manus imponere, vel procurat, vel projicit sagittam, sed non percutit, mortaliter peccat, tamen non est excommunicatus.

Rursus, in percussione Episcopi, non solum excommunicatio est contra percutientes, sed contra mandantes, consulentes, & c. Omnes hi excommunicationem incurrunt, dum tamè percussiois peccatum sequatur, aliter non, licet præcipiant, consulant, & alia faciant.

Notandum est secundò, percussorem clerici inducere excommunicationem, cum ab alio est. Cum enim aliquis se mutilat aut percutit, etiam causa odij, quamuis peccet mortaliter, cum notabilis est percussio, tamen non est excommunicatus. Contrarium tenet Nauarr. cap. 15. num. 11. sed profectò absque ratione: nam non aliunde contrahitur ista excommunicatione: nisi per illud caput, *si quis suadente*: ac tale caput loquitur

quitur de tertia persona, nec sunt amplianda pœnæ istæ.

Altera circumstantia in confessione manifestanda, est locus: cùm enim sacer est, peccatum mutat speciem, & dicitur sacrilegium. Atq; hæc est vna causâ, propter quam Ecclesia polluitur. Sunt enim quinque causæ, propter quas polluitur Ecclesia, ita vt in ea non liceat celebrare.

Prima est, iniuriola sanguinis effusio. Cùm enim sanguis in Ecclesia spargitur ex vulnere, non ioco, non ob correctionem incusso, si iniuriôsè est Ecclesia polluta, dummodò sit aliqua sanguinis copia, & non à puero ante vsum rationis profecta; vel ab ebrio vel infano sit facta: tunc enim non esset Ecclesia polluta. Similiter non esset, si quis ob sui defensionem vulnus incuteret. Notandum tamen, quòd polluta esset Ecclesia, si in ea vulnus infligeretur, quamuis sanguis in vase reciperetur, vel percussus ita citò extraheretur, vt sanguis in Ecclesia non caderet. Non esset tamen polluta, si extra Ecclesiam percussus confugeret in ipsam, & ibi sanguis spargeretur. Nec sufficit percussio ad pollutionem, nisi sequatur sanguis, quamuis sufficeret mors sine sanguine, vt strangulatio, suspensio, & cetera. Cùm autem Ecclesia polluta est, etiam cœmeterium est pollutum, non autem è contra.

Secunda causâ ob quam polluitur Ecclesia, est humani seminis pollutio voluntaria: non enim per nocturnas pollutiones, quæ in somnis fiunt, polluitur, sed debet esse voluntaria, siue fiat secundùm naturam, siue contrâ, siue illicito concubitu, siue licito, quale est coniugium; hoc enim etiam polluit. Notandum tamen, vt pollutio hæc sit causâ, debet esse publica, & notoria apud multos: si enim secreta est, cuius notitia apud paucissimos est, non est pollutio Ecclesia.

Tertia causâ est, cùm excommunicatus in ea sepelitur, de consecr. Eccles. c. consuluisti.

Quarta, cùm sepelitur aliquis infidelis, vt habetur in c. Ecclesiam, r. de consecr. dist. i. Et in hoc casu oportet parietes Ecclesie radere.

Quinta causâ est, cùm cõsecratur Ecclesia ab Episcopo publice excommunicato, vt habetur cap. consuluisti, allegato. His causis polluta est Ecclesia: in qua scienter celebrare peccatum est mortale: nulla tamen irregularitas aut excommunicatio incurritur, vt habetur in c. is, qui, de senten. excommu. in 6. Gloss. tamen eod. cap. tenet esse suspensum, qui in tali Ecclesia celebrat, ab ingressu Ecclesie, ita vt, si post suspensionem celebrat,

lret, fiat irregularis, & videtur consentire Sylu. verb. consecratio. 2. in fine.

Huic sententiæ videtur fauere caput, Episcoporum, de privileg. in 6. nisi velimus restringere hoc caput ad loca interdicta: nam ibi non dicitur, de pollutis, sed de interdictis, & hoc videtur magis consonum. Nam in cap. illo citato (is, qui) tantum dicitur, quod temerarie agunt celebrantes in polluta Ecclesia, & statim celebranti in interdicto loco infligitur poena irregularitatis. Cum autem polluta est Ecclesia, si consecrata erat, est reconcilianda ab Episcopo, etiam cum aqua ab Episcopo benedicta, siue ab eodem, qui prius consecrauit benedicta, siue ab alio. Cum autem tantum est Ecclesia benedicta, & non consecrata, reconciliatio fieri potest per sacerdotem, cum aqua ab Episcopo benedicta.

Tertia circumstantia in confessione dicenda; est, si per se, vel cum alijs occidit aut percussit. Si enim cum alijs manifestare oportet, an illos ad tale auxilium & factum sollicitauerit & conuocauerit: tunc enim mortaliter peccat, & tot committit peccata, quot fecit peccare, sollicitando ad malum.

Quarta circumstantia est, tempus; in quo decreuit committere. Si enim multum temporis perseverauit in tali proposito, vix excusatur à multis peccatis, quæ committuntur in multiplicatis volitionibus occidendi, vel percutiendi. Hæ sunt circumstantiæ erga hoc peccatum.

De intellectu præcepti, non occidendi.

CAPVT IX.

HOc est vltimum caput ex sex, quæ tractanda de homicidio proposuimus. In hoc igitur præcepto, *non occides*, Exod. 20. prout à Domino, Matthæi 5. exponitur, quinque prohibentur.

Primum est, ipsum nocumentum corporale, vt occidere, mutilare, percutere, verberare, torquere, in carcerare, aliaque similia nocumenta; & ad iniuriam pertinentia, vt spueri, arundine percutere, &c.

Secundò prohibentur omnes præparationes, & dispositiones ad similes actus, vt gladium quærere percutiendi causâ, inimicum obseruare, conuolare, id est, multos sub iuramento, vel

vel fide aliqua colligere in occisionem, vel nocumentum alicuius, & alia his similia.

Tertiò, prohibentur contumeliæ, & conuitia, quæ sunt verbo, aut signo aliquo. In cuius gratiam aduerte, conuitium esse inhonorationem alicuius per verba, aut signa denotantia malum poenæ, aut malum culpæ; vt cùm dicitur alicui, latro, fur, mendax, &c. Hæc enim ad malum culpæ pertinent: similiter, cùm dicitur, stulte, insensate, cæce, fili illegitime, &c. hæc ad malum poenæ spectant. Ista igitur cum contemptu, siue verbo, siue nutu, vel litera, vel signo alteri obijcere, conuitium est. Contumelia autem propriè est de malo culpa, vt cùm dicitur, latro, mendax, &c. Hoc igitur peccatum de genere suo est mortale, & si est notabilis iniuria, est verè mortale, siue dicatur cum animo inhonorandi, siue sine illo, sed tantùm cum ira, dummodò sit deliberatio, & verbum sit notabiliter iniuriosum.

Sunt tamen casus aliqui, in quibus non est mortale.

Primus est, cùm deest plena deliberatio, vt cùm quis repentina ira correptus, profert verbum contumeliosum; tamen si non erat omninò deliberatio, non esset mortale, nisi post, factum confirmaret.

Secundus est; cùm, licèt ad sit deliberatio, tamen iniuria leuis est.

Tertius, cùm adest deliberatio, & iniuria magna est, sed sit ioco.

Quartus, cùm, licèt non fiat ioco, tamē fit inter personas parui momenti, vt inter muliereulas, quæ sæpè rixari solent, & multa conuitia inuicem iaculari, aut inter seruos, & famulos.

Quintus, cùm sit gratia correctionis. Magister enim sic facit cum discipulo, & dominus cum seruo, & pater cum filio, superior cum inferiori. Sic dominus vocauit stultos Discipulos, & Paulus Galatas insensatos, sed tunc debet esse gratia correctionis, aliàs peccatum esset, & modus est seruandus. Nam non licet superiori iaculari conuitia in inferiorem, ac si esset seruus: immò si esset persona honorata, quamuis esset à consilijs alicuius potentis, si aliquod magnum cōuitium ab eodem potente ei inferretur, mortale esset peccatum, si animus ad esset inhonorandi.

Quartò, prohibentur in isto præcepto mortis animi interioris deliberati, vt mortem velle alicui, vel malum temporale

rale. Qui enim mortem sibi vel alteri extra casus licitos appetit, animo deliberato, mortaliter peccat.

Quintò, prohibentur omnes consortes in tali peccato, qui sunt nouem, conclusi in his versibus.

Insuper, consilium, consensus, palpo, recursus,

Participans, mutus, non obfians, non manifestans.

Insuper, qui praecepit; *consilium*, qui consulit; *consensus*, qui factum ratificat, vel ut fiat, probat; *palpo*, qui factum laudat, vel ut fiat, laudat; *recursus*, qui defendit homicidium, vel defensionem promittit; *participans*, qui iuuat ad factum; *mutus*, qui non praemonet occidendum, vel percutiendum, cum potest & debet; *non obfians*, qui non prohibet, cum possit, & debeat; *non manifestans*, qui veritatem innocentis non ostendit, ne damnetur, cum possit & debeat. Omnes hi peccant contra istud praeceptum.

De sexto praecepto: De simplici fornicatione.

CAPVT X.

SExtum praeceptum habetur Exod. 20. *Non machaberis*: Erga quod quatuor sunt considerata. Primum est, quid fornicatio sit. Secundò, quot eius species. Tertio, quale peccatum. Quarto, quae in hoc praecepto prohibeantur.

Circa primum, si vis vocabuli consideretur, fornicari, est rem cum meretricibus habere: descendit enim à nomine fornicis, quod significat loca quaedam concamerata ad modum arcae, in quibus meretrices se prostituere solebant. Quamuis autem ista sit vis vocabuli, tamē verbum latius patet apud Theologos, & Iuristas, & significat actum illicitum venereum, quocumque modo fiat: sicut etiam extenditur verbum, machari nā proprie tantum significat adulterari. Est igitur fornicatio sic vniuersaliter sumpta, humanus concubitus illicitus. Dico, *humanus*, quia concubitus aliorum inter se animalium, non dicitur fornicatio; immodò ne quicumque humanus, nisi qui cum peccato sit, ob id dicitur, *illicitus*.

Huius septem possunt describi species, simplex fornicatio, stuprum, adulterium, incestus, raptus, sacrilegium, peccatum contra naturam: quarum singulae suo sunt ordine explicandae. Est igitur simplex fornicatio, concubitus soluti cum soluta.

Voco

Voco solum, simplicem hominem, qui non habet statum coniugati, nec clerici, nec religionis, nec votum, sed est simplex homo. Voco salutam similem feminam, quæ iam amisit virginitatem. Horum concubitus fornicatio simplex dicitur. Esse autem peccatum mortale, adeo certa res est, ut oppositum pertinaciter asserere, sit hæreticum, ut definitum est in Clem. ad nostrum. de hæret. & habetur Eph. 5. *Omnis fornicator non habet hereditatem in regno Christi.* Neq; excusatur vll' ignorantia; nam est naturale præceptum, in quo non habet locum ignorantia, sicut nec in homicidio. Ratio autem quare peccatum sit, ea est, quia est contra finem, propter quem Deus humanum concubitum concessit, qui quidem non solum est multiplicatio filiorum, sed eorundem sustentatio & educatio, quæ fieri non possunt, nisi certum patrem & determinatum habeant, quod per matrimonium fit: In fornicatione enim non est pater determinatus; Est autem hoc adeo nature consonum ut inter bruta, cum, filij vt nascantur, opera masculinæ indigent, nunquam femina cum pluribus, sed cum vno tantum coeat. Est igitur fornicatio contra finem à Deo præstitum, & ob id mortale. Dicit autem S. Th. 4. sent. diff. 35. art. 4. in fornicatione grauius peccare marem quam feminam; nam mas maiori vsu rationis viget, quamuis in adulterio magis peccet femina, quia plura damna facit. Nam femina adultera supponit filios adulterij, qui damnum inferunt legitimis, vt post dicemus, quod non est in viro, in quo aperte cognoscuntur filij adulterij. Hoc autem regulariter est intelligendum; nã aliquando potest femina plus vigere secundu rationis vsu, grauiusq; peccare.

Quamuis autem sit mortale peccatum fornicatio, in duobus tamen casibus potest non esse peccatum.

Primus est cum deficit vsus rationis, vt si amens, qui non habet iudicium rationis coiret, tunc non peccaret, sicut nec occidendo, nec committendo alia. Similiter si ebrius non compos rationis id faceret non peccaret, & sic à peccato excusatur Loth, Gen. 19. *qui ebrius cum filiabus duabus concubuit, ipsis eum decipientibus.* Si tamen ebrius periculum tali probabiliter cognosceret, & non sibi ante ebrietatem prouideret, à peccato non excusaretur.

Alter casus est, ex parte patientis, cum cogitur quis: vt, si femina comprehensa cogeretur ad talem actum, dummodo ista interius non consentiret actui; quamuis pateretur ab altero,

tero, & sentiret etiam delectationē non peccaret. Sed hoc non habet locum ex parte agentis. Nam agens absq; consensu non agit. In consensu autē est mortale: nec excusatur propter mortis periculum vel metum: nam quamvis passurus esset mille mortes, & liberaturus esset mille vitas aliorum, numquam licet ex consensu fornicari. Ad hoc peccatum reducitur cōcubinatus soluti cum soluta; non enim est alius concubinatus, quam fornicatio continuata cum soluta, determinata, ita ut sit velut cohabitatio quadam, ac si matrimonio coniuncta esset. Et autem hoc graue peccatum & periculosum, quia homo non solum peccat, sed manet in statu peccati, & in continuo proposito (saltem virtuali) peccandi. Vnde, tales nullo modo sunt absoluedi; quin primum eiciant concubinas, quamvis in mortis articulo sint, nisi urgeat mors, ut tempus desit, tunc sufficeret propositum. Extra talem articulum primò sunt eicienda: quod si domi non habet, aliqua est experientia sumenda de illius continentia ante absolutionem, præsertim si sæpè proposuit se contenturum, & non continuit, nec tam perfecta cōtuitio in eo apparet. Contra concubinos Conc. Trid. 24. sess. c. 8. determinat, ut ab Episcopo concubinarij ter admoneantur, & nisi respuerint, excommunicentur, & si in excommunicatione per annum perseverauerint, castigentur & punientur ab Episcopo: Concubina autem ter admoneatur, & nisi respuerint, eiciatur à ciuitate, & si videtur Episcopo, extra diocēsim, inuocato ad hoc brachio seculari, si opus fuerit.

De adulterio, & stupro.

C A P V T X I.

Suprum, est virginis fœminæ defloratio: cū vir primò defloratur: non dicitur stuprū, sed tantū cum fœmina. Est autē grauius peccatū simplici fornicatione, quia habet totam malitiam fornicationis, & aliquid amplius, puta ablationem signaculi virginalis, & constituit fœminam in periculo grandi deinceps peccandi. Obligat autem stuprum aliquando ad restitutionem: cū enim quis virginem coegit violentia, vel importunis precibus, tenetur illam ducere, aut dotare, cap. si seduxerit, extr. de adulter. & cap. peruenit, vbi possit alteri nubere ita honoratè, ac si esset virgo: Si autem falsis persuasionibus ipsam decepit, ad idem tenetur. Si rursus

rursus promisit illam ducere, aut cum iuramento, aut sine illo, quamuis interius non intenderit illam ducere, tenetur tamen sub mortali ducere, si pater illius voluerit, aut ipsa: si verò noluerit, tenetur dotare. Quod si esset inæqualis sortis, puta, quia est inferioris multò cōditionis, sufficeret dotare, Anton. 2. par. tit. 2. cap. 1. §. 1. Idemq; fiet, cum, qui promisit, erat alias coniugatus, aut habebat ordinem sacrum. Immo vult Nauarr. c. 16. nu. 18. quòd quamuis verè promiserit, & possit ducere, si tamen timeretur aliquod graue scandalum, sufficiat dotare. Quando verò virgo non decepta, nec coacta est, sed sponte consensit & accepit, tunc non est obligatio ad restitutionē ex iustitia, esset tamen ex charitate, cum persona nimis est potens, & fœmina pauper, vt timeat periculum perditionis illius. Hæc dicta sunt de stupro.

Adulterium autem tripliciter fit. Est enim illicitum cum coniungato concubitus. Primus est coniugati cum soluta. Secundus, coniugata cum soluto. Tertius, coniugata cum coniugato, & cōuerso. Est autem peccatum mortale grauius stupro, quia noua malitia inuenitur in eo, maius damnum filiorū legitimorum, & fidelitatis matrimonialis peruersio. Aliquando autem cum stupro coniungitur, vt cum coniugatus rem habet cum virgine.

Erga adulterium aliquot sunt aduertenda.

Primum est, esse grauem quandam difficultatē apud Theologos. 4. sen. d. 15. & Canonistas, c. officij, de pœnit. & remissionē adultera habens filium adulterij, & legitimos, teneatur reuelare factum, ne hæreditas obueniat illi, & damnum legitimis patiantur. in qua difficultate aliqua sunt, in quibus omnes conueniunt.

Primum est; si adultera habet aliqua bona propria libera, quæ possit quibus velit applicare, & his potest satisfacere, tale damnum, non tenetur reuelare, sed debet satisfacere alijs legitimis, applicando illis tanta bona, in quantis damnificauerit per filium spurium.

Secundò, si nulla habet talia bona, aut habet, sed in sufficientia, si non sperat probabiliter se quicquam profuturam, quia non crederetur à filio spurio, nec præsertim à marito (quia isti, vt dicemus post, non tenentur ei credere) tunc etiam non tenetur reuelare, sed relinquere, & in talibus casibus est absoluenda.

Tertiò, si sperat se profuturam, quia creditur, vel quia talia dabit

debit indicia, vt illi credere teneantur, si nullum est vitæ, aut publicæ infamiae periculum, tenetur id manifestare, ne legitimi filij, aut hæredes: si filij non sunt, damnificentur: & in his tribus omnes concordant. At difficultas est, cum sperat se profuturam, sed timet pro infamia aut morte. Et quidem cum timetur infamia publica, communis est sententia, non teneri reuelari. Ita habet Scot. 4. dist. 15. q. 2. & Anton. 2. p. titu. 1. cap. 8. §. 1. & Medi. q. 3. de restit. c. 4. & Caiet. verb. adulterium, & mul. alij. At Soto lib. 4. q. 3. art. 2. id limitat cum Adr. q. 1. de restit. & Maior. 4. dist. 15. qu. 17. licet Adr. & Maior. simpliciter dicant, cum periculo infamiae debere reuelare: cum enim redditus sunt multum pingues, vt superent famam, aut æquent, adultera tenetur reuelare, etiam cum infamia: aliquando enim potest esse adultera infimæ conditionis, aut mediocris, & redditus pinguisimi: quod si tenues essent, & fama esset maior, non teneretur. Dubium maius est de periculo vitæ, Innocent. Hostien. Panotm. cap. allegato officij, non teneri cum periculo vitæ asserunt, cum Theologis, Gabr. dist. 15. q. 2. art. 2. Sylu. verb. adulterium, §. 2. Angel. verb. adulterium. §. 4. & prædictis dicentibus non teneri cum infamia. Et ego ita credo, quia illud caput absolute loquitur de timore, cum quo non teneretur; & ita tenet Nauarr. cap. 19. num. 89. & ita videtur in illo cap. definitum ab Innoc. Papa. At Soto cum Adrian. loco citato limitat, cum redditus sunt supra modum pingues, vt regnum, imperium, ducatus magnus: tunc enim debet subire tale periculum, maxime si bonum Reipub. maius illinc proueniat. In casibus vero ordinarijs, cum periculo famæ vel vitæ non teneretur adultera reuelare. Aduertendum tamen est, adulterium teneri eandem restitutionem, ad quam teneretur adultera, meliori modo, quo potest, faciendam, non tamē teneretur reuelare. Hoc autem intellige, cum suum esse scit probabiliter: hoc enim communis sententia docet, quamuis Soto dubiter de hac restitutione, sed absque ratione. Cum verò non cognoscit probabiliter (quia mulier levis est, & cum alio rem habet, vide Sylu. verb. adulterium) esse suum, & non teneretur restituere.

Aduertendum tertio, filium adulterij, secundum sententiam communem, non teneri credere matri dicenti, eum esse ex adulterio. Panotm. c. per tuas, de probat. vult, non teneri credere, etsi uterque patens dicat; nisi testimonia aut indicia sufficientia adducat. Si tamen fidem adhibeat matri, teneretur relinquere hereditatem, quamuis non teneatur ea reddere quæ

bona fide consumpsit. Similiter nec maritus tenetur credere adultera. Hæc, quæ diximus de adultera, adultero & filio spurio; dicenda sunt de filio suppositio, quem fœmina supposuit, & finxit esse suum, ne hæreditas ad alios transiret; & de hoc loquitur illud c. officij allegatum: quæ diximus enim de illo adulterij, dicenda sunt de isto: verus enim pater & fœmina supponens, tenetur restituere, vel reuelare tenetur fœmina se, vt diximus de adultera.

Aduertendum quartò, licitum esse ad occultandam infamiam, vel vitæ periculum, in adulterio filios exponere in hospitali, dum modò tamen pater & mater restituant omnes expensas hospitali, si habeant vnde possint reddere. Si verò pauperes sunt, non tenentur, quia talia loca pro pauperibus instituta sunt: debent tamen curam animæ pueri multum habere. Nunquàm tamen licet propter vitandam mortem propriam & aliorum etiam occidere puerum, sed est graue mortale. Similiter abortum facere.

Aduertendum tandem est, quòd inter alias pœnas adulterorum, hæc vna est, vt adulter perdat ius petendi debitum: vt, si maritus adulterauit cum aliqua, potest quidem vxori reddere, sed non habet ius petendi, adeò vt possit vxor absq; peccato negare debitum, quod ante adulterium non poterat sine mortali. Similiter vir potest negare vxori adulteræ, & hæc licet possit petere, tamen non ex iure seu iustitia obligante virum ad reddendum. De hoc tamen dicendum est inferius, in materia de matrimonio.

De incestu, raptu, & sacrilegio.

CAPVT XII.

QUARTA species est incestus. Est autem copula cum consanguinea aut affine intra quartum gradum, & peccatum est mortale grauius præcedentibus. Quò autem maior est coniunctio, eò maius est peccatum. Vnde incestus cum consanguinea maius est peccatum quàm cum affine; & intra consanguineas cum coniunctioni, sicut etiam inter affines. Incestus non solum est peccatum, sed vnum ex impedimentis impedientibus matrimonium contrahendum, adeò vt peccet mortaliter, qui contrahit sine dispensatione, non tamen dirimitur contractum. Sed tenet communis opinio hoc impedimentum

mentum intelligi de utroque incestuoso, tam qui affine, quam qui consanguinea abusus est. At Sylvest. verb. matrimonium, 7. §. 6. solum de affine intelligit, & hoc videtur probabilius, cum non sit vilius textus tale impedimentum ponens. Qui igitur cum consanguinea suæ vxoris rem habuit, ipsa mortua, non potest amplius ducere sine dispensatione: Immo qui etiam rem habuit cum consanguinea eius, cum qua fornicatus est, non potest ducere vxorem; nam fornicatio etiam facit affinitatem. Rursus idem incestuosus cum consanguinea vxoris, non potest petere debitum, sed solum reddere quousque obtineat dispensationem, quam potest dare Episcopus, (Armilla verb. dispens. §. 18.) sicut etiam dispensationem ducendi vxorem, si prior moriatur, aut si incestuosus non erat coniugatus.

Quinta species est, raptus. Hoc autem peccatum, quantum ad actum luxuriæ, non distinguitur ab alijs, sed addit rapinam & violentiam quandam, siue cum soluta, siue cum coniugata, siue cum virgine, siue cum homine sit. Hæc autem violentia fit aliquando ipsi fœminæ, aliquando patri, aliquando utrique simul, & semper est mortale peccatum, & tenetur raptor restituere raptam, vel patri, vel sponso, vel marito, si sponsata, vel coniugata erat. Sunt autem poenæ temporales contra raptorem positæ, & spirituales, de quibus in Concil. Trident. sess. 24. cap. 6. ubi raptores decernuntur infames, ipso iure excommunicati, omnium dignitatum incapaces, & non solum hi, sed omnes consilium, auxilium & fauorem dantes. Est & alia quæ poenam facit, & habetur 27. quæst. 2. Can. statutum, qui rapit alienam sponfam, non potest amplius matrimonium contrahere, estque impedimentum impediens contrahendum, sed non dirimens contractum, sicut dictum est de incestu.

Sexta species est sacrilegium, cum copula fit cum persona Deo dicata per votum castitatis, aut religionis, aut copula fit in loco sacro. Vnde cum Sacerdos, vel in minoribus constitutus vel monachus, vel monialis copulam habet, grauissimè peccat sacrilegij peccatum. Similiter laicus rem habens cum moniali, vel virgine Deo dicata. Rursus committit sacrilegium, qui in loco sacro copulam habet, & quamuis sit coniugalis copula, est mortale, secundum oēs. Vnum tamè dubium est apud Doctores, an si maritus, & vxor tenerentur conclusi in aliquo loco sacro, vt inde non possent exire, licetè possent habere copulam.

Quidam dicunt, licitum esse, si multo tempore illie detineatur. Hoc habent Ricard. 4. dist. 32. sum. Angel. verb. debitum, §. fin. & Rosel. verb. debitum, §. 7. Quidam ibi negant & dicunt esse mortale. Id tenet Palud. dist. 32. quæst. 4. & Tab. matrimonium, 3. §. 5.

At mihi videtur dicendum cum Sylu. verb. debitum, §. 6. Copulam conjugalem dupliciter fieri posse. Vno modo, ad vitandam incontinentiam & peccatum carnis, quo vexatur coniux.

Altero modo, ad alium finem vel delectationem, vel filiorum procuracionem, sine necessitate tamen, vel periculo incontinentiæ.

In priori casu licitum est, nec Ecclesia polluitur; in secundo non licet, sed est mortale. Est autem contra raptos, sollicitatores, vel corruptores monialium taxata poena capitis in iure canonico, 27. q. 1. c. si quis rapuerit, & ipsius bona monasterio deputantur. Est enim profecto peccatum magna animaduersione dignum, & quod Deo summo perè displicet.

De peccato contra naturam.

CAPVT XIII.

VLTIMA species peccati est contra naturam. Cuius quatuor sunt species: Mollities, Inordinatus concubitus, Sodomia, Bestialitas.

Mollities est voluntaria feminis emissio absq; copulazaliâs dici solet voluntaria pollutio. Est autem notandum esse tres pollutiones, quædam fit in somnis, quædam in vigilia, sed absq; consensu polluti: & dicitur inuoluntaria pollutio, quæ fit in his, qui feminis fluxum patiuntur, quædam fit in vigilia cum consensu, & dicitur pollutio voluntaria.

In primis, pollutio nocturna, quæ absque vsu rationis fit, in se non est peccatum, quia non est voluntaria. Fit autem tripliciter; aliquando tota est in somnis; aliquando motus corporis accidit in somnis, tamen emissio fit verè in vigilia, ita tamen vt homo nondum habeat plenam libertatem se cohibendi; aliquando partim fit emissio in somno, partim in vigilia: & licet aliquando homo sit perfectè expegefactus, tamen non habet potestatem cohibendi se. Nullo horum modorum in se est mortale peccatum; in secundo & tertio potest esse veniale, si

le, si homo habuit aliquem vsum rationis, & potestatem habuit cohibendi, sed imperfectam, & non plenam: si enim plena esset, mortale esset. Quamuis autem non sit in se peccatum ista nocturna pollutio, tamen in antecedentibus ipsam, quod alij dicunt in causa, potest esse peccatum, & in subsequens, seu in effectu.

Tripliciter enim potest quis peccare in antecedentibus tale pollutionem.

Primò, in desiderio & affectu deliberato, vt si quis desideret deliberatè habere pollutionem, ob delectationem carnalem, mortaliter peccat. Dixi autem, *ob delectationem*, nam si quis desideraret ob finem bonum, scilicet sanitatem, vel ad leuandas carnis tentationes, quibus interdum affligitur, non esset peccatum, secundum Nauarr. c. 16. n. 6. quamuis Soto 4. distin. 12. q. 1. art. 7. non probet: tamen magis placet Nauar. opinio, dummodo non sit tale desiderium, quod sit causa pollutionis; nam quibus afficimur, solent in somnis occurrere. Si tamen tale desiderium sit, ex quo probabiliter non timetur pollutio, quia magis est speculatiuum, quam practicum, nec est multum intensum, non damnarem, quamuis, iudicio meo securius esset tali abstinere desiderio.

Secundò, potest esse peccatum in procurando ipsam pollutionem, & hoc semper est mortale, quamuis propter sanitatem fiat. Vnde qui vescitur rebus calidis, vel tali situ in lecto accumbit, hoc animo, vt in somno pollutio accadat, non excusatur à mortali, nec valet argumentum, licitum esse desiderare ob sanitatem, vt diximus, ergo licitum est procurare: non enim valet; Licet desiderare mortem alicui, quia homo iniquus & nocuius est, ergo licet eum occidere: consequentia nulla est; sic etiam nec ista consequentia in presenti facta quicquam valet.

Tertiò, potest esse peccatum in non remouendo causam futuram pollutionis. Vt tamen in hoc sit peccatum, aliqua sunt necessaria.

Primò, vt homo cognoscat probabiliter causam futuram pollutionis, ipsamq; aduertat, aut debeat aduertere: si enim homo facit id, vnde pollutio sequitur, & cognoscit probabiliter inde euenturam pollutionem, aut, si non cognoscit, id est, maxima negligentia, vt qui experitur sæpè, ex eo quòd sic accumbit, pollutionem sequi, si non id aduertat, non excusatur, talis profecto peccat. Dixi autem, *probabiliter cognoscat*,

quia si dubitat de futura pollutione, & non habet moralem certitudinem, non est mortale, sed veniale, vt habet Silu. verb. pollutio, vt qui vescitur cibo, quam dubitat pollutionem induciturum. Non tamen satis est aduertere, sed opus est, vt possit talem causam remouere: si enim non potest, non peccat, nisi in eo consentiat, & complaceat.

Adhuc hoc non est satis, sed quamuis possit remouere, opus est vt talis sit causa, quam teneatur remouere: vnde, quando causa est bona & recta, quamuis cognoscat quis pollutionem euenturam, non ob id tenetur auferre, nec peccat non auferendo; vt qui studet his rebus, vnde probabiliter cognoscit postea futuras pollutiones, non ob id peccat, quamuis studium non omittat, quia non tenetur omittere. Tenetur quidem, si ob curiositatem id studeret. Nec etiam tenetur auferre, quando causa non est mala, & ex ipsius ablatione sequitur nocuummentum: vt qui ex eo quod sic accumbit, aduertit se incurrere pollutionem, si aliter non potest dormire, non tenetur aliter accumbere, vt dicit Soto loco allegato. Similiter qui non habet cibos, quibus vescatur, nisi eum, vnde pollutionem sperat, non tenetur abstinere, si abstinentia talis ei nocet; cum tamen causa mala est, aut talis, vt eis ablatio non inferat nocuummentum, nec bonum aliquod impediatur, tunc homo tenetur auferre, & non auferendo, cum aduertat vel debeat aduertere, peccat. In his casibus peccatum accidit in causa, & antecedentibus pollutionem. Quando vero alijs ex causis prouenit, puta, ex demonum illusionem, vel naturæ debilitate, vel fortitudine, tunc nullum est peccatum in effectu.

Rursus, pollutio esse potest peccatum, vt si homo in facta pollutione complaceat ob delectationem, mortaliter peccat. Dico autem, ob delectationem, quia complacere ob sanitatem, vel, vt tentationes carnales non sint ita vehementes, non est peccatum, vt habet Nauarr. loco citato, & ante ipsum habuit Silu. verb. pollutio. Hæc sunt de pollutione nocturna.

Pollutio autem peruigil, quæ fit, homine non volente, de se non est peccatum, quia est actus naturalis. Immo si voluntas cohibeat consensum, & patienter hoc ferat, est materia meriti.

Potest tamen in duobus casibus esse peccatum.

Primo, si fit complacentia deliberata in delectatione illa: tunc enim esset mortale; &, si non esset omnino indeliberata, esset veniale.

Secun-

Secundò, in causâ, si homo non auferat causam, quam cognoscit, & potest, & tenetur auertere, tunc etiam mortaliter peccaret. Dico autem, *quam tenetur auertere*, quia si non tenetur; quia est bona, aut non est mala, sed auferri non potest absq; graui nocumento, non peccat homo; non auferendo. Vnde Confessarius, si fortè, dum audit confessiones, in tales incidit pollutiones, non ob id tenetur non audire alios, nisi sit periculum complacentiæ in pollutione: tunc enim tenetur relinquere confessiones, & auferre peccati occasionem, secus, non.

Tertia pollutio est voluntaria, quæ fit homine ipso consentiente, & hæc est peccatum mortale, & dicitur molities, de qua dicitur 1. Corinth. 6. *Molles regnum Dei non possidebunt*, & est grauissimum omnium antecedentium, quia est contra naturam, nec licet propter sanitatem, nec propter vitam, nec propter quemcumque finem. Vnde grauissimè peccant Medici, qui talem actum consulunt ob sanitatem, nec excusantur à mortali, qui eis obediunt. Est autem hoc peccatum difficillimè emendationis, quia occasio ferè semper est cum homine, & est adeò vniuersale, vt crediderim maximam partem damnatorum, hoc infici peccato. Vix puto esse aliud efficax remedium, nisi frequentissimam confessionem cum vno, eodemque Confessario, vt fiat ter in hebdomada, si fieri possit: est enim hoc sacramentum maximum frantum, & qui hoc non vtitur, non sibi promittat emendationem, nisi per miraculum à Deo factum, aut rarissimum priuilegium. Est autem in hoc peccato attendendum, quod in eo inuoluuntur aliam: nam si homo desiderio & imaginatione adheret alicui, dum ipsum committit, est illius generis, cuius esset, si verè committeretur cum persona, quam affectat, vt, si affectat, & imaginatur virginem, est stuprator, si coniugatâ, adulterum, & sic de alijs: Immodò sepius in vno peccat actu, quoties in diuersas fertur personas, & sunt ista in confessione manifesta. Ista pollutio aliquando comittitur à persona vna se prouocante ad eam, siue femina sit, siue mas, aliquando fit è duabus, vna alterâ iuuante, vt cum femina cum femina copulatur, aut mas, altero ipsum tangente se polluit, quod multis modis fit, quod libè prætermitto, quia scire non oportet. Hæc sunt quæ spectant ad pollutionem seu molitiam. Alterum peccatum est inordinatus concubitus, cum nempe femina in copula est desuper, aut cum mas retrò accedit, vale non mutato, hoc autem peccatum ex se non est mortale,

nisi coniungatur cum mortali copula, puta, fornicatione, adulterio, & alijs: vnde fit, vt inter coniuges non sit mortale, vt habet Silu. verb. debitum. §. 6. nisi sit periculum seminis effusio nis extra vas, aut foetus impediatur: tunc enim esset mortale, aliàs veniale esset, nisi ob aliquam fieret necessitatem.

Tertium est sodomia, est quidem notum peccatum, sed abominabile, & ira Dei nimis prouocatum.

Omnium tamen pessimum est bestialitas, cum copula sit, cum bruto animali, nec humana nequitia ultra ferè ascendit. Sunt autem pro hoc, & pro antecedenti peccato, mortis poenae in iure ciuili merito statuta: nec enim debet viuere homo, qui cum sit homo, non viuit vt homo.

De his, quae in isto praecepto simul prohibentur.

C A P V T X I V .

NOn solum quae dicta sunt vitia, sed alia etiam multa peccata faciunt mortale contra istud praeceptum:

Primo quidem desiderium, & affectus deliberatus rei venerae, & ipsius operis, quod est mortale, facit etiam mortale. Dico autem deliberatum, cum homo affectat & concupiscit ea, cum à tali possit affectu abstinere.

Secundo, oscula, tactus, amplexus ob carnalem delectationem, sunt etiam peccata mortalia, quamuis homo non intendat copulam, sed solum delectationem carnalem ex his insurgentem, vt bene docet Caie. opus. de delectatione morosa, r. tomo, quia talis delectatio ex se ad copulam ordinatur. Licerent tamen ista inter sponso, dummodò non esset periculum probabile pollutionis: tunc enim esset mortale, etiam inter coniuges.

Tertio, videre feminas aut viros, animo concupiscendi ad copulam, etiam est mortale; tamen ad solam delectationem carnalem, quae ex visione insurgit, solum est veniale, vt notat Caietan. loco allegato. Idemque dicendum de auditu & locutione rerum venerarum, si deliberatio non transit ad res ipsas, quae per talia verba exprimuntur: tunc enim mortale est.

Quarto, opera externa, quae sunt ordinata, & hoc animo facta, pu-

sta, putà, ad rem veneream, sunt mortalia, vt vestire senouis vestimentis, vt ab alijs concupiscatur, literas amatorias scribere, visitare loca talia, & reliqua huiusmodi.

Quintò, delectatio morosa etiam est peccatum mortale. In cuius gratiam aduerte, delectationem consequi in nobis ex cognitione aliqua, siue per intellectum, siue per imaginationem, siue per sensus fiat. Cum autem delectatio sequitur ex cognitione alicuius rei, & facti boni, non est mala; cum vero consequitur ex aliqua re mala, tunc potest esse mala, si sit morosa. Dicitur autem morosa, cum homo consentit delectationi illi libere, aut cum potest prohibere, & tenetur prohibere, & non prohibet, & remouet. Cum igitur delectatio sequitur ex cognitione alicuius peccati mortalis, est mortale, si morosa sit: vt qui cogitat rem veneream, & ex tali sequitur delectatio morosa, mortaliter peccat, aut consentiendo delectationi, aut non expellendo eam, cum possit, & teneatur; idemq; est de alijs peccatis.

Aduerte autem, quòd non omnis delectatio est delectatio morosa, cum nò prohibetur, licet possit prohiberi, sed cū non prohibetur ob ipsam delectationem, quia homo vult delectari: si enim non prohibet, ob finem bonum, vt qui causa vincendi tentationes & pugnandi, id faceret, non peccaret, nisi subiret periculum consentiendi. Vt autem sit peccatum, debet homo aduertere talem delectationem, aut debuisse aduertere, aliàs non est mortale, vt dictum est de pollutione.

Nota tamen, delectationem morosam non solum esse peccatum mortale. Cum confurgit ex actu mortali, sed cum etiam confurgit ex actu aliàs licito, sed non tunc, vt qui cogitat actum coniugalem post factum, & delectationi presenti modò consentit, mortaliter peccat, quia ille actus non est licitus, nisi dum sit.

De septimo praecepto: Quid sit furtum.

CAPVT XV.

Septimum praeceptum habetur Exod. 20. *Non furaberis.* Erga quod quatuor inquirenda sunt. Primò quid sit furtum. Secundò, quot, & quæ ipsius species. Tertiò, quæ, & quantum peccatum. Quartò, ad quæ teneatur, quia furtus est.

Nn 5

Quan-

Quantum ad primum, omnibus alijs definitionibus missis, mihi videtur commodius posse sic definiri in communi, vt in isto præcepto prohibetur, *Furtum est ablatio rei alienæ, inuito domino*. In qua sunt quatuor particulae.

Prima est, *ablatio rei alienæ*. Nolui dicere acceptionem rei alienæ, vt alij dicunt, quia furtum non solum est acceptio alieni, sed etiam detentio alieni apud se, & etiam damnificatio alieni, vt qui comburit rem alienam: ob id dicitur ablatio: quia ablatio comprehendit acceptionem, detentionem, damnificationem.

Secunda est, *alienæ*. Vocamus autem in præsentī rem alienam, quæ vel alterius est, vel est in alterius potestate. Vnde, qui ab alio auferret, quod in eius deposito erat, diceretur auferre alienum, quod in alterius est potestate, quia modo aliquo auferret.

Tertia est, *inuito domino*: cum enim dominus sponte dat, & se suo priuat, qui accipit, non dicitur furari.

Adhuc tamen ista tria non constituunt plenam furti rationem, nisi accedat quarta particula, nempe *iniusta*, id est, contra iustitiam facta, per quam particulam multæ ablationes à ratione furti exculantur.

Prima, cum sit ablatio ex ioco: quamuis enim inuito domino fiat ablatio, non tamen censetur furtum.

Secunda, cum sit in poenam; vnde filij Israël auferentes diuitias Aegyptiorum, non commiserunt furtum: nam Deus eos in poenam spoliari voluit. Quam sententiam executi sunt Iudæi, Deo per Moysen id manifestante. Si forte esset, si Princeps aliquem sic damnaret, quamuis damnatio fieri deberet secundum iuris formam.

Tertia, cum sit in bonum finem, & conuertitur ablatum in utilitatem ipsius, à quo auferitur, si fieri potest. Vnde non peccat, nec est furtum, cum quis ab amente ensem subripit, ne vim percutiat, dummodo vendat eum, & in utilitatem amentis conuertat: nec furatur vxor (Silu. verb. furtum §. 15.) quæ pecunias auferit secreto à marito, ne in ludis, vel comessationibus profundat, si illa in usum familiæ conuertat: nec peccat, qui vinum effundit, ne alius inebrietur: nec quis chartas rumpit, ne ludat alij. Nulla harum ablationum, quamuis inuito fiant domino, furtum dicitur, cum non contra iustitiam, sed secundum charitatem fiant.

Quarto, cum sit virgente necessitate, cum enim aliquis est in egre

extrema necessitate vitæ, aut in eius periculo probabili, si secretò ab alio accipiat sibi, quod necessarium est, non est fur, nec facit contra iustitiam; maximè cum iste alijs non dat: sed hoc non licet in quacumque necessitate, sed grauissima, & ferè extrema.

Quintò, cum aliquis capit, quod alijs sibi debetur, sed alter non vult soluere. Vnde, si quis secretò à debitore sumeret pecunias, quæ sibi erant debitæ, non furatur, nec tenetur ad restitutionem; quamuis aliquando peccet sumendo; aliquando autem non peccabit, si seruet aliquot condiciones.

Prima, vt sit certus tales sibi deberi pecunias.

Secunda, vt commodè non possit eas exigere coram iudice, quia debitor est potens, siue quia non potest probare debitum, siue quia timet sibi aliquod malum ab illo, vel scandalum eueniurum. Cum tamen nihil horum esset, sed posset commodè suas exigere pecunias, peccaret rapiendo occultè: tamen ad restitutionem non teneretur. Ita habet Archid. 14. qu. 5. Canon sanè.

Tertia, dum scandalum, vel nocumentum alijs non sequatur: si enim ex illa occulta ablatione alij venirent in suspicionè, vnde nocumentum pateretur, non potest absque peccato auferre, quamuis, si auferret, non teneatur ad restitutionem eius, quod abstulit. Aliquando tamen obligatur ad manifestandum factum, cum graue esset innocentium incommodum, vel ad reddendum, quod abstulit. Ita habet Innoc. c. olim de rest. spol. vbi dicit: *Quidam dicunt, & non male, quòd etiam sua auctoritate potest quis accipere furtiuè; dummodo ex tali furto nec malum, nec scandalum valeat generari, quia si inde oritur, vel contra uxorem, vel contra familiarem, vel contra quemcumq; alium, hic debet rem in pristinum statum restituere.*

Quartò, debet prouidere in quantum potest, ne ille, à quo sumpsit, restituat illud debitum, quod iam fuit ab illo ablatum & inuitus soluere.

Quintò, nihil aliud debet sumere ultra id, quod erat debitum ei. Vnde si pactum fuit factum inter dominum, & famulum, non potest famulus ultra pactum sumere, alijs tenetur ad restitutionem, quamuis vere pretium, aut merces pacti non sit sufficiens, si liberè fecit tale pactum, ne coactus est famulus seruire sub illa pecunia; & dum dominus postea non coegit illum in alijs officijs famulari, de quibus non conuenit

tunc enim dominus tenetur soluere vltra pactum: quo nolente, famulus posset capere, & completo pacto, denuò pacisci, etiam de illis seruitijs de nouo adiunctis: non enim, stante pacto potest amplius famulus sumere: nisi seruire cogatur. Quando verò pactum non est factum, sed relictum est in domini voluntate, tunc mensurari debet iuxta summam, quæ ordinariè solet ab alijs pro tali famulatu exigi. Omnes hæc igitur acceptiones furta non sunt, cum non sint contra iustitiam; omnes enim hæc quatuor partes ad furti rationem conuenire debent.

De speciebus furti, & quod peccatum sit furtum.

CAPVT XVI.

Furti generaliter dicti duæ sunt species, prout ad præsens attinet, furtum specialiter dictum, & rapina: cum enim aliquid aufertur ab aliquo, absq; violentia ei inculsa, sed ignorante eo dicitur furtum; cum verò aliqua ei vis inferatur, rapina dicitur. Furtum autem in genere vtramque speciem includit. Mortale peccatum est ex genere suo, cum sit contra vnum ex decem præceptis Decalogi. Fit autem mortale, cum quod quis furatur, notabilis est quantitas: Queret aliquis, quæ dicatur notabilis quantitas. Ad quod dico, duplicem esse notabilem quantitatem, alteram secundum se, & hæc est, quæ ab omnibus censetur mediocris, aut grandis vtrius, vt est quantitas quatuor iuliorum: hanc enim à quocunque etiam distillatio furati, mortale esset.

Altera est notabilis quantitas, respectu eius, à quo rapitur, sicut esset quarta pars iulij, respectu cuiusdam pauperis: hanc enim furari mortale esset. Cum verò est parua quantitas secundum se, & respectu etiam alterius, tunc furtum est veniale, vt qui furaretur pomum, vel calamum, vel quid simile: quamuis autem hoc sit veniale, tamen ratione quarundam circumstantiarum posset fieri mortale.

Primo, cum qui furatur, animo accedit furandi notabilem quantitatem; sed quia paruam inuenit, paruam rapit, hoc est mortale peccatum, non ratione furti: nam, quamuis nihil inueniret, esset adhuc mortale, sed ratione animi, quo accedit.

Secundò, cùm, qui paruum furatur, cognoscit probabiliter dominum illius ex tali furto prorupturum in blasphemiam, vel in mortale peccatum, quia iracundus, & impatiens est nimis, qui hoc sciens furatur, vt calamum, etiam ioco, mortaliter peccat; cùm tamen ignorans furatus est, non peccat, nisi venialiter, licet ille postea in peccatum prorumpat.

Tertiò, cum illa parua quantitas erat multum utilis domino, & ex defectu in magnũ incidit nocumentum, tunc qui surriperet, si id præcognosceret, mortaliter peccaret, vt qui futuri nõ habentia cùm aliam, nec vnde habeat, illam furatur scienter, & qui ab aliquo artifice furatur instrumentum, quo raptò, verisimile est saltem diei opus perditurum.

Quartò, cùm quis tot quantitates paruas furatur, vt magnã adæquent, vt qui ab hoc vnum obolum, ab alio alium, & à multis simile, vt fiat magna quantitas. Nota tamen, non semper hoc esse mortale, nisi cùm homo animum suum habet ista furta committendi: tunc enim pro vno reputatur; & sic peccant multi minutas res vendentes, & in singulis obolum ultra iustitiam exigentes; & famuli, qui ex multis dominorum rebus volunt, ex singulis singula minuta subtraheret: qui tamẽ animum hunc non habet, nec officio, sed casu, modò vnum, modò alterũ furatur obolum, quamuis temporis discursu notabilis fiat quantitas, non est mortale, sed multa sunt venialia. Furum autem ex genere suo non solum mortale peccatum est, sed ad restitutionem obligat. Huius occasione oportet de restitutione agere: quamuis non solum qui furantur, sed etiam alij multi rem aliam etiam iuste accipientes, ad restitutionem teneantur.

Quid restitutio, quis restituere teneatur, ratione rei malè acceptæ.

CAPVT XVII.

Oportet primũ, quid restitutio sit, constituere, deinde ea, quæ ad ipsam spectant. Est autem restitutio, *actus iustitiæ, quo cuique redditur, quod ab eo ablatum, vel acceptum est.* In quã definitione quatuor particule continentur.

Prima est, *actus iustitiæ*: iustitia enim quedam est virtus, quæ distigat hominem, ne quod alterius est rapiat; & si quid rapuit, vt red-

vt reddat. Ob id dicitur, æquabilitatem facere in rebus. Loquimur enim de iustitia ea, quæ commutatiua dicitur, cuius actus & operatio quædam est restitutio.

Secunda particula est, *quo unicuique redditur*. Iustitia enim facit, vt quod debemus alicui, ei demus, & hoc dicitur soluere. Facit etiam, vt, quod ab altero accepimus, vel abstulimus, reddamus, id est, iterum in sua potestate ponamus; & talis actus est restitutio. Ob id dicitur, *quo unicuique redditur*. Et attende, dupliciter alicui reddi aliquid, vno modo, cum ipsemet reddatur; altero modo, cum redditur alicui pertinentia ad ipsum, vt vxori, filiis, vel hæredibus, vel alijs. Vtroque modo fieri solet restitutio, vt inferius dicemus.

Tertia particula est, *quod ab eo ablatum est*. Per ablationem intelligimus iniustam acceptionem, qua ab altero aliquid abstulimus, puta furando vel rapiendo, aut damnificando, in persona, fama, vita, & rebus, & alijs, aut iniuste, quæ illius sunt, detinendo. Ad restitutionem enim spectat, talia ablata reddere.

Quarta particula, *vel acceptum est*: per quod verbum iustam actionem habendi, quod alterius est, intelligimus, siue per mutuum, siue per censum, aliosve contractus, inferius dicendos. Est igitur restitutio, reddere cuique, quod ab eo abstulimus vel accepimus.

Ea quæ ad restitutionem pertinent, nouem sunt, & in horum tractatione tota consistit materia. Sunt autem hæc, quis restituere tenetur, quid habet restituere, & cui est facienda restitutio, & quantum est reddendum, & quo tempore, quo ordine, quo loco, & quæ sunt causæ, propter quas aliquis excusetur ab obligatione restituendi. Hæc omnia his duobus carminibus continentur.

*Quid, quis restituet, cui, quantum, quomodo, quando;
Ordine, quo ve loco, quæ causa excusat iniquum.*

Incipiendum est igitur ab eo, qui tenetur restituere. Quis ergo restituet? In huius gratiam nota. Cum aliquis capit quod alterius est, sunt ibi duo consideranda, & ipsa res accepta, & ablata, & ipsa actio, qua aufertur vel accipitur. Res autem potest & male & bene seu iniuste accipi. Vnde fit, vt sint quatuor species, res iniuste accepta, res iuste accepta, mala actio, & acceptio bona seu iusta, seu iniusta. Ad hæc quatuor tanquam ad quatuor radices, & principia oportet resolueret hoc, vt cognoscatur,

atur, quis obligetur ad restitutionē. Nam obligari quis potest aut vna, aut pluribus ex his radicibus, quantum singulæ explicandæ sunt.

De prima ergo ratione rei malè acceptæ, sit generalis regula: Omnis qui habet rem ipsam acceptam malè, tenetur ipsam restituere, siue bona fide, siue mala habuerit, ver. grat. aliquis emit à latrone equum, quem furatus erat, hic, in cuius potestate est equus, tenetur ipsum restituere domino, absque villo pretio; nam rei malè acceptæ nullus dominium verum acquirit. Ille dicitur habere rem bona fide, qui existimat esse rem suam, quia nesciebat esse latronem, à quo emit, vel quia se iustum titulum habere rei talis putabat: ille autem simul atque cognouerit non esse suum, tenetur reddere, & si sit in mora, iam est possessor malæ fidei. Ille verò dicitur habere mala fide, qui se non habere iustum titulum existimat, vt qui emit à latrone, quem sciebat esse latronem, & rem esse furtiuam. Vterque possessor tam malæ quàm bonæ fidei, si rem ipsam habeat, ratione rei acceptæ tenetur restituere, sed cum differentia notanda.

Primò, malæ fidei possessor, quocumque modo res pereat, tenetur ad restituendum: vnde qui emit scienter à latrone equum, tenetur restituere domino, siue habeat adhuc equum, siue furto fuerit ei sublati, siue vendiderit alteri siue mortuus fuerit. At verò bonæ fidei possessor non tenetur rem restituere, si stante bona fide, res ipsa perit: vnde, si, stante bona fide, ab eo fortè sublati est, vel mortuus est, vel venditus tanti, quanti emptus, nihil tenetur, quamuis postea sciat fuisse furtiuum: tenetur tamē eum, cui vendidit, seruare indemnem & restituere pretium, si fortè ab illo fuerit ablatus, vt domino reddatur. Dico autem, stante bona fide: nam si post bonam fidem acquisiuit malam, quia sciebat rem esse furtiuam nec esse suam, & tunc habet rem, non potest vendere, & si vendat, adhuc tenetur restituere. Similiter, si sit mora, quia vult reddere domino, cum possit, quamuis res pereat, semper tenetur ad restitutionem, sicut dictum est de malæ fidei possessore. Notandum tamen, quòd licet non teneatur restituere rem, quæ in bona fide periit, tenetur tamen reddere quod per illam lucratu est, & habuit, quod non habebat. Vnde, si pluri vendidit, tenetur excussum reddere. Et, si ei dono equus datus est, & vendidit, totum reddere tenetur, deductis suis expensis; & satis sit ei nec habere plus, nec minus quàm habebat.

Secun-

Secunda differentia est, malæ fidei possessor non solum tenetur rem restituere, sed totum damnum emergens, & luctum cessans, quod domino evenit ex mora restitutionis: v.g. emit quis scienter à latrone equum locationis, & detinuit per duos menses, iste tenetur, non solum equum domino reddere, sed illud etiam, quod dominus lucratus esset illis mensibus, ratione ipsius equi; quamvis iste, qui emit equum otiosum, habeat: & si aliquod damnum inde domino evenit, ipsum rescire tenetur. At verò bonæ fidei possessor non tenetur ad hoc, nisi solum ad ea, in quibus factus est ditior, id est, ea quæ habet ultra id, quod habiturus esset, si rem non habuisset: v.g. si talem equum habuisset otiosum, ad nihil teneretur, nisi ad ipsius equi restitutionem: si verò locasset, & lucratus esset, tenetur ad lucrum etiam reddendum, deductis expensis proprijs, ut in nullo ex proprijs damnicetur.

Rursus, sit aliud exemplum. Aliquis inuitatus est ad splendidissimum conuiuium, in quo res magni pretij consumpsit, tunc, si mala fide accessit, quia sciebat omnia illa esse furtiua, tenetur restituere quantum consumpsit; si verò bona fide, & postea sciuit esse illa ex furto, solum tenetur reddere quantum lucratus est, id est, quantum ipse consumpsisset ex proprijs, si illa non consumpsisset. Vnde, si non erat consumpturus, nisi libram arietis, & libram panis, ad horum valorem tantum tenetur.

Rursus, si iste, qui bona fide emit equum locationis iam latrone, ipso vitur, & iter facit eques per mensem, si postea sciat non esse verè suum, tunc oportet advertere, quia talis homo, si equum non habuisset, fuisset alium conducturus; si enim non, & pedes iuisset, nisi ut suum habuisset, ad nihil amplius teneretur; si verò alium fuisset conducturus, tenetur reddere quantum ipse aliàs expendere putarat.

Rursus, qui emit vestem pretiosam vili, bona fide, & postea consumptam, constat non fuisse suam, tenetur restituere, quantum ipse in alia veste expendisset, nisi illam emisisset: at malæ fidei possessor, tenetur restituere, quantum vestis illa valebat, quando emit eam.

Tertia differentia est, bonæ fidei possessor potest præscribere, aut vſucapere rem ipsam; at verò malæ fidei, numquam. Explico, ad lites interimendas, iura concesserunt, ut qui spatio temporis rem haberet, ac si esset sua, licet verè non esset, dominium ipsius acquireret, & hoc in rebus mobilibus dicitur vſuca-

usucapio in immobilibus dicitur præscriptio: est autem tempus usucapionis, triennium; in præscriptione est aliquando decennium, aliquando viginti, aliquando triginta anni, ut aliàs est declarandum. Dico igitur qui rem bona fide habet, potest usucapere, & præscribere, ut, si post tempus compareat non fuisse suam, ad nihil teneatur; nec ipsam restituere; at verò mala fidei possessor, nullo potest tempore præscribere.

Quartam differentiam ponit Nauarr. cap. 17. num. 9. Bonæ fidei possessor, potest vendenti rem reddere, cum competit non esse suam; at verò mala fidei, non, sed domino. Sed hæc differentia nulla est. Nam uterque possessor potest reddere venditori, & recuperare suum pretium. Si autem hoc non posset, tunc reddere domino teneretur, & istam sententiam tenet Alex. de Ales 4. part. quest. 86. artic. 3. & Siluest. verb. restitutio. 3. §. 7. quamvis aliqui contrarium putent. Unde potest, qui emit à latrone quacumque fide, reddere latroni emptum, si potest, ipsum tamen exhortari debet, ut reddat, Sor. lib. 4. quest. 7. ar. 2. dicit aliquem excusari ignorantia iuris, ut quamvis latroni reddat, nec peccet, nec obligetur domino; sed istud ius nullum est; hoc id, non est necessaria ignorantia, melius dicendum puto cum Alexand.

Quis restituere teneatur ratione rei bene acceptæ.

CAPUT XVII.

Altera radix restitutionis est, res bene accepta à domino, qui in alterius existens potestate, ipsum obligat ad restitutionem. Hæc autem res præcipue quatuor modis habetur, commodatione, locatione, pignoratione, & deposito. Qui igitur rem alterius hac via habet, tempore statuto impleto, reddere teneretur, dummodò tamen illa res non perierit; si enim perijt, amplius non teneretur, nisi in quatuor casibus.

Primus, quando ex malitia, vel negligentia ipsius habentis perijt; ex malitia quidem, si vendidit, vel eam alienavit; ex negligentia, si non adhibuit diligentiam, quam tenebatur. Ea autem debet esse mediocritas, & maior, si pro deposito conservando saltem pecuniam accepit; maiorque debet esse diligentia in commodato, quam in deposito, quia illud est in propriam utilitatem; nulla tamen negligentia obligat ad restitutionem,

quæ non sit mortale peccatum. Cùm vero res perijt, non ex negligentia, vel malitia habentis, sed quia fortè furto sublata est, vel perdita, vel mortua, non est obligatio restitutionis, nisi in secundo casu, cùm conuertit illā rem ad alios vsus, ad quos eam non accepit, & ex tali conuersione res perijt: v.g. locat quis equum alicui, vt eat Neapolim, ipse proficiscitur Mediolanum; si in via à latronibus rapiatur, tenetur ad restitutionem, quia non accepit equum à locante ad talem finem: similia sunt alia exempla in alijs.

Tertiò, cùm est in mora reddendi alienum, & in tali mora perit res: verbi gratia, qui noluit reddere depositum, vel pignus, vel commodatum, vel locatum, quando tenebatur reddere, & poterat, si, illo tempore res pereat, restituere tenetur: vt qui equum locat pro tribus mensibus, & ipse differt in sex ac in quarto perit, tunc tenetur reddere maximè si ex mora perit. Similiter si furto rapitur pignus tempore moræ, tenetur reddere.

Quartò, cùm conuentio facta est inter ipsos dantem, & accipientem: vt res pereat in damnum recipientis, tunc enim tenetur restituere. Extra hos casus, res perit domino, non autem ipsi habenti. Aduerte autem, esse commodatum, cùm res eadē redditur, quæ datur; mutuum autem, cùm redditur æquales, aut prætium. In mutuo autem res non petit, nisi in damnum recipientis, vt dicendum est postea.

Ad hanc obligationem, ratione rei benè acceptæ, reduci potest obligatio restituendi res inuentas. In cuius gratiam nota. Triplex se habent res inuentæ.

Quædam sunt, quæ non apparent vllum habuisse dominum, vt lapilli, & gemmæ, quæ in locis, vbi naturaliter generantur, apparent, vt ad maris littora, vel in aliquibus montibus, & qui inuenit eas, potest sibi habere; non enim obligatur restituere, cùm nullius essent.

Aliæ sunt, quæ probabiliter dominium habent, aut ipsum, cuius erant; aut hæredes, quales sunt hæ, quæ potius inuenti solent in vijs, aut in domibus ab alijs emptis, quamuis abconditæ sint in muris, vel cauernis aliquibus; & hæ inuentor tenetur domino reddere, & facere diligentiam aliquam, vt inueniat (expensis sumptis ex ipsamet re inuenta;) domino autē non comparente, secundum sententiam communem, debent reddi pauperibus. Quamuis ad hoc, non sit alia cogens ratio, nisi quia sic omnes doctores dicunt. Vnde Soto lib. 5. quaest. 3. art. 3.

artic. 3. dubium est de hoc, tamen condescendit opinioni communi. Verum est, si inuentor esset pauper, posset sibi aut totū, aut partem pro ratione necessitatis applicare; & maximè cum consilio Confessariorum, licet hoc non sit necessarium, vt dicit Soto. Si autem post inueniretur dominus, amplius non tenetur iste reddere, si sufficiens facta fuerit diligentia, vt inueniretur dominus.

Quædam aliæ sunt res, quæ dominum habuerunt, sed iam non habent, vt thesauri vetusti, quorum dominus ignoratur, & si quis inuenit tales in fundo proprio, totum sibi vendicare potest; si in alieno, mediam partem, si domini voluntate extrahit. si enim ipsi inscio, totum perdit. Sunt tamen leges particulares Principum, aliquas sibi partes reservantium, quibus parandum est, & est restitutio facienda, etiam ante sententiam. Dicit autem vnum S. Th. 2. 2. q. 66. ar. 3. quæ aliqui sequuntur: quod si quis in alieno agro sciret esse thesaurum, posset emere, non admonito domino, & postea totum sibi sumere, quia dominus agri non vendit nisi superniciem, & huius habet pretium suum. Aliqui tenent contrarium, sed quia in rebus moralibus securè potest tantorum opinio amplecti, nos eam sequimur. Hæc igitur est secunda radix restitutionis.

De tertia radice, quæ dicitur iniusta actio.

CAPUT XIX.

Tertia radix restitutio est iniusta actio, qua, quod alterius est, aufertur. Est autem maximè notanda pro tota hac materia, esse peccata in duplici differentia, quædam sunt contra solam Dei charitatem, vel proximi, quædam sunt contra iustitiam: v. gr. si quis non dat eleemosynam proximo in maxima necessitate posito; peccat contra charitatem: si quis autem non reddit quod debet, peccat contra Iustitiam.

Est autem generalis regula: ex peccatis contra solam charitatem, nulla erit obligatio restitutionis, nisi sit ratio iniustitiæ ibi coniuncta. Vnde, ille, qui non dedit eleemosynam, peccauit quidem, sed ad restitutionem non tenetur, & hoc in multis casibus sequentibus manifestatur. Hinc fit, vt actio mala, quæ radix est restitutionis, debeat esse sic mala, vt

fit contra iustitiam, alias non obligat ad restitutionem: hinc fit vt mulieres accipientes pretium pro vitio carnis non obligentur ad restitutionem, quia actio ista non est mala contra iustitiam, quamuis sint virgines, & conjugatae, & cuiusq; conditionis, vt habet Anton. 2. p. tit. 2. cap. 1. & quamuis accipiant pecunias in excessu, vltra pretium actus turpis, si libere doneatur illis. Eset quidem obligatio ad restitutionem, si aliqua iniustitia immisceretur, quae duplex esse potest; altera, cum, qui dat, non potest dare, quia seruus est, aut filiusfamilias, nō habens proprium in tanta quantitate, quantum dat. Altera est cum fraude extorquetur ab illo pecunia, puta, cum famina nō virgo se virginem fingit, aut quae communiter alijs se tradit, mentitur se non radi nisi nobilissimis, ob idq; plus pecuniae extorquet in his casibus iniustitia est, & tenetur iocuna illa restituere quod ratione iniustitiae plus exegit. Actio igitur mala obligans ad restitutionem, debet esse contra iustitiam. Haec autē praecipue quadruplex est: impedire, ne alius bonum consequatur, quod aliās erat consequuturus, inferre alteri damnum: accipere, quod alterius est, ipso inuito: detinere etiam quod alterius est, ipso inuito.

In primis, de eo, qui impedit alium à consequutione rei, quam aliās erat habiturus, fit regula generalis notanda: qui impedit iniuste alium, ne consequatur id, quod aliās iuste erat consequuturus, tenetur eidem ad restitutionem. Explicatur hoc.

Duae sunt conditiones, vt impediens obligetur ad restitutionem.

Altera, vt impeditus possit iuste habere rem, à cuius consequutione impeditur, cum autem non potest iuste habere, quouis modo quis impediat, non tenetur reddere, quia nō auferit ius alterius. Vnde qui impedit indignum, ne consequatur beneficium, licet possit peccare mortaliter, quia ex odio facit, vel illicita via, non tenetur ei quicquam reddere, quia non habet ius. Nec satis est, posse habere iuste, sed quod habiturus esset, nisi ille impediuiisset, nam non dicitur impedimentum verè, nisi cum res alias habenda, prohibetur ne habeatur. Non tamen satis hoc est, sed opus est, vt qui impedit, aliqua via iniusta, non solum mala, sed contra iustitiam impediat. Si enim ex odio impedit, vel precibus circa eum, qui dare vult, suis vel pollicitationibus, vel alia via etiam mala, & contra charitatem, non tenetur restituere, nisi sit via contra iustitiam, puta, sit vis,

fr vis, aut dolus, aut fraus: verbi gratia, vult Episcopus dare beneficium digno, si quis impediatur, imponendo ei falsum testimonium, vel detegendo crimen omnino occultum, licet verum, vel dignum cogendo, aut decipiendo, ne compareat, tenetur restituere ei beneficii valorem, quia iniusta via impedit. Et attende cum S. Thoma 2.2. quæst. 62. artic. 2. quod si iam firmum erat Episcopo, illi dare beneficium, vel accepturus habebat certum ius, restituendum est ei in totum, licet actu non habebat; cum vero ius habebat probabile, in parte, pro maiori, vel minori probabilitate, secundum quam certum habebat beneficium, cessante impedimento: cum enim probabile est, illum non accepturum fuisse beneficium, non est obligatio restitutionis. Quod dicimus de beneficio, dicendum est de testamento, ut bene dicit Soto, lib. 4. q. 6. art. 3. qui enim firmam voluntatem dandi alicui impedit contra iustitiam, tenetur restituere illi, cui dandum erat; dicat quicquid velit Sylu. restitutio. 3. §. 12. Similiter qui impedit contra iustitiam operarios, & eos, qui negotia tractant, obligatur restituere. Ob id multum videant iudices, ne detineant iniuste homines operarios, & negotiatores in carceribus: obligantur enim restituere eis omnia, quæ aliàs illi lucrati essent illo tempore iniuste detentionis.

Altera iniusta actio est, damnificatio, qua alicui nocumentum infertur contra iustitiam. Hæc autem potest esse, aut in anima, aut in corpore, aut in rebus: de honore enim & fama, dicemus in præcepto octauo. Ille nocet in anima, qui causa est alteri, ut mortally peccet, vel aliquem errorem contra fidem imbibat; & qui hoc contra iustitiam fecit, puta, dolo, & fraude tenetur veritatem aperire, si tale peccatum contineatur; si vero non dolo, nec fraude, sed vel precibus, vel pollicitationibus, non tenetur. Et hoc idem dicendum est, de eo, qui monachum extrahit à monasterio: si enim vi, vel fraude extrahit, tenetur rescindere vim, & fraudem; ut, si ille velit regredi, possit. Quod si non regrediatur, non tenetur loco eius intrare, ut aliqui dixerunt; tenetur tamen ad satisfactionem aliquam monasterio, si ille monachus erat multum frugi, & utilis monasterio, ut docet Soto lib. 4. q. 6. art. 3. Si autem non vi, vel fraude extrahit, sed precibus, ad nihil tenetur, sed solum manet peccatum contra charitatem. Ille nocet in corpore, qui occidit, percutit, vulnerat, vel mutilat, & si ille, cui nocetur, est servus, tenetur nocens restituere domino totum damnum; ut, si occi-

dit, tenetur reddere pretium illius, & expensas in illo curando consumptas, si vulnerauit, vel mutilauit, debet etiam expensas curationis, & totum id, quod minus valet seruus, ob illam lationem. Si autem liber est, tenetur nocens reddere familiam, & heredibus necessarijs, puta filijs, & parentibus, damnum, quod ex morte incurrerunt: vt si pauperis erant, & ab oculis alebantur, nocens eos alere tenetur: si non manent occisi res, vnde alantur illi. Si verò operarius est vulneratus, vel mutilatus, nocens tenetur reddere expensas in curatione consumptas, & totum, quod perdidit illo tempore: & si fortè amplius laborare non valet, sunt opera eius ipsi restituenda. Cum verò non est damnum aliquod, nisi curationis, vel est, sed illi alij non volunt acceptare restitutionem, non tenetur amplius nocens. Hæc autem intelliguntur de nocumento illicito, secus si sine peccato fiat. Qui autem nocet in rebus, comburendo domos, vineas, & alia destruendo, tenetur etiam talia restituere, cum contra iustitiam sunt, non solum quando ipse facit, sed cum filij, serui, famulive ipsius talia faciunt. Nam si ipso consentiente ista facta sunt, totum tenetur reddere, si verò non consentiente, tunc debet reddere personas, quæ id fecerunt, si potest. Idem est de boue, & animalibus, quando damnum inferunt in agnis, si enim negligentia ipsius damnum factum fuerit, tenetur totum reparare; si verò non, ipsum animal tradere, vt ex ipso præna sumatur, nisi id velit rescire. Atque his modis actio ista secunda iniusta committi potest.

De restitutione iniusta acceptionis, & detentionis.

CAPVT XX.

ALIA actio iniusta, vnde nascitur obligatio restituendi, est iniusta acceptio, qua aliquid capitur inuito domino. Ob quam rationem, tenentur restituere latrones, fures, raptores, viuarij, & hi, qui iniquos contractus exercent, de quibus in particulari postea dicemus: nunc tamen de quatuor acceptionibus tantum dicendum est, puta de cæsiõne lignorum in syluis, venatione ferarum, & auium etiam captione, ac piscatione.

In cuius gratiam nota: syluæ, aut montes, in quibus arbores cædi soleant, tripliciter se habere possunt. Quædam sunt ipso-
rum

rum castellorum, aut urbium communes, tamen sub pœna quadam casio prohibetur. Quædam sunt ipsorum dominorum urbium, puta Ducum, Principum, & similium. Quædam hominum particularium. Adde etiam; quædam sunt urbium; aut castellorum vicinorum, & proximorum. Hoc autem generaliter in omnibus obseruandum est, cum pœnæ aliquæ impositæ sunt cædentibus, quamuis quis cædat, non obligatur ad pœnam soluendam, quousque comprehendatur, & condemnatur: tamen quantum ad restitutionem circa istam pœnam in conscientia.

Dico primò, si sylvæ sunt communes, quamuis incola, aut cuius visus, vel pagi cædat in utilitatem propriam aliquot arbores sine facultate, non peccat mortaliter, nec obligatur ad restitutionem: nam talis pagus aut ciuitas, hoc modo & via interdit distribuere suis ciuibus arbores, vt cædant; si tamen comprehendatur, pœnam soluat. Est autem pœna posita, ne sylvæ citò destruerentur, & consumerentur: verum est, quòd si magnam stragem faceret, obligaretur ad restitutionem.

Secundò, si sylvæ sunt particularium hominum, absque dubio, peccatum est cedere absque facultate domini, & obligat ad restitutionem, & hoc etiam dicendum est de eo, qui, cum sit vnius pagi incola, cædit sylvas alterius pagi; quamuis si iniuriam homines illorum pagorum aut castellorum, soterent sylvas proprias aggredi, & cedere, iudicaretur hoc, ac si sylva propria esset illi pago, in quo cædens est incola.

Dico terriò, cum sylvæ sunt dominorum, non licet etiam cedere, obligatq; cædens ad restitutionem, quamuis in hoc non sit tam arcta regula, ac si esset particularis cuiusdam. Vnde dicit Soto, quòd possent pauperes cedere ligna ad usum foci proprii necessaria, & domini multum in hoc considerare debent, ne graues pœnas præsertim corporis imponant subditis: nam arbores, quas natura dat sponte, nò sunt tam propria, ac pecunia in arca reposita.

Per hæc possumus etiam respondere de piscatione. Nam si flumina sunt communia vbi & ciuitati, tunc eodem modo piscans non tenetur ad restitutionem, quamuis piscetur, sed ad pœnam post condemnationem, si comprehendatur. Si verò aquæ sunt particulares alicuius, permanentes, vt lacus, stagna, non licet absque peccato obligante ad restitutionem, quamuis, si essent aquæ transeuntes, non esset obligatio ad restitutionem. Attende tamen, quando fiunt in ciuitatibus

prohibitiones piscandi, ob bonum commune, quia pisces ova fouent, & piscatio inducit penuriam, tunc peccatum esset piscari, licet nulla esset restitutionis obligatio.

Circa venationem autem attende, eandem esse rationem: non enim obligatio est ad restitutionem, nisi locus, in quo fit venatio, esset muro circumdatus, tunc non liceret intrare ad venandas feras, essetque restitutio facienda; quamvis, si fera extra murum esset, posset occidi, & capi; & si non sit murus, si pactum est inter dominum, & incolas, quibus soluitur totum damnum, quod ferae in ipsorum terris faciunt, non liceret venari absque restitutione. Cum verò non soluitur totum damnum in integrum, nulla est obligatio; immò, si damnum ciues paterentur, non solum non obligarentur ad restitutionem, sed absque villo peccato liceret ipsas occidere, & capere.

Circa aues notandum est, quasdam esse omninò domesticas, & eas capere, peccatū est obligans ad restitutionem: quasdam verò omninò sylvestres & vagas, quæ nō habent firmum locum, & has aucupari intra loca murata aliorum, non obligat ad restitutionem, quia nullius sunt: non enim permanent sicut arbores: quamvis peccatum esset capere, cum ad bonum commune aliquo tempore sit prohibitio: quasdam partim domesticas, partim sylvestres, ut columbas, has capere in locis proprijs, ubi nidificant, ut in columbarijs; obligat ad restitutionem, cum dominum proprium habent: similiter etiam, ipsas capere intra spacium permissum per leges, dummodò alantur à dominis proprijs: cum enim nullus eis cibus à proprijs dominis datur, ob idque terras aliorum detinent, possunt licetè capi à dominis terrarum & agrorum, quibus damnum inferunt: extra spacium autem determinatum, cum nimis vagantur, possunt capi, ac si essent omninò sylvestres; maxime tamen à dominis locorum, in quibus vagantur, nec ad restitutionem obligatio esset. Hæc igitur est actio iniusta, ad restitutionem obligans, & sicut acceptio iniusta obligat, ita iniusta detentio, cum quis detinet alienum, ipso domino inuito. Atque hæc est tertia radix restitutionis.

De quarta radice restitutionis.

CAPVT XXI.

Quarta restitutionis radix est, iusta acceptio; cūm qui habet, seu accepit quid alterius, sed iusta actione, puta, mutuo, emptione, aliove licito contractu, ratione cuius tenetur reddere alteri. Notanda tamen est differentia inter iustam actionem & iniustam; cūm enim obligatio restituenda est ratione iustæ actionis, non transit nisi ad heredes, & fideiussores illius, qui tenebatur reddere, nec alia genera personarum reddere tenentur; cūm verò ex ratione iniustæ actionis, non solum qui iniuste agit, sed etiam octo genera personarum reddere tenentur; vnumquodque in solidum & integrum. Sunt autem personæ hæc.

Qui iussit seu præcepit, vt damnum alteri fieret, vel ab altero, quod suum est, iniusto raperetur.

Rursus, qui ratificauit, id est, in cuius nomine, ipso nesciente, actio iniusta facta fuit; si tamen postmodum sciuit & approbauit: secus tamē, si tantum factū approbauit, quod antea in eius nomine non fuit factum; aut in nomine ipsius fuit factum, sed non approbauit: tunc enim non obligatur ad restitutionem.

Rursus, qui consilium dedit, qui consensit, qui dedit fauorem. Ista tamen intelligenda sunt, cūm consilium, consensus, & fauor fuerint causa, vt fieret iniusta actio, quæ tamen aliter non fieret: tunc enim obligat ad restitutionem; secus si causæ non fuerint.

Rursus, participans, & cooperans in actione iniusta tenetur restituere. Sed aduerte, cūm cooperans talis est, vt, nisi cooperaretur, actio iniusta non fieret; puta, furtum, rapina, vel damnum, tunc tenetur in solidum restituere, quia est integra causa; & si alij cooperatores non soluant, tenetur totum reddere. At si non fuit tota causa, quia aliàs sine illo furtum fieret, tenetur solum reddere partē acceptam, aut partem damni illati. Quòd si illius opera factum est maius furtum vel damnum, quàm aliàs fieret, talem excessum tenetur in solidum restituere.

Rursus, non obstands, id est, qui non prohibet, cūm possit commodè damnum alterius, tenetur restituere. Sed attende,

quod non satis est posse, sed ex officio obligari ad id. Vnde si vicinus videat furem in vicini domo furantem, & taceat, cum possit clamore prohibere furtum, peccat quidem mortaliter, & contra charitatem, sed non contra iustitiam; quia non ei id ex officio incumbit; ob id non obligatur restituere, quicquid velit Caietan. verba restitutio; immo si acciperet pecunias a latrone, vt taceret, non teneretur restituere, vt dicit Soto lib. 4. q. 7. art. 3. Teneretur tamen, si esset famulus vel iudex, vel is cui ex officio incumbit ista prohibere. Et sic tenentur iudices, qui debitam diligentiam non faciunt in locis, in quibus residet, ne damna inferantur.

Rursus qui non manifestat, id est, qui sua taciturnitate & occultatione causi est, vt alius suum non habeat. Hoc etiam intelligendum est, cum ex officio incumbit; & hoc modo restitui in iudicio contra aliquem, veritatem occultans, teneretur restituere damnum, quod ille incurrit, cum causa fuit. Dico, cum causa fuit, quia si iam alij testes falsi praecefferant, qui sufficiebant ad condemnationem, nec iste quicquam negotio adiecit, non teneretur; & hoc modo excusat Caiet. a restitutione, sed non a peccato. Illi vero qui suffragantur publice in negotijs & causis determinandis, cum iam vident maiorem partem in vno inclinati, quamuis iniuste, si ipsi etiam suffragentur, quamuis peccent, cum tamen causa non sint, non obligantur ad restitutionem. Haec sunt radices quatuor, propter quas aliquis ad restitutionem teneretur. Sed est graue dubium inter doctores, cum actio dandi & accipiendi est iniusta, an obliget ad restitutionem: verb. grat. cum quis dat pecunias alicui, & alium occidat, & iudici, vt iniquam sententiam ferat, vnus male dat, & alter male recipit, an qui recipit, ad restitutionem obligetur. In primis potest dari pecunia alicui, ne peccet, vt ne occidat, ne sit sacrilegus, ne fornicetur, in quo vnus bene dat, alter male recipit, sed secundum Soto. lib. 4. q. 7. art. 1. ad secundum, non obligatur qui accipit ad restitutionem semper, nisi cum accipit pecunias pro his, quae secundum legalem iustitiam absque pecunia teneretur facere. Vt iudex, qui pro sententijs, vel alijs, pro quibus leges disponunt pecunias non esse accipiendas, vel non tot pecunias accipit, teneretur restituere, & hoc modo post Concil. Trid. nullus pro ordinum collatione, quocumque praetextu potest accipere pecunias, sess. 21. Cap. 3. & si accipiat, dare teneretur. In alijs, in quibus non est prohibitum a lege, non teneretur, cum eas accipit ne peccat, quamuis cum discrimine. Nam si dat

dat pro peccato alterius vitando, quod erat contra iustitiam, ut ne alter occidat, ne sit sacrilegus, tunc potest coram iudice repetere, & audietur in iudicio: & sic intelligitur, l. utputa. ff. de condict. ob turpem causam. Tamen qui accepit, ante repetitionem non tenetur dare, nisi vi acceperit; ut, qui accipit pecunias ab alio, quem volebat occidere, ne ipsum occidat. Si tamen peccatum non erat contra iustitiam, nec tenetur restituere, nec potest repetere. Nam potest esse datio & acceptio mala, quia est pro re turpi, & ob peccatum, sed non contra iustitiam, ut, qui dat pro fornicario actu: & his, ut dictum, non tenetur restituere qui accepit. Rursus est datio & acceptio mala, quia res, pro qua pecunia datur vendibilis non est, ut in simonia, & de hac post dicemus. Tandem est datio & acceptio mala, quia datur pro re contra iustitiam, ut in exemplis præpositis de homicida & iniquo iudice. Et de hoc casu est controuersia, in qua duæ existunt opiniones celebres.

Altera est: qui accipit, obligari ad restitutionem, non quidem domino, qui malè dando ius suum perdidit, sed pauperibus. Hanc opinionem tenet Caiet. verb. restitutio, Soto loco allegato. Ad r. q. 19. supra 4.

Altera sententia est aliorum, qui tenent non obligari ante condemnationem, sed posse qui accepit retinere. Hanc tenent Anton. 2. p. ritu. 2. c. 5. Sylu. restitut. 2. §. 3. Angel. verb. restitutio, §. turpe. Nauar. cap. 17. nu. 34. & quia ista res est moralis, in qua multi doctores rem faciunt probabilem, possunt esse tuti in conscientia qui acceperunt, licet non restituant, quia insignes doctores id docent. Quorum sententia etiam mihi placet, quia opposita solum fundatur in duabus legibus, quæ nihil probare videntur; est enim l. generaliter. ff. de verb. oblig. ubi habetur, turpes stipulationes nullius valoris esse, sed hoc non concludit, solum enim intendit in iudicio exteriori non esse efficacem illam stipulationem, cum possit repetere qui dedit. Rursus est l. in heredem, de calumniat. ubi dicit, acquisita ob turpem causam, esse etiam ab heredibus extorquenda; sed idem est huius sensus: datur enim in iudicio locus repetitionis, sed ante sententiam non obligatur qui accepit, reddere, bonum tamen esset si redderet, & Confessarius consilium hoc dare debet, sed non sub præco imponere. Et hæc sufficiant.

Quid sit restituendum.

CAPVT XXII.

HActenus qui restituere teneantur; diximus, nunc quid restituendum sit, dicendum est; sunt enim quatuor obseruandæ regulæ circa hoc.

Prima est: Qui ratione rei alienæ restituere tenetur, ipsammet, nisi quid obstitit, reddere debet. Explico. Diximus superius, aliquos teneri ad restitutionem, quia rem alterius, siue malè, siue benè acceptam apud se habent, vt fur, qui apud se vas alienum, vel alias res habet, & ille qui commodatò vel locatò habet rem alterius, vel alio quouis titulo iusto: omnes hi debent eandem rem reddere, nec satisfaciunt dando valorem, nisi in aliquibus casibus.

Quorum primus est, cùm res deperdita est, seu alienata ab ipsius potestate: tunc enim valor reddendus est. Sed aduertere oportet quæ suprà diximus. Qui enim rem benè acceptam apud se habuit, si pereat absq; culpa, vel malitia sua, non tenetur reddere valorem. Rursus, qui rem malè acceptam apud se sed bona fide habuit, si in illa bona fide periit, non tenetur nec reddere valorem. Ille igitur reddet, qui in mala fide rem habuit & periit, illo sic existente.

Secundus est, cùm res est multò peiorata, quàm cùm fuit accepta; tunc enim valor reddendus est; aut res cum valore suppleto defectum, prout dominus elegerit; sed hoc etiam iuxta dicta intelligendum est. Qui enim benè acceptam rem habet, si sine sua culpa vel malitia peiorata est & deterior facta, non tenetur amplius, quàm eandem reddere, nisi negligentia vel malitia id sit factum. Vnde, qui in pignus accepit pannum, si postea tinea corrodatur, idque non fiat sua culpa, non tenetur reddere, nisi eo modo quo est. Teneretur quidem, si culpa propria id euenisset; idemque dicendum est de alijs benè acceptis. Rursus idem dicendum de eo, qui malè acceptam rem apud se habet, sed bona fide. Est igitur casus intelligendus de eo, qui mala fide alienum habet, & detinet.

Tertius est, quando sequitur peccati manifestatio. Vnde qui alienam rem habet, si non potest eandem reddere, nisi manifestetur peccatum ipsius accipientis, non tenetur nisi valorem reddere. Et idem est, quando sequitur aliquod notabile inconueniens, licet peccatum non manifestetur.

Secun-

Secunda regula est, qui ratione rei malè acceptæ, aut ratione malæ actionis & iniustæ tenetur restituere; debet nō solum rem vel valorem, sed etiam fructus, quos ex se talis res fecit, reddere. In cuius explicationem aduerte; Aliqua res potest facere fructus dupliciter vno modo ex se absq; industria habentis, aut saltem cum aliqua industria, quales sunt agri ex se fructificantes, & alia huiusmodi, vt animalia, oues, armenta: alia sunt quæ non fructificant, nisi ex industria dominorum, vt pecuniæ, quæ ex se non pariunt, nisi adsit negotiatio hominū. Qui igitur acceptam malè rem habet, aut malè accepit, non tenetur restituere fructus, quos res ex ipsius industria fecit. Vnde si latro furatus est centum aureos, & illis negotiatus, lucratus est mille, non tenetur ista mille reddere. Rursus, vsuarius, quia pecunia malè accepta negotiatur benè, & lucratur, non tenetur reddere lucrum: at tenetur reddere fructus, quos res ex se faciunt, deductis expensis. Vnde, qui agros alienos iniuste detinet, tenetur etiam fructus factos solvere, deductis expensis; & qui equum locationis furatus est, tenetur lucrum, quod in eius potestate fecit, reddere cum re ipsa.

Hic tamen duo notare oportet. Alterum est, qui rem malè acceptam habet, sed mala fide, tenetur nō solum fructus, quos ex se res fecit reddere, sed quos fecisset in potestate Domini, verbi gratia, furatus est quis equum locationis, tenetur reddere lucrum, quod domino proveniebat, quamvis ipse nulli locaverit equum: & qui vineas alienas iniuste habet, & mala fide, tenetur reddere fructus, quos apud dominum fecissent, quamvis ipse sua negligentia nullos perceperit. At qui bona fide habet non tenetur nisi de perceptis;

Alterum est. Qui malè accepit rem alienam, aut mala fide habet, tenetur de damno illato & emergenti; verbi gratia, furatus est quis centum aureos alicui, iste vero postea coactus est ad habendam pecuniam, qua possit suæ necessitati providere, domum vendere minoris quam valebat, aut sumere centum ad vsuras, fur tenetur non tantum reddere centum, sed etiam vsuras quas contraxit, vel illud pretium quod ille perdidit de iusto valore domus. Idem dicimus de damnificatione: qui destruit vineam vel domos alterius, tenetur de damno emergenti. Tenetur etiam de lucro cessante, vt, si pecunias negotiationi expostas rapuit, tenetur de lucro cessante domino ipsi. At qui bona fide alienum habet, solum quod alienum est

est tenetur reddere, nihil amplius nisi in malam fidē incidat, & post malam fidem dominus verus damna incurret, tūc enim perinde est, ac si à principio in mala fide esset.

Tertia regula. Qui ratione rei bene acceptæ restituere tenetur, non obligatur fructus dare, quos ex ea habuit. Explico; Habet quis pecunias in deposito, si eis negotiatur & lucratur, non tenetur quicquam lucri dare domino, dum nō sit in mora reddendi depositum, cum reddere debet. Rursus, qui vas aliquod vel vestes habet pro pignore, si aliquando ei utens aliquid lucratur, non tenetur reddere lucrum, sed id solum in quo talis res deterior facta est, si forte facta est ex tali usu.

Quarta regula. Qui ratione iustæ acceptionis tenetur restituere, non obligatur reddere, nisi quantum accepit, non tamē fructus. Vnde, qui mutuo accedit, vel sub vditione & emptione, vel alio licito contractu, debet reddere quantum accepit, non tamen fructus partos ex usu & negotio. Notandum tamē quod si est in mora ex culpa sua, tenetur reddere damnum emergens domino, & lucrum etiam cessans. Explico: In primis si non est soluendo, nec id ex culpa sua est, non tenetur, nisi cum primum poterit reddere quantum accepit, tamē si culpa sua intercedit, nimirum quia habet unde soluat, & non vult, vel ipse ludendo vel prodigendo, vel alia similia faciendo, in causa est, ut non habeat, quamvis etiam recte pecunias expenderit, ut, qui sciens se solvere debere mense sequenti pecunias, voluit prius absq; necessitate expendere in alijs negotijs: tales tenentur domino, & creditori solvere damnum emergens, id est illud damnum quod creditor incurrit, coactus ex illa dilatione, ut, si ex eo, quod non soluit debitor, factum est, ut creditor domum venderet minoris quam valebat, vel pecunias sub usuris caperet, tenetur debitor talia damna rescire. Dixi tamē quod creditor coactus incurrit: nam si aliter poterat subuenire sibi quam damnum incurrendo, non tenetur debitor de damno emergente, sed de lucro cessante; ut, si forte creditor expositurus erat negotiationi pecunias, si debitor non reddat, cum debet, tenetur de lucro cessante, non de damno e-

mergente, si velit mercator pecunias ad usuras sumere, ut exponat, si forte coactus sit eas exponere negotiationi.

Cui restitutio sit facienda.

CAPVT XXIII.

Tertium caput discutiendum est, cui sit restitutio facienda. Aduerte, esse quatuor genera personarum, ad quas res aliqua pertinere possunt. Quidam sunt domini veri & legitimi rerum; quidam secundum quid, seu ratione alicuius potestatis, vt, qui detinet depositum alterius, locatum vel commodatum alterius, & denique quod alienum est. Quidam sunt haeredes verorum dominorum. Quidam sunt pauperes ipsi.

Sit igitur prima regula. Illi est restitutio facienda, à quo accepta est res; si accepisti à vero domino, ipsi est reddenda; si ab habente in deposito vel commodato, ipsi etiam est reddenda, quamuis possit etiam reddi vero domino. Sed cum est periculum, ne ille non reddat vero domino, cum redditur, debet ille moneri, vt verò domino reddat: tamen hoc non est necessarium, sed sufficit ei reddere, à quo ablata est res. Excipiuntur tamen aliqui, quibus non est reddenda res, ita vt si reddatur, peccatum non contra iustitiam, vt obliget ad restitutionem, sed contra charitatem proximi.

Primus, qui excipitur, est latro: qui enim accipit à latrone, quod furto sustulerat, non tenetur ei reddere, quamuis id affirmet Caietanus verb. restitutio. nec enim tenetur, secundum iustitiam domino reddere, vt vult Soto lib. 4. qu. 7. art. 1. sed potest reddere latroni, tamen contra charitatem faciet nisi domino reddat: quod sibi timet sibi malum à latrone instigendum, nisi ipsi reddat, nec contra charitatem faciet reddendo, quod ab ipso recepit. Idem dicendum est de eo, qui accepit à puero, qui proprium non habet. Idem dicendum est de furioso, & de prodigo: quamuis, qui daret prodigo, qui furus est malè pecunijs, contra charitatem non peccaret dante, vt dicit Soto, si ipsum moneret, vt benè expenderet, si tamen daret illi, qui abusus est pecunijs contra iustitiam, alijs damnum inferendo, peccaret grauius, sed non obligaretur ad restitutionem aliam. Excipitur etiam dominus, cum ita absens est, vt non possit ei commodè, quod suum est, mitti; praesertim si quod tenetur reddere, non accepit malè: si enim malè accepit, tenetur aliquot expensas ex se

ex se facere, vt dominus verus suum habeat integrè, sed non, si benè accepit, nisi cum domini proprii expensis; cum verò nullo modo potest mitti, non ipsi facienda est restitutio, sed expectandum; & si nulla est spes, reputatur debitum incertum.

De quo secunda regula fit: Cùm non extat verus dominus, nec is, à quo sublata est res, tunc hæredibus facienda est restitutio. Aduerte autem esse hæredes in duplici differentia: quidam sunt necessarij; qui non possunt ex hæredari, nisi ex causa legitima, vt filij, patres: quidam non necessarij, quibus non obuenit hæreditas, nisi ex legato, vel deficientibus necessarijs, vt fratres & alij cognati. Omnibus his est restitutio facienda, quæ his, non ratione iniuriæ: sed ratione rei acceptæ, aut male acceptionis, debetur, suo tamen ordine: non enim res obuenit non necessarijs, existentibus necessarijs. At restitutio, quæ ratione iniuriæ fit, vt, ratione alicuius homicidij, non est nisi necessarijs facienda, secundum Sot. lib. 4. quæst. 6. art. 3. ad 3.

Deficientibus autem domino, & hæredibus, tunc fit regula tertia, facienda est restitutio pauperibus. Per pauperes autem intelligimus etiam opera pia, quæ in hospitalia, in monasteria & alia pia conferuntur loca: nec opus est vt ista distributio fiat per Episcopos, sed potest ipse qui habet, distribuere; imò si pauper sit, potest partem sibi retinere, vel totum, si toto indigeat. Aduertendum tamen, quòd non debet talis distributio fieri, nisi veri domini cognoscuntur, aut nisi præmittatur debita diligentia, qua non præmissa, non verè satisficitur: Quòd, si post dominus compareret, oporteret iterum reddere, secus, si diligenter esset præmissa. Similiter non possunt fieri compositiones cum certis dominis, nisi prius diligens inquisitio fiat, vnde sibi notarij & procuratores caueant, qui vtuntur compositionibus, nulla facta inquisitione erga proprios dominos, vt faciunt vendentes vltra iustum pretium.

Quantum, quomodo, quando fit restituendum.

CAPVT XXIV.

Quantum autem sit restituendum, ex his, quæ diximus in explicatione eius, quid esset restituendum, magna ex parte notum est, solum tamen duo supersunt. Ali-

Alterum, de iniuria, quæ pecunia satisficit. In hac autem, quantum restituendum sit, oportet viri prudentis iudicium querere, consideratis personis, & iniuria; nõ autem est stādum iudicio eius, qui iniuria affectus est.

Alterum autem est, de damno illato his rebus, quæ nondum ad perfectum valorem venerunt, vt de destruyente seminata, vel occidente animal in ætate tenera, vel destruyente ea quæ ventura sperantur ad maiore valorem. His pretium est, quantum res in perfectione valitura erat, deductis expensis, quas dominus facturus erat, & computatis periculis quæ intersunt vsq; ad rei perfectionem. Nam minus valet res cum periculo quàm certa; & minus cum minori periculo. At quia domini nollent vendere talia pericula, ob id restitutio est facienda, aliquantò plus quàm periculum valet, cum damnum ex malitia & non casu factum est, vt dicit Soto q. 6. art. 5. lib. 4. quando vero casu aliquo sufficit reddere computādo totum valorem periculi, & expensarum.

Quomodo autem sit restituendum, aduerte, quod oportet aliquem per se, vel per alium restituere, dum tamen sit certus probabiliter, cum per alium restituit hunc reddere domino, quod reddendum accepit. Est autem notādum, esse discrimen inter commodatum & mutuum: qui enim dat alicui rem commodatam, vt domino reddat, si talis, cui dedit, erat persona secuta, & cui potuit benè fidere, si postea accidat, vt ille non reddat, vel si cum commodato aufugit, non tenetur ad ampliùs, quæ ei dedit, reddendum. Idemq; est de deposito & pignore & alijs, in quibus obligatio restituendi accidit ex parte rei acceptæ, quia si respicit, & non ex negligētia vel malitia habentis, aufertur obligatio restitutionis. At in mutuo, non sic, nec in alio contractu, in quo obligatio restitutionis nascitur ex ratione acceptionis: quocunque enim modo pereat, perit in damnum accipientis.

Aduerte etiam rursus, qui tenetur restituere aliquid domino in integrum & solidum, non satisfacit reddendo per partes, modò vnā, modò aliam, si potest simul dare; quod si nolit, nec se simul tota summa pecuniarū priuet, mortaliter peccat, nisi excusetur ex illis causis, quib⁹ excusatur aliquis, aut, vt non restituat, aut, vt nõ statim restituat, quæ quidē paulò inferius dicentur.

Oportet nunc examinare quando est restituendum. Et quidem responsio est; si restitutio est facienda, ratione rei mōde

acceptæ, vbi mala fides adest, aut rationem malæ actionis, statim est facienda, cùm commodè fieri potest; si autem est ratione iustæ actionis, debet statuto tempore fieri, si commodè fieri potest. Est igitur restitutio generaliter facienda, cùm dominus est inuitus, & commodè fieri potest: vbi notandum est. Qui cùm possit & debeat, non vult restituere, mortaliter peccat, & quod magis differt, grauius peccat, & quoties occasio commoda se offert restituendi, & non statim vult restituere, aut non curat advertere, mortaliter rursus peccat. Vnde multum falluntur, qui debita, cùm possint, nolunt soluere, differentes vsque ad mortis testamentum, & qui sic discedunt, secundum communem sententiam, in peccato discedunt. Peccant etiam qui bona habent dubia, & de quibus certi non sunt, an propria sint & differunt id elucidare vsque ad testamentum, in quibus etiam vt dubia relinquunt; cùm teneantur statim, cùm commodè possunt id declarare, & si forè debent, restituere.

Sed dices, quando dicitur aliquis posse commodè restituere?

Dico primò, cùm aliquis non potest statim reddere absque periculo propriæ vitæ, non tenetur statim reddere, sed potest differre.

Dico secundò, cùm non potest etiam absque periculo infamiae statim reddere, potest differre, nec tenetur statim reddere, & in his duobus omnes conueniunt.

Dico tertio, cùm non potest statim reddere absque detrimento notabili propriæ rei, quando creditor nullum tale damnum incurrit, non tenetur statim restituere. In hoc non omnes conueniunt. Explicanda sunt prius, in quibus consentiunt omnes. In primis Caietanus 2. 2. quæst. 62. artic. 8. inquit, non dicitur notabile detrimentum, quia debitor se priuat tota illa pecunia, quam debet, quamuis magna sit, aut quia perdit lucrum magnum, quod posset aliena pecunia comparare, sed dicitur detrimentum, quod in re sua propria ultra debitum patitur, quod cùm magnum est, puta, quia cogitur multò minoris res proprias vendere quàm valeant, aut quia redigitur in paupertatem, aut status mutationem, dicitur notabile detrimentum. Conueniunt ergo Doctores, cùm detrimentum debitoris aliquod est, sed non magnum, tenetur soluere creditori, cùm tempus est solutionis. Rursus cùm creditor etiam in re sua notabile, & ferè æquale detrimentum

tum incurrit, tenetur adhuc statim restituere. At cum paruum vel nullum creditor incurrit detrimentum, debitor autem notabile incurrit, an teneatur statim reddere, vel differre possit, in hoc Doctores variant. Caietanus verb. restituit. & Soto libr. 4. de iustit. quæst. 7. artic. 4. cum distinctione procedunt: dicunt enim, cum res malè accepta est, puta, furto, vel alio iniusto titulo sublata; tunc tenetur etiam cum notabili detrimento reddere; cum verò non est malè accepta, non tenetur, nisi sua culpa in tales se redegerit debitor angustias; puta, quia prodigus, & bonorum profusus fuerit. At Sanctus Antoninus 2. part. tit. 2. cap. 8. & Nauarr. cap. 17. numero 18. tenent neutrum illorum obligari cum notabili detrimento in hoc casu statim reddere. Et aduerte, quod non loquimur de non restituendo in perpetuum; hoc enim postea dicitur, sed de non statim restituendo. Mihi profecto hoc videtur probabilius, puta, ut cum maiori detrimento teneatur restituere statim, qui ratione rei malè acceptæ obligatur, tamen non credo obligari cum notabili detrimento, cum postea restitutio facienda speratur: non enim aufertur, sed differtur.

Duplex dubium hic occurrit: Alterum est, an quis cum vitæ periculo teneatur reddere, quod alterius est, domino existente in eodem periculo. In hoc est diuersitas opinionum, Scot. dist. 15. 4. sentent. quæst. 2. & Nauarr. c. 17. nu. 60. dicunt teneri debitorem ad mortem subeundam, cum creditor simile periculum incurrit. Vnde, si duo essent in extrema necessitate, nec esset nisi vnus panis, quem alter ante necessitatem mutuò acceperat ab altero, tenetur reddere domino, & mori: Soto libr. 4. quæst. 7. art. 1. tenet contrarium, & Caietan. & Tabien. verb. restitutio, §. 4. dicunt non teneri, quamuis furto sustulerit, dummodò sit ante necessitatem. Nam in necessitate illa rapere, mortale esset obligans ad restitutionem; secus si ante acceperit, quocumque modo acceperit; quoniam necessitas extrema quicquid est in sua potestate, facit suum. Et ego ita credo, illum non teneri, quamuis si vellet, dare, & reddere posset. Intellige autem illum non teneri, nisi alter esset publica persona, ex cuius salute tota dependeret salus Reipublicæ: tunc enim tenetur dare, sicut tenetur obire, & mortem oppetere pro tota Republica. In quo etiam casu peccaret, qui cum haberet, alteri daret. In nullo autem casu licet ab altero in extrema necessitate rapere vi, vel furto. Nec mihi placet,

quod Soto dicit, puta quòd posset aliquis dare parētibus, filiis, & vxori in necessitate positus, non tamē fratribus, & relinquere creditorem, etiam in eadem necessitate positum; sed positus cum Tabien. credo oppositum: sibi enim soli providere licet, aliàs melior est conditio creditoris.

De infamia autem non est eadem ratio, quia infamia non facit dominium rei. Vnde debitor cum periculo infamiae tenetur reddere, quando talis infamiae periculum est creditori, dummodò tamen non sit notabiliter maior fama, quam perdit debitor, tunc non tenetur. At teneretur, licet esset maior, si non multò, Nec est similis ratio de vitæ periculo: nam in vitæ periculo potest quis alienum capere, non tamen in periculo famæ.

Alterum dubium est, si is qui in extrema necessitate positus recipit ab aliquo aliqua, vel quia aufert, vel quia alter ei ministrat, qui non est in eadem positus necessitate, is, inquam, tenetur reddere, si postea ad pinguiorem venerit fortunam. Scot. & Soto locis allegatis dicunt, si positus in necessitate extrema erat debitor alicuius ante talem necessitatem tenetur ea reddere: si tamen post euaferit & ad pinguem fortunam venerit, quæ in illa necessitate habuit, non tenetur reddere. Limitat Soto, nisi talis in necessitate existens in alio loco habeat tunc, vnde soluere possit, ita vt non sit omninò indigens, sed in tali loco solum. Adrian. in mat. de restitut. & Nauarr. cap. 17. nume. 89. tenent contrarium, illum omninò teneri, & ego ita credo. Et ratio quæ me mouet est ista, quia qui dat alteri in necessitate extrema posito, non dat ex obligatione iustitiæ, sed charitatis, quia solum obligatur remedium illi præstare, ad quod sufficit charitas vt mutuet vel commodet, vel alio modo provideat. Ille igitur tenetur restituere si post habuerit unde possit, nisi qui dedit, simpliciter dederit, vt eleēmosynam, qua dominium transfert, sed ex sola datione in necessitate illa non transfert sic dominium, vt ab ipsa restitutione liberetur, nisi sit res parua, quam verisimile est dantem donasse omninò, aut eleēmosynam fecisse illi, vt fieri solet pauperibus.

Quo ordine, quoue loco sit restituendum.

C A P V T X X V.

Ordō restitutionis non est necessarius, cū debitor omnia potest soluere debita quæ contraxit: cū autē non habet vnde omnibus satisfaciatur, ordo est seruandus, quē Bald. tradidit c. de bon. auctor. iud. possid. l. pro debito. ipsumque Doctores sequuntur communiter.

Ex ipsius doctrina aliquot desumuntur regulæ.

Prima, quando debitor habet apud se rem alterius quocūq; modo habeat, siue furto sublatam siue depositam, siue inuentam, debet prius restitutionem ipsius facere domino, vel pauperibus, domino deficiente, quia illa res nondum transit in habentis dominium. Idemq; iudicat Bald. esse de re emptæ, sed nondum soluta. Restitutio igitur quæ ratione rei acceptæ faciendæ est, prius fieri debet.

Secunda regula. Cū restitutio est faciendæ ratione acceptationis seu actionis, oportet prius restituere certa, id est, ea, quorum domini cognoscuntur, quàm incerta, id est, ea, quorum domini ignorantur,

Tertia regula. Inter certa prius est faciendæ restitutio debitorum licite contractorum, quàm usurarum, quia in usuris acceptis dominus non fuit simpliciter inuitus. Hæc non est Baldi, sed est Tab. verb. restitut. §. 25. quamuis Caic. non consentiat in hoc.

Quarta regula. Erga alia debita certa, vel licite, vel per usuras contracta, obseruanda sunt iura, & si in aliqua ciuitate est aliquod particulare ius, ipsum est obseruandum, dummodò rectum sit; si verò nullum est, obseruandum est ius commune, secundum quod ius commune.

Primo loco soluenda sunt debita, ad quæ bona debitorum fuerunt expresse obligata & hypothecata.

Secundo loco dos vxoris extrahenda est, quamuis in aliquibus ciuitatibus primum locum obtineat, sed nos loquimur de iure communi.

Tertium locum obtinet fiscus.

Quartum, debita, ad quæ bona creditorum sunt tacite hypothecata.

Quintum obtinent deposita perditæ in potestate debitoris.

Sextum privilegiati, qui habent priuilegia, vt ipsorum debita soluantur.

Vltimum tenent alij creditores. Post hos omnes sunt hi, à quibus vsura accepta sunt, & adhuc post, bona incerta sunt restituenda. Cùm autem multi vnius rationis creditores inueniuntur, temporis antiquitas est inter eos obseruanda.

Circa locum autem dubium exoriri posset: possent enim creditor & debitor non esse in eisdem locis, tunc difficultas esset, an debitor teneretur ad locum creditoris sua expensa rem ei mittere. Ad hoc autem per tria dicta respondetur.

Primum est, si restitutio tantum ratione rei facienda est, & non ratione actionis seu acceptionis, tunc satis est debitori, si rem reddat in loco vbi reperitur, nec propria expensa teneretur mittere, sed potius creditoris: verbi gratia, emi à latrone bona fide aliquid alienum, postea constat non esse ipsius, tamè dominus distat, non teneor expensis proprijs ad locum creditoris mittere, quamuis emerim in loco, vbi ipsius dominus erat; secus tamen si scienter à latrone emi, vel si, cùm mala fide essem, mutauì locum; tunc enim ibi est iniusta actio vel detectio, de qua sit.

Secundum dictum, qui restituere tenetur ratione iniustæ actionis, tenetur rem ad locum domini mittere, nisi aliud ipsi placuerit, & soluere creditorem indemnem, vt in nullo rei suæ detrimentum patiatur.

Tertium dictum: Qui ratione iniustæ acceptionis restituere tenetur, debet restituere in loco illo, in quo vel expressè vel tacitè conuenit cum creditore de soluendo. quod si nullus fuit conuentus, illic tenetur soluere, vbi conueniri coram iudice competente potest. Idem etiam dicimus de eo, qui ratione rei tenetur restituere, tamen conuentus fuit tacitus de loco, vel expressus: vt, qui accepit cōmodato vel locato, vel simili modo, tenetur in loco, vbi accepit reddere, quia tacitè talis locus fuit sub pacto, & potest iste modus reduci ad

eum, qui est ratione iniustæ acceptionis.

Qua causa excusent iniquum.

CAPVT XXVI.

Vltimo loco agendum est de causis, propter quas excusatur quis à restitutione facienda.

Hæ autem septem sunt.

Prima est, cum intercedit remissio creditoris, puta, quia creditor remittit: tunc enim debitor liber est à restitutione.

Notandum tamen est, vt ista remissio sit valida, aliqua conditiones requiruntur.

Prima, vt qui remittit, habeat remittendi potestatem. nempe quia ille dominium habebat talis rei. Vnde, filius familias ex bonis patris non potest facere remissionem, nec seruus, nec furiosus in furore existens, nec famuli, aut villici, nec negotiatores res dominorum tractantes; nec hi, qui vectigalia & gabellas loco principalium exigunt. Vnde horum remissiones non auferunt obligationem restitutionis.

Secunda, vt qui remittit, liberè, & non coactus, nec aliqua remittat; cum enim vis intercedit nulla est remissio. Vnde qui deberet mille alicui, si nollet soluere quicquam, nisi creditor remitteret centum, vel differret solutionem, vt alter remitteret, quamuis hic remitteret, si ob talem causam facta est remissio, nulla est, nec auferit obligationem restitutionis.

Tertia, vt non sit fraude aliqua: vnde qui fingeret se non habere, & solutio in conquisitum, vt creditor remitteret, non ob id maneret liber à restitutione.

Quarta, vt non fiat metu vel timore aliquo. Vnde potentes & domini, qui à vassallis & inferioribus remissiones obtinent, quas isti metu concedunt, ne ipsis displiceant, vel damnum ab eis patiantur, securi non sunt: debet enim esse omnino libera & spontanea remissio: talis enim absoluit à restitutione, nec est opus, vt volunt aliqui, vt pecunia offeratur praesens creditori: satis enim est, vt ipse liberè remittat, siue debitor per se, siue per alium id petat. Immo Caius. verb. restit. dicit melius esse non offerre pecuniam: nam tunc vix remittit creditor; verum est, quod si conijceretur creditor remittere, quia non videt pecuniam, & desperat se posse habere, tali casu esset offerenda, quia alias vis esset, sed si liberè omnino remittat, non est opus id facere.

Secunda causa ab obligatione restitutionis excusans est, cum aliquo beneficio pecunia appretiabili, debitor recōpensationem æquivalentem fecit; ver. grat. si quis domino alicui inferuiat, ex quo dominus debitum contrahat, si ille aliquod officium, puta, caualleratum vel notariatum, vel quid simile, quod æquualet seruitio suo, accipiat, dominus non tenetur amplius soluere. Dixi tamen, si sit pecunia appretiabilis, nam quando non est, tunc debitum manet. Vnde fit, vt qui dant famulis beneficia Ecclesiastica, non sint liberi à seruitio soluendo eis debita: si enim in pretium illa dant, simonia est; si verò non, debitum manet, nisi liberè, & sponte famulus remittat & condonet.

Tertia causa est cessio bonorum: cū enim quis multa contraxit debita, nec vnde soluat habet, leges concedunt ei, ne in carceribus consumatur, vt possit cedere bonis suis, & eorum publicationem facere, in manibus debitorum relinquendo, & tunc liber manet à restitutione, quamuis non soluat integrè, & est tutus in conscientia. Concedunt autem leges, vt illi artis suæ instrumenta relinquantur, & ea quæ ad propriam ipsius sustentationem sunt necessaria. Quòd si postea ad pinguem fortunam redierit, restituere tenetur, vt habetur ca. de his, qui bonis ced. poss. l. cū & filij.

Quarta causa est Vſucapio, & præscriptio. In cuius gratiam quid vtrumq; horum sit, examinare oportet. Est igitur vſucapio, acquisitio dominij rerum mobilium, per continuatam possessionem temporis à lege definiti.

In qua tres sunt partes.

Prima est, *dominij acquisitio*, nam ex vſucapione aliquis fit dominus eius, quod suum non erat.

Altera est, *rerum mobilium*, puta, vt res quæ acquiritur sit mobilis, & quæ vſu consumitur. Ad differentiam præscriptionis, quæ etiam est acquisitio dominij, sed erga res immobiles, & quæ vſu non consumuntur.

Tertia est, *per continuatam possessionem*, puta, quòd tale dominium acquiratur, non per emptionem, sed per vſum continuum rei. Cū enim aliquis fit dominus eius, quod suum non est, & per hoc continuum vſum illius rei, est vſucapio vel præscriptio: tamen est necessarium certum tempus. In vſucapione enim est triennium, vt habetur. instit. & ff. de vſucap. In præscriptione autem est decennium, inter commorantes in eadem ciuitate. Inter non commorantes autem, aliquando viginti,

viginti, aliquando triginta, & quadraginta anni necessarij sunt.

Aduertendum rursus, quatuor esse necessaria ad vsucapionem, vel præscriptionem.

Primum est possessio, vt toto tempore res possideatur, quo præscribi, vel vsucapi debet. Vnde fit, vt hi, qui possidere non possunt, nec possint vsucapere, vel præscribere: putà, filiusfamilias, seruus, nesciente domino, furiosus, si in furore incipiat possidere, nam continuare potest, si ante furorem incipit. Similiter monachus, & omnis is, qui dominium non potest habere. Vnde etiam fit, vt secularis non possit Ecclesiastica vsurpare, vel præscribere, quia ea possidere non potest.

Secundum est, *bona fides*, putà, vt possideat tamquam suam rem illam: si enim mala fide habeat, nō vsucapit. Debet autem esse bona fides continuata, non interpolata, per totum tempus lege præscriptum.

Tertium est necessarium, *bonus titulus*. Est autem bonus titulus, qui transfert rei dominium in perpetuum: duo enim necessaria sunt ad bonum titulum.

Primum est, vt sit talis actio, quæ transferat rei dominium in habentis potestatem; quando autem non transfert, non est bonus, & ex hoc defectu, vsurarius, fur, & qui scienter à fure emit, & qui habet ea, quæ secundum sententiam iniquam ablata sunt, non vsucapiunt, quia tales actiones non faciunt verū dominium rei.

Alterum necessarium est, vt in perpetuum transferat, id est sic faciat dominium, vt ipsum non obliget ad restituendum, Vnde, in mutuo transfertur dominium, tamen non in perpetuum, quia soluendum est: ob id, mutuata non possunt vsucapi, similiter impignorata, locata, commodata, & similia, quæ non transeunt in dominium, aut in perpetuum dominium habentis: imò nec emptæ, & nondum solutæ: at verò emptio cum solutione, dotatio, hæreditas, & similia tituli boni sunt: qui enim tali titulo rem habent, si adsint cætera possunt vsucapere, & præscribere.

Quartum est necessarium, ne sit res, quam leges vsucapi, vel præscribi prohibent. In Instit. enim de vsucap. hæc sex prohibentur vsucapi: res furto ablata, quocumque modo habeantur, etiam bona fide, & per emptionem, vel donationem; res viles, res sacræ, res religiosas, seruus fugitiuus; homo liber.

ber. Multa etiam alia præscribi non possunt. Vide Silue. verb. præscriptio, & Gloss. reg. 4. de reg. iur. in vj.

His igitur suppositis, scias: qui vñcepit, vel præscripsit, quod suum non erat, peracto iam tempore, & cum conditionibus necessarijs, quamvis postea dominus rei cognoscatur, non tenetur ei reddere in vtroque foro: tales enim leges factę sunt in bonum publicum, ne rerum dominia incerta maneant, & litigij homines inuoluantur, & in pœnam negligentium, qui suas res tanto tempore neglexerunt. Ita tenet communis opinio.

Quinta causa excusans à restitutione, est ignorantia, tam facti, quam iuris, dummodò non sit crassa, & multum culpabilis. Explico: si quis habet rem, quę sua non est, tamen bona fide, quia putat esse suam, quia forsitan emit à latrone, quem nesciebat esse latronem, non tenetur reddere, dummodò non sit crassa ignorantia huius facti. nam aliquando est nimis facile cognoscere latronem; qui enim à seruo rem pretiosam emit, vel à puero, vel famulo, profectò non excusatur, quia crassum est ignorare, rem illorum non esse. Similiter de ignorantia iuris: aliqui enim excusantur à restituendo, quia ius obligant ad restitutionem ignorant; nesciunt enim se obligari; sed debet esse ignorantia excusabilis, & maximè cum homo consulit viros doctos, qui illum non teneri affirmant: quamvis enim alij contrarium dicant, tutus esse potest, dummodò docti sint: qui enim indoctos consulunt, non excusantur, cum possint doctos habere.

De alijs duabus causis non restituendi.

CAPVT XXVII.

Vltra prædictas causas, alię duę existunt.

Alter est, necessitas: hæc enim sicut sufficiebat ad differendam restitutionem, vt dictum est, ita etiam sufficit ad simpliciter non restituendum. Notandum tamè, multiplicem esse hanc necessitatem: est enim vitę necessitas, famę, libertatis, & rei. Iuxta quod dico.

Primò nullus tenetur cum vitę periculo, aut famę rem alterius restituere: sunt enim vita, & fama nobilioris ordinis, quàm res. Nullus autem tenetur cum detrimento bonorum supe-

superioris ordinis, bona restituere inferioris ordinis. Hæc est communis sententia: quamvis Soto, vt supra diximus, velit, cum res est pinguis, teneri aliquem etiam cum infamia sua restituere, quando non est tanta fama: & hoc dicit etiam de vita. Debent tamen esse redditus pingues multum, vt quis mortem subire debeat propter restitutionem: & videtur hoc rationabile, quamvis Caiet. verb. resti. & Nauar. c. 19. num. 90. vniuersaliter velint, nullum teneri cum vita, vel famæ periculo restituere, & id multi dicunt, quorum sententiam potest quis tuta conscientia sequi.

Secundo, nullus tenetur se vendere, vt rem alteri restituat. Est enim libertas bonum inestimabile; quamvis posset quis se vendere, sed ad id non tenetur, & in hoc omnes conueniunt.

Tertio, secundum ferè communem sententiam quilibet tenetur quancumq; rei necessitatem (citra extremam) subire, vt restituat, etiam ad talem statum descendere, vt mendicet, vel manibus laboret. At verò Soto, lib. 4. q. 7. artic. 4. hunc rigorem bene temperat. Dicit enim, cum aliquis debitor est, quia res malè accepit, puta furto, vel rapina, aut in culpa est, vt aliter restituere non possit, puta, quia dilapidauit bona sua, prodigaliter, & luxuriose viuendo, tunc tenetur restituere, & subire quācumque necessitatem, citra extremam, vsq; ad mendicitatem. At cum bona fide debita contraxit, & in talem difficultatem restituendi aliquo infortunio peruenit, restituere quidem debet mutando statum suum, & vilitis viuendo, tamen potest aliquid ad suam sustentationem mediocrem retinere. Hæc de necessitate.

Vltima autem causa liberans à restitutione est, cum quis via aliqua dominium transferente, rem alterius habuit.

Sunt autem multæ tales viæ.

Quarum prima est ludus. In cuius declarationem aduerte, esse ludos quosdam prohibitos, puta, eos, in quibus magis fortuna regnat, quàm robur, & ingenium, seu ars, qualis est ludus alearum, & taxillorum, & tabularum. Hi enim ludi prohibiti sunt quidem clericis, & religiosis, de vit. & honest. cleric. capit. clericus. 2. & Auth. de sanctis Episcop. §. interdiciamus. vbi tales ludere, & ludo interesse prohibentur: secularibus etiam prohibentur à lege civili, ff. de aleat. l. solet, & cap. de relig. l. alearum vsus. Quidam ludi sunt non prohibiti, in quibus plus artis est, quàm fortuna, vt scacchorum,

& alij,

& alij, qui ad corporis exercitationem pertinent. Illi priores ludi, nō sic sunt prohibiti, quin ob recreationem, & cū summa parua est, liceant etiam clericis; quamuis rarissimē liceant clericis, sæcularibus autem magis. Cū tamen summa magna est pecuniarum, vix à mortali excusantur. Vnde professō ludus, ratione multarum circumstantiarum, frequentius est mortale. Quicquid tamē sit de peccato, & de prohibitione, qui lucratur summam quamuis magnam, non tenetur restituere. Ita habet Soto lib. 4. q. 5. art. 2. & alij multi. Potest quidem ille, qui perdidit, repetere coram iudice, qui per sententiā ei omnia restituet; vt habetur citatis legibus, tamen ante condemnationem, non tenetur, qui lucratus est, restituere: si autem nondum qui perdidit, soluit, quia luit solutione in futurum faciendā, non tenetur soluere, vt dicit Soto, quia est in potestate sua: nisi inrauerit se daturum; tunc enim teneretur dare, & si vellet, posset coram iudice repetere, vel iuramenti relaxationem consequi.

Est aduertendum tamen, esse aliquos casus, in quibus qui lucratus est, tenetur etiam ante condemnationem restituere.

Primus est, cū, qui perdidit, non poterat rem talem alienare, puta, quia erat filiusfamilias, inscio patre, vel seru⁹, vel monachus, vel furiosus, vel vxor, inscio marito, ex bonis mariti: qui enim ab his lucratur, tenetur reddere ante condemnationem. Ex quo fit, vt e contra, si isti lucentur, teneantur etiam restituere: sicut enim non possunt perdere, sic nec lucrari.

Secundus est, cū intercessit fraus: nam cū ex fraude in ludo facta quis lucratur, tenetur reddere ante condemnationem.

Tertius casus, si intercessit vis, quia aliquis coëgit alterum ad ludum.

Vnde euenit, vt aliquis perdens, cogat alterum sustinere ludum, cū nolit amplius ludere: tunc, si fortē relucraretur, tenetur reddere, non quidem quod suum erat, & quod perdidit, sed totum quod supra suū ab altero lucratus fuerit, quia vis intercedit.

Quartus, cū aliquis notabiliter excedit alterum in ludendo: tunc enim est vt fraus quædam. In his casibus non est expectanda iudicis sententia. Vnum dubium est: nam possunt filijfamilias aliquam modicam quantitatem ludo exponere, puta,

puta duos, vel quatuor iulios, ex consensu saltem tacito parentum, vt dicit Soto loco allegato, tunc peto, an si isti lucrentur magnam summam, teneantur statim reddere? Soto dicit eos teneri, quia non possunt lucrari, nisi quantum possunt perdere. Nauarr. c. 19. num. 9. negat, dicens ipsos non teneri. Ego puto esse cum distinctione procedendum: si enim intercessit fraus; puta, quia, qui ludebat, putabat illum posse exponere magnam summam pecunie, tenetur reddere; si verò non intercessit talis fraus, ipse enim filius nihil dixit deceptorium, non tenetur: perinde enim est, ac ille, qui non est filius familias, sed tantum paruum quantitatem habet.

Sicut ludus dominium transfert, ita etiam fors, quamvis cum discrimine: nam in hac non datur repetitionis locus, nec est peccatum, immò aliquando bona est, cum præsertim ad lites interimendas sit, dummodò non sit iniustitia ex altera parte: debent enim æquales esse, inter quos fors mittitur, vt iustitia non magis ad vnum inclinet. Idem etiam dicendum de illa via, qua multi conueniunt ad vnum emendum, sua symbola singuli ponentes, & postea fors mittitur inter eos, quod vocant, *risare*. In hoc tamen vnum est notandum; ne ille, qui rem vendit multis, carius vendat, quam valet; hoc enim non licet: fors tamen licita est. Idem etiam dicendum de his, qui supra rerum certitudinem, vel euentum sponiones faciunt & deponunt: verè enim per hanc viam dominium transfertur, dummodò non sit fraus ex altera parte, puta, quia res ei est certa, & fingit dubiam, tunc enim restituere tenetur. Hæc sunt novem capita, quæ de restitutione tractanda proposuimus. Superest, vt breuiter aliqua circa excommunicationes, quæ in hac parte fulminari solent, dicamus.

Aduerte primò, cum excommunicatio fulminatur contra aliquem, vt soluat quod debet, si ipse non habet unde soluat, non ligatur excommunicatione: & si excommunicatio in generali fulminata est, non tenetur comparere coram iudice, sed dissimulare; si tamen nominatim fuit contra eum lata, tunc tenetur comparere, & reddere rationem sui, aliàs, ob inobedientiam, excommunicatione ligabitur.

Secundò, aliquis non potens sua à debitore aliàs recuperare, secretò ea accepit, vt supra iam diximus, tunc si excommunicatio feratur contra eos, quia talia rapuerunt, non ligatur: nullum enim excommunicatio maior ligat, nisi sit peccatum mortale, quod ibi non fuit.

Tertiò

Tertiò, aliquis secretò rapuit aliqua, & fertur excommunicatio in eos, qui non reuelant tale furtum, tunc, si secretum & occultum est, nec ipse tenetur se prodere, sed tantum curare, vt res reddatur domino; nec alij in casu, quo ipse id curat, tenentur ipsum manifestare: nam esset contra ius natura. Notorium tamen, aut cuius infamia processit, reuelandum est; at verò si sit occultum, non est reuelandum.

De vsura, quid sit.

CAPVT XXVIII.

POST restitutionem, nunc de vsura agere oportet, cum & ipsa ad restitutionem obliget; ac primum, quid ipsa sit, constituere, Videtur autem nobis sic posse definiri: *Vsura est lucrum rei pecunia aestimabilis, ratione mutui principaliter promouens.*

In cuius declarationem aduertendum est, quinque necessaria esse ad vsuram.

Primo, necessarium est, vt interueniat mutuum. Differt autem mutuum à comodato: nam in comodato non transfertur dominium rei, sed datur vsus tantum rei, vt res eadem postea reddatur; at in mutuo dominium rei transfertur, nec eadem in specie redditur. Vbi igitur comodatum est, nec mutuum intercedit, non est vsura.

Secundò, opus est, vt intercedat lucrum aliquod ipsius mutuantis, ultra sortem. Et attende, lucrum dici, & qui habet, seu acquirit, quod aliàs suum non erat. Vnde, si accidat aliquid in mutuo ultra sortem accipere, quod tamen aliàs ipsius mutuantis erat, vsura non est: v.g. si mutues mille aureos alicui, & det tibi decem millia, quæ aliàs tibi debebat; & nolebat soluere, non est vsura: non enim est lucrum, cum tua sint illa: secus, si peteres ante tempus debitum illa soluendi: tunc enim lucrum est. Rursus, si mutues alicui, vt non noceat tibi in his, in quibus secundum iustitiam aliàs tenebatur non nocere, non est vsura; quia tuum ius acquiris, & hoc pacto ad redimendam vexationem mutuare, non est vsura, cum non sit verè lucrum.

Tertium, istud lucrum debet esse rei aestimabilis pecunia, si enim non aestimatur pecunia, non est vsura; vt si mutues alicui, vt tibi sit amicus, non est vsura, quia amicitia non solet vendi;

endi, aut pecunia æstimari: secus, si dares vt tibi remitteret satisfactionem iniuriæ à te illatæ, vsura hæc esset: nam talis iniuria pecunia æstimabilis est, & pecunia, sæpius satisfactio ipsa sit.

Quartum; opus est, vt illud lucrum proueniat ratione ipsius mutui; cùm enim ob aliam causam datur, non est vsura, & sic excusatur ab vsura, qui ratione damni emergentis, vel lucri cessantis aliquid accipit in mutuo ultra sortem, de quo post dicemus.

Quintum, opus est, vt principaliter ob mutuum tale lucrum proueniat: si enim non principaliter ob id prouenit, non est vsura. Et sic excusatur ab vsura, qui mutuat alicui, qui omnino libere & sponte ex gratitudine aliquid ultra sortem dat: si verè ita sit, nullaque obligatio intercedat, sed absoluta animi gratitudo, non est vsura accipere, quia non ob mutuum principaliter prouenit, sed ob gratitudinem alterius. Sunt igitur prædicta quinque ad vsuram necessaria, & in prædicta definitione omnia aperte continentur. Vsura autem peccatum est mortale, & oppositum asserere, est hæreticum. Ita habetur de vsur. cap. quia, & c. super eod. Dicitur autem apud Latinos vsura, quasi lucrum quoddam; & fœnus, quasi fœtus apud Græcos dicitur τόκος, quasi partus, & apud Hebræos פרוט, quasi mortuus, vnde Deuter. 23. vbi dicitur, *non fœneraberis ad vsuram*, dicitur, morsu non mordebis, vnde Chrysostom. super Matth. comparat morsui aspidis, qui primò delectationem infert, & somnum, post, mortem comparat, sic etiam qui ad vsuras accipit, sibi bona conferri putat, postea verò cambijs, & recambijs omnia sua cōsumpta dolet, & se in inopiam redactum plorat. Hæc igitur dicta sunt, quantū ad definitionem, & nomen vitæ.

Quotuplex vsura sit, & de mentali.

CAPVT XXIX.

HVIUS vsuræ tres sunt species. Quædam enim est mentalis, quædam exterior explicita, quædam exterior implicita, seu palliata. Vsura mentalis est, cùm quis mutuat hac intentione, vt ex mutuo aliquod lucrum ultra sortem accipiat; tamē talem intentionem nullo modo exterius manifestat

festat ei, cui mutuat, sed exterius est simplex mutuum, interius autem lucrum intendit. Talis vsura mentalis dicitur, quia id, quod vsuram facit, puta, lucrum ratione mutui habere, mente fit. Vnde, non dicitur vsura mentalis, sicut alia peccata dicuntur mentalia, vt homicidium mentale, fornicatio mentalis, & alia: hæc enim sunt, quamuis nullum opus exterius fiat. Et hoc etiam modo est quædam vsura mentalis, cum quis interius consentit in vsuris accipiendis, vel desiderandis: sed in præsentia, vsura mentalis est, cum mutuum reale est, & qui mutuatur, intentionem habet accipiendi lucrum, siue postea accipiat, siue non, tamen intentionem non exprimit exterius: cum verò intentionem exprimit per aliquod pactum, paciscendo cum eo, cui mutuatur, de lucro ultra sortem, hæc exterior vsura dicitur. Et quidem si pactum fuerit expressum, dicitur vsura exterior explicata, si verò tacitum, implicita, seu palliata. De harum singulis oportet tractare, ac primum de mentali. Circa mentalem, aduerte tria esse necessaria in mentali vsura.

Primum est, vt quis intentionem & propositum habeat accipiendi aliquid ex mutuo, ultra sortem. Notanda tamen est differentia inter spem, seu desiderium, & intentionem: aliud enim est sperare seu desiderare rem, aliud intendere rem: intentio enim non solum dicit velle rem, sed dicit finem operationis, vt propter rem illam homo operetur. Vnde intendit sanitatem, qui operatur, vt eam consequatur: spes autem, & desiderium dicunt simpliciter velle. Modò, scias spem, aut desiderium habendi aliquid ob mutuum, non fingere vsuram mentalem, sed intentionem; quamuis enim quis mutuatur alicui, sperans seu desiderans ob mutuum se aliquid habiturum, non committit vsuram; tamen si intendat, id est, hoc animo mutuatur, vt lucrum habeat, vsurarius est, Lucæ 6. *Mutuum date, nihil inde sperantes*: Hic, spes pro intentione sumitur: non enim dicit simplex velle, sed velle, quod est causa, vt detur mutuum, & hæc est intentio. Hæc distinctio multum etiam prodest pro simonia mentali: inseruire enim alicui hac spe, & hoc desiderio, quod ille beneficium dabit, non est simonia; tamen tali intentione inseruire, vt obligetur ille ob seruitium, ad dandum beneficium, simonia est.

Non sufficit intentio ad talem vsuram, sed est secundum necessarium, vt intentio ista sit accipiendi lucrum ob mutuum, quando enim intendit lucrum habere, sed non ob mutuum, non

non est vsura; v.g. mutuo alicui, vt fiat mihi amicus, & beneuolus, & ex tali beneuolentia donet mihi aliqua, & benefaciat non quidem ob mutuum, sed ex amicitia, talis non est vsura, quia debet esse intentio habendi aliquod lucrū ab aliquo, propter mutuum.

Nec hoc etiam sufficit, sed opus est, vt ista intentio, quæ est habendi aliquid propter mutuum, sit habendi aliquid principaliter, propter mutuum. Nam cum intēdit quis habere ab aliquo lucrum, propter mutuum, sed non principaliter propter mutuum, sed ob gratitudinem, & liberalitatem suam, non est vsura mentalis, sicut nec exterius accipere, vsuram facit. Nec audias Soto lib. 6. qu. 1. artic. 2. qui contrarium tenet: nam melius dicit Nauar. tract. de vsura. nu. 19. verbi gratia. Mutuo alicui hac intentione, quia scio ipsum esse gratum, & liberalem, & solitum remunerare beneficia accepta, & ipse ob talem gratitudinem, dabit mihi aliquid ultra sortem, non est vsura; tunc enim vsura est, cum intendo aliquid habere ex aliquo, ex obligatione saltem morali, quia nempe intendo illum obligare ex mutuo, vt det ultra sortem: nec opus est vt ista obligatio sit iuris, sat est, vt sit obligatio aliqua moralis, quæ homines quodam modo cogit ad aliquid faciendum. Talis igitur debet esse intentio eius, qui vsuram facit mentalem. Stante autem tali intentione, potest tripliciter contingere vsura mentalis.

Primò, cum ex parte vtriusque, dantis, & recipientis, est similis intentio: nam alter mutuatur tali intentione, & alter dat hac intentione, puta, sentiens se ex mutuo obligari, & tunc peccat mortaliter qui recipit, & obligatur ad restitutionem.

Altero modo, est intentio ex parte recipientis; qui enim dat liberaliter, & ex gratitudine dat; at qui accipit, velut ex debito accipit, & tunc hic mortaliter peccat, & obligatur ad restitutionem, quousque constet de intentione dantis: habita enim intentione dantis, non tenetur reddere; tamen mortaliter peccat, ob suam intentionem: & sic etiam peccaret, quamuis ille, cui mutuauit nihil postea, lucri daret.

Tertio modo, qui dat ultra sortem, potest intentione tali dare, quæ velut ex debito dat; tamen qui accipit, solum accipit, velut ex gratitudine, & liberalitate datum: in quo casu non peccat, qui accipit, tamen cum primū de dantis intentione, constat, tenetur restituere; non totum, sed id, in quo ditior est

factus, vt dicit Caiet. ver. vfura. ver. gr. Accepi vestem sericam vltra sortem credens mihi ex liberalitate dari cum constet, nō sic datam fuisse, non teneor totum dare valorem, sed eū, quem alias consumpsissem, nisi illam accepissem; si enim ex panno aliās me vestirem, solum, quantum talis valeret vestis, reddere teneret, & non pretium vestis sericæ.

De vfura exteriori explicita.

C A P V T XXX.

AD vfuram exteriorem explicitam duo sunt necessaria.

Alterum est, vt intercedat mutuum, in quo aliquid vltra sortem accipitur. Vnde, cum non est mutuum modo aliquo, quamuis sit lucrum vltra sortem, non est vfura, licet intercedant pecunie: v.g. Si quis pecunias alicui det, vt is se diuitem coram alijs ostendat, tamen post easdem reddat, potest aliquid lucri inde habere, nec est vfura, quia nō est mutuum, sed commodatio quædam. Rursus, si quis det alicui pecunias aureas, vt ipsis ad aliquam medicinam vtatur, puta, vt cum ipsis decoquat carnes, & iterum reddat, potest absque vfura aliquid lucri accipere, quia non est mutuum, sed locatio quædam pecuniarum. Rursus, si det aureas pecunias pro argenteis, & petat aliquid moderatum vltra pretium pecuniarum aurearum: similiter, si argenteas pro alijs inferioribus metallis, & modicum quid accipiat vltra valorem, non est vfura, quia est venditio quædam pecuniarum, non mutuum. Debet igitur ad vfuram mutuum aliquid intercedere.

Alterum etiam necessarium est, vt sit pactum aliquod apertum recipiendi aliquid vltra sortem, propter mutuum. Vnde est regula generalis obseruanda; quoties aliquis paciscitur de aliquo lucro, quod sit pecunia, vel pecunia assumabile, ob mutuum habendo vfurarius est. Per hanc regulam multi in particulari casus deciduntur, quorum aliquot enarrabo, vt per hoc facilius alij iudicare queant.

Primus: si quis mutuatur agricolis, seu terrarum cultoribus, hoc pacto, vt obligati maneant terras mutuantis colere, quamuis mutuans soluat totum pretium, quod illi merentur, & quod ab alijs essent habituri; est vfura; quia illa obligatio, qua obligati

gati sunt, pecunia æstimabilis est, & nisi ratione huius aliquid ex mutuo, secundum boni viri arbitrium, remittat, committit usuram, & tenetur remittere. Rursus si quis mutuet alicui, obligando ut merces ex sua officina emat, quamvis iste alias empturus esset merces, & non plus accipiat mutuas, quam merces valeant, usurarius est: nam sola obligatio pecunia æstimabilis est, debetque aliquid ex mutuo remittere, ut usura non sit. Rursus, aliquis mutuatur alicui, obligando, ut emat aliquid ab ipso mutuante (sæpè enim cum quis non potest aliqua vendere, vel debito pretio vendere, mutuatur alicui obligando, ut emat illa) hæc est usura, licet res non vendatur, nisi iusto pretio, & tenetur resarcire damnum, si quod incurrit illi ex tali emptione. Rursus, si quis mercator, vel aliquis diues mutuatur civitati alicui, Regi, vel Principi, cum pacto ut remittat gabellas, quas ipse solutus erat, est usura aperta. Rursus etiam, si quis mutuatur alicui naviganti, vel eunti ad ferias, hac conditione, ut det ipsi mutuanti pecuniam aliquam pro asssecuratione illarum mercium, quas deserit, ita ut obliget ipsum mercatorem, ut lineat contractum asssecurationis cum mutuante, usura est, & tenetur reddere pecunias, quas ex asssecuratione, accepit, ut habetur cap. naviganti, de usur. Rursus, si quis mutuatur alicui negotiatori pecunias, videtur ei aliquam lucrum partem, tamen non subijcit periculum mutui, sed, salvo capitali, de lucro paciscitur, usura est, quam solent incurtere viduæ, & alij homines otiosi, qui nolunt negotiari. Rursus, si quis mutuatur alicui pecunias hoc pacto, ut solvat in alio loco, ubi plus valent; aut mutuatur, ut in alio tempore det, quo res plus valet, puta, mutuatur frumentum vetus, ut det alio tempore, quo plus valet solet usura est. Quod si probabile esset, non plus rem postea valituram, non esset usura pacisci: unde, qui dant frumentum vetus, ut novum eis postea detur, cum probabile æstimatur non plus valiturum, sed id faciunt, ne frumentum pereat, non committunt hi usuram. Rursus, qui mutuatur cum pacto, alius fidei iubeat, vel spondeat pro ipso in aliquo negotio, vel ut obliget se ad mutuandum ipsi mutuanti, usurarius est. Ratio horum omnium est, quia aliquid æstimabile pecunia ob mutuum vitra sortem accipitur. Rursus tandem, cum quis mutuatur alteri, & pignus accipit fructificans, puta agrum, vel vineam, vel aliquid aliud, nec accipit in partem restitutionis mutui fructus, deductis expensis, & laboribus, usurarius est: tenetur enim

fructus à mutuo extrahere, vt habetur c. quoniam, de vsur. Vnde, cùm fructus æquant totum mutuum, non potest accipere mutuum: & si excedunt, tenetur ipse reddere. Vnde vsuram committunt, qui mutant Regibus, & principibus, & in pign^o accipiunt terras, & alia loca fructificantia; & tamen postea petunt totum & integrum mutuum. Tamen oportet in solutionis partem accipere fructus, deductis expensis, & laboribus, & damnis emergentibus, & lucris cessantibus, de quibus postea dicemus.

Aduertendum tamen, duos excipi casus à Pontifice, in quibus, non tenetur, qui accipit pignus, fructus in partem solutionis accipere.

Altera est, c. conquestus, de vsur. cùm quis dedit alicui fundum in feudum, & hic postea accipit mutuò ab illo, & ipsum fundum dat ei in pignus, tunc dominus fundi potest fructus accipere, & postea totum mutuum recuperare: rationem huius dat Soto lib. 6. quæstion. 1. articul. 2. quia ista lex est feudi, vt quoties res aliquo modo ad dominum redit, fructus percipiat.

Alter casus est, cap. salubriter, de vsur. cùm socer non dat genero statim dotem, sed pignus dat fructificans, tunc gener potest fructus percipere, & post, integram recipere dotem.

Rationem huius dat ipse Papa, puta, propter onus matrimonij; hoc autem onus est, quod vir tenetur sustentare vxorem, & postea integram dare dotem, ob hoc Pontifex id decreuit. Soto autem loco allegato dicit, idem esse dicendum, cùm mortuo marito, vxor nondum recepit dotem, potest enim fructus recipere, & integram post expectare suam dotem.

De vsura exteriori palliata, seu implicita.

CAPVT XXXI.

EXterior vsura dupliciter potest palliari. Vno modo, ratione pacti, cùm non est expressum, sed nutu, vel consuetudine, vel alia via indicatur.

Altero modo ratione mutui, quod in vsura est necessarium: solent enim mutuum verum occultare aliquo alio contractu, ac si non esset mutuum, & talis palliatio est multum occultata, & po-

& potest decipere. Ponam aliquot exempla, quamvis horum, inferius fiet copiosior tractatio.

In primis solet occultari mutuum sub nomine venditionis.

Fit autem hoc dupliciter: aut cum fingitur vendi, quod non est, ut fingo me dare alicui agricolæ quingentos aureos pro bobus, quos non habet, & postea fingo me locare boues pro quadraginta aureis: ista est vera usura: nam reuera est mutuum quingentorum, pro quingentis quadraginta.

Fit etiam altero modo, cum venditurus supra summum pretium, quia venditur expectata pecunia: v.g. vlna panni valet triginta ad summum, tamen quia vendo eam expectata solutione, vendo pro triginta quatuor Iulij usura est: nam perinde est, ac si mutuarem triginta illa, pro triginta quatuor post reddendis.

Dixi autem, supra summum pretium: nam solent tria iusta pretia vnius rei esse: infimum, & supremum, cum medio. Bene autem potest aliquis summum pretium iustum exigere, cum vendit expectata solutione, aliàs exacturus medium, vel infimum, si soluerit statim emens: tamen excedere limites omnes iusti pretij, usura est.

Aliquando occultatur mutuum sub titulo emptionis: quoties enim aliquis emit vilius infimo iusto pretio, quia emit anticipata solutione, usura est: perinde enim est, ac mutuare, ut dentur ei postea plura, vel quod pluribus valet. Similiter est usura, quod quis emit soluta pecunia vilius infimo iusto pretio: licet et quidem emere infimo pretio ea, quæ aliàs medio, vel supremo vendenda essent: licet etiam emere anticipata solutione ea, quæ non pluris æstimantur valitura, cum danda sunt.

Aliquando etiam occultatur mutuum sub venditione, & emptione simul. Sic occultant mercatores, qui vendunt vlnas panni, expectata solutione, summo iusto pretio, & iterum tales vlnas emunt ab eodem; soluta pecunia, infimo pretio, est usura pura; perinde ac si mutuarent minus, exacturi postea plus. Nec excusantur isti mercatores suo argumento: dicunt enim, ille poterat vendere illas vlnas alteri infimo pretio, ergo potest etiam nobis vendere. Hoc argumentum nihil valet; nam mercatores obligant e mentem, ut ipsis vendat; nec aliter ei venderent vlnas, nisi eisdem reuenderent: cum autem alteri

venduntur, non est talis obligatio. Nec minus est usura quod fingunt: sunt enim duo focij, & vnus obligat, vt alteri vendat: hoc enim perinde est; ac si sibi reuendere obligaret ementem.

Aliquando occultatur ratione solutionis; Verbi gratia, aliquis debet alicui centum, post annum reddenda, & quia dat octoginta statim, petit sibi alia viginti remitti, secundum Caietan. verb. usura, cap. 3. usura est; tamen mihi videtur dicendum cum Nauarr. cap. 17. nu. 131. quod si ratione temporis id sibi remitti petit, usura est; si vero ratione periculi, & absentia pecunie, quia verè pecunia præsens magis valet, quàm absens, non est usura, cum vnus alius possit emere illa centum pro octoginta, vel nonaginta. Cum igitur nulla fraus intercedit, nec tem-
poris ratione id exigitur, non est usura.

Aliquando occultatur sub titulo societatis; aliqui enim solent dare pecunias suas alicui negotiatori, hac lege, vt det aliquam lucri partem; tamen semper pecunie manent integre soluendæ, nec periculum subire volunt. Ista non est societas, sed mutuum, & usura: non enim est societas, cum non est æquale periculum, sicut lucrum; & talis usura est, quæ committitur, cum aliqui dant pecunias cambiatori, petentes lucrum, sed nolentes exponere se vlli periculo capitalis pecunie. Hæc sint exempla, solum vt ostendatur quæ sit usura palliata: de his enim latius statim dicemus.

De causis, propter quas lucrum in Mutuo potest exigi.

CAPVT XXXII.

Aliquando in mutuo potest lucrum aliquod exigi, licet nunquam ratione mutui, sed ratione aliorum emergentium.

Primo, Soto lib. 6. de iust. q. 1. art. 3. lucrum quidem potest exigi, cum tamquam pœna imponitur solutionis: v. g. mutuo centum, vt post annum reddantur: quod si non reddantur, in pœnam, ultra capitale, reddantur decem, aut viginti, talis pœna potest licite exigi, & recipi: tamen sunt aliquot conditiones necessariæ.

Prima

Prima, vt sit recta intentio; hæc enim debet esse, vt, qui mutuatur, suum possit recuperare capitale: cum enim intentio non est ista, sed potius habendi aliquid ultra sortem quæ intentio ostenditur, cum quis desiderat sibi non reddi sortem tempore statuto, vt pœnam recipiat) tunc usura est mentalis.

Secunda, vt, qui pœnam exigit, seu imponit, non sciat probabiliter, mutuatarium non valiturum soluere tempore statuto: cum enim quis cognoscit probabiliter, non valiturum soluere illum, cui mutuatur, tempore statuto, & adhuc pœnam imponit, usurarius est: iam enim ratione mutui imponit; non tamen est usura, si timens sibi soluēda in illo tempore, pœnam imponit, vt soluantur: immò ista debet esse ratio imponendæ pœnæ.

Tertia est, vt, si postea mutuatarius non soluit; & hoc, quia, absque culpa sua, non potest, quia nimirum casu perdidit, nec inde soluat habet, non sit exigenda pœna. Nam pœna debet exigi, cum peccatum est in non soluendo, ibi autem nullum est.

Quarta est, vt, si partem debiti soluit, non exigatur tota pœna, sed pars pro rata: nisi cum debitum forsitan non erat in partem, sed totum soluendum. His existentibus conditionibus in mutuo, aliquid ultra sortem accipere licet.

Secundò etiam potest exigi ratione damni emergentis. In cuius gratiam aduerte explicationem horum duorum terminorum, lucrum cessans, & damnum emergens: cum enim quis accipit in his, quæ habebat, & ex eo quod mutuatur, dicitur damnum emergens. Cum etiam non habet id, quod habere poterat, ultra ea, quæ habebat, & hoc ex mutuo, dicitur lucrum cessans. Aduerte autem neutrum, neq; damnum, neque lucri cessationem dici, nisi cum ex mutuo procedunt, vt nisi mutuum esset, damnum non esset, nec lucrum cessaret. Pro damno igitur emergente potest quis, ultra sortem mutui, aliquid accipere ratione damni.

Dupliciter autem potest quis accipere ratione damni.

Vno modo paciscendo de damno, antequàm eueniat, vt, mutuo tibi centum, vt reddas decem ultra sortem, pro damno quod patior; hoc modo non licet, nisi cum damnum est certum: vt, qui, ad mutuandum alteri, sub usuris sumit pecunias, vel minoris vendit domum, vel agrum, hic licitè potest statim pacisci de damno, quia præsens & certum est, aut etiam cum

probabiliter speratur, & formidatur, quamuis non sit omnino certum, licitè potest pacisci antequàm eueniat, & accipere ultra sortem, siue eueniat, siue non; dummodò tamen non paciscatur de toto damno formidato: nam adhuc incertum est, & minus est, quàm præsens.

De damno verò non probabili nullus, absque usura, potest pacisci modo isto, sed altero sub conditione; nempe, mutuo tibi hac lege, vt, si quid dāni ex mutuo mihi acciderit, resarcias; si verò nihil acciderit, ad nihilum ultra sortem tenearis, hoc licitè fit. Notandum verò, cùm quis, vi, vel fraude, vel metu cogitur ad mutuandum, licitè potest damna emergentia recipere, quamuis nullum fecerit pactum, vel conditionem; & qui sic mutuo accepit, tenetur reparare; cùm verò quis spontè mutuauit, licitè potest exigere damna, quæ acciderunt, si quando mutuauit, erant ante formidata, & mutuatario ea manifestauit, quamuis nullum fecerit pactum; & mutuatarius tenetur reparare: non tamen, si non erant formidata; aut erant quidem, sed non manifestata ab eo, qui mutuauit. Quòd si spontè mutuatarius talia vellet reparare, posset qui mutuauit accipere.

De lucro cessante.

CAPVT XXXIII.

Tertia causa, propter quā in mutuo aliquid ultra sortem exigi potest, est lucrum cessans, de qua & ista non omnes doctores eodem modo sentiunt: dicam quæ omnes recipiunt, & ea, in quibus dissentiunt.

Tria sunt in quibus non est discordia.

Primum est, esse tres conditiones necessarias, vt dicatur verè esse lucrum cessans ex mutuo.

Prima est, vt talis pecunia, quæ mutuo datur, sit negotiationi exposita: cùm enim non erat quis aliàs negotiaturus tali pecunia, non dicitur ei lucrum cessare: vnde, si talis in mutuo aliquid accipiat, & paciscatur ultra sortem, usura est.

Secunda: Vt qui mutuatur, non habeat aliam pecuniam extra negotiationem, ex qua possit mutuare: cùm enim aliàs habet mercator pecunias expositas alias etiam habet non expositas, non potest mutuare cum pacto lucri cessantis, absque usura: nam tunc dicitur lucrum cessare ex mutuo, cùm non habet

habet mercator alias pecunias, quas absque detrimento possit negotiationi exponere.

Tertia est, vt lucrum sit probabile: non enim sufficit, posse esse lucrum, vt dicatur lucrum, sed oportet probabiles esse rationes & coniecturas, ipsum futurum esse, si fiat negotiatio: quamuis in hac probabilitate sunt gradus; quædam enim lucra certiora sunt alijs. Hoc igitur vocatur lucrum cessans.

Conueniunt secundò Doctores, cùm quis inuitus vi vel fraude cogitur pecuniam expositam mutuare, potest licet pacisci de lucro cessante, & ultra fortem recipere. Quantum autè recipere debeat, dicitur postea, & in hoc est similis ratio de lucro cessante, & de damno emergente.

Conueniunt tertio, cùm quis spontè offert pecunias suas mutuo alteri, nec coactus, nec rogatus, nec in illis utilitatem, sed autè mutui contractum pecunias à negotiatione auferens, non potest vilo modo pacisci de lucro futuro, absque vsura, quamuis tales pecuniæ sint verè expositæ negotiationi, & lucrum sit probabile, & ipse non habeat alias exponendas, cùm enim ipse spontè suas pecunias à negotiatione aufert, non potest licet lucrum ab alio exigere. In his omnes conueniunt. At in vno discordia est, an, cùm quis non coactus, sed rogatus suas dat pecunias, quas habebat negotiationi expositas, cum reliquis conditionibus possit exigere & pacisci de lucro cessante. Grauiissimi Doctores id omnino negarunt, disparem facientes rationem damni emergentis, & lucri cessantis in hoc. Inter quos S. Thom. esse videtur 2.2. quaest. 78. artic. 2. Scot. 4. dist. 10. q. 2. & Innoc. cap. nauiganti, de vsu, quem sequitur Soto lib. 6. quaest. 1. art. 3. At non desunt pro parte contraria graues Doctores, inter quos sunt Conrad. q. 30. Sylu. verb. vsura. 1. §. 19. Caiet. 2. 2. loco allegato, & Adrian. q. de vsura. Et quia iusta est materia moralis, in qua probabilem grauium doctorum sententiam potest quis securè amplecti, istam opinionem probò, nec vsuram reputo, sic pacisci. Et idem dicendum est de eo, qui, licet non rogetur, tamen non lucro, sed charitate ad subueniendum proximo motus, ei mutuatur.

Aduertendum tamen, esse alia duo obseruanda, vltra prædicta, cùm quis de lucro paciscitur.

Primum est, vt non exigit statim ex pecunijs mutuatis lucrum cessans: v.g. quis mutuatur alicui centum, non debet statim exigere lucrum cessans, dando nonaginta, si forte lucrum

erat decem, sed debet mutuum integrum dare, & expectare lucrum ab illo, cum voluerit dare intra aliquod tempus.

Alterum est, ut non accipiat totum lucrum, quod sperabat ex tali pecunia, nisi deductis tribus, nempe expensis, quas facturus erat lucraturus in negotiatione, quæ aliquando maiores, aliquando minores sunt, aliquando ferè nullæ, ut quando aliquis ex eo quod mutuatur, relinquit emere rem statim paratam in minimo pretio, quam statim absque expensis venderet summo pretio. Rursus, deducendus est labor, qui in negotiatione adhibetur, quamvis, cum quis coactus mutuatur, non teneatur deducere operas & labores suos, quos promptus erat exhibere: sicut operarius, qui cogitur ab aliquo non laborare, non tenetur deducere laborem à mercede, sed integrum exigere: scilicet, cum non cogitur.

Tertiò, deduci debet periculum: nam cum lucrum non sit præsens, sed dubium, minus valet quam certum. Et istud periculum non est æquale in omnibus, sed aliquando maius, aliquando minus, & debet arbitrio boni & timorosi viri pensari ad mensuram. Dum autem istud periculum æstimatur, mutuum conducet examinare, quæti alius asseueraret tale lucrum: v.g. mutuatur quis certum, quibus decem lucrati sperabat, potest exigere, ultra centum, illa decem, deducendo labores & expensas, quas exhibiturus erat in decem acquirendis. Rursus, deducendo periculum, hoc modo examinando, si ipse vellet sibi illa decem assecurari, quantum daret, & hoc ferè totum deducere. Dico, ferè totum, quia non totum debet deducere, quantum daret pro assecurando, quia non se ingerit ad id. Quando, si rogatus mutuatur, & multò minus debet deducere, cum coactus est. Si igitur ista tria pensentur, profectò vix tertiam partem lucri aliquando sperare potest exigere. Ista tamen in particulari, ut dixi, boni viri arbitrio pensanda sunt. Hæc igitur de lucro cessante dicta sint. Securius est à tali abstinere lucro, & gratis mutuare, cum nullum damnum emergit.

De alijs causis exigendi in mutuo lucrum.

CAPVT XXXIV.

Quartæ etiam causa est, propter quam in mutuo lucrum exigi potest, seu potius accipi potest; cum aliquis mutuatur rem

tem tempore, quo minus valet, vt reddatur sibi tempore, quo plus valet, nullo existente pacto, nulla existente probabilitate illius maioris valoris, nec illius gratia mutuum factum est: verbi gratia, aliquis mutuatur alicui vinum vel frumentum, vel aliquid aliud, tempore, quo minus valet, accedit postea, vt, cum reddi debent ista, plus valeant: in tali casu potest aliquando esse usura, aliquando non. Quod sic explico: Si non mutuauit, sed vendidit, non potest plus accipere, nisi pretium quo illa valebant, quando vendita sunt; Quod si non vendita, sed mutuata sunt, tunc, si, qui mutuauit, sciebat probabiliter, tempore, quo illa restituenda erant, plus valitura, obligauit; mutuatarium, vt non ante solueret, spe lucri, usura est plus accipere, quam erat mutuum tempore mutui: Quod si nesciebat, nec tali intentione mutuauit, sed casu plus illo tempore res valuit, aut ipse non mutuauit lucri intentione, potest exigere frumentum sibi dari, vel oleum, vel vinum, etiam in pretio, quod valet tempore restitutionis. Ita tenent communiter, & vide Soto lib. 6. q. 2. 2. 2. & Sylu. verb. vsu. l. §. 16. Idem etiam dicendum, si minus valet: tunc enim perdit, qui mutuauit: debet enim recipere totam mensuram, quot dedit, licet tunc minus valeant. Notat autem Soto loco allegat. duo.

Primum est, si quis mutuaret alicui, non praescripto tempore solutionis, & tamen quando videret talem rem vilius valere, non peteret, expectando tempus, quo carius valeret, talis esset auarus, & peccaret contra charitatem; tamen non esset usurarius, nisi impediret alterum quod minus solueret, cum vilius valebat; aliter non facit contra iustitiam: non enim tenetur debitorem advertere; nam ille debebat hoc considerare.

Alterum est, non esse simile de pecunia & frumento, aut alijs rebus: si enim aliquis mutuaret alteri centum aureos valentes vndecim iulios, & post, Rex, vel princeps augeret valorem aurei vsq; ad quatuordecim, non teneretur ista dare centum aureos, sed illos, qui aequant valorem centum, vndecim iuliorum. Ratio huius est, quia in pecunia pretium non distinguitur ab ipsa, sicut pretium distinguitur ab alijs rebus. Aucto igitur pretio mutatur pecunia, sed non res, puta, modius frumenti. Sicut igitur, si augeretur modius frumenti, qui accepit quatuor modios mutuo, cum minor erat mensura, non teneretur dare modios maiores quatuor, sed quantum aequet minores: nam etiam de pecunia. Cum vero non mutuatur modius, sed pretium quod a modio distinguitur, debet reddi idem modius, licet

licet plus valeat. Hæc intellige, quando qui dat pecunias, non perit sibi dari in eadem materia, in qua dat, siue minus, siue plus valeant: tunc enim essent sic dandæ, siue auctus, siue minus esset valor pecuniarum.

Alia quinta causa accipiendi in mutuo ultra sortem, est, cum quod accipitur, aliàs erat debitum accipiendi: vt, cum quis non potens sua recuperare, mutuat, vt ei sua reddantur, non est vfura: nam verè non est lucrum, quia lucrum est, quando accipit, quod suum non erat. De hac causa superius in definitione diximus.

Vltima causa est, cum mutuum non verè intercedit, sed degenerat in sortem potius: v.g. si quis mutuaret alicui mille aureos hoc pacto, vt si intra decennium mortuus fuerit, vel dans, vel accipiens, sint accipientis, & hæredum; si verò vterque superstes fuerit, teneatur reddere mille & quingentos. Syluest. verb. vfura. §. 36. putat esse vfuram; sed Sylu. putat id, quando mutuatarius obligatur subire sortem, vt, e. nauiganti, de vfuris iudicatur de obligante ad affecurationem; tamen si non esset obligatio, sed liberè veller mutuatarius, sic non est vfura: nec enim hic intercedit verè mutuum, sed est fors quædã: & dummodò seruetur æqualitas in sorte ex vtraq; parte, non est malus contractus neque vfurarius.

Quantum debeat vfurarius restituere, & ex quibus bonis.

CAPVT XXXV.

NVNC de restitutione, quæ facienda est, vfurarum, tractate oportet. At primum quidem de quantitate restitutionis, certum est, eum, qui ultra mutuum accepit lucrum ex vfura, teneri ad restitutionem, & non quamecumque, sed eorum omnium, quæ ultra sortes datas accepit. Tenetur etiam restituere damna illata, & lucra cessantia, quæ ex vfuræ solutione obuenerunt, solucentibus vfuras ex earum solutione: v.g. si quis, vt solueret vfuras, coactus est domum vel agrum minoris vendere, quàm valebat vfurarius, tenetur ei, non solum de vfura accepta, sed de damno dato facere restitutionem, vt habet S. Thom. 2. 2. q. 78. art. 4. Rursus, si soluens negotiabatur illa pecunia, & dum eam vfurario soluit, lu-

rum perdidit, tenetur ei vsurarius de lucro cessante admodū superius dictum. Ita habet Soto li. 6. q. 1. ar. 4. Ultra ista tenetur etiam vsurarius aliquando restituere simul fructus, quos apud eum res per vsuras acceptas fecerunt.

In cuius gratiam, aduerte distinctionem superius positam: res enim per vsuras acceptas sunt in duplici differentia.

Quædam quæ ex se non fructificant, nisi ex industria habentis, vt pecunia, frumentum, oleum, & alia, quæ vsu consumuntur.

Quædam verò ex se fructificant, vt domus, ager, vinea, oliuetum, equus, seruus, & alia, quæ vsu non consumuntur. Vsurarius igitur non tenetur restituere eos fructus; quos ex rebus vsu consumptibilibus sua industria conquisiuit; verb. gr. si pecunijs vsurarijs negotiatus, lucratus est multa, nihil horum tenetur reddere, nisi, vti diximus, lucrum cessans, vel damnum emergens, si quod euenit alteri, causa vsuræ. Et idem est dicendum de agro, domo, vel re, vsu non consumptibili, quæ emptæ est ab vsurario pecunijs vsurarijs, non tenetur horum fructus reddere, quia ex ipsius industria sunt, vt dicit S. Tho. loc. cit. Vnde in c. cum tu, de vsur. dicit: quòd, cum cogi debet vsurarius soluere, tales res debent vendi, si aliunde non est solvendum, vt ex pretio vsuræ restituatur: non tamen dicit esse ab eo auferendas; nam residuum pretij, si quid superest, est ipsius vsurarij. At verò, cum res vsuraria, id est, quas ab vsuras soluentibus accepit, sunt ex se fructifera, tunc tenetur res cum fructibus restituere, deductis expensis. Ista autem restitutio prædicta debet fieri à quibus vsuræ sunt acceptas, aut ipsorum hæredibus. Quàdo autem nullus horum apparet, sed omnes ignorantur, est facienda pauperibus restitutio. Hæc sententia communis est.

Secundo loco videndum est, ex quibus bonis facienda est restitutio. In cuius explicationem, aduerte, bona vsurarium esse in quadruplici differentia. Quædam, quæ per vsuras accipiuntur, sed vsu consumuntur, vt pecunia, frumentum, & alia. Quædam talibus emptæ, sed quæ vsu non consumuntur, vt domus, agri, vinea: pecunijs per vsuram acceptis emptæ. Quædam per eandem accepta immediate, & vsu non consumptibilia, vt domus, agri, &c. Vltimo bona propria, non per vsuras accepta. Quantum ad præsens, eadem est ratio de secundis & primis. Vt tamen resolutio habeatur, sunt aliquot dicta.

Primum est, omnia huiusmodi bona, dum sunt in potestate vsurarij, sunt obnoxia restitutioni vsurarum, vt ex eis tantum auferatur quantum sufficit pro restitutione vsurarum ad modum prædictum. Explico: Si quis mille aureos accepit per vsuras, tenetur restituere ex quibuscumque bonis suis, adeo vt, si consumpsit illos, debeant abstrahi à proprijs bonis suis; & si illis fundum emit, nec aliud habet vnde soluat, debeat fundus vendi, & ex pretio vsura restitui.

Secundo, Idem dicendum est de hæredibus vsurarij acceptantibus hæreditatem: omnia enim bona hæreditate accepta manent obnoxia restitutioni. Tamen notandum est, cum multi sunt hæredes, non sunt obnoxij nisi pro rata: si enim tertiam partem vnus accepit, tertiam vsurarum partem tenetur restituere, nisi inter alia bona sit res vsu consumptibilis vsuraria: nam qui habet, tenetur reddere domino, & ab alijs coheredibus exigere partes suas, si minor pars ab eo erat restituenda, quam sit res illa reddita. In hoc puncto forum conscientiarum, & exterius non conueniunt: nam in exteriori, si quis semel acceptauit hæreditatem vsurarij, quamuis postea inuenta sit minor debitis, cogetur omnia restituere, nisi sub aliqua conditione acceptauerit, qua se ad aliquot obligauit soluenda: at in foro interiori non tenetur plus restituere, quam accepit per hæreditatem.

Tercio. Cum res vsu non consumptibilis per vsuras accepta est, manet restitutioni obnoxia, in cuiuscumque sit potestate, siue sit apud vsurarium, siue apud hæredem, siue apud eum, qui ab vsurario emit, siue domum accepit, denique, quocumque habeatur, domino debet reddi, quia semper est ipsius domini primi, sicut res furto oblata.

Quarto. Ex alijs bonis per vsuram acceptis, siue vsu consumptibilibus, siue vsu non consumptibilibus, emptis autem ab vsurario, si vsurarius habeat alia propria bona, vnde vsuras restituat, potest ea alienare donando, vendendo, emendo, vel quouis modo, nec qui ea recipit, restituere tenetur: v. g. vsurarius habet multa propria bona, quibus potest restituere ea, que per vsuras accepit, siue sint bona priori, siue posteriori modo, quicquid hæc vsuraria bona quouis modo bona à se alienet, qui accipit, non peccat, nec restituere tenetur, quamuis postea vsurarius ad inopiam veniat, nec habeat vnde soluat, dum modò habuerit cum alienauit. Et multi casus per hoc soluantur, vt de recipiente dotem ab vsurario ex pecunijs vsurarijs, vel ex patris

tis per eas; de accipiente dono, vel modo alio, nullus horum tenetur, si, cum accepit, propria habebat usurarius, ex quibus solueret, quia non tenebatur restituere ex illis eisdem acceptis, nisi ex quibus vellet.

Quintò, Cum tamen usurarius non habet alia bona propria, unde soluat, præter ea, quæ ex usuris acquisiuit, sunt multi, qui dicunt, generaliter omnes qui accipiunt ab eo modo quouis teneri ad restitutionem accepti. At Soto, optimè cum distinctione procedit, lib. 6. q. 1. ar. 4. Inquit enim, dupliciter aliquem alienare sua.

Vno modo, cum rei propriæ diminutione, vt cum dat, & non recipit, puta, cum donat alteri, cum dat dotem filia, cum dat mercedem famulis, qui rem domini suo labore vel negotio non augent.

Altero modo absq; rei suæ diminutione, vt, qui emit, dat enim vnum, & recipit æquiuolens, &, vt qui dat mercedem laborantibus in re sua; hi enim augent rem ipsam. Iuxta hoc dico, quod talis usurarius, qui alienat modo priori, facit rem alienatam restitutioni obnoxiam. Vnde gener non potest dotem accipere, &, si accipiat, tenetur restituere, quamuis, cum bona usurarij restituenda sunt incerta, possit ab Episcopo petent sibi applicentur, vt dicit Nauar. c. 17. num. 280. nec etiam potest donare, nec alere famulos, qui rem domini non augent; & hi tenentur restituere, nisi ignorantia excusentur. At verò, si posteriori modo alienat, non obligantur, nec sunt obnoxia restitutioni, cum acceperit usurarius æquiuolens, unde posset restituere, dummodo vti diximus, non sit res vsu non consumptibilis, ex ipsa viura accepta. Ab his excipit Nauarrus, loco allegato vxorem usurarij, quæ licet habeat propriam dotem, potest sustentari ex bonis mariti, etiam per vsuram acceptis, dummodo viuat moderatè, secundum statum; nam prior est obligatio sustentandi vxorem, quam alia debita satisfaciendi. Excipiuntur etiam filij, qui aliunde viuere non possunt, & serui rem domini augentes, & qui coacti sunt seruire ei.

Qui obligentur restituere ratione vsuræ. Et quid cum vsurario agendum.

C A P V T XXXVI.

Multi sunt, qui ratione vsuræ obligantur restituere. Nam, non solum qui acceperunt bona vsuraria, de quibus in præcedenti c. diximus, sed etiam alij, qui nihil acceperunt, de quibus Silu. verb. vsura. 7.

In primis. Iudices & Principes, qui repetentes vsuras ab vsurarijs damnant, & iniqua sententia ipsis vsurarijs bona adiudicant: hoc enim nullo modo fieri potest, estq; iniquum eos qui repetunt, non audire, & eis bona per vsuras ablata non facere restituere, cum in iudicio repetunt, & talia facientes obligantur restituere.

Similiter, Aduocati, & Procuratores, & qui scienter defendunt vsurarios, vt bona repetita consequantur.

Similiter, cum Notarij dissimulant vsuras, fingendo licitos contractus, vt, cum vsurarius dat centum, ipsi scribunt centum & viginti, vt post possit vsuras repetere, tales obligantur restituere vsuras, quamuis non obligentur restituere illud pretium, quod pro tali contractu receperunt. Quod si notarij contractus facerent aperte vsurarios. peccarent, tamen non obligarentur ad restitutionem: nã illi contractus sunt inualidi, nec vim dant vsurario ad repetendum, sed tales in vsu non sunt, sed priores, quibus vsura celatur.

Rursus, obligantur restituere testes, qui scientes, similibus contractibus fictis fidem adhibuerunt, & omnes hi in solidum obligantur, si vsurarius non restituit.

Rursus, etiam obligantur, vsurarium factores, id est, qui potestatem habent ab ipsis vsurarijs exigendi vsuras, & dandi; alij verò, qui talem non habent potestatem; vt, qui scribunt receptas pecunias, qui seruant, qui portant, non obligantur.

Rursus, qui dant consilium efficax alicui, vt fiat vsurarius, & proxeneta, seu cursores, qui faciunt pacta inter vsurarios, & accipientem vsuram, omnes hi obligantur ad restitutionem: quamuis Silu. distinctione vtatur: si enim solum concurrant, vt vsurarius det ad vsuram, non obligantur; si verò concurrent ad hoc, vt vsuras exigant, obligantur. Eadem distinctio est

Angel.

angel. verb. restitit. r. §. & videtur bona. Soto autem hæc distinguendo non placet, libr. 6. q. 1. art. 4. nam idem videtur concurrere ad dandum ad vsuram, & exigendum: nam si dat, planum est quod exigit. De proxenetis magis hoc videtur distinguendum, cum enim nullum faciant pactum inter vsurarium & accipientem, sed solum ostendant & inueniant vsurarium, aut eos, qui accipiunt ad vsuram, non videntur obligati; tamen periculosum est valde tale officium, & vix liberum est à restituendo. Et hæc sunt satis de hac re.

Nunc autem, qualiter confessarius se debeat gerere cum penitente vsurario, agere oportet.

Duplex igitur est vsurarius, alter notorius, alter occultus.

Ille dicitur notorius, qui in iudicio per testimonia sufficientia conuictus est, vel qui in iudicio spontè confessus est vsuram, vel de ea damnatus est, vel factum est notorium, puta, quia publice ad vsuras dat.

Quando verò quis dat ad vsuras, sed non se habet ut aliquis prædictorum dicitur vsurarius non manifestus. Quid igitur cum manifesto sit agendum, habetur ex cap. quamquam, de vsuris, in sexto: nullus enim debet eum à peccatis absolueret, nec sacramenta impendere, nec communionem, donec restituat vsuras, vel, si non potest, det sufficientem cautionem per pignora, vel per fideiussores: Quod si dominus vsurarum non adsit, exhibenda sunt his qui pro ipso acquirere possunt: v. g. procuratori, vel si mortuus sit, hæredi vel similibus, ut supra, de quo vide Sylu. verb. vsur. §. 5. si tamen hi non adsunt, Episcopo vel eius Vicario, vel proprio Confessario. Quòd si neutrum horum d. orum potest præstare vsurarius, iuret se non posse, & cum primùm possit, restitutum. Nisi aliquid horum promittat ordine prædicto, Sacerdos non debet absolvere, aliàs peccat mortaliter, quamuis vsurarius dicat se in testamentum relinquere, ut vsuræ solvantur; immodò testamentum est irritum, nec talis debet sepeliri in loco sacro; & qui sepelit, ipse facto est excommunicatus, ut ibidem in prædicto capite habetur: nam confirmatur excommunicatio lata Clem. 1. de sepulch. Excommunicatio autem reservatur Episcopo, qui non debet absolvere, donec satisfaciatur læsæ parti. Quòd si virget mors, nec vsurario vacat illa facere, cum tamen propositum faciendi habeat si posset, tunc confessarius debet ab illo petere promissionem soluendi vsuras, & facultatem dicendi & reuocandi Episcopo talè promissionem, ut postea Episcopus committat

pellat eum, si vixerit, soluere, vel hæredes: ita dicit Sylu. verb. restitutio. 2. §. 1. Quando verò mors non dat locum huiusmodi, sed solum signa contritionis exhibet, quæ ad absolvendum sufficiunt, tunc absolvatur, & in hoc casu non esset excommunicatus, qui sepeliret, ut habet Syluest. Notandum autem usurarium non esse excommunicatum, ob id non esse rejiciendum à divinis officijs, ut Sylu. benè notat, & Soto lib. 6. quest. 1. art. 1.

Quando verò non est manifestus, tunc non sic se gerere debet Confessarius, sed potest absolvere usurarium promittentem, & habentem propositum restituendi, dum tamen non comperiatur in alijs confessionibus proposuisse & non servasse: tunc enim expectanda esset restitutio, ut notat Syluest. verb. restit. 6. §. 1. Quod si iste usurarius est in mortis articulo, quamvis melius esset non absolvere, nisi restituat; cum possit id facere, tamen non tenetur Confessarius id facere; & si ei est probabile, hæredes testamenti restitutos, potest absolvere; cum verò non potest usurarius talis, morte virgente aliquid facere, non est necessarium petere illam promissionem cum licentia manifestandi: nam peccatum huius est occultum, nec credetur Confessario illum fuisse usurarium, sicut credebatur, cum notorius & manifestus erat.

De accipiente ad vsuram.

CAPVT XXXVII.

Longè distant inducere aliquem ad dandum ad vsuram, & accipere ab aliquo ad vsuram: prius enim malum est, & peccatum, & numquam licet, nisi, ut dicunt Innocent. cap. super eo, de vsur. & Nauarr. cap. 17. num. 263. cum quis est in extrema necessitate positus, in qua aliàs tenetur ei succurrere sub mortali peccato, & non succurrit: tunc enim, velut minus malum, petendum est ab eo, ut det ad vsuram: verbi gratia, si est aliquis inter infideles, & occiditur, nisi det centum aureos, quos ille non habet præsentem, sed alibi habet, tunc si adsit illic mercator, qui eos possit præstare, tenetur sub mortali saltem mutuare, si autem nolit, potest ille alius ad vsuram petere: licet enim suadere minus malum, ut non fiat maius: si enim mercator deliberatus est facere maius peccatū, quod est non mutuare in tali necessitate, potest hic dicere ne hoc facias saltem

tem minus fac. De hoc vide Soto lib. 7. q. 1. art. 1. Accipere au-
 tem ad vsuram non est ex se malum; nam qui accipit, solum
 mutuum petit; quod cum ille non velit nisi ad vsuram dare,
 et eam dat. Cum autem ob aliquam necessitatē accipit quis
 ad vsuram, nullum est peccatum, vt habet S. Thom. 2. 2. q. 78.
 art. 4. Cum verò nulla est necessitas, sed ob luxum vel vanita-
 tem, Soto lib. 6. q. 1. art. 5. putat non esse nisi veniale, & idem di-
 cit Caietan. nisi sit nimia prodigalitas, & notabile filiorum, &
 dei familiaris detrimentum: tunc enim esset mortale, sicut pro-
 ducere pecunias. Hinc patet solutio cuiusdam dubij, an possit
 mercator sumere pecunias ad vsuram, & eis negotiari, quia
 plus negotiatione lucratur, quàm sint vsuræ solutæ. Refert
 Soto loco allegato, Sanctum Thomam consultum de hoc à
 mercatore Florentino, respondisse, non licere: Soto autem di-
 cit esse licitum, & Caietan. dicit, tantum esse veniale; & ego ita
 credo: puto enim, Sanctum Thomam intellexisse de eo, qui po-
 test habere pecunias quibus negotietur: iste enim venialiter
 peccat, si tantum accipit, nullum inducendo ad dandum sub
 iugis. Quod autem dicimus de accipiente ad vsuram pro se,
 intellige etiam pro alio, qui pro amico suo accipit ad vsuram:
 si enim aliquis rogatur ab amico vel noto, vt mutuet illi acci-
 pendo ad vsuram quam ille soluet, potest licetè, etiam in illius
 maiorem accipere vsuram. De dominis autem temporalibus
 permittentibus vsurarios, sciendum est, licitum esse permitte-
 re, sicut permittuntur etiam meretrices, ad vitanda maiora
 mala, non tamen ob hoc conceditur vsura: nam permittere
 est non punire, hoc autem, non semper est peccatum: Deus e-
 nim etiam permittit peccata. Esset tamen graue peccatum, si
 ita permitterent vsurarios, vt accipientes ad vsuram cogerent
 ad soluendum, nec locum in iudicio darent repentinis: est
 enim contra ius naturæ vsura, ob id esset lex iniqua, quæ præ-
 cipit vsuras solui, & qui tale faceret, esset excommunicatus,
 vt habetur Clem. vnica, de vsur. Vide Soto lib. 6. q. 1. artic. 1. Ius
 enim Canonicum non permittit vsurarios; immò pœnas infli-
 git vndecim, quas vide apud Sylu. verb. vsura. 9. Hæc
 hæc tunc dicta sint de vsura in communi,
 nunc ad particularia descendamus.

* *
 *

De monte pietatis.

CAPVT XXXVIII.

MONS pietatis, est quædam summa pecuniæ, aut rerum pecuniæ æstimabilium, quæ in pauperum refugium, vel à diuite vno, vel multis, aut à Principe, vel republica, aut aliqua communitate reposita est. Ex hac pauperibus sollet mutuari gratis. Huius conditiones, seu leges esse solent.

Primò, vt detur mutuum ad breue tempus, puta, ad annum plus, minusve, nec excedat vt possit pecuniâ multis mutuari, & per eam multis subueniri.

Secundo, vt mutuetur sub pignore, ne pauperes in solvendo negligentes sint, & mons consumatur.

Tertiò, vt, si intra tempus signatum non soluitur mutuum, pignus vendatur & detur monti, quod ei debetur, vt possit subueniri alijs.

Quartò, vt, cui mutuum datur singulis mensibus, quibus mutuum acceptum possidet, erogat aliquam summam breuiem, & parvam pecuniæ monti, pro expensis, quas ministri faciunt. Hic dicitur mons pietatis. Et quamuis olim fuerit inter Doctores magna controuersia, an sit licitus, quia videtur pro mutuo aliquid accipere, tamen Leo Decimus Papa expeditiuit bullam, quæ habetur Concil. Lateran. sess. 10. qua montem talem probat licitum esse, & ab alijs suis prædecessoribus approbatum, nec habere labem vsuræ; & excommunicat contrarium legentes vel scribentes: quamuis dicat melius esse, vt qui tales instituunt montes, etiam instituunt redditus peculiares pro expensis ministrorum. Vnde non possum non mirari Caietanum in opusculo de monte pietatis, & Soto libr. 6. q. 1. art. 6. qui contra istum montem inuehuntur, pace ipsorum, nimis audacter, & sine ratione, & ni fallor, qui tale diceret, puto esse excommunicatum. Melius Nauar. super cap. 1. 14. q. 3. ipsum probat, & abque dubio probandus est, si fiat, vt à sede Apostolica est approbatus.

Sunt enim tres conditiones necessariae.

Prima, vt ex mutuo nihil lucri accedat monti, vltra id quod habebat.

Secunda, vt, quod à mutuatario accipitur, sit pro obligatione, qua mons obligatur mutuari indigenti, & pro expensis, quæ necessariae sunt pro montis conseruatione, & hoc vocat Papa

pro indemnitate. Nam mons debet mutuare sic, vt non patiatur damnum.

Tertia, vt nihil accipiat ultra expensas & causas prædictas, quæ debent esse moderatæ nimis, putâ, quantum necessarium est. Vnde, non sunt plures ministri in monte constituendi, quâ-
ntum necessarii, nec aliæ expensæ superflue fieri debent: pro his
tamen accipere aliquid, vsura esset. Hunc autem montem sic li-
citur esse, ratio aperta probat.

Primo, si quis peteret à me mutuo, quod ego non possem
mandare, quia ver. gra. absens est, nisi expensas aliquas fa-
ciendo, profectò licitum esset, ultra mutuum pro expensis pa-
ci, quia hoc non est lucrari, sed rescire damnum. Ergo non
petetur ipse mons, vel dominus illius proprijs expensis alere
qui constituti sunt ad mutuandum; propterea omnes di-
cunt, Caietanus verb. vsura, & Scotus lib. 6. quæst. 1. artic. 2. ad
Gloss. 14. quæst. 3. canon. si fœneraueris. Panormit. capit.
confiluit, de vsur. Silu. verb. vsur. 2. §. 2. quod mutuare alicui,
obligando, vt ipse sibi, cum opus habuerit, remutuet, est vsura,
quia obligatio est appretialis pecunia. Cum ergo mons obli-
gatur mutuare petenti pro tali obligatione aliquid potest exi-
gere. Et per hoc soluitur argumentum illorum: dicunt enim, si
quis diues vellet constituere aliquam pecuniam separatam ad
mutuandum, non posset exigere expensas, quas facit in con-
stituenda illa; dico non esse simile: nam diues hic non obligatur
mutuare, cum exigitur, sicut obligatur mons, nec illius pe-
cunia tradita est in pauperum commune dominium, sicut est
pecunia montis. Non tamen posset aliquis mutuare, exigendo
expensas à mutuatario, vt in casu posito dicebam, cum roga-
tus mutuat. Ex his ergo patet licitum esse, existentibus condi-
tionibus.

*De alijs montibus, qui in vsu sunt in quibus-
dam locis.*

CAPVT XXXIX.

IN quibusdam ciuitatibus solent etiam alij montes consti-
tui à priore longè diuersi. Aliquando Princeps, Dominus,
aut ipsa ciuitas, supra quosdam proprios redditus solent
summam pecuniæ accipere, & singulis annis, octo, vel septem

Rr 3

pro

pro centum receptis reddere: v. g. Advenæ huius vrbis solent domino reddere singulis annis decem millia ducatorum: ipse dominus aliquam partem, vel totam hanc summam alijs dare constituit, recipiendo decem pro centum vel octo, singulis annis reddenda, talis summa annualis reposita pro soluendis his dicitur mons, qui pro varietate reddituum, supra quos pecuniæ accipiuntur, denominari solet varijs nominibus, vt mons farinae, mons gabellarum, vel decimarum, &c.

Solent autem isti montes in duplici esse differentia.

Quidam perpetui; quando summa accepta non potest redimi ab accipiente, nec perit redditus cum vita dantis, sed manet heredibus; vt qui dat centum, vt in perpetuum accipiat octo singulis annis, aut septem, pro se, & heredibus. Talis est mons, qui Romæ dicitur Fidei, à Clemente Septimo institutus, in quo septem pro centum dantur perpetuo.

Quidam sunt temporales, quando dantur redditus solum pro vita illius, qui summam monti imposuit: mortuo enim ipso, summa data manet apud montem, & talis est mons, qui Romæ dicitur recuperationis, à Pio quarto institutus. in quo duodecim pro centum dantur.

Est etiam tertia differentia, quæ in fine huius capitis ponitur, in qua montes sunt, reddentes decem pro censu. Isti montes secundum se sunt liciti, quia sunt ad modum census cuiusdam, aut perpetui, aut temporalis; tamen ratione alicuius circumstantiæ, possunt esse illiciti.

Sunt enim aliquot conditiones necessariæ.

Prima est, vt talis mons verè sit redditus aliquis, putà, vel gabellæ, vel advenæ, vel aliquid simile: si enim solum acciperetur pecunia, & pro centum receptis redderentur octo vel decem, vel alia summa, nec talis summa esset supra aliquos redditus imposita esset vsura: & in hoc eadem est ratio huius montis, & censuum.

Secunda est, vt supra tales redditus non sit tanta accepta pecunia, vt non possit pro centum reddere illam quantitatem, quam dat: verbi gratia mons habet redditus quatuor millium aureorum, ex quibus pro singulis centum dantur octo, non possunt plures pecuniæ assumi supra hunc montem, quam possunt ista quatuor millia continere, singulis annis reddendo octo: tunc enim esset vsura: quia haberet rationem mutui.

Tertia est, si non sunt plures pecuniæ acceptæ, quàm mōs fructificet, aut illa pars reddituum, quæ monti exposita est, hoc tamen fuit, quando mons fuit primò institutus, tamen postea accidit, vt redditus montis sint minores, nec possit pro centum reddere octo constituta à principio, tunc qui habent pecunias supra montem, non possunt plura accipere, quàm ille mons reddat pro centum acceptis. Sed hoc intelligendum est, cum fuit obligatio facta, vt, cum montis redditus variarentur, etiam variarentur illæ annuales pensiones pro singulis centū, vt si minus redderet mōs, minores essent, si plus maiores. Cum tamen non est talis obligatio, sed est certa summa constituta, in quocunque euentu, tunc licet possit talis summa accipi, cum, quamuis plus mons fructificaret, non ob id summa illa augetur.

Quarta est, vt pereunte monte omnia pereant: debet enim esse sicut in censu; non enim census obligat, nisi dum res manet, supra quam est positus; sic istæ pensiones non debent durare, nisi durante monte. Vnde si casu aliquo periret ciuitas, dominus non tenetur reddere quicquam illis, à quibus supra acceperat redditus talis ciuitatis: scilicet autem si culpa ipsius periret aut minueretur: tunc enim tenetur reddere pensiones: potest nihilominus dominus montis obligare se ad soluendū in omni euentu; sed tunc augendum est pretium: nam obligatio hæc pecunia æstimabilis est.

Quinta etiam est, vt in monte temporali plus pensionis detur, quàm in monte perpetuo, in quo minor pensio datur, & ita fit de facto: nam in monte recuperationis datur duodecim pro centum, & in primo triennio non potest perire pensio, quamuis moriatur qui eam habet; immò post triennium admittitur protestatio ad vendendam pensionem, dummodò qui alienat & vendit, superuiuat dies quadraginta, si malè habet, vel absens est; aliàs sufficit, vt ipse compareat personaliter apud eum qui acceptat protestationem.

Sexta est, vt Domini, Principes & alij non instituant tales montes absq; graui necessitate & communi. præsertim Pontifices: nam per montes destruuntur res successorum, & tot possunt multiplicari, vt in inopiā redigantur: vt enim præsentis domini cogregent summam magnam pecuniarum, non curant redditus alienare futurorum: & multò maiori causa, & grauiori debent imponi & institui montes irredimibiles, sicut enim Romæ montes aliqui, in quibus non cessat pensio:

etiam mortuo pensionario, tamen possunt redimi pensiones, & isti dant decem pro centum; alij verò redimi omnino non possunt. Hæc igitur necessaria sunt, vt isti montes liciti sint, de quibus parum aut nihil scriptum habetur apud doctores, quia non sunt antiqui. Caietan. ver. vsura, in fine, breuiter meminit horum & approbavit. Aduerte tamen aliquos solere vendere, has pensiones supra montes impositas pluri, quàm ipsi emerint, verbi gratia, aliquis, pro centum, habet supra montem fidei septem perpetua, vendit alteri pro centum & quindecim similiter de alijs etiam temporalibus. Et hoc licitum est; nam iisdem redditus diuersis temporibus; & locis plus minuse vendi possunt; sicut qui domum emit, potest pluri vendere, quàm emerit, dummodò tamen quando venditur, tale pretium iustum sit, quod puto esse in talibus pensionibus: sapè enim raritas reddituum empubilium auget pretium eorum.

De societate officiorum.

CAPVT XL.

SOlet Romæ contractus communissimus versari, qui dicitur societas officiorum, cuius origo & principium hoc fuit: sunt enim in Romana curia multa officia, quæ redditus quosdam habent, quæ Papa vendit certo quodam pretio. Cum autem essent multi, qui non haberent tantam summam, vt possent soli vnum emere; concessu^m est à Pontificibus, vt simul cum alijs emant talia officia; & quamuis in vno sit officium, tamen pro rata, socio, vel socijs, distribuuntur redditus, puta, decem, aut duodecim pro centum. Est autem officium temporale: mortuo enim officiali, manet officium in manibus Papæ, nisi officialis ante mortem per quadraginta dies renunciauerit alteri officium. Ista dicitur societas officiorum.

Sunt tamen aliquæ conditiones necessariae ad talem contractum, vt licite fiat. Dux priores sunt impositæ à Paulo Quarto in Bulla quadam super hoc, quæ ad nostras venit manus.

Prima est, vt supra alia officia, quàm Romanæ curiæ, non possint similes societates fieri: si enim fiant, tamquam vsurariæ censendæ sunt. Hæc autem conditio non est necessaria ad intrinse-

insecam rationem contractus: nam forsitan posset idem fieri super alia officia Regalia, tamen quia id Papa prohibet, non fit.

Altera est, ut non admittantur socij ultra medietatem pretij ipsorum officiorum: solum enim potest officialis admittere socium vnum, vel plures, usque ad valorem medietatis inter omnes eos, supra vero non potest. Et ista etiam conditio necessaria non est ex parte contractus; nam posset etiam ultra medietatem socios habere, tamen necessaria est ex precepto Papae. Vnde, peccaret qui contraueniret, & teneretur ad restitutionem, nam Papa iudicat contractum, qui non sic fit, usuarium. Ultra has duas etiam alia duae conditiones necessariae sunt.

Tertia enim necessaria est, ut socij non plus habeant redditus, quam obueniat ex officio. Vnde, si officia non fructificant nisi octo, vel nouem pro centum, non possunt socij habere duodecim, & in hoc est mirabilis abusus, quia semper exigunt duodecim, cum iam officia multo minus reddant, & rarissime dent tot. Nec excusantur isti socij hac fictione: solent enim, postquam inierunt societatem, locare fructus suos officiali pro tali pretio. Vnde, si postea decrescunt, ipsi tantumdem recipiunt, sed hoc non excusat: nam non locant pro pretio tunc existente; hoc enim valeret, si pro pretio tunc occurrente locarent, & essent incertum, plus, minusue valituros fructus: nam tunc posset officialis lucrari hoc pro fructu, sed non sic faciunt: semper enim exigunt duodecim, quae vix reddit officium hoc tempore.

Adde etiam, cum istae societates semper sint tantum per sex menses, debent pretia constitui, quae probabilia sint illius futuri temporis; & quod magis est, non debent locari pro toto fructu, quod speratur, sed pro minori: nam incertum minus valet certo, & praesenti, nec ad id debet cogi officialis. Adde etiam; cum ista officia sint temporalia, & incerta, non debent locari, sed est mera societas, & sub tali titulo à Pontificibus probata: fructus igitur debent esse vniuersales socio, & officiali.

Immo est quarta conditio necessaria, ut cum ista officia aliamquam habent industriam, sine qua, tantos non facerent fructus, non possunt socij tantam partem recipere, quantam officialis, qui laborat ultra sortem suam; secus si nihil industriae postularent. Haec est societas verè officiorum. Tamen humana

auaritia his non contenta adinuenit quandam aliam lucrandi viam: cum enim hoc officium pereat, mortuo officiali, & cū eo pereant pecunie vtriusque pro officio datæ, mixta fuit quedam fors simul cum societate: socius enim init cum officiali societatem hanc, per sex tantum menses, sitq; pactum, vt si intra sex menses moritur prius socius, pars ipsius, quam supra officium habebat, obueniat officiali; si verò prius officialis moritur, quamuis officium pereat, dabit socio suam partem securam, & ad hoc fideiussores dat; dummodò mors non sit violenta: hoc enim factum est, ne alter alteri infidiaretur. Quod si socius, per quindecim dies ante sex menses finitos, protestatur se nolle societatem, tunc non perdit partem, dummodò sex integros viuat menses. Ista fors licita est: nam nullam facit in alterutro inæqualitatem: vita enim incerta est, & sicut socius lucratur sua sorte centum ex alterius morte, qui in officio perit, ita officialis lucratur centum in officio, ex alterius morte precedente; similiter mille, plura, paucioraue, iuxta partem socij supra officium. Iam igitur non est contractus societatis purus, sed cum sorte coniunctus, sed ista fors est supra capitale ipsum, & partem officij.

Adhuc tamen his auaritia humana non contenta, aliud inuenit lucrum: solent enim locij hoc pactum cum officiali inire, vt si, facta protestatione quindecim diebus ante sex menses finitos, statim his completis diebus, officialis non reddiderit socio suam pecuniam, teneatur deinceps inire societatem reddendo eos fructus, quos antè dabat, sed socius erit absq; periculo, ita vt, quamuis moriatur ante sex menses, & completos, officialis non acquirat sibi illius pecuniam, sed hæredibus socij obueniat. Iste contractus sæpè fit Romæ, sed tamen frequentissimè est vsurarius, quod ex duplici parte constat.

Primò, ex parte intentionis imponentis pœnam: non enim intendunt hanc apponere pœnam, vt suum capitale recipiant, quæ quidem intentio necessaria est in pœnæ appositione, vt supra diximus, sed intendunt merum lucrum, & saluum habere capitale, desiderantq; vt officialis non reddat, sed pœnam incurrat.

Secundò, etiam ex eo quòd officialis sæpè non potest reddere tunc, absq; culpa sua, & vt supra diximus, pœna non est exigendi ab eo, qui non habet vnde reddat bona sua, absq; culpa sua. Quòd si, qui talem imponit pœnam rectam haberet intentionem, nimirum, quia vult sibi pecuniam societatis reddi, &

culpa, & etiam officialis non redderet culpa sua, tunc licet posset talis exigi poena: sed non puto has poenas modo sic imponi. Ob id maxime dissuadendi sunt homines ab his contractibus, quos absque mortali peccato, & obligatione restitutionis non exercent. Possent etiam, eisdem seruatis conditionibus, petere & exigere ab officiali damnum emergens, si quod incurrissent ex eo, quod officialis non reddit, dummodo in culpa sit non reddendi, & socius animum habeat recuperandi suum capitalem aliam non licet, & dummodo damnum sit: nam solent sapere isti, quando non redditur capitale, accipere eisdem fructus pro ratione damni, absque periculo capitalis, quia dicunt non esse iam societatem.

Adhuc tertium adinuentum est, nimirum locatio quaedam partis officij ipsi officiali facta, de qua iam diximus.

Tandem quartum inuentum est, dare partem officij alteri tertio: ver. gr. aliquis indiget pecunijs, nec habet qui ei mutuet, accedit officiali, & petit, ut ad societatem sui officij, admitat aliquem, & ipse dabit fructus omnes, quos officialis daturus erat, & pariter ipsi lucrum obueniet ex morte socij, ita ut officialis seruetur indemnis, nec perdat, nec lucretur iste contractus licitus est: nam sicut licitum est dare pecunias alicui, obligando ipsum, ut soluat damnum, aut lucrum cessans certum ex tali mutuo proueniens, ita potest obligare officialis illum tertium, ut soluat fructus, quos ipse soluturus erat pro accepta pecunia, & lucrum etiam ipsi proueniet. Sic etiam licitum est super domum propriam imponere censum pro tertio. Vnde contractus est duplex, primus est officialis cum socio, secundus, officialis cum tertio. Sunt tamen duae conditiones necessariae, quae ut plurimum non seruantur Romae, ob id est illicitus talis contractus.

Prior est: Non potest officialis plura supra officium suum accipere, quam sit valor medietatis officij sui, at isti sumunt absque mensura, in quadruplo, plus quam valeat officium: propterea Paulus IV. in sua Bulla optime disposuit, ut nullus admittere posset societatem, nisi prius obtenta Papae signatura: nam ibi apparet, quam oneratum esset officium.

Posterior etiam est, ut non plus exigatur à tertio, quam sint officij fructus pro rata. Et in hoc est mirabilis abusus: nam socij exigunt à tertijs duodecim pro centum, super officia, quae non dant, nisi quinque pro centum. Est talis contractus pessimus, obligans ad restitutionem, quam primo loco tenetur officia-

officialis facere illi tertio: nam quamuis tertius det primo, tamen ex natura contractus obligatur officialis & eum indemnem seruare, & socius secundo loco tenetur officiali restituere; nec excusantur ignorantia, quia est crassa nimis: debent enim prius querere socij isti, qui dant tertijs supra officia aliorum, an talia officia sint onerata, adeo vt non possint recipere plura, & tenentur contractum cognoscere, maxime, cum bulla Pauli Quarti omnibus fuerit publicata; & quamuis ignorantia excuset, id est à peccato, sed non à restitutione facienda, cum primum confiterit, illicitum esse talem contractum.

Et est tertia conditio necessaria, vt, quando faciunt hanc societatem, dent totum capitale, & non accipiant solutionem anticipatam: solent enim dare quingentos aureos pro societate, & statim accipere pro fructibus quinquaginta, vnde non dant, verè, nisi quadringentos quinquaginta

De alijs tribus speciebus.

C A P V T XLI.

Alia est secunda societatis species communis, putà, cum multi pecunias suas negotiationi exponunt, ita, vt singuli pecuniam exponant, & simul laborem, & industriam in negotiationem necessariam adhibeant. Talis societas licita est, seruatis tribus conditionibus.

Prima est, vt negotiatio sit licita, & non contra iustitiam.

Secunda, vt singuli exponantur periculo perdendi de capitali suo, sicut exponunt se lucro. Vnde, quoties aliquis vult lucrum, & non exponere se periculo perdendi, nisi alius interfit contractus, de quo dicemus post, est iniusta societas, nec potest licite acquirere.

Tertia est, vt lucrum proportionaliter diuidatur, proportionem pecuniæ expositæ, industriæ, & laborum: minus enim de lucro obuenit ei, cuius capitale minus est. Ista sunt manifesta.

Tertia alia societas est, quando labor, & industria communis non est, sed vnus industriam ponit, vel laborem, alius pecuniam: vel vnus partem pecuniæ, & industriam, alius solam pecuniam:

eniam: de qua societate habetur ff. pro socio, l. societatem. Et quidem licita est, seruatis duobus.

Primum est, vt quisq; sit expositus periculo perdendi suum capitale; Verbi gratia, qui pecuniam exponit, si fortè pereat, suo damno pereat, qui ponit laborem & industriam, si causa nihil lucri obueniat, laborem perdat, salua pecunia alterius.

Alterum est, vt in lucro diuidendo computetur quantum valeat labor & industria, & quantum etiam periculum hoc valeat, quòd labor & industria semper perdat, dum nihil est lucri, at pecunia non; nam salua manere potest: & in hoc bene dicit Nauarr. cap. 17. nu. 255. quicquid velit Soto libr. 6. de iust. q. 6. art. 1.

Aduerte tamen hic, quod contractui societatis possunt adnecti alij duo, puta, assecuratio quazdam capitalis: sicut enim vnus potest capitalis assecurationem cum tertio facere, ita potest cum socio, dato iusto assecurationis pretio: potest etiam locare fructus, & lucrum pretio conuenienti, vel assecurationem lucri facere, & ita sentit Caiet. opusc. 16. q. 11. & Nauarr. c. 17. nu. 255. quamuis Soto non id recipiat, libr. 6. q. 6. art. vltimo, sed non videtur id negandum, dummodò, vt Caiet. dicit, non obliget socium ad tales contractus, sed liberū relinquat, sicut & alium tertium.

Quarta alia societatis species est animalium, cum aliquis emit animalia, & alij dat curanda, seruata parte lucri, & est licita, seruatis quibusdam.

Primò, vt portio seruata sit iusta: debet enim haberi ratio laborum, industriae, & expensarum illorum, quibus animalia committuntur.

Secundò, vt animalia pereant ipsi domino, & non ipsis sociis tractantibus.

Tertiò, vt, cum absque negotiatorum culpa non habetur lucrum ex animalibus, quia fortè non exponunt animalia labori, vel alijs negotijs, tunc liberi sint socij à lucro reddendo Domino. Hæc omnia sunt clara,

& communia.

* *
*

De censibus, Quid census.

CAPVT XLII.

DE censibus vide Cont. q. 72. Sylu. vsura, 2. §. 12. Sot. lib. 6. de iust. q. 5. Henr. quod lib. 1. q. 39. Canonistas super c. in ciuitate, de vsuris. Ant. 2. p. tit. 1. cap. 11. §. 9. Miranda in summa Concil. post Concilium Floren. de hac etiam materia extat bulla Pij V. quam refert Nauarr. in man. c. 27. nu. 233. Igitur, inter alia de contractu censuum tractanda, illud primum est, quid sit census. Vt autem in presenti sumitur, videtur sic posse definiti. *Est ius exigendi pensionem de re vili alterius.* In qua definitione quatuor partes continentur.

Prima est, *ius*. Sumitur autem hic ius, pro facultate aliquid facienda: sic dicimus dominum habere ius in seruum, scilicet habere facultatem imperandi ei secundum iustitiam. Est igitur census ius quoddam; quale autem sit, exprimitur in secunda particula, puta, *Exigendi pensionem*. Vocamus autem pensionem, quotam quandam, vel fructuum, vel pecuniarum, quæ alicui soluitur. Census igitur est facultas exigendi, secundum iustitiam, pensionem, seu partem quandam fructuum, vel pecuniarum. Vnde autem ista pensio sit extrahenda, exponitur in tertia particula, puta, *De re vili alterius*, id est, ex fructibus, quos res aliqua apud alterum facit: debet enim esse res, quæ non sit vlti consumptibilis, qualis pecunia est: hæc enim vlti consumitur; sed talis, quæ vlti non consumitur sed fructificat, salua substantia: Verbi gratia, habet aliquis domum, vel agros, vel alia fructificantia, & facientia aliquos prouentus; alius autem habet ius exigendi ab eo aliquam partem talium prouentuum; hic dicitur habere censum supra rem illius, quia tale habet ius.

Quarta particula est, *alterius*, id est, res illa, vnde pensio soluitur, non debet esse habentis censum, sed soluentis ipsum, ad differentiam locationis, & emphyteosis: qui enim locat domum alteri, habet quidem ius exigendi ab eo pensionem, sed non dicitur tale ius, census, quia non transfert dominium domus alteri, sed tantum vlti; at verò qui habet censum super rem aliquam, non habet dominium eius, sed hoc manet apud soluentem pensionem. Et propter hoc etiam differt ab emphyteosi, in qua quis accipit pensionem de re, cuius dominum

nium habet; sed vsus est alteri in perpetuum traditus. Et ex hoc intelligitur ratio cuiusdam textus: nam in cap. constitutus, de de religiosis domibus, condemnatur quidam Abbas, qui multis annis non soluerat pensionem de re, quam sub censu acceperat: condemnatur autem, ut omnia soluat, non tamē ut prædium, seu rem amittat, & tamen, si erat emphyteosis, prædium amittebat, & redibat ei, cui soluere pensionem tenebatur; ut habetur l. 2. C. de iur. emphy.

Rationem autem huius dat Gloss. super illud cap. constitutus; nimirum, quia in censu, qui soluit, dominium rei habet; at in emphyteosi, non. Ob id, in hac, res reuertitur ad dominum, cum pensio soluitur, non in censu; quia ipse, qui habet, dominus est: solum cogendus est ille pensionem totam soluere.

Est igitur census, ius exigendi ab aliquo pensionem aliquam, super re, cuius dominium apud ipsummet est. Dices, quare dicitur census?

Aduerte. Olim res, & bona ciuium recensēbantur ab Imperatoribus, ut iusta fieret ipsorum æstimatio, ad tributum soluendum, ut habetur l. forma, ff. de censibus; talis autem æstimatio dicebatur census. Inde, nomen hoc ampliatur est, ut ipsa res familiaris, quæ æstimabatur, diceretur census.

Et rursus tertio, ipsum tributum, & pensio, quæ solvebatur, etiam dictus est census; unde, illi interrogabant, an liceret censum dare Cæsari.

Atque his modis apud auctores hoc nomen vsurpatur; sed in præsentia apud Doctores Theologos, & Iuristas aliter sumitur.

Quarto modo sumitur census pro ipso iure, quod est in accipiente pensionem, ad exigendum eam ab altero; & sic in præsentia sumitur, & à nobis hoc modo census definitus est.

Quotuplex census.

CAPVT XLIII.

NVN c diuisiones, & modi censuum horum consideranda sunt; nec omnes diuisiones in mediū proponemus, sed principales; & de quibus minus est dubium.

Primò

Primò quidem diuidetur in resignatiuum, & consignatiuum.

Resignatiuus est, cum quis rei suæ dominium alteri transfert, retenta sibi aliqua fructus pensione; & de hoc censu erat illud c. constitutus, superius allegatum.

Consignatiuus est, cum quis, retento dominio rei suæ, partem aliquam fructus in alterum transfert. Tales censūs modò in vsu sunt.

Horum autem, quidam sunt perpetui, quidam temporales.

Illi dicuntur perpetui, cum quis habet ius supra rem alicuius, & hæredes ipsius exigenti pensionem; & non solum hic, sed etiam eius hæredes, vel illi, in quos tale ius transtulerit.

Temporales verò sunt, qui ad tempus quoddam sunt, & postea cessant.

Secundò, perpetui sunt in duplici differentia: Quidam redimibiles, quidam irredimibiles.

Redimibiles sunt, cum, qui soluit pensionem, potest se liberare à soluenda ea, reddendo pretium illi, qui habebat censum, quo ipse talem emerat censum.

Irredimibiles verò, cum non potest pretio se liberare à pensione soluenda. Aduerte autem, quòd non dicuntur irredimibiles, quia censuarius non possit se liberare à pensione, ipsam pretio redimendo: nam si velit, & acceptet is, qui supra eum censum habet, potest se redimere, sed dicitur irredimibilis, quia censuarius non potest secundum iustitiam cogere alterum, ut pretium acceptet pro redimenda pensione: sed post decretum Pij Quinti omnes censūs sunt redimibiles. Similiter in redimibili intelligas, potest quidem nunquam redimi, & manare in hæredes, ob id dicitur perpetuus; tamen si censuarius velit, potest cogere alium, ut pretium acceptet, ad pensionem redimendam: atque ob id, dicitur redimibilis.

Rursus tertio, temporales sunt in duplici differentia, quidam ad tempus incertum, quidam ad tempus certum.

Illi, qui ad incertum tempus sunt, aliquando sunt pro vita alterius, vel vtriusque, & dicuntur vitalia; ut, qui habet ius exigendi pensionem ab aliquo, vel de re alicuius, dum alter, vel vterque vixerit; quod tempus est incertum. Aliquando non est ad vitam, sed ad alium terminum incertum, ut, dum quis hereditatem consequutus fuerit, vel aliquid obtinuerit. Similiter

iter, qui ad tempus certum sunt, aliquando sunt ad modicum tempus, vt, cū sunt ad annos aliquot infra decem; aliquando ad non modicum, vt, cū ad decem, aut supra.

Rursus quartò. Omnes hi, aut sunt fructuarij, aut pecuniarij.

Fructuarij, cū pensio est aliqua pars fructus rei, super quam est census.

Pecuniarij, cū est aliquod pecuniæ pretium taxatum: & hi sunt in vsu magis, quàm illi fructuarij. Omnes isti census dicuntur reales, quia impositi sunt super rem aliquam, putà, domum, agrum, prædium, vel quid simile: & hos comprehendit definitio census posita. An verò sit census personalis solum impositus super personam, absq; vilius rei utilis obligatione, dicendum est postea.

De emptione & venditione censuum.

CAPVT XLIV.

Tertio loco, nunc perscrutandum est; an licitè possit quis vendere tale ius alteri super res suas, & licitum sit alteri emere.

Dico primò, absq; dubio fatendum est, talem contractum ex natura sua licitum esse, possq; vnum vendere, alterum autè emere.

Potestq; hoc probari ex auctoritate multorum doctorum, quod affirmat inter quos, sunt Hosti. c. in ciuita. c. de vsura. Solu. ver. vsura, l. §. 12. Conrad. q. 72. Sot. lib. 6. de iust. q. 5. artic. 1. Napat. super c. 1. 14. q. 3. in fine summa sua. Hoc etià alij multi tenent.

Ratio autem est aperta; primò quidem ex Inst. lib. 2. tit. de usufruct. vbi habetur, posse aliquē legare alteri vsum, vel vsum-fructum rei, idq; etiam facere alijs stipulationibus & pactionibus. Potest ergo vendere.

Probatur etiam secundò; Si iste contractus esset ex se illicitus, sequeretur, quòd nullis apposis circumstantijs, posset fieri licitus, quia, quod ex se malum est, nulla potest conditione apposta fieri bonum; hoc tamen asserere, esset temerarium nam in extrau. Martini, & Calixti, tit. de emption. & vendit. approbantur isti contractus, quibusdam apposis circumstantijs.

Præterea tertio, in isto contractu est materia vera venditionis, & emptionis; ergo potest fieri emptio, vel venditio. Antecedens probo; nam ius exigendi fructus est pecunia æstimabile; ergo licitè potest vendi, & emi. Vnde, nō sunt audiendi aliqui Canonistæ, inter quos est Innoc. super c. in ciuitate, de vsur. qui dicunt census iam factos posse licitè vendi, & emi; vt, si, ego habeo censum super aliquem, possum vendere alteri, tamen non licet denuò constitutur illo sper venditionem, & emptionem; quia dicunt, quod tūc pecunia emitur, quod non licet.

Sed falluntur isti, vt benè dicit Silu. loco allegato: nam non emitur pecunia, sed ius exigendi pecuniam, vel fructus; & est argumentum contra istos: nam si non licet denuò census constitutur, ergo nec licebit factos vendere: nam ij denuò constituti sunt prius. Quod si à principio essent illiciti, etiam essent postea, per regulam iuris, non firmatur, lib. 6. vbi habetur, non firmatur tractu temporis, quod ab initio iure non subsistit. Est igitur contractus iste, quo census emitur, & venditur, siue nouus, siue antiquus, ex natura sua licitus.

Dico secundò in particulari. Emptio, seu venditio census perpetui tam redimibilis, quam inredimibilis, licita est ex natura sua. Et quidem perpetuo inredimibili minor est ambiguitas; quia est pura emptio, & venditio iuris, supra fructus alienius rei, potestque vendi fructus, seu usufructus rei. De redimibili autem non est tam certum; an liceat, tamen etiam certum est: nam emptio ista non est nisi cum pacto retrouendendi; qui enim emit censum, obligatus manet, & quoties venditor velit reddere pretium, quod ab emptore accepit, teneatur ius ipsum iterum vendere, quod vocant venditorem redimere censum, id est, iterum emere. At contractus emptionis, cum pacto de retrouendendo, ex se licitus est; igitur talis census licitus erit, nisi aliqua apponatur mala circumstantia. Quamuis autem hoc ita sit, spectata natura contractus, tamen propter suspicionem vsuræ, prohibitus est à Pio V. vbi supra, census inredimibilis; probatur verò redimibilis.

Dico tertio. Census temporalis licitus etiam est: sicut enim ius exigendi pensionem perpetuam, pecunia æstimabile est, ita etiam ius exigendi ad tempus aliquod. Licitè igitur potest emi & vendi, dummodò adsint conditiones, quæ postea exponen-

tur.

Dico quarto; non solum emptio census fructuarij, sed etiam pecu-

pecuniarij licitus est. & ratio est, quia fructus rei, sunt æstima-
biles pecunia: sicut ergo licet dare fructus, ita etiam licet da-
re pecunias pro redditu. Hæc sunt, quæ ad iustitiam contractus
huius pertinent, si secundum se, & suam naturam consideretur.

*De necessariis ad iustitiam contractus huius
secundum se.*

CAPUT XLV.

Aliqua sunt necessaria, ut emptio, aut venditio censuura
etiam secundum se, licita sit.

Et quidem ad censum perpetuum, tam redimibilem,
quam irredimibilem, hæc necessaria sunt.

Primum est, ut verè sit apud venditorem res illa, cuius fru-
ctus venduntur; aliàs enim esset fictus contractus, ob id iniu-
stus, & usuræ proximus, immò verò usura, ut vult pius V. in
bulla citata.

Secundum, ut reddat verè illos fructus, in quo ius emitur.
Si enim non reddit tot, quot venduntur, iniusta est, quia ven-
ditur, quod non est, aut minus eo, quod est: unde, ut in eadem
bulla decernitur, supra rem non reddentem fructus, saltem tot,
quot venduntur; aut reddentem quidem, sed alijs censibus ven-
dendos, non licet quomquam imponere censum, eadè ratione, quia
ficta est emptio.

Tertium, ut res illa pereat, vel fructus eius pereant, absq;
culpa venditoris, tunc emptor non possit percipere fructus:
cum enim sit emptio quædam, iste contractus debet leges ob-
servare emptionis; in emptione autem, si res emptæ perit, da-
mino emptoris perit. Cum ergo venditor ius in fructus rei suæ
vendi derit, qui emit, debet suo emere periculo: cum enim fru-
ctus perit, ius in fructum etiam perit: idem quæ censendum est,
si res minores facit fructus.

Quartum, ut pretium sit iustum.

Ad iustitiam autem pretij sunt computanda ista, quantitas
fructus venditi; ut, si sunt decem, aut octo, aut quinque: plura
enim magis valent.

Rursus perpetuitas: nam octo perpetua singulis annis,
absq; pacto redimendi, magis valent, quam decem tempo-
ralia, aut cum pacto redimendi: sicut res emptæ absque pacto

retroeuendendi, magis valet, quam cum pacto retroeuendendi.

Rursus, certitudo fructuum; minus enim valent decem incerta, quam octo certa: unde, quod magis fructus sunt firmi, & securi, eo maius debet esse pretium, quo venduntur.

Quinto, qui emit censum, non debet obligare venditorem, vt redimat, seu reumat: nam tunc videtur mutuum virtuale cum lucro, postquam percepit emptor fructus, saluo capitali. Quamuis autem hoc quintum non sit simpliciter necessarium ex sola natura rei, quia adhuc cum tali obligatione differt iste contractus à mutuo; cum in censu emptor subeat periculum perdendi capitale, si pereat res, supra quam est census; in mutuo autem hoc periculum non sit, tamen iudicandum est necessarium, quia aliàs esset periculosus contractus: ob id, ab omnibus Doctoribus obseruandum in tali contractu ponitur.

Ista sunt quæ ad iustitiam huius contractus necessaria sunt, si secundum se iudicetur contractus.

Non tamen necessarium est suapte natura, vt sit aliqua res certa, & signata, cuius fructus vendatur: nam sicut quis potest vendere ius in fructus cuiusdam rei suæ; ita etiam potest vendere ius in fructus totius rei suæ: quamuis frequenter modò soleat certa res signari; immodò debeat ex decreto eiusdem Pij v. qui vult, vt res censui subiecta nominatim certis finibus designata sit.

Rursus, non est necessarium, vt venditor in censu redimibili habeat facultatem redimendi censum, reddendo pretium per partes; nam sicut licitus est contractus, cum quis vendit cum pacto retroeuendendi, vt totum pretium, & non per partes reddat, ita etiam in censu quamuis posset fieri illud pactum sic redimendi; sed tunc pretium, quo census emitur, decrescere debet, sicut decrescerebat, cum apponebatur pactum retroeuendendi. Nec obstat huic, quod in extrauag. Martini, & Calixi

apposita est conditio redimendi etiam per partes; nam Pontifices non dixerunt id esse necessarium, sed contractum cum tali conditione narratum approbarunt, oppositum tamen non damnantes.

De iustitia emptionis censuum, ut modò sit.

CAPVT XLVI.

Humana cupiditas, simplici emptione censuum non contenta, timens periculum fructuum rei, quia contingit rem sepe perire, aut sterilem fieri, & tunc nullos, vel paruos facere fructus, excogitauit modum, quo tale effugeret periculum: petit enim à venditore, ut fructuum assecurationem quandam faciat, obligando alia omnia sua bona, suamque personam; imò duos aut tres fidei iussores adhibendo, qui se, suaque bona mobilia, & immobilia obligent ad certitudinem illorum fructuum, ita ut, si casu, aut euentu aliquo, res, supra quam census est impositus pereat, ut ipsius fructus, tunc ex alijs bonis extrahatur, unde pensio census soluatur, & istam vocant apothecationem personarum, & bonorum: non enim bona apothecantur ad securitatem rei tantum, puta, quòd res illa sit venditoris, aut ad fructuum solutionem, sed etiam ad certitudinem fructuum. Hunc autem contractum ex se licitum esse, si ad sint debita circumstantia, nullus vel mediocriter doctus dubitare debet. Et hoc probatur.

Primò; nam licet alicui ementi domum aliquam cum pacto retrouendendi, pacisci cum venditore, de assecuratione domus, dum apud emptorem manserit, sicut poterat cum tertio, dum modò pretium talis assecurationis soluatur: talis est census redibilis perpetuus cum ista apothecatione, quæ est assecuratio quædam. Vnde, si emptor soluat venditori pretium iustum, licet id facere. Similis assecuratio potest esse in simplici venditione, absque pacto retrouendendi, nec illa hic apparet usura: nullum enim est mutuum, cum venditor non cogatur pretium reddere, aut rem redimere; si vitium aliquod intercedere potest, id erit iniustitia, puta, cum non est iustum pretium; hoc tamen posito, licitus est contractus.

Probatur secundo, & hoc argumentum est validissimum. Nicolaus Papa, qui fuit parum ante Calixtum, & post Martinum anno 1450. bullam edidit ad petitionem Alphonsi Regis Aragoniarum, in qua approbavit huiusmodi contractus, qui fiebant in regnis Sicilia, citra, & ultra Pharam; & statuit licitos esse, & abique peccato, posse exerceri, & exprimit istas obligationes,

tiones, & apothecationes bonorum stabilium, & mobilium, ad censum fumandum, & alias pactiones, de quibus inter se contrahentes hi conueniunt. Et nota. has obligationes non esse alias, quàm eas, quæ modò sunt: nam istæ sunt antiquissimæ, & vincunt memoriam ferè hominum. Non ergo dubitare licet, hos contractus ex se licitos esse aliàs nulli hominum licerent. Idem censendum est de his, apud quos consuetudo talis iam viget similes contractus faciendi. Nec huic obstant illæ extrauag. Martini, & Calixti, in quibus continentur aliquæ conditiones his contractibus, qui modò sunt, contrariæ. Nam ibi ponuntur hæ circumstantiæ.

Prima est, vt res certa signetur, supra quam census constituitur, & hæc solùm maneat obligata censui, non alia bona.

Secunda, vt, hæc pereunte, venditor non obligetur soluere censum.

Tertia, vt liceat venditori per partes redimere, si velit.

Quarta, vt emptor totum pretium, quo censum emit, soluat venditori statim ac emit.

Istæ conditiones illic exprimuntur, sed scio, non esse tam quàm necessarias à Pontificibus probatas, sed apud illos, qui sedem Apostolicam consulebant. Ita, tales tunc fiebant contractus, & sic narratos sedes Apostolica approbavit; non tamen voluit damnare contractus, in quibus aliter fiebat. Quæ toto hoc c. dicta sunt, intelligi debent secundùm ius naturæ: modo enim post extrauag. Pij V. non licet facere conuentiones ad casus fortuitos obligantes: nam, licet fieri possint assicuraciones, & fideiussiones, non tamen tales, vt, censui subiectæ pereunte ex casu fortuito, teneatur censuarius censum soluere. Item sunt necessaria quatuor illæ conditiones, tertia excepta de qua non fit mentio in Bulla Pij Quinti.

De necessarijs ad huiusmodi contractum.

CAPVT XLVII.

QUæ igitur ex natura rei necessaria videntur ad iustitiam huiusmodi contractuum, vt modò sunt, ista sunt.

Primò, vt sit res aliqua supra quã imponitur census, siue sit determinata aliqua res, siue non: vt, cum quis supra omnia sua bona in communi census imponit.

Secundum

Secundò, ut sint verò illi fructus, aut expectentur, qui venduntur, vel in quo emitur ius. Vnde, supra domum fructificantem quinque, aut sex, non potest imponi census exigendi decem. Nec in hoc consentio cum Soto: vult enim, hoc non esse necessarium, sed posse tales census imponi, quamvis res minus fructificent, quia iste doctor putat censum imponi super personam directè: est enim ius exigendi à persona; res autem illa potius est velut pignus. Sed istud mihi non placet: quamvis enim crediderim ex natura posse census imponi super personam, tamen isti, qui modò fiunt, non sunt huiusmodi, sed super res: nam vendens, vendit ius, quod habet supra fructus, aut eorum partem suae rei, & tunc non potest vendere, nisi quod habet: Vnde, non licet censum imponere, supra dictum valorem, ut tenet Sylu. loco citato, cum communi Doctorum sententia. Nec putes me velle dicere, non posse imponi censum super fructuum valorem, qui responderet valor rei, v.g. domus aliqua valet mille, & reddit solum quinquaginta, quibus respondent quinque pro centum, nolo dicere, non posse imponi censum, septem, aut octo pro centum, nam potest imponi supra valorem quinquaginta: illud enim non est necessarium; nam illa quinque minus valent emptori, qui non emit nisi fructus, non non autem rei substantiam, ob id, dat minus pro eis, quam valeant, venditori, qui simul habet dominium rei. Hoc igitur modo secundum est necessarium.

Tertium etiam necessarium est, ut venditor non cogatur ab emptore, ad redimendum censum; nam tunc videretur mutuum virtuale.

Quartum, ut illa bonorum apothecatio non sit talis, ut venditor nullo modo possit, absque emptoris facultate, rem aliquam vendere, aut alienare: hæc enim esset iniusta obligatio, cum plus multò valeat ista obligatio, quam communiter ab emptoribus pretium solvatur. Sufficiet, ut res, supra quam census imponitur, sic obligata maneat, reliqua verò bona ita apothecentur, ut, dum in potestate venditoris sunt census, allocationi sint obligata.

Quintum etiam necessarium est, ut pretium sit iustum; sed quomodo iustum pretium cognoscatur, non est facile explicare. Aduerte tamen aliqua.

Primum est, non solum, ad cognoscendum iustum pretium. attendenda est quantitas pensionis, quæ emitur, sed valor allocationis, qui per apothecationem fit: nam utrumque emitur.

assecuratio autem tantò minus valet, quanto fructus est certior, & tantò magis, quanto fructus est periculosior. Ex quo sequitur, non oportere esse sollicitos, inquirendo, an fructus sit certus, siue incertus; nam si fructus est incertus, tunc datur minus pro pensione, plus pro apothecatione; si verò certus est, contrà, stante eodem pretio, v.g. do centum pro pensione octo, cum apothecatione, si pētio est incerta, tunc do sexaginta pro octo, quadraginta pro obligatione, & assecuratione; si verò est certior, tunc do octoginta pro pensione, viginti pro assecuratione.

Secundum est, Regula dignoscendi pretium in censibus, vt conscientia ementium possint quiescere, triplex est.

Prima est, lex Principis. Cùm enim lege pretium taxatum est, tunc illud pro iusto est habendum: vnde modò in Hispania lege regni sancitum est, vt vnum ematur quatuordecim, & decem pro centum quadraginta in cēsu perpetuò redimibili: & vti nam alij Principes id facerent.

Cùm tamen ista lex non est, altera regula est consuetudo communis apud diuites, & inopes, sic vendendi census. Cùm enim sit census emptio quadam, in emptione pretium iustum, aut ex lege, aut ex communi consuetudine sumitur, non ex huius, vel illius hominis arbitrio, aut inopia: sepe enim pauperes coguntur vilissimè vendere, nec tale pretium iustum est. Ex hoc infero vnum, non esse reprobandos census illos, in quibus decem emuntur pro centum, cùm consuetudo viget communis talium vëditionum, vt sit in Marchia, Sicilia, & alijs locis. Quamuis enim melius, & tutius est octo accipere pro centum, tamen non debent damnari, qui decem emunt pro centum in perpetuo redimibili: & hoc probatur argumento irrefragabili: nam Nicolaus in illa bulla concedit, vt decem emantur pro centum, etiam cum apothecatione omnium bonorum, dummodò non excedatur ille numerus denarius; & quamuis hoc concesserit, & probauerit pro Sicilia intra, & extra Pharum, tamen idem censendum est in illis locis, vbi talis viget consuetudo.

Deficiente autem lege, & consuetudine, tunc tertia regula est secunda, similitudo locorum ad loca, in quibus est lex, vel consuetudo; nam cùm sunt similes regiones, quantum ad rerum pretia, & res ipsas, potest simile seruari pretium, licet contractus talis in vsu non sit. His igitur vijs pretium iustum dignoscitur; quo seruato simul cum alijs conditionibus

tionibus dictis, tales contractus cum apothecationibus liciti sunt.

*De quibusdam circumstantiis in censibus
appositis.*

CAPVT XLVIII.

Solent alia circumstantia his censibus addi.

Quarum vna est poena; nimirum si venditor per duos vel tres annos pensionem non soluerit, possessione, super quam est census, spoliatur; apponere autem poenam licitum est ex natura rei, & ita in lege Tauri. 68. apud Hispanos sancitur: tamen ut iuste exigatur ab emptore, duplex est conditio necessaria.

Vna, ut culpa venditoris intersit, puta, qui culpa sua non soluerit, cum tamen potuerit; cum enim absq; culpa sua non soluit, nimirum, quia non habet, nec culpa sua incidit in talem impotentiam, tunc non potest iuste exigi, non enim poena exigenda, ubi nulla intercedit culpa.

Altera est, ut sit poena proportionata culpae; non enim licitum est, pro minima culpa grauem imponere poenam, nec iuste exigitur post culpam. His duobus seruatis licite apponitur illa poena.

Solet secundo alia etiam interuenire circumstantia, nimirum, in censibus perpetuo redimibili solet poni sub pacto, nec per tres primos annos redimi possunt. Hoc autem etiam licitum est, ut bene dicit Soto, sicut etiam licitum est emere domum cum pacto retrouendendi, hac conditione, ut per annum, vel plus non redimatur. Ut tamen hoc possit iuste fieri, debet emptor augere pretium, quo emit censum: nam illa conditio onerat venditorem, qui alias poterat, quoties libebat redimere. Vnde, si centum dantur pro decem absque tali conditione, iniustum videtur non plus dare pro decem; illa apposita conditione, per quam plus oneratur venditor; quoties enim extra communem rationem censuum, cum illa apothecatione, oneratur plus venditor, tunc pretium emptoris debet augeri, aut pretium pensionis minui: sicut, cum emptor magis oneratur; aut pensio augeri, aut pretium emptoris minui debet.

Solet tertium aliud apponi in hoc eodem censu redimibili, nimirum, vt: nisi intra certum tempus redimatur, puta, quatuor, vel quinque annos, maneat irredimibilis: & hoc etiam licitum est ex se, tamen debet considerari an sit conditio, an sit potius poena talis circumstantia: si enim sit conditio, tunc debet venditor accipere minus pretium pro eadem pensione, quam dare solet pro perpetuo irredimibili absque tali conditione, quia non tantum oneratur venditor. Si tamen sit poena quidam, tunc contractus videtur usurarius; nam obligat emptor venditorem, vt reddat sibi capitale cum lucro expensione habito. Cum vero est conditio, non est usura, nam perinde est, ac emere censum perpetuum, cum hac conditione, vt possit venditor, si velit, redimere intra tres vel quatuor annos primos. Hoc autem licitum est, sicut etiam licitum est emere irredimibilem & redimibilem: iste enim est mixtus ex utroque quodammodo. Hæc iam non habent locum, post breues Plj Quinti prohibentis census irredimibiles. Conditio tamen ista potius est ex parte venditoris; tamen vt modo fiunt, non ita est: nam tales census pretio redimibilium fiunt, & redimibiles vocantur, ob id, hoc iniquum est, & usurarium apparet.

Solet quarto alia apponi circumstantia, cum non soluit venditor pensionem, emptor facit eam pretium, quo censum auget. v. g. emit quis decem pro centum, nisi ille alius soluit statuto tempore decem, computantur in censum, & iam tenetur dare pensionem respondentem centum & decem, puta, vnde cum. Hoc autem ex natura rei aliquando est licitum, aliquando non. Cum venditor habet vade soluat, & non vult id soluere, iuste fieri potest, sicut, qui mutuat alteri pro certo tempore, si hic non soluat, cum possit, ille alius potest iuste exigere, vt inde pretium pro censu habeat: cum vero venditor non habet, & absque culpa non potest soluere, tunc iniustitia est id exigere ab eo.

Solet etiam tandem quinto fieri, vt venditor in emptione census anticipatam soluat pensionem, vnde fit, vt qui emit decem pro centum, si statim ei detur pensio, non soluat nisi nonaginta. Hoc autem est iniustum, & nullo modo tolerandum; hic enim verò nō emit iusto pretio, nec dat pretium pro pensione. Debet enim totum pretium dare, & pensionem suo expectare tempore, nisi sit forsan iam ab aliquanto tempore factus contractus, & solum pretium: vt, si, in secundo anno fiat;

fiat, sed tunc, ratione talis conditionis venditorem oneratis, est augendum pretium pro pensione.

De censu temporali.

CAPVT XLIX.

Censum temporalem esse licitum, superius diximus, tam cum, qui ad tempus certum, quam qui ad incertum sit. In utroque, id est, necessarium: ut venditor non det pretium, peracto tempore, emptori: tunc non esset nisi mutuum cum lucro: redderet enim cum capitale lucro, quod est usura. Non igitur debet obligari venditor, tale capitale reddere.

Debet etiam obseruari in temporali ad certum tempus, ut non detur pensio, ita ut omnes pensiones sumptæ simul excedant capitale, v. g. dedisti centum, ut tibi per decennium pensio detur, ista non potest esse vndecim, quia iam esset usura virtualis, ac si dares centum, ut post decennium tibi darentur centum & decem, sed debes ad summum exigere decem. Ita dicit lib. 6. quest. 5. art. 2. & est communis opinio. In hoc casu liceret, cum pensio est incerta, quæ potest augeri & minui, ut, si exiges fructus, qui aliquando decem, aliquando octo, aliquando duodecim valent, tunc, si casu plus valerent, exigi possent, cum verò tempus est incertum, non est id necessarium: nam sicuti est periculum pro vna parte, ita etiam est pro altera, quamuis semper sit attendendum, ne sit certius vnum, quam alterum: ubi enim iniustitia esset. Isti verò census temporales non sunt multum in vso, & præsertim ad certum tempus.

Quid sit cambium, quot eius species.

CAPVT L.

Cambium est permutatio negotiatoria numismatis, pro numismate. In hac definitione tres sunt partes.

Prima est, *Permutatio*, hoc enim significat verbum cambire, vnum pro altero permutare.

Secunda est, *Numismatis pro numismate*. Non enim quælibet permutatio est cambium, ut in præsentī sumitur. Sunt enim tres species permutationis.

Prim

Prima est antiquissima, quæ res rebus permutabantur: quidam enim homines habebant res aliquas, & indigebant aliorum rebus, hi pariter illorum rebus indigebant, tunc inuicem mutabant; & sic à principio erant emptiones & venditiones. Videntes autem grauiâ incommoda, quæ in hoc erant posita; non enim homines semper rebus alterius indigebant; aut non in tanta copia, inuenerunt vnum pretium commune pro rebus omnibus, & hoc fuit numisma; quod cum omni re commutatur. Et sic facta est secunda permutationis species, numismatis pro rebus; in qua emptiones & venditiones modò consistunt. Postea verò quia numismata erant diuersi valoris, quædam maioris, quædam minoris pretij, & homo indigebat aliquando maioribus, aliquando minoribus numismatibus facta est tertia mutatio, numismatis cum numismate. Et hæc vocatur cambium.

Rursus, quia numismata in aliquo loco, vel tempore maioris sunt pretij quàm in alio, humana cupiditas inuenit commutare numismata quædam pro eisdem in alio loco, vel tempore: & hæc permutatio etiam cambium dicitur: & quia homo vnus indiget pecunijs in loco, in quo non habet eas, habet tamen vbi non indiget, ob id commutat pecunias illius loci, cum pecunijs huius, in quo indiget.

Tertia pars est, *negotiatoria*: non enim quæuis talis mutatio etiam pecuniæ pro pecunia, dicitur cambium, vt in presenti cõsideratur, sed quæ est cum spe alicuius lucri, ob id dicitur negotiatoria.

Huius cambij quatuor sunt species.

Prima dicitur cambium per minutum, cum quis dat pecunias maiores pro minoribus, vel è contrâ, cum lucro aliquo.

Secunda dicitur cambium siccum, cum campfor dat alteri pecunias, vt in eodem loco post aliquod tempus reddat illas cum fœnore, prout valuerint in loco aliquo distant tempore solutionis; verb. grat. dicit campfor, do tibi Romæ centum aureos, vt post quatuor menses des mihi centum aureos, prout valuerint in nundinis Mediolani: dicitur autem siccum, quia verè hic non soluit Mediolani, sed Romæ, vbi accepit.

Tertia dicitur cambium per literas, cum quis dat campfori pecunias, vt eas accipiat in alio loco, in quo verè accipit: prout in tali loco, statuto tempore valent. Campfor autem dat suas

suas literas, vt per eas accipiat in illo loco pecunias ab eo, qui campforis est locius.

Quarta dicitur cambium reale; cum è contra, campfor dat pecunias alteri, vt alio in loco ei restituantur; puta, dat Romæ, vt reddantur suo socio in Hispania, vel Sicilia, & ob hoc accipit lucrum aliquod, & sic habes quatuor species.

De iustitia cambij ad minutum.

C A P V T L I.

Pecunia, seu numisma dupliciter potest considerari, vno modo, ratione materiæ, vt ex auro, argento, aut alio metallo est; altero modo, ratione formæ, vt numisma & pretium est.

Iuxta hanc duplicem considerationem, duplex est valor pecuniæ.

Vnus ipfius, ratione materiæ: nam pecunia aurea, aurum est, & argentea, argentum est, & habet valorem, quem habet pars vna auri vel argenti, ac si non esset pecunia, & talis valor dicitur naturalis.

Alter valor est ipfius, ratione formæ, & hic est, quem habet quelibet pecunia, vt talis pecunia est: nam scutum valet decem milios, lulius quinquaginta quatinos, &c. & talis valor dicitur legalis.

Rursus, pecuniæ, vt pecunia est, & ratione formæ, duo sunt vsus.

Vnus est, vt sit rerum pretium: ipsa enim nõ emitur, sed est, qua alia emuntur & contractantur.

Alter vsus est permutatio: nam pecuniæ pecunijs permittantur, maiores minoribus, & è contra; Potest igitur ex dictis pecunia tripliciter considerari.

Vno modo, ratione materiæ suæ, vt metallum quoddam est.

Altero modo, ratione formæ, vt pretium est, quo emuntur res: Tercio modo, quantum ad permutationes. In hac autem tertia consideratione consistit cambium.

Iuxta hæc tria dico aliquot puncta.

Primum est, si pecunia consideratur modo primo, ratione materiæ, potest locari, commutari, emi, vendi, & pati alios con-

contractus, quos patiuntur res, aut ipsa pateretur, si non haberet sigillum numismatis. Hoc dictum est secundum communem doctorum sententiam; & ratio huius aperta est: nam quamvis fiat pecunia, non, ob id suam perdit naturam, quam habet ex materia; semper enim manet aurum, argentum, vel aliud metallum. Hinc duo sequuntur: alterum est quod potest homo locare vel commodare suam pecuniam, & pro tali contractu ultra pecuniam exigere aliquod iustum pretium, sicut exigitur ab alijs rebus quæ locantur vel commodantur. v. g. indiget aliquis pecunia aurea, ad coquendum carnes in ea, quæ medicinalis est, aut ad aliquam ostentationem faciendam, aut ad alios vsus, potest alius locare vel commodare ei ad certum tempus, & pretium locationis vel commodationis iustum exigere. Alterum est, quod licet hoc modo vendere pecuniam, & excedere valorem legale, puta, si scutum valet decem, potest vendi supra decem, quia hic non consideratur, ut pecunia, aut pretium, sed ut res, ac si aurum esset: vade multis causis potest excedi valor legalis.

Primo, quia illa materia talis pecuniæ purior est & nobilior nam aurum auro & argentum argento nobilius est.

Secundo, quia talis materia rata est, nec inuenitur.

Tertio, quia habet qualitatem pecuniæ æstimabilem, puta, quia forsitan est antiqua aut pulchra.

Quarto, quia vendenti chara est, nec ipse alienare vult, nisi ob importunitatem emptoris: hæc enim solent augere pretia rerum. Similiter etiam alijs de causis, non enim pecunia venditur semper, ut pretio, sed aliquando, ut re alia.

Sit secundum punctum, si pecunia consideretur, ut est in pretium, quantum ad secundum eius usum, non licet pretium seu valorem legale excedere: v. g. non licet emere rem, assignando valorem legale iuliorum aut pecuniarum, quibus emitur; id enim facere peccatum est ex suo genere mortale, & obligans ad restitutionem, & in hoc omnes conveniunt.

Tertium punctum sit, quantum ad permutationes, licet pecunias pecunijs permutare, maiores minoribus, & è contrario, & ultra valorem legale aliquid exigere pro tali permutatione, & hoc est cambium minutum, quod fere omnes doctores approbant, tamen ut licitum fiat, debent tres observare conditiones. Prima, ne sit aliqua in capite falsitas, puta, quia radiat pecunias, aut vnam pro altera dat, aut auricalem pro auro, aut minorem pro maiori.

Secur

Secundò, ne sit fraus, putà, ne decipiat tractantes in valore monetæ: si enim ei constat monetam plus valere, debet veritatem aperire.

Tertiò, vt sit iustum pretium Iustum autem pretium cognoscitur per regulas superius traditas de censibus; nempe lege cum lege determinatum est, aut communi ipsius loci consuetudine, aut saltem proportioni loci ad eum, in quo lex est, vel consuetudo, habita consideratione copiarum, aut inopia talium pecuniarum. His seruatis, cambium licet, & non solum hoc licet campforibus, quia talem artem ex officio exercent, sed etiam alijs, quia non ex officio habent, vt dicit, Sor. libr. 7. de iust. quæst. 2. artic. vnico. Vnde, cum aliquis regnum aliquod ingreditur, in quo pecuniæ alterius regni non sunt in vsu, & vult cum aliquo illius regni mutare, licet huic minus dare, quam sit valor legalis pecuniarum, dummodò iustum sit pretium.

Sit quantum punctum est Sor. loco citato proximè, cum in emptionibus miscetur aliqua permutatio absq; dolo & fraude, licet valorem excedere legalem; v. g. emit quis domum valentem quingentos aureos, singulos iuliorum vndecim, & paratus est reddere pretium hoc in argento, si tamen velit venditor sibi in auro reddi, potest emptor offerre minus, putà quadringentos nonaginta: hoc autem non fit solius emptoris ratione, nam sic pretium minui vel augeri non potest, sed ratione coniunctæ permutationis.

Ex his colligitur huius cambij iustitia.

De iustitia cambij sicci.

CAPVT LII.

Cambium, quod vocant siccum, quatuor modis solet fieri.

Primus, cum quis indigens pecunijs, petit à campfore dari sibi tot libras, aut tota scuta; campfor autem dat hac lege, vt soluat intra certum tempus iuxta valorem, quo tempore aliquo signato scuta valuerint Venetijs, vel Florentinæ, vel in aliquo simili loco in nundinis. Hoc dicitur cambium siccum, quia non est pecuniarum transmissio, cum in eodem loco accipiuntur & reddantur. Dicitur simile casuale, quia potest accipi scuta, scuta valitura plus, & valitura minus. Et iustitia huius

huius contractus est consideranda ex æqualitate periculi, vt non sit plus certum, an valitura sit plus vel minus: cum enim ex vna parte est maior certitudo, apparet iniustitia, quia iam vna pars magis oneratur, quam altera. At verò, vt modo in vsu est, est vsura palliata, & aperta iniustitia: nunquam enim dat campfor, nisi habeat certam probabilitatem plus valituram: & tunc perinde est, ac mutuum, vt cum lucro reddatur capitale, & illo pallio cooperitur. Si igitur sic fit, est peccatum mortale ex genere suo, ad restitutionem obligans.

Altero modo fit hoc cambij genus: Indiget quidem Petrus pecunijs, & petit sibi à campfore dari centum; campfor autem non aliter dat, nisi accipiat ea pro Sicilia, vel alio loco distanti soluenda, & petit ab eo pretium, quo solet illi dare pro locis similibus. Petrus autem accipit, & tamen verè non putat reddere pecunias in illis locis, immo nec forsitan habet campfor illic respondentes, sed in eodem loco sunt reddendæ pecuniae: istud cambium est vsurarium, & ab omnibus doctoribus reprobatur, & peccat mortaliter campfor, & ad restitutionem obligatur, cum sit fictus contractus. Caietan. opus. de camb. capit. primo, & Nauarr. super c. fin. de vsur. num. 27. dicunt vnum: quòd si campfor paratus erat pro illo loco date alteri pecunias illas, & Petrus sibi dari petijt, tunc, ratione lucris cessantis, potest ab eo exigere tale pretium. Sed aduertit debet, quòd aliquando minus exigi debet à Petro istas petente, quia minus est periculum, cum maneat in eodem loco, & det fidei iussores, qui non solent esse cum alijs. Aliquando per hoc saluantur campfores, qui aliquando solent exigere à Principibus & Dominis cambiorum pretia, cum domini ipsorum pecunias ad aliquos vsus auferunt ab eis, vnde negotiari impediuntur.

Tertia species cambij est composita ex cambio, & recambio sicco; verbi gratia, campfor dat Petro centum soluenda Venetijs, vbi reuera campfor nullos habet correspondentes, nec Petrus illic habet vnde soluat, & petijt, campfor lucrum ex hoc cambio. Rursus, tempore solutionis, fingit Petrus se non habere Venetijs, & illa centum cum lucro item cambit cum lucro Romam, vbi accipit centum, & Romæ soluit totum, putat pretium cum lucro cambij, & etiam recambij. Hoc cambium duas habet coniunctas vsuras, vnam in cambio, quia factum est, nullamq; habet transmissionem pecuniarum, alteram in recambio

cambio; estque mutuum virtuale, perinde ac si mutuaret centum, vt redderentur ei centum cum toto illo lucro.

Quarta species cambij est, quæ solet esse Romæ in vsu, & dicitur cambium aulicorum: dat enim campfor pecunias quas habet pro mercatoribus aulicis alijs locis soluendas; & aliquando verè alibi soluuntur, & tunc est verum cambium; aliquando non, sed fingitur locus solutionis distans, vt pretium exigatur, & tunc apertè est fictum & fictum, nec excusatur nisi ob causam dictam lucri cessantis. Vt rouis tamen modo fiat, solent duo fieri.

Alterum est, petunt ab aulicis non solum pretium, quod à mercatoribus exigunt, se supra hoc aliquando quinque, aliquando octo, plus, minusve pro singulis centum, hoc autem iniustum videtur: nam ratio, propter quam plus exigunt ab aulicis est, quia dicunt mercatores certius soluere, minusq; esse periculum illis dare, quàm aulicis: sed hoc non valet; petunt enim fideiussores ab aulicis, quos non habent à mercatoribus: vnde ex hac parte periculum istud aufertur. Rursus non est tantum periculum, vt tot pecuniæ exigi debeant.

Alterum solet fieri: datur certum tempus, maius, aut minus, pro locorum distantia, in qua solutio fieri debet, hoc autem tempus est post illud, in quo soluere tenetur. Datur autem hoc aliud tempus ad certificandum, id est, qui pecunias accipit hoc tempore, debet campfori dare cautionem & certitudinem, qua ostendat se in illo loco, tempore statuto soluisse. Quod si non dat tali tempore dictam certitudinem, quamuis verè soluerit, fit recambium statim, illarum pecuniarum ad locum primi campforis. Hoc autem, quamuis aliquo modo possit tolerari, quia adest modus cuiusdam pœnæ, tamen cum sine culpa accipientis pecunias fit, vt nō possit certificare, quia aliquando in via deficiunt literarum portitores, non potest iustè recambium exig' immò licèt statuto tempore non soluat, si id absque culpa sua fit, vel quia non potuit, vel quia non habuit, & in hoc multæ iniustitiæ in cambijs inueniuntur. rr.

De quibusdam notabilibus pro alijs cambiorum speciebus.

CAPVT LIII.

ANtequàm cambium per literas; & reale explicemus, oportet aliqua fundamenta notare vtilia pro ipsorum iustitiæ intellectione & discussione. Primum est, pretiū pecuniæ tribus de causis præcipuè variari posse.

Prima est, ratione legis: nam potest Princeps valorem vnius pecuniæ augere & minuere: & hinc est, quòd in diuersis regionibus eadem pecunia potest diuersos habere valores, quia in vna pretium est auctum lege illius regionis, in altera est diminutum.

Altera causa est, ipse valor materiæ, quia pecunia eadem est in metallis diuersi valoris; vnde ducatus Castellæ minis valet, quàm Lusitaniæ, quia ille est auri impurius, hic autem purioris.

Potest etiam variari ratione maioris aut minoris ponderis; & attende, quòd hæc variatio deseruit ad commutationes: nam quamuis ducatus Castellæ vnū habet pretium, quantum ad emptiones, tamen quantum ad commutationes potest varia habere pretia iuxta dictam considerationem.

Tertia causa est, copia, aut inopia pecuniarum. Hæc autem causa, etiam variat valorem, quantum ad commutationem; atq; ex hac causa provenit, vt apud forum mercatorum & campforum, pecuniæ modò plus, modò minus valeant: nam scutum aliquando commutatur & cambiatur tredecim, aliquando duodecim iulijs, pro copia vel inopia pecuniarum. Nota tamen, esse duas fraudes in hoc augmento pecuniarum in his foris.

Prima est, monopolium. Aliquando enim solent duo vel tres mercatores conuenire, & ante tempus, vel in principio nundinarum, à campforibus accipere omnes pecunias soluendas in alijs locis: cum autem alij veniunt, non inueniunt pecunias, nisi apud illos, & sic valor augetur; sed ista est aperta fraus; nec illi licitè possunt tunc augere pretium.

Altera fraus est, quia simulant campfores, se non habere pecuniam, cum tamen habeant, & ex hac ficta inopia crescit pretium; tamen hoc etiam iniustum est: debet ergo ex licita causa augeri

augeri pretium, puta, cum inopia provenit: quia verè est paucitas pecuniæ, aut propter bella, aut alia impedimenta, aut propter multitudinem emptorum, aut petentium cambia.

Aduertendum est secundò, multum interesse inter cambiũ, & mutuũ: numquàm enim licet mutuare pecunias in loco, ubi minus valent, vt dentur in loco, ubi plus valent: hoc enim est vsura, cum ultra capitale mutuũ in lucro accipiat. At verò cambire licet pecunias minus valentes in loco vno, pro pecunijs plus valentibus in alio loco, vt tenet Nauarr. super cap. 61. de vsur. num. 61. non enim cambium mutuũ est, sed permutato quoddã, in qua, ob causas post dicendas, licitum est pro minori pretio accipere.

Aduertendum est tertio, pretium in cambijs nõ aliter commodè mensurari posse, nisi per tres regulas præcedentes; aut per legem, ubi lex taxauit pretia cambiorum, aut per vniuersalem consuetudinem, ubi lex non viget; aut arbitrio boni hominis, ubi illa duo non sunt, habita consideratione ad loca, ubi lex vel consuetudo viget. Hoc autem pretium datur campfori, ob transmissionem seu transportationem, quam ex loco in locum facit, ipsarum pecuniarum, in cambio præsertim per literas in reali verò, quia dat pecunias præsentis pro absentibus: & in utroque propter periculum expensas, labores, & obligationem, qua paratus est dare & accipere.

Aduertendum est quarto generaliter in hoc, & in sequenti cambio vnum multum necessarium; nempe, non licere campfori accipere maius pretium, pro maiori temporis mora, nec licere danti campforibus minus dare pretium pro maiori mora solutionis: quotiescumque enim pretium variatur purè, ratione dilationis temporis, tunc est vsura virtualis. Dico autem purè, (quia vt dicemus postea) cum intercedit lucrum cessans in mora maiori, aliquid ratione huius exigí potest; sed non ratione solius temporis: per hanc regulam, inferius iniustitiæ aliquot apparebunt. Nec est simile de loco & tempore: licet enim pro loco distantiori augere pretium, quia in loco distantiori per se maius periculum, maiorque labor, & expensæ sunt, non tamen in tempore, per se loquendo, nisi ratio-

ne damni, vel lucri cessantis. His prænotatis,

accedamus ad species cambiij

per literas.

De cambio per literas.

CAPVT LIV.

HOc cambium quinque modis fit, quamuis alij duorum tantum meminerint. Vnde possumus ipsum in quinque diuidere species.

Prima est, cum Petrus dat campfori centum Romæ, vt det sibi Venetijs nonaginta quinque, alijs quinque acceptis pretio ipsius campforis, qui literas suas dat Petro pro Venetijs. In hoc autem cambio attenditur valor idem pecuniarum: vt, dat Petrus centum aureos, singulos valoris vndecim Iuliorum, & recipit nonaginta quinque eiusdem valoris Venetijs, hoc cambium omnes probant esse licitum; & ita est, nec aliam habet iniustitiam, nisi cum iniustum exigitur pretium; hoc tamen existente iusto, nullus est scrupulus de eo habendus.

Altera species est, cum quis dat campfori pecunias, vbi minus valent, vt recipiat illas, vbi magis valent: verbi gratia, dat testones centum Mediolani, vbi minus valent, vt recipiat Venetijs, vbi magis valent, soluto iusto pretio campfori: hoc cambium iustum est, secundum Syluest. vsura 4. §. 8. & Tabien. verb. vsura. est tamen declarandum iuxta Nauar. cap. fin. de vsur. num. 52. In cuius gratiam aduerte pecunias absentes minus valere, quam præsentem, quando vtræque eiusdem sunt pretijs, vt aureus vndecim Iuliorum Venetus minus valet Romæ, quam aureus eiusdem vndecim Iuliorum existens Romæ. Tanto autem minus valet, quanto est distantia maior vel minor præsertim si accedat periculum. Ex hoc sequitur, quod, qui dat Romæ pecunias campforibus, possit recipere alio in loco alias magis valentes: nam istæ minus valent in illo loco, vbi iste suas pecunias dat campfori. Tamen debet esse excessus valoris proportionatus distantia, vt tanto plus valeant in loco vbi recipiendæ sunt, quanto minus valeant in illo loco vbi absentes sunt; nam si valent ita plus, vt adhuc absentes excedat valorem præsentium, contractus est iniustus.

Tertia species cambij est, cum è contrâ Petrus dat campfori Romæ pecunias, vbi plus valent, vt recipiat eas vbi minus valent, & soluit pretium campfori. Hoc cambium distinguit Sylu. loco allegato: nam si campfor reddit in eadem specie pecunias: vt, si accepit aureos, reddit aureos, licitum est; si verò

addit valorem, iniustum est, quia non seruatur æqualitas: nō enim potest dicere campfor pecunias absentes minus valere; nam hoc est contra ipsum; nā ipse recipit presentes magis valentes, pro absentibus quæ adhuc minus valent: vnde iniustitia est in cambio hoc ex parte campforis, nisi velit ex pretio auferre illum valorem.

Quarta species dicitur cambium ad incertam solutionem, cum quis dat campfori pecunias Romæ, vt accipiat eas alibi ad pretium fori tunc occurrens, quod modò crescit, modò decrescit. At hoc Soto lib. 7. qu. 5. art. 4. distinguit: cum est æqualitè periculum augmenti & decrementi, iustum est; cum verò probabilius est plus valituras pecunias, iniustum est ex parte dantis, non ex parte campforis. Hoc intellige, quando excessus est tantus, vt vincat id quod minus valet, ratione absentia, vt supra diximus.

Quinta species dicitur cambium ad creditum; fit hoc modo: mercator nolens apud se habere pecunias, dat campfori, & campfor dat literas, quibus se obligat pro illo dare tot pecunias, cui ipse per suum chirographum dederit, mercator emit merces suas, & soluit, dando chirographo pro cambio venditores recurrunt ad cambium, & aliquando pecuniam numeratam accipiunt, aliquando aliqua chirographa pro alijs cambijs, in hoc non videtur iniustitia. Solent autem duo hic fieri, vnum est, campfor solet maius creditum facere mercatori, quam accipiat pecunias; v.g. accepit mille, & facit creditum duorum millium, quia campfores multum volunt apud se habere pecunias presentes, hoc approbat Soto lib. 7. q. 4. art. vni. & bene dicitur: nā hoc creditum est quædam fideiussio, quam campfor facit per mercatorem; vnde sicut nulla pecunia recepta potest eam facere, ita minori recepta potest pro maiori summa fideiubere.

Alterum est: solent campfores exigere certum pretium ab illis, qui ferunt chirographa; cum accipiant solutionem in numerato, & hoc iniustum est, vt bene dicit Nauarr. cap. fin. de vsur. nume. 38. nam debitor non potest exigere à creditore pretium pro solutione; campfor autem debitor est, illi verò creditores: vnde pretium hoc debent soluere ipsi mercatores campforibus, pro custodia suarum pecuniarum. Et hic apparet iniustitia illorum mercatorum, qui nolunt dare campfori suas pecunias, nisi hac lege, vt pretium exigant ab illis, qui deserunt ipsorum chirographa, & aliter nolunt dare, sed minuatur

se alteri campfori daturus; tales tenentur ad restitutionem campforibus; campfores autem illis, à quibus acceperunt. Liceret hoc in casu, quod mercatores emerent tanto charius, supra iustum pretium, merces à venditoribus, quanto isti magis deberent soluere pro receptione pecuniarum per chiographa; non tamen credo ita fieri. Vnum notandum est circa istas species: Soto enim negat intra vnum regnum posse fieri ista cābia, sed Nauarr. c. de vsur. num. 28. merito affirmat, dum pretium de- crescat proportionaliter, quia minùs debet esse, quam pro locis distantioribus.

De camboreali.

CAPVT LV.

Cambium reale vocamus in presenti, cū campfor datur mercatori pecunias in alio loco soluendas, aliquo pretio recepto pro commutatione. Hoc autem cambium ex se licitum est; pretium tamen debet esse iustum, vt superius diximus, & nihil plus debet exigi, ratione solius moræ temporis: cū enim campfor plus exigit, quia solutio in maius prolongatur tempus, vsura est. Hinc fit, vt cū solutiones differunt ex nundinis in nundinas, (nam mercatores non semper solvunt in nundinis, pro quibus acceperunt soluendas pecunias) non potest campfor ratione talis dilationis exigere maius pretium, nisi qui cessat ei lucrum, quod alias perciperetur; tunc ratione lucri potest exigere, sed non, si pecunia futura erat otiosa. Potest etiam licet exigere valorem pecuniarum, secundum quem pecuniæ commodantur in foro occurrenti, cū eas dat: nam aliquando plus, aliquando minus valent, vt diximus. Reliqua verò de diuerso valore pecuniarum ratione diuersorum locorum, iudicari possunt per ea, quæ diximus in capite præcedenti. Non nego multa posse in hac materia tractari; sed per ea, quæ dicta sunt, poterit quis, adhibita diligentia, ipsa discutere.

Hæc, quæ de cambijs & censibus dicta sunt, intelligi debent ex natura rei, saluis extraneis Pij quinti, quæ varia præscribunt de his materijs.

De octauo praecepto: Non falsum testimonium dices.

CAPVT LVI.

IN hoc praecepto prohibetur iniustitia, quæ fit verbo contra proximum. Quæ quidem duplex est.

Vna extra iudicium, vt quæ fit in detractiōe, murmuratiōe, irrisiōe, & alijs huiusmodi.

Altera in iudicio, quæ fit in falso testimonio. Vtraq; prohibetur tamen quia est grauior illa, quæ fit in iudicio, ob id ipsa exprimitur in hoc praecepto. Nos autem generalius rem tractabimus, discutientes iniustitias, non solum quæ ex testibus; sed quæ ex alijs personis in iudicio conuenientibus committi solent. Hæ autem personæ sunt præcipuè septem. Iudex, accusator, reus, testis, aduocatus, notarius, procurator. Incipiendum ergo est à Iudicibus.

De Iudicis iniustitia.

VT Iudex sit verus & rectus, quatuor debet habere, potestatem, veritatem, formam, vim executionis.

Potestas quadruplex est, vna ordinaria, altera delegata, quæ ex commissione ordinarij est; tertia arbitraria, quam quis habet ex eo, quod alij ipsum in iudicem super aliquo eligunt; & quarta est accessoria, quam quis habet super aliquo, qui, licet sit alterius potestatis, tamen delictum commisit in loco iurisdictionis alterius. Vnde Romanus castigatur Neapoli, si illic commisit delictum, vt habetur. ff. de accusat. l. alterius. Vna saltem harum necessaria est ad iudicium. Vnde, cum quis se iudicem constituit absq; vlla potestate legitima; vel, si habet potestatem, non tamen ad illud tale iudicium, vel si habet, non tamen ad talem iudicandam personam, mortaliter peccat ex genere suo, & obligatur ad restitutionem damni, si quod interuenit. Hinc fit, vt secularis iudex peccet contra iustitiam iudicando, siue in ciuili, siue in criminali clericum, non enim potest clericus conueniri coram seculari, quamuis possit clericus secularem coram seculari conuenire iudice, ipse tamen conueniri non potest, nisi in his casibus, de quibus vide Silu. verb. Iudex. 5.

Primus est, cum degradatus est, & remissus brachio seculari.

Secundus, cū Episcopus dat facultatem, & hoc in causa ciuili tantū, non in criminali: Tertius est, cū ipse clericus conuenit secularem coram iudice seculari, & ipse reus reconuenit clericum, tunc, ratione reconuentionis potest iudicari a seculari, sed hoc in casu tantum ciuili: nam in criminali reconueniri non potest coram iudice seculari. Habetur ista reconuentionio c. 1. & 2. de mutu. petitio.

Veritas etiam iudici inesse debet. Est autem duplex veritas.

Altera, cū, quod dicitur, ita est in re, sicut dicitur.

Altera, cū, quod dicitur, ita dicitur, sicut existimatur esse, quamuis aliquando in re ita non sit. Iudex non semper tenetur iudicare priorem veritatem, quia aliquando est occulta, & indagari non potest, ista diuino iudicio reseruatur: tamen debet sequi posteriorem, vt iudicet, quod verum esse cognoscit, & existimat.

Rursus, dupliciter cognoscit Iudex, vno modo, vt persona priuata, puta, quod ipse per se cognoscit extra iudicium, quod cognosceret, quamuis Iudex non esset.

Altero modo, vt Iudex cū cognoscit rem, vt in iudicio probatur. Aliquando contingit istas duas scientias esse discordes; nam, vt priuata persona, scit verum vel falsum esse aliquid, per iudicium verò aliter cognoscit; vt, cognoscit esse aliquem innocentem; tamen in iudicio probatur nocens: & quidem, cū civilis causa est, tunc ferè omnes conueniunt, iudicem debere sequi scientiam iudicis, & ferre sententiam iuxta allegata, & probata: tamen cū causa criminalis est, & maxime mortis, quamuis in hoc opiniones existant, tamen communior & verior est, quod licet potest sequi iudicis scientiam, & damnare innocentem, cū tamen probetur in iudicio sufficienter nocens. Ita tenet S. Thom. 2. 2. q. 67. artic. 2. A. lex. 3. p. q. 40. mem. 6. artic. 2. & Bart. in l. illicitas. ff. de off. praesidis: nec tenetur relinquere officium, aut remittere ad alium iudicem, vt alij dicunt, quamuis teneatur diligentissime inquirere & examinare testes, vt, si forsitan possit aliquem in eis defectum inuenire: similiter etiam latae sententiae appellatori nec concedere. Aliqui tenent, cū est supremus Iudex, vt Rex, Princeps, aut ij, quorum dicta habent in suo territorio vim legis, teneri secundum conscientiam facere in causa innocentis, ita tenent Bart. & Bald. l. 1. Cod. vt quæ defunt. Adia. & Felin. cap. cū in causis de sent. & re Iud. Innocent. autem dicit

dicit id posse Papam de plenitudine potestatis, c. cū inter, de elect.

Formam etiam iuris debet iudex seruare.

Primò quidem in ferenda sententia, vt secundū iura & leges iudicet; quod si ignorat, vel dubitat, tenetur assessorē conuocare: in hoc autem deficere, graue peccatum est, obligans ad restitutionem.

Secundò; in quantitate, & qualitate sententiæ; nam non debet supra pœnam iuris castigare.

Tertiò, in præparatorijs; debet enim terminos iuris concedere, nec ad libitum negare, aut extendere, & alia in hoc secundū leges statuta exequi.

Denique non debet sine accusatore vllum damnare, nec in iudicium vllum conuocare, nisi in quibusdam casibus.

Primus est, cū crimen est notorium, & manifestum: nam vt habetur extr. de accusat. euidentia parrati criminis clamore accusantis non indiget.

Secundus, cū est confessio propria ipsius delinquentis, spontanea, & iudicialis. Dico iudicalem, quia; cū quis extra iudicium se crimen commississe dicit, non valet confessio, vt sententia feratur, sed est indicium ad inquirendum, nisi postea in iudicio ratificet. Dico spontanea, quia; quæ sit per torturam & timorem, non sufficit, nisi postea reus ratificet.

Tertius, cū est infamia, aut semiplena probatio: tūc enim iudex procedere potest, non quidem ad sententiam ferendam sed inquirendum, donec maior probatio ad sententiam ferendam inueniatur.

Quarto, cū est iudicialis denunciatio, putà, cū quis denunciatur aliquem iudicialiter, tunc iudex procedere potest, non quidem ad sententiam ferendam, sed ad inquirendum.

Quintò, cū præcessit fraterna denunciatio apud Prælātū & vocatus à Prælato, est rebellis, & non vult corrigi, tūc iudex prælatus, absq; alio accusatore, potest etiā vsq; ad sententiam procedere.

Debet etiam Iudici inesse vis executionis, vt legis pœnas exequatur, vel iuris sententiam proferat.

In cuius gratiam aduerte, Iudicem esse duplicem.

Alterum supremum, qui alteri non subditur in iudicando, alterum inferiorem.

In primis, inferior tenetur sententiam iuris exequi, non solum

solum, cum accusator ab accusando non desistit, sed quamvis desistat: verbi gratia, est aliquis accusatus homicidij coram iudice, & conuictus, postea accusator remittit; Iudex inferior debet sententiam ferre, quamvis possit appellationem concedere: supremus verò, cum accusator non remittit, nullo modo potest, nisi rarissime, in casu, quo reus est nimis reipublice vilis, & magnum detrimentum, vel scandalum in republica sit ex illius morte, tunc Princeps potest compellere accusatorem, ut alia satisfactione sit contentus.

Ita tenet Soto lib. 5. q. 4. ar. 4. Cum verò accusator non remittit, tunc Iudex dispensare potest in poena iuris, & condonare, si vult, quamvis in hoc sit attendendum, an Princeps debeat considerare bonum publicum. Si talia peccata sint etiam contra bonum publicum, non debet condonare, cum persona est nimis noxia, & mala reipublice; aut cum aliquod detrimentum reipublice sequitur.

De Accusatore.

C A P V T LVII.

Secunda persona in iudicio est accusator: in cuius gratiam nota, multum interesse inter denunciare iudicè, & accusare. Denunciare enim, qui apud iudicem alicuius criminis tantum defert, ut ad emendationem propter bonum publicum procedat, nec, qui denunciat, tenetur, crimen reus probare. Accusat verò, qui crimen, vindictæ causa, in bonum etiam publicum defert; & hic tenetur testibus probare. Est etiam aliud denunciare fraternè, quod erga Prælatos fit: quæ denunciatio bonum particulare denunciati respicit.

Aduerte igitur, peccata triplici se habere differentia.

Quædam sunt contra bonum commune primo & per se, vt coniuriatio in Principem, in Reipublice perditionem, falsificatio monetarum, hæresis, & alia huiusmodi.

Quædam sunt in damnum alicuius priuatæ personæ, vt homicidium, furtum priuatum, quod non in vijs regijs fit; hoc enim non est contra commune bonum, sicut est peccatum falsinorum.

Quædam etiam sunt peccata contra ipsummet eomittentem solum

solum, vt fornicatio, concubinatus, & alia huiusmodi: qui enim talia committunt, sibi potius nocent.

Rursus, hæc dupliciter se habent, quædam iam sunt facta, quæ transferunt, & emendata sunt, quædam sunt in fieri, aut in procinctu vt fiant, nondum tamen facta.

His suppositis, sunt obseruandæ multum hæc quatuor conclusiones.

Prima, cum iam peccata sunt facta, nec actu iam manent, nullus accusare, nec denunciare tenetur; quamuis fuerint contra bonum publicum: verbi gratia, cognouisti aliquem, qui fuit falsificator monetarum, aut parauit insidias Regi, iam tamen desistit omnino à tali peccato, non teneris denunciare, vel accusare.

Similiter cognouisti aliquem in hæresim prolapsum, tamen scis illum omnino penituisse, & ab errore discessisse; non teneris denunciare, vel accusare; nisi solum, cum à iudice interrogatus fueris iudicè, puta, cum criminis illius est infamia, rogatus fueris iudicè, puta, cum criminis illius est infamia, vel probatio aliqua apud iudicem, tunc vt testis verum respondere; quamuis, si omnino est occultum, nec hoc teneris dicere; quia Iudex non iudicè procedit.

Secunda, cum crimen est contra bonum commune, & adhuc in fieri, vel in procinctu vt fiat, teneris accusare, si potes; sin minus, saltem denunciare: ver.g. scis aliquos parare insidias Principi, vel monetam falsificare, vel esse hæreticos, vel quid simile contra bonum commune facere; debes per accusationem, vel per denunciationem Iudici reuelare; tamen, saltem ante denunciationem; vel accusationem, est præmittenda fraternalis admonitio; vt admonetur talis, qui paratus est crimen perficere: quod si non acquieuerit admonitioni denunciandus, vel accusandus est.

Sunt tamen aliquot casus, in quibus non est opus præmittere admonitionem hanc.

Primus est, cum præsumitur incorrigibilis, & hoc est maxime in hæresi cum pertinacia, talis hæreticus est denunciandus, absque præuia admonitione.

Secundus est, cum non profutura speratur admonitio; tunc enim non est opus eam præmittere, quauis debeat esse multum probabile, quod non admittetur admonitio, alias esset tentanda.

Tertius, cum timetur magnum damnum in admonitione: nam si timeret sibi mortem inde prouenturam, vel damnum graue debet denunciare ante admonitionem.

Quartus

Quartus est, cum non est tempus, nam tã vrget periculum, quodd non dat tempus pro admonitione, tunc denunciare oportet, aut accusare.

Tertia conclusio: Cum peccatum est contra tertiam personam, si graue detrimentum illi obuenit, idem prorsus, & eodem modo faciendum est: v. gr. scis aliquem parare alteri mortis insidias, teneris admonere, & si admonitioni non est locus, vel quia non admittitur, vel quia alia predicta occurrunt causa, denunciare debes iudici, non tamen illi tertio reuelare personam, nisi in communi, vt sibi caueat. Intellige ista omnia, quando sunt extra confessionem. Cum verò iam homicidium est factum, ad nihil teneris, nisi iuxta primam conclusionem, cum aduocaris in iudicio iuridicè interrogatus, ad veritatem dicendam.

Quarta conclusio: Cum peccato non vergunt in damnum publicum, vel alterius, tunc tenetur homo, iuxta præceptum correctionis fraternæ, corrigere, cum correctio profutura speratur, aut denunciare Prælato, denunciatione fraternæ: Et idem est faciendum, cum Prælati publicè præcipiunt, vt reuelentur concubinarij, fornicarij, vel alij criminosi huiusmodi: tenemur etiam denunciare iudici prælato fraternè, non tamè criminibus omninò existentibus occultis, nisi aliqua saltem infamia præcedente.

Est autem hic notandum, clericos non posse accusare in causa mortis, nisi tantum iuridicè denunciare, & præmissa protestatione, se nò ob mortem denunciare, sed ob boni, vel sui, vel alterius, vel commune. Est autem in accusatore necessarium obseruanda iustitia in accusando.

Hæc autem in his quatuor consistit:

Primo, vt seruet veritatem: veritas autem consistit, vt affirmet, quæ ipse interitis iudicat ita esse: quando aut siue in causa ciuili, siue in criminali falsum imponit, mortaliter peccat, si res grauis est, & tenetur ad restitutionem de damno illato. Et attende, quodd si à principio litis, se veram accusare putabat, tamen postea, etiam post latam sententiam, comparer fuisse falsum, tenetur reddere ea, quæ illi ex tali sententia obuenerunt. Tenetur etiam, si in media lite comperitaliter esse, quam putabat, desistere.

Secundo opus est, vt in verè accusando, & petendo quod iustum est, modum debitum seruet. Ex hac parte potest etiam peccare: vt, si, ad verum, & iustum probandum, vtatur falsis testimonio.

Simonij, inducendo alios ad iurandum quod nesciuerunt; tunc enim peccaret mortaliter, quamuis ad restitutionem non teneretur, si reuera ita, vt erat, intendebat.

Opus etiam est in tertio, vt debitum obseruet intentionem, nam, quamuis iustum petat, & modo iusto, si tamen eo sine, vt alteri noceat, & non, vt res suas recuperet, vel in bonum publicum id faciat, peccat, & cum grauis est materia, mortaliter.

Adhuc quartò, opus est executione, vt litem, & accusationem propositam, & inceptam absoluat: desistere enim in media causa, aut remittere se in probationibus, vt vincitur, peccatum est; & illud vocatur prauaricatio, hoc est, tergiuersatio, vt habetur a. q. 3. can. si quæ penituerit. Non tamen semper est peccatum, nisi cum accusatio est criminis alicuius, contra bonum publicum, aut contra tertiam personam, & adhuc, cum potest accusator probare: quando verò negotium est proprium, non est peccatum, dummodò non vtatur mendacijs, aut periurijs. Hæc sunt, quæ ad accusatorem spectant.

De Reo.

CAPVT LVIII.

IN reo id primùm consideratur, puta, obligatio respondendi iudici, & manifestandi verum. Aduerte autem; vt reus obligetur reum respondere, debent tria concurrere.

Primò, vt interrogetur à proprio iudice: cum enim non est iudex habens auctoritatem in reum, non obligatur reus respondere.

Secundò, vt seruetur forma iuris: hæc autem est, vt reus non interrogetur de crimine, de quo non præcessit infamia, ita, vt ille sit infamatus de tali crimine, aut præcesserint indicia, aut semiplena probatio, id est, testis omni exceptione maior. Quando autem est plena probatio, tunc non est dubium, quin debeat respondere verum, quando ista deficiunt, non tenetur respondere reus etiam proprio iudici: quamuis fulminetur ei sententia excommunicationis: nam occultu manifestari non debet in foro exteriori; & iudices malè faciunt, qui, contra iuris formam, cogunt eos respondere.

Adhuc ista duo non sufficiunt, sed opus est tertio, vt ista
iuris

iuris forma sit prius probata in processu, & reo indicata, vt cognoscat se iuridicè interrogari; aliàs in re graui non debet, nec tenetur reus respondere iudici. His igitur seruatis, debet reus respondere verum, quamuis inde cognoscat, sibi mortem prouenturam; & peccat mortaliter non respondendo, aut verum negando, tum ratione iuramenti, tum ratione mendacij, quod in iudicio profert; quod absque iuramento est mortale, cum res grauis est: cum verò leuis, potest esse veniale; quamuis neget Caiet. 2. 2. q. 69. art. 2. Debent ergo Confessarij audientes reos nimis aduertere, ne absoluant reos tales, qui iuxta iuris formam interrogati noluerunt respondere, nec etiam cogant ipsos verum manifestare, cum contra talem formam interrogantur.

Et in reo considerare oportet, quod non tenentur manifestare in iudicio omnia crimina, quæ commisit, sed illa tantum, quæ iuridicè interrogari potest: nam si aliquorum infamia præcessit, vel indicia, aut semiplena probatio, non autem aliorum, non tenetur hoc manifestare, sed solum illa, de quibus iuridicè interrogari potest. Et in hoc malè faciunt Iudices, qui vno comperto crimine, omnia, etiam occultissima, inquirunt. Verum est, quod cum crimen vnum notum est, & iudicium sufficiens alterius, iudices possunt inquirere etiam illud. Rursus, reus non tenetur reuelare complices suos, nisi cum illorum aliqua infamia præcessit, aut denique seruantur illa tria prædicta: & in hoc etiam est abusus Iudicum, qui, nulla seruata forma, inquirunt etiam complices, cum nec post talem manifestationem, licitè possint contra eos procedere, sicut, nec contra rerum propria crimina manifestantem, si non iuridicè fuit requisitus. Hæc sunt, quæ ad rei obligationem pertinent.

Adhuc in reo est secundum considerandum, puta, cum non iuridicè interrogatur, quibus verbis debeat respondere, cum verè crimen commisit: & in primis, certum est, posse appellare, aut non respondere; tantum tota difficultas est, si, cum cogitur, possit respondere, non feci: & in primis certum est, non licere ei mendacium dicere; nam esset periurus, & mortaliter peccaret in quocumque casu, sed licet ei, vti æquiocatione, Sot. lib. 5. de iust. q. 6. artic. 2. tenet, quod non licet ei vilo modo dicere, non feci, quia hic nulla est æquiuocatio, sed esset mendacium; tamen Adrian. 4. in q. de sigil. dicit, talem reum posse dicere, non feci, & Caiet. opusc. 16. q. 5. dicit, posse respondere, se non

se non habuisse complices, quamuis habuerit. Et ego puto esse hoc probabilius: tamen cautus debet esse reus, ut talia verba proferat iuxta suam intentionem in sensu vero, puta, ut intendat dicere, non feci, puta, in carcere, & non habuit complices, in alijs criminibus, vel aliquid simile, aliàs esset mendacium; non autem illo modo; quia verba in tali casu, non sunt consideranda iuxta Iudicis intentionem, sed ipsius rei.

Tertium considerandum in reo, est obedientia, puta, ut non aduersus Iudicem, vel eius ministros insurgat, ut in carcere maneat. Tamen notare oportet, quod solum obligatur, nullam vi custodi, aut personæ inferre, tamen, si citra vim talem potest fugere à carcere, quamuis iuste sit comprehensus, licet ei, immo rumpere catenam, murum perforare, & portas frangere; quamuis sciat alios comprehensos fugitivos, & custodes damnum passuros, non hoc tenetur ipse providere, sed ipsis ministris incumbit, præsertim cum res grauis est.

Attende tamen, quod tenetur postea restituere damna illata, puta, ex ruptura catenarum, & pottarum fractione. Hanc sententiam tenet Caiet. 2. 2. q. 69. Sot. lib. 5. q. 6. art. 4. Nauarr. in summa cap. 25. num. 38. Addit autem Caiet. quod licet alijs, qui sunt extra carcerem iuuare ipsum, & ministrare instrumenta; hoc autem negant Soto, & Nauarr. nam ista licent reo, quia suares agitur: multa autem licent alicui propter se, quæ ipsi non liceret facere propter alium. Addunt tamen Doctores, quod liceret alijs consulere carcerato fugam; & hoc quidem verum est, dummodò non sint ipsæ personæ, quæ ad iudicium spectant, ut Iudex, custodes, & alij huiusmodi. Fugienti è carcere, leges imponunt gratiam poenam; tamē, ut Soto dicit, ad culpam non obligant.

De Teste.

CAPVT LIX.

Quarta in iudicio persona, est Testis: in quo tria consideranda sunt; obligatio, repulsa, culpa.

Circa obligationem, puta, quando quis tenetur testimonium reddere, & testificari, sunt notandæ tres regulæ generales, per quas multi casus in particulari decidentur.

Prima est, quando crimen vergit in detrimentum publicum,

cum, aut in damnum tertiæ personæ notabile, nec adhuc est emendatum, sed est in fieri, vel in procinctu vt fiat, tenetur homo inquisitus testimonium reddere, licet iuridicè non interrogetur; quia, vt superius diximus, in his casibus tenetur quisque accusare, vel denunciare; v.g. interrogatur aliquis de alicuius crimine, puta hæresis, vel prodicionis, vel alterius cõtra bonum commune, vel de insidijs contra aliquem, si iste adhuc in crimine tali est, tenetur interrogatus dicere verum, & manifestare, licet occultum sit crimen.

Secunda regula: cum verò iam crimen est commissum, & transactum, seu etiam emendatum, nullus inquisitus tenetur respondere & manifestare, nisi iuridicè interrogetur; si tamen iuridicè inquiratur, tenetur verum dicere: v.g. inquiratur Petrus de homicidio Ioannis iam factò, & cuius forsàn iam pernituit ipsum Ioannem, si tamen infamatus est Ioannes, vel sunt alia, vnde iudex iuridicè inquirat Petrum, tenetur aperire quod scit.

Tertia regula: quando aliquis patitur detrimentum iniuste, si quis scit verum, & cognoscit illum iniuste pati, & in carcere detineri, siue in ciuili, siue in criminali causa, tenetur testimonium dare, etiam non inquisitus, seruatis tamen duabus conditionibus.

Prima, vt speret se profuturum, sin cognoscit se nihil profuturum, non tenetur.

Secunda, ne inde aliquod notabile detrimentum incurat, cum enim timet probabiliter id sibi nociturum, quia aduersarius faciet ipsum occidere, vel afficiet aliquo malo graui, non tenetur.

His positis, quòd sit spes proficiendi, & quòd nullū timeatur detrimentum, tenetur testificari; Soto lib. 5. de iust. qu. 7. art. 1. Nauarr. c. 18. num. 34. S. Thom. 2. 2. q. 70. art. 1. Sylu. verb. testis, §. 8. Et attende, quòd obligatio in hoc casu nascitur ex charitate: vnde, qui non facit, peccat mortaliter contra charitatem, & non contra iustitiam; & consequenter non tenetur ad restitutionem de damno, quod alteri prouenit ex ipsius taciturnitate.

At verò, qui iuridicè interrogatus, dissimulauit verum, tenetur ad restitutionem de damno, si quod ille alius incurrit, quia peccat contra iustitiam. Et hæc regulæ obseruandæ sunt circa obligationem testium.

Circa repellam, scias in testibus esse quasdam conditiones secundum

secundum iura requisitas, ut ipsorum testimonia sint valida, quibus deficientibus, infirmum est ipsorum dictum; ut, quod non sit infidelis, excommunicatus infamis, & alia huiusmodi. Hinc fit, ut, cum testes in aliqua causa offeruntur, procuratores contrariæ partis soleant imponere defectus testibus, ut ipsorum dicta inuident, & hanc vocamus repulsam. Et quidem licitum est parti contrariæ, & ipsi procuratori aperire defectus, quamuis occultos, testium, quibus ipsorum testimonia infirmantur, ut, se defendant: sed sunt aliquot conditiones observandæ.

Vna est, ut adsit veritas, nam imponere falsa crimina, & defectus, graue peccatum est.

Rursum, ut solum illi defectus manifestentur, qui faciunt ad inuaidandum testimonium, & non alia crimina, quauis vera sint.

Tertia est, ut non obueniat: maius multo detrimentum testi ex tali manifestatione, quam ipsi parti: nam aliquando erit graue crimen, ob quod grauiter punietur testis. Dico multo maius, quia licet maius detrimentum obueniat testi, dummodo non sit multo maius, quam quod obuenit parti, licitum est manifestare in sui defensionem, & hoc intelligo cum est iniusta causa; nam alias, cum quis iuste accusatur, puto, non licere occulta crimina testium aperire, ex quibus ipsis detrimentum obuenit, maxime, cum iuridice inquisiti sunt, nec ipsi se sponte ad testificandum obtulerunt.

Circa culpam, aduerte, quod testis tenetur verè testificari, id est, quod ipse existimat verum; nec debet dubium affirmare, nec certum. Dicere autem mendacium, peccatum est mortale ex genere suo, propter periurium, quod illic committitur, & hoc prohibetur in isto præcepto. *Non dices falsum testimonium.* Obligatur etiam ad restitutionem damni illati, ob tale mendacium. Aduerte autem, quod si quis fortè, cum testificatus est, dixit aliquid, quia ita esse putabat, tamen postea intellexit, & compertit ita non esse, tenetur, si absq; detrimento suo potest, & si se profuturum sperat, coram Iudice iterum comparere, & dicere quod scit, dummodo sit certum, de eo: quod si iam lata est sententia, & se nihil profuturum sperat, saltem dicat ipsi parti, in cuius fauorem testificatus est, ut ipsa verum cognoscens testificat: nec ad amplius talis testis tenetur. Quod si falsò testificatus est, tenetur reiterare, si alter est in periculo graui, vel mortis, vel infamiae, quamuis ipsi testi mors obueniat.

Sunt autem hic duo notanda.

Vnum est, cum testis accipit pecunias vt falsum testimoni-
um dicat, quamuis teneatur restituere damnum illatum alte-
ri, tamen non tenetur restituere pecunias, quas accepit, vt fal-
sum diceret.

Alterum est, si illas accepit, vt verum diceret, tenetur re-
stituere eas domino, quia sine pecunia tenetur veritatem di-
cere. Hæc sunt, quæ circa testem considerare oportet in præ-
senti.

De Aduocato.

CAPVT LX.

IN Aduocato, considerata est obligatio: tenetur enim pa-
trocinari, quamuis gratis, in pauperum causa, Obligatur
autem sub mortali in illo casu, in quo aliquis sub mortali
tenetur elemosynam facere: qui casus est, cum est gravis, aut
extrema necessitas: hæc autem est, quando pauper graue de-
trimentum patitur, & non est, aut difficile inuenietur aliquis,
qui ipsi patrocinetur.

In Aduocato, secundò considerandum, est causa, pro qua
patrocinetur: est autem notandum, causam posse esse in qua-
druplici differentia; aut est iusta, aut est iniusta, id est, quam ad-
uocatus arbitratur iustam, aut arbitratur iniustam; aut est dubia
ex vtraq; parte; aut est dubia, sed iustitia magis inclinatur in vnâ
partem. Hac supposita diuisione.

Dico primò, pro causa iusta, quam ita esse existimat secun-
dum suam sententiam aduocatus, licet fortè, verè talis non sit
licitè potest aduocatus patrocinari.

Dico secundò, pro causa iniusta patrocinari, mortale pecca-
tum est. Et si fortè verè iniusta erat, & victoriam consequutus
est aduocatus, ob suam defensionem, tenetur restituere dam-
num illatum parti aduersæ, si suus cliens non restituat: tene-
tur etiam restituere expensas clienti suo, quamuis victoriam
non consequatur, nisi fortè ipsum prius admonuit de iniustitia
causæ, & voluit adhuc cliens litem proseguere.

Dico tertio, si causa est dubia ex vtraq; parte, & iustitia
non dignoscitur, potest aduocatus patrocinari; tamen, si postea
competit iniustam; immò si prius putabat iniustam, & postea
certò

tertio cognoscit iniustitiam, quamvis sit iam lis inter partes contestata, tenetur desistere, non tamen tenetur parti contrarie prodere punctum iniustitiæ; sed tamen non amplius patrocinari; ut tenet S. Thom. 2.2. At Soto lib. 5. de iusti. q. 5. artic. 3. limitat bene hoc: quod cum notabile est detrimentum partis contrariæ, tenetur etiam prodere iniustitiam, eo casu, quo et iam testificari verum obligatus esset, licet non requireretur; sed hoc fieri non debet, nisi in gravi casu aliquo.

Dico, quartò, quando iustitia ex vna parte magis inclinat, licet altera etiam pars iusta videatur, tunc cum distinctione oportet procedere. Nam, cum defenditur reus aliquis, vel actor, qui notabile patitur detrimentum, tunc licet etiam minus iustam causam defendere: cum vero non patitur, sed potius contraria pars patitur, non licet: in rebus autem non ita gravis momenti licitum est patrocinari, dummodo pars quæ minus iustam sequitur causam, admoneatur huius, si fortè velit desistere. Aduerte tamen, quod non debet esse ita minus iusta, ut iniusta dicatur, sed, ut sit iusta cum dubio aliquo, non tamen in iustitia apparente.

TERTIO principaliter in aduocato consideranda est scientia: tenetur enim scire ea, quæ communiter ad suum officium spectant: unde, si ex ignorantia in causa est, ut cliens perdat causam, peccat, & tenetur ad restitutionem damni illato; & tanto magis obligatur scire, quanto doctior reputatur, quamvis non teneatur tantam habere scientiam, quam Bartol. cum non existimatur, nisi ut mediciter eruditus. Idem etiam est censendum de diligentia: debet enim studere, cum difficultatem causæ iudicat: unde, si ex negligentia ipsius causa perditur, tenetur restituere damnum.

Quartò, etiam necessarius est modus patrocinandi fidelis, non ut distorqueat leges in sensus falsos aperte, quamvis possit sequi opiniones probabiles Doctorum, in legum interpretatione varias. Similiter, non alleger falsum pro vero. Cum verò modus iste non seruatur, peccatum est obligans ad restitutionem damni, quod ex ea prouenit alteri.

Quintò, etiam necessarium est, ut iustum pretium pro patrocinio non excedatur: hoc verò est, quod taxatum est per Principes. Quod si non est, arbitrio viri recti taxandum est, habita consideratione horum, puta, grauitatis causæ: nam

minus pretium est in causa leui; similiter laborum in patrocinio: similiter dignitatis, seu scientiæ aduocat: nam magis meretur magni nominis Aduocatus: similiter etiam consuetudinis regionis illius.

Sexto, aduocatus non potest pacisci cum cliente de aliquota parte causæ, putà, si vincat, vt pro pretio det secundam, tertiam, vel quartam partem illius, quod ex victoria consequetur; hoc quidem non licet, non quia secundum se malum sit, sed quia prohibitum est, l. sumptus, ff. de pactis, ne Aduocati, quia sua res agitur, modum legitimum patrocinandi peruertant.

De Notario.

C A P V T LXI.

IN Notario, seu Tabellione, scientia, fidelitas, & iustitia necessaria sunt.

Circa scientiam quidē, tenetur scire, quæ sui officij sunt, & in eis obseruandis diligentiam adhibere: vnde, cum ex ignorantia, vel negligentia aliquid omittit in instrumento, vnde alteri detrimentum patitur, restituere tenetur, nec excusatio admittitur: ver. gr. si omisit necessarium numerum testium in instrumento: si non signauit diē, & annum; si fecit testamentum, quando, qui testabatur, erat amens vel quia nesciebat esse necessarium plenum iudicium rationis in testatore, vel quia nullam fecit diligentiam, vt cognosceret, an ille esset compos mentis: Quod si ista fecerit ex malitia, iam peccat contra fidelitatem, quæ in multis consistit.

Primò, ne conficiat falsum aliquod instrumentum, fingendo ea, quæ contractata non sunt: hoc enim graue peccatum est, obligans ad restitutionem, & lege ciuili poena graui puniuntur.

Secundò, vt, postquam est verum instrumentum, in verbis sinceritas, & puritas seruetur: nam in causa præcipue criminali, multum refert, cum hoc, vel illo verbo factum narratur, cumque notarius in verbis non seruat puritatem, & aliter narrat, quam res se habeat, etiam quantum ad quantitatem, & qualitatem criminis, grauius peccat, & tenetur ad restitutionem de damno inde illato.

Tertiò

Tertiò, postquam verum, & sincerum confecit instrumentum, tenetur apud se seruare registrum quod vocant, & nō dare licui alteri, nisi transumptum aliquod: quando verò alteri detrimentum obuenit, ex eo quod apud notarium non manet registrum, tenetur de damno illato.

Rursus quartò, quando apud se retinet registrum, non debet retinere tantum in protocollo, seu in breuibz, vel albis, vt vocant; scias enim notarios non extendere instrumenta; quia proliza sunt, nec possunt multa vno die conficere, vnde sumunt solum rei substantiam in chartula quadam, quæ dicitur protocollum, vt postea, cum eis vacat, in registro extendant: scias etiam illam chartulam nullam vim dare instrumento, nisi in registro sit extensum secundum iuris formam. Isti autem vix implent, aut extendunt ista instrumenta, vnde magnū periculum potest inde obuenire ijs, ad quos instrumentum pertinet, præsertim quia potest mori notarius, & tunc manent instrumenta, ac si nulla essent, ob id, in hoc grauiter peccat notarij circa instrumenta.

Rursus quintò, non debent occultare instrumenta, quæ ab eis exiguntur: accidit enim, quod vnus recurrit ad notarium, vt fidem faciat instrumēti, ratione cuius vult rem suam, vel quod sibi obuenit, exigere, notarius autem pretio aliquo ab opposita parte corruptas, occultat, negando se tale confecisse instrumentum; & in hoc etiam graue committitur peccatum, obligans ad restitutionem.

Rursus sextò, tenetur, etiam nullo exigente, si apud se manet aliquod instrumentum, vel testamentum, ratione cuius aliquibus fiunt legata, nec impleta sunt, ignorantibus ijs, quibus fiunt, manifestare illud; primum quidem ijs, quibus incumbit implere: quod si non implent culpa sua, manifestet illis, quibus fiunt. Et in hoc quorundam abusus est; nam manifestant illis, qui implere debent, non vt impleant, sed vt ab illis exigant pecunias, ne ipsi manifestent eis, quibus legata debentur. Hæc sunt, quæ ad fidelitatem notari maxime spectant.

Iustitia autē consistit in duobus, in instrumento, & in pretio. In instrumento quidem, adhuc in duobus.

Primum est, ne de re illicita, & prohibita faciant instrumentum, puta, de vsura: tunc enim peccant mortaliter, & aliquando tenentur restituere; cum enim faciunt instrumentum de contractu vsurario, manifestè exprimendo vsuram, tunc non

tenentur restituere, licet peccent; quia istud instrumentum nullam vim dat vsuratio recuperandi vsuras, ac si non esset, nisi esset in terris, vbi praeceptum esset, licet iniustum, vt vsurae soluerentur. Quando verò facit instrumentum, palliando vsuram, puta sub nomine veri contractus, & legitimi vsuram palliat, vt, dat Petrus Ioanni centum aureos, vt post duos menses recipiat centum & decem, vsura est, tamen fit instrumentum nomine mutui, quod dat Petrus Ioanni centum & decem, vt post duos menses totidem det, cum tamen non det Petrus nisi centum, hic palliatur vsura, & notarius tenetur restituere vsuram Ioanni: nam per tale instrumentum obligatur in foro exteriori Ioannes reddere centum & decem: quod sitale instrumentum fieret in fauorem Ioannis petentis ad vsuram, & rogantis vt tale fiat instrumentum; quia aliter non potest habere pecunias, tunc peccatum esset mortale notarij, sed non obligaretur ad restitutionem.

Alterum, in quo iustitia circa instrumentum consistit, est, ne faciat instrumentum prohibitum.

Sunt autem haec instrumenta prohibita duo: quaedam quae continent materiam vsurae, nempe, si quis dominus velit instituire, ne soluentes vsuras possint repetere illas in iudicio, aut qui acceperunt ad vsuram, vt cogantur soluere, nullus notarius potest super hoc instrumentum confiscare, & si confiscat, mortaliter peccat, & incurrit excommunicationem, à qua potest ab Episcopo absolui. Habetur hoc Clem. de vsur. Quedam alia instrumenta sunt prohibita, nimirum, quae sunt contra libertatem Ecclesiae, & notarius peccat mortaliter, si talia faciat, & excommunicandus est, non tamen ipso facto incurrit excommunicationem. Haec igitur est iustitia, quae in instrumento consistit.

Altera est in pretio, & haec duplex est.

Vna, ne accipiat pretium pro re, pro qua nullum est pretium exhibendum. Vnde in Concilio Trident. sess. 21. cap. 1. praecipitur, ne pro negotio ordinis, notarius quicquam accipiat; immò nec pro dimissorijs, aut testimonialibus literis, si habet salarium ab Episcopo; quod si non habet, potest pro his duobus dictis accipere; sed solum decimam partem auctei.

Altera est, ne excedat pretium iustum instrumenti, pro quo potest pretium accipere. Hoc autem est frequenter lege taxatum. In qua taxatione, notandum est, apud aliquas regiones

exigi

exigi taxationes has, secundum pretia vilissima, quia sunt antiquissima, quando res minimo pretio emebantur, & tunc ipsa officia minus multò valebant; modò autem multum valent: & quamuis iustè possit notarius excedere illa taxata pretia, tamè unum obstat, nimirum iuramentum, quod singulis annis, aut in principio officij facit, puta, observandi illam taxationem, ob id peccat transgrediendo. Vnde sanctissime facerent Principes, si pretium conueniens, habita temporum, & regionum ratione imponerent, aut tale iuramentum, quo multi illaqueantur, auferrent penitus.

De Procuratore.

CAPVT LXII.

Vltima persona ex his, quæ in iudicio superiùs propositæ sunt, est Procurator. In quo multa etiam exigenda sunt.

Primum est scientia: debet enim quæ ad officium suum spectant, scire: vnde, si ignorantia litem clientis perdat, restituere tenetur, nec excusationem habet.

Secundum est, diligentia: debet enim necessarios terminos petere in iudicio, appellare, cum appellandum est, probare, quod probandum est, respondere, cum respondendum est, & alijs necessarijs non deesse, cumque aliquid permittit ex negligentia culpabili, restituere damnum tenetur, quod ob id, cliens incurrit, & multò magis si ex malitia facit.

Tertium est, veritas: debet enim dicere quod verum est, & non falsà, aut incerta. Et in hoc grauius isti peccant, quod nomine suorum clientum respondent in iudicio affirmatiuè, quæ prorsus ignorant: similiter negatiuè, & hoc iurando super animas suorum clientum: & his non contenti, cum vident imminere periculum sue causæ, si cliens aliquid confiteatur, quod aliàs verum, & iudicè inquisitum est, persuadent illi, vt neget fortiter, dicendo irrisuè, præstat esse martyrem, quàm confessorem. Vnde peccant multum tales procuratores, inducentes ad periuriam, & mendacia in iudicio: damnificantes alios, qui iustam habent litem.

Quartum est iustitia, vt non nisi iustam causam defendant. Et in hoc, idem dicendum est, quod superiùs diximus de aduocato, quantum ad causam.

Iustitia etiam exigitur, vt pretium iustum tantum sui laboris exigant. In quo etiam abusus est, plus enim iusto exigunt; immò solent isti à clientibus petere pretia pro se, & pro aduocato, & pro notario, & sibi omnia vsurpant, & aliquando parum quid illis reddunt. In quo peccant, obligati reddere illis suorum laborum pretia, quæ acceperunt: nam isti procuratores sunt ita exercitati aliqui, vt ipsi velint facere instrumenta, quæ ad notarios pertinent, & defensiones, quæ aduocatorum sunt; & rogant notarios, & aduocatos, vt subscribant, ac si sua essent, & modicum solunt pro subscriptione, istis hoc accipiantibus, quia melius est, modicū lucrari, quàm nihil, & quia procuratores alia non deferrent negotia ad ipsos. Et hoc peccatum etiam est; imò aliquando isti errant in facto, quia nesciunt aliquando facere vt oportet, & damnificant alios: vnde consequenter ad restitutionem tenentur.

Iustitia etiam exigitur, vt lites, quas primò acceperunt patrocinio defendendas, prius absoluant: solent enim isti multorum patrocinia suscipere, & vnum, aut alterum prosequi, alijs dilatis, vt maius ab ipsis exigant pretium; cum tamen non possint suscipere, nisi quæ commodè, & absque clientum detrimento, ob moram, possint defendere: & susceptorum primum locum obtinent, quæ prius tempore suscepta sunt, nisi aliquid notabile detrimentum aliquis ob moram incurrat, altero eam non incurrente: cumque etiam prius incurrit, non debet suscipere secundum patrocinium, nisi secundo admonito, se nō statim posse in ipsius negotio patrocinari.

Iustitia etiam exigitur, ne terminos impetientes petant, qui ad causam non faciunt iustitiam, sed solum ad puram dilationem, vt cogant oppositos clientes desistere à causâ iusta, vel pactum faciant iniustum, vel saltem vt eis noceant.

Iustitia etiam exigitur, ne, post causam victoriam, vltra pretia suorum laborum, petant auctoriam, vulgò dicta, mancia; non enim licet possint ista accipere, nec illi dant, nisi coacti, quamuis dicant, se libenter, & gratis dare: & quamuis Nauar. c. 25. nu. 30. dicat posse accipi, tamen dicit debere esse modica. Mihi tamen melius videtur, nulla posse accipi: & quod clientes dent inuiti, signū est, cum lite peracta, frequenter dicant hos procuratores esse rapaces, & (vt inuidia verbo absit) latrones: quamuis autem tales non sint, tamen tali verbo isti suum animum produnt, se non nisi ob necessitatem suas illi dare pecunias, etiā quas iuste solunt.

Quid detractio, quotq; ipsius modi sint.

CAPVT LXIII.

Circa huius octauæ præcepti posteriorem partem oportet tractare de detractio; atq; à definitione incipiendum est. Potest artem sic describi; *est ablatio famæ, per verba, cum intentione nocendi*. In qua definitione quatuor partes continentur.

Prima est, *ablatio*, detrahere enim est auferre aliquid à proximo, unde constat detractioem esse contra iustitiam, quæ prohibet alteri auferre, quod ipsius est.

Alter pars est, *famæ*: fama autè est notitia & opinio, quam aliquis apud homines habet: quando bona est, dicitur bona fama; cum verò mala, dicitur mala. Differt ab honore: nam honor est reuerentia, quæ alicui exhibetur; tamen, tam honor, quam fama, sunt bona hominis externa; nam sunt alij, qui debent habere opinionem, & exhibere reuerentiam. Quando igitur aliquis aufert bonam famam & opinionem, quam aliquis apud alios habet, dicitur detrahere: ob id, detractio dicitur ablatio famæ; in quo differt à contumelia, quæ est ablatio honoris.

Tertia pars est, *per verba*: dupliciter enim potest aliquis bonam famam alicuius auferre.

Vno modo, apud se solùm: vt, cum Petrus habens in se bonam opinionem Pauli, mutat eam, & concipit malam, tunc aufert in se famam Pauli: & si talis mala opinio concepta fuit absque rationali causâ, tunc pertinet hoc ad iudicium temerarium.

Altero modo, potest aliquis auferre famam, non solùm apud se, sed apud alios, & hoc pertinet ad detractioem: cumq; homo suos conceptus verbo manifestet, ob id verbo fit detractio, ac propterea talis pars est in definitione posita. Aduerte tamen, per verba intelligi etiam nutus, & signa; intelligi etiam scripturas, quibus libelli infamatorij fiunt. Rursus, intelligi ista formaliter & virtualiter: Verbum formale est, cum quis verbum profert; similiter de signo & scriptura: virtuale verò est, cum ex taciturnitate verbum insinuat; cum enim quis tacet, cum loqui debeat, virtualiter loquitur aliquid a probando vel reprobando. Omnia ista per illam partem, *verba*, intelliguntur.

Quarta pars est, *cum intentione nocendi*: non enim sufficiunt aliz tres partes ad detractionem: nam cum quis iuridicè aliquem accusat criminis, vel condemnat, famam aufert, non tamen detrahit: nam detractor famam aufert, intentione nocendi illi in fama, cui detrahit.

Aduerte autem, aliquem dupliciter intendere nocere alicui in fama.

Vno modo, directè, cum verè habet talem intentionem nocendi.

Altero modo, indirectè, cum, licèt non habeat talem intentionem expressè, famam tamen aufert, ob finem minus principalem, quam sit illius famam offendere; vt, qui ob ludum, & iocum, vel absq; fine, alterius famam aufert: & quamuis etiam auferat ob bonum finem; tamen non seruatis circumstantijs, in quibus licet famam aliquando auferre; vt, cum licitum est, peccatum alterius alteri aperire, vt dictum est: qui enim præfert talem finem famæ alterius, parum curat nocere, & sic indirectè habet intentionem nocendi. Hæc igitur est detractionis definitio. Sequitur, vt quot modi detractionis sint proponamus: sunt autem octo, de quibus vide S. Thom. 2.2. q. 73. & est doctrina communis Theologorum. Qui quidem in duas partes diuiduntur: quidam sunt, quibus detractio versatur circa malum; quidam, quibus versatur circa bonum. Circa malum, quatuor sunt modi detrahendi, hoc carmine contenti.

Imponens, augens, manifestans, in mala vertens.

Imponens dicitur, qui infamat alterum, imponendo crimen & vitium, quod nō habet, & hic est pessimus detractionis modus. *Augens* est, qui alterius crimen verum, narrando ipsum, auget, amplificando; & exaggerando, vt maius appareat. *Manifestans* dicitur, qui crimen occultum alicuius propalat, & manifestat alijs, illius famam auferre intendendo. *In malum vertens* dicitur, qui bona facta alterius in malam partem interpretatur, coram alijs illius famam minuendo. Ille dicitur in malum conuerrere bona alicuius, qui, quod ex se bonum est, leui ratione motus, & absque causa rationabili, vt malum iudicat, quia possunt etiam ipsa male fieri.

Modi autem, qui circa bonum versantur, sunt etiam quatuor, qui hoc carmine continentur.

Qui negat, aut minuit, tacuit, laudat ve remissè.

Ille dicitur negare, qui virtutem alterius, ex qua famam apud

apud alios habet, coram illis negat. Ille minuit, qui, licet non neget, tamen minorem, quàm sit, suis verbis, aut signis facit. Ille autem tacendo detrahit, qui, cum de fama alicuius periculum est, cui potest ipse subuenire, nihil dicit; vel quia, alijs laudantibus aliquem, ipse tacet, in quo dat intelligere, se aliorum laudi non consentire. Ille laudat remissè, qui, quod magna laude dignum est, parùm laudat, aut verbo, aut gestu, vel signo: & hic modus ad secundum reducitur: ob id communiter à Theologis septem modi detractionis describuntur, quos Scotus reducit ad tres, 4. sent. distinct. 15. sed distinctiùs habentur, ut sunt proposti.

Quale peccatum sit detraçtio.

CAPVT LXIV.

Peccatum detractionis mortale est ex genere suo, cum sit contra iustitiam. Et S. Thom. dicit, ex suo genere esse peius, quàm furtum; nam magis est læsuum proximi, cum per furtum auferantur pecuniæ, per detractionem verò fama, quæ præstantior est pecunijs. Hoc peccatum est communissimum, unde Gloss. super illud Prouerb. 24. *cum detractoribus ne commiscearis*, dicit; hoc specialiter vitio penè totum genus humanum periclitatur: Deo est maximè odiosum; unde Dauid dicebat, *Detrahentem secretò proximo suo, hunc persequabar*. Aduerte autem, quàmuis ex suo genere mortale sit, tamen in tribus casibus fit de seò veniale. Primus est, cum est materiæ leuitas: cum enim est paruum nocumentum in fama, quàmuis sit cum intentione nocendi, est veniale.

Tamen aduerte, leuitatem, aut grauitatem materiæ esse pen-
sanda ex tribus.

Primò, ex quantitate ipsius infamiae in se, id est, vitij quod imponitur, aut boni quod tacetur.

Secundò, ex parte personæ diffamatae: nam aliquando vitium impositum vni personæ, leuis est infamia, aliquando nullum: nam multi in vitijs se iactant, ut iuuenes in re venerea, milites in homicidijs: his autem detrahere imponendo similia, leuis materia reputatur; at si sit persona religiosa, aut studiosa, grauior est materia: unde, Episcopis, personis Ecclesiasticis, publicis, religiosis detrahere, maius est peccatum, & crescit multùm materia. Hic autem aduertenda est ex-
commu-

communicatio lata contra scribentes, & recipientes libello infamatorios contra instituta sancti Francisci, & sancti Domini, quæ excommunicatio est Papalis, & habetur in bulla, ex illo, qui habetur apud Anton. 3. p. tit. 24. cap. 70. De aliarum religionum institutis peccatum est detrahere, sed non est subiectum excommunicationi.

Tertiò, consideranda est materia ex parte personarum, numeri & qualitis, apud quas infamia inducitur: nam apud vñ diffamare, minus est, quam apud multos; & apud vñ virum grauem, magis est, quam apud minùs talem. Quando igitur, his omnibus adhuc perpenſis, leuis materia est, fit venialis; quæuis duo priora potiùs consideranda sint.

Secundò, fit detractio venialis, vt dicit S. Thom. 2. 2. q. 73. eum fit absque intentione expressa nocendi, sed ob iocum, vel aliam causam; sed hoc intellige, nisi fit notabilis infamia, tunc enim esset mortale.

Tertiò, cum, quamuis sit notabilis infamia, & cum intentione nocendi, tamen actus non fuit omninò deliberatus: vt, cum quis inaduertenter, ita graui percitus alterius crimen propalauit, ita vt in tali manifestatione, non fuerit totius libertatis compos, tunc namque minuitur peccatum, vt sit veniale; sicut in periurio, & blasphemia aliquando fieri solet: si tamen actus sit deliberatus, mortale peccatum est, tantam infamiam alteri intulisse.

De resolutione aliquorum dubiorum.

CAVTV LXV.

DVbia aliquot sunt, quibus magis in particulari ista materia declaratur.

Primum est, an diffamatum hominem liceat apud eos, qui ignorant illius crimen, manifestare; præsertim cum diffamatus est per iudicis sententiam in vno loco, an liceat id manifestare in alio loco. Ista quæstio fuit controuersa inter Caiet. opusc. 16. respon. 9. & inter Adr. quodlib. 11. q. 1. Ille affirmat, hic negat in gratiam tamen resolutionis sunt duæ distinctiones aduertendæ.

Prior est, aliquis potest esse dupliciter infamatus.

Vno modo, per iudicalem actum; vt, qui conuictus est la-

troci-

trocinij coram Iudice, & castigatus est, aut qui pro crimine hereticis punitus est, aut quid aliud infamiae contraxit in iudicio.

Altero modo, per publicum factum, quamvis extra iudicium; ut, qui commisit homicidium publicè, aut est manifestus latro, vel quid simile.

Posterior distinctio est; qui sic infamatus est, dupliciter se habet: aut enim post talem infamiam iam est bonam famam consequutus; tum quia temporis longitudine tradita sunt omnia obliuioni, tum quia vitam emendauit: aut nondum bonam famam est consequutus.

His suppositis, sint aliquot conclusiones.

Quarum prima est, manifestare crimen alicuius quocumque modo infamati, intentione ei nocendi, peccatum est; v. gr. si aliquis est publicè conuictus & punitus pro latrocinio, tamè alius nescit iudicium, si Petrus huic manifestet, intèntione nocendi infamato illi, peccat contra charitatem.

Secunda conclusio: si quis infamatus, siue per crimen publicum, siue per Iudicis sententiam, iam est bonam consecutus famam; qui absque legitima causa illius crimen manifestat, peccat contra charitatem, & contra iustitiam, verb. grat. est aliquis Romæ, qui iam à multis annis fuit per inquisitores publicè punitus, tamen pòst respuit, & bonam famam modò habet nec est qui recordent illius criminis; si quis hoc alijs manifestat, contra charitatem peccat, & contra iustitiam, & consequenter tenetur ad restitutionem, Contra charitatem quia, quia nocet proximo; contra iniustitiam vero (contra Soto libr. 4. qu. 10. artic. 2.) quia, quamvis per iudicis sententiam fuerit illi fama antecedens ablata, tamen non sequens; vnde verè possidet bonam famam sequentem, quam qui aufert, iniuste aufert. Liceret tamen in quibusdam casibus.

Primus est, ad vitandum detrimentum corporale alicuius, verbi gratia, si quis existimatus bonus homo, cum tamen alio in loco esset damnatus latrocinij, versatur inter aliquos, vnde periculum esset ne res eorum raperet, tunc liceret illos admonere: illum conuictum fuisse latrocinij, nisi aliter possent auertere à conuersatione illius. Similiter, si quis se medicum iactaret magnum, cum esset ignarus, quia est in aliorum detrimentum; licet id dicere: in quo casu licet etiam occultum crimen manifestare.

Secun-

Secundus casus est, cum vergit in detrimentum spirituale alterius, in quo etiam casu licet occultum aperire; vt, si aliquis est hæreticus, cuius statua combusta est alibi: ignorant tamen in alio loco, vbi periculum est inficiendi alios: tunc licet id reuelare: similiter licet malos mores aliquorum manifestare, vt admoneamus alios, ne conuersatione illorum pervertantur.

Tertius est, cum est in publicum detrimentum, vnde, si quis beneficium aut dignitatem vult assumere, cum verè sit inhabilis, nec possit iure recipere, quamuis occulta sit inhabilitas, licet reuelare, quia est in publicum detrimentum. De his vide Nauarr. c. ** inter verba, numero octingentesimo quinquagesimo quarto.

Tertio conclusio, quando nondum est bona fama consecutus, si per iudicis sententiam infamatus est, non est contra iustitiam, nec contra charitatem, in eadem vrbe id manifestare ignorantibus, v.g. hodie Petrus est castigatus pro latrocinio publicè, non est mortale peccatum id dicere alijs, qui adhuc nesciebant in eodem loco. In primis non est contra iustitiam, quia illi ablata est fama, & per accidens est, quòd aliqui ignorent, vel apud aliquos bona fama maneat: præterea non est contra charitatem, quia si non tunc, parùm post apud alios diulgabitur tale furtum, ob id, in nullo iste nocet. Hinc etiam diffamare in alio loco, mittendo literas, aut verbo in alijs locis factum narrando, non est contra iustitiam, vt tenet Caie. loco citato, & Bar. l. ex ea ff. de postulando, quia iste diffamatus verè non habet famam, sicut si non haberet brachia, non esset tamen contra iustitiam in duobus casibus.

Prior est, quando tertia persona infamaretur, vt, si frater diffamatus est in illo loco, cui fama aufertur, si fratris infamia illuc deferatur.

Posterior est, cum diffamato aliquod aliud detrimentum corporale obuenit; puta, quia forsitan occidetur; vel incarcerationitur, vel priuabitur aliquo bono alio temporali. Nec etià esset contra charitatem, extra hos casus, nisi quando diffamatus esset præsens in illo loco: tunc digito notare illum, extra casus secundæ conclusionis, peccatum esset; præterea quamuis sic absens, verisimiliter crederetur, quòd nunquam fama illius criminis perueniret ad locum illum distantem: cum verò quis manifestat in alio loco; quòd aliàs non perueniret infamia illius, contra charitatem peccat.

Quarta conclusio; cum infamia est publica, licet non per iudicis sententiam, secundum Scotum, 4. d. 15. q. 4. non est peccatum in eadem vibe alijs manifestare sicut de infamato per sententiam, dummodò sit verè publica infamia: vt, qui occidit hominem in conspectu publico, vel apud maiorem partem est notum illius homicidium, in alio tamen loco distanti non debet manifestare, vt dicit Soto loco allegato. Per hæc resoluatur dubium primum.

De dubio secundo.

C A P V T LXVI.

Aliud dubium est, an possit aliquis se infamare. Caie. v. detractio, dicit ad hæc duo.

Primum est, quòd nulli licet se infamare, sed peccat qui se infamat, non solum contra charitatem, sed contra iustitiam, & consequenter tenetur ad restitutionem; sibi enim debet famam reddere.

Secundum est, quòd non excusatur per torturam: vnde, qui in tortura sibi famam abstulit, confitendo crimen, quod non fecit, aut reuelando crimen quod non tenebatur, tenetur negare iterum, si falsum fuit, & pati torturam. Fundamentum Caietan. est, quia nullus est dominus suæ famæ, sicut nec suæ vitæ. Contrariam tamen opinionem tenet S. Thomas, 2. 2. quæst. 73. ar. 4. ad primum, & Soto loco citato cum communis sententia, cuius explicationem sunt aliquot dicta notanda.

Primum est, se infamare, non est contra iustitiam, quamuis sine causa aliquis se infamet, nisi ex consequenti. Dico, ex consequenti, quando quis se infamando, alium tertium infamat; tunc ratione tertij peccat contra iustitiam, si sine causa infamando; remota tamen alterius infamia, non est contra iustitiam; nam homo est dominus suæ famæ, sicut & pecuniarum: vnde, eam prodigere, non est contra iustitiam, nec est obligatio ad restitutionem.

Secundum est; se infamare absq; causa, est peccatum contra charitatem, & in duobus maximè casibus est peccatum mortale.

Prior est, quando infamia est grauis multum; vt, qui sibi imponeret crimen hæresis, aut quid simile; non tamen esset mortale,

rale, si imponeret non ita graue crimen, quod non multum esset famæ ablatiuum.

Posterior est, quādo sua infamia alijs nocet; nimirum, cū est persona publica, cuius bona fama alijs prodest. Adde etiam cū intercedit periurium, est mortale; omne enim firmatum iuramento mendacium est mortale. Remotis his casibus, non videtur mortale; præsertim, si non imponit sibi crimen; sed occultum manifestat.

Tertium est, quando aliquis in tortura positus manifestat crimen alterius verè, quamuis non interrogetur iuridicè, non peccat. Hoc est Sot. lib. 5. q. 10. ar. 2. v. g. aliquis iniuste torquetur, vt complicem occultum reuelet, potest iste verum dicere, quamuis grauius peccet Iudex interrogando, & sic torquendo. Ratio Soti est, quia nullus tenetur cum tanto sui detrimento alterius famam conseruare, occultando peccatum commissum illius.

Hoc tamen limitandum est, cū non est in detrimentum publicum illa manifestatio: verbi gratia, cū quis interrogatur, vt manifestet aliquod secretum alicuius Reipublicæ; aut alicuius exercitus, ex cuius manifestatione sequitur, ex graue detrimentum Reipub. aut exercitus illius: vt, cū comprehenduntur milites vnius ab altero exercitu, solent iniuste interrogari, tunc debent potius mori, quàm rem aperire.

Secundò, etiam limitari debet, cū quod scit & interrogatur, cognouit ratione sacramentalis confessionis; tunc mille mortes pati debet potius, quàm aperire: & ad hoc non solum tenetur Confessarius sacerdos, sed etiam interpretes, & laicius audiens confessionem in necessitate, & literatus homo, qui consulitur de remedio peccati.

Tertio etiam limitari debet, quando, qui peccatum illud scit, via iniusta cognouit, putà, vi & extorsione, aut fraude, & dolo: vt, qui in occulto loco peccata alterius audiuit, quæ in confessione dicebantur, tunc debet potius mori, quàm reuelare, quamuis extra istum casum confessionis, si vi, aut alio dolo cognouit, non tenetur occultare in tortura graui, nisi sit peccatum; quod in mortem, vel abscissionem membri alteri, vel aliquod graue nocumentum cederet: cū enim ista non obueniunt illi alteri, posset excusari vi torture. Has tres limitationes ponit Nauarr. in summa, c. 18. n. 32.

Quantum dictum est, potest aliquis absq; peccato, in tortura

nra manifestare suum crimen verum, quamuis non interro-
getur iuridicè, & consequenter se infamare: nec enim tenetur
famam sustentare cum tanto labore, cum sit ipse dominus.
Sed hoc intellige, quando non existimat se alteri nociturum
in spiritualibus: verbi gratia, si quis apud multos esset habitus
in magna exultatione, & haberet crimen occultum, quod si
manifestaret, illi ad hæresim conuerterentur, potius talis mor-
tem deberet pati, quàm manifestare. Similiter quando sequi-
tur Reipub. detrimentum, vt superius diximus. Potest etiam si-
ne peccato mortali confiteri crimen falsò sibi impositum, pro
cuius confessione torquetur, nec hoc est mortale, quamuis sit
ob talem confessionem suspendendus; vt benè dicit Soto loco
allegato. Sed hoc intelligi debet citra iuramentum: nam peri-
urium est mortale peccatum; quamuis si iam commissum est ta-
le peccatum iurando, Confessarius non debeat obligare, vt ite-
rum verum dicat. Intelligendum etiam est, ne doceat alteri, im-
ponendo falsum ei: nam tunc contra iustitiam peccaret morta-
liter, quia non est dominus famæ alterius, sicut suæ; ob id obli-
gandus esset à Confessario verum aperire, quamuis pateretur
mille torturas. Intelligendum etiam est, ne quod imponitur si-
bi, sit hæresis: talis enim forsitan mortaliter peccaret; non tamen
post cōfessionem obligandus esset negare iterum, nisi alijs no-
cuisset, auferendo famam, vel detrimentum inferendo contra
iustitiam. Confessarius ergo multum ista consideret.

De audiente detractorem.

CAPVT LXVII.

NON solum qui detrahit, sed etiam qui detractori con-
sentit, peccat; vt docet S. Thom. 2. 2. q. 73. art. 4.

In cuius gratiam, nota dupliciter aliquem posse con-
sentire detractori: vno modo directè, altero modo indirectè.
Directè consentire stat tripliciter.

Primò, quando quis inducit alterum ad detrahendum, tunc
non minus peccat, quàm detractor.

Altero modo, cum non quidem inducit, sed delectatur in
illa detractione, ex odio, quod habet contra detractam perso-
nam, & tunc etiam non minus peccat, immò aliquando ma-
gis, si odium est maius; & de his duobus modis intelligitur il-

Iud Bernar. 2. lib. de considera. in fine; detrahēre aut detrahētē audire, vtrum horum detestabilius sit, non facili dixerim.

Tertio modo, cūm delectatur, sed non ex odio, sed ob vanitatem, & otiositatem quandam; & tunc frequenter est veniale peccatum; licet detractor aliquando mortaliter peccet. Dico frequenter, & non semper, quia aliquando etiam taliter delectari, est mortale, in casu illo, quo, non impedire, detrahentem esset mortale, vt statim dicemus. Indirectē detrahenti consentire, est non resistere, seu non prohibere detractionem, cūm quis potest. Aduerte autem, quod, qui non impedit detractionem, aut est persona priuata aut publica. Voco publicam, superiorem, & præfectum illius qui detrahit, vt Episcopum & Priorem, aut Generalem, respectu subditorū, patrem respectu filiorum, dominum respectu seruorum & famulorum, &c.

De priuata persona, quæ non est superior ipsi detractori; ipsam dico aliquando peccare mortaliter, non resistendo detractori, aliquando venialiter, aliquando nec mortaliter, nec venialiter.

Peccat mortaliter, cūm ex illa detractione magnum detrimentum obuenit personæ detractæ: tunc enim peccat mortaliter contra charitatem, sicut qui videt furem rapientem bona proximi, & non impedit, cūm possit.

Venialiter verò peccat cūm non sequitur detrimentum notabile proximo.

Aliquando verò neutro modo peccat.

Primò, quando non impedit ex timore, quia timet sibi probabiliter malum, vel nocumentum magnum, & resistat detractori: tunc enim non tenetur impedire. Dico magnum, quia quando parum nocumenti timet, & nocumentum proximi notabile est, tenetur aliquam iacturam pati pro proximo, quamuis non notabilem.

Secundò, quia pudet eum ob reuerentiam, puta, quia detractor est prælatus, est dominus, est persona illustissima, audiens vero est inferior; quamuis, quando detrimentum est graue, teneatur aliquem pudorem pati ob proximum.

Tertio, quando putat probabiliter se nihil profecturum, quia, quamuis ipse audiens discedat, aut loquatur impediendo, adhuc ille non desistat à detractione; si verò persona audiens est publica, vt diximus, tunc, non resistendo contra iustitiam peccat, & grauius, teneturque maius detrimentum pati in resistendo, quam in priuata persona. Quod si nullo modo possit,

possit, vel non sine graui suo detrimento, adhuc etiam non peccant, sicut nec persona priuata. Multum autem quisque, quantum potest, debet fugere detractores, & dicere, & facere cum Dauid. *Detrahentem secretò proximo, hunc persequabar.*

De restitutione famae.

CAPVT LXVIII.

Detractor tenetur famam, quam alteri detraxit, restituere. Vt autem ad talem restitutionem teneatur, aliquae sunt necessariae conditiones.

Prima est, quòd verè abstulerit famam; si enim non abstulit, vel quia persona, cui detraxit, erat infamis, vel quia suae detractioni non est fides adhibita, non tenetur.

Secunda est, quòd contra iustitiam abstulerit; Vnde Iudex iustam ferens sententiam, & accusator, & testis, & denunciās, & alij, qui iustè famam alterius auferunt, non peccant, nec tenentur restituere. Quòd si faciant ista ex odio, peccabunt quidem, sed contra charitatem, ob id restituere non obligantur.

Tertia est, quòd persona detracta nō recuperauerit famam alia via, puta, quia aliquis detractorem conuicij, mendacij, vel quia ipse suo opere famam bonam recepit: tunc enim detractor non tenetur restituere.

Quarta est, quòd persona detracta nō condonauerit famam aut remiserit. Si enim pretium accepit pro infamia, vel gratis nolit sibi restitui, tunc detractor non tenetur. Non tamen semper potest aliquis famam remittere; non enim potest, cum est persona publica, cuius infamia nocet alijs; nec potest, cum ex ipsius infamia sequitur alterius infamia vel detrimentum; nec etiam, cum infamia est contra fidem, vt, de crimine hæresis. Cum tamen solius ipsius est infamia & nocumentum, nec de tanto crimine est, potest condonare, aut pretio aliquo commutare. His positis conditionibus tenetur detractor ad restitutionem.

De modis restituendi famam.

CAPVT LXIX.

Quatuor modis aliquis potest famam alteri auferre. Vno modo, imponendo ei crimen falsum, vnde infamiam contraxit, & qui sic infamauit, tenetur coram his, in quorum p[re]sencia tale imposuit crimen, asserere se esse mentitum & falsum dixisse, & si opus est, id iuramento confirmare debet, vt credatur; & qui libellos infamatorios contra aliquem edidit, tenetur alios in contrarium facere, qui tam effaces sint ad auferendam infamiam, sicut primi fuerunt ad inferendam.

Alter modus auferendi famam est, cū quis crimen aliquius, verū quidem, sed occultum manifestat, & tunc nō tenetur sic restituere famam, vt dicat se falsum dixisse; hoc enim esset mentiri, quod nullus debet facere; sed debet in p[re]sencia illius, cui crimen manifestauit, illum s[er]p[er]e laudare, vt, quantum fieri possit, bonam opinionem habeat ip[s]ius. Aliquando etiam bonum erit dicere, se iniuste dixisse crimen illius, vt per hanc æquiuocationem intelligant alij, illud fuisse falsum: vt, qui morti proximus est, & alterius crimen, propter quod morte plectetur, occultum manifestauit, tunc coram notario deberet dicere, se malè & iniuste dixisse; nam verum secretum patefaciendo, peccauit contra iustitiam enim manifestauit. Attende tamen, quòd, qui p[re]dicto modo, vel isto secundo infamatum aliquem, tenetur de damno illato, quod infamatus ob infamiam incurrit; verbi gratia, si quis ob crimen sibi falso impositum, vel contra iustitiam manifestatum, perdit beneficium vel officium aliquod, vel aliquod temporale bonum, tenetur detractor ad restitutionem talis damni. Attende etiam, quòd si crimen occultum, quod quis manifestauit, accadat postea manifestum fieri, detractor à famæ restitutione liberatur, sed tamē peccauit detrahendo; quamuis, si aliquod damnum infamatus incurrit ob illam detractionem, antequam esset publicum peccatum, teneatur detractor restituere.

Tertio modo, Aliquis famam potest auferre, negando crimen, quod alter ei verè imponit, & consequenter faciendū mendacem: verbi gratia. Aliquis accusat aliquem coram Iudice de crimine vero, iste negat, & negando infamat accusatorem, quia existimatur homo mendax & iniquus, tunc, si iuridicè accu-

accusatur, ita, ut possit probari, & probet crimen, si negat, verè infamat & tenetur restituere; tamen si non probatur crimen, tunc Caietan. verb. rest. cap. 19. dicit obligari ad restitutionem, tamen contrarium tenet Silu. rest. 3. §. 3. Et ita tenendum est, quamvis reus peccet, mendacium dicendo; & mortaliter, si perjurus sit; tamè non tenetur reddere famam alteri, qui iniquus extitit accusator.

Quarto modo, potest aliquis famam alteri auferre, crimen manifestando, imperfectè dicendo se audiuisse ab alio Petrum esse adulterum, vel quid simile; & quamvis Caie. 2. 2. q. 62. art. 6. & Scot. 4. d. 15. putent non esse detractorem, tamen contrarium tenet Soto lib. 4. q. 6. ar. 3. & verè ita est; nam negari non potest; quia audiunt ab aliquo dicente se audiuisse, Petrum crimen commississe, minorem famam & opinionem habere de Petro; ob id, ad aliquam tenetur, isti restitutione, si verè dixerunt saltem laudandi illum alium, & minuendi certitudinem dicti illius, à quo audierunt, si sine mendacio fieri potest.

De tribus dubiis circa restitutionem famæ.

C A P V T LXX.

Dubitare aliquis potest, an cum detrimento famæ propriæ aliquis teneatur restituere alterius famam, quam detraxit.

Dico primò, quod tenetur, etiam cum propriæ famæ detrimento, alie in iniuste ablatam reddere, sicut tenetur, qui furatus est res alienas, cum propriarum detrimento eas restituere; & aliquando cum maiori suo detrimento, quàm sit alterius infamia.

Dico secundò cum Sco. 4. d. 15. cū, qui infamavit, est persona publica, aut illustris, & magni momenti, infamatus autem est mediocris conditionis, non tenetur illustris, & talis persona, cum tanto detrimento, famam illi restituere, licet iniuste, ablatam, sed potest, resarcire pecunia. Et hoc tenet Soto loco allegato, quamvis etiam iste nolit pecunia sibi resarciri. Sed tamen hoc intellige semper, quando est notabilis multum excessus conditionis vnius ad alterum.

Alterum dubium est, an, cum periculo vitæ, teneatur aliquis reddere alteri famam. Dico si infamatus idem etiam pe-

riculum vitæ subeat, absque dubio tenetur ille famam reddere, etiam cum propriæ vitæ periculo; vt, qui crimen hæresis imposuit alicui, vnde illi comburetur, nisi detractor se falsum dixisse affirmet, ob quod occidetur, tunc tenetur verum aperire. Hic attende, quod si ille, qui subit periculum, non patitur hoc ex impositione alterius, sed tantum ob peccatum alterius tunc hic non tenetur verum dicere: ver. gra. Petrus occidit Ioannem: ob errorem comprehenditur Martinus, & morti adiudicatur: tunc Petrus non tenetur se manifestare, quia ipse non imposuit Martino. Quod si vellet se manifestare, aliquando bene & meritorie faceret, in illo nempe casu, quando aliquis potest licite pro alio vitam exponere: quando verò imposuit falsum, & persona detracta non subit periculum vitæ, sed tantum famæ, aut similiter etiam rerum temporalium, detractor verò si manifestet, vitæ periculum subit, tunc dubium est; & quamuis Caiet. loco allegato existimet, numquam obligari aliquem, cum periculo vitæ propriæ restituere famam aut res alterius, tamen ego puto cum Soto esse dicendum, quod si notabilis sit infamia, tenetur etiam cum vitæ periculo rescire. De hoc tamen superius plura diximus, dum de restitutione tractaremus.

Tertium dubium est, cum sunt duo, qui se inuicem infamarunt, an possit alter licite non reddere famam alterius. Dico, cum infamia æqualis est, id licite potest fieri, sicut fit in pecunijs, cum duo inuicem rapuerunt res alterius æqualis valoris, quamuis vterque peccauerit. Sed aduerte, quod si vnus vult alteri famam reddere, iste tenetur etiam illi suam reddere, nec potest cogere, vt non reddat, sed, isto non reddente, non tenetur restituere.

De nono præcepto. Non concupisces res proximi.

Ex cap. xx. Exodi.

C A P V T LXXI.

Avaritiæ peccatum in hoc præcepto prohibetur: In cuius explicationis gratiam, quid Avaritia sit, explicare oportet. Est autem Avaritia, *appetitus diuitiarum voluntarius, & immoderatus*, in qua descriptione quatuor sunt particulae.

Prima

Prima est, *appetitus*. Voco appetitum, actum quo volumus, seu desideramus rem aliquam.

Secunda est, *diuitiarum*. Non enim appetitus cuiuscumque, Auaritia est: nam si est honorum, & propriæ æstimationis, Superbia est; si rerum carnalium, Luxuria; si verò diuitiarum, Auaritia.

Tertia particula est, *voluntarium*. Dicitur voluntarium, quod est spontaneum, & liberum, quod homo potest facere, & non facere: quando ergo homo sic appetit, quod in sua est potestate non appetere, sicut appetere, tunc talis appetitus dicitur voluntarius. Et hoc necessarium est, ut appetitus dicatur Auaritia; non enim peccatum est, quod voluntarium non est. Sed adhuc non sunt ista satis ad Auaritiam; sed opus est quarta particula, ut sit appetitus *immoderatus*, id est, sine modo, sine mensura, sine regula. Regula autem, qua talis appetitus mensurari debet, triplex est, Iustitia, Charitas, Liberalitas.

Quando igitur appetitus est contra iustitiam, tunc auaritia est; quod duobus modis contingit,

Primò, quando aliena appetit modo illicito habere, vel habita retinere: ut, qui vult pecunias alterius, ita ut, si posset, etiam per furtum, vel rapinam, vel vim, vel modo simili habere, utique acciperet; aut similibus modis habita vult retinere; & talis appetitus voluntarius est peccatum mortale, nisi materiæ leuitate fiat veniale.

Altero modo, quando vult habere, quæ ipsi non possunt iuste dari, nec lata potest licite retinere: ut, qui sciens se omnino indignum & ineptum, beneficium, aut officium deliberatè appetit, aut habitum vult retinere, peccat auaritia contra iustitiam.

Tunc autem est appetitus contra Charitatem, quando homo sic suis rebus afficitur, ut eas præferat diuino præcepto, & sit paratus retinere, quamuis præceptum dilectionis proximi non seruetur. Obligatur enim homo lege Charitatis, in extrema aut grani necessitate proximi, ei succurrere cum potest. Cum igitur aliquis sic appetit suas res, ut sit paratus in nullo casu subuenire, aut in tali casu nolit subuenire, Charitatis, est mortale peccatum talis appetitus sine modo Charitatis, Quando verò sic est appetitus ille, ut nec contra iustitiam sit, nec contra Charitatis præceptum, sit tamen contra liberalitatem, qua homo ex superfluis & ex his, quæ non sunt

multum necessaria, habet quandam obligationem subueniendi necessitatibus aliorum, quamuis non grauib; tunc, vt plurimum, est veniale peccati, saltem ex genere suo, nec fit mortale, nisi contra iustitiam, aut contra charitatem sit. Est ergo auaritia, diuitiarum appetitus, voluntarius, & immoderatus. De auaritia tractat S. Thom. 2. 2. q. 118. quæ est contra iustitiæ, charitati, & liberalitati.

Quid Gabella, & quotuplex.

C A P V T LXXII.

VT Auaritia in particulari consideretur, oportet ab examinatione gabellarum incipere. Videntur autem gabella sic definiti posse: *Gabella est tributum publicum, à Principe in communem vtilitatem exactum.* In hac definitione quatuor sunt partes.

Prima est, *tributum*, Voco tributum id, quod aliquis dat, seu contribuit, siue pecunia sit, siue pecunia æstimabile.

Secunda est, *publicum*: nam gabella non ab vno, aut altero exigitur, sed à communitate.

Tertia est, *à Principe*. Per principem, intelligo publicam potestatem; non enim est priuati hominis exigere gabellas, nisi superioris potestatis, vt dicetur inferius.

Quarta est, *in communem vtilitatem*: non enim gabella contribuitur, nisi in bonum, & vtilitatem publicam. vnde, si dantur aliquando ad Regis sustentationem, id est, quæ Regis conseruatio vtilitas est publica. Vides in hac descriptione causam materialem, efficientem, & finalem. Materialis est, tributum; efficiens, est Princeps, seu publica potestas: finis est, communis vtilitas. Multis modis potest, & solet diuidi gabella, de quibus vide Silu. verb. gabella, i. nec doctores sibi constat in his nominibus; modi tamen, qui magis videntur in vfu, quatuor sunt.

Primus modus, dicitur vectigal, à vehendo, quod ex mercibus, quæ inuehuntur in ciuitatem, soluitur. Fuit autem institutum istud tributum, ad expensas pro extructione pontium & viarum, & ædificiorum communium, etiam ad Principum sustentationem. Dicitur portorium, eò, quòd in porta ciuitatis soluitur. Dicitur Italicè, Doana. Dicitur etiam pedagium.

Secun^a

Secundus modus est, qui soluitur pro ducatu vitæ, vt homo securum habeat iter à latronibus; & dicitur guidagium, quod aliquando è mercibus, aliquando è sola persona soluitur.

Tertius modus est, qui soluitur ex his, quæ in ciuitate emuntur, & venduntur, & dici potest vocabulo restricto, gabella; defectu enim nominis, commune applicamus particulari.

Quartus modus, dicitur Italicè tallia, id est, summa aliqua, quam Princeps aliquando, pro occurrentibus necessitatibus, solet exigere ab inferioribus: hæ species, seu modi gabellæ videntur communiores, & magis in vñ esse.

De iustitia exigentis vectigalia.

CAPVT LXXIII.

Quatuor sunt necessaria, vt prima species Gabellæ iusta sit.

Primum est ex parte causæ efficientis, vt sit imposita ab Imperatore, vel Rege, vel Concilio generali; vel sit tam antiqua, vt memoriam vincat hominum. Ita habet in c. super quibusdam, de verb. signific. Cùm Concilio Doctores intelligunt Papam, qui ex se potest exigere. Sub Rege, Tabie & Armilla intelligunt ciuitates Italia, quæ mistum habent imperium, id est, temporalibus nulli substant; vnde consequenter intelligitur Dux Florentinæ, Dux Ferrariæ, & similes.

Quando autem aliquis, absq; facultate talium, noua imponit vectigalia, iniusta sunt; & excommunicatus est in Cœna Domini, qui, sine facultate, noua pedagia imponit. Etiam iniustum est, vetera augere; & aliqui volunt, etiam incurri excommunicationem prædictam. Tamen Armilla verb. gabella, §. 8. & Rosel. excommunicatione, quadragesimo quarto, §. 5. dicit, non incurrere; quia ibi solum habetur, quia noua imponunt; poenæ autem sunt restringendæ. At, in contrarium est communis opinio, quam tenet Angel. verb. pedag. §. nono, & Siluest. excommunicatio. 8. §. 14. Nauarr. capit. 29. num. 58.

Secundum est, ex parte materiæ, super quam imponitur vectigal. Non enim de his, quæ in proprios vsus inuehuntur,

exigenda est gabella: hoc enim est prohibitum, C. de vectigal. l. vniuersi, vbi prohibetur, ne vectigal. exigatur de his, quæ in proprios vsus inuehuntur, aut ad soluendum fisco, aut de his, quæ reuehuntur ad colendum rus. Talia autem vectigalia exigere, non solum est peccatum, sed excommunicationi. Cœnz Domini annexum, vbi excommunicantur, qui prohibita pedagia exigunt.

Tertium est, ne exigatur à personis Ecclesiasticis; nam cap. quamquam, de casibus, prohibetur sub excommunicatione Episcopali, ne vectigalia exigantur à Clericis, quod intelligitur de his, quæ in proprios vsus inuehuntur, secus de mercibus, quæ negotiandi causa vehuntur. Dices, quæ igitur differentia est, inter ipsos, & laicos? Dico, quod ante bullam Cœnz, non erat excommunicatio contra exigentes à laicis, post bullam verò Cœnz, est excommunicatio, non solum à Clericis, sed etiam à laicis exigere, & iam non est Episcopalis. Rursus, vt dicemus, differentia est, quod collectas ex proprio vsu licet à laicis, sed non à Clericis exigere, sine licentia Papæ.

Quartum est, vt sit gabella moderata. Quam moderatione Balasignat, super l. 2. C. de iure aureor. annul. vt non excedat tertiam octauam partis mercium. His conditionibus, adde finem superius positum, vt sit communis vtilitas: nam cum Princeps in proprios luxus, & prodigalitates exigunt, non excusantur à iustitia diuina. Nota, necessarium etiam esse, vt vectigalia non excedant 24. partem mercium, ex quibus exiguntur. Hic aduerte, Princeps, videntes se non posse exigere gabellas ex his, quæ in proprios vsus inuehuntur, à quibus, nomen mutant, & idem pretium, & tributum exigunt, sed vocant collectas, quas dominus Caietan. non probat, verb. vectigal. Tabiena verò & Armilla probant cum limitatione, purà, cum distinctione procedendo; Regibus, & potestatibus secularibus non licet, nisi cum duabus conditionibus, quas ponit Tabien.

Vna, vt sit propter grauem necessitatem.

Alterà, quod à proprijs subditis tantum exigatur, non à forensibus. At Pontifici, quia ipse non substat legibus Imperatoribus, licet etiam à forensibus exigere per suum statum transeuntibus, non tamen sine urgente necessitate, quæ in vilitatem communem tendit: & reuera vix potest talis necessitas accidere; nam videtur iniustitia hic committi, cum plus soluat, qui plus in proprios velit vsus, plus autem inuehat, qui

qui plus indiget. Quomodo ergo iustum est plus exigere a plus indigente. Melius fieret, si talis gabella aliter suppleretur.

De iustitia exigentis Guidagia.

CAPVT LXXIV.

TAbiena benè dicit, non licere dominis ista Guidagia exigere, quia ipsi tenentur suas terras securas facere, & quietas. Quòd si aliquid possint exigere, tunc tenentur ad restitutionem eorum, à quibus viatores spoliuntur, cum eorum negligentia accidit, quia custodias non ponunt. Cum igitur hoc in usu non sit, non licet eis talia exigere. Licet tamen istis iusticiis accipere aliquid à viatoribus, ut viam doceant, ut ipsos comitentur ad securitatem, quia ad hoc non tenentur isti de iustitia ob id, pretium recipere possunt. Guidagia etiam non possunt imponi, nisi à quibus vectigalia, cap. super quibus, de verb. signifi. Circa primam verò speciem gabellæ, non videtur necessarium, ut imponatur ab Imperatore, Rege, vel alijs prædictis personis: potes enim imponi, etiam à dominis subditis Principibus: nam caput illud prohibens impositionem gabellarum omnibus, præter prædictas personas, non procedit, nisi de pedagijs, & guidagijs; reliquæ verò tres conditiones ut moderatum sit pretium, & non exigatur ab Ecclesiasticis personis, sine licentia Papæ; & non exigatur ex his, quæ in proprium usum emuntur, & necessaria sunt. Et quamvis ista tria possint quando non seruari, tamen debet esse in necessitate aliqua vigente, & in bonum commune vergente, cui aliunde vix, aut nullo modo possit succurri. Quæ quidem necessitas, vix potest occurrere. Vnde, tales gabellæ, quæ ex his, quæ ad sustentationem propriam emuntur, exigi solent, magnam speciem habent iniustitiæ, & vix possunt iustificari. Et ex hac parte, illa gabella, quæ apud Hispanos dicitur, *alcavala* videtur iniusta; quæ quidem exigitur, tum è mercibus, tum ex his, quæ in proprios usus emuntur: nec solum ex hac parte iniusta videtur, sed etiam quia iam cessauit finis, propter quem fuit imposita; puta, bellum Granata, & quamvis bellum esset, Reges illi sunt adeò diuites facti, & gabellæ etiam aliæ adeo pingues, ut possit prouideri sufficienter, atque tanta exactione,

Circa

Circa Talliam verò, obseruandæ sunt conditiones tres quarum vel vna deficiente, iniusta censetur.

Prima, vt non imponatur, nisi ob communẽ & publicam vtilitatem, qua cessante, statim cesset. Vnde, non bene faciunt, qui exigunt gabellam, vel talliam aliquam quotannis, pro murorum erectione, vel pro fortificanda ciuitate, vel pro alio bono communi, & cessantibus finibus his, adhuc exigunt tales gabellas.

Secunda est, vt non imponatur, nisi graui existente necessitate communis vtilitatis, cui vix potest ex alijs publicis redditibus succurri.

Tertia est, vt modo iusto imponatur, nec oneretur plus pauper, quàm diues; cum iniustitia potius exigit; vt qui plus habet, plus ab eo exigatur. Est autem hic considerandum, quòd licet Principes possint facere aliquos exemptos à solutione gabellarum, debent tamen ita facere, vt quod ab illis exacturi erant, non oneretur super alios pauperes: esset enim tunc ex aliena arca facere eleemosynam. Hoc autem necessarium est in omni gabella, & cessante fine, propter quem imposita est, ipsa cessat, nisi alius æqualis finis successerit: ex qua parte, multæ gabellæ multum habent ex iniustitia admistum.

De iniustitia soluendas gabellas.

CAPVT LXXV.

Quatuor punctis continentur ea, quæ ad soluendas gabellas pertinent.

Primum est, nullus tenetur reddere poenam impositam non soluētibus gabellas, quāuis non soluerit, nisi prius condemnatur per iudicis sententiā: v. g. est poena, qui non soluit gabellam mercium, perdit totas merces, si quis est, qui noluit soluere quamuis peccauerit, tamen non tenetur restituere talem poenam, donec per Iudicem damnetur. Hæc est communissima doctorum sententiā.

Secundum est, quādo gabella cognoscitur iniusta, nullus peccat non soluendo gabellas, nec tenetur tales restituere. Est autem iniusta gabella, quādo deficiunt conditiones superius posita.

Tertium est, quādo gabella est iusta, aut non est certum esse

esse iniustam, tunc peccatum est non soluere, & obligatur homo ad restitutionem, quia est contra iustitiam. Dixi autem, quando non cognoscitur iniusta, quia subditus, nisi ei nota sit iniustitia, debet facta Principem ut iusta probare. Vnde, 23. quæst. 1. cap. quid culpatur, dicit Papa, milites posse pugnare in bello iusto, vel in bello, de quo non sunt certi, esse iniustum.

Quantum est, sufficit soluenti gabellas, ut sine ulla fraude merces suas vehat, paratus soluere gabellam: quod si non exigatur ab eo, non tenetur ipse querere exactores. Ista est Tabien. verb. pedagium, §. 8. & Soto lib. 3. de iust. in fine. Dixi, sine fraude, quia non licet abscondere merces, nec pacisci cum custodibus, vel alijs uti dolis: tunc enim à restitutione non excusatur; sed debet aperte, & absque fraude, ac si gabella non esset exigenda, procedere. Adhuc autem limitandum hoc videtur, quando est consuetudo in illis terris exigere, & custodias ponere. Quod si consuetudo esset, quod ipsimet præsentarent merces, utique tenerentur hoc facere in gabella iusta. Soto adhuc limitat, dummodò non sit magni momenti; sed ego puto, si dubia esset gabella, quod adhuc non teneretur, dummodò ut dixi, fraude non utatur. Sunt autem valde dubiæ istæ gabellæ, quæ exigantur ex his, quæ in proprios usus, & familiæ quis erit.

Quid beneficium, & quotuplex.

CAPVT LXVI.

Beneficium, ut in præsentî sumitur, & aliàs sacerdotium dicitur, sic definiti posse videtur: Est *ius percipiendi fructus, ex bonis Deo dicatis, clerico propter diuinum officium, componens.*

In qua definitione quatuor sunt partes.

Prima est, *ius percipiendi fructus*, id est, facultas, seu potestas secundum iustitiam recipiendi, & exigendi fructus, puta, pecunias, vel alia in sustentationem necessaria.

Secunda pars, *ex bonis Deo dicatis*. Aduerte: in principio nascentis Ecclesiæ, illi Christiani sua bona, seu magnam partem eorum offerebant Deo, in sustentationem eorum, qui Ecclesiæ seruiebant, & in præparationem eorum, quæ necessaria erant

erant diuino officio, puta, vasorum, templorum, & aliorum vnde ex his bonis, & decimis: quæ etiã in tales vsus soluebantur, collecta est magna summa reddituum Deo dicatur, quæ post diuisa est in quatuor partes à Papa Sylu. vt habetur c. 4. suorum decretorum: Vna data est Episcopo, altera fabricæ Ecclesiæ reseruata est; altera inter clericos talis Ecclesiæ diuisa, pro ministeriorum qualitate; quarta pauperibus. Est ergo beneficium, ius exigendi fructus ex ista parte, quæ personis ecclesiasticis obuenit.

Tertia pars est, *Clerico competens*; nam sæculares non possunt de iure habere beneficia.

Vltima pars est, *finis*, nimirum, *ob diuinum officium*, quod in laudibus diuinis consistit, in sacrificio Missæ & sacrorum administratione, non quod isti redditus dentur in pretium, sed in sustentationem talium personarum, vt à cura sibi providendiliberæ Deo melius vacare possint. *In populi viliitatem*; In ista quarta parte differt beneficium à præbenda, puta, quod non est annexa canonici: nam præbenda datur homini sæculari, non ob tale officium, sed, vel quia bene meritus est de Ecclesiâ, vel quia in spiritualibus seruit Ecclesiæ, vel ob paupertatem, vel aliam honestam causam: vnde talis præbenda, est ius percipiendi fructus; sed non ob diuinum officium; ob id, non est beneficium: & in hoc eodem differt à pensione, quæ propter tale officium non datur, licet in reliquis conueniat. Circa species, seu modos beneficiorum Sylu. verb. benefic. i. dicit multa; nihil videtur magis ad rem, diuidi posse in quatuor genera. Quædam enim habent curam animarum, & iurisd. annuam exteriorem, vt Episcopatus, Abbatia aliquæ, & Prioratus: Quædam neutrum habent, sed tantum officium diuinum, vt beneficia dicta simplicia, cappellania, &c.

Alia habent iurisdictionem, sed non curam animarum, quæ in administratione sacramentorum consistit, & huiusmodi sunt aliquæ Abbatia, quæ dicuntur iurisdictionales: similiter dignitates, vt Archidiaconatus, & Decanatus, quæ quandam iurisdictionem in choro habent. Quædam, quarto loco, curam habent animarum, sed non iurisdictionem, vt beneficia, quæ dicuntur curata.

Quis possit conferre beneficia.

CAPVT LXXVII.

PARUM ad Confessarios pertinet scire hoc, tamen ad doctrinæ plenitudinem dico aliqua.

Primum est: Papa, de plenitudine potestatis, habet facultatem conferendi ubiq; terrarum beneficia quæcunque: est enim summus dispensator rerum Ecclesiasticarum.

Secundum est, de iure ad ordinarium spectat, beneficia suæ diocesis conferre, nisi sit aliquod statutum in contrarium, vel aliqua immemorabilis consuetudo; tunc enim alius ab Ordinario posset conferre.

Tertium est, capitulum non potest conferre beneficia per se nisi in tribus casibus.

Primus est, quando Ordinarius est suspensus à collatione beneficiorum, vt non possit conferre; aut excommunicatus, cuncta, de excess. prælato.

Secundus, quando vacat sedes, & tale beneficium, quod capitulum cum Episcopo solebat prouidere; tunc enim Episcopo, aut Ordinario vacante, solum capitulum potest conferre; secus, quando solus Ordinarius conferre debebat.

Tertius, quando est beneficium iure patronatus: quamvis enim solus Ordinarius conferebat, sede tamen vacante, potest capitulum. Extra istos casus non potest de iure: secus, si aliquod speciale habebat priuilegium, vide Syl. beneficium 2.

Aduerte tamen, aliud esse beneficium conferre, aliud resignare, præsentare, & eligere. Conferre est dare ipsum ius, & titulum exigendi fructus, & potestatem exercendi officium, & hoc solum ad prædictas personas pertinet. Resignare verò est, signare, & determinare aliquem, cui beneficium conferatur, & hoc facit, qui vnum habet beneficium, & vult in alterum transferre. Eligere verò est, vnum aliquem offerre Ordinario, vbi beneficium cõferatur ei: & hoc possunt faculares facere, & soli fiebat, & modò fit in aliquibus locis, in quibus populus, aut capitulum eligit vnum, vel duos, vt eis beneficium conferatur. Præsentare est, cum absque suffragijs id facit aliquis, ex facultate sibi concessa: vt, qui habent ius patronatus, vnum præsentat, cui Ordinarius beneficium conferat. Hi tres modi semper indigent primo, qui fit per prædictas personas.

Contin-

Contingit ergo modis quatuor, aliquem dare beneficium, aut per viam collationis, aut per viam resignationis, electionis, aut præsentationis.

*Quomodo aliquis debeat dare beneficia
altari.*

CAPVT LXXVIII.

Quicumq; aliqua via ex prædictis quatuor, alteri dat beneficium aliquod, duo debet obseruare.

Primum est, vt det gratis, id est, absque pretio vllius rei pecunia appretiabilis: tunc enim esset graue peccatum simoniae, de qua dicemus inferius.

Secundum est, vt det iuste. Iustitia autem in duobus consistit.

Primum est, vt det digno; qui enim vilo modo dat beneficium indigno, quem scit indignum, grauiter peccat, & tenetur ad restitutionem Ecclesiae, cuius redditus male locat. Quantum autem sit hoc peccatum, indignis beneficia conferre, hinc videri potest.

Primò namq; iniuria Deum officit, quia ipsum priuat honore, & cultu suo, ad quem beneficium est institutum.

Secundò, iniurius est Ecclesie, quia redditus ipsius male collocat, dando ipsi ministrum ineptum.

Tertiò, iniurius est multis dignis, quibus beneficium poterat dari. Graue ergo peccatum est, beneficium dantis indigno. Dices, quæ sunt necessaria ad hanc dignitatem? Dicò tria.

Primò est necessaria scientia, saltem eorum, quæ ad suum officium spectant.

Secundò, morum compositio, & rectitudo: qui enim corruptis est moribus, ineptus est ad Dei officium, & consequenter ad beneficium.

Tertiò, aptitudo ad exercendum tale officium: qui enim doctus, & bonus est, tamen nescit exercere officium, illud, vel non potest, quia alijs occupatus non potest vacare tali officio, vel quia, etiam si non occupetur, tamen non est datus praxi, & exercitio exteriori, tunc indignus censetur. Est igitur hoc aduertendum, ne indigno conferatur; qui aliter confert, aperte conuin-

convincitur de acceptione personarum: nō enim ex bona causa, & rationabili moveri potest sic ad conferendum.

Secundum etiam est, in quo talis iustitia consistit, ut digniori detur beneficium, qui enim prætermittit digniorem, etiam si conferat digno, peccat, ut tenet S. Thom. 2.2.q. 63. artic. 2. quamvis ad restitutionem non obligetur. Similiter etiam, quia alia via à prædictis dat beneficium. Et licet aliqui velint, non peccare, dummodo digno det, tamen probabilior, & communior opinio est, quod peccat: ratio enim naturalis id videtur postulare; ut, si aliquis habet pecunias alterius, ut ei ministrum provideat, profecto debet digniorem, & meliorem quam potest, dare; aliàs, iniuria afficit ipsum, qui dedit pecuniam, & digniorem. Verum est, quod debet iste excessus percipi: quando enim est parvus, aut non bene dignoscitur, nullum est inconueniens, si digno detur, præsertim si spectatur maior futura dignitas probabiliter, quam sit in præsentia. De hoc tamen superius diximus, dum de Episcopo loquebamur.

Duo sunt casus, in quibus potest dari beneficium digno relicto digniori.

Unus est, in beneficijs patrimonialibus, in quibus distribuendis potest relinqui dignior, si externus est, & eligi cuius dignus si tamen indignus est, non debet vllō modo dari, sed potius exterminus est admittendus.

Alter est, in beneficijs, quæ quis ex rebus proprijs instituit, & vult dari ijs, qui sibi sunt cognati, de quibus habetur 16. qu. 7. cap. monasterium. Talia possunt dari digno cognato; relicto digniori non cognato, cui non debet conferri: quamvis, quando talia curam habent animarum, non sit bona talis institutio; ut, si quis instituat monasterium, &

velit suam cognatam esse Abbatissam. Sunt

ergo beneficia ecclesiastica, gratis,
& iuste conferenda.

De accipiente beneficia.

CAPVT LXXIX.

Necessaria sunt duo accipienti beneficia. Vnum est aptitudo subiecti. Alteri debitus modus Circa prius, Concil. Trid. sess. 22. c. 4. statuit, vt non habeat beneficia, nisi qui iuris conditiones habet.

Harum autem prima est, vt sit clericus; qui enim saltem primam tonsuram non habet, non potest, absque speciali Papæ facultate, habere beneficium.

Secundò, vt sit ex legitimo matrimonio; nec enim illegitimus absque dispensatione potest accipere beneficium.

Tertiò, vt sit legitimæ ætatis; cap. cùm in cunctis, de elect. determinatur ætas in Episcopo, vt attingat trigessimum annum; in curato, vt attingat vigesimum quintum. In Concil. verò Trid. sess. 23. cap. 6. assignatur ætas aliorum beneficiorum simplicium, vt sit quatuordecim annorum. Sine hac autem ætate, beneficij collatio nulla est circa dispensationem.

Quartò opus est, vt non sit iuris impedimentum, puta, irregularitas, excommunicatio, & alia huiusmodi.

Quintò, vt sit dignitas, quæ in tribus prædictis sit, scientia, morum rectitudine, & aptitudine in officium, quæ in pueris licet actu non sit, sufficit esse in probabili spe.

Sexto, vt non habent aliquot beneficium: qui enim vnum habet, non potest alterum accipere, sine dispensatione. Occasione huius, de beneficiorum pluritudine aliqua oportet considerare, quæ tam penitentibus, quàm confessarijs necessaria sunt.

An liceat habere plura beneficia simul.

CAPVT LXXX.

Plura beneficia habere, est de eorum numero, quæ mala sunt, tamen possunt bona fieri, si aliquibus bonis circumstantijs copulentur. Explico; sunt aliqua, quæ ex se mala sunt, & numquam possunt fieri bona, vt mentiri, quocumque modo, & sine quis mentiatur, semper peccat. Non est huiusmodi, plura habere beneficia; nam aliquando licitum est, & bonum

bonum. Alia sunt, quæ ex se indifferentia videntur, nec mala nec bona, nisi sine determinantur, vt ambulare. Quædam ex se mala videntur, tamen cum aliquibus circumstantijs bona sunt, vt occidere hominem, malum sonat statim, tamen si fiat modo aliquo, puta, in propriam defensionem, aut in Reipubl. utilitatem, bonum est. Huiusmodi est hoc, plura habere beneficia, malum simpliciter est, quamuis, cum quibusdam circumstantijs, bene fieri possit. Statuamus ergo primò, quare malum secundum se sit.

Huius autem rationes multæ sunt.

Primò, quia priuatur Deus cultu suo; magis enim per plures ministros, quam per vnum colitur.

Secundò, priuatur ecclesia suo iure: dum enim plura beneficia vnus vsurpat, ecclesia caret suis ministris, & sic destruitur.

Tertiò, fit iniuria alijs dignis, qui beneficio priuantur, dum vnus plurimum loca occupat.

Quartò, videtur contra rationem naturalem; nam vnum membrum vnum habet corporis officium, & vnus minister vnum debet habere officium. Vnde Gregorius, distinct. 89. cap. singula. ita statuit, vt singuli singula haberent beneficia.

Quintò, datur locus ambitioni, dum vnus non contentus his, quæ habet, plura habere anhelat.

Sextò, pereunt studia bonarum literarum; nullus enim studio scripturæ sacræ incumbit, sed scientijs humanis, de pane merando, quia vident se non posse vllum pro merito consequi beneficium. Non ergo dubium est, quin malum sit secundum se, plura beneficia vnum possidere.

Quando liceat plura habere beneficia.

CAPVT LXXXI.

Non est ita malum, plura beneficia habere, quin liceat; causis rationalibus, ea retinere. Causa autem ista, quæ hominem in conscientia tutum faciunt, per tres sequentes regulas explicantur.

Prima est, licitum est, in casibus iure concessis, plura retinere beneficia, etiam curata. Pro declaratione aduerte, aliter se habere ius ante Concil. Triden. aliter post. In antiquo iure

licebat in sex casibus, plura simul habere beneficia, etiam curata.

Primus habetur 10. q. 3. can. vnico quādo sunt exigui redditus beneficij, vt vnus non possit sustentare ministrum talem, quali indiget ecclesia illa, habita ratione personæ, loci, & temporis, tunc concedit ius, vt plura possint haberi, donec faciant conuenientem sustentationem, & sic 21. qu. 1. ca. illud, concessum est, vt vnus sit Archiepiscopus Tarraconensis, & Episcopus Fundensis. Sed attende, quod isti redditus sunt mensurandi iuxta ministri qualitatem, quā ecclesia indiget; si enim ecclesia potest ministrari per ministrum, qui centum possit alij non debet beneficium dari alteri, qui indiget mille, propter luxum suum, vel sublimitatem suam, sat est ecclesiæ, vt tot redditus dignum possit habere ministrum.

Alter casus habetur 21. q. 1. c. clericus, putā, cūm est indigentia hominum, id est, cūm non sunt ministri plures, qui retineant beneficia, plura tunc vni conferri possunt. Sed intellige, de indigentia, & defectu dignorum; licet enim multi sint, qui beneficia acceptent, tamen pauci digni sunt, tunc ex defectu dignorum, vni digno plura conferri possunt.

Tertius est, 21. qu. 1. ca. qui plures, cūm vnum beneficium habent in titulum, alterum in commendam: solebat enim tunc beneficium dari alteri beneficiato, donec quæreretur dignus, cui posset conferri, quia, qui beneficium iam habebat, dignus præsumebatur, & tunc dicebatur illud habere in commendam. Hac via potest vnus plura beneficia habere. Sed attende, quod non debet esse hoc cum fraude legis, quales sunt commendæ perpetuæ, seu ad vitam; tunc enim perinde est, ac in titulum habere, & è contra, ratione commendæ. Sed humana auiditia inuenit fraudes; cūm enim vnus non possit habere plures Episcopatus, aut beneficia, aut saltem beneficium, tunc habet in commendam perpetuam, quod profectò fraus est contra legem.

Quartus casus habetur ca. eam te. de ætate, qualita. ordin. præfici. & cap. quia monasterium, de relig. domi. quando duo beneficia vnita sunt, & ad vnum redacta. Sed attende, istas rationes diuersarū ecclesiarum non esse licitas, nisi in vtilitatem, vel necessitatē ecclesiarum ipsarum fiant, quia aliter non possunt commodè ministrari; vel ob causas, quæ in ipsarum commodum sint. Cum enim tamen fiant ob auaritiam, & ad diuitandas personas. contra bonum ecclesiarum, non sunt in con-

scientia securæ; & sic in Concil. Trid. multa dicta sunt contra istas vniones.

Quintus casus habetur cap. extirpandæ, de præb. quando aliquis habet canonicatum in Ecclesia cathedrali, & habet aliquam parochiam annexam, ratione annexionis, potest vnus plura beneficia habere, quamuis olim, cum iste casus concessus fuit, canonici erant Episcoporum consultores, ob id, eis concedebatur in cathedrali Ecclesia residere, & vicarium in parochia constituere: modò autem, cum iam non id faciant, sed aliquando otiosi sint, melius forsitan esset, si in parochia resideretur, & vicarius in cathedrali poneretur.

Sextus casus habetur cap. de multa, de præben. Sublimibus, & literatis personis conceditur plura habere beneficia: sed hoc intellige, cum talis sublimitas, & scientia sunt ornamento Ecclesiæ, & vtilitati, & aliàs non. Semper enim ante oculos habendum est, vt beneficium nõ detur, nisi accipiatur, nisi in Ecclesiæ vtilitatem, cuius bona sunt, quæ distribuuntur. In his casibus; ius antiquum concedebat pluralitatem beneficiorum: tamen Concil. Trid. quatuor casus statuit de nouo, qui nostris temporibus magis conueniunt, sicut ius antiquum illo tempore conueniens fuit.

Primus habetur Sess. 24. c. 13. Non potest vnus plures sedes Episcopales habere, quamuis exigui redditus sint, quòd si conueniens videbitur, aliquando vni dari plures, tunc Concil. Provinciale debet causam examinare, & remittere Pontifici, vt disponatur quod iustum fuerit.

Secundus habetur ibidem; Nullus potest plura curata beneficia habere, nec quæ residentiam exigunt, vt sunt illa, quæ habent iurisdictionem, vel chorum. Quòd si aliquando redditus vnus valde exigui fuerint, tunc poterit Episcopus dare beneficium simplex, non tamen cum cura, vel residentia; quòd si non fuerit, alatur tunc ex decimis, vel ex parochialium contributione.

Tertius est in eadem Sess. cap. 17. Nullus deinceps potest habere plura beneficia, etiam sine cura, quocumque modo, nec etiam ad commendam perpetuam, nisi cum vnum ad sustentationem, pro ratione personæ, loci, & temporis non sufficit. Aduerte tamen, quòd Concilium aliter de curatis, aliter de simplicibus loquitur: nam de curatis, & Episcopatibus, vult, vt, qui ante Concilium habuerunt, relinquunt, & cum vno maneant: de simplicibus statuit, vt in posterum fiat,

vt dixi, antecedentes autem in possessione relinquit.

Quartus est, Sess. 7. cap. 7. in annexis parochijs ad canonicatum, Episcopus sua manu constituat Vicarium perpetuum, cum tertia parte fructuum, nisi aliquando id videatur aliter conuenire. Hæc sunt, quæ modò obseruanda sunt post Concilium. Et prima posita regula sic procedit. Qui plura habet beneficia in casibus à Concil. concessis, tunc licet habet: qui de nouo duo sunt pro posteris: primus quando simplex est cum curato, ratione exigui redditus: secundus quando ob eandem causam simplicia plura sunt: vnde, ius hoc idem ferè est cum antiquissimo Greg. can. singuli, dist. 89. in quo singuli, singula tantum habere beneficia sinebantur.

Secunda regula, non obstare isto iure Concil. qui cum Pontificis dispensatione plura, quæcumque, & quomodocumque beneficia habet, tutus est in conscientia. Sed aduerte, vt in foro exteriori possit illa habere, satis est dispensatio; tamen, vt in conscientia, & coram Deo tutus sit, necessaria etiam est causa dispensationis. Hæc autem causa debet esse in utilitatem Ecclesiæ, vel ob ipsius Ecclesiæ necessitatem. Quando causa non est in bonum Ecclesiæ, non est bona dispensatio, nec est homo securus coram Deo. Rursus, quamuis ista causa sit, non potest sine dispensatione habere plura beneficia pingua, quia est contra Concil. sed vtrumq; est necessarium, dispensatio, cum causa conuenienti.

Tertia regula est: Qui hætenus ante Concilium plura simplicia habent beneficia, quamuis retinere possint, in foro exteriori securi, tamen in conscientia securi non sunt, nisi causa iusta sit huius pluralitatis: quæ causa debet esse, quæ ex se concessis in iure antiquo, vel quæ sit in Ecclesiæ utilitatem. Denique plura habere beneficia, quorum redditus excedunt conuenientem sustentationem, habita ratione personæ, loci, & temporis, malum est, nec in bona conscientia talis pluralitas retinetur: nec idem est de vno beneficio pinguisimo, quia hoc vnum habet officium; at plura beneficia, plura habent officia, quæ sine iusta causa, non debent dari vni, etiam digno. Hæc dicta sunt de pluralitate, superest de residentia: sed iam diximus de ea in tertio præcepto. Non sat est istas habere condiciones, ad habendum beneficium, sed modus necessarius est, id est, vt sine simonia habeatur, sed gratis & absque pretio: sed de simonia paulò inferius dicemus, postquam de pensionibus beneficiorum aliquid dixerimus.

Quid Pensio, quod duplex, in quibus à beneficio differat.

CAPVT LXXXII.

Pensio sic potest describi: *Est ius percipiendi fructum ex alieno beneficio.*

In declarationem, nota in beneficio duo esse.

Vnum est, dignitas quædam Ecclesiastica, ad aliquod officium in Ecclesia ordinata, & ista vocatur titulus.

Alterum est, ius quoddam percipiendi fructus ex bonis Deo datis. Aliquando vni, & eidem vtrumque inest, & tunc non est pensio; aliquando accedit, vt vnus habeat titulum, & alter habeat ius percipiendi fructus omnes, aut partem aliquam eorum, & tale ius dicitur pensio, & qui istud ius habeat, dicitur pensionarius. Et hoc patet declaratio pensionis, quantum ad eius definitionem.

Pensio triplex est, quædam est temporalis, quædam spiritualis, quædam media, nec omnino temporalis, vt prima, nec spiritualis, vt secunda.

Temporalis est, quæ datur etiam laicis, pro aliquo ministerio temporali extra Ecclesiam exhibito, vt militi, vel duci pro Ecclesia pugnanti, dari solet pensio aliqua, siue perpetua, siue temporalis, ex bonis Ecclesiæ. Similiter alteri, negotia eiusdem Ecclesiæ temporalia agent, vt æconomis, & alijs huiusmodi. Tales sunt pensiones datæ Regibus Hispaniæ, qui habent tertiam partem decimarum: hoc enim est datum ab Ecclesia, pro defensione, & pace, in qua sustentant Ecclesiam ab inimicis.

Spiritualis est, quæ datur ob officium aliquod spirituale erga Ecclesiam, vt, quæ datur Concionatori, propter concionem & coadiutori Episcopi, vel Parochi, vel Sacristano, vt Ecclesiam præparat, & ei inferuat.

Media est, quæ datur alicui ob resignationem, vel cessionem beneficij, & hæc communiter hodie vsitatur: cum enim, quis alteri suum resignat beneficium, retinere solet pensionem aliquam, vel cum cedit iuri, quod habet circa tale beneficium.

Istæ tres pensiones multum à beneficio differunt, quamuis quædam minus, quædam magis. Beneficium enim, inter alias habet istas quatuor proprietates.

Prima est: Qui habet beneficium, tenetur persolvere singulis diebus horas canonicas, vt aliàs diximus.

Secunda: Non potest beneficium vendere, nec mutare pro re vlla, vel pretio temporali.

Tertia: Potest commutare cum altero beneficio, & dignitate spirituali.

Quarta, si ducit uxorem, perdit beneficium, nec potest vilo modo retinere. Ista competunt beneficio.

Pensiones autem non omnia ista habent.

Sed prima pensio, quæ temporalis est, habet quatuor contraria: nõ obligat ad persoluendum horas, nec ad aliud aliquid recitandum: potest etiam vendi, & mutari pro re temporalis: nõ potest commutari pro beneficio Ecclesiastico, quia esset simonia: non perditur propter matrimonium.

Secunda autem pensio spiritualis non obligat ad persoluendum horas, sed solum ad exhibitionem ministerij, propter quod pensio datur: non tamen potest vendi, nec redimi, & in hoc cum beneficio competit; sed non potest commutari cum beneficio, & in hoc à beneficio differt: quamvis enim pensio hæc spiritualis sit, quia pro beneficij loco datur, tamen temporalitatem habet, quia titulo caret: perditur etiam per matrimonium, quando non potest cum matrimonio ministerium tale exhiberi.

Tertia pensio non obligat etiam ad persolendas horas canonicas, quamvis Pius V. obligauerit ad recitandum officium beate Mariæ, nec; sine licentia Papæ, potest vendi, quamvis possit redimi: tunc autem dicitur redimi pensio, cum, qui habet beneficium, conuenit cum pensionario, vt tantam accipiat summam, ne amplius exigit pensionem, quæ summa foret esse ex quinque annatis, vt, si est viginti aureorum, redimeretur centum aureis, quinquies enim viginti sunt centum. Rursus non potest pensio commutari cum beneficio, quia esset simonia. Talis etiam pensio perditur per matrimonium, vt habet Corrasius de pensionibus cap. 4. sed hoc de iure intelligitur: nam in c. vnic. de clericis coniug. in sext. habetur, quod clericus coniugatus non gaudeat vilo priuilegio clericali, nisi duobus, puta, ne conueniatur coram iudice seculari, nec in ciuili, nec in criminali: & quod, qui eum percutit, sit excommunicatus: His etiam duobus non gaudeat, nisi portet habitum, & tonsuram. Ex hoc sequitur, quod pensionem hanc tertiam non potest habere, quia est clericorum priuilegium;
non

non enim datur, nisi habenti tonsuram saltem. Sed puto esse consuetudinem iam in contrarium, quod profectò mirabilis est abusus; dum multi relinquunt beneficia, retentis pensionibus, & ducunt uxores; immò hoc animo forsàn receperunt: quod profectò pessimum est, nec in bona conscientia isti possunt tales retinere pensiones, ut statim etiam patebit.

Quomodo quis licitè pensionem habeat.

CAPVT LXXXIII.

TRES sunt conditiones, quibus omnibus, aut earum vna deficiente, non potest aliquis pensionem habere.

Prima est dispensatio. Nullus enim potest vllam retinere pensionem super bona Ecclesiastica, sine dispensatione. Hæc autem non pertinet ad vllum prælatum, nisi ad solum Papam; quamuis hoc ex iure non constat, sed ex consuetudine sola. Vbi ergo deest dispensatio, pensio licitè haberi, aut retineri non potest.

Secunda est, causa: sine causa enim non habet locum in foro interiori, & coram Deo dispensatio; sed tantum in foro exteriori: vnde, qui pensiones retinent, etiam cum dispensatione, si non adest causa legitima, securi non sunt nec excusantur, quia Papa dedit; & ipsius est considerare, quomodo dedit. Hoc, inquam, non excusat: si enim quis accipiat pecunias ab œconomo, quem scit malè dispensare res domini, & contra iustitiam, non potest tunc retinere. Papa autem non est dominus beneficiorum & reddituum Ecclesiæ, sed tantum vniuersalis dispensator. Vnde, sicut, cum dispensat in voto, non facit hominem securum in conscientia, nisi causa adsit, ita in pensionum & beneficiorum distributione. Causa autem hæc debet esse in vtilitatem Ecclesiæ, cuius sunt bona: si enim nulla via in Ecclesiæ huius vel vniuersalis vtilitatem tendat, non est causa legitima.

Ipse iure duæ causæ in particulari habentur.

Prima, cap. nisi essent, de præben. & cap. audiui, de collus. de regen. quando aliqui litigant & rixantur de beneficio; ne rixaccedat contra vtilitatem, & in damnum Ecclesiæ, quia priuatur illo tempore ministro, solet delictentia Papæ, illi, qui maiorem habet iustitiæ rationem, dari beneficium conueniente pensionem alteri assignata.

Secunda causa habetur, c. ad quaestiones, de rerum permutatione. cum una Ecclesia habet beneficium pinguis; altera minus pingue, & fit permutatio, tunc datur pensio ex pinguiori, ad supplendum fructus minus pinguis beneficii; & hoc solet fieri cum persone permutant beneficia, sed cum dispensatione. Aduertendum tamen hic est, quod pensio non debet dari, nisi pro fructibus tantum, qui maiores sunt vnius beneficii: cum enim datur pro ratione ipsius beneficii, quia est maior dignitas, vel honoratior titulus, tunc simonia est. Vltra has causas sunt etiam aliae causae conuenientes pensionum.

Tertia est, propter ministerium aliquod temporale erga Ecclesiam exhibitum.

Quarta, propter ministerium etiam spirituale exhibitum Ecclesiae, quia homo inseruit in temporalibus, vel in spiritualibus Ecclesiae.

Quinta, quia est bene meritis de Ecclesia, licet actu non inseruiat, & sic dari potest homini, qui suis lectionibus vel concionibus insudauit in Ecclesiae utilitatem, aut qui suas etiam operas consumpsit in utilitatem temporalem Ecclesiae.

Sexta, potest dari his, qui futuri sunt ministri Ecclesiae, vt preparantur, & talia sunt illa, quae Hispani vocant praestimonialia, quae dabantur studentibus, & futuris ministris Ecclesiae.

Septima est paupertas, praesertim clericorum: sunt enim multi beneficio carentes, nec vnde viuunt habentes, quibus sanctissimum esset aliquas assignare pensiones. Etiam laicis possent dari: nam bona Ecclesiae etiam pauperibus obueniunt. Denique causa pensionum debet esse pia, quae in utilitatem Ecclesiae, & honestatem conuertatur. Nec solae istae conditiones sufficiunt, sed debet esse tertia, nempe modus.

Modus autem in duobus consistit.

Primo, ne pensio, quae ab vno percipitur beneficio, sit adeo pinguis (Conrad. tracta. de sacerdot. cap. 4. nu. 7.) vt non remaneant fructus cum titulo, quibus possit conuenienter beneficium habens sustentari in suo officio. Vnde iniquissimum est nec excusabile, omnes fructus exigere pro pensione, & maxime ex beneficio habente curam. Olim non dabatur nisi tertia pars: nec in omni beneficio exigi potest: nam cum omnes simul beneficii fructus exigui sunt, non est exigenda pensio.

Secundo, ne tot cumulentur pensiones, vt sustentationem excedant conuenientem hominis. Vnde mirabilis est abusus eorum,

torum, qui multis hinc inde se onerant pensionibus; cum, unde viuere possint pro conditione sua; habeant; & quod peius est, nulla adest causa, propter quam, vel vnam possint habere: quibus vix potest persuaderi, vt vel minimam pensionem à se expellant, sed morte coguntur malè possessa, & retenta dimittere.

De Simonia, quid sit.

CAPVT LXXXIV.

INter ea, quæ de simonia tractanda occurrunt, id primum est quid sit. Videtur autem sic posse describi. Simonia est *studiosa voluntas, contrahendi pretio, rem spirituales*. Sunt in hac definitione quatuor partes.

Prima est, *studiosa voluntas*, id est, actus voluntatis, seu volitio libera & deliberata: non enim peccatum consistit, nisi in voluntate libera, tunc autem volitio libera dicitur, cum in manu hominis est, se cohibere à tali volitione. Hac parte prima videtur S. Thom. 2. 2. qu. 100. & alij communiter in definitione simonia.

Secunda est, *contrahendi*. Per contrahere, significamus quicumque contractum, in quo pretium intercedit, siue sit emptio, siue venditio, siue locatio, siue permutatio, siue alius huiusmodi contractus: simonia enim in tali contractione consistit.

Tertia est, *rem spirituales*. Contrahere rem spirituales, putare, vendere, locare, permutare, simonia est. Dices, quæ res vocatur spiritualis? Dico vniuersaliter, omnem illam rem vocari spirituales in presenti, quæ à Deo, vt est auctor gratiæ, procedit, vel ad Deum, vt est auctor gratiæ, ordinatur. Explico, fides docet, Deum esse creatorem & Saluatorem, ea, quæ ad creationem pertinent, vt omnes hæres sensibiles, & creaturæ omnes, secundum proprium suum esse, & proprietates, dicuntur pertinere ad Deum, vt est auctor naturæ; Ea verò, quæ ad Deum pertinent, vt est hominum & Angelorum etiam Saluator, qui creaturam rationalem ad suum finem supernaturalem producit, dicuntur pendere ab ipso, vt est auctor gratiæ, & dicuntur res spirituales. Huiusmodi autem sunt in quadruplici differentia.

Quædam dicuntur res spirituales essentialiter, quales sunt

virtutes, & dona supernaturalia, quæ vi naturæ nō possunt obtineri, vt Fides, Spes, Charitas, gratia, & alia huiusmodi.

Quædam dicuntur spirituales causaliter, quia sunt causæ rerum prædictarum, vt septem Sacramenta Ecclesiæ, ad quæ reducuntur alia sacramenta, vt aqua benedicta, Catechismus, Exorcismus, Chrismatis confectio.

Quædam dicuntur spirituales effectualiter, quia sunt operationes ex aliqua spirituali potestate procedentes, vel operationes ad Deum ordinatæ, vt concionari, cantare in choro, sepelire mortuos, dispensare in voto, matrimonio, & alijs excommunicare, & ab excommunicatione absoluerè, & alia huiusmodi.

Quædam tandem sunt spirituales res ex annexione, quæ sunt in duplici differentia.

Quædam quæ ad officium spirituale ordinantur, vel ex spirituali ordinatione dependent, vt beneficia omnia Ecclesiastica. Ius enim percipiendi fructus annexum est ordini & dignitati spirituale, & ad diuinum officium ordinatur.

Quædam quæ preparatoria sunt ad spiritualia, vt vasa sacra, vestes, candelæ benedictæ, campanæ, templæ, & huiusmodi alia. Omnia hæc quatuor sub genere rei spiritualis concluduntur, & contractare ista, ad simoniam pertinet.

Quarta pars est, *pretio*; debet enim intercedere pretium in simonia; & vbi deest ratio pretij, non est simonia: vnde attentè considerandum est, quod, quamuis det aliquis pecuniam, nisi detur vel accipiat pro pretio rei spiritualis, simonia non est.

Pretium autem hoc communiter solet à doctores distinguui in tria; & sumpta est dist. 1. q. 3. can. Saluator.

Est pretium muneris, puta, pecunia, vel res pecunia æstimabilis.

Est pretium linguæ, puta, laus vel vituperium, quæ aliquando sunt pretia, cum æstimentur pecunia; vt, si quis conueniat cum aliquo sedaturum beneficium, si ipsum lauder coram alijs, vel inimicum aliquem vituperet, tunc est pretium & simonia.

Est etiam pretium obsequij, cum quis inseruit alicui in ministerijs temporalibus pro retributione; vt œconomus, vel alij huiusmodi ministri. Vbi ergo aliquod horum pretium intercedit, & tamquam pretium pro spirituali re simonia est. Hinc patet quid sit simonia. Dicta autem est simonia à Simone

Mago,

Mago, primo auctore huius peccati in lege Euangelica, cuius sit mentio Actuum 8. qui, vt habetur. i. qu. 3. canon. Saluator, voluit emere donum Spiritus sancti, id est virtutem miraculorum, vt idem posset vendere alijs cum lucro. Ab hoc ergo qui rem spiritualement vendere vel emere præsūmit, simoniacus dicitur.

Quale peccatum sit simonia.

CAPPT LXXXV.

SImonia ex genere suo mortale peccatum est, contra religionem. Ex triplici autem capite peccat simoniacus.

Primò, quia vendit quod non est venale: res enim spiritualis vel minima omnem excedit pecuniam & rem temporalem: vnde tali pretio non est venalis.

Secundò, quia vendit quod suum non est, nam i. Corin. 4. homo dispensator est rerum spiritualium, non dominus; qui ergo vendit rem spiritualement, alienam rem vendit.

Tertiò, quia facit contra originem rei spiritualis; gratis enim huiusmodi dona accepit homo, gratis ergo debet dare, non pretio. Est autem simonia prohibita iure diuino & naturali, & canonico. Iure diuino, ex illo Matth. 7. *Gratis accepistis, gratis date.* Act. 8. *pecunia tua tecum sit in perditionem.* Et in veteri testamento prohibita erat, vt patet de illo Giezi, qui lepra contraxit, quia pretium à Naaman exegit. 4. Reg. 5. Est etiam iure naturali prohibita; nam quamuis res spiritualis sit supernaturalis, quia tamen est non venalis, simoniacus contra naturam peccat, cum vendit quod venale non est. Est etiam prohibita iure Canonico, vt patet i. qu. 3. per totam, & in multis alijs canonibus. Notandum est tamen aliquas esse simonias, quæ non sunt prohibita; nisi iure canonico, quando res non sunt omnino spirituales, vel non est verum pretium, tunc ex se simonia non est, nisi quia prohibita est à Papa. Et hoc modo permutare beneficium beneficio, absque licentia Pontificis esset simonia, quia prohibetur cap. *quæritum.* de rerum permuta. Rursus j. q. 3. can. saluator, prohibetur vendere, officium æconomi Ecclesiæ; & esset simonia vendere, non tamen ex se, quia illud temporale officium est. Hoc modo, puto esset simonia, vendere pensiones sine facultate Papæ, quia consuetudo

tudo obtinet, non posse transferri sine licentia. Quando verò res est vere spiritualis, & pretium est temporale, tunc, secundum tria prædicta iura, prohibita est simonia; nec in talium venditione potest Papa dispensare, sicut in prima poterat.

De speciebus Simonia.

C A P V T LXXXVI.

TRes sunt species principales simoniae: mentalis, conventionalis, realis.

Mentalis duplex est; altera, cum quis interius vult re spiritualem pretio contractare, voluntate deliberata, tamen non devenit ad actum exteriorem; vel quia non inuenit cum quo contractet, vel quia poenituit, vel alia quavis causa.

Altera mentalis est, cum exterius aliquid spirituale tractat pretio, tamen non manifestat exterius esse pretium. Verbi gratia, aliquis dat centum aureos alicui, hac intentione, ut alter det beneficium ei, tamen nec implicite, nec explicitè significat alteri pretium esse, tunc est simonia mentalis, quæ potest committi, aut ex parte vnius dantis beneficium, aut ex parte alterius dantis pecuniam, aut ex parte utriusque, simul. Quando igitur pactum nec implicitum nec explicitum pretij intercedit, sed tantum in intentione manet, & opus exterius sequitur tunc simonia mentalis est. Quando verò est pactum aliquod exterius implicitum vel explicitum, tamen non sequitur consummatio operis ex utraque parte, tunc est simonia conventionalis; quæ tripliciter fit.

Vno modo, quando tantum est pactum pretij, tamen nondum est datum pretium, nec translatum beneficium.

Altero modo, quando cum pacto est translatum pretium, sed nondum acceptum beneficium.

Tertio modo, cum datum est beneficium, vel res spiritualis, nondum tamen est pretium acceptum. Omnes hæc simoniae conventionales dicuntur: quando verò est perfecta ex utraque parte consummatio, simonia realis est. Requiritur ergo ad realem; intentio interior pretio contractandi; exterius pactum implicitum vel explicitum. Quando autem datur pecunia vel pretium simul cum beneficii collatione vel promissione, præsumitur pactum implicitum, licet nihil exprimat. Requiritur etiam operis consummatio ex utraque parte, ut sit beneficium

officij vel rei spiritualis translatio seu exhibitio: similiter etiam pretij acceptio: vno deficiente, vt dicit Armill. verb. simonia, non realis, sed potius conuentionalis aut mentalis est. Hæ sunt simoniæ species, quas multum antè oculos habere oportet: multum enim inter se differunt, quantum ad penam exteriorum, vt dicitur postea, quamuis omnes tres ex genere suo, mortalia sunt peccata.

De tribus regulis ad cognoscendam simoniam.

CAPVT LXXXVII.

IN particulari nunc oportet tractare; qualiter simonia in singulis spiritualibus committatur, ac antè omnia quatuor generales regulæ sunt anteponendæ.

Prima fundatur in vno hoc supposito; pecuniâ, seu aliquid pecunia æstimabile, posse multis rationibus dari pro re spirituali; Vno modo per modum pretij; altero modo, per modum sustentationis, iplis, ministris rerum spiritualium, seu per modum eleemosynæ; tertio modo, per modum oblationis, quæ fieri Deo suo ministro; quarto, per modum liberalitatis, seu spontaneæ donationis & gratitudinis: quinto, per modum laudabilis consuetudinis: nam consuetudines aliquando originè habent ex sustentationis ratione, seu ex oblatione; & sic; qui ex tali consuetudine dat temporale pro spirituali, videtur dare per modum oblationis aut eleemosynæ.

Hoc suppositio, sit prima regula. Numquam simonia committitur, nisi cum temporale datur tamquam pretium pro spirituali. Semper ergo aduertendum est, an intercedat ratio pretij: cum enim datur temporale verè, non vt pretium, tunc ibi simonia non est.

Altera regula innititur alteri fundamento, putà, spiritualia se habere in triplici differentia. Quædam sunt purè spiritualia, nullam temporalem mixtionem habentia, vt virtutes supernaturales & potestates, ipsarumque vsus. Quædam sunt mixta ex spirituali & temporali, tamen plus participantia de spirituali, vt sacramenta, in quibus materia intercedit temporalis, similiter sacramentalia; similiter beneficia Ecclesiastica. Quædam sunt etiam mixta, sed plus habente de temporali, vt vala sacra, templorum loca, officia, cantorum & musicorum.

Hoc

Hoc supposito sit secunda regula generalis: pretium dare vel accipere pro quacumq; re harum spirituali, ita vt pretium sit pro spirituali, simonia est, ver. gr. si ematur calix pluris, quia consecratus est, tunc simonia est.

Tertia regula generalis: cum pretium intercedit pro re spirituali pura, aut plus habente de spirituali simonia est; nec oportet distinguere, an illud pretium sit pro re, qua parte temporalis est: nam tota simpliciter censetur spiritualis; vnde quocumq; modo & titulo sacramentum, aut beneficium emere simonia est.

Quarta regula: cum pretium intercedit in mixtis plus habentibus de temporalibus, non est simonia, nisi specialiter detur pro spiritualitate. Vnde licet pretium accipere, vendere, aut emere calices etiam consecratos, pretio eodem quo emerentur, ac si non essent consecrati; similiter pretio vendere musicam organorum & cantorum officia, & sonare campanas, & alia huiusmodi, dummodò, vt dixi, nihil amplius accipiat pro parte, qua spiritualitatem quandam habent.

De Simonia in primo & secundo genere rerum spiritualium.

CAPVT LXXXVIII.

NVnc magis in particulari ista tractanda sunt. Ac discurremus per illa quatuor genera rerum spiritualium, quos possumus, definitionem simoniae explicant. Circa quorum primum, dico tria.

Primum est, vendere, aut pretio contrahere virtutum supernaturalium usus, seu operationes, est simonia: v. gr. si quis det pecunias pro alterius ieiunio, vel alterius oratione, vel alio quo alio actu virtutis, aut, vt audiat sacrum, & proximum corrigat, & similia. Alijs vijs quam praedictis potest dari pecunia, vt, per modum elemosinae, aut spontaneae donationis aut sustentationis.

Secundum. Commutare huiusmodi spiritualia inter se non est simonia, vt, orare pro vno, vt alter ieiunet pro te, & audire confessionem vnius, vt alter audiat tuam, & huiusmodi alia, simonia non sunt. Ista est contra Conrad. 4. dist. 25. ar. 3. Est tamen secundum mentem Soto lib. 9. de Iust. quae st. 5. in fine, & ratio

ratio est aperta, quia commutare spirituale pro spirituali, non est prohibitum iure diuino, aliàs numquàm liceret Pontifici pensare in commutatione beneficiorum. Ergo est tantum iure positiuo: sed talis commutatio numquàm habetur probata in vilo iure, nisi tantum in beneficijs, cap. quæsitum, ceterum permutat. Ergo illa licita est, nec illa committitur simonia.

Tertium est, pro vsu virtutum naturalium, quæ naturaliter acquiruntur, pretium dare vel accipere, non est simonia; unde; licet lectores facultatum, etiam Theologiæ, pretium possunt accipere sui laboris, nec vllam committunt simoniam.

Erga secundum genus rerum, puta sacramentorum, & sacramentalium, dico etiam aliqua.

Primum est. Licet alicui exigere pretium pro labore antecedenti in administratione sacramentorum. Ista est Soto lib. 2. q. 6. art. 1. Explico: Duplex est labor in sacramentorum administratione; Vnus est antecedens, qui non est per se coniunctus cum sacramento, nec Sacramentum cum ipso; vt, si quis Sacerdos ad audiendam alicuius confessionem, duo aut tria miliaria conficiat, aut aliquas etiam expensas faciat, labor dicitur annexus; & pro hoc potest pretium exigi, & dari. Alter labor est concomitans, qui per se coniunctus est cum ipsa re spirituali, immò in ipso consistit, aut sine ipso esse non potest, vt labor in audiendo confessionem, in baptizando, in ordinando. Et de hoc.

Dico secundò. Pretium exigere pro tali labore in sacramentorum administratione, simonia est, nò enim ille labor distinguitur ab ipsa re spirituali.

Dico tertio; Potest aliquis exigere pretium pro obligatione, qua se obligat ad Sacramentorum administrationem; v. g. si quis se obliget per annum vel duos, aut tempus aliquod ad sacramenta ministrandum seu celebrandum, pretium exigere pro tali obligatione potest absque simonia. Ratio est, quia hic nò vendit rem spiritualement, sed suam libertatem. Similiter, qui se obligat ad cantandum in choro, aut concionandum, potest pro sola obligatione pretium exigere. Ita habet Caiet. verb. simonia, & Gloss. super cap. significatum, de præben. immò deducitur ex tali cap.

Dico quarto, pro ipsa administratione sacramentorum, nò potest pretium exigi absq; simonia, potest tamen per modum

sustentationis; quamuis, si habet officium, unde ex obligatione incumbit id facere, habetque redditus sufficientes, non potest exigere isto titulo: potest tamen accipere datum per modum oblationis, aut spontaneæ gratitudinis. Est autem notandum, quod licet diues sit Sacerdos, potest exigere per modum sustentationis, quando aliunde habet redditus, nec obligatur ex officio ob tales redditus ministrare: vnum tamē hic notandum occurrit circa Episcopos, quantum ad ordinem administrationem ex Concil. Trident. sess. 21. cap. 1. de reformatione, vbi tria instituuntur & ordinantur circa hoc.

Primum est, ne vllus Episcopus pro vllius Ordinis collatione, aut pro literis dimissorijs, aut pro sigillo quicquam possit accipere, quocumque; prætextu etiam sponte oblatum, sed omnino gratis ista exhibeantur. Vbi nota non excusari Episcopos titulares, qui in aliorum dioccesibus ordinant, ipsis principalibus consentientibus: isti enim nihil possunt accipere, sed peccant à suis diocesanis suam sustentationem. Nota insuper esse periculum etiam candelas accipere: nam Concilium generalissimè loquitur.

Secundum est circa notarios. Isti enim nihil possunt accipere pro huiusmodi negotio, nisi pro dimissorijs, decimā tantum partem vnus aure; nec hoc possunt accipere, nisi duabus conditionibus existentibus.

Prima est, vt fuerit consuetudo ante Concilium accipiendi aliquid prius.

Secunda est, vt salarium non habeant: qui enim habent, accipere non possunt quicquam. Similiter nec illi, quando consuetudo erat nihil accipiendi.

Tertium est, circa notarium, similiter & Episcopum. Non potest Episcopus commodum aliquid habere per viam notarij, exigendo aliquid ab ipso notario, pro his, quæ notario eueniunt. Liberalis ergo, & omnino gratuita debet esse Ordinum collatio.

* *

De simonia in tertio genere rerum spiritualium.

CAPVT LXXXIX.

Tertium genus rerum spiritualium, erat operationum ex officio aut potestate aliqua spirituali procedentium, quæ mixtæ sunt, quamuis aliquæ magis spirituales, aliquæ magis temporales sint.

Prima spiritualium, est operatio Episcoporum, id est, actus omnes, quos Episcopus, vt talis est, facit per potestatem iurisdictionis, seu ordinis; vt, dispensare in voto, relaxare iuramenta, absolvere à censuris, consecrare templa, & alia huiusmodi, quæ etiam ad Pontificem summum pertinent.

De his dico primò, quòd nullo modo potest pretium pro istis exigi, aut dari absq; simonia, cum sint simpliciter spiritualia: & ita docet S. Thom. 2.2. q. 100. art. 3. ad 3.

Dico secundò. Cum redditus sint sufficientes Episcopo ad sustentationem, non licet; nec etiam per modum sustentationis exigere, sed solum si spontè offerrentur.

Dico tertio, non esse murmurandum contra Papam, qui exigit pro his pecunias, non per modum pretij; nam ista ad sustentationem dantur, qua multum indiget tanta in Ecclesia dignitas. Dantur etiam aliquando per modum pœnæ. Dantur etiam per modum compositionis, id est, cuiusdam commutationis: nam quis petit ab onere alicuius legis liberari; iuste potest aliquo minori pecunia onere onerari, & hoc vocatur per modum compositionis; Concil. Trid. sess. 24. cap. 3. de reformatione, ordinat, vt Episcopi tempore visitationis nihil accipiant, nec etiam munera oblata, nisi tantum pro victualibus suis, quæ sint moderata & frugalia. Ordinat etiam cap. 6. vt dispensationes in matrimonio gratis fiant. Hoc autem ad Papam non pertinet, qui non tenetur legibus hîc, licet sit sanctissimum eas observare. Est aliud genus operationum spiritualium, nempe missarum celebratio.

De quo dico primò, simoniam esse, pretium accipere pro ipsa missa, cum sit res spiritualis.

Dico secundo, potest accipi pecunia per modum sustentationis, aut oblationis gratuita, vt fit in alijs spiritualibus.

Dico tertio, non licet sacerdoti pacisci de pretio, vt detur tantum pecuniæ, quo non dato celebrare nolit. Ita dicit S. Thomas 2. 2. q. 10. art. 4. de simili operatione spirituali, puta, de funere: dicit enim, iniquum esse exigere pretium pro funeris solennitate, ita vt aliter nolit sacerdos opus facere. Caiet. quodlibet. 1. q. 9. temperat hoc quando sacerdos diues est: quando enim est pauper, potest pacisci de pretio sustentationis. Soto lib. 9. q. 6. art. 1. dicit, non quidem esse simoniam, sed iniquum propter scandalum pacisci de sustentatione. Ego puto sic dicendum, quando sacerdos sustentationem habet suam, nec potest sustentationem exigere, tunc non potest pacisci, quia si paciscatur, iam videtur esse pretium rei spiritualis: non enim talis titulum alium habet accipiendi, nisi ex oblatione, in qua exactio non est. Quando vero sustentari debet absq; alijs, tunc nisi sit scandalum, potest de pretio conuenienti sustentationis pacisci. In plurimum autem scandalum est, pro missarum celebratione pacisci, etiam pauperes: non tamen est simonia, quod sacerdos quærat loca, in quibus pinguiores sustentationes pro sacris celebrandis ministrantur, & deserat loca, in quibus minus datur. Eodem modo dicendum est de concionibus, quæ operatio etiam quædam spiritualis est, & absq; pretio debet esse, licet possit per modum sustentationis aut oblationis accipi, & possent quæri loca, in quibus pinguiores sunt elemosynæ, sed cauendum est, ne dum simonia vitatur, in auaritiam lapsus fiat. Nam qui suæ sustentationi, quantum satis est, habet, & similia loca quærit, & non vbi magis fructificare possit spiritualiter, avarus est. Alia etiam quædam operatio spiritualis, est ingressus religionis, præsertim monachicæ, solent enim dari pecuniæ monasterio: S. Thom. loco citato respondet ad hoc.

Primo, dare, aut accipere pecuniâs pro ipso ingressu religionis, simonia est, & sic habetur 1. q. 2. c. quod pio.

Dicit secundo, potest aliquid dari monasterio, cum pauper est, pro victu & sustentatione ipsius monachæ. Intellige etiam, quod liceat pacisci. Dices, quid, cum monasterium diues est, & habet redditus sufficientes pro sustentatione monialium: Sylu. verb. simonia, §. 15. refert. quosdam Canonistas, dicentes esse simoniam, pacisci, cum monasterium est opulentum; tamen ipse Sylu. benè limitat, præsumi quidem simoniam, quia videtur tunc potius pro ingressu quam pro victu dari, si tamen verè pro ipso victu daretur, non esset simonia, gratis verò oblatum

neum accipere, nec præsumitur simonia, nec est. Per has spirituales operationes possunt iudicari alia huiusmodi. Sunt tamen alia mista, plus habentes de temporali, ut officium musicorum & cantorum, & mundantium templa & præparantiũ vendi possunt secundum omnes, & emi dum modò nihil pro ipsa spiritualitate accipiat. Et eodem modo dicendum est de rebus spiritualibus, quæ plus habent de temporali, ut vestes & vasa sacra, quæ ratione materia vendi possunt, dum modò nihil pro consecratione accipiat; immò in vsu profanos vendi possunt, dum modò prius vasa frangantur, & vestium forma auferantur, ut habet S. Thom. loco citato. Hoc modo vult Soto loco citato, quòd terra sepultura vendi possit, quamvis securius sit, per modum oblationis aliquid accipere, quam exigere pretium, ut dicit S. Thom. Hæc sunt erga operationes notanda.

*De simonia in sacerdotiorum venditione,
& emptione.*

CAPIT. XC.

Quartum genus rerum spiritualium, erat sacerdotium; seu beneficium, Ecclesiasticumq; officium. Simonia erga hæc potest consistere in tribus, aut in emptione & in venditione eorum, aut in permutatione; aut in locatione. At primò de emptione & venditione tractandum est.

Circa quod dico primò, vendere aut emere sacerdotium spirituale vllum, simonia est; est enim prohibitum. 1. q. 3. cap. si quis, & alijs capitibus ibidem. Vbi nota quòd non est opus: ut intercedat pecunia; aut res aliqua, quæ vendi pecunia solet, sed si etiam intercedat aliquid temporale, pecunia appetibile, ut obsequium in temporalibus licitis aut illicitis, similiter laus lingue, similiter matrimonium: qui enim daret beneficium vni consanguineo, hac conditione, ut eius soror nuberet fratri suo, simoniam committeret, quamvis daret beneficium consanguineo, quia talis est, non sit simonia, ut dicit S. Thom. 2. 2. qu. 100. artic. 5. ad 2. Aduerte autem, quòd ista debent dari aut accipi, ut pretium: si enim non intercedat ratio pretij, non est simonia, ut sæpè diximus: vnde qui inseruit Episcopo, ut Episcopus sua obsequia respec-

ciens, gratus sit, & det beneficium via gratitudinis, non tamen solutionis pretij, non est simoniacus. Similiter, neque Episcopus, qui respiciens huiusmodi obsequia, hoc modo dat.

Dico secundò, vendere, aut emere actiones, per quas habetur beneficium, & quæ ordinatæ sunt ex se ad illud, est simonia: verbi gratia, vendere, aut emere, seu dare pretium pro designatione beneficij, aut pro electione, aut pro collatione, aut pro possessione, simonia est: immò pro ipsa etiam interventione: qui enim daret alicui pecuniam, ut interueniret, aut pro ipso peteret beneficium, simoniacus esset. Hic notat vnum Caiet. quodlibet. l. q. 9. quòd, quando electio esset nimis perniciofa Ecclesiæ, posset dari pecunia, ne fieret talis electio; nõ tamen ut illa electio fieret; & ponit exemplum; si Cardinales vellet eligere Papam vnum nimis perniciosum futurum Ecclesiæ, tunc posset eis dari pecunia, ne eligerent. Soto lib. 9. q. 6. art. 1. addit, non solum pro hoc, sed pro ipsa electione liceret, quando non esset nisi vnus dignus Papa, alij autem essent perniciosi: tunc enim perinde est, dare pro non electione, ac pro electione: non tamen licet quando sunt multi digni, dare pretium, ut vnus eligatur, quamuis dignissimus sit. Fundamentum Soto est etiam, quia putat non esse simoniam tam prohibitam iure diuino & naturali, quin in aliqua grau. & extrema necessitate spiritali liceat dare pecuniam pro spiritali, & mihi probabile videtur, quamuis rarissimum sit talis casus.

Tertiò dicò, simonia est, etiam vendere, aut emere ius ad beneficium: nam illud spirituale etiam est: v. g. si quis habens ad beneficium aliquod, & illud vendat alter, simonia committitur. Rursus, duo litigant, & vnus cedit iuri ob pecuniam, simonia etiam committitur, quamuis, cum causa ex vtraque parte dubia est, potest vni dari pensio, ut supra diximus, sed interueniente Papæ auctoritate.

Rursus, vendere ius patronatus, simonia est; nam ius hoc spirituale est, & sic est prohibitum Concil. Trid. sess. 25. cap. 9. tamquam contra canones: cum tamen tale ius est annexum villæ, aut castello, aut rei temporali, potest vendi cum illa re, dummodo nihil accipiat plus, ratione talis iuris, sicut dictum est de vestibus & vasis sacris. Ita habet Pan. ca. querela, ne prelati vic. su. & Armilla, ver. Simo. §. 40. Et sic intellige S. Thom. 2. 2. qu. 100. art. 4. vbi dicit, posse vendi hoc ius. Vnum tamen

ita ex S. Thom. q. citata, ar. 2. ad 5. quod licet alicui dare pecuniam ad redimendam vexationem, sed non ante consequutionem iuris ad beneficium; sed postquam iam ius habet iustum, licet pecuniam dare ad arcenda impedimenta iniusta: ut grat. aliquis est electus iuste, & debite, vel aliquis habet beneficium iam iuste, alij volunt lite iniusta extorquere, vel impedimenta iniusta opponere, ne suo gaudeat beneficio, licet tali pecunia placare insequentores hos, sed tamen antequam habeat ius vllum, non licet. Soto lib. 9. q. 6. art. 1. temperat bene hoc, quando violentia aut vis infertur, tunc licet pecunia auferre illam; etiam ante consequutionem iuris: verbi gratia, iacereatur aliquis, ne compareat in tempore proposito coram Episcopo ad beneficium consequendum, quæ violentia est detentio; aut detinetur vi, ne, debito tempore suam possessionem accipiat: tunc iniustos detentores potest pecunia placare.

Dico quartò, non solum est simonia, cum aliquis pro se emit beneficium, sed etiam, cum emit pro altero, & tenetur hic relinquere beneficium, cum sciat simoniace esse habitum: unde, cum patres pro filiorum beneficijs pecuniam dant, simoniam committunt; & filij, cum primum sciunt, tenentur dimittere beneficia, extra c. ex insinuat. de simon. Rursus; Simonia est, non solum cum datur pretium ipsi danti beneficiũ, sed etiam alteri ad petitionem ipsius. vnde, si quis det pecuniam cognato Episcopi, ut ab Episcopo consequatur beneficium, quia Episcopus illi dare noluít, simonia est. Hic est vnum dubium, de eo qui promitteret dare pecuniam pro beneficio, animo verò non dandi, sed fictè, & sic accepit beneficium, an esset simonia. Ad hoc Soto lib. 9. q. 8. artic. 1. & Caieta. quodlibet. 1. qu. 9. dicunt non esse, quia actus exterior ab interiori rationem sumit: vnde, licet talis promissio ficta instrumenti confirmaretur, non esset simonia, quamuis in foro exteriori iudicaretur simonia, quia non considerat interiora.

Ego ita credo; quamuis Nauarr. super cap. fin. de

simonia. n. 9. alia procedat via,

sed hæc est me-

lior.

De simonia in permutatione, & locatione.

CAPVT XCI.

Non solum in venditione, sed etiam in permutatione sacerdotiorum simonia potest accidere.

Erga quam dico primò. Permutare spirituale temporali officio, simonia est; vt, si quis sacerdotium officio seculari permutaret.

Dico secundò. Etiam est simonia, spirituale beneficium permutare cum illo spirituali, quod maiori ex parte temporale est; & hoc modo permutare beneficium cum pensione, simonia est.

Dico tertio, etiam permutare beneficium, simonia est, nisi adsint debite conditiones. Et quamuis Innocen. putet hoc non esse intelligendum de beneficijs in eadem Ecclesia, & eiusdem qualitatis, tamen Silu. v. permutatio, §. i. melius dicit, vniuersaliter intelligendum esse, de quorumcumq; beneficiorum permutatione: nam vniuersaliter prohibetur, ea quaesitum, de rerum permutatione.

Conditiones autem sunt tres assignatae à Tabieña, beneficium. 3. §. 16.

Prima, ne sit ista permutatio sine facultate superioris. Vocamus autem in hac parte superiorem, illum, qui potest beneficia illa conferre. Quoties ergo sine licentia fit, simonia est.

Secundò, vt non fiat absolutum pactum permutationis ante facultatem. Possunt quidem illi tractare de permutatione, sed non pacisci absolute, nisi in ordine ad superiorem, in cuius manu sunt beneficia relinquenda; quamuis possint renunciarri in eius manus cum conditione permutationis: pacisci autem absolute inter se, simonia est.

Tertia, ne intercedat spirituale pretium in permutatione: si quis enim pretium daret alteri, quia alterum beneficium maioris est dignitatis, simonia esset; quamuis, cum vnum beneficium pinguius est, licitum sit exigere pensionem aliquam pro satisfactione fructuum, vt habetur c. ad quaestiones, de rerum permutatione. sed id non debet fieri, quin exprimaturs pensio ipsi Papae, vt dicit bene Soto lib. 9. q. 7. art. 2. Adde, permutationem non debere fieri ob aliquod commodum temporale, vt pretium: tunc enim simonia esset: vt, si quis permutare bene-

beneficium cum altero, ut eius soror nubere fratri suo, aut remitteret iniuriam, aut ob aliquid tale. Permutatio ergo, his conditionibus positus, licita est, cum verò una deest, committitur simonia. Quando duæ priores deficiunt, simonia est de iure positivus; quando verò duæ posteriores, & est contra ius divinum; nam iam est venditio, & emptio quædam rei spiritualis.

Atque hæc de permutatione notanda sunt. Simonia etiam committitur in locatione sacerdotiorum, & spiritualium. Erga quam dico aliqua.

Primò; Locare potestatem iurisdictionis, seu vices spirituales, simonia est: v. g. si quis Episcopus locet suam potestatem iurisdictionis supra alios, simoniacus est. Similiter, si curatus potestatem ministrandi sacramenta locet, simoniacus est. Ita habet Silu. verb. simonia, §. 14.

Dico secundò; Locare, aut vendere obventiones, & oblationes ecclesiasticas, non est simonia; v. gr. si Episcopus locet, aut vendat commoda, quæ sibi obveniunt ex iurisdictione. Similiter, si curatus vendat, aut locet, quæ in ecclesia sibi offeruntur, non est simonia.

Ita habet Silu. ver. simonia, §. 14. Notat tamen, cum huiusmodi venduntur, aut locantur, non est permittendus laicus recipere, & in ecclesiam ad oblationes colligendas intrare, sed clericus est substituendus, qui pro illo huiusmodi munus accipiat.

Dico tertio; non est simonia, vendere, aut locare fructus beneficiorum, aut sacerdotiorum, si fiant concessum tempus. Ista est communis omnium, sed tamen variant in temporis quantitate.

Est enim extraneus, ambitiosè, de rebus eccl. ex Paulo secundò, ubi solum conceditur huiusmodi alienatio ad triennium, & alienantibus ultra hoc, infligitur excommunicatio Episcopalis, & ipso iure, privatio eorundem beneficiorum. Et, si ista Paulina ubique servaretur, & recepta esset, non esset controuersia; sed non ita est, ut dicit Nauarr. c. 27. summæ, num. 149. & Caiet. verb. excommunicatio: in multis enim locis non servatur: & nullibi quantum ad poenam privationis beneficiorum.

Vbi autem non servatur, Nauarr. dicit posse locari, aut vendi huiusmodi fructus ad septennium, secundum ius, cap. quærelam, ne prælati vic. fu. sed ex hoc capite solum habetur, quòd

quòd Papa iussit locantem ad septennium stare pacto, non tamen determinauit, non posse vltra hoc tempus locari huiusmodi redditus. Ob id Siluest. ver. locat. §. 3. & Tabien. cod. ver. dicunt posse per modicum tempus, id est, per nouem annos: in iure enim tempus modicum, est minus decem annis. Tamen Panorm. c. querelam, allegato, dicit posse per tempus vitæ locantis, locari, & vendi fructus, etiam sine licentia superioris; nec est villo iure prohibitum hoc. & allegat Hostien. ad hoc, & Federicum.

Immo idem Siluest. verb. simon. §. 14. dicit, non est prohibitum iure, vendere fructus sacerdotis ad vitam; licet non sit honestum facere: & ego ita credo. Vbi ergo Paulina non est recepta, non est simonia locare fructus, ad quodcumque tempus. Paulus Quartus renouauit bullam Pauli II. faciens nullas locationes, vltra triennium, sed non est etiam in vsu. Alia dici poterant de locatione, sed parum pertinent ad præsens institutum. Vide Summistas, verb. locatio, & etiam verb. alienatio, quia alia circa hoc dicunt. Hæc tamen tria dicta serues. Vide Conc. Trid. Sess. 25. c. 11. vbi statuitur circa locationes, ne fiant in præiudicium succedentium in beneficijs, quando factæ fuerunt anticipata solutione.

De Simonia in pensionibus.

CAPVT XCII.

SVperius plura diximus de pensionibus, nunc pauca, quæ ad simoniam spectant, addemus.

Dico primò, pensiones, quæ loco beneficiorum dantur, vt, quæ dantur pro adiutorio in officio spirituali, aut pro aliquo officio spirituali, non licet emere aut vendere, absq; simonia: sunt enim pro spiritualibus habendæ, cum loco beneficiorum institutæ sint.

Dico secundo, sæculares illæ pensiones, quæ dantur ob sæculare officium erga Ecclesiam, vt militibus, aut ducibus datæ, vendi, & emi possunt absq; simonia. Ita habet Sor. libr. 9. quæst. 7. art. 2. Atque huiusmodi sunt illæ, quæ vocantur commendæ.

Dico tertio, pensiones hæc, quæ ob resignationem alicuius bene-

beneficij dantur, quæ modò sunt communissimæ, possunt redimi absq; simonia, immò etiam sine facultate alia: solent enim quinq; annis redimi. Quòd si modò cum facultate sit redemptio, est ad maiorem securitatem, ne alter negare possit factam redemptionem. Aduertendum tamen, hic posse committi simoniam hoc modo, si quis dat alteri beneficium cum pensione, & facit pactum, vt statim redimatur pensio, simoniacus est, vt habet Caiet. opusc. 16. q. 10. quamuis enim postea possit redimi pensio, non tamen potest resignari beneficium cum pacto redemptionis huius.

Dico quartò; Pensiones huiusmodi non licet vendere, aut emere absque simonia; sunt enim spirituales etiam, cum non nisi clericis dentur, & tunc loco beneficij resignati concedantur. Non ergo licet vendere huiusmodi ius. Quòd si quis dicat, non esse prohibitum vllò canone; dico esse prohibitum consuetudine: nam Romæ punitur vt Simoniacus qui huiusmodi pensiones vendit absq; facultate. Sicut etiam non est prohibitum iure, Episcopis imponere pensiones; ob consuetudinem tamen, & communem styllum Romanæ curiæ, si quis sine Pontificis summi facultate, pensiones haberet, simoniacus esset. Cauendum ergo est à talium venditione.

De pena simoniaci.

CAPVT XCIII.

Quadruplex est simoniaci pœna, quam vide in Silu. ver. simonia. §. 19. sed duæ sunt præcipuæ.

Vna est, excommunicatio Papalis in ipso facto.

Alterà est, priuatio beneficij ipsius venditi, aut empti, & obligatio ad restituendam pecuniam acceptam, & excommunicatio contra scientes, & non manifestantes simoniacos, vt habetur extra cum detestabile: sed non est in vsu hoc, vt habet Tabien. verb. simonia. §. 75. aut debet esse, cum noti sunt omnino simoniaci.

Erga pœnam verò contra ipsos simoniacos, dubium est, an sit contra omnem simoniam, mentalem, conuentionalem, reale. Et quidem omnes conueniunt, nō esse contra mentalem, quæ solum consistit in mēte, & ad nullum actum exteriorem pro-

progreditur. Tamen de mentali, quæ progreditur exterius, licet non exprimat, pactum aut pretium, sed solum maneat in intentione, Soto libr. 6. quæst. 8. putat incurri poenam. Tamen contrarium est tenendum; nulla enim simonia mentalis incurrendi poenam ea causa; sed solum est peccatum. Ita habet Panor. c. super mandato, de simon. imò ipsum caput determinat hoc idem; hoc etiam tenet Silu. verb. simonia, §. 20. & Caiet. verb. simonia, ca. 2. Circa conuentionalem etiam conueniunt, primam conuentionalem, quæ ex neutra parte ad opus venit sed solum in pacto stetit, non incurrere poenas.

Similiter etiam nec incurri poenam ob conuentionalem illam, qua vnus accepit pretium, sed nondum tradidit beneficium: sed est peccatum mortale, obligans ad restitutionem, ad pretium idem, quod acceptum est, vt tenet Caiet. & Soto loco citato.

In tertia verò, qua vnus dat beneficium, & non alter dedit pretium, sed promisit, discordia est. Nauarr. c. fi. de simonia, tenet non incurri, donec detur pretium. At communis sententia tenet contrarium; & Soto conatur probare lib. 9. q. 8. §. 1. hanc communem sententiam, quam profecto ego etiā teneo, & credo verissimam esse. Et est vnum caput notandum, quod omnes isti nondum aduerterunt c. cum sup. de Con fess. vbi Papa damnatur simoniæ quendam canonicum, qui vendi derat electionem cuiusdam, quingentis aureis promissis, & nondum acceptis, & spoliavit illum beneficio.

Rursus stylus Romæ communiter tenet, hoc esse simoniacum. Rursus est etiam cap. nobis fuit, de simonia, vbi simile quid habetur. Rursus Pius IV. in bulla reformationis poenitentiarie, reservauit sibi dispensationem, in retinendo beneficio, & fructibus per simoniam conuentionalem, & occultam perceptis.

Rursus etiam ratio fauet: nam ad tradendum beneficium, & cum promissione pretij, verissima est venditio, & emptio realis: ergo & simonia realis. Nec iste doctor vllum habet suæ opinionis fundamentum.

At quia hodie multi ipsum sequuntur, crederem licere aliquando vti eius opinione, cum res hæc mortalis sit, & in opinione posita; sed non est semper à sententia communi hæc discedendum.

In reali simonia, omnes conueniunt, pœnas incurri, cum ex vtraque parte perficitur traditio beneficij, & pretij; tunc beneficium est dimittendum in manus conferentis, & pretium restituendum. Soto loco citato, dicit esse reddendum ei, à quo acceptum est. S. Thom. 2.2. quæst. 100. artic. 6. cum communi sententia tenet, esse pauperibus, aut Ecclesiæ reddendū, non si moniaco. Et communis est sententia tenenda. Potest autem compositio fieri cum Papa. Istæ pœnæ non sunt contra omnem simoniam, nisi contra simoniam in ordine, & beneficijs.

Et hæc sint pro præsentis libro, in quo egimus de præceptis secundæ tabulæ. De decimo præcepto nihil est dicendum, præter ea, quæ diximus in 6. præcepto de fornicatione.

Est autem decimum præceptum. *Non concupisces uxorem proximi tui.*

Laus Deo. Finis Libri Quinti.



INSTRVCTIONIS SACERDOTVM,

L I B E R VI.

De præceptis Ecclesiæ.

De Ieiunio. Quid sit Ieiunium, & quatu-
plex sit.

CAPVT I.

P

OSTQVAM decalogi præcepta absolui-
mus, oportet præcepta Ecclesiæ breuiter ex-
plicare, & à ieiunio initio sumpto, quid ie-
iunium sit, exprimendum est. Videtur au-
tem sic posse vniuersaliter definiri; *Ieiunium*
est abstinentia ab his, quæ gustu percipiuntur.

Cuius definitionis duæ sunt partes.

Altera est, *abstinentia*, id est, actio seu priuatio quædam. Al-
tera est, *ab his, quæ gustu percipiuntur*: priuatio enim gustabi-
lium, ieiunium dicitur. Aduertendum est, tria esse genera gustabi-
lium, seu eorum, quæ gustu percipiuntur. Quædam dicuntur
cibi, & hæc sunt, quæ sumuntur ab hominibus in corporis nu-
tritionem; quædam dicuntur potus, & hæc sunt, quæ sumun-
tur ad sitim sedandam: potus enim siti, cibis fami opponun-
tur. Quædam sunt medicina, quæ sumuntur ob infirmitatem
aliquam vitandam, aut expellendam.

Aduerte rursus, quod ista sunt distinguenda per fines ipsos,
ad quos ex se ordinantur: aliquando enim medicina nu-
trit, qualia sunt multa electuaria, tamen, cum non ob nutri-
tionem, sed ob infirmitatem sumuntur, non dicuntur cibi.
Rursus, potus, multi etiam nutriunt, ut vinum, & ceruisia,
tamen

tamen quia contra sitim ex se sumuntur potus dicuntur, sicut aqua, quæ non nutrit. Rursus aliquando potabile aliquod inter cibos computatur, quia communiter in cibum, non in potum sumitur, vel lac, mel & alia huiusmodi. Est igitur ieiunium priuatio quædam horum, aut omnium, aut aliquorum. Attende autem, quod non quæuis priuatio horum est ieiunium, sed tunc est, cum non intra fauces sumuntur: si enim quis ita deglutiat, non gustando, ieiunium non est; at si gustet solum lingua, aut palato, non tamen deglutiat, non soluit ieiunium. Vnde coqui gustantes cibos in die ieiunij, vt condiant, imò carnes, dummodò nihil intrò sumant per modum cibi, non soluunt ieiunium: nec soluit Sacerdos, qui oblitus celebrationis futuræ, incipit cibum mordere, tamen nihil adhuc deglutit, potest enim celebrare ieiunus, emittens cibum ab ore. Tamen semel sumptus cibis interitis, quamuis euomatur soluit ieiunium.

Ieiunium sic in genere definitum, triplex est, naturale, Ecclesiasticum, metaphoricum, seu spirituale. Naturale est perfecta abstinentia ab illis tribus gustabilibus, cibo, potu, medicina modo quodam. Dictum est, à principio diei computatione facta: dies autem, vt statim dicemus, à media nocte precedenti, usque in mediam noctem sequentem durat.

Ille ergo est ieiunus naturali ieiunio, qui, à media saltem nocte, nihil adhuc deglutit. Istud ieiunium est necessarium ad celebrandam missam, ante celebrationem: similiter ante communionem, nisi cum ob infirmitatis necessitatem sit: vnde qui vel potum, vel medicinam sumpsit post mediam noctem, non debet celebrare ille die sequenti.

Ieiunium verò Ecclesiasticum, est abstinentia voluntaria à cibo, iuxta Ecclesiæ ritum. Dixi, abstinentiam voluntariam; nam ieiunium est actus virtutis, qui liber est, & voluntarius. Dixi à cibo, nam potus, quamuis sit vinum, non soluit ieiunium, siue sumatur ante prandium, siue post, dummodò, vt diximus, potus sit: nam lac siue ante prandium, siue post, soluit ieiunium, quia per modum cibi communiter sumi solet. Rursus, nec id, quod sumitur per modum medicinarum soluit ieiunium hoc, vt potiones, & pharmaca; imò licet nutrant, cum ob infirmitates sumuntur: vnde, non soluunt ieiunium, qui ob stomachi debilitationem, vel ob capitis dolorem manè aliquid cibi sumunt; similiter, qui negotiaturi sunt, vel lecturi in mensa, vel dilataturi prandium ob aliquam causam; deni-

denique, qui per modum medicinæ, aliquâ rationabili causa existente, aliquid sumunt. Hac etiam ratione dicit Sylu. verbo, ieiunium, posse aliquem, cum bibit interdiu, aliquid sumere per modum medicinæ, ne noceat. Ad hoc reducitur id, quod faciunt Architrilini: degustant enim parum cibi, antequam dominis porrigant, & tamen secundum Caiet. verb. ieiunium, non soluunt propter hoc ieiunium: nec enim per modum cibi proprii sumunt, sed per modum probationis cuiusdam, ob necessitatem officij sui.

Dixi rursus in definitione, *iuxta vitum Ecclesiæ*: nam sunt certe quædam conditiones in tali abstinentia obseruandæ, vt sit ieiunium Ecclesiasticum, de quibus dicemus c. sequenti. Ieiunium autem spirituale est per metaphoram ad huiusmodi ieiunia; affectiones enim, & cogitationes sunt cibus animæ. Cum ergo anima cessat à cogitationibus, & affectionibus, ieiunium est; & si tales sunt malæ, bonum est ieiunium, si bonæ, malum est ieiunium. De Ecclesiastico ieiunio est in præsentem sermo.

Quis finis Ieiunij, & qualis modus sit.

CAPVT II.

Ieiunij finis triplex est.

Primus refranare carnis concupiscentias: maxime enim carnis furor temperatur per cibi subtractiones, iuxta illud commune dictum, *sine Cerere, & Baccho friget Venus*. Hinc consultius Ecclesiæ, præcipuum ieiunium, quod est in quadagesima, instituit in principio feræ æquinoctij hyemalis: tunc enim ex solis accessu, caro incipit vigere, & sanguis feruore & consequenter corpus spiritibus, qui multum ad luxuriam prouocant, repleri, quod aues continuo suo garrula ostendunt, & anima suo motu, & inquietatione. Debuit ergo iste nostræ carnis furor, hoc præcipuo tempore, ieiunio temperari.

Alter finis, diuinorum contemplatio. Corpore enim plenus cibus, non potest mens liberè vacare contemplationi diuinorum; ob id, institutæ sunt aliquot vigilæ Sanctorum, & festorum, in quibus ieiunium præcipitur, vt mens possit melius solennitatibus vacare.

Tertius est, satisfactio pro pœnis peccatorum; quamvis enim culpa peccati remittatur per contritionem, & per sacramenta, tamen sæpè non remittitur tota pœna, sed manet obligatio pœnæ temporalis in Purgatorio soluenda, nisi in hoc mundo satisfactio fiat: quia autem cognoscit Ecclesia, illas pœnas esse nimis graues, & posse peccatorem in isto mundo leui pœna satisfacere pro peccato, quod grauissima non satisfacere in pœna in Purgatorio, insuit hoc ieiunium, quod est pœnale, in pœnarum peccatorum satisfactionem; maxime cum satisfactio huiusmodi in hoc excedat satisfactionem Purgatorij: non solum quia leuior multò est, sed quia, cum in gratia sit, est meritoria gratiæ augmenti, & gloriæ, quod non habet satisfactio Purgatorij, vbi iam cessat merendi tempus. Hos ieiunij fines explicat Ecclesia, in Missæ præfatione, *corporali*, inquit, *ieiunio vita comprimis, mentem eleuas, virtutem largiris, premia*. Nunc autem modus, quo ecclesiasticum ieiunium fieri debeat, considerandus est.

Est autem duplex modus.

Vnus intrinsecus, qui necessarius est, vt sit ieiunium.

Alter est extrinsecus, qui non quidem est necessarius, vt sit ieiunium, sed vt benè, & perfectè fiat. Modus intrinsecus consistit in substantia ciborum, à quibus abstinendum est, & in quantitate, & in tempore.

Circa substantiam ciborum, abstinere oportet à carnium esu, & ab ouis, & lacticijs, & quæ ex lacte fiunt: ista enim sunt, quæ carnem multum roborant. Est tamen duplex differentia inter carnes, & lacticia, & oua.

Prima ex S. Thom. 2.2. q. 147. ar. 8. ad tertium, in omni ieiunio cauendum est ab esu carnium vniuersaliter, at verò à lacticijs, & ouis non nisi in quadagesima: nisi consuetudo etiam fuerit in illis locis, abstinere ab his omnibus in reliquis ieiunijs. Vult dicere S. Thomas posse esse consuetudinem vescendi lacticijs in alijs ieiunijs, præter quadagesimam, & excusantur homines; tamen non possunt excusari, nec est ieiunium, si vescantur carnibus, Nauarr. c. 21. nu. 13. dicit etiam posse excusari consuetudinem lacticijorum in quadagesima, quando à quadraginta saltem annis est præscripta; quod si nulla esset consuetudo, nec vescendi illis, nec abstinendi, vt in terris Indorum, in quibus de nouo fides viget, tunc posset concedi istis in aliquibus diebus, præter quadagesimam: nam prohibitio hæc in consuetudine fundatur.

Altera differentia est Caiet. eadem q. ar. 7. & Nauar. C. 21. n. 25. quod cum dispensatur alicui, vt vescatur lacticiis, non ob id liber est à precepto ieiunij; cum verò dispensatur in carnium esu, non tenetur ieiunare.

Circa quantitatem: nota esse quantitatem continuam, quæ consistit in multo, & paucio; & esse discretam, quæ consistit in pluralitate manducationum. Dico, quantum ad discretam, semel esse in die prandendum, seu manducandum; qui verò pluries manducat, soluit ieiunium, nisi inaduertenter id faciat. Aliquando enim accidit, quod aliquis non recordatus diem ieiunij esse, ientaculum solum sumit, hic ieiunium non soluit, & tenetur ieiunare, ac si nihil sumpsisset: Aliquando etiam, aliqua de causa, prandium diuidere licet, absque solutione ieiunij, vt cum quis in medio impeditus negotio aliquo, non potuit ipsum perficere, potest, cum vacauerit, absolvere, adhuc ieiunio saluo: non tamen, propter hanc vnitatem prandij, intendimus auferre, quas nostri vocant collationes: licet enim olim tantum per modum medicinæ sumerentur, quia prandium prope noctem fiebat, tamen iam consuetudo probata obtinuit, vt etiam aliquid per modum nutritionis sumatur, & dicit Caiet. v. ieiunium posse fieri cum pane. Nauar. c. 21. num. 12. addit posse similiter cum pane sumi vnum, aut duo genera fructuum, dummodo non sit tanta quantitas, vt potius cena sit, vt statim dicemus.

In continua autem quantitate prandij, non est certa mensura ratione ieiunij, sed quamuis aliquis multum excedat, non ob id soluit ieiunium, peccat tamen contra sobrietatem. Regula ergo debet esse sobrietas, sicut quando non ieiunium: licet tamen tempore ieiunij, aliquid plus accipere in prandio, dummodo prædictus seruetur modus. In collatione verò est mensura: non debet enim esse tanta, vt potius sit cena; tunc enim solueretur ieiunium, quanta tamen debeat esse, consideranda est consuetudo communis patrie, quæ viget communiter apud homines bonos, & timoratos: non enim est peccatum mortale, talem consuetudinem seruare, licet quantitas sit aliquantulum grandis; tamen Armilla, verb. ieiunium. §. 12. probat collationes, quæ fiunt Romæ secundum consuetudinem tinelli, ob consuetudinem, & quia Pontifex tolerat, cum sciatur nec ergo auderem damnare, quamuis misti sint abusus hominum parum timoratorum. Qui profectò cenam lautam, non collationem faciunt, hi non sunt villo modo probandi. Atque hic

est modus in quantitate. Modus in tempore est, ut prandium fiat solito tempore. Olim fiebat hora nona, tribus horis post meridiem, sed iam hoc abolitum est: communiter enim solent homines prandere per horam, aut duas ante meridiem. In hoc consuetudo communis loci est seruanda, cum homines illius loci communiter prandere solent. Potest anticipari hora, iusta causa, ut, quia aliquis facturus est iter, vel hospites habet, vel negotia expectat, qui impediunt horam prandij, & sic excusantur famuli, qui ante tempus prandent, ut possint ministrare postea dominis, quamuis isti possint, cum dilatori sunt prandium, aliquem cibum sumere, ut possint facilius sustinere, moderatum tamen, ut dicit Gabr. 4. dist. 16. q. 3. Qui autem sine causa horam prandij anticipant solitam, Nauarr. c. 21. nu. 27. putat peccare mortaliter, sed ego credo peccare venialiter: & ita dicit Alex. 4. p. q. 103. memb. 3. & Innoc. rubr. de obf. ieiunij, dummodo id in contemptum ieiunij non fiat. Hic tamen nota, esse aliquos, qui collationem nocturnam faciunt mane, & prandium differunt: quod Caie. v. ieiunium, & Nauarr. nu. 12. non probant, nisi aliqua causa rationalis id exigat, quia non est consuetudo, nisi tempore noctis, illam collationem facere; & ego ita credo: sed puto, licet non esset causa rationalis, & solum esse veniale. In his tribus dictis, substantia, quantitate, & tempore, modus internus ieiunij consistit. Externus autem modus, in gratia, & charitate est, sine qua nullum opus bonum valet ad vitam aeternam consequendam: unde consilium laudandum est, in principio Quadragesimae confessionem praeferre, qua homo gratiam, quae amissa est, recuperat, ut ieiunium sit valde utile: non tamen dicat quis propterea, ergo, si in peccato sum, nolo ieiunare; decipietur, qui hoc dixerit: nam ieiunium hominis in peccato existentis, licet non sit meritum vitae aeternae, valet ad multa.

Primò, ne nouum peccatum mortale committat contra obedientiam Ecclesiae exhibendam, quae praecipit ieiunium.

Secundò, quia adhuc carnis concupiscentia frangitur.

Tertiò, quia homo assuefit bono operi, ne postea in gratia existens tantam habeat difficultatem.

Quartò, quia à Deo impetrat facilius peccator poenitentiam, & cordis contritionem. Nullus ergo, quamuis se peccatorem cognoscit, à bono opere vacare debet.

Quando sit ieiunandum, & qualis obligatio.

C A P V T III.

Ieiunia communia populo Christiano sunt hæc, quadragesima, quatuor tempora, vigilia Natiuitatis, vigilia Pentecostes, vigilia Assumptionis Beatissimæ Virginis, omnia Sanctorum, & vigilia Apostolorum Petri & Pauli, vigilia S. Ioannis Apostoli, & Philippi & Iacobi, quæ est inter Pascha, & Pentecosten, vigilia Sancti Ioannis, & S. Laurentij. Ultra hæc sunt aliquot particularia in locis aliquibus obligantia. Hæc omnibus nota sunt. At circa obligationem aduerte, esse distincta ista tria, præceptum ieiunij, præceptum abstinendi à lacticijs, & ouis, & præceptum abstinendi ab esu carniū. Ista autem distinctio consistit, seu percipitur in multis.

Primo, in eo, quod præceptum ieiunij includit alia: cum ieiunio enim lacticia, & caro prohibentur, nisi, vt diximus, consuetudo excuset à lacticio. At verò non contra fit: aliquando enim prohibentur caro, & lacticia, tamen non est ieiunium, vt in dominis quadagesimæ. Aliquando etiam prohibetur caro, non tamen lacticiū, vt in diebus veneris communibus, & Sabbatis intra annum.

Secundo cum dispensatio fit, aut excusatur aliquis à ieiunio, non statim liber est ab alijs, vt iuuenes, qui ante vigesimum primum annum non tenentur ieiunare, tenentur tamen obseruare alia duo. Similiter multi alijs à ieiunio excusati. At verò qui dispensatur in carne, dispensatur in alijs duobus: nec enim tenetur ieiunare, nec abstinere à lacticio. Qui verò in lacticio dispensatur, non ob in ieiunio, aut in carne dispensatur, sed ieiunare & abstinere debet à carnibus, nisi alia ad sit causa.

Tertio, præceptum abstinentiæ à carnibus, est vniuersalissimum; comprehendit enim pueros ante annos discretionis. Lacticia similiter non prohibentur pueris ante annos discretionis, prohibentur tamen ante vigesimum primum annum post, quem obligat ieiunium.

Quarto, qui semel soluit ieiunium, non tenetur illo die ieiunare, nec nouo peccato mortaliter peccat, quamuis pluries commedat, nisi in contemptum ieiunij id faciat: ita tenet Duran. 4. dist. 15. 4. & Tabien. Siluest. verb. ieiunium, contra aliquos. At verò

verò peccat mortaliter toties, quoties in die vescitur cibis prohibitis, carne, aut lacticio, quia ista præcepta sunt negativa de non comedendo, quæ franguntur, quoties comeditur, & præceptum ieiunij est affirmatiuum, & semel fractum, non potest illo die iam seruari; sic nec nouum mortale committit, qui de nouo vescitur, sicut de carne, ac lacticio, vt tenet Nauar. num. 25. Sermo igitur est de hoc præcepto ieiunij, quod, secundum omnium Sanctorum Doctorum sententiam, obligat sub mortali peccato. Ita habet S. Thom. 2. 2. q. 147. artic. 3. & alij omnes: consuetudo enim Ecclesiæ est talis, vt sub mortali ieiuniũ sit obseruandum. Aduerte tamen, obligari hominem, non solum præcepto hoc ecclesiastico, sed & præcepto diuino ieiunare, cum aliter non potest prouideri salutis suæ spirituali: nam qui periculo se exponit peccandi mortaliter, nisi ieiunio frenet carnem, ieiunare tenetur diuino præcepto, & hoc obligat omnes cuiuscumque ætatis, & conditionis, & quocumque tempore, licet sit dies dominicus: tenetur enim abstinere, quantum necessarium est, pro salute spirituali, licet non sit ieiunium eodem modo quo Ecclesiasticum obseruandum: nam si non potest prouidere sibi, vescendo carnibus moderatè, aut abstinendo à vino, tunc ad id solum tenetur. Aliquando etiam tenebitur aliquis ieiunare in pane & aqua, si opus est. Tenetur aliquando homo ieiunare ratione alicuius voti facti: aliquando ratione penitentiae impositæ à Confessario, & aliquando pro salute corporali. Nam dietas necessarias salutis corporum, siue quibus manifestè periclitatur corpus, obseruare tenetur, prout experiri cognouerit, licet non teneatur obseruare, quando non sperat nocumentum notabile: loquor enim de peccato mortali.

Qui excusentur ab obligatione ieiunij Ecclesiastici.

CAPVT IV.

Multa sunt causæ à ieiunio Ecclesiastico liberantes homines; mihi ad quatuor capita reduci posse videntur, quæ sunt hæc, infirmitas, paupertas, labor, pietas.

Infirmitas à Gabr. 4. dist. 16. q. 3. distinguitur, quadrupliciter: est enim infirmitas languoris, complexionis, ætatis, & conditionis.

Infirmitas languoris est, cum quis morbo aliquo laborat, & hic excusatur à ieiunio; vt febrim, aut morbum alium patientes.

Infirmitas complexionis est, cum quis facili in morbum labitur, vt valetudinarij: similiter qui inedia statim in dolores vehementes capitis, aut stomachi incidunt, similiter, qui ita debiles sunt, vt non possint vnico prandio necessarium victum accipere, sed indigent frequenti cibatione. Infirmitas ætatis est, cum nondum est vigesimus primus annus completus: secundum enim communem sententiam, ante vigesimum primum annum completum non obligat ieiunium Ecclesiasticum, quia tunc indigent adolescentes cibo ad nutritionem, & augmentum, licet sanctum consilium sit, assuescere iuuenes hos aliquibus ieiunijs: similiter, senes post septuagesimum annum, secundum communem sententiam, excusantur, licet in hoc non sit regula certa: aliqui enim senilem contrahunt debilitatem ante sexagesimum, aliqui robusti sunt etiam post septuagesimum, vt plurimum tamen septuagesimus annus excusat.

Infirmitas conditionis est in mulieribus gravidis, & lactantibus: quæ quia indigent cibo pro se, & pro foetu, secundum communem sententiam liberæ sunt à ieiunio, sed non à qualitate ciborum, licet medici possint licite vsum lactancium ipsi concedere.

Secunda causa erat paupertas: cum enim aliquis non potest habere vnum cibum integrum, vt isti, qui eleemosynam ostiatim petunt, & modò hic parum cibi, modò illic parum habent, non tenentur ieiunare, sed si vnum possint habere integrum, & sufficiens prandium. Eodem modo excusantur secundum Gabr. alij, licet non ostiatim petant, qui propter paupertatem, miserum prandium, & insufficiens habent; possunt coenare, & interdum comedere.

Tertia causa excusans, est labor: labor enim corporeus macerans, & defatigans notabiliter corpus excusat, propter quod fossiores, messores, aratores, seminatores, fabri lignarij, ferrarij, & omnes alij, vt lapidæ, cursores, iter facientes pedites, & vt dixi, omnes huiusmodi laborantes excusantur à ieiunio, sed non futores, & qui vestes faciunt, & alij huiusmodi artifices qui non multum corpus exercet, à ieiunio excusantur. Aduertendum tamen, laborem hunc excusare, cum prouenit ex vno trium causarum.

Prima est, cum labor competit alicui ex officio: qui enim ex officio huiusmodi labores habent, excusantur, licet diuites sint: non enim tenentur cessare à labore ob ieiunium, & ita concessum est ab Eugenio in bulla quadam, cuius meminit Sylu. verb. ieiunium, §. 24. quòd diuites laborantes non teneantur ieiunare. Quòd si ex officio non habetur, excusantur, cum id faciunt in vtilitatem Reipub. aut communitatis, vt qui tempore belli iuant ad fabricas, vel muros construendos, quamuis id ex officio non habeant, soluuntur à præcepto ieiunij, si fortè tunc temporis occurrat, quia in vtilitatem communem talis labor est. Quòd si nec hoc modo sit, excusantur, & cum est ad vitandum damnum proprium, vel proximi temporale, & multò magis spirituale. Et sic excusantur qui tempore ieiunij laborant, vel extinguendum incendium in re propria, vel proximi; vel ad aliud opus corporale faciendum, quod nisi fiat, inducit damnum. His causis labor huiusmodi excusat à ieiunio.

Quarta causa excusans est pietas, nempè officia spiritualia, & opera misericordiar, quæ cum ieiunio esse non possunt, vt concionari, legere, & secundum Caiet. confessiones audire, inferuire hospitalibus, peregrinari per loca pia. Nota tamen, quòd huiusmodi non excusantur, nisi cum ex officio fuerit, aut ex obedientia, aut ex voto aliquo præcedente. Sylu. verb. ieiunium, §. 26. dicit, quòd cum conciones alicuius sunt multum viles populo, posse excusari à ieiunio, licet sine obligatione vlla, sed ex propria deuotione faceret. Adde etiam quòd isti, qui in vniuersitatibus legunt, non ex officio, sed ad sui notitiam, & opinionem comparandam, possent legere, & excusari à ieiunio, cum detrimentum illis obueniret, nisi lectiones continuarentur. Circa peregrinationem autem omnes notant, non licere peregrinari tempore ieiunij, & ieiunium soluere, nisi cum ex voto peregrinatio est, nec potest commodè differri in aliud tempus. Addit Nauarr. num. 19. posse fieri, cum ex deuotione aliqua magna sit; sed vt credo, non licet absque consilio Confessarij, iudicantis plus spiro. Licet ritui profuturam peregrinationem, quam ieiunium. Licet etiam peregrinari die ieiunij, ad vitandum detrimentum temporale aliquod; puta, cum habet socium via, quem amittet, nisi iter illo tempore conficiat, aut cum timet aliquod periculum. Excusatur & à ieiunio, qui non potest reddere debitum vxori ieiunando. Rursus excusatur vxor, quæ ad vitandas

rixas, & odia cum marito, cenat cum ipso, & ieiunium soluit, ita dicit Tabien. verb. ieiunium, §. 20. & Syluest. §. 15. sed intellige, cum maritus non facit id in fidei contemptum, tunc enim potius est subeunda mors; quod potest accidere modò, cum maritus Lutheranus est, & vxor Catholica, atque illa petit ieiunium solui, in fidei contemptum, tunc non est vllò modo acquiescendum. Hæ sunt causæ excusantes. Erga quas, duo vniuersaliter sunt consideranda.

Vnum est, cum quis habet aliquam causam dubiam, an excuset vel non, tunc debet petere declarationem, vel à Confessario, vel à viro docto, vel à medico, vel à superiore, puta Episcopo, vel prælato: hi enim duo possunt cum subditis dispensare in ieiunio, ceteri dicti, declarare. Aduertant autem medici, ne sint prodigi in hac parte, cautè enim debent perpendere causas, & non quauis leui causâ concedere facultatem, seu declarare causam sufficientem, ad soluendum ieiunium, aut vten dum cibis prohibitis.

Alterum est, cum poenitens bona fide putat se habere causam sufficientem non ieiunandi, licet verè non sit sufficiens, solum venialiter peccat, nec debet à Confessario statim damnari de mortali: immò nec debet illum à sua fide, & conscientia deponere, sed solum exhortari, vt experiatur ieiunare. Ita docet Anton. 2. p. titu. 6. cap. 2. Palud. 4. dist. 15. q. 4. art. 1. Caiet. 2. 2. q. 147. art. 3.

De obligatione ieiunij respectu aliorum.

CAPVT V.

Aliquando homo non solum obligatur ieiunare, sed etiam, siue ieiunet ipse, siue non, aliorum ieiunio attendere; & peccat, quia alij non ieiunant. Est autem regula: quoties aliquis est causa, vt alij ieiunium soluant, qui aliter tenebantur ieiunare, peccat, ac si non ieiunaret. In particulari autem sunt iuxta istam regulam casus aliqui.

Primus est: qui habet seruos, aut famulos, & cogit illos laborare aliquid die ieiunij ita, vt non possint implere ieiunium, peccat mortaliter, nisi labor ille non possit differri in alium diem, quin damnum alicuius momenti obueniat, tunc enim non peccaret, & famuli excusarentur à ieiunio. Ita

habet Palud. 4. d. 14. quæst. 4. art. 1. Gabr. 4. d. 16. q. 3. art. 1. notabili 4.

Secundus casus, patresfamilias, villici, curam domus habentes, & alij domini debent curam gerere filiorum, famulorum, & aliorum, qui domi sunt, ita quod si ministrant eis carnem, vel cibos, quibus ieiunium soluant, mortaliter peccent: cooperantur enim aliorum peccato. Et in hoc multa solet esse apud multos negligentia: non enim debent eis ministrare arma malitiæ villo modo. Ita habet Gabr. q. 3. allegata.

Tertius est casus, ex eodem Gabr. quæst. 3. art. 3. dub. 6. Caupones, & qui paratas habent mensas aut tabulas prandendi, peccant mortaliter ministrando cibos prohibitos ijs, qui non possunt comedere, & ministrando cibum, quo alij soluant ieiunium, peccant, & mortaliter in eo solo quod parati sunt omnibus dare cibum, licet ipsi ieiunium seuiant: non enim licet ministrare, nisi ijs, qui non tenentur ieiunare, vel, quos ipsi probabiliter credunt à ieiunio excusari: cæteris verò tantum debet prandium conueniens ieiunio ministrari.

Quartus est eorum, qui cum ipsi non ieiunent, vel quia nolunt, vel quia excusantur, inuitant alios ad carnandum, ut faciant soluere ieiunium, quod aliter non soluerent; hi enim causa peccati sunt, & consequenter peccant.

Quintus est, eorum qui nolunt conducere operarios, nisi soluant ieiunium; quamuis si aliqua vigeret necessitas, ut illi multum laborarent, posset hoc ab illis exigi, sed debet esse communis utilitas, aut ad vitandum graue damnum aliquod. Vnum tantum dubium occurrit in materia de ieiunio: an quando aliquis peruenit ad locum, in quo ieiunatur tali die, in quo non ieiunatur in loco, à quo profectus est, teneatur ieiunare, & abstinere à cibis prohibitis, respondet Syluest. verb. ieiunium, in fine cum distinctione: cum enim illuc peruenit commemorandi causa, tenetur obseruare tale præceptum; cum verò non, sed animo semeandi, vel vltius transeundi, non tenetur si citra scandalum id potest facere.

De secundo præcepto audiendi sacrum.

CAPVT VI.

HOC præceptum habetur, de consecrat. dist. i. can. missas. Oportet præuidere quid est sacrum, seu missam audire.

In primis non est audire sacrum, intelligere, & intellectu percipere quæ in missa dicuntur; non enim rustici missam audirent. Rursus, non est auribus voces percipere; surdi enim tunc audire sacrum non possent, nec ij, qui longe à sacerdote celebrante distant, quos tamen certum est implere præceptum. Rursus, non est videre ea, quæ in missa aguntur: nam cæci tunc non possent implere præceptum, quos tamen implere certum est, unde, potest aliquis clausis, ne diuagentur oculis missam audire. Rursus, non est aliquo uti sensu erga ea, quæ in missa aguntur: solent enim aliqui, dum hostia eleuatur, manum eleuate contra hostiam, & propriam faciem ter tangere, solentque aliarum huiusmodi ceremoniarum fieri, in quarum nulla consistit audire sacrum. Est ergo audire sacrum corpore adesse, & mente attendere: nam domi aliquis existens, non potest audire sacrum, quod fit in Ecclesia. Dico, mente attendere: nam non audit sacrum, qui præsens est corpore, sed dormit, dum dicitur sacrum. Opus est ergo aduertere, ut dicatur mentaliter esse præsens rei quæ fit. Ista autem mentis aduertentia ad hunc modum intelligenda est, quod homo ita attendat ut non diuagetur affectata diuagatione: cum enim aliquis venit audire sacrum, & postea raptus alijs cogitationibus parum aut nihil aduerit, dicitur quidem præceptum missam audiendi implere, nec tenetur audire aliam, dummodò non sit affectata diuagatio & inaduertentia. Tunc autem talis est, quando homo aduertens se diuagari, voluit diuagari, nullam quæ fecit diligentiam ut attenderet; aut quando eligit facere opus, quod ex se diuagationem habet annexam: ut qui cum audit sacrum, vellet scribere, pingere, aut studere, vel quid simile facere, isti censetur affectatam habere inaduertentiam, nec audiunt sacrum. Dubium hic occurrit, an, dum quis audit missam de præcepto, possit recitare horas canonicas, quas tenetur ex officio recitare aut dicere coronam ex deuotione, aut ex iniuncta poenitentia. Ang. verb. feriaz. §. 46. dixit id fieri non posse, sed contrarium est tenendum: dummodò quis attendat, sal-

tem virtualiter, se adesse missæ, & esse coram altari, satisfacit præcepto; cum qua attentione potest simul recitare, præsertim, quia ista ad vnum ad eundem finem ordinantur; puta, Deum ipsum, & mentis eleuationem in ipsum. Ita habet Adrian. tract. de satisfact. quæst. 7. & Medina tracta. 2. de poenitentia iniuncta, & Caietan. verb. dies festus, & Nauarr. cap. 21. num. 9. Consilium tamen esset, si attenderet potius mysteria missæ, aut attenderet saltem ad ea quæ dicuntur in Evangelio & Epistola: qui tamen ista non potest præstare, vel quia ignoras est, vel quia non potest attendere, sed statim diuagatur, nisi recitet, adhuc melius est recitare.

Quæ missa, quo loco, & quantæ sit audienda.

CAPVT VII.

Missa non eodem modo celebratur, sed aliqua est particularis, aliqua solennis, quæ voce alta decantatur, & dicitur missa maior. Aligua est de requiem, aliqua de feria, aliqua de sancto, aliqua ex deuotione. Nullus tenetur certam missam audire ex præcepto, sed potest satisfacere præcepto, si audiat missam de requiem in die dominico: solum enim obligatio est audire missam, siue priuata, siue solennis, siue de feria sit, siue non. Ita habet Anton. 2. p. tit. 9. cap. 10. §. 1. Tabien. verb. missa, nu. 48. & est communis doctrina, licet aliqui contradicant, sed non sunt audiendi. Consilium est vtile, curare audire sacrum tempori accommodatum, præsertim etiam solennes missas & maiores in diebus solennibus & magnæ festiuitatis, sed non est hoc præceptum. Rursus, non est obligatio audiendi eam in parochia propria: satisficit enim præcepto, quamuis domi, & extra Ecclesiam audiarur, aut in Ecclesia audiarur aliena, vt dicit Sylu. verb. Missa. 2. §. 5. & Tabien. v. missa. §. 51. quamuis non desinit qui contradicant. Verum est, quòd peccaret, qui ex contempnu propriam dimitteret parochiam, aut si ex dimissione scandalum sequeretur, aut quando in parochia declarantur aliqua, & traduntur, quæ debet omnis parochus scire: tunc enim peccaret, dimittendo. Credo tamen, quòd semper implet præceptum audiendi sacrum per missam

missam quoque loco auditam: sunt tamen monendi, exhortandique omnes, ut suas parochias frequentent, maximè diebus sollemnibus; & Concil. Trident. sess. 22. cap. 1. post can. 9. ita monet.

At de quantitate missæ dubium est, quanta sit audienda. Secundum communem opinionem sufficit una: nullus enim tenetur plures audire; immò, nec in die Natalis Domini, quando quilibet sacerdos ter celebrat; sufficit enim unam audire ad satisfactionem præcepti, ut Nauar. cap. 21. nu. 7.

Dico secundò, & omnes conveniunt esse audiendam missam, ita ut non dimittatur notabilis pars, puta, media, aut tertia pars: tunc enim non impleteretur præceptum, si talis pars amitteretur. In particulari autem Tabien. §. 50. & Nauar. nu. 2. dicunt, quòd si dimitteret usque ad Epistolam inclusivè, tunc non impleteretur præceptum, quia est notabilis pars; quamvis, si dimitteretur totum, quod est ante Epistolam, adhuc posset impleri præceptum: & ego ita credo; quamvis non desint, qui dicunt, posse & Epistolam dimitti; sed non est securum, nisi ex necessaria causa id prouenerit. Hic tamen advertendum est, quòd si, qui inseruiunt sacro aliquando coguntur partem missæ non audire, ut ferant ea, quæ necessaria sunt sacro, puta, cum discedunt, ut adferant thus, vinum, hostiam, vel quid simile, non reputantur abesse, sed illis computatur illud, ac si audiissent. Ita habet Anton. 2. p. tit. 9. cap. 10. §. 1. Sylu. verb. missa, 2. §. 1. & Tabien. verb. missa. §. 50.

Dico tertio, aliqui volunt, quòd si quis mediam missam audiret ab uno sacerdote, & residuum ab aliquo alio, quòd satisfaceret præcepto; nam missam integram audiuit: ita tenet Maior. dist. 45. quæst. 2. Nauar. cap. 11. nu. 2. Idem Soto 4. distinct. 13. quæst. artic. 1. & mihi probabile videretur; quamvis, si aliquis id fecisset, si tempus esset, quo vacaret audire sacrum vinum aliud vnius, monerem & consulerem: nam profectò non est visus audire missam integram, sed duas medietates duarum missarum, quæ inter se non faciunt integritatem;

cap. Missas, de consecr. d. 1. præcipitur expectari
benedictionem, vide Pan. cap. ut laici,
devota & hon. cler.

*A quo, & quando, & qua obligatione fit missa
audienda.*

CAPVT VIII.

Non à quouis missa est audienda. Cauere enim debemus audire missam à Sacerdote nominatim excommunicato, suspenso, aut interdicto, & à publico clerici percussore, & à concubinario notorio & denunciato, vt dicit Silu. verb. missa, 2. §. 3. aliorum verò missas, licet excommunicati sint à iure, vel ab homine, dum non sint nominati, possumus audire, non enim tenemur ab omni excommunicato fugere, vt diximus in lib. 1. in materia de excommunicatione. Similiter etiam degradati, aut depositi missam non possumus audire, sicut nec possumus audire à nominatim excommunicato. Tempus autem obligationis solum est in diebus dominicis & festis de praecepto. In alijs diebus non tenemur, licet sint dies Quadragesimae, nec contra hoc probat cap. solent, de consecr. d. 1. & c. fin. de priu. in 6. vbi videtur contrarium dici: ista enim capita, vt dicit Tabie v. missa, §. 45. sunt de consilio intelligenda; nam cap. fin. loquitur de Episcopis; cap. verò solent, de omnibus in diebus tamen quadragesimae, & neutrum obligat sub praecepto. Est enim consilium utilissimum quotidie audire, aut saltem quoties homo commodè potest obligatio autem est praecepti obligantis ad mortale: qui enim non audire sacrum, quo tempore tenetur, mortaliter peccaret, secundum quosdam, sicut peccat, qui ieiunium non seruat. Obligat autem hoc praeceptum omnes habentes vsum rationis, cuiuscumque sint aetatis, sexus, & conditionis.

Quae causa excuset ab audiendo sacro.

CAPVT IX.

Multi sunt casus, in quibus homo excusatur ab isto praecepto Ecclesiastico; omnes tamen possunt reduci ad quinque causas, ex quibus quinque regulae generales possunt desumi.

Prima causa est, ad vitandum damnum spirituale proprium, aut alienum, vnde est regula: quoties ex sacro audiendo sequitur

tur damnum seu detrimentum spirituale, puta, peccatum proprium aut proximi, non teneretur homo audire sacrum. Per hanc causam & regulam excusantur excommunicatus, interdictus nominatim, & interdictus generaliter, non habens privilegium aut diploma, ut audire possit; tunc enim non excusatur, ut dicit Nauarr. ca. 21. nu. 4. Similiter qui iuramento se adstrinxit non egressurum domo, in qua, loco carceris tenetur: hi non tenentur audire, quia si audiant, peccant, quia obligati sunt, aut impediti alia via. Similiter mater quæ timet filios suos, si domo egrediatur, ad vitandum damnum filiarum spirituale, potest manere domi, licet non audiat sacrum, dum sit periculum probabile talis damni. Huiusmodi possunt occurrere alij multi casus.

Secunda causa est, ad euitandum damnum aliquod corporis notabile: vnde est regula; Quoties sequitur, aut timetur damnum corporeum aliquod notabile, aut alicuius momenti, tunc non obligatur homo audire sacrum. Per hanc causam excusantur infirmi, qui absq; detrimento non possunt a lecto surgere & ambulare. Excusantur etiam qui inseruiunt infirmis, & non possunt audire, nisi ipsos solos deserant. Similiter matres, quæ habent domi paruulos, nec possunt relinquere absq; periculo probabili alicuius damni. Similiter qui faciunt iter cum alijs, nec possunt audire sacrum, nisi perdant socios, vnde detrimentum patiuntur, quia vel viam nesciunt, vel timeant latrones. Similiter, qui habent inimicos, nec possunt exire domo secuti. Similiter mancipia & serui, qui timeant verbera & iniurias à dominis, si deserant domum, quamuis domini non excusentur à peccato, non concedentur eis tempus audiendi sacrum, cum absq; damno notabili possunt. Similiter vxor qui timet rixas & percussione à marito, vel non potest necessaria domi præparare ad victum, si domo egrediatur. Omnes hi excusantur, quia damnum corporeum contrahunt, si sacrum audiant.

Tertia causa est, ad euitandum damnum honoris: vnde regula est. Quoties non potest quis absq; læsione honoris, aut famæ propriæ vel alienæ audire sacrum non tenetur. Per hanc causam excusantur, quibus non sunt vestes conuenientes sue personæ, ut domo possint exire. Rursus, filię nobiles, quæ non possunt ita facile egredi domo, sed timetur infamia aliqua; quamuis non excusentur, cum egrediuntur ad choreas, & festa vana: tum enim non videntur habere causam, cur non egrediantur.

diantur ad audiendam missam, vt dicit Tabien. §. 46. quamuis si non permittantur à matribus, excusentur, licet matres peccent, nisi rationabili causa faciant. Excusantur etiam viduæ, quæ, certo tempore post obitum coniugis, solent domi clausæ manere. Tabiena. §. 46. dicit licere hoc saltem per mensem; tamen Nauarr. n. 4. dicit melius, licere etiam per annum, dum talis sit loci consuetudo; ita vt citra infamiam non liceat egressi: nec in hoc est limitatum tempus, nisi iuxta consuetudinem loci, quamuis istæ consuetudines debeant corrigi per Episcopos. Qui tamen vltra consuetudinem loci maneret, & prætermitteret sacrum, peccaret mortaliter.

Quarta causa est, cum timeretur damnum rei propriæ, aut proximi, tunc ea est regula. Quoties aliquis in re propria, vel proximi detrimentum patitur, excusatur.

Per hanc excusantur, qui custodiunt arces aut carceres, nec possunt dimittere absq; detrimento. Rursus, qui seria negotia ex officio, vt consiliarij, & alia huiusmodi tractant, nec possunt differre absq; detrimento. Rursus, qui custodiunt aut seruant in agris oves armenta, vineas, & alia huiusmodi, nec possunt sine detrimento deferere. Rursus, qui non possunt suas negotiationes perficere sine detrimento, nisi iter faciant; vnde sacrum audire non possunt. Rursus, qui timent latrones, si domum sine custodia deferant. Rursus famuli, qui non possunt alios inuenire patronos, & ab his, quos habent, non datur tempus audiendi sacrum; quamuis in hoc peccent patroni, quando sine detrimento possunt tempus concedere famulis audiendi missam, & non concedunt: famuli vero tenentur illos deferere, si continuò non detur eis tempus tale.

Quòd si id non sit continuò, sed aliquando non tenentur, non peccant obediendo. Quòd si non possunt faciliè inuenire alios, quibus seruiant, adhuc non tenentur, licet non audiant sacrum, dummodò patroni non faciant id in fidei contemptum; tunc enim nullo modo eis esset acquiescendum: quia est contra ius diuinum.

Vltima causa est; impotentia; per quam incarcerati, & qui iter longum, siue per terram, siue per mare faciunt, tamen non inueniunt loca, in quibus celebretur: nec tenetur audire missam, si eant in mari. Similiter, qui non habent copiam sacerdotum, qui celebrent, & alij huiusmodi excusantur. In omnibus his casibus notandum est, quòd quamuis aliquando de facto

facto non sit vera causa excusans, tamen aliquis putat bona fide esse veram & sufficientem causam, non peccat mortaliter si cucetiam diximus de ieiunio.

Quomodo audiendum sacrum, & quae utilitas ex auditione.

CAPVT X.

Qui cum fructu & utilitate sacrum audire nititur, debet sic depositus accedere. Primò opus est fide, qua credat, in sacramento, quod in missa adoratur, & sumitur, verè realiter, ac praesentialiter Christum esse totum. Rursus, in ipsa missa verè offerri à sacerdote iuge sacrificium Deo Patri acceptissimum. Opus est etiam, vt cum dilectione accedat: in missa enim celebratur, & representatur ipsa passio Christi, quae fuit vnum ex summis beneficijs à Christo Domino nobis collatis, propter quod, homo in ipsius amore & dilectionem perpetuò deberet rapi: cumq; in missa memoriale tanti beneficij celebretur, ipsumq; memoriale sit magnum, quoddam beneficium ingrati animi est, accedere sine amore & dilectione; quod vnum solent praestare, quia gratis referre non possunt, nec etiam pares agere. Opus etiam est, cum reuerentia accedere, non solum interiori, qua homo ipsam Christum & Dominum, & Deum recognoscat, seque infirmum & tantum tanto beneficio iudicet, sed & exterius, quae in modo, & decencia corporis consistit: in quo reproba est abusus multorum, qui vno genu flexo adstant, & qui oculos huc illuc immodestè vertunt, & aliquando inter se colloquuntur, quod coram terrenis Dominis, qui nihil sunt respectu summi Dei facere nefas esset.

Istam autem reuerentiam homo multis de causis debet exhibere.

Primò, quia adstat coram Christo Domino, cui omne genu, caelestium, terrestrium, & infernorum debet incuruari.

Secundò, quia est in Angelorum consortio: adstant enim Angeli coram Sanctissimo sacramento, vt docent Gregor. & Ambr. & nobiscum sunt praesentes in missae sacrificio. Quia autem est, nisi inconsideratus homo, qui reuatur cum Angelis adesse.

desse, & non curet, ut potest, quam ipsi exhibent reuerentiam, & ipse exhibere?

Tertiò, quia, qui audit sacrum, multa petit à Deo, unde sacerdos frequenter dicit, Oremus, & omnium nomine orationes fundit: quis autem petit aliquid impetrandum ab altero, & non se erga eum, saltem propter hoc, reuerenter gerit? Pauperiores sumus nos respectu Dei, quàm sint homines mendici respectu diuitum; & tamen hi ob vnum obolum, quot genuflectiones & nudationes capitis facere solent.

Quartò, ratione officij, quod exhibent qui audiunt sacrum. Non putes solum sacerdotem offerre illud sacrificium Deo: offerunt enim & circumstantes, licet mediante sacerdotes. Si ergo, qui vas aureum Principi offerendum portat, vasi inanimato reuerentiam quandam exhibet, dum ille manus lauat, dum se ornat, quanto maior est reuerentia exhibenda huic oblationi, quæ Christus ipsemet est, & non terreno Principi, sed Deo Principi, Omnipotentique Patri offertur? Hæc est dispositio audiendi sacrum, quæ cum attentione & consideratione coniuncta est; ad quam sacerdos nos exhortatur, dicendo, *Surgam corda*, faxit Deus, ne aliqui mendaces inueniantur, respondentes, *Habemus ad Dominum*. Qui tali dispositione accedit, fructu huius sacrificij non priuatur, qui licet multiplex sit, tamen aliquot præcipuæ utilitates proponuntur.

Prima est, gratiæ augmentum: qui enim in gratia est, sacrum audiendo, gratiæ augmentum consequitur, tum quia offert, tum quia pro ipso etiam sacrum offertur.

Rursus secundo, consequitur poenæ temporalis, pro peccatis debitorum remissionem.

Rursus tertiò, quod petit facilius impetrat: nam Deo Patri oblationem acceptissimam, puta Christum, offert. Solent autem faciliè impetrare ab hominibus, qui dona secum ferunt ipsis offerenda, & eò facilius, quò dona gratiora sunt.

Rursus quartò, actus virtutum exercentur, & præcipuè trii, quæ sunt magni meriti. Exercentur fides, dum creduntur ea, quæ in mysterijs celebrantur; exercetur caritas, dum in Christum præsentem fertur voluntas per amorem; exercetur religio per adorationem & latriam Christi in sacramento.

Rursus quintò, comparet homo in præsentia Christi, & eo, quo potest, modo, puta per fidem, præsentem videt Christum, & habet, ac impetrat, quod impetraret, si videret, si debito

modo petat: vnde cæcus, qui ex turba prætereunte cognouit Christum, nō minus obtinuit, quod petijt, ac si vidisset: & hoc puto dat magnam pacem animæ, & gaudium spirituale, dum homo videt saltem vbi Christus continetur, potestque dici de huiusmodi audientibus factum: *Beati oculi, qui vident, quæ vos videtis.* Quod si illi non possunt videre oculo corporeo, id poterit dici: *Beati qui non viderunt, & crediderunt.*

De tertio præcepto Ecclesiæ.

CAPVT XI.

Peccata tua sacerdoti proprio, aut alteri cum eius facultate, singulis annis confiteor. Tertium præceptum est, confessio. Et quia multa diximus in libro 3. pauca modo attingemus.

Primum est, præcepto confessionis, omnes habentes vsum rationis, cuiuscumque ætatis, sexus, & conditionis sint, obligari sub peccato mortali, vt habetur c. omnis vtriusque sexus, de penit. & remiss. Hoc autem præceptum non obligat, nisi ad confitendum omnia mortalia, quæ homo memoria consequi potest. Venialia non sunt de necessitate confessionis, quamuis vtile & sanctum consilium sit, confiteri ea, præsertim quādo mortalia defunt. Obligatio hæc est, semel in anno confitendi, adeo quod, qui confessus iam est in Natali, aut alio anni tempore, non teneatur confiteri in Quadagesima, nisi velit communicare: tunc enim, si post confessionem præcedentem mortaliter peccauit, iterum debet confiteri. Quod si non mortaliter peccauit, aut non debet sumere Eucharistiam, non tenetur; quamuis propter scandalum, si aliquando sequitur, præsertim si communicare vult, teneatur accedere ad confessionem, & confiteri venialia, aut dicere se non habere materiam necessariam confessionis. Aliquando autem tenetur homo statim post mortale confiteri.

Primo, quando est mortis articulus, aut periculum mortis, vt, qui intrat mare, bellum; aut mulier, quæ est prope partum.

Secundo, quando probabiliter credit, quod nisi tunc confiteatur, non habebit illo anno copiam sacerdotum, seu Confessoriorum.

Tertio

Tertiò, quando vult sumere Eucharistiam, & est conscius mortalis peccati.

Quartò, quando vult, aut in iniuncta poenitentia habet, pluries, & statutis temporibus in anno confiteri. Extra hos casus solùm tenetur semel in anno : & quamvis non sit tempus determinatum, tamen propter communionem consuetudo obtinet, vt fiat in Quadragesima, non tamen obligat eum, qui alias est confessus, nec iterum mortaliter peccauit, vt diximus. Ista autem confessio est cum Confessario proprio facienda. Vocamus autem proprium in presenti, vnum ex tribus, aut qui ex officio habet facultatem absoluedi, vt Prælatus, & Patochus, aut commissione superioris Episcopi, aut Pontificis, qualem habent multi religiosi, aut ex facultate poenitenti concessa : multi enim poenitentes per priuilegia, aut diplomata, seu bullas, possunt sibi eligere Confessarios proprios, quocumque modo sit proprius, satis est ad audiendas confessiones. Plura hic dici poterant de confessione, sed vide quæ dicta sunt libro tertio. Nunc autem, quòd vile sit frequenter confiteri in anno, immò in mense, ostendam ex multis notandis vtilitatibus quæ proueniunt ex hoc, inter quas aliquot recensbo.

Prima est gratiæ augmentum: quoties enim homo confitetur, si debito modo accedat, si in peccato est, consequitur gratiam & peccati remissionem; si autem est in gratia, consequitur augmentum gratiæ. Vnde, si quater in mense confitetur, quater etiam augetur gratia, & si pluries confitetur, pluries augetur gratia. Quanti autem valoris sit gratia, vix potest cogitari, hoc tamen est certum, eligibiliorem esse minimum gradum gratiæ, quam possidere perpetuò vniuersum orbem, & in altero mundo datur maior gloria essentialis, duratura in æternum, ei, qui in hoc mundo maiorem habet gratiam.

Secunda vtilitas est, remissio poenæ temporalis: quoties enim homo confitetur, ei remittitur pars poenæ peccati soluendæ in purgatorio. Si autem quis consideret, quam acerba sit poenâ purgatorii, suam profecto damnabit negligentiam, & ad hoc sacramentum pluries accedet: hoc enim certum est, nullam in hoc mundo à quouis crudelissimo tyranno posse poenam corporalem infligi, quæ adæquet minimam, quam anima patitur in Purgatorio.

Tertia est, inimicus debilitatur: Dæmon enim multum in-

furgit contra hominem, dum peccata secum recondita habet, nec medico spirituali aperit, iuxta illud: *Quoniam tacui, inuenerunt ossa mea.* At cum homo ad confessionem confugit, timet Dæmon, nec audet accedere ei, qui omnes eius suggestiones Confessario manifestat. Caro etiam multum succumbit spiritui, propter augmentum gratiæ, quod habet anima ex frequenti confessione.

Quarta utilitas est, peccatum non ita sedititer radicitur in anima. Hoc dico propter aliquos, qui frequenter solent in mortale aliquod prolabi; & quamuis modò confiteantur, iterum solent in idem peccatum recidere ex aliqua fragilitate. Istis profectò frequens confessio hoc præstat, quòd illud peccatum semel commissum, nisi poenitentia & confessione deleteretur, adeò frequenti, fortius animæ inhaereret, alijsq; superuenientibus, in habitum quendam difficillimum postea ad expellendum, transiret: at confessio ista impedit radicationem & emendationem facilius & citius consequitur. Vnde legimus de illis, qui duas ollas luto plenas habuit, vnā singulis diebus mundabat, & iterum luto implebat, alteram multo tempore plenā reliquit; postea, cum ab hac lutum extrahere vellet, vix potuit, nisi ollam rumpebat.

Quinta utilitas est: nam, cum ex frequenti confessione pluries sit in gratia, plura bona opera facit in gratia, & licet postea peccet, tamen, cum iterum redit ad gratiam, illi restituntur bona illa opera, quæ per peccatum mortificata erant. At opera in peccato facta, numquam sunt meritoria vitæ æternæ, licet homo ad gratiam redeat. Quòd si est in gratia semper, cum illi augeatur gratia per confessionem, eadem opera, quæ sunt magis meritoria, quæ non essent, si in tanta gratia homo non esset.

Sexta, minus est expositus periculo, qui sæpè confitetur: nam, si sæpè peccat, sæpè est in gratia: facilius autem est mori in gratia ei, qui sæpè eam habet, quàm ei, qui rarò.

Septima est, homo suam melius seruatur consciētiam: isti enim qui semel in animo confitentur, vix tertiam partem peccatorum confiteatur.

Octaua, liberatur homo à graui fastidio & timore: qui enim rarò confitentur, cum tempus confitendi aduenit, dolores parturienti: sibi pati videntur, & magna angustia & timore semper procrastinant, vsque in diem vltimum Quadragesimæ; &, quod peius est, aliquando negligunt præceptum Ecclesiæ:

clis: & quod adhuc pessimum, in mortis articulo adeo magna hac angustia premuntur, ut aliquando desperent.

Ultima est, qui in gratia est, conseruatur multum in ea per confessiones frequentes: homo enim est magis illuminatus, ut se cognoscat, & ea, quæ nocent animæ, intelligat. Multa alia bona frequens confessio homini affert, sed ista enarrasse sufficiat. Hæc & alia experietur, qui consilium hoc opere compleuerit.

De quarto præcepto, quid sit Eucharistia.

C A P V T XII.

Quartum præceptum Ecclesiæ, est præceptum communionis, puta sumptionis Eucharistiæ. Est ergo breuiter considerandum, quid sit Eucharistia. Videtur autem sic posse describi. *species sensibiles panis, & vini, & corpus, & sanguinem Christi significantes, & realiter continentes.* In qua descriptione sunt tres partes.

Prima est, *species sensibiles panis & vini.* Vocamus species, accidentia ipsa, quæ erant panis, & vini, nempe quantitatem, odorem, saporem, colorem, quæ omnia sensu percipiuntur.

Secunda pars est, *corpus, & sanguinem Christi significantes:* ista enim accidentia sunt signa quædam; corporis quidem Christi, ipsæ species panis; sanguinis autem, ipsæ species vini signa sunt.

Tertia pars est, *realiter continentes.* Non enim illæ species habent significare tantum corpus & sanguinem, sed verè continent ipsa: sub speciebus enim panis realiter Christi corpus est; sub speciebus vini, realiter sanguis Christi est. Totum ergo hoc, nimirum species prædictæ, corpus & sanguinem Christi continentes, & significantes, dicitur sacramentum Eucharistiæ, *ἱεὺς ἁγία* autem, idem est Græcè; quòd Latine gratiarum actio. Hoc autem sacramentum dicitur Eucharistia, quia est vnum grande & insigne beneficium, propter quod Christo Domino perpetuas gratias agere debemus. Est autem notandum, quòd in hoc sacramento, Catholicus debet secundum fidem has quatuor veritates recipere, quæ habentur ex Concilio Trid. sess. 13.

Prima est, sub illis speciebus, non esse post consecrationem

neum panis aut vini substantiam, sed omnino conuersa est in Christi corpus & sanguinem, manentibus dumtaxat speciebus.

Secunda est, sub eisdem speciebus verè & realiter esse corpus & sanguinem Christi.

Tertia est, sub utraq; specie, & sub altera tantum esse totum Christum: verbi gratia, sub speciebus panis esse totum Christum, nempe corpus & animam unitam diuinitati. Similiter totum Christum esse sub speciebus vini. Dices, si totus Christus est sub speciebus panis, & totus sub speciebus vini, quare dicitur communiter, quod species panis continet corpus, species vini continet sanguinem? Respondeo quodam exemplo. Cum tu vocas famulum tuum, aut amicum, hic autem venit coram te, clarum est, amicum esse coram te, & non solum ipsum, sed ipsius vestimenta; nam vestitus venit: si ergo petam à te, tu vocasti amicum, quomodo & hic sunt vestes? respondebis, ex vi verbi mei, quo vocaui, solus amicus adest, & quia ipse vestitus erat, ratione coniunctionis vestimentorum, etiam sunt hic vestes. Eodem ergo modo intelligas, sub speciebus panis est tantum corpus Christi, ex virtute verborum consecrationis, quæ erat, *hoc est corpus meum*; at quia corpus est cum anima & diuinitate, fit, ut ratione concomitantia totus sit Christus. Similiter sub speciebus vini ex vi verborum sanguis est: dicitur enim, *hic est calix sanguinis*; tamen quia sanguis est cum corpore, & corpus cum anima, & hæc diuinitati unita sunt, sunt & ista omnia sub illis speciebus. Quando ergo audis, sub speciebus panis esse corpus, sub vini, esse sanguinem; intellige, ex vi significationis, tamen ratione concomitantia, Christus est sub altera specie.

Quarta est, illa accidentia panis & vini per se sunt, nec subsistunt in corpore Christi, sicut sustentatur in pane. In his quatuor veritatibus, præcipue innititur ratio huius sacramenti.

Quare instituta est Eucharistia.

CAPVT XII.

Sacramentum hoc à Christo Domino in vltima cena institutum est, in hos quatuor præcipuos vsus.

Primus, ut esset memoriale quoddam mortis & passionis

his eius. Representat autem optimè hoc sacramentum mortem & passionem Christi; in hoc enim, quod species panis ex vi significationis representant & continent corpus, ut à sanguine separatum, & species vini continent, & representatur sanguinem à corpore separatum, mors non quæcumque, sed quæ per passionem significatur, representatur. Est autem representatio maxima; nam ipsamet quæ representantur, seu significantur, sunt præsentia, putà, corpus & sanguinis.

Secundus, fuit institutum in argumentum maximi & feruentissimi amoris Christi erga nos: discessurus enim ad Patrē ex hoc mundo, seipsum in pignus amoris reliquit.

Tertius, fuit etiam institutum in cibum spirituale: ut enim corpus cibo naturali indiget, ut in vita sua sustentetur, ita anima indiget cibo spirituali, ut in vita gratiæ conseruetur & augetur. Hic cibus est ipsemet Christus Dominus sub speciebus panis & vini nobis datus.

Quartus, fuit institutum in sacrificium Religionis Christianæ: voluit enim Dominus nos habere sacrificium, quod Deo in remissionem peccatorum offerremus. Hoc autem noluit esse tauros vel vitulos, vel alia huiusmodi, sed quod ipse obtulit, hoc idem voluit nos offerre. Ipse autem se ipsum obtulit in cruce per passionem & mortem, & nobis etiam ipsum reliquit offerendum, sub panis tamen & vini specie. Vide quantum excedat hoc nostrum sacrificium omnia legis veteris sacrificia; in qua creatura, in nostra autem creator offertur. Hæc est oblatio munda, quam Deus Zach. i. dicebat sibi ab ortu solis ad occasum, id est, in toto mundo offerendam. Omnia hæc quatuor in vno hoc sacramēto venerabili simul cōtinētur, & coniunguntur, ut sit passionis memoriale; amoris argumentum & pignus; cibus spiritualis, & sacrificium mundum.

De fructibus sumptionis Eucharistiæ.

CAPVT XIV.

Multiplex est fructus, qui ex hoc provenit sacramento. Primus est, viuificare. Iuxta illud Ioan. 6. *qui manducat me, & ipse vivit propter me.* Dat ergo vitā, quæ est per gratiā: vnde quoties homo sine conscientia mortalis peccati accedit, probabiliter, & rationabiliter putans se esse in

gratia, licet vere non sit, per hoc sacramentum consequitur primam gratiam, & mortalis peccati remissionem; ut dicit S. Thomas 3. p. q. 79. art. 1.

Secundus est, nutrire; sicut enim cibus corporalis nutrit corpus, augendo substantiam & reparando quod deperditum est: sic etiam sacramentum gratiae dat augmentum, & quod deperditum est ex feruore per venialia, reparat, & renouat.

Tertius est, confortare. Anima enim fortis fit, & vigorem quandam acquirit, & ut tentationes vincat, & ut mundi calumnias, & corporis labores fortius ferat, sicut corpus cibo fortificatur.

Quartus est, perseverare: in gratia enim suscepta conseruat hominem, & à peccatis futuris praeseruat: saepe enim homo in peccata laberetur, à quibus virtute cibi huius liberatur.

Quintus est, satiare. Anima enim Dei capax non impletur creaturis; ob id, saepe est in appetitu homo, & ignorat quid appetat. Rursus, habet appetitus, modò horum, modò illorum, hoc sacramentum animam satiat.

Sextus est, lætificare. Dat enim pacem, & gaudium animo. O quoties homo testatur, & patitur melancholias, & angustias ob res creatas, quæ expellerentur cōmunionē sanctissimā, si ad eam non accederet?

Septimus est, sedare: ut enim dicit Cyrillus lib. 4. sup. Ioann. c. 17. sacramentum hoc sedat seuientem membrorum legem, & animi perturbationes extinguit.

Octauus, copulare & vnire. Vnum enim hominem, & Christum, & ipsos homines concordia quadam inter se conglutinat: nam multum valet Sacramentum hoc ad pacificandos animos inter se discordes.

Nonus est, inflammare. Accendit enim deuotionem ad charitatem erga Deum, & hominem facit feruere.

Vltimus est, perducere, puta, ad gloriam. Dat enim in via ista desiderium mirabile status illius beati, quem speramus, & illuc transportat corda, ut à terrenis homo separatus *vere dicat ibi nostra fixa sunt corda, ubi vera sunt gaudia.* Hos, & plures

fructus Eucharistia facit in animalibus fidelium, qui debite ad ipsam accedunt, & satagunt.

Qualis debeat esse suscepturus Eucharistiam.

CAPVT XV.

Multa debet habere ille, qui competenter ad Eucharistię susceptionem accedere debet.

Primò, debet esse baptizatus: nulli enim ante baptismum, etiam habenti fidem, & gratiam, qualis est cathecumenus, ministranda est Eucharistia, nisi post baptismum; imò nec debet ullus non baptizatus permitti videre sacramentum hoc, sed ejiciendus est, ut habet S. Thom. 3. p. q. 79. art. 1. Potest autem ista conditio, cum alijs sequentibus, memorię causa, reduci ad duo carmina hæc.

Lotus, discretus, sanus, ieiunus, & aptus.

Contritus, fassus, mundus, recteq; paratus.

Lotus. id est baptizatus debet esse, iam de hoc diximus.

Discretus. Debet habere iudicium rationis: unde pueris ante annos discretionis non debet dari Eucharistia. Rursus, non quaelibet discretio, & ratio sufficit, sed quæ sit mediocriter apta ad cognoscendam cibi huius qualitatem. Tamē secundum Alexand. 4. p. q. 49. membr. 5. Palud. distin. 9. q. 4. Silu. ver. Eucharist. 3. §. 5. non debet dari, nisi pueris iam 10. aut 12. annum agentibus; nisi in aliquo citius vigeat multum ratio, quòd Confessariorum iudicio relinquitur: quamvis non requiratur tantus usus rationis ad confessionem; sufficit enim annum septimum superasse, in quo frequenter tempore usus rationis lucefcere incipit, & homo peccare potest. Rursus, neq; amētib; sicut neque pueris danda est Eucharistia, si amentes sunt à natiuitate, ut habet S. Thom. 3. p. q. 80. artic. 9. Quòd si non sunt à natiuitate, sed aliquando habuerunt iudicium rationis, si, dum ipsum habebant, perierunt sacramentum hoc, aut poenitentes fuerunt, danda est eis Eucharistia in mortis articulo, ut ibidem dicit S. Thom. & idem habetur 16. q. 6. c. si quis. Tamen phreneticis in mortis articulo ministranda est Eucharistia, si ante phrenesin confessi sunt, aut contriti apparuerunt, aut petierunt eam, nisi sint furiosi, ita ut timeatur irreuerentia aliqua sacramento inferenda.

Sanus: etiam debet esse sanus, qui suscepturus est Eucharistiam, non tamen quæcumque infirmitas prohibet susceptionem

nem Eucharistiæ illa, ex qua irreuerentia sacramenti timeatur, ut, cum infirmus patitur frequentes vomitus, aut tussim, vt probabiliter timeatur expulsio Eucharistiæ; tunc enim non est ipsi ministranda.

Ieiunus. Debet etiam esse ieiunus; qui sumpturus est Eucharistiæ, non solum à cibo, sed à potu, & medicina, vt sit ieiunium naturæ: qui enim aliquid horum sumpsit, nisi sit infirmus, ita vt timeatur mors, non debet suscipere Eucharistiæ. Nec soluitur hoc ieiunium per hoc, quod aliquando, dum aliquis lauat os, aliquid parum humoris decedit per guttur, aut cum micæ, vel particulæ cibi, quæ manent inter dentes ex cœna antecedenti, deglutuntur: hæc enim per modum salutarum sumuntur, nec solvunt tale ieiunium, vt dicit Sanctus Thomas loco citato artic. 8. Hoc autem ieiunium incipit à media nocte diei antecedentis: vnde, si quis post mediam noctem aliquid sumpsit, quamuis dormient postea, non potest communicare illa die: si tamen ante mediam noctem sumpsit, potest communicare, licet tota nocte non dormierit, nec cibus sit digestus, vt ibidem docet Sanctus Thomas. Infirmus per modum viatici confertur, etiam non ieiunis; & in eadem infirmitate potest sæpè conferri, etiam non ieiunis, si per aliquot dies pericula mortis euadant, sacro tunc peracto post præcedens viaticum. Ita habet Tabiena verb. communicare. §. 48. & Armill. v. communio. §. 18.

Aptus. Debet is, qui suscepturus est sacrosanctam Eucharistiæ, esse aptus subiectum. Fit autem ineptus per excommunicationem, vel interdictum: nam, qui excommunicatus est, quacumque excommunicatione, aut interdictus, p. de accedendo ad Eucharistiæ, quia impeditur, & ineptus est propter censuram ecclesiasticam.

De aliis conditionibus susipientis Eucharistiæ.

CAPVT XVI.

Aliæ etiam sunt conditiones susipientis Eucharistiæ, quæ secundo carmine continentur.

Quarum prima est, *contritus*: nullus enim debet accedere ad communicandum cum conscientia peccati mortalis: qui

qui enim existimat se esse in peccato mortali, & accedit communioni, licet verè non sit in peccato mortali, peccat mortaliter; & si habebat gratiam, perdit eam: nam ratione conscientiae malae contemnit sacramentum. Rursus, si in peccato est, debet accedere contritus, & cum poenitentia peccati, non quod opus sit vera contritione, sed quod saltem homo probabiliter putet, se esse contritum, & se non esse in mortali: qui sic accedit, non solum non peccat accedendo, sed consequitur peccati remissionem, vt S. Tho. dicit 3. p. q. 79. art. 1. & 2. At verò, qui mortaliter peccauit, & nulla praeparatione facta, accedit, siue recorderetur peccati, siue non, mortaliter peccat, secundum omnes.

Confessus, seu *fassus*, quod idem est. Non satis est contritio in eo, qui mortaliter peccauit, ad accedendum communioni, sed opus est praemittere confessionem sacramentalem: nam qui accedit post peccatum mortale, seu post conscientiam mortalis ad Eucharistiam, licet sit contritus, si non iste confessus, mortaliter peccat. Hoc est contra Caie. ver. communio, & Armill. ver. communio, §. 1. qui dixerunt, sufficere contritionem, quamuis possit homo confiteri, & sit copia Confessarium. Sed haec opinio iam non potest sustineri, quia oppositum statuit Concil. Trid. sess. 13. ca. 7. & can. 11. vbi excommunicat lata sententia talem opinionem docentes, praedicantes, asserentes, & defendentes. Est ergo necessaria confessio. Excipit vnum casum ipsum Concilium, cum non est copia Confessarii: tunc enim posset homo accedere cum sola contritione; dum tamen, cum primum habuerit copiam Confessarii, corripitur, quae exceptio, secundum Doctores, intelligitur, cum necessitas adest communionis. Vnde in his casibus potest hoc contingere,

Primus est, cum virget articulus mortis, tunc si sacerdos solus esset in templo, quod vndiq; comburitur, nec spes esset salutis, licet esset in peccato, seu conscientiam haberet peccati, posset per contritionem se disponere, & accedere ad Sacramentum, & communicare, idemq; in similibus casibus moris fiet si absit sacerdos.

Secundus, cum est necessitas exequendi officium diuinum, v.g. est Parochus, qui habet conscientiam mortalis, tamè non habet praesentem Confessarium, & si expectet, populus priuabitur sacro in die aliquo solenni, tunc potest celebrare cum contritione, & post, Confessarium adire, cum copia fuerit.

Ter-

Tertius est, cūm aliquis contrahit infamiam, si non communicet: v. g. aliquis est monachus, qui habet reſeruatū caſum Prouinciali aſſenti, tunc tamen occurrit dies ſolennis, in quo omnes cōmunicant monachi, ſi iſte deſit, infamiam contrahit, poteſt cūm contritione accedere.

Quartus eſt, cūm eſt neceſſitas præcepti: v. g. occurrit dies, in quo tenetur communicare de præcepto, nec habet Confellarium, cui aliquem caſum reſeruatū communicet; tunc cūm contritione poteſt accedere. Sed Soto 4. d. 18. art. 4. limitat hoc; cūm ſcandalum, aut infamia ſequitur, ſi non communicat; alius debet ſeruare præceptū præmittendi confessionem; quod fortius eſt, cūm ſit diuinum, quā illo die cōmunicare, quod eſt eccleſiaſticum.

Quintus eſt, cūm eſt in actu communionis: vt ſacerdos, qui poſt ſacrum inceptum recordatur peccati debet continuare cūm contritione. Similiter laicus, qui iam eſt ad altare, vt communicetur, nō debet ſe ſeparare, ſi alicuius peccati recordatur, ſed communicare, & poſtea confiteri, vt dicunt Soto loco allegato, & Ledefim 4. q. 21. art. 4. In his caſibus reputatur eſſe inopia Confellarij, & in alijs his ſimilibus. Extra hos præmittenda eſt confellio.

Mundus, debet etiam ſuſcepturus Euchariftiam accedere mundus, id eſt, non pollutus: cui enim illa antecedente nocte paſſus eſt pollutionem, non debet accedere die illo ad cōmunionē. Tamen, vt hoc percipiatur, aduerſe pollutionem poſſe eſſe triplicem.

Aliqua eſt peccatum mortale, cūm ſit in vigilia, aut in ſomnis, tamen homo procurauit illam, veſcendo cibis hac intentione, & alia mala cauſa; & tunc, ſi ante communionē homo poeniteat, & confiteatur, non eſt peccatum mortale accedere, quamuis ſit veniale, niſi aliqua deuotio magna, aut aliqua cauſa neceſſaria excuſet.

Aliqua eſt veniale peccatum, vt, cūm ex negligentia aliqua veniali ſe polluit in ſomnis, aut in vigilia, ſed contra voluntatem, licet homo aliquam delectatiunculam imperfectam habeat: & tunc nulla eſt culpa accedere; ſed melius eſt non accedere, niſi ſit aliqua cauſa rationabilis, putà, cūm homo deuotionem habet celebrandi quotidie, aut illo die cōmunicandi, aut eſt dies præcepti, aut quid ſimile, tunc enim melius facit communicando.

Aliqua

Aliqua est sine omni peccato, vt actus coniugalís, & pol-
licitio nocturna, non præcedente causa culpabili, & tunc non
impedit communionem ex necessitate: cum tamen potest dif-
ferri communicatio, nec est aliqua necessitas, nec causa particula-
ris, vt illo die fiat communicatio, melius est differre. Debent tamen
coniugati abstinere, ex decencia, aliquo tempore ante commu-
nicationem, & ita consilium, de consecrat. omnis homo, vt tribus,
quatuor, aut octo diebus abstineant. Ita est intelligenda ista
conditio. Vide Petrum de Palud. dist. 9. q. 3.

Recte quæ paratus. Hæc est vltima conditio suscepturi, vt con-
uenienter accedat, & totum fructum percipiat Eucharistiæ, vt
fit recte paratus. Quando Sacerdos extra Missam sumit Eucha-
ristiam, debet esse cum stola, vt habetur can. Ecclesiasticam 13.
Hæc præparatio, vltra dicta, consistit in tribus.

Primò in fide: debet enim accedere cum fide, qua credat hu-
ius mysterij excellentiam, & discernat cibum hunc spirituales
aliments communibus.

Secundò, in iudicio, vt conscientiam examinet, etiam ve-
nialium peccatorum, licet non sit necessarium; & vt, munde-
tur à macula, etiam veniali, si fieri possit, antequam accedat.
Saltem doleat de omni culpa, & imperfectione sua.

Tertiò, cum reuerentia, & amore accedat; & reuerentia, quia
Christum sumpturus accedit; amore, quia summum ab eo re-
cepturus beneficium venit: & quantum fieri poterit, non
diuagetur, sed actualiter consideret; licet, si aliquando di-
uagatur, non priuetur gratia habituali, quæ in sacramento
datur, vt dicit S. Thom. 3. p. quæst. 79. artic. 8. Ex his sequitur,
cum isti, qui capite damnantur, omnes has condiciones habe-
re possint, quod non est, cur Eucharistia priuentur, & optime
fieret, si in locis, in quibus hoc non fit, deinceps fieret: nam
in antiquis canonibus, hoc habetur præceptum, vt
pa tet 13. quæst. 2. can. quæsitum, & cap. su-
per eo, de hæret. in 6.

* *

De ministrante Eucharistiam.

CAPVT XVII.

MINISTER Eucharistiæ, qui alios est communicaturus, debet esse sacerdos, vt habetur can. peruenit, de consecr. d. 2. quamuis, ex necessitate, possit ministrare diaconus de licentia Curati, si adsit, & absque ea, si non adsit, vt habetur, d. 93. can. diaconos. Nec sufficit, quòd sit sacerdos, sed debet esse Curatus, & habes iurisdictionem super illum, quem communicat, aut de licentia Curati, vel habentis iurisdictionem: aliàs non potest communicare, etiam extra tempus præcepti; & si religiosus est, incurrit excommunicationem papalem latam Clement. Religiosi, de priuilegijs. Iam tamen multi religiosi habent à Papa hanc facultatem, vt Dominicani, & Franciscani à Leone: nostra etiam Societas IESV habet similem facultatem: tamen in die Paschæ debet quisque communicare in sua parochia, nisi licentiam habeat Curati: & facultates concessæ procedunt de alijs communionibus extra diem hunc.

Minister autem in multis potest delinquere.

Primò, si ministrat Eucharistiam sub vtraque specie, in locis, in quibus non dispensauit summus Pontifex: hoc est prohibitum in Concil. Constantiensi sess. 13. sub pena excommunicationis.

Secundò, si ministrat Eucharistiam infantibus, ante vsum rationis.

Tertiò, si ministrat amentibus, extra mortis articulum; imò nec his tunc ministrare debet, nisi habuerint aliquando iudicium rationis, vt superius dictum est.

Quartò, si ministrat infirmis, in quibus est probabile periculum vomitus, aut irreuerentiæ, vt superius dictum est.

Quintò, si ministrat excommunicatis, etiam minor excommunicatione, scienter: si verò ignoranter facit, excusatur à peccato, nisi ignorantia sit crassa, quando nulla præmittitur diligentia, & timetur, an, qui accedit, sit excommunicatus.

Sextò, si ministrat publicis peccatoribus, ante poenitentiam publicam, & manifestam; vt, publicis concubinarijs, vsurarijs, histionibus, & similibus: his enim neganda est Eucharistia, nisi

nisi poeniteant, & sit nota poenitentia, vt notum est criminata prohibetur de consecr. distinct. 2. cap. pro dilectione: quamuis occultè posset eis dari Eucharistia, post poenitentiam secretam, sed non publicè. Occultis verò peccatoribus, si in publico petant, danda est eis Eucharistia, vt habet S. Thom. 3. p. q. 80. art. 6. exemplo Domini, qui suum corpus Iudæ occulto peccatori non denegauit coram alijs: at verò, si in occulto petant; communis est sententia, quod debet eis negari. Ita tenet Alex. 4. p. q. 49. memb. 1. & Durand. dist. 9. q. 5. S. Thom. dist. 9. art. 5. quæst. 1. & licet aliqui aliter sentiant, securior est opinio communis.

Septimò, peccat etiam minister, si sua culpabili negligentia infirmus decedit à vita sine communione: vbi abusus quorundam est reprehendendus, qui infirmo satis esse putant, si ei corpus Domini ostendatur adorandum: in quo errant; debent enim manducandum dare, nisi causa legitima excuset; vt, quia vomitus timetur, aut deglutire non potest: semper enim sacramentum disposito dat gradum gratiæ ex opere operato, citra deuotionem receptionis, quo priuatur, qui realiter sacramentum non accipit.

De obligatione communionis.

CAPVT XVIII.

Præceptum hoc communionis obligat sub peccato mortali: habetur autem hoc præceptum cap. omnis vtriusque sexus, de poenit. & remiss. Obligat autem semel in anno, & in die Paschæ, nisi Confessarius aliter expedire iudicauerit. Per diem Paschæ, declarauit Eugenius in bulla, cuius nomen est Syluest. Eucharistia. 3. §. 15. à die Iouis Sancti in diem clauum post Pascha. Iam consuetudo obrinet ferè vbiq; incipiat à die Palmarum, & in aliquibus locis per totam Quadragesimam. Aduertendum tamen, hoc præceptum in duobus differre à præcepto confessionis. Primum est, quòd hoc communionis præceptum debet statuto tempore impleri, adeò quòd, si quis sæpè intra annum communicet, tenetur tamen communicare in die Paschæ ad sensum expositum: at verò, qui semel in anno confitetur quocumq; anni tempore, non ampliùs illo anno tenetur confiteri, nisi postea mortali

liter peccet, & velit communicari. Tunc ratione communionis præmittenda est confessio. In hoc omnes conueniunt.

Alterum est, qui tempore statuto non communicat, peccat quidem, sed iam non tenetur communicare pro illo anno: sicut, qui non audiuit sacrum in die Dominico, non tenetur audire die lunæ; neque, qui soluit diem ieiunij ex præcepto, tenetur alio die ieiunare; sed peccat, nisi iusta excusetur causa; ita dicit Anton. par. 2. tit. 9. §. 3. & Syluest. verbo Eucharistia. 3. §. 16. Tabien. verbo, communicare, §. 7. Medina qu. de confessione. Soto 4. dist. 17. q. 1. art. 4. quamuis Nauarr. cap. 21. sum. num. 46. contrarium teneat. At verò, qui non est confessus toto vno anno, semper obligatus manet confiteri; & peccat de nouo, quoties occurrit commoda confitendi occasio. ita habet Soto, & Medina locis citatis: licet Sylu. loco citato, & Anton. 3. p. tit. 14. c. 19. §. 3. teneant idem esse de confessione dicendum; sed contrarium est probabilius, vt aliàs probauimus, 3. p. q. 80. art. 11. At verò præter hoc tempus, est aliud etiam obligans, puta in infirmitate, quando timetur probabiliter mors, qui dicitur mortis articulus: tunc enim obligatur communicare, vt habetur, 26. qu. 6. de ijs, ex Concilio Nicen. vbi dicitur, legem antiquam esse, communicare in mortis articulo, & ita habet consuetudo Ecclesiæ, quamuis Palud. d. 9. quæst. 1. dicat, si paulò antè cōmunicauit, non obligari sub mortali, iterum tunc communicare; & probabile hoc est.

De frequentia communicandi.

CAPVT XIX.

PLura dixit de hac materia super 3. p. S. Thom. q. 80. art. 2. At verò, eorum breuis resolutio in aliquibus his conclusionibus consistit.

Primà, nullus de præcepto, & sub mortali tenetur communicare, vltra tempus prædictum in capite præcedenti. Oportet quidem frequentior præcipiebatur communicatio, puta, ter in anno, vt habetur de consecrat. d. 2. c. & si non frequentius, in Paschate, Pentecoste, & Natali; at modò præceptū est, semel in anno, prædicto tempore communicandi.

Secunda, laudabilis, & multum utilis est cōmunio frequentior, & magis assidua.

Hoc primò probatur ex eo, quòd Eucharista instituta est in cibum spirituale: cibus autem frequens debet esse.

Secundò, quia est continua indigentia, datur enim Eucharista in venialium remissionem, quæ feruorem charitatis remittunt, & in præseruationem à mortali peccato: homo autè frequenter incidit in venialia, & continuo indiget præseruari à peccato, & in gratia recepta conseruari.

Tertiò ex fructu multiplici, qui prouenit ex communione, de quo suprà diximus. Hoc tamen præcipuè debet inducere homines ad frequentiam, quòd experimur multos varijs peccatis, & grauissimis irretitos, ex frequenti communione sic esse ad dominum conuersos, vt non peccasse videantur.

Tertia, non eadem frequentia in omnibus est consulenda, præsertim laicis: sunt enim quidam, qui non multum pollent cognitione, & discretione, qua sacramenti dignitatem penetrent, vt rustici, & serui, & alij huiusmodi: & his sufficere singulis mensibus semel communicare, donèc magis à Deo per donum intellectus, & sapientiæ illuminarentur. Alij magis callent, sed cura domus, & familiar, & negotijs secularibus occupati, non possunt ita mentem habere à cogitationibus terrenis alienatam, & his sufficeret singulis quindenis communicare. Alij, licet occupati negotijs, non tamen tantum distrahantur, vt scholastici, & alij etiam coniugati; & his esset expediens singulis communicare dominicis. Frequentior communio non est in vniuersali consulenda, sed remittendum hoc est ad iudiciū Confessoriorum, qui interius & exterius considerabunt diligenter, quid in particulari cuique sit magis expediens, De communionis frequentia, est singularis canon. Augustin. de consecrat. dist. 2. quotidie communicare, nec laudò, nec vitupero: at singulis dominicis communicare, suadeo, & vehementer exhortor.

De Decimis.

C A P V T XX.

Vltimum Ecclesiæ præceptum est, de solutione decimarum, quod habetur c. tua nobis, de decimis. Et in alijs canonibus. Vide S. Thom. 2. 2. q. 87. & Summistas

ver. decima.

Ccc

In cu.

In cuius declarationem, aduerte primò ex Leui. 23. quòd Dominus, ex duodecim tribubus, quibus continebatur totus populus Iudaicus, elegit vnam, putà, Leuiticam, ex qua sibi ministros faceret: & quia hi occupati diuino ministerio, nò poterant vacare agriculturæ, præcepit alijs tribubus, vt ex his fructibus terræ, quos colligerent singuli darent decimam partem in sustentationem huius tribus, quæ occupata erat diuino ministerio in templo; & hæc quota dicebatur decima. Quod præceptum fuit iudiciale, & cessauit cum illa lege, tamen quia in noua lege sunt etiam ministri diuino cuius intenti, Pontifices instituerunt, vt eadem decima solueretur in sustentationem ministrorum. Vnde aduerte, quòd solutio decimarum, partim est de iure diuino; nimirum, quantum ad hoc, quòd alantur ministri, & alij ipsos sustentent; immò est de iure naturæ: dignus est enim operarius mercede sua. Tamen, quantum ad quorundam partem, quòd sit decima, non octaua, aut vndecima, aut alia, hoc est de iure positivo ecclesiastico in nouo lege; in antiqua enim erat de iure diuino: nam Deus assignauit, tantam partem esse contribuendam.

Aduerte secundò, tres esse species decimarum: quædam sunt prædiales; quæ proueniunt ex terræ fructibus; oleo, frumento, vino, & alijs huiusmodi: & has solùm soluebant Iudæi; Quædam sunt personales, quæ soluuntur ex fructibus, quos homo facit sua industria, vt ex venatione, negotiatione, & alijs actibus: Quædam sunt miste, quæ partem ex vno, partem ex altero habent: vt decimæ ex foetura animalium quæ ex terra pascuntur, & tamen industria humana, ^{opus est.} Et hæc soluuntur in lege noua; licet non omnes in omnibus locis.

Aduerte tertio, obligari hominem sub peccato mortali soluere decimas, secundum omnes Doctores; tamen hoc intelligendum est, vt dicit Caietan. ver. decima, vbi est consuetudo soluendi, debent solui, & tenent Silu. verb. decima, §. 9. quòd decimæ debentur ex fructibus, non deductis expensis, nec his, quæ homo seminauit, vel apposuit, sed ex eo toto, quod homo colligit, decima est soluenda: Vbi verò non est consuetudo soluendi, non tenetur homo soluere, dummodò Parochus habeat suam sustentationem; aliàs tenentur parochiani ipsum alere. Vbi etiam est consuetudo soluendi, non tenetur homo soluere, si is, cui debentur, remittat. In multis locis, præfertim

Italiae, non est consuetudo soluendi. Aliqui dicunt, quia à principio fuit extracta decima. Quicquid sit, in his locis nō obligantur homines soluere: & breuiter dicendo, consuetudo seruanda est, etiam de quota, donec aliud per maiores disponatur.

Aduerte quartò, ex Clem. cupientes, de pœnis, quod est excommunicatio lata contra eos, qui in concione aliquid dicunt hac intentione, vt auertant animos fidelium à solutione decimarum; sed hæc excommunicatio non est contra omnes Concionatores, sed contra solos religiosos, & ipso facto incurritur; non tamen est Papæ reservata, sed potest ab Episcopo absolui. Hæc pauca de decimis sufficiant, plura non puto Confessario necessaria esse.

De indulgentiis. Quid sit indulgentia.

C A P V T XXI.

Post completam materiam de pœnitentia, quam per multos libros, & capita digessimus, sequitur materia quædam multum ipsi annexa, putà, de indulgentiis; nam pœna quæ sæpè per pœnitentiam non aufertur, per indulgentiam relaxatur. Primum ergo discutiendum est, quia sit indulgentia: videtur autem sic posse describi; est remissio pœnæ temporalis pro actualibus peccatis debitis, extra sacramentum facta, ex thesauro ecclesiastici dispensatione. Pro cuius explicatione aliquot sunt notanda sacramenta.

Primum est, homo pro peccato incurrit culpam, & reatum pœnæ; quamuis non eodem modo in peccato mortali, & veniali. Explico. Cùm homo peccat mortaliter, incurrit culpam, quæ consistit in hoc, quod perdit amicitiam Dei, & contrahit inimicitiam eius; perdit amorem, & acquirit odium; incurrit etiam pœnam; nam propter hanc culpam, est obligatus pœnæ sempiternæ infernalis ignis post mortem corporalem. At cùm homo venialiter peccat, quamuis sit in gratia, contrahit quandam culpam, sed multo minorem: non enim fit inimicus, neque perdit amicitiam, sed remittitur feruor amicitiae, vt non cum tanto feruore, & intensiōe charitatis amet, sicut amabat sine tali culpa: Demum, contrahit etiam reatum pœnæ, sed non æternæ, sed temporalis,

in hoc mundo per pœnitentiam, & satisfactionem soluendæ, vel in Purgatorio post obitum. Est ergo in peccato, tam mortali, quàm veniali, tam culpa, quàm pœna. Aduerte ergo, quòd non, quoties remittitur homini culpa, remittitur etiam tota pœna, sed sæpè remittitur culpa, & pars pœnæ tantum. In primis, cùm alicui remittitur peccatum mortale; tunc culpa tota deletur, & remittitur etiam pœna æterna, quantum ad hoc, quòd non manet obligatus ad æternam pœnam: tamen manet illa pœna commutata in temporalem, in hoc mundo, aut in Purgatorio soluendam. Similiter etiam aliquando remittitur culpa venialis, non tamen tota pœna: sicut per aquam benedictam remittuntur venialia, quantum ad culpam, non tamen quantum ad totam pœnam; quamuis, quoties culpa remittitur pars pœnæ remittatur. Aliquando autem tota remittitur, vt in baptismo, in quo omnia peccata, & quantum ad culpam, & quantum ad totam pœnam remittuntur. Et similiter, cùm aliquis vehementi quadam contritione, & deuotione accedit ad Sacramentum pœnitentiæ, aut ad aliud sacramentum: tunc enim pro quantitate talis deuotionis, & contritionis, minuitur etiam quantitas pœnæ debitæ.

Sit secundum fundamentum; opera bona iusti hominis, & in gratia existentis duo habent, & sunt meritoria, & sunt satisfactoria. Meritoria quidem, vitæ æternæ, & augmenti gratiæ; nam iusto, per bona opera eius, gratiæ augmentum datur, per quod meretur, vt post mortem maior ei detur gloria essentialiter: sunt etiam eadem opera satisfactoria pro pœnis, quas debet pro mortalibus iam remissis, quoad culpam, & non quoad pœnam totam, & etiam pro venialibus. Vnde pro quantitate operum, minuitur etiam quantitas pœnæ temporalis debitæ. Est autem vnum discrimen inter meritum, & satisfactionem hanc, quòd nullus iustus potest per sua opera mereri alteri homini gratiâ, sicut meretur sibi: gratia enim non datur à Deo vllis, nisi per opera ipsiusmet gratiam accepturi; quamuis iustus aliquando impetret à Deo, vt det alteri huiusmodi opera, per quæ consequatur gratiam, tamen non meretur de condigno alteri gratiam. Solus Christus Dominus est, qui omnibus nobis meruit gratiam: Gratia enim homini data, ex merito Christi est. Ob id dicitur Ioann. i. *Habitauit in nobis plena gratia.* At verò vnus iustus potest pro altero satisfacere, quoad pœnam, sicut pro se: verb. gr. si Petrus ieiunat pro Paulo, remittit Deus pœnam, quam debet Paulus, ac si ipse ieiunaret. Meritum

tum ergo non communicatur ab vno in alterum, sed sola satisfactio.

Tertium sit fundamentum. Multi sunt iusti, qui ob nulla, aut paucissima, eaque venialia peccata, quæ committunt, aut nullius, aut paucae sunt poenæ debitores: & in his redundat satisfactio, quia illorum bona opera sunt satisfactoria; tamen, quia non debent poenam, satisfactione non indigent; aut non tanta satisfactione, quia maiora sunt opera, quam poena debita. Quod hoc ita sit, habemus ex scriptura Iob. 6. *Vtinam appenderentur peccata mea, quibus iram merui, & calamitas, quā patior quasi arena maris, hæc grauior appareret.* Habemus etiam hoc ex capite nostro Christo, qui nullum peccatum fecit, & tamen opera ipsius satisfactoria erant pro poenis infinitis. Habemus & ex beatissima Virgine Maria, quæ nullum habuit, neque originale peccatum, & tamen opera eius fuerunt maiora omnibus alijs operibus omnium iustorum, præter Christum. Habemus hoc ex Apostolis, ex Martyribus, & ex multis, immò ferè omnibus iustis.

Aduerte tamen, quod quamuis ista satisfactio non profuerit ipsis, tamen non perijt, sed prodest nobis omnibus peccatoribus, qui satisfactione indigemus. Dices, quomodo hoc esse potest? Dico hoc fieri, quia vt habetur ad Rom. 12. *Omnes sumus vnum corpus in Christo, ipse caput est, reliqui omnes membra.* Ratione ergo vnionis, quod vnus est, alteri communicatur, cum ille non indiget, & quia etiam ratione gratiæ cognati sumus, bona autem vnus in hæredes cognationis transeunt, satisfactio autem Christi prodest, quia ipse caput est, à quo virtus solet in membra diffundi. Omnes ergo istæ satisfactiones Christi, & omnium iustorum à primo Abel, vsque ad vltimum, conseruatæ sunt, & repositæ in isto corpore Ecclesiæ, vt ex ipsis fiat in indigentia membra communicatio: & tales satisfactiones dicuntur thesaurus Ecclesiæ militantis, qui quidem infinitus est, nam sola Christi satisfactio iniqua fuit.

Sit quartum fundamentum. In Ecclesia est potestas dispensandi hunc thesaurum membris indigentibus: frustra enim esset thesaurus, si non esset clauis aperiens, & potestas distribuens. Hæc residet in capite, & Vicario Christi: potest hic dare, & dispensare thesaurū: Quoties ergo mihi, tibi, vel alijs dat ex hoc thesauro, vt pro nostris debitis poenis satisfaciamus, tunc talis dispensatio dicitur indulgentia. Vnde Catholicus debet secundum fidem confiteri, & asserere has tres veritates.

Prima est, esse hunc thesaurum infinitum satisfactionem Christi, & Sacerdotum in Ecclesiastica determinatur in extrauag. vniuersalis, à Clemente VI.

Secunda est, esse hanc potestatem in Ecclesia, dispensandi membris hunc thesaurum. Hæc determinatur à Concil. Trid. Sess. 25.

Tertia est, esse viles indulgentias, & prodesse fidelibus, qui conuenienter eis vtuntur ita determinatur in Concil. Lateranenſi, Viennenſi, Basilienſi. Ex supradictis facili est definitionem indulgentiæ intelligere, quæ superius posita est, cuius singulæ partes in sequenti capite exponuntur.

Expositio singularum partium definitionis indulgentiæ.

CAPVT XXII.

Indulgentia dicitur remissio, quia per eam fit quædam relaxatio, & condonatio. Vnum tamen nota hic, quod multum considerandum est, in indulgentia interuenire misericordiam simul, & iustitiam quandam. Sit exemplum, est aliquis debitor, seu damnatus ad tres milia, constituitur aliquis loco eius, qui talem patitur poenam, hic misericordia quædam est in eo, quod acceptetur iste, vt pro eo soluat, tamen etiam iustitiæ quædam est: nam vera est solutio poenæ. Similiter, cum quis est debitor centum aureorum, & ex arario publico edantur, vt soluat; ita in præſenti, condonatio, & misericordia est, quod huic detur poena, & satisfactio alterius; tamen iustitiæ est, nam poena soluitur: vnde sanctus Thomas, 4. sentent. dist. 20. dixit, indulgentiam non esse tam remissionem, quam commutationem poenæ, quia vnius poena mutatur in poenam alterius. Dicitur ergo indulgentia, remissio, condonatio, relaxatio, respectu illius, cui fit.

Rursus, in definitione dicitur, *poena*, quia culpa non remittitur per indulgentiam, sed poena debita culpæ. Sacramentum est, quod culpam tollit. Dices, si per indulgentiam non tollitur & culpa, quare in concessione indulgentiarum aliquarum dicitur, *à culpa, & poenâ*? Dico, multos Doctores reprehendere istud verbum, & dicunt non esse profectum à sede Apostolica, sed ab istis Quæstuarijs; tamen non est cur ita seuerè reprehend-

prehendatur: declaratur enim ab Anton. 1. p. tit. 10. c. 3. cum aliquis accedit ad indulgentias consequendas, supponitur, quod debet deuotus, & contritus accedere; nō enim prosunt existentibus in mortali. Ratione ergo præparationis huius, culpa remittitur, ratione ipsius indulgentiæ, pœna. Ob id, semper ponitur in indulgentia opus aliquod bonum exequendum, quod si benè, & meritorie fiat, culpa remittitur: Ob id ergo tale verbum ponitur; non tamen, quod ipsa indulgentia, ratione sui, remittat culpam, sed tantum pœnam. Rursus, *temporalis*: non enim pœna æterna, quæ mortali debetur peccato, remittitur per indulgentiam, sed per confessionem, vel contritionem, qua ipsa remittitur culpa, *pro actualibus peccatis debita*; nam pœnæ pro originali peccato infliguntur, vt mors, morbus, & alia huiusmodi non remittuntur per indulgentias, *extra sacramentum facta*: nam sacramentum ipsum remittit etiam aliquando pœnæ partem, aut totam, non tamen dicitur indulgentia: hæc enim extra sacramentum est.

Additur tandem in definitione, *ex dispensatione Theauri Ecclesiastici*, quia etiam per bona, quæ quisque extra sacramentum facit, consequitur remissionem pœnæ debita pro peccatis, non tamen dicitur indulgentia: hæc enim ex Thesauro Ecclesiæ, vt dictum est, fit. Ex his patet, quid indulgentia sit. Nunc quare sic dicatur, considerandum est. Indulgentia apud Latinos aliquando sumitur in malam partem, pro quadam blanda permissione licentiosa culparum: vnde Valla dicit: Indulgere, est concedere obsequenter, & blandè tribuere. Aliud dictum est, *Blanda patrum segues facit indulgentia natos*. Aliud, quare sumitur in bonam partem, pro quadam clementia, & lenitate, qua homo non exigit omnia secundum summum rigorem iustitiæ, & ad omnimodam mensuram; vnde dicit Cicero ad Atticum, *Cæsarem, pro sua indulgentia in omnes probaturum spero*. Sic Deus indulget nobis, dum non exequitur rigorem suæ iustitiæ in nos. Quia ergo rigor iustitiæ exigere videtur, vt, qui debet pœnas, soluat, cum aliena satisfactio alteri tribuitur, indulgentia quadam dicitur. Non est noua indulgentia in Ecclesia Dei, sed antiqua: habetur enim ex verbis Christi Math. 16. *quodcumque solueris super terram, erit solutum & in cælis*. Cum dicitur, *quodcumque*, omne vinculum intelligitur, tam culpæ, quàm pœnæ, & Ioann. 20. *quorum remiseritis peccata*. Peccatum non integrè remittitur, nisi cum & pœna aufertur: & Christus Dominus suo facto indicauit,

dum paralytico non solum peccata dimisit, sed cum à pœna liberavit, & adulteram à pœna capitis fecit liberam: & 2. Cor. 2. legimus Paulum remisisse aliquid pœnæ illi Corinthio. Huius remissionis mentio habetur, imò fit in Concil. Ancyr. can. 2. & Nicen. c. 11. & Chalce. act. 1. In quibus remissiones aliquot pœnarum factas legimus, sed non tam amplas, ut modò fiunt; quia tunc illi homines feruentiores erant in bonis operibus, & minus indigebant indulgentijs, quàm nos; tamen tunc indulgentia erat. Quæ Concilia antiquissima sunt, & idem in multis alijs Concilijs inuenitur.

*De modo concedendi indulgentias in
communi.*

CAPVT XXIII.

POST eius definitionem, nunc, quibus modis indulgentia concedatur, considerandum est. In cuius rei declarationem sunt aliquot prænotanda.

Primum est, duplex quantitas in aliqua pœna consideratur, una extensionis, quæ attenditur secundum maius, aut minus tempus, quo talis pœna durat. Altera intensionis, quæ secundum gravitatem ipsius pœnæ attenditur. Potest autem esse, quòd una pœna sit maior altera quantum ad extensionem, nò tamen quantum ad intensionem.

Hoc supposito, aduerte, pœnam Purgatorij esse maiorem pœna huius mundi, quæ pro peccatis datur, quantum ad intensionem, non tamen quantum ad extensionem: plus enim durat pœnitentia pro vno peccato in hoc mundo, quàm in altero; tamen non est tam acerba pœna, idque merito: nam in isto mundo homo debet esse alijs intentus, & vacare operibus necessarijs ad vitam, hoc non posset præstare, si pœna vnus anni esset una hebdomada subeunda: tunc enim deberet esse intensa multum, & homo vix posset alteri operi attendere.

Secundò, quia homo debet conservare vitam temporalem corporis, cui multum nocet pœna multum intensa.

Tertiò, quia homo debet omni tempore bona operari, ad quod inducitur magis per pœnitentiam extensio. In Purgatorio verò, non sic, sed pœna debet esse grauior, & acer-

bior, quia locus est satisfaciendi, in quo diuina iustitia exercetur. Debet etiam esse breuior, ne animæ iam Deo inseparabiliter adherentes diuino aspectu multo priuentur tempore.

Secundò notandum est, olim in pœnitentiæ foro dari solitas pœnas graues pro vno mortali peccato: hoc enim commune erat, vt pro vno simplici mortali infligerentur septem anni pro pœnitentia, aliquando verò plures duodecim, secundum grauitatem peccati. Cuius rei aliquot sunt exempla in Concil. Eliberitano cap. 5. pro homicidio casuali infligebantur quinque anni; pro voluntario verò, quia erat mortale, septem, & in cap. 64. pro adulterio infligebatur pœna decem annorum: & in synodo Romana sub Sylu. vt habetur 82. d. can. presbyter, fornicario sacerdoti infligebatur pœna decem annorum, & 10. q. 1. can. si quis sacerdos, habetur quod rem cum filia spiritali habenti infligebatur pœna duodecim annorum peregrinationis, & post peregrinationem, perpetuò claudebatur monasterio. Huiusmodi sunt multi antiqui Canones. Circa quas pœnas notandum est, non respondere omninò tempus pœnæ purgatorij pœnis huius mundi: v.g. si quis imposita pœna decem annorum, & ea non impleta, obiret, non puniretur in Purgatorio decem annis; & ratio est, quia in purgatorio pœna est acerbior, & breuior pœna, quantum ad extensionem, æquatur alteri extensiori, sed minus intensæ. Rursus notandum est, non esse istam canonicam pœnam totam, qua homo propter peccatum dignus erat secundum Dei iustitiam; si enim taxandum esse demeritum, adhuc maior, & quoad intensiōem, & quoad extensionem pœna esset infligenda. Vnde fit, vt non semper illa pœna soluta, statim homo euolet ad cœlum, sicut nec modò soluta pœna in confessione imposita, sed aliquid restat in Purgatorio soluendum.

Tertiò notandum est, ex S. Thom. dist. 20. & Alberto & Antonino, p. p. tit. 10. cap. 10. quòd indulgentia non solum remittit pœnam, quæ secundum canones infligitur, aut infligenda esset, & consequenter pœnam purgatorij, quæ ei respondet, sed & remittit pœnam, quæ secundum Dei iustitiam esset infligenda. Vnde cum remittitur pœna vnius peccati mortalis deiecti quoad culpam per indulgentiam; tunc nulla pœna restat illius soluenda: cum autem remittitur pœna omnium, tunc omninò liber est homo ab omni pœna. Ista autem pœna computatur secundum dies, seu tempus huius sæculi. Ex quo intel-

liges rationem, quare in indulgentijs aliquando concedantur mille, & plures anni indulgentiarum: nam remittitur pœna, pro qua homo deberet satisfacere per mille annos pœnitentiæ in hoc mundo. Nec mireris tantam summam annorum; nam multi plura peccata mortalia mille commiserunt, & secundum canones deberent septem millia annorum in pœnitentia transigere: & si essent secundum iustitiam Dei pœnæ infligendæ, adhuc plures essent; quamuis in Purgatorio non sit ista pœna soluenda tam extensa, sed in maxima parte conuertenda in intensiorem; totum hoc deletur per indulgentiam.

Quartò, notandum est cum communi sententia contra Caiet. quod cùm absolutè conceditur indulgentia, non apponendo illam particulam, *de iniunctis*, tunc valet quantum ad remissionem pœnarum, quæ in confessione nobis iniunguntur à Confessario, & quæ etiam essent iniungendæ, vel in confessione, vel in Dei iusto iudicio, & modo sub tali forma conceduntur. Ex hoc sequitur vnum illud, nimirum, quod per indulgentias concessas satisfacit homo pœnis impositis in confessione; vt, si confessarius imposuit ei disciplinam, ieiunium, elemosynam, vel similia aliqua opera exercenda, si indulgentiam consequatur, non tenetur illas subire pœnas, vt habet Anton. loco citato, Sylu. Armill. verb. indulgentia. Durand. dist. 20. quæst. 4. & ita omnes sentiunt. Tamen optimum consilium est, illas implere pœnitentias: & quamuis multæ huius sint causæ, hæc vna est præcipua: nam per illa opera homo consequitur augmentum gratiæ; per solam verò indulgentiam pœnæ remissio fit: plus autem valet vnus gradus gratiæ, quàm magna pœnæ remissio.

De modis particularibus indulgentiarum.

CAPVT XXIV.

HI s suppositis, facilitè erit modos plures, quibus indulgentiæ conceduntur intelligere. Hi autem sunt sex. Primus est, cùm conceditur indulgentia plenaria, & tunc remittitur pœna peccatorum mortalium remissorum & venialium; ita vt nec villa in hoc mundo, nec in Purgatorio maneat soluenda pro illis, si debitè sit homo consecutus indulgentiam. Aliqui ponunt differentiam inter plenam, & pleniorē,

lium culpæ, unde sicut deuotio, quæ adhibetur in sumptione aquæ benedictæ, aut benedictionis Episcopalis, remittit venialia, ratione ipsius sacramentalis, ita & de indulgentia. Et hæc est optima declaratio profectò huius modi concedendi indulgentias, quòd numquàm sedes Apostolica vteretur, nisi aliquid verum contineret.

Vltimus modus est, cum conceditur indulgentia Iubilæi. Et quidem ista indulgentia non differt per se à plenaria culpa, & à pœna, nisi in adiuncto; qui frequenter in Iubilæo conceditur facultas absoluedi à reseruatis casibus, & commutandi vota multa; olim non concedebatur nisi rarissimè. Bonif. 8. extranag. antiquorum; qui videtur fuisse primus, qui concessit indulgentias plenarias, concessit hoc Iubilæum centesimo quoque anno visitantibus urbem Romanam, ob reuerentiam sedis, quæ in ea est, & ut fideles in fide confirmarentur, & in charitate accenderentur visitantes Martyrum sepulchra: post eà Clem. 6. in extranag. vnigenitus, transtulit in quinquagesimum quemque annum. Post eà Paulus II. in vigesimum quintum quemque; & sic manet: Nomen Iubilæi venit ab Hebræo nomine יובל, quod significat cornu arietis: solebant enim Iudæi in signum liberationis alicuius sonare hoc cornu, quia Dominus liberavit Isaac offerendo arietem, quem Abraham sacrificauit loco Isac. Vnde Leuit. 25. in anno illo quinquagesimo, quo tanta liberatio fiebat, tunc enim vacabat terra à labore, tunc possessiones venditæ redibant ad Dominos suos, tunc serui ex filiis Israël liberi erant, solebant vti in sonitu cornu huius, ob id, ille annus dicebatur Iubilæi; & sic ag. 108 ob tantam remissionem spiritualem indulgentiarum dicitur, Iubilæum, id est, remissio, sumpta significatione seu analogia à prædicta causa.

Quis possit indulgentias concedere.

CAPVT XXV.

Indulgentias concedere possunt Pontifices, Concilium generale, Episcopus, & Legati Pontificis, sed cum triplici discrimine.

Primum est. Pontifex, & generale Concilium possunt indulgentias concedere, etiam plenarias, & sic concessit Concil.

Late

Lateranen. indulgen. plenariam; similiter quorumcumq; annorum; at verò Episcopi, Legati, & Archiepiscopi tantū quadraginta dierum, & in dedicatione Ecclesie, vnius anni: ita habetur c. cum ex eo. & cap. nostro, de pœnit. & remiss. vbi restringitur Episcopo, & Archiepiscopo potestas ista dandi indulgentias Felin. autem in tract. de indulgentijs, idem dicit esse iudicium de Legato.

Secundum est, quòd Pontifex & Concilium possunt perpetuas concedere indulgentias; at verò reliqui temporales solum præter Legatum, qui potest suas indulgentias perpetuas facere c. si. de offic. deleg.

Tertium est, quòd Pontifex in toto mundo concedere potest indulgentias: at verò Episcopi in sua diocesi, & Archiepiscopi in sua prouincia, vt habetur in alleg. ca. Legatus autem tantum in sua legatione. Hæc dicta sunt circa speciale priuilegium Pontificis: potest enim concedere alicui maiorem potestatem concedendi indulgentias. Cardinales etiam habent facultatem à Papa concedendi indulgentiam certam.

Indulgentia prodest mortuis in Purgatorio.

CAPVT XXVI.

Non solum viuus, vt statim dicemus, prodest indulgentia, sed & mortuis. Et hæc veritas fide tenēda est: si quis enim negaret, indulgentiam quidpiam prodesse existens in Purgatorio, esset hæreticus, tum quia obuiaret determinationi Concilij Tridentini sess. vlt. vbi hæc veritas catholica stabilitur; tum quia contradiceret vtili ritui Ecclesie, quæ indulgentias mortuis applicat; tum quia negaret facta multorum Pontificum, qui animabus Purgatorij indulgentias concesserunt; tum etiam contraveniret rationi ex scriptura sumptæ Machab. lib. 2. c. 4. *sanctum est, & salubre pro defunctis exorare, vt à peccatis soluantur.* Si ergo bona opera fidelis boni & iusti prosunt mortuis, multo magis satisfactio, & opera matris Dei, Apostolorum, Martyrum, Sanctorum, quæ applicanda Ecclesie vt matri reliquerunt. Quo autem modo prosint indulgentiæ mortuis considerandum est; circa quod dico aliqua

Primum

Primum est, indulgentias prodesse mortuis per modum suffragij, hoc patet ex multis Pontificibus, qui modo hoc tales indulgentias concesserunt. Paschalis enim II. concessit Ecclesie S. Praxedis indulgentias pro mortuis, per modum suffragij, qui ferè fuit primus, qui pro mortuis concessit iam à quadringentis annis. Has easdem indulgentias vndecim sequentes Pontifices confirmarunt, vt habetur in Bulla S. Praxedis. Rursus, Sixtus, & Calixtus hoc modo eas concesserunt, vt refert Gabr. lect. 57. super canonem, & Leo X. in epistola ad Caietan. declarauit, viuus, per modum absolutionis, mortuis per modum suffragij prodesse: & Pius Quartus sic etiam nostro tempore voce viua declarat eas prodesse. Rursus, omnes Doctores Scholastici ferè hoc modo docent indulgentias ad mortuos peruenire.

Secundum est, secundum communem sententiam antiquorum Theologorum, dare indulgentias per modum suffragij, est liberare à poena, applicando solum satisfactiones aliorum in pretium. Sit exemplum: Est aliquis in carcere, comprehensus à iudice ob debitum centum aureorum: aliquis amicus pro illo dat centum aureos ex thesauro publico; hic verò dicitur liberare eum à carcere, sed aliter quam iudex: hic enim per modum potestatis & absolutionis iudicè liberat; amicus verò per modum adiuantis & offerentis pretium liberationis. Sic intelligas, Pontificem per indulgentias liberare à poena debita viuos per modum potestatis & absolutionis, quam exercet super terram; at mortuos, per modum adiutorij, offerendo id, quod soluere tenebantur; & hoc est per modum suffragij. Ita explicant Alex. 4. p. q. 83. membr. 5. & 10. d. 20. qu. 5. Dicitur, & ob aliam causam dare indulgentiam mortuis per modum suffragij, quia viui pro mortuis faciunt illud opus, quod in consecutione indulgentiarum imponitur; & quia causa, pro qua datur viuus, etiam se extendit ad mortuos. Viui ergo suffragantur in opere, & in causa mortuis, quantum ad indulgentiarum consecutionem. Hic est modus suffragij, secundum communioem Doctorum sententiam. Non tamen hinc existimes indulgentias esse incertas mortuis, quia Ecclesia applicat per modum suffragij: semper enim eas Deus acceptat, sicut etiam pro viuus. hoc enim est ex pacto diuino, seu ex merito Christi satisfactionum, & Sanctorum, quod prodest indigentibus membris. Vnde male in hac parte loquutus est Caietanus, qui dixit esse incertas, quod profectò est contra Ecclesiam.

eleſiæ dignitatem & ritum: non enim oraret: niſi cognoceret mortuis prodeſſe, vt expreſſè dicit Dio. c. 7. de Eccle. Hierach.

Tertium eſt, ſi quis ſit in peccato mortali, dum ſumit pro mortuis indulgentias, faciendo id opus, per quod eis applicantur in peccato, indulgentiæ valent mortuis ipliſ, qui in gratia Dei ſunt, & in purgatorio detinentur. Aliqui tenent, nihil prodeſſe, ſed mihi magis placet quod dxi, & ita Gabr. ſentit lect. 57. ſuper can. Et ratio eſt, quia ratio ſatisfactionis, ſeu pretium poenarum, non eſt opus illius, qui eſt in peccato, ſed indulgentia ipſa, & theſaurus meritorium Chriſti, & Sanctorũ. Illud autem opus particulare, per quod indulgentiæ applicantur, ſit ab illo nomine Eccleſiæ, in qua numquam deeſt gratia: Opus autem, cùm ab aliquo ſit nomine alterius, non perdit valorem, quamuis, qui facit immediatè, non ſit in gratia: ſicut qui dat eleemoſynam per ſervam, qui dum dat, cùm vana gloria dat, non perdit valorem, ſi, qui iuſſit, benè iuſſerit dandum. Eccleſia autem eſt, quæ conſtituit viuos, vt conſequantur indulgentias pro mortuis opera viuorum huiusmodi non perdunt valorem pro mortuis, licèt instrumenta, per quæ ſiūt, mala ſint.

Quòd indulgentia proſit viuis.

CAPVT XXVII.

Indulgentiam in hac adhuc vita exiſtentibus prodeſſe, ſatis apertè ſuperius oſtendimus, ſide catholica eſſe firmiter tenendum; non tamen modo eodem, quo mortuis, ſed per modum abſolutionis & potèſtatis iuridicæ, quam Papa habet in viuos, vt explicauimus, vnde, non dicuntur indulgentiæ viuis per modum ſuffragij concedi. Aduertendum tamen, eos, quibus ſuffragia profutura ſunt, debere quibuſdam conditionibus non carere.

Quarum prima eſt, quòd in gratia ſint: exiſtentibus enim in mortali non proſunt indulgentiæ; & ratio huius eſt, nam ſatisfactio vnius non prodeſt alteri, niſi quia coniunctus eſt ei in vno corpore myſtico; quæ cõiunctio ſit per gratiam: in hoc autem indulgentia fundatur, vt diximus.

Secunda eſt, quòd ſit cauſa pia, propter quam indulgentia conceditur: non enim indulgentia concedi debet absque cauſa pia:

pia: illa autem est pia causa, quæ ad Dei honorem, vel Ecclesiæ utilitatem pertinet.

Tertia, aliquod opus particulare, per quod singulis indulgentia applicatur: vt visitatio templi, vel eleemosyna, vel aliquid simile: hoc autem eatenus est necessarium, quatenus pertinet ad piam causam, propter quam datur indulgentia: non enim idem sunt causa, & opus particulare: aliquando enim posset esse causa magna, & opus paruum, vt, si indulgentia concedatur, vt omnes orent pro vna vrgenti Ecclesiæ necessitate, tunc magna est causa, præsens necessitas Ecclesiæ; at opus potest esse paruum, puta, vnum, *Pater noster*; immo aliquando posset dari sine tali opere, sed cum sola causa; vt, si illis, qui Ecclesiam defenderunt, Pontifex simpliciter indulgentiam concederet. Quando verò imponitur opus aliquo in indulgentia, tunc implendum est; aliter homo non consequeretur indulgentiam. Dubium autem posset hic subotiri, si quis opus hoc facit in mortali, cum tamen consequenda est indulgentia, est in gratia, an obtineat indulgentiam; v. g. datur indulgentia ter ieiunantibus in hebdomada; & in dominica communicantibus, quando indulgentiam consequuntur, si quis ieiunauit in peccato, tamen poenituit in dominica, an consequatur indulgentiam; aliqui negant; sed contrarium magis placet mihi; quod consequatur. Et ita tenet Ant. 1. p. tit. 10. c. 3. Silu. v. indulgent. §. 3. Sor. 4. d. 21. q. 2. art. 3. Duo tamen hic sunt notanda.

Alterum est, cum dicitur in indulgentia, confessis & contritis, non est opus confiteri statim, nisi alijs verbis explicetur hoc in concessione, sed satis est illo anno fuisse contritum, & habere tunc contritionem cum proposito confitendi tempore debito. Ita tenet Silu. verb. indulgentia. §. 20. Armilla verb. indulgentia, §. 18. Panor. super c. omnis vtriusq; sexus, de poeniten. & remiss.

Alterum est, cum in Iubilæis quibusdam conceditur facultas absoluedi à casibus aliquibus reseruatis, si forte qui confessus est, & oblitus est, absq; sua culpa, alicuius reseruati, postea recordetur, potest absolui à quolibet Cōfessario proprio, ac si tale peccatum non esset reseruatum, quamuis alias habuisset censuras: nam verè per illam confessionem remissum est. Confessio enim & indulgentia extendunt se, non solum ab ore confessa, sed etiam ad oblita, facta tamen morali negligentia.

De causa indulgentiæ, seu ipsius valore.

CAPVT XXVIII.

Aliqui dubitant, an magnæ indulgentiæ concessæ pro causis paruis sint validæ, & respondent negatiuè. Inter quos sunt Adrian. & Caiet. opusc. de indulgentiis: dicunt enim indulgentias magnas pro exiguis causis concessas, esse nullas: alij dicunt non esse prorsus nullas, sed valere aliquid, quantum talis causa exigit. At verò mihi videtur, per aliquot dicta esse ad hoc respondendum.

Primò, peccat ac malè facit, qui pro causa parua indulgentias largissimas concedit.

Hoc probatur prima, quia non est dominus, sed dispensator, collator indulgentiarum. Dispensatoris autem est, conuenienti causa res sibi creditas dispensare, & distribuere.

Probatur secundò, quia maiores nostri non nisi ob grates causas concedebant indulgentias, nedum magnas. Sic Gregorius concessit indulgentias in stationibus Romæ, in quibus, licet sit causa magna, non est data indulgentia plenaria, sed determinatorum annorum. Vt autem intelligas stationum originem, aduerte ex Tertulliano cap. 39. Apolog. ex tempore persecutionis, Christianos solere noctu conuenire in Basilicas Martyrum, tum ad laudes Dei & orationes, tum ad precandum pro bono communi; puta, pace, Imperatore, statu Ecclesiæ, & alijs; tum ad negotia circa religionem tractandum; tum ad corrigendum fratres, qui non benè ambulabant: postea persecutione cessante, fideles remittebàtur, & negligentes iam erant in stationibus continuandis, propter quod Gregorius ad attrahendos animos fidelium, ne vacarent à diuinis laudibus, & ne à reuerentia martyrum remitterentur, adiunxit magnas indulgentias visitantibus loca. Et quamuis olim noctu solebant fideles esse in oratione, & visitare ea loca, propter precata euenientia factum est, vt die ista fieret; mensis autem idem nomen stationis: hoc enim nomen inter alia significat locum, in quo frequenter conueniunt fideles ad tractanda aliqua tractanda. Ex hoc potest conspici, non ob gratiam causam indulgentias concessas esse, nisi quod debent esse a qualis causa indulgentiæ, hoc enim non est necessarium, sed iuxta proportionaliter sit causa magna resp. Cuius, propter quod dantur parua indulgentia.

Secundum dictum est. Indulgentiæ magnæ, etiam pro par-
tis causis concessæ, validæ sunt in totum. Tamen verum illud
est, quod dici solet, indulgentiæ tantum valent, quantum so-
nant. Quamvis ergo malè faciat qui sic eas dat, tamen datæ te-
nent. Hoc mihi persuadeo, propter auctoritatem multorum
qui id asserunt: ita enim tenet S. Thom. 4. d. 20. q. 4. art. 3. Dur.
Palud. ibid. q. 4. Anton. 1. p. tit. 10. cap. 3. Sylu. verb. indulgentia,
q. 3. Gloss. extrauag. antiquorum, Gabr. supplem. d. 45. q. 3. art. 1.
Rursus hoc mihi persuadeo propter cap. cum ex eo, de pœnit.
& remiss. vbi dicitur, per indiscretas indulgentias clauis con-
temni, & pœnitentias sacramentales eneruari. Si ergo pœni-
tentia imposita in confessione eneruatur, propter huiusmo-
di indulgentias, ergo valorem habent: propterea etiam quia
minus est inconueniens dicere potius Pontificem non benè fa-
cere concedendo tales indulgentias, quam asserere, ipsum er-
rare, & populum decipi. Non ergo dubitandum est esse validas,
quamuis, vt benè concedantur, debeant cum causis rationali-
bus, & proportionatis dari.

Tertium dictum est: quilibet inferior debet existimare Pon-
tifices habere causas sufficentes in concedendis indulgentiis,
nec debet temerè iudicare maiorum facta, licet suo ingenio
non appareant ita magnæ rationes. Circa huiusmodi indul-
gentias hoc notandum est. Quando aliquæ harum ad certum
tempus conceduntur, vnus non potest consequi, nisi semel;
cum verò sunt perpetuæ, & conceditur indulgentia plenaria
visitantibus locum aliquem, & indulgentia hæc perpetuò ma-
net, tunc obtinetur toties, quoties aliquis visitauerit. Et sic, vt

ait D. Thom. loco citato, est perpetua indulgentia. Te. 116.

rum, visitantibus templum S. Petri Romæ, obti-

netur enim toties quoties, etiam
in vno die.

Laus Deo. Finis Libri Sexti.

INSTRVCTIONIS SACERDOTVM,

LIBER VII.

Quid sit matrimonium.

CAPVT I.



O c vltimo instructionis huius libro, de vltimo sacramento agendum est, puta, de matrimonio. Ante omnia autem opus est, quid sit, statuere. Videtur autem sic posse deliniri. Est *contractus viri & femine legitimus*, quae mutua corporum traditur potestas, gratiae spiri-

tualis collatus.

In hac definitione aliquot sunt partes.

Prima est, *contractus*: hoc enim sacramentum ab alijs differt in eo, quod istud est contractus quidam naturalis inter duas personas, non quilibet, sed virum & feminam; ob id, additur prima pars, *viri, & femine*. At quia non omnis vir cum qualibet femina potest hunc tractare contractum, sed sunt multa impedimenta, de quibus statim dicemus, ob id dictum est in definitione, *legitimus*. Et rursus, in quarta parte describitur, circa quid versetur iste contractus, & dicitur, quod per ipsum vir accipit potestatem super corpus feminae, & femina accipit potestatem super viri corpus, in his, quae ad vitam communem, & filiorum procreationem pertinent. Dicitur autem, *traditur*, de praesenti: nam cum fit solum promissio quaedam futurae traditionis, tunc non matrimonium, sed sponsalia dicuntur. Vltima pars est, *gratiae collatus*: non enim matrimonium est purus contractus, sicut venditiones, locationes, mutuae, & alia huiusmodi, sed est etiam sacramentum, ob id gratiam dignè suscipientibus confert, sicut vnum ex alijs sacramentis: in quo multum errauit Durand. 4. distinct. 26. quaest. 3. qui dicit matrimonium non esse sacramentum, sicut

vnum ex alijs, nec gratiam conferre ex opere operato suscipientibus, quod etiam dicit Gloss. l. qu. i. cap. quicquid sed ista est hæretica sententia reprobata in Concil. Trid. sess. 24. can. 1. vbi statuitur matrimonium esse verè, & propriè sacramentum, vt vnusq; ex alijs: & sess. 7. can. 6. & 7. vbi statuitur, quodlibet sacramentum esse gratiæ collatiuum; & conferre dignè suscipientibus. Hic tamen notandum est multum differre matrimonium in lege Evangelica inter fideles, & inter Paganos factum; est enim triplex discrimin.

Primum est, matrimonium infidelium est purus contractus naturalis, non tamen est sacramentum; immò in lege naturæ, & lege Iudaica erat solus contractus: at inter fideles in lege Christi, est etiam sacramentum. Christus enim contractum ipsum naturalem ordinauit in sacramentum: vnde in Concil. Trid. sess. 7. determinatur, omnia septem sacramenta à Christo instituta fuisse.

Hinc sequitur secundum discrimin, quod extra Ecclesiam contractus hic non dat gratiam contractantibus ex opere operato, nec dabat illam in lege naturæ aut veteri: at in lege Christi dat gratiam, quia sacramentum est.

Tertium discrimin, Actus conjugalis extra Ecclesiam non est meritorius, sed tantum est licitus: Infideles enim qui rectè matrimonium contractant, non peccant in copula carnali: at verò fideles, si in gratia sint, & ob debitum finem actu hoc vtiuntur, merentur in ipso actu, sicut in alio bono opere, vt dicit S. Thom. in addit. q. 46. artic. 6. Tunc autem est debitus finis, quando actus fit ex iustitiæ zelo & religione, vt homo faciat id, ob quod, & in quod matrimonium est institutum: in quo fuit hæresis Manichæorum, qui nuptias damnaabant: dicentes in Concil. Florentin. & cap. ad abolendam, de hæret. Hinc patet quid sit matrimonium.

De causis matrimonij.

CAPVT II.

Quatuor causæ sunt in matrimonio; finalis, efficiens, forma, & materia. Finis matrimonij triplex est.

Primus est, bonum prolis, puta, vt filij procreentur, procreati educantur, educati instituantur.

Secun-

Secundus est, in remedium concupiscentiæ: homo enim post originale peccatum multum proclivis remansit in actum carnis. Instituit ergo Deus matrimonium, ut homo concupiscentiæ aliquod remedium haberet, possetq; absque peccato carnalem actum exercere. Et hoc est, quod dicit Paulus 1. Corint. 7. *bonum est homini mulierem non tangere, tamen propter fornicationem unusquisque suam uxorem habeat, & unaquæque suum virum habeat.* Vnde status conjugatorum bonus est, & in eo saluus potest esse homo, si rectè iuxta statum viuat, tamen perfectior est status calibatus, ut determinatur Concil. Tridentin. sess. 24. can. 10. & oppositum dicere, esset incidere in hæresim Lutheri.

Tertius finis est, mutua obsequia viri & vxoris: homo enim indigens factus est, nec potest vir sibi in omnibus providere, nec sola mulier, aut simul uterque coniunctus sibi in necessarijs prouidet. Hic est finis matrimonij. Efficiens causa sunt ipsi contrahentes, in quantum est contractus quidam; at vero ut sacramentum, tum Deus est causa principalis, & minister est causa instrumentalis, sicut in aliis sacramentis. Materia est consensus interior utriusque, quo consentiunt in unionem quandam mutuam. Forma autem sunt singula exteriora verba, aut nutus, aut alia huiusmodi, quibus exprimitur consensus, siue fiant per se, siue per Procuratores. Hæ sunt cause in matrimonio; tamen notandum est discrimen inter eas. Finis non est necessarius in actu in contrahentibus; quamvis enim intendant contrahere ob malum aliquem finem, matrimonium erit, licet peccent sic contrahentes: finis enim prædictus tripliciter, ut supra diximus, est ipsius matrimonij ex se, & ex institutione sua, non ex parte contrahentium. Minister ante Concil. Trid. non erat necessarius, quia poterat esse verum matrimonium sine ministro; at vero sess. 24. capit. 1. de reformat. est ad nullatum matrimonium clandestinum; & statuitur, ut, nisi adsit Ordinarius vel Curatus, aut sacerdos de ipsorum licentia, & ad minus duo testes, tunc nullum sit matrimonium. Dico igitur, quod pertinet ad essentiam matrimonij minister cum testibus, at antè non pertinebat. Reliqua duo semper fuerunt necessaria. Ad matrimonium enim non est necessarius consensus utriusque: nec sufficit vnus, sed debet esse ambotum, aliàs non est matrimonium: Rursus est necessarium signum aliquod sensibile, quo exprimat talis consensus; aliter non est matrimonium, licet sit consensus; sicut nec est matrimo-

nium, quando est signum exterius, & non est interior consensus: quamvis hoc secundum in foro exteriori reputetur matrimonium, qui præsuntur consensus interior, sed verè coram Deo non est Ecclesia tamen iudicat de exterioribus, ob id, reputat pro matrimonio, non tamen in foro interiori confessionis, quod vocant forum poli, seu forum Dei. Hæc de causis matrimonij.

De impedimento erroris, & conditionis.

C A P V T III.

Impedimenta, quæ impediunt contractum hunc matrimonij inter virum & uxorem, sunt in duplici differentia. Quædam sunt talia, quæ non solum vetant quominus attentetur matrimonium, sed, etiam si attentatum fuerit, nullum est matrimonium, & dicuntur impedimenta impediencia contrahendam, & dirimentia contractum. Quædam alia sunt, quæ prohibent ne contrahatur, tamen, si contractum fuerit, tenet, & est verum matrimonium: peccavit tamen, qui intenter contrahere contra impedimentum. De impedimentis prioris generis, quæ nullum faciunt matrimonium, etiam si attentatus sit contractus, loquendum est prius: hæc autem sunt multa, quibusdam verbis contenta, quæ talia sunt.

Error, conditio, votum, cognatio, crimen,

Cultus disparitas, vis, ordo, ligamen honestas.

Si sis affinis, si fortè coire nequibis.

Hæc celebranda veterant connubia, facta retrahant.

Singula horum suo ordine sunt explicanda.

Primum impedimentum est, erroris. Potest autem error & deceptio esse in duobus; aut in substantia personæ, puta, cum coniux putat alterum esse talem personam, puta Petrum, & non est, Mariam, & non est; sicut Iacob putabat esse Rachael & erat Lia. Aut potest esse error in qualitate personæ, ut, cum putat, quod sit dives, nobilis, virgo, & non est. Iuxta hæc distinctionem.

Dico primò, Error in qualitate personæ non dissolvit matrimonium: v. gr. si quis duxit aliquam, existimans esse virginem, & non erat, matrimonium tenet. Rursus, si quæ nuptiæ alicui putans esse nobilem & diuitem, & non erat, licet error

causa fit ipse coniux, quia se talem esse mentitur, nihilominus matrimonium est verum.

Dico secundò, Error in substantia personæ dirimit contractum: verbi gratia, Maria nubit Petro, existimans esse Ioannem, non est matrimonium; & similiter ex parte viri, si error sit circa personam fœminæ. Vtraque propositio habetur, 29.

q. 1. c. 1.

Dico tertio; Aliquando error videtur esse circa substantiam, & est circa qualitatem; aliquando fit è contrà; v. g. si qua nubat alicui, putans esse filium Ducis, aut primo genitum, tunc iste error est examinandus: nam potest esse substantiæ, si mulier determinabat Ducem, & patrem, putà, quia putabat esse illam personam, quæ est filius talis Ducis; aut illum, qui est primo genitus talis patris, & tunc nullum est matrimonium: quòd si ipsa considerabat in generali Ducem, & patrem, putà, putans illum esse filium Ducis, sicut putabat esse nobile, aut diuitem, sic & primogenitum, tunc error est in qualitate, & non impedit. Vide Nauar. sum. c. 22. num. 32.

Secundum impedimentum est cõditionis. Circa quod sunt notandæ quatuor propositiones, per quas resolvuntur, quæ in hac parte accidere possunt.

Prima est; potest esse matrimonium inter seruos inter se, & inter liberos, & seruos: verbi gratia, potest seruus cum serua, vel libera cõtrahere, vel serua cum libero, vel cum seruo. Prior pars, de seruis inter se habetur de coniugio seruorũ. c. 1. Posterior pars, de seruo cum libera, habetur 29. qu. 2. c. si quis liber. Non solum autem tenet matrimonium annuentibus dominis seruorum, sed etiam ipsis contradicentibus, aut ignorantibus, nec cum discrimine: nam, cum tale matrimonium ex dominorum voluntate contractum est, non potest dominus vendere seruum in locis, vbi impediatur vita coniugalis: at verò cum factum est, ipso ignorante, vel contradicente, tunc potest vendere, quamuis non debeat id facere, absque graui necessitate; sed si faciat, non ob id mortaliter peccabit. Numquam tamen potest impedire thorum illorum, dum presentes sunt.

Secunda propositio: quoties intercedit error conditionis, tamen non fit deterior, aut melioratur conditio errantis, matrimonium tenet: ver. gr. seruus ducit seruam, putans esse liberam, matrimonium tenet, quia non fit deterior conditio errantis. Similiter si serua nubat seruo, putans esse liberum.

Rursus, seruus ducit liberam, putans esse seruam; vel serua nupsit libero, putans esse seruum, adhuc est matrimonium, quia melioratur, conditio errantis in conditione, Ita habet sententia communis, quam tenet S. Thom. 4. d. 36.

Tertia propositio, quando deterior fit conditio errantis, non tenet matrimonium: ver. gra. liber ducit seruam, putans esse liberam, aut libera nubit seruo putans esse liberum, non est matrimonium. Ita habetur c. ad nostram, de coniug. seruo. Limitatur ista propositio à Richardo. 4. d. 39. qu. 1. artic. 1. & Nauarr. cap. 22. num. 33. nisi qui errat, sic contrahat, quod esset paratus contrahere, etiam cognita tali conditione seruitutis.

Quarta propositio, si, cognita deteriori conditione post contractum, iterum habet copulam errans affectu maritali, est matrimonium, saltem in foro exteriori, ita habetur c. 2. de coniug. seruorum; ver. gr. liber duxit seruam, putans esse liberam, non est matrimonium, postea sciuit esse seruam, & affectu maritali accessit iterum, est matrimonium. Hic tamen aduerte duo.

Vnum est, quòd, si post contractum matrimonium cum ista ignorantia dominus manumittat seruum vel seruam, adhuc non est matrimonium, nisi, cognito errore, ille alius iterum consentiat, aut accedat affectu maritali: verb. gr. liber duxit seruam, putans esse liberam, dominus, hoc cognito manumittit seruam, cum qua iterum liber etiam affectu maritali habet copulam, adhuc non est matrimonium, donec error auferatur, & sit nouus consensus aut copula cum maritali affectu. Ita habet Rosella. v. impedimentum 3. §. 2. & in 1. cap. 22. num. 33.

Alterum est, ex eodem Nauarr. quòd si liber sciat impedimentum conditionis post contractum, & velit adhuc contrahere, non fit matrimonium, nisi de nouo vtriusq; accedat consensus; potest quæ alter nolle, & sic nullum erit matrimonium.

* *

De impedimentis voti, & cognationis.

CAPVT IV.

Tertium impedimentum, est votum, non quodcumque, sed solenne, & Religionis per Ecclesiam approbata, vt etiam est votum simplex religiosorum Societas emissum exacto biennio tyrocinij; hoc enim dirimit contractum; vt, si monachus intentet contrahere post professionem. Notat Silu. verb. matrimonium. §. §. quod non quodcumque votum, etiam Religionis approbata, dirimit contractum; nam votum tertij ordinis Dominicanorum, & Franciscorum non dirimit; hoc etiam habet votum solenne ordinis maioris, vt inferius dicemus.

Aduerte autem, quod votum hoc non solum impedit & dirimit, sed etiam excommunicatus est lata sententia clericus, & monachus, qui post votum solenne in ordine, vel religione emissum contrahit; quæ excommunicatio habetur Clemen. I. de consang. & affini. & est Episcopo absolutio reseruata. Impedit autem non solum votum solenne expressum, sed etiam tacitum, quod fit in religione post annum probationis, per hoc, quod quis actum professi facit, ac se vt professum gerit.

Quartum impedimentum est cognatio. Est autem triplex cognatio, spiritualis, legalis, naturalis. Spiritualis contrahitur in susceptione sacramentorum duorum, Baptismi, & Confirmationis. Hæc autem cognatio spiritualis, secundum ius antiquum, quod habetur c. I. de cognat. spirituali, contrahitur tripliciter, seu triplex est:

Vna est paternitatis, & hoc est inter baptizantem, & baptizatum, & inter susceptores, & ipsum baptizatum. (idem dicimus de Confirmatione) non enim valet matrimonium inter istos, puta baptizantem, & baptizatum, susceptorem, seu patrum, & ipsum baptizatum, quia est cognatio paternitatis: sunt enim patres spirituales.

Altera est compaternitatis, & hæc contrahitur inter baptizantem, & patrem, ac matrem baptizati, & inter susceptores cum eisdem parentibus baptizati; imò vxor susceptoris, licet non suscipiat, si est post culpam; contrahit cognationem eandem, quam maritus contrahit.

Tertia est inter filios legitimos, & naturales baptizantis, & baptizatum, & inter filios etiam naturales, & legitimos susceptorum, & baptizatum: similiter de filiabus, quæ dicitur confraternitas. In his omnibus est impedimentum hoc, secundum ius antiquum, tamen Conc. Trid. sess. 24. c. 2. de reformatione limitauit, & statuit tria.

Primo, aufert cognationem confraternitatis: unde, iam non est impedimentum inter filios susceptorum, aut baptizantis cū baptizato.

Secundo, statuit, ne sint plures duobus susceptoribus: quod si sint, non potest cognatio contrahi, nisi cum duobus; quos nominauerint parentes baptizati, qui debent in libro scribi, & hi contrahunt cognationem cum ipso baptizato, & patre, ac matre baptizati. Similiter eandem contrahit baptizans.

Hinc fit tercio, quod susceptorum vxores, cū ipsæ nō suscipiant, non contrahant cognationem cū baptizato, nec cum parentibus ipsius. Hic vnum nota, quod cū aliqui fiunt patrini, & mittunt procuratores ad suscipiendum, ipsi non contrahunt cognationem, vt habent Panor. de cogn. spiritali ca. veniens, & Ioan. Andr. c. potest quis, de reg. iur. in 6. ipsi procuratores tamen contrahunt, si intendunt contrahere, vt habet Armilla. ver. matrimonium, §. 12.

Legalis cognatio insurgit ex adoptione, seu arrogatione, qua quis alienum filium recipit in suum. Hæc autem habet tres gradus.

Primus est inter ipsum adoptantem, & adoptatum, ac adoptati filios, & nepotes, vsq; ad quartum gradum: cū adoptans eum non potest contrahere cum aliquo horum.

Secundus, inter adoptantis filios, & ipsum adoptatum. Alii qui volunt omnes filios, etiam naturales adoptantis contrahere cum adoptato hanc cognationem, at Innoc. & Hostien. c. vnic. de cogn. lega. volunt, legitimos solos contrahere cognationem.

Tertius gradus est inter vxorem adoptantis, & adoptatum & inter adoptantem, & vxorem adoptati. Hi gradus habentur de cognatione lega. c. vnic. Est tamen discrimin: nam secundus non est perpetuum impedimentum: non enim durat, nisi filiis existentibus sub patris potestate; mortuo enim patre aut facta emancipatione, aut si adoptatus non est in adoptantis potestate, tunc cessat inter eos impedimentum.

Primus verò, & secundus gradus sunt impedimenta perpetua, nisi fiat dispensatio per Papam. Alius gradus non est præter istos. Vnde, duo filij adoptati, puta filia, & filius, possunt contrahere, nisi aliunde habeant impedimentum. Rursus potest adoptans cum matre adoptati contrahere, vt habet Silu. ver. matrimonium, §. 8.

De cognatione naturali, seu consanguinitate.

CAPVT V.

Tertia cognatio est naturalis, quæ secundum generationem carnalem consideratur, ob id, consanguinitas dicitur: est enim vinculum multorum ab vna stirpe descendunt. Est autem notandum, in generationibus duas considerari lineas, seu ordines.

Altera linea dicitur recta, secundum quam multi ab vno descendunt, tamē inter se vnus ab altero procreatus est; vt pater, filius, nepos, pronepos, &c.

Altera est tranſuersalis linea, secundum quam multi ab vno descendunt, tamen non veniunt vnus ab altero; vt pater, filius, ex vna parte, & alter filius ex altera, qui sunt duo fratres, & filius vnus, & filius alterius fratris, & sic consequenter. Ad cognoscendum autem, qui, in quo sunt gradu, sunt ante oculos tres habenda regulæ, quas communiter ponunt Sum-

ma est pro linea recta. Tantus est numerus graduum, quot sunt personæ inter personam propositam, & communē stirpem, ipsis extremis computatis, & adempta vna: v. gr. volo scire, in quoto gradu sint pater & filius, tunc, quia nulla est persona intermedia, sed solum duæ extremæ, vna adempta, manet vna, & sic erunt in primo gradu. Rursus, volo scire in quo gradu sint auus, & nepos, computo extrema, quæ duo sunt, & intermedium vnum est, puta pater nepotis, & filius aui, quæ faciunt tres personas, quarum vna adempta, manent duæ; erunt ergo in secundo gradu. Consequenter pronepos cum pro auo erit in quarto, & sic de singulis.

Secunda regula, pro linea tranſuersali: propositis duabus personis ab vna radice descendentes, sed non inuicem, in quoto gradu, altera est cum radice communi, in tanto sunt inter

inter se: ver. gr. sunt duo fratres vnus patris, volo scire, in quo sint gradu, considero, in quo vnus est cum amborum patre, & per primam regulam sunt in primo pater, & filius: in eodem ergo erunt duo fratres inter se. Rursus, volo scire, duo filij duorum fratrum, in quo sint gradu; considero in quo sint gradu cum radice communi, scilicet auo, & per primam regulam inuenio, auum, & nepotem esse in secundo: erunt ergo illi duo nepotes filij fratrum diuersorum in secundo; & sic consequenter.

Tertia regula, adhuc pro linea transuersali: propositis duabus personis ab vna communi descenditibus, sed non inuicem, tamen vna est propinquior illi radici, altera remotior, sunt istae duae inter se in eo gradu, in quo erat remotior. Habetur ista regula, c. finali, de consang. & affinita: v. gr. volo scire, in quo sint gradu filius vnus fratris, & nepos alterius fratris, tum per primam regulam, vnus fratris filius cum auo est in secundo, at fratris alterius nepos est in tertio cum illo suo pro auo: idem enim vnus auus, alterius est proauus: erunt ergo illi duo in tertio: nam remotior gradus trahit minus remotum. Exempla horum sunt facilia: Haec dicta sunt secundum canones. Leges civiles aliam seruant computationem, quae nostro proposito non multum conducit. His ergo constitutis, illas personas, quae sibi sunt coniunctae intra quartum gradum inclusiue, non posse contrahere, habet e. non debet, de consang. & affinit. Olim autem septem gradus erant prohibiti; iam vero restrictus est numerus vsque ad quartum. Quando vero duae sunt coniunctae in quinto, licet ex vna parte sint coniunctae in tertio, vel propinquiori gradu, etiam in primo, ¹² Silu. verb. matrimonium 8. §. tunc possunt contrahere. Intra quartum vero, peccatum est contrahere, & contractum dirimitur, & sunt excommunicati scienter se contrahentes; Clem. l. de consang. & affinit. & excommunicatio est lata sententiae, sed Episcopalis. Vnum hic notare oportet ex Panorm. c. quod dilectio, de consanguin. & affini. quod si aliqui sint in quarto ex ea vna parte, ex altera in secundo, vel tertio, & petatur dispensatio à Papa pro quarto, non narrato gradu propinquiori, quod tenet dispensatio; nam illi verè sunt in quarto: nam iuxta regulam tertiam ratio habenda est remotiorum. Addit etiam Silu. verb. matrimonium 8. §. nota 6. cum conceditur alicui facultas, vt dispensetur in quarto, illi conceditur virtualiter, vt dispensetur in quarto coniuncto cum gradu
pre-

propinquiore ex altera parte. Aduerte autem, quod diximus, usque ad quartum gradum tantum esse prohibitum matrimonium, esse intelligendum de linea transversali: nam in recta linea nunquam licet, nec valet matrimonium in gradu remotissimo, ut tenet Sylu. cum communiori sententia; quamuis vix contingat matrimonium propter breuitatem vite.

De impedimento criminis.

CAPVT VI.

CRimen, quod impedit matrimonium, est adulterium, & homicidium, & vnum alteri mistum. Hoc autem contingit in quatuor casibus.

Primus est, cum vnus coniugum conuenit cum altero, ut occidant alterum coniugum, ut possint inter se contrahere, tunc, si occidant, illi non possunt contrahere. Vbi nota, quod non fiat esse velle occidere, sed debet esse realis occisio; nec adhuc ita sufficit, sed opus est, ut intentione hac occidant, id est, ut contrahant: quamuis Caiet. verb. matrimonium, dicat sufficere occisionem; sed communis opinio tenet, requiri quod fiat ab vtroque, vel ab vno altero, consentiente, & hac intentione. Iste casus habetur c. laudabilem, de conuersione infidel. Et procedit hoc impedimentum, quamuis coniunx occidat coniugem infidelem, vel occidere faciat, ut conuertatur ad fidem, & contrahat cum fideli: tunc enim non potest cum criminis consorti contrahere.

Secundus est, cum vnus coniugum occidit alterum, per se, vel alterum, ut contrahat cum adultero; quamuis adulter non sit consors, aut conscius criminis: similiter si adulter occidat vnum coniugum, ut contrahat cum altero, & hoc ignorante. Vbi nota, quod requiritur occisio cum hac intentione, contra Caiet. tunc non potest esse matrimonium, ut habetur c. super hoc, de eo, qui pol. per adult. Aduerte, esse casum distinctum à precedente: in priori enim, non interuenit copula adulteri, sed occisio ex pacto vtriusque; in posteriori verò requiritur copula, & tunc sufficit quod adulter, vel adultera occidat, etiam altero ignorante.

Tertius casus est, cum vnus coniugum committit adulterium promittit ei, cum quo adulteratur, se contracturum post obitum

obitum coniugis. Quando ergo intercedit promissio matrimonij inter adulterum, & adulteram, cum copula, siue antecedenti, siue consequenti promissionem, tunc est impedimentum, vt contrahere nequeant; vt habetur de eo, qui dux vxor. quam polluit, & c. significasti.

Quartus casus est, cum vnus coniugum, qui per verba de præsenti contraxerunt, matrimonium cum alio contrahit etiam de præsenti, & habent copulam, tunc etiam, mortuo priori coniuge, isti non possunt contrahere. Sed aduerte, quòd sunt duæ cõditiones necessariae, vt sit hoc impedimentum.

Prima est, vt intercedat, vel intercesserit copula cum secunda, aliàs, non est impedimentum.

Secundum est, quòd yterque sit conscius criminis: si enim alter ignorabat esse coniugatum, tunc nõ est impedimentum. Habetur hic casus, c. propositum: & cap. veniens, de eo, qui duxit, quam polluit per adulter. continetur impedimentum hoc criminis. Et hæc satis de hoc.

De impedimento disparitatis cultus.

CAPVT VII.

Quatuor sunt notanda circa impedimenti huius intelligentiam.

Primum est, non baptizatus non potest contrahere cum baptizata; nec non baptizata cum baptizato. & si contrahant, nullum est matrimonium, 28. quæst. 1. can. Caue. Quamuis autem non baptizatus, seu baptizata sint Cathecumeni, & fidem habeant, adhuc non est matrimonium, vt tenent Doctores; vnde, cum hæretico, vel hæretica, aut apostata, vel excommunicata, peccatum esset contrahere, tamen tener matrimonium, vt habet Glossa communiter recepta, cap. non oporteret, 28. quæst. 1. vnde fit, quòd, si vnus fidelium coniugum incidat in hæresim, vel ad infidelitatem conuertatur, non dissoluatur matrimonium, vt habetur c. quanto, de diuortijs.

Secundum est, quando infideles coniuges ad Christianismum conuertuntur, tunc in suo matrimonio debent perseuerare, quamuis contraxerint contra ius canonicum, dummodo non

do non habeant aliquid contra ius naturæ. Hoc habetur, cap. gaudemus, de diuortijs, vbi notat Papa; quod si in secundo, vel tertio, vel quarto gradu contraxerunt, adhuc debent manere, quia hi gradus sunt prohibiti iure canonico, quod non obligat infideles. At si in primo contraxerunt pater cum filia, filius cum matre, soror cum fratre, sunt separandi, quia est contra ius naturæ, & à principio nullum fuit matrimonium, etiam antequam conuerterentur. Vnde illi, qui duxerunt plures uxores, si conuertantur, non possunt retinere, nisi primam, cum qua debent manere, quamuis dederint illi repudium. Quod si ista non conuertatur, tunc possunt de nouo eligere novam ex conuersis, cum qua contrahant nouum matrimonium.

Tertium est, cum vnus infidelium coniugum conuertitur, altero manente in infidelitate, tunc, si infidelis non vult cohabitare cum conuerso, aut si vult, non id vult, nisi vt inducat in aliquod mortale, aut retrahat in infidelitatem: hoc enim modo dicitur velle habitare cum iniuria Creatoris, cum aliquid petit, quod est peccatum; tunc conuersus potest illum relinquere, & contrahere cum altero in Christiana religione. Quando verò coniux infidelis veller contrahere, relinquendo conuersum in sua libera voluntate seruiendi Creatori, non est relinquendus, iuxta illud Pauli: *Si quis frater uxorem habet infidelem non dimittat illam.* Hoc totum habetur cap. gaudemus, de diuortijs.

Quartus est, cum vnus tantum infidelium conuertitur, tunc, si Iudei sunt, quicumque conuertatur, siue vir, siue femina, filij debent sequi conuersum, & separandi sunt ab infideli. Ita habetur 28. quæst. 1. c. Iudei. Et idem dicendum est de alijs infidelibus, qui serui, vel mancipia sunt Christianorum. At verò de alijs infidelibus, liberis, & dominis seruatorum, tunc filij sequuntur patrem conuersum, non matrem, c. ex literis, de conuersio. infidel. Hæc intelligo de filijs ante vsum rationis; nam de adultis, non sic, sed relinquendi sunt in sua libera voluntate: fides enim sine coactione est prædicanda infidelibus.

De vi, & ordine.

CAPVT VIII.

Circa impedimentum Vis, seu violentiæ, tria dicta sunt aduertenda.

Primum est, Matrimonium per vim, seu metum contractum, licet interior fuerit consensus, nullum est. Ita habetur cap. cum locum, & c. veniens, l. de sponsal. & cap. significauit, de eo, qui duxit in matrim. quam polluit. Tamen hic notare oportet, quod non quicumque metus dirimit contractum matrimonium, sed debet esse cadens in virum constantem: solum communis regula adhiberi hunc explicans, nimirum, quando maius est malum id, ex cuius metu id facit, quam illud quod ex metu facit.

Primo, cum minus malum facit, ut euitetur maius malum, unde metus mortis propriæ, aut filiorum, aut rei suæ amissionis, aut verum, aut carceris perpetui, dicitur metus cadens in virum constantem: maiora enim sunt hæc mala, & similia, quam ducere uxorem, & contrahere cum quacumque, cum qua licet potest contrahi: talis metus dirimit contractum, non alius, cum minus est, quod timetur, quam quod ex timore malum contrahitur.

Secundum est, si post violentiam, is, cui inculsa est vis, consentit etiam tacite, manente altero coniuge in suo consensu, est matrimonium. Ita habet cap. ad id, de sponsali. & potest accipere is, qui passus est violentiam, si vult contrahere coniugem, cui non est violentia inculsa, etiam nolentem, & mutuantem propositum; si fuit talis consensus post violentiam.

Tertium est, si post violentiam intercessit copula, in foro exteriori compellentur ad contrahendum, & reputabitur matrimonium, at in foro interiori non censetur matrimonium, nisi fuerit consensus maritalis. Hæc de impedimento isto.

Circa ordinis impedimentum aduerte, quod, qui accipit subdiaconatum, & reliquos maiores ordines, habet votum solenne castitatis, licet ipse interiorius noluerit se obligare ad hoc, cum sumebat ordines: nam ex ista sumptione obligatur, secundum modum, quod Ecclesia eos dat; & illa nolitio fuit solum

nam noleitas, qua nollet se obligare; tamen absolute voluit, dum voluit ordines suscipere. Hoc autem votum dirimit contractum: & qui sic intentat contrahere, peccat mortaliter, & excommunicationem ipso facto, incurrit, Clementina vnica, de consanguinitate, & affinitate: quæ excommunicatio, Episcopalis est. Aliqui dicunt, etiam contrahere irregularitatem; inter quos sunt Palud. 4. in dist. 37. q. 1. Ant. 3. par. tit. 1. ca. 8. Nauarr. c. 22. nu. 52. sed non probatur hoc per textum aliquem; ob id, incertum est.

De impedimento ligaminis.

CAPVT IX.

Impedimentum ligaminis est matrimonium ratum, non consummatum: cum enim aliquis contrahit cum aliquo per verba de presenti, non tamen est subsequuta copula, dicitur matrimonium ratum, non consummatum; hoc autem impedit, ne, vno viuente, alter coniugum contrahere possit cum alio; & si contrahit, nullum est matrimonium, licet consummatum per copulam, & habeat filios, sed debet redire ad primam, c. de spon. duorum. Ante Concilium Tridentinum, magnum sequebatur inconueniens; aliquando enim homines secundo contrahebant, nec poterant redire ad primum; quia primum forte fuerat clandestinum, & in foro exteriori probari non poterat; vnde cogebatur ab eodem foro exteriori manere in secundo, quod non erat matrimonium: at forum interius obligabat ad primum; ob id, Concil. Trid. vii. diximus superius, matrimonia clandestina futura annullauit, nec vllum voluit esse matrimonium, quod non posset etiam in foro exteriori probari; vnde prædicta discordia cessat inter vtrumque forum.

Hic duo aduerte.

Alterum est, cum vnus coniugum, altero viuente, ipse tamen eam putans mortuam, probabili æstimatione ducit aliam, vel contrahit cum alio, non peccat; etiam si reddat, & exigat debitum, cum tamen primum se uerit viuere, non amplius reddere debet. Quod si dubium tantum fuerit aliquod, abstineat à petendo, licet non à reddendo. Ille tamen coniux, qui viuus teuerius fuerit, tenetur recipere suam coniugem, nisi probetur habuisse

Ecc

habuisse

habuisse copulam cum secundo, postquam sciuit illum esse supersitem. Ita tenet communis opinio Doctorum. Circa istud impedimentum tamen, nota, quod debet, non leuis, sed probabilis esse existimatio, qua putat coniugem mortuum, alias peccat contrahendo cum secundo. Probabilis existimatio absq; scrupulo ea erit, quam iudex probabit, vel viri prudentes, vel ipse Confessarius cordatus, omnibus perpensis circumstantijs, iudicabit.

Alterum est, cum aliquis coniux contrahit cum altera, putans suam viuere vxorem, quæ reuera mortua est, non est matrimonium. Similiter, cum sit ex parte vxoris, quæ contrahit, putans viuere maritum. Et ratio est, quia tales non habent maritalem consensum, sed fornicarium. Ita habet Nauarr. c. 22. num. 56. quod intelligitur, quando cum tali existimatione contrahit, & scit se non posse ducere secundam, viuentem primam, alias valet, vt habet Sil. ver. matrimonium, 8. §. 5. q. 13. cum Nauarr.

De impedimento Iustitiæ publicæ honestatis.

CAPVT X.

Iustitiæ publicæ honestatis, insurgit ex sponsalibus, & ex matrimonio rato, etiam nulla copula carnali intercedente. Quod ex sponsalibus insurgat, habetur c. vnico, de sponsal. in 6. Quod verò ex matrimonio rato, colligit Panorm. cap. sponsam, extra de sponsal. per locum à minori. si sponsalia, quæ minus ligant, inducunt hoc impedimentum, & matrimonium. Hoc autem impedimentum tale est, quod, qui spondit cum aliqua, non potest contrahere cum consanguinea ipsius, siue ipsa viuentem, siue mortuam, nec ipsa cum consanguineis sponsi, vsque ad quartum gradum, vt notat Panorm. cap. sponsam; de sponsal. Et idem dicendum est de matrimonio de presenti, etiam non intercedente copula. Aduerte autem, vnum ex capit. vnico, de sponsal. in 6. quod hoc impedimentum contrahitur ex sponsalibus, quamuis sponsalia sint nulla, propter aliquod impedimentum aliud, dummodo non sint nulla ex defectu consensus; vt, si sponsi erant ante usum rationis, aut amentes; aut dummodo non sint facta in generali; vt, si quis spondet ducere filiam cuiusdam, non deter-

terminando personam ipsam; aut dummodò non sint cum conditione de futuro: tunc enim non contrahitur impedimentum hoc anteconditionem. In reliquis casibus, licet sponsalia nulla sint, inducunt hoc impedimentum honestatis. Circa omnia hæc Concilium Triden. Sess. 24. c. 3. duo de nouo ordinavit.

Alterum est, quòd, cum sponsalia nulla sunt, quacumque de causa nulla sint, non inducunt hoc impedimentum honestatis, sed debent esse valida sponsalia.

Alterum est, Adhuc ista sponsalia non inducunt impedimentum, nisi in primo gradu solo: unde, vir non potest contrahere cum consanguineis sponsæ suæ in primo gradu solo, cum alijs potest. Idem de matrimonio rato non consummato. Unde Concilium tres abstulit gradus: caput autem Concilij sic habet; *Instituta publicæ honestatis impedimentum, ubi sponsalia quacunque ratione valida non fuerint, sancta synodus annulat, ubi autem valida fuerint, primum gradum non excedat.* Hæc de isto impedimento.

De impedimento affinitatis.

CAPUT XI.

Affinitas, est cognatio quædam ex copula carnali procedens: quando enim habent copulam, duo consanguinei illorum affines sunt inuicem: insurgit autem affinitas, non solum ex copula licita matrimonij, sed etiam ex copula illicita, ut habetur cap. discretionem, de eo, qui congno. consangu. vxor. Debet tamen esse naturalis copula inter virum, & feminam, & non contra naturam, sed secundum vasa naturalia, alias non contrahitur affinitas, ut habetur capite extraordinarium, 35. quæst. 3. Notant autem Doctores, quòd debet esse talis copula, in qua vir seminet: si enim non seminat vir, licet inter claustra feminae, & licet femina seminet, non contrahitur affinitas. Hæc affinitas extenditur usque ad quartum gradum, ut habetur cap. non debet, de consangu. & affini. Vir enim non potest contrahere cum consanguineis feminae, cum qua habuit copulam, intra quartum gradum: similiter nec femina cum viri consanguineis in 4. Circa hoc autem Concilium Triden. Sess. 24. cap. 4. vnum disposuit, quòd, cum affinitas provenit ex copula illicita, non

extendatur nisi ad duos primos gradus tantummodò: hic tamen aliquot sunt aduertenda.

Primum est, cum affinitas superuenit alicui matrimonio irritato, non soluit illud, sed facit; vt, qui fuit in culpa, non possit petere debitum citra dispensationem, sed solū reddere: v. gr. sunt duo iā coniugati de presenti, vnus habet rem cum consanguinea alterius in secundo, iuxta Concilium contrahit impedimentum, vt non petat debitum: tamen cum est ante ratū matrimonium, tunc impedit contrahendum, licet sint sponsalia; &, si contrahatur ante dispensationem, nullum est matrimonium.

Secundum est, Aliquando incidit, vt simul sit impedimentum affinitatis, & honestatis, & tunc, qui petit dispensationem debet vtrumque saltem implicite declarare, alias inualida est dispensatio, vt tenet Silu. ver. matrimonium, 8. §. 24. v. gr. Aliquis duxit Mariam vxorem, cum qua habuit copulam, consummando matrimonium, hic, ratione matrimonij solius, contrahit impedimentum honestatis cum consanguineis vxoris vsque ad quartum gradum, ratione copulæ cum eisdem contrahit affinitatem, moritur vxor, & vult contrahere cum consanguinea vxoris in tertio, si iste petat dispensationem hoc modo, quod vult contrahere cum affine in tertio, non valet; nam non exprimitur honestatis impedimentum: si verò dicat, cum consanguinea vxoris in tertio; tunc est valida, quia vtrumque implicite exprimitur.

Tertium est, aliquando accidit, quòd coniunguntur impedimenta honestatis, & affinitatis; sic, vt homo, qui ante poterat vnam duarum ducere, postea verò neutram, sine dispensatione: v. gr. mater habet filiam, quàm vult despondere; & verè despondet, post sponsalia illa habet rem cum matre, vel sorore sponsæ, tunc, ratione affinitatis, non potest contrahere cum sponsa sua, ratione verò honestatis, non potest cum matre, nec sorore, nec cum alijs intra quartum gradum; &, si contrahere intendat, quamuis habeat filios, & filias, nullum est matrimonium, nec potest cum filia, nec cum matre, citra dispensationem, contrahere.

De impedimento impotentia.

CAPVT XII.

Impotentia coeundi; impedimentum est dirimens contrahendum, & impediens contrahendum, sicut prædicta impedimens

menta. Illa autem dicitur impotentia, qua non potest semen effundi, vt benè notauit Panorm. c. quod sedem, de sponsa. unde castrati vtroq; testiculo non possunt contrahere, quicquid alij velint: similiter, nec qui membra habet abscissa, aut talia, vt non possit in vas foeminae emittere. Similiter foemina tam arcta, vt non possit semen recipere, nec arte medicorum remedium vllum esse potest citra abscissionem, quam non tenetur pati, non potest contrahere. Similiter, qui ex complexionem naturali, vel ex infirmitate contracta, non potest seminare, qui dicuntur frigidi, & qui arte dæmonis impediti sunt à generatione, id est, seminis effusione, qui dicuntur maleficiati, non possunt contrahere, vt habetur tit. de frig. & malefic. per totum: qui tamen possunt seminare, licet steriles sint, possunt contrahere. Aduerte tamen duas esse conditiones necessarias, vt impotentia hæc sit impedimentum.

Altera est, vt præcedat matrimonium: si enim superuenit matrimonio rato, non dissoluitur matrimonium, & tunc, qui eunuchus esset, non peccaret cognoscendo uxorem, vt notant Caiet. 2. 2. q. 154. art. 1. & Nauar. cap. 22. num. 6. licet non speraretur generatio futura.

Altera est, quod impedimentum sit perpetuum: nam si est temporale, non dirimitur, & iura solent expectare triennium ad examen impotentiae huius. Aliqui solent assignare tertiam conditionem, dummodò sit ignorantia: nam si virique sciunt tale impedimentum, dicunt posse contrahere: sed oppositum est tenendum, id est, non esse matrimonium, & ita tenet Panorm. Hostien. Innoc. cap. consulta. de sponsal. & Nauar. loco citato. Autem differentia inter frigidum, & maleficiatum; nam iura non concedunt frigidum, vt post separationem ab vna, ducat alteram, quia, quod naturale est, respectu cuiusque est, at maleficiatis concedunt, quia aliquando dæmon impedimentum facit alicui respectu vnius, non autem respectu alterius. Ita habet S. Thom. 4. sent. dist. 34. art. 3. Armill. verb. matrimonium, §. 49. lege canones de frigidis, & maleficiatis. Hæc de impedimen-

to impotentiae.

* *

CAPVT XIII.

Quadruplex potest conditio poni in matrimonio. Vna est contra bonum matrimonij : sunt enim tria bona matrimonij, proles, fides, seu fidelitas, & indissolubilitas. Potest ergo poni conditio contra aliquod horum. Contra prolem, sic, duco te vxorem, si sumpleris portiones, vt has sterilis : Contra fidelitatem, sic, duco te vxorem, si promiseris postea copiam tui his, quos ego signaui. Contra indissolubilitatem, sic, duco te vxorem, si non inuenero postea aliam diuorem te. Hæc dicitur conditio contra bonum matrimonij. Et huiusmodi positæ conditiones, faciunt matrimonium nullum, 21. q. 2. can. solet, can. aliquando.

Secunda conditio dicitur turpis, quando sub conditione petitur aliquod peccatum, quod tamen non est contra bonum matrimonij : vt, duco te vxorem, si occideris tuum patrem : nubo tibi, si furatus fueris postea centum aureos. Huiusmodi dicitur conditio turpis, & hæc habetur pro non apposta, &, si interfuit verus consensus de presenti, est matrimonium, etiam si in foro exteriori non censëbitur matrimonium : conditio enim turpis habetur pro nulla, c. 1. de conditio. appositis.

Tertia conditio est impossibilis; vt, duco te vxorem, si pater consentiat; & tamen qui talem conditionem ponit, scilicet patrem esse mortuum, talis conditio habetur pro non posita, sicut de turpi dictum est, & censetur matrimonium in exteriori foro; &, si interfuerit consensus interior de presenti, etiam in foro interiori est matrimonium.

Quarta conditio est honesta; & hæc duplex est.

Vna est de presenti, aut præterito : vt, contraho tecum, si es diues, contraho tecum, si patrem es alloquutus, & tunc, stante conditione, est matrimonium, non stante, non est matrimonium.

Alia est de futuro : vt, contraho tecum, si dederit mihi pater tuus centum aureos; tunc, cum conditio implebitur, firma matrimonium, perdurantibus illis in sua voluntate : ante conditionem vero impletam non est matrimonium; &, si vnus interim contrahat cum altera, tenebit hoc secundum matrimonium, sed peccabit mortaliter sic contrahens. De ista conditione

nione honesta tractatur, de condit. appo. cap. super ea. Huiusmodi conditionata matrimonia de presenti, vix iam possunt accidere post Concilium Tridentinum, secundum quod, ut diximus, clandestina matrimonia annullantur; at in sponsalibus, quæ possunt fieri clandestina, possunt facilius accidere.

Post Concil. etiam Trident. sess. 24. cap. 6. nouum aliud impedimentum habemus; puta, raptus: cum enim aliquis rapit feminam à domo parentum; aut eorum, in quorum est cura, ipsis inuitis, non potest contrahere cum illa toto illo tempore, quo fuerit in raptu; & si contrahit, matrimonium est nullum, sed debet in loco libero constitui; & tunc, si vult, potest de nouo contrahere. Tamen grauis poena est contra raptos illic positam: nam ipsi, & qui illis consilium, auxilium, vel fauorem dederint, sunt ipso iure excommunicati, perpetuo infames, omnium dignitatum incapaces; & si clerici sint, de proprio decedunt gradu, & raptor tenetur dotare raptam, siue contrahat cum illa, siue non. Hæc sunt impedimenta prioris generis, quæ tantum impediunt contrahendum, & dirimunt contractum. Alia sunt secundi generis, quæ tantum impediunt contrahendum, tamen non dirimunt contractum, in quibus peccant quidem attentantes contrahere, sed matrimonium contractum tenet. De horum singulis tractandum est in sequentibus modò capitibus.

*De impedimentis Interdicti, & Voti, Sponsalium,
& Catechismi.*

CAPVT XIV.

Qvinque sunt impedimenta, quæ impediunt contrahendum, sed non dirimunt contractum. Huiusmodi sunt, interdictum, votum, sponsalia, catechismus, crimen.

De interdicto nota, cum Episcopus, Vicarius, aut iudex interdicat aliquibus, ne contrahant, donec causa aliqua, aut impedimentum examinetur, tunc tali interdicto prohibetur sub mortali, ne contrahant; tamen si contrahant, tenet matrimonium, nisi aliud de prædictis impedimentis prioris generis interfuert. ita habetur c. 1. 2. & 3. de matrimonio contracto contra interdictum.

Secundum impedimentum est, votum simplex castitatis, aut religionis; hoc enim impedit contrahendum, sed non dirimit contractum, Circa quod sunt aliqua notanda.

Primò, qui vouit votum castitatis, aut Religionis, & ante dispensationem cōtrahit, siue de futuro, siue de præsenti, mortaliter peccat; tamen matrimonium est validum, & in hoc omnes conueniunt.

Secundò, qui tale votum vouit, non solum peccat contrahendo, sed consummando matrimonium: nam antequam consummetur matrimonium ratum, potest ingredi religionem, & implere votum, & tenetur. Vnde peccat consummando, & faciendo se inhabilem prorsus ad voti implementationem. Hoc tenet Anton. 3. p. tit. 1. cap. 4. & est communis sententia.

Tertiò, qui vouit votum castitatis, non potest petere debitum, sed tantum reddere petenti expressè, aut tacitè, nisi obtineat dispensationem, quam potest dare Episcopus, cum non est facile recursus ad Papam, iuxta Syluest. verb. dispensatio, §. 14. Armilla verò verbo matrimonium, §. 55. tenet posse simpliciter Episcopum dispensare. De voto verò religionis non est eadem ratio, sed potest petere absque dispensatione, quia non vouit castitatem, nisi in religione seruandam. Ita tenet Soto libr. 8. de iustit. & iur. quæst. 2. articul. 1. cum alijs doctoribus.

Quartò, mortuo coniuge, tenetur alter, qui vouit, implere votum, aut castitatis, aut religionis. Quòd si iterum contrahat, incurrit eadem peccata, quæ in primo contractu commissæ sunt.

Tertium impedimentum est, sponsalium: qui enim contraxit cum altero de futuro, non potest contrahere cum altero de præsenti, & si contrahat, tenet quidem matrimonium contractum, tamen mortaliter peccauit, nisi causâ extiterit rationalis, vt dicemus in materia de sponsalibus.

Quartum est, catechismi: cum enim aliquis fuit susceptus in catechismo tantum, & non in Baptismo, aut Confirmatione, tunc contrahit eandem cognationem, quæ in sacramento contrahitur, sed cum discrimine: nam, vt diximus, cognatio sacramenti dirimit contractum; vt verò ista impedit solum contrahendum, & non dirimit contractum, vt habetur, cap. per catechismum, de cognat. spiritual. in 6. Armilla; verb. matrimonium, §. 60. putat non esse mortale cum hoc impedimen-

to con-

to contrahere, nisi contemptus esset, sed veniale. Sed non aude-
 rem ergo affirmare, si scienter contrahat, nec video, cur
 priora obligent sub mortali, & hoc non.

De impedimentis criminis.

CAPVT XV.

Aliquot sunt crimina, propter quæ homo prohibetur,
 ne possit contrahere, in pœnâ criminis, & peccati com-
 missi, contractum tamen matrimonium tenet, nisi aliud
 obstat impedimentum.

Primum crimen est incestus, cum consanguinea coniugis
 vsq; ad 4. gradum: v. gr. si vxor rem habeat cum consanguineo
 viri intra 4. aut vir cum vxoris consanguinea, mortuo altero,
 non potest amplius contrahere ad modum prædictum. Ita ha-
 bet cap. 1. de eo, qui cogn. consang. vxor.

Alterum crimen est vxoricidium. Qui suam vxorem occi-
 dit, non potest contrahere cum alia. 23. quæst. can. ad mone-
 re. Et aduerte, quod si id facit intentione contrahendi cum
 adultera, non potest contrahere cum illa, & contractum est
 nullum tamen si sine hac intentione facit, tunc est huius-
 modi impedimentum, etiam si facit respectu aliarum ab
 adultera. Sed hoc impedimentum non procedit in vxore oc-
 cidente virum, quia nullus est canon. de hoc, vt tenet Ar-
 mill. §. 58.

Tertium crimen est, raptus alienæ sponse: qui enim rapuit
 alienam vxorem vel sponsam, non potest contrahere. 27. q. 2.
 can. ratutum.

Quartum est, cum quis sit susceptor filij proprii malo ani-
 mo, vt contrahat cognationem cū vxore, ne reddat debitum;
 talis enim, mortua vxore, non potest cum alia contrahere 30.
 q. 1. cap. de eo.

Quintum est, occidere sacerdotem, cap. qui presbyterum,
 de pœnitent. & remiss. sed ibidem Panorm. limitat, dummodò
 sit in iudicio damnatus de tali crimine.

Sextum est, si quis monialem in vxorem accepit. 27. qu. 1.
 cano. hi verò. Hæc sunt crimina, propter quæ homo à matri-
 monio contrahendo prohibetur. Armill. §. 60. putat hæc om-
 nia non prohibere sub mortali, sed vt iam dixi, non id aude-
 rem affirmare: non enim talis prohibitio fieret, & propterea

ne tam graui, nisi obligaret sub mortali. Vnde cum sciens quis contrahit, & absque dispensatione, quam Episcopus potest dare, vix à peccato mortali excusarem, quamuis non constanter affirmem.

De Sponsalibus: quæ dicantur sponsalia, & quibus modis contrahantur.

CAPVT XVI.

Sponsalia sic posse describi videntur, *promissio mutua futuri matrimonij, signo sensibili expressa*. In qua descriptione tres sunt partes.

Prima est, *promissio futuri matrimonij*: non enim sponsalia sunt matrimonia; nec enim fiunt per consensum & verba de presenti, sed de futuro.

Secunda pars est, *mutua*: debet enim esse ex vtraque parte, puta viri, & feminae promissio: cum enim vnus tantum promittit, tenetur quidem ratione promissionis, seruare quod promissit, tamen non sunt sponsalia: debet enim inuicem alter alteri promittere; ob id, in plurali dicuntur sponsalia.

Tertia pars est, *signo sensibili expressa*: hoc enim in matrimonio & sponsalibus necessarium est, vt consensus & promissio signo aliquo sensibili, verbo, nutu, aut alio modo significantur, vt, si duo inuicem sibi promitterent, tamen esset interior tantum promissio; tunc vterque obligaretur seruare promissum, tamen non dicerentur sponsalia, nisi promissiones exterius innotescerent ipsis. Ex his duo sequuntur.

Vnum est, cum sponsalia sint promissiones quædam contrahentium, & promissio sit actus rationis, non fiunt sponsalia, nisi inter habentes usum rationis. Vnde canones determinarunt, vt ante septennium non essent valida sponsalia, c. vnicuique, de desponsat. in pub. in 6.

Alterum est, cum sponsalia sint promissiones matrimonij, sequitur, vt in omnibus casibus seu impedimentis, in quibus matrimonium non potest fieri, etiam sponsalia nulla sint: non enim promissio eorum, quæ fieri non possunt, aut licet fieri non possunt, efficaciam habet. Per hæc notum est, quæ dicantur sponsalia.

Nunc

Nunc de modis, quibus contrahantur agendum est. Hi autem sunt quatuor.

Primus, per simplicem & absolutam promissionem: absolutam, id est, sine conditione; simplicem verò, id est, sine aliquo alio onere augēte obligationem; ut, cum quis dicit, ego ducam te uxorem, altera autem, ego nubam tibi.

Altero modo, per absolutam promissionem, sed aliquo onere accedente, puta iuramento, donatione annuli, aut alicuius arrae.

Tertio modo, per promissionem conditionatam. Et possunt esse quatuor genera conditionū, de quibus dicenda sunt prorsus eadem omnia, quae diximus de matrimonio conditionato: ob id non est opus repetere.

Quarto modo, sunt per virtutalem promissionem. In cuius gratiam nota, ex cap. vnico, de desponsat. impuber. in 6. cum duo impuberes, vel vnus impubes contrahunt de praesenti, tunc non cēsetur matrimonium, sed sponsalia: non enim vult Ecclesia illum consensum admittere, nisi tamquam de futuro; unde aequiualeat promissioni. Anni verò pubertatis infœmina sunt duodecim, in masculo quatuordecim, ante quos non est matrimonium, sed sponsalia, modò iuxta Concilium Tridentinum, nisi talis consensus de praesenti sit cum testibus, & Parocho, ut dictum est, nullius est efficaciae, nec aequiualeat sponsalibus: cum tamen in ista sunt, procedit Canon antiquus.

De differentijs sponsalium, & matrimonij.

CAPVT XVII.

PRAETER dictas differentias sunt tres inter sponsalia & matrimonium.

Prima est iuxta Concil. Trident. sess. 24. c. 1. matrimonium clandestinum, quae non fiunt ante duos aut tres testes cum Parocho, nullam habent efficaciam: at verò per hoc caput non annullantur sponsalia clandestina, sed sunt valida, licet careant testibus & Parocho, quamuis prohibita sint, cap. cum inhibito, de clandest. de sponsal. vbi olim inhibebantur matrimonia clandestina, & ibi Panormitan. intelligenda esse dicunt sponsalia; tamen non annullabantur, modò annullantur. In qua re vnum est multum notandum, olim in iure antiquo, ut habet.

habetur cap. is, qui extra, de sponſalibus, quando sponſalibus accedebat copula cum cōſenſu maritali, fiebat matrimonium: at verò quia iam ad rationem matrimonij pertinent testes, & Parochus, id locum non habet, aliàs eſſet fraus contra Concilium faciliſ: duo enim poſſent ſponſalia clauſtina contrahere, & ſtatim copulam conſummate, & ſic eſſet validum matrimonium clauſtinum. Sed quid ſi ſponſalia facta fuerunt coram teſtibus, & Parocho, & tunc ſubſequuta eſt copula? non crederem in hoc caſu eſſe matrimonium, quia non inueniuntur omnia, quæ ſtatuit Concilium.

Altera differentia eſt inter ſponſalia, & matrimonium, quod matrimonium non poteſt contrahi, niſi poſt annos pubertatis vtriuſque contrahentis, vt iam diximus ex cap. vnico, de ſponſal. impub. ſponſalia verò poſſunt ſtatim poſt ſeptennium contrahi.

Tertia differentia eſt, in ſolubilitate: vinculum enim matrimonij eſt magis indiſſolubile: multis enim caſibus ſoluitur ſponſalia, in quibus matrimonium ſolui non poſſet.

Quorum primus eſt, quando vterque ſponſus ſoluit promiſſionem factam: tunc enim, etiam ſi iuramentum interceſſerit, ſoluitur, & liber vterque manet, vt cum alio poſſit contrahere. Ita habetur cap. prætereà, 1. de ſponſal.

Alter caſus eſt, cum alter ingreditur religionem, vt habetur cap. ex publico, de conuerſio. & Sylu. verb. ſponſalia, q. 11. dicit, quod ſtatim ſoluitur per ingreſſum ante profeſſionem; ſed in hoc caſu, ſcilicet ante profeſſionem, matrimonium non ſolueretur, etiam ratum: nam ratum non ſoluitur niſi per profeſſionem, conſummatum autem nullo modo.

Tertius caſus eſt, per ordinis maioris ſuſceptionem, 27. quaſt. 2. cap. ſcripſit, vt per ſubdiaconatum, & maiores ordines.

Quartus eſt, per votum caſtitaſ communis ſimplexiſ enim votum facit caſtita�, & poſt contrahat, ſponſalia nulla ſunt, cap. tuſſus, qui cleric. vel vouen. ſi vero votum fecit poſt ſponſalia, tunc non annullantur, vt habet Armill. verb. ſponſalia, & Nauar. c. 22. nu. 25. niſi ſit votum religionis: tunc enim tenetur ingredi, vt dicit Nauar.

Quintus eſt, per matrimonium de præſenti cum altero, ſiue conſummatum, ſiue non, licet peccet mortaliter, qui validis exiſtentibus ſponſalibus, contrahit cum altera de præſenti,

fenti, tamen tenet matrimonium, cap. sicut ex litteris, de sponfal.

Sextus est, quando vnus illorum in longinquas partes abijt, vnde incertus est reditus; tunc enim soluuntur sponfalia, cap. de illis, de sponfal. nec secundum Canones expectandum est tempus, licet leges ciuiles definiant tempus duorum annorum in eadem prouincia. C. de sponfal. l. 2. & in trium annorum in aliena prouincia, C. de repudijs l. 2.

Septimus casus est, cum superuenit affinitas, vt, si sponsus habuerit rem cum consanguinea sponse, vel econtra intra quartum gradum, & post Concil. Trid. intra secundum, cum copula est illicita, tunc sponfal. soluuntur.

Octauus est, quanto ante annos septem duo contraxerunt sponfalia per parentes; & postea peruenientes ad tempus legitimum, noluerunt ratificare; tunc enim soluuntur sponfalia, c. de illis l. de sponfa. impub. & tunc per huiusmodi sponfalia, non producit impedimentum publicæ honestatis, quia deest consensus, c. literas, de sponfal. impub.

Nonus est, quando fuit signatum certum tempus pro futuro matrimonio, & tunc vnus illorum deest: soluuntur enim sponfalia, & qui fuit in culpa imponitur ei poenitentia, c. sicut ex litteris, de sponfal.

Decimus, quando post sponfalia vnus illorum contraxit contagiosum morbum, puta, lepram, morbum gallicum, vel similem, aut deformitatem notabilem, vt abscissionem nasi, extractionem oculi, vel quid similis deformitatis. tunc enim soluuntur sponfalia, cap. literas, de coniugio leprolo-
rum.

Vndecimus, cum vnus illorum incidit in fornicationem: tunc enim, si alter vult soluere sponfalia, soluet, sed qui fornicatur non potest soluere, nisi prius requirat alterum, an velit, c. quemadmodum de iureiurando.

Duodecimus, cum alter illorum post sponfalia sit hereticus, aut infidelis, Canon. non solum. 28. q. 1.

Decimustertius, quando post sponfalia superuenit inimizia notabilis inter sponfos, tunc potest vnus petere solutionem secundum Hosti. in summ. in verb. sponfalia, §. fin. Co-acta enim matrimonia, malos exitus habere solent, c. requisit, de sponfali.

Decimusquartus, cum sponsa promisit se daturum certam summam pecuniæ, vel apposita est conditio aliqua honesta, & non

& non est impleta, tunc non valent sponsalia, sicut diximus de matrimonio. Nota Nauarr. c. 22 n. 26. quod cum sponsa tempore sponsalium diues erat, & postea facta est pauper, non tenetur sponsus cum ea contrahere, quia est conditio virtualis; quia omnia bona quae habet, sponsa promittit sponso.

Decimus quintus, cum est fama, esse inter sponso impeditum matrimonij, tunc soluuntur cap. cum in tua, de sponsal.

Decimus sextus, cum vnus illorum est nimis asper & rigidus: vt habet Panorm. c. veniens, qui cler. vel vouen.

Decimus septimus, quando superuenit aliquid post sponsalia, quod, si superueniret ante, mutaret animos sponso ad contrahendum, vt habet S. Thom. 4. distin. 27. Quod intellige, quando rationabiliter mutaret animos; alias enim non soluuntur sponsalia. His casibus soluuntur sponsalia, non autem matrimonium: vnde differentia magna est inter sponsalia, & matrimonium quantum ad solubilitatem; magis enim insolubile est matrimonium.

De peccatis, quae in ipso matrimonio committi possunt.

CAPVT XVIII.

Multipliciter possunt contrahentes peccare, & in ipso met matrimonio, & in vsu ipsius: in ipso quidem, ex sex capitulis potest procedere peccatum.

Primò, ex parte intentionis, seu interioris consensu, cum enim alter, vel vterque illorum exterius fingunt fictos consensu, & tamen interius non habent, tunc est graue peccatum mortale sacrilegij, contra sacramentum ipsum matrimonij, nec est in foro interiori verum matrimonium, quamuis in exteriori iudicabitur matrimonium, & compellentur assidue habitare.

Secundò, ex parte finis. Pro quo aduerte contrahentes posse contrahere ob vnum ex his tribus finibus.

Vnus est, implet finis matrimonij, & proles, remediū concupiscentiae, & mutua obsequia, & qui ob aliquid horum contrahit, non peccat, immò bene facit.

Alter est finis malus, qui quidem est mortale peccatum, & tunc contrahere ob talem aliquem finem, mortale est: vt, qui

contrahit, vt abutatur vxore, vt furetur, vt occidat, vt simile quid faciat, mortaliter peccat; tamē matrimonium verum est, & tenet, si cetera, quæ diximus, adfint.

Tertius finis est, cum sumitur pro fine aliquo, qui licitus est contrahenti, tamen non est finis matrimonij, sed, qui contrahunt, faciunt sibi talem finem: verbi gratia, delectari carnali copula, acquirere diuitias ad sustentationem status, licita sunt coniugatis; tamen non sunt veri fines matrimonij; si quis enim contraheret ob ista & faceret finem, peccaret, sed solum venialiter, vt habet Cai. verb. matrimonium, quia non egredere-
retur à limite matrimonij: vnde non esset mortale. Adde quod ista aliquando sunt motiua tantum, & non finis: mouet enim pulchritudo feminae aliquem, vt contrahat: sicut Iacob motus fuit à Rachael. Similiter mouet ob delectationem futuram, tunc si ista est similia motiua sunt tantum, & non finis, nullum est peccatum.

Tertiò, accedit peccatum ex parte impedimentorum, per quæ prohibentur contrahere, & de hoc dico.

Primò, scienter attentare contrahere, existente impedimento dirimente contractum, est mortale; vt qui contrahunt in gradibus prohibitis, vel cum simili impedimento, & in hoc omnes conueniunt.

Dico secundò, contrahere scienter cum impedimento prohibente, sed non dirimente, est mortale, si impedimentum sit interdictum, votum, & sponsalia: at si sit aliquid aliorum. Caietan. & Armill. vt supra diximus, tenent esse veniale, licet non multum affirmatiue: sed iam dixi hoc esse dubium. Et ubi talia impedimenta sunt in consuetudine, forsan esset mortale, secundum illos Doctores potest Episcopus dispensare.

Dico tertio, solus Papa dispensat in impedimento dirimente contractum: at in vno casu potest Episcopus dispensare, puta, cum intercessit copula; & contraxerunt in facie Ecclesie, & impedimentum est occultum, & scandalosa esset separatio, nec est facilis recursus ad Papam propter paupertatem, vel aliam causam; stantibus his, posset fieri dispensatio per Episcopum, etiam in gradibus prohibitis, & alio simili impedimento. Ita tenet Silu. verb. dispensatio. §. 15. & Tab. verb. eodem, §. 14. & Armill. verbo eodem. §. 19. & 20. Nauar. c. 22. num. 86.

Dico quarto: qui contrahunt cum talibus impedimentis ante habitam dispensationem, etiam cum spe certa habendam; mortaliter peccant, & nullum est matrimonium, &
habita

habita dispensatione, opus est de nouo contrahere, quia semper manet impedimentum, donec actu sit dispensatio facta Nauar. c. 22. num. 87. dicit, quod illi, qui scienter contrahunt, & habent copulam, vt facilius impetrent dispensationem à Papa, debent narrare Pontifici, se illa intentione habuisse copulam, & contraxisse, vt facilius eis dispensaretur, quo non narrato, dispensatio nulla est. Aduertendum tamen est, statutum esse in Concilio Tridentino, session. 24. capit. 5. de reformatione matrimonij huiusmodi contrahentes carere spe dispensationis, cuius verba sunt hæc: Si quis intra gradus prohibitos scienter matrimonium contrahere præsumpserit, separetur, & spe consequendæ dispensationis careat; idque in eo multo magis locum habeat, qui non tantum matrimonium contrahere, sed etiam consummare ausus fuerit, quod si ignoranter id fecerit, siquidem solennitates requisitas in contrahendo matrimonio neglexerit, eisdem subijciatur penis: non enim dignus est, qui Ecclesiæ benignitatem facile experiatur, cuius salubria præcepta temerè contemplit.

De alijs tribus peccatis in matrimonio acciditibus.

CAPUT XIX.

Accidit etiam quartò peccare ex parte modi: modus autem hic antiquus est; tamen renouatur, & perficitur in Concilio Tridentino session. 24. capit. 5. statuitur.

Primo, cum aliqui contracturi sunt matrimonium, fiant denunciations in Ecclesia tribus diebus festis continuis, inter missarum solennia; vt, si fortè aliquod sit occultum impedimentum, manifestetur.

Secundò, si fortè timetur, ne aliqui malitiosè impediant, tunc vna solum præmittatur, & si adhuc timetur, nulla præmittatur.

Tertiò, cum nulla in tali casu præmittitur, non consumment matrimonium contrahentes, sed solum de presenti contrahant; & ante consummationem fiant tales denunciations, nil aliter visum fuerit Episcopo: hoc enim ipsius prudenter

liz relinquitur. Hic est modus, contra quem agere peccatum esset mortale.

Accedit & quintò peccare in benedictione nuptiarum, cum non debite sunt tempore, circa quod etiam Concil. loco allegato disponit.

Primo hortatur, ut coniuges non consumment ante benedictionem: tamen aduerte, quòd si consumment, nò est mortale, sed veniale, sicut erat ante Concil. vt habet Armill. v. debitu. & Caler. verb. matrimonium.

Disponit secundò, vt ista benedictio fiat per Ordinarium, aut Parochum, vel sacerdotem alium, de eius tamen licentia, & annulat omnem consuetudinem & priuilegium in còtrarium; per quod Sacerdos alius ab Ordinario & Parocho poterat huiusmodi benedicere.

Disponit tertio, vt Sacerdos, qui benedicere attentauit sine licentia horum, sit ipso iure suspensus, donec aliter Ordinatio contrahentium visum fuerit. Tempus autem, in quo nuptias celebrare non licet, est triplex; ab Aduentu vsque ad Epiphaniam; à Septuagesima vsque ad dominicam in Albis; à Ascensionis vsque ad dominicam Trinitatis. An verò isti termini sint exclusiue, an inclusiue sumendi, standum est consuetudini loci. Concilium verò Tridentinum session. 24. cap. 10. abstinuit tertiam tempus, & secundum limitauit, vt sit à die Cinerum, vsque ad octauam Pasche inclusiue.

Accedit etiam sextò peccare ratione indispositionis subiectorum: qui enim cum conscientia mortalis huic accedit sacramento, peccat mortaliter, & priuat se gratia, quæ per hoc sacramento tamen Concil. Trident. session. 24. cap. 1. de reformatione, hortatur contrahuros: vt per tres dies antè confiteantur & communiceant: peccant etiam, qui excommunicati maiori vel minori excommunicatione contrahunt inam excommunicatio à passiuâ participatione sacramentorum prohibet. His modis peccare in matrimonio contingit.

* *

De peccatis in vsu matrimonij.

CAPVT XX.

MVLTI modis etiam peccare contingit in ipso matrimonio vsu, qui modi his duobus capitulis continentur.

Sit modus & finis, sine damno solue, cohere.

Sit locus & tempus, tactus, ne spernitur votum.

Oportet singulas explicare partes.

In primis circa modum contingit mortaliter peccare, quando contra naturam, puta, in vase non debito fit copula: quando etiam semen effunditur extra vas voluntariè: His enim duobus modis est mortale. At quando in vase proprio semen effunditur, quamuis modus non seruetur, puta, siue femina sit superior, siue à posteriori parte semen recipiat, siue alius sit præposterus modus, tunc non est mortale, nisi cum est periculum effundendi semen extra vas; quo periculo non stante, vt dicit Albert. 4. dist. 32. non est mortale, sed si fiat ob delectationem solam, est veniale, si ob necessitatem aliquam nullum est peccatum.

Circa finem, nota, quòd cum coniux accedit vxori tamquam ad non suam, quia nimirum ita accedit, quod habet animum accedendi, licet non esset sua vxor, tunc est mortale: qui verò accedit vt suæ, tamen causa delectationis, tunc est veniale. Hæc est doctrina S. Thom. 4. d. 32.

Circa damnum aduerte, quod accedere ad gravidam, quando est notabile periculum abortus est mortale; quòd periculum est periculum aut paruum, veniale est; quia frequenter est periculum, nisi ad vitandam incontinentiam: accedere etiam ad menstruam, veniale est: quamuis si femina perpetuum patiatur menstruum, aut sit periculum incontinentiæ, nullum sit peccatum, vt dicit Sylu. verb. debitum, §. 6. Tempore autem menstrui dicit S. Thom. loco citato, quod non potest femina petere debitum, sed reddere petenti, primum admonendo ipsum de menstruo: hoc autem peccatum est tantum veniale, quia nullum est periculum notabile, nec impeditur generatio.

Circa istud verbum, *Solue*, nota habere coniugem vtrumque potestatem supra corpus alterius, ita vt alter de iustitia possit alteri debitum copulæ petere, & qui negat (nulla causa exi-

(a existente rationabili) mortaliter peccat, contra illud 1. Corinth. 7. *Nolite fraudare invicem.* Sunt tamen hic notanda aliqua.

Vnum est, quod sunt casus aliquot, in quibus vnus potest negare alteri etiam petenti debitum: de quibus vide Palud. 4. d. 32. & communiter Doctores Theologos ead. dist. & Summistas, verb. debitum.

Primus est, quando est impotens, qui non potest reddere; verum est, quod si sua culpa factus est impotens, mortaliter peccauit in eo, quod se impotentem fecit; tamen postea non facit nouum peccatum in non reddendo post penitentiam primi peccati.

Alter casus est, cum timet probabiliter grauem infirmitatem ex ipsa copula: non enim tunc tenetur accedere, nec hoc est contra illud cap. quoniam, de coniug. leprosi. vbi dicitur, quod debet accedere ad leprosum coniugem: hoc enim intelligitur cum non timetur contagio consilio medicorum, si enim timetur probabiliter, non tenetur.

Tertius casus est, cum vnus coniugum commisit adulterium: tunc enim perdit ius petendi, & ille alter potest negare absque peccato, nisi etiam ipse commiserit, vt statim dicemus.

Quartus casus est, quando matrimonium est ratum, & nondum consummatum, & vnus vult ingredi religionem, tunc non tenetur reddere petenti. Cap. ex publico, de conuersio. coniug. assignat tempus duorum mensium, in quo debeat talis de liberare statum, & ingredi, aut reddere debitum.

De quinto casu, quando vnus illorum fecit votum castitatis ante matrimonium, aut post, sed ex consensu alterius: tunc enim non habet ius petendi contra votum, & alter negare potest, nisi intercedat dispensatio voti.

Aduerte secundò, aliquando non solum coniugem posse non reddere debitum alteri, sed mortaliter peccare reddendo, & hic casus vnus est, nempe, cum vxor in adulterio pertinaciter manet, seu perseveranter, nec emendatur, tunc maritalis tenetur illi non reddere debitum, vt habetur 23. quæst. 1. can. si quis vxorem. Iste tamen casus limitatur à Doctoribus.

Primò, à Richard. 4. d. 32. quando illa vult desistere à peccato, & non perseverare in adulterio: tunc enim potest reddere maritalis absque peccato, non tamen tenetur.

Secundò, limitatur à Sylu. verbo debitum, §. 1. quando vir timet peccatum incontinentiæ, nisi accedat vxori: tunc enim potest, nec enim tenetur cum periculo animæ procurare correctionem alterius; nam hic canon fuit factus ad emendationem fœminæ.

Tertiò, limitatur ab Armilla, verbo debitum, §. 16. quando timentur rixæ grates, & scandalum, nisi reddat debitum.

Quartò, limitatur à Palud. dist. 32. quando nulla separatur emendatio ipsius: cum enim vir non potest corrigere, non tenetur abstinere. Limitatur & ab eodem, quòd solum obligetur vir, non reddere debitum vxori perseveranti in adulterio, non tamen obligatur vxor non reddere viro adultero perseveranti in adulterio: nam canon solum loquitur de viro habente vxorem adulteram.

Aduerte quintò, quod sunt multi casus, in quibus vir tenetur reddere debitum, etiam postquam commisit adulterium, dummodò non perseueret in illo.

Primus est, cum & ipse vir adulterium commisit. Ita habetur, c. significasti, de diuor.

Secundus est, quando potuit prohibere fornicationem, & noluit, vel ipse prostituit vxorem, cap. descriptionem, de eo, qui cognoscit consang. vxoris.

Tertius, quando vir cognoscens vxorem fornicatam esse, accessit ei, c. 2. q. can. dixit Dominus.

Quartus, quando vxor fornicata est violenter, vel quia credens maritum mortuum iterum nupsit, vel credens alienum esse suum maritum, accessit, tunc non perdit ius petendi, quia fornicatio hæc est materialis, & non peccatum. Ita hæc, c. 34. quæst. 2. can. cum perbellicam, 32. quæst. 5. canon, proposito.

Quintus casus solet addi, quando vir dedit occasionem fœminæ adulterandi, quia noluit reddere debitum: tunc, si adulteretur fœminâ, tenetur vir reddere debitum, 33. q. 5. can.

secundùm verba. & ita dicit S. Thom. 1. Co-

rinth. 7. & Armill. verb. matrimonium, §. 73.

monium, §. 73.

* *

De alijs peccatis in vsu matrimonij euentibus.

CAPVT XXI.

Sequitur in carminibus propositis, *cohere*, per quod cohabitatio mariti, & vxoris in eodem toro, & domo significatur: Vnde peccant isti, qui dimittunt vxores suas, & vagantur per alienas prouincias, noluntq; redire ad eas, nec sunt absoluendi, donec firmum saltem propositum habeant, absq; mora redeundi; sunt tamen aliquot casus, in quibus licet separari inuicem.

Primus est, per vxoris fornicationem. 32. qu. 1. can. si quis vxorem; non tamen per hoc soluitur matrimonium, ita, vt possint illi de nouo cum alijs contrahere, vt malè dixit Caietan. Matth. 5. & 19. hoc enim asserere est hæreticum, vt habetur Concil. Triden. sess. 24. can. 7. non enim soluitur, nisi quoad torum, & habitationem, & in casibus propositis c. præcedenti, in tertio notabili. Adhuc non licet facere huiusmodi diuortium. Iste autem casus procedit, cùm mulier fornicatur, non autem cùm vir.

Secundus casus est, cùm alter coniugium trahit alterum ad peccandum, ita, vt alter non possit se ab ipso liberare, quin peccet, tunc iste potest se separare ab illo, qui sibi est causa peccandi. Ita habet Innocen. cap. maritus, de adult. & Palud. dist. 39.

Tertius est, cùm alter conuertitur ad infidelitatem, vel sit hæreticus, ita habet Nauar. ca. quæ fuit, de diuor.

Quartus est, cùm ex mutuo consensu vouent ambo castitatem: tunc enim separantur, quoad torum; & si ex consensu vteriusq; vnus ingrediatur religionem, altero enim ingrediente, vel faciente votum perpetuum continentia, possunt ita separari.

Sequitur in carmine, *si locus*. Copulam habere in loco sacro, secundum communem sententiam, est mortale. Richar. vero d. 32. art. 1. & q. 3. & Angelus, verb. debitum §. 32. limitant, nisi sint violenter in illo loco, putà, tempore belli, aut à iudice se defendant, aut simili causa, & multo tempore illic cogantur esse; tunc enim non esset peccatum. Silu. verò verbo debitum, §. 3. dicit melius, quòd, cùm reddit debitum ob periculum

lum incontinentiæ non est peccatum, nec violatur Ecclesia, alias est peccatum.

Sequitur in carmine, *tempus*. S. Thom. 4. d. 32. dicit generaliter nunquam esse mortale peccatum copulam conjugatorum ratione temporis; licet enim accedat die Veneris sancti, & nocte præcedente communionem, non est mortale; tamen in huiusmodi solennitatibus dicit esse veniale, quamuis accedat ob periculum incontinentiæ; quia possunt adhibere remedium orationis vel ieiunij, vel simile quid, ne incidant in peccatum. Ego ita credo, nisi cum nō ita facile aliud occurrat remedium: tunc nullum est peccatum.

Sequitur in carmine, *tañus*. Caic. ver. matrimonium, notat, tañus, qui fiunt ante futuram copulam inter conjugatos, non esse peccatum: qui verò fiunt absque copula, esse veniale: cum verò timetur pollutio, si cum tali probabilitate, vel eo sine fiant, sunt mortale peccatum.

Vltimum verbum est, *ne spernito votum*. Qui enim vouit castitatem, & contraxit postea, aut qui post contractum, ex consensu coniugis vouet castitatem, non potest copulam habere absq; mortali peccato, nisi prius dispensationem à Papa habeat, de quo iam diximus supra. Hæc sunt, quæ de matrimonio aduertenda videntur,

* *

Finis huius instructionis. Laus Deo.

TRACTATVS
DE SEPTEM
PECCATIS MOR-
TALIBVS.
LIB. VIII.

Quid sit peccatum mortale.

CAPVT I.



VM de septem peccatis, quæ vulgò mortalia vocantur, agere debeamus, meritò præmittendum est quid sit peccatum mortale. Videtur autem sic posse describi. *Recessus à regula diuina voluntarius, Dei gratia peccantem priuans, & eterne mortis adiudicans.* In

qua descriptione sex partes continentur.

Prima est, *recessus*, id est, separatio ab aliquo principio stabili. Peccatum non est aliud quàm separatio ab aliquo principio.

Hoc autem principium explicatur in secunda parte, puta, *regula*. Regula enim est principium dirigens hominem in sua operatione, per quam cognoscit, quid, & quomodo sit operandum: quando autem homo non facit secundum regulam, tunc recedit ab ea, & talis recessus dicitur peccatum.

Additur tertia pars, *diuina*: nam duplex est regula, vna, quæ dirigit hominem ad operationes artium; vt, quæ docet modum faciendi domos, scamna, militandi, faciendi denique alia huiusmodi; & dicitur regula artis. Altera regula est, quæ dirigit hominem ad operandum secundum virtutes, vt ad suum finem perueniat, & dicitur regula moris; & diuina, quæ quidem regula continetur in præceptis diuinis & humanis, quæ homines Dei auctoritate imponunt. Recedere à priori regula, peccatum est quidem, sed non de quo loquimur modo;

sed dicitur peccatum artis, id est, etior quidam artis. Recessus
verò à diuina regula, & præcepto, cui debeat homo id in
operatione conformare, peccatum dicitur, de quo loquimur
in presenti.

Additur quarta pars, *voluntarius*. Non omnis recessus à re-
gula, etiam peccatum est, sed qui est voluntarius: ut autem ali-
quod opus dicatur voluntarium, tres conditiones sunt neces-
sariæ.

Vna est, quòd à voluntate procedat, vel quia est actus elici-
tus ab ipsa, vel quia est imperatus ab ea: quando ergo aliquis
actus in nobis est, qui à nostra non est voluntate, quia nec ip-
sum volumus, nec voluntas ipsius fuit in causa, nullum est
peccatum, quia non est voluntarium: vnde excusantur multi
imaginationes turpes & inhonestæ, & cogitationes repenti-
næ, etiam contra fidem, quæ non sunt peccata, cum homo sua
voluntate non consentit: nam sæpè ista ab inimici suggestione
procedunt.

Secunda conditio est, quòd sit *liberum*, id est, sic à nostra vo-
luntate procedat, quod sit nobis liberum, & illud facere, &
non facere: vnde, quæ in nobis necessariò conueniunt, quamuis
à voluntate proficiantur, quia deest plena libertas, non di-
cuntur voluntaria, & sic, nec peccata censenda sunt. Ex hac
parte excusantur, saltem à mortali, multi motus repentini ex
passione, vel in consideratione aliqua procedentes, vel ex de-
fectu rationis, quibus homo vult occidere, aut nocere alteri,
quos homo, cum suæ potestatis sit, statim prætermittit, &
sedat.

Tertia conditio est, ut non procedat opus ex ignorantia re-
gulæ: cum enim aliquis operatus est liberè contra regulam, sed
quia ignorabat regulam, & præceptum, quod si sciisset, non
utique fecisset, illud tunc opus non censetur voluntarium, nec
est peccatum, ut, qui ignorans prorsus esse diem ieiunij sumpsit
carnes, vel ignorans esse diem dominicum, fecit opus seruile.
Hic tamen attende quòd non semper ignorantia facit opus in-
voluntarium, aut excusat, nisi cum est ignorantia eorum, quæ
homo non tenebatur scire, aliàs, vel, si tenebatur non potuit sci-
re, nec per seipsum stetit, quo minus sciret; vnde ignorantia
præceptorum Decalogi non excusat, quia tenentur omnes sci-
re, & per seipsos stat quo minus sciant, quia sunt naturalia præ-
cepta, quæ vel ipsa natura docet. Debet ergo peccatum esse re-
cessus à diuina regula voluntarius.

Additur

Additur in definitione, quinta pars, *priuans peccantem gratia Dei* Homo sic per peccatum mortale priuatur gratia Dei, ex amico enim fit inimicus, & cum inimicus est, fit inimicior. Et iste est vnus effectus peccati mortalis, qui dicitur macula. Pulchritudo enim animæ est gratia Dei, qua remota, manet anima deformis.

Alter defectus in sexta parte descriptionis, *A Eterna mortē adiudicans*. Per mortale enim deputatur homo pœnæ inferni, quæ perpetua est, quam subibit, nisi ante mortem poenitentia peccati egerit.

Huiusmodi autem pœna peccati, duplex est.

Altera consistit in priuatione diuinæ visionis: nam damnatus numquam Deo fruatur: & dicitur hæc pœna damni.

Altera consistit in eo, quod igne torquetur perpetuo; & dicitur pœna sensus. Infigitur autem hæc duplex pœna propter duo quæ in mortali peccato sunt. Est enim auersio à Deo; cum enim homo mortaliter peccat, à Deo se auertit, dum eius negligit præceptum, & ob hoc ei infligitur pœna damni. Est etiam conuersio ad creaturam: qui enim peccat, in aliqua creatura sibi complacet; ob hoc punitur pœna sensus à creatura ipsa, puta, ab igne. Hæc vtræque pœna dicitur mors animæ, à qua peccatum dicitur mortale, quia talis mortis est causa.

Quotuplex mortale, & quomodo differat à veniali.

C A P V T II.

Peccatum mortale duplex est: vnum, quod dicitur absolute mortale; alterum, quod dicitur mortale tantum ex genere. Mortale absolute, & complete illud est, quod definitum est in cap. antecedenti. Id verò est mortale tantum ex genere, quod ex se inductiuum est mortis æternæ, & priuationum gratiæ, tamen aliquo antecedente impeditur, ne talem inducat effectum; verbi gratia, est aliquod opus contra aliquod præceptum Dei, hoc mortale est; & si perfectum est, ut consequatur effectum, est mortale absolute: si verò impeditur quò minus talem obtineat effectum, est mortale tantum ex genere.

Impeditur autem peccatum, quo minus sit absolute mortale, dupliciter.

Vno modo ob leuitatem materiae, ut furari, mortale est contra Dei praeceptum; tamen furari quattrinum, non est mortale, nec priuat hominem gratia: quamuis non semper leuitas materiae excuset.

Altero modo, ob defectum libertatis, quia homo non erat omnino sui compos; ut, cum quis repentina ita mortem aliqui vult infligere, potest esse tam subitus motus, ut non sit omnimode libertas, & tunc non est mortale perfectum, sed ex genere suo. Actu vero computantur inter leuia peccata, quae dicuntur venialia. Dices, in quo differt peccatum mortale à veniali? Dico, & nota, pro intelligentia, quod recedere ab aliquo praecepto contingit multipliciter.

Vno modo, quando homo non agit, quod praeceptum est, seu, quod regula diuina agere praecipit.

Altero modo, quando agit contrarium omnino eius, quod regula exigit, ut, qui occidit, furatur, cum Dominus non occidendum, non furandum praecipiat.

Tertio modo, quando licet nil agat contra regulam, nec praetermittat id, quod exigit regula, facit tamen aliquid, quod non est secundum finem regulae; finis enim regulae Deus est, & beatitudo nostra in hoc enim ordinantur, & ad hoc nos dirigunt praecepta omnia. Recedit autem homo, cum facit aliquid, quod non est contra praeceptum, tamen non est ordinabile in Deum, & hoc dicitur praeter regulam, ut verbum otiosum, mendacium iocosum, & alia huiusmodi. Quicquid ergo est contra regulam modo primo, & secundo, est mortale ex genere suo absolute; tertio vero modo dicitur veniale, quod, qui gratia non priuat, nec aeternae morti adiudicat, facile consequitur veniam, & dicitur veniale.

Mortalia solent diuidi communiter in septem, quae vulgo mortalia vocantur, includunturque in ista dictione, *Saligia* à nomine, cuiusque peccati sumpta prima litera: V. g. Super quam denotatur superbia, & sic de singulis, auaritia, luxuria, ira, gula, inuidia, accidia. Vbi nota, quod plura multo sunt vicia. Haec tamen, quia multa ex his oriuntur, ob id separantur ab alijs in hoc numero praescripto, ut habet S. Thom. 2.2. qu. 162. art. 8. Aduerte etiam, quod ista non bene dicuntur mortalia, sed capitalia, ut habet S. Thom. & Greg. 31. mortaliū: non enim omnia eiusmodi sunt mortalia, nec ex genere, poterunt tamen dici

dici mortalia, quia radices sunt multorum mortalium. Et cum de singulis sit agendum, de superbia agendum est primo loco.

Quid sit superbia.

C A P V T III.

Superbia sic videtur posse describi. *Est appetitus celsitudinis peruerse, voluntarius.* Tria prima verba sumuntur ex Augusti 14. lib. de ciuitate, c. 13. Vltimum additur à nobis gratia maioris explicationis.

Dicitur primo loco, *Appetitus.* Superbia enim non consistit in cognitione, sed in appetitū, & volitione: est enim velle quoddam.

Additur secundum verbum, *Celsitudinis*, seu excellentiæ. Velle celsitudinem, & velle esse supra id, quod est: hoc enim superbire est, cum vult homo esse maioreo, quod est. Dico id fieri tripliciter, aut in sua cogitatione, & iudicio, cum vult suo intellectu reputare se supra id, quod verè in se est.

Secundò, in aliorum iudicio, cum vult reputari maior quam sit.

Tertiò, in opere, cum vult id facere, quod superat id, quod verè est, quamuis non se iudicet maiorem, sed tantum sit inconsideratio, qua non aduertit, quantus sit, & quantum possit. Hoc quoque modus superbus appetit celsitudinem.

Adiungitur tertium verbum, *peruerse*, id est, inordinatè, & contra rationem: non enim velle hominem celsitudinem semper est superbia: quando enim id fit secundum rationem, puta, quando, & quomodo, & sine quibus oportet, virtus est magnanimitatis; vt, qui aggreditur magna, debito fine, & circumstantijs, non superbus, sed magnanimus dicitur. Superbia verò est velle esse super id, quod est, contra rationis regulam: superbus enim per se finem constituit in ipsa propria excellentia.

Additur vltimum verbum, *voluntarius*, ad significandum, quod debet hic esse appetitus voluntatis; nam superbia est in voluntate, non in parte sensitua. Et rursus debet esse voluntatis actus liber, & qui in nostra sit potestate, ad excluden-

dendas inclinationes in primos motus, in quibus homo aliquando vult esse superius, quod est: hæc enim non sunt superbia. Dicitur superbia, ut dicit Isidorus à super, & volo; quasi superbus velit esse superius, quod est.

Quot species superbiae, & quale peccatum.

C A P V T I V.

Quatuor sunt superbiae species.

Prima est, cum quis sic appetit suam excellentiam, ut bonum, quod ab altero habet, sibi tribuat, ac si à se esset, ponendo finem in ipsa excellentia.

Hoc pluribus fit modis, Vno modo, cum in sua existimatione, & in iudicio id sibi tribuit, ut, qui scientiam ab altero habitam existimat se à se potius habuisse, appetitu excellentiae.

Alterò, cum vult id ita esse in aliorum existimatione; ut, qui vult ab alijs existimari, ac si scientiam à se habuisset.

Tertiò, cum vult ipso opere id monstrare, id est, ita se gerit, ac si tale bonum à se habuisset.

Quartò, cum desiderat saltem, & vellet à se habuisse tale bonum. His modis ista prima superbiae species exercetur. Non solum autem fit hoc per volitionem modo prædictam, sed per nolitionem, & dolorem: ut, cum homo vult non existimari, vel à se, vel ab alijs talis, ut qui ab alijs bonum acceperit.

Secunda species est, cum bonum, quod ab alio habet, aut ex illo suo merito, appetit habere, ac si ex suo merito ei esset datum; & hoc toridem modis, aut apud se ita existimando, aut volendo, ut ita ab alijs existimetur, aut ita opere ostendendo, ac si ex suo merito habuisset, aut saltem desiderando, similiter etiam per nolitionem, & dolorem de contrario.

Tertia species est, cum quis sibi vult tribuere excellentiam quam non habet, aut in sua existimatione, aut aliorum existimatione, aut ipso opere, aut desiderio, & de contrario ostendendo.

Quarta species est, cum quis appetit excellentiam supra alios ponendo finem in ipsa, & hoc eisdem modis, aut in sua, aut in aliorum existimatione, aut desiderio, aut ipso opere, quia

quia nimirum contemnit alios, aut vult se ab alijs vt excellentem tractari, & de contrario dolet. His omnibus speciebus, & modis fit superbia, quorum cuique erunt exempla facilia: est enim communissima materia. Est autem notandum, quòd nò semper superbia est mortale, imò frequenter est veniale: est enim mortale in tribus casibus.

Vnus est, cum quis ita superbit, vt Dei habeat còtemptum: tunc autè est Dei contemptus, cum, quod à Deo habet homo, existimat non habere, aut vult ita ab alijs existimari, aut desiderat, aut dolet de eo, aut se Deo aequat, vel anteponit. Talis superbia mortale grauissimum est.

Secundò, cum homo ita appetit suam excellentiam, vt sit paratus Dei præceptum transgredi, & mortaliter peccare potius, quàm à sua excellentia cadere.

Tertiò, cum sequitur iniuria proximi notabilis, puta, in honorat, infamat grauitè, vel alia iniuria, quæ mortalis culpa est, afficit. Alijs modis superbia commissa veniale est, sed valde periculofum, quia radix est multorum malorù, & impeditium bonorum spiritualium: & meritò: nam, qui se replet excellentia, dignus est, vt à Deo bono spirituali non repleatur, sicut humilitas multa à Deo impetrat, quia per eam homo vacuum coram Deo se repræsentat. Religiosis autem multum est nociua superbia, & spiritualis profectus multum impeditiua.

De remedijs contra superbiam.

CAPVT V.

Multa sunt remedia contra superbiam, inter quæ maximè ad rem mihi facere videntur ista quatuor.

Primum est, si homo consideraret, quàm parua sunt bona, in quibus superbit, & quàm minimus sit ipse respectu aliorum. Si superbit homo de scientia, de fortitudine, de nobilitate, de potentia, consideret, quor sint in mundo ipso excellentiores, quòd si non inuenit, consideret vel demones inferni, qui cum sint inimici Dei, excedunt omnes homines excessu valdè magno in bonis naturalibus. Consideret Angelos bonos. Denique consideret alios se maiores.

Secundum est, si consideret, quòd omne bonum accepit à Deo, nec est suum, sed Dei, quòd potuisset Deus alijs communicare, qui melius ipso vterentur.

Tertium

Tertium est, si consideret, quàm odiosus sit superbus, nō solum Deo, qui superbis resistit, sed hominibus, qui interius maxime superbiam detestantur, & etiam ipsimet superbi alios superbos ferre non possunt.

Quartum est, si consideret homo, quoties se priuet bonis spiritualibus, & quàm incapacem se faciat gratia, & donorum spiritualium ob superbiam, quàm nihil lucratur ob eam: quid enim habet ex hoc, quòd se magnum existimat, aut ab alijs vult existimari: si enim alij non existimant, sua voluntate id efficere non poterit. Istæ sunt considerationes multum viles contra superbiam, & si his homo adiungat exercitium actuum humilitatis, cum diuina gratia præualebit utiq; contra vitium hoc, & multum in bono proficiet; & virtutes, & bona, quæ habet, pulchriora erunt: superbia enim maculat, & deturpat omne bonum hominis.

De vana gloria, & quid sit.

CAPVT VI.

VANA gloria, sicut præsumptio, & ambitio, ex superbia nascitur. Est autem vana gloria *appetitus gloriæ inordinatus*.

Sunt tres partes.

Prima est, *appetitus*: est enim vana gloria, quædam volitio, seu desiderium, aut complacentia, qui actus voluntatis sunt.

Secunda pars est, *gloriæ*: appetere enim non quamcumque rem, sed gloriam, spectat ad vanam gloriam. In cuius gratiam nota, esse differentiam inter ista, famam, laudem, honorem, & gloriam: fama enim est bona opinio, quæ habetur alicuius ille enim dicitur habere famam, qui sui habet apud alios bonam estimationem, & opinionem. Mala fama, non fama, sed infamia dicenda. Laus verò est sermo manifestans alicuius boni excellentiam: laudamus enim, cum alicuius excellentiam manifestamus. Honor verò, est reuerentia exhibita alicui in testimonium alicuius excellentiæ ipsius, & maxime virtutum. Gloria verò, est clara cum laude notitia, id est, fama coniecta cum laude. Appetere ergo hanc gloriam, est vanæ gloriæ. Et in hoc differt Vana gloria à Superbia: Superbia enim appe-

appetit excellentiam; vana autem gloria appetit manifestationem excellentiæ, præcipuè apud alios. Appetere autem hanc gloriam, non est ex se malum, sed differens, sicut appetere pecunias, quod potest malè, & benè fieri. Cum igitur appetitus gloriæ est inordinatus, tunc vitium est, ob id, additur tertia illa particula in definitione, *inordinatus*: cum verò est appetitus secundum rationem, tunc non vitium, sed actus bonus est. Superest tamen explicare, quando sit ordinatus talis appetitus, & quando non. Vt igitur sit bonus, & ordinatus, tres debent esse conditiones.

Prima est, ut ista gloria appetatur de eo, quod verè dignum est gloria, id est, de bono aliquo.

Secunda, ut nō appetatur gloria maior, quàm bonum illud dignum sit.

Tertia, quòd sit ob finem bonum, nimirum in Dei gloriam, aut in proximi vtilitatem, aut in propriam, siue corporalem, siue spiritualement.

Inordinatus verò est hic appetitus multis modis.

Primò, cum appetitus gloriæ est, de eo, quod non habet ipse appetens.

Secundò, cum appetit gloriam maiorem, quàm sit dignum opus, de quo appetit.

Tertiò, cum appetit gloriam de aliquo, quod non est suum, ac si esset suum.

Quartò, cum appetit gloriam de eo, quod malum est, & indignum gloria.

Quintò, cum appetit gloriam, & non propter debitum finem: debet enim finis est aliquis ex tribus prædictis. His modis appetitus, seu desiderium, seu complacentia in gloria dicitur vana gloria, & est vitium ex superbia nascens, quamvis ab ipsa differt, ut dictum est.

Quale peccatum sit vana gloria.

CAPVT VII.

VANA gloria in quatuor his casibus, est mortale peccatum.

Primò, cum est de peccato mortali aliquo: qui enim complacet, aut appetit laudari de aliquo mortali, peccat mortaliter.

Secun-

Secundò, cùm appetitur talis laus ob finem mortalem, vt qui vult laudari de aliquo facto, vt consequatur finē carnalem fornicationis, aut aliud simile.

Tertiò, cùm homo paratus est transgredi, aut de facto transgreditur aliquod præceptum ob vanam gloriam: vt medicus, qui, ne laudem populi amittat, non vult in morbo periculoso, quem non bene dignoscit, socium accipere, mortaliter peccat; similiter, qui errorem docuit perniciosum, & non vult recantare, ne laudem perdat. Peccant isti mortaliter in vana gloria propter quam Dei transgrediuntur præceptum.

Quartò, cùm ob vanam gloriam sequitur notabile damnum proximo, vt, si medicus ignarus iudatur multū ab aliquo, ex qua laude sequitur, vt totus populus ad ipsum concurret, quem ipse nescit curare, mortaliter peccat, nisi laudem nō admittat, dicendo non ita esse. In his casibus, gloria vana peccatum mortale est, in alijs est veniale; quamuis contingat, bona opera, vt ieiunium, eleēmosynam, & talia huiusmodi facere propter vanam gloriam. Tale peccatum, nisi aliquid ex prædictis adsit, veniale est; tamen homo talium operum amittit meritum: licet enim in gratia sit defectu finis debiti opera eius non sunt meritoria, licet ex se bona sint, & si bonus finis apponeretur, meritoria essent. Vana gloria multas habet filias, quæ ad ipsam ordinantur. Hæ autem sunt octo, puta, iactantia, hyprocrisis, contentio, discordia, pertinacia, nouitatum inuentio, curiositas, inobedientia. De quarum singulis oportet breuiter tractare, quid, & quale peccatum sint.

Quid, & quale peccatum sit iactantia.

CAPVT VIII.

Iactantia sic potest describi. Est manifestatio excellentiæ propriæ, supra id, quod vel in se, vel in aliorum existimatione est, verbis inordinatè facta; in qua descriptione aliquot sunt partes.

Prima est, manifestatio propriæ excellentiæ: In hoc enim differt à superbia, & vana gloria. Superbia enim est appetitus excellentiæ. Vana gloria, appetitus est manifestationis. Iactantia vērò ipsa manifestatio, quam quisque de se facit.

Addi-

Additur secunda pars, quòd ista manifestatio fiat *verbis*: iactantia enim potius in verbis consistit: est enim laudare se ipsum.

Tertia est, *inordinate*, id est, contra rationem. Aliquando potest homo absq; vitio se laudare, cum bono fine id fit, nec laus est supra id, quod res in se est.

Quarta pars est, cum laus est *suprà id, quod res est in se, vel in aliorum existimatione*: aliquando enim homo non est excellens in se, & tunc laudare se supra id, quod eū, iactantia dicitur. Aliquando, licet sit in se, non tamen ita existimatur ab alijs, & tūc etiam laudare se supra id, quod est in aliorum iudicio, iactantia est, nisi ordinate fiat, vt diximus. Ex his videri potest, quid sit iactantia. Est autem iactantia veniale peccatum ex se. Fit autem mortale in his casibus.

Primò, cum homo se iactat de aliquo peccato mortali, siue quod commisit, siue quod sibi imponitur; vt, qui se iactat de homicidio, adulterio, raptu, vel alio simili: siue illud fecerit, siue non.

Secundò, cum se iactat cum iniuria Dei, quale fuit illud peccatum Regis Tyri, Ezech. 28. *Elevatum est cor tuum, & dixisti, ego sum Deus.*

Tertiò, cum se iactat cum iniuria notabili proximi, vt Luc. 18. se Phariseus iactabat dicens: *Non sum sicut ceteri homines, & pharisei, adulteri, vel vt hic publicanus.*

Quartò, cum sequitur notabile detrimentum proximi; vt, qui se magnum iactat medicum, aut aduocatum, cum non sit, vnde alij decipiuntur, & damnum prouenit eis, eò quod ad ipsos non fluant, tunc peccatum est mortale ad restitutionem obligans.

Quintò, cum iactantia fit ob aliquem finem, quid sit mortale peccatum, tunc & ipsa fit tale peccatum. Extra hos casus, iactantia ferè semper est veniale.

De Hypocrisi, quid, & quale sit peccatum.

C A P V T IX.

Altera filia vanæ gloriæ est hypocrisis. Hæc autem sic potest describi. Est *simulatio virtutis*. In qua descriptione sunt duæ partes.

Ggg

Altera

Altera est *simulatio*. Est autem simulatio, cum quis fingit opere aliquo se non habere, quod habet, aut habere, quod non habet. Ut enim est mendacium, cum verbo dico aliter, quam sentio, ita est simulatio, cum opere aliter me exhibeo, quam sim, intendens occultare meipsum.

At quia non omnis simulatio est Hypocrisis, ob id additur altera particula, *virtutis*: simulare enim virtutem, aut sanctitatem, quam homo non habet, aut occultando vitia, aut manifestando virtutem exterius, hypocrisis est.

Aduerte autem, esse duas species hypocrisis.

Vna est, quando non vult virtutem illam, sed apparere habere eam.

Altera est, cum homo non habet quidem virtutem, tamen simulat se habere, quam non habet. Illa peior est quam haec: nam per illam non solum vult homo apparere, sed etiam vult contrarium virtutis. Ut autem, quale peccatum hypocrisis sit, percipiatur, aliquot dicta sunt notanda.

Primum est, hypocrisis, quocumque sine, & bono fiat, semper est peccatum, hoc est Caie. 2. 2. q. 111. Vnde si aliquis velit fingere virtutem, ne alios scandalizet, peccat saltem venialiter: & ratio est, quia est mendacium quoddam, & mendacium, quocumque sine fiat, semper est peccatum.

Secundum, hypocrisis in duobus casibus est mortale.

Vnus est, cum est coniuncta cum voluntate transgrediendi preceptum aliquod, ut, cum homo vult fornicari, & apparere curat castus: aut vult iniustum committere, & fingit se iustum.

Alter est, cum fit ob finem, qui est aliquod mortale peccatum, ut, qui fingit se doctum, sanctum, ut consequatur Episcopatum, vel beneficium, quo est indignus; aut fingit se castum, ut possit fornicari, si in sua custodia ponatur femina.

Tertium dictum est, in alijs casibus veniale peccatum est.

De contentione quid, & quale sit peccatum.

C A P V T X.

Tertia filia vanæ gloriæ est contentio. Est autem contentio, sermo contrarius veritatem alterius oppugnans: cum enim vnus verbo, vel scripto veritatem oppugnare alter

alterius vult, contendere cum illo dicitur. Vt autem, quando, & quomodo fit peccatum, dignoscatur, aliquot sunt notanda dicta.

Primum, impugnare veritatem notam, animo disputandi solum, vt fieri solet in scholis, nullum est peccatum, nisi in modo peccet, vt dicitur statim.

Secundo, impugnare veritatem, non tamen animo impugnandi, & contradicendi, peccatum est. Et, si veritas illa erat in Dei honorem, aut proximi notabilem utilitatem, est mortale peccatum, vt, cum impugnantur res fidei, aut veritates morales, quae in proximorum redundant utilitatem. Cum vero non est talis veritas huiusmodi, quales reperiuntur in huiusmodi scientijs multae, est veniale.

Tertio, hoc etiam dicendum est, cum quis impugnat veritatem, quam putat esse falsitatem, sed absque ratione putat. Vnde non excusantur haeretici impugnantes nostras veritates, licet putent esse falsitatem: idem enim temerarie iudicant. Obseruandum hoc totum etiam est in priuatis contentionibus, quas quis facit in colloquijs familiaribus aliquando, cum contentio sit de aliquo, ex quo infamatur proximus, aut damnum patitur: & tunc talis contentio peccatum est mortale, cum graue est detrimentum proximi. Solet & altera via esse peccatum in contentione, puta, in modo: cum enim modus scandalum alijs ingerit, peccatum est.

Similiter, cum in eo miscentur iniuriae; immo cum sit cum magna exandescencia, & perturbatione: in hac enim frequenter est aliquod veniale: quamuis cum seruire aliquo, seruato modo; pro loco, & persona, non sit peccatum, immo si grauius sit. Iniuriae vero, & scandalum, si graui sunt, mortale peccatum faciunt in contentione, dum scandalum sit actuum, quod rationabiliter auditores patiuntur. Hic igitur tunc, & ex hac duplici parte contingit, contentionem esse peccatum.

De discordia, & pertinacia.

CAPVT XI.

Quarto filia est, discordia, de qua S. Thom. tractat. 2. 2. qu. 37. Est autem discordia, voluntatum contrarietas: cum enim circa vnum & idem vnus vult, alter non

vult dicuntur discordes, id est, diuersi cordis. Cor enim voluntatem significare solet. Aliquando discordia est peccatum mortale, aliquando veniale, aliquando nullum est peccatum. Tunc est mortale, cum vnus ab altero discordat, ex intentione contradicenti, hoc sine, nempe, vt discors sit ab eo; & est erga rem perniciosam, quia est contra Dei honorem, aut in graue proximi detrimentum: vnde, talis discordia in rebus, quæ ad fidem pertinet, aut in rebus, quæ ad aliorum utilitatem notabilem spectant, mortale peccatum facit. Ex quo fit, vt sit multum periculosa inter eos discordia, qui gubernandi munus habent: tunc enim, his duobus accidentibus, nempe animo discordiæ, & detrimento graui proximi, fit mortale. Cum verò animus est quidem contradicendi, tamen non cedit res contra Dei honorem, aut in graue detrimentum, est veniale. Deficiente verò tali animo, quia reuera discordia est quia vtrique ita ratio dicat volendum, & ratio probabilis est, tunc nullum est peccatum per se.

Quinta filia, est pertinacia, quæ quidem est animi adhæsiō in propria sententia plus, quàm oportet; quando enim aliqui firmitus tenent sententiam contra alios, quàm res ipsæ, & argumenta probent, dicuntur pertinaces; & in rebus contra Dei honorem, aut in graue detrimentum proximi, vt fit in rebus moralibus, aut in rebus medicinæ, tunc est mortale: his verò deficientibus, est veniale; pertinetque hoc vitium ad intellectum, sicut præcedens ad voluntatem.

De curiositate, quid, & quale peccatum sit.

CAPVT XII.

Curiositas non est propriè filia vanæ gloriæ, quamuis quodammodo reducatur ad ipsam, vt inferius dicemus. Potest autem sic describi, *appetitus sciendi inordinatus*. In cuius declarationem aduerte, duos esse appetitus in homine.

Vnus est, ex parte corporis, & hic est ad cibos, potus, & delectationes carnis.

Alter est ex parte animæ; qua parte homo ex natura rationali constat, & hic est ad scientiam, & rerum cognitiones. Et
sicut

sicut ille nunquam satiatur, sed semper viget adeò, vt sæpè limites rationis excedat, ita etiam hic, ad temperandum hos duos appetitus, ne contra rationem ferantur, duæ ponuntur virtutes: nam temperantia frænât appetitum corporeæ naturæ; studiositas verò, appetitum alterum sciendi. Hæc ita frænât appetitum hunc cognoscendi, vt faciat, ne homo velit scire contra rationem, nec prætermittere ea scire, quæ secundum rationem sunt necessaria. Sæpè enim homines ob laborem addiscendi, negligunt scire, quæ scire debent: sæpè & ob appetitum plura volunt, quàm debent. Hæc virtus medium ponit. Quando ergo homo excedit, vt velit plura scire, quàm ratio postulet, tunc est vitium curiositatis: ob id, sic definitur, Est appetitus sciendi inordinatus. Per scientiam autem hic intelligi volumus, nō solùm cognitionem, quæ fit per intellectum, sed etiam, quæ fit per imaginationem, & per sensus exteriore, visum, auditum, &c. Dices quando iste appetitus dicitur inordinatus? Dico, tunc dici inordinatum, cùm peccatum est, seu contra rationem. Hoc autem quadruplici ex parte provenire potest, nempe ex parte subiecti, obiecti, finis, & circumstantiæ.

Ex parte quidè subiecti, cùm homo non est capax eorū, quæ vult scire: velle enim scire supra proprium captum, & intelligentiam, curiositas est: vnde dicendi sunt curiosi, seculares rudes, qui volunt res arduas Theologicas sibi proponi. Similiter etiam ex parte subiecti, cùm res tales non pertinent ad ipsum addiscendum. Etiam religiosus est curiosus, qui vult sibi manifestari negotia militaria, & res seculares, si solùm faciat hoc propter cognitionem; secus si id fiat ob proximorum utilitatem, vel Dei honorem.

Ex parte obiecti, multipliciter contingit curiositas.

Primò, cùm res, quæ desiderantur sciri, sunt inutiles scienti, quæ nec ad propriam, nec ad proximorum utilitatem, nec ad Dei honorem faciunt: talis curiositas peccatum veniale est, si cut & illa, quæ erat ex parte subiecti.

Secundò, si res sunt noxiæ, nimirum, sunt occasio peccandi: tunc enim, quando res scita est probabilis occasio peccandi, velle eam scire, aduertendo periculum, est peccatum: & si est occasio, vel periculum mortalis peccati, tunc curiositas etiam, est mortale. Si verò periculum est venialis, erit veniale: vnde qui scit se multum procliuem in luxuriam, & ex industria vult

videre animalia aliqua inter se coeuntia, mortaliter peccat, quia se exponit periculo probabili mortalis peccati, quamuis si non esset tantum periculum, esset veniale. Idem dicendum est de lectionibus librorum inhonestorum.

Tertio, si res sunt prohibita: velle enim scire res prohibitas sub mortali, est mortale: unde, velle discere magicas artes, mortale est, sunt enim prohibita, Cod. de malefic. & mathematicis. Similiter, velle audire ea, quae in confessione dicuntur, est mortale. Similiter etiam peccat mortaliter monachus, qui per duos menses integros vacat iure civili, aut medicinae, si egressus est à monasterio, ut hoc faciat; & similiter etiam est excommunicatus. Similiter peccat mortaliter, & est excommunicatus Sacerdos, qui idem facit: non tamen excommunicatio, & prohibitio ligat non Sacerdotes, licet diaconi sint aut ordines habeant inferiores; immò licet habeant beneficium, nisi habeant dignitatem, vel personatum; tunc enim excommunicatio hæc ipso facto incurritur, nempe finitis duobus mensibus: non tamen est reservata, sed potest absolui ab Ordinario. Totum hoc habetur cap. non magnopere, & cap. super specula. ne cleric. vel monach. & cap. i. eodem titulo in sexto.

Rursus quartò, si res sunt malæ: unde qui vellet experiri aliqua arte, & modo, quanta sit delectatio carnalis coitus, solum ob scientiam, mortaliter peccaret. His modis committitur curiositas ex parte obiecti.

Committitur & tertio ex parte finis: cum enim quis est mortale peccatum, aut veniale, & curiositas est talis: unde, qui vult scire vsuras palliatas, ut eas faciat, mortaliter peccat, licet postea non faciat: similiter, qui vult scire defectus alterius, ut infamet, mortaliter peccat, licet non infamet. Qualis finis est talis erit appetitus sic sciendi.

Committitur & quartò curiositas ex parte circumstantiarum, quamuis non sit defectus ex alijs tribus partibus. Et hoc multipliciter fit.

Primo est, si quis velit scire ita, ut Dæmonum arte scientias compareret, tunc est mortale peccatum.

Secundo, si ita vellet scire, ut alium inducat ad mortaliter peccandum; ut, qui vult scire ea, quæ alius occultare tenetur, ratione iuramenti, vel ratione excommunicationis pœnæ impositæ, vel ratione ipsius secreti, talis curiositas

riositas, quamuis ille talis non manifestet, est mortale peccatum.

Tertiò, cùm, vt sciat ea, quæ scire non tenetur, prætermittit scire ea, quæ obligatur scire: vt, si clericus velit scire negotia secularia, prætermittit scire ea, quæ scire secundum suum statum tenetur. Et denique, cùm, vt sciat homo, prætermittit implere præceptum aliquod; vt, qui vt vacet studijs rerum aliquarum non necessarium, prætermittit audire sacrum in die festo: tunc enim est mortale.

Quartò, cùm sequitur scâdalu[m] graue aliorum? cùm enim ex eo, quod aliquis discere, aut cognoscere vult, quæ non tenetur, dat graue scandalum alijs, graue etiam peccatum mortale est. His omnibus modis committitur curiositas; in quibus octo sunt casus, in quibus mortale peccatum incurri potest: in reliquis veniale est.

De inuentione nouitatum.

CAPVT XIII.

Alia filia inanis gloriæ, est inuentio nouitatum, quam S. Thom. 2. 2. qu. 133. artic. 5. & alij multi solent nominare præsumptionem nouitatum. Est autem vitium hoc, cùm aliquis vult mirabilia aliqua exhibere, vt laudem aliorum comparet; & quia noua mirabilia solent esse, ob id, vitium hoc dicitur inuentio nouitatum. Fit autem hoc tam in dictis, quam in factis: cùm enim aliquis noua aliqua facta; & inusitata facere hoc sine, aut nouas opiniones sustinere, & proferte, inuenitor est nouitatum. Est autem hoc vitium ex se veniale, nisi aliqua circumstantia mortalis ei adiungatur, puta, quia est cõtra Dei honorem, aut in notabile detrimentum proximi, aut in finem mortalem, vt diximus de alijs.

Quid obedientia, & quibus sit obediendum.

CAPVT XIV.

Vltima filia vanæ gloriæ est inobedientia: vt autem, quid sit, rectè percipiatur, opus est scire quid sit obedientia. Obedientia igitur est virtus, quæ promptum facit

hominem ad implendum mandatum superioris, ut tale est. In qua definitione tres sunt partes.

Prima est, *virtus*. Est enim obedientia, pars quædam iustitiæ, quæ in voluntate ponitur, ad perficiendum hominem in his quæ sunt ad alterum.

Secunda pars est. *Quæ facit hominem promptum ad implendum ea, quæ à suo superiore ei mandantur.* Aduerte tamen, quod dupliciter potest aliquis implere mandatum alterius..

Vno modo, materialiter, puta, dum facit ea, quæ alius mandat.

Altero modo formaliter, dum facit ea hac intentione, & motiuo, quia ab alio sibi mandata sunt.

Primum pertinet ad virtutes alias ab obedientia: qui enim credit per fidem, & diligit per charitatem, & suffert labores per patientiam, facit ea, quæ Deus mandat.

Secundum tamen pertinet ad obedientiam: velle enim ista facere, quia Deus ita vult, obedientiæ est: ob id, additur in definitione illa pars tertia, *ut tale est*, id est, obedientiæ est facere mandatum, quia mandatum est. Obedire ergo mandato ad quamlibet virtutem pertinet, & obedientia generaliter quælibet virtus est: tamen formaliter, obedire est vnius, & determinatæ virtutis, ab alijs omnibus distinctæ. Ex hac definitione facile est cognoscere, quid inobedientia sit: est enim *transgressio mandati superiorum, quia mandatum est*. Transgredi enim mandatum materialiter, omnium est vitiorum commune: per ea enim homo recedit à regula rationis, & transgreditur mandatum, hoc motiuo, quia sibi mandatum, & præceptum, & pertinet ad vitium peculiare, quod dicitur inobedientia. Quæ res ergo quid obedientia, quid inobedientia sit. Dices, quomodo est obediendum? Dico, superioribus: non enim est obedientia, nisi ratione alicuius superioris. Vnde, filij parentibus, serui dominis, milites Duci, populi Principibus, clerici Episcopis, religiosi Prælatibus, fideles Pontifici, omnes Deo obedire

debent: similiter de alijs superioribus dicendum est.

(*)

In quibus est obediendum.

CAPVT XV.

Oportet primum in generali cognoscere, in quibus inferiores tenantur obedire superioribus. Ac erga hoc duo sunt notanda.

Alterum est similiter de communi superiori, in quibus non sit obediendum ei. Alterum, in quibus sit obediendum.

Circa primum aliquot dicta sunt notanda.

Primum est, nullus obligatur obedire suo superiori in actibus interioribus puris, puta, intellectus & voluntatis. Istud est, S. Thom. 2. 2. q. 104. art. 5. & communis doctrina. Explico, si superior dicit inferiori, dilige inimicum, vel hunc hominem; aut crede istam opinionem, non obligatur inferior hoc facere; pertinet tamen ad perfectionem obedientiæ, ut ipse sanctus Thom. dicit, hoc facere, & in his obedire, sed non est obligatio, quia anima ipsa soli Deo subditur. Vnde patet, hominem non potuisse perfici per omnes humanas leges, quæ non obligant ad actus interiores puros, nisi accederet diuina, quæ totum potest obligare hominem, & obligat de facto. Istud dictum limitatur à Syl. u. verb. excommunicatio. 7. §. 4. quod intelligitur de actibus puris internis, qui non sunt commisti cum externis: aliquando enim ratione exterioris potest esse obligatio interioris; ut, qui præcipitur aliquid facere, similiter præcipitur, ut velit absolute facere; alias enim non faceret. Et hoc modum Clem. 1. de stat. monach. excommunicatur monachus, qui sine licentia Prælati confugit ad curias Principum secularium, hac intentione, ut suo monasterio nocumentum inferat.

Secunda est. Non est obediendum illi superiori in his quæ pertinent ad statum proprium. Istud est eiusdem S. Thom. ibidem: v. g. Pater præcipit filiæ, ut nubat, aut fiat monacha, non tenetur obedire. Si quis præcipiat alteri, ut viuat in continentia, non est ei obediendum ex obligatione.

Tertium est, non est obediendum inferiori contra præceptum superioris: verbi gratia, quando duo superiores præcipiunt opposita vni, inferior debet obedire superiori maiori prætermisso minori. Vnde obediendum est potius in rebus Ecclesiasticis Papæ, quàm Imperatori & Deo, quàm homini-

bus. Si igitur Papa præciperet alicui, ut resignaret suum beneficium curatum in aliquem indignum, non esset ei obediendum, quia est contra diuinum præceptum. Ita habet Panorm. in c. inquisitioni, de senten. excommun. & Ioan. Andr. c. cum a Deo, de rescript.

Quartum est, nulli superiori præcipienti aliquod peccatum vel veniale, est obediendum. Ita habet cap. literas, de resti. spo. lia. & 11. q. 3. can. quid ergo. Hic tamen insurgit dubium, quid debet facere inferior, quando dubius est, an quod ei præcipitur sit peccatum? Dico, debet obedire; ita tenet Syluest. verb. obedientia, §. 2. & habetur hoc expressè, 23. q. 1. can. quid culporum, ubi statuitur, cum non est certum superiorum factum esse malum, esse obediendum: in dubijs enim debet inferior credere superiori.

Quintum est, nulli superiori præcipienti aliquid, ex quo sequitur scandalum, vel notabile detrimentum aliorum, est obediendum in tali præcepto. Ita habet Panorm. ubi supra, & Syluest. verb. obedientia, §. 5. ubi dicunt non esse in hoc obediendum, quamuis superior sub excommunicationis pœna præcipiat: hæc enim non ligat, quando malè imponitur.

Sextum est, nulli est obediendum in his, in quibus non est superior inferior enim solum obligatur obedire in his, in quibus inferior est, ut seruus in seruilibus, filius in rebus domesticis, in disciplina, & sic de alijs. Ita habet Innoc. cap. inquisitioni, de sent. excomm. & est communis doctrina. Unde si Papa præcipiat alicui, ut donet vineam suam alteri, vel vendat, non tenetur obedire.

Septimum est, nullus obligatur obedire superiori, nisi cognoscat voluntatem eius, nisi talis voluntas sibi fuerit manifestata exterius, tacite, vel expressè. Ita habent S. Thom. q. 23. de veritate, & Syluest. verb. obedientia, §. vlti. Non tamen negant isti Doctores, esse perfectiorem obedientiam, obedire, & facere voluntatem superiorum, antequàm ei manifestetur, sed dicunt non esse obligationem obediendi. Hæc sunt, in quibus nullus obligatur cuicumque superiori citra Deum obedire.

Circa secundum verò, in quibus obediendum sit, regula est generalis, vnicuique superiori obediendum est ex obligatione, in his tantum, in quibus est superior. Hic tamen vnum emendat dubium, quid sit faciendum, quando duo superiores æquales præcipiunt vni res oppositas; v. g. miles est subditus Ducis & patris

parenti, si præcipiat pater vnum, quod non potest impleri cum eo, quod Dux præcipit quid faciendum est, an debeat obedire patri in domesticis, an Duci in militaribus? Respondet Sylu. v. obedientia. §. 10. quod, ceteris omnibus paribus, tum obediendum est ei, qui præcipit in ordine ad nobiliorem finem: vnde, si æquale sequitur detrimentum in re domestica, & in re militari, potius est obediendum Duci, quia præcipit in ordine ad bonum commune, quod nobilius est bono particulari vnius domus.

De obedientia Religiosorum respectu Prælatorum.

CAPVT XVI.

HActenus in generali loquuti sumus, quæ sint ea, in quibus obediendum est, nunc ad particularia ista applicare oportet, ac primum de obedientia Religiosorum erga suos Prælatos agere debemus. De quo sunt aliquot dicta notanda.

Et primum est, Nullus Religiosus tenetur obedire suo Prælati in his, quæ pertinent ad maiorem perfectionem, quam sit religionis, quam professus est. Istud est S. Thom. 2. sent. dist. 44. q. 2. artic. 3. ubi dicit, religiosum teneri in his tribus obedire Prælati, in his nempe, quæ in regula continentur, & in his, sine quibus illa in regula contenta impleri nequeunt, & in poenis sanctis propter culpas contra prædicta duo. Si vero aliquis superior vellet alia exigere, quæ ad maiorem perfectionem pertinent, vt ieiunia, disciplinas, & alia, quæ non sunt in regula, quamuis perfectius esset ei obedire, non obligaretur subditus in talibus obedire: non enim votum extenditur ad huiusmodi opera.

Secundum, Religiosus non tenetur obedire Prælati in his, quæ sunt præter illa tria, puta, nec pertinent ad regulam, nec ad ea, sine quibus regula non seruatur, nec ad poenam. Ita habet Innoc. c. veniens, de iureiurando.

Tertium, non tenetur etiam subditus obedire Prælati in his, quæ sunt contra regulam. Vnde, si Prælati præcipiat aliquid, ne ieiunet tali die, si regula præcipitur hoc ieiunium, non tenetur obedire, licet possit Prælati dispensare. Ita dicit Sylu.

Sylu. verb. religiosus. §. 6. Additur, nisi Prælatus id præcipiat ex aliqua causa rationabili, puta, cum ieiunium obesset multum subdito ex alia causa rationabili. Hæc igitur tria dicta hoc vno verbo concluduntur: Non tenetur religiosus obedire Prælato in his, quæ sunt supra, aut præter, aut contra, sed in his, quæ sunt tantum secundum regulam, quam est professus.

Quartum, transgredi mandatum Prælati, est mortale peccatum, Ita habet S. Thom. loco citato, sed declaratur bene à Caiet. verb. præceptum, nimirum cum Prælatus præcipit aliquid cum intentione obligandi ad mortale, quod exprimitur, cum præcipit in virtute sanctæ obedientiæ: cum enim taliter non præcipit, non est mortale, & raro habent Prælati huiusmodi intentiones. Vnde non erit tunc mortale, nisi, quod præcipit Prælatus, sit aliàs præceptum diuinum aut Ecclesiæ, obligans ad mortale.

De obedientia respectu legum.

CAPVT XVII.

QValiter obedientia legibus sit exhibenda: necessarium quidem, sed difficile est determinare. Oportet primum, quid sit lex statuere. Omissis autem alijs definitionibus, quæ plurimæ solent dari, videtur sic posse describi; *Lex est rationis ordinatio homini, quid agendum, quidve non agendum sit, ostendens, in commune bonum in futurum.* In qua definitione sunt tres partes.

Prima est, *rationis ordinatio*, id est, principium quod non per rationem constitutum: est enim lex opus rationis.

Quid autem hoc principium faciat, explicatur in secunda parte, nimirum, *ostendens homini, quid debeat agere, quid debeat cauere.*

Finis autem explicatur in tertia parte, nimirum *in futurum in bonum commune.* Leges enim in vtilitatem eorum, quibus imponuntur, institutæ sunt. Dicitur lex à legendo, quasi homo in ipsa legat, quod facere debeat, seu à ligando, quasi hominem ligat & obliget facere quod in ea continetur. Solet alijs nominibus appellari: dicitur enim ius, quia iustum statuit in rebus: dicitur præceptum, quoniam imperium instituentis exprimit: dicitur statutum, quia firmitatem debet habere: dicitur constitutio, quia aliquando multi conueniunt ad legem statuendam.

bilendam. Hæc lex quinque actus habet, nempe præcipere, prohibere, permittere (sunt enim aliquot leges mala aliqua permittentes ad bonum commune) punire : sunt enim leges aliquor pœnales, pœnam pro malefactis determinantes : præmiare : aliquando enim lex præmium statuit implentibus ipsam, & hoc præcipue conuenit legi diuinæ, iuxta illud Psalm. *in custodiendis illis retributio multa.*

Lex in duo diuiditur genera, in diuinam & humanam.

Lex diuina est, quæ à Deo est immediatè instituta, qualis est Evangelica, quæ à Christo Domino ; & lex Moylis, quæ à Deo per Moysen data est.

Humana verò est, quæ ab hominibus est instituta per potestatem sibi à Deo datam, quales sunt illæ, quæ à Principibus & alijs huiusmodi potestatibus sunt institutæ.

Diuina iterum diuiditur in naturalem, & positiuam.

Lex naturalis est, quæ sic à Deo est data, quòd rationi hominis naturaliter eam inculpsit, ita vt ratio hominis eam dicat. Huiusmodi sunt decem præcepta Decalogi; ita enim Deus ordinauit, vt naturale lumen rationis attingat, & cognoscat talia præcepta esse; & esse obseruanda.

Lex verò diuina positiua est, quæ data est à Deo; sed lumen humanum non eam distinguit, nisi prius per reuelationem aliquam ei manifestetur. Huiusmodi fuerunt in veteri testamento leges cæremoniales, & iudiciales multæ: in Evangelio verò sunt præcepta sacramentorum & fidei; sunt enim inco- gnita homini secundam naturam, nec ei innotescunt, nisi per diuinam manifestationem.

Lex etiam humana diuiditur in Ecclesiasticam & secularem.

Ecclesiastica est, quæ à potestate aliqua Ecclesiastica est instituta, nimirum à Papa, Concilio, Episcopo, vel aliquo Ecclesie Prælato: diciturq; canonica lex: cano enim idem est, quòd regula, & quamuis omnis lex etiam dici possit, canon tamen attribuitur Ecclesiasticæ regulæ, quæ inter humanas est potissima.

Secularis autem aut ciuilis est, quæ à potestate seculari ad instituta, nimirum ab Imperatore, vel Rege, vel Duce, vel Republica, vel ab alio Principe, aut Republica, aut communitate, aut aliquo alio superiori. Est ergo lex diuina naturalis, & diuina positiua, Canonica & ciuilis. Aliæ diuisiones ad rem pertinentes non sunt.

Quando lex vim obligandi habeat.

CAPVT XVIII.

Lex humana non statim obligandi eos, quibus datur, vim habet, sed sunt aliquot conditiones necessariae.

Primo enim debet esse iusta; lex enim humana, cum iniusta est, non obligat. Ad iustitiam autem legis sunt quatuor necessariae, ut tradit S. Thom. p. 2. q. 96. art. 4.

Vnum est ex parte finis: debet enim institui in commune. Vnde leges, quae instituuntur, & dantur communitatibus in bonum vnius particularis tantum, sunt iniustae: nisi bonum illius in totam redundet communitatem.

Alterum est ex parte agentis, ut lex instituat ab eo, qui habet superioritatem & potestatem. & ita, ut non excedat limites suae potestatis, aliter efficitur lex iniusta.

Tertium, ut sit materia bona; non contineatur, siue precipiatur in lege res aliqua mala; vel prohibeatur bona.

Quartum est, ut sit forma bona, id est, lex seruet proportionem ciuium, ut non plus oneret eum, qui minus est onerandus: propter quod superius diximus, leges gabellarum, quae extorquent tributum ex his, quae ciues in proprios vsus, & sustentationes emunt esse iniustas: tunc enim qui plus indiget, plus soluit, quod est iniquum. Quando ergo in lege ista non reperiuntur, est iniusta, & non habet vim. Tamen notandum est ex eodem sancto Thoma, quod lex dupliciter potest esse iniusta.

Vno modo, quia est contra bonum humanum; ut, quae est in bonum priuatum ordinata, vel excedit limites potestatis institutionis; vel non seruat debitam formam.

Altero modo, quia est contra bonum diuinum, nimirum, quia precipit aliquid contra Dei legem.

Si priori modo est iniusta, licet in conscientia non obliget, tamen propter scandalum debet aliquando seruari, iuxta illud Matth. 5. *qui se angariauerit per mille passus, vade & alia duo, & qui abstulerit tibi tunicam, da ei & pallium.*

Si vero posteriori modo est iniusta, nullo modo est seruanda; ut, si lex preciperet non esse colendos Sanctos, non esse adorandam Crucem, esse fornicandum, vel quid simile. Et sic intelligitur istud Actor. 4. *Obedire oportet magis Deo, quam hominibus.* Debet ergo primum lex esse iusta, ut vim habeat.

Nec hoc satis est, sed, secundum omnes, necessarium est secundo, vt sit promulgata: ante promulgationem enim & manifestationem, quamuis constet voluntas legislatoris, non habet vim obligandi lex, vt probat Soto lib. 1. de iust. q. 1. ar. 1.

Nec adhuc satis est promulgatio, sed debet tertio esse recepta ab his, quibus lex datur, vt habetur can. in istis d. 4. si enim lex promulgata est, sed non recepta, non obligat.

Adhuc hoc non sufficit, sed opus est quarto, vt, postquam est recepta, non sit per aliam contrariam legem, aut consuetudinem derogata. Multi enim extant antiqui canones & leges, quæ olim promulgata & recepta fuerunt, modò tamen non obligant, quia per contrariam consuetudinem, aut leges alias sunt derogata.

Adhuc ista non sufficiunt, vt lex obliget vnumquemque in particulari, sed opus est quinto, vt non sit inuincibiliter, seu probabiliter ignorata. Cum enim aliquis probabiliter, seu inuincibiliter ignorat legem, quamuis ipsam transgrediatur, non peccat. Loquor autem hætenus de lege humana. Aduerte tamen, quod non quæuis ignorantia excusatur à lege, vt alias diximus, sed illa, quando homo ignorat ea, quæ scire non tenebatur; aut, si tenebatur, non potuit scire, nec per ipsum stetit, quò minus sciret. Hæc autem dicitur inuincibilis, seu probabilis. His ergo quinque positis, lex humana vim habet obligandi, siue cano. siue civil. sit. At lex diuina non sic se habet: nulla enim lex diuina iniusta est, nec indiget noua promulgatione, quia iam promulgata & recepta est, nec etiam potest derogari. Sola ignorantia est; quæ excusatur ab obseruatione legis humanæ; sed non naturalis diuinæ: nullus enim peccans contra præceptum Decalogi excusatur à peccato: nam lex naturalis nunquam ignoratur inuincibiliter, sed crasse, vt habet Silu. verb. præceptum, §. 7. In sola autem diuina positua locum habet ignorantia; vnde infideles, qui nihil audierunt de Euangelio, nec credunt Christo, non peccant peccatum infidelitatis in non credendo: excusantur enim ob ignorantiam, damnantur tamen propter alia peccata, quæ committunt contra ius diuinum naturale, quod obligantur obseruare.

Quanta sit legis obligatio.

CAPVT XIX.

L Ex diuina, tam naturalis, quàm positiua, non obligat semper ad mortale: aliquando enim obligat ad veniale. Mendacium enim iocosum, & verbum otiosum, venialia sunt, licet non sint secundum legem diuinam; frequenter tamè obligant ad mortale, præsertim Decalogi præcepta: cum enim non est leuitas materia, & actus est deliberatus, mortale peccatum est transgressio. Depositua autem lege, vsus Ecclesiæ, & Doctorum doctrina iam declaratum habet, quando mortale, quando non: at verò de lege humana, tam canonica, quàm ciuili, difficultas est. Sunt autem notanda aliqua, in quibus Doctores conueniunt.

Primum est; Possunt huiusmodi superiores, tam Ecclesiastici, quàm seculares obligare ad mortale subditos, & facere præcepta obligantia ad mortale. Et in hoc conueniunt Doctor. & probatur à Soro lib. 1. de iust. q. 6. ar. 4.

Secundum est, quando superior intendit obligare ad mortale, tunc obligat: quando autem intendit non obligare, non obligat. Itaque illud præceptum obligat ad mortale, cum constet, talem fuisse intentionem præipientis. Similiter etiam, si constat, non fuisse, non obligat: vnde S. Thom. 2. 2. quæstio. 106. articul. 6. dicit præcepta sancti Dominici non obligare ad peccatum, quia ipse regulæ institutor dixit, & expressit, se nolle obligare ad peccatum. In hoc etiam omnes conueniunt.

Tertiū est, si quis ex contemptu seu intensione non obediendi, vult facere aduersus id, quod ei præcipitur à superiore, licet non præcipiatur sub peccato mortali, peccat mortaliter: v. gratia, præcipit Prælati inferiori aliquid non obligans ad mortale, si inferior non facit, hac causa, quia non vult obedire, aut ex contemptu, peccat mortaliter. Similiter dicendum est respectu cuiusque alterius superioris, etiam respectu Dei: qui enim consilium diuinum non faceret ex contemptu, vel quia non vult Deo obedire, etiam mortaliter peccaret. Ita habet Cate. 2. 2. q. 104. ar. 2. Silu. ver. lex. §. 8. & ver. contemptus. §. 2. In hoc omnes conueniunt.

Quartum est, cum aliquid præcipitur sub pœna excommunicationis, aut alterius pœnæ, quæ homini in graua existens non

non potest conuenire: vt sub pœna maledictionis à Deo & indignationis Apostolorum, aut alicuius similis, obligat ad mortale; quamuis excommunicatio non imponatur iplo facto: siue enim ipso facto incurratur, siue, excommunicatio non potest fulminari, nisi in materia peccati mortalis.

Limitat autē hoc Caiet. verb. præceptum, quodd, cum excommunicatio non imponatur immediate, sed ita, vt admoneatur prius qui est excommunicandus, tunc non facit mortale peccatum talis inobedientia, donec procedat talis admonitio.

Quintum est: illa lex humana obligat ad mortale; cum, licet non constet præcipientis intentio, tamen vsus Ecclesiæ, aut Doctores communiter solent interpretari de tali obligatione ad mortale: verbi gratia, est lex ieiunij in Quadragesima non habet expressum, an obliget ad mortale: at communis sensus Ecclesiæ ita interpretatur cum Doctoribus etiam ita declarantibus; ob id censendum est obligare ad mortale. Similiter etiam dicendum est de præcepto communis, tempore Paschæ, & confessionis, iuxta cap. omnis vtriusque, de pœnit. & remiss. non enim habetur expressum, an obliget ad mortale; tamē Ecclesiæ vsus ita declarat. In hoc dicto nullus etiam discordat.

Sextum est. Agens iuxta intentionem legis, licet agat contra verba ipsius, aliquando non peccat.

Hoc est dictum etiam commune, & habetur à S. Thom. 1.2. q. 97. art. 6. v. g. Est lex, quod portæ ciuitatis noctu sint clausæ; tamen si accidat, vt hostes insequantur ciues, per quos ciuitas seruetur, essetque ciuitati damnosum, si non aperirentur, tunc aperire non est peccatum: nam est ob bonum commune, quod lex illa intendebat; & si in tali casu esset legislator; vtique ita iudicaret. Aduertit tamen S. Thom. non licere agere semper secundum intentionem legis contra ipsius verbalem sensum, nisi cum causa vrgens est, & cum Princeps, seu Superior, cuius est legem interpretari: non adest, nec facile conueniri potest: si enim posset, non liceret tunc cuiuslibet sic contra legem agere.

Hæc sunt, in quibus non est discordia inter Doctores
erga inobedientiam legum, seu præceptorum.

De diuersitate Doctorum erga legum obedientiam.

CAPVT XX.

TRI A sunt, in quibus Doctores discordant erga obedientiam legum humanarum. In cuius gratiam notanda est distinctio.

Leges humane se habent in duplici differentia.

Quædam sunt purè præceptiue, quæ aliquid faciendum iubent, vel faciendum prohibent.

Quædam sunt pœnales, quibus pœna infligenda transgressoribus statuitur. Sunt ergo leges Ecclesiasticæ & ciuiles etiam purè præceptiue, & utræque pœnales: & in his tribus est distinctio.

Circa leges Ecclesiasticas, Nauarr. cap. 23. summarè, num. 48. & sequentibus, dicit, quòd generaliter, quoties in lege Ecclesiastica ponitur verbum exprimens præceptum, aut prohibitionem aut necessitatem, obligat ad mortale; vt, cum dicitur, præcipimus, inhiibemus, oportet, debet, & similia. Ratio huius Doctoris est, quia hoc est declaratum iam à Papa, & cum legislator explicat intentionem suam, vt diximus, tenendum est, legem obligare secundum intentionem talem. Quòd autem Papa declarauerit, hoc probat ex Clem. exiui, de verbo. signifi. vbi Clemens Tertius fratribus S. Francisci petentibus, an omnia, quæ in eorum regula erant, ad mortale obligarent, an nulla, præter tria vota respondit, aliqua obligare. ^{dicta} quæ sunt per verbum præceptum data, alia vero non. ^{dicta} Dicit secundò Nauarr. quòd, cum non habetur verbum tale, sed dicitur, declaramus, ordinamus, vel est loquutio per modum imperatiuum, id est, fiat hoc, vel illud, tunc nõ obligat ad mortale, quia non est declarata intentio legislatoris. Probat ex S. Thom. 2. 2. q. 186. art. 9. qui ita dicere videtur. Contra primum dictum tener Caiet. verb. præceptum, vbi dicit, quòd quamuis lex verba talia contineat, adhuc non obligat ad mortale, nisi sit materia alicuius momenti. Si enim Decalogi præcepta ex leuitate materie obligant ad solum veniale, multò magis præcepta humana. Et ego ita credo: nec argumentum Nauarr. ita valet: nam Pontifex ille supponebat materie grauitatem. Erant enim diuina consilia, quæ monachis tantæ religionis

sunt res magni momenti. Alterum etiam dictum Nauarr. eodem modo est intelligendum: cum enim res quæ declaratur, grauis est, obligat ad mortale: nec refert illo modo loqui: nam in similibus locutionibus includitur verbum præceptum. Nec Sanctus Thomas ita vniuersaliter loquitur, vt dicit Nauarrus.

Circa leges humanas ciuiles esse secunda difficultas. Idem Nauarr. tenet, quod nulla illarum obligat ad mortale, quamuis sit verbum præceptum, nisi res quæ præcipitur, sit alio iure diuino vel naturali præcepta: tunc enim obligat, sed ratione iuris præcedentis; vt, lex, quæ prohibet adulteria, obligat ad mortale, sed ratione iuris naturalis, aliàs non. Ratio eius est: quia non constat, neque est expressa intentio legislatoris volentis obligare ad mortale. Contrarium tenet Soto lib. 1. de iustitia, q. 6. artic. 4. vbi probat leges humanas obligare ad mortale: nec requirit illam explicationem intentionis: immò dum non constat intentio, quod noluit legislator obligare ad mortale, tenendum est obligare: intellige cum res est grauis: cum enim leuis est, vt, quod ciues non induantur leuico, vel non habeant tales, vel tales vestes, non esset peccatum mortale aliter facere. Ita ego credo: nam eo ipso, quod aliquid graue præcipitur, includitur intentio obligandi ad mortale in legibus, nisi contrarium exprimitur: immò legislator fortan non meminit, nec aduertit quicquam de intentione mortalis, vel venialis, sed solum vult obligare. Quanta autem sit obligatio, relinquatur grauitati materiæ, quæ præcipitur.

Circa leges penales, tam ciuiles, quam Ecclesiasticas, est tertia inter Doctores difficultas. Aliqui enim volunt eas ad nullam obligare culpam, nisi res ipsa aliàs ex se esset mala, absque tali lege, ita habet præfatus Nauarr. & Casti. lib. 1. de lege penali, cap. 9. & videtur idem tenere Cajet. verb. præceptum. Tamen contrarium tenet Soto lib. 1. de iust. qu. 6. artic. 5. Sylu. verb. inobedientia. §. vlti. vbi reprehendit distinctionem Henrici, quod dicitur 3. q. 22. & verb. præceptum. §. 3. Idem enim tenet Armill. verb. præceptum, §. 6. Dicunt isti, quod obligant tales leges ad culpam, & statuunt regulam. Quando in lege humana ponitur grauis & notabilis poena, vt poena capitis, aut amissio omnium bonorum, aut perpetui exilij, obligat ad mortale: quando verò poena non est tam grauis, non obligat, nisi ad veniale: quod intellige, supposita grauitate

materia, quæ in lege iusta est coniuncta cum gravitate pœnæ. Ego ita puto dicendum cum istis: est enim communis sententia; & in rebus dubijs non debet homo exponere se periculo peccandi, agendo contra tales leges: videntur enim istæ expi- mere maiorem intentionem obligandi ipsorum legislatorum, cum non solum præcipiant, verum pœnas infligant transgressori. Pœnam autem nullus tenetur soluere ante condemnationem, quamvis aliqui putent contrarium: sed opposita sententia communissima & vera est. Vnum autem est argumentum contra istos forte: nam cap. fin. de celebratione Miss. præcipitur, ne Latius in Occidentali Ecclesia consecret in fermentato pane, aliàs priuatur officio & beneficio. Illa lex est pœnalis, & secundum hos non obligat ad mortales; & nullus profecto auderet dicere non esse mortale peccatum, sciens, consecrare in fermentato. Lex ergo pœnalis obligat, hæc sunt, in quibus non est tanta Doctorum concordia circa obedientiam legibus exhibendam. Tutior pars tamen tenendi est, nam si leges humanæ, & pœnales præsertim, non obligant ad culpam, multa fient mala contra bonum commune, nec id attinere est Doctoris, sed principis, aut alicuius Concilij. Sumus ergo in communi sententia.

De obedientia clericorum ad Episcopum, & filiorum ad patres.

CAPVT XXI.

ERga obedientiam clericorum ad Episcopos aliquot sunt dicta notanda.

Primum est, clerici in his, quæ ad statum proprium clericalem pertinent, tenentur suis Episcopis obedire, & absque rationabili causa nolentes obedire in re gravi præceptis Episcoporum mortaliter peccant, vt tener Sylu. verb. obedientia. 8. 7. & Angel. ibid. num. 9. Si ergo Episcopus præcipit clerico, vt alii vestitu utatur propter modestiam, vt taliter se gerat erga cultum diuinum, tenetur obedire.

Secundum est, laici etiam tenentur obedire Episcopis, in his, quæ ad salutem ipsorum spirituales pertinent. Ita habet Innoc. & Panorm. cap. veniens, ext. de sent. excomm. In his ergo quæ ad sacrorum susceptionem, & præceptorum Ecclesie

ficorum, & diuinorum impletionem spectant, debent laici obedire superioribus Ecclesiasticis.

Tertium est, clerici non sunt subditi secularibus potestatibus, nisi sit ex Pontificis aliqua concessione, ita habetur capit. Ecclesia de constitutio. vnde non tenentur obedire ipsorum præceptis, nisi in his quæ faciunt clerici vt seculares, seu laici: vnde, si in negotijs & contractibus secularibus se ingerat clericus, stare debet statutis secularium Principum.

Ergo obedientiam filiorum ad patres, id vnum notandum est, teneri obedire parentibus, dum sub eorum sunt potestate, in his, quæ ad res domesticas, & bonos mores pertinent; & in re graui nolle acquiescere parentum præcepto, mortale est, vt tenet Silu. ver. inobedientia. §. 1. & Angel. ibid. num. 1. Quando ergo mater præcipit filiæ, ne inhoneste viuat, obedire renetur: & quando præcipit pater filio, vt literis vacet, vt abstineat à mala aliqua conuersatione, vt domus curam habeat, obedire tenentur. Attende autem, quod spernere parentum consilia, vel præcepta, etiam obligantia ad veniale, aut nolle facere hoc motiuo, vt non obediant (dico autem spernere positiuè, quia participandunt parentum obligationem) mortale est, vt superius diximus ca. 30. Ista sufficiant modo in particulati attigisse de inobedientia.

De presumptione.

CAPVT XXII.

Altera filia superbiæ, secunda post vanam gloriam, præsumptio est. Hæc autem potest sic describi. *Est appetitus se exhibendi supra propriam potestatem.* Cum enim homo vult dicere, vel facere supra id, quod verè potest, ac si talia exhibendi haberet potestatem, dicitur præsumptuosus. Est autem præsumptio in quibusdam casibus mortale peccatum.

Primo, cum præsumptio coniuncta est cum notabili damno proximi, vel saltem periculo talis damni; vt, qui, cum ignarus sit medicinæ, aut parum sciat, vult exercere medendi artē, & qui ignarus est legum, patrocinandis munus assumit; & qui nescit Theologicas veritates, vult concionari populo de rebus multum arduis.

Secundò, quando est vsurpatio alicuius dignitatis, aut of-

ficij secularis vel Ecclesiastici; vt, qui audit confessiones. cum non habeat facultatem; aut iudicat, cum non habeat potestatem.

Tertio, cum exponit se periculo mortaliter peccandi; vt, qui cognoscens se sæpe labi in mortale, cum alloquitur feminas solus, adhuc vult, confidens suis viribus, alioqui. Immo et si confidat diuinæ gratiæ, cum homo aliàs de se habeat prædictam experientiam: tunc enim esset tentare Deum: secus, cum homo non haberet talem notitiam periculi, cui se exposuit. In his casibus mortale est præsumptio, in alijs frequenter est veniale. Est etiam alia præsumptio, quæ est contra spem, vnam ex virtutibus Theologicis, de qua S. Thom. 2. 2. q. 21. hæc autem est, cum homo plus fidit diuinæ misericordiæ, quam debeat: tunc autem fidit plus, quam debet, quando contra diuinam legem aliquid à Deo sperat, vt, qui putaret, seu veller, sola diuina misericordia saluari, nullo suo existente opere & merito: & hæc, cum actus perfectus existit, est mortale peccatum.

De ambitione.

CAPVT XXIII.

Tertia filia superbiæ est ambitio. Hæc autem est appetitus inordinatus bonorum & dignitatum. Ex genere suo non est mortale, sed veniale. In aliquibus casibus est mortale.

Primo, cum appetitur honor de aliquo mortali peccato: vt enim laudem de mortali peccato velle, est mortale, ita & velle honorem & dignitatem pro mortali.

Secundo, cum appetitur honor vel dignitas modo illicito, qui est mortale peccatum, vt velle dignitatem per simoniam, vsuram, homicidium, vel per dolum & fraudem.

Tertio, cum ponitur vitium finis in ipso honore & dignitate, puta, cum homo paratus est mortaliter peccare, vt dignitatem consequatur. Hoc modo peccat, qui, cum sit indignus Episcopatu, vel beneficio aliquo curato, ipsam deliberare appetit. Male enim appetitur id, quod absq; peccato retineri non potest.

Quare

Quarto, cū propter finem aliquem, qui sit mortale peccatum, appetitur honor vel dignitas; vt cū appetitur propter vindictam, vel ad alium malum vsum mortalem. His modis ambitio mortale peccatum est, in reliquis, verò veniale est.

De Auaritia quid sit.

CAPVT XXIV.

Secundum capitale vitium est Auaritia, de qua tractat S. Thom. 2. 2. quæst. 118. Hæc autem sic potest describi. *Est amor immoderatus habendi.* In qua descriptione sunt tres partes.

Prima est, *amor*, Est enim Auaritia, appetitus, & affectus quidam pertinētis ad voluntatem.

Secunda pars est, *habendi*. Per hoc vocabulum intelligimus res viles, putà, pecunias, & alia, quæ pecunia æstimantur, ad proprios vsus, qualia sunt pecora, vineæ, domus, & alia huiusmodi, quæ diuitiæ vocantur. Amor enim horum, est Auaritia, si accedat tertia pars definitionis, nempe, quod sit *immoderatus*, putà sine modo, & regula, seu mensura rationis.

Aduerte autem, quod Auaritia consistit in his casibus & actibus, vt, in retinendo pecunias, & res alias viles præter modum, putà, non dando, quando, quomodo, & quibus oportet; aut in acquirendo huiusmodi, & congregando præter modum; aut tertio in immoderato affectu erga res huiusmodi.

Aduerte rursus, quod auaritia non solum consistit in ordine ad alterum, putà, non dando alteri, aut accipiendo ab altero, sed erga seipsum potest homo esse auarus, cū sumptus necessarios sibi negat ex affectu pecuniæ. Habemus ergo ex his, quid sit Auaritia. Hæc autem habet vitium quoddam sibi contrarium, & extremum, putà, Prodigalitem. Hæc autem consistit in dando plus, quàm potest, aut in minus, quàm oportet, propria conservando, non solum erga alios, sed erga seipsum: victus enim superfluous ad prodigalitem.

tatem spectat. In medio autem consistit liberalitas, quæ moderatus amor est diuitiarum: dat enim & retinet, quando, & quomodo oportet. Vnum tamen hic aduertendum est, quod Auaritia opponitur, & contraria est duplici virtuti, puta, iustitiæ & liberalitati; tunc enim est contra iustitiam, cum versatur circa alienum, puta, cum non datur, quod debetur, ex amore ipsius pecuniæ; aut cum accipitur quod alienum est, per furtum, rapinam, vsuram, & alia iniusta via. Cum verò versatur circa propria, puta, circa immoderatum affectum in rebus proprijs, tunc est contra liberalitatem. Similiter etiam prodigalitas opponitur iustitiæ & liberalitati. Iustitiæ, cum prodigus est aliquis ex alieno; vt, cum multa debeat, inutiliter consumit pecunias, & sit impotens ad soluendum. Liberalitati, cum ex proprijs tantum immoderate consumit. Patet ergo, quid Auaritia, quid Prodigalitas sit, & quibus contrariæ sint virtutibus.

Quale peccatum sint Auaritia, & Prodigalitas.

CAPVT XXV.

AD cognoscendum quale peccatum sit Auaritia, oportet considerare, & distinguere, quando contra iustitiā, & quando contra liberalitatem est. Cum enim est contra iustitiā, ex genere suo est mortale peccatum, & de facto est mortale, nisi ob leuitatem materiæ, vel ob defectum deliberationis fiat veniale: vnde, qui ex auaritia, & pecuniæ affectu retinet alienum, nolens restituere, aut accipit alienum via aliqua iniusta, mortaliter peccat. Quando verò est contra liberalitatem, tunc ex se veniale peccatum est; quamuis fiat mortale, cum opponitur præcepto charitatis: v. g. retinere multum pecunias proprias, nolendo dare, & succurrere alteri, & habendo immoderatum appetitum earum, veniale est: si tamen homo ex tali affectu non succurrat indigenti posito in extrema, aut graui necessitate, cum obligatur præcepto charitatis, mortaliter peccat. Similiter, cum est paratus negligere, seu transgredi diuinum præceptum potius, quam separare affectum a pecunia, peccat etiam mortaliter: vt, qui paratus est, si possit, furari, aut vsuram dare, aut negare indigenti extreme, aut quid simile. Idem etiam dicendum est de Prodigalitate: cum

cum enim est contra iustitiam, tunc ex genere suo est mortale peccatum; & verè est mortale peccatum, nisi excusetur vna illarum duarum causarum, quas diximus de Avaritia: vnde, mortaliter peccat prodigus consumens pecunias alienas, vt tutores, & curatores, res pupillorum consumentes, & dispensatores, rem sibi traditam prodigentes, peccant mortaliter. Prodigus autem peccat mortaliter, cum se impotentem facit ad soluenda debita sua, & cum reliquit providere familiæ, seu vxori, & liberis: at verò, cum est contra liberalitatem, ex genere suo est veniale, vt, quia ita de proprijs est prodigus, quod nullam iniustitiam committit in alterum: tamen hoc modo fit etiam peccatum mortale, cum transgreditur aliquod præceptum charitatis, vt, qui notabile scâdalu in gerit alijs sua prodigalitate, maximè, si est persona ecclesiastica, & qui, dum viuit prodigè, indigenti in graui, aut extrema necessitate non succurrit: & qui paratus est mortaliter peccare potius, quam à tali prodigalitate, quàm peruersè liberalitatem vocat, desistere.

De filiabus Auaritiæ.

C A P V T XXVI.

Multæ sunt filix Auaritiæ, quæ ad finem ipsius ordinantur, seu ab ipsa procedunt, quas S. Thom. 2. 2. qu. 118. art. 8. refert ex Greg. Hæ autem sunt nu. 7. obduratio, inquietudo, fraus, fallacia, periurium, violentia, proditio. Quarum prima est obduratio, contra misericordiam, quæ consistit in retinendo: ex eo enim, quod auarus vult inordinate retinere pecuniam, sit obdurati cordis, & animi immisericordis ad subueniendum necessitatibus proximorum.

Ex eo etiam, quod immoderatum habeat affectum, consequitur inquietudo, vt semper sollicitus sit mente, & varijs curis, & anxietatibus distrahatur. Ex eo etiam, quod vult acquirere immoderatè, sequitur, vt sæpè vtatur fallacia in verbis, & fraude in factis, & periurio, falsum confirmando, & violentia, furando, rapiendo aliena, & aliquando prodendo personas, vt Iudas, qui ex Auaritia Christum Dominum prodidit. Inter has filias oportet primò examinemus obdurationem cordis ad miserendum aliorum. Et quia ad hanc pertinet præcipuè

cupiè non facere eleemosynā, nec subuenire indigenti, oportet tractemus istam materiam de eleemosyna, & misericordia per quam cognoscetur, quale, & quantum peccatum sit illa cordis obduratio.

De Eleemosyna quid sit.

CAPVT XXVII.

Eleemosyna non potest benè percipi, quid sit, nisi prius, misericordia quid sit, cognoscatur. Est igitur misericordia, *displacencia mali alieni, ad ipsi subueniendam inclinans.* In qua descriptione duæ sunt partes principales.

Vna est, *Displacencia mali alieni*: Per misericordiam displicet homini miseria proximi, nollitq; in malis eum esse.

Altera pars est, *inclinans ad subueniendum*. Per misericordiam enim, homini non solum displicet malum, & miseria aliena, sed inclinatur ad volendum ei subuenire, & malum ipsius subleuare, vt vt potest. Tractat S. Thom. de hac virtute, 2. 2. quæst. 20. Nascitur autem ex charitate, hoc modo, nam per charitatem homo vnitur cum suo proximo, ac malum illius, vt proprium, etiam sibi reputat, ac ex hac parte displicet. Nascitur etiam ex charitate, quia, cum quis diligit seipsum, cum quo malum, quod est alteri, sibi posse accidere considerat, sic ipsum detestatur, sibiq; displicet: vnde Arist. 1. Rhetor. dicebat, prudentes, & senes esse misericordes: prudentes quidem, quia considerant malum alterius etiam sibi accidere posse; Senes verò, quia timent multum sibi malum. Et ob hanc causam, etiam feminæ, & miseri homines, ac formidolosi naturali quadam misericordia mouentur facile. Hoc supposito, potest sic describi, *Eleemosyna est opus, quod indigentia alterius subueniatur, ex misericordia procedens.* Velle enim subuenire, est actus misericordiae, scilicet opus, quo talis subuentio fit, dicitur Eleemosyna. Quod verbum græcè idem valet, ac apud Latinos misericordia. Solet enim nomen ipsum virtutis ipsi effectui attribui. Vide S. Th.

2. 2. quæst. 32.

*Qui possint facere Eleemosynam, & quomodo
religiosi.*

C A P V T XXVIII.

Non omnes possunt facere Eleemosynas, vt habet S. Th. 2. 2. q. 32. art. 8. Nullus enim subditus, & inferior potest facere Eleemosynam de ea re, secundum quam subditus est alteri: potest quidem, si quid habet proprium, erogare in eleemosynam; tamen de re superioris non potest: vnde religiosi, vxores viuentib. viris, filij familias, famuli, serui non possunt facere eleemosynas, nisi in quatuor his casibus.

Primus, cum est extrema necessitas indigentis: quando enim aliquis laborat extrema necessitate, potest inferior eleemosynam facere de re superioris, etiam ipso nolente, vt habet Gloss. 12. q. 1. can. non dicatur, quam sequitur communis Doctorum opinio.

Secundus, cum est grauis etiam necessitas indigentis alius; tamen tunc, si potest haberi facultas à superiore est habenda, vt habet Panoim. c. si quis, de furtis.

Tertio, cum ipse superior dat commissionem, & facultatem inferiori, vt possit erogare eleemosynam.

Quarto, cum inferior cognoscit de suo superiore, ipsum letari, & sibi esse gratum, quod tales erogentur eleemosynae. His casibus potest quilibet subditus facere eleemosynam de re superioris. At in particulari opus est ista discutere.

Religiosi enim, vltra praedictos communes casus, possunt in duobus eleemosynam facere.

Alter est, cum peregrinantur, vel iter faciunt: tunc enim de datis in propriam sustentationem, vel à Pralato, vel ab alijs facientibus eleemosynam, possunt etiam erogare indigentibus, vt habet Armil. ver. Eleemosyna, §. 5.

Alter est, cum cognoscunt superiorem suum gaudere de tali eleemosyna; & si ipse adestet, vtrique facturum, vel facultatem daturum. Ita habet Siluest. ver. Eleemosyna, §. 5. At in alijs casibus, non licet eis. Idem dicendum, quando sunt extra conuentum suum, in studijs, vel vniuersitatibus commorantes: tunc enim possunt facere eleemosynam, ac si peregrinantes essent, vt habet Armil.

Quando maritata possint facere Eleemosynam.

C A P V T XXIX.

PRæter illos generales casus, in quibus licet cuilibet inferiori facere eleemosynam, sunt etiam aliqui, in quibus licet vxoribus.

Primus est, cum sciunt gaudere, & lætari ipsarum coniuges, cum ipse faciunt eleemosynam, licet nunquam facultatem expressam fecerint.

Secundus, cum maritus est amens: tunc enim rei administratione relicta est vxori.

Tertius, cum profectus est in longinquam regionem.

Quartus, cum ipse reliquit rei administrationem ipsi vxori.

Quintus, cum determinat certam summam pecuniæ quotannis ipsi vxori, pro ipsius expensis. Ipsa autem astringit se nec expendit multum, vt aliquid residuum sit, ex hoc potest tunc facere eleemosynam.

Sextus, cum ipse maritus est multum avarus, nec vult facere eleemosynam, etiam cum debet, tunc vxor potest facere, exemplo Abigail. 1. Reg. 25. quæ donauit Dauid, viro suo nesciente.

Septimus, cum ipsa, vltra dotem, aliquid habet proprium, vnde possit facere eleemosynam, sicut potest dispensare in alijs, vt ipsi libuerit.

Octauus, cum proprio labore lucratur aliquid: ex hoc potest facere eleemosynam; quamuis non in omni loco id fiat; nam, in Hispania, quæ mulier proprio labore lucratur, sunt etiam communia marito.

Nonus, cum aliquis donat mulieri ipsi aliquid, tunc potest de illo erogare eleemosynam.

Decimus, potest etiam de pecunijs, quas malè lucratur, puta, per adulterium: harum enim domina est, & potest distribuere, vt ipsi placuerit, vt habet Sor. 4. de iustit. quæst. 7. artic. 1.

Rursus vndecimus, potest de re, etiam communi marito, facere eleemosynam modicā, propter quam non fiet pauper, nec incidet in inopiam. Hæc omnia procedunt, quando non est

est licentia mariti, qui caput est vxoris, quantum ad rei familiaris administrationem: nam cum est talis licentia, tunc potest erogare absolute eleemosynam.

Quomodo filij familias, & famuli possint eleemosynam facere.

CAPVT XXX.

FILII etiam familias non possunt facere eleemosynas, nisi in quibusdam casibus, præter illos generales.

Primus, quando habeant aliquot bona, quæ in bello consequuti sunt, quæ dicuntur bona castrensia.

Secundus, quando iter faciunt, pro quo peragendo, certam summam à patre accipiunt: tunc possunt ex hac facere eleemosynam.

Tertius, cum manent extra domum, in studijs, & vniuersitatibus, vel alijs locis, ad negotia aliqua, accipiuntque summam pro sustentatione: tunc, se in expensis restringendo, possunt erogare residuum in eleemosynam.

Quartus, cum habent aliquod officium publicum; vt, cum sunt Notarij, Aduocati, Medici, vel aliquam habet dignitatem Ecclesiasticam, aut beneficium; tunc ex redditibus, aut ex ijs, quæ luantur, possunt erogare eleemosynam.

Quintus, cum sunt eleemosynæ tenues, & modicæ.

Sextus, cum sciunt parentes suos gaudere, quod erogent talia pauperibus eleemosynas. In his casibus possunt filij familias facere eleemosynas: serui autem, & famuli, de rebus dominorum non possunt facere eleemosynas, extra casus communes, nisi modicum quid sit, & raro: vnde isti dispensatores, & villici dominorum non possunt de re domini, ipso nesciente, facere eleemosynam, nisi raro, idque modicum. Ex his patet, qui possunt facere eleemosynam.

Quibus

Quibus sit facienda Eleemosyna.

CAPVT XXXI.

Eleemosyna indigentibus est facienda: est enim actus misericordiae, quæ non versatur, nisi circa mala, & miseria proximatorum. Non solum autem bonis, sed etiam malis fidelibus, & infidelibus est benefaciendum; nam misericordia nascitur ex charitate, quæ nullum excludit. Sunt tamen aliquot conditiones requisitæ in indigente, ut ei sit eroganda eleemosyna.

Prima est, ut nequeat laborare, & comparare sibi victum: cum enim potest, sed otio vacat, non tenemur ei dare, nisi sit in extrema necessitate, quando iam non potest laborare; & tunc etiam ille non inuenit, qui ipsius labore velit uti; ut habet Sylu. verb. eleemosyna. §. 3. Sed ista conditio intelligenda est, cum per laborem non acquirit homo detrimentum honoris. Sunt enim nobiles viri, & foeminae, quibus esset multum indecens alijs inferuire, & manibus laborare: his non est neganda eleemosyna, quamuis non laborent.

Secunda, quod talis indigens non accipiat ansam, & occasionem peccandi, eo, quod habeat talem eleemosynam. Sunt enim, qui, securi de eleemosyna, dant operam rebus illicitis, & malis: immo conuertunt ipsas eleemosynas in malum vsum: his melius est negare eleemosynam, ut corrigantur. Ita habetur ab Augustin. §. quæst. 5. can. non omnis. *vultum, inquit, esuriens panem tollit, si de cibo securus iustitiam negliget, quam esuriens panem frangat, si iniustitiam seductus acquiescat.*

Tertia, cum indiget in panem, ut propter iustitiam iudicis, ut, qui damnati sunt fisci, & tunc penite, his non tenemur facere eleemosynam, ut dicit S. Thom. 2. 2. quæst. 31. art. 2. tamen, qui volunt, licet ei dare eleemosynam, ut dicit Soto lib. 5. de iustitia, quæst. 14. art. ult. dum non sit minister iustitiae. Minister enim opus est exequi sententiam, & iudicis damnationem. Dicit autem Soto, quod ille damnatus potest, si vult, non acceptare cibum, & permittere se mori, & ita est, licet Caiet. 2. 2. q. 69. dicat, eum obligari sumere cibum talem, & conseruare vitam, ut potest.

Quarta, cum talis indigentia est in bello iusto: cum enim ciuitas inimicorum est circumdata iuste, & fame cogitur se tradere.

tradere, tunc non est ei ministrandus cibus, nec licet, sed esset grane peccatum; secus in bello iniusto, cum iniuste est circumdata, his est facienda eleemosyna. Tamen aduerte vnum, quod non solum alijs extra se homo potest facere eleemosynam, sed si distributor est eleemosynarum alterius, potest sibi, & suis facere de tali pecunia eleemosynam, si ita indiget, ac ille, quibus talis est eroganda eleemosyna, vt habet Caiet. 2. 2. q. 32. art. 9. & Sylu. v. eleemosyna, §. 3. & 4. & S. Thom. ibid. ad tertium, & Tabien. v. eleemosyna, §. 13. Vt autem recte dispenseret, debet se considerare, ac si esset tertius, & quam faceret tertio indigenti, eleemosynam eandem sibi faciat.

Ex quo facienda sit eleemosyna.

CAPVT XXXII.

Eleemosyna debet fieri ex propria substantia.

Vnde notandum est primo, quod non est facienda eleemosyna de alieno, quod est apud nos; vt, de deposito, de commodato: hæc enim dominis proprijs est restituenda, nisi occurreret extrema necessitas, quando ei liceret ab altero sumere, ad erogandum eleemosynam.

Secundo, non est facienda eleemosyna de obnoxio ad restitutionem; vt, qui multa habet debita, quibus vix potest satisfacere sua pecunia, non debet erogare eleemosynam, & se impotentem facere ad absoluendum, nisi in casu præcedenti.

Tertio, non est etiam facienda eleemosyna de acquisitis contra iustitiam, vt, per vsuram, per rapinam, furtum, vel per alium iniustum contractum: hæc enim sunt dominis restituenda. Dixi autem de acquisitis contra iustitiam; nam aliqua male acquiruntur, sed non contra iustitiam; vt, quæ acquiruntur pro aliquo peccato, tamen ipsa acceptio non est contra iustitiam; vt, quæ mulier accipit pro abusu corporis, quæ dicuntur turpia lucra, & de his potest fieri eleemosyna, vt habet S. Thom. 2. 2. quaest. 32. art. 7. Hoc etiam modo diximus, lib. 5. instruct. cap. 21. se habere, cum aliquis accipit pecuniam, vt occidat hominem aliquem, quamuis aliqui velint debere dari pauperibus: sed nos illic diximus, non teneri, sed posse sibi retinere, quia dominus est talis pecuniæ. Potest tamen, si velit,

si velit, facere eleemosynam, & consilium esset vtile id facere.

Rursus quartò, facienda est de non necessario ad vitæ conseruationem: non enim cum dispendio suæ vitæ debet aliquis alteri erogare; hoc tamen melius explicabitur in sequentibus capitulis.

Quando sit obligatio faciendi eleemosynam.

CAPVT XXXIII.

NON parua difficultas est, scire, quando homo sub peccato mortali obligetur facere eleemosynam. In cuius gratiam, sunt duæ distinctiones multum consideranda.

Prior est; Pecunia, & pecunia æstimabile quadruplîter se potest habere respectu habentis, seu possessoris.

Vno modo, est talis pecunia necessaria ad vitæ propriæ, & suæ familiæ conseruationem, ita vt, sine illa non possint vitam propriam, aut suorum conseruare: & hæc necessitas naturæ dicitur.

Altero modo, potest esse necessaria ad status sui decentiam simpliciter; ita vt, sine illa nullo modo possit sui status decentiam conseruare, & dicitur hæc necessitas personæ.

Tertio, potest esse necessaria, siue ad vitam, siue ad status decentiam, non simpliciter, sed secundum quid, id est, sine illa posset homo decentiam sui status conseruare, tamen agere, & non commode.

Quarto modo, pecunia potest esse nullo modo necessaria, nec ad vitam, nec ad status decentiam, nec etiam ad commodam conseruationem status, & tunc dicitur superflua. Aduerte tamen ex Caiet. Syluest. & Armill. verb. eleemosyna, & alijs Doctor. quod necessarium, vel superfluum non debent considerari solum respectu præsentis, sed etiam respectu periculorum, quæ probabiliter possunt accidere: verbi gratia, modò vnus solum habet uxorem, seu sponfam, non ob id est censendum habere pecuniam superfluum, quamuis habeat plusquam necessariam ad decentiam status: nam sperat filios, & filios, quibus computatis, non erit forsitan superflua. Similiter, vno anno, quando res minus valent, forsitan videtur res illius familiaris superflua, tamen, si computentur pericula probatum, quia

altero anno carius valebant, non est superflua; tamen non sunt fingenda, aut imaginanda pericula, sed solum ea consideranda, quæ probabiliter, & iudicio viri prudentis accidere possunt. Aduerte, etiam, quod sunt diuersi status in repub. ecclesiastica, & seculari, nec debent esse eadem expensæ æquales omnibus, sed quibusdam maiores, quibusdam minores, ratione status sui.

Posterior distinctio sit: indigentia, seu necessitas est triplex. Quædam est extrema: hæc autem dicitur cum est necessitas vitæ propriæ perdendæ; vt, cum quis est in periculo vitæ. Vbi aduerte, ex Soto lib. 5. de iustit. quæst. 3. artic. 4. quod non solum est censenda extrema necessitas, cum quis est in mortis periculo, sed cum probabiliter speratur mors, nisi ante subueniatur.

Altera necessitas est grâuis; vt, cum est graue periculum perdendi honores, & decenciam status: aut peccandæ; vt, cum mater ex indigentia vult prostituere filias; aut alterius notabilis mali.

Tertia est communis indigentia, quæ nec extrema, nec grauis multum est. Hæc omnia sunt ante oculos habenda, pro intelligentia eorum, quæ dicuntur in c. seq.

De obligatione faciendi eleemosynam.

CAPVT XXXIV.

Sunt aliquot conclusiones notandæ super dictis præcedentibus distinctionibus.

Quarum prima est. Eleemosyna est in præcepto; obligamurque sub mortali aliquando facere eleemosynam. In hac conclusione omnes Catholici conueniunt: est enim Catholica, & contraria est hæretica. Est Catholica, vt probatur aperte ex scriptura, Ioan. 3. *Qui habuerit substantiam huius mundi, & viderit fratrem suum necesse habere, & clauerit viscera sua ab eo, quomodo charitas Dei manet in illo?* 1. Iac. 2. *Iudicium sine misericordia ei, qui non fecerit misericordiam.* 1. uc. 3. *Quod superest date eleemosynam.* & Matth. 25. *Ne maledicti, &c. quia esuriui, & non dedistis mihi manducare, &c.*

Secunda conclusio. De necessarijs simpliciter ad vitæ propriæ, aut familiæ conseruationem, nullus tenetur alteri succurre-

currere, etiam necessitate extrema laboranti, id est, cum dispendio suæ vitæ, aut parentum, & familiæ, nullus tenetur vitæ alterius succurrere, sed potius sibi: unde, si laborent duo in extrema necessitate, unusque cibum sibi necessarium tantum habeat, non obligatur alteri dare; & in hoc omnes conueniunt. At Sanctus Thom. 2. 2. quæst. 32. artic. 6. excipit vnum casum, quando persona, cui succurritur, est multum necessaria reipso. & à qua bonum commune dependet ciuitatis, aut exercitus: tunc enim potius huic, quam sibi succurrendum esset. At verò difficultas est, an iste obligetur sub præcepto id facere. Omnes enim conueniunt, quod licet ei facere, tamē de obligatione discordant. Silu. verb. eleemosyna §. 2. & Armilla ve. eleemosyna 4. tenet, quod solum est consilium; & S. Thom. videtur dicere esse præceptum; & ita tenet Soto li. 5. de iust. quæst. 1. art. 7. Et ita est; nam propter bonum commune, tenetur quis proprium negligere. Quod si non esset illa persona tam necessaria Reipu. licet esset multum, tunc consilium esset. De hoc tamen diximus libr. 5. Instr.

Tertia conclusio: Ex necessarijs ad decentiam status, tamen non necessarijs ad vitæ conseruationem, tenetur homo facere eleemosynam in extrema necessitate existēti. In hac etiam omnes conueniunt. Potius enim debet facere iacturam decentiæ status sui, & debet se minuere, & restringere, quam quod alius moriatur, ob defectum eleemosynæ ab ipso faciendæ. Tamen aduerte, istas tres necessitates esse intelligendas, quando homo in ipsis manet absq; culpa, & potestate sua: nam si aliquis diceret; ego me volo occidere, nisi des mihi centum aureos, & de facto vult se occidere, non ob id sunt ei dandi: culpa enim potius eius est, quam necessitas.

Quarta conclusio: Ex necessarijs secundum quid ad decentiam status, seu ad vitæ conseruationem, non tenetur homo facere eleemosynam, extra necessitates extremas, & graues: non enim, vt succurrat communibus indigentibus, tenetur ex præcepto pati incommodum, & restringere ea, quæ ad vitæ, & status conseruationem necessaria sunt. Hæ sunt conclusiones quatuor, in quibus Doctores conueniunt: in sequentibus duabus est controuersia.

De discordia Doctorum circa praeceptum
Eleemosynae.

CAPVT XXXV.

DVo sunt, in quibus Doctores discrepant circa praeceptum Eleemosynae.

Alterum est, an ex superfluis teneatur homo, sub mortali, non solum in necessitate extrema, sed etiam in graui succurrere. De extrema enim nullus dubitat. De graui vero, multi dicunt, non obligari, nisi ex consilio, & ex aequitate; unde solum obligatio est sub veniali. Ita habet Alex. 4. p. qu. 113. mem. 1 & Gabr. 4. d. 16. q. 4. con. 5. At vero alij dicunt teneri sub mortali, & ex praecepto, etiam in grauib; erogare eleemosynam. Ita habet S. Thom. 4. d. 15. q. 2. ar. 1. q. 3. Anon. 2. par. titul. 1. c. 24. §. 4. Richar. 4. dist. 15. Silu. Tab. Arnil. verb. Eleemosyna, & Medin. C. de poen. tract. 5. de Eleemosyna: & ita tenendum est.

Vnde, sit conclusio iuxta hanc veram sententiam. Tenetur quisque ex superfluis sui status, sub mortali peccato, facere eleemosynam in grauib; proximorum necessitatibus. Ista conclusio, praemissa Doctorum citatorum auctoritate, videtur manifesta in scriptura, Matth. 26. *Ue maledicti in ignem aeternum, quia sitiui, & non dedistis mihi bibere: esurui, & non dedistis mihi manducare; nudus eram, & non cooperuistis me: infirmus eram, & non visitastis me.* Hic vides profecto, non esse has extremas necessitates, & tamen damnari hominem, quia non succurrit: ergo obligatio est sub mortali etiam extra extremam necessitatem. Hoc etiam potest colligi ex illo Iacob. 2. *Iudicium sine misericordia ei, qui non fecit misericordiam*, & ex illo Ioan. allegato. Quae testimonia non possunt intelligi de sola extrema necessitate. Et manifesta est ratio: nam amicitia humana non solum solueretur, si amicus non succurreret in extrema necessitate amico, sed etiam in graui. Multo ergo magis soluitur amicitia diuina, cum plus teneamur Christo erogare, quam tribueret amico: quod autem pauperi sit, Christo fit; ut ipse dixit Matth. 26. In persona propria pro paupere, *sitiui, & non dedistis mihi bibere.*

Alterum est, an ex superfluis teneamur facere eleemosyn. in communibus necessitatibus, ex praecepto, ita ut nullus superflua possit sibi retinere absque mortali; sed debeat pauperibus

distribuere. Caie. verb. eleemos. videtur dicere, ita esse, & Sanctus Thom. 2. 2. q. 32. ar. 5. iuxta aliquorum expositionem tamen communis opinio tenet contrarium. Omnes enim illi Doctores praefati dicunt non obligari: modo aliqui, nec etiam obligari in graui, sub mortali.

Sit ergo altera conclusio. Nullus sub mortali tenetur distribuere superflua, extra extremas, & graues necessitates. Itam teneo, propter communem Doctor. sententiam, nec audeo obligare sub mortali eos, quos tot, & tanti Doctores excusant: vnum tamen admonco, qui superflua habet, debere multum timere, & Confessarios debere illis maxime consulere, vt distribuant, nec apud se retineant, quia, etsi Doctor. scholasticorum communis sententia eos excusat, tamen Doctores sancti illos damnant, vt sit profectio sententia probabilis illos obligari sub precepto.

Adducam aliquot istorum testimonia. Hieron. & habetur in Decr. dist. 42. ca. 1. *Alicui*, inquit, *rapere conuincitur, qui ultra sibi necessaria retinere probatur*. Ambr. & habetur dist. 47. can. *ficut Plusquam sufficit*, inquit, *ad sumptus, violenter obtemperum est, non minus est criminis habenti tollere, quam cum pressu, & abundantia sis, indigentibus denegare*. Et inferius: *Esiurientium est panis, quem tu detines nudorum est indumentum quod tu recludis; miserum redemptio est pecunia, quam in terra desecis*: tot ergo scias te inuadere bonas quot possis prestare, quod velis. Hæc Ambros. Aug. super Plal 147. *Superflua*, inquit, *diuiti, necessaria sunt pauperi, aliena rapit, qui ista detinet*. Basil. in homil. de diuite multa de hoc cumulat, & dicit, quod, diues ille damnatus est, quia nesciebat se ex precepto teneri, superflua distribuere in pauperes. Chrysost. homil. 34. ad popul. Antioch. dicit, diuites habentes superflua, esse & conuiuios in Dei familia, & ex precepto teneri distribuere ea in pauperes. Vides tot sanctos damnantes superflui retentionem sub mortali, multum ergo timendum est; & nisi esset tam vniuersis Scholasticorum sententia; qua possunt excusari modo aliquo tales homines, absq; vilo dubio esset omnino damnanda talis retentio.

Ergo hoc autem, & præcedens caput, vnum obseruandum est: aliter tene. i. eos, qui aliorum habent curam, præsertim Ecclesiarum, aliter eos, qui non habent, quantum ad preceptum eleemosynarum: hi enim satisfaciunt his indigentibus, qui occurrunt, erogandos illi verò ultra hoc tenentur inquirere: nam Episcopus, & quilibet superior in sua ditione, debet inquirere necessa-

fitates, vt eis succurrat, aliter non facit præcepto. Superfluum autem magis inuenitur in Ecclesiasticis personis, qui, cum non habeant filias, & filios, non ita indigent, ac seculares; & cum ipsorum etiam victus, & vestitus maiorem requirat modum, & modestiam.

De quodam dubio circa Eleemosynam.

CAPVT XXXVI.

CVM certum sit, eum, qui est in necessitate extrema, posse accipere ab alio, & rapere, quæ sibi sunt necessaria, dubium est, an huiusmodi homo teneatur ad restitutionem, si ad pinguiorem venerit fortunam. In quo dubio sunt variorum Doctorum sententiæ. Quidam putant eum non teneri, vt Scot. 4. dist. 13. q. 2. & Gabr. ibid. & Sot. 4. lib. de iust. quæst. 7. art. 1. Alij verò tenent eum obligari, vt Nauarr. cap. 17. summ. num. 6. & Adrian. in mater. de restitu. in peculiari quæstione de hoc. Medina verò C. de pœnit. tract. 5. de Eleemosyna, tenet mediam sententiam. Cum enim accepit de superfluo alterius, non tenetur restituere: cum verò accepit de non superfluo, tenetur. Aduerte autem, quod prædicti Doctores in multis conueniunt; in vno autem est discrepantia. Conueniunt quidem in eo, quod dicit Scot. quod si quis, ante necessitatem extremam, accepit aliquid ab altero, ratione cuius acceptionis tenebatur restituere, & postea incurrat extremam necessitatem, & vtatur illo, quod accepit, non ob id soluitur ab obligatione restitutionis, si ad pinguem venerit fortunam. Rursus conueniunt, vt dicit Soto, cum aliquis patitur extremam necessitatem in vno loco, in altero tamen habet, vnde posset succurrere suæ necessitati; tunc quod accipit, tenetur reddere, vt si mercator aliquis diues comprehendatur in loco, vbi nullus habet pecunias, ita vt inimici velint eum occidere, nisi det centum aureos, tunc iste potest illos accipere ab alio, tamē tenetur reddere, cum in suo est loco.

Rursus tertio conueniunt, quando aliquis verè habet aliquid pecunia appretiable, tamen non sufficiens, nec vtile illi ad suam necessitatem; vt, si habens domos, & vineas, indigeat pecunia aliqua extremè, quam inuenire non potest; tunc, si accipiat, & rapiat, tenetur reddere postea. Rursus etiam conue-

niunt, cum res accepta ab altero adhuc perseverat, expleta necessitate; ut, qui manus inimicorum fugiens, quas alter euadere non poterat, equum alienum rapuit, tunc supersititem tenetur equum reddere domino: in his omnibus non est contradictio. Sed difficultas posita est de eo, quod accipitur verè, & absolute ab indigenti, & ipso usu consumitur, & satisfit necessitati: & de hoc procedunt præfata opiniones, quamvis adhuc in hoc vno conveniant: quando res est modicæ quantitatis, non tenetur reddere, quia præsumitur, quod donasset is, à quo accepta est, si scisset: immò adhuc conveniunt, quod, qui acceperit, non obligatur laborare, & negotiari, ut restituat; sed difficultas est, an, si ille factus fuerit ditior, teneatur restituere: & in hoc puncto dico dno.

Alterum: Esse probabilem illam opinionem, quam habent, non teneri ad restitutionem; potestque securè se tutari penitens per illam, non restituendo: & Confessarius etiam securè potest illum in sua opinione absolvere, absq; restitutione.

Dico, alterum mihi esse probabilius, illum teneri ad restitutionem, ut dicit Medina: cum nimirum accepit ex non superfluo; quia, ut diximus, ille, à quo accepit, non obligatur donare, nam poterat mutare: unde, nisi præsumatur, vel sciatur esse donatum, obligatio est ad restitutionem. Cum verò acceperit ex superfluo, ob eandem rationem, credo etiam obligari ad restitutionem, contra Medinam. Ratio est, nam hic, à quo accepit, non tenetur donare; sed potest mutuando succurrere necessitati illi: tamen, nisi præsumatur donatum, ille alius tenetur reddere, ad pinguem veniens fortunam. Ob eandem ergo causam, siue accipiat ex superfluo, siue non, debet reddere. Hoc idem diximus superius cap. 24. lib. 5. instructionis, ubi adduximus aliam rationem, ut ibi potest videri.

De alijs duobus modis erga idem.

CAPVT XXXVII.

Aliud dubium est, ex quo pender solutio præcedentis, an obligemur in extrema necessitate alteri succurrere per donationem, an sufficiat per mutuum, vel venditionem, vel cambium, aut alio modo. Sunt & duæ opiniones. Adrian. & Nauarr. locis citatis dicunt, non obligari ex præcepto

cepto donare, maximè, si est magna quantitas, sed sufficere mutare, nam hoc modo succurritur necessitati illi. Alij verò dicunt, obligationem esse donandi. Medina loco citato dicit, ex superfluis esse donandum, ex non superfluis sufficere mutare. In hoc conueniunt omnes, quod quocumque modo dandum est, tamen, nisi ille acceptet mutuum, donare debemus.

Rursus conueniunt, quòd si debet dari sub mutuo, quòd non obligatur reddere, nisi fortè ad pinguiorem venerit fortunam. Puto autem posse sub hoc modo succurri, nec obligari sub præcepto donare: tamen Gen 47. legimus, in illa necessitate Ægypti, Ioseph non donasse, sed dedisse sub conditione quadam, & Tob. i. dedit bonus Tobias Gabelo indigenti summam argenti mutuo, sub chirographo. Consilium tamen laudabile est, præsertim ex superfluis, donare. Hinc fit, quòd, si quis artifex, vel robustus, laboraret extrema, aut graui necessitate, quia non inueniret materiam exercendi artem, vel laborem, posset aliquis succurrere vsui artis, vel labori ipsius, nec teneretur donare, quamuis tunc de præsentī malè valeret. Posset enim sub prædicta conditione, si benè haberet donare, & nō obligando postea, vt laboraret.

Aliud dubium est, an, qui debent pecunias alijs creditoribus, si occurrat aliquis in extrema necessitate, & dent ei ex tali pecunia, sint obligati reddere creditoribus illud; sicut poterant accipere ab alijs, si ipsi non habuissent, & ministrare existenti in necessitate extrema. Hoc dubium mouet Med. loco citato, nempe teneri reddere, & soluere creditoribus; nam quamdiu in sua potestate sunt, ipsorum sunt, & dare tenentur indigenti illi, nec aufertur obligatio restituendi creditori; sicut iam diximus de illo, qui prius erat debitor, & postea incidit in extremam necessitatem, non ob id tollitur obligatio restituendi. Qui verò accipit ab alio vt reddat indigenti extremè, non obligatur; nam, nomine indigentis, accipit, & indigens est, qui ad modum prædictum restituere tenetur, ad pinguem veniens fortunam.

(*)

De duobus dubijs circa præceptum Eleemosynæ.

CAPVT XXXVIII.

CVM constet iam Eleemosynā esse in præcepto; dubium est, an illud præceptum sit obligans tantum fideles, seu Christianos. Ad quod dico, non solum obligare fideles, sed etiam infideles omnes: est enim non solum diuini præceptum, sed simul naturale, sicut præceptum honorandi parentes, non furandi, non mœchandi, quæ quidem obligant omnes, vt habet Cypria. sermo. de Eleemosynis: vnde, peccat mortaliter paganus, & infidelis, qui non subuenit extremis, aut graui necessitati proximi, vt superius est dictum. Et non solum non subueniendo alteri pagano, sed etiam non subueniendo fideli; sicut & fidelis peccat, non subueniendo etiam infideli: naturale enim est, vt vnusquisque his, quæ suæ speciei sunt, in necessitate succurrat; nisi aliquando ratio aliud postulet, vt superius diximus.

Aliud dubium est, an præceptum Ecclesiæ magis obliget Ecclesiasticas personas, respectu bonorum Ecclesiæ, quam sæculares, aut etiam Ecclesiasticas, respectu bonorum, quæ non ab Ecclesiâ, sed aliunde habent; possunt enim habere bona aliqua ex patrimonio, vel alio modo conquisita, & non Ecclesiæ beneficio, & in his perinde se habent, ac sæculares. Ad hoc dubium Caiet. 2. 2. q. 87. art. 1. & 185. art. 7. tenet, quod tenentur de sibi superfluis ad vitam, & status decentiam facere eleemosynam, non solum ex misericordia, sed ex iustitia; vt, si nō faciatis ad restituendum teneantur. Putat enim Caiet. quod non sunt bonorum Ecclesiæ domini, sed dispensatores, & sublati sibi sufficienti, reliquū est pauperum. Sor. verò lib. 10. de iust. q. 4. art. 3. tenet contrarium: dicit enim, quod Ecclesiasticus illius portionis, quæ sibi ex diuisione obuenit, est verè dominus, sicut domini temporales sunt domini suorum bonorum, & peccat non faciendo eleemosynam, sicut & alij, & in ijsdē casibus quamuis magis teneatur succurrere, quàm sæculares, quia pater pauperum est, vt habetur 12. quæst. 1. per totam. Et ita tenendum est, vt satis ostendimus in Instructione: Dicit autem vnum Tabiena, verb. restitutio. §. 19. quod quamuis dispensator sit talium bonorum, tamen, nomine eleemosynæ, potest suis consanguineis donare, si indigent, vt mantere nepes,

etiam filias illegitimas; potestque non solum pro ratione conditionis ipsorum absolute illis dispensare, sed etiam habita ratione sui status: nam maior est conditio ipsorum ob dignitatem consanguinei: neptes enim Pontificum, Cardinalium, & similia, pluribus indigent ad decentiam status. Sed hoc profecto securius dici potest, tenendo tales personas dominos talium bonorum. Debent tamen in hoc vitari scandala & superfluitates, & prius necessitates grauiiores, aliorum suppleri, vt statim dicemus.

Quo ordine sit Eleemosyna facienda.

CAPVT XXXIX.

Quamuis difficile sit ordinem vniuersalem, & certum faciendi, & distribuendi eleemosynas constituere, vt omnes Doctores farentur, tamen aliqua notitia ex sequentibus conclusionibus haberi potest.

Quarum prima est, Maiori, seu grauiori necessitati prius est succurrendum, quam minus graui, in quocumque subiecto ea sit. In hoc omnes conueniunt: quamuis enim consanguineis, amicis, benefactoribus, notis, & alijs sit eroganda, tamen prius indigentiori est eroganda, quicumque sit ille: vnde si necessitas alieni est extrema, & consanguinei est communis aut grauis, prius extraneo danda est eleemosyna. Similiter, si illa est grauis, & hæc est communis. Hinc sequitur, quod personæ Ecclesiasticæ, quæ volunt suos nepotes ditare, & seculares, qui volunt augere suos status, non possint, cum graues in Repub. sunt necessitates & indigentia, quibus prius satisfacere tenentur.

Secunda conclusio, existente æquali necessitate & indigentia, prius homo sibi met quam alijs prouidere debet. In hoc etiam omnes conueniunt: vbi aduerte, cum aliquis est in necessitate extrema vel graui, & alij in simili, nec ipse sibi, & in alijs potest prouidere, tunc debet sibi. Sed nõ semper ad id tenetur: aliquando enim tenetur, potius alijs, aliquando licet ei, & est consilium consulere alijs: aliquando verò est peccatum, sed potius debet sibi: tenetur quidem alijs, cum id vergit in beneficium commune: vt enim superius diximus, cum est persona publica, ex qua salus communitatis pender, tunc tenetur quilibet particularis illi potius, quam sibi in necessitate extrema,

aut g. aui succurrere. Cùm verò non esset ita vtilis persona, tamen vtilis, aut vir bonus aliquis, aut amicus, aut pater, aut filius, aut multum coniunctus, tunc esset consilium, his potius, quàm sibi consulere. Cùm verò ipse esset publica persona, & multum vtilis Reipub. & ille alius non, tunc non teneretur sibi potius providere: tamen circa hanc conclusionem duo dubia brevia existunt.

Alterum est. an homo potius sibi in extrema necessitate, quàm creditori suo in eadem necessitate existenti succurrere teneatur, ex his, quæ ei debet. Ad quod dubium Scot. 4. d. 15. q. 1. responderet, quòd si prius incidit in extremam necessitatem, quam creditor, non tenetur ei dare, tamen si simul inciderint, aut creditor prius, tunc tenetur ei dare. Nauar. c. 17. num. 70. dicit, quòd si res, quam habet, est in specie reddenda, nempe, quia erat commodatò aut depositò accepta, tunc tenetur reddere potius quàm sibi retinere. Si verò non est res in eadem specie reddenda, non tenetur. Sed melius habet Caiet. verb. restit. & Tabien. eodem verb. §. 4. & Soto lib. 4. de iustitia, qu. 7. art. 1. quòd non tenetur dare creditori, sed potius sibi succurrere potest. Omnes tamen conveniunt, quod nulli licet, etiam existenti in gravi necessitate, sumere ab alio in eadem necessitate existente: immò nec licet accipere, quamvis sit persona publica, & cui alter teneatur dare.

Alterum dubium est, an, sicut licet seipsum antepondere creditori in extrema necessitate, ita etiam liceat antepondere parentes, ut potius quis succurrere debeat parentibus, quàm creditori. Tabien. verb. restitutio. §. 4. dicit, succurrendum potius creditori, nec licere nisi seipsum tantùm antepondere creditori. Soto verò loco allegato tenet, quòd liceret dare parentibus relicto creditore immò etiam filios & uxorem, non tamen fratres licet antepondere creditori. Et sine dubio de parentibus est sententia S. Thom. qu. 31. art. 3. vbi dicit, obligationem parentum vincere omnem obligationem aliam. Et ita credo, immò non solum quod Soto dicit, sed etiam de fratribus, & his, qui in primo gradu sunt. Vide lib. 5. in str. cap. 24. vbi contrarium diximus, quia totum est probabile, sed modo hoc probabilius videtur.

Tertia conclusio: parentibus potius quàm filiis in eadem necessitate est succurrendum: v. g. laborat pater alicuius extrema necessitate, laborat & suus filius, neque potest nisi alteri providere, potius patri & matri succurrendum est, quàm proprio filio.

filio. In hoc omnes conueniunt, & S. Thom. 2.2. quæst. 31. art. 3. Aduerte tamen, quod si ordinem charitatis spectes, potius homo debet amare proprios filios, immò & vxorem, quàm parentes, vt auctor est S. Thom. 2.2. quæst. 28. Et ratio est, quia plus est sibi coniunctus filius, cum sit de propria substantia, & vxor, quæ est vna caro secum, quàm parentes, à quibus procedit. Ordo autem charitatis incipit à coniunctionibus; at verò non sic est ordo eleëmofynæ, quæ cum sit beneficium quoddam & retributio, plus respicit debitum; & quia parentibus plus debemus, quàm filiis, hinc est quod plus illis est eroganda eleëmofyna, quàm filiis & vxori.

Quarta conclusio est. In æquali necessitate iste ordo communiter est seruandus, vt primum locum consanguinei; secundum, hi, quorū nobis est cura; tertium, benefactores, quartum amici; quintum, noti; sextum, extranei obtineant. Hoc intellige, cæteris paribus: nam tam vilis potest esse extraneus Reipub. vt præponendus sit consanguineo; & tam amicus, vt præponendus sit minimo benefactori.

In singulis autem ordinibus obseruanda est quinta conclusio: Meliores & vtiliores Reipub. sunt præponendi in necessitate æquali; v.g. inter æquales consanguineos præponendus est melior, & studiosior Reipub. & vtilior. Similiter & inter amicos, & inter alios singulorum ordinum. Per has conclusiones mediocri potest haberi notitia ordinis erogandi eleëmofynas.

Quanta debeat esse Eleemosyna.

CAPVT XL.

OMnes conueniunt abundantem eleëmofynam esse faciendam: Tamen aduerte, aliquam eleëmofynam dici abundantem ex duplici parte, ex parte accipientis, & ex parte dantis. Ex parte quidem accipientis dicitur dupliciter abundans.

Vno modo, quando supplet omnem necessitatem indigentis; vt, qui indiget centum, si accipiat centum, abundanter accipit.

Altero modo, cum non solum supplet necessitatem, sed superfluit

persluit: plus enim accipit quam indiget. De hac ergo abundantia ex parte accipientis.

Dico primò. Quis tenetur abundanter dare, ut sufficiat toti necessitati indigentis, cum extrema aut grauis est, & ipse potest esse sine periculo æqualis, aut maioris indigentiae propriae. Quando igitur laborat quis extrema, aut graui, tenetur, qui potest, liberare eum à graui seu ab extrema. Verum est, quod, si essent multi, qui vni vellent conferre, tunc sufficeret singulis dare quantum sufficit, ut vna cum alijs succurratur necessitati indigentis.

Dico secundò, in communibus necessitatibus bonum est abundanter dare, non tamen est obligatio: satis est dare partem aliquam ad subleuandam necessitatem indigentium, praesertim cum alij etiam simili modo eleemosynam faciunt.

Dico tertio, dare abundanter ita, ut superfluum sit, potest, & bene & male fieri. Bene quidem, si bona intentione datur, ut indigens, non solum sibi, sed & alijs habeat; vel ut necessaria habeat, & quibus commodè viuatur. Male fit, si cognoscitur indigens abuti superfluo in ludis, vel alijs vitijs, & adhuc ei datur; aut cum datur ad ostentationem & vanam gloriam; aut cum alteri negatur necessarium, dum alteri ministratur superfluum; aut cum tale superfluum perit, & fit Prodigalitas quaedam: & huiusmodi peccata ex se venialia sunt, nisi cum constaret indigentem mortale aliquid committere ob huiusmodi superfluum. Est etiam eleemosyna abundans est parte dantis, cum multum datur. Hoc autem multum non tam est considerandum in se, quam habita ratione facultatis ipsius dantis: aliquando enim qui minus dat, plus dat & abundantius, quam minus habet; & plus est sibi illud paucum, quam diuiti illud multum. Et sic dicta est illa vidua, Lucæ 21. abundantius dedisse, cum tamen in se paucum dedisset. Hoc autem modo abundanter dare laudabile est & meritorium, dummodò homo non incurrat seu contrahat indigentiam tantam, ut familiae suae commodè succurrere non possit. Debet enim homo primo loco se, & suos constituere in necessitate æquali.

* *

De vtilitate eleemosynæ.

CAPVT XLI.

Plena est scriptura vtilitate eleemosynæ; tres tamen sunt præcipuæ ipsius vtilitates.

Prima quidem, quòd eleemosyna est meritoria gloriæ & gratiæ augmenti, si fiat ab homine existente in gratia, & propter Deum. Aduerte tamen quòd duplici ex parte crescit eleemosyna, & vna est magis altera meritoria: Vno modo ratione affectus charitatis: quæ enim maiori charitate sit, magis est meritoria vnde, si quis dat vnum scutum tali affectu, vt, si haberet centum, daret, haberet meritum, ac si daret centum. Si quis etiam magna deuotione & seruiore charitatis dat vnum Iuliu, magis meretur, quàm qui cum minori deuotione daret etiam Iuliu. Crescit etiam altero modo ratione rei, seu operis ipsius: vnde, si duo habent æqualem charitatis seruiorem, tamen vnus det plus, alter minus magis meretur ille, quàm hic. Debet tamen considerari quantitas ista eleemosynæ datæ per proportionem ad facultatem vtriusque. Aliquando enim plus dat, qui minus dat, vt diximus, quia pauperior est.

Est altera vtilitas eleemosynæ, quòd est satisfactoria pro peccatis peccatorum dimissorum. Et hoc est, quod in Scriptura dicitur, *Peccata tua eleemosynis redime*. Multum enim peccatæ in hoc mundo, aut in Purgatorio soluendæ remittitur per eleemosynam in gratia factam: non solum autem valet ad satisfactionem pro proprijs peccatis, sed & pro peccatis aliorum siue in Purgatorio, siue in hoc mundo sint, si sunt in gratia, pro quibus talis eleemosyna offertur.

Tertia vtilitas est, quòd est impetratoria: consequitur enim multa beneficia à Deo, & quod petit obtinet, qui facit eleemosynam iuxta illud Matth. *Beati misericordes, quoniam ipsi misericordiam consequentur*. Immo, si est in mortali peccato, est magna dispositio ad obtinendum à Deo, vt per gratiam

disponatur ad contritionem, qua consequatur peccati remissionem.

De solitudine, seu inquietudine mentis,
& quid sit.

C A P V T XLII.

Altera filia Avaritiæ est sollicitudo seu inquietudo mentis, de qua tractat S. Thom. 2. 2. q. 55. ar. 6. & Anton. 2. p. tit. 1. c. 25. Potest autem sic describi: Est *vehemens applicatio mentis cum timore coniuncta*. In qua descriptione tres sunt partes.

Prima est, *applicatio mentis*. Applicare autem mentem, nihil aliud est, quàm per mentem operari, intelligendo, cogitando, volendo: sicut applicare manum ad scribendum, est ipsum scribere.

Secunda pars est, *vehemens*: non enim qualibet applicatio mentis dicitur sollicitudo, sed quæ est intensa & fortis.

Adhuc hoc non sufficit, nam vehemens applicatio mentis, si aliud non adsit, dicitur studium; sed tertia pars est necessaria, puta, *cum timore coniuncta*. Cum applicamus mentem ad cogitandum, & volendam aliquid, & timemus de consequutione, tunc dicimur sollicitari: unde, qui applicat mentem ad volendum scribere lectionem, & timet, quòd non poterit assequi, dicitur sollicitus. Ista sollicitudo est causa diligentis & velocitatis ad operandum: unde Isidor. hoc vocabulum, *sollicitus*, dicit derivari à duobus, *solers*, & *citus*, quasi diligenter motus ad operandum. Est etiam ista sollicitudo, causa cuiusdam inquietudinis, & interioris, & exterioris: ob id Caic. 2. 2. qu. 47. ar. 9. aliunde trahit vocabuli originem, à *solum*, & *citus*, quasi loco motus; quia, qui est sollicitus, nescit in vno manere loco. Quamvis hæc derivatio non sit multum exacta, cum illud *o*, in vocabulo *sollicitus*, sit natura longum, in illo vero vocabulo, *solum*, quod significat terram, sit breue. Est etiam causa ista sollicitudo, vt homo intra se sit cogitabundus, nec externa aduertat; ob id forsitan derivatur vocabulum à *solum*, & *citus*, quasi

solus, seu solitarius agat intra se. Quicquid sit, habemus, quid sit sollicitudo & effectus ipsius.

Quomodo sollicitudo sit peccatum.

CAPVT XLIII.

Sollicitudo, vt definita est, de se, nec bona, nec mala est; sed & potest esse studiosa & vitiosa, studiosa est, quando est de re bona, & debitis circumstantijs, quando; & quomodo, & sine quo oportet: vnde in scripturis, exigitur sollicitudo ista, tum in his, quæ sunt ad Deum; ad Rom. 12. *Sollicitudine non pigri, spiritu seruientes Domino seruientes*: tum in his, quæ sunt ad se: Deuteronom. 4. *Custodi te ipsum, & animam tuam sollicitè*: tum in his, quæ sunt ad proximum; ad Ephes. 4. *Solliciti seruare unitatem spiritus in vinculo pacis*. Vitiosa est aliquando sollicitudo, immò & mortale peccatum, & veniale peccatum. In cuius declarationem aliqua sunt aduertenda dicta.

Primum est: sollicitudo de re mala est mala; & quidem, si res ipsa, de qua sollicitamur, est mortalis, ipsa sollicitudo est mortalis, si verò venialis, etiam venialis erit sollicitudo; v. gr. est aliquis sollicitus de occidendo inimico, de obtinenda vxore aliena, de rapienda re alterius, est peccatum mortale: est aliquis sollicitus de prodagilitate quadam in conuiuio facienda, de mendacijs iocosis fingendis, de rebus inutilibus sibi, est veniale peccatum.

Secundum est, sollicitudo de re temporali, constituendo finem vltimum in ipsa, est etiam peccatum mortale. Hoc est S. Thom. loco citato. Tunc autem aliquis ponit finem vltimum in re aliqua temporali; quando est paratus potius mortaliter peccare, quam omittere rem: qui sic ergo est affectus pecunijs & diuitijs, & hoc modo sollicitus est de ipsis acquirendis, vel conseruandis, mortaliter peccat.

Tertium est, qui ex sollicitudine dimittit id, quod tenetur facere, mortaliter peccat, vt dicit sanctus Thomas, si tenebatur facere illud sub præcepto: si verò aliter, venialiter peccat; vt, qui præ nimia sollicitudine omittit audire sacrum in die festo, confiteri, & communicare, quando tenetur, mortaliter peccat: qui verò præ sollicitudine non vacat orationi, aut non attentè, vt decet, diuina officia exercet, venialiter peccat.

Quartum est, qui timet quando timendum non est, venialiter peccat; vt, qui præ sollicitudine timet se non assequi-

turum,

turum, quod intendit, etiam positis medijs convenientibus, & sufficientibus, venialiter peccat: est enim timor vana.

Quintum est, qui sollicitus est extra tempus proprium, quo sollicitus est, peccat ex se venialiter, vt, qui tempore Maii sollicitatur de vindemia. Quamvis sit prudentia respicere & sollicitari de futuro, hoc tamen est, quando in presenti possumus providere de futuro: quando vero nihil possumus providere in presenti, aut non debemus, est vana sollicitudo & peccatum. Similiter peccat, qui dum est in Ecclesia, sollicitus est de familia, & de re; non enim tali tempore sollicitudo hac assumi debet: omnia enim tempus suum habent.

De proditione.

C A P V T XLIV.

Tertia filia Avaritiæ, vt diximus, erat proditio. Hæc autem potest sic describi; *Manifestatio oculi illarum nocummi.* In qua descriptione sunt duæ partes.

Altera est, *oculi manifestatio*: prodere enim est manifestare id quod latebat. Tamen non in sola manifestatione consistit ratio proditionis, vt quoddam vitium est, sed est necessaria altera pars; quod ista manifestatio sit inferens nocumentum, seu apta ad inferendum nocumentum ei, cuius occultum manifestatur, vnde, qui manifestat pecunias alterius latroni, vt eas capiat, dicitur ipsum prodere. Similiter qui civitatem alicuius inimico tradit, dicitur etiam prodere. In vtroque autem casu est manifestatio quedam. In priori manifestatione est per verbum, in posteriori per factum, dum viam capiendi civitatem ipso facto aperit.

Fit autem ista proditio quadrupliciter.

Primo, circa personas cum prodit quis personas, ad nocumentum ipsis inferendum, quo modo Dalida prodidit Samsonem, & Iudas Christum Dominum. Et hæc est graue mortale.

Secundo, circa res immobiles, vt, qui prodit castra, villas, civitates suorum dominorum, qui veri domini illarum sunt. Et hoc est mortale obligans ad restitutionem.

Tertio, circa res mobiles, vt, qui abscondit alterius pecuniam

nam, vel vestes latroni ostendit, vt rapiat. Et hoc est mortale; etiam obligans ad restitutionem.

Quartò, circa secreta, vt, qui alterius secretum aperit in eius detrimentum. Et hoc est etiam mortale, cum res est grauis, & quam celare tenebatur. His modis committi potest proditio: tamen ad maiorem declarationem aliquot dubia in capite sequenti examinare oportet.

De quibusdam dubijs circa proditionem.

CAPITVLVS XLV.

Aliqua occurrunt dubia circa proditionis modos.

Primum est; an, si tyrannus aliquis iniuste detineat castrum, vel ciuitatem, vel villam alterius, licet alicui Priuatæ personæ, quæ sub potestate ipsius tyranni est, & cui est commissæ cura illius castri, ipsum tradere domino vero, tyranno infcio. Ad hoc respondet Anton. 2. p. tit. 1. cap. 22. §. 7. & dicit aliqua.

Primum est, si, qui tradit castrum, facit hoc, cupiditate pecuniæ, vel odio, & inimicitia motus, vt sine præcipuo, tunc mortaliter peccat.

Secundum, quando id facit zelo iustitiæ, licet cum spe pecuniæ, non peccat mortaliter, si aliqua adsint conditiones, nimium.

Prima, vt non sequantur mortes & occisiones hominum in tali traditione.

Secunda, vt non sequantur graua scandala.

Tertia, vt dominus verus nequeat alia via recuperare tale castrum. His stantibus non esset peccatum; aliquo verò, vel omnibus deficientibus esset peccatum; & quia fere semper vnũ horum est, ob id, rarò licet iste casus.

Dicit terriò Ant. quòd si quis etiam, his deficientibus castrũ tradat, mortaliter quidem peccat, tamen ad restitutionem non tenetur, quia non rapit alienum à vero domino; immò reddit proprio domino, licet malo & indebito modo. Consentit his Tabien. verb. interrogatio. §. 19. & Armill. v. proditio. Et ita mihi videtur dicendum.

Aliud dubium est, an tyrannum, qui habet obsessam ciuitatem iniuste, liceat alicui priuato per proditionem occidere: ¶ g. an liceat medico ipsius, aut coco ministrare venenum

occultè, & interficere. Respondent idem Anton. loco citato, & præfati Doctores, quod nullo modo licet, sed esset mortale: nam seruare fidem est ius naturale, quod quidem cum omnibus est seruandum. Non ergo illi sub fide data possunt occultè nocere; quamuis posset miles vnius exercitus, duce concedente, in nocte aggredi contrarium exercitum, cuius causa iniusta est, & inuadere & occidere dormientes, quia nulla illis deberetur fides, & ipsi debebant cautè agere & attendere, cum alios inuadant. Et hoc modo licet venenum imponere fontibus, vt bibentes pereant, cum ipsi iniuste inuadant terras aliorum: sub fide tamen data non licet occidere, sicut nec sub saluo conductu, & sic etiam non licet personæ priuatæ inuadere loca & terras Turcarum, & ipsos occidere in domibus degentes, licet infesti & inimici sint nostri. Hinc fit, quod si in hoc prædicto casu non licet huiusmodi homini occidere in tali modo, quod etiam nulli alteri liceat consulere tale factum, aut ad id inuare ipsum aliquo modo.

Aliud dubium est. An si quis esset deliberatus iam occidere per prodicionem talem tyrannum, licet alteri promittere pecunias, si faciat & occidat. Anton. respondet licere: nam hic non occidit, cum iam ille animo decreuerit occidere: sed Armill. verb. proditio. §. 3. negat, & ita negandum est: nam consentit in peccato, & hoc sufficit ad peccandum. Adde etiam quod iste occidit; nam promissione pecuniæ magis confirmatur animus illius ad occidendum: adeo, quod posset forsan retardari, & remoueri ab illo facto, spe tamen pecuniæ non retardatur.

Aliud dubium est, in secretis: An liceat aperire secretum secretum alicuius Tyranni: vt, si haberet obsessam ciuitatem, & vellet occultè inuadere, an liceret alicui militi suo aperire secretum. Dico, si iniuste agit & inuadit, potest manifestari: non enim secretum præter sigillum confessionis, est seruandum in damnum tertij iniustum, & præsertim communitatis: & sic habemus exemplum in scriptura, 2. Reg. 17. de illo Chusi, qui se fluxit amicum Absalon, & manifestauit Dauid secretum consilium Achitophelis. Si verò iuste ageret Princeps aliquis contra alterum, tunc non liceret ipsius secretum prodere. Per hoc patet resolutio peccati eorum, qui literas sigillatas alterius aperiuunt: Est enim mortale, cum res est grauis, quando verò sciunt rem esse leuis momenti, est veniale: Sed tamen periculosum est, nam difficile cognoscitur

rar huiusmodi leuitas materiæ ante apertionem : & si, non cognita, aperiuntur literæ, mortale est, nisi in aliquibus casibus.

Primus, quando, qui aperit, probabiliter cognoscit esse in damnum proprium illas conscriptas, vel in damnum tertij, prefertim communitatis alicuius.

Secundus, cum est superior: & sic Prælati subditorum literas aperiunt.

Tertius, cum apertio sit cum rati habitione; quia speratur rationabiliter, quod ille, cui mittuntur, id ratum habebit, & acceptabit. Hæc de proditione.

De fraude.

CAPVT XLVI.

Quarta filia Auaritiæ, est fraus, quæ sic describi potest. *Deceptio alterius opere exhibita.* In qua descriptione sunt duæ partes.

Altera est, *Deceptio alterius.* Est autem decipere, falsam estimationem in alterius animum inducere, & ille actus, qui, mediante hoc fit, dicitur deceptio.

Altera pars est, *opere exhibita*: nam deceptio aliquando fit solis verbis, & dicitur dolus seu fallacia, aliquando verò fit etiam factis; vt, cum vendo pro libra, quæ non est libra: & hæc dicitur fraus. Vtrumq; autem, tam dolus, quam fraus filij sunt Auaritiæ. Sed nunc de fraude agimus. Procedit autem fraus ex astutia, quæ est vitium contra prudentiam. In cuius gratiam aduerte, prudentiam esse quandam virtutem, qua circa bonum finem media conuenientia applicamus: disponit enim prudentia media bona ad finem bonum. Cum ergo sint duo in prudentia, & finis bonus, & media bona, duplex ei vitium opponitur.

Vnum est ex parte finis, cum quis intendit finem malum, & huic media proportionata, siue bona, siue mala secundum se apta: & vitium hoc dicitur prudentia carnis; vt, qui intendens occidere inimicum, vel committere adulterium, media apta explicat.

Alterum est ex parte mediolorum; vt, cum quis bonum, aut malum finem intendens, excogitat media mala, sed apta fini; & dicitur astutia. Exemplum est in illo Villico Luc. 16. qui,

ut ablata villicatione haberet, unde viueret, media mala, sed apta excogitauit, nempe remittere debitoribus domini sui partem debiti, quod quidem ei non licebat: fuit in hoc astutus: quamuis quia illum finem fecit sibi vltimum, dum posposuit diuinum praeceptum, non defraudandi ipsius consequtioni, fuit etiam prudētia carnis, quia finis fuit malus. Astutia autem solū est in excogitandis medijs: ipsorum verò executio ad dolum, cum verbis, ad fraudem, cum operibus fit, pertinet. Est autem fraus ex suo genere peccatum mortale, & de facto est peccatum mortale, nisi excusetur duplici causa; aut quia materia est leuis; ut, qui fraudem facit in baiocco vel quattrino, aut, licet sit in magna quantitate, tamen non fuit intentio defraudandi; tunc enim, cum ignorantia interfuit, excusatio est peccati: tamen cum primū veritas cognita fuerit, tenetur, qui fraudem commisit, reddere quod per fraudem accepit; aliter peccat mortaliter, ac si intentionem habuisset, & manet obligatus ad restituendum. Prudentia carnis & astutia mortale peccatum sunt, cum circa finem, vel media, quae mortalia sunt, versantur, alia sunt venialia. De his vide S. Thom. 2. 2. quæst. 55.

De fraude in emptione, ratione iniusti pretij.

CAPVT XLVII.

QUIA fraus præcipuè in emptionibus & venditionibus committitur, ob id, in particulari de his aliqua tractanda sunt, cumque multipliciter proveniat fraus in his tractatibus, prima radix est, ratione pretij. In cuius gratiam notandum est, iustum esse in pretio duplex.

Vnum est legitimum, & hoc est, quod lege aliqua taxatum est & definitum.

Alterum est naturale, quod nulla lege est taxatum, sed iuxta rei valorem. Valor autem hic dupliciter sumitur.

Vno modo à communi estimatione bonorum mercatorum: tantum enim valet res, quantum communiter tali loco & tempore aestimatur, ut habetur leg. pretia. ff. ad legem Falcid.

Altero modo, cum non est res, quæ communiter vendatur arbitrio mercatoris alicuius prudentis & intelligentis, ut habet Sylu. verb. emptio. §. 7. De vtroque isto iusto, tam legitimo, quam

quàm naturali, loquitur Arist. lib. 5. ethicor. c. 7. Est autem inter hæc duo pretia duplex discrimen.

Alterum est, quòd pretium legitimum consistit in indiuisibili: cum enim sit taxatum lege, vnum & idem est: at naturale non sic, nam non semper communis æstimatio, aut arbitrium prudentium in vno & indiuisibili pretio conformatur, sed hi pleris, illi minoris æstimant, licet sit in medico differentia, iuxta pretij quantitatem: vnde solent Doctores communiter pretium naturale diuidere in tres partes, in rigidum, medium & infimum. Rigidum est summum, quod in communi æstimatione, vel iudicio mercatorum inuenitur; vt, si vnus diceret valet centum, alter nonaginta quinque, tertius nonaginta, centum esset rigidum; infimum, quo minus non æstimatur. Inter hoc vtrumque medium est. Omnia ista dicuntur pretia iusta; nec est fraus, modò rigidum, modò infimum, eodem loco & tempore pro re vna exigere, & accipere.

Alterum discrimen est, legitimum pretium manet immobile, nec variatur per augmentum vel diminutionem; at verò naturale variatur. Sunt enim aliquot causæ, quæ variant iustum pretium naturale.

Prima causa est, copia vel inopia mercium. Cum enim copia multa est mercium, tunc minuitur pretium, quod ante erat iustum, & ex copia fit iniustum; nam iustum minus est iam. Contra verò; cum est magna inopia mercium, augetur iustum pretium. sed hæc causa intelligitur, cum non interuenit fraus: nam solent mercatores duo vel tres conuenire, & facite monopolium, emendo omnes merces nundinarum, aut abscondentes eas, vt inopia appareat, & augeatur pretium, tale autem augmentum est iniustum, & est obligatio ad restitutionem.

Altera causa, copia, vel inopia emptorum. Cum enim multi sunt emptores: tunc crescit pretium; cum vero pauci, minuitur: nam multitudo emptorum inopiam inducit mercium; inopia verò copiam. Ad hanc causam reducuntur aliqui casus.

Primus est, Caietan. verb. emptio, Ea, quæ veniunt sub hasta, vel à proxenetis, vilius possunt emi, quàm valeant communiter illa in officina mercatorum: vnde, quod valet centum, potest emi sexaginta, & minoris, dummodò non sit fraus: nam aliqui solent rogare coemptores, ne emant, aut

imponant pretium, vt ipsi vilius emant; hoc autem non licet.

Rursus, etiam potest carius vendi, cùm emptores inter se certant augendo pretium, dummodò non sit etiam fraus, vt venditor secrete emptores supponat falsos ad augendum pretium.

Alter casus est, Silu. verb. emptio. §. 8. cùm aliquis mercenarius non habet aliquem, qui conducatur ipsum, & rogatur aliquem, vt saltem dimidio pretio; quàm alij soleant dare ipsum conducatur, tunc licet potest hoc fieri.

Tertia causa est, modus emendi. Vilius enim emuntur merces, quæ simul in magna quantitate emuntur, quàm quæ per partes.

De regula fraudis ratione iniusti pretij.

CAPVT XLVIII.

Constituto iam. quid sit iustum pretium, oportet tunc aduerte res esse in duplici differentia. Quædã ad vitæ necessitatem, quales sunt, quæ ad victum, vestitum, & huiusmodi spectant: quædam pertinent ad vitæ delectationem & ornatum, vt geminæ, pretiosi equi, statuar, canes, accipitres, & alia huiusmodi.

Sit ergo prima conclusio. Res ad vitæ ornatum seu delectationem pertinentes, non habent pretium naturale certum, sed tantum possunt vendi; quantum potest venditor extorquere, citra fraudem vllam: vnde non est iniustitia, accipere quatuor millia aureorum pro statua antiqua, pro gemma, pro alia simili re, dummodò talis sit res, qualis venditur. Ista est Soto lib. 6. de iusti. q. 2. ar. 3. in fi.

Secunda conclusio: Excedere iustum pretium, siue legitimum, siue naturale, scienter, est mortale, obligans ad restitutionem, cùm est notabilis excessus; & hoc tam in venditione quàm in emptione: vnde, qui vilius iusto emit; aut, qui carius iusto vendit; peccant & obligantur restituere. Aduerte tamen, quod non semper in exteriori foro compelleretur venditor, vel emptor reddere quod accepit; sed cùm est iniustitia infra aut supra medietatem iusti pretij; puta, qui emit quatuor, quod valet decem: aut, qui vendit sexdecim, quod valet decem: tunc enim rescinditur iste contractus iure civili, Cod. de re-

sci-

reindendi. vendit. l. 2. & iure can. cap. cum dilecti, & capit. cum causa, de emptio. & venditio. Qui autem vendit supra medietatem, tenetur in foro exteriori reddere acceptum superfluum vel suam rem accipere, & manet emptio apud ipsum. Cum verò res est empta infra medietatem, optio est emptoris, aut reddendi rem, aut æquandi pretium iustum, vt habet Siluest. verb. emptio. §. 9. In foro verò conscientie semper tenetur homo, quamuis fraus non sit tanta, ad restitutionem, vt docet D. Thom. 2. 2. quæst. 77. art. 1. & Inno. c. in ciui. de vsuris & Pa. norm. in c. pleriq; de immunit. Eccl. & Soto libr. 6. q. 6. artic. 1. contra aliquos, qui dixerunt non peccare, cum quis defraudat præter istam legis taxationem, aut saltem, non teneri ad restitutionem. Sed hoc falsum est, & contra rei naturam: Leges enim ad lites vitandas tantum id permittunt, nec rescindunt contractum, nisi modo prædicto.

Tertia conclusio, quia vendit, potest supra iustum pretium rei exigere damnum emergens in vendendo, non tamen potest vendere vtilitatem, quam, qui emit, accipit supra rei valorem. Ista etiam sunt S. Thom. 2. 2. q. 167. ar. 1. Explico, Petrus habet domum valentem centum, rogatus ab alio, vt vendat eam sibi, ipse non vult; tandem precibus victus vendit; tamen, quia sibi erat multum commoda, & detrimentum patitur ex venditione, potest exigere totum damnum, admonito tamen emptore de hoc. At verò, si nullum damnum patitur, tamen domus est multum utilis emptori, non potest ultra iustum pretium exigere aliquid ratione ipsius vtilitatis. Ratio vtriusque est, quia damnum est suum, vtilitas alterius, nullus autem vendere potest, nisi quod suum est.

De fraudatione rei vendita.

CAPVT XLIX.

Secunda radix, vnde oritur fraus in emptione seu venditione, ex ratione ipsius rei venditæ, cum res ipsa vitium aliquod habet, & venditur, ac si non haberet. In cuius gratiam aduerte esse triplex vitium in re aliqua vendita.

Vnum est in substantia, dum, quod non est, venditur pro eo quod est: vt, quod non est aurum, pro auro, quod non est argentum, pro argento; quod non est gemma, pro gemma.

Alterum est in quantitate, vt, quod non est tantum, vendere pro tanto, non libram, pro libra, non modium, pro modio, non cadum, pro cado.

Tertium est, in qualitate; dum, quod non est tale, pro tali venditur, v. gr. equus cæcus, pro non cæco, mancus, pro non manco, vinum lymphatum, pro puro, Latinum, pro Græco, & sic de alijs. Horum trium vitiorum eadem est ratio: quæ enim de vno, de alijs etiam dici possunt. Ad cognoscendas autem fraudes ratione rei vitiose, aliquot sunt notandæ conclusiones.

Prima est, rem vitiosam vendere tanto pretio, quanto si non haberet vitium, peccatum est obligans ad restitutionem, & mortale, si materia non est leuis, & scienter fit. In hac omnes Doctores conueniunt. Vendere ergo equum habentem vitium, puta cæcum, vel mancum, centum aureis, qui tantum solummodò valeret, si vitium non haberet, iniustitia est.

Secunda conclusio, vitium rei manifestum non tenetur venditor manifestare: vnde potest iustè vendere rem vitiosam, dummodò non excedat pretium accipiendo tantum, ac si non esset vitiosa, licet emptor non aduertat esse vitiosam; vt, aliquis habet equum monoculum, potest vendere pretio iusto, quod valet cum illo defectu, quamuis sciat emptorem non aduertisse esse monoculum. Ista est s. Tho 2.2 quæst. 77. art. 3. tamen contrarium tenet Panorm. cap. iniustum, de rerum permutat. & Cont. quæst. 34. de contractibus: dicunt enim, quòd cum venditor videt emptorem ignorare vitium, debet eum admonere, licet manifestum sit. Sed mihi in hac parte videtur distinguendum. Aut enim emptor poterat aduertere; & ex negligentia non aduertit, aut non poterat aduertere, quia impotens erat, nimirum cæcus aut inexpertus, quia ignorat quis sit defectus. Si modo priori non aduertat, putò non esse iniustitiam vendere, nec obligari ad restitutionem, facta rei venditione, sed solum ex charitate; & si vitium est in magnum detrimentum emptoris, erit mortale contra charitatem, alter erit veniale. Modo verò posteriori tenetur de iustitia, ac si vitium esset occultum, vt dicemus statim.

Tertia conclusio. Quando vitium est occultum, non sufficit pretium iustum petere, quantum cum vitio valet, sed est manifestandum in tribus casibus.

Primus,

Primus, quando illud vitium est in damnum emptoris: ver-
g. vendit aliquis equum militi cum vicio occulto quod pericu-
losum est in bello, tale vitium est manifestandum, quia est in
damnum emptoris, qui pro bello emit equum. Similiter, ven-
dit quis vinum quod scit parum duraturum, volenti emere ad
conseruandum tenetur manifestare, neq; sufficit iustum pete-
re pretium.

Secundò, cùm res erit inutilis emptori, verbi gratia, Phar-
macopola vendit scamoneam, quæ licet non nocebit, ta-
men non erit vilius vsus infirmo: vendit autem pro alio vtili,
quod petit emptor, iniuste facit, quamuis pretium rei iustum
exigat.

Tertiò, cùm cognoscit probabiliter venditor, emptorem
emere ad reuendendum: tunc debet manifestare vitium: nam
vendit emptor illi rem tanto pretio, ac si non haberet vit-
tium. His casibus occultum vitium est manifestandum: a-
lias, est mortale peccatum ex genere suo obligans ad restitu-
tionem.

Aduerte tamen vnum, ex sancto Thoma, loco citato, quòd
non sat est, vitium manifestare in genere, & in vniuersum ali-
quando enim astuti homines, vendentes equum habentem
aliquod occultum vitium, dicere solent: omne vitium habet,
est cæcus, est claudus, est talis & talis, & numerat verum defe-
ctum: hoc autem non sufficit; nam virtualiter negant vitium
occultum, dum affirmant vitium, quòd videt emptor non esse.
Debet ergo vitium clarè, & distinctè aperiri.

Quarta conclusio. Quando nullam horum triū est, & cau-
sa rationabilis existit, nullumque mendacium intercedit, licet
vendere rem iusto pretio; non detecto vicio occulto. Ista est
Soto libr. 6. quæstion. 3. articul. 2. & deducit tamen ex S. Tho.
verbi gratia, est aliquis qui iusto pretio non potest vendere
vinum, vel propter iniquitatem iudicis, vel propter emptor-
um malitiam, qui conueniunt inter se, vt pauci emant, ad
remittendum pretium, vel propter aliam causam rationabi-
lem, tunc iste potest minuere mensuram, aut parum aque mis-
cere, & vendere pro puro, ac pro completa mensura, iustum
exigendo pretium, dum modò non dicat mendacium; quòd si
dicat, non erit perniciosum, nec mortale, nec obligans ad re-
stitutionem.

Similiter, aliquis sericū Granatense, quòd verè æquat bo-
nitatem alterius serici, tunc, si non potest vendere iusto præ-
tium,

tio, licet pro eo serico, quod petitur vendere non tamen menti-
endo, ut diximus. Eodem modo, licet aliquando Latinum
pro Græco vendere, & alias similiter merces. Aduerte ta-
men, quod non licet hac intentione merces emere, ut vendan-
tur pro alijs, sed emptas licet sic vendere, tali causa rationabili
existente.

Quinta conclusio: Emptor tenetur manifestare venditori
ignoranti rem venditam valorem ipsius: verbi gratia, rusticus
vendit gemmam magni valoris vili pretio, ex ignorantia,
emptor cognoscens tenetur ei veritatem aperire, & dare va-
loris iustum pretium, aliàs peccat, & obligatur ad restitutio-
nem. Non tamen eadem est ratio de eo, qui emit vineam al-
tenuis, in qua scit magnum thesaurum, & non manifestat, donec
emit, & possideat ipsum: hic enim licet id facit, nec tenetur
manifestare, ut habeat S. Thom. 2. 2. qu. 66. art. 5. ad secundum
& S. Iu. verb. inuentum, §. 2. & Soto lib. 6. quæst. 3. artic. 2.
E ratio est, quia, cum venditur vinea, vel emitur, sola plan-
ties est, quæ venditur, cum his, quæ supra sunt, non autem ea,
quæ subius sunt. Vnde pretium iustum inde est sumendum,
non ab his, quæ sub terra occulta sunt. Et quamuis ista senten-
tia non nihil habeat difficultatis, tamen teneri securè potest,
propter auctoritatem Doctorum.

De fraude, ratione modo vendendi.

CAPVT L.

Tertia radix, unde fraus oritur, est ex modo vendendi, vel
emendi, puta cum res emitur, aut venditur credito, aut
numerata pecunia. Ad quarum fraudum manifestatio-
nem, sunt tres regulæ, seu conclusiones notandæ.

Prima est, licet vendere rem summo pretio iusto, cum cre-
dito venditur, licetq; rem emere infimo pretio, cum vel nu-
merata pecunia, vel anticipata venditur. Explico, diximus su-
perius, esse tria pretia iusta naturalia vnius rei, summum, me-
dium, infimum. Dico ergo, quod potest venditor exigere sum-
mum pretium, cum credito vendit, quod non exigeret, si nu-
merata pecunia venderet. Rursus, licet emptori emere vilissi-
mo, & infimo iusto pretio, cum anticipata pecunia emit: cum
tamen res ista emeretur medio, vel summo pretio, si non
esset

effet talis anticipatio. In hac conclusione omnes conueniunt.

Secunda conclusio; Non licet supra totum iustum pretium vendere rem, quia creditò venditur; nec licet emere infra infimum pretium, quia anticipata pecunia emitur. In hac etiam omnes conueniunt: exemplo sint nobis duo abusus communes.

Alter est mercatorum, qui solent in fine nundinarum, cum res minus valet, propter inopiam emptorum, vendere suas merces creditò, exigendo pretium, quod valebat in medio nundinarum tempore, quod propter emptorum copiam multo maius erat: hoc iniquum est, & obligatur venditor restituere, nec excusatur, quia ipsi merces tanti stant, nec lucratur quicquam; quia, vt benè dicit Soto lib. 6. quæst. 4. art. 1. merces huic periculo ex se sunt expositæ, vt & minus, & plus valeant, & aliquando perdat, aliquando lucretur mercator; neq; semper debeat vendi tanti, vel pluris, quanti stant venditori ipsi.

Alter abusus est quorundam, qui videntes rusticos, & laborantes non valentes terras, & vineas suas colere ex inopia, subministrant pecunias, emendo, anticipata solutione, minoris, quam creditur res suo tempore valitura, & sic emunt frumentum vinum, & alia eiusmodi: quod quidem nullò modo licet, sed est vsura palliata, obligans ad restitutionem.

Tertia conclusio: Res tanti debet vendi, aut emi, quanti valet, aut valitura probabiliter creditur tempore, quo res ipsa traditur. Hæc conclusio est radix præcedentium, & per eam multorum casuum solutio habetur. Explico, aliquando non traditur simul res, & rei pretium, sed prius vnum altero, tunc pretium iustum sumendum est à tempore, quo traditur res, vt valeat tantum, quantum probabiliter valitura creditur tempore illo. Ex hoc patet solutio huius casus: Aliquis in mense Ianuario, cum modius frumenti valet, verbi gratia, tria scuta, emit frumentum tradendum mense Augusto; si creditur probabiliter, quod valebit tunc tria scuta potest modò emere, anticipata solutione, tribus scutis pretio taxato, & siue res minus, siue plus tunc valeat, nihil refert, sat est, quòd empta est probabili pretio tunc futuro, licet sit minus præfenti. Ita deciditur iste casus, capitulo nauiginti, de vsur.

Alius

Alius casus est: Mulci mercatores vehunt frumentum in urbibus ad aliquam ciuitatem, in qua valet modius sex aureis; accedente tamen tanta copia, valebit tribus: tunc, si vnus mercatorum hoc prouidens præcurrat, & citius præueniat & vendat tanto pretio, antequam alij venientes sint in causis diminutionis, licet id potest facere, nec admonere tenetur: vendit enim frumentum pretio tunc existenti, cum res traditur: de futuro enim non tenetur curare Ita habet S. Thom. 2.2. qu. 77. art. 3. ad 4.

Hoc etiam modo soluitur alius tertius casus. Si quis Princeps vellet taxare, & moderari mercium pretia; & v.g. post tres dies, diuulgabitur pretium, potest aliquis mercator hoc sciens, vendere merces maiori pretio tunc currenti ante illam taxationem, nec admonere futuri; non tamen licet ei, qui mandatum habet à Principe, vt tali tempore pretium taxet, differre donec suas merces vendat.

Soluitur etiam quartus casus. Aliquis vendit merces, soludas post sex menses, quæ quidem, futura est solutio, magis valebunt, quam modo, cum traduntur, non licet huic vendere pretio futuro, sed præsentii. Hoc tamen intelligitur, quando ille alias non erat seruaturus suas merces, vsque ad illud tempus; nam, si seruaturus erat, & precibus emptoris cogitur vendere, potest exigere pretium probabile futurum, & pacisci, licet postea minus valeant.

Et sic intelligendus est casus, capitulo nauiganti, de Vfur. vbi videtur absolute iste casus concedi, sed limitandus est, iuxta capitulum in ciuitate, de Vfuris, quando merces erant seruandæ, & ita tenet Soto libr. 6. q. 4. art. 2. quamuis Caietan. 2.2. q. 78. articul. 1. distinctionem metaphysicam imaginetur, quæ parum, aut nihil ad res morales has facit. Soto tamen loco citato, limitat prædictam regulam limitatione bona, & notanda. Sunt n. aliquot merces, quæ non possunt vendi, nisi a credito, alias n. non posset iustum percipi pretium; vt fit in serico apud Florentinum: vehitur enim magna copia serici: quod, si venderetur soluta pecunia, vilius iusto venderetur, propter paucitatem emptorum: ideo solet vendi credito alijs mercatoribus donec ipsi reuendant, & habeant unde soluant. In his pretium iustum potest exigi à tempore solutionis pecuniarum: quod enim probabiliter creditur tunc merces valituras, potest exigi, siue tunc plus, siue minus valeant. Rursus, sunt merces, quæ aliter vendit, autem inequeunt, nisi ali-

icipata solutione, quales, sunt merces lanarum: non enim aliter mercatores possunt eas habere, nisi anticipando solutionem, qua pastores possint pascere oves, & expensas suas facere. In his pretium iustum est sumendum à tempore solutionis, nō à tempore, quo lanæ traduntur. Hoc tamen non licet in alijs mercibus, nisi in his, quæ aliter contractari nequeunt.

De quibusdam dubijs.

CAPVT LI.

Dubium vnum occurrit, an liceat, cum res credito venditur, supra iustum pretium exigere lucrum cessans, ratione pecuniæ numeratæ: verbi gratia, est mercator vendens suas merces, quæ valent centum, si venderet numerata pecunia, exponeret negotiationi centum hæc, & lucraretur plura, an liceat exigere ab emptore illa centum, quæ merces valent, & lucrum cessans? Anton. 2. par. tit. l. i. cap. 8. §. 2. omnino negat, sed putat esse vsuram. Soto libr. 6. quæstio. 4. artic. dubitat; tamen inclinat in partem Anton. at Richardus & Caietanus, quos ipse citat, tenent licitum esse. Mihi videtur, cum distinctione procedendum. Aut enim venditor sponte vendit sua, aut rogatus ab emptore, cum alias ipse habeat emptores, qui emant numerata pecunia, modo priori non licet, posteriori verò licitum est: nam tunc videtur iam damnum emergens, cum iste posset merces numerato vendere, damnum autem mergens, vt superius diximus, potest exigi.

Aliud dubium est, an liceat supra istud pretium exigere aliquid ab emptore, ratione periculi, cui exponuntur merces, cum credito venduntur, certior enim habetur pecunia præsens quam futura. Medina C. de restitutione, quæstio. 38. tenet licitum esse. Conrad. verò, quæstio. 58. de contract. & Soto, loco citato, negant. Concedunt quidem posse exigi aliquid ratione expensarum, quando timentur dictæ expensæ probabiliter futuræ; vt, qui vendit homini solito non soluere, quin prius coram iudice sæpè compareat, potest ultra pretium mercium aliquid exigere, ratione periculi probabilis expensarum: tamen propter nudum periculum, quod in ipso credito est, non licet. Hoc mihi videtur securius, & tenendum: nam

alias

aliàs aperiretur porta ad vsuras: posset enim tunc in omni mutuo aliquid exigi, ratione periculi talis; & tunc vsura suum consequeretur intentum.

De emptione cum pacto retrouuendendi.

CAPVT LII.

Quarta radix, vnde oritur fraus in emptione, & venditione, est; cum res non simpliciter venditur, aut emitur; puta, cum sic venditur, quod obligatur emptor, quoties suam accipiat pecuniam, iterum reuendere rem venditori, & hic contractus dicitur emptio, seu venditio cum pacto retrouuendendi, & licitus est ex se, & solet etiam apponi conditio, vt nisi intra sex, vel tot annos venditos redimat, sit emptoris omnino: & hoc etiam licitum est. Res autem sic empta minus valet, quam cum emitur simpliciter, & sine pacto: nam emitur res cum tali onere, quamuis minus sit istud onus, cum apponitur prædicta conditio, vt redimatur intra tot annos, aliàs, redimi non possit. Ad iustitiam huius contractus duo exiguntur.

Vnum est, vt qui emit, intentionem habeat emendi; nam aliàs esset vsura, & mutuum virtuale cum lucro: nam accipit capitale postea, & lucrum rei emptæ: & maximè cognoscitur intentio emendi, cum ob necessitatem fit. Aliqui etenim volentes vilius emere, quia non aliter possunt, tali vtuntur contractu; hic autem in immobilibus fit rebus, vt domibus, vineis, &c.

Alterum est, vt, cum reuenditio fit, non plus accipiatur a venditore, quam fuit, quod ei datum fuit. His stantibus duobus, non est fraus in huiusmodi contractu.

De negotiatione.

CAPVT LIII.

Negotiatio quædam emptio est: est enim emptio ad reuenditionem rei inuariatæ ordinata. Emere enim ad reuendendum, est negotiari, non quocumque modo: nam aliqui emunt rem, sed non, vt emunt, vendunt, sed mutando

quando rem; vt, qui emit ferrum, & vendit clauos, emit lignum, & vendit scamna. Hoc autem non est negotiar: est emere rem, & ipsam sic manentem vendere; vt, qui emunt vinum, frumentum, mel, vt iterum vendant. Negotiatio necessaria est in republica: non enim omnes regiones abundant omnibus; sed in quibusdam hæc, in alijs illa alia reperiuntur: vnde conueniens fuit, esse homines, qui ab vno loco in locum alium transportarent rem eam, quæ ibi esse non potuit, nisi per negotiationem. Potest autem fieri illicita negotiatio multis modis.

Primò, ratione finis: Negotiatio enim propter solum lucrum turpis est, vt habet S. Thom. 22. quæst. 37. art. 4. Lucrum enim, nisi in finem bonum ordinetur, ex se bonum non est negotiari ergo propter ipsum solum, & non propter sustentationem familie, vel alium bonum finem, peccatum est ex se veniale.

Secundò, ratione personarum: non enim clericis licet negotiari, vt habetur dist. 88. per totam.

Tertiò, ratione eorum, cum quib⁹ negotium fit. Est etenim mortale peccatum, & excommunicatio in Cerna Domini, vendere Turcis, & fidei inimicis arma, ferrum, puluerem, ligna, & alia huiusmodi, quæ ad bella necessaria sunt.

Quartò, ratione temporis: non enim in diebus festis negotiandum est, vt habetur c. 1. de ferijs.

Quintò, ratione loci: non enim in templis, & locis sacris negotiandum est: quod Dominus significauit, cum euentes, & vendentes flagello eiecit à templo. Ita habetur c. decret. de immunit. Ecclesiarum, in 6. vnde, si essent nundinæ, & aliæ negotiationes tumultuariæ, esset mortale in templo negotiari, aliàs esset veniale.

Sextò, est illicita negotiatio, quando fit in communis detrimentum, solent enim aliqui ex frumento necessario ad communis vsum, aut ex vino, vel oleo, aut alijs emere, ad conseruandum, vt alio tempore vendant: vnde in causa sunt, vt sit eorum inopia, neque inueniant pauperes, vnde emant ad sui sustentationem, & sic mirum in modum augentur pretia. Talis negotiatio est pessima, & nocua Reipublicæ, essentque huiusmodi homines relegandi. Quando verò esset magna abundantia, vt etiam abundarent post satisfactionem cuiusque necessitatis, posset tunc talis negotiatio licita esse; aut quando aliquis ex proprijs terris illa colligeret, liceret seruare in aliud

in aliud tempus. Similiter etiam licitum est emere ab his, qui necessitate aliqua vendunt, nec habent facile emptores, ad iterum reuendendum, vt Romæ faciunt Iudæi, & in alijs locis multi faciunt, ementes libros, & vestes veteres, & alia huiusmodi.

Septimò, potest esse negotiatio illicita in pretio. Quamuis enim liceat illis negotiatoribus plus exigere pro mercibus, quam sibi in alijs locis, vel temporibus steterint, ratione modi vendendi, quia per minutum vendunt, vel ratione laborum, & expensarum, tamen non licet immoderatum exigere pretium, supra id, quod tali loco communis æstimatio recipit, nec excusantur aliquando, quod sibi tanti merces steterint: nam, vt supra diximus, his periculis exposita debet esse negotiatio. Aliquando etiam sunt inutiles, & imprudentes expensæ, & harum ratio non habenda est in augendo pretium. Vide de negotiatio-
ne Soto lib. 6. q. 2. art. 2. & Summistas, verb. negotiatio. Atq; hæc satis dicta sint de fraude.

De mendacio.

CAPVT LIV.

ALIÆ tres filię Auaritiæ supersunt, nempe periurium, fallacia, mendacium. De periurio autem diximus facis in octauo præcepto, lib. 5. Instr. Fallacia autem est fraus in verbo, vt diximus superius, & de hac ferè eadem, quæ de fraude dicenda sunt: cum enim est in damnum notabile proximi, mortale est; secus, est veniale vt plurimum. De mendacio autem nunc pauca dicenda sunt, nempe, quid mendacium, quotuplex, & quale peccatum. Mendacium potest sic describi: *Verbum falsum cum intentione fallendi.* In primis dicitur, *Verbum*, nam mendacium propriè est peccatum oris: & per verbum, non solum vocem, sed scripturam, quæ loco vocis datur, intelligimus.

Rursus dicitur *falsum*, vbi nota, quod verbum dupliciter potest dici falsum.

Vno modo, quando aliter per ipsum enunciatur res, quam ipsa sit in se; vt, si quis dicat, Papa non est Romæ, falsum dicit verbum; nam non enunciat rem, vt est, cum verè sit Papa Romæ.

Altero modo dicitur falsum, cum aliter enunciat res, quam homo, qui profert verbum in suo corde, existimat; vt, si ego putans Romæ esse Papam, dicam Papa non est Romæ, dico falsum. Et aduerte, quod aliquando stat dicere falsum modo priori, & non hoc posteriori: si enim ego putans Papam non esse Romæ, cum tamen sit, dicam: Papa non est Romæ, dicā falsum modo priori: non posteriori. In hac igitur definitione solum sumitur modoposteriori: non enim est mendacium dicere, quod non ita est, sed dicere aliter, quam homo putat, siue sit, siue non sit ita in re: ob id dicitur mentiri, quasi contra mentem ire.

Tertium verbum est *cum intentione fallendi*: Qui enim aliter, quam sentit, proloquitur, alterum fallit, & fallere intēdit: non etenim sic profert, nisi vt diuersam opinionem in animo alterius genere: hoc autem est fallere.

Est autem mendacium triplex, perniciosum, officiosum, iocosum.

Perniciosum est, quod est in damnum, & detrimentum alicuius.

Officiosum, quod potius est in vtilitatem alicuius.

Iocosum, quod nec in detrimentum, nec vtilitatem alicuius est.

Dico ergo primò, omne mendacium, vniuersaliter loquendo, est peccatum, ipsum etiam officiosum, quod videtur mendacium minus culpabile, adhuc est peccatum.

Dico secundò, omne etiam mendacium, si cum iuramento fiat, est peccatum mortale: est enim periurium, quod in quacūque materia est mortale.

Dico teritiò, perniciosum mendacium ex genere suo est mortale, & de facto etiam est mortale, nisi excusetur leuitate materie: cum enim est leue detrimentum, sit veniale: aut etiam nisi excusetur in deliberatione: quando enim homo non fuit plene compos sui in mendacio tali proferendo, etiam est veniale.

Dico quartò, mendacia officiosa, & iocosa esse venialia, si sunt sine iuramento.

De Luxuria filiabus.

CAPUT LV.

Quia in lib. 5. instructionis, supra sextū præceptum, multa diximus de luxuria, ob id super sedendum huic tractatui censemus: solum dicam de filiabus ipsius, quas illic prætermisimus; de quibus vide S. Thom. 2. 2. q. 113. ar. 5. & Gregor. lib. 31. moralium. Hæ autem sunt octo, nimirum cecitas mentis, præcipitatio, inconsideratio, inconstantia, amor sui, odium Dei, amor huius mundi, horror futuri sæculi.

Pro quarum intelligentia aduerte; Primo, animam nostram quamvis vna sit, habere varias potentias, tam cognitivas, quibus cognoscit, quam appetitivas, quibus appetit; maxime autem hæ in duas diuiduntur partes, & in potentias superiores, puta intellectum, & voluntatem, & inferiores, puta sensus corporis; tam interiores, quam exteriores, & appetitus hos sensus consequentes. Cum autem omnes hæ potentie in vnica fundentur, seu ab vna moueantur a anima, sit, vt, dum intensè vna potentia operatur erga suum obiectum, altera nullo modo, aut remissè operetur erga suum. Hoc experientia ostendit: Auditum enim multum occupata in audiendo, visus vix videt quæ sunt ante se: similiter sensu interiori occupato in imaginando, sensus exterior nullo modo, aut remissè sentit. Hoc etiam fit respectu potentiarum superiorum: cum enim istæ occupatæ sunt, inferiores parum sunt suis obiectis intentæ; & contra, his multum erga res corporeas intentis, superiores turbantur, & vix erga sua obiecta operantur.

Aduerte secundò, quanto potentia magis delectatur in obiecto, tanto intensius, & fortius operatur erga ipsum: & consequenter alie potentie remissè operantur, & rapiuntur ab illa. Cum igitur, inter omnes corporeas delectationes, primum locum obtineat carnalis, & luxuriosa delectatio, hinc est, quòd ipse facit partem sensitivam, & corpoream fortissimè, & intensissimè intentam in tali obiecto, vnde delectatio procedit: parte autem hac multum occupata in suo obiecto, consequens est, vt superiores potentie perturbentur, & ratio remissior fiat, & debilis in operando, ex eo, quòd rapitur, & absorbetur ab inferiori parte. In hac ergo turbatione rationis, & remissione

sione consistunt filia luxuriæ. Est enim duplex potentia superior, intellectus, & voluntas. Intellectus autem ipse quatuor habet actus.

Primus est, simplex consideratio, qua apprehendit finem bonum, & secundum rationem.

Alter est, consilium, quo disquirat media, quibus consequendus est finis.

Tertius est, iudicium, quo iudicat de vnoquoque qualis sit.

Quartus est, imperium, quo voluntati ea, quæ facienda sunt, proponit, ut ipsa præcipiat potentijs executiuis, ut faciant.

Omnes hi quatuor actus turbantur ex ipso raptu potentiarum inferiorum. Intellectus enim fit ineptus ad considerationem finis boni, dum rapitur ad cogitanda, quæ carnis delectationem faciunt, & hæc est cæcitas mentis.

Rursus fit ineptus ad consultandum de medijs ad finem bonum, & hæc est præcipitatio, qua homo non curat ut consilio in bonis, ex mentis occupatione in carnalibus.

Rursus remittitur iudicium, & examen rei, dum non curat, quale sit, quod faciat, & hæc est consideratio.

Rursus fit debilissimus homo ad exequenda bona apprehensa, & cognita, nec vires in eo habent bona proposita, quæ aliquando proponit facienda: & hæc est inconstantia. Omnes hæc filia sunt contra quatuor præcipuos actus prudentiæ enumeratos. Vnde bene dixit Aristot. 6. Ethic. quod intemperantia destruit prudentiam: est enim præcipua intemperantia, luxuria. Hinc sequitur, quam perniciosum sit hoc vitium hominibus contemplatiuis, Rectoribus, Gubernatoribus, Regibus, Principibus, Iudicibus, literatis, & his, qui maximè prudentia vtuntur, & intellectu.

Ex parte etiam voluntatis sunt alia filia. In voluntate enim sunt duo actus: est volitio, qua homo vult bonum finem; & volitio, qua vult media ad talem finem. Hæc etiam duo turbantur.

Nam rapitur voluntas ad volendum, quod sensus vult, & peruertitur finis bonus: & hinc insurgit amor sui, dum homo, quæ sibi delectabilia sunt, vult; & consequenter est odiū Dei, id est, quædam auersio animi à Deo, quæ, si perueniat ad consensum plenum, ut odio habeatur Deus, est mortalissimū peccatum.

Rursus rapitur etiam voluntas ierga media, ut ea velit, quæ

ad propriam delectationem carnis ordinantur, & hinc insurgit amor sæculi, & mundi huius, & futuri horror, quo ei displicet futura vita, dum vellet permanere in mundo, in quo delectationes suas habet. Atque hi actus, si plenus consensus voluntatis sint, sunt mortalia; si verò imperfecti quidam actus, & ineliberati, venialia. Priora verò circa intellectum tunc sunt mortalia, aut quando finis vltimus in creatura ponitur, aut quando prætermittitur ex inconsideratione, aut præcipitatione, aut alijs aliquod diuinum mandatum. Hæc sufficiant de his filiabus.

De Ira, quid, & quotuplex sit.

CAPVT LVI.

Quartum vitium capitale est Ira: hæc autem potest sic describi. *Est appetitus vindicte.* In cuius gratiam aduertere, iram non solum homini, qua parte homo est, & animam habet rationalem, conuenit, sed etiam ratione partis sensitivæ, in qua cum animalibus alijs conuenit; unde ira, quæ in alijs animalibus reperitur, etiam homini conuenit.

In ira ergo communi hominibus, & animali, hæc tria reperiuntur.

Est primò apprehensio alicuius mali illati, difficilis ad repellendum: non enim animal irascitur, nisi cum sensu percipit aliquod malum sibi illatum, vel proximè inferendū, quod non potest facile repellere à se.

Secundo, est quædam sanguinis ebullitio, & feruor circa cor: cum enim congregantur spiritus vitales in corde, ad adiutorium ipsius animalis, contra malum illatum, sanguis, aduentu spirituum calidiorum, feruet, & ebullit.

Tertio, est quidam appetitus, seu potius appetitio inferendi malum ei, à quo est sibi malum illatum: & hoc quidem ad releuandum malum illatum; & hoc tertium propriè est ira: ob id, definita est, *appetitus esse vindicte*: hæc ira est irrationalis, quæ quidem contingit homini in parte sensitiva, aliquando ipso nolente, & contradicente. Altera ira est soli homini propria, quæ in parte rationali, putà, in voluntate accidit, & in hac duo concurrunt.

Alterum

Alterum ex parte intellectus, puta, perceptio alicuius mali, & iniuriæ illatæ.

Alterum ex parte voluntatis, puta, volitio repellendi tale malum, & inferendi malum ei, à quo malum sibi illatum est: atque hæc volitio, quæ dicitur appetitus rationalis vindictæ, dicitur, & est ira; quæ quidem, vt plurimum coniuncta est cum ira sensus, & motione corporis: non enim mouetur pars superior, quin pars etiam inferior, & sensitiua moueatur. Dicitur ira ab eundo, quasi homo per iram extra se eat: vnde, quiescere ab ira, dicitur in mentem redire.

Huius iræ solent tres species assignari ab Arist. 4. Ethicor. & Damascen. libr. 2. de fide, cap. 16. & S. Thom. 2. 2. quæst. 158. & ab alijs communiter. Species autem sunt hæc, ira, iracundia, & furor.

Ira, dicitur appetitus vindictæ, citò insurgens, & citò etiam desinens: sunt enim homines, qui facili ex causa irascuntur vehementer, & citò sedantur; & isti dicuntur ab Aristot. acuti: & inter animalia bruta, aliqua sunt similis conditionis.

Iracundia verò, est ira permanens, vnde dicitur à Damasceno, *μῆνις*, à verbo Græco, *μῖνω*, id est, maneo quasi manens, quia homo diu permanet in apprehensione mali illati, & appetitu vindictæ. Et hos vocat Aristot. amaros: & inter animalia sunt alia, quæ huiusmodi sunt, & hæc memoria pol-
lent.

Furor verò est, quando manet quidem memoria mali illati, sed appetitus vindictæ nequaquam insurgit, nisi tempore conuenienti, cum se potest homo vindicare: & dicuntur hi ab Aristot. difficiles: & inter animalia sunt multa huiusmodi, & maximè illa, quæ astuta & generosa sunt.

Quando Ira sit peccatum.

CAPVT LVII.

ADuertendum est, iram, quæ in parte sensitiua hominis est, ex se non esse peccatum, cum non sit ex libertate procedens; nec etiam est meritoria, ob eandem causam. At verò, cum consensus hominis accedit, seu ex consensu voluntatis procedit, tunc potest habere rationem boni, vel mali, sicut ira rationalis.

Vnde aduertant homines cholericī, quo citō inflammantur, & prorumpunt in appetitus vindictæ irrationabiles, & inordinatos, quōd non peccant, saltem mortaliter, nisi cū voluntas liberē consentit, aut cū sunt ita negligentes, vt, cū possint frānare tales appetitus, nō frānent, nec cohibeant. Dixi autem iram habere rationem boni, vel mali, cū ex libera voluntate est, quia non semper ira est peccatum: aliquando enim est virtus, cū secundū rationem rectam irascimur contra dēmonem, à quo malum accepimus. Irascimur autem inferendo ei malum, dum in nullo ei acquiescere decernimus. Irascimur etiam contra peccatū, ipsū à nobis relegare conantes. Aliquando ira est peccatum, & hoc in quinque maximē casibus.

Primō ex parte eius, cui irascimur, cū non est dignus illo malo, quod per iram volumus ipsi inferri.

Secundō, cū, etsi dignus est malo, tamen non tanto.

Tertiō, cū, etiam si tanto dignus sit, tamen præter ordinem inferri volumus; vt, qui per se ipsum mortem vult inferri occisori fratris sui: quamuis enim dignus sit, tamen non est rectus ordo talis.

Quartō, quando, etiam si omnia ista seruentur, tamen non est debitus finis: non enim ex iustitiæ zelo, vel amore virtutis, sed potius ex odio personæ id volumus. In his quatuor casibus ira est mortale peccatū ex genere suo: & verē est mortale, cū est materia grauis, nec deest plenus rationis consensus.

Quintō, his quatuor seruatis, puta, quōd subiectum sit dignum malo, & tanto, & seruetur ordo, & finis, adhuc potest esse peccatum iræ ex parte motus sensitiuæ partis, cū est nimia perturbatio; & hoc ex se veniale est.

De filiabus Iræ.

CAPVT LVIII.

IRÆ sex habet filias, indignationem, timorem mentis, clamorem, contumeliam, blasphemiam, seu maledictionem, & rixam, In quarum declarationem aduerte, iram tres habet status.

Primus enim concipitur interius tantū.

Secundus exterius aliquo signo manifestatur.

Tertius ad opus pertinet, in quo vindicta consistit. Hi status signifi-

significantur Matth. 5. per illa verba, *qui irascitur fratri suo, qui dixerit; racha*, hæc enim vox, interiectio est iram manifestantis, *qui dixerit; fatue*. iam enim per tale verbum iniuria afficitur frater. Ratione horum, duas habet virtutes contrarias.

Nam ira interior opponitur mansuetudini: hæc enim virtus frangat motus, & concitationes, & appetitus interiores ad vindictam, ne insurgant, aut immoderate insurgant.

Rursus ira opponitur clementiæ, ratione exterioris actus: clementia enim animum iam concitatum cohibet, ne exterius procedat ad vindictam: vnde Cicero dixit, animus concitatur ad puniendum, per clementiam retinetur. Qua parte ergo ira interius consistit, duas habet filias, indignationem, & mentis tumorem.

Indignatio est, qua homo indignum reputat sua familiaritate, & colloquio eum, à quo malum accepit, & hæc mortale est in tribus casibus.

Primus, cum in tantum proceditur, vt homo paratus sit non iuuare proximum illum, etiam in his, in quibus tenetur de præcepto.

Secundus, cum adest contemptus interior personæ.

Tertius, cum scandalum notabile sequitur ex tali subtractione ab amicitia, & conseruatione. Extra hos casus, est veniale.

Tumor mentis, est audacia quædam, qua homo insurgere audet, ad vindictam sumendam, ex qua variaz cogitationes in mente sequuntur, quibus homo cogitat modum vindictæ, & iuxta peccatum, quod est in vindicta, sic etiam erit in hoc tumore.

Qua parte verò ira in signo exteriori consistit, oriuntur tres filiae.

Clamor, qui est inordinata, & confusa loquutio, & ex se veniale est, nisi ob scandalum fiat mortale.

Contumelia, id est, verbum iniuriosum.

Blasphemia, id est, maledictio in Deum, vel proximum: de quibus dixi in instructione satis.

Qua parte autem ira est in opere, habet filiam rixam, sub qua est bellum, & vulnera, & contentiones, & alia huiusmodi. Hæc sufficiant de Ira.

De Gula, quid sit, & quæ eius species.

CAPVT LIX.

Q Vintum capitale vitium, est gula. Hæc autem sic describi potest: *Est appetitus inordinatus cibi, & potus.* Cibus, & potus ad corporis sustentationem ordinantur; quando igitur isti sumuntur propter hunc finem, modo, & circumstantia debitis, non est vitium, sed potius virtus. Quando verò aliquid horum prætermittimus, tunc inordinatio fit, & est vitium gulæ.

Hæc autē gula, vt habet Greg. 20. lib. moralium, & S. Thom. 2. q. 148. quinquupliciter committitur.

Primo, circa substantiam cibi, & potus, cū præter modum sunt pretiosa, & lauta.

Secundo, circa quantitatem, cū quis vescitur, vel bibit supra id, quo indiget.

Tertio, circa qualitatem, cū cibos delicatos nimis, & exquisitos querit.

Quarto, circa ipsam delectationem gustus, cū nimis commacet in gustus delectatione.

Quinto, circa tempus, cū indebito tempore sumuntur cibi, & potus.

Huius gulæ duæ sunt species.

Alterā, quæ in cibo immoderato consistit, & dicitur comestatio, & crapula.

Alterā, quæ in immoderato potu, & dicitur ebrietas: de quibus meminit Paulus ad Galat. 5. ponens has inter opera carnis.

Quale peccatum sit Gula.

CAPVT LX.

G V L A, tam quæ in cibo, quàm quæ in potu consistit, in sex casibus est mortale peccatum.

Primo, quando aliquis in his ponit vltimum finem, iuxta illud Pauli; *Quorum Deus venter est*: nimirum, cū homo nihil querit aliud, quàm comedere, & bibere; ita vt potius sit paratus committere quodcumque peccatum, quàm pati defectum in cibo, & in potu.

Secun-

Secundò, quando ex appetitu cibi & potus homo prætermittit id, quod ex aliquo præcepto tenetur facere; vt, qui diebus prohibitis vescitur carnibus, & diebus ieiunij non seruat ipsum; & qui, vt cibus lautis & pretiosis fruatur, se facit impotentem ad debita soluenda creditoribus; aut non succurrit grauib; vel extremis necessitatibus proximorum; aut filias in debito statu non collocat.

Tertio, cum damnum aliquod notabile corporis sibi infert, vt, qui ob nimium cibum vel potum incidit in febrim: vel alteri, & sic ministrat causam: & hoc, si aduertenter facit, aut saltem cum debuisset aduertere: nam si expertus est sibi talem cibum, vel alteri multum nocere, quamuis non aduertat, à culpa non excusatur. Quando verò damnum non est graue, tunc erit veniale; vt, infirmus patiens febrim, si bibat aquam, quam scit futuram causam alicuius augmenti, solum venialiter peccat, sicut etiam, qui ei ministrat.

Quarto, quando graue scandalum datur proximo: vnde si alij grauiter scandalizentur ex cibi vel potus alicuius superfluitate, tenetur sub mortali cauere à tali gula: de quo scandalo dicebat Paul. se non manducaturum carnes in æternum, si sciret fratrem suum inde scandalum accepturum.

Quinto, quando cibus vel potus est contra naturam: vnde, vesci carnibus hominis, aut humanum bibere sanguinem, mortale peccatum est, vt habet Caiet. 2.2. q. 148. art. 2. & Nauarr. in summ. c. 23. nu. 130. Esset tamen hoc licitum ob infirmitatem, vel in graui aliqua necessitate, cum iam homo occisus inueniretur: non tamen liceret occidere propter hoc, in nullo casu. Ita limitant præfati Doctores.

Sextò, quando timetur probabiliter ex nimio potu aliquod peccatum mortale; vt, qui se scit multum in luxuriam procliuem, & peccare, cum modum non seruet, tunc mortale peccatum est gula. Si quis tamen cognoscat esse nocturnam pollutionem passurum ex potu vel cibo inordinato, si non assumeretur hoc sine, & propter talem pollutionem, cibus, non esset mortale, sed veniale, vt auctores diximus in 6. præcepto. In his casibus est mortale, in alijs veniale, vt plurimum est peccatum, vt communiter docent Theologi &

Summistæ, verb. gula.

De ebrietate, quale sit peccatum.

CAPVT LXI.

CIRCA ebrietatem, id est, actum illum, quo quis in potu vitur, ut usum rationis ad tempus perdat, sunt aliqua dicta notanda.

Primum est, quando aliquis sciens se usum rationis perditurum, seu in ebrietatem venturum, adhuc potum talem sumit, mortaliter peccat. Ita habet S. Thom. 2. 2. quæst. 150. art. 2. quia damnum notabile sibi infert, nempe amissionem rationis.

Secundum, quando sciens alterum in eandem ebrietatem lapsurum, ei potum ministrat etiam ob eandem causam, mortaliter peccat.

Tertium, quando aliquis expertus est aliàs se, vel alitè, quoties tanto, vel tali potu vitur, inebriari, peccat mortaliter sumendo, vel ministrando.

Quartum, quando hoc fine, nempe, ut inebrietur, aliquis potum sumit, vel alteri ministrat, mortaliter peccat.

Quintum, quando ebrietas non est perfecta, sed imperfecta, quæ turbat aliquo modo rationem, sed non omnino, tunc est graue veniale. In his omnes conueniunt: sunt tamen aliquor dubiola.

Vnum est, an liceat ob sanitatem inebriari. Paucos puto casus, in quibus ebrietas ad sanitatem obtinendam necessaria sit, tamen si aliquis sit, dubitatur, an liceat talem sumere, vel ministrare potum. Ang. verb. ebrietas, tenet, non licere, sed esse mortale. At Sylu. verb. ebrietas, & Caiet. 2. 2. qu. 150. art. 2. tenent licere. Mihi videtur, cum Sylu. & Caiet. dicendum, licitum esse, ad tempus velle amittere usum rationis, ut postea melius & diuturnius possit recuperari: tamen id licitum erit duabus positis conditionibus.

Prima est, ut alia via, vel medicina non possit recuperari salus.

Altera est, ut in illa ebrietate non timeatur aliquod damnum, puta, quod ebrius blasphemet, vel aliud committat malum: tunc enim non liceret, aliàs esset licitum hoc.

Alterum dubium est, an actus mali, quos ebrius facit in ebrietate existens, sint peccata; ut si fornicetur, si occidat, vulneret, &c. Ad hoc respondent S. Thom. 2. 2. qu. 150. art. 4. Caiet. verb. ebrie-

ebrietas, & ibidem Sylu. Et responsio in his consistit. Quando ebrius citra culpam suam factus est ebrius, tunc nullam contrahit culpam, per quoscumque actus malos in ebrietate factos. Quando culpabilis fuit ebrietas, tunc, si solitus erat alias inebriari, esse furiosus, & vulnerare, vel blasphemare, vel simile facere, tunc peccat, non solum ebrietatis peccatum, sed etiam alia peccata noua, quæ probabiliter timebatur in ebrietate: & tunc iste peccat, quando etiam peccat ebrietatis peccatum, siue fiat postea, siue non. Et dicit Sylu. quod si occidat in ebrietate, sit irregularis, quando solitus erat alias esse furiosus, vt diximus: quando verò non erat solitus talia mala facere, nec timebatur, tunc non sunt noua peccata, sed ebrietatis peccatum sit grauius.

Aliud dubium est, si validi sunt contractus ebrij. Sylu. verb. ebrietas, responder, quod non, & ita est: vnde nec valet matrimonium, nec alij contractus; nec, qui in ludo luctantur ab ebrio, possunt lucrum retinere, sed tenentur ad restitutionem: ebrius enim, tempore ebrietatis reputatur vt amens.

De filiabus Gula.

CAPVT LXII.

Quinq̃ sunt filia gula, de quibus vide S. Thom. 2. 2. qu. 148. puta mētis hebetudo, inepta laticia, multiloquium, scurrilitas, & immunditia.

Mētis hebetudo potius pœna est quàm peccatum; sit enim ingenium hebes, & ineptum ad percipiendum & iudicandum ex nimio cibo & potu. Ellēt quidem peccatum, quando homo aduertenter ita fieret ineptus, vt non posset vacare his, quæ præcepto tenetur facere, vt habet Ang. verb. hebetudo; vt, si medicus deberet tali tempore studere pro aliqua re graui & infirmitate necessaria, & ipse se ita replet, vt non posset attendere. Similiter de Aduocato & Concionatore dicendum est in his casibus vigentibus.

Altera filia est, inepta laticia, qua homo congaudet in his, quæ nullam delectationem ex se sunt apta facere. Etiam hæc ex se veniale peccatum est, nisi sit materia mala, & quæ faciat mortale.

Tertia est, multiloquium, & loquacitas, quæ ex se veniale est,

est, nisi sit mista cum contumelijs & infamijs cōtra proximum vel blasphemijs contra Deum.

Quarta est, scurrilitas, nempe verba vel facta inhonesta, vel ad risum prouocantia. Et hæc, si fiant causa delectationis venereæ, mortale peccatum est; si verò solum ad risum prouocandi veniale graue est.

Vltima est immunditia, qua quis vsque ad vomitum velscurtur, & hæc est veniale: quamuis enim aliquis vsq; ad vomitum velscurtur, vel bibat, nisi sequatur aliquod damnum notabile corporis, vel scandalum, non est mortale: immò etiam, quamuis aduertenter hoc faciat, vt euomat, vt Caiet. verb. gula, & Nauarr. cap. 23. num. 127. dicunt, contra Angel. verb. gula, qui contrarium tenet.

De inuidia, & quid sit.

CAPVT LXIII.

Sextum capitale vitium est Inuidia. Hæc autem sic describitur à S. Thom. 2. 2. q. 36. *Tristitia de alieno bono, in quantum propriæ excellentiæ est diminuiuum.* In qua descriptione sunt duæ partes.

Altera est, *tristitia de alieno bono.* Est enim inuidia vitium, quo bonum proximi nobis displicet, & de ipso tristamur, volentes non esse tale bonum: non tamen quæcumque huiusmodi tristitia est inuidia, sed quæ procedit ex hac causâ, & motiuo, nimirum, quia nobis videtur per bonum alterius nostram gloriam & excellentiam minui, dum nobis æquale fit maior per tale bonum: ob id additur posterior illa pars in definitione, vt *propriæ excellentiæ est diminuiuum.* Est enim inuidia inter æquales, vel eos, qui ferè æquales reputantur: ob id dicitur inuidia, quasi non videre: inuidus enim non vult alterius videre bonum, nec ipsum inuidiosum coram se, ne bonum, quod displicet, videat. Aduertendum autem est, quod multipliciter contingit aliquem tritari de bono alterius.

Primò quidem, quia aliquod malum inde prouenturum putat; vt, qui dolet de electione alicuius in dignitatē, quia sibi mors vel damnum aliquod inde proueniet, & hæc tristitia est affectus, seu effectus timoris.

Secundò, tritari potest aliquis de alterius bono, quia ipse

caret eo; vt, quia videt hominem doctum, tristatur de illo bono, non quia in altero sit, sed quia ipse eo caret: & hæc tristitia est æmulatio.

Tertiò tristari potest de bono alterius, quia cum tali bono indignum iudicat; vt, qui tristatur de malorum prosperitate temporali, quia indigni sunt: & hæc est indignatio. De quibus vide Arist. 2. Rhetor.

Quartò, potest tristari, quia malum illi vult: quando enim volumus alicui malum, bonum eius nobis displicet, & hoc est odium.

Quintò, potest tristari de bono alterius, vt propriæ excellentiæ est diminutiuum: & hæc tristitia inuidia est, vti diximus.

Sextò, potest tristari, quia illi maius bonū vult, vt, tristantur boni de bono temporali malorum, quando illis occasionē ad peccatum futuram vident: & hæc tristitia ex charitate est.

Septimò, potest esse huiusmodi tristitia ex iustitia; vt, qui dolet de beneficio collato indigno, quia iniuste datum est: & hæc ex zelo est. Cum ergo multis modis accadat tristari de bono alicuius, vno tantū contingit inuidia; ob id in definitione duæ partes positæ sunt, prior communis est alijs præter inuidiam; posterior autem propria est ipsius.

Quale peccatum sit tristitia ex timore.

CAPVT LXIV.

NON solum de tristitia, quæ inuidia est, sed de alijs etiam oportet considerare, qualiter se habeant. Illa ergo tristitia de bono alterius, quia inde malū timemus, quod ad timorem pertinet, aliquando est peccatum, aliquando non; ob id, sunt notanda tria dicta.

Primum est, quando timemus malum iniuste inferendum ab alio, ob bonum ipsi collatum, & nobis certum est tale malum prouenturum, iustum est tristari: vt, eligitur in iudicem homo, qui committit iniustias multas, & mihi probabile est commissurum esse, licet mihi tristari de tali potestate ei data. Ratio & signum huius est, quod si ego haberem potestatem priuandi tali potestate illum, in tali causa liceret: Licetum ergo est, tristari de bono alicuius, quo licite possemus eum priuare.

fin

si in nobis esset potestas, ob illam causam, propter quam tristamur, vt dicit Caie. 2.2. q. 36. ar. 2.

Secundò, quando malum, quod timemus, iuste ab illo inferendum est, tunc tritari de bono, malum est, v.g. Eligitur in iudicem homo rectus, qui vitia exterminabit, & castigabit malos iusta pœna, si quis ob timorem tritaretur de potestate illi concessa, malè faceret: quamuis enim liceat timere ipsum malum, non tamen licitum est ob timorem hunc, displicere, & tritari de bono illius; sicut neq; liceret ob id priuare illum tali bono. Huiusmodi autem tristitia, si esset ex consensu voluntatis pleno, & esset de magno bono, esset peccatum mortale, sicut inuidia, vt dicemus.

Tertiò, quando malum timemus, iniuste quidem inferendum, tamen non est nobis certum, tale malum prouenturum sed leui suspitione colligimus, tunc talis tristitia est mala, sicut esset malum etiam, in tali casu priuare illum tali bono. Per hæc possumus iudicare in alijs multis casibus similiter.

De æmulatione.

CAPVT LXV.

A Emulatio est tristitia de bonis alterius, quatenus non eo priuati sumus vt diximus. De hac autem tria etiam dicta sunt notanda.

Primum est, cum bona, quæ æmulamur, sunt spiritualia, & ad animæ salutem pertinentia, talis æmulatio sancta est & laudanda: vt, video hominem pœnitentem, deuotum, religiosum, contristor ex tali bono, non quia in illo sit, sed quia in me non est, hoc licet, immò laudatur à Paulo 1. Cor. 12. *æmulamini charisimata meliora*, 1. Cor. 14. *sectamini charitatem, æmulamini spiritualia*.

Secundum, quando bona, de quibus tristamur, sunt temporalia: si nobis sunt proportionata, licitum est tritari, sicut etiam licitum esset desiderare talia: vt. grat. aliquis non habet, quo possit familiam sustinere, videt alios sibi æquales habere, tritatur de hoc, quia simili sustentatione priuatur, bonum hoc est.

Tertium, quando bona sunt temporalia, sed homini tali improporcionata, tunc tritari bonum non est, sicut neq; desiderare, vt, si mediocris homo tritetur, quia non est Rex, quia

non est Papa, & hoc veniale est ex se. Quando autem appetuntur in malum finem temporalia tunc tristitia omnis mala est, & tantum peccatum, quantum est desiderium talium bonorum ob illum finem.

Indignatio autem est, quia tristamur de bono alicuius, quia indignus est tali bono: & hoc locum habet in temporalibus. Et attende, quod non loquimur, quando ista indignatio est contra iniustitiam, & qui dolet ob hoc, dolet, quia iniustitia committitur, de hoc enim dicemus post: sed de eo qui dolet, quia videt huiusmodi temporalia collocata in hominibus indignis & non ob alium finem dolet. Huiusmodi indignatio, vt dicit S. Tho. & Caiet. loc. cit. si non aliud habet, quam quod dictum est, mala est, & ex se veniale, nam cum id, de quo dolet, nec sit malum culpae, nec poenae, videtur quodammodo arguere Deum & dolere, quasi iniustitia sit ex parte datoris. Est ergo mala talis indignatio; & si prorumpat in id, quod Deum arguat, quod iniustus sit, & male distribuat, est grauissimum mortale peccatum & blasphemia. Hae indignatio Psal. 36. reprehenditur, *De fine ab ira*, inquit, & *relinque furorem*. Si autem talis indignatio sit, quia mali abutuntur bonis, vel alio bono fine, iam ad aliam tristitiam pertinet hoc, vt dicemus.

De odio, inuidia, & tristitia bona.

CAPVT LXVI.

TRISTITIA, quae ex odio procedit, iudicanda est ex ipso odio. Cum enim malum alicui volumus propter ipsum subiectum & personam, quae inimica est nobis, tunc peccatum est; & si malum est graue, & odium ex libera voluntate, mortale est, secus, veniale. Simili modo se habet huiusmodi tristitia, quae, si de bono graui, & ex libertate sit, mortale est, secus autem, veniale. Inuidia autem secundum S. Tho. & omnes Doctores ex genere suo mortale est, & de facto est mortale, si duae adfuerint conditiones.

Vna est, cum est voluntatis consensus: saepe enim solum est quidam motus in parte sensitiua, aut voluntate, sed subitus, & fere naturalis, quo homo tristatur de bono aequalis; & tunc ad summum est veniale: nam mortale exigit voluntatis plenum consensum.

Altera est, quod bonum, de quo tristamur, sit graue: cum enim

enim leue est, vt pueris solet accidere, qui in leuibus solent socijs inuidere, veniale peccatum est. Reliquæ duæ tristitiæ, quæ ex charitate & iustitia sunt, bonæ sunt. Licet tritari de sanitate aluius, quia occasio est illi peccandi mortaliter: in quo casu licet illi malum velle, & infirmitatem ob bonum maius. Licet etiam tritari, quia dignitates dantur indignis, & violatur iustitia. Licet tritari, quia viuunt Hæresarchæ, & aliorum corruptores; & licet illis mortem desiderare, ne alios inficiant, & ne aliis tantum malum inferant. Ex his multorum casuum reolutio patet.

De filiabus inuidiæ.

CAPVT LXVII.

QUINQ; filię inuidiæ assignantur, odium, susurratio, detractio, gaudium in aduersis proximi, & afflictio in prosperis.

Odium est, quo alicui malum volumus ob malum ipsius, & non ob aliquod bonum eius, vel alterius: & hoc peccatum est, de quo diximus in lib. 4. instructionis.

Susurratio est, qua famam auferimus in occulto.

Detractio verò, qua in manifesto: & de his diximus in l. 5.

Gaudium in aduersis proximi, peccatum est, & si malum proximi, de quo gaudemus, graue est, & gaudium sit ex rationis consensu, mortale est.

Afflictio in prosperis, est tristitia de bonis proximi. Inuidus enim duas habet tristitias.

Altera est, de bono proximi, prout per ipsum videtur propria minui excellentia: & hæc est ipsa inuidia.

Altera est consequens: nam inuidus vellet nihil boni accidere inuidioso, & bonum eius impedire conatur, saltē desiderio. Quando ergo ei tale bonum euenit, quia contra inuidi voluntatem euenit, a siliigitur & tristatur; & hæc tristitia est

filia inuidiæ, vt habet S. Thom. loco citato; & est

peccatum eo modo, quo gaudium in aduersis. Hæc satis sunt de inuidia.

De Accedia, quid sit.

CAPVT LXVIII.

VLtimum capitale vitium, accedia est. De qua primum percipere oportet, quid sit. Potest autem sic describi *tristitia de bono spirituali, vt ad ipsum hominem attinet.*

In cuius declarationem aduerte, bonum spirituale vocari hominis beatitudinem, quæ in fruitione Dei consistit; & ea bona quæ ad ipsam consequendam ordinantur, vt, charitatem, virtutum opera, diuina præcepta, sacramenta, & alia huiusmodi. Hæc bona tripliciter possunt considerari.

Vno modo, vt à Deo procedunt, vt ab omnium bonorum principio & auctore. Alio modo, vt in proximis nostris sunt. Tercio, vt ad nos ipsos etiam pertinent.

Aduerte rursus, quod, cum per charitatem non solum diligamus Deum, sed etiam proximum, & nos ipsos; & charitatis sit, gaudere de bono illius, quem charitate diligimus, sit vt charitas inclinet nos ad gaudendum de huiusmodi bonis, secundum illam triplicem considerationem.

Primo quidem, vt à Deo sunt: qui enim diligit Deum, gaudet de bono opere ab ipso Deo procedente, quatenus eius potentia & bonitas, iustitia, sapientiaque manifestantur. Similiter qui diligit proximum, gaudet de bono spirituali ipsius, quatenus per ipsum bene se habet, & disponitur ad suum finem consequendum, vel quia iam ipsum est consecutus. Qui etiam diligit se propter Deum, gaudet consequenter de tali bono spirituali, quod ad ipsum pertinet, & gaudet se ad Deum ipsum ordinari per tale bonum, propter quem scilicet Deum diligit semetipsum. Aduerte rursus, iuxta triplicem eandem boni spiritualis considerationem, quod triplex potest esse tristitia in homine de tali bono, & vnaquæque est contra charitatem, vel qua diligendus est Deus, vel qua diligendus est proximus, vel qua ipse se debet diligere propter Deum.

Prima tristitia est, qua homo contristatur de bono spirituali, vt à Deo est, quasi nolens ipsius manifestationem & gloriam; & ista tristitia est pessima, & nascitur ex odio Dei, quod est grauissimum peccatorum, & maxime in damnatis reperitur.

Secunda tristitia est, qua homo tristatur de tali spirituali bono, ut est in proximo, quasi nolens ipsum proximum tali bono præditum. Et hæc est graue peccatum; & dicitur inuidentia gratiæ fraternæ; & est unum ex peccatis contra Spiritum sanctum, quæ dicuntur non remitti, quia difficile remittuntur: talisque inuidentia, ex genere suo, est mortale peccatum; & si adsit consensus rationis, & grauitas materiæ, de facto est mortale.

Tertia tristitia est, qua homini displicet bonum spirituale, qua parte ad ipsum pertinet, quasi nolendo & fastiando se capax talis boni, & se ad id ordinari, tristatur enim de beatitudine, de diuinis præceptis, de sacramētis, de bonis alijs spiritualibus, quasi volens ne ad ipsum pertinerent. Hæc tristitia dicitur acedia, qua homo velut nausæam habet rerum spiritualium; & nascitur præsertim ex duplici capite.

Vno quidem ex nimio affectu, quem homo habet rerum temporalium, & huius mundi delectatione.

Altero, ex terrore laborum & studiorum, quibus spiritualia bona sunt consequenda. Et hoc secundum ex priori nascitur: nam per prius perditur gustus spiritualium: gustu deperdito, statim res laboriosa fit; ut in his, qui vascuntur cibis nullum saporem habentibus. Acedia autem nomen est Græcum ἀκυσία enim dicitur sine labore, aut sine cura; nam κυσία & Græcè curam vel laborem significat: vnde Latine dicitur acedia, illo & mutato in e longum. Aliqui putant esse nomen Latinum deriuatum ab acidus, a, um, id est frigidus; quia sicut frigidus non facile mouentur, ita accidiosus ex nimia tristitia torpescit: hæc enim nomina ab effectu sumuntur: sed melius puto dici, quod diximus, putà esse Græcum. Vide S. Thom. 2. 2. quæst. 35.

Quale peccatum sit acedia.

C A P V T LXIX.

ACedia, ut habet S. Tho. loco citato, ex genere suo est mortale peccatum, cum sit contra charitatem, ut superius declarauimus. De hac dicitur 2. Cor. 7. *Tristitia huius seculi mortem operatur*, sit tamen veniale dupliciter.

Vno modo, quando non accedit plenus rationis consensus,

fus, sed sistit solum in parte sensitua, aut in ratione imperfecta: suboriuntur enim aliquando quidam motus, & tristitia interna, quibus homo plenum non adhibet consensum; tunc in his non est mortale, sed ad summum veniale peccatum.

Altero modo, quando, etsi ratio consentit, tamen materia est levis: tunc autem dicitur materia levis, quando homo non verè tristatur de bono spirituali secundum se, sed de eo, ratione alicuius circumstantia loco & temporis; vt, qui contristatur de ieiunio, quia tali die obseruandum est: qui tristatur de concione, quæ tali tempore fit, tamen absolute non contristatur de his, quasi nolens esse concionem, esse ieiunium, & alia huiusmodi frequenter in his est tantum veniale. Quando verò acedia est de ipso bono spirituali absolute, & ex rationis consensu, tunc est mortale. Solet etiam acedia esse peccatum, ratione effectuum suorum: sed iam hoc potius ad filias ipsius, de quibus modo agendum est.

De filiabus Acedia.

CAPVT LXX.

SEx sunt filia acedia, desperatio, pusillanimitas, torpor, malitia, rancor, mentis euagatio.

Desperatio quidem est, qua homo diffidit se finem consequuturum supremum: hoc autem facile oritur ex accedia, qua homo velut à se respicit talem finem. Est autem desperatio peccatum mortale graue, cum ex consensu rationis pleno fit: quando verò solum est quidam motus imperfectus, veniale est.

Pusillanimitas est, qua homo non audet diuina cõsilia, quæ perfectionis sunt, exequi: & hæc veniale est ex se.

Torpor verò est, quo negligit homo se, & omittit facere, quæ ex præcepto tenetur, & hic mortale est.

Malitia autem est, qua homo odio habet ipsa bona spiritualia in se, quia vellet ea non esse: aut, quia etiam pœnitet hominem bene fecisse, & impleuisse, quæ tenebatur facere; aut contemnit Dei beneficium, desiderando, non fuisse natum; & cognouisse Christum, dolendo; &c. Et hæc est mortale.

Rancor est, quo homines, qui inducunt ad spiritualia, vt religiosi, concionatores, & alij huiusmodi, sunt ei fastidio, &

cos auerfatur: & hic est veniale, nifi coniungantur cum odio, quo eis malum notabile deliberatè defiderat.

Euagatio mentis, est defectus intentionis, quæ rebus fpiritalibus exequendis & exercendis est adhibenda: & hæc ex fe veniale est, nifi cùm exigitur ex præcepto aliquo talis attentio, vt in recitandis horis Canonicis; quando homo obligatur recitare, & in audiendo factum diebus feftis; in his enim rebus euagatio mentis effer mortalis, fi notabilis effer, &

culpabiliter, feu ex negligentia habetur. Sed de his fatis diximus in inftitutione.

*Finis tractatus feptem peccatorũ mortalium.
Laus Deo, Glorioſæq; eius Genitrici.*



ADDITIO
ADSVMMAM
TOLETI DE
SACRAMEN-
TO ORDINIS,

A

MARTINO FORNARIO
Brundusino Societatis I E-
SV composita.

2

AD

AD LECTOREM.

CVM in autographo auctoris nihil de Sacramento Ordinis repertum sit, reliqua verò sex sacramenta exponat: ne quid in hac Instructione desideretur, ex ijs, quae auctor ipse pollicetur, breuem hunc tractatum adiungere iussus sum; ut cum alijs, tum praesertim ijs, qui examinandi sunt ad ordines suscipiendos, usui sit. Vale.



DE SACRAMENTO ORDINIS.

Pro expositione huius Sacramēti dicam primū de ordine generatim. Secundō, de eius materia, & forma. Tertiō, de suscipientibus ordinem. Quartō, quibus prohibitum sit ordines suscipere. Quintō, de Ministro. Sextō, de effectibus. Septimō, de singulorum ordinum officijs. Postremō, de pœnis aduersus malè promotos indictis.

De Sacramento ordinis in genere.

CAPVT I.



Ordo est signaculum quoddam ecclesiæ, quo spiritualis potestas ordinato traditur, vt Magister Sent. in 4. distinct. 24. & exponit D. Thom. ibidem, & sequuntur alij communiter.

Dicitur autem ordo, quia per illum in gradu quodam, ac certo ordine ecclesiastico homo constituitur. Esse autem ordines in Ecclesia, suppono, vt rem certam de fide, vt patet ex Concil. Florent. in vnione Armen. & Trident. sess. 23. can. 2. de sacr. ord. & ex communi Doctorum sententia. Lege Bellarm. de sacram. ordin. c. 2. & Valent. in 3. p. disp. 9. q. 1. puncto 2. Præterea ex dicta definitione intelligitur, hoc sacramentum per se nō esse institutum ad perfectionem propriam eius, qui illud suscipit, sed potius ad salutem aliorum, in quos

DE ORDINE

⁴ illa spiritualis potestas exercenda est, atque in communem utilitatem Ecclesiae, nempe ad spiritualem generationem, sicut matrimonium fuit datum ad propagationem naturalem.

² Ordinem esse sacramentum, est de fide, ut habetur in Concilio Florent. loc. cit. & Trident. sess. 23. can. 3. de sacram. ordin. & probat Bellarm. cap. 2. Valen. q. 1. puncto 4. locis supra notatis. Præterea, omnes ordines esse sacramentum nullo excludo, est magis consonum sacris Concilijs, & doctrinæ S. S. Patrum, ut docent communiter Doctores, quos adducit, & sequitur Valen. loco citato. Sunt autem omnes ordines vnum sacramentum perfectione, quia ad Eucharistiam referuntur; ut Durand. in 4. dist. 24. q. 2. vel sunt vnum potentiale, ut D. Thom. in addit. q. 37. art. 2. quia nimirum tota plenitudo huius sacramenti est in vno sacerdotio, quod potest omnia, quæ inferiores, & non est contrariū. lege Henricum Henriquez Summ. Theol. moralis, lib. 10. cap. 4. num. 1. Hinc etiam intelligitur, quo modo omnes ordines sint vnus ordo; nempe vnitatem attributionis, quia omnes ad sacerdotium tendunt: ut Durand. quæst. 2. cit. Henric. dicto cap. 4. ubi etiam exponit, quo modo sit in præcepto communitati, Prælati, & beneficio ætatis, non autem singulis fidelibus.

³ De numero autem ordinum quatuor sunt sententiæ. Prima asserit esse septem ordines, id est, quatuor minores, nempe ostiarij, lectoris, exorcistæ, Acolyti; & tres maiores, subdiaconatum, diaconatum, & presbyteratum, sub quo includitur Episcopatus. Dicuntur hi tres maiores, quod illis initiati, proprius accedant in altaris ministerio, quam qui minoribus. Deinde propterea, quod habent annexum solemne votum castitatis, iuxta c. vnic. de voto, lib. 6. ut infra patebit. hæc opinio est D. Thom. in addit. q. 37. art. 3. Alen. 4. p. q. 79. m. 8. & q. 80. m. 4. Alb. in 4. d. 24. art. 3. Bonau. art. 1. q. 2. & 3. Richar. art. 3. q. 3. ead. dist. & aliorum communiter.

Secunda est sententia Canonistarum, qui, ut refert Nau. in Man. cap. 22. num. 18. nouem ordines ponunt, nempe septem iam dictos, & præterea Episcopatum, & primam tonsuram.

Tertia sententia ad hos nouem adiungit ordinem Placemistarum, seu cantorum, quæ est Titelm. lib. de sacram. cap. 3. quia numerantur in Concilio Carthag. 4. cap. 10. & ab Isid. lib. 7. Etym.

Quarta est aliorum, qui octo ordines ponunt, nempe septem iam dictos, & primam tonsuram.

prem dictos in prima sententia, & prater ea Episcopatum. ita
 Alusiod. l. 4. in c. de fact. ord. q. 1. Dur. in 4. d. 24. q. 6. Palud. d. ea-
 dem q. 7. Vald. tom. 2. de sacram. c. 116. Cai. tom. 1. opusc. tract.
 11. Michael Medin. l. 1. de coelib. c. 16. Nau. c. 22. nu. 18. Petrus So-
 to lect. 1. & 4. de sacram. ord. Bellar. de sacram. ord. c. 5. Valent.
 disp. 9. q. 1. puncto 2. in fine.

Pro resolutione nota, ordinem sumi dupliciter, propriè 4
 scilicet, & impropriè. Si sumatur propriè, significat sacramen-
 tum, in quo potestas traditur ad spirituale ministerium, quod
 refertur ad celebrationem Eucharistiae; & sic Psalmodia, & ton-
 sura non sunt per se ordines; nam psalmodia reducitur ad offi-
 cium lectoris; tonsura verò est designatio ad clericalem statum;
 & per eam nulla confertur potestas ad peculiare officium, nec
 imprimitur character: vt dicam cap. 7. Si autem nomen ordinis
 latius sumatur, & minus propriè, videlicet pro quauis designa-
 tione ad aliquid in Ecclesia, sic comprehendit psalmodiam, &
 primam tonsuram.

Hoc posito dico primùm, propriè loquendo esse tantùm 5
 septem ordines, qui solent vni, & eidem ordinariè conferri, vt
 docent auctores primæ sententiæ.

Secundò dico absolutè, esse octo ordines propriè dictos,
 nempe septem illos iam dictos, & Episcopatum, iuxta quar-
 tam sententiam. probatur ex cap. 1. distinct. 32. vbi quarto loco
 numeratur subdiaconatus, quia nimirum Episcopatus est pri-
 mus ordo, vt notat gloss. ibidem. item ex Concil. Trident. sess.
 23. can. 4. de sacram. ordinis, vbi videtur constitui distinctus or-
 do à sacerdotio, vt obseruat Nau. & Valentia. Deinde, quoniã
 in ordinatione Episcopi imprimitur character, & datur pote-
 stas conferendi confirmationem, & ordinem, & ad alia mune-
 ra, quæ gratiam peculiarem requirunt; ergo est distinctus or-
 do. Postremò confirmatur hæc sententia ex munere Episco-
 pali, quod est longè excellentius, quàm sint ea, quæ ad ordi-
 nes minores, immò quæ ad subdiaconatum, & diaconatum

spectant; & tamen hi sunt distincti ordines: ergo mul-
 to magis Episcopatus. lege Bellar. c. 5.

Tolet. l. 1. huius Instruct. c.

71. num. 8.

De materia, & forma singulorum ordinum.

CAPVT II.

HABET hoc sacramentum, vt reliqua, materiam, & formam, per quas à ministro ritè applicatas confertur gratia, & imprimitur character: vt patet ex Conc. Florent. loco cit. & Trid. sess. 23. can. 4. de sacram. ordin. Materia est traditio instrumentorum, quibus significatur potestas, quæ singulis traditur: forma verò sunt verba, quæ in traditione huiusmodi materiæ proferuntur in ordinatione à ministro ordinis, vt habetur in pontificali. Et vt veniam ad particulares materias, ostiario confertur ordo, & imprimitur character in traditione clauium Ecclesiæ. Lectori in traditione libri, in quo continentur sacre lectiones, & præsertim Prophetarum. Exorcistæ in traditione libri exorcismorum. Acolyto in traditione vireoli, & candelabri cum cerco; si autem seorsim ei tradantur, imprimitur character in traditione vireoli, scilicet vacui, vt docet D. Thom. quem sequitur Silu. ordo. 2. q. 4. §. 2. quamuis Bonau. Richard. & Palud. putent imprimi characterem in traditione candelabri, sed opinio D. Thom. est sequenda, quia Minister ministrare est actus primarius, quamuis denominatio fiat à secundario: non tamen negandum, in traditione candelabri extendi, ac perfici characterem. Lege de his Concil. Carthaginense 4. c. 6. & seq. Toletanum 4. can. 27. & Henric. lib. 10. cap. 9. num. 2. & lit. i, Subdiacono imprimitur character per traditionem calicis vacui, cum patena vacua superposita; & per traditionem libri Epistolarum. Diacono per traditionem libri Euangeliorum, & per impositionem manuum, cum distincta verborum forma. Presbytero autem confertur per calicem cum vino, & patenæ cum pane porrectionem, cum hac forma: accipe potestatem offerendi sacrificium in Ecclesia pro viuis & mortuis, in nomine Patris, & Filij, & Spiritus sancti. Potestas verò absoluendi à peccatis, confertur per manus impositionem, cum hac forma: accipe Spiritum sanctum; quorum remiseris peccata, remittentur eis, & quorum retinueris, retenta erunt; & sic de aliorum ordinum formis, vt in pontificali. Atqui in huius potestatis collatione, siue dicas imprimi nouum characterem, siue perfici, ac extendi priorem, parum refert; illud tamen est certum, sine hac potestate esse imperfectum Sacerdotem, quia non posset absolvere à peccatis: vt probat Bel-
larm.

larm. de ord. c. 9. Henriq. in Summa l. 10. c. 6. nu. 2. Suar. in 3. p. tom. 5. disp. 42. lect. 4. nu. 13.

Episcopus denique consecratur per manus impositionem, & per traditionem libri Euangeliorum, & secundum aliquos per unctionem capitis ex chrismate, vel per hæc omnia simul, & hoc magis placet; ita tamen, vt in prima ceremonia imprimatur character Episcopalis, & per alias perficiatur, & extendatur. Lege Bellarm. cap. 9. iam citato. consecrant autem Episcopum tres saltem Episcopi, de quo Henriq. l. 10. cap. 24. tenetur autem consecrationem suscipere intra tres menses post collationem, vt ex Conc. Triden. probat Tolet. l. 5. c. 3. nu. 5. & Nauar. c. 25. nu. 118.

Verum, quo planiora hæc fiant, notandum est, non fuisse mentem Conciliorum, completam tradere doctrinam sacramentorum; sed aliqua solum statuere pro illorum temporum necessitate, & Ecclesie vtilitate, vt Taper art. 17. Bellarm. ca. 9. Henriq. c. 8. lit. f; & propterea in singulis ordinationibus materie partem designarunt, reliquam tamen non negando, esse vtrique sit necessaria: vt exempli gratia, in Concil. Carthag. 4. can. 3. & 4. habetur, presbyterum, & diaconum ordinari per manus impositionem; immo, hanc esse Apostolicam traditionem habetur in c. vltimo de sacram. non iteran. & tamen ex Conc. Florent. habemus, presbyterum esse ordinandum per traditionem calicis cum vino, & patenæ cum pane; diaconum verò per traditionem libri Euangeliorum. Subdiaconatum item multi tenent conferri per traditionem libri Epistolarum cum determinata forma; & tamen in Concil. Florent. habetur, conferri per traditionem calicis vacui, & patenæ vacuæ; & idem in Conc. Carthag. 4. c. 5. Huc etiam accedit, quòd tempore Apostolorum initiabantur diaconi solum per manuum impositionem; quòd nondum editum esset Euangelium. Vt igitur has omnes difficultates euadamus, & loca hæc conciliemus, fatendum nobis est, in vtraque cerimonia conferri distinctam potestatem, & imprimi nouum characterem, vel certè iam impressum augeri, iuxta expositionem D. Thom. quam sequitur Silu. ordo 2. q. 4. §. Henriq. l. 10. c. 2. & 6. & 8. Valent. disp. 9. quæst. 2. Suar. tom. 3. disp. 11. lect. 3. & alij communiter. Ex dictis sequitur, credibile esse, Dominum instruisse has omnes ordinum materias, non quidem in particulari, sed generatim monendo Apostolos, vt ordines conferrent per traditionem instrumentorum, & reliquas ceremonias, quibus significaretur

eorum potestas, vt notat Bellarm. cap. 9.

3 Nota circa formam, inuocationem sanctissimæ Trinitatis non esse de essentia formæ, nisi in baptisinate, & confirmatione, iuxta communem sententiam Doctorum, quos adducit, & sequitur Henric. l. 3. c. 2. num. 4. lit. i. Ex vsu tamen Ecclesiæ fatendum est, decenter apponi in ordinatione, vt constat ex Concil. Florent. loco citato, & ex Pontificali. lege Henric. l. 10. c. 5.

4 Contactus materiæ in ordinatione, est de essentia, & de necessitate sacramenti, quia significatur per ipsam formam; vt D. Thom. quaest. 34. art. 5. ad 3. Caiet. opusc. tract. 26. q. vii. Palud. d. 24. q. 1. Ant. 3. p. tit. 14. c. 16. §. 5. Silu. ordo 2. q. 5. Sor. q. 1. art. 2. Henric. l. 10. c. 10. Valent. q. 1. puncto 5. quamuis aliqui putent non esse de essentia, vt Caiet. ver. ordinandi. Arm. ordo. §. 4. Victor. q. 230.

Non est tamen necesse, vt simul sint mathematicè contactus, & prolatio formæ, sed vt sint simul moraliter; iuxta doctrinam Sori art. 2. citato, Victor. q. 230. Valentis puncto. Henric. l. 10. c. 10. qui etiam notat, in ordinatione presbyteri esse necessarium, tangere patenam cum hostia secundum vsu Ecclesiæ, vt in pontificali, & hoc est tutius: licet aliqui dicant sufficere moralem contactum; qui enim tangit vas, videtur etiam tangere materiam in eo contentam. Nota præterea, quòd si in ordinatione vnus Episcopus proferat formam, & calix tradit materiam, non valet, sed idem debet vtrumque præstare, vt Suar. disp. 42. sect. 3. nu. 12. tom. 5. qui addit, sic ordinatio non esse irregularem, contra Simonem Maiolum.

5 Ex his soluitur dubium, an, cum multi simul ordinentur, & Episcopus semel prolata forma in plurali, tradit deinde materiam tangendam, verum tamen non omnes simul tangunt, sed bini, vel terni, & sic deinceps alij, interiecto aliquo temporis spatio, valida sit ordinatio. Respondeo primum, validam esse talem ordinationem, quia moraliter materia, & forma censeantur esse simul: & sic fuit Romæ in quadam congregatione decisum. Secundò dico, seruandam esse tamen rubricam pontificalis, & consuetudinem, vt scilicet cum traditione materiæ statim proferantur verba formæ, ijs solum qui tangunt, & deinceps alijs eodem modo, ac ratione.

6 Alterum dubium restat, an calix, qui porrigitur in ordinatione subdiacono, & presbytero, debeat esse consecratus. Respondeo, aliqui negat, nempe Sotus, Ledesma, Emmanuel

CAPVT III.

Sed quos sequitur Henricus l. 10. c. 6. lit. f. & cap. 8. nu. 3. quia iura & Concil. Florent. hoc non exprimunt, immò verò in nulla alia materia sacramentorum est necessaria consecratio, nisi in confirmatione, & extrema unctione, quas solus Episcopus consecrat. Sed opposita sententia est tutior, & tenenda, nempe debere esse consecratum; quia sic est in usu: & hanc sententiam tenet Palud. d. 24. Turrecr. & Praposs. in c. periculis, d. 25. Silu. ordo 2. §. 4. ver. Alb. & plerique alij. Attamen post factum potest quisque tuto priori sententia acquiescere. Dices, cur in ordinatione subdiaconi, cum ei traditur calix vacuus cum patena, nulla profertur verborum forma? Respondeo, quia hac cerimonia datur ei potestas tangendi vasa sacra ad ministerium altaris, & propterea satis est, ut Episcopus porrigat tangendam ex præcedentibus enim verbis, & ex sequentibus intelligitur, eam illi conferri potestatem; ait enim Episcopus ordinans. Videte cuius ministerium vobis traditur, &c. & propterea non est opus alia forma. Cum verò confertur eidem potestas legendi Epistolas, traditur ei liber Epistolarum, cum expressa verborum forma, & similiter in alijs ordinationibus; in quibus satis verificatur, hoc sacramentum constare rebus, & verbis, tanquam materia, & forma, ut reliqua.

De suscipientibus ordinem.

CAPVT III.

FEMINA non est capax ordinis; & si fortè ordinetur, non recipit characterem, ut probat Tolet. lib. 1. cap. 57. Neque hermaphroditus, nisi vigeat in eo virilis sexus, ut idem lib. 1. cap. 63. esset enim contra Christi Domini institutionem, ut probat Valentia disp. 9. q. 4. puncto 1. & Henricus l. 10. c. 16. Suar. tom. 5. disp. 51. sect. 2. ex D. Thom. q. 39. art. 1. & ex alijs contra errorem Cataphrygarum, de quo gloss. in c. diaconisiam. 27. q. 1. Silu. ordo. 4. Soto d. 25. q. 1. art. 2. & Valentia loco iam citato. Dices, an hermaphroditus, in quo vigeat virilis sexus, sit irregularis. Respondet Suar. loco cit. qui putat esse irregularem propter monstruositatem. sed Tolet. cap. 63. nu. 6. tenet non esse irregularem; addit tamen, quòd si res est notoria, non esset ordinandus propter scandalum.

Neque verò masculus est capax ordinis, nisi fuerit antea

baptizatus, ut patet ex c. veniens, de presbyt. non bapti. item ex D. Thom. q. 35. art. 3. & communi sententia. & ex his, quæ nos infra c. 6. §. 4. copiosius.

3 Atqui ordo characterem confirmationis præsupponit de necessitate præcepti, non autem de necessitate sacramenti, ut Concil. Trid. sess. 23. can. 4. de reform. Nau. c. 22. nu. 9. quamvis aliqui exponant, quod solum requiratur ad decentiam, non autem de præcepto. lege Henric. l. 10. c. 14. num. 2. & quæ nos infra c. 8. nu. 7.

4 Debet præterea ordinandus esse initiatus prima tonsura, ut colligitur ex Conc. Trid. sess. 23. c. 4. de reform. & ordines gradatim suscipere, idque solum necessitate præcepti, ut Tolet. l. 1. c. 71. & nos, c. 8. §. 7.

5 Debet habere legitimam ætatem de necessitate præcepti, nempe ut nemo suscipiat primam tonsuram ante septennium completum, iuxta c. nullus, de temp. ord. l. 6. & ibi gl. aliàs Episcopus suspenditur per annum ab eius collatione, nisi initiatus religionem ingrediatur. Tolet. l. 1. c. 61. nu. 1.

A septennio & deinceps possunt ordines minores suscipi, ut colligitur ex c. de ijs, d. 28. & ex c. in singulis, distinct. 77. ubi tempora quadam, & interstitia designantur, quæ iam in usu non sunt, sed id arbitrio Episcopi commissum est. Nam in Concil. Trident. sess. 23. cap. 11. de reform. statuitur, ne minores ordines conferantur, nisi ijs, qui saltem Latinam linguam intelligunt, & in cap. 6. supponitur ante annum 14. aliquem posse suscipere omnes ordines minores: prohibet tamen ante dictum ætatis annum beneficium obtinere: & in c. 5. iubet fieri inquisitionem de ætate eorum, qui initiandi sunt minoribus; non tamen præfigit certam ætatem; relinquitur ergo arbitrio ordinarij.

At verò in c. 12. præfigit annum ordinibus sacris, ita ut nullus ad subdiaconatus ordinem ante 22. ad diaconatum ante 23. ad presbyteratum ante 25. ætatis suæ annum promoueat. Verum in his satis est annum esse inchoatum, ut Nau. ca. 25. num. 116. Tolet. l. 1. c. 61. Quid autem de hoc statuerint iura antiqua, lege in Clement. unica, de ætat. & qualitat. &c. & apud Silu. v. ætas, quæst. 2. Tab. ordo 4. q. 1. Tolet. l. 1. c. 61. & alios. Ad Episcopatum denique requiritur 30. annus completus, iuxta cap. cum in cunctis, de elect. cum nihil fuerit de eo innouatum. Porro vniuersum cum præscribitur determinatum tempus, an requiratur completus annus, an verò sit satis esse inchoa-

inchoatum, & quo modo in dubio id cognosci possit, non est huius loci exponere: sed lege gloss. in Clem. generalem, de atar. & qual. Sil. etas. q. 2. & v. tempus. Nau. consil. 9. de temp. ord. Vbi notat, quod regulariter dies ceptus habetur pro completo, sed annus ceptus non semper habetur pro completo, nisi cum in iure exprimitur debere esse completum, vt iam dixi de Episcopatu.

Quod ad interstitia verò sacrorum ordinum, de quibus Conc. Trid. sess. 23. c. 13. & 14. nota in illis annum esse computandum, non mathematicè, sed ecclesiasticè: hoc est, esse attendendum cursum quatuor interstitiorum, non autem tempus 12. mensium completorum; purà à Quadragesima ad Quadragesimam, à Pentecoste ad Pentecosten, &c. quæ aliquādo propter varietatem festorum mobilium occurrunt prius quàm duodecimus mensis compleatur, vt Sixtus V. ex sententia Cōgregationis declarauit. sed de his plura c. 8. §. 3. Nunc restat soluere duo dubia. Primum, an pro atate legitima ordinis computandus sit dies bissexti. Respondeo, non esse computandum, quia annus à iure determinatus intelligitur ex 365. diebus continuis, vt Panorm. in c. quærenti, de offic. deleg. nec curandum de bissexto: sequitur Silu. v. etas. q. 3. & Henric. l. 10. c. 19. & alij. Attamen ipse Panorm. in c. quæsiuit, de verb. signific. limitat hoc in odiolis. ex quo sequitur eadem ratione, ad professionem in Religione anno bissextili, satis esse ad probationem compleuisse dies 365. vt Silu. religio. 3. q. 19. §. 3. Henric. loc. cit. lit. K, sequitur item, quod si aliquis suspenditur per mensem Febr. anni bissextilis, potest vltima die eius mensis celebrare, vt Silu. v. etas. in fin.

Secundum dubium, an annus correctionis Kalendarij, cui Ecclesia abstulit decem dies, censeatur annus integer, pro atate ad ordines requisita. Respondeo, aliqui putant censendum esse integrum, quos sequitur Henric. l. 10. c. 19. num. 2. quia hic fauor non cedit in præiudicium alterius; tunc enim esset casus exceptus in Bulla correctionis Kalendarij. Opposita tamen sententia est probabilior, & tutior, quam graues Doctores Romæ secuti sunt. Dico igitur ptimum, hunc casum vix posse nunc accidere, quia iam à dicta correctione effuxerunt 24. anni. Secundò dico, post factū facile excusari posse eos, qui priorem sententiam secuti ante atatem initiati sunt, propter bonam fidem, ad quā sufficit auctoritas Doctorum, qui eam tenent.

7 Præterea in adulto, cum ordinatur, requiritur intentio: quare si quis iniustus ordinetur, non recipit characterem, ut cum Palud. Asten. Silu. Tab. Arm. docet Henriq. l. 10. c. 14. nu. 3. Tolet. lib. 2. c. 16. num. 2. si autem metu coactus, etiam graui, habuit aliquis voluntatem accipiendi ordinem; accipit cum ordine, seu characterem executionem illius, ut iidem Doctores docent. At verò ordinatus metu iniusto, qui cadit in virum constantem, si nolit uti ordine sacro, non prohibetur vxorem ducere, iuxta communem sententiam, quam sequitur Henriq. loco citato.

8 Infans, qui caret vsu rationis, si initiatur ordinibus, etiam sacerdotio, suscipit characterem ordinis; sed talis etiam ordine sacro initiatus, ad votum castitatis non tenetur, nisi post 14. annum completum ratificet, cognita voti obligatione, ut Tolet. l. 1. c. 61. Azor. l. 13. ca. 14. quæst. 9. Henriq. l. 10. c. 14. §. 3. qui alios adducunt.

9 Oportet denique eos, qui ordinibus initiantur, esse probatè vitæ, & in litteris sufficienter instructos, iuxta Concil. Trid. sess. 23. c. 4. & 13. de reform. mundos item à peccato mortali, vel saltem contritos; ut D. Thom. in q. 36. art. 1. Silu. ordo 4. q. 2. Cordub. l. 1. q. 2. & alij.

Verumtamen si quis bona fide ordinetur, putans se rectè dispositum, & contritum esse; quamuis verè non ita sit, excusabitur à peccato, ut Caiet. v. contritio. Nau. c. 22. nu. 3. Cordub. l. 1. q. 2. Henriq. l. 1. c. 22. nu. 6. Suar. tom. 4. disp. 20. sect. 1. nu. 20. & disp. 41. sect. 1. sed nota hæc habere locum in illis, qui in ordinatione non sumunt Eucharistiam; cum enim hæc esset sumenda iuxta ritum Ecclesiæ, præmittenda esset confessio sacramentalis, nempe ei, qui haberet conscientiam peccati mortalis, ut statuit Conc. Trid. sess. 13. c. 7. & can. 11. de sacramento Eucharistia. lege Tolet. l. 6. c. 16.

Quibus prohibitum sit ordines suscipere.

CAPVT IIII.

EX dictis intelligitur, à suscipiendis ordinibus arceri feminas, & non baptizatum, de necessitate sacramenti. Præterea de necessitate præcepti requiri, ut qui ordinatur, sit confirmatus, & habeat primam tonsuram, legitimam ætatem, & vsu rationis, sufficientem literaturam, intentionem

mem suscipiendi ordines, & denique ne sit in peccato mortali, nec aliud habeat canonicum impedimentum, ex his quæ memoratæ causa hic subiiciam.

Ordinari non possunt bigami, c. acutius, d. 26. Silu. ordo 4. q. 2. Tolet. l. 1. c. 65. Suar. tom. 5. disp. 49. vt alios omitam, quos illi adducunt. Solemniter pœnitentes, c. ex pœnitentibus, dist. 50. Silu. loco cit. Tolet. c. 64. nu. 7. Suar. disp. 42. sect. 2. nu. 3. sed iam non est in vsu, quia non solent iniungi tales pœnitentiæ. Lege Bellarm. l. 1. de pœnit. c. 21. & 22. Neophyti, vt c. 1. & 2. d. 48. Sil. loc. cit. Tolet. c. 64. Suar. disp. 43. sect. 3. qui notat horum filios, qui baptizati sunt ante vsum rationis, non habere hoc impedimentum. Curiales, id est, qui ratione officij obligati sunt curia, vt iudices, aduocati, forenses, notarij, milites, & similes ministri, c. 1. & 2. d. 51. Absoluti verò à Curia hi possunt ordinari, nisi infames fiant, vel alia ratione irregulares. Silu. q. 2. citata. Tolet. c. 60. Suar. disp. 47. sect. 4. nu. 5. & eadem ratione arcetur ij, qui sunt ratiocinijs obligati, vt actores, executores, & alij, qui habent publicas administrationes forenses, de quibus Silu. v. ratiocinia. Tolet. c. 60. Suar. disp. 51. sect. 3. Henric. l. 14. cap. 5. & extat tit. in decretal. de oblig. ad ratiocinia.

Serui ordinari non debent, extr. de seruis non ordin. & d. 54. per tot. Sil. seruitus. §. 6. Tolet. c. 59. Suar. disp. 51. sect. 3. Henric. l. 14. c. 5.

Corpore vitiatum repelluntur, d. 55. per multa c. & in tit. de corp. vitiat. & tit. de cler. agrot. de quibus Silu. v. corpore vitiat. Tolet. c. 63. Suar. disp. 51. sect. 2. Tales autem sunt, qui laborant morbo caduco, vel mēbro corporis sunt truncati, aut notabiliter debilitati, ita vt impediatur exercitium ordinis, & monoculi, quibus deest oculus canonis: itē enegumeni, seu obsessi à dæmone, & mente capti, & alij, qui ex defectu corporis horrorem, vel scandalum generarent: & denique hermaphroditi, de quibus supra c. 3. §. 1. dixi.

Illegitimi, c. 1. d. 56. & c. 1. & vt. de fil. presbyt. Silu. v. illegitimus. Tolet. l. 1. c. 58. Suar. disp. 50. sect. 3.

Peregrini, nisi habeant litteras authenticas: dicuntur autem tales, qui non sunt oriundi de Episcopatu, vel non habent ibi domicilium, aut beneficium, iuxta c. cum nullus, de temporibus ordin. l. 6. ignoti verò dicuntur, quorum vita, & origo nō est nota Episcopo, c. Episcopus, d. 24. & c. quarendum. 2. q. 7. Sil. ordo 4. q. 2. Tolet. c. 48. Suar. disp. 42. sect. 3. nu. 3. Henric. l. 10. c. 22. & nos infra c. 5. §. 4.

Infra-

9 Infames à promotione, & ordinum exercitio repelluntur, c. laici. d. 33. & c. qui in aliquo. d. 51. & c. infames. 6. q. 1. Silu. v. infamia. q. 3. Tolet. c. 62. Suar. disp. 48. sect. 1. & seq. eademque ratione prohibentur ij, qui sunt obligati ad indecentia, vt Sil. ordo. 4. quaest. 2. Suar. sect. 3. loc. cit. qui addit filios parentis vilis, seu infamis, non esse irregulares, nisi iure exprimat. Lege enim Henriq. l. 14. cap. 5. num. 3. de filijs hæreticorum, & c. Lege Tolet. l. 1. c. 69.

De illiteratis verò qui ordinari non possunt, agit Tol. l. 1. c. 64. num. 6.

10 Irregulares ordinari non possunt, Sil. irregularitas, initio Tol. c. 57. Henriq. l. 14. c. 2. n. 5. Suar. disp. 42. sect. 3. n. 2. Item neque excommunicati, nec suspensi, nec interdicti. Tol. l. 1. Suar. disp. 31. sect. 1. nu. 57. Nec etiam ij, qui carent titulo legitimo sustentatiõis, ad ordines sacros admitti possunt, vt dicam cap. 8. in fine.

11 Ordinati præterea subdiaconi, vel diaconi à Papa, nō possunt ab alio promoueri ad superiores ordines, c. cum in distribuendis, de temp. ord. & c. filium. l. q. 1. Sil. ordo. 4. q. 2. §. 16. An ton. 3. p. tit. 14. c. 16. §. 16. cum Palud.

12 Coniugati denique ordinari prohibentur, c. fin. de temp. ord. l. 6. Silu. ordo. 4. q. 2. §. 18. Henriq. l. 13. c. 39. nu. 1. Suar. disp. 31. sect. 1. nu. 54.

De ministro ordinis.

CAPVT V.

1 **O**rdinarius minister ordinis est Episcopus, vt Conc. Florent. loc. cit. & Trid. sess. 23. c. 4. & can. 7. de sac. ord. & communis sententia Catholicorum. Lege D. Thom. q. 38. Palud. Sot. & alios d. 25. Silu. ordo 3. per totum. Bellarm. c. 11. Valen. disp. 9. q. 3. Henriq. l. 10. c. 23.

2 An verò possit alius, qui Episcopus non est, ordinem ministrare, exponam 7. dictis.

Primum dico, Papam non posse committere potestatem conferendi ordines, etiam minores, ei, qui non est sacerdos: vt D. Thom. q. 38. art. 1. ad tertium. Silu. ordo 3. q. 7. Palud. in 4. d. 7. q. 4. Victor. q. 233.

Secundò dico, ex cõmissione Papæ posse simplicem sacerdotem omnes minores ordines conferre, vt D. Tho. art. 1. cit. Victor. de potest. Eccl. q. 2. Bellar. l. 1. de cler. c. 17. Sot. d. 25. q. 1. art.

art. 1. Valen. punct. 2. Henriq. c. 23. locis suprà not. Couar. lib. 1. var. resol. c. 10. n. 10. Cardinalibus autem hoc ex consuetudine concessum est, vt not. Soto, Henriq. & Valen. Abbatibus verò conceditur iure communi in c. quoniam. d. 69. & in c. cum cōtingat, de art. & qual. ord. Notandum est tamen, hos non posse ordinare nisi suos subditos, vt statuit Conc. Trid. sess. 23. c. 10. de refor. non autē alios, nisi habeant speciales dimissorias suorum Prælatorū, & specialem cōsensum ordinarij loci, in quo ordinari volunt, iuxta declarationem congregationis Concilij.

Tertiò dico, quòd ordo presbyteratus, & diaconatus, non potest conferri à simplici Sacerdote ex Papæ commissione, vt tenet communis sententia, quam sequitur Couar. lib. 1. var. resol. c. 10. nu. 10. quia minister ordinis est determinatus iure diuino. Neque obstat, quòd olim chorepiscopi, hos ordines conferebant, quia illi erant Episcopi, & coadiutores ordinarij; alij verò chorepiscopi, qui solum erant Sacerdotes simplices, non cōferebant ordines, vt Bellar. c. 7. Suar. tom. 1. disp. 11. sect. 2. n. 6. Henriq. l. 10. c. 23. & 24.

Quartò dico, simplicem Sacerdotem posse conferre Subdiaconatum ex commissione Papæ, vt Victor q. 255. Henriq. l. 10. c. 23. §. 1. lit. c. cum Caic. & Duran. loc. cit. & Innoc. in c. quanto, de consuetu. qui testantur, hanc facultatem fuisse interdum concessam, sed oppositum tenet D. Thom. quem sequitur Sil. ordo 3. q. 7. Bellar. c. 7. in fine.

Quintò, prima tonsura non potest conferri à presbytero parochiali sine commissione Papæ, vt Soto art. 1. cit. Silu. ordo. 3. q. 2. Valen. q. 3. puncto 2. Henriq. c. 23. nu. 3. contra Ostien. & Panorm. in d. c. quanto, & probatur ex vsu Ecclesiæ; nunquam enim simplex Sacerdos ex officio eam contulit. vt Henriq. l. 10. c. 9. lit. q.

Sextò, Episcopus non potest ordinationem, etiam minorum, alij committere, ex c. aqua, de consecr. eccl. non enim potest quæ sunt ordinis, alijs, qui Episcopi non sunt, demandare. Silu. ordo. 3. q. 1. Henriq. loco paulò ante notato.

Septimò denique, Episcopus, qui non est Sacerdos, non potest ordines conferre secundum omnes, quia est actus ordinis, quem qui non habet, conferre non potest, Sil. ordo. 2. §. 1. & ordo 3. q. 1. & multò minus qui non est baptizatus, vt Sil. ordo. 2. & patet ex dictis.

Ordo collatus ab Episcopo excommunicato, vel præciso, interdicto, suspensò, vel simoniacò, validus est; quia talis pote-

potestatem ordinis non amittit, argumento c. non nocet. l. q. 1. & c. baptisimus, de consecr. d. 4. & ita docet D. Thom. q. 38. ar. 2. Soto d. 25. q. 1. art. 1. Palud. q. 2. Durand. q. 1. Henric. l. 10. c. 21. & alij communiter. Veruntamen si Episcopus esset denunciatus talis nominatim, vel esset notorius percussor clericici, ab eo ordinatus esset suspensus, vt infra patebit c. ult. §. 4.

4 Episcopus non potest ordinare nisi suos subditos, & in propria diocesi, pro expositione autem nota octo: Primum, quod Episcopus, qui ordinauit non sibi subditos sine licentia ordinarij illorum, suspenditur à collatione ordinum per annum; & ab eo sic ordinati suspenduntur ab executione ordinum susceptorum, arbitrio proprij ordinarij: iuxta Conc. Trident. sess. 23. c. 8. de reform. Et extendit hoc etiam ad Titulares sess. 14. c. 2. de reform. Vbi est aduertendum, quod habentes Papæ priuilegium, vt possint ordinari à quocunque Antistite, quamuis non egeant alijs dimissorijs, indigent tamen testimonialibus proprij ordinarij, de vita & moribus; vt statuit idem Conc. sess. 23. c. 8. de reform. sub eisdem pœnis, vt notauit Tolet. l. 1. cap. 49. num. 4. & Henric. l. 13. c. 38. nu. 2. An autem illud decretum extendatur etiam ad primam tonsuram, vide apud Toletum ibid.

Secundò nota, quod Episcopus in alterius diocesi ordinans cum licentia ordinarij loci, non potest ordinare personas, quæ non sunt subiectæ illi ordinatio, nisi habeant dimissorias generales à suis ordinarijs; cum his enim potest ordinare quoscunque, iuxta declarationem sacre Congregationis; & colligitur ex ipso Conc. sess. 7. c. 11. de reform. & eodem modo sacra congregatio interpretatur decretum eiusdem Concilij sess. 6. c. 5. & sess. 14. c. 2. de reform. Hinc sequitur, Episcopum, qui cum dicta licentia ordinat in aliena diocesi, posse etiam ibi ordinare proprios subditos, vt Tolet. c. 49. nu. 1.

Tertiò nota secundum aliquos, posse Episcopum extra suam diocesim conferre tonsuram suis subditis; vt cum Rebusso docet Henric. l. 3. 6. nu. 6. Attamen si conferat non subdito sine dimissorijs, seu licentia sui Prælati, etiam in sua diocesi, suspenditur per annum ab eius collatione, vt habetur in c. fin. de temp. ord. l. 6. & notat Tolet. l. 1. c. 43. nu. 3. quod talis tonsura nihilominus esset valida: idemque sacra congregatio. Adde tamen, non esse validam quod ad beneficia obtinenda, iuxta praxim Rotæ. Lege Azor. p. 2. l. 3. c. 49. q. 4. Præterea nec Episcopus Titularis potest cuiquam sine consensu sui Prælati tonsu-

tonsuram conferre, iuxta idem Concil. Trid. sess. 14. c. 2. de reform. sub pœnis supra dictis in primo notabili. & Tolet. lib. 1. c. 49. nu. 43. Nec etiam Episcopus Italiae potest ordinare Ultramontanum, sine licentia sui Episcopi, vel Pape, sub pœna arbitraria, iuxta c. 1. de temp. ordin. l. 6. de quo infra c. 8. §. 8. An verò liceat ordinare extraneum sub rati habitione, lege Suar. disp. 31. sect. 1. nu. 17. qui excusat vtrumque à censurâ, cum id sit bona fide; addit tamen hanc non esse faciliè admittendam, & hoc videtur tutius. quare si post factum ordinarius ratum non habeat huiusmodi ordinationem; sic ordinatus tenetur in foro exteriori seruare suspensionem propter scandalum; quamvis verè in foro conscientiae non esset suspensus.

Quartò nota ex Concil. Trid. sess. 7. c. 10. de reform. quòd Capitulum sede vacante, non potest infra annum concedere dimissorias ad ordines suscipiendos; nec is qui succedit in iurisdictionem loco Episcopi; exceptis ijs, qui beneficii occasione arctati fuerint, sub pœnis ibid. contentis, & refert Tolet. l. 1. c. 49. Suar. disp. 31. sect. 1. nu. 20. Henric. lib. 13. c. 38. nu. 2. qui etiam notant, ordinatos minoribus contra hunc Canonem, nō suspendi, sed priuari priuilegio clericali, praesertim in criminalibus. Aduerte tamen, quòd potest infra dictum annum Capitulum, seu eius Vicarius, dare litteras testimoniales de moribus, quia non sunt dimissoriae; vt Nauar. conf. 27. de temp. ordin. Potest praeterea Capitulum per alium Episcopum pontificalia exercere, & ordines conferre, seruata dispositione Concilij Tridentini, iuxta declarationem sacrae Congregationis; cui fauet c. Pontifices. 7. q. 1. & c. si Episcopus, de supplenda negligentia Praelat. l. 6.

Adde item, quòd transacto anno vacationis, si durat vacatio, potest concedere dimissorias ad ordines, etiam non coarctatis, vt Nauar. conf. 44. de temp. ordin. & Tolet. lib. 1. cap. 49. num. 2.

Quintò nota, nec Abbatibus, nec alijs exemptis, intra fines alicuius diocesis existentibus, licere tonsuram, vel minores ordines conferre, nec dimissorias concedere cuiquam, qui regularis subditus eis non sit, vt statuit Concil. Trident. sess. 23. c. 10. de reform. sub pœnis ibi contentis, de quibus Tol. l. 1. c. 49. num. 5. At sacra Congregatio declarauit, posse etiam alios ordinare, cum particulari & expresso cōsensu suorum ordinario- rum, vt nos supra §. 2.

Sextò nota, quòd concessa semel gratia dimissoriarū, non
b
expirat

expirat re integra per mortem concedentis, aut per finitam eius potestatem; vt non expirant similes gratiæ, in quibus defuit solum executio, aut vsus illarum; vt Card. in Clement. fin. de elect. Rebuff. in praxi de forma dimiss. num. 39. & 43. Nauar. in Apol. de reddit. ecclesiasticis, quæst. 3. mon. 8. Henriq. l. 10. cap. 22. in fin. & l. 12. c. 3. num. 10. ex c. si super gratia. de offic. & potest. iud. deleg. lib. 6.

Septimo nota, quod tres ordinarij concedere possunt dimissorias; videlicet originis, beneficij, & domicilij; iuxta c. cum nullus, de temp. ord. l. 6. primum Episcopus originis, id est, loci, in quo quis natus est ex matre ibi permanens. Secundò, Episcopus beneficij, in quo scilicet beneficiarius residere tenetur, quamuis tenue sit. Silu. ciuitas. q. 75. Henriq. lib. 10. c. 22. l. 1. cum Felin. Io. Andr. & alijs. licet aliqui teneant sufficere beneficium simplex, quia dictum c. cum nullus. generaliter loquitur, vt notat Franc. Io. Andr. & Domin. Tertiò Episcopus domicilij, id est, loci, in quo quis habet domicilium animo permanendi: Nau. conf. 3. de temp. ord. pro quo scito primum, quod in foro exteriori id ratò præsumitur, nisi in eo loco homo manserit per decennium; quamuis maneat cum animo duobus id est recessurus, si quid melius occurrisset. Nau. conf. 5. de fil. presbyt. & Henriq. loco cit. Secundò aduerte, non sufficere assiduam habitationem, etiam decennij, cum intentione reuertendi ad patriam. Tertiò, quod vnus potest habere plura domicilia; c. dilectus. 2. de rescript. & ibi Felin. & Io. Andr.

Octauò nota, quod Episcopus familiarem suum nõ subditum ordinare potest, si duo concurrant. Primum, vt per triennium secum cõmoratus fuerit. Alterum est, vt statim ei beneficium vacans conferat; iuxta Conc. Trid. sess. 23. c. 9. de reform. Nau. conf. 11. de temp. ord. Suar. tom. 5. disp. 31. sect. 1. n. 15. Henriq. l. 10. c. 22. nu. 2. Sed pro intelligentia aduerte primum, hoc habere locum in Episcopo ordinario, non aut in Titulari; quia huic prohibuerat idem Conc. sess. 14. c. 2. de refor. vt not. Suar. Secundò, id habere locum in prima tonsura, in minoribus, & in sacris ordinibus. Tertiò, posse talẽ ordinari, etiam ad titulum pensionis, vel ad tit. patrimonij sufficientis, dum modò fiat pro Ecclesiæ necessitate, vel cõmoditate, ex Trid. sess. 21. c. 2. de refor. & adscribatur seruitio ecclesiæ determinata, vt sacra Congregatio Quarto sufficere, vt dictum triennium inceperit, antequam esset Episcopus. iuxta sententiam eiusdem sacre Congregationis.

De affectibus ordinis.

CAPVT VI.

HVIUS sacramenti duo sunt præcipui effectus; vnus est conferre gratiam, alter imprimere in anima characterem. Quod autem conferat gratiam, vt alia sacramenta, constat ex Conc. Trid. sess. 7. can. 7. de sacramentis: nam sicut suscipientibus baptismum datur gratia, vt renati in Christo, sanctè suscipere possint alia sacramenta, ita in ordine, vt sanctè & religiosè eadem possint administrare, vt D. Tho. in 4. d. 24. & habetur in addit. q. 35. art. 1 & Bellar. l. de ord. c. 10. & alij.

Alter effectus ordinis est imprimere characterem: & pro intelligentia nota, quòd in ordine confertur potestas spiritalis, vt eo initiati ritè ex officio exerceant actus, ad quos deputantur; in cuius signum imprimit characterem, qui est qualitas supernaturalis, realiter ab anima distincta, ei que diuinitus infusa, indelebilis, ac signum ex diuina ordinatione ad hoc destinatum, vt qui illo insignitus fuerit, aptus sit ad tale ministerium; quapropter non est potentia physica, sed moralis, quatenus non attingit physicè effectum, sed moraliter, & veluti conditio requisita à principali agente in ministro, vt eius actione tanquam instrumento vtatur; pendet autem ex diuina institutione; nam, voluit Dominus propter maiorem perfectionem, ministros sacramentorum extrinsecè designari per characterem. probatur hoc ex Conc. Florent. loc. citato, & ex Trid. sess. 7. can. 9. de sacram. vbi dicit imprimi characterem, nempe tanquam qualitatem realem.

Ex hac doctrina inferuntur septem. Primum, quòd character non est relatio, cum sit propriè terminus actionis realis, ad illum tamen consequitur relatio; & sic secundario est in genere relationis.

Secundò sequitur, quòd character, cum sit qualitas supernaturalis, & non pertinet propriè ad vllam speciem qualitatis naturalis, sed solum improprie; & propterea aliqui reducunt ad habitum, & dispositionem; vt Alen. Bonau. & Scot. quos sequitur Suar. in 3. p. tom. 3. disp. 11. sect. 3. quia Concilia dicunt esse signum spirituale; quare non imprimitur per se primo, vt principium operandi. deinde quia est indelebilis, habitus enim fixus est, & immobilis. Dicitur autem dispositio, nempe amplè sumpta, quatenus bene afficit subiectum. Alij reducunt ad

secundam speciem, id est, ad potentiam; quia nimirum homo post impressum characterem potest aliquid, quod antequam imprimeretur, non poterat. Alij cum Marfilio ad figuram reducunt; quia per characterem configuramur Christo. Hæc tamé improptiè & metaphoricè. Lege Suar. disp. 11. sect. 3.

Tertiò infertur, characterem tanquam in subiecto collocari in substantia animæ, non autem in intellectu, nec in voluntate. Primùm, quia non est principium alicuius actus intellectus, vel voluntatis, sed ad deputandum hominem ad actiones sacramentales, ut dictum est: secundò, quia signum debet poni in parte, quæ est notior, & prior. ita cum Marf. & Gabr. docet Suar. tom. 3. disp. 11. sect. 4. Est tamen probabilis opinio D. Thom. collocari scilicet in intellectu; & hanc sequitur Tol. l. 2. c. 16. Henriq. l. 1. c. 13. nu. 3. & alij communiter.

Quartò sequitur, esse indelebilem; quod nimirum semel impressus, semper à Deo conseruetur: est enim ex sua natura qualitas incorruptibilis; ita ut maneat etiam post mortem: (nā si mortuus resurgat, non potest iterum initiari ordine, quem vivus receperat;) & propterea iterari non potest, iuxta Concil. Trident. sess. 7. can. 9. de sacram. Lege Henriq. l. 1. c. 13. num. 4. & Suar. 3. p. in com. q. 63. tom. 3. Tol. l. 2. c. 16. in fin.

Quintò infertur, quod character ordinis secundum se cōsideratus, vel cum alio characterē eiusdem ordinis comparatus, est indivisibilis, quia non est intensior character sacerdotalis in vno Sacerdote, quàm in alio; sed si compareretur character inferioris ordinis cum characterē superioris ordinis, aliqui tenent, esse etiam qualitates distinctas indivisibiles; alij verò esse eandem, quæ paulatim augetur per diuersos ordines, vel per modum intensiōis, vel per modum extensiōis; sicut augetur habitus scientiæ: sed hæc exactè examinare, non est nostri instituti; parum enim refert, hoc vel illo modo ponere. Lege Suar. & Henriq. locis citatis.

Sextò infertur, quod character pendet ex diuina institutione, ut patet in ministro baptismi, & matrimonio; nam hi per solam extrinsecam deputationem, & institutionem diuinam, habent hanc potestatem. similiter character ordinis, de lege ordinaria non sufficit ad confirmandum, & ordinandum, & tamen adiuncta concessione Papæ, est satis. similiter etiam in passiva potentia, character baptismalis in viris, est sufficiens potentia ad suscipiendum ordinem sacrum, non autem in feminis. similiter ad extremam unctionem recipiendam solum in

in ægrotis, non autem in sanis sufficit. ex quo patet, pendere ex diuina institutione, & pertinere ad potentiam, non physicam, sed moralem modo superius dicto. Hinc præterea intelligitur, quòd character ordinis, est signum pacti Dei cum homine, de concursu diuino in administratione sacramentorum, vt Bellarm. c. 5.

Septimò, ex dictis liquet, in singulis ordinibus esse distinctos characteres: in illis autem, in quibus dantur plures potestates, vt fit in omnibus ordinibus sacris, & in acolytatu, cum iam impressio characteris, confertur alia potestas, per alias ceremonias non imprimitur nouus character, sed extenditur, vel perficitur prior antea impressus. quam opinionem probabile esse fateretur Tolet. l. 1. c. 71. in fin.

Omnes ordines supponunt necessitate sacramenti characterem baptismi; sed character vnus ordinis non supponit characterem alterius necessitate sacramenti, sed solum ex instituto Ecclesiæ, quo iubemur ordines gradatim suscipere. Tolet. l. 1. c. 67.

De solo tamen Episcopatu est dubium; nam qui tenent non esse distinctum ordinem, putant non posse conferri non Sacerdoti, nec infanti, qui non est capax, vt sit pastor, & curam habeat animarum, quam tenet D. Thom. q. 39. art. 2. Silu. ordo 2. §. 1. cum Archid. Richard. Duran. & alijs, quos refert Silu. sequitur etiam Henriq. l. 10. c. 14. sed Tolet. l. 1. c. 71. dicit vtramq; opinionem esse probabilem; & propterea sic ordinatum, esse iterum ordinandum sub conditione. Lege eundem cap. 61. Nos verò cum teneamus Episcopatum esse distinctum ordinem, sequimur oppositam sententiam, quam tenet gloss. in c. sollicitudo, dist. 52. Panorm. in c. vnic. de cler. per salt. prom. vbi dicit esse communem sententiam. Quare ordo Episcopatus, si conferatur non Sacerdoti, etiam laico, vel infanti, imprimit characterem, sed tamen non liceret exercere. Lege quæ nos supra c. 3. §. 7. & 8.

Ex statuto Ecclesiæ Latinæ compellitur quicumque initiatur ordine sacro, seruare solemne votum castitatis, quod suscipiendo voluntariè dictum ordinem, implicite emittit, & illo sit inhabilis futuro matrimonio, iuxta c. vnic. de voto, lib. 6. de quo plura Henriq. l. 10. c. 14. nu. 7. Bellar. contr. 5. l. 1. c. 18. Sil. matrimonium. 8. §. 3.

Promotus ad ordinem sacrum, tenetur recitare Horas canonicas iuxta ritum suæ Ecclesiæ ex c. dolentes, de celebr.

Miss. de quo Tolet. l. 2. c. 12. Tenetur etiam gestare habitum, & tonsuram clericalem, de quo Henriq. li. 10. c. 11. Tolet. l. 4. c. 18. nu. 5. Et nota hoc præcepto ligari etiam beneficiarios, quavis non sint constituti in sacris; ita ut peccent mortaliter, si temerè omittant: secus autem dicendum de initiatis minoribus, qui non habent beneficium, & hæc ex communi sententia. Silu. clericus. 2. §. 2. Angel. clericus. 4. §. 1. & 2. Tabien. clericus. 2. §. 2. Arm. eod. §. 10. Nauar. c. 25. num. 110. & probatur ex Clement. quoniam, de vita & honest. cler. confirmata per Concil. Trid. sess. 23. c. 6. de refor. & exponit Nauar. conf. 24. & 25. de priuil.

6 Ordo Episcopalis, & presbyterij liberat hominem à conditione serui, si sciente, & non contradicente domino seruus ordinetur, c. si seruus sciente, d. 34. & ibi Doctores. Silu. ordo. l. q. 3. Tabie. ordo. l. q. ult. & alij communiter.

Gaudent præterea ordinati etiam minoribus, priuilegio canonis, & fori, alijsque priuilegijs: sed obseruatis quibuldam conditionibus, de quibus lege Concil. Trident. sess. 23. ca. 6. de reform. Tolet. l. 1. c. 31. Nauar. c. 27. num. 79. & conf. 24. & 25. de priuileg.

De singulorum ordinum officijs.

CAPVT VII.

1 Tonsura non est ordo, ut supra dixi, sed dispositio ad ordines; est enim professio quædam vitæ spiritualis, per quam homo numeratur in clerum, & fit capax beneficij Ecclesiastici; aliorumque priuilegiolorum, iuxta communem opinionem Doctorum in 4. dist. 24. Hinc fit primum, ut tonsura non imprimat characterem. ut Silu. ordo 2. quæst. 4. §. 4. Henriq. lib. 10. cap. 9. in fine, & alij communiter. Secundò, post illam omni tempore conferri, ut Henriq. cap. 12. num. 1. cum A. tens. Silu. Anton. Tabien. à proprio tamen Episcopo, vel Abbate conferenda est, ut probat idem Henriq. c. 9. in fin. Nauar. consil. 11. de tempor. ordin. & nos supra cap. 5. §. 4. collata tamen ab alieno non est iteranda, ut Nauar. ibid. conferatur autem in abscissione capillorum, dicente Episcopo in persona tonsurati, Dominus pars hereditatis meæ, &c. Tertio, verba hæc non esse de essentia; quare sine illis esset valida tonsuratio, ut Soto in 4. distinct. 24. quæst. 1. art. 1. Nauar. consil. 4. de sacram.

sacram. non iterand. Henriq. cap. 9. citat. in fine, lit. z. quia cum non sit ordo, non habet materiam & formam essentialem. Addit præterea Nauar. conf. 11. de tempor. ordin. tonsuram comprehendit sub generali nomine ordinis, quod multi negant. Quartò, qui eam recipit, oportet vt sciat legere, & scribere: sciat etiam prima fidei rudimenta, & præterea intendat Deo seruire in Ecclesiasticis ministerijs, iuxta Concil. Trid. sess. 23. c. 4. de reform.

Ostiarij officium est, excludere ab Ecclesia indignos, & 2
admittere dignos. Sunt autem indigni infideles, Apostatae, hæretici, excommunicati, interdicti, & catechumeni post dictum Euangelium in Missa, item percutere cymbalum, & campanam, vt habetur in pontificali.

Lectoris officium est legere populo in Ecclesia lectiones 3
sacras, & præsertim Prophetarum. lege Henriq. lib. 10. cap. 9. num. 2.

Exorcistæ officium est exorcizare, & imponere manus su 4
per catechumenos ad fores Ecclesiæ ante baptismum, & energumenos exorcizare, vt pellantur ab eis demones, quod tamen nunc præstare solent Sacerdotes.

Acolyti officium est duplex, vnum est præparare vasa vi 5
ni, & aquæ, & dare Subdiacono in Missa; alterum est, ferre cereum ante Sacerdotem: & cum legitur Euangelium in Missa. Quales autem esse debeant, qui minoribus initiantur, patet ex Concilio Tridentino sess. 23. can. 11. de reform. nempe vt accuratius sciant prima fidei rudimenta, & linguam Latinam intelligant; & denique vt sint tales, quos scientiæ spes maioribus ordinibus dignos ostendat. Hi autem omnes in ordinatione hoc sequuntur, vt scilicet dignè, & ex officio hæc munera præstent, vt D. Thom. q. 37. art. 1.

Subdiaconi officium est proximè assistere in sacrificio 6
Missa, & diacono ministrare in ijs, quæ satis distinctè, & explicatè continentur in Missali Romano post rubricas. titul. de ritu seruando in celebrat. Miss. §. de offertorio, &c. cantare item Epistolam in solemni Missa, pallas altaris, & corporalia abluere, aliaque similia præstare, vt habetur in pontificali, instruere denique catechumenos, absente, vel impedito diacono.

Addunt aliqui, præcipuum eius munus esse in Missa solemni deferre, seu tradere calicem vacuum cum patena diacono, qui apposito vino illum porrigit Sacerdoti, & propterea 7
Subdia-

subdiaconum in sua ordinatione accipere ab Episcopo calicem vacuum, & patenam, vt suprà dixi c. 2. lege Greg. de Valentia disp. 9. q. 1. punct. 3. D. Thom. in 4. sent. dist. 24. q. 1.

Ex his colligitur, qua doctrina instructus esse debeat subdiaconus; nam benè sciat oportet rudimenta doctrinæ Christianæ, ac Latinam linguam, & recitare Horas canonicas, aliasque seruare, quæ monet Conc. Trid. sess. 23. c. 12. & 13. de reform. & præsertim vt speret Deo auctore, se continere posse, nam in ipsa ordinatione implicite emittit solemne votum castitatis, vt suprà dixi, & exponit Henriq. l. 10. c. 14. nu. 7.

7 Diaconi officium est in sacro Missæ, sacerdoti panem, & vinum in vasis tradere. Secundò, sanguinem populo propinare, cum esset dandus: immò etiam perferre corpus Christi consecratum in patenâ, non tangendo illud. At verò illud tangere alijsque tradere iussu Episcopi, vel presbyteri; fuit quidem olim eius munus, vt patet ex Conc. Carthag. c. 38. sed in Conc. Nicæn. c. 18. fuit hæc consuetudo sublata, & habetur in c. peruenit, d. 93. lege Petrum Soto lect. 2. de ordine. in Instr. Sacerd. Tolet. l. 2. c. 28. Suar. tom. 3. disp. 69. sect. 1. Henriq. l. 8. cap. 54. Tertiò, legere Euangelium in Missa cum stola, & antiquitus illud prædicabat absque cathedra: legebat enim Homiliæ Sanctorum super Euangelia, & instruebat catechumenos, vt probat copiosè Henriq. l. 10. c. 13. nu. 2. Adde postremò, non licere ei solemniter baptizare, vt probat Henriq. Hinc patet maiorem doctrinam in diacono requiri, quàm in subdiacono; scire namque eum oportet omnia, quæ opus sunt ad suum munus rectè fungendum; & ea seruare, quæ statuit Concil. Trid. sess. 23. c. 13. de reform.

8 Sacerdotis officium est primùm consecrare corpus, & sanguinem Christi. Secundò, absoluerè à peccatis. Tertiò, prædicare populo, ex commissione Episcopi, cuius est hoc munus proprium; Sacerdos enim est eius coadiutor. Quartò, administrare sacramenta, & celebrare diuina officia, instruere populum, & denique vitæ, ac morum honestate ad virtutem inflammare. Quare non solum scire debet, quæ diaconus, sed etiam quæ pertinent ad sacramentum Baptismi, & Pœnitentiæ, vt in necessitate possit ea ritè administrare, item quæ spectant ad diuinum officium, & ad viam, atque honestatem clericorum, de quibus Tolet. lib. 1. cap. 3. & 93. Valent. disp. 9. quæst. 1. puncto 3. Et denique qui approbantur ad audiendas confessiones, collata eis potestate iurisdictionis, sciant casus conscientiarum,

tia, pro locorum, & personarum exigentia.

Ad Episcopi officium pertinet consecratio Basilicarum, vnctio altarium, &c. consecratio chrisnatis, impositio manuum, id est administratio confirmationis, & ordinis, & communis populi benedictio, distributio beneficiorum ecclesiasticorum, benedictio virginum, prædicatio Euangelij, ac defensio fidei, &c. Ex quibus faciliè intelligitur, quanta scientia, ac virtus in eo requiratur; & clarius ex decreto Conc. Trid. sess. 22. c. 2. de reform. & ex Tol. l. 5. c. 4.

Est autem multiplex ordo Episcoporum; continet enim Patriarchas, Archiepiscopos, seu Metropolitanos, & Episcopos, vt Magister sent. in 4. d. 24. & ibid. Doctores. Isid. l. 7. etym. c. 12. sunt etiam alia quædam, non ordinum, sed dignitatum, & officiorum nomina, de quibus Isid. lege etiam Henriq. lib. 10. à cap. 26. vsque ad finem libri. Silu. v. dignitas. De annexis deniq; sacris ordinibus, puta de vnctionibus, de nomine clerici, de exemptione, de cœlibatu, & similibus. lege Valen. disp. 9. quæst. 5. Henriq. l. 10. c. 14. & seq.

De pœnis aduersus malè promotos in dictis.

CAPVT VIII.

MVLTA, quæ pertinent ad pœnas aduersus malè promotos, & malè promouentes, dixi c. 5. Hic tamen alia quædam indicabo, vt facilius simul collecta retineantur.

Promotus ad ordines simoniacè est excommunicatus, & suspensus ab executione ordinum; iuxta extrauagantem cum detestabile, de simon. & reseruatur Papæ absolutio, & præsertim suspensionis post extrauagantem Sixti V. contra malè, & simoniacè promotos; quæ in hoc non fuit reuocata à Clemente VII. in dictæ extrau. Sixti moderatione, quæ incipit, Romanum Pontificem. lege Nau. c. 23. nu. 111. Tolet. l. 5. c. vii. Henriq. l. 13. c. 37. num. 4. qui addit, excusare ignorantiam probabilem facti, id est simoniæ, ab alio commissæ in fauorem ipsius ordinati hoc ignorantis.

Suspenditur in extrau. Pij II. qui sine legitima licentia, vel ante ætatem, vel extra tempora legitima ordinem sacrum suscipere præsumpserit, & qui ordinem sic susceptum solemniter exercuerit, sit irregularis, vt Nau. c. 25. nu. 70. Tolet. l. 1. c. 48.

Sed pro intelligentia nota primum, excusare bonam fidem, & ignorantiam inuincibilem facti, vt Nau. c. 27. nu. 155. & conf. 33. de temp. ord. Tolet. loco cit. cum Couar. sequitur etiam Suar. tom. 5. disp. 31. sect. 1. nu. 26.

Secundo nota, non habere locum in minoribus, quia exprimit maiores; ordinarius tamen minoribus contra hunc canonem, non posset licite illis vti, sine ratificatione sui ordinarij, vt Suar. ibid. nu. 18.

Tertio nota, incurrere suspensionem eos, qui literis subreptitijs, seu falsum exponentibus ordinantur, vt Suar. loc. cit. n. 37. Excusat tamen bona fides; vel cum error literarum est solus materialis, quia scilicet errauit Notarius in nomine, in patria, in data, vel in similibus, quae non sunt de substantia, vt notat Suar. ibid.

Quarto nota, quod non sufficit exercere actum ordinis in eadem Missa ordinationis: vt Suar. loco iam adducto nu. 70. Henric. l. 3. c. 10. lit. f. cum Bartholom. Medina, Silu. Anton. & Maiolo; quamuis Nauar. & Couar. contra sentiant, quos illi recte confutant.

Quinto nota, quod cum ordinarius prohibet accedere ad ordinationem contra canones, sub poena excommunicationis latae sententiae, vix ullus potest excusari, vt dicam nu. seq.

Irregularis est, quicumque excommunicatus, suspensus, vel interdictus, saltem a receptione ordinum, suscipit ordines: c. 1. de eo qui furt. ord. suscep. & c. cum illorum, de sent. excom. & exponit Nau. c. 27. n. 241. Tol. l. 1. c. 71. nu. 1. Et item qui eodem die suscipit minores ordines, & subdiaconatum, c. 2. de eo qui furt. ord. suscep. Tol. loc. cit. nu. 5. & addit non excusare a censura contrariam consuetudinem, quia sublata fuit a Concilio: sed Suar. disp. 31. sect. 1. nu. 41. propter declarationem Congreg. putat excusare, illique fauet Ant. 3. p. tit. 14. c. 16. §. 16.

Præterea non licet eodem die suscipere duos ordines sacros, iuxta c. 2. de eo qui furtiue & Trid. sess. 23. c. 13. de reformatione esset suspensus ipso facto; vt probat Suar. d. nu. 41. Et Nauar. improprie dicit esse irregularem. Adde etiam furtiue ordinatum esse irregularem, c. innotuit, de eo qui furt. ord. suscep. & Nau. c. 25. nu. 70. & conf. 97. de simo. Tolet. l. 1. c. 71. nu. 1. Suar. disp. 42. sect. 3. num. 5. similiter irregularis est, iterans ordinem susceptum, secundum aliquos, sed oppositum tenet Suar. cum Scot. Palud. Gabr. & Couar. in Clem. furiosus, in princ. qui alios citat.

Nota primum, non esse licitum suscipere ordines minores, eodem die cum prima tonsura, vt Silu. ordo 2. q. 7. §. 3. Henric. l. 10. c. 11. in fin. nisi obstat contraria consuetudo, vel dispensatio Episcopi; nam Conc. Trid. sess. 23. c. 11. de refor. id arbitrio Episcopi committit, Suar. disp. 31. sect. 1. nu. 43.

Secundò nota, quòd qui sine licentia in minoribus suscipiendis non seruat interstitia temporum, nullam incurrit censuram, vt notat Suar. loco cit.

Tertiò nota, non licere post prandium minores ordines conferre, vt probat Silu. ordo 2. q. 6. §. 4. Ang. ordo 5. 2. 5. Tabie. ordo 2. q. 3. Arm. ordo. §. 7. cum Vgone & alijs.

Quartò nota, aliquos Episcopos excommunicationem latæ sententiæ in ordinatione infligere aduersus improbè accedentes, vt Nau. c. 25. nu. 70. quæ ligat etiam exemptos; vt probat Henric. l. 10. c. 20. nu. 2. Verùm non expedit tales excommunicare ipso facto, vt notat idem nu. 1. lit. d. quapropter in nouo pontificali est solùm comminatoria, vt obseruat Suar. disp. 42. sect. 3. nu. 5.

Irregularis est ordinatus ab Episcopo, qui se abdicauit Episcopatu, quò ad locum, & dignitatem; iuxta c. 1. de ord. ab Episcopo, qui renunc. Episc. & notat Nauar. c. 27. nu. 241. Tolet. l. 1. c. 71. nu. 2. qui addit cum licentia proprii ordinarij licere à tali Episcopo minores ordines suscipere; nam prohibitio intelligitur de ordine maiori scienter ab illis suscepto, c. 1. de ord. ab Episcopo qui renunt. Episc.

Præterea est irregularis, qui ordines recipit ab Episcopo excommunicato, interdicto, suspensò, nominatim denunciato, aut notorio percussore clericis; ex c. cum clericis, eod. titul. & Nau. c. 27. nu. 241. Tol. d. c. 71. nu. 4. Suar. disp. 31. sect. 1. n. 61. An verò excusentur, qui sine sua culpa, vel coactè sic ordinantur, dubium est; quia aliqui excusant, alij verò dicunt esse suspensos, & hoc est tenendum; quoniam iura prohibent hanc ordinationem, non propter culpam ordinati, sed propter iniuriam ordinantis, vt Suar. loco cit. n. 62. & 63.

Ordinatus ab Episcopo non baptizato, non Sacerdote, vel non consecrato, non est verò ordinatus, sed tamen respectu ordinum, quos antea ritè susceperat, non est irregularis, nisi fortè ratione infamiae, vel quia exercuit fortè actum ordinis, què non habebat, vt Suar. disp. 42. sect. 3. nu. 8. Item ordinatus ab Episcopo illiterato nō est irregularis, vt ibid. probat Suar. contra Maiolum, qui lib. 4. de irreg. c. 31. contrarium docet.

Exer-

6 Exercens ordinem, quem non habet, est irregularis ex c. 1. de cler. non ord. ministr. intellige si exerceat solemniter, vt Nauar. c. 27. n. 242. Tolet. l. 1. c. 72. Suar. disp. 42. sect. 4. & 5. qui alios adducunt.

7 Suspendus est ordinatus per saltum, etiam si omisiss minoribus ordinetur, vt patet ex c. 1. de cler. per saltum promot. & declarat Nau. c. 27. nu. 242. & Tol. l. 1. c. 71. nu. 7. cum Ostien. & Silu. Nec potest talis ordinem prætermisum suscipere sine dispensatione, vt docet Nau. ibidem. Excusat tamen ignorantia probabilis, vt docet Tolet. Illud etiam adiungo, quod qui omisiss prima tonsura ordinatur, est etiam irregularis, ex sententia sacre Congreg. Conc. Trid. super c. 14. de reform. in fin. sess. 23. quamuis ex sententia Theologorum oppositum colligatur, quia nempe tenent primam tonsuram non esse ordinem, vt supra c. 7. §. 1. At verò qui ordinatur antequam suscipiat sacramentum confirmationis, non est irregularis, vt docet Nau. c. 22. nu. 9. Henric. l. 14. c. 6. §. 3. Suar. tom. 5. disp. 42. sect. 3. n. 14. & fauent plerique alij, quanquam oppositum tenet Tolet. c. 71. citato etiam Maiolo l. 4. c. 12.

8 Suspenditur item Ultramontanus, qui ordines suscipit ab Episcopo Italo sine licentia Papæ, vel proprii Episcopi, causam in literis exprimentis, cur ipse non ordinauerit, iuxta c. 1. de rector. ord. in 6. quod non habet locum etiam in minoribus ordinibus, vt Suar. disp. 31. sect. 1. nu. 19. contra Nauar. non tamen in prima tonsura; sed tutius Henric. ad illam etiam extendit l. 13. c. 38. nu. 1. lege plura apud Tolet. l. 1. c. 48. nu. 1. Ang. v. irregularitas p. §. 32. Silu. v. ordo. 3. quæst. 4. & irregularitas. quæst. 9. Arm. cod. §. 81.

9 Ordinatus ordine sacro cum titulo ficto, & e mentito, olim erat suspensus, iuxta c. sanctorum, & c. neminem, d. 70. sed aliqui censent sublatam postea fuisse illam penam suspensionis per c. cum secundum Apostolum, de præben. & c. si Episcopus. eod. tit. lib. 6. Neque obstare putant Conc. Trid. sess. 21. c. 2. de refor. vbi renouat in hoc antiquos canones, quia scilicet renouat iuxta dispositionem d. c. cum secundum Apostolum, vt declarauit sacra Congregatio, & hanc opinionem sequitur Tolet. l. 1. c. 48. & Henric. l. 13. c. 37.

Nec etiam obstat constitutio Sixti Quinti aduersus male promotos, quia fuit quò ad hoc reuocata à Clemente VIII. attamen Nauar. c. 27. nu. 158. & conf. 45. de temp. ord. tenet esse suspensum illum, qui in hac re aliquo dolo, vel fraude vitur,

& ad

& ad hanc sententiam accedit Suar. disp. 31. sect. 1. num. 35.

Pro resolutione dico primùm, certum esse, quòd qui sincerè confitetur, se non habere titulum, & nihilominus Episcopus illum ordinat; talis non est suspensus, quia sic videtur se obligare ad alendum illum, iuxta dictum cap. cùm secundùm Apostolum. & fateretur Suar. nu. 33. Est autem titulus triplex ordinandorum, nempe beneficij, patrimonij, & professionis solemnis in Religione approbata; ad quam reducitur titulus Societatis I E S V, in ea enim qui post biennium probationis, emittunt tria vota simplicia, possunt ex priuilegio ordinari, non obstante constit. Pij V. vt concessit Greg. XII. vt notat Henric. d. c. 31. §. 1. & Suar. loco cit. nu. 38. Secundò, dico in aliquibus casibus, qui dolo, & fraude, siue titulo suscipit ordines sacros, est suspensus. Primùm, si cum Episcopo, vel cum eo, qui illum præsenter ad ordines, paciscitur, & se obligat ad nunquam petendum alimenta, ex c. penult. de simon. Secundò, cùm quis ficto titulo patrimonij ordinatur, vel mentiendo, vel falso probando, se habere quod non habet, vel plus habere, quàm habet, quod tamen non sufficit ad sustentationem: vel cùm fingit sibi factam donationem, vel promittit nunquam se donata alimenta petiturum, talis est suspensus secundùm Nauar. c. 27. num. 158. ex c. penult. de simon. propter paritatem rationis. Sed tamen hæc ratio non vrget, quia est casus longè diuersus; ideò probatur efficacius ex vi antiquorum Canonum, qui non sunt reuocati quòd ad has personas, sed manent in suo vigore, vt prosequitur Nau. conf. 45. de temp. ord. & Suar. loco citato, nu. 35.

Tertiò suspensus est, qui cum ficto titulo literas dimissorias obtinuit à proprio Episcopo, & si per eas ordinetur, duplicem suspensionem incurrit; vnā, quia ordinatur sine validis dimissorijs; alteram, quia sine iusto titulo, vt Suar. nu. 36. quam Nau. excuset talem à priori suspensione, cùm renuntiat titulo ante ordinationem, eo quòd illa renuntiatio sit invalida: sed tutior est sententia Suarez, quia huiusmodi literę sunt subreptitię, & contra iustam Episcopi voluntatem: nam si id sciret, non daret illam facultatem. Ex quo fit, vt in absolutione petenda hæc causa distinctè aperienda sit.

Quartò, qui post ordinationem renuntiat beneficium, aut patrimonium, ad cuius titulum est ordinatus, peccat mortaliter; non tamen incurrit suspensionem, nec aliam pœnam de iure communi, quia nulla talis extat, vt Suarez. qui præterea
notat

notat ex verbis Concilij Trid. sess. 21. cap. 2. colligi dictam renuntiationem beneficij esse inualidam, patrimonij verò solum prohibitam.

Quintò, qui sine titulo initiatus est subdiaconatu, vel diaconatu, non potest sine nouo titulo promoueri ad sacerdotiũ, quia iura in omni sacro ordine id prohibent distributiue, non collectiue: & ita respondit sacra Congregatio; propterea, qui aliter ordinatus fuerit, incurrit dictam suspensionem.

Sextò, illud postremo adiungo, quantitatem patrimonij, vel beneficij, ad quod quis promoueri possit, non taxari, sed relinqui arbitrio ordinarij, propter diuersitatem locorum, cum in vno sufficiat, quòd alibi non erit sufficiens; vt declarauit Cõgregatio Concilij. Præterea, cum quis non habet beneficiũ, vel patrimonium sufficiens per seipsum separatim, sed ex utroque simul coniuncto, habet sufficientem sustentationem, congregatio censuit posse ordinari; non tamen si cum insufficienti beneficio, vel patrimonio iungantur pitantiæ, eleemosynæ, annuaria, & similia emolumenta incerta, quæ ex ordinum exercitiõ obueniunt, vel lucra ex industria, aut honesto labore parta, ex sententia eiusdem sacre Congregationis: & denique multò minus hæc sufficere seorsim, in eo scilicet, qui nec beneficiũ, nec patrimonium habet, quamuis ex indu-

stria sustentari possit. Verùm hæc collegisse, sit satis.

FINIS.





